

**DUBIA REGULARIA,
SIUE ACCURATA
BREUISQUE
DISCUSSIO
DIFFICULTATUM...**

Lorenzo Portel



BIBLIOTECA NAZ.
Vittorio Emanuele III

XV

G

79

NAPOLI

XV - G - 79

50

79







D I C A T V R


OPVS SERAPHICO

P A T R I F R A N C I S C O .

N V R E Tibi, Beatissime Pa-
ter, offero Dubia Regularia.
Te enim adhuc in terris agen-
tem, pro dubiis resoluendis
consulere doctissimi mi multi,
tanquam Doctorem, non humana, sed di-
uina sapientia prorsus affluentem. Deci-
sionem tuam in re difficili litteraria petiit
doctissimus tunc Cardinalis Ostiensis,
postea Gregorius IX. Decretalium colle-
ctor, tanquam ab ore Angeli tuum re-
sponsum accipiens. Refert etiā filius tuus
D. Bonauētura cap. 11. tuæ historiæ, quod
cū in vrbe Senarum Doctor Theologus
in quæstionibus difficilibus te consuleret,
& miram tuam responsionem audiret, ad-
mirans dixit: Verè Theologia patris istius
puritate, ac contemplatione, tanquam alis
in altum subuecta, est Aquila volans, no-
stra verò scientia ventre graditur super
terram. De te denique, ô Doctor idiota,
idem Doctor Seraphicus (sed te inferior)

affirmauit, quod quamuis non haberes
litterarum sacrarum peritiam, æternæ ta-
men lucis irradiatus fulgoribus scriptu-
rarum profunda, miro intellectus scruta-
baris acumine:& myfteriorum abscondi-
ta penetrabas. Quid ergo Regularia du-
bia non tibi dicentur tanta dexteritate
dubia resoluenti, vt tua hodie maiori lu-
ce, ac sapientia irradiata patefcant? At ma-
iori alio titulo, tuum est hoc tantillum
opusculum:scitum est enim apud Docto-
res, acquisita à Monacho deberi Prælato,
ac Monasterio;sicut à seruo obtenta, sub
Domini manent reposita dominio. Acci-
pe igitur, quod tuum est, in domo tua, ab
indigno, & inutili seruo acquisitum. Et
per tua sacra vulnera precor, vt me indi-
gnum seruum tuum numero, facias co-
ram Deo in merito minimum recenseri.
Amen.

PRÆ



PRÆFATIO AD LECTOREM

REM puto notissimam apud omnes, quantum his ultimis seculis Franciscani Doctores laborauerint in Regularium privilegiis colligendis, & explicandis. Primus huic operi incubuit doctissimus Fr. Alfonsus de Cazarubias, qui varia privilegia antiquorum Pontificum sparsim, & in confusa congerie seposita multo labore collegit, ordine alphabetico disponens; propria etiam scholia inserens aliquibus locis; quod opus per Antonomaziam Mendicantium compedium dici promeruit. Secundus fuit sapientissimus Corduba Minorita, qui difficiliora loca eiusdem compendij eruditis commentariis illustravit. Tertius, Fr. Hieronymus à Sorbo Capucinus, qui

retento ordine alphabetico eiusdem compēdij, recentia Breuia Pontificia suis locis apponens, perductas etiam proprias adhibuit notationes. Quartus, fuit priuilegiarum indefessus indagator Emanuel Rodriguez, qui tribus præcipuè tomis materiam prosecutus, tot, ac tanta dixit, ut nihil videatur posse amplius desiderari. Clausit tandem opus Pater Miranda duobus tomis de eadem materia non postremis. Quorum tot, ac tantorum virorum attentis laboribus, & scholiis, & commentariis, temerariū quasi foret, aliquid addere, vel sperare nouū pro Regulariū dubiis resoluedis. Quia tamē prolixitas, multitudo, ac diffusio, intellectus electionē obnubilāt, legendi fastidiū causant, & memoriæ retentionem impediunt: in gratiam Regularium, non inutile iudicavi, imò profuturū credidi, omnia, & præcipua à prædictis omnibus Doctoribus sparsim, ac diffusè tradita in hoc breue compendium seu Manuale redigere, additis multis ex aliis

Dq

Doctōribus, meo labore collectis, quo possint à legentibus & facilius inueniri, & in memoria retineri. Omissi, fateor aliquā in illis Doctōribus contenta, quæ, quāuis docta, & erudita, directè tamē, & necessario ad intentū Monasticum compēdiosum non inseruiunt; ut in aliquibus prædictis Doctōribus digito possem ostendere: cum multas quæstiones disputāt, vel Regularibus non omnino necessarias; vel ita prolixè, ac diffusè positas, ut multò paucioribus verbis, & possent resolui, & facilius penetrari. Et huius rei testes, ac iudices ipsos legētes appello. Adde, quod non omnes, tot, ac tam grādes libros possunt emere, nec perlegere: neque in tam ampla segete, vel area granū purum colligere. Quāuis autem ut plurimum compendij breuitatem profiteor: in aliquibus tamen, sed paucis, compēdij limites transilio, coactus vel rei necessitate, vel nouitate, vel contradictione. Huiusmodi est quæstio de Abbatisa vidua, de Indulgentiis reuocatis, &

aliis paucis, ob causas prædictas, in quibus tantisper à compendio digredior ob causas proximè dictas. Imò, & vt plurimum timens illud, brevis esse laboro, obscurus fio: ferè ratiunculas appono, semper tamen compendij breuitati intendens. Sed medium tenere quis poterit, vt, & prolixitatem, & ieiunitatem vitans, medium purum attingat? Cogita, Lector, quòd magnæ urbes non possunt sine defectu in vngue solo depingi: parce igitur rudi pictori in tam parua materia tantam priuilegiorum, & materialium copiam delineanti. Si autem hanc breuitatem pertæsus, respueris: consule illos quinque Doctores fontes irriguos, latèque fluentes, in quorum latissimis libris fusè poteris euagari. *VALE.*

Alia Dedicatio, & Præfatio pro
Additionibus.

DEDI

DEDICATVR
OPVS ADDITIONVM


Diuo Antonio Paduano:

SOLENT, vt plurimùm, librorum Authores opera sua dicare alicui personę insigni, tamquam patrono, cuius potentia, fauore, & auxiliis protegantur, tum à linguis mordentium, tum à cæteris hominum, ac temporum calumniis occurrentibus. Ego personam insignem, cui fidam non habeo: & ferè cum languido illo piscinæ vellem verè dicere, hominem non habeo, neque ad hoc intentum volo habere. Te solum Beatissime Antoni habere cuperem, & ob causas duas sequentes habiturum me confido. Notissima est tua prærogatiua, seu intercessio particularis, per quam tamquam Patronus communis inuocaris ab omnibus, non solum, vt res iam perditæ compareant; sed etiam ne perdantur in periculoso itinere, nè in aliis periculis pereant: idque cum prospero passim euentu, vt fatentur, & experian-

tur etiam aliquando infideles, & barbari,
maximè in uostra India Orientali: in qua
ut à personis fide dignis accepi, etiam in-
fidelibus te pro rebus perditis inuocanti-
bus, sæpius easdem res amissas restituis.
Præterea hoc opus, licet tantillum, (quan-
tum bene scio) res est Patris tui, ac nostri
Francisci, cum sit serui Religionis illius,
pro qua tu in illius exordio tamquam ze-
lator indefessus multa satis, ac dura susti-
nuisti. Ob has igitur causas, quia scilicet
rerum amissarum reparatores, vel eisdem
ne perdantur inuigilas; tum quia opus
Patris tui est, seu Religionis ipsius; tam
opus, quàm Author operis tuo patrocínio
commendatur, & committuntur, ne pe-
reant. Ut qui, aliquando, etiam rebus in-
fidelium custodiendis assistis, hoc etiam
opus & eius Authorem, Diuino benefi-
cio Catholicum, ac de te bene speran-
tem, tuo solito patrocínio tuearis.

AMEN.

PRÆ



P R Æ F A T I O A D L E C T O R E M.

In operi adiunctas Additiones.

EX dictis à Theologis in materia de Angelis, cōstat, quòd licet Angeli in sua prima ceratione receperint à Deo species intelligibiles infusas, per quas poterant intelligere omnia individua naturalia creata, illorúmque proprietates : nihilominus per tales species non aduerterunt, neque discursu formarunt simul circa omnia illa obiecta naturalia per illas species representata ; ita ut unica vice, seu intuitu simul cognosceret omnia in illis representata. Fortassis enim, viribus tantum naturalibus unico intuitu non poterant aduertere ad tam multam, ac tam variam cognoscibilium multitudinem. Id ergo fecerunt per intervalla ; & discursu temporis , utentes prædictis speciebus ad libitum pro rebus quarum cognitioni se applicabant. Si verò hoc Angelis contigit habentibus species tam excellentes congenitas , ut non omnia simul aduerterent, non omnia simul intelligerent : quid mirum si miser

ser homo carens talibus speciebus, & pauculas,
& confusas à rebus creatis magno cum labore
emendicans, non simul cognoscat, non simul ad-
uertat omnia concernentia materiam, de qua
disputationem suscepit? Hac de causa multi, &
graues Doctores post primam libri alicuius Im-
pressionem, secundam auctiorem addiderunt,
etiam cum titulo Additionum, ut qua postea si-
bi occurrerunt, pro bono communi publicarent.
Fecit hoc inter alios nuper noster doctissimus
Rodriguez, qui ad priorem Summam moralem,
quam prius sufficientem credidit, postea duos
tomos addidit sub titulo Additionum. Hoc
idem mihi contigit. Feci, ut potui, in prima edi-
tione, Summam Dubiorum Regularium, maxi-
mè circa priuilegia Pontificia, quam pro tunc
sufficietem credidi; postea scini illam aliquibus
visam fuisse nimis ieiunam, seu plus debito
succinctam, ne dicam in aliquibus speratis mæ-
cam. Scio etiam multis illam non displicuisse;
adeò ut mihi certò constiterit illius prima edi-
tionis Impressionem secundo intentari, vel pa-
tori in alio Regno. Alij fortè, (quod ignoro) irri-
serunt, quorum nihil timeo. Sed potius, ut om-
nibus morem geram, & meis Fratribus Religio-
sis obsequar, antiqui compendij forma insistent:
hanc secundam editionem publicare decreui,
sub titulo, Additionum ad prædicta, & antiqua
dubia

*dubia Regularia. Quamvis autem in illo priori
tomo posita sint potiora, & frequentiora Dubia
Regularia: in hoc secundo, ut puto, non conti-
nentur inania, neque parua, sed valde utilia,
& necessaria, & eisdem Religiosis satis insor-
uiant: Supposito verò, quod certò scio, impossibile
esse me omnibus placiturum. Hoc tantum dico,
quòd qui hac, & priori editione non fuerit con-
tentus, unum eligat ex duobus: ut vel spatiosos
tomos adeat Rodriguez, Miranda, & aliorum
multorum, sicut dixi in prima editione, si fortè
cum illis quietus, & contentus maneat. Vel se-
cundò aliam recopilationem talium dubiorum
edat, & promulget ad glóriam Dei, & Religio-
forum obsequium: pro qua ego gratias agam; &
utraque manu, sicut dicit adagium, tamquam
discipulus libenter amplectar.*

VALE.

LICEN

L I C E N T I A.

Librum, in quo *Dubia Regularia*, *singulari eruditione resoluta*, continentur, compositum à doctissimo Patre Fratre Laurentio de Portel, sacri Ordinis Seraphici Patris Francisci professore, ea diligentia qua potui perlegi, nihilque in eo reperi Sanctæ Romane Ecclesiæ fidei contrarium, aut Reipubl. offensivum, quin potius multis argumentis dignissimus est, quod Typis excudatur, ad communem omnium Religiosorum utilitatem, & instructionem. Habet enim quamplurima documenta egregia, quæ ex sententiis Patrum, diversorumque Authorum, quasi in vnam catenam contextis, pulchro artificio coaptavit. In Monasterio D. Bernardi, 7. Februarij, Anno 1618.

Fr. Melchior de Abreu.

Idem censuit Fr. Vincentius à Resurrectione, 15. Martij 1618. & Fr. Ioannes à Septa Lector Theologiæ, 16. Cal. Ianuar.

Frater Emanuel ab Angelis Algarbiorum Prouincia in Lusitania Prouincialis Minister & seruus. Reuerendo admodum Fr. Laurentio de Portel eiusdem Prouincia meritissimo Patri & alumno, salutem & pacem in Domino sempiternam Cum muneris & officij nostri sit, non tantum prosequi amore eos qui ex nostris pro Dei Ecclesia in honorem Religionis Seraphica laborant, scribendo, & in lucem edendo opera praeclara sui ingenij, verum etiam eis modis omnibus fauere. Per presentes facultatem tibi concedo, ut typis mandare possis librum, quendam à te elaboratum, cui titulus est, *Dubia Regularia* vtriusque fori tam ad subditos, quam ad Praelatos attinentia. Quod quidem opus, spero & communi
Re

Religiosorum, & aliorum utilitati maximè profuturum
esse. Dat. in nostro Conuentu Deipara Virginis de Enxabre-
gas, die 27. Ianuarij, anno à Christo nato 1618.

Fr. Emanuel ab Angelis, Minist. Prouinc.

EÆdem facultates, præmissis Doctorum Approba-
tionibus, concessæ sunt pro *Additionibus* postea edi-
tis anno 1623. Habetur namque in illius editio-
nis vestibulo, Approbatio Fr. Francisci Olyssiponensis,
& licentia Ministri Prouincialis F. Ioannis Olyssiponen-
sis, vtraque data anno 1621. Item Approbatio Doctorum
Foliciani Moutel, & Georgij Cabral: ac licentia ordinarij,
& Inquisitionis, ac Regionem Ministrorum. Sed quod hæ
facultates & Approbationes, similes planè sint iis quas hic
damus, non est visum illas hîc apponere.

QUod Author opus suum gemina fœtura editum
variis Diuis nuncupatum voluerit; nos tamen
in vnicum volumen omnia compegerimus, nullum Tut-
larium Diuorum honore suo fraudatum volumus. Itaque
hanc quoque secundam nuncupationem, adiungere, ope-
ræpretium duximus.

A P P R O B A T I O.

ET utilis multis est & erit tractatus iste qui *Dubia Regularia* proponit, ita & utiliter, in multorumque commodum in Galliis prodire poterit in lucem, sicut & alibi prodiit. At verò nihil absurdum dicit. Ita testor, & censeo. Lugduni 23 Februarij, 1628.

Fr. Robertus Berthelot Episc. Damasc.


L I C E N T I A.

Fratris Laurentij de Portel *Dubia Regularia* per *Compendium* resoluta, quæ iam in lucem prodire sumptibus Gregorij Rodriguez Bibliopola Olysiptensis, prelo hac in urbe subiici Laurentij Durand impensis, ego Regis in Lugdunensi Præfectura, Consiliarius & Procurator non impedio. Die 25. Februarij, 1628.

P V G E T.

Permittitur impensis Laurentij Durand Bibliopolæ Lugdunensis prelo subiicere *Dubia Regularia* per *Compendium* resoluta à Fratre Laurentio de Portel. Factum. die 29. Mensis Februarij 1628.

A V S T R E M.



D V B I A
REGVLARIVM
VTRIVSQUE
F O R I.

ABBAS, PRIOR, G V A R D I A N V S,
& similes Superiores Conuentuales.

*Vide infra ver. Benedicere; ver. Dispensare;
& ver. Pralatus.*



I Omnes possunt sibi subditos excommunicare. *cap. cum in Ecclesiis. extra, de maioritat. & obedientia. Sor. in 4. dist. 22. quest. 2. artic. 1. & est communis, etiamsi sit Rector Collegij. Henriquez tom. 2. lib. 13. cap. 24.* Habent enim iurisdictionem fori externi & conuocant ad Capitulum. Minorita Guardianus in tribus casibus prohibetur excommunicare, videat sua statuta generalia verbo *Excommunicatio.*

2 Abbas Benedictinus confert ordines Minores suis subditis. *c. quoniam. dist. 19.* Et Iulius II. *Bulla 25.* Neque hoc reuocatur in Conc. Trident. *sess. 23. cap. 10.* pro suis subditis, sed pro aliis.

Vide infra ver. Tridentinum Concil. titulo sess. 23.

3 Abbates Cistercienses possunt consecrare altare cum

A

oleo sacro. Rodrig. *tom. 3. Addit. Sum. cap. 19. num. 1. seu conclus. 2.*

4 Patres Societatis Iesu in Indiis consecrant calices, Henric. *tom. 2. lib. 9. c. 2. n. 1. lit. H gloss.*

5 Nomine *Monachi* in fauorabilibus intelligitur Abbas, non tamen in odiosis. Nauar. *lib. 3. consil. tit. de Regularibus consilio 75. dub. 15.* Similiter nomine *Monachi* in odiosis non intelligitur Canonicus Regularis, bene tamen in fauorabilibus. Nauar. *Commentar. 1. de Reg. n. 8.*

6 Prior Dominicanus, & proinde communicantes habent erga suos subditos in foro conscientiae tantum, & per se ipsos tamen, omnem auctoritatem absoluedi, & dispensandi, quam habent Episcopi erga suos subditos: quae est magna concessio, facta à Pio V. Habetur in Bullario Rodrig. *fol. 920.* Et idem concessit Gregor. XIII Fratribus Sancti Bernard. in Hispan. illorum Comp. pend. ver. *Absolutio quo ad fratres. §. 11.* Excipit tamen ibi haeresim, & homicidium voluntarium, sed concessio Pij V. nihil excipit.

7 Neque hi praelati conuentuales, imò nec Generalis Ordinis, possunt dare professionem Nouitio, qui non habet pro se maiorem partem communitatis suffragantem. Et si contra fecerint, professio est nulla. Nauar. *lib. 3. consil. tit. de Regular. consil. 62.* Mirand. *tom. 1. quæst. 15. artic. 2.* Ludouicus Beia in 4 *par. resp. moral. casu 7. §. quarto quia.* Si verò Rodrig. oppositum dixit in *Sum. ver. Nouitius cap. 8. num. 8.* de hoc se retractat *tom. 3. questionar. quæst. 17. art. 7. & artic. 3. eiusdem quæstionis. §. aut nullitas.*

8 Omnes Prælati Conuentuales, etiam Guardiani, possunt esse Iudices conseruatores, si eligantur. Habent enim omnes dignitatem Ecclesiasticam. Rodrig. *1. tomo questionar. quæst. 65. art. 3.*

9 Hi omnes possunt seipsos licentiaré, seu uti omnibus illis licentiis, & quasi dispensationibus, quas possunt concedere subditis, Miranda *tom. 1. quæst. 19. art. 7. ex Corduba, & Caet. & Sanchez lib. 8. de Matr. disput. 3. concl. 4.* ubi probat posse Prælatos conuentuales secum dispensare in illis in quibus dispensant cum subditis.

vis. Licet verò de his prælatis dicatur communiter quod possunt eligere sibi Confessorem eiusdem Ordinis: aduertit *Rodr. Addit. Sum. 2. par. cap. 67.* quod non potest esse talis electus Sacerdos simplex, sed oportet ut sit approbatus à superiore potente approbare, & citat ad hoc declarationem Cardinalium.

10 Hi omnes absque licentia Prouincialis possunt dare licentiam suis subditis ut possint esse testes, & iurare coram iudice sæculari, vel ecclesiastico. *Rodr. tom. 2. questionar. quest. 10. art. 4. & 5.* Si verò subditi iurent absque licentia, testimonium valet: quidquid sit de suo peccato. *Rodrig. Addit. Sum. 2. par. cap. 151. num. 2.*

11 Possunt hi omnes dare licentiam suis subditis ut in die festo instante necessitate laborent manibus, tanquam prælati illorum. *Azor. tom. 2. libr. 1. cap. 28. quest. 5.* Hoc tamen non possunt concedere sæcularibus etiam seruitoribus suis, quia non sunt prælati illorum.


12 Vtrum hi Prælati, & illorum superiores possint subditos in foro conscientie absolvere à casibus Bullæ Cœnæ, variant Doctores. Negat Sayrus *lib. 3. de censur. capit. 25. numer. 5.* & alij multi dicentes priuilegia Regularium reuocari in Bulla Cœnæ, & alibi. Sed quod possint (exceptis quatuor vel quinque) tenet *Rodrig. tom. 1. questionar. quest. 20. articul. 9.* dicens sic responsum esse ab aliquibus Doctoribus Salmanticensibus. Idem repetit in *Addit. Sum. prima parte c. 6. num. 3.* dicens ita concessum esse à Gregorio XIII. Generali, & Commissario Generali Minorum: & proinde iuxta *Rodriguez* saltem hi possunt. Tenet cum *Rodr. Vega* *Minimus 1. par. Sum. cap. 49. casu 1.* Ambo tamen excipiunt hos casus: hæresim, schismaticum, falsificantes litteras Papæ, & portantes arma ad infideles. Et quintò excipit *Rodrig. proximè citato loco Summa* conspiracyonem factam contra Papam, & manus violentas contra Prælatum. In hac questione *Suarez tom. de censur. disput. 21. sect. 3. num. 4.* ait attentam Bullam Cœnæ Sixti V. & Clemēt. VIII. solum reuocari priuilegia absoluendi in generali à casibus prædictæ Bullæ: non verò reuocari ea priuilegia quæ in specie concedunt casus Cœnæ Domini

Ut si alicui Ordini concedatur in specie absolvere pyratas, vel surripientes bona naufragii, vel alia ibi contenta. Hæc inquam innuit Suarez specificatè concessa, non reuocari. Elige quod placuerit. Et vide infra ver. *Bulla Cœnæ*.

Hoc vnum scio, quod si Procuratores Ordinum Romæ post lectam Bullam Cœnæ Domini, statim recurrunt ad D. Papam petentes novam priuilegiorum Ordinis confirmationem voce tenus vniuersalem (prout credo audiui illos facere, vel debere facere) tunc illa obtenta, nihil dubito posse Prælatos omnes absolvere subditos ab omnibus casibus Bullæ Cœnæ. Reualidatur enim priuilegium concessum à Pio V. & Gregor. XIII. supra num. 6. contentum, per quod possunt cum subditis omnia quæ possunt Episcopi cum suis: & Episcopi absque dubio in foro interno possunt absolvere à casibus Bullæ Cœnæ, ut infra dicam ver. *Episcopus*. Consonat cum hoc Collector priuilegiorum Minorum ver. *absolutio ordinaria quo ad fratres*. §. 13. *littera B. C.* & Capucinus 2. par. *Compendij* fol. 328. dum consulunt ut Procuratores Ordinum post Bullam Cœnæ publicatam petant novam confirmationem priuilegiorum: & tunc dicunt posse.

A D D I T I O.

Vide ver. Confessor à num. 13.

1  Nusquisque istorum, non solum potest excommunicare suos subditos, ut dictum est; verum etiam potest sibi seruare excommunicationem à se illis impositam per communem sententiam, quod scilicet, qui potest excommunicare, potest sibi suam excommunicationem reseruare. Suarez *de censur. disp.* 23. *sect* 1. n. 2.

2 Potest etiam quiuvis istorum suis subditis imponere veram censuram interdicti, & suspensionis. Henric. *rem.* 2. *lib.*

2. lib. 13. de excom. cap. 24. n. 3. Et ex consequenti, qui censuras violauerit manebit suspensus, & irregularis. Quod verò has duas censuras possit ferre Prælatus conuentualis, patet, quia plus est excommunicare, quàm *interdicere*: *intercedere*, vel suspendere; priuat enim excommunicatio pluribus, & maioribus bonis, quàm cæteræ censuræ: ac pròinde si Prælatus conuentualis potest subditum excommunicare, quod est maius: poterit etiam interdicere, & suspendere, quod est minus. Reg. 53. de Reg. iur. in 6. cui licet quod est plus, licet vtique quod est minus. At Parochus, siue Prior parochianus non potest suis subditis imponere aliquam ex his tribus censuris, quia caret iurisdictione fori externi, & quia teste Henric. ubi supra, hoc illis interdictum est per Concil. Trid. 3. Dixi quondam Pium V. concessisse Prouincialibus, & Prioribus Ordinis B. P. Dominici, vt erga suos subditos respectiuè per se ipsos possint omnia, quæ possunt Episcopi erga suos subditos ex concessione Concilii Tridentini sess. 24. cap. 6. de reform. dispensando scilicet cum illis & absoluendo in casibus reseruatis, irregularitate, suspensione, quando hæc sunt occulta, & non deducta ad forum contentiosum Circa hæc claritatis, & consolationis gratiâ, accipe sequentia.

1. In illis quæ ibi conceduntur Episcopo, & ad Sedem Apostolicam solent reseruari, continentur sequentia. Primò, peccata reseruata, vt simonia in beneficiis. Secundo, censuræ reseruatae, quæ sunt tres in specie, Excommunicatio, Interdictum, Suspendio. Terriò, Irregularitates. Quartò, Priuatio officiorum, vel beneficiorum iam obtentorum. Quintò, Inhabilitas, qua quis ob culpam grauem inhabilitatur ne in posterum possit aliquod officium, vel beneficium obtinere: Hæc verò tria vltima irregularitas, priuatio officiorum, & inhabilitas non sunt censuræ, sed pœnæ, & tamen Trident. citato loco concedit Episcopis illa quinque vt possint illa omnia absoluere, vel dispensare, quando sunt reseruata Sedis Apostolicæ, & sunt occulta. Quamuis autem ibi Concilium solum exprimat casus reseruatos, irregularitates, & suspensiones, & non exprimat priuationes

officiorum, & inhabilitates: tamen ibi per suspensiones intelliguntur etiam priuationes officiorum, & inhabilitas, quæ lato modo sunt suspensiones, & includuntur in verbo, *Suspensio*. Hæc enim in significatione ampla, sed vsitata, comprehendit etiam pœnas priuationis, & inhabilitatis, vt tenet Rodriguez in expositione motus proprii Pij V. de ingressu mulierum in monasteria religiosorum *num.* 34. Cum ergo Tridentinum ibi concedat Episcopis absolutionem, & dispensationem istorum quinque, sequitur, quod hæc omnia possunt Prælati Dominicani, & cum illis communicantes circa suos subditos, modo supra exposito per se scilicet, & respectiue.

2 Sed quoniam ibi Tridentinum limitat, dummodo hæc sint occulta, & non deducta ad forum contentiosum: Primò nota, non requirere Conciliū vt illa quinque, vel aliquod illorum, sint omnino occulta, ita vt à nemine sciantur. Quamuis enim ab vno, imò & à multis sint cognita, adhuc poterit Episcopus, & proinde Prælatus Regularis absolueret, vel dispensare, si non sint deducta ad forum contentiosum. Pro quo accipe sequentia.

3 Ibi delictum occultum, non intelligitur ita occultum, vt ad iudicium deferri nequeat. Sed accipitur occultum vt distinguitur contra publicum: ac proinde etiam si delictum ab aliquibus sciatur, & possit probari in iudicio, adhuc dicetur occultum, si in ratione delicti non est publicum. Erit autem publicum si in maiori parte viciniae, Collegij, vel Monasterij, vel Parochiae sit cognitum: dummodò saltem decem personæ inueniantur in illa vicinia, cæterisque congregationibus. Hæc & sequentia tradit Sánchez *l. 2. Decalog. c. 11. à n. 18. & seq. cū ibi citatis.*

4 Delictum alibi publicum, si sit occultum in loco vbi petitur absolutio, nec sit spes vt in loco publicetur, ait Sanchez contra Suarez *ibi citatum*, posse ab Episcopo absolui, vel dispensari, idque poterit Prælatus regularis. Et refert Sanchez *citato loco* sic fuisse responsum à Doctoribus Salmantic. ea de re consultis.

5 Delictum deductum ad forum contentiosum (quod prohibet Tridentinum ab Episcopo dispensari) tunc dicitur,

dicetur, quando saltem per vnum testem iam ad iudicem delatum est siue iustè, siue iniustè. Requiritur tamen vt reo sit intimata ista delatio: si enim non sit illi intimata à iudice, non dicetur eius delictum deductum ad forum contentiosum.

6 Si delinquens iam delatus ad forum contentiosum fuerit absolutus siue per veros, siue falsos testes, per sententiam absolutam diffinitiuam, non dicetur tale crimen iam impedire quin possit Episcopus, vel Prælatus regularis dispensare: e; si d poterunt dispensare, etiam si reus sit iniustè absolutus.

7 Si hoc delictum occultum, & reservatum, fuit commissum à duobus complicibus, & vnus tantum delatus est ad iudicium, alter complex non delatus, poterit absolui, si delictum non est publicum modo supra iam dicto.

8 Si tamen iam alicubi delictum deductum est ad forum contentiosum, & delinquens fugiat, iam non poterit Episcopus, vel Prælatus cum illo dispensare: quia ubicumque delictum deductum est ad iudicium, simpliciter dicitur deductum ad forum contentiosum, & proinde non potest Episcopus dispensare. Et hoc de delatione delicti ad iudicium Episcopi, siue iudicis secularis: omnia enim illa tribunalia habent verum forum contentiosum. Addit tamen Sanch. loco citato, quòd si delictum fuit delatum ad forum contentiosum, & ibi fuit punitum per sententiam, post transactam punitionem poterit Episcopus, & proinde Prælatus absolvere, dispensare, vel habilitare subditum. Et citat Armill. Guierrez, & alios. Vide infra ver. *Confessor aperiens literas Summ. Pœnitentiaria*, num. 14.

9 Nota verò quòd citato loco *Trident.* excipitur irregularitas orta ex homicidio voluntario, cuius dispensatio ibi Episcopo denegatur. Licet verò ibidem concedatur Episcopis vt possint absolvere ab hæresi occulta, multi Doctores dicunt hanc facultatem fuisse postea reuocatam à Gregor. XIII. De quo infra verb. *Episcopus*. Circa quæ duo aduerto dispensationem in irregularitate orta ex homicidio voluntario ibi negatam

Episcopis, concedi alias Prælati Religiosis erga subditos si sit occulta, non per citatam concessionem Pij V. factam Dominicanis: sed per aliam Martini V. de qua dixi in prima editione ver. *Dispensare*. & infra redibit sermo. Nota præterea quod absolutio ab hæresi ibi concessa Episcopo à Tridentino, non conceditur Prælati Ordinum per illam concessionem extensivam Pij V. qua extendit concessionem illam Tridentini circa Episcopos, ad Prælatos Dominicanos, ut tenent communiter Doctores, maxime Suarez *tom. de censur. disp. 41. sect. 2. n. 7.* & alij.

10. Quærit: Episcopus per citatam concessionem Tridentini potest absolvere ab omnibus aliis casibus Bullæ Cœnæ (excepta hæresi secundum aliquos) ut tenet inter alios Viuald. *Cædelabro in expositione Bullæ Cœnæ n. 141.* & alij: verbi gratia possunt absolvere legentes libros prohibitos, & similes delinquentes contra dictam Bullam si sint occulti. Cum ergo Pius V. illam eandem facultatem concesserit Prælati Dominicanis circa suos subditos modo supra dicto, & aliis Prælati cum eisdem communicantibus: quærit, inquam, an hi Prælati possint absolvere suos subditos à prædictis casibus Bullæ Cœnæ, excepta hæresi? Credo quod possunt in foro conscientiæ, & cum illis dispensare. Moveor primò, quia licet in Bulla Cœnæ reuocentur priuilegia Religiosorum, explicat tamen Pater Antonius Sousa Consultor sancti Officii in *Relect Bullæ Cœnæ disput. 100. numer. 2.* (licet aliud agens) quod prædicta reuocatio potest intelligi, ut non reuocentur omnes concessiones factæ ad absoluendum à prædictis casibus, & censuris absolurè; sed solum quando casus illi publici sunt: Secus si sint secreti. Nam si sint secreti, & aliàs detur priuilegium absoluendi tales casus secretos, non videntur derogari hæc priuilegia præcedentia per illam reuocationem generalem Bullæ Cœnæ, nisi quoad absolutionem in casu publico. Probat citatus Author, quoniam per regulam iuris in 6. beneficium Principis (quale est priuilegium) debet esse mansurum, & perpetuum. Et frustra Religiones peterent confirma-
tionem

tionem suorum priuilegiarum à quouis Summo Pontifice, si statim illa singulis annis deberet reuocare. At Religiosi per citatam concessionem Fij V. & per alias concessionem habent facultatem absoluendi subditos ab istis casibus reseruatis, si sint occulti: Ergo non est credendum talia priuilegia reuocari à Papa quoridie: ac proinde possunt Prælati Regulares absoluere subditos à prædictis casibus Bullæ Cœnæ, si sint occulti. Hoc idem tenet clarè Franciscus Longus Capucinus in *libr. de Casibus reseruatis à Clemente VIII. 1. part. sect. 1. art. 2.3. à num. 1. usque ad 5. fol. 63. & 64.* & ait esse probabile, Vega 1. par. Sum. cap. 49. vers. *casus reseruati casu*, 1. citans Grassis, & Morgoucio, & Rodriguez: licet ibi excipiat quatuor casus Bullæ, videlicet, hæresim, schismaticum, falsarium litterarum Papæ, & portantem arma ad infideles. Et confirmatur, quia bulla Cœnæ, non obstante sua rigorosa reuocatione non tollit quominus valeant priuilegia Bullæ Cruciatæ ad absoluendum à casibus Bullæ Cœnæ, exceptis illis qui exprimuntur in Bulla Cruciatæ, vt farentur omnes Doctores; aliàs fideles deciperentur in illius receptione, quod non est dicendum. Ergo cum priuilegia concessa Religiosis non sint minoris valoris, quàm priuilegia Cruciatæ, cum Cruciatæ non tollat priuilegia Religiosorum, iuxta communem sententiam: sequitur priuilegia Religiosorum in foro conscientie non tolli per reuocationem generalem Bullæ Cœnæ quoad casus in illa contentos si sint occulti, excepta hæresi, & proinde poterunt absoluere subditos ab illis si sint occulti, excepta hæresi.

¶ Quia verò tam crebrò facimus exceptionem absolutionis ab hæresi, dicentes, nunquam Prælatos Regulares posse absoluere subditos ab hæresi, etiam occulta: causam reddimus; nam tribunal sancti Officij habet multa priuilegia specialia, per quæ reuocantur alia priuilegia in communi concedentia absolutionem ab hæresi. Adde ex Sanches *lib. 2. Decalog. cap. 12. num. 10.* extare priuilegium, seu motum proprium Gregorij XIII. specialiter hoc prohibentem: qui motus pro-

prius ponitur ad litteram à Rodrig. *addit. ad Bullam Cruciatæ ad §. 9. num. 66. fol. 492.* quamvis (ut dicam quod sentio) prædictus motus proprius ibi positus à Rodrig. solum declarat per Bullam Cruciatæ non licere Confessoribus absoluerè ab hæresi, ut patebit legenti. Ex dictis tamen ibidem satis colligitur mens Pontificis, quod nolit hæresim absolui per quodcunque aliud priuilegium: & ita Doctores communiter asserunt. Vide quæ dixi supra in 1. *Editione* hoc eodem ver. *Abbas*. In Bullario Rodrig. *fol. 816.* ponitur concessio per quam Paul. III. concessit Abbatibus, Prioribus, Præfidentibus, & aliis Prælati congregationis sancti Benedicti Valisoleiani: *Ut annis singulis prima die Luna Quadragesima omnes, & singulas utriusque sexus personas Religiosas, ac Donatos, & Eremitas præfata congregationis sub eorum cura existentes possint absoluerè ab omnibus peccatis, & censuris, & pœnis pro tempore incurfis, etiam in casibus quantumcumque Sedi Apostolica reſeruatis, prout iam ista facultate vsi fuerunt: & attento quòd absolutio ista est pro foro conscientia tantum, & pro personis Religiosis.* Sic ibi. Nota omnia verba: est enim ampla, & magna concessio, licet pro vna tantum die duret. Sed nullum casum excipit, & potest hoc inferuire etiam ad supradicta. Verum hæc concessio fortè amplius in sequentibus explicabitur.

A B B A T I S S A,

Priorissa.

- 1 **N**on imponit præceptum spirituale Monialibus, caret enim potestate Ecclesiastica. Imponit tamen præceptum ciuile: & in materia graui tanquam mater familias obligat ad mortale pro bono graui Conuentus. *Sot. in 4. dist. 20. quest. 1. art. 4. cum communi.*
- 2 Vota Monialium non dispensat, neque commutat: validè tamen irritat sicut mater carnalis erga filiam. *Rodrig. tom. 1. question. quest. 25. art. 7.* Neque peccat vota irritans sine causa, si illa facta sunt absque illius licentia

Abbatissa, Priorissa.

II

centia : secus si facta sunt de illius licentia , prout infra ver. *vorum.*

3 Ut possit eligi Abbatissa debet habere 40. annos ætatis, & 8. professionis cum vita laudabili. Si verò talis non reperitur in illo Conuentu, sitque inconueniens extraneam adducere, potest eligi alia eiusdem Conuentus quæ sit ætatis annorum supra triginta, & quinque professionis. Tridentin. *sess. 25. capit. 7. de Regular.*

4 Abbatissæ quæ sunt Cistercienses, & Sanctæ Claræ durant solum per triennium, quo finito non possunt continuare. Gregor. XIII. in Bulla propria, & Sixtus V. in alia anno 1587. At Gregor. XIII. pro sola Italia id præcepit circa omnes Abbatissas. Et Sixtus V. pro solis Abbatissis Sanctæ Claræ. Vnde notat Rodrig. *Addit. Sum. tom. 3. c. 3. num. 6.* posse extra Italiam Abbatissas non Claristas finito triennio continuari, & reelegi.

In Portugallia verò Abbatissæ S. Claræ in Prouincia Algarbiorum, & Portugalliæ debent vacare per sex annos prout Paulus V. speciali Bulla decreuit, quam ego vidi. Et intra sexennium reeligari non possunt.

5 In electione Abbatissæ non potest dare suffragium nisi Monialis habuerit tres annos habitus, vel circa. Compend. ver. *Abbatissa. §. 5.* loquitur tamen solum de Abbatissa S. Claræ, & cum hoc non sit statutum Ordinis sed Bulla Papæ, in hoc non poterit dispensare nisi qui potest dispensare in Bullis Pontificiis. At per statuta Generalia Franciscana Romæ anno 1612. non potest suffragium dare in electione Abbatissæ nisi habuerit quatuor annos professionis.

6 Potest eligi Abbatissa descendens ex Iudæis, hæreticis, &c. Item illegitima, idque sine dispensatione. Miranda *tom. 1. quest. 6. de Monial. art. 2. & 3.* Quod si dispensatio necessaria foret, possunt illarum Prælati dispensare. *ibidem* : & Rodrig. *tom. 1. quest. 10. art. 21. & 22. & quest. 14. art. 14.*

7 Abbatissa admittens sæculares intra clausuram indebitè, si illos admittit virtute licentiarum Papalium reuocatarum per Gregor. XIII. Sixtum V. & alios, peccat mortaliter, & incurrit cæteras penas ibi con-

tentis.

tenas. Si verò Abbatissa, vel Monialis alia admittat intra clausuram seculares indebitè, non virtute prædictarum Bullarum, sed ad libitum; peccant mortaliter, sed non incurrunt excommunicationem, neque alias pœnas, neque manent priuata officiiis Rodrig. tom. 1. *questionar. quest. 47. artic. 1. § observa etiam.* & Miranda tom. 1. *quest. 2. de Monial. artic. 10. conclus. 1.*

8 Non obstante quod Sixtus V. citata sua Bulla de triennio Abbatissæ dicat, non posse fieri Vicariam illam quæ desit esse Abbatissa in illo triennio, neque habere aliud officium regiminis, si tamen usus obtinuit ut finito officio, Abbatissæ fiant Vicariæ, vel quid simile, potest tolerari, & tale regimen obtinere infra Abbatissam. Rodrig. *Addit. ad Sum. tom. 3. c. 3. concl. 7.* & hic usus introductus est in Prouincia Algarbiorum in Portugallia, vbi vidi hoc bis fieri.

9 In electione Abbatissæ suffragium dare potest Prælatus ordinarius præses electionis, ut Prouincialis, & similes superiores: sunt enim caput illius communitatis, & Prælati cum Monialibus faciunt vnum corpus morale ad eligendum. Probatum ex praxi multorum Episcoporum suffragantium in electionibus suarum Abbatissarum ut pro certo scio in hoc Regno Portugalliae, & facit exemplum in Ordine Minorum: nam illorum Generalis eo quod per Bullam Apostolicam est Prælatus Tertiariarum viuientium in Congregatione, quando præsidet in electionibus Tertiariarum habet suffragium verè sicut Prælatus, licet Tertiarij sint alterius Ordinis: ergo à simili licet Moniales sint alterius Ordinis, & sexus, id non prohibet quin illarum Prælatus in illarum electionibus suffragetur. Dixi *Prælatus ordinarius*, quia si præses electionis sit delegatus, vel Commissarius, tale suffragium non habet, quia in rigore non est Prælatus ordinarius.

10 Abbatissa prima fundatrix alicuius Conuentus potest continuari in officio Abbatissæ per viginti annos apud Claristas. Miranda in *expositione Reg. S. Clarae*. & *statuta S. Clarae*. Mirand. *citata expositione fol. 190.* potest etiam extendi ultra triennium illa Abbatissa quæ
non

non fit per electionem, sed per præsentationem; vel, si est præses fœminarum non Monialium, vulgo, *das Donas*. Rodrig. *cit. c. 3. n. 6.*

Vide infra ver. *Moniales, n. 1.*

AN MONIALIS QUÆ FUIT
vidua, possit esse Abbatissa.

TO T A dubitatio est an Monialis non virgo, seu vidua, possit esse Abbatissa, in Conuentu vbi non est mos vt consecrentur velo virginittis? Absolutè negat Miranda *tom. 1. quest. 7. de Monial. art. 6.* negauit olim Rodrig. *2. locis question. Reg. m. x cit. is*, citat Miranda multa *cap. & gloss. iuris*, multis item DD. de quo infra. Et hanc totam rationem afferunt, quia si licet non bene potest hortari ad virginittatem illa vidua quæ virginittatem non seruauit

Posse tamen viduam fieri Abbatissam tenet Rodr. *Addit. ad Summ. tom. 3 cap. 3. ver. Abbatissa num. 9.* vbi retractat se de opposito quod tenuerat in *question. Regular. tom. 1. quest. 64. artic. 4. & tomo 2. quest. 54. art. 3.* & citato loco *Sum.* ait videre se praxim in oppositum per quam viduæ fiunt Abbatissæ. Hoc etiam innuit clarè Comitolus in *Respons. Moral. lib. 4. quest. 9.* vbi cùm distinguat quinque vela Monialium, professionis scilicet, virginittatis, prælationis, ordinationis, &c. ait fœminam non virginem intrantem Ordinem, omnia vela posse suscipere excepto velo virginittatis: & proinde concedit clarè posse habere velum prælationis, quod est Abbatissæ. Idem innuit ea de causa, Syluest. *ver. consecratio virginum.* Et non dissentit *glos. cap. illud autem 20. question. 1. ver. velamen.* Et alij DD. dùm loquentes de quinque velis Monialium solùm dicunt non posse velari velo virginum, illam quæ est non virgo: & proinde sentiunt posse non virginem velari velo prælationis. Denique huic sententiæ subscripsit, & scripto firmavit P. Fr. Suarez dum viueret, cuius subscriptionem

nem retineo, in qua dicit, neque esse de iure diuino, neque naturali, neque Ecclesiastico quod Abbatissa sit
1410.

Potest afferri tex. pro hac sententia: nam *cap. nemo presbyter. dist. 78.* sic habetur: *Nemo inter Diaconissas consecratur, qua minor sit 40. annis, vel ad secundum matrimonium peruenerit.* Vbi, si per Diaconissam intelligitur Abbatissa, ut Miranda, & alij volunt, cum exceptio firmet regulam, & ibi excipitur à Diaconissa illa solum quæ bis nupsit: sequitur non excipi ab Abbatissa illam quæ semel nupsit: & sic non est inauditum in iure quod vidua sit Abbatissa. Secundò probatur, quia Concil. Triden. *sess. 25. de Regular. cap. 7.* ubi ex professio ponit qualitates eligendæ in Abbatissam; solum ponit illas quæ sunt posita supra *num. 3.* & nihil loquitur de virginitate: quod utique debuit exprimere, si virginitas requireretur. Imò ibidē citat Concilium iura antiqua ad marginem in quibus continentur qualitates Abbatissæ ibi expressæ à Concilio: & non citat aliquem textum pro virginitate: qualis inter alia citatur à contrariis, *cap. iuuenículas, de quo infra. 3.* Ratio congruens suadet, quod aliàs benemeritæ viduæ non excludantur ab hoc officio; ne fortè suboriat murmur quod reiiciantur, sicut olim *Athor. 6.* factum est murmur Græcorum eò quòd viduæ illorum despicerentur in ministerio: Dixi *aliàs benemeritæ*: imò aliquando magis emeritæ, quia viduæ cæteris paribus callent melius regimen domus ob praxim quam ante habuerunt, qua carent ut plurimum Moniales virgines, aliquando conuentum septennēs ingressæ: imò & viduæ expertæ, & pertasæ vanitates sæculi ex accidente plus illas abominantur.

Ut verò ultimam rationem adducam, suppono ut certissimum ex Doctoribus Theologis & Canonistis, quod lex etiam Papalis tolli potest per contrarium vsum, ut fit quotidie. Et ad hoc, aliqui dicunt sufficere decennium; aliqui dicunt sufficere aliquando attentis circumstantiis tempus breuius quàm decennium. Qui verò tempus amplius extendunt, dicunt per 40. annos sufficientissimè legem tolli per contrarium vsum.

Vide

Vide inter alios Suarez *tom. de legibus, libr. 4. cap. 16. à num. 9.* Hoc posito contendo probare quod dato & non concessio, quod aliqua lex canonica prohibuit viduam fieri Abbatissam, talis lex est abrogata per contrarium usum, & praxim multis ab hinc sæculis. Afferro triginta exempla pro diuersis ætatibus: & ex libr. mox citandis vidi 23. viduas Abbatissas, quarum omnia nomina breuitatis gratia si omittam videat qui voluerit citatis modò locis, quæ omnes Abbatissæ fuerunt viduæ, vel coniugatæ. Ergo Surius *tom. 1. fol. 375.* ponit Leam. & *tom. 1. fol. 715.* ponit Paulam. & *tom. 4. fol. 673.* Athanasiam. Bern. de Brito in *Chronica Cister. fol. 366.* ponit Vrracam, & *fol. 450.* ponit aliam. Baron. in *Calenda. 9. O Hob.* ponit Publicam. Heribertus *de vitis patrum. fol. 893.* ponit Damianam. Arnoldus *lib. de ligno vite. seu ordine S. Benedicti tom. 2. lib. 4. cap. 3.* ponit vnā *cap. 4.* ponit duas. & *cap. 14.* ponit quinque. & *cap. 15.* ponit duas. & *cap. 29.* ponit vnā. & *cap. 36.* ponit vnā & *cap. 37.* ponit aliam, & *cap. 39.* ponit duas, quarum nomina vide ibi. Tricemius *lib. 3. de viris illustribus Ordin. S. Benedicti c. 38.* ponit vnā. Carrilus in *lib. foundationis Capucinarum Madriti fol. 58.* ponit vnā, & sic sunt viginti quatuor, & in Portugallia recenter in Conuentu Mattis Dei Olysiponens. quinquaginta ab hinc annis fuerunt tres viduæ Abbatissæ, & in Conuentu de Sacauem duæ, & hodie quando hoc scribo Olysipone in Conuentu sanctissimæ Eucharistiæ Dominicano est alia Comitissa olim do Vimioso, vltra alias quæ nolo recensere in Portugallia, & alias quæ in Regnis Castellæ recenter debuerunt inueniri, propter quod Rodrig. tanta praxi confusus dictum retractauit, in vltima ætate, vt dixi, neque in libris citatis, neque pro recentibus lego, aut scio fuisse obtentam dispensationem, neque credibile est tot fuisse procuratas vel datas dispensationes, maximè cum multæ illarum essent Religiosæ perfectæ virtutis. Si ergo lex canonica abrogatur per contrarium usum, vt dixi; dato quod lex vlla hoc prohibuerit, nonne per tot annorum spatia iam euauit? sed soluamus loca in contrarium adducta.

Citant

Citant ergo pro parte contraria, *c. si quis eumem, §. nouimus* 1. *quest. 7.* vbi dicitur: *Nouimus peccatricem Mariam, post conuersionem, quamuis sancta, & casta, inter Diaconissas, non est computata.* Sed hæc verba nihil probant. Primò quia ibi adducuntur in exemplum, & adducta in exemplum non faciunt legem, vide ibi clarè. Secundò ibi per Diaconissam non intelligitur Abbatissa: tempore enim Magdalene nec fuerunt Abbatissæ, nec Moniales trium votorum, sed ibi per Diaconissam intelligitur officium particulare fœminarum, vel legendi homilias, & inchoandi Antiphonas in Choro, vel aliquid diuersum; pro quo vide Baronium *tom. 1. Annal. anno 34. cap. 255* & Lorinum *ad cap. 6. Act.*

2 Citant *cap. finale 26. quest. 1. cum ibi citatis.* Sed illa questio vnum tantum caput habet loquens de sortilegiis, & nihil de Abbatissis, & proinde falsò citatur.

3 Citant gloss. *in cap. quomodo 31 quest. 1. ver. eligatur.* sed ibi gloss. nec dicit aliquid ex se, neque aliquid nouum, sed solum se remittit ad *c. iuueniculas*, de quo statim.

4 Citant gloss. *Clementina attendentes. de stat. Monachorum §. statuimus, ver. Rationabilis.* vbi gloss. sic ait. (*si corrupta promota esset, per eum qui posset, non benediceretur*) sed ibi verbum, *non benediceretur*, non significat, quod non confirmaretur in officio Abbatissæ, sed solum, quod non consecraretur velo virginitatis. Patet clarè in tex. vbi Papa cogit electam in Abbatissam intra vnum annum petere munus benedictionis; quod munus benedictionis non est confirmatio officij Abbatissæ, iam enim per annum erat in illo confirmata. Erat ergo munus consecrationis per velum virginitatis, de quo non loquimur, & sic glossa conformans se textui, bene dicit, quod corrupta non consecraretur seu benediceretur. Non verò per *benediceretur* intelligit, confirmationem in officio Abbatissæ.

5 Citant *cap. penult. 26. dist. vna tamen*, in quo glossa innuit quòd vidua non potest esse Abbatissa, eò quòd non potest bene hortari ad virginitatem, quam non seruauit. Sed, primò quidem, Textus ibi non est Papæ aliquius,

cuius, sed solum D. Ambrosij, & proinde non facit legem. Secundò ibi Ambros. non loquitur de Abbatissis, sed de bigamis. Terriò non loquitur de hortatione ad virginitatem, sed ad viduitatem: ait enim, quod non poterit bene hortari ad viduitatem bigamus, qui coniugia frequentauit. Vnde glossa colligit suo iudicio, quod non poterit vidua bene hortari ad virginitatem, quam non seruauit. Sed ego hìc dico quod non est necesse quod Abbatissa hortetur ad virginitatem, quia Moniales non promittunt virginitatem sed castitatem: & hanc vidua bene seruat, & potest ad illam hortari, vt infra dicam; & saltem semel vidua, non frequentauit coniugia, vt bigamus, de quo loquitur Ambros. & sic saltem semel vidua poterit esse Abbatissa, & confirmatur, quia viduus vir ex vno tamen coniugio non repellitur à sacerdotio, quod est maius: ergo neque semel vidua ab officio Abbatissæ, quod est minus.

Vltimò citant. *cap. iuueniculas 20. quest. 1.* vbi Greg. Papa sic præcipit cuidam Episcopo. *Iuueniculas fieri Abbatissas vehementissimè prohibemus. Nullam igitur fraternitas tua nisi sexagenariam virginem velari permittat, & ibi velari suppono quod sit velo pralationis.*

Pro responsione noto primò quod ibi principale, imò & solum intentum Papæ, vt patet ex verbis positis in principio, est quod Abbatissæ non fiant iuueniculæ, sed in ætate matura, & vltimum verbum, *virginem*, videtur ibi accessorium.

Pro quo noto secundò, quod aliquando Papa post definitionem fidei addit aliquod verbum vel sententiam, pro exemplo, vel pro ratione assignanda: & tunc sententia addita post definitionem non est definitio fidei. Tenet hoc Lorinus super 2. *Epistol. Petri cap. 1. vers. 11. §. accedit*; nisi aliàs illud additum sit contentum in scriptura sacra, vel definitione, ponit Suarez exemplum *tom. 2. de Incarn. quest. 27. disput. 4. sect. 4 §. dicendum est ergo*. Nam in Concil. Trid. *sess. 6. canon. 23.* definitur de fide, neminem in vita posse vitare omnia venialia, absque priuilegio Dei: & additur: *) sicut de B. Virgine tenet Ecclesia*) hoc verò ibi additum de B. Vir.

gine, non est ibi definitio fidei (licet aliàs in alio Concilio fuerit definitum) sed ibi in Tridentino assertum tantum in exemplum. Si ergo aliquando vna sententia addita alicui definitioni, non habet vim definitionis, sed additur vt exemplum, & accessorium: Maiori iure poterimus colligere quod aliquando vnum tantum verbum additum alicui legi, vel in fine illius non pertinet ad essentiam legis, sed ponitur vt accessorium, & declaratum.

His positis dico quod quando citato *cap. iuuentutas*, statuitur, vt Abbatissa sit sexagenaria virgo: verbum *virgo*, non facit partialem legem, vel conditionem legis sed est solum accessorium, idem valens quod sexagenaria Monialis. Non enim ait quod sit sexagenaria, & virgo: vel sexagenaria, quæ sit virgo: sed sine puncto, seu sine virgula, ponitur, *sexagenaria virgo*: tanquam adiectiuum ad substantiuum, & tanquam accessorium ad principale. Vt nihil aliud sit quàm sexagenaria Monialis: appposito nomine *virginis*, pro communiori significato: quia scilicet communiter loquendo Moniales sunt virgines. Neque ista expositio videri potest violenta: violentior enim est exposito *glos. ibi ver. sexagenaria*; cum ait posse ibi per sexagenariam intelligi non annis sed moribus. Cum tamen ibi intentum principale, & literale per sexagenariam intelligatur de annis ætatis. Si ergo glossa sic explicat verbum principale *sexagenariam*: quid si nos explicemus hoc modo verbum, *virginem*, quod est accidentale?

Quod si ista expositio non placeat, & dictum *cap.* vellet obligare vt Abbatissa sit virgo (quod non admitto) saltem per tam longam praxim tot annorum, in tot sælis quæ citauimus, quis neget esse abrogatum per contrarium vsum in tot exemplis adductis ultra alia, quæ facile esset inuenire? Quæ exempla si fortè Doctores oppositi scirent, vel aduenterent, omnino dictum cum *Rodrig.* retractarent.

Ad rationem pro parte contraria quod scilicet vidua Monialis non potest bene hortari Moniales ad virginitatem, dico primò quod si illa valeret, etiam vir viduus

Mo

nachus non posset esse Prælati Regularis, quia non bene hortaretur ad virginitatem quam absolutè non seruauit. Hoc tamen nullus Doctor asseruit. Secundo dico, quòd Moniales non promittunt virginitatem sed castitatem, vt patet, & proinde illarum Abbatissa non debet hortari ad virginitatem: vidua verò æquè bene potest hortari ad castitatem, quia illam seruat. Tertio dico, quòd bene potest aliquis hortari ad virtutem quam non seruauit. Papa enim vt plurimum non seruauit obedientiam, neque paupertatem: & tamen efficaciter hortatur omnes Religiosos decretis suis ad paupertatem, & obedientiam. Et confirmatur, quia Dauid post adulterium, & homicidium, offert se Deo in prædicatorem *Psal. m. 50. Docebo iniquos vias, tuas.* Et Salomon vanitatibus antea deditissimus pro vt de se fateatur *Ecclesiast. 2.* postea hortatur omnes vt fugiant vanitates dicens, vanitas vanitatum, & omnia vanitas. Et Sanctus Romualdus prius fuit homicida cum patre: & postea fundator Camualduensium. Et Guillelmus Dux in Gallia fuit prius homicida, adulter, & schismaticus, vt ipse confessus est coram Summo Pontifice apud Surium *rom. 1. fol. 966.* & postea reformauit Eremitas S. Augustini.

ADDITIO.

Dixi olim hoc eodem verb. in electione Abbatissæ non posse ferre suffragium quæ non habuerit tres annos habitus, vel circa. Et in Ordine Minorum per statuta generalia ad hoc requiri quatuor annos. Dixi item illud primum decretum de tribus annis esse decretum Papale Eugenij IV. in Compendio ibi citato. Nunc addo idem decreuisse Nicolaum V. apud Rodrig. *rom. 2. qq. Reg. q. 54 art. 1.* vnde ibi dixi non posse in hoc dispensare, nisi illum cui specialiter concessum fuerit posse dispensare in Bullis Põtificiis. Quocirca collectores, & Nuntij Apostolicæ Sedis, viderint si

hanc specialem facultatem habent. Hoc vnum scio mihi dictum fuisse ab Auditore vnius Collectoris, seu Nuntij, prædictum Collectorem non posse dispensare in Bullis Pontificiis. Hoc ipsum tenet Rodrig. in simili casu mox citando in *Sum. capitul. 105. verb. Electio. prope finem*. At poterit idem Nuntius vel Collector Apostolicus dispensare in statuto illo Minorum, requirente quatuor annos in Monialitat dandum suffragium in electione Abbatissæ. Quomodo vero hi anni sunt intelligendi, seu computandi, an requirantur completi, vel sufficiant inchoati vide infra *vet. Annus*.

2. *Citato proximo loco Sum.* ait Rodrig. quod si Papa, vel potens valide dispensare, dispenfet cum Moniali, vt reeligatur in Abbatissam ante finitum terminum vacationis præfixum à Sixto V. ob præteritam prælaturam, talis dispensatio ante triennium vacationis debet intelligi pro vna tantum vide: & sic non poterit bis reeligi virtute illius primæ dispensationis, nisi id exprimat dispensatio, quia (ait Rodrig.) illa electio est odiosa, & proinde est restringenda ad vnam tantum vicem, & stat ad hoc duos ibi Doctores.

3. Paulus III. in Bullar. Rodrig. fol. 820. num. 8. concessit Commissario tunc Romanæ Curie, vt Abbatissa Monialium Sanctæ Clare de Observantia possit dispensare cum suis Monialibus circa ieiunium suæ Regulæ, & circa esum carniū, & lacticiniorum, seu ouorum, quando viderit prædictas Moniales propter debilitatem talia ieiunia, vel observantias non posse commodè observare: & non solum exprimit propter debilitatem, sed addit: *vel ob aliam legitimam causam* Vbi noto primo hanc non esse propriè dispensationem manantem à iurisdictione Ecclesiasticam: nam femina illius non est capax, vt omnes affirmant. Sed est tantum declaratio Prælatæ, cui tunc standum esse Papa permittit. Secundo noto, non ibi Papam exprimere causam morbi vel ægitudinis manifestæ: hæc enim dispensatione non indiget, sed ad vitandos scrupulos etiam exprimit debilitatem, vel aliam causam legitimam.

4. Poterit Prouincialis absens in electione Abbatissæ, quam

quam iussit fieri per aliquem delegatum, mittere suum suffragium per scriptum secretum, vel constituere procuratorem, qui suo nomine ibi suffragium ferat, ita Azor. *tom. 1. lib. 13. cap. 10. quest. 2.* loquens expressè de electione Abbatissæ facta per Episcopum absentem. Et probatur, quia cum Prouincialis habeat suffragium in electione illa sicut ceteræ Moniales, ut probaui in 1. *Edit. ver. Abbatissa, num. 9.* idque possit facere quando est præsens, poterit idem facere quando est absens per scriptum, vel procuratorem. Et hoc dicit ibi Azor. fuisse declaratum Romæ à Cardinalibus, & contineri in privilegiis Minorum verbo *Concilium*. Vnde pro Minoris colligi videtur, quod si Prouincialis committat alicui Religioso speciali ut celebret electionem alicuius Abbatissæ, poterit Prouincialis tali Religioso tanquam suo procuratori committere, ut pro se, Prouinciali absente, suffragium ferat in dicta electione Abbatissæ, argumento illorum quæ dicam infra ver. *Commissarius*, de generali Ordinis mittente Commissarium delegatum ut præsens sit in Capitulo prouinciali, vel congregatione, cui potest tunc Generalis committere, ut tanquam suus procurator suffragium ferat in electionibus illius Capituli, vel Congregationis. Id tamen oportet ut Prouincialis exprimat, & clarè committat. At Reginaldus *tom. 1. lib. 3. num. 193.* concedit cum Azorio posse electorem absentem mittere procuratorem, qui suo nomine suffragium ferat. Negat tamen posse mittere suffragium per scriptum secretum: idemque tenet Syluest. ver. *Electio 1. quest. 3.* & confirmat ex *cap. si quis. de electione. in 6.* Vnde securius puto quod Prouincialis id faciat per procuratorem, & non per scriptum. Nam de illa declaratione Cardinalium dicente id posse fieri etiam per scriptum, non mihi constat, nisi ex solo dicto Azorij. Aduerto adhuc in libro Declarationum Cardinalium, impresso Vuaci, Anno 1618 fol. 44. referri declarationem Cardinalium ibi, *5. Aut alios*: in qua dicitur fore nullam electionem, si elector in mandato committat procuratori, ut eligat certam, & determinatam personam, assignat rationem,

quia iam tunc electio non erit facta per suffragium secretum. Cum enim procurator ille debeat ostendere litteras testimoniales suæ procurationis, si in illis litteris ponatur quod ferat suffragium pro certa persona : iam suffragium erit publicum, & notum. Vnde colligo, quod si in litteris procurationis non dicatur ut ferat suffragium pro certa persona ; in secreto autem, verbo tenus, id dicat procuratori ita ut solus procurator audiat, tunc non impediatur electio, quia adhuc suffragium secretum est.

4 Nova quæstio est, utrum in Ordine Minorum sit valida electio Abbatissæ facta à Prouinciali ad crates, non per scriptum, seu per schedulas obsignatas, sed audiendo tantum suffragia voce tenus coram Secretario, & testibus : ut permittit Concilium Tridentinum Episcopo *sess. 25. cap. 7. de Regular.* Rodriguez in *Sum. tom. 1. cap. 105.* & in addit. ad *Sum. ver. Abbatissa concl. 12. ad finem*, tenet quod talis electio in Ordine Minorum est irrita. Probat, quia Sixtus V. pro Ordine Minorum constitutione propria ordinavit: *Quod electiones quorumcumque superiorum, & Officialium per fratres celebranda fiant per schedulas scriptas, & clausas.* Et postea addit irritum fore quidquid in contrarium factum fuerit à quocumque. Habetur hæc Bulla in statutis generalibus Minorum Rebolledi *fol. 187. pag. 2.* Et in Bullario Rodrig. *fol. 1116.* cum ergo Abbatissæ sint etiam superiores Monialium, & illarum electio per Minores Fratres celebretur, sequitur fore nullam, si celebretur sine schedulis obsignatis.

Ego tamen credo talem electionem in Ordine Minorum fore validam, neque in illa peccari, si fiat cum causa. Probo primò, quia Concilium Tridentin. *citato loco* prædictum modum suscipiendi suffragia ore tenus solum audiendo, non solum concedit Episcopo, sed etiam Superioribus Religionum. Sic enim ait Concilium: *Episcopus siue alius Superior non ingrediatur, sed ante fenestellam vota audiat, vel accipiat.* At Sixtus V. in illa sua Constitutione non dixit se reuocare Concilium Trid. quod oportebat dicere, si vellet reuocare concessionem

ibi

ibi factam Prælati Regularibus. Imò potius in fine prædictæ constitutionis exprimit Sixtus V. se illa concedere, vel decernere pro Minoribus, dummodò non contradicant Concilio Tridentino: ergo noluit in aliquo derogare Concilio Tridentino: ac proinde concessio ibi facta à Concilio, ut Prælati etiam Regularis recipiant suffragia ore tenus in electione Abbatiffæ non est reuocata. Nam iuris reuocatio maximè vitanda est præsertim Concilij Tridentini celeberrimi, ut tenet Suarez *lib. 5. de Legibus, cap. 33. & Sanchez 1. de Matrim. disput. 54. num. 5.* Secundò facit declaratio Cardinali posita in lib. impresso Duaci supra citato, qui *fol. 343. §. in electione*, sic ait, *Abbatissarum vota ore tenus accipi possunt à Superioribus cum duobus testibus.* Vbi ponitur in plurali: Superioribus, id est, siue sit Episcopus, siue Regularis Prælati. Tertio probo ex verbis Sixti V. in citata constitutione: ibi, *Electiones Superiorum.* Nam per Superiores solum intelligit Superiores Fratrum, cum quibus ibi loquitur in principio, & quorum statuta confirmat: at Abbatiffæ non sunt superiores Fratrum, ut patet: imò neque in usu communi loquendi Ecclesiæ illæ dicuntur superiores cum careant iurisdictione Ecclesiastica. Quarto probatur ex illo verbo bullæ, *Et officialium.* Nam si hoc verbum intelligeretur de officialibus etiam Monialium, peccarent quotidie Prælati Minoritæ eligentes officiales Monialium, (ut Ianitrices, Magistras Nouitiarum, &c.) verbo tenus absque scripto, & tamen has officiales quotidie eligunt validè sine schedulis, solum ore tenus: quòd non faciunt in electione Dismissorum, Custodum, &c. Ergo ibi Sixtus V. per Superiores, & officiales, solum loquitur de Fratribus, & illorum electionibus, non verò de electionibus Monialium. Et fauet statutum Congreg. generalis Segouix, *titulo de election. §. Verum cum.* ubi de schedulis secretis electionum loquens, solas Fratrum electiones specificat.

DE ABBATISSA ADMITTENTE
seculares intra clausuram absque
licentia.

Vide infra verbo Clausura Monialium, num. 5.

I Dixi hoc loco in 1. Editione, verb. Abbatissa, num. 7. Abbatissam, & Moniales admittentes intra clausuram seculares indebitè, vel etiam foeminas seculares, talem Abbatissam, & Moniales peccare mortaliter, sed non incurrere poenas Motus proprii Pij V. & aliorum Pontificum, nisi quando tales personas seculares admittunt virtute licentiarum reuocatarum à prædictis Pontificibus: sic enim affirmat Rodrig. & Miranda locis ibidem à me citatis. Et denuò potest pro eadem sententia adduci Suarez tom. de Censur. disp. 22. sect. 6. num. 11. ubi explicans easdem Bullas Pij, & Greg. ait Prælatos, & fratres admittentes foeminas intra claustra Conuentus non incurrere poenas illorum Motuum, nisi quando tales foeminas admittunt virtute licentiarum Papalium reuocatarum ab illis duobus summis Pontificibus: si verò illas recipiant non virtute licentiarum reuocatarum, sed ad libitum, vel ad malum finem, tunc non incurrere ex vi talium Bullarum, sed standum esse statutis, & poenis decretis in sua Religione. In quo Suarez concordat satis cum mente Rodrig. & Mirandæ citata questione; propter quæ hodie non discedo omnino ab iis, quæ citato loco dixi secutus Rodrig. & Mirandam.

2 Postea tamen incidi in Azorium, & Ludoicum Beja, quorum ille tom. 1. Sum. lib. 13. cap. 8. quæst. 10. hic verò 1. p. Resp. Moral. casu 30 fol. 48. & 49. tenent oppositum dicentes prædictam Abbatissam, & Moniales sic admittentes seculares intra clausuram, etiam non virtute licentiarum reuocatarum, incurrere poenas dicta

dictarum Bullarum: & ex consequenti eisdem pœnis ligari personas seculares sic admissas, & intrantes. Citant ambo hi Doctores Nauarrum in *cap. statuimus* 19. *quæst.* 3. *numer.* 61. Vbi dicit Nauar. quod post prædictas Bullas, ambo Pontifices Pius V. Gregorius XIII. declararunt suam mentem fuisse quod etiam incurrerent prædictas pœnas illæ Moniales, quæ admittunt seculares intra clausuram indebitè, non solum virtute licentiarum reuocatarum, sed ad libitum quouis modo illicito. Quo dato, satis dubia manet responsio Rodrig. Mirandæ, & Suárez. Neque hi tres Doctores videntur vidisse Nauarrum *citato loco*. Nam authoritas tanti viri, qualis est Nauar. Romæ illo tempore præsens, idque referens de duobus illis Pontificibus cogit nos ut credamus sic contigisse, & sic declarasse: & proinde opinio Nauar. Azorij, & Beizæ militat contra tres priores Doctores. Congerit Beia *citato loco* multas rationes pro sua opinione tuenda.

Ego in re tam graui, ac difficili, pro opinione Rodrig. & Mirandæ duo solum profero. Primum est, quod Miranda post Nauar. multos annos suum Manuale prælo dedit Romæ, ibique suum opus fuit examinatum à censore Fidei, seu examinatore librorum, qui debuit Romæ scire praxim circa illam materiam, & præcedentes declarationes Pij V. & Gregorij XIII. si extarent: & tamen opinio Mirandæ ibi non fuit correctæ, sed toleratæ. Secundò dico, idem quod in simili materia dicit Pater Soza in sua Relectione Bullæ Cœnæ *disput.* 100. *num.* 7. §. *Ad fundamentum*. vbi respondens ad alias duas declarationes Pij V. & Greg. XIII. adductas, seu relatas contra opinionem quam ibi sequitur ut probabiliorem (posse scilicet hodie Episcopos absoluerè ab hæresi occulta) per quas dicti duo Pontifices dicuntur oppositum declarasse, seu decreuisse: Ait nihilominus Soza, prædictas declarationes Pij, & Gregor. non extare authenticas: & credibile est quod prædicti Pontifices tales declarationes in re tam graui toti Ecclesiæ diuulgarent. Sed quoniam (ait ille) non est res certa de talibus declarationibus, teneri potest illa

opinio, quæ asserit posse hodie Episcopum per Tridentinum absolueri ab hæresi occulta; non obstante quòd dicitur illos Pontifices oppositum declarasse, cum id non certò constet. Hoc ipsum ego applico ad nostrum casum de Monialibus admittentibus sæculares intra clausuram indebitè: cum enim sint tres Doctores graves, & rationes claræ pro sua opinione, id est, satis probabiles, quibus probatur prædictas Moniales non incurrere pœnas, quas affert Rodrig. *citato loco*: defendi potest illorum opinio saltem pro foro interno, quamvis dicatur oppositum declarasse duos illos Pontifices, quorum declaratio non extat authentica, nec fuit Ecclesiæ promulgata.

Pro vltima resolutione dico, quòd opinio Nauar. & cæterorum est tutior in conscientia: At non condemnarem illum qui sequi vellet oppositam. Illud saltem certissimum iudico cum Beia *citato loco*, quòd saltem intrantes indebitè clausuram non virtute licentiarum reuocatarum, incurrunt excommunicationem positam à Concil. Tridentino, *sess. 25. cap. 9. de Regular.* contra ingredientibus indebitè clausuram Monialium. Ibi tamen Concilium solum excommunicat dictos sæculares ingredientibus indebitè & Moniales egredientes indebitè: non verò excommunicat Moniales indebitè admittentes dictos sæculares.

DE VIDVA ABBATISSA.


IN prima Editione, in quæstione de Abbatissa vidua duobus, vel tribus locis, dixi legem Pontificiam, siue Canonicam posse abrogari per contrarium usum intra spatium decem annorum, etiam ignorante Pontifice: idem dixi ver. *Lex, n. 11.* pro quo citavi Suarez. Nunc declaro quòd ista doctrina intelligenda est de lege in principio suæ publicationis: si enim per primos decem annos fuit usu recepta, sed contra illam communiter practicum est, lex censetur abrogata per contrarium usum, etiam ignorante legislatore. Si verò lex iam fuit usu recepta per decem annos, & radicata, tunc

ut abrogetur per contrarium usum, non sufficiunt anni decem, sed requiruntur quadraginta anni, ut explicat Suarez citato ibi lib. 4. de Legibus, cap. 16. à num. 9. Et ratio est quia lex in principio, quandiu est adhuc minus radicata minus tempus requirit ut abrogetur per contrarium usum: At postquam est iam recepta, & magis radicata, petit longius tempus ut destruat per contrarium usum, videlicet quadraginta annorum: & sic communiter tradunt Doctores.

Quando Pontifices dicunt Abbatissam debere esse tantum triennalem, quales debeant esse hi tres anni completi scilicet, an sufficiant quod excedant per aliquod tempus? Vtrum etiam tres anni quibus iubentur vacare debeant esse completi? Vide infra verbo *Annus*.

A B O R T V S.

Vide ver. *Dispensare*.

 Voniam Sixtus V. in sua rigorosa constitutione contra procurantes, consulentes, & auxiliantes ad abortum, bis nominat Regulares, & illorum privilegia omnino reuocat: & in Bulla Gregor. X I V. moderatrice prædictæ Sixtiana, video, vel timeo aliqua ab aliquibus non seruari, vel non obseruari, visum fuit breuiter ad hoc spectantia summare.

Ergo Sixtus in prædicta Bulla sequentia decreuerat. Primò ut quouis modo procurans abortum incurreret omnes pœnas quæ per leges ciuiles, & canonicas imponuntur homicidæ: siue abortus esset fetus animati siue inanimati. Secundò si essent Clerici, vltra prædictas pœnas, priuari erant ipso facto omni officio, & beneficio, & dignitate Ecclesiasticis obtentis, & inhabiles manent ad prædicta omnia in futurum obtinenda. Si verò essent sæculares redduntur inhabiles ad ordines sacros, &c. obtinendos. Terriò easdem pœnas extendit ad omnes procurantes, vel consulentes quouis modo.

modo, vt foeminae alicui daretur potio, vel remedium quoduis ad sterilitatem, vel ad non concipiendum. Quarto committit cuius iudici saeculari, vel ecclesiastico vt possit causam praevénire, & contra praedictos procedere, poenas praedictas infligendo. Quinto omnibus praedictis imponit poenam excommunicationis, a qua per nullum privilegium, etiam Regularium, neque per subitarum, possit quis absolvere. Et ultimo dicit, quod neque possit aliquis dispensare cum praedictis in irregularitate inde contracta virtute cuiuscumque privilegij, etiam si crimen occultum sit, neque in foro conscientiae.

2. At Gregor. XI V. illius successor, praedictam Bullam in duobus praecipue restrinxit, dicens primo: quod quilibet Sacerdos ab Ordinatione approbatus pro confessore, & ad hoc specialiter deputatus, possit absolvere à peccato abortus, & ab excommunicatione ibi imposita: siue peccatum fuerit factum ante Sixti V. Bullam, siue post illam Gregorianam. Secundo decernit Gregor. XI V. quod si foetus non fuit animatus, vel si solum datum sit proculum vel remedium, ad non concipiendum, sterilitatemve causandam, tunc non incurran- tur poenae statuta à Sixto; sed solum tunc reguletur delictum per ius commune canonicum; vel Con- tridentini. Tertio ait Gregor. quod Bulla Sixti quo ad alia in ipsa contenta, maneat in suo robore, & vigore, unde multa licet, & oportet colligere.

3. Primo quod hodie procurans, vel consulens abortum foetus inanimati neque incurrit excommunicationem, neque irregularitatem: quia ius commune tales poenas huic crimini non inflixit; imò neque poenam homicidij, vt suppono notissimum, & tenet inter alios Azor. tom. 1. lib. 2. c. 26. §. iure canonico. peccavit tamen supradictus mortaliter & graviter.

4. Secundo, neque praedictas poenas incurrit dans remedium ne foemina concipiat, vel vt sterilis fiat: quia ius commune illas non imponit: peccatum tamen graue est. Et ob eandem causam, non incurrit illas poenas qui animo impediendi conceptum prolis seminat

extra

extra vas, vel cohiberet alio modo, quia ius commune hoc non plectit illis poenis ut tenet, & innuit Sayro *rom. de censuris lib. 3. c. 35. n. 27.* peccatur tamen ibi sicut in supradictis.

6 Tertiò qui hodie procurant abortum fœtus animati, sortito effectu, incurrunt excommunicationem. Nam Gregor. XI V. ait in sua moderatoria, quod ab excommunicatione ibi incurfa absoluat Sacerdos modo supra iam dicto. Vnde clarè supponit manere excommunicationem impositam taliter facienti, licet non sit reseruata Papæ. Omnia quam excommunicationem adhuc manentem idem approbat Vega in *sum. Morali 1. par. casu 4. ver? Abortus*. Imò noto pro confessoribus Clericis, quod licet sint approbati, non tamen poterunt absolvere ab ista excommunicatione nisi fuerint ad id specialiter deputati ab Episcopo. quia Gregor. XIV. ait debere esse confessores ad id specialiter deputatos, & idem credo securius esse dicendum erga confessores Regulares, ut scilicet non possint ab ista excommunicatione absolvere, nisi specialiter per suos Prouinciales deputentur sicut opus est deputentur ad dispensandum cum coniugatis pro petendo debito, quando impediuntur voto, vel coitu incestuoso. Moueor, quia ut dixi, Gregor. XI V. ultra approbationem confessoris, requirit specialem destinationem sui superioris ut videtur. Nisi forte dicas posse id facere confessorè Regularem per priuilegia per quæ potest absolvere seculares à censuris reseruatis Papæ, vel Episcopo, de quo infra verb. *Confessor*. Erga seculares, & erga Fratres minus possunt de ordinatio Vide ibi per totum. Sed tamen adhuc oppositum iudicio probabilius & securius propter specialem destinationem requisitam à Greg. XIV.

6 Quarto circa peccatum abortus, quod Gregor. ait posse absolui, aduerto quod si fœtus erat animatus, non potest confessor secularis illud absolvere, quia iam est homicidium: & homicidium iure communi est reseruatum Episcopo. Potest tamen illud absolvere confessor Regularis erga personas seculares, per sua priuilegia de quibus infra. Dixi erga personas seculares, quia

si pœnitens delinquens sit persona Religiosa, videndum est an in suo ordine homicidium voluntarium sit casus reservatus, maximè per acceptionem casuum reservatorum Clementis VIII. vel suarum constitutionum, vt communiter reservatur: & tunc confessor Regularis non poterit tunc abortum absolvere in Religioso, nisi habuerit specialem licentiam.

7 Quintò. Notissimum est quod si fœtus erat animatus delinquens quicumque incurrit irregularitatem ornam ex homicidio voluntario, vt omnes fatentur. Et proinde etiam hodie per talem abortum fœtus animatus, vt plurimum incurritur casus reservatus, excommunicatio, & irregularitas. Dixi supra *effectu secuto*; quia si datum est remedium ad faciendum abortum fœtus animatus, & tamen non est secutus effectus, sed partus vivus exiit in lucem, neque excommunicatio incurritur, neque irregularitas, quia ius commune tali delicto has pœnas non imponit: & iuxta Iuristas, Conatus, (tenet Iulius Clar. in *pract. crim. quest. 91.* cum multis latè) solus ad crimen non punitur pœna ordinaria. At per sexum casum reservatum à Clem. VIII. tunc, etiam effectum non secuto incurritur casus reservatus à procurante, seu auxilium, & consilium dante.

8 Sextò colligo procurantem vel consulentem abortum animatum secuto effectum ipso facto manere priuatum officio, beneficio, & dignitate Ecclesiastica: & cessante scandalo, teneri se abstinere à tali officio, &c. modo infra dicendo ver. *eligere*, & ver. *officia Ordinis*: eundem etiam dico manere inhabilem ad officia Ordinis in posterum obtinenda. Quod patet, quia has omnes pœnas imponit ibi Sixtus Ecclesiasticis. Et Gregor. XIV. dixit dictam Bullam Sixti manere in suo robore quoad alia: & circa has pœnas priuationis, & inhabilitatis Gregor. nihil innouavit. Ita tenet Rodr. *Addit. ad Sum. tom. 3. cap. 13. num. 4.* citans Quarantam pro eodem.

9 Septimò infero quod contra procurantem abortum animatum effectum secuto, & probato delicto possunt hodie procedere iudices Ecclesiastici vel sæculares vlt. que ad traditionem brachij sæcularis: vt tenet Rodr.

tom.

tom. 2. *quæst. 9. 33. art. 4. in fine.* & patet, quia Greg. circa hoc nihil innouauit.

10 Tota duditatio est, an possint hodie prælati Regulares dispensare cum subdito in irregularitate contracta ex abortu animato, secuto effectu? Negat Rodr. citato proximè artic. probat ex casu à simili per Nauar. tom. *Consil. tit. de homicidio libr. 5. consil. 4.* ubi Nauarrus ait; illum qui occidit Clericum: & petit dispensationem à Papa super irregularitate, solum exprimendo quod occiderit hominem, tacendo circumstantiam Clerici occisi: ait Nauar. hunc non manere dispensatum; quia homicidium Clerici est magis calificatum; si enim circumstantia Clerici exprimeretur, saltem difficilius Papa dispensaret. Quem casum applicat Rodrig. ad homicidiū pueri occisi in utero: est enim homicidium nimis calificatum, eo quod & perditur corpus, & damnatur anima; quod non fit in homicidio ordinario adulti, cuius anima per contritionem potest saluari: ac proinde cum hoc homicidium fœtus animati sit valde calificatum, licet Prælati ordinum per priuilegia possint dispensare in irregularitate homicidij voluntarij hominis adulti occisi (ait Rodrig.) non posse Prælatos in hac Irregularitate dispensare, sed solum Papam.

Hoc non obstante, ego dico (si crimen sit secretum) posse Prælatos in hoc hodie dispensare: cum enim possint dispensare in irregularitate orta ex homicidio voluntario (vt infra dicemus ver. *Dispensare*) etiam possunt in ista orta ex voluntario abortu animato. Probo primò, ex destructione fundamenti adducti à Rodrig. Nam Sanchez *lib. 8. de Matrimon. disp. 21. num. 22. & num. 18.* tenet quod prædicta dispensatio obtentā ab illo qui occidit Clericum, non expresso nomine, & circumstantia Clerici, ait fuisse validam ob multa quæ dicit *num. 18. & num. 22.* ponit hanc rationem: nam irregularitas non ponitur ab Ecclesia ob grauius peccatum: non enim ponitur pro blasphemia, pro periurio, hæresi, & similibus grauissimis, sed ad libitum Ecclesiæ, maximè in crimine ubi deficit lenitas, & mansuetudo: licet ergo vnum crimen sit grauius alio,

non

non sequitur quod illud grauius vel habeat irregularitatem annexam, vel quod eius irregularitas sit indispensable. Maxime quia vt ait *num.* 18. ibi taciturnitas Clerici, non irritet dispensationem: quod in nostro casu inferuit. Addo primò quod etiam, vt plurimum, multi occisi adulti poterunt in corpore, & damnatur in anima poena damnatorum: quod est maius damnum, quam illatum puero intra viscera, qui non damnatur poena ignis. Et nemo diceret non posse Prælatos Regulares dispensare cum subdito irregulari, occidente hominem adultum damnatum ad infernum: qualiter moriuntur multi, qui in rixa occiduntur, cum occisi fore fuerunt aggressores, cum animo vindictæ: vel habentes alia mortalia, de quibus ibi raro habetur contuitio. Addo secundò quod, vt plurimum, ratione damni dati magis calificatum peccatum est homicidium viri adulti, quam infantis in utero. Primò quia vita infantis adhuc incerta est propter abortum naturalem, partum periculosum, &c. Vnde moraliter ob hæc, vita infantis, & matris reputatur vna tantum vita. Quod non sit in vita hominis adulti. Secundò, quia occiso infante intra uterum, non infertur damnum tertio, videlicet parentibus, filiis, uxori, familiæ, fratribus, sicut infertur vt plurimum ex occisione adulti. Tertiò, quia quando lex non distinguit, neque nos debemus distinguere, vt habet Corduba *super compend. ver.* Dispensare in casu simili, extendendo priuilegium Martini V. quo concessit solum in communi vt Prælati Regulares dispensarent in homicidio in communi: extendit Corduba ad casuale, & voluntarium: quia lex, vel priuilegium non distinguit: ergo à simili cum lex non distinguat de abortu, vel homicidio adulti: neque nos debemus distinguere. Adde quod priuilegia Religionum sunt amplè interpretanda, vt Doctores communiter dicunt.

Maius argumentum pro Rodrigue z videtur, ad probandum non posse Prælatos Regulares hanc irregularitatem dispensare: nam Sixtus V. dicebat in sua Constitutione illam non posse dispensari à Prælati Regularibus per sua priuilegia, quæ reuocauit: & Gregor. XIV. nihil

nihil temperauit circa irregularitatem : sed quo ad illam reliquit Bullam Sixti in suo robore. At nihilominus dico posse hodie Prælatos Regulares illam dispensare : quamuis enim ibi Sixtus V. reuocauerit priuilegia Regularium : postea tamen Clemens VIII. confirmauit priuilegia Minorum et certa scientia : ut infra dico verbo *Confirmatio priuilegij* : & iuxta ibidem dicta, confirmatio priuilegij ex certa scientia reualidar priuilegia etiam reuocata ab antecessoribus : & proinde possunt omnes communicantes cum Minoribus in priuilegiis, in illa dispensare. Pati modo dico posse Prælatos dispensare cum subditis in ista inhabilitate posita à Sixto propter abortum animatum incursum : nam licet Sixtus V. expresse ne dispensaretur in irregularitate, & proinde hanc reseruauerit : non tamen reseruauit inhabilitatem ibi positam. Sicut eodem ex capite ait Rodrig. tom. 1. *quest. 24. art. ultimo*, posse Prælatos Regulares dispensare cum subditis in illa inhabilitate quam contrahunt Religiosi admittentes fœminas intra clausuram suorum Conuentuum : licet enim Pius V. & Gregor. XIII. taliter peccantes punierint excommunicatione, & inhabilitate similibus : tamen in sola ibi excommunicatione posuerunt reservationem : & non posuerunt circa inhabilitatem. Adde quod ex priuilegio concessio Ministris infirmorum in Italia, per Greg. XIV. post Sixtum V. possunt Prælati habilitare suos subditos, & abstergere ab omni inhabilitate ; prout refert Capucinus verbo *Absolutio Ordinaria quoad Fratres. fol. 27. §. Greg. XIV.*

11 Pro consolatione Religiosorum addo primò quod si Religiosus habens aliquam huiusmodi irregularitatem, vel inhabilitatem à quibus illius Prælati potest dispensare, si, inquam, talis Religiosus præsens fuerit in Capitulo Visitationis, vel Prouinciali, in quibus Prælati dicunt in generali, *Absoluo vos ab omni censura, & dispenso uobiscum in omni irregularitate, & habilito uos ad omnia* : si inquam hæc dicat : ille qui præsens fuerit, si sit irretitus aliquo ex illis tribus, manet absolutus à censura, irregularitate, & inhabilitate. Nam talis absolu-

tio datur ab habente potestatem, & sortitur effectum. Ita in terminis Nauarrus in *Sum. Latina. cap. 26. num. 13.* sic dicens: *Quod Religiosi notare debent, qui ab irregularitate & aliis censuris generaliter absoluntur in Visitationibus & Superioribus, nam esto tunc non meminerint illa, sublata censentur, nec tenentur aliam solutionem querere.* Sic ille.

12 Quæris adhuc an Prælati Conuentalis, vel Prouincialis potentes dispensare prædictam irregularitatem, & inhabilitatem fœtus animati, possint hanc potestatem delegare, & proinde committere vni confessori subdito vt hæc dispense in foro conscientie cum delinquente? Credo quod possunt ita delegare, & committere. Nam quicumque habens potestatem ex priuilegio supremi Principis, habet illam vt ordinariam, vt probat Sanchez ex multis Iuristis *lib. 1. de Matrimon. disp. 40. num. 14.* Excipe nisi in priuilegio dicatur quod per se faciant, vt dixit Pius V. in priuilegio concessio Dominicanis; de quo sup. verbo *Abbas, num. 6.* At qui habet potestatem vt ordinariam, potest illam delegare. *cap. cum Episcopus. de officio ordin. in 6.* cum aliis adductis per Sanchez *lib. 3. de Matrimon. disput. 31. num. 1.* Iam verò hæc potestas ad dispensandum in irregularitate orta ex homicidio voluntario data Prælati Religiosis est ex priuilegio Martini V vt infra dicetur; & proinde est ordinaria, ac delegabilis. Et hæc duo dicta in hoc *num. 12.*

¶ 11. *precedente* applicare memento ad infra dicenda in *ver. Dispensare, & ver. Prælati, vbi agitur an possint delegare.*

13 Dixi suprà Prælatos Regulares in hac irregularitate dispensare, si sit occulta. Nam si sit publica non potest ab illis dispensari, vt infrà dicemus. Quamuis Corduba in *Summa Morali, quæst. 34.* & Vega cum illo in *Summa Morali, par. 2. cap. 15. casu 6.* tenet probabile esse quod si homicidium est occultum apud sæculares, & manifestum apud Fratres, poterunt Prælati in illo dispensare, & citat Corduba vnum text. ex iure Canonico fauentem, in fauorem Religionis: & quamuis Corduba dicat ibi, securius esse, ac melius quod tunc in notorio apud Fratres, recurratur ad Papam: tamen

Vega

Vega ait etiam probabiliter tunc etiam posse Prælatos. Elige securius, sed partem negantem, non posse scilicet quando est notorium, ita ut possit probari in iudicio, tenet Miranda *tom. 2. q. 8. art. 10. concl. 2.*

14 Rodrig. in *Summ. 2. editionis tom. 1. cap. 5. ad finem*, ait, patrem foetus animati, cui mater dixit se velle procurare abortum, si pater solum taceat, nihil aliud faciēdo, incurrere omnes pœnas à nobis suprâ dictas; quia tenebatur ex officio resistere; vide quæ olim dixi in *tract. de casibus reservatis Clementis VII. casu. 6.*

A D D I T I O.

Vltra illa quæ hac de re dixi in primis Editione sub eodem verbo: circa inhabilitatem incursum à Clerico causante abortum animatum. Vide infrâ ver. *Inhabilitas.*

1 Circa irregularitatem incursum à Clerico causante abortum animatum: nota quod in dubio, an foetus fuerit iam animatus, vel non, debet talis Clericus se reputare irregularem. Ita Sanchez in terminis tenet *lib. 1. Decal. cap. 10. num. 43.* citans decem graues Doctores. Vnde si ex signis materiæ eiectæ, vel ex die coitus, vel aliunde id non possit deprehendi, ita ut pellatur omnis dubitatio, stante dubio de animatione foetus, debet se reputare irregularem. Idem verò Sanchez *eodem cap. num. 45.* limitat hoc esse intelligendum, ut talis irregularis debeat se reputare irregularem solum quoad Ordines non recipiendos, vel in illis non ministrandum: hæc enim duo non potest admittere seu facere, quoniam hæc duo intrinsecè, & clarè includuntur in irregularitate. At iste sic irregularis non tenetur se reputare irregularem quoad alias pœnas annexas irregularitati, qualis est priuatio officij, vel beneficij, & inhabilitas ad hæc duo. Nam (ut ait Sanchez) pœna ordinaria statuta delicto certo non est imponenda delicto dubio, sed extraordinaria pro dubij qualitate.

Priuatio verò, & inhabilitas non imponuntur delicto dubio : imponitur verò irregularitas etiam delicto homicidij dubij. Citat ad hoc multos, & graues Doctores, quos ibi vide, si placet. Vnde si ex materia eiecta in abortu dubitetur an sit masculus, vel foemina, putandum est esse masculum, & stante hoc dubio se debet reputare irregularem. In aliis verò irregularitatibus contractis ex aliis capitibus ; quæ non sunt homicidij, si detur dubium iuris, vel facti, non est quis censendus irregularis cum tali dubio. Vide Sanchez *citato loco num. 47. & 48.* & applica ad dicenda infra verb, *Irregularitas.*

2 Ponit exemplum Sanchez *citato cap. num. 44.* de illo qui dubitat, an consilium à se datum fuerit causa homicidij, vel abortus, eo quòd facta diligentia manet adhuc dubius, an alter habuerit animum resolutum faciendi etiam absque illo consilio, & resoluit stante tali dubio debere se reputare irregularem modo supra explicato. Et per hoc iudicabis de similibus casibus explicatis, & explicandis, in quibus dubium est, an quis concurreret ad abortum, vel homicidium. Stante enim hoc dubio (quod dicitur dubium facti) debet se reputare irregularem circa prædicta, *numero precedente.*

3 Qui approbavit, seu ratum habuit abortum factum suo nomine (etiam si ante non iusserit nec consuluerit) & approbavit post iam factum, peccauit mortaliter, ut patet, sed non incurrit irregularitatem, nec cæteras pœnas impositas à Sixto V. Nam iste non fuit homicida, cum ad mortem iam illatam non sit cooperatus. Secus foret si approbaret percussione, vel occisione Clerici factam suo nomine, etiam si approbaret postquam iam est facta, tunc enim incurreret excommunicationem, & cæteras pœnas, quæ apponuntur à iure approbanti, percussione iam factam in Clerico suo nomine. Non verò ponuntur in iure approbanti percussione hominis ordinarij iam factam suo nomine. Dixi, *si approbavit abortum factum suo nomine iam factum* : quia si approbavit abortum antequam fieret, dicens, paranti abortum, *Bene facis*, secuto abortu in

tu incurrit pœnas Sixti V. quia iam concurrat ad occisionem fœtus animati.

4 Qui dixit fœminæ ut causaret abortum, vel illum procuraret, & hoc illi dixit tempore quo nondum fœtus erat animatus, intendens ut abortiret ante fœtum animatum; fœmina verò dilatans adhibuit medicinam post fœtum animatum, & abortiuit; talis consulens incurrit irregularitatem, & cæteras pœnas. Iam enim suo consilio, vel mandato causauit abortum, & debuit suum consilium, vel mandatum explicare, vel reuocare cum efficacia, ne fieret abortus post fœtus animationem. Vide infra verb. *Homicidium*. Et colligitur clarè ex cap. *ultim de homicidio in 6*.

5 Qui dedit consilium, vel medicinam, ut fieret abortus fœtus animati, etiam si remedium fuerit applicatum, si tamen effectus non est subsequutus, non incurrit irregularitatem; neque alias pœnas, quoniam verba legis sunt accipienda cum effectu secuto, quem legislator intendit punire, ut ait Nauar. *lib. 5. Excommunicat. consilio 60*. Et præterea conatus solus ad culpam non meretur pœnam ordinariam legis effectu non secuto ut fatentur communiter Doctores.

6 Quæ verò medicinæ possint applicari fœminæ ægrotanti cum periculo abortiendi fœtum inanimem, vel animatum, & quò modo hoc liceat, dixi olim in expositione casuum referuatorum à dicto Papa Clemente VIII. Vide hac de re inter alios Comitolum *lib. 4. respons. Moral. quest. 13*.

7 Ultimò aduerto quòd Prælati dispensans cum subdito in pœnis incursis propter abortum debet iniungere pœnitentiam condignam pro tanto crimine; quòd verò possit Prælati Regularis dispensare cum subdito causante abortum fœtus animati quoad irregularitatem, & alias pœnas, dixi, ac probavi in prima editione hoc eodem verbo *Abortus*. Debet etiam Prælati similiter iniungere condignam pœnitentiam quando dispensat cum subditis in quouis alio delicto per sua priuilegia aliàs peccabit grauitèr omittens condignam pœnitentiam.

ABSOLVERE.

Vide infra verbo *Confessor* per totum, & verbo *Prælatus*, & verbo *Dispensare*.

ACCUSATIO.

- 1 **S** Altem in re graui danda est in scriptis subscribente accusatore, ne postea resiliat à pœna imposita contra malè accusantes. D Th 2.2. *quæst.* 68. *art.* 2.
 - 2 Accusator si non probat, iuxta multas leges incurrit pœnam talionis. Sed nota quòd si solùm probauit indicia criminis, vel diffamationem; excusatur à pœna talionis, vel calumniæ; sufficit enim probare aliquid ex illis duobus, & non requiritur, quòd plenè probeat. Iulius Clarus *quæst.* 62. *numero* 8. *præct.* & Repert. Inquisitorum verbo *Calumnia* & *præctica Inquisitorum*, ver. *Accusare*, & alij.
-

ÆDIFICARE.

Vide infra verbo *Monasterium*.

ALIENARE BONA ECCLESIAE.

Vide infra verbo *Restitutio*, *numer.* 1. & 20. & verbo *Pactum*: & verbo *Canonica portio*.

- 1 **V** alienatio bonorum Ecclesiæ, vel Conuentus debite fiat, debet interuenire consensus Prælati, & consensus maioris partis Conuentus simul: neque sufficit consensus Prælati sine consensu Conuentus, neque è contra: & hoc debet fieri in bonum clarum Conuentus, vel Ecclesiæ. Rodrig. *tomo* 1. *quæst.* 27. *per*

17. *per totam.* Et Moniales ad hoc non solum Prælatus, sed etiam Prælati debent habere consensum, aliàs factum non tenet, & facientes oppositum manent excommunicati, & suspensi ab officio. Rodrig. *cit. questione 26. art. 10.* Et pro Monialibus hodie nimis conducit. Vide etiam Rodrig *ibi art. 2. §. inferitur 2. & art. 9. in medio.*

2 Prior, & Fratres Conuentus Beatæ Mariæ de Monte Marta S. Hieron. in Hispan. habent priuilegium vt Conuentus cum Priore possint alienare hæreditates, possessiones, redditus, & similia inutilia Conuentui, ita vt illorum pretia in alia bona Conuentui utiliora, & immobilia conuertantur. Et hac concessione gaudent communicantes. Rodrig. *cit. question 26. art. 1.*

3 Si alienatio fiat absque solemnitate iuris, & tamen sit euidenter in bonum Monasterij alienantis, valet alienatio, quidquid sit de peccato facientium, Rodrig. *cit. q. art. 9.*

4 Nullus contractus factus per Guardianum Minoritam, vel Abbatissam, etiam de consensu sui, Conuentus est validus, nisi de consensu Prouincialis, vel Generalis, ob multa citata à Rodrig. *cit. quest. 27. art. 3.* vide tamen infra verbo *Canonica portio.* At facilis modus alienandi circa Minoritas est recurrere ad Syndicum, qui est Procurator Generalis Papæ, & habet amplam concessionem iuxta sibi in Bullis, & litteris Commissoriis datam. Et hoc circa bona saltem mobilia Conuentus.

5 Benedictus XII. concessit Patribus S. Hier. Hisp. vt possint de bonis immobilibus, (dummodò non sint data pro fundatione Conuentus, vel à Papa, vel à Regibus) alienare de consensu Conuentus, & Prælati (vsque ad centum florenos auri, dummodò alienatio cedat in bonum Conuentus. Compend. D. Hieron. ver. *Alienare.* §. 1. & *ibidem* §. 2. extenditur concessio vsque ad ducentos florenos, dummodo pecunia conuertatur in utilitatem euidentem Conuentus. Et *ibidem* §. 4. quod possint bona legata, vel donata, quæ commodè administrari non possunt, alienare, dummodo pretium conuertatur in alias possessiones pro Conuentu.

A D D I T I O.

1 **P**œnz impositæ in iure Canonico contra alienantes bona Ecclesiæ obligant etiam Prælatos Regulares. Constat clarè ex privilegiis Pontificiis, per quæ conceduntur à Papa licentiæ alienandi bona Conuentus certo modo, quod non possent facere absque prædictis licentiis. Et patet ex *cap. Abbatibus 12. quest. 2.* Intelligitur verò dicta prohibitio tam de bonis mobilibus, quàm de immobilibus. Addo prædictis pœnis multo magis obstringi Prælatos Minoritas, quia minus dominium habent in rebus mobilibus suorum Conuentuum, quàm habeant cæteri Prælati Regulares in bonis suorum Conuentuum respectivè. Ratio est, quia bona Minorum Fratrum particulari decreto sunt posita in dominio Papæ, & proinde cum sint bona Sedis Apostolicæ, minus possunt in illis Minorita, siue sint mobilia, siue immobilia, quàm possunt cæteri Prælati in bonis immobilibus suorum Conuentuum. Si verò Syndicus Minorum inscio Prælato alienauerit bona Conuentus, talis Prælatus Minorita non incurret, quia Syndicus est Procurator Sedis Apostolicæ, & proinde soli Syndico imputabitur, si omnino Prælatus nesciuit.

2 Pœnz autem impositæ in iure Prælati indebitè alienantibus bona Ecclesiæ, sunt excommunicatio, & præterea actus annullatio, seu annullatio alienationis, *cap. ambitiosa cupidit. in Extranag. communibus de rebus Eccl. non alienandis. & cap. quicumque Episcoporum 17. quest. 4.* ubi additur alia pœna, quod deiciatur ab honore; id est, maneat suspensus. Vide Rodrig. *tom. 1. qq. Regularium q. 27.*

3 **Q**uæris: an si seruus relinquitur Conuentui Religiosorum sub conditione, ne possit vendi, vel alienari & in casu quo alienetur pertineat ad hæredes testatoris vel donatoris: quæris, inquam, an si seruus sic rel-

ut euadat inutilis, ut si fiat ebriosus, furiosus, notabiliter inhonestus, vel latro, possit alienari per Prælatum, non obstante conditione testatoris, vel donatoris? Respondeo primò, secundum ius Canonicum talem seruum, (non relictum sub conditione ne vendatur) posse alienari à Prouinciali. Habetur in *capit. fugitiui 11. quest. 2.* ubi conceditur quòd serui Ecclesiæ si sint fugitiui, possint alienari. Et eadem ratio erit si sint ebriosi, latrones & inhonesti; est enim eadem omnino ratio, & proinde curret eadem dispositio iuris. Onerosum enim valde est Conuentui, imò indecorum talem seruum possidere. Quod verò attinet ad clausulam positam à testatore, vel donatore, quod scilicet si vendatur, ad hæredes pertineat, vel quid simile, consului virum doctissimum in iure Cæsareo, qui mihi dixit, in tali casu non posse vendi seruum: quòd si vendatur tradi debet hæredibus testatoris iuxta conditionem appositam: nisi fortè Rex dispenset in clausula, vel conditione apposita, & iubeat, ut illa non obstante, diuendatur: sed id debet fieri petitione speciali exhibita Regi. Et idem dico si seruus relictus fuit sub conditione, ne vendatur: tunc enim necessaria est Regis dispensatio.

4 Præter alienationem bonorum Ecclesiæ, prohibentur etiam sub eisdem pœnis bona Ecclesiæ, pignori, *cap. ea enim 10. question. 2. § hoc ius.* Sed illa lex non est lex Ecclesiastica, solum est lex Imperatoris secularis, & ibi exponit Gloss. quòd fuit lata pro sola Ecclesia Constantinopolitana. At in nostro Regno Portugalliæ, *lib. 2. Ordinat. tit. 24.* decernit lex pro omnibus Ecclesiis, ut nullus sub pignore accipiat aurum, vel argentum, ornamenta, vel vasa Ecclesiæ alicuius, etiam Regularis, & etiam Franciscanæ. Si verò tanta fuerit Ecclesiæ necessitas, & aliter illi nequeant subuenire, nisi pignorando, aut vendendo, ad Regem ipsum Prælati recurrant pro licentia impetranda. Eos verò qui contra huius legis præscriptum res Ecclesiæ alicuius sub pignore acceperint, vel pretio emerint absque expressa Regis licentia, iubet ut amittant valorem rerum dictarum cum excessu nouem partium: Et res sic pignoratæ, vel emptæ

reddantur Ecclesiæ absque vlllo pretio soluto, ab Ecclesiâ. Sic lex illa valde pia, & in fauorem Ecclesiæ satis ordinata.

A P P E L L A R E.

1 **P**ossunt appellare Religiosi ad superiorem, non à correctione ordinaria inflicta per Regulam, vel statuta: sed à sententiis particularibus quando iuxta prudentis arbitrium illis infertur grauamen iniustum: & hoc per modum querelæ. Est enim defensio naturalis ipsa appellatio iusta: ita vt iudex non recipiens appellationem iustam peccet mortaliter. Nau. in Sum. cap. 25. numer. 3. Ex dictis patet quod si Religiosus Prælati puniat delictum subditi cum pœna taxata in sua Regula, vel statutis, non potest subditus appellare; ibi enim interuenit iusta correctio iuxta statuta, vbi non potest iudex argui de excessu. Excipe tamen si in commissione delicti interuenit aliqua circumstantia valdè minuens pœnam statuti; vel in totum releuans: tunc non poterit appellare à tota pœna.

2 Appellationi friuolæ non tenetur iudex deferre, sed tenetur repellere. Est autem appellatio friuola, illa quæ ponitur sine causa legitima, vt quando quis appellat non grauatus iniuste: vel dilatandi causa: vel quia sperat superiorem iniustæ amicitie gratia fore mitiorem, &c. Rodriguez tom. 1. quest. 8. artic. 13. & Diuus Thomas 2. 2. q. 69. art. 3. & sic appellans peccat mortaliter.

3 Minoritis prohibuit Greg. XIII. sub excommunicatione ne appellent ad sæcularia tribunaia. Et Congregatio Cardinalium declarauit modum appellandi à Minoribus hunc esse seruandum: vt scilicet à Guardiano appelletur ad Prouincialem: ab hoc ad Generalem: ab hoc ad Protectorem Cardinalem: ab hoc ad Papam. Capucinus in Compend. verbo *Appellare*. At his non obstantibus potest Religiosus omisis illis mediis statim ad Papam seu Nuntium appellare. *c. ad Romanam*

26. q. 6.

26. q. 6. & Couar. in *practic. question. c. 4. num. 9.* & praxis obseruat.

4 A iudice arbitro non licet appellare, & hoc in prænam inconstantia: inconstantia est enim diffidere de illo quæ elegisti Mirand in *Ordine iudicario q. 30. art. 5.*

5 Appellatio duos habet effectus. Primus est deuoluere causam ad superiorem iudicem: secundus est ita suspendere primi iudicis auctoritatem, ut illius mandatum post appellationem non liget; etiam si iubeat sub censuris. Gloss in *cap. ad reprimendum. de offic. Ordinarij. ver. Conquestus*, & communis: vide tamen infra *num. 8.*

6 A sententia interlocutoria communiter non licet appellare, ut habetur *l. 1. ff. de appell.* Excipitur casus si in tali sententia continetur damnum irreparabile, qualis est tortura, ab hac enim, vel à simili potest appellari, nisi friuolè appelleret; quia hoc modo non licet: *l. ante sententiam ff. de appellat.*

7 Appellari potest à sententia declarationis, qua quia declaratur excommunicatus, vel alterius censuræ. Syluest *ver. appellatio num. 7.* Et ab ipsa excommunicatione lata sub conditione potest appellari ante impletam conditionem, quia ante illam impletam non ligat. Sæ *ver. Excommunicatio num. 1.*

8 Fuit aliquis electus legitimè: noluit præses confirmare, appellauit electus: stante appellatione quæ prohibet amplius procedere, potest nihilo minus præses confirmare, & valet confirmatio. Rodriguez *tom. 1. quest. 11. art. 6.* & similiter potest iudex à quo appellatum est ob censuram, post appellationem ab ipso, ab illa absolueret appellantem. Suarez *tom. de censur. disp. 7. sect. 3. num. 23.*

ADDITIO.

24 Appellatio non solum potest interponi contra sententiam laram à iudice præcedente processu iudicis, sed etiam poterit interponi contra mandatum

datum quoduis Superioris iniustum, & gratans, non præcedente processu. Potest etiam quis appellare contra electionem ne fiat indebitè si sit de corpore Capituli: ut si præses electionis omisit vocare illos, quos vocare tenebatur, vel si omittat aliquam solemnitatem substantialem iuris, poterit, inquam, tunc appellari, vel à nocumento proprio sibi sperato, vel inferendo contra bonum commune, sed illa prima appellatio facta contra sententiam latam præcedente iudicio, dicitur appellatio iudicialis, id est, contra sententiam latam in iudicio. Secunda verò appellatio facta à mandato gravante dicitur appellatio extra iudicialis. Ita Miranda in *Ordine iudic. quæst. 30. artic. 2.* citans Textus, & Doctores.

2. Iulius I. prohibuit Fratribus Prædicatoribus, ipsorumque Monialibus, ne possent appellare à quouis superiore amouente subditum ab officio Prouincialis, Prioris conuentualis, vel quouis alio: si dictus superior ad talem amotionem, vel absolutionem faciendam habuerit potestatem. Si verò appellauerit, etiam prætextu grauaminis, quocunque modo appellatio interponatur, talis subditus, vel subdita Monialis ipso facto censeantur absolui, & priuati ab officio absque ulla declaratione. Refert Capucinus *addit. ad compenduer.*

Appellare. Ipsi Patres viderint quod circa hoc soleant praticare. Ego non possum non laudare tantum Pontificis zelum: & tantam subditorum obedientiam pro ambitionis etiam vinbra ressecanda. Doleo verò è contra videns alicubi tot appellationes aliquando interpositas pro iusta officiorum priuatione cum clamore cælum, ac terram implente, quasi prædicta officia paterna hæreditate fuerint comparata.

3. Gregor. XIII. sub excommunicatione prohibuit Minoritis, ne appellarent ad sæcularia tribunalia: habetur inter Constitutiones Gregorianas 34. Quæris: an Minorita grauatus (ut putat) à suo Prælato recurrat ad præsidem sæcularis tribunalis, Regem scilicet, Proregem, Gubernatorem, vel similes, petens ab eis remedium contra illud grauamen, an iste talis incurrat illam censuram? Respondeo, quòd si iste recursus sit so-

lùm

lūm rogando vt prædictus præses roget Prælatum vt desistat ab iniusto gravamine, tunc Religiosus non incurrit, quia rogare non est appellare, sed intercessorem querere, & intelligo hoc etiam si talis Religiosus per modum quærelæ id roget. Quod etiam probæ ex eo quod aliqui Sum. Pontifices prohibentes Religiosos appellare, eisdem permittunt vt possint facere quærelam. Si autem prædictus Minorita recurrat ad Præsidem sæcularem, rogando vt mandet Prælato imperiosè, & authoritatiuè, vt desistat, credo quòd incurret prædictam censuram: hoc enim in substantia est appellare. Nihil enim ad rem facit si appelletur verbo, dicendo, Appello: an verò appelletur opere, seu facto aliquo. Nam Rodrig. *tom. 1. qq. quæst. 30. art. 3.* innuit Religiosum grauarum ab inferiori, & aduentem superiorem pro remedio, sentit illo suo discessu appellare; cū tamen coram inferiori verbo non appellauerit. An verò prædictus Minorita solum rogans prælidem sæcularem, vt roget Prælatum pro pœna sibi minuenda, vel tollenda, incurrat aliam excommunicationem dicti Pauli V. impostam Minoritis recurrentibus ad sæculares pro officiis sibi dandis, vel pœnis tollendis, &c. dicam infra verb. *Officia ordinis.* in expositione prædicti Motus proprii citati Pontificis. Si verò subditus vim patiatur iniustè à Prælato, & non habet recursum ad superiorem, an pro vi iniusta tollenda possit recurrere ad potestatem sæcularem, non vt sit iudex in causâ principali, sed solum vt vim tollat, & faciat dari iudices superiores pro sola vi tollenda, idque absque incurso Bullæ Cœnæ? Posse hoc fieri, fauet Suarez *tom. de Cens. in disp. 21. sess. 2. excom. 13.* Et Antoninus Soza supra Bullam Cœnæ, *disp. 75. concl. 1.* & tenet Fuscus *de visisec. libr. 2. c. 23. n. 5.* & Velasq. *consul. 100. n. 2.* & Zeuallus *lib. 4. comm. 91. n. 102.*

4 Miranda in *Ordine iud. quæst. 30. art. 5. concl. 4.* asserit eandem excommunicationem incurere omnes alios Religiosos cuiusvis Ordinis appellantes ad sæcularia tribunalia, siue ad ipsum Regem: citat Miranda Aragonem dicentem hanc censuram pertinere ad Bullam

Iam Cœnz Domini: in qua prohibetur in *casu* i. s. causas Ecclesiasticas tractari coram iudice sæculari. Afferitque Miranda id Religiosis prohiberi etiam si recurrant, ut Rex, vel præses sæcularis Religiosum liberet à vi iniuste illata. Per hæc autem non est mihi mens disputare an Princeps, vel Rex possit suam auctoritatem, vel potentiam interponere cognoscendo de causis personarum Ecclesiasticarum ut illis succurrat, liberando à vi iniuste illata per iudices Ecclesiasticos. De hoc, inquam nihil curo; solum dico, Religiosis hoc esse interdictum sicut Miranda testatur *citato loco*, dicens per alias Bullas Pontificias idem eisdem Religiosis prohiberi. Vide illum *citato loco*.

§ In Clementina 1. de statu Monachorum, §. quia verò, excommunicantur Monachi, qui sine Prælatorum licentia vadunt ad Curiam Principum sæcularium animo inferendi dānum Prælati, vel Monasteriis. Vbi nota pro hac censura incurrenda, primò requiri ut subditus vadat sine licentia Secundo, ut vadat cum animo nocendi. Tertiò, ut nocumentum intentatum sit contra Prælatos, vel Monasteria Vnde si vadat aliàs cum licentia: vel intendat nocere Religioso particulari, qui non sit Prælatus, non incurreret hanc censuram. Est enim pœna, & proinde restringenda. Addo verò quòd si vadat sine licentia cum animo taliter nocendi, incurreret duas excommunicationes, vnā positam in ista Clementina, alteram positam contra Apostatas, exiens enim sine licentia est Apostata.

ADDITIO AD ADDITIONEM.

R I M ò aduerto (maximè pro Minoritis) in illorum statutis generalibus Segouiens. cap. 6. ver. *Appellare*: distinctionem fieri de illo, qui recurrit ad tribunalia, vel iudices sæculares: ac de illo qui appellat ad tribunal sæculare. In illo priori membro (quod minus reputatur) prohibetur peti fauorem, auxilium, vel consilium, à iudice, Principève sæculari, vel Ecclesiastico,

Appellare.

4

ecclesiastico, etiam per modum querelæ: & ita huic culpæ solùm imponitur pœna arbitraria Prælati; quia in hoc non appellatur iuridicè tanquam ad verum iudicem: sed solùm illius fauor, vel quasi brachium imploratur, absque forma appellationis iuridicæ. In secundo verò membro, quando scilicet appellatur in forma iuris ad tribunal sæculare, imponitur pœna excommunicationis ipso facto per Bullam Gregorij X I I l. citatam ad marginem statuti prædicti, per quam id expresse prohibuit Minoritis. Imò & hæc excommunicatio coincidit cum excommunicatione Bullæ Cœnæ in *excommunicatione* 13. vol. 14. per quam excommunicantur omnes qui appellant à iudice Ecclesiastico ad sæcularem, vel laicam potestatem: vel à grauamine præsentis, vel futuro litterarum Apostolicarum, vel auocant, vel faciunt auocare causas à iudice Ecclesiastico ad iudicem sæcularem. De quo vide Suæres, & Reginal. in explicat. Bullæ Cœnæ ad Censuram 13. 14. § 15.

2 Ex dictis sequitur, quòd religiosus, qui non appellauerit in forma iuridica ad tribunal sæculare, sed solùm à Principe, vel Prælato Ecclesiastico petierit auxilium, vel fauorem, non incurret (ut mox dicemus) censuram Bullæ Cœnæ, si tamen fuerit Minorita, incurret aliam excommunicationem D. Pauli V. latam contra Minoritas petentes fauorem à sæcularibus ut intercedant coram Prælatis Ordinis pro sibi remittenda aliqua pœna, vel fauore faciendo, cuius motum proprium supra explicauimus in isto libro, ver. *Officia ordinis*. Hic etiam religiosus, si fuerit Minorita, implorans fauorem extra ordinem, subiacebit pœnæ arbitrariæ Prælati secundum statutum Segouienſe citatum.

3 Tota dubitatio est, quam sup. ver. *Appellare*, obiter, & cum timore tetigimus, an scilicet religiosus, vel quiuis alius vim patiens iniuste à suo superiore, siue per sententiam, siue per mandatum simplex, possit recurrere ad principem sæcularem, non appellando tanquã ad iudicem verum; sed solùm inuocando eius auxilium tẽporale, ac petẽdo, ut ipsum defendat à præsentis vi & grauamine iniuste illato à suo Prælato: ita ut Princeps sæcularis succedat,

steret, diligenter inquisiuit de tali Bulla relata à Bannes: & in nullo registro fuerit reperta: hoc non probat quod Rex Hispaniæ illam non habeat, potuit enim talis Bullas vel non registrari in indice aliarum: vel potuit ille author aliquod registrum alicuius Notarij non inquirere. Quamuis autem Azor. *citato loco* cum multis citatis ibidem neget Regem, vel Principem sæcularem posse se intromittere in causa Clerici, vel Religiosi pro vi iniusta tollenda, & succurrenda: id tamen vltà praxim prædictam, tenent multi, ac graues Doctores Catholici, etiam recentiores. Hi sunt Ioann. Chochier in *Thesaur. polit. aphor. lib. 2. cap. 4.* Fuscus de *Visis cet lib. 2. cap. 23. num. 5.* Valascus *consil. 100. num. 2.* Zeualus *lib. 4. commun. q. 1. à num. 100.* Menoch. de *recuperand. remed. 15. num. 214.* Bouadilla *lib. 2. cap. 18. num. 104.* & idem tenet Nauar. (quando non est facilis recursus ad Papam, vel Superiorem.) Vide Nauar. *cap. cum contingat. remed. 4. num. 13.* Ioseph. Sese, de *inhibit. iniustitie cap. 8. num. 71. & seqq. §. 3.* Couar. *Pract. q. cap. 35. num. 3.* Fauet Nauar in *Summ. cap. 27. num. 71. §. 3.* Fauet Suarez *tom. de Censuris in Expositione 14. censura Bullæ Cœna, & in excommun. 13.* eiusdem Bullæ in fine vtriusque, quatenus hoc remittit ad Papam: idem denique affirmat cum prædictis circumstantiis Fr. Antonius de Soza in *Explicatione Bullæ Cœna disput. 65. numero 3. & seqq.* Et dicunt aliqui Doctores hanc etiam praxim vigere in aliquibus Regnis Christianis, maximè in Gallia.

§ Non desunt rationes pro ista praxi, & opinione. Primam ponit Bannes *citata questio, § Vnde seruitur:* nam ius Pontificium non derogat iuri naturali vt patet. at ius naturale dictat vt quiuis defendat innocentem iniuste oppressum, imò & ad illum defendendum tenetur si potest: ergo Princeps sæcularis poterit defendere Ecclesiasticum iniuste oppressum à suo Prælato, si de præsentis vim sibi illatam aliter nequit effugere. Secunda est: quia non est nouum in iure Canonico vt ad Principem sæcularem recurratur pro grauamine facto Ecclesiæ. Nam *c. filiis, vel nepotibus 16. q. 7. diffi-*

D

nitur, ut quando Ecclesiastici, Episcopi, vel Metropolitanis bona Ecclesiæ defraudauerint, intimetur id Regis auribus. Vbi gloss. verb. *Regis*, ait: id faciendum esse ut Rex Ecclesiasticum corrigat, quia per Ecclesiasticum iudicem corrigi non potest, iuxta *cap. petimus* 11. *quest.* 1. Tertia, quia quando est periculum in mora à regulis iuris recedendum est *l. de pupillo*, §. *si quis riuos*, ff. *de nouo per. nuntiat*. Argum. *cap. baptizari* dist. 5. Est enim mora vitanda ubi timetur periculum, *c. ne quod absit. de consecr. dist. 4.* Quarta, quia Princeps sæcularis est primus defensor Reipubl. teste Aristotele *Polit.* 5. *cap. 10.* Et facit. *l. si quis in hoc*, *Cod. de Episcopis, & Cler.* ubi sic ait Iustinian. *Sitque cunctis laudabile factas sacerdotibus aut ministris iniurias veluti crimen publicum prosequi.*

6 Hinc colliges quod Minorita, & quiuis alius Religiosus, si recurrerit ad tribunal, vel Principem sæcularem, non appellando tanquam ad iudicem, sed inuocando auxilium ut se defendat à vi, vel grauiamine iniusto illato per Prælatum inferiorem, pro cuius liberatione non habet aliud remedium in Præsenti: colliges, inquam hunc talem Religiosum, neque incurrere Bullæ Cœnæ censuram, neque aliam alicuius Sum. Pontificis; neque subiacere pœnæ arbitrariæ impositæ per statuta generalia Ordinis Minorum, vel alterius Religionis. Cauendum tamen est ne quis fallatur, an grauiamen sit graue, iniustum, & alia via euitabile, videlicet per appellationem, si acceptetur. Neque rationes pro parte opposita adductæ ab Azor. *cit. cap. 12.* sunt insolubiles, in quarum solutione non immoror, quoniam breuitatem profiteor: & ad nostrum intentum tot Doctores, ac rationes sufficiunt. Vide citatos pro nobis Doctores, & Sozam *cit. disp. 75.*

7 Obiicis, D. Paul. V in sua Bulla Cœnæ excommunicatione 13. (*aliàs* 14.) dum prohibet sub excommunicatione, ne appelletur à iudice Ecclesiastico in causa Ecclesiastica, ad sæculares, id prohibet etiam si fiat, *Prætextu violentiæ prohibenda.* Sunt verba expressa Bullæ. Ergo Rex Hispaniæ non est iudex violentiæ factæ

Atque personis Ecclesiasticis, ut illas ab ea defendat contra iudices Ecclesiasticos. Respōdeo primò, quod citata proximè verba, sunt iam posita in Bulla Cœnæ Gregor. XIII. ferè quinquaginta abhinc annis, ut videre est in Summ. Nauarr. c. 27. ubi explicat Bullam Cœnæ latam à Gregor. XIII. ubi iam posuit illa verba: *Neque pretextu vitanda violentia.* Et nihilominus à Gregor XIII. vsque in hunc diem, tot ac tales viri doctissimi non formidant tenere opinionem suprà relatam cum Couar. & aliis posterioribus. Secundò, quis audebit damnare tam pios, ac Catholicos Reges quales sunt Rex Franciæ, & Hispaniæ, practicantes hanc opinionem in suis Regnis, idque per officiales, ac ministros suos timoratos, doctos, & Catholicos, ut credat illos non curare de Bulla Cœnæ? Tertiò, quis credat Papam ignorare Romæ hanc opinionem publicè praticari in Gallia, & in Hispania tot abhinc annis. Si autem Papa scit, & tolerat per tot annos, utique consentit, ac proinde licitè fit. Quartò, quia prædicta excommunicatio clare ligat illos qui appellant ad potestatem laicam: quæ verba possunt intelligi solum de illis qui appellant ad iudicem laicum tanquam ad iudicem causæ Ecclesiæ ut iudicet processum factum à iudice Ecclesiastico. Qui verò grauatus vi iniusta à iudice Ecclesiastico recurrit ad Regem cum supradictis conditionibus, petens liberari à violentia iniusta, non appellat in rigore tanquam ad iudicem; sed solum recurrit ad brachium, vel gladium Regis, petens ut ipse se defendat à vi iniusta, & faciat per iudices non sæculares, sed per Ecclesiasticos sibi ministrari iustitiam: quod videtur posse facere per rationes supra adductas, sub censura Ecclesiæ, & Doctorum.

8 Quando quis appellat à sententia solum interlocutoria, vel à grauamine facto extraiudicialiter, tenetur statim reddere causam suæ appellationis, aliàs Iudex regularis non tenetur illam admittre si non allegetur causa, verbi gratia: Iubet Prælatus incepto iam processu, ut fiat talis diligentia pertinens ad sententiam diffinitiuam; vel extra processum iubet ut subditus

faciat certum quid, quod subditus iudicat sibi nocivum: in tali casu si subditus appellet ad Superiorem, debet statim allegare causam appellationis coram iudice inferiore, dicendo, ob talem, vel talem causam. Quam causam si non exponat non tenetur appellationi deferre. Habetur expressè *cap. 1. de appellat. in 6. in principio*, cum gloss. *ibidem*. Et in gloss. *cap. constitutio. de elect. in 6. ver. anteriora*, in Additione eiusdem verb. ex Ioann. Andræa. Et iubetur appellans in tali interlocutoria causam exprimere, quia cum iudex per interlocutoriam nondum sit functus suo officio, nec iurisdictionem amiserit, adhuc est iudex ut iudicet de illa appellatione ab interlocutoria, quam si friuolam, & inanem iudicauerit, poterit illam repellere, & ad diffinitivam procedere.

9 Secus dicendum est si subditus appellet à sententia diffinitiva: tunc enim non est necessarium ut causas appellationis statim exprimat, sed sufficit ut dicat, appello ab ista sententia, quam puto iniustam: & causas appellationis exprimat coram Superiore ad quem appello. Ita habet gloss. utriusque capitis proximè citati: & ratio esse potest, quia in sententia diffinitiva iam iudex functus est officio suo: neque potest examinare causas appellationis. Excepto si appelletur de re parvi momenti: vel quando reus confessus est crimen in iudicio, eique solum est imposita pœna statuta à lege, vel si crimen sit evidenter probatum: tunc enim non admittitur appellatio. *cap. cum speciali. de appell. §. porro.*

10 Iudex à quo appellatur etiam si officio functus sit in principali, adhuc tamen potest interdicare parti appellanti ne faciat illud propter quod appellavit, vel id quod sequitur Gloss. *cap. 2. de matrimop. contract. contra interdictum Ecclesiast. verb. districtius interdixit.* & colligitur clarè ex textu *ibidem*.

11 Si appellavi ab aliquo Prælato in aliqua causa, & appellatio fuit iusta, & admissa, nihilominus maneo subditus illius in aliis causis, & potest me de alio crimine citare, & punire: secus si illum recusavi iustè, & probavi mihi esse suspectum ob aliquam causam in aliquo

quo processu, tunc enim mihi manet suspectus in quacumque causa. Ita Gloss. in cap. Pastoralis. de appellat. verb. ad tempus. Et colligitur ex tribus capitulis ibi citatis, maxime ex cap. proposuit. de appellat. Vbi Papa dicit iudicem suspectum in vno, posse nihilominus inquirere de aliquo crimine eiusdem recusantis quando crimen est adeò notorium vt de illo non possit reus respondere, neque excusari. Declarat tamen ibi Papa, & gloss. citato cap. Pastoral. quod pendente appellatione non potest iudex à quo cognoscere de alio crimine appellantis, quia pro tunc est suspectus: finita verò appellatione poterit. At si simul probatum fuit iudicem esse suspectum causa odij, vel consanguinitatis, & similium pro omni causa sequenti manebit suspectus.

12 Dixi in prima editione hoc ver. non posse appellari à iudice arbitro. Nunc declaro iudicem arbitrum esse duplicem: alius est arbiter iudex datus à iure quando scilicet ipsa lex iubet, vt Prælati recusati det iudices arbitros ad causam decidendam: & dicuntur arbitri iuris, quia dantur à iure, vel à iudice recusato (de quo statim:). & hi arbitri iuris si ferant sententiam potest ab illis appellari: habetur expressè, cap. ab arbitris, de off. & potest. &c. in 6. cum Gloss. ibidem, & est communis opinio. Alij sunt arbitri qui dicuntur compromissarij, qui solum eliguntur à patribus vt causam dubiam diffiniant, ac resoluant, eo pacto vt vtraque pars compromittat quod stabit determinationi illius, vel illorum. Et ab hoc arbitro compromissario non potest appellare pars condemnata, vt dixi citato loco, & tenet Gloss. citat. cap. ab arbitris. ver. appellandum: pro quo citat duos textus, vnum iuris Canonici, alterum iuris civilis. Verum per legem Portugallie in Ordination. lib. 3. titul. 16. §. 1 etiam ab his arbitris compromissariis potest appellari, si sententia sit iniusta, & hoc licet ambæ partes prius se obligent ad standum sententiæ sub certa pœna soluenda ab eo qui resilierit. At Religiosi debent seruare in hoc legem iuris Canonici non Portugallie, sicut & Clerici tenentur ad ius Canonicum. Nihil tamen ibi lex loquitur quid sit dicendum si

utraque pars prius iuret quod stabit sententiæ arbitri compromissarij. Et ego dico quòd præcedente tali iuramento, etiamsi pars aliqua se læsam dicat, non poterit appellare; quia tunc tenetur ex iuramento quod potest seruire sine dispendio animæ: & de tali iuramento iudicandum est sicut de illo qui ob metum iurauit se daturum latroni 100. aureos, obligatur enim iuramento, iuxta communem.

EXCEPTIO CONTRA IUDICEM, *sem recusatio iudicis.*

13 **S**olent aliquando subditi recusare iudicem Prælatum dicendo illum sibi esse suspectum. In hoc casu prima regula sit. Taliter recusans Prælatum ut suspectum debet coram eodem Prælato allegare causas exceptionis, qui Prælatur si viderit causas esse friuolas, & inanes, poterit per se ipsum illas repellere, & in causa procedere; habetur expressè *in c. cum speciali. de appellat.* iuncta ibi gloss. verb. *iuste suspicionis.* & gloss. paruula marginali quæ ad hoc citat Innoc. Hostiens. & Ioann. And. Si verò recusator nolit coram illo assignare causas recusationis intra terminū à iure præfixum, vel ab ipso iudice assignatum, iudex poterit procedere in causa vsque ad sententiæ prolationē. Ita diffinit lex Portugalliæ *Ordin. lib. 3. titul. 21. §. 4.*

14 Si causa recusationis sit apparens, & probabilis, & Prælatus sit ordinarius, ut Episcopus, Prouincialis, &c. potest talis Prælatus committere causam alicui personæ non suspectæ, vel aliquibus iudicibus arbitris, qui causam illam iudicent. Si verò sit iudex delegatus, non potest hæc duo facere ex suo imperio: sed ex consensu partium litigantium assignante quauis parte suum arbitrum, poterit iudicari an sit causa sufficiens recusationis, qui si iudicent non esse sufficientem; procedet iudex delegatus in causa commissa: si verò iudicent esse causam sufficientem, cessabit delegatio. Et ratio diuersa

litatis est, quia iudex ordinarius habet magis radicam iurisdictionem quam delegatus. Habentur hæc duo *cit. cap. cum speciali. de appellat. iuncta gloss. verb. de recusatoris. & in cap. secundo de appellat. maxime in gloss. ibi. ver. coram eod. allegare: & quod Prælati ordinarius si sit suspectus possit assignare alium iudicem non suspectum, habetur cap. si quis. de foro compet. vel ipsa pars potest petere ut aliquem sibi associet per textum quos citat gloss. in cap. cum contingat. de foro compet. verb. vel consuetudine.*

15 Aduertat tamen iudex quod si subditus acceptauit litigare, vel fieri processum aliquem iudicum coram Prælati ordinario, vel delegato; & postinceptum processum vult recusare illum iudicem tanquam suspectum, non poterit ad hoc allegare causas suspicionis, quæ iam existebant ante litem inceptam. Cum enim iam has causas ille sciuerit, & nihilominus coram illo litigare consensit, iam videtur illis causis renuntiasse. Si verò hæc causæ, vel aliqua illarum orta fuit post litem inceptam, tunc poterit illam allegare, & si fuerit sufficiens, recusabitur iudex. Si denique iam ante litem inceptam erat orta causa suspicionis, vel recusationis, & ipse recusans illam ignorabat: poterit si id iurauerit, post litem inceptam illam allegare, prius iurans quod illam ignorabat ante litem inceptam. *cap. insinuante. de off. delegat. & Felin. in cap. Pastoral. numer. 17. de excep. & ibi Decius num. 9. & Couar. Pract. cap. 26. num. 2. versic. Sic est post conclusum.* In iure vero Ciuili aliud seruatur, de quo non caro.

A L T A R E.

Vide infra ver. *Missa*, quæ enim ibi dicuntur, etiam hîc inferuiunt.

1 **D** Vbitant authores si hodie post Trident. possint Religiosi celebrare extra Conuentus suos vbique in altari portatili, salua semper honestate, decencia, & firmitate illius vt olim habebant? Negat absolutè Miranda *tomo 1. question. 40. art. 9* citans pro se Suarez idem sentientem. At Petr. Ledesm. 1. *parte Sum. cap. 20. de Eucharist. fol. 120. impress. Olyssip.* dicit hodie id licere Religiosis si Episcopus non prohibeat sicut potest prohibere: & tamen si non prohibeat, non posse. Et citat Ledesm. Medinam, & ait sic sentio alios. Idem sentit Er. Ioan. à Cruce in *sua Epitom. pruil. lib. 2. cap. 5. §. si obiicias.* & Rodriguez *Rdditio. ad Summ. tom. 3. cap. 19. num. 3.* ait similiter posse, & solum esse reuocatum quo ad cameras vbi sæculares dormiunt: & proinde confirmare videtur quod dixerat *tom. 1. qu. qu. 43. art. 4. & 5.* ex multis priuilegiis ibi citatis, posse Regulares hodie non contradicente Episcopo celebrare in domibus sæcularium seruata debita decencia extra cameras vbi dormiunt, & in plateis, & in castris, & in grangiis, &c Et citra vllum dubium id affirmat Rodriguez *citat loco Summ.* posse facere fratres itinerantes cum proximè dicta moderatione. Et Compend. Societatis Iesu verbo *Altare*, refert Paul. III. & Gregor. XIII. illis concessisse cum derogatione Tridentini, vt possint sui Religiosi in missionibus, ad quas mittuntur, celebrare in altari portatili vbique gentium, etiam in castris militum, cum moderatione proximè posita. Vide tamen verbum ibi positum (*in missionibus suis*) quid importet. Fauet Compend. D. Hieron. citandum, *num. 3. §. 3. & 3.*

2 Abbates Cistercienses possunt consecrare altare suorum

suorum Conuentuum, cum oleo tamen sacramento non à se, sed ab aliquo Episcopo. Neque hoc reuocatum est illis per Tridentinum: idque possunt etiam pro Ecclesiis sibi annexis intra suum territorium. *Rodrig. tomo 3. Addit cap. 19. num. 2.* Hoc tamen priuilegio non vtuntur communicantes.

3. Intra suos Conuentus possunt Regulares communicantes cum Fratribus D. Hieronym. in Hispan. erigere altare, & in eo facere celebrare, cum debita decencia, idque maximè ubi Fratres infirmi decumbunt, etiam in camera Prioris. Compendi. D. Hieronym. verbo *Altare* §. 1. Et idem concessit Gregor. XIII. Societati Iesu, in eius Compendio, verbo *Oratoria*, §. unico, vt possint Prouinciales hæc Oratoria intra Conuentus pro Missis erigere. Ponit tamen ibi Collector vt non faciant id Prouinciales nisi in locis remotis ab oppidis. At Compend. D. Hieron. loquitur absolutè.

4. Opinio antiqua dicebat hoc altare portatile, vulgo (*pedra de Ara*) si haberet solos angulos fractos in quibus chrisma ponitur, perdere consecrationem, & in illo non posse celebrari. At secus dicendum est: & tenendum, quod non solum fractis angulis, sed etiam fracta parte notabili petrae sacrae, si Pars remanens potest commodè capere calicem cum hostia, in illa potest licitè celebrari. Quia non solum anguli, sed tota petra consecratur. Sic tenet Suarez cum multis quos citat *tom. de Euchar. disputat. 82. sect. 5. §. tertio additur.* Si verò neutra pars aræ manentis possit capere calicem, & hostium, non poterit in illa celebrari. *ibid.* Suarez.

AN NVS, D I E S, T E M P V S.

Solet aliquando in iure, vel aliquibus Bullis Pontificiis assignari certus terminus annorum, mensium, vel dierum, intra quem terminum temporis res aliqua facienda, vel omittenda sit: idemque solet contingere in aliquibus statutis Religionum. At in illo

iure, Bulla, vel statutis sæpius non exprimitur an illi anni, vel menses debeant esse completi, vel inchoati. Quapropter utile fuerit tradere regulas breues, & claras, ex quibus poscit cognosci quando iubeantur anni, vel menses completi: quando verò sufficiant inchoati. Hoc in summa colligit ex Canonistis Azor. *1. tom. Sum. lib. 5. c. 28. §. Dubia est.* Ex quo accipe sequentes regulas.

1 Si leges, canones, vel statuta assignant tempus cum præpositione, *In*, per ablatiuum, videlicet, in anno tertio, quarto, vel similibus, solum requiritur annus inchoatus, & inceptus. Vnde si lex dicat: quod nihil possit fieri nisi in anno tali, sufficit quod sit annus inchoatus, & proinde sufficit quod duo, vel tres dies illius anni transierint: iam enim per illos est annus inceptus.

2 Si lex vtatur genitiuo dicens, ne quid fiat ab aliquo nisi fuerit decem annorum, vel quid simile, in tali casu petit lex annos completos.

3 Si lex vtitur accusatiuo cum præpositione, *Ad* solum requirit annum inchoatum. Citatur Bartol. *l. si quis, ff. de legatis, & l. lui filium, ff. ad Trebellianum.*

4 Si lex assignet annos vtens accusatiuo cum præpositione, *Per*, vt per tres, vel quatuor annos, requirit annos completos. Citatur *lex non putabam, & lex si annos, ff. de condit. & demonstrat.* Hinc colligo pro Minoritis, quod lex Sixti V. iubentis vacare Abbatissas per tres annos requirit annos, ita vt si desit vnus tantum dies, non possint reeligi, iuxta mox dicenda. Nam Sixtus V. vsus est in sua constitutione accusatiuo cum præpositione, *Per*, per tres annos.

Quæris, an idem iudicium sit quando lex assignat annos cum præpositione, *Post*, vtens accusatiuo: vt si dicat, post sex annos, vel quid simile? Credo etiam tunc requiri annos completos, cum eadem ratio sit in præpositione, *Per*, & præpositione, *Post*. Confirmo exemplo: Nam cum Pius V. in sua Constitutione Pastoralis, anno 1571. pro Minoritis decreuerit, vt functus officio Generalis, non possit reeligi, nisi post 16. annos, & functus Prouincialatu non reeligatur nisi post annos 8. &c. *ibidem.* Cum postea fratres dubita-

rent

rent an illi anni deberent esse completi propter particulam ibi positam, *Post*, adiectam accusatiuo : petierunt à Gregor. XIII. permetteret vt illi anni non intelligerentur rigorosi, & completi. Qui proinde dispensauit, vt illi anni vacationis præscripti à Pio V. non essent completi: sed per illos intelligeretur tempus vacationis duarum electionum intermediarum, siue tales electiones fierent suis annis completis siue non. Statutum verò Segouienſe cōgregat. Generalis, *titulo de Prouincialibus Ministris. § Omnes igitur*, mandat ne Prouincialis antiquus reeligatur nisi post sex annos expletos.

Ex hoc etiam infero Abbatissam sanctæ Claræ in Portugallia debere vacare per se annos completos. Nam Paul. V. in Bulla de hoc edita dicit à se postulatū fuisse, vt illæ non possent reeligi, nisi post sexennium. Et Papa dicit, vt vacent per se annos, cum præpositione, *Per*, & refert statutum Ordinis, quod confirmauit decernens vt Abbatissæ vacarent sexennio. Qui ablatius in materia odiosa, qualis est reelectio Abbatissæ requirit etiam annos completos, vt mox dicemus. Si verò dicas, sufficere pro electione, vel reelectione Abbatissæ tempus vacationis duarum electionum intermediarum, siue præcesserint sex anni completi, siue non: sicut suprà diximus in reelectione Generalis, & Prouincialis: Respondeo, non sufficere. Nam pro Generali, & Prouinciali dispensauit Gregor. XIII. At pro reelectione Abbatissæ non inuenio dispensatum ab aliquo successore in Bulla Pauli V.

5. Si lex assignet annos cum præpositione, *Ante*, & cum accusatiuo, vt ante annum 12. vel 24. vel quid simile, requirit annos inchoatos, & inchoati sufficiunt. Colligitur ex Tridentino, *sess. 23. c. 12.* vbi assignat annos requisitos ad Ordines Sacros recipiendos cum præpositione, *Ante*, & accusatiuo. Quos annos Praxis Ecclesiæ declarauit sufficere inchoatos. Pro Minoritis aduerto, quòd quando statuta generalia Romæ edita sub Generali P. Ferro requirunt quatuor annos professionis vt Monialis ferat suffragium in electione Abbatissæ, non requirunt annos completos, sed inchoatos;

choatos. Nam statuta illa Latino idiomate impressa videntur præpositione, *Ante*, cum accusatiuo: dicunt enim: *Ante quatuor ab emissâ professione annos*. Vnde si Monialis iam inchoauit quatuor annos professionis, poterit suffragari: sed non debet computari annus nouitiatus. Nouissimè verò apud Minoritas Congregatio Generalis Segouix ordinauit sic: Vt in electione Abbatissæ illæ solum Moniales suffragentur, quæ sextum professionis annum excesserint.

6 In pœnis, & in materia odiosa, si nulla ex supradictis particulis apponatur, requiruntur anni completi: vt in pœna suspensionis, exilij, & similium. At in materia fauorabili sufficiunt anni inchoati. Sic Azor. *citato loco*. Hinc deducitur, quòd cum reelectio Abbatissæ sit res odiosa, teste Rodriguez in *Summ. tom. 1. capit. 103*. anni iniuncti pro vacatione illius debent esse completi, & non sufficient inchoati.

7 Notat autem Sanchez, *libr. 7. de Matrimon. disput. 104. n. 2. & 3*. quòd quando lex requirit annum completum, etiamsi desit vnus tantum dies, factum in oppositum non tenet, pro quo citat multos. Idem tenet *lib. 1. de Matrimon. disput. 16. n. 4*. vbi cum multis tenet, quòd si lex requirit septennium completum, & desit vna solum dies, factum non valet. Pro quo facit quòd professio facta ante annum nouitiatus, & ætatis 16. competens deficiente vna tantum die, professio erit nulla, vt omnes fatentur, & olim dixi, ver. *Nouitiy annus*. Ait tamen Sanchez *cit. disputat. 104*. quòd vt annus dicatur completus, sufficit quòd sit iam inchoata dies vltima illius anni.

Vide infra ver. *Denuntiatio*. vbi inuenies aliqua concernentia præcedentem materiam.

A P O S T A

A P O S T A T A.

1 **A**postata à Religione est ille , qui factus verè Religiosus deleuit Religionem , quam professus est , sine transitu ad aliam cum animo non reuertendi ad suam. *Navar. lib. 5. consil. tit. de Apostatis, censil. 1* Vnde fugiens non verè professus ; vel qui habet animum reuertendi , vel animo transeundi ad aliam Religionem , non est in rigore Apostata in foro interno , reparatur tamen talis in foro externo.

2 Apostata non est , qui exit animo intrandi aliam Religionem etiam laxiorem : aut dimis sœuiente Prælato : aut meritò credens se non esse professum. *Sa in Aphorismis. ver. Religio num 71.*

3 Fugiens ad Prælatum superiorem , quia inferior Prælatus vult illum grauare notabiliter iniuste , non est Apostata. *Rodrig. tom. 1. questionar. quest. 30. artic. 2.* Dixi , quando vult grauare , quia si iam grauauit , non licet fugere pro sola querela facienda , ad hanc enim faciendam tempus suppetit. Neque item potest fugere , si leuiter timet grauati. Erit tamen apostata fugiens ad superiorem sine fundamento , & sine causa in foro externo , vt dixi. Hæ tamen apostasiæ quibus itur directè ad superiores , etiam absque causa præcedente sufficiente , non sunt computandæ tres vel quatuor vt fugiens dicatur incorrigibilis , maximè si fiant absque scandalo , & absque aliis delictis. Non sunt enim hæc crimina enormia , neque atrocia. Et sic vidi Responsum in mea prouincia à R. Patre Generali.

4 Illi qui recipiunt Apostatas Camaldulenses , & Minoritas sunt excommunicati : imò & hi qui Minoritis Apostatis dant auxilium , consilium , & fauorem. Et contra illos detinentes hos Apostatas possunt Prælati Regulares fulminare excommunicationem , siue detentores sint laici , siue Clerici. Sic Iulius II. & ceteri

refert Rodrig. concessum Carmelitis¹, in *tomo 1. quæst. 30. art. 8.*

5 Ter, vel quater verus Apostata potest eiici ab ordine. Imo talis esse poterit vna apostata, diuturna scilicet, habitu dimisso, cum multis scandalis datis extra Conuentum, vt propter hanc vnam tantum debeat expelli Rodrig. *vbi supra art. 11.*

6 Sixtus I V. concessit Patribus Sancti Hieronymi in Hispan. vt quicumque Apostata rediens ad Religionem impetrauerit literas à Papa, vel Legato fauorabiles ad Paratos Ordinis; si in illis literis non fiat specialis mentio criminum talis Apostatæ, literæ sint nullius effectus. Compendium illorum ver. *Apostata*, §. 1. Et sic in nostra Religione literæ Generalis datæ Apostatæ in fauorem illius, non valent vt Prouincialis ad quem redit in pœnis dispenset.

7 Bona Apostatæ acquisita ab illo in apostasia, si reuersus fuit ad ordinem, sunt sui Monasterij, si verò moritur in apostasia extra ordinem, sunt Cameræ Apostolicæ. Rodrig. *citat. quæst. artic. 11. maxime §. sed contradiçta.* Si verò ex bonis Apostatæ Monasterium factum est locuples, & Apostata contraxit debita in apostasia, tenetur Monasterium ad talia debita. Miranda *tomo 1. quæst. § 1. artic. 8. conclusio. 1.* Si verò contraxit debita in apostasia, & non affert bona vnde soluantur, non tenetur Syndicus Minorita illa debita soluere. Rodrig. *tom. 2. Addit. ad Sum. cap. 21. num. 8.* Fauet dictum à Nauar. *lib. 3. consil. titul. de Regular. consil. 73.* quòd scilicet Minorita non potest facere contractus ex vi Regulæ. Denique si Apostata affert bona lucrata per iniustitiam, restituenda sunt dominis Rodrig. *vbi proxime.*

8 Bona Apostatæ, qui ex vno ordine transiit ad alium in quo receptus est, & ex secundo transiit ad sæculum vbi multa bona acquisiuit, pertinent ad Sedem Apostolicam. Nauar. *vbi proxime consil. 80.* Vide infra ver. *Eiicere ab ordine.*

9 Apostata exiens ab ordine, & obtinens vt sua causa in Rom. Curia tractetur, & ea de causa ad illam pergens

pergens ipso facto tali obtentione fraudatur , & causa ipsa omnino extinguatur , & ad summum Pontificem auocatur. Sic concessum est Eremitis sancti August. in *lib. suorum priuilegiorum*, fol. 41. pag 2.

A D D I T I O.

Vide infra ver. *Habitus.*

SI aliqua Religio reseruauit casum apostasiæ iuxta decretum D. Clementis VII I. in eo casu Religiosus fugiens à Conuentu committit casum reseruatum etiam si habitum non dimittat. Si verò talem casum quoad culpam non reseruauit , erit talis Religiosus excommunicatus tantum ; & absolutus ab excommunicatione non indiget licentia vt absoluator à reseruato. Hæc patet tum ex decreto ipsius Papæ , tum ex iis quæ dixi olim in expositione casuum eiusdem Pontificis. Aliud est enim censuram esse reseruatum ; aliud casum esse reseruatum ; aliud denique est , & casum , & censuram annexam esse vtrumque reseruatum ; quæ omnia possint contingere.

2 Iuxta idem decretum Clementis VII I. Religiosus noctu exiens à Conuentu sine licentia , etiam animo reuertendi , incidit in casum reseruatum , si sua Religio illum casum reseruauit , etiam si reuertatur eadem nocte. Si verò Religio hunc egressum non reseruauit , non erit peccatum illius reseruatum. Sed quæris , an talis Religiosus incurrat excommunicationem statutam Apostatis ? Respondeo primò , talem peccare mortaliter cum violet obedientiam in re grauissima. Secundò dico , saltem in Ordine Minorum , talem Religiosum manere excommunicatum. Nam statuta generalia illorum Tolletana *tit. de Apostatis.* vbi Apostatæ excommunicantur declarant esse Apostatas illos , qui sine licentiâ Superiorum exierint sine habitu , vel cum habitu , soli , vel associati

associati. Cùm ergo Religiosus prædictus noctu egrediens, exeat sine licentia, in re grauissima, solus erit excommunicatus: nam ibi statutum non distinguit, an parum, vel multum extra Conuentum moram trahat? Cæteri Religiosi videant formam quæ ponitur in suis Constitutionibus contra Apostatas.

3 Quæris; quis possit absolvere talem Religiosum noctu egressum à Conuentu, & reuertentem? Dico pro Minoritis, prædicta statuta generalia Tolletana non ponere excommunicationem reservatam contra Apostatas. Ac proinde in foro conscientiae credo illos posse absolui à quouis Confessore ordinario. Secus in foro externo, quia in tali foro semper Religio absoluit in publico per Prælatos solos.

4 Dico secundò, in compendio Mendicant. verb. *Apostata*, multas dari concessionem Pontificum, per quas concedunt Prælati Ordinum aliquorum ut Prælati possint suos Apostatas excommunicare: ipsi tamen Pontifices ibi non excommunicant de facto: sed concedunt ut excommunicent. Excipe duos ibi Pontifices qui excommunicant de facto, primus est Innocent. VIII. §. 22. qui de facto excommunicat Minoritas Apostatas, sed non reservat excommunicationem. Secundus est Iulius II. qui §. 27. excommunicatione reservata Sedi Apostolicæ punit Augustinenses Apostatas, qui infra octo dies mandante Generali ipsorum ad Conuentum non redierint. Quamvis autem citato loco compendij aliqui Pontifices de facto excommunicent Apostatas, loquuntur de Religiosis fugientibus ad alias Religiones: de quibus modò non est sermo: iam enim alibi hac de re diximus.


5 Viso ergo quòd Religiosus Minor Apostata per Innocent. VIII. & per statuta generalia Tolletana non excommunicetur excommunicatione reservata, credo posse absolui in foro conscientiae; à quouis Confessore Ordinis approbato per suum Prælatum. Secus de foro externo, ut dixi num. 3.

6 Quæris, an sit puniendus Religiosus, qui grauatus iniuste à suo Prælato inferiori recurrit ad suum Superiorem,

giorem, & hac sola de causa exit à Conuentu? Rodrig. secutus Nauarrum. & alios, in *t. 1. qq. quæst. 30. art. 3.* tenet non esse Apostatam: neque contrarium dici à Concil. Trid. *sess. 13. de Regul. c. 4.* è contrario cum ego essem Prouincialis, accepi litteras à nostro tunc Generali Reuerendiss. Soza, quibus attestabatur Cardinales Romæ deputatos pro dubiis Tridentini, declarasse illum Religiosum, qui fugit ab inferiore Prælo ad superiorem, esse Apostatam. Ego pro conciliatione huius contrarietatis dico, quòd si Religiosus iam est passus grauamen, nec de futuro aliud timet iniuste, non poterit adire superiorem pro sola restitutione famæ obrinenda: hoc enim fieri potest, vel per litteras, vel expectato tempore visitationis, vel petendo iudices delegatos. Si verò grauamen iniustum nondum est illatum, sed timeatur, ac speratur certò moraliter de futuro, & est grauamen notabile, tunc poterit adire superiorem absque culpa apostasiæ: & tunc habet locum opinio Nauar. & Rodrig. ob rationes ab illis assignatas. Explico vtramque partem per casum similem. Ille qui fuit læsus, vel percussus ab alio, transacto iam nocumento illato, non potest vltro percussorem quærere, vt vindictam per se sumat: erit enim tunc peccatum vindictæ. Si verò in flagranti delicto (vt dicunt) aliquis illum aggrediatur vt nocumentum inferat, & fugere nec possit, nec debeat, potest aggressorem præuenire percutiendo prius cum moderamine inculpatæ tutelæ. Quod facile erit ad casum præcedentem applicare.

7 Apostata etiam est, qui fugiens à Conuentu habitum quidem non dimittit, sed tamen liberè vagatur animo redeundi. Et incidit in excommunicationem *enpitis, vt periculosa, ne Clerici, vel Monachi.*

BAPTIZARE.

1  **Communiter** prohibetur Religiosis Baptizare: non enim possunt assistere curæ, seu institutioni spiritali baptizati. Et tamen Minoritæ possunt in

E


extrema necessitate baptizare si desit alius Sacerdos secularis, vel Regularis: si vero hi desint, etiam si sint viri masculi qui sciant, possunt Minoritæ. Rodr. tom.

1. q. 9. 31. art. 1.

2. Quid si Minorita Sacerdos adsit excommunicatus, sed non denunciatus, & non sit alius Sacerdos? Credo quod adhuc poterit baptizare. Vide Sayrum lib. 2. de censur. c. 2. num. 16.

3. In Indiis possunt Religiosi etiam in suis Ecclesiis conversos baptizare per concessiones multorum Pontificum citatas à Rodriguez ibidem articulo 3. & 4. & idem possunt Minoritæ facere in terris Sarracenorum, vel paganorum, ad quos perrexerint zelo prædicandæ fidei. Compend. Minor. ver. Baptizare. §. 1.

B E N E D I C E R E.

1.  Guardiani & superiores Prælati Minorum possunt benedicere benedictione solemni, omnes suas Ecclesias, Oratoria, & ornamenta Ecclesiastica, in quibus Christina non interuenit (calice videlicet, & petra aræ exceptis) Compend. ver. Benedicere. §. 14. Non possunt verò Ecclesias consecrare.

2. Possunt easdem Ecclesias non consecratas, quando fuerint pollutæ, reconciliare. eodem §. Compendij. Et hoc possunt facere cum aqua benedicta solum per se ipsos, neque opus est ut benedicatur aqua ab Episcopo nisi pro Ecclesia consecrata. Tenet Capucinus ad citatum locum Compendij §. primus casus est & Henric. tom. 2. lib. 13. cap. 51. §. pollutio. Quando enim Compendium citato §. dicit, requiri aquam benedictam per Episcopum, intelligit de Ecclesia consecrata solum, non verò de benedicta.

3. Possunt Guardiani, & illis absentibus Vicarij seu Præsidentes, benedicere prædicta ornamenta & corporalia, tam sui Monasterij, quam etiam vndecumque sint, per concessionem factam Sanctæ Iustinæ de

de Padua, de qua Capucinus, in *Compend. ubi sup* rā

Circa hoc priuilegium quatenus ait posse prædictos benedicere corporalia extranea pro secularibus scilicet Ecclesiis, Collector priuilegiiorum Minorum *citato verbo* innuit esse restrictam: quia Capitulum generale Minorum Mechlinense restrictit vt pro suis Conuentibus possent Prælati benedicere corporalia: potest autem Capitulum generale, vel Prouinciale restringere vsum priuilegij vt infra dicitur. Et certè apud Minoritas non vidi esse in vfu benedicere corporalia extranea, credo enim id malè toleraturos Episcopos. Scio quod Rodrig. debuit talem locum *Compendij* legere: & tamen is 1. tom. g. q. 16. art. 2. citans prædictam concessionem ait, etiam si sint extra ordinem, *Compendium* verò Societatis Iesu ver. *Benedicere*, §. 3. de prædicta concessione sic aduertit. (Quoad benedictionem tamen externorum, non nisi necessitas vigeat, & Prælati (idest, Episcopi) dissent, & sine illorum offensione.) sic ibi. Elige securius Circa Minoritas tamen, & prædictum statutum generale, noto forsitan prædictum statutum non fuisse receptum, vel hodie non practicari: quia ibi prohibet Guardianis ne benedicant corporalia: quod hodie non practicatur, imò benediciunt corporalia iuxta prædictam concessionem suorum Conuentuum.

4 Si Ecclesiæ Minorum sint consecrandæ (idem dic de calice, & altari portatili) id non potest fieri nisi ab Episcopo in cuius diœcesi viuunt. Quod si hic rogatus facere noluerit possunt illud petere à quouis alio Episcopo non impedito. *Compend. verbo citato*, §. 3. Idem dic de reconciliatione Ecclesiæ consecrata.

5 In particulari verò pro reconciliatione Ecclesiæ nota, quod non indiget reconciliatione, si intra ipsam parum sanguinis distillauit, guttatim scilicet tantum: ius enim requirit effusionem sanguinis, quod denotat largitatem. Secundo, quando reformantur ædificia Ecclesiæ, non est rebenedicenda nisi quando deiiciuntur omnes parietes, aut maior pars illorum. Capucinus *citato loco*.

A D D I T I O.

1. **P** Ræter illa quæ dixi olim hoc ver. *Benedicere*, nunc addo, quòd omnia quæ ibi dicuntur num. 1. posse facere Guardianum, possunt etiam facere Sacerdotes ordinis non Prælati, dummodo sint ad hoc specialiter deputati in Capitulo generali, quod quia neque est in usu, neque necessarium, tunc omisi.

2. Addo præterea in Bullario Rodriguez fol. 513. inter concessionem Sixti IV. num. 12. ponit istam concessionem. *Sixtus concessit quod omnes Fratres familia nostra possint benedicere paramenta altaris, missalia, & indumenta, exceptis corporalibus dūtata.* Sic ibi. Per quam concessionem non possunt Sacerdotes ordinis non Prælati benedicere Ecclesias, & corporalia, ut patet. Possunt tamen isti non Prælati benedicere omnia alia ornamenta, & paramenta altaris, & omnes vestes sacerdotales. Et scio apud Patres Dominicanos istam concessionem esse in usu; & sic practicari ut Sacerdotes ordinarij benedicant omnia proximè dicta, etiamsi non sint Prælati. Quod verò spectat ad Fratres Minores credo illos non posse uti præsentem concessionem. Nam Capitulum generale, imò, & ipse Generalis possunt præcipere ne Religio utatur hoc, vel illo priuilegio: vel ut utatur hoc, aut illo modo, ut olim dixi in 1. Editione ver. *Generalis*, num. 5. At constat ex Collectore priuilegiorum Mendicantium, verb. *Benedicere* ad finem, quòd Capitulum generale Medlinense post Sixtum IV. decreuit, & præcepit quod soli Prouinciales, Custodes, & Guardiani benedicant ornamenta Ecclesiarum, & non alij: per quæ verba interdixit usum talis priuilegij: vel potius restrinxit illud ad solos Prælatos. Et ita puto seruari in praxi in tota nostra Religione: saltem in hac mea Prouincia, in qua nunquam vidi prædicta ornamenta benedici nisi à Prælati: imò neque Confessores nostrarum Monialium illa benedicunt, sed

sed Guardianus illa benedicit pro Monialibus in suo districtu viuentibus. Excipio illos Confessores Monialium qui in nostro Ordine dicuntur Vicarij in capite, & habent subditos capellanos etiam in fori externi iurisdictione. Nam hi Vicarij sunt veri Prælati: & ita credo illos pro Ecclesia suarum Monialium posse prædicta benedicere sicut Guardiani benedicunt. Pro quo vide quæ dicemus infra ver. *Vicarius in capite*, ferè in simili materia : vel verb. *Vicarius Prouincialis in Ordine Minorum*.

3 Gregor. XIII. concessit Patribus ex Societate I E S V, vt illi Religiosi, quos illorum Generalis miserit ad terras remotissimas ad fidem prædicandam infidelibus, possint ibidem Ecclesias, hospitalia, & alia pia loca erigere sine alicuius præiudicio. Et vestes Sacerdotales, palas, corporalia, calices, & cæmeteria (si Episcopus Catholicus, qui ea faciat, ibi non fuerit) benedicere, ac prophanatas Ecclesias reconciliare possint. Sic ibi. Habetur Bulla in Bullario Rodriguez à fol. 307. num. 36. & 37. per quam concessionem, vt vides, conceditur ibi Sacerdotibus ordinariis quòd possint benedicere ornamenta Ecclesiæ, corporalia, & calices. Sed nota, quòd illa concessione non possunt vti, nisi in terris remotissimis infidelium : sic enim textus Bullæ manifestè declarat. Quod idem poterunt Minoritæ, & cæteri communicantes in citato privilegio in terris remotissimis existentes pro conuersione infidelium. Id verò quod ponitur in dicta concessione (si ibi non adsit Episcopus catholicus) puto solum intelligi pro consecratione calicis, quem Prælatus Mendicantium non potest consecrare, & pro benedictione corporaliu facienda, à non Prælato Sacerdote. Corporaliu enim benedictio solum spectat ad Episcopum de iure communi, & per priuilegium ad Prælatos Mendicantes. Vnde in partibus illis remotissimis Religiosus Prælatus non indiget licentia Episcopi ad benedicenda corporalia, indiget tamen pro calice consecrando: hunc tamen poterit ibidem consecrare, tum Prælatus, tum Sacerdos ordinarius, si non sit recur-

sus ad Episcopum catholicum. Poterit idem Sacerdos simplex ibidem benedicere corporalia deficiente Episcopo modo predicto, non verò si ille possit adiū.

B O N A.

De bonis traseuntium de vno ordine ad alium vide infra ver. *Religio* à num. 18.

1 **B**ona Religiosorum maximè Congregationis Montis Oliueti occupantes, sunt excommunicati nisi post requisitionem reddant. Rodriguez *tom. 1. quæst. 38. art. 7.* & circa hoc multa & varia sunt privilegia indulta Regularibus, quæ videre licet citato loco Rodriguez, & verbo *Exemptio*, & alibi sæpe in multis Compendiis: maximè in Compendio Minorum, & Societatis I E S V ver. *Bona.* & ver. *Monasterium.*

2 Bona Fratrum electorum ad Episcopatum, vel maiores dignitates pertinent ad suum Monasterium: nec possunt se cum illa deferre. Compend. verbo *Bona*, §. 1. & similiter bona Episcopi titularis sunt Monasterij. Rodriguez. *tom. 3. q. 69. art. 4. in fine.* Et apud Dominicanos (& proinde communicantes,) electus in Episcopum, qui non reddit Ordini libros & cætera sui usus, manet suspensus. infra ver. *Suspensio* num. 2. *Suspensione* 9.

3 Bona malè acquisita si ignoretur verus dominus, vel bona incerta, possunt Minoritæ recipere loco elemosynæ. Compend. verb. *Bona*, §. 2. Et hoc ipsum facere possint Guardiani de bonis intrantium Ordinem, si sint aliàs debita, & nesciatur dominus, possunt enim illa conuertere in pios usus. Compen. § 4.

4 Bona Conuentualium Diui Francisci in Hispania applicantur Monialibus Sanctæ Claræ. Rodriguez in *Bullario*, fol 1227. ex Clemente VIII.

5 Possunt Generalis, & Diffinitores pacisci cum illis qui debent bona Conuentibus, quæ vix possunt recuperari. Compend. D. Hieronym. verbo *Bona temporalia* §. 2.

6 Bona

6 Bona Apostatarum ad quem pertineant, vide *supra* *Apostata*, num. 7 & 8. & infra verbo *Syndicus*, num. 8. Bona autem Fratrum viventium extra Conuentum cum habitu retento, sunt Camere Apostolicæ. Azor. *tomo 2. lib. 8. cap. 3. q. 15.* Etiam si ibi viuant cum licentia suorum Prælatorum.

AD D I T I O.

Dixi olim in hoc verbo, *Bona*, ad quem pertineant bona acquisita per Apostatam in apostasia; & de bonis Episcopi, qui antea fuit Religiosus. Nunc dicam de bonis acquisitis à Religioso eiecto ab Ordine propter culpas, quæ extra Conuentum expulsus acquisiuit cum quibus moritur. Item de bonis illius Religiosi, qui vivebat extra conuentum, habitu retento, vel non retento, cum licentia tamen Prælati vel illius qui illam dare potuit.

1 Hanc quæstionem vidi iam agitatam in praxi, & fortè ob temporum varietatem diuersis modis in hoc practicum fuit. De præsentī puto probabiliorem sententiam illam, quæ asserit bona Religiosi expulsi ab Ordine propter culpas, vel illius qui viuit extra illum cum licentia pertinere ad Cameram Apostolicam tanquam spolia Papæ. Ita in terminis Azor. *tomo 2. lib. 8. cap. 4. quæstion. 10.* citans ad hoc nouam Bullam Gregor. XIII. quam ego vidi: & habetur in *tomo Bullarum Pontificum*, collectarum à Petro Matthæo *fol. 720.* & est in numero decimanona inter Gregorianas.

Credo autem hoc non habere locum in Religiosis Societatis I r s v, qui eiciuntur ante professionem sollemnem cum votis solum simplicibus antecedentibus in biennio. Quamuis enim per illa vota simplicia sint verè Religiosi, non tamen sunt professi sollemniter, de quibus solis prædicta constitutio loqui videtur. Vide infra ver. *Eicere ab Ordine*, sed vt dixi, scio hæc de re esse diuersas opiniones & praticari variis modis, & ego

quæsi à quodam officiali Nuntij Apostolici in hoc Regno, valde petito, de praxi istius opinionis, & nihil mihi certum respondit. Vidi ego tamen, & habeo prædictam illam Bullam Gregor. XIII. quam citavi, in qua decernitur prædicta bona pertinere ad Cameram Apostolicam: id enim Papa potest mandare.

2 Bona mobilia, vel immobilia pertinentia ad Conuentus Fratrum Minorum, & ipsos Conuentus, seu Ecclesias Nicolaus IV. & Alexand. VI. receperunt in potestatem, ac dominium Sedis Apostolicæ: ac proinde Papa est dominus etiam temporalis omnium bonorum Ordinis Minorum. Si quid autem Ioannes XXII. postea decreuit in contrarium in Extrauag. *quia quorundam*: dicitur id reuocasse in hora mortis. Ita reuocasse dicit Collector priuilegiorum Mendicantium ver. *Bona. ad §. 8.* & citat Capitulum generale Minorum Mechlinense in quo publicè facta fuit mentio istius reuocationis. Itaque hodie prædicta bona sunt sub dominio, & potestate Sedis Apostolicæ: quod ad tria potissimum potest inferuire: Primò, vt Minoritæ sint securiores in conscientia, & puriores in voto paupertatis alieni omnino à dominio rerum temporalium, & illarum tantum vsum habentes necessarium. Secundò, vt videant Minoritæ Prælati se grauius peccare si bona prædicta indebitè alienent, cum non sint bona sua, sed Sedis Apostolicæ. Tertiò, vt videant sæculares qui prædicta bona Minorum indebitè vsurpant, vel furantur, se grauius peccare (maximè quando fuerint immobilia) cum vsurent bona Ecclesiæ. Et fortè possent timere aliquo modo Bullam Cœnæ excommunicantis illos qui bona Ecclesiæ diripiunt.

3 In Compendio Mendicantium, ver. *Bona*, §. 10. ponitur priuilegium concessum Patribus sancti Augustini, per quod excommunicantur excommunicatione seruata Sedi Apostolicæ omnes qui occupant, vel damnificant bona spectantia ad illorum Conuentus, vel personas, si taliter occupantes, vel damnificantes admoniti à fratribus intra triduum non restituerint, aut vexare non destiterint. Et simile priuilegium.

uilegium eisdem concessisse Leonem X. refert Rodriguez *tem. 1. qq. quest. 38. art. 7.* ad finem, ubi clarè loquitur de rapientibus bona mobilia, vel immobilia. Requiritur tamen ad incursum istius censuræ vt taliter occupantes, vel damnificantes bona ista Conuentus, vel personarum prius admoneantur, & non obediant.

BULLA COENÆ

1 **E**uentur omnes Confessarij apud se habere Bullam Cœnæ ex mandato Pij V. At ex concessio viuz vocis oraculo Patribus Societatis Iesv, verbo *Bulla Cœna*, sufficit vt in quouis Conuentu ponatur vna Bulla in loco publico omnibus legenda, vt sciant in illa contenta. Compend. illorum *cir. verbo §. 1.*

2 Eisdem Patribus *ibidem §. 2.* concessum est à Gregorio XIII. vt per Bullam Cœnæ concessionem illis factæ non censeantur reuocatæ: & hoc viuz vocis oraculo ann. 1584. die 18. Martij.

3 Gregorius XIII. viuz vocis oraculo concessit eisdem Patribus vt possint absolvere capientes bona naufragantium, iniuncta illis restitutione possibili. Compendi. Capucini, verbo *Absolutio quoad seculares, prima parte, folio 34.* & ibidem citat Capucinus eisdem concessisse Pium V. vt possent absolvere damnatos ad tritremes ab omnibus casibus etiam grauib, ac si essent in mortis articulo.

Quomodo autem cæteri Confessores possint hodie vti ista concessione, cum per Bullam Cœnæ reuocentur priuilegia Regularium, & si possint hoc vti, vide aliquid supra ver. *Abbas, num. 11.*

ADDITIO.

AN Pizlati Regulares possint absolvere suos subditos à casibus contentis in Bulla Cœnæ (excepta hæresi, quam semper excipio,) vide supra ver. *Abbas, Prior, &c. à num. 10. & seqq.*

BULLA CRUCIATÆ.

M Vlti Pontifices, maximè Clemens VIII. prohibuerunt, ne Religiosi omnes per Bullam Cruciatæ, vel alias particulares possent eligere, vel mutare confessorem: neque virtute illarum possint absolui à referuatis in ordine: idémque decernit circa Moniales. Habetur Bulla Clem. VIII. in Bullario Rodr. fol. 1117. Sed in omnibus supradictis stent dispositioni Prælatorum.

2 Possunt confessores virtute Bullæ Cruciatæ commutare vota partim in subsidium temperate belli; partim in alia quævis opera pia: vti sic suauis fideles recipiant, & ob alias causas citatas ab Henriquez *libr. 8. de Indulg. cap. 30 numer. 6* & Sanchez, *lib. 8 de Matrimon. disput. 15. numer. 1.* citante alios. Et dicente hoc esse de intentione Bullæ; & Regis impetrantis. Aduerte quod Minoritis declarauit Vicarius Generalis in Hispânia, posse illos vti Bulla Cruciatæ cum licentia Superiorum ad lucrandas Indulgentias, & priuilegia in illa concessa: non ad eligendum confessorem, neque ad casus referuatos: & Bulla prædicta Clement. VIII. id videtur innuere, quia solum prædicta duo prohibet, & non alia. Pro scrupulo verò Minoritarum recurrendo ad pecuniam iniecto à Collectore priuilegiorum pro quærenda Bulla Cruciatæ: notat Miranda *tom. 2. quæst. 14. art. 15.* ex Cordub. nulum ibi dari scrupulum cum licentia Prælati: cum ille iudicauerit illud esse necessarium, quale semper videtur esse, lucrati Indulgentias, & alias concessiones Bullæ. Aliud verò priuilegium quod circa hoc citat ibi Miranda pro lucrandis concessionibus eiusdem Bullæ per Paulum III. non est facile omnibus Minoritis, & ideo omitto. Priuilegia Cruciatæ non cessant etiam per reuocationem magni Iubilæi: imò etiam si dicatur in illo, reuocari omnes facultates concessas etiam ad Regum instantiam ex quibuscumque causis. Est enim

enim Cruciata priuilegium per modum contractus concessum quod non reuocatur nisi exprimatnr. Sanchez lib. 8. de Matrim. disput. 13. num. 10. secus si in reuocatione exprimatnr Cruciata.

CANONICA PORTIO SEV
quarta Funeralis.

1 **I**nc tenentur soluere illi Religiosi, qui ante Concil. Tridentin. illam soluebant per quadraginta annos ante dictum Concil. Vide in Trident. sess. 25 cap. 13.

2 Illi Conuentus qui erant iam fundati ante Trident. & per quadraginta annos ob consuetudinem prescriptam non soluebant quartam funeralem; non reuertur illam hodie soluere. Talis est Conuentus Sancti Francisci Setuualensis in Portugallia. Rodrig. mox citandus.

3 Illi conuentus, qui non erant fundati quadraginta annis ante Concil. Trident. pari modo non tenebuntur ad illam, quia nondum per quadraginta annos soluebant, Rodrig. paulò infra.

4 Illi Conuentus qui fundati sunt post Concil. Trid. à fortiori non tenentur soluere quartam funeralem, quia nullo modo ante Concilium potuerunt soluere: & de his non loquitur Concil. Rodrig. latè *tom. 1. qq. 9. 39. art. 2.* Ex declaratione Pij V. & declaratione Cardinal. & aliis ibi citatis, & Mirand. *tom. 1. qq. 48. art. 7.* Et idem dicendum de Conuentibus in posterum edificandis.

5 Illa quarta funeralis est soluenda solum de illis quæ deferuntur cum corpore defuncti; vino scilicet, tritico, & similibus. Non verò de Missis, Candelis, Officiis defunctorum; neque de relictis in testamento dandis, vel deferendis post diem sepulture. Rodriguez, & Miranda *locis citatis* cum aliis *ibidem*.

6 Innuit Rodrig. 3. *tom. 9 q. 56. art. 3.* cum ibi citatis, quòd si Parochus spoliauit funus antequam veniret ad manus

manus eorum , quibus debebatur , perdit quartam funeralem. Vide *ibi*.

7 Si moriens eligit sepulturam apud Regulares , & in suo testamento relinquit legatum pium suæ Parochiali , quod æquiualeat quartæ funerali , tale legatum computandum est pro quarta parte, & non debetur amplius quarta funeralis Rodrig. *citata* q. 39. tom. 1. art. 7. cum septem Doctoribus ibi allegatis. Et Miranda q. *citata* , art. 11. concl. 2.

8 Omnia supradicta locum habent etiam in Conuentibus Monialium. Pius enim V. in sua Bulla generali verbo dicit non teneri soluere Monasteria. Conuentus autem Monialium sunt verè Monasteria. Et præterea Pius V. ibidem specificat Moniales dicens : *Non autem de Missis , vel aliis Fratribus ipsis seu Monialibus relictis.*

8 Istam quartam funeralem non tenentur soluere Conuentus iuxta supradicta deobligati, si illorum Prælati ignorantes , illam aliquando soluerunt , dummodo non soluerint per 60. annos sufficientes ad præscriptionem , quia per hos actus contrarios non perditur priuilegium commune Ordinis , vt infra dicitur verbo *priuilegium*. Miranda , *articul.* 3.

9 Conuentus exemptus à solutione quartæ funeralis non potest illam renunciare , quia faceret contra bonum commune suæ Ecclesiæ : sicut Clericus non potest renunciare priuilegio communi fori Ecclesiastici. Neque Parochus potest renunciare acceptionem illius ob eandem causam. Verum est tamen quòd Bonifacius VIII. & Leo X. citati à Rodriguez *ubi supra articulo octauo* decreuerunt vt pacta, & compositiones factæ circa quartam funeralem à Guardianis, & Prioribus cum Clericis , sint validæ , quamuis sint factæ absque licentia Prouincialium , vel Generalium. Bonifacius tamen primò dicit vt fiat cum consensu Conuentus : & ego addo circa Minoritas debere fieri cum assensu , & interuentu Syndici , qui est Procurator Papæ , & sine quo contractus Minorum sunt inualidi. Secundò addit Bonifacius , vt pacta sint licita , & honesta. Et Leo X.

ait;

ait ; dummodò sequens Capitulum Generale , vel Prouinciale non irritet illas compositiones. Fortè autem non erit licitum , & iustum pactum , vbi Conuentus Minorum in vrbe quadam vbi sunt duæ Parochiæ Clericorum ex quolibet defuncto remanet tantum cum tertia parte ; & alias duas partes dat singulas singulis Parochiis. Vide tamen Rodriguez *citato tomo primo questione 27. articulo septimo*. Vbi absolutè ait non posse Guardianum facere pactum vllum , absque licentia Prouincialium. Quæ duo illius loco ambigua sunt , & indigent consideratione.

10 In Clementina *dudum. de sepulturis* , §. *verum*, decernitur quod Parochi nihil possint petere à Dominicanis , & Minoritis ultra quartam partem , & ibi cassat , & annullat omnia pacta , & statuta facta in contrarium. Quam annulationem Miranda *citata questione , artic. 12. conclusionem 2.* etiam extendit ad pacta in posterum facienda post ipsam Clementinam. At Leo X. fuit post illam , & potuit ius commune reuocare.

11 Quando iuxta prædicta nostri Conuentus fuerint exempti à quarta funerali , ordinarij obligantes illos ad illam soluendam , & Rectores Ecclesiarum incidunt in graues pœnas , de quibus Rodriguez *articul. 9.* & Mirand. *articul. 14.* Neque tunc Religiosi tenentur comparere coram Ordinariis , sed coram Prælatiis suis Regularibus , vel coram Legato Papæ.

A D D I T I O.

1 **P** Ræter dicta in prima Editione : quod Conuentus denuo ædificati post Concilium Tridentinum non teneantur soluere quartam funeralem , vide in Bullario Rodriguez *fol. 1217.* Bullam Clementis VIII. continentem processum , & sententiam latam in simili materia pro Conuentu Carmelitarum Discalceatorum apud Barchinonem.

2 Si quis ingrediatur aliquod Monasterium animo mutandi vitam, & ibi moretur per aliquos dies, & arte susceptionem habitus moriatur durante tali animo mutandi vitam, & sepeliatur in eodem Conuentu, non debet quartam funeralem; quia per illum animum, & intentionem quam habebat mutandi domicilij desinit esse parochianus suæ Parochiæ, & censetur mutatio domicilij. Ita Azor. tom. 2. l. 6. §. 9. cap. 13. q. 4. ex Archidiac. Germanian. & Ioan. Andr.

3 Quando Ecclesia Parochialis est interdicta sua culpa, Parochianus alibi eligens sepulturam, non debet quartam funeralem suæ Parochiæ sic interdictæ. Azor. ubi supra cum ibi citatis. Hoc maxime intelligitur si Parochia, aut aliquis illius Parochianus, vel Parochus causam dedit interdicto. Si verò Parochia causam interdicti non dedit, tunc quarta funeralis debetur etiam si interdicta sit, culpa tamen alterius extra Parochiam. Videtur etiam Parochia solum privati dicta quarta funerali ob delictum proprium. Alios casus ponit Azor. citato loco usque ad finem capitis, qui vel sunt parui momenti, vel non sunt in usu: imò, & contrarium aliquorum, quæ ibi ponuntur, solet apud nos praticari: & ideo omisi illos hîc referre. Vide illum si placet.

ADDITIO AD ADDITIONEM.


1 **I**N 1. editione ver. Canonica portio numer. 7. dixi cum Rodriguez ibi citato quest. 38. qq. Reg. tom. 1. art. 7. & Miranda, quòd si defunctus moriens sepeliatur apud Regulares, & in suo testamento relinquat legatum suæ Parochiæ quod æquiualeat quartæ funerali: tunc Conuentus apud quem sepelitur non debet quartam funeralem Parocho. Et citat pro hoc septem Doctores, nullam assignans rationem, vel textum. Postea in casu simili rogatus sum, si haberem ad hoc probandum rationem aliquam. Respondi, me nullam habere:

bere : sed me credere quòd tot ac tales Doctores cum fundamento id asserere debuissent. Hanc solam assignavi , & assigno : quòd cum Ecclesia decreuerit dari quartam funeralem Parocho ob compensationem laboris tolerati ab illo in pascendo Parochiano per totam vitam cum administratione Sacramentorum , & aliorum obsequiorum spiritualium : satisfacisse videtur parochianus huic debito sufficienter , si moriens relinquit parocho legatum æquiualens , ad quod relinquendum aliàs non tenebatur. Qui habuerit Doctores citatos à Rodr. citato loco , eos consulat , ibi enim causam , vel textum debent allegare.


2. Post hæc incidi in *cap. officij de testamentis* , in quo aliquid ponitur ad hoc conducens. Ibi dicit Papa Innoc. III. quod si aliquis moriens in testamento relinquit propriam portionem Episcopo (id est) quartam funeralem , & simul relinquit multa alia Monasterio , vel Ecclesiæ , si illam portionem relinquit Episcopo sub conditione , vt contentus sit : & Episcopus acceptauit : tunc non posse Episcopum aliquid amplius petere de relictis Monasterio. Si verò talem portionem relinquit Episcopo absolute , & sine conditione , poterit nihilominus Episcopus de cæteris bonis vendicare. Et Gloss. cit. *cap. vendicare* : causam huius assignans ait : nam qui recipit vnum non intelligitur alij renuntiasse , nisi hoc sit dictum. Et citat *l. ff. de act. & obligat. l. quoties*. Et dat exemplum : quoniam vxor recipiens legatum relictum à marito , non ideo renuntiat doti. In hoc autem videntur æquiparari dicta de Episcopo in *cit. cap.* ac si dicerentur de legato relicto Parocho, Quæ quidem videntur contrariari illorum Doctorum , & Rodrig. dicto : vel saltem dictum Rodriguez videtur limitandum per hoc *caput citatum officij* , vt scilicet intelligatur quando legatum æquiualens relinquitur Parocho cum clausula vt contentus sit illo pro quarta funerali , & Parochus acceptat. Tu modò elige quod verius iudicaueris.

CARDI

C A R D I N A L I V M
Declarationes.

I  V M hæ Cardinalium declarationes quotidie citentur, & iam in libris impressis contineantur, breuiter dicendum an illæ obligent in conscientia, sicut leges Pontificiæ. Rodriguez *tom. 1. questionar. quest. 11. artic. 2.* asserit quod si illæ nobis proponantur authenticæ, signatæ cum sigillo alicuius personæ constitutæ in dignitate, obligant nos sicut lex Papalis: neque opus esse vt promulgentur denuo à Papa; quia iam sunt publicatæ virtualiter in sua lege siue textu Tridentini cuius sunt declarationes factæ auctoritate Papæ. Et est quidem hæc opinio securior, etiam quoad iudicium externum. Alij verò vt *ibidem* ait Rodriguez absolutè dicunt illas non obligare quoad vsque promulgentur à Papa. Est enim de ratione legis vt promulgentur in specie: & Papa hætenus non finit eas promulgari Ecclesiæ nomine ipsius. Ita constanter tenet Nauarrus, *libr. 5. consil. titul. de sententia excommunicationis, consil. 15.* vbi ait ad finem quæstionis 1. quod etiam decisiones Rotæ non recipiuntur in toto orbe, neque in omnibus Academiis, cum Nau. tenet Martinus del Rio, *libr. 6. Magic. disquisit. cap. 1. sect. 3. prope finem*, & innuit Vega, *1. par. Summ. cap. 62. casu 41. §. Qua acerba*, ad finem: & tenet Sanchez, *lib. 8. de Matrim. disp. 4. n. 10.*

C A R C E R.

I  Arcerari non debet Religiosus nisi prius contra illum sit factus processus summaris cum duobus testibus Rodriguez *tom. 2. questionar. quest. 17. art. 4. & quest. 3. art. 3.* Carcer enim Religionis non solum

lùm seruit ad custodiam, quemadmodum in sæcularibus: sed est etiam pœna, & nimis infamat, priuat habitu, & aliis multis in aliquibus Religionibus.

2 Carcer Religionum debet esse humanus, & securus: aliàs pro homicida reputabitur Prælatus in hoc excedens. Rodriguez, *citata quest. art. 3.*

3 A carcere, seu à carceratione non licet appellare, Iulius Clar. *lib. 5. præf. §. final. n. 2.* Et ratio est, quia carceratio non est sententia, à qua possit appellari. In Religionibus tamen postea dabitur locus petendæ iniuriæ pro iniusta incarceratione.

4 Reus fugiens à carcere iuxta leges civiles habetur pro confesso, etiam si maleficium non commiserit. *l. in eos, ff. de custodia reorum. Bartol. in lege final. eod.* sed hoc in Religionibus non habet locum; fugiens tamen à carcere Regularis est excommunicatus propter crimen apostasiæ quam committit.

5 Carcerum effractores, qui effracto carcere facta conspiratione fugiunt, per easdem leges civiles capite puniuntur lege in eos proximè citata, & id intelligitur si nocte faciant: minus verò puniuntur si fiat interdiu. At Religiosus carceris effractor non poterit eiici ab Ordine ob hanc solam legempœnam capitis imponentem, ut infra dicemus cum Rodriguez, verbo *Eiicere ab Ordine.*

CASVS RESERVATI.

Vide infra, verbo *Novicius, num. 29.*

1 **Q**uot sint casus reservati in quavis Religione, & quis possit reservare standum est cuiusvis Religionis statutis & privilegiis.

2 Ab illis non possunt Regulares absolui per Bullam Cruciatæ ut vidimus supra verbo *Bulla Cruciatæ num. 1.* Bene tamen Iubileum generale plenissimum.

F.

3 Concedens casus sibi referuatos si aliquid specialiter nominet, cætera similia concedere censetur: censuras videlicet referuatas, &c. Attendenda tamen sunt verba, & mens concedentis. Nauar. in *Summa*, cap. 27, num. 255.

4 Si superior concedit omnem suam auctoritatem ad absoluendum, vel ad audiendam confessionem, concedit vt absoluator à referuatis habentibus censuram, & non habentibus censuram. Suarez *tom de Censur disp.* 7. *section. 4. num.* 13. Item, si concedit casus referuatos, concedit etiam censuras illis annexas. Suarez *ibi*.

5 Omnes casus referuati Papæ habent censuram annexam, & hac sublata per habentem legitimam potestatem, etiam in foro externo, de peccato mortali remanente potest absolvere sacramentaliter quiuis confessor approbatus. Nauar. *cit. capit. numero* 254.

6 Confessor Mendicans approbatus potest absolvere ab omnibus casibus referuatis Episcopo siue referuentur à iure, siue ab homine, siue per statuta, idque potest per priuilegia Mendicantium. Rodriguez late *remo* 1. *Questionar. quæstione* 51. *art.* 2. cum multis citatis. Et de nouo in *Addition. ad Sum. tomo* 3. *capit.* 12. *conclusione* 1. consentit Suarez *tomo de pœnitent. disputatione* 30. *sect.* 2. *ad finem*. Neque obstat quod Miranda *tomo* 1. *quæstione* 46. *ar.* 2. *conclusio. unica.* constanter hoc negat adducens duas declarationes Cardinalium consulto Clemente VIII. in quibus clarè, & rigorosè prohibetur confessoribus Regularibus absolvere à prædictis casibus, & aliis casibus ibi positis, neque ad hoc illos posse vti suis priuilegiis. Non, inquam, obstat, quia prædictæ prohibitiones factæ sunt pro sola Italia, ibi enim in priori declaratione sic dicitur: *Sacerdotibus tam secularibus, &c. per uniuersam Italiam extra urbem degentibus*. Verba autem restrictiua, strictè debent intelligi: vt in alio casu pro sola Italia habet Rodrig. *citato loco Addition. c.* 3. *conclusio.* 6. vide infra verbo *Confessor erga saculares*, alias probationes huius rei efficaciores.

7 Si sit in dubio quod casus sit referuatus, præsumitur non referuatus, & potest absolui tanquam non refer

servatus. Sà in Aphorism. verbo *Casus reservati numero 5.* & Suarez *tomo 2. de Religione libr. 4. capit. 5. numero 15.*

8 Si quis durante termino præfixo ad absoluendum à reservatis non est recordatus alicuius reservati quem habebat, & tunc bona fide, & validè confessus est cætera peccata, postea transacto termino præfixo potest absolui ab illo reservato. Sà verbo *citato numero 7.* & Sanchez *libr. 8. de Matrimon. disputation. 15. n. 21.* ubi advertit quod si intra tempus præfixum nullam fecit confessionem, eo transacto non gaudet hoc privilegio. Dixi, *si validè confessus est* : quia si intra tempus assignatum fuit confessus, sed invalidè, vel obliuio fuit culpabilis, credo contra Sà *loco citato*, quod neque in illa confessione invalida, neque post illam absoluitur à reservato vlllo, neque à censura reservata. Sic Suarez *de pœnit. disput. 31. sect. 4. n. 27.* & Vega *in Summ. 1. par. c. 49. casu 5.* Error enim culpabilis, & dolus, nulli debet prodesse. *l. 1. ff. de dolo, &c.* Vnde non placet quod ait Rodriguez *tom. 1. quæst. 21. art. 7.* videlicet quod si confessus fui potenti absolvere reservata, & dixi omnia reservata : sed malitiosè tacui vnum mortale non reservatum, tunc ait posse me confiteri iterum, non habenti auctoritatem, & poterit me absolvere etiam à reservatis. Non, inquam, placet ob proximè dicta : maius enim beneficium est Iubilei, & ibi non cessat reservatio per confessionem invalidam.

9 Si subditus confessus est suo superiori potenti absolvere à reservatis, & confitens oblitus est alicuius reservati, & confitens dicat Prælato se ideo illi confiteri ut absolvatur à reservatis, tunc cessat reservatio illius obliti. Secus si pœnitens illud prius non dicat. Suarez *ubi proximè.*

10 Qui in prima hebdomada Iubilei absolutus est à reservatis, & postea commisit aliud reservatum, non potest virtute Iubilei in secunda hebdomada absolui ab illo reservato, quia ille favor datur pro vna tantum hebdomada. Suarez *tomo 2. de Religio. lib. 6. de Voto, c.*

11 Qui tempore Iubilei fuit confessus, animo lucrandi illud, & faciendi ab illo iniuncta : & postea ex pigritia non fecit aliqua: non est lucratus indulgentiam quoad pœnam, sed tamen manet verè absolutus ab omnibus reservatis quæ fuit confessus. *Suarez Citata section. 4. n. 4.* Secus si malè confessus fuit. Et de votis ibi dispensatis, vide ver. *Votum, num. 52.*

12 Clemens VIII. designavit undecim casus quos citant varij Doctores maximè Capucinus in suo Compendio, fol. 31. circa quos primò aduerto Papam ibi illos undecim non reservasse de facto pro omnibus Regularibus, ut aliqui malè putant: sed solum designavit materiam, ut scilicet Prælati regulares illos tantum, vel aliquem ex illis possent reservare; & extra illos undecim nullus Prælatus possit aliquem reservare, nisi fortè in Capitulo Generali, vel Prouinciali.

Secundò noto Papam ibi non annullare, nec reuocare casus antiquos reservatos in Religionibus per statuta generalia facta in Capitulis generalibus, si qui essent reservati extra illos undecim. Et sic casus antiqui Religionis Franciscanæ non sunt reuocati, neque exclusi per hos undecim.

13 Quando prælatus concedit auctoritatem absolvendi à reservatis, intelligitur de præteritis, & futuris faciendis durante termino præfixo ad absolvendum. *Vega in Sum. 1. par. cap. 49. casu 5. §. Nota segun. 14.* In ordine Minorū Guardiani non possunt subdelegare auctoritatem absolvendi à reservatis ad semper pro suo triennio: possunt tamen committere pro casu præsentis iuxta tenorem suæ concessionis; concedere verò auctoritatem pro reservatis confessorij, vel subdito petenti, non est delegare ad semper. *Mirand. tom. 2. q. 34. art. 14.*

14 Si casus est reservatus cum censura reservata, ut sunt omnes Papales, aut similes, etiam si quis absolpat bona fide à peccato putans posse, & postea absolvat à censura non tenet absolutio ex defectu iurisdictionis, quia reservatio posita erat & super casum, & super censuram: declaratur in confessioe peccatorum, & censurarum non reservatarum. Si confessor bona

Bona fide prius absolvit à peccatis, vel etiam mala fide, quàm absoluat à censuris, peccabit cum mala fide, sed tener absolutio: quia habebat iurisdictionem ad utrumque. At quando & casus, & censura sunt reservata, ut in Papalibus ex defectu iurisdictionis, neutrum tenet. Suarez *rom. de pœn. disputat. 29. sectio. 2. num. 10.*

15 Ut casus sit reservatus primò debet esse peccatum mortale, quia tanta pœna non imponitur pro veniali. Secundò debet esse peccatum graue, cuius reservatio conducat ad bonum commune. Tertiò, debet esse actus externus completus: si enim sit inchoatus, non sufficit ut veneficium inchoatum, vel venenum inceptum parari Clerico: hi enim actus sunt incompleti in ordine ad suos fines. Et lex ibi pœnalis debet restringi.

16 Religiosi hospites, & transeuntes possunt absolui à reservatis per Prælatum Conuentus in quo sunt, vel per Prælatum habentem ius pro reservatis. Est enim praxis, saltem in familia Franciscana. Et habens auctoritatem passivam ut absoluator à reservatis potest absolui in quavis Prouincia à casibus reservatis in toto Ordine. Rodriguez *1. tom. questio. 21. art. 3.*

Dubitas. Quid si casus sit reservatus in Prouincia hospitalis per suum Prouincialem specialiter: & non sit reservatus in Prouincia in qua est; si possit absolui? Casus resoluendus est per id quod dicunt multi, videlicet, saecularem vnius Diœcesis posse absolui à reservato in sua tantum Diœcesi, per confessorem Diœcesis ubi non est reservatus. Quod etiam militat in Fratre hospite; & melius in hoc, quia fauet praxis, & vsus Ordinis subditi vni Generali. Vide Suarez *ubi supra, disputat. 30. de pœnitent. sect. 1. numer. 6. & sect. 2. numer. 3.*

17 Si peccatum sit pluries reservatum ab vno Prælato, vel semel ab alio, & iterum à successore: obtenta vna tantum licentia absolvitur sufficienter. Si verò reservatum sit ab inferiore, & postea reservetur à superiore, non potest absolui absque licentia superioris: cum non potest inferior dispensare in lege superioris. Habens verò licentiam Generalis potest absolui à reservato per Prouincialem. Hoc tamen intellige de

reservatis absque censura. Si enim reservetur vnum peccatum per plures leges, ac plures censuras, non sufficit absolutio vnus ut tollatur altera, sed plures explanationes censurarum faciendæ sunt, & impetrandæ. Suarez *tom. de pæn. disp. 31. ad finem.*

18 Absolutus à reservatis in articulo mortis à confessore ordinario non habente potestatem, non tenetur iterum se præsentare superiori pro absolutione. Secus si illud peccatum habeat censuram annexam; tunc enim pro illa conualescens debet adire superiorem ut parti satisfaciatur. Et sic præsentatus non tenetur iterum confiteri superiori: sed paratus sit ad obediendum iniunctis à Prælato. Suarez *de pæn. disp. 30 sect. 3. num. 6. & 7.*

19 Licet Prælatus teneatur ut plurimum inclinari ad misericordiam in absolutione pro reservatis, maxime cum timet ruinam subditi: si tamen arbitrio prudentis viri, viderit expedire bono petentis, & bono communi, potest, & debet negare: & hoc maxime in danda licentia pro futuro. Ita Angel. *confess. 3. num. 31.* Neque tunc peccabit, imò rectè faciet: hæc enim est intentio reservationis.

Quid si Prælatus iniuste neget auctoritatem absolvendi à reservatis? Quidquid sit de peccato suo: subditus non obtinet licentiam, nec potest absolui, quidquid alij dicant. Rodriguez *in Addition. ad Summ. lib. 3. cap. 6. conclus. 6. & tom. 1. quest. 20. art. 30.*

20 Si quis confessus est omnia reservata, & non reservata confessori non potenti absolvere, qui tamen absoluit bona fide, credens se posse illa reservata non fecerunt absoluta ex defectu iurisdictionis. Iste tamen tenetur postea confiteri de solis reservatis, non verò de non reservatis, hæc enim iam fuerunt validè absoluta. Suarez *disp. 30. cit. sect. 5. n. 17.*

21 Absque graui causa non potest superior audire confessionem subditi pro solis reservatis, & pro non reservatis mittere illum ad alium confessorem. Est enim hoc sine causa dimidiare sacramentum: si verò adsit causa grauiissima, potest esse communis; quia sicut

cum cauſa grauiffima poteſt pœnitens dimidiare confeſſionem ne ſcilicet agnoſcat ſocius, &c. Ita in ſimili cauſa poteſt confeſſarius dimidiare Sacramentum, vt in tempore peſtis vrgentiſſimæ parochus vocatus ad alium morientem. Aliqui notant non eſſe ad hoc, cauſam ſufficientem in Prælato multitudinem negotiorum: negotium enim animæ, & ſacramenti præponderat omnibus. Dato autem quod Prælatus bene dimidiet Sacramentum, tunc abſoluens à ſolis reſeruatis: tunc pœnitens confeſſori inferiori ſola non reſeruata tenetur confiteri. Poteſt autem Prælatus licite audire ſolum reſeruatum, & ſolum pro illo imponere pœnitentiam, non abſoluendo ſacramentaliter: & tunc remittere inferiori, cui pœnitens tenetur tunc etiam reſeruatum confiteri: & implere pœnitentiam ſuperioris. Hæc omnia de ſe patent, & ſunt communia.

22 Pœnitens non habens confeſſarium potentem abſolvere à reſeruatis: habens tamen neceſſitatem celebrandi ob notabile periculum infamiæ, conſitendo tali Sacerdoti reſeruata, & non reſeruata, poteſt abſolui à non reſeruatis, etiam ſi reſeruata habeant cenſuram annexam reſervatam: & poteſt communicare. Suarez citato tom. de pœn. diſſ. 31. ſect. 3. num. 5. & 6. Huic enim pœnitenti non magis tunc prohibetur Sacramentum pœnitentiæ quàm eucharistiæ: & tamen Euchariftia tunc illi poteſt miniſtrari, quia ius naturale famæ obſtat: ergo & poteſt illi miniſtrari Sacramentum pœnitentiæ quoad non reſeruata, non obſtante cenſura annexa.

Si verò hic taliter abſolutus à non reſeruatis, poſtea Superiorem adit pro reſeruatis, putò quòd ſola reſeruata tenetur confiteri. Patet ex ſup: a licitis, & Nau. lib. 3. conſil. tit. de Reg. conſil. 75. dub. 25.

A D D I T I O.

III Onoris mei cauſa, volo hoc loco rationem reddere cuiusdam dicti, quòd olim non clare ſed virtualiter dixi in l. b. illo caſum reſeruati. *ſorum Clem.*

VIII. In eo libello, seu potius tractatu significavi casus reservatos in nostra Seraphica Religione in antiquis Capitulis generalibus cessasse per decretum illud dicti Clement. V I I I. nisi denuò reseruantur iuxta illud ipsum decretum. Circa quod primò dico, quod submitto me, & do manus declarationibus Ordinis nostri Prælatorum, & quod illi dicunt libentissimè sequor dicens illos antiquos non cessasse.

Ne tamen leuitatis arguar circa meum dictum antiquum, legentes moneo, vt primò legant P. Fratrem Ludoicum Beia 3. part. *suarum Responf. Moral. casu* 16. fol. 329. pag. 2. vbi citatus Pater præmittens se fuisse Romæ quando illud decretum Clementis V I I I. fuit promulgatum, & quasi ocularus testis ait: Sum. Pontificem Clementem VIII. primò petiisse à Procuratoribus Religionum vt in scriptis sibi præsentarent casus in suo Ordine reservatos. *Quibus per scriptum acceptis, & visis ordinavit (ait citatus Pater) hos solos (vndecim videlicet quos ibi scribit) hos solos infra scriptos cunctis Regularibus reservatos fore, esse, & haberi, & non alios præscriptis:* Hæc ille. Nota illa verba: *Cunctis Regularibus.* Item illa alia: *Et non alios.*

Est aliud motiuum, seu potius dictum satis magnum, videlicet Capucini à Sorbo Franciscani, & Itali viri doctissimi. Hic in suis Additionibus ad Compendium vel. *Absolutio ordinaria quoad Fratres* 1. part. fol. 31. §. *Circa dispositionem*, cum fecisset mentionem de casibus antiquis nostri ordinis, subiungit statim in hunc modum ibidem: *Est aduertendum quod nunc per dictum Clementem V I I I. aliud est ordinatum: anno enim Domini 1593. cunctis Regularibus per publicum Breue infra scriptos casus reservatos fore præscripsit: sic ille: Et apponit, seu transcribit vndecim illos casus Clementis VIII. & idem Auctor statim fol. 32. sequenti, dicens posse iuxta idem decretum Clementis VIII. reservari alios casus graues in Capitulo prouinciali, siue sint in diuersa materia, siue in eadem materia, sic ait: Et tunc prout ab eodem Pontifice fuit nobis facta declaratio, in prædictis Capitulis poterunt reservari alij casus à supra dictis*

dictis, etiam eiusdem materia supradictorum casuum, ut puta in materia lapsus carnis reservare etiam tactus impudicos, &c. sic ille. Nota.

Verba illa de futuro: *Poterunt reservare tactus impudicos*. Vbi clarè videtur innuere se intelligere tactus impudicos olim reservados in ordine iam cessasse, si enim non cessarent (iuxta illius mentem dico) non indigebunt nova reservatione. Et ait sic fuisse declaratum Capucinus à Clemente VIII. Fuit autem prædictus Pater Capucinus Italus eodem tempore vivens, vir valde doctus Minorita, imò & Generalis Capucinatorum. Idem asserit eisdem ferè verbis cum Capucino, Frater Franciscus Longus etiam Capucinus in suo lib. de casibus reservatis à Clemente VIII. casu 9. n. 29. sic dicens de tactibus impudicis: *Vt olim fiebat*. Quibus verbis idem innuit quod primus Pater Capucinus Sorbo. Scio tandem in hoc Regno Portugalliæ insignem Theologum, & publicum Lectorem Theologiæ in quadam Academia idem per scriptam epistolam tradidisse.

Hæc tamen, ut dixi, non affero, ut dicam illos prædictos antiquos casus cessasse, imò sto declarationi Prælatorum iam factæ, & dico illos non cessasse: solum hæc dixi ne levitatis arguar: cum id quod dixi inveniatur ferè dictum à tribus viris citatis Religiosis, & satis doctis. Sed rediens ad meum intentum, in hoc verbo *Casus reservati*, noto sequentia.

I Dixi olim in libello casuum reservatorum à Clement. VIII. prælud. 7. illum qui fuit confessus apud suum Superiorem de casu reservato, à quo poterat absolvere, si fecit confessionem invalidam ex defectu doloris, vel integræ confessionis, non recepisse absolutionem veram à reservato, neque à censuris: nec proinde ablatam fuisse reservationem: & ideo non posse absolui ab inferiore Confessore illius Prælati. Et eandem nunc sententiam iudico securiorem. Vidi tamen postea Suarez libr. seu tom. de Pæn. disp. 31. sect. 4. numer. 9 & sequentibus, sequentem, & citatem Caietanum, & Sylvest. & Antonium, quos tandem sequitur

Reginaldus *tom. 1. Praxis pœn. lib. 8. num. 61. & seqq.* qui omnes tenent oppositum, ac dicunt iam illam reservationem fuisse ablatam per illam confessionem etiam inualidam. Quia, inquit, Suarez, ex quo subditus comparuit coram superiore, etque peccatum integrè revelavit (vt supponit hæc sententia) & superior sufficientem satisfactionem iniunxit, suo muneri videtur satisfecisse quantum ad reservationem : & pariter ipse pœnitens videtur satisfecisse fini, & intentioni reservationis : ac proinde etiam si superior non absoluat verè à peccatis, sua tamen absolutione tollit saltem reservationem.

Requirat tamen hæc opinio, vt pœnitens declaret omnino peccatum reservatum : neque circa illud particulare sit impœnitens, sed de illo mutet propositum iterum committendi, quamvis aliàs cateat dolore circa alia peccata, vel illa integrè non fateatur. Et tamen idem Suarez *ibidem citato loco num. 10.* credit, quòd etiam si in confessione facta superiori non doluerit de illo reservato confesso, si tamen mutet postea propositum illud committendi, & satisfaciatur iniunctæ satisfactioni à superiore, adhuc poterit absolui à dicto olim reservato per Confessorem inferiorem. Et citat etiam Reginaldus Henriquez *lib. 6. cap. 16 § 5. littera B C.* Limitat tamen Suarez *citato loco num. 22.* hoc non habere locum in confessione facta per Iubileum quando absolutio datur per modum indulgentiæ : tunc enim de intentione concedentis requiritur confessio valida, nec sufficit inualida, per quam reservatio tunc non desinit in Iubileo, quia non satisfat intentioni superioris. Hæc illi. Et quidem potest dicta opinio teneri in praxi propter tot, ac tales Doctores. Non tamen caret instantia talis opinio propter limitationem vltimam de confessione facta in Iubileo : etenim credendum parimodo est, etiam superiorem Prælatum quando audit subditum confitentem de reservato, habere intentionem vt faciat confessionem validam, si enim sciret illum inualidè confiteri, ferè certum est non daturum absolutionem : & ex consequenti etiam tunc subditus

non

non satisfacit intentioni superioris : ac proinde, in vtroque casu tollitur reservatio, vel in neutro tollitur. Tene quod volueris, vt enim dixi opinionem suam, & cæterorum citatorum defendi ac teneri posse non dubito.

2 Quando Papa in Iubileo concedit vt possit quis illud lucrari in quavis hebdomada ex illis duabus; is qui in priori hebdomada Iubileum lucratus est, & statim commisit vnum casum reservatum, poterit in secunda hebdomada iterum lucrari Iubileum faciendo in eo præscripta, & poterit absolui ab illo reservato, quia tale priuilegium Iubilei est amplè interpretandum in fauorem priuilegiati. Ita Henr. citato *supra* loc. §. 3. & Reginald. citato *libr. num. 64*. Et hoc idem dicendum puto quando Prælatus concedit authoritatem absoluendi à reservatis per tres, vel quatuor dies, poterit enim subditus absolui à casu reservato commisso intra terminum illorum dierum. Nisi forte Prælatus dicat se concedere pro solis præteritis : vel timeat vt non absoluator casus commissus ob confidentiam futuræ licentiæ concedendæ : tunc enim verbis ipsius standum est.

3 Qui olim validè de reservatis confessus, & absolutus est à superiore, vel ab habente eius vires, postea vult confiteri generaliter, vel aliquas confessiones iterare maioris meriti gratia, non indiget noua licentia superioris, vt à reservatis iam confessis iterum absoluator. Ita Reginald. citato *libr. 8. num. 91*.

ADDITIO AD ADDITIONEM.

¶ **R**egulares Prælati Regulares pro absolutione reservatorum casuum aliquibus Religiosis graubus concedere suam authoritatem absoluendi à reservatis actiue, & passiuè, & quòd illa vtantur durante suo officio. Nunc dubitas, an possit Prouincialis committere
aliqui

3 Concedens casus sibi reservados si aliquid specialiter nominet, cetera similia concedere censetur: censuras videlicet reservatas, &c. Attendenda tamen sunt verba, & mens concedentis. *Navar. in Summa, cap. 27, num. 255.*

4 Si superior concedit omnem suam auctoritatem ad absoluendum, vel ad audiendam confessionem, concedit ut absolvatur à reservatis habentibus censuram, & non habentibus censuram. *Suarez tom de Censur. disp. 7. section. 4. num. 13.* Item, si concedit casus reservados, concedit etiam censuras illis annexas. *Suarez ibi.*

5 Omnes casus reservati Papæ habent censuram annexam, & hac sublata per habentem legitimam potestatem, etiam in foro externo, de peccato mortali remanente potest absolvere sacramentaliter quivis confessor approbatus. *Navar. cit. capit. numero 254.*

6 Confessor Mendicans approbatus potest absolvere ab omnibus casibus reservatis Episcopo siue reserventur à iure, siue ab homine, siue per statuta, idque potest per privilegia Mendicantium. *Rodriguez latè tomo 1. Questionar. questione 51. art. 2. cum multis citatis.* Et de quo in *Addition. ad Sum. tomo 3. capit. 12. conclusione 1.* consentit *Suarez tomo de pœnit. disputatione 30. sect. 2. ad finem.* Neque obstat quod *Miranda tomo 1. questione 46. ar. 2. conclusio. unica.* constanter hoc negat adducens duas declarationes Cardinalium consulto *Clemente VIII.* in quibus clarè, & rigorosè prohibetur confessoribus Regularibus absolvere à prædictis casibus, & aliis casibus ibi positis, neque ad hoc illos posse uti suis privilegiis. Non, inquam, obstat, quia prædictæ prohibitiones factæ sunt pro sola Italia, ibi enim in priori declaratione sic dicitur: *Sacerdotibus tam secularibus, &c. per uniuersam Italiam extra urbem degentibus.* Verba autem restrictiua, strictè debent intelligi: ut in alio casu pro sola Italia habet *Rodrig. citato loco Addition. c. 3. conclusio. 6.* vide infra verbo *Confessor erga seculares.* alias probationes huius rei efficaciores.

7 Si sit in dubio quòd casus sit reservatus, præsumitur non reservatus, & potest absolui tanquam non reser
ser

feruatus. Sà in Aphorism. verbo *Casus referuati numero 5.* & Suarez *tomo 2. de Religione libr. 4. capit. 5. numero 15.*

8 Si quis durante termino præfixo ad absoluendum à referuatis non est recordatus alicuius referuati quem habebat, & tunc bona fide, & validè confessus est cætera peccata, postea transacto termino præfixo potest absolui ab illo referuato. Sà *verbo citato numero 7.* & Sanchez *libr. 8. de Matrimon. disputation. 15. n. 21.* vbi aduertit quod si intra tempus præfixum nullam fecit confessionem, eo transacto non gaudet hoc priuilegio. Dixi, *si validè confessus est*: quia si intra tempus assignatum fuit confessus, sed inualidè, vel obliuio fuit culpabilis, credo contra Sà *loco citato*, quod neque in illa confessione inualida, neque post illam absoluitur à referuato illo, neque à censura referuata. Sic Suarez *de pœnit. disput. 31. sect. 4. n. 27.* & Vega *in Summ. 1. par. c. 49. casu 5.* Error enim culpabilis, & dolus, nulli debet prodesse. *l. 1. ff. de dolo, &c.* Vnde non placet quod ait Rodriguez *tom. 1. quest. 21. art. 7.* videlicet quod si confessus fuit potenti absoluere referuata, & dixi omnia referuata: sed malitiosè tacui vnum mortale non referuatam, tunc ait posse me confiteri iterum, non habenti auctoritatem, & poterit me absoluere etiam à referuatis. Non, inquam, placet ob proximè dicta: maius enim beneficium est Iubilei, & ibi non cessat referuatio per confessionem inualidam.

9 Si subditus confessus est suo superiori potenti absoluere à referuatis, & confitens oblitus est alicuius referuati, & confitens dicat Prælato se ideo illi confiteri vt absoluator à referuatis, tunc cessat referuatio illius obliti. Secus si pœnitens illud prius non dicat. Suarez *vbi proximè.*

10 Qui in prima hebdomada Iubilei absolutus est à referuatis, & postea commisit aliud referuatam, non potest virtute Iubilei in secunda hebdomada absolui ab illo referuato, quia ille fauor datur pro vna tantum hebdomada. Suarez *tomo 2. de Religio. lib. 6. de Voto, c. 16. num. 17.*

11 Qui tempore Iubilei fuit confessus, animo lucrandi illud, & faciendi ab illo iniuncta : & postea ex pigritia non fecit aliqua: non est lucratus indulgentiam quoad poenam, sed tamen manet verè absolutus ab omnibus reservatis quæ fuit confessus. Suarez *Citata section. 4. n. 4.* Secus si malè confessus fuit. Et de votis ibi dispensatis, vide ver. *Votum, num. 52.*

12 Clemens VIII. designavit vndecim casus quos citant varij Doctores maximè Capucinus in suo Compendio, fol. 31. circa quos primò aduerto Papam ibi illos vndecim non reservasse de facto pro omnibus Regularibus, ut aliqui malè putant: sed solum designavit materiam, ut scilicet Prælati regulares illos tantum, vel aliquem ex illis possent reservare; & extra illos vndecim nullus Prælatus possit aliquem reservare, nisi fortè in Capitulo Generali, vel Prouinciali.

Secundò noto Papam ibi non annullare, nec reuocare casus antiquos reservatos in Religionibus per statuta generalia facta in Capitulis generalibus, si qui essent reservati extra illos vndecim. Et sic casus antiqui Religionis Franciscanæ non sunt reuocati, neque exclusi per hos vndecim.

13 Quando prælatus concedit auctoritatem absolventi à reservatis, intelligitur de præteritis, & futuris faciendis durante termino præfixo ad absoluendum. Vega in *Sum. 1. par. cap. 49. casu 5. §. Nota segun. 14.* In ordine Minorū Guardiani non possunt subdelegare auctoritatem absolventi à reservatis ad semper pro suo triennio: possunt tamen committere pro casu præsentis iuxta tenorem suæ concessionis; concedere verò auctoritatem pro reservatis confessorij, vel subdito petenti, non est delegare ad semper. Mirand. *tom. 2. q. 34. art. 14.*

14 Si casus est reservatus cum censura reservata, ut sunt omnes Papales, aut similes, etiam si quis absoluat bona fide à peccato putans posse, & postea absoluat à censura non tenet absolutio ex defectu iurisdictionis, quia reservatio posita erat & super casum, & super censuram: declaratur in confessione peccatorum, & censurarum non reservatarum. Si confessor bona

Bona fide prius absoluit à peccatis, vel etiam mala fide, quam absoluat à censuris, peccabit cum mala fide, sed tener absolutio: quia habebat iurisdictionem ad utrumque. At quando & casus, & censura sunt reservata, ut in Papalibus ex defectu iurisdictionis, neutrum tenet. Suarez *tom. de pœn. disputat. 29. sectio. 2. num. 10.*

15 Ut casus sit reservatus primò debet esse peccatum mortale, quia tanta pœna non imponitur pro veniali. Secundò debet esse peccatum grave, cuius reservatio conducat ad bonum commune. Tertiò, debet esse actus externus completus: si enim sit inchoatus, non sufficit ut veneficium inchoatum, vel venenum inceptum parari Clerico: hi enim actus sunt incompleti in ordine ad suos fines. Et lex ibi pœnalis debet restringi.

16 Religiosi hospites, & transeuntes possunt absolvi à reservatis per Prælatum Conventus in quo sunt, vel per Prælatum habentem ius pro reservatis. Est enim praxis, saltem in familia Franciscana. Et habens auctoritatem passivam ut absolvatur à reservatis potest absolvi in quavis Prouincia à casibus reservatis in toto Ordine. Rodriguez *1. tom. questio. 21. art. 3.*

Dubitas. Quid si casus sit reservatus in Prouincia hospitis per suum Prouincialem specialiter: & non sit reservatus in Prouincia in qua est; si possit absolvi? Casus resoluendus est per id quod dicunt multi, videlicet, facularem vnius Diœcesis posse absolvi à reservato in sua tantum Diœcesi, per confessorem Diœcesis ubi non est reservatus. Quod etiam militat in Fratre hospite; & melius in hoc, quia fauet praxis, & usus Ordinis subditi vni Generali. Vide Suarez *ubi supra, disputat. 30. de pœnitent. sect. 1. numer. 6. & sect. 2. numer. 3.*

17 Si peccatum sit pluries reservatum ab vno Prælato, vel semel ab alio, & iterum à successore: obtenta vna tantum licentia absoluitur sufficienter. Si vero reservatum sit ab inferiori, & postea reservetur à superiore, non potest absolui absque licentia superioris: et si non potest inferior dispensare in lege superioris. Habens verò licentiam Generalis potest absolui à reservato per Prouincialem. Hoc tamen intellige de

F 3

hoc nō erit
sed ex parte
F. 3

reſeruatis abſque cenſura. Si enim reſeruetur vnum peccatum per plures leges, ac plures cenſuras, non ſufficit abſolutio vnius vt tollatur altera, ſed plures explanationes cenſurarum faciendæ ſunt, & impetrandæ. Suarez *tom. de pæn. diſp. 31. ad finem.*

18 Abſolutus à reſeruatis in articulo mortis à confefſore ordinario non habente poteſtatem, non tenetur iterum ſe præſentare ſuperiori pro abſolutione. Secus ſi illud peccatum habeat cenſuram annexam; tunc enim pro illa conualeſcens debet adire ſuperiorem vt parti ſatisfaciat. Et ſic præſentatus non tenetur iterum confiteri ſuperiori: ſed paratus ſit ad obediendum iniunctis à Prælato. Suarez *de pæn. diſp. 30 ſect. 3. num. 6. & 7.*

19 Licet Prælatus teneatur vt plurimum inclinari ad miſericordiam in abſolutione pro reſeruatis, maximè cum timer ruinam ſubditi: ſi tamen arbitrio prudentis viri, viderit expedire bono petentis, & bono communi, poteſt, & debet negare: & hoc maximè in danda licentia pro futuro. Ita Angel. *confefſ. 3. num. 31.* Neque tunc peccabit, imò rectè faciet: hæc enim eſt intentio reſervationis.

Quid ſi Prælatus iniuſtè neget authoritatem abſoluen- di à reſeruatis? Quidquid ſit de peccato ſuo: ſubditus non obtinet licentiam, nec poteſt abſolui, quidquid alij dicant. Rodriguez *in Addition. ad Summ. lib. 3. cap. 6. conſuſ. 6. & tom. 1. queſt. 20. art. 30.*

20 Si quis confefſus eſt omnia reſeruata, & non reſeruata confefſori non potenti abſolvere, qui tamen abſoluit bona fide, credens ſe poſſe illa reſeruata non præſentare abſoluta ex defectu iuriſdictionis. Iſte tamen tenetur poſtea confiteri de ſolis reſeruatis, non verò de non reſeruatis, hæc enim iam fuerunt validè abſoluta. Suarez *diſp. 30. cit. ſect. 5. n. 17.*

21 Abſque graui cauſa non poteſt ſuperior audire confefſionem ſubditi pro ſolis reſeruatis, & pro non reſeruatis mittere illum ad alium confefſorem. Eſt enim hoc ſine cauſa dimidiare ſacramentum: ſi verò adſit cauſa grauiſſima, poteſt eſt communis; quia ſicut

cum

cum causa gravissima potest pœnitens dimidiare confessionem ne scilicet agnoscatuf socius, &c. Ita in simili causa potest confessarius dimidiare Sacramentum, ut in tempore pestis vrgentissimæ parochus vocatus ad alium morientem. Aliqui norant non esse ad hoc, causam sufficientem in Prælato multitudinem negotiorum: negotium enim animæ, & Sacramenti præponderat omnibus. Dato autem quod Prælatus bene dimidiet Sacramentum, tunc absolvens à solis reservatis: tunc pœnitens confessori inferiori sola non reservata tenetur confiteri. Potest autem Prælatus licite audire solum reservatum, & solum pro illo imponere pœnitentiam, non absolviendo sacramentaliter: & tunc remittere inferiori, cui pœnitens tenetur tunc etiam reservatum confiteri: & implere pœnitentiam superioris. Hæc omnia de se patent, & sunt communia.

21 Pœnitens non habens confessarium potentem absolvere à reservatis: habens tamen necessitatem celebrandi ob notabile periculum infamiæ, confitendo tali Sacerdoti reservata, & non reservata, potest absolui à non reservatis, etiam si reservata habeant censuram annexam reservatam: & potest communicare. Suarez citato tom. de pœn. diss. 31. sect. 3. num. 5. & 6. Huic enim pœnitenti non magis tunc prohibetur Sacramentum pœnitentiæ quàm Eucharistiæ: & tamen Eucharistia tunc illi potest ministrari, quia ius naturale famæ obtrinet ergo & potest illi ministrari Sacramentum pœnitentiæ quoad non reservata, non obstante censura annexa.

Si verò hic taliter absolutus à non reservatis, postea Superiorem adit pro reservatis, puto quod sola reservata tenetur confiteri. Patet ex suprà lictis, & Nau lib. 3. consil. tit. de Reg. consil. 75. dub. 25.

A D D I T I O.

Honoris mei causa, volo hoc loco rationem reddere cuiusdam dicti, quod olim non clare sed virtualiter dixi in l. b. illo casum referutorum Clem.

VIII. In eo libello, ſeu potius tractatu ſignificaui caſus reſeruatos in noſtra Seraphica Religione in antiquis Capitulis generalibus ceſſaſſe per decretum illud dicti Clement. VII. niſi denuò reſeruarentur iuxta illud ipſum decretum. Circa quod primò dico, quod ſubmitto me, & do manus declarationibus Ordinis noſtri Prælatorum, & quod illi dicunt libentiſſimè ſequor dicens illos antiquos non ceſſaſſe.

Ne tamen leuitatis arguar circa meum dictum antiquum, legentes moneo, vt primò legant P. Fratrem Ludoicum Beia 3. part. ſuarum Reſponſ. Moral. caſu 16. fol. 329. pag. 2. vbi citatus Pater præmittens ſe fuiſſe Romæ quando illud decretum Clementis VII. fuit promulgatum, & quaſi oculus teſtis ait: Sum. Pontificem Clementem VIII. primò petuiſſe à Procuratoribus Religionum vt in ſcriptis ſibi præſentarent caſus in ſuo Ordine reſeruatos. *Quibus per ſcriptum acceptis, & viſis ordinauit (ait citatus Pater) hos ſolos (vndecim videlicet quos ibi ſcribit) hos ſolos infra ſcriptos cunctis Regularibus reſeruatos fore, eſſe, & haberi, & non alios præſcripſit:* Hæc ille. Nota illa verba: *Cunctis Regularibus. Item illa alia: Et non alios.*

Eſt aliud motiuum, ſeu potius dictum ſatis magnum, videlicet Capucini à Sorbo Franciſcani, & Itali viri doctiſſimi. Hic in ſuis Additionibus ad Compendium vet. *Absolutio ordinaria quoad Fratres 1. part. fol. 31. §. Circa diſpoſitionem*, cum feciſſet mentionem de caſibus antiquis noſtri ordinis, ſubiungit ſtatim in hunc modum ibidem: *Eſt aduertendum quòd nunc per dictum Clementem VII. aliud eſt ordinatum: anno enim Domini 1593. cunctis Regularibus per publicum Breue infra ſcriptos caſus reſeruatos fore præſcripſit: ſic ille: Et apponit, ſeu tranſcribit vndecim illos caſus Clementis VIII. & idem Auctor ſtatim fol. 32. ſequenti, dicens poſſe iuxta idem decretum Clementis VIII. reſeruari alios caſus graues in Capitulo prouinciali, ſiue ſint in diuerſa materia, ſiue in eadem materia, ſic ait: Et tunc prout ab eodem Pontifice fuit nobis facta declaratio, in prædictis Capitulis poterunt reſeruari alij caſus à ſupra dictis*

didis, etiam eiusdem materia ſupradictorum caſuum, ut puta in materia lapſus carnis reſeruare etiam tactus impudicos, &c. ſic ille. Nota.

Verba illa de futuro : *Poterunt reſeruare tactus impudicos.* Vbi clarè videtur innuere ſe intelligere tactus impudicos olim reſeruatos in ordine iam ceſſaſſe, ſi enim non ceſſarent (iuxta illius mentem dico) non indigebunt noua reſeruatione. Et ait ſic fuiſſe declaratum Capucinus à Clemente VII. Fuit autem prædictus Pater Capucinus Italus eodem tempore viuens, vir valde doctus Minorita, imò & Generalis Capuciorum. Idem aſſerit eiſdem ferè verbis cum Capucino, Frater Franciſcus Longus etiam Capucinus *in ſuo lib. de caſibus reſeruatis à Clemente VIII. caſu 9. n. 29.* ſic dicens de tactibus impudicis : *Vt olim fiebat.* Quibus verbis idem innuit quod primus Pater Capucinus Sorbo. Scio tandem in hoc Regno Portugalliæ inſignem Theologum, & publicum Lectorem Theologiæ in quadam Academia idem per ſcriptam epiſtolam tradidiſſe.

Hæc tamen, ut dixi, non aſſero, ut dicam illos prædictos antiquos caſus ceſſaſſe, imò ſto declarationi Prælatorum iam factæ, & dico illos non ceſſaſſe: ſolùm hæc dixi ne leuitatis arguar: cùm id quod dixi inueniatur ferè dictum à tribus viris citatis Religioſis, & ſatis doctis. Sed rediens ad meum intentum, in hoc verbo *Casus reſeruati*, noto ſequentia.

I Dixi olim in libello caſuum reſeruatorum à Clement. VII. *prælud. 7.* illum qui fuit confeſſus apud ſuum Superiorem de caſu reſeruato, à quo poterat abſoluere, ſi fecit confeſſionem inualidam ex defectu doloris, vel integræ confeſſionis, non recepiffe abſolutionem veram à reſeruato, neque à cenſuris: nec proinde ablatam fuiſſe reſeruationem: & ideo non poſſe abſolui ab inferiore Confeſſore illius Prælati. Et eandem nunc ſententiam iudico ſecuriorem. Vidi tamen poſtea Suarez *libr. ſeu tom. de Pæn. diſp. 31. ſect. 4. numer. 9 & ſequentibus*, ſequentem, & citâtem Caietanum, & Sylueſt. & Antoninum, quos tandem ſequitur

Reginaldus *tom. 1. Praxis pœn. lib. 8. num. 61. & seqq.* qui omnes tenent oppositum, ac dicunt iam illam reservationem fuisse ablatam per illam confessionem etiam inualidam. Quia, inquit, Suarez, ex quo subditus comparuit coram superiore, etque peccatum integrè reuelavit (vt supponit hæc sententia) & superior sufficientem satisfactionem iniunxit, suo muneri videtur satisfecisse quantum ad reservationem: & pariter ipse pœnitens videtur satisfecisse fini, & intentioni reservationis: ac proinde etiam si superior non absoluat verè à peccatis, sua tamen absolutione tollit saltem reservationem.

Requirat tamen hæc opinio, vt pœnitens declaret omnino peccatum reservatum: neque circa illud particulare sit impœnitens, sed de illo mutet propositum iterum committendi, quamuis aliàs careat dolore circa alia peccata, vel illa integrè non fateatur. Et tamen idem Suarez *ibidem citato loco numer. 10.* credit, quòd etiam si in confessione facta superiori non doluerit de illo reservato confesso, si tamen mutet postea propositum illud committendi, & satisfaciat iniunctæ satisfactioni à superiore, adhuc poterit absolui à dicto olim reservato per Confessorem inferiorem. Et citat etiam Reginaldus Henriquez *lib. 6. cap. 16 § 5. littera B C.* Limitat tamen Suarez *citato loco num. 22.* hoc non habere locum in confessione facta per Iubileum quando absolutio datur per modum indulgentiæ: tunc enim de intentione concedentis requiritur confessio valida, nec sufficit inualida, per quam reservatio tunc non desinit in Iubileo, quia non satisfat intentioni superioris. Hæc illi. Et quidem potest dicta opinio teneri in praxi propter tot, ac tales Doctores. Non tamen caret instantia talis opinio propter limitationem vltimam de confessione facta in Iubileo: etenim credendum pari modo est, etiam superiorem Prælatum quando audit subditum confitentem de reservato, habere intentionem vt faciat confessionem validam, si enim sciret illum inualidè confiteri, ferè certum est non daturum absolutionem: & ex consequenti etiam tunc subditus

non

non satisfacit intentioni superioris : ac proinde, in uno-
que casu tollitur reservatio, vel in neutro tollitur.
Tene quod volueris, ut enim dixi opinionem Suarez,
& cæterorum citatorum defendi ac teneri posse non
dubito.

2 Quando Papa in Iubileo concedit ut possit quis
illud lucrari in quavis hebdomada ex illis duabus; is
qui in priori hebdomada Iubileum lucratus est, & sta-
tim commisit unum casum reservatum, poterit in se-
cunda hebdomada iterum lucrari Iubileum faciendo
in eo præscripta, & poterit absolui ab illo reservato,
quia tale privilegium Iubilei est amplè interpretan-
dum in favorem privilegiati. Ita Henr. citato supra loco,
§. 3. & Reginald. citato libr. num. 64. Et hoc idem di-
cendum puto quando Prælati concedit auctoritatem
absolventi à reservatis per tres, vel quatuor dies,
poterit enim subditus absolui à casu reservato com-
misso intra terminum illorum dierum. Nisi forte Præ-
latus dicat se concedere pro solis præteritis : vel limitet
ut non absolvatur casus commissus ob confidentiam
futuræ licentiæ concedendæ : tunc enim verbis ipsius
standum est.

3 Qui olim validè de reservatis confessus, &
absolutus est à superiore, vel ab habente eius vi-
ces, postea vult confiteri generaliter, vel ali-
quas confessiones iterare maioris meriti gratia, non
indiget nova licentia superioris, ut à reservatis iam
confessis iterum absolvatur. Ita Reginald. citato libr.
8. num. 91.

ADDITIO AD ADDITIONEM.

¶ Volent Prælati Regulares pro absolutione refer-
uatorum casuum aliquibus Religiosis gradibus
concedere suam auctoritatem absolventi à reservatis
actiue, & passivè, & quod illa utantur durante suo offi-
cio. Nunc dubitas, an possit Prouincialis committere
alicui

alicui suam authoritatem absoluendi à reseruatis, cum tali clausula vt is cui illam committit possit etiam illam committere cuicunque alteri voluerit: quod idem est, ac inquirere, an Prouincialis possit alicui delegare suam authoritatem absoluendi à reseruatis, cum facultate vt is possit eandem authoritatem alteri subdelegare. Omissis dubiis, dico quod poterit hoc facere, & si faciat valebit subdelegatio. At ego id non consulerem cum paucissimi sint, in quibus talis confidentia debeat haberi, vt scilicet debite possint illam subdelegare. Primum dictum, quod scilicet Prouincialis possit hoc facere, & quod validum erit, si fiat, colligo clarè ex traditis à Sanchez *libr. 3. de Matrimon. disp. 1. num. 6. & sequentibus*, vbi probat cum multis Doctoribus quemcunque Prælatum ordinarium posse delegare partem suæ iurisdictionis alicui, cum facultate vt is delegatus possit subdelegare: quod probat ex multis textibus, & Doctoribus. Addit tamen duas exceptiones: prima est, quod non delect vniversam suam iurisdictionem (id est, totum officium) quam habet: hoc enim non potest facere, absque consensu Superioris. Secunda est, quod talis delegatus non debet subdelegare nomine suo proprio, sed nomine ipsius ordinarij delegantis. Cum ergo Prouincialis sit ordinarius, vt patet, & possit, ac soleat durante suo officio delegare aliquibus authoritatem absoluendi à reseruatis, poterit etiam iuxta Sanchez illam ipsis delegare cum facultate subdelegandi quibus voluerint.

2 Instas: ergo Guardiani Minorum, & alij Prælati conuentuales locales poterunt etiam delegare suam authoritatem absoluendi à reseruatis alicui pro suo triennio cum facultate subdelegandi alijs. Fateor quod per regulam traditam à Sanchez, idem in Guardianis dicendum videtur, sunt enim Prælati ordinarij. Quia tamen vsus, & consuetudo, non solum abrogat legem, sed illam exponit quomodo sit seruanda. Ego, in Ordine Minorum, credo, id non posse facere Guardianos. Primò quia minorem, ac strictiorem potestatem habent quam Prouincialis. Secundo, quia in Ordine Mi-

norum

norum nunquam audiui quod Guardianus possit pro suo toto triennio delegare alicui suam auctoritatem absolvendi à reservatis, sed id solum faciunt pro præsentis necessitate. At Provinciales habentes ampliorem jurisdictionem illam solent committere pro toto tempore sui officij: & proinde poterunt committere cum clausula ut delegatus possit subdelegare, cui consonat quod Sanchez ait *cit. disp. num. 11.* quod Episcopus plenior habet facultatem subdelegandi, vel dandi licentiam subdelegandi quam habeat Parochus ordinarius. Et circa Provinciale, non est quod dicatur hoc non esse in usu, & proinde perdi per contrarium usum. Non, inquam, valet, quia hoc quod est ordinarium posse delegare cum facultate subdelegandi, non est privilegium particulare Papæ, ut possit perdi per non usum; sed est annexum officio ordinarij, & quasi proprietas officium concomitans: & proinde notitia illius poterit quivis Prælati operari id quod est annexum, & proprietas officij.

CAPELLÆ MONASTERIORVM.

IN gratiam præcipuè Minoritarum, in quorum Ecclesiis donantur aliquando capellæ sæcularibus cum iure patronatus, & in gratiam cæterorum Religiosorum adueto ex Rodriguez *tem. 4. Addit. ad Sum. ver. Procurator. concl. 6.* quod cæteri Religiosi, qui habent dominium rerum suarum temporalium, si donaturi sunt aliquam capellam suæ Ecclesiæ alicui sæculari, debent id facere pulsata campana, & de consensu maioris partis Capituli cum cæteris circumstantiis requisitis ad debitè alienandum bona Ecclesiæ. Cum enim sint domini rerum suarum, debet expectari illorum consensus. At si aliqua capella Ecclesiæ Minorum donanda sit sæculari, vel Clerico, non requiritur pulsatio campanæ, neque consensus Capituli, neque diffinitoriij, sed sufficit quod donet solus syndicus Conuentus, qui est procurator

procurator Papæ & dominus illius capellæ in nomine Papæ. Debet tamen interuenire licentia Prouincialis : & non sufficiet licentia Guardiani prout *ibi* Rodriguez notat. Ratio huius diuersitatis est , quia , vt dixi , ceteri Religiosi sunt domini illius capellæ , & ideo requiritur illorum consensus vt transferatur illud dominium. At Minoritæ non sunt domini illius capellæ , sed Papæ : ideo non requiritur illorum consensus , sed Papæ per suum Syndicum , seu Procuratorem , cum consensu solus Prouincialis.

CELEBRARE.

Vide suprà ver. *Altare.* & infrà ver. *Missa.*

CLAVSURA Monachorum.

HÆc violatur per apostasiam , de qua iam suprà latè , vel etiam per admissionem sceminarum intra Conuentus Monachorum : pro quo sufficit videre Rodriguez *in expositione Bull. Cruc.* quando exponit specialiter motum proprium Pij V. de non admittendis sceminis intra Conuentus Monachorum. Vide etiam illum *tom. 1. questionar. question. 48.* Ibi verò dicta vel quia ordinaria sunt , vel non sunt magni momenti, omitto.

ADDITIO.

Vide infrà verb. *Manus violentæ. num. 3.*

HÆc violatur duobus modis. Primo per egressum illicitum Monachi à Conuentu qui est apostasia, de qua diximus sufficiēter suprà verb. *Apostasia*

Apostasia, & in 1. tom. eodem verbo. Secundo modo violari potest per ingressum foeminarum prohibitum intra clausuram Conuentus. Et de hoc secundo modo noto, quòd Pius V. & Greg. XIII. particularibus Bullis prohibuerunt sub grauibus pœnis ne Prælati Regulares, vel Religiosi admitterent foeminas intra Conuentum virtute licentiarum concessarum ipsis foeminis à Sede Apostolica; tales enim licentias ambo Pontifices reuocant, & annullant. Citant has duas Bullas, inter alios, Suarez tom. de Censuris disp. 22. sect. 6. num. 11.

1 Quo posito, magna quæstio est, vtrum Prælati, & Fratres subditi admittentes foeminas intra suam clausuram, non virtute alicuius licentiæ Papalis reuocata; sed alia via, vel fortè ad libitum; vtrum hi incurrant illas pœnas impositas in illis duabus Bullis? Quam quæstionem ait Suarez fuisse motam suo tempore fortè Conimbricæ vbi tunc agebat. In hac quæstione Rodr. in explicatione Cruciate n. 6. & 7. tenet prædictos Fratres tales foeminas sic admittentes incurrere prædictas pœnas. Probat, quia quamuis illi duo Pontifices solum prohibuerint verbis claris ingressum foeminarum virtute licentiarum Papalium reuocatarum: Attamen finis illius legis potius est attendendus, quàm verba ipsius legis. Finis autem illius legis principalis fuit, ne tales foeminae graues, & nobiles ingredientiæ virtute Papalium facultatum turbarent quietem Conuentus, & Religiosos inquietarent. Hic autem finis inquietandi Religiosos per ingressum foeminarum etiam militat in ingressu foeminarum non habentium licentias Pontificias, vt patet: ac proinde reperto fine legis etiam in hoc ingressu absque licentiis, tenebit lex prior loquens de ingressu foeminarum virtute facultatum. Quod si finis legis in ambabus Bullis fuit periculum castitatis, hæc plus periclitatur in ingressu foeminarum minus nobilium absque licentia Papæ, quàm in ingressu nobilium foeminarum cum prædicta licentia. Et citat Rodriguez Nauarrum dicentem sic in terminis declarasse prædictos Pontifices Pium, & Gregor. consultos de hoc particulari post prædictas Bullas emanatas:
& sic

& sic practitari Romæ à Pœnitentiariis de consilio Greg. XII I.

Est quidem hæc opinio magis secura , tum quia est in re grauiissima , & tot pœnis prohibita : tum quia munitur testimonio viri grauiissimi Romæ agentis tempore dictorum illorum Pontificum. Sed hoc non obstante contra Rodriguez in particulari libet arguere ad hominem. Videretur enim vel sui oblitus , vel non loquutus consequenter ad illud quod dixit *1. tom. 9. Regul. quest. 47. art. 1.* vbi citans has easdem duas Bullas Pij , & Gregor. vtrobique loquentium de clausura Monialium , & Monachorum , & vtrobique reuocantium licentias Pontificias ingrediendi in clausuram Monialium , vel Monachorum virtute dictarum licentiarum reuocatarum , tenet Rodriguez *cit. artic. 1.* Abbatissam , vel Moniales admittentes sæculares intra clausuram , non virtute Papalium licentiarum reuocatarum ; sed alia via quacunque , tenet prædictam Abbatissam , vel Moniales sic illos admittentes non incurrere prædictas pœnas. Hoc probat fusè citans primò Caietanum dicentem , in excommunicatione , cum sit pœna grauiissima , attendenda omnino esse singula verba , & singulos actus , quos prohibet , pœnæ enim sunt restringendæ omnino. Vnde si excommunicatio prohibet hunc solum actum , (vtputè ingredi virtute licentiæ Papalis) non est extendenda ad actum , vel rem , de qua non loquitur expresse : vt verbi gratia ad ingressum sine tali licentia , & citat Castrum , & Abbatem dicentes , gratis , & absque vlla ratione legem pœnalem extendi ad similem casum propter similitudinem rationis. Et probat ex quadam Decretali , pœnam impositam danti licentiam illicitam , non extendi ad facientem aliquod malum virtute illius licentiæ : quia scilicet lex prohibet solum illud primum , non hoc secundum , etiam si in hoc secundo maior ratio , & malitia puniendi reperiatur. Quæ omnia huc valent applicari. Nam illi Pontifices ibi solum puniuntur admittentes fœminas virtute licentiarum reuocatarum : nihil verò statuunt de admittentibus illas ad libitum : ac proinde

ad

ad hoc secundum non est extendenda illa lex pœnalis, etiam si in hoc secundo detur par ratio, seu maior ratio, vel maior militia. Vnde soluitur ratio Rodr. *in principio hic supra posita.*

Igitur Suarez *tom. de Censur. disp. 12. sect. 6. num. 11. & seqq.* (dicens hanc quæstionem motam fuisse suo tempore) tenet dictos Prælatos, vel subditos sic admittentes fœminas intra clausuram absque licentiis Pontificum reuocatis, non incurrere pœnas illarum Bullarum nisi fortè per statuta suæ Religionis prædictæ pœnæ etiam sint impositæ. Nullum pro se Doctorem citat Suarez : ait Rodriguez *citato loco Cruciatæ*, pro hac sententia dicit aliquos esse Doctores. Faciunt pro hac opinione Suarez omnia illa quæ congerit Rodriguez *citata quæst. 47. art. 1.* proximè adducta, quibus probat Rodríguez. Moniales admittentes sæculares absque licentiis Papalibus reuocatis, non incurrere : omnes enim illæ rationes etiam militant in hoc casu Monachorum admittentium intra clausuram easdem fœminas absque licentiis reuocatis

Hæc præter meum intentum fusiùs attuli, tum quia res est grauissima, tum quia quotidiana. Quod si meam sententiam postules: Dico primò (vt dixi) sententiam Rodríguez esse securiorem ob iam dicta. Quia tamen non teneor semper sequi opinionem securiorem ex duabus, si sint ambæ probabiles. Dico secundò, per me liberum esse cuique sequi vtramvis opinionem vel Rodríguez vel Suarez: quia quævis illarum habet sufficientia fundamenta. Quod si tibi ingerat scrupulùm dictum Rodríguez & Nauar. dicentium Pium V. & Greg. XIII. declarasse suam opinionem. Responde, illas duas declarationes non extare authenticas, pro quo vide supra quæ diximus, ver. *Abbatissa, n. 6.* in simili ferè materia.

Cùm verò Suarez dicat iacursuros esse has pœnas Prælatos, & Religiosos, si in sua Religione per statutum tales pœnæ sint impositæ pro Ordine nostro Minorum, nolo tales pœnas nobis non esse impositas per statuta generalia. Etenim statuta generalia Tollerana *sunt. de ingressu fœminarum in nostros Conuentus fol. 143.*

pag. 1. loquentia de materia præsentis : solum dicunt Constitutionibus Apostolicis cautum esse : ne tales fœminæ admittantur : aliâs dicunt statuta : *Sob pena de incurrir en todas las penas contenidas en la dicha Bulla.* Quæ verba statuti ex se nullam pœnam nouam imponunt, vt patet ; sed remittunt se ad pœnas contentas in illis duabus Bullis.

Si tandem quæras quæ sint pœnæ ab illis duobus Pontificibus impositæ transgressoribus illarum , ait Suarez esse has. Primò , suspensionem à diuinis. Secundò excommunicationem reseruata Sedi Apostolicæ. Tertiò , priuationem officiorum præsentium , si quæ habent. Quartò, inhabilitatem ad officia , & dignitates in posterum obtinendas.

2. Circa particulam verò positam à Pio V. contra Religiosos admittentes fœminas intra clausuram etiam si non sint Prælati : Notat Suarez *citato loco* , Monialem, (idem pari modo dic de Monacho , quæ non habet ex officio prohibere talem ingressum , etiam si non impediat, cum possit, vel illi non resistat) hanc ait non incurrere illas pœnas : quia talis , nec præsumit contra illam legem ; neque directè, vel indirectè cooperata est ad talem ingressum. Secùs autem erit si inuitet ad ingressum , vel aliquo positiuo modo faciat illam personam ingredi , quia iam tunc directè admitteret. Si verò Monialis (idem dic de Monacho) ex officio teneretur impedire, & non impediret, iam incurreret, quia iam tunc indirectè admittit : quia potest , & tenetur non admittere , & admittit. Excusaretur tamen fortè , vel propter inaduertentiam , vel propter perturbationem animi, quia tunc non præsumeret contra legem , quæ præsumptio ibi requiritur.

3. Quæris ex prædictis , an Monachus , vel Mōnialis, quæ prædictas personas sæculares illicitè ingredientes, non inuitant ad ingressum , nec ex officio vlllo modo tenebatur impedire , postquam tamen prædictas personas ingressas obuias habet, illas alloquitur , comitatur, seu ad cibum, & potum inuitat : an iste talis Monachus dicendus sit admittere tales personas ob prædictam

dictam alloquutionem, comitatum, &c. & propter hæc incurrat prædictas pœnas : Olim audiui has Moniales, vel Monachostalia facientes incurrere. Nunc re melius considerata, salvo meliori iudicio, credo non incurrere. Hoc patet primò ex prima explicatione Suarez, qui ait illos solos admittere, qui vel inuitant ad ingressum, vel officio obligati ad impediendum illum, non impediunt. Ac ille Monachus qui nihil horum fecit, nec tenebatur impedire, ex eo solùm quòd personas iam ingressas alloquitur, vel comitatur, nullo modo fuit coöperatus ad ingressum : ergo non incurrit. Lex enim tam valde pœnalis restringi debet, & proinde puniens solos permittentes, vel admittentes ad ingressum, non puniet alloquentes, comitantes personas post ingressum. Id enim oportebat explicari à Papa in re tam pœnali. Quod confirmo: nam Pius V. in Bulla quæ incipit : *Decoris, & honestatis*, qua prohibuit, & puniuit grauibus pœnis Moniales egressas indebitè à clausura, volens extendere prædictas pœnas etiam ad personas comitantes, & recipientes easdem Moniales extra suos Conuentus ; in eadem Bulla statim expressit personas extra Conuentum illas comitantes, & recipientes : aliàs prædicti comitantes non incurrerent si non exprimerentur. Cùm ergo in nostro casu illi duo Pontifices, solùm puniant malè admittentes, vel inuitantes ad ingressum : non utique punient alloquentes, comitantes, vel hospitio recipientes post ingressum.

Ne fortè autem iterum nimix breuitatis arguar, epilogans dicta à Rodriguez in *dicta expositione Cruciatæ*, circa hunc ingressum fœminarum in clausuram Monachorum, per summam dico sequentia, omittens minus principalia, & quæ ab omnibus sunt cognita.

4 Occultans fœminas illicitè ingressas in Conuentum si occultet bono fine, postquam sunt ingressæ, vt propter honorem fœminæ, vel Fratris, & sic de similibus, non incurrit prædictas pœnas : quia hic nec fuit causa ingressus, neque contra legem præsumit. Rodr. *itato loco, num. 11.*

5 Possunt licitè intrare fœminæ clausuram Monachorum, vel si quando intrant clausuram habetur sermo prædicationis, vel sit officium lotinis pedum in Ioue Sancto intra clausuram: vel quando datur habitus, vel sit professio nouitij, si sit consuetudo fieri intra clausuram, vel sepelitur defunctus: & in his euentis possunt fœminæ, intrantes ingredi capellas positas in claustro, quia hæ non sunt officinæ secretæ. Rodriguez *ibidem num. 18.* Imò addit ibi Rodriguez *num. 16.* rem notabilem, quòd scilicet, si fœmina nobilis petat sibi dici Missam in capella posita in claustro, huius Missæ audiendæ causa potest ingredi prædicta fœmina cum aliis fœminis illam comitantibus. Quod nunquam vidi fieri in praxi: si tamen fiat non videtur condemnandum.

6 Si in Conuentu aliquo claustrum ornetur tapetis, & similibus: & manè per claustrum fiat processio, non poterunt fœminæ vesperi intrare ad solùm videndum claustrum, absque noua processione. Poterunt tamen vesperi intrare si fiat alia noua processio: & ait Rodriguez *ibidem num. 20.* huius rei gratia ad videndum claustrum licitè posse iterum fieri vespere secundam nouam processionem. Ex his duo licet colligere: primum est: Non bene apud aliquos Religiosos practitari (sicut audiui) qui facta manè processione, per claustrum ornatum cum processione, claustri portas aperiunt vespere, vt fœminæ vadant ad videndum ornamentum claustri non facta noua processione: hoc enim inprimis ibi reprobatur Rodriguez, & probatur ex Bulla, quæ solùm concedit ingressum fœminis in clausuram, quando celebrantur Diuina Officia. At quando intrant vespere absque processione, non ibi fiunt Diuina Officia. Infero secundo, quòd si iuxta Rodr. potest vespere in die festo fieri noua processio vt ornatus claustri valeat inspicere, poterit pari modo licitè à Prælato fieri processio per claustrum in die non festo, neque solito, vt intrent fœminæ nobiles pro videnda fabrica & ædificio particulari claustri: est enim eadem ratio in videndo ornatus & videnda fabrica claustri. Et
præ

præterea facta processione in hoc secundo casu, iam in claustro fit Diuinum, ad pium Officium, qualis est processio: & parum ad hoc interest si sit dies non festus, neque solitus ut in eo fiat processio: hæc enim per accidens sunt ad intentum, quia etiam Prælati poterit instituere festum votiuum non solitum, & facere processionem per claustrum, & nullus de hoc illum damnabit. Adde quod si fœmina nobilis petens Missam in claustro extra diem festum, & solitum, potest intrare iuxta supradicta à Rodriguez, & Prælati potest licite dictam Missam concedere eo quod sit Diuinum Officium: videtur quod etiam possit condere, & facere processionem extra diem festum, & solitum, quia est Diuinum Officium. Lex enim, siue illa Bulla non distinguit, an illud Diuinum Officium fiat in claustro, in die feste, vel fiat ex more solito: sed loquitur absolute.

Scio Rodriguez hoc expresse negare in Crucjata, post *num. 15. dubio 1.* ubi expresse dicit non posse Prælatum facere processionem extraordinariam, ut intrent fœminæ ad videndum claustrum. Quia, inquit, Papa in illa sua declaratione, solum intendit vitare scrupulos: non verò permittere occasionem relaxationis, & scandalorum, & abusuum: qualis occasio daretur in processione extraordinaria. At, saluo meliori iudicio, hæc ratio, siue responsio non cogit. Nam in processione extraordinaria non datur talis occasio peccati, libertatis, vel relaxationis, cum intrent multe fœminæ, ac viri. Imò maior occasio libertatis, relaxationis, & abusuum dari potest quando fœmina intrat ad solam audiendam Missam priuatam, quam postulat sibi dici in claustro, quod licitum esse concessit supra Rodriguez. Ergo licita erit similiter processio extraordinaria, in qua minor occasio est relaxationis, libertatis, scandalum, & abusus, ut patet. Et propterea argumentor ad hominem. Nam si idem Rodriguez *ibi dem num. 20.* (ut iam vidimus) ait posse Prælatum facere secundam vnam processionem vespere, ut mulieres intrent ad videndum claustrum, etiam si manè facta fuerit iam alia processio: & illa processio facta vespere est insolita,

& est voluntaria ad libitum, solúmque vt videatur claustrí ornatus: cur non poterit idem Prælatus extra festum facere aliam processionem insolitam, vt videatur fabrica templi. Hanc opinionem apud nullum reperi: puto tamen sufficienter colligi ex dictis à Rodriguez, & non contradicere decretis in dictis Bullis Pontificiis. Dictum tamen volo iuxta censuram Ecclesiæ, & melius sentientium, quibus me subiicio.

7 Circa pœnas verò incurfas ob transgressionem huius Motus proprij: notat Rodriguez primò Religiosum peccantem, & fœminas introducensem, si crimen est omnino secretum, non teneri statim deponere officium in publico, quia non tenetur se infamare & esse executor legis contra se, quod ego olim iam dixi in alio libr. verb. *Officia Ordinis*, num. 5. At sicut ibi dixi num. 7. si huic delinquenti offertur officium de futuro, tenetur renunciare, & non acceptare cum declaratione, seu moderatione ibidem posita. Quòd verò Prouincialis possit absolvere, & tollere omnes illas quatuor pœnas, suspensionis, excommunicationis, priuationis, & inhabilitatis, dixi suprà verb. *Abbas*, num. 3. & olim verb. *Prælatus*, & verb. *Dispensare*. Vide infrà ver. *Inhabilitas*.

CLAVSVRA MONIALIVM.

Vide supra verbo *Abbatissa*, num. 7.

Moniales Ordinum Militarium sancti Iacobi, Ioannis, & similes cogi possunt hodie per Prælatos ad clausuram, etiam si vsque in præsens illam non seruauerint. Rodriguez tom. 1. *question. quest.* 44. art. 1. ex Tridentino id expressè decernente. Si verò aliquæ Moniales professionem faciant sub conditione quod clausuram non seruabunt, hæ non sunt veræ professæ: & ad clausuram non tenentur. Miranda *tomo* 1. q. 1. *de Monialibus*, a. 4. *concl.* 6.

2 Ad

3 Ad clausuram etiam tenentur seruitrices illæ, quæ solent in aliquibus Conuentibus vota tria essentialia promittere. *Rodrig. cit. q. 44. art. 4. §. 2. Assertio.* Aliæ verò seruitrices hæc vota non emittentes ad illam non tenentur.

3 Ut quis licite ingrediatur clausuram Monialium debet obtinere licentiam in scriptis superioris illius Conuentus, & examinatam necessitatem, alias incurrit poenas, de quibus infra. *Tridentin. sess. 25. cap. 5. de Regular.* Et hoc intellige quando debet ingredi in casu particulari non verò in ordinariis, quales sunt circa Medicum, Chirurgum, portantes ligna, onera, cæmentarios, & similes operarios, pro his enim non requiritur licentia scripta, sed standum est consuetudini regulatæ.

4 Causa dandi licentiam ad intrandam clausuram debet esse mortaliter necessaria: non verò requiritur necessitas logica, vel Metaphysica: & minor necessitas requiritur ut intrent mulieres, quàm ut intrent viri. *Rodriguez cit. quest. art.* Et proinde hæc necessitas regulanda est arbitrio prudentis, & timorati Prælati. Et *Rodriguez cit. loco, art. 6.* dicit moralem, & sufficientem esse necessitatem quam habet Matrona nobilissima, si hæc non habet commoditatem manendi in sæculo sine magno dispendio honoris, ut possit intrare, & manere intra clausuram. Hoc tamen negat merito *Miranda tomo 1, quest. 2. de Monialium art. 7.* Esset enim hoc hodie periculosum contra tot Bullas Pontificias similes ingressus prohibentes, & porta patens maneret ut multæ hoc procurarent.

5 De ancillis intrantibus ad seruitium Monialium tenenda est magna cautela, ut solum illis dentur quæ non possunt excusari: sunt enim multa Breuia Pontificia id prohibentia, & taxantia. *Paulus enim III.* concessit ut Prouinciales Prouinciæ Castellæ P. N. Francisci possent assignare Monialibus certum ancillarum numerum. Et *Pius V.* concessit quod quilibet Conuentus possit habere tres vel quatuor. Et *Sixtus V.* concessit ut singulis decem Monialibus assignaretur vna ancilla.

6 Vide multas declarationes Cardinalium circa puellas ingressuras Conuentum Monialium educationis gratia, vel vt sint Moniales futuræ apud Rodriguez *tom. 1. q. 46. n. 10 & in lib. particulari declaratio. Cardinalium*, quas omitto breuitatis gratia.

7 Ingressæ absque licentia, & indebitè, incurrunt excommunicationem, & priuationem officiorum, & inhabilitatem ad futura officia; quæ sunt tres pœnæ, valde diuersæ, & considerandæ pro diuersis remediis contra illas obtinendis. Hæ patent in Trident. & Greg. XIII. Vt tamen incurrantur requiritur præsumptio, & dolus: si enim quis credens se habere causam iustam, & licentiam, quæ à parte rei tales non sunt, ingrediens non incurrit prædictas pœnas, quia non facit præsumens. Rodr. *cit. q. art. 2. ex Nau.*

8 Si Prælatus, vel alius indebitè, præsumens, & ad libitum, iubeat, aut consulat vt aliquis intret clausuram Monialium (quidquid sit de intrante excommunicato) ipse Prælatus malè iubens, vel consulens, peccat mortaliter, sed non incurrit prædictas pœnas. Ratio est, quia nulla excommunicatio hîc posita ligat mandantes, vel consulentes, sed solùm ingredientiæ: lex autem pœnalis est restringenda, non extendenda; & excommunicatio cõtra faciētes lata, nõ ligat mādātes nisi lex illud exprimat. Nau. *lib. 3. consil. tit. de Clericis nõ resid. cõsil. 10. n. 6.*

9 Possunt intrare clausuram Regulatæ & laici in casibus sequentibus. Primò ad ministranda sacramenta, quando Monialis venire non potest ad crates absque dispendio salutis. Et hoc fieri potest quoties ex præcepto Regulæ, vel ex alia pia, & rationabili causa cæteris Monialibus ministrantur Sacramenta pœnitentiæ, & Eucharistiæ: imò quoties infirma dixerit se indigere pœnitentiæ sacramento. Rodr. *art. 4. cit. quæst.* Et causa dandæ Eucharistiæ sacrosanctæ, potest confessor vel Prælatus Monialium intrare, & celebrare intra clausuram. Rodr. *ibidem* ex Leo X. & hodie est iam in praxi apud Minores.

10 Possunt intrare confessores in articulo mortis, vt solùm assistant Moniali morienti, & dicant officium agoniz. *ibid.*

11 Ad

11 Ad sepeliendam defunctam possunt intrare. Et tunc intrabunt solum necessarii Religiosi: & in hoc seruetur consuetudo laudabilis. In quodam Capitulo Prouinciali meæ Prouinciæ quidam Generalis declarauit posse ad hoc intrare sex Fratres includendo Confessorem, Capellanos, & cæteros. Quid si sæcularis, vir aut fœmina iubeat sepeliri se intra clausuram Monialium, & à sæcularibus nobilibus deponetur corpus defunctum, vsque ad clausuræ portam; an iidem sæculares debeant intrare clausuram, exclusis Fratribus: an verò debeant hi extra manere, & Fratribus tradere vt intrent Fratres & portent ad sepulturam? Credo sæculares non posse intrare, sed posse intrare Fratres deputatos. Inclinat Rodr. *cit. art. 4. §. & aduertendum.* Et ratio dicitur, quia plus requiritur vt tunc intrent sæculares, quàm Fratres cum confessore alijs deputati, sæculares enim in casu particulari indigent licentia in scriptis: & præterea quia tradere corpus sepulturæ in Ecclesijs Fratrum pertinet ad ipsos Fratres, vt habet praxis: quando enim portitores defuncti hodie portant defunctum ad Ecclesias Fratrum, sæculares deponunt corpus in Ecclesia, & tunc Fratres suis manibus tradunt sepulturæ. Quod videtur facere ad intentum. Vide infra verbo *sepelire §. ultimo*, & hoc etiam probatur ex dictis mox in num. sequenti 13. quia scilicet tunc hi Fratres deputati obsequio isti æquè bene, imò, & melius hoc possunt facere quàm sæculares.

12 Ad aperiendum sepulchrum possunt intrare sæculares necessarii.

13 Potest quilibet Frater deputatus obsequio Monialium (confessor, scilicet & Capellanus) intrare clausuram ad facienda omnia illa quæ Moniales facere non possunt, & posset sæcularis, & illa æquè bene potest facere Frater ipse, dummodo absit dolus. Rodriguez 1. *tomo, quæst. 47. art. 4.* Et in hoc casu nota ex Corduba apud Capucin. 1. *par. Compendij fol. 124.* quod per Fratres deputatos obsequio Monialium, potest Prouincialis, vel Guardianus de eius licentia, etiam virtuali deputare vnum Fratrem aptum ad aliquod opus faciendum,

intra clausuram: talis enim Frater tunc censetur deputatus obsequio Monialium, eo quod sit magis aptus, & à Prælato designatus. Vide Capucinum *citato loco*.

14 In omnibus casibus supradictis, intrantes Fratres, & seculares expleto opere pro quo intrant, tenentur statim exire, & non possunt ibi moram facere. Quod tamen non tollit parvam moram urbanam, & moralem, dummodo non sedeant ad colloquendū. Et nobis Minoritis R. Vicarius Generalis declarauit tēpus moræ licite, pro Prælatiis, & pro Confessoribus, quod viderint ipsi.

15 Pro incendio orto intra clausurā, & illo extinguēdo possunt intrare omnes necessarij quando Moniales nequeunt extinguere. Idem possunt pro inundatione grandi, & repentina, necessitas enim dīctat, & concedit.

16 Generales Franciscani debitis sociis comitari possunt intrare ad proponendum verbum Dei.

17 Fratres Minores non obstante prohibitionē suæ regulæ, inuitati, & rogati à Prælatiis Ecclesiæ, possunt cum illis intrare monasteria suarum Monialium ad visitandas officinas, & cætera pro quibus dicti Prælati possunt intrare. Leo X. & Rodriguez *art. 8.* & virtute verborum ibi contentorum possunt etiam Minoritæ visitare prædictos Conuentus cum licentia dictorum Prælatorum Aduertit tamen Miranda, & bene, *tom. 1. quæst. 2. de Monial. a. 16.* quod si prædicti Prælati Ecclesiæ non intrent clausuram, ipsi Fratres non possunt sine illo intrare, ad sepeliendam verbi gratia Monialem. Papa enim citata concessione dicit quod possint cum ipsis intrare) vnde si Prælati non intrent, videtur, quod neque Minoritæ possunt ad sepeliendū intrare sine ipsis Prælatiis Adde quod etiam intrante Prælato Ecclesiæ debent habere licentiam sui Prælati Regularis.

18 Denique lex generalis sit quod data vrgente necessitate cui solæ Moniales non possunt occurrere, & Prælati creditur concessurus, possunt ingredi personæ necessariæ in necessitatibus quæ non possunt dilari. Ponit enim Collector priuilegio: un Compendij *ver. ingressus Monasterij Menialium*, quod si fortè matrona coniugata, & prægnans Monasterium cum licentia intrauit

ut ibi maneret; tempore partus potest obstetrix intrare ad illam iuuandam in partu, & per hunc casum similes expedies.

EGRESSVS MONIALIVM.

à clausura.

19 **P**otest egredi Monialis, vel etiam possunt omnes, ratione incendij, lepræ, vel epidimix. Priores duo casus clari sunt. Tertius epidimix est pestilentia. Quartus, ratione belli maxime quando Conuentus est extra muros vrbis vel loci. Quintus, urgente aliquo vitæ periculo graui in quo ratio naturalis dicter plus valere præceptum naturale vitæ conseruadæ, quam præceptum positium clausuræ. Et in omnibus prædictis casibus tenentur Moniales transacto periculo reuerti ad Conuentum sub peccato mortali, & pœna excommunicationis Est certissimum, & commune ex decretis Pontificiis. Hoc & sequentia vide apud Rodrig. *tomo 1. quest. 29.*

20 In omnibus prædictis casibus si Prælatus adsit, debent expectare illius licentiam. Si autem absit, & periculum sit in expectatione licentiæ, potest Conuentus exire in cõmuni periculo. Semper verò erit necessaria specialis licentia vt particularis Monialis causa lepræ exeat. Et eadẽ licentia requiritur in sequentibus casibus.

21 Potest exire Monialis vt alibi sit Abbatissa, vel Prælata. Innuitur in Conc. Trid. *sess. 25. c. 7. de Reg.* Addit verò Rodr. *Addit. ad Sum. tom. 3. c. 3. concl. 2* quod in tali casu non potest exire cum sola licentia Prouincialis; sed debere obtineri licentiam Papæ vel legati ipsius: dicens sic fuisse declaratum à Congregatione Cardinalium, quam citat, & retractat oppositum quod dixerat in *q. Regul.* & ibi obiter etiam innuit, quod, vt hæc exiens cum prædicta licentia, finito officio Abbatissæ reuertatur ad Priorem Conuentum, debet interuenire licentia alia specialis reuertendi. Sed hoc in Portugallia non video receptum in praxi.

22 Cau

22 Causa correctionis, quando scilicet Monialis non potest bene puniri in suo Conuentu, potest deferri ad alium vt ibi commodius puniatur. Nauar. *libr. 3. consil. tit. de Regul. consil. 48.* & ibidem ait posse egredi ad fundandum alium Conuentum.

23 Etiam si Medicus dicat Monialem morituram, nisi vadat ad balnea extra Conuentum: non potest superior dare licentiam, innuit Rodrig. *cit. q. 49. tomo 2. art. 1.* & tenet Mirand. *quaest. 3. de Monial. art. 4. concl. 2.* Et probatur, quia ille morbus non est lepra, neque epidemia: neque inficit totam communitatem. Et aperitur porta multis petentibus: maximè cum multæ sæculares foeminae nobiles curentur absque balneis, vel absque illis moriantur.

24 Non possunt Moniales egredi à porta clausuræ vt de nocte, vel ad Solis occasum vadant claudere aliam portam cludentem spatium in quo sæculares de die morantur, sic Gregor. XII. apud Rodriguez *q. cit. art. 1.*

25 Comitulus *lib. 6. Resp. Moral. quaest. 3.* dicit frangere clausuram Monialem quæ se ponit in Rota, & facit illam volui versus partem externam ad quam sæculares accedunt etiam si non egrediatur à Rota, & statim voluat illam. Et probat, quia hæc accessit ad locum ad quem sæculares accedunt, quod expressè prohibetur in Bulla Gregor. XII. & in hoc illi assentior: Non verò in eo quod ibidem ait frangere clausuram Monialem, quæ extra limen clausuræ pedem, seu suram solam emisit corpore intus manente. Videtur enim hoc paruitas materiæ ad tantam pœnam: & in rigore illud non est egredi clausuram, cum maior pars corporis non egrediatur. Idem author ait *eodem libr. q. 22.* peccare mortaliter Monialem, & incurrere censuram quæ intra rotam, & clausuram admisit infantulum lac fugentem duorum vel trium annorum: & de hoc vidisse litteras vnius Cardinalis missas cuidam Episcopo, consulto Papa Clem. VIII. in quibus ibidem asserabatur, at in Hispania hoc non video receptum; est tamen hoc valde Monialibus prohibendum.

26 Vt Moniales possint egredi in casibus à Sede Apostolica permissis sufficit illis vna tantum licentia vnus superioris, Episcopi scilicet, si illi sunt subditæ: vel Prælati Regularis cui subduntur. Neque opus est vt Monialis subdita Regulari obtineat etiam licentiam ab Episcopo ad egrediendum. Rodriguez *cit. q. 49. art. 6.* vbi explicat Concil. Trid. oppositum innuens, & Mirand. *cit. q. art. 6.* Hæc tamen debet esse in scriptis.

27 Moniales egredientes indebitè incurrunt excommunicationem ipso facto. Eandem incurrunt Prælati dantes indebitè licentiam. Eandem incurrunt sæculares comitantes Moniales indebitè egressas, & qui illas recipiunt. Pius V. apud Mirand. *art. 7* de sæcularibus illas recipientibus, intellige quando id facerent malo animo, & per longum tempus, vel recreandi gratia: secus si comitentur vt tueantur à periculo, vel affectu consanguinitatis, maximè vt suadeant regressum ad Conuentum illisque subueniant in graui necessitate iuxta explicationes adhibitas circa receptores, & fautores hæreticorum.

28 A pœnis quas Moniales incurrunt per egressum iniustum, vel Religiosi in ingressu indebito possunt absoluerè Prouinciales, ac dispensare. Vide Rodr. *tom. I. qq. 24. art. 17. per totum.*

A D D I T I O.

Vide suprâ verb. *Abbatissa*, num. 5. & infrâ verb. *Moniales*.

Clausura Monialium violatur pariter per ingressum illicitum in clausuram illarum, siue intrent homines siue fœminæ, indebitè tamen. Violatur secundo per egressum illicitum Monialis à dicta clausura. De priori modo, iam aliqua diximus, in alto libro, verb. *Clausura*. Et in hoc primo, retracto quod dixi in prima Editione hoc cod. ver. num. 8. videlicet non incur-

tere poenas Motus propriij Prælatorum, qui indebitè iubet aliquem ingredi clausuram Monialium Nunc dico quod taliter iubens etiam incurrit. Vide Sanchez *tom. 2. Decalog. lib. 6. c. 17. n. 33.*

1 Adde ad hanc clausuram etiam teneri Moniales Tertij Ordinis, si viuunt in congregatione collegialiter. Bullarium Rodr. fol. 984. col. 1. n. 33.

2 Non possunt Episcopi, vel Superiores Regulares dare licentiam foeminae vt maneat intra clausuram Monialium, ratione securitatis ob lites matrimonij, adulterij, & dissensionum inter vxoratos. Sic refert Rodriguez respondisse congregationem Cardinalium Episcopo Salmanticensi: & ponit ibi verba Cardinalium: habetur in Bullario Rodrig. fol. 1209 & concordat quod ait Miranda *tom. 1. quest. 2. de Monialibus, art. 7.* Scio Azorium *tom. 1. lib. 13 cap. 8 quest. 4.* dicere eisdem Cardinales Concilij Romæ declarasse posse recipi intra clausuram licet, viduam bonæ famæ, quæ cupit honestatis gratia intra Conuentum manere, Item posse recipi foeminam vxorata, si vita illius alioqui tuta non sit. Item posse recipi foeminam de licentia Episcopi, de adulterio suspectam apud virum suum, eaque de causa vitæ periculum certò timer. Et hæc omnia ait haberi ex declaratione Cardinalium. Quod si ita fuit declaratum, vides duas declarationes in eadem materia, & in eadem re omnino contrarias, quia hæc adducta ex Azorio contradictoriè opponitur illi adductæ à Rodriguez in Bullario. Ego non credo, Illustrissimos Cardinales, contrarias declarationes in eadem re edidisse. Forte falluntur Doctores illas citantes, vel non intelligentes. Vnde obiter videas causam ob quam non vult Papa prædictas declarationes imprimi auctoritate publica Ecclesiæ: Videas item fortè hinc motos Doctores, qui dicunt, declarationes Cardinalium non obligare in conscientia, neque in foro externo. Ego tamen in prædicto casu standum iudico, declarationi priori missæ ad Episcopum Salmanticensem, securius enim est illam sequi, & ita video praticari in nostro Seraphico Ordine Minorum.

3 Dixi olim hoc verb ad sepeliendam Monialem posse ingredi sex Fratres, ex declaratione Statuti meæ Prouinciæ: modo addo hoc in terminis concessisse Paulum I I I. nobis Minoritis. Habetur concessio in Bullario Rodr. fol. 792. in Paulo I I I. obrenta à Cardinali Quinhones.

4 Paulus I I I. concessit vt puella, vel femina ingressa Conuentum sanctæ Clatæ, vt statim fiat nouicia, & habitum suscipiat, posse per Abbatissam, & Moniales detineri in habitu sæculari per decem, vel quindecim dies antequam induatur habitu Ordinis: vt possit in illis diebus experiri vitam suscipiendam. Rodr. in Bullario, fol 820 n. 9.

5 Circa licentias reuocatas quas aliqui Pontifices concesserunt fœminis, vel sæcularibus ad intrandam clausuram Monialium, & postea sequentes Pontifices reuocarunt: Aduerto Gregorium X I I I. qui fuit vltimus, reuocans has licentias in Bulla, quæ incipit: *Vbi græua*, anno 1575. promulgata generaliter reuocasse omnes licentias antecessorum sicut fecerat Pius V. qui fuit annus 4. pontificatus ipsius Gregorij: Postea verò idem Greg X I I I. anno 1584 pontificatus sui anno 13. in Bulla quæ incipit: *Quæ sanctimonialium quietem*, prohibuit similes ingressus in clausuram Monialium, excepit tamen fundatrices monasterij, dotatrices & coniuges Marchionum, Ducum, Comitum, superiorum Principum, & filias istarum præcedentium. Citat has Bullas Rodr. in Bullario, fol. 1097. & sequentibus. At non seruat ibi ordinem temporis, nam Bullam promulgatam à Papa reuocatoriam omnino, & prius publicatam ponit secundo loco. Illam verò quæ posterior fuit in publicatione, & quæ excipit fundatrices, &c. ponit priore loco. Ego non inuenio Bullam reuocatoriam illius secundæ Bullæ anni 1584. in qua excipit ab illa prohibitione fundatrices, & alias. Quod si reuocata non est, manet integra. Credo tamen non esse in praxi. Nam cum ego essem Prouincialis, quædam vxor cuiusdam Marchionis obtinuit in scriptis Bullâ Papæ, vt posset ingredi in Conuentus aliquos Monialiū nostræ Prouinciæ per

& est voluntaria ad libitum, solumque ut videatur claustrum ornatus: cur non poterit idem Prælatus extra festum facere aliam processionem insolitam, ut videatur fabrica templi. Hanc opinionem apud nullum reperi: puto tamen sufficienter colligi ex dictis à Rodriguez, & non contradicere decretis in dictis Bullis Pontificiis. Dictum tamen volo iuxta censuram Ecclesiæ, & melius sentientium, quibus me subiicio.

7 Circa pœnas verò incurfas ob transgressionem huius Motus proprii: notat Rodriguez primò Religiosum peccantem, & fœminas introducensem, si crimen est omnino secretum, non teneri statim deponere officium in publico, quia non tenetur se infamare & esse executor legis contra se, quod ego olim iam dixi in alio libr. verb. *Officia Ordinis*, num. 5. At sicut ibi dixi num. 7. si huic delinquenti offertur officium de futuro, tenetur renunciare, & non acceptare cum declaratione, seu moderatione ibidem posita. Quòd verò Prouincialis possit absolvere, & tollere omnes illas quatuor pœnas, suspensionis, excommunicationis, priuationis, & inhabilitatis, dixi suprà verb. *Abbas*, num. 3. & olim verb. *Prælatus*, & verb. *Dispensare*. Vide infra ver. *Inhabilitas*.

CLAVSURA MONIALIVM.

Vide supra verbo *Abbatissa*, num. 7.

Moniales Ordinum Militarium sancti Iacobi, Iohannis, & similes cogi possunt hodie per Prælatos ad clausuram, etiam si vsque in præsens illam non seruauerint. Rodriguez tom. 1. *question. quæst.* 44. art. 1. ex Tridentino id expressè decernente. Si verò aliquæ Moniales professionem faciant sub conditione quod clausuram non seruabunt, hæ non sunt veræ professe: & ad clausuram non tenentur. Miranda *tomo* 1. q. 1. *de Monialibus*, a. 4. *concl.* 6.

2 Ad

3 Ad clausuram etiam tenentur seruitrices illæ, quæ solent in aliquibus Conuentibus vota tria essentialia promittere. *Rodrig. cit. q. 44. art. 4. §. 2. Assertio.* Aliæ verò seruitrices hæc vota non emittentes ad illam non tenentur.

3 Ut quis licitè ingrediatur clausuram Monialium debet obtinere licentiam in scriptis superioris illius Conuentus, & examinatam necessitatem, aliàs incurrit penas, de quibus infra. *Tridentin. sess. 25. cap. 3. de Regular.* Et hoc intellige quando debet ingredi in casu particulari: non verò in ordinariis, quales sunt circa Medicum, Chirurgum, portantes ligna, onera, cæmentarios, & similes operarios, pro his enim non requiritur licentia scripta, sed standum est consuetudini regulatæ.

4 Causa dandi licentiam ad intrandam clausuram debet esse mortaliter necessaria: non verò requiritur necessitas logica, vel Metaphysica: & minor necessitas requiritur ut intrent mulieres, quàm ut intrent viri. *Rodriguez cit. quest. art.* Et proinde hæc necessitas regulanda est arbitrio prudentis, & timorati Prælati. Et *Rodriguez cit. loco, art. 6.* dicit moralem, & sufficientem esse necessitatem quam habet Matrona nobilissima, si hæc non habet commoditatem manendi in sæculo sine magno dispendio honoris, ut possit intrare, & manere intra clausuram. Hoc tamen negat meritò *Miranda tomo 1, quest. 2. de Monialium art. 7.* Eset enim hoc hodie periculosum contra tot Bullas Pontificias similes ingressus prohibentes, & porta patens maneret ut mulieres hoc procurarent.

5 De ancillis intrantibus ad seruitium Monialium tenenda est magna cautela, ut solum illis dentur quæ non possunt excusari: sunt enim multa. Breuia Pontificia id prohibentia, & taxantia. Paulus enim III. concessit ut Prouinciales Prouinciæ Castellæ P. N. Francisci possent assignare Monialibus certum ancillarum numerum. Et Pius V. concessit quòd quilibet Conuentus possit habere tres vel quatuor. Et Sixtus V. concessit ut singulis decem Monialibus assignaretur una ancilla.

6 Vide multas declarationes Cardinalium circa puellas ingressuras Conuentum Monialium educationis gratia, vel vt sint Moniales futuræ apud Rodriguez *tom. 1. q. 46. n. 10* & in *lib. particulari declaratio. Cardinalium*, quas omitto breuitatis gratia.

7 Ingredientes absque licentia, & indebitè, incurrunt excommunicationem, & priuationem officiorum, & inhabilitatem ad futura officia; quæ sunt tres pœnæ valde diuersæ, & considerandæ pro diuersis remediis contra illas obtinendis. Hæ patent in Trident. & Greg. XIII. Vt tamen incurrantur requiritur præsumptio, & dolus: si enim quis credens se habere causam iustam, & licentiam, quæ à parte rei tales non sunt, ingrediens non incurrit prædictas pœnas, quia non facit præsumens. Rodr. *cit. q. art. 2. ex Nau.*

8 Si Prælatas, vel alius indebitè, præsumens, & ad libitum, iubeat, aut consulat vt aliquis intret clausuram Monialium (quidquid sit de intrante excommunicato) ipse Prælatas malè iubens, vel consulens, peccat mortaliter, sed non incurrit prædictas pœnas. Ratio est, quia nulla excommunicatio hîc posita ligat mandantes, vel consulentes, sed solum ingredientes: lex autem pœnalis est restringenda, non extendenda; & excommunicatio cõtra faciètes lata, nõ ligat mādātes nisi lex illud exprimat. Nau. *lib. 3. consil. tit. de Clericis nõ resid. cõsil. 10. n. 6.*

9 Possunt intrare clausuram Regulares & laici in casibus sequentibus. Primò ad ministranda sacramenta, quando Monialis venire non potest ad crates absque dispendio salutaris. Et hoc fieri potest quoties ex præcepto Regulæ, vel ex alia pia, & rationabili causa cæteris Monialibus ministrantur Sacramenta pœnitentiæ, & Eucharistiæ: imò quoties infirma dixerit se indigere pœnitentiæ sacramento. Rodr. *art. 4. cit. quæst.* Et causa dandæ Eucharistiæ sacrosanctæ, potest confessor vel Prælatas Monialium intrare, & celebrare intra clausuram. Rodr. *ibidem* ex Leo X. & hodie est iam in praxi apud Minores.

10 Possunt intrare confessores in articulo mortis, vt solum assistant Moniali morienti, & dicant officium agoniz. *Ibid.*

11 Ad

11 Ad sepeliendam defunctam possunt intrare. Et tunc intrabunt solum necessarii Religiosi: & in hoc seruetur consuetudo laudabilis. In quodam Capitulo Prouinciali meæ Prouinciæ quidam Generalis declarauit posse ad hoc intrare sex Fratres includendo Confessorem, Capellanos, & cæteros. Quid si sæcularis, vir aut foemina iubeat sepeliri se intra clausuram Monialium, & à sæcularibus nobilibus deponitur corpus defunctum, vsque ad clausuræ portam; an iidem sæculares debeant intrare clausuram, exclusis Fratribus: an verò debeant hi extra manere, & Fratribus tradere vt intrent Fratres & portent ad sepulturam? Credo sæculares non posse intrare, sed posse intrare Fratres deputatos. Inclinat Rodr. *cit. art. 4. §. & aduertendum.* Et ratio dicitur, quia plus requiritur vt tunc intrent sæculares, quàm Fratres cum confessore aliàs deputati, sæculares enim in casu particulari indigent licentiâ in scriptis: & præterea quia tradere corpus sepulturæ in Ecclesiis Fratrum pertinet ad ipsos Fratres, vt habet praxis: quando enim portitores defuncti hodie portant defunctum ad Ecclesias Fratrum, sæculares deponunt corpus in Ecclesia, & tunc Fratres suis manibus tradunt sepulturæ. Quod videtur facere ad intentum. Vide infra verbo *sepelire §. ultimo*, & hoc etiã probatur ex dictis mox in num. sequenti 13. quia scilicet tunc hi Fratres deputati obsequio isti æquè bene, imò, & melius hoc possunt facere quàm sæculares.

12 Ad aperiendum sepulchrum possunt intrare sæculares necessarii.

13 Potest quilibet Frater deputatus obsequio Monialium (confessor, scilicet & Capellanus) intrare clausuram ad facienda omnia illa quæ Moniales facere non possunt, & posset sæcularis, & illa æquè bene potest facere Frater ipse, dummodo absit dolus. Rodriguez 1. *tomo, quæst. 47. art. 4.* Et in hoc casu nota ex Corduba apud Capucin. 2. *par. Compendij fol. 124.* quod per Fratres deputatos obsequio Monialium, potest Prouincialis, vel Guardianus de eius licentiâ, etiã virtuali deputare vnum Fratrem aptum ad aliquod opus faciendum,

intra clausuram: talis enim Frater tunc censetur deputatus obsequio Monialium, eo quod sit magis apertus, & à Prælato designatus. Vide Capucinum *citato loco*.

14 In omnibus casibus supradictis, intrantes Fratres, & sæculares expleto opere pro quo intrant, tenentur statim exire, & non possunt ibi moram facere. Quod tamen non tollit parvam moram urbanam, & moralem, dummodo non sedeant ad colloquendū. Et nobis Minoritis R. Vicarius Generalis declarauit tēpus moræ licite, pro Prælati, & pro Confessoribus, quod viderint ipsi.

15 Pro incendio orto intra clausurā, & illo extinguēdo possunt intrare omnes necessarij quando Moniales nequeunt extinguere. Idem possunt pro inundatione grandi, & repentina, necessitas enim dicitur, & conceditur.

16 Generales Franciscani debitis sociis comitari possunt intrare ad proponendum verbum Dei.

17 Fratres Minores non obstante prohibitione suæ regulæ, inuitati, & rogati à Prælati Ecclesiæ, possunt cum illis intrare monasteria suarum Monialium ad visitandas officinas, & cætera pro quibus dicti Prælati possunt intrare. Leo X. & Rodriguez *art. 8.* & virtute verborum ibi contentorum possunt etiam Minoritæ visitare prædictos Conuentus cum licentia dictorum Prælatorum. Aduertit tamen Miranda, & bene, *tom. 1. quasi 2. de Monial. a. 16.* quod si prædicti Prælati Ecclesiæ non intrent clausuram, ipsi Fratres non possunt sine illo intrare, ad sepeliendam verbi gratia Monialem. Papa enim citata concessione dicit quod possint cum ipsis intrare) vnde si Prælati non intrent, videtur, quod neque Minoritæ possunt ad sepeliendū intrare sine ipsis Prælati. Adde quod etiam intrante Prælato Ecclesiæ debent habere licentiam sui Prælati Regularis.

18 Denique lex generalis sit quod data urgente necessitate cui solæ Moniales non possunt occurrere, & Prælatus creditur concessurus, possunt ingredi personæ necessariæ in necessitatibus quæ non possunt dilatarī. Ponit enim Collector priuilegio:um Compendij *ver. in. gressus Monasterij Monialiū*, quod si forte matrona coniugata, & prægnans Monasterium cum licentia intrauit

ut ibi maneret; tempore partus potest obstetrix intrare ad illam iuuandam in partu, & per hunc casum similes expedies.

EGRESSVS MONIALIVM.

à clausura.

19 **P**otest egredi Monialis, vel etiam possunt omnes, ratione incendij, lepræ, vel epidimæ. Priores duo casus clari sunt. Tertius epidimæ est pestilentia. Quartus, ratione belli maxime quando Conuentus est extra muros urbis vel loci. Quintus, urgente aliquo vitæ periculo graui in quo ratio naturalis dicitur plus valere præceptum naturale vitæ conseruandæ, quam præceptum positium clausuræ. Et in omnibus prædictis casibus tenentur Moniales transacto periculo reuerti ad Conuentum sub peccato mortali, & pœna excommunicationis. Est certissimum, & commune ex decretis Pontificiis. Hoc & sequentia vide apud Rodrig. *tomo 1. quest. 29.*

20 In omnibus prædictis casibus si Prælatus adsit, debent expectare illius licentiam. Si autem absit, & periculum sit in expectatione licentiæ, potest Conuentus exire in cõmuni periculo. Semper verò erit necessaria specialis licentia ut particularis Monialis causa lepræ exeat. Et eadẽ licentia requiritur in sequentibus casibus.

21 Potest exire Monialis ut alibi sit Abbatisa, vel Prælata. Innuitur in Conc. Trid. *sess. 25. c. 7. de Reg.* Addit verò Rodr. *Addit. ad Sum. tom. 3. c. 3. concl. 2* quod in tali casu non potest exire cum sola licentia Prouincialis; sed debere obtineri licentiam Papæ vel legati ipsius: dicens sic fuisse declaratum à Congregatione Cardinalium, quam citat, & retractat oppositum quod dixerat in *q. Regul.* & ibi obiter etiam innuit, quod, ut hæc exiens cum prædicta licentia, finito officio Abbatisæ reuertatur ad Priorem Conuentum, debet interuenire licentia alia specialis reuertendi. Sed hoc in Portugallia non video receptum in praxi.

22 Cau

22 Causa correctionis, quando scilicet Monialis non potest bene puniri in suo Conuentu, potest deferri ad aliam vt ibi commodius puniatur. Nauar. *libr. 3. consil. tit. de Regul. consil. 48.* & ibidem ait posse egredi ad fundandum alium Conuentum.

23 Etiam si Medicus dicat Monialem morituram, nisi vadat ad balnea extra Conuentum: non potest superior dare licentiam, innuit Rodrig. *cir. q. 49. tomo 2. art. 3.* & tenet Mirand. *quæst. 3. de Monial. art. 4. concl. 2.* Et probatur, quia ille morbus non est lepra, neque epidemia: neque inficit totam communitatem. Et aperitur porta multis petentibus: maximè cum multæ sæculares foeminae nobiles curentur absque balneis, vel absque illis moriantur.

24 Non possunt Moniales egredi à porta clausuræ vt de nocte, vel ad Solis occasum vadant claudere aliam portam claudentem spatium in quo sæculares de die morantur, sic Gregor. X I I I. apud Rodriguez *q. cir. art. 1.*

25 Comitolus *lib. 6. Resp. Moral quæst. 3.* dicit frangere clausuram Monialem quæ se ponit in Rota, & facit illam volui versus partem externam ad quam sæculares accedunt etiam si non egrediatur à Rota, & statim voluat illam. Et probat, quia hæc accessit ad locum ad quem sæculares accedunt, quod expresse prohibetur in Bulla Gregor. X I I I. & in hoc illi assentior: Non verò in eo quod ibidem ait frangere clausuram Monialem, quæ extra limen clausuræ pedem, seu suram solam emisit corpore intrus manente. Videtur enim hoc paruitas materiæ ad tantam pœnam: & in rigore illud non est egredi clausuram, cum maior pars corporis non egrediatur. Idem author ait *eodem libr. q. 22.* peccare mortaliter Monialem, & incurrere censuram quæ intra rotam, & clausuram admisit infantulum lac sugentem duorum vel trium annorum: & de hoc vidisse litteras vnius Cardinalis missas cuidam Episcopo, consulto Papa Clem. V I I I. in quibus ibidem asserbatur, at in Hispania hoc non video receptum; est tamen hoc valde Monialibus prohibendum.

26 Vt Moniales possint egredi in casibus à Sede Apostolica permissis sufficit illis vna tantum licentia vnius superioris, Episcopi scilicet, si illi sunt subditæ: vel Prælati Regularis cui subduntur. Neque opus est vt Monialis subdita Regulari obtineat etiam licentiam ab Episcopo ad egrediendum. Rodriguez *cit. q. 49. art. 6.* vbi explicat Concil. Trid. oppositum innuens, & Mirand. *cit. q. art. 6.* Hæc tamen debet esse in scriptis.

27 Moniales egredientes indebitè incurrunt excommunicationem ipso facto. Eandem incurrunt Prælati dantes indebitè licentiam. Eandem incurrunt sæculares comitantes Moniales indebitè egressas, & qui illas recipiunt. Pius V. apud Mirand. *art. 7* de sæcularibus illas recipientibus, intellige quando id facerent malo animo, & per longum tempus, vel recreandi gratia: secus si comitentur vt tueantur à periculo, vel affectu consanguinitatis, maximè vt suadeant regressum ad Conuentum illisque subueniant in graui necessitate iuxta explicationes adhibitas circa receptores, & fautores hæreticorum.

28 A pœnis quas Moniales incurrunt per egressum iniustum, vel Religiosi in ingressu indebito possunt absoluerè Prouinciales, ac dispensare. Vide Rodr. *tom. 1. qq. 24. art. 17. per totum.*

A D D I T I O.

Vide suprà verb. *Abbatissa*, num. 5. & infrà verb. *Moniales*.

Clausura Monialium violatur pariter per ingressum illicitum in clausuram illarum, siue intrent homines siue fœminæ, indebitè tamen. Violatur secundo per egressum illicitum Monialis à dicta clausura. De priori modo, iam aliqua diximus, in alio libro, verb. *Clausura*. Et in hoc primo, retracto quod dixi in prima Editione hoc cod. ver. num. 8. videlicet non incur-

rere,

tere pœnas Motus proprii Prælatum, qui indebitè iubet aliquem ingredi clausuram Monialium Nunc dico quod taliter iubens etiam incurrit. Vide Sanchez *tom. 2. Decalog. lib. 6. c. 17. n. 35.*

1 Adde ad hanc clausuram etiam teneri Moniales Tertij Ordinis, si viuunt in congregatione collegialiter. Bullarium Rodr. fol. 984. col. 1. n. 33.

2 Non possunt Episcopi, vel Superiores Regulares dare licentiam fœminæ vt maneat intra clausuram Monialium, ratione securitatis ob lites matrimonij, adulterij, & dissensionum inter vxoratos. Sic refert Rodriguez respondisse congregationem Cardinalium Episcopo Salmanticensi: & ponit ibi verba Cardinalium: habetur in Bullario Rodrig. fol. 1200 & concordat quod ait Miranda *tom. 1. quæst. 2. de Monialibus, art. 7.* Scio Azorium *tom. 1. lib. 13 cap. 8 quæst. 4.* dicere eisdem Cardinales Concilij Romæ declarasse posse recipi intra clausuram licet, vidnam bonæ famæ, quæ cupit honestatis gratia intra Conuentum manere, Item posse recipi fœminam vxoratum, si vita illius alioqui rata non sit. Item posse recipi fœminam de licentia Episcopi, de adulterio suspectam apud virum suum, eaque de causa vitæ periculum certò timer. Et hæc omnia ait haberi ex declaratione Cardinalium. Quod si ita fuit declaratum, vides duas declarationes in eadem materia, & in eadem re omnino contrarias, quia hæc adductæ ex Azorio contradictoriè opponitur illi adductæ à Rodriguez in Bullario. Ego non credo, Illustrissimos Cardinales, contrarias declarationes in eadem re edidisse. Forte falluntur Doctores illas citantes, vel non intelligentes. Vnde obiter videas causam ob quam non vult Papa prædictas declarationes imprimi autoritate publica Ecclesiæ. Videas item fortè hinc motos Doctores, qui dicunt, declarationes Cardinalium non obligare in conscientia, neque in foro externo. Ego tamen in prædicto casu standum iudico, declarationi priori missæ ad Episcopum Salmanticensem, securius enim est illam sequi, & ita video practicari in nostro Seraphico Ordine Minorum.

3 Dixi olim hoc verb ad sepeliendam Monialem posse ingredi sex Fratres, ex declaratione Statuti meæ Prouinciæ: modo addo hoc in terminis concessisse Paulum III. nobis Minoritis. Habetur concessio in Bullario Rodr. fol. 792. in Paulo III. obtenta à Cardinali Quinhones.

4 Paulus III. concessit vt puella, vel fœmina ingressa Conuentum sanctæ Clatæ, vt statim fiat nouitia, & habitum suscipiat, posse per Abbatissam, & Moniales detineri in habitu seculari per decem, vel quindecim dies antequam induatur habitu Ordinis: vt possit in illis diebus experiri vitam suscipiendam. Rodr. in Bullario, fol 820 n. 9.

5 Circa licentias reuocatas quas aliqui Pontifices concesserunt fœminis, vel secularibus ad intrandam clausuram Monialium, & postea sequentes Pontifices reuocarunt: Aduerto Gregorium XIII. qui fuit vltimus, reuocans has licentias in Bulla, quæ incipit: *Vbi graue*, anno 1575. promulgata generaliter reuocasse omnes licentias antecessorum sicut fecerat Pius V. qui fuit annus 4. pontificatus ipsius Gregorij: Postea verò idem Greg XIII. anno 1584. pontificatus sui anno 13. in Bulla quæ incipit: *Quæ sanctimonialium quietem*, prohibuit similes ingressus in clausuram Monialium, exceptit tamen fundatrices monasterij, dotatrices & coniuges Marchionum, Ducum, Comitum, superiorum Principum, & filias istarum præcedentium. Citat has Bullas Rodr. in Bullario, fol. 1097. & sequentibus. At non seruat ibi ordinem temporis, nam Bullam promulgatam à Papa reuocatoriam omnino, & prius publicatam ponit secundo loco. Illam verò quæ posterior fuit in publicatione, & quæ excipit fundatrices, &c. ponit priore loco. Ego non inuenio Bullam reuocatoriam illius secundæ Bullæ anni 1584. in qua excipit ab illa prohibitione fundatrices, & alias. Quòd si reuocata non est, manet integra. Credo tamen non esse in praxi. Nam cum ego essem Prouincialis, quædam vxor cuiusdam Marchionis obtinuit in scriptis Bullā Papæ, vt posset ingredi in Conuentus aliquos Monialiū nostræ Prouinciæ
per

per quod ostenditur illam secundam Bullam Gregor. non esse in usu, etiam si reuocata non sit.

6 Quando Generalis intrat clausuram Monialium, potest secum ferre quatuor, aut quinque socios ipsius Ordinis: at Prouincialis duos, vel tres tantum. Ita Urbanus IV. concessit in Regula Sanctæ Claræ à se composita. Et notat Rodr. 1. tom. 99. Reg. q. 47. art. 7. quod eosdem socios duos, vel tres potest secum ferre Commissarius particularis delegatus à Prouinciali pro quo visitando aliquo Conuentu Monialium.

*CVIVS ÆTATIS PUELLÆ
ad habitum recipi possint intra
clausuram.*

I Vobis modis puellæ recipi possunt intra clausuram. Primo, & magis ordinario recipiuntur ad profitendum statum Monialium habitumque professarum gestandum ut Moniales fiant. Secundò possunt recipi solùm educationis gratia absque animo profitendi, imò & cum animo non profitendi: sed solùm ibi recipiuntur, ut Monialium exemplis, & doctrina instructæ proficiant in virtute cum libertate tamen eligendi postea quemcumque vitæ statum maluerint.

De priori ergo modo recipiendi ad habitum, seu statum professionis tenet Azor. tom. 1. lib. 12 c. 17. v. 55. & 56. iuxta Concil. Trid. non posse Prælatos Monialium recipere has puellas ad habitum, & professionem, ut intrent clausuram, nisi habuerint duodecim annos ætatis: & ante hunc annum illas non posse recipere. Idem crediderunt multi viri docti, & Episcopi, anno 1586. in Concilio Prouinciali Tolletano, ut refert Rodrig. tom. 3. q. 7. Reg. q. 12. art. 2.

Nihilominus dicendum est posse has puellas recipi à Superioribus intra clausuram, ut suo tempore profiteantur, etiam si sint minores duodecim annis, imò etiam si sint ætatis infanilis nondum attingentes usum
ratio

rationis, in tertio, vel quarto anno ætatis. Ita Rodrig.
tom. 3. qq Regular. q. 12. art. 2. Et clarius, ac fufius San-
 chez *in lib. 4. Decalog. c. 18. n. 34.* citans alios. Concordat
 Miranda *tom. 1. quæst. 8. de Monialibus ; art. 2.* Qui om-
 nes folùm loquuntur poffe recipi minorem duodecim
 annis, non tamen exprimunt de ætate infantili ficut
 Sanchez *in loco mox citando.* Igitur quòd hæ puellæ re-
 cipi poffint ad habitum regularem minores duodecim
 annis, probat Sanchez *citato prius loco* ex Michaele
 Medina, *lib. 4. de facrorum hominum continentia contro-
 uerfia 9. toto cap. 4.* qui interfuit Concilio Tridentino,
 & testificatur fe hac de re data fuffragia confideraffe.
 Et non obftante quòd Concil. Trident. *feff. 15. de Re-
 gul. cap. 17.* duo decernat: primum vt puella fufceptu-
 ra habitum regularem maior fit duodecim annis, & an-
 te ingreffum examinetur ab Epifcopo de libertate: fe-
 cundum, vt pofttea ante profeflionem iterum examine-
 tur ab Epifcopo de eadem libertate: Nihilominus, ait
 Medina, Concilium per hæc non prohibuiffe recipi
 puellas ad habitum regularem ante annum duodeci-
 mum Sed folùm hæc duo intendiffe. Primò, vt fi puella
 ingrediens fit maior duodecim annis quantæcumque
 ætatis fuprà fit, duplex fubeat examen Epifcopi, alte-
 rum ante habitus fufceptionem, & alterum ante profef-
 fionem. Et primum petiit quia fæpè puellæ inuitæ, ha-
 bitum fufcipiunt: & poftquam intrarunt inuitæ, præ
 verecundia non audent exire ante nouitiatum. Hoc
 verò examen non eft iniunctum ibi pro puellis ante
 annum duodecimum intrantibus, quia vanum exifti-
 mauit Concilium id fieri propter debilem tunc, & tene-
 rum vfum rationis puellæ. Sed hoc primum examen
 puellæ ante fufceptionem habitus iniunctum, vt notat
 Rodr. *citato loco*, per contrarium vfum, non eft rece-
 ptum in Hifpania: & quoad hoc primum ibi decretum
 Concilij non eft receptum. Solùm ergo manet fecùdum
 decretum eiuſd. Concilij *ibid.* quòd fcilicet ante profef-
 fionem vno mēſe Epifcopus examinet libertatem puel-
 læ profefſuræ. Itaque concludit ibi Sanchez poffe has
 puellas recipi ante annum duodecimum, qui in fœmi-

est annus pubertatis : & addit Bullas Pij V. & Gregor. XIII. non iubere contrarium in his puellis receptis ad vitam monasticam : sed in illis quæ recipiuntur educationis causa , vt infra dicemus. Imò idem Sanchez *cit. cap. num. 8.* citans duos textus iuris Canonici , ait posse parentes istas puellas offerre monasteriis pro vita futura monastica, etiam in ætate infantia, quæ in puella est infra annos quinque. Neque hoc ius antiquum est reuocatum in dicto loco Concilij Trident.

8 Et quod maius est, ait Sanchez *citato cap.* parentes habere ius patrum hoc faciendi ; nec puellas ab illis sic oblatas monasteriis (idem dic de filiis masculis) posse exire à dictis monasteriis , nisi post annum completum pubertatis , vt ait *cit. c. num. 9.* Vnde puella posita à parentibus in monasterio ante annum duodecimum non poterit inde exire libertatis gratia, nisi post completum annum duodecimum , quando puellæ aduenit pubertas. Ratio est, quia filius ante pubertatem est sub omnimoda potestate parentum , at post annum duodecimum poterit filia exire à Conuentu inuitis parentibus.

9 Hinc mihi grauis quæstio suborta est : vtrum pater, vel mater, qui cogit filiam inuitam, vt intret monasterium pro vita futura eligenda, si ista puella habeat vsum rationis, sed tamen non habet annos pubertatis, videlicet annum duodecimum ? An, inquam, talis pater incurrat excommunicationem Concilij Tridentini positam contra cogentes fœminas ingredi Monasterium ? Hanc quæstionem apud nullum reperi Doctorem. Saluo tamen iudicio Ecclesiæ, & Doctorum, dicerem piè talem parentem, vel matrem non incurrere excommunicationem illam. Nam iuxta suprâ dicta, & Sanchez *cit. cap. 19 n. 8. & 9. & aliis ibi numeris*, parentes etiam ex iure Canonico habent potestatem, & ius naturale offerendi filios Religionis & talis filius sic oblatus tenetur obedire patri ordinanti suam educationem: imò filius sic oblatus non potest exire à Monasterio ante annos pubertatis, & illud ius

Canonicum non fuit reuocatum à Concil. Trident. *sess. 25. cap. 18. de Regular.* ergo pater non peccat, nec proinde excommunicatur cogens puellam ad Monasterium ante annos pubertatis. Incurrit verò si cogat ingredi post annum pubertatis. Si autem hoc verum est in patre, etiam erit in matre, & tutore cogente ante annos pubertatis.

10 De secundo autem modo recipiendi puellas educationis gratia tantum, est alia diuersa dispositio Pontificum. Et quod spectat ad annum certum ætatis, in quo recipi possint non inuenio. Nam Sanchez *cit. c. à num. 34.* solum dicit has non posse recipi ante pubertatem, sicut illas, quæ recipiuntur ad habitum regularem: vnde innuit non posse recipi educationis gratia ante annum duodecimum. At Rodrig. *tom. 1. qq. Reg. quest. 46. art. 10. §. 17. declaratio*, ait Pium V. concessisse Ordini Sanctæ Claræ, vt puellæ destinatæ à parentibus ad Religionem possint recipi in habitu seculari anno septimo, vel octauo suæ ætatis, & in Conuentu manere vsque ad annum 12. vel 14. Et hoc tempore expleto liberè mittantur in domum parentum: si verò postea velint liberè ad Monasterium redeant. Vbi loqui videtur de puellis recipiendis educationis gratia, illæ enim quæ recipiuntur ad habitum regularem statim induuntur habitu Religionis. Ex alia verò parte proximè dicta concessio non videtur loqui de receptis educationis gratia: nam extat alia declaratio Cardinalium apud Rodriguez *citato articulo*, septima in ordine, vbi puellæ receptæ educationis gratia permittuntur manere intra Conuentum vsque ad annum vigesimum quintum suæ ætatis, & non amplius. Quibus attentis solum reperio certum has receptas educationis gratia non posse manere in Conuentu post annos viginti quinque suæ ætatis. Puto autem non posse recipi in ætate infantili sicut aliàs, neque ante pubertatem propter dictum Sanchez vbi supra, propter duas Bullas, quas citat. Et proinde recipi poterunt ab anno duodecimo completo, vsque ad annum 25. inclusiue, vt autem hæ possint recipi requiruntur sequentes con-

ditiones ex Rodrg. citato loco, & Azor. l. 1. lib. 13. c. 8. q. 4.

11 Prima est: Dummodo Monasterium tales puellas educationis gratia recipere consueuerit. Si enim in illo Conuentu non sit consuetudo, non poterunt recipi. Vnde in Conuentibus Capucinarum primæ Regulæ Sanctæ Claræ non poterunt recipi, quia apud illas non est consuetudo tales recipere.

12 Secunda est, vt id fiat licentia in scriptis Superioristalis Conuentus, & Abbatissæ, & maiori parte Conuentus suffragantis.

13 Tertia, vt sine ancillis in Conuentu maneant, neque inde exire queant cum libera potestate redeundi: & seruent clausuram sicut Moniales: & vestitu honesto induantur. Et ne in Monasterio maneant vltia annum 25. Si verò semel à Conuentu exierint, amplius non admittantur: excepto si iuerint ad balnea, de licentia Superioris, vt notatur in declarationibus Cardinal. tom. 4. impresso, repertis in Bibliotheca Farinacii fol. 99. col. 2. vbi etiam dicit posse exire curandæ valetudinis gratia cum licentia in scriptis. Et noto quòd cum citato loco in Declarationibus collectis à Farinaeio, ponantur vndecim, vel duodecim circa modum, quo recipi debent puellæ educationis gratia, nulla ex illis assignat annum ætatis, in quo recipi debeant: & in vna tantum dicitur quod ibi non maneant, nisi vsque ad annum 25.

EGRESSVS MONIALIS

à clausura.

14 **D**ixi secundo modo violari clausuram Monialium per egressum illicitum factum à Moniali extra clausuram. Et quod attinet ad pœnas impositas Moniali taliter egredienti illicitè, Pius V. in Motu proprio, qui incipit, *Decori, & honestati*, decreuit quòd taliter egrediens indebitè incurrat excommunicationem.

communicationem reſeruatam Summo Pontifici. Secundò quòd ſit priuata officiis, & dignitatibus Ordinis, ſi quas actu habet. Terriò, vt ſit inhabilis in perpetuum ad officia Ordinis obtinenda. Eaſdémque pœnas imponit Prælato indebitè danti licentiam exeundi. Terriò excommunicantur ipſo facto, omnes illi qui Monialem illicitè egredientem hoſpicio receperint, vel comitati, ſeu aſſociati fuerint, etiam ſi ſint conſanguinei. Monuerim verò, quòd attinet ad hoc vltimum de receptatoribus Monialium fugitiuarum, eſſe explicandum eo modo quo Doctores explicant in Bulla Cœnæ incurrere, vel non incurrere excommunicationem ibi poſitam receptatores hæreticorum. Nam quemadmodum ibi excuſatur ab illa cenſura, recipiens hæreticum, non quia hæreticus eſt, neque vt fauens hæreſi, vel hæretico, ſed ſolùm recipit, & fauet quia homo eſt, videlicet quia extremè, vel grauiter indiget, ne pereat: ſic enim recipiens non incurrit cenſuram. Sic in noſtro caſu qui reciperet Monialem indigentem grauiter quoad cibum, & honeſtatem, eamque reciperet, ne illius honeſtas periclitaretur: imò vt eam reduceret ad Monasterium, oblata commoda occaſione, iſte talis illam cenſuram non incurreret. Secùs ſi illam reciperet, vel comitaretur, approbando egreſſum: vel occultando ne inueniatur à Prælato, vel ſuadendo, ne redeat: vel dando occaſionem ſuo còmitatu, vel hoſpicio, ne redeat ad Monasterium: tunc enim incurreret.

15 *Nauar. cap. ſtatuiſmus 19. quaſtion. 3. num. 4.* dicit quòd ſatis pia, & probabilis ſententia eſt, poſſe Prælatum dare licentiam Moniali, vt curetur extra clauſuram, quando patitur ægri tudinem non contagioſam aliis, ſed ſibi ſoli nociuam, ita tamen grauem, vt intra clauſuram omnino curari non poſſit: illud ſequitur vel inclinatur in illum. Fr. Ioann. à Cruce *de Statu Relig. lib. 1. c. 5. dub. 4. concl. 1.* Sed tamen hoc non video practicare. Imò ſi ponatur in praxi patebit porta multis egreſſibus, re vera illicitis: ob multas ſiſtiones, quæ in caſu poterunt inueniri.

ADDITION AD ADDITIONEM.

1 **V**ltra olim iam dicta de clausura Monialium solum occurrit adnotandum quod tradit Rodrig. tom. 3. *Addit. cap. 95. concl. 5.* videlicet non incurrere pœnas impositas à Concil. Trid. Pio V. & Gregor. XIII. ingredientibus indebitè clausuram Monialium, illos qui ingrediuntur sine licentia Monasteria illarum Monialium, quæ promittunt obedientiam, paupertatem, & castitatem solum conjugalem, quales sunt Moniales Ordinum Militarium. Has enim ait Rodriguez non esse simpliciter, & absolutè Religiosas: idque tribus ex capitibus. Primò, quia illa tria vota non promittunt ex vi suæ Regulæ, sed ex vi suorum statutorum. Secundò, quia illud votum Castitatis quod promittunt est simplex tantum, & non solemne. Tertiò, quia non sunt verè Moniales, id est, perfectè, quia ad hoc requiritur ut illa tria vota fiant ex vi regulæ, cum castitate omnimoda. Et de his tantum Monialibus loquitur Concilium, Pius V. & Gregor. XIII.

2 At non loquitur Rodr. de Fratribus minoribus, an peccent mortaliter intrando hæc monasteria, cum ex vi regulæ prohibeantur intrare monasteria monacharum, *cap. 11. sua regula.* Et quidem quod minoritæ non incurrant pœnas Tridentini, Pij. V. & Greg. XIII. si intrauerint ista monasteria monialium promittentium castitatem solam conjugalem (quales sunt Ordinum militarium, ut Olyssipone o *Mestetro de Sanctos*, Ordinis D. Iacobi: & monasterium S. Matthæi Ordinis S. Benedicti, si promittunt etiam castitatem conjugalem, & aliz similes.) Quod, inquam, minoritæ intrantes hæc monasteria sine licentia, & iusta causa, non incurrant prædictas pœnas, & censuras non disceptabo, propter rationes citatas à Rodrig. *cit. loco*, & à Nauarr. *citato ibi consilio 82. de Regular.* At quod minoritæ non peccent mortaliter hæc monasteria ingrediendo ob

pro

prohibitionem generalem ſuæ regulæ , neque Rodrig. heque Nau. explicant ; & hoc ego explicatum reperire deſiderarem.

3 Et quamuis ex mente Rodriguez *citato loco* , & ex Nauar. *citato loco*, & *conſilio*, colligi poſſit eos dicturos non peccare mortaliter minoritas ex vi regulæ talia monaſteria intrando, tum quia quia iſtæ non ſunt veræ monachæ , nec verè Religioſæ ; tum quia, vt ait Nau. *citato conſilio* 82 num.4. verba Canonum, & legum propriè ſunt accipienda : & prædictæ moniales non ſunt propriè, ac perfectè moniales. Nihilominus ego tutius credo , ac defendo minoritam ingredientem prædicta monaſteria indebitè, quamuis non incurrat pœnas , & cenſuras prædictas, tamen peccare mortaliter ob generalem prohibitionem regulæ. Quod primò probo ex verbis regulæ, quæ ſunt verba generalia: ſunt enim ſaltem verba indefinita : *Non ingrediantur Monaſteria Monacherum* Et indefinita æquipollet vniuerſali , vt ait Gloſſ. *cap. primi. de dolo*, & *cont. in 6. verb. Termino*, & ibi cit. Rurſus lex generaliter loquens , generaliter eſt intelligenda *l. de pretio, ff. de publ. in rem. action.* Cùm ergo verba Regulæ ſint indefinita , & proinde generalia , videntur generaliter intelligenda de omni monaſterio monialium quæcunque illa ſit, dummodo videntur collegialiter. Secundò, quia ſinis legis eſt attendendus præcipuè cùm ille ſit anima legiſtæ: in monaſteriis monialium profitentium ſolam caſtitatem conjugalem, reperitur idem ſinis qui reperitur in monaſteriis monialium verarum , & profitentium caſtitatem omnimodam : ergo , probatur minor, quia in utroque iſtorum monaſteriorum ſinis ob quem prohibetur ingreſſus, eſt conſeruatio pudicitie monialium, & vitatio periculi, vel occaſionis peccandi: iſte ſinis æquè militat in monialibus profitentibus caſtitatem abſolutam, & in profitentibus caſtitatem conjugalem: idque ſiue promittant vota ſolemniſter, ſiue ſimpliciter, ſic ex vi regulæ, ſiue ex vi ſtatuti : ſemper enim manet vtrobiq; idem periculum, quod eſt occaſio peccandi. Tertiò id probo ex declaratione noſtræ regulæ edita à Nicolao

III. qui exponens *citatum cap. 11. Regula* a circa ingressum Monasteriorum Monialium, in *art. 13.* sic explicat prædictam prohibitionem Patris nostri Francisci: Nos itaque generaliter id esse prohibitum de quarumlibet cœnobiis Monialium respondemus. Quo nil clarius, & generalius dici potuit. Idem videretur sentire Collector priuilegiiorum Mendicantium, verb. *Ingressus Monast. Monial. ad §. 17. littera C. & D. & infra notab. 2. littera A.* Et ibidem ante finem, ait, non posse Minoritas ex vi regulæ intrare Monasteria Monialium collegialiter viuentium, etiamsi illæ non seruent clausuram. Quod idem docet Clypeus Monialium in *Enchirid. Minorum conclus. 2. §. Additio.* Et fauet Miranda in *explicatione nostra Reg. ad cap. 11. §. Quanto a lo primero.* Vbi ait in dicto *cap. 11. Regula.* prohiberi ingressum cuiuscunque Monasterij Monialium viuentium collegialiter, & profitentium Regulam approbatam ab Ecclesia, cum obedientia Religiosa. At prædictæ Moniales militares, licet promittant castitatem conjugalem, profitentur tamen in manibus Prælatæ, & seruant obedientiam Religiosam. Denique statuta generalia Minorum edita Segouix dum prohibent Minoritis intrare Monasteria Monialium loquuntur similiter, & ferè ad intentum: dum dicunt, intrantes etiam Conuentus Tertiariarum collegialiter viuentium, esse transgressores nostræ Regulæ Franciscanæ.

COMMISSARIVS

Prouincia.

I **H**oc maximè spectat ad Ordinem Minorum. Hic fit duobus modis. Primus & magis vsitatus est quando quis mittitur ad visitandum Prouinciam, & syndicandum Prouincialem. Circa quem primò nota incurrere excommunicationem illos qui prædictum Commissarium non recipiunt, vel perturbant in officio. Bullam Papæ citat Rodriguez *tom. 1: quest.*

quæst. 14. art. 4. Secundò etiam si in litteris Generalis vt plurimum illi committitur plenitudo potestatis, non intelligitur vt possit dispensare in statutis Generalibus, neque in rebus grauib; facere ad libitum inconsultis Diffinitoribus Prouinciæ: neque vt possit creare confessores, prædicatores, &c. sed attendenda est illa plenitudo potestatis, & mensuranda ad finem, visitationem scilicet; vt quo ad visitandum, & concernentia visitationem, habeant Commissarij plenam potestatem, vocandi scilicet, cogendi, &c. Videant illi sibi prohibita in statutis Generalibus. Et nouissimè R. P. Vicarius Generalis Antonius Treio, circa hoc fecit specialem declarationem.

2 Secundus modus Commissarij Prouincialis in Ordine Minorum est quando Generalis, vel Commissarius Generalis propter distantiam, vel confidentiam alicui Prouinciali actuali pro suo triennio dant commissionem particularem vt ultra iurisdictionem ordinariam Prouincialis habeant commissionem pro dispensandis aliquibus specialibus: & tunc videndus est tenor concessionis. Si enim solùm dicat quòd concedit illi plenitudinem potestatis, committitur illi vt possit dispensare solùm in illis statutis in quibus potest Generalis, vt dandi licentiam extra Hispaniam, vel ad Curiam Romanam & similia. Non possunt tamen tales Prouinciales facere id quod statuta Generalia decernunt vt fiat cum Diffinitoribus, vel cum Capitulo, verbi gratia, non possunt priuare Guardianum, priuare incorrigibilem habitum, quemadmodum potest Generalis, de quo infra verbo *Generalis*. Imo neque potest facere contra statuta Prouincialia absque consensu Prouinciæ, vt decernunt statuta Generalia Salmanticensia *cap. Rodrig. cit. q. 54. art. 1. tom. 1.*

A D D I T I O.

Vide infra verb. *Pralatus*: num. 4. §. 5. & 12.

I A M olim dixi hoc officium (saltem sub hoc nomine) esse proprium pro Ordine Minorum. Ultra vero olim dicta, addo.

1 Quod Greg. XIII. in sua Bulla, quæ incipit: *Quoniam nostro Pastoralis*, inter alia circa hos Commissarios ordinat, ac iubet, vt nullus Prouincialis possit mutare illa quæ salubriter, & rectè ordinata fuerint à prædictis Commissariis, nisi de speciali licentia Ministri Generalis, (idem dic de Commissario Generali) qui prædictum Commissarium instituit. Et addit Sum. Pontifex quod factum in contrarium sit irritum, & nullum: ultra excommunicationem ante contra talia mutantes fulminatam. Eandemque censuram fulminat contra quosuis Religiosos, vel Religiosas Prouinciæ, qui prædictis Commissariis resistere, vel se opponere ausi fuerint.

2 Prædicti Commissarius, seu Visitator non habet votum, seu suffragium electiuum in electionibus Prælatorum, Ministri scilicet Guardiani, Abbatis, & similibus, quia non est Prælatus ordinarius, sed delegatus. Si tamen Prælatus Generalis prædictos Commissarios mittens illis in scriptis, concedat, quod possint ferre suffragia in dictis electionibus, tunc poterunt habere tale suffragium; sic enim statutum est in Statutis generalibus Salmanticensibus, *tit. de Commissariis Prouinciarum, fol. 98*. Quod puto niti huic fundamento. Nam sicut ex iure Canonico elector impeditus potest mittere Procuratorem, qui suo nomine in loco electionis pro se impedito suffragium ferat: ita Prælatus Generalis impeditus, neque veniens ad Capitulum, vel congregationes, in quibus habet suffragium electiuum, potest committere huic Commissario Prouinciæ, vt tamquam procurator pro se suffragium ferat in illis electionibus quibus

quibus ipse Prælatus Generalis non interuenit.

3 Quid si ipse Prælatus Generalis, qui misit hunc Commissarium Prouincialem, postea veniat ad Capitulum, vel congregationem, & ibi simul adsit cum suo Commissario Prouinciali: an possit talis Prælatus Generalis ibi ferre suum suffragium ex officio ordinario: & possit præterea dicere suo Commissario vt etiam ferat suffragium in electionibus, & sic dent suffragium generalis simul, & Commissarius Prouinciæ? Saluo meliori iudicio, credo quòd non potest id committere tali Commissario in sua præsentia. Moueor, quia verba prædicti Statuti Salmanticensis solum videntur loqui de dando suffragium tali Commissario in absentia Prælati Generalis, quando scilicet Prælatus Generalis nõ præest electionibus, sic enim habet statutum loquens de Commissario Prouinciali: *No tendrà voto &c. sino es que el Prelado General que le embió le dá particular facultad para ello; pero podrá procurar que no se elija alguno.* Nota vltima verba, quibus ait, posse Commissarium Prouinciæ impedire, ne aliquis indignus eligatur: ergo loquitur de Commissario Prouinciali, quando ipse est Præsidens in electionibus, absente Generali Prælato: nam quando Generalis Prælatus adest, & præsidet, Commissarius Prouincialis non impedit, neque dirigit, nec gubernat. Secundò, quia si prædictus Prælatus Generalis concedit suo Commissario Prouinciali vt pro se det suffragium sicut Procurator, vt diximus: Procurator non dat suffragium, præsentē suo Prælato, cuius fūerat Procurator, vt patet, aliàs vnus capitularis daret duo suffragia. Tertiò, quia hoc dato pateret locus fraudi, ac dolo: posset enim Prælatus generalis mittere tres, vel quatuor Commissarios ad vnā tantum Prouinciā nimis dilatatā, maximè quando iturus est in alias partes negotiis vocantibus, & tunc in ista Prouincia, in qua tres, vel quatuor fuere Commissarij Visitatores, ipse Prælatus Generalis poterit præsens ferre suum suffragium, & simul committere tribus illis Visitatoribus Commissariis, vt ferant suffragium in electionibus. Quia enim ratione potest id committere vni, potest & com-

mittere

124 *Communicatio Priuilegiorum.*


mittere aliis, qui fuerunt veri Commissarij Visitatores: & sic accrescere faciet tria, vel quatuor suffragia in electionibus, quod vt plurimum non erit in bonum Prouinciæ: vel saltem inquietudo maxima poterit inde resultare.

COMMVNICARE.

Vide infrà verbo *Sacramentorum administratio*, à n. 4.

COMMVNICATIO *Priuilegiorum.*

Vide infrà verb. *Priuilegium* à num. 19. & sequentibus.

1  Rdines Mendicantes ob varias iam concessiones communicant omnes ad inuicem in priuilegiis scriptis, vel per viuæ vocis oraculum, ita vt concessum, vel concedendum vni; concedatur & aliis. De quo latè Rodriguez citans concessiones seu confirmationes *tom. 1. quest. 55.* Sunt verò Ordines Mendicantes hi; Prædicatorum, Minorum, Eremitæ S. Augustini, Carmelitæ, Serui B. Mariæ, Minimi, Societas I E S V, S. Hieronymi Iesuatorum, Carmelitæ discalceati, & hi omnes participant etiam priuilegia aliorum Ordinum non Mendicantium, Hospitalium, Congregationum*, Confraternitatum illarumque personarum, etiamsi prædictis sint concessa viuæ vocis oraculo. Compend. Societatis I E S V ver. *Communicatio priu. l. §. 2. 3. & 5. & 6.*

2 Cæteri Ordines non Mendicantes videant quid possint: ego verò audio iam omnes ferè participare in omnibus cum Mendicantibus, de quibus in particulari. *Rodr. cit. quest.*

3 Moniales S. Claræ, primæ & secundæ regulæ. Item Dominicanæ, gaudent priuilegiis concessis Minoribus, ac Dominicanis. *Rodriguez citat. question. art. 13.*
& c

& è contra Minores gaudent omnibus priuilegiis concessis ipsis Monialibus S. Claræ. Compend. ver. *Communicatio priuil.* §. 14. vide etiam infra ver. *Moniales*, num. 31.

4 Tertiariæ Moniales viuentes in Congregatione, si sint subditæ Minoritis gaudent illorum priuilegiis: Si verò illis non sunt subditæ, non participant Minorum priuilegia. Rodriguez *artic.* 14. & Miranda *quæst.* 2. de *Monialibus art.* 4. *concl.* 6. vide infra verbo *Tridentin.* num. 3. & 8. Et adde quòd quæcumque Moniales fuerint commissæ regimini Minorum, etiam si non sint S. Claræ, neque Tertiariæ, gaudent illorum priuilegiis concessis, & concedendis. Compend. Minorum ver. *cit.* §. 4. vnde Moniales Conceptionis in Hispania, quæ non sunt S. Claræ: & Moniales S. Ioannis in opido de Estremoz in Portugallia, quæ etiam non sunt S. Claræ, quia tamen sunt subiectæ regimini Minorum, gaudent omnibus priuilegiis Minorum modo prædicto. Et idem dices de aliis si quæ fuerint huiusmodi.

5 Patres Societatis I E S V habent aliqua priuilegia cum limitatione, ne scilicet illis aliqua Religio communicet. Vt quòd possint illorum Religiosi ordinari absque interstitiis, & extra tempora absque examine de cantu à quouis Episcopo: & similia. Quod verò non obstante tali restrictione cæteri Mendicantes communicent; etiam in illis priuilegiis tenet Rodriguez *citata quæst.* § 5. *art.* 17. & Frater Ioann. à Cruce in *sua Epitom. priuileg. lib.* 2. *cap.* 4 § 2. *sequitur*: propter amplam confirmationem, & extensionem priuilegiorum factam à sequentibus Pontificibus. At negat Suarez *tom. de legib. lib.* 8. *cap.* 17. *prope finem*: & ego propter rationes ipsius efficaciores cum eodem sentio. & sic consulo abstinendum.

Illud verò omnes concedunt quod quando Summ. Pontifices concesserunt priuilegia Societati I E S V, tali modo vt subditi illius non communicent illis nisi concedantur illis à suo Generali: hæc limitatio non ligat alios Mendicantes: sed inconsulto suo Generali gaudent

126 *Communicatio Priuilegiorum.*

gaudent illis priuilegiis. Tenet Miranda *tom. 2. q. 46. art. 6. ad finem.* & alij.

6 Communicatio priuilegiorum intelligitur de priuilegiis concessis tum Ordini in communi: tam Religiosis in communi: tum domibus seu Conuentibus: non verò de priuilegio concesso vni Religioso in particulari. Miranda *cit. quæst. art. 7. & alij.* vnde concessa vni Conuentui vnus Religionis, conceduntur toti Ordini illius Conuentus. Et proinde ratione illius Conuentus & Ordinis communicant omnes participantes. Est communis: & in praxi propter priuilegium concessum à Clement. VIII. Conuentui S. Stephani Salmanticensi Prædicatorum, vt recipiant Nouitios absque præuia informatione facta (de quo infra ver. *Nouitius*) tota Religio Prædicatorum gaudet illo priuilegio: & gaudet proinde omnes alij Mendicantes. Indulgentia tamen concessa vni Conuentui non sic communicatur ab aliis: quia Indulgentia non est priuilegium. Vnde Indulgentia nostræ Portiunculæ non communicatur aliis Ordinibus Mendicantibus.

7 Concessa Ordini Prædicatorum pro festiuitatibus sanctorum illius Ordinis Dominici, Thomæ, & cæterorum: sunt etiam concessa Ordini Minorum pro festis similiter sui Ordinis, etiam si Franciscani canonizati sint plures: hoc præcipuè intelligitur pro suspensione interdicti, de quo infra. Sic Iulius II. concessit apud Rodrig. *cit. q. art. 20.*

8 Quando priuilegium vni Ordini concessum repugnat obseruantie alterius Ordinis, iste Ordo cui repugnat non potest vti illo priuilegio. Greg. XIV. apud Rodrig. *art. 22.*

9 Si vna Religio participat priuilegium alterius Ordinis cui primò fuit concessum, ista Religio participans potest se defendere per tale priuilegium contra illum Ordinem cui tale priuilegium fuit primò concessum? iam enim tale priuilegium factum est proprium istius secundi Ordinis per concessionem Papæ. Rodrig. *art. 21.* Exemplum. Si priuilegium non ædificandi intra canas 300. fuit primo concessum Minoribus,

tis, vt prope illorum Conuentus id non fiat: postea si Minoritæ velint ædificare prope Minimos intra dictum spatium, Minimi defendent se contra Minores per idem priuilegium primò concessum Minoribus: quia iam illud factum est proprium Minimorum per communicationem: neque hoc est priuilegiatum agere contra priuilegium, vt dicitur infra verb. *Priuilegium.*

Hoc tamen non habet locum quando familiares vnus Ordinis gaudent priuilegio alicuius Ordinis dependenter ab illo Ordine: non enim familiaris potest se defendere contra Ordinem cuius est familiaris: quia priuilegium illud non est factum proprium illius familiaris; quemadmodum priuilegium factum est proprium Ordinis secundi participantis.

10 Religiosi communicantes in priuilegiis non proinde communicant in pœnis, & prohibitionibus alterius Ordinis. Vt si in vna Religione lata sit excommunicatio Papæ contra subornatores: hæc non extenditur ad alios Ordines, quia excommunicatio non est priuilegium neque fauor, sed pœna. Et odia sunt restringenda, & fauores ampliandi. Capucin. *Addit. ad Compendium, 1. par. fol. 201.*

11 Quamuis vna Religio non vtatur vno priuilegio sibi concessio ob non vsum, vel quid simile: potest tamen alia Religio communicans vti illo priuilegio; Papa enim non concedit vsum priuilegij: sed ius vtendi illo priuilegio. Mirand. *cir. quest 47. art. 8.* Si autem aliquod priuilegium in aliqua Religione legitime sit præscriptum, nec positum omnino in vfu, non poterit illo vti talis Religio. Vtetur tamen alia Religio etiam participans in qua non est præscriptum. Rodriguez *cir. q. 55. art. 19.* Cætera vide infra verbo *Priuilegium à num. 18. & sequentibus.*

CONCEPTIO DEIPARÆ MARIÆ.

Vide omnino infra verb. *Hæresis numer. 8.* & verb. *Interdictum num. 3.*

Iso quòd hæc materia sit valde pertinens ad Religiosos propter Bullas Pontificias denuo editas circa illam ; non erit præter intentum , neque inutile sequens adnotatio.

Igitur tribus, vel duobus abhinc annis , quidam Doctor Hispanus Cæsaraugustæ, parùm doctus , vel saltem parum deuotus erga Deiparæ Matris immaculatam Conceptionem , inter alias absurdas propositiones quas euomuit , fuit hæc vna : videlicet , esse omnino illicitum , & nullo modo tolerandum , facere iuramentum , vel votum publicum in Academiis , vel confraternitatibus , vel in populo communi , per quod talis Academia , confraternitas , vel communitas iurent , & voueant se defensuros quoad poterunt , Deiparam caruisse peccato originali. Ego tunc de mandato Superiorum respondi vt potui ad illas omnes propositiones & præcipue quæstionem tractavi , in qua probaui prædictum iuramentum , & votum esse licitum , & laudabile & careere vmbra peccati : & quoniam video deuotionem illam iurandi alicubi practicari , & incrementa suscipere , volui hoc loco per summam ponere id quòd olim fusiùs dixi ad prædicti iuramenti defensionem , & incrementum.

I Prædictum iuramentum , & votum esse licitum , & laudabile : probo primò Theologicè. Nam illud quod est materia voti , est etiam materia iuramenti , vt videri poterit apud Theologos , in materia vtriusque , maxime Suarez *tom. 2. de Relig. lib. 1. cap. 1. & seqq.* & alios , maxime Sayro *lib. 8. Clau. Regia cap. 7.* vbi agit de Iuramento , & *lib. 6. cap. 3.* vbi agit de Voto : & probatur , quia omne votum potest iuramento confirmari : ergo materia

ria vnius, est etiam materia alterius. Constat verò apud omnes actum pium, religiosum, & laudabilem esse materiam voti: ergo talis actus erit etiam materia iuramenti. Tunc sic: sed iurare, vel vouere me defensurum opinionem Scoti circa carentiam peccati originalis in Deipara, est actus pius, religiosus, & laudabilis: ergo est materia iuramenti: probanda est minor per partes.

2. Quod ergo prædictum iuramentum sit actus pius: probo: quia virtus, pietas, est quæ colit Deum, parentes, & alios habitos loco parentum, vt Doctores fatentur, & Calepinus hoc verb. *Fietas*. Sed Deipara habita à nobis loco parentis honoratur, & colitur, dicendo illam caruisse originali, vt constat, & è contra, non colitur, dicendo illud habuisse: ergo defendendo illam ab originali, est actus pius. Secundò, probo ex dicto Sixti V. Sum. Pontificis, qui in Bulla relata à Rodrig. in Bullario, fol. 1143. vbi concedit Minoritis posse recitare Officium cum octaua in festo Conceptionis, prius ibi vocans Conceptionem Deiparæ purissimam: & hanc peterent Minoritæ celebrare cum octaua: ait Papa: *Nos ram pium, & laudabile propositum fovere volentes, &c.* Ecce Sum. Pontifex vocat actum pium, velle celebrare Conceptionem istam vt purissimam.

Quòd verò defendere Deiparam ab originali, permittente, & fauente Ecclesia, sit actus Religiosus, tenet expresse Bellarminus tom. 1. controu. lib. 3. de cultu Sanctorum. cap. 16. §. *Neque rationes*. Vbi ait colere Sanctos esse actum dulciæ, & Religionis, non vt sumitur Religio strictè, sed vt Religio communis, quæ respicit etiam Sanctos. Quis autem neget, defendere Deiparam ab originali esse cultum illius, & decorem illius? Cùm sit potius macula, seu renouare maculam illius, dicere quod fuerit illo infecta? quòd denique iste actus sit laudabilis, iam patuit ex Bulla citata Sixti V. vbi dicere Officium de purissima Conceptione, vocat actum pium, & laudabilem. Et confirmantur hæc omnia: nam si laudare aliquem Sanctum, quod nunquam peccauit mortaliter, actualiter, vel quod raro

peccauerit, est actus pius, & laudabilis: talis etiam erit asserere Deiparam nunquam habuisse peccatum etiam actuale, vel originale.

3. Secundò principaliter probatur quòd talis actus sit materia voti, & iuramenti, applicando cæteras conditiones requisitas ad materiam voti, & iuramenti. Prima est quòd non sit de materia impossibili. Secunda, quòd non sit de re indifferenti. Tertia, quòd non sit res mala. Quarta, quòd sit res melior quàm opposita. Quinta, quòd non sit impeditium maioris boni. Quæ omnes conditiones reperiuntur in asserendo Deiparam caruisse originali. Nam hoc nō est impossibile, vt Scotistæ probant fuisse Deo possibile: nec Thomistæ negant. Secundò, hic actus non est res indifferens ad bonum, & malum: sed resolutè est actus pius, laudabilis, vt suprà vidimus. Tertiò, non est res mala ob proximè dicta, sed bona, & laudabilis, permittente Ecclesia, imò fouente. Quattò, iste actus, dicere Deiparam caruisse originali, est melior ad honorem Deiparæ, quàm oppositus, nempe asserere illud habuisse. Quintò, iste actus non est impeditiuus maioris boni, tale enim bonum non dabitur: ergo iste actus est materia voti, & proinde iuramenti: ac proinde valde licitus, & honestus.

4. Tertiò, probatur ex praxi multis enim iam ab hinc annis, ducentis videlicet, nobilis Academia Parisiensis in more habet tale iuramentum postulare ab omnibus Doctorandis, vt multi Doctores referunt tanquam rem toto orbe notissimam, maximè Canisius *lib. 1. de Beata Virgine, cap. 7. fol. 36.* Et de Aliis Academicis refert etiam Suarez *tom. 2. de Incarnat. disputat. 3. sect. 2* Et in aliis communitatibus, vt Cæsaraugustæ, Eboræ à senatu sæculari, id est, à Camera in maiori Ecclesia congregata: & alibi. Iam verò mirum est, quòd si tale iuramentum, vel votum est malum, vel peccatum inuoluens, tot ab hinc annis tot Doctores Parisienses, tot viri doctissimi aliarum vrbiū tale peccatum non cognouerint, nec aduerterint, & quod maius est, tot Summi Pontifices à tot annis illud scientes tale iuramentum non prohibuerint, tamquam

quam malum Ecclesiæ. Et tamen constat nihil horum euenisse.

§ Quartò probatur ex miraculis factis à Deo ad confirmandam istam actionem, defendendi scilicet Deiparam ab originali. Refert Bernardinus de Bust. in suo *Marial. serm. 7. de Conceptione 2. p. fol. 28. col. 2.* Quòd quidam Pater doctissimus ex familia Dominicana, cum prius valde impugnaret Conceptionis immunitatem, in morbum incidisset, cumque spem vitæ non haberet ob morbi grauitatem, votum fecit de mutanda opinione, & Deiparæ immunitate defendenda absque originali, si tamen obtineret salutem: & statim conualuit à morbo. Et *serm. 9. de Concept. part. 3. fol. 40. littera I. 1. parte*, refert illud ferè simile de quodam viro pio, ac d. uoto, qui infirmatus ad mortem, iussit apponi in limine domus suæ scriptam tabulam, qua dicebatur Deiparam caruisse originali; quo facto sanitati redditus est. Tertium adhuc patentius miraculum refert noster Cartagena *tom. 1. B. Maria, libro. 1. hom. 19. prope finem*, ubi dicit nostram magnum Alexandrum de Ales, cum adhuc esset Doctor sæcularis, impugnasse immunitatem Virginis ab originali: cumque paulò post infirmaretur ad mortem, desperata sanitate, votum vouit, quòd si à morbo sanaretur, illam defenderet; sanitatem obtinuit. Quid potest amplius desiderari. Ecce tria miracula facta in fauorem huius actionis, qua defenditur Deipara ab originali. Et quod adhuc maius, & clarius est, ecce tantus Doctor qualis fuit Alexan. Ales, fecit hoc votum; non utique facturus, maximè morti proximus, si videret actum istum esse malum, vel non esse materiam voti. Quod si est materia voti, & utique etiam iuramenti, ut suprà visum est. Vltimum miraculum est, quod refert Petrus Nunnez à Castro in suo *Sancturali Seraphico, fol. 79. col. 2. in fine*, de imagine lapidea, quæ Parisiis eunti ad disputationem publicam nostro Scoto pro defensione illius ab originali, & ipsi Scoto illius opem inuocanti, imago lapidea caput inclinauit. Cum ergo Deus non confirmet opus malum miraculis, sed potius puniat

publicè aliquando : sequitur non esse illicitum tale iuramentum , vel votum emittere Academicis , confraternitatibus , & communitatibus , quibuscunque etiam secularibus : sed potius esse opus pium , honestum , ac proinde meritorium : per quod non est mens reprobare , vel infamare opinionem D. Thomæ ab Ecclesia permissam cum moderatione tamen à Summo Pontifice Paulo V. nuper opposita. Hæc sufficiant pro nunc : multa enim de hoc ipso dixi olim , & possem dicere. Et hæc dixi ad tollendum metum volentium prædictum exigere , vel constituere iuramentum , aut votum.

6 Redeuntes tandem ad nostrum intentum , & morem compendij , (quod non omisimus) in hoc Regno Portugalliæ , anno 1619. mense Maij. de mandato supremi , & Generalis Inquisitionis edicto publico , ex decreto (sicut aiebat edictum) Sum. Pontif. Pauli V. Pontificis maximi , condemnata fuit ista propositio inter alias ; videlicet. *Festum Conceptionis immaculate , etiam in particularibus Ecclesiis inconsulto Pontifice quondam institutum , sic eius immunitatem ab originali conuincit , ut ei falsitas subesse non possit. Vnde quamvis eam de fide institutio huiusmodi festi definire non potuerit , inter veritates tamen ad fidem pertinentes collocavit. Quare verum subiret martyriū , qui pro defensione eius moreretur.* sic ibi. Et merito quidem damnata est prædicta propositio : tres enim in summa continet errores. Primus est , quod non possit subesse falsum opinioni Scoti de immunitate Deiparæ ab originali. Est enim manifestus error etiam in Logica , & Philosophia , nam si talis immunitas Deiparæ adhuc est sub opinione , & Summi Pontifices , & omnes Doctores etiam Scotistæ , illam appellent opinionem , & non definitionem , neque certitudinem scientiæ , error est , etiam in Logica , dicere huic opinioni non posse subesse falsum , quemadmodum potest tenere in quavis opinione quandiu pro opinione reputatur. Vide infra verb. *Hæresis n. 8.* Secundus error propositionis fuit , dicere quod celebratio festi Conceptionis in Ecclesiis , collocavit opinionem Scoti inter veritates Fidei , licet non fuerit definita de Fide. Si enim per te .) ò

Author

Author propositionis) ista opinio est collocata inter veritates Fidei : ergo iam est de Fide. Non enim video, imò nec intelligo discrimen inter hoc quod est, rem collocari inter veritates pertinentes ad Fidem, & rem esse de Fide. Opinio autem Scoti de Fide nullo modo est. Et proinde author ipse sibi est contrarius dum dicit opinionem Scoti non esse de Fide, & collocari inter veritates Fidei. Tertius tandem error dictæ propositionis fuit, quòd hodie moriens pro defendenda Deipara ab originali, verum subiret martyrium. Est, inquam, error, quia cum prædicta propositio non sit de Fide, non potest dici Martyr occisus pro illa non definita de Fide.

7 Obiicis, non solum est verè Martyr moriens pro defensione Fidei Theologalis: sed etiam moriens pro quavis virtute, ut pro castitate, immunitate Ecclesiæ, & similibus, ut omnes Doctores fatentur, & servat praxis Ecclesiæ in canonizandis Sanctis Martyribus: at suprà dictum est, defendere Deiparam ab originali esse actum piū, religiosum, laudabile, & proinde est actus virtutis. Ergo moriens pro isto actu, moritur pro actu virtutis, & proinde est verè Martyr. Respondeo, Papam ibi propriè damnare illud dictum ad mentem Doctoris, cuius mens fuit dicere taliter morientem mori pro defensione Fidei : constat hæc mens authoris, quia paulò ante dixerat opinioni Scoti non posse subesse falsum : dixerat item hanc opinionem Scoti esse collocatam inter veritates ad fidem spectantes, cum ergo dixit morientem pro hac veritate fore Martyrem, intellexit, quia moriebatur pro Fide, vel pro re quæ apud illum erat ferè de fide. Et hoc præcipuè voluit Papa damnare, dicens talem non esse Martyrem mortuum pro Fide. Secundò dico, neque taliter morientem esse verè Martyrem, licet moriatur pro actu pio, religioso, & actu qui aliàs est actus virtutis. Virtus enim pro cuius defensione moriens, dicendus est Martyr, debet esse virtus certa, & omnino indubitata, cui ex parte materiæ, vel obiecti nō possit subesse falsum : qualis est castitas, immunitas Ecclesiæ, prudens obiurgatio vitiorum, sicut in Ioan. Baptista, quia in

his actibus virtutum non potest subesse falsum : cū sint virtutes indubitatae. Si verò actus sit dubius, seu opinatiuus, vel virtus aliqua nitatur opinioni, tūc actus aliquis exercitus ab aliquo circa talem virtutem putatam, erit quidem pius, laudabilis, & meritorius : saltē ex bona fide operantis, non tamen erit actus virtutis, certæ, & indubitatae, cui ex parte materiae non possit subesse falsum. Et proinde talis actus sufficiet ad meritum, non verò sufficiet ad martyrium : pono exemplum. Iustus aliquis requiritur ab hæreticis, vt faciat certum opus quod alias est licitum, & potest fieri, vel saltem non certò constat esse peccatum : taliter iustus renuit facere putās inuincibiliter quòd illud facere, sit peccatum : & ideo dicit se velle mori pro omissione illius actus faciendi, quam omissionem pro tunc putat esse actum virtutis : taliter moriens ex parte subiecti sui ipsius operantis bona fide propter Deum habebit meritum virtuosum (vt ita dicam) ex opere operantis, non tamen erit Martyr verus, quia ille actus, non est actus virtutis à parte rei, cui ex parte obiecti potest subesse falsum. Eodem modo colens Deiparam vt carentem originali, facit actum pium, & virtuosum : quia tamen hic actus non cadit supra obiectum indubitatae virtutis, sed opinatiuæ, seu quæ est sub opinione, cui proinde potest ex se subesse falsum non sufficiet ad martyrium, licet sufficiat ad meritum ex pia intentione operantis, & propter magnam probabilitatem opinionis Scoti tot miraculis, & Doctoribus confirmatam : quæ miracula Doctores, & rationes & fauor Ecclesiæ multum iuuant, vt sequens opinionem, & defendens Deiparam ab originali, dicatur piè, prudenter, religiosè, & proinde virtuosè operari. Non tamen iste actus virtutis erit sufficiens ad martyrium, quia non exercetur circa virtutem indubitatam, sed fundatam in opinione. Martyrium enim non attenditur penes intentionem morientis, sed penes opus indubitatae virtutis, pro qua moritur.

8 De moderatione verò circa opinionem D. Thomæ in publico non defendendam ; vide quæ dixi olim *Ver. Prædicatores* : An verò possint in concione refutare

tare opinionem D. Thom assignando rationes contra illam, iuxta Bullam Pij V. ibidem citatam, vidi postea Comitolum e Societate I E S V, qui *libr. 6. Respons Moral. quæst. 40.* ponit casum sequentem, qui contigit in ciuitate Perusij in Italia, in quo ipse fuit vocatus iudex. Quidam concionator in concione dixit: Deiparam caruisse originali: & aliquibus rationibus probauit: simulque subdocuit qualiter posset infirmari argumeta partis oppositæ: ac consideratè non fecit mentionem expressam argumentorum partis oppositæ, quæ tamen ex dictis à se poterant dissolui. Fuit accusatus talis prædicator apud Vicarium Generalem tanquam violator Bullæ Pij V. quo citato ait Comitolus in concilio Theologorum ad id vocatorum se adfuisse, & suffragium dedisse, quòd prædictus concionator non violauerit Bullam Pij V. Non enim disputauit proponendo clarè argumenta opposita, quod solum prohibet Pius V. Solum enim prohibet ne rationibus confirmemus opinionem Scoti adducendo, & soluendo argumenta contraria. Per accidens verò erit si probando opinionem Scoti non citando argumenta contraria, dicamus aliqua vnde soluantur opposita argumenta. Nam, vt bene ait Comitolus, semper in confirmatione vnius opinionis, siue in confirmatione vnius partis quæstionis virtualiter continetur infirmatio partis oppositæ: & hanc confutationem tacitam seu virtualem non prohibet Pius V. si argumenta contraria taceantur: nec probationes adhibeantur ad soluenda opposita argumenta directè. Et concludit Comitolus prædictum concionatorem fuisse absolutum, & innocentem quoad hoc iudicatum.

9 Tandem Gregor. XV. anno 1622. die 2. Iunij, sub excommunicationis sententia, & aliis pœnis mandauit ne opinio D. Thom. etiam in priuatis colloquijs, vel scriptis practicetur, vel defendatur. Et quòd omnes recitantes D. Officium illa die, dicant in officio sub nomine Conceptionis, & non Sanctificationis: quicumque illi sint Clerici, vel regulares.

CONCILIVM TRIDENTINVM.

Vide infrà *Tridentin. Concil.*

CONFESSOR REGVLARIS, *eiusque præsentatio.*

1 **S**emel legitimè præsentatus, & approbatus, non tenetur amplius eidem Episcopo se præsentare: neque idem Episcopus potest illum amplius reprobare. Secus si culpæ superueniant. Henr. *lib. 3. de pæn. cap. 6. §. 6.* cum multis citatis in gloss. Episcopus tamen successor potest iterum examinare iam approbatum. Henr. *ibid. littera S.* & est communis.

2 Quando Episcopus, sine causa, vel maleuolè repellit à confessionibus Regularem præsentatum, clarè idoneum, vt graduatum in Theologia vel similem, talis repulsus manet approbatus ab ipso Papa, & ipso iure. Henr. *cit. c. 6. §. 4.* & Rodrig. *tom. 1. q. 59. art. 1.*

3 Si Episcopus sine causa & pro consuetudine regulares clarè idoneos non approbet, nisi ad tempus vnus anni. Et hoc faciat omnibus: possunt tales idonei non stare illi approbationi annuali, sed habere se pro approbatis in perpetuum. Rodrig. *cit. q. art. 8. cum Henr. cit. loco.* Secus si talem approbationem annualem det propter sufficientiam examinati quoad vsque plus discat. Aut si id facit vt restringat pro vno oppido, vel pro solis fœminis: vel certo genere hominum. Talis enim restrictio fundata in insufficiencia examinati, valet. Rodriguez vbi proximè *articulo 4.* Si verò clarè idoneum Episcopus approbet pro solis hominibus, non verò pro fœminis, eo quòd non habeat quadraginta annos ætatis, ait Vega verbo *Confessor casu 7* quod validè poterit fœminarum confessiones audire: & quod de hoc consuluit viros doctos.

4 Regularis approbatus pro vna Diœcesi non manet approbatus pro alia, vel omnibus : sed indiget approbatione secundi Episcopi. Per Bullam tamen Cruciatam vel Iubileum, vel aliam similem generalem per quam conceditur electio Confessoris approbari potest prædictus confessor in vna Diœcesi approbatus, eligi in aliis pro tunc tantum. *Henriq. cit. c. §. 7.*

5 Confessor approbatus pro vna Diœcesi exiens ab illa, potest alibi audire confessiones viuentium in illa Diœcesi pro qua est approbatus, si illuc accedant *Rodrig. tom. 1. q. 60. art. 5.*

6 Idem Confessor Regularis potest in Diœcesi pro qua est approbatus audire confessiones omnium fidelium exterorum vndequaue venientium. *art. 6.*

7 Confessores Societatis I E S V, & cum illis communicantes, itinerantes siue mari, siue per terram; quamuis per aliquot dies morentur in aliquo loco (non repugnantibus Parochis) possunt prædicare, & audire confessiones fidelium, etiam si ibi non sint præsentati: dummodo tamen in illo loco non sit Episcopus. Quia tunc illius licentia debet obtineri: adde quod huius rei gratia non deflectant à recto itinere. *Compendium Societatis, verbo Confessarius. §. 2. & Henriq. cit. cap. 6. num. 8. littera I. in gloss.*

8 Regularis approbatus à suo Prælato, & Episcopo potest validè audire confessiones illorum pro quibus est approbatus, etiam contradicente Parocho, & hoc in Ecclesiis Regularibus. *Rodrig. cit. q. 60. art. 4.* In Ecclesiis verò Parochorum debet petere licentiam: sed quidquid sit de peccato in non petenda ibi licentia, credo quod confessio valida erit.

9 Potest Prælatus suam subditum confessorem approbatum, priuare confessionibus ob culpam: si verò existente tali priuatione confessor audiat confessiones, erunt inualidæ. *Henriq. cit. cap. 6. n. 6. littera T. & Rodriguez citata quest. art. 2. §. 2. dico.* Si verò Religiosus approbetur ab Episcopo ad confessiones sæcularium, idque sine licentia sui Prælati, si in tali Ordine sit statutum annullans confessiones taliter factas, illa-

rum absolutiones sunt nullæ: si verò in sua Religione non sit tale statutum eas annullans, prædictæ confessiones sunt validæ. *Miranda tom. 1. quæst. 47. art. 12. et Bulla Iulij III. At Rodriguez cit. quæst. art. 3. absolutè, vt videtur, tenet quòd prædictæ confessiones sunt nullæ, si approbentur in scio Prælato. Et ego idem sentio; quia Clementina dudum. de sepulturis. in præsentandis confessoribus Minorum & Prædicatorum, id innuit, dum ait quòd prius eligantur à Prælatis suis &c. & nimis in hoc negotio tribuit electioni, & licentiæ Prælatorum tamquam conditioni sine qua non.*

CONFESSOR ERGA RELIGIOSOS.

10 **D**ebet Confessor Regularis pro confessionibus Regularium habere approbationem sui Prælati, vt patet: & iuxta illam pro loco & tempore se debet habere iuxta morem sui Ordinis. Vide *ver. Nouitius num. 36.*

11 In Ordine Minorum quilibet Frater approbatus est idoneus confessor pro quolibet Fratre sui Ordinis. *Rodriguez tom. 1. quæst. quæst. 21. art. 3. Excipe tamen si in aliqua Prouincia Minorum sit statutum ne Fratres illius Prouinciæ confiteantur extra Fratres illius Prouinciæ. Per statuta enim generalia Tollerana, titulo de absolutione ex Clemente IV. dicitur quòd circa confessiones Fratrum seruentur statuta Religionis: ac proinde tunc confessio facta Fratri alterius Prouinciæ erit nulla: quia statuta Prouincialia sunt etiam statuta Ordinis ab illo permessa, & approbata. Idem dicendum si in aliqua Prouincia sit statum vt tales Confessores illius sint solùm Confessores pro Fratribus Sacerdotibus illius: vel pro solis Fratribus illius, tunc enim prædicti Confessores non poterunt audire confessiones Fratrum alterius Prouinciæ, neque Fratrum suæ Prouinciæ, si non fuerint Sacerdotes. At quando non est tale statutum, & consuetudo promiscua, & tolerata*
viger,

viget, fiet id quod supra citauimus ex Rodriguez.

12 Minoritis, & ferè omnibus aliis, prohibitum est confiteri Clerico sæculari, vel Religioso alterius Ordinis. At si sint extra Conuentum itinerantes, neque habent Confessorem Ordinis, & obliui sunt petere licentiam confitendi extraneo Confessori; poterunt id facere extra Conuentum, quia quando licentia datur ad itinerandum, in illa includitur licentia confitendi Sacerdoti extraneo fragilitate naturæ humanæ, & necessitate celebrandi; si tamen subditus ante egressum præuideat, tenetur petere talem licentiam.

Circa quod primò nota, quòd oblata necessitate graui celebrandi extra Conuentum si habeat peccatum mortale, & non habeat nisi confessorem sæcularem, tenetur illi confiteri: & non poterit celebrare cum sola contritione; quia hîc militat præceptum diuinum, & Ecclesiasticû generale confitendi, quod præualet præcepto positiuo Religionis non confitendi extraneo.

Nota secundò, iuxta omnes in tali casu prædictum Confessorem sæcularem non posse absolvere hunc Religiosum ab aliquo reservato, quia non habet ad id auctoritatem: idem dic de Confessore Regulari alterius Ordinis. Sed quæris, num Religiosus hic extra Conuentum positus habens omnimodam necessitatem celebrandi, carens Confessore Ordinis: habet tamen peccatum reservatum, & habet à suo Prouinciali auctoritatem passiuam, vt absoluatut à reservatis, toties quoties: an, inquam, hic in tali casu possit absolui à Clerico sæculari à reservatis? hoc dubium apud nullum reperi decissum: ego saluo meliori iudicio, credo quòd poterit, & valebit absolutio ita, vt non indigeat alio recursu. Probatut, quia tunc Clericus Confessor est legitimus Confessor absoluens à mortalibus non reservatis: maxime si ante egressum petita est ad hoc licentia sine fraude: & præterea subditus hic potest validè absolui à quouis legitimo Confessore, à reservatis propter licentiam Prouincialis: ergo nihil deest ad validam absolutionem tunc à reservato illo. Vide numero proxime sequenti hoc magis probatum.

13 Martinus V. concessit Patribus sancti Hieronymi. in Hispan. ut existentes extra Conuentum possint eligere Confessorem Regularem, vel sæcularem, qui eos absoluat in omnibus casibus à quibus absolui possent existentes in Monasterio. In Compend. dicti Ordinis ver. *Absentes à Monasterio.* §. 10. & eod. Compend. ver. *Absoluere.* §. 2. illis conceditur, ut absentes à Conuentu possint absolui per Confessorem sæcularem, ab omnibus casibus excommunicationis, & aliis qualitercumque incursum reseruatis Episcopis per ius, siue per constitutiones, siue per consuetudinem. Sed nota quòd per hoc non conceditur absolutio à reseruatis Prælati Ordinis.

14 Regularis extra Conuentum habens licentiam confitendi cuius Confessori approbato, potest confiteri Confessori alterius Ordinis, qui est Confessor tantum Fratrum, & non sæcularium. Nam Concil. Trident. sess. 23. cap. 15. quando in Confessore requirit approbationem Episcopi, loquitur tantum de confessionibus sæcularium etiam Sacerdotum. Nihil verò loquitur de confessionibus Religiosorum adinuicem, unde cum talis Confessor, de quo proximè, sit approbatus pro Regularibus, & prælatus subditi id non vetet, imò virtualiter permittat in illo verbo generali (*Confessori approbato*) valida videtur talis confessio. Si verò non fuerit prædictus Regularis Confessor Fratrum in suo ordine: tunc non poterit, quia est simplex Sacerdos. Rodriguez *tomo prim. question. 62. articul. 4.* & clarius Nauarr. in *Summ. Latina capit. 4 §. in postrema.* Et Suarez *tomo de pœnitent. disputat. 28. section. 4. numero quinto,* ubi ait cum Nauarr. posse Prælatum dare licentiam subdito itineranti, ut confiteatur ciuilibet Sacerdoti idoneo, non approbato ab Episcopo: quibus verbis innuunt ambo posse Prælatum dare licentiam subdito itineranti, ut confiteatur simplici Sacerdoti aliàs idoneo, non approbato ab Episcopo. Idem tenet Fr. Ioan. à Cruce in *sua Epitom. priuileg. lib. 1. cap. 6. §. Nota idoneum.* & Vega Minimis in *Sum. 1. par. verbo Confessor, casu 2.*

Ar

At non possum consentire cum eo quod ait Vega, *citato loco, casu. 3.* videlicet, quòd si Prælatus mittat extra Conuentum duos Fratres quorum neuter est Confessor Fratrum, sed sunt Sacerdotes simplices ambo, posse hos ambos extra Conuentum se audire de confessione adinuicem, ex virtuali licentia Prælati iubentis illos itinerari. Et arguo ad hominem, quia ille *citato casu 2: precedenti*, ait non posse Fratrem itinerantem confiteri alteri Religioso alterius Ordinis nisi sit Confessor Fratrum: ergo neque id poterit facere cum Religioso eiusdem Ordinis qui non est Confessor Fratrum. Si verò instes; quod potest Prælatus ex Nauarr. & Suarez *citatis proximè*, dare licentiam subdito itineranti vt confiteantur Clerico non approbato, ac proinde poterit dare licentiam virtualem, vt confiteatur Regulari simplici Sacerdoti eiusdem Ordinis. Respondeo primò attendendam esse praxim Religionis: in nostra enim Franciscana, in qua frequentiores sunt egressus similium Fratrum Sacerdotum simplicium, hoc nunquam vidi praticari, & res omnino noua apud nos videbitur: maximè quia Guardianus apud nos non potest facere cum sua licentia Confessores Fratrum, sed id solus Prouincialis potest facere. Dico secundò quòd si in aliqua Religione vel Prouincia, obtinuit consuetudo ita faciendi non condemnabo, quia habet supradictum fundamentum pro se sumptum ex Nauarr. & Rodriguez, & Suarez. Et præterea illud pro tunc non est Prælatum localem approbare in Confessorem absolute: sed vti epichea, & vti illo quod secundum ius commune aliàs posset facere nisi foret restrictum, sed pro nunc videtur concessum. Sed tamen, vt dixi, apud Franciscanos non consulo propter rationem tactam, & inauditam consuetudinem.

15 Potest Confessor Regularis ex Mendicantibus semel in vita, & in articulo mortis suos consubditos absoluerè ab omnibus casibus, & peccatis plenariè nullo casu excepto cum omnimoda authoritate: ac dispensare cum illis in omni irregularitate excepta illa quæ oritur ex homicidio voluntario, & bigamia, & mutila

mutilatione membri. Et idem possunt circa Moniales, & Nouitios habentes propositum profitendi. Rodr. tom. 1. quest. 62. art. 6. & Compend. D. Hieronym. verbo *Indulgent plenaria* §. 7. addit quod cum aliquis Fratrum in dementiam siue letargum inciderit, vel loqui non poterit, quivis presbyter Regularis, vel secularis tunc illum absoluat pro ista concessione. Addit tamen Collector Privilegiorum Minorum verbo *Absolutio extraordinaria quoad Fratres*, quod ut tunc licite d. tur absolutio debet intervenire licentia Prælati. Circa Moniales verò Sanctæ Claræ ex dictis, & citatis ibi à Rodriguez facta est ista concessio, ut quatuor diebus in anno absoluantur plenarie modo prædicto, sicut si ipse Papa audiret Confessiones. Et hac rursus concessione quoad quatuor dies in anno, gaudent Minores: quia sicut dictum est supra verb. *Communicatio Privilegiorum*, concessa Monialibus Sanctæ Claræ, etiam conceduntur Minoribus. Miranda tom. 1. quest. 33. art. 9. & supra verbo *Communicatio privileg. num. 3.*

16 Non possunt Confessores Fratrum de ordinario circa illos absoluendos, omnia quæ possunt confessores Regulares erga seculares per privilegia concessa. Nam per Bullam concessam Patribus Societatis I E S V Pauli III. (de qua infra num. 22.) possunt absolvere seculares ab omnibus casibus reservatis Sedi Apostolicæ exceptis Bullæ Cœnæ, &c. Et tamen hoc non possunt de ordinario erga Fratres: quia Paul. III. id concessit pro secularibus, non verò pro Fratribus. Ita Rodrig. in *Addit. Sum. Moral. tom 3. c. 12. conclusione. 2.* Et proinde videat confessor Regularis quid possit erga suos Fratres iuxta sua privilegia, vel regulam, vel statuta.

17 At Confessores Religiosi, qui sunt confessores Monialium, possunt illa absolvere ab omnibus reservatis Sedi Apostolicæ. Compend. verbo *Monialis* §. 12. & ibi dicitur quod hoc possint toties. Excipe hæresim, & casus Bullæ Cœnæ iuxta dicta verbo *Abbas.*

18 Possunt Confessores Regulares semel in vita dispensare cum Religioso ipsos ad id eligente in confessione; dispensare, inquam, in omni irregularitate, excepto

cepto homicidio voluntario, bigamia, & mutilatione membri. sic Eugen. I V. Religiosis de Guadalupe apud Rodrig. q. 51. cit. art. 13. Idem Eugenius I V. concessit Patribus S. Hier. in Hispan. in illorum Compend. ver. *Absolvere Fratres*, §. 9. ut Confessores à priore deputati possint absolvere Fratres toties quoties ab omni excommunicatione incurfa diuina celebrando, vel Ordines sacros recipiendo; & cum illis dispensare, in omni irregularitate excepta bigamia, & homicidio voluntario.

Hæc concessio, ponderatione digna est, eò quòd sit magna, & ob id quod dicit, debere ad hoc illos Confessores deputari ad hoc intentum, quod in aliis concessionibus Pontificum reperies. Vbi per deputationem Confessorum, non intelligo approbationem ad confessiones audiendas, hoc enim solis Prouincialibus conuenit: sed intelligo debere esse deputatos, id est, designari debere iam Confessores factos, ut iuxta hanc, & similes concessionem Papales possint Fratres absolvere; eo modo quo necesse est ut Confessores Minorum dispensaturi cum sæcularibus coniugatis ad petendum debitum, in casibus prohibitis, deputentur à Prouincialibus, & ab illis particularem licentiam obtineant dispensandi in tali petitione. Et hoc applicabis in cæteris concessionibus similibus ubi aliquid committitur confessoribus deputatis.


19 Idem Compend. D. Hier. ver. *Irregularitas*, §. 10. refert priuilegium Montis Oliueti per quod conceditur quod possit Frater quicumque eligere Confessorem, qui illum absoluat à quauis irregularitate, ut possit officia Ordinis recipere, vel retinere ex Pio I V. sed hoc saltem apud nos Minoritas nō video esse in usu: maxime si ibi pro absolvere ab irregularitate, intelligit habilitare ad officia: hoc enim solis Prælati conceditur si loquamur de ordinario, & pro semper. Vide n. *sequenti*.

20 Martinus V. concessit iisdem Patribus S. Hier. in suo Compend. ver. *Absolutio specialis* §. 1. quòd Confessores in eodem Monasterio expositi possint semel tantum absolvere, reconciliare, & habilitare omnes Fratres tam professos, quàm Nouitios de Guadalupe,
in

in omnibus casibus Papæ reſeruatis. Et in aliis delictis quibuscunque etiam inhabilitatem inducentibus, & executionem ordinum impredientibus: & abſoluere ab omnibus cenſuris à iure, vel ab homine, & cum eis diſpenſare: ſiue inhabilitas contrahatur ante vel poſt ingreſſum ordinis.

21 Poſſunt iidem Confeſſores cum Fratribus diſpenſare toties quoties in irregularitate contracta ex indubitata celebratione ſi illam incurrerunt per ignorantiam, vel inaduertentiam. *Rodr. cit. art. 13.* vnde innuit quod ſi fuit contracta ſcienter, non poterunt illam diſpenſare: & proinde non eſt iſta magna conceſſio. Securior autem reſcurſus in Religioſo ſemper erit tum pro abſolutionibus, tum pro diſpenſationibus recurrere ad Prælatum, qui poteſt erga ſubditos quod iam diximus ſuprà ver. *Abbas*, & copioſius dicetur infrà ver. *Prælatus*, de poteſtate illius ad abſoluentum Fratres, & ver. *Diſpenſare*.

CONFESSOR REGULARIS, erga ſæculares.

22  Miſſis iis quæ ſunt leuiores, poſſunt Confeſſores Regulares abſoluere ſæculares ad ſuos Conuentus venientes pro quibus ſunt approbati, toties quoties ab omnibus peccatis, & cenſuris, Sedi Apoſtolicæ reſeruatis; exceptis cenſuris contentis in Bulla Cœnæ Domini. Et poſſunt etiam illorum vota in opera pia commutare (non diſpenſare) exceptis votis caſtitalis Religionis, Romæ, Hieruſalem, & S. Iacobi. Sic Paul. III. conceſſit Patribus Societatis I E S V, habetur in illorum Compend. ver. *Abſolutio* §. 1. & idem poſſunt cum illis communicantes. Quibus verbis attentis non poſſunt virtute illius conceſſionis diſpenſare vota, neque diſpenſare in irregularitate.

Huius priuilegio videtur obſtare quod tradit Miranda *tom. 1. quaſt. 46. art. 2.* vbi affert duas declarationes
Cardina

Cardinalium de consilio Clementis VIII. in quibus sub grauibz pœnis prohibetur sæcularibus Confessoribus, & Regularibus ne virtute aliquorum priuilegiarum absoluant aliquem sæcularem ab aliquo casu reseruatò Papæ, vel Episcopis à iure, vel ab homine : idque sub pœnis grauibz ibi expressis, decernens absolutiones datas fore nullas. Et videtur supponere Miranda prædictam reuocationem valere pro tota Ecclesia, passim enim in illo articulo, & aliis dicit hodie Religiosos. non posse taliter facere.

At, sicut iam suprâ tetigi, illa prohibitio facta est pro sola Italia, vt videre licet in prima declaratione à Miranda adducta. sub his verbis (*per vniuersam Italiam extra urbem degentibus*) Quod adhuc ego probo : nam prædictæ declarationes factæ sunt anno 601. & 602. pro vt ibi citat Miranda. At nouissimè post illos annos in Hispania viri doctissimi scripserunt dicētes, vel innuentos posse Regulares absolvere à prædictis reseruatis virtute suorum priuilegiarum. Primus, & clarior, est Rodriguez in *Addit. ad Sum. Moralem tom. 3. cap. 12. conclus. 1. & 2. & tom. 4. cap. 118. num. 18.* sunt verò impressæ illæ Additiones anno 612. Et pro casibus Episcopo reseruatis tenet Suarez de pœn. disp. 30. sect. 3 num. 16. in fine. Et Fr. Ioann. à Cruce in sua *Epitom. priuileg. eandem Bullam Paul III. post illas declarationes, citat tanquam validam, fol. 123.* Quam Epitomen prælo dedit anno 1617. Imò ipse Rodrig. in *eisdem Additionibus 2. par. c. 18. conclus. 18.* in particulari tractans hoc dubium, dicit, intelligi pro sola Italia. Et Vega Minimus impressus anno 606. 1. parte, verbo *Casus reseruati, casu 1. & casu 15* eandem Bullam Pauli III. citat vt validam. Non est autem credendum tot ac tales viros in hoc deceptos fuisse ; & rem tam necessariam ignorasse, si extra Italiam illa prohibitio ligaret.

83 Possunt Confessores Regulares, si sint docti, specialiter à suo Prouinciali ad hoc deputari dispensare cum vxoratis fœminis, aut viris, vt petant debitum coniugale, à quo petendo impediti sunt aliàs, ob vorum castitatis emissum, vel ob coitum incestuosum,

vel cum affini : & hoc cum onere vt sic dispensatos moneant vt si superuixerint, absolute non contrahant cum illis consanguineis, vel affinibus: vel omnino seruet votum castitatis antea omissum. Sic concessit Pius V. Minoritis anno 1569. Et nota quod illa licentia data vni Confessori ab vno Prouinciali, non expirat amoto Prouinciali ab officio : quia illa facultas non datur à Prouinciali, sed à Papa, & licentia Papæ nunquam expirat : fuit verò ibi Prouincialis quasi nudus Minister declarans, vel designans illum cui Papa concedit, eo modo quo Prouincialis designans Confessores præ sæcularibus, non illis dat iurisdictionem absoluedi, sed ipse Papa : & proinde illa iurisdictione non expirat amoto Prouinciali.

24 Possunt hi Confessores absolvere sæculares à casibus Episcopis reservatis à iure, vel per statuta. Rodriguez, *Addition. ad Sum. capit. 12. conclus. 1. tom. 3. & citati num. 22.*

25 Possunt Confessores Regulares dispensare in votis sæcularium quando talia vota fuerint Episcopo reservata, sed ad hoc debent deputari quatuor Religiosi à Prælato, iuxta supra dictum num. 18. de ista deputatione. Sic concessit Eugen. IV. & Pius II. in Compend. Min. verbo *Absolutio quoad sæcul. 2. §. 16. & 17. & 19.* Et Martinus V. idem concessit Benedictinis Vallis Oletæ, vt citat Compend. Societatis IESV, verbo *Dispensare §. 10.* Et hoc compendium non facit mentionem de quatuor assignandis pro hoc à Prælato. Et idem habet compendium D. Hieronym. ver. *Dispensatio in sacramento pœnitentia per communic. §. 3. toties quoties.*

26 Paulus III. concessit eidem Patribus, vt possint sæcularium vota commutare etiamsi sint iurata, exceptis illis, quæ sunt excepta numer. 22. Nummodo id non fiat cum præiudicio tertij. Rodrig. tom 1. *question. 63. articul 4.* Sed pro ista dispensatione, & commutatione votorum erga sæculares; vide omnino scitu digna infra verbo *Dispensare à numero 14. & sequentibus*

27 Possunt etiam illam commutare, omnia iuramenta votiua, excipe etiam illos quinque casus num. 22. positos.

tos Rodriguez *citat questio. art. 5.* Distinguuntur verò vota iurata, & iuramenta votiva hoc modo. Si dico, voueo, & iuro me tale facturum; est votum iuratum, si verò dico: Iuro me tale facturum in honorem Dei; est iuramentum votivum. Et Rodriguez *cit. art. 5.* ait posse nos commutare iuramenta sacularium, quādo sunt nuda, & simplicia iuramenta, vide infra verbo. *Votum.*

28 Possunt Regulares Confessores commutare, & dispensare omnia vota pœnalia sacularium, etiam si sint castitatis & Religionis post pœnam incursum, seu votum fractum, verb. grat. si quis sic vouet: Promitto Deo me non fracturum tale ieiunium; quod si fregero intra-bo in Religionem. Hic quādiu ieiunium non frangit, non obligatur ad Religionem: si verò fregerit, est obligatus ad illam quasi ad pœnam fracti ieiunij. Et in hoc voto pœnali Religionis sic incurso ob pœnam, tenent multi Doctores quod possunt dispensare Episcopi & privilegiati (idem dic de voto castitatis similiter pœnali) & causa est, quia quādo votum Religionis reseruetur Papæ, intelligitur quādo illud promittitur absolutè, simpliciter & independentè à pœna, & est simpliciter Religionis votum. Non verò est tale votum quādo est pœnale seu fit in pœnam, non enim tunc id promittitur absolutè, & independentè. Sic tenet Henriquez *lib. 7. tom. 1. capit. 30. num. 6.* citans multos, & Rodriguez *tom. 1. Quæstionar. quæstione 63. artic. 7.* Sed securius est, ut fiat per Bullas, & commutationem, non per dispensationem.

CONFESSOR REGVLARIS
circa censuras & irregularitates
sacularium.

19 **P**ossunt Regulares absoluere nominatim excommunicatos ad instantiam partis, si ipsi iam satisfecerunt parti læsæ: & facta ista satisfactione non

est necessaria licentia excommunicantis pro foro conscientie. Rodriguez *tom. 1. quæst. 6. art. 6.* imò *ibidem* ait manere absolutos etiam pro foro externo. Hoc verò non possunt, si parti non satisfecerunt.


30 Possunt absolvere illos qui Ecclesiis Regularibus violentiam fecerunt: vel etiam personis sacris violentiam intulerunt, satisfacta tamen parte: vel furtum sacrilegum commiserunt, patet partim ex Compendio Minorum ver. *Absolutio quoad saculares 2. §. 15. & ex num. 22. supra hoc ver.*

In absolutione verò ab his censuris non tenentur confessores Regulares servare formam absolutionis publicæ utendo scilicet virgis, & dicendo Psalmum, *Miserere mei Deus.* Ita enim concessit Leo X. apud Compendium ver. *Absolutio quoad saculares 1. §. 13.*

31 Non possunt Regulares confessores erga sæculares quæ Episcopi per Tridentinum possunt erga illos in foro conscientie. & hoc est certissimum. Verbi gratia, non possunt absolvere illos ab hæresi: nec dispensare in impedimento matrimonij occulto instante periculo & necessitate, & similibus. Vide infra ver. *Votum numero 64.*

32 Omnes prædictas absolutiones à censuris possunt Confessores Regulares dare sæcularibus etiam extra Sacramentum penitentiae, si à solis censuris debeant absolvere: scus si ab aliquo peccato etiam veniali debent absolvere: tunc enim omnino intra sacramentum fiet, vide infra verbo *Votum, n. 31.* Rodriguez *tom. 1. q. 61. art. 7.* Et Suarez *romo de legibus, lib. 8. c. 6. n. 16.*

CIRCA IRREGVLARITATES *sacularium.*

33  Ompend. D. Hieronym. in Hispan. verbo *Absolutio quo ad omnes, §. 3.* ait, posse suos Confessores de Huadalupe dispensare cum sæcularibus in omni irregularitate contracta ratione alicuius excommunic

communicationis, interdicti, suspensionis, vel celebratione diuinorum à quibus censuris Episcopi possent absolvere, vel in irregularitate dispensare, & eod. verb §. 18. concedit, quod semel tantum dispensare possint in irregularitate Clericorum illam Ecclesiam visitantium, & eos habilitare ex eo solum quod existentes publici concubinarij diuina celebrarunt. Et Sixtus IV. Minoribus concessit in Monument. Ord. fol. 68. concess. 131. vt possint suos familiares qui ad hoc Confessorem elegerint absolvere ab omnibus censuris, & dispensare cum illis in omni irregularitate excepto homicidio voluntario, & mutilatione membri. Excipe casus Bullæ Cœnæ.

34 Maius est quod refert Vega Minimus, Sum. verb. *Absolutio casu* 44. §. *Dixit, que lo dicho.* vbi dicit suis Minimis concessum esse à quodam Legato, & confirmatum à Sixto IV. in hunc modum: *Vt possint confessiones audire, & ab omnibus casibus, excommunicationibus, suspensionibus, & interdictis: ac super quacumque irregularitate, Ordinario, tam à iure, quàm ab eo reseruat, & premissis toties quoties absoluenti, & dispensandi, vota quacumque, permutandi, & relaxandi, ac pœnitentiam salutarem iniungendi facere possint, ac valeant.* Sic ibi: vbi videtur loqui clarè de Confessoribus erga sæculares, vt patet ex antecedentibus & sequentibus ibi. Et sic citat Rodriguez tom. 1. *quest.* 61. *art.* 3. & eodem modo citatur in Compendio: verbo *Absolutio quoad sæculares primo* §. 20. Quæ quidem concessio ob sui magnitudinem mihi quoad praxim dubia videtur. Neque Summi Pontifices erga sæculares ita faciles sunt in materia dispensationis istius, cum etiam in Cruciata & in Iubileo plenissimo hanc facultatem, non dent sic liberaliter, & Ioan. à Cruce in *sua epitom.* fol. 128. citat hanc concessionem, sed non facit mentionem de dispensatione in irregularitate. Imò Cordub. apud Capucinum in Compendio fol 53. *ad citatum* §. 20. Compendij; ait prædictam concessionem Minimorum in verb. *Dispensandi ibi posito*, nihil concedere Minimis erga vota sæcularium: & sic respondisse quendam Prouincialem Minimorum, quod, scilicet quoad dispen-

sandum, ipsi non extendebant manus ad sæculares: unde supponitur quòd per illam non possunt dispensare in irregularitatibus sæcularium.

34 Possunt Confessores Regulares si sint docti, & à Prouinciali deputati, aperire litteras destinatas à Papa Magistris Theologicis, vel Canonistis, etiam si tales Confessores, non sint Doctores, & Magistri: & per illas possunt delatores illarum absoluerè iuxta illarum tenorem, & imponere pœnitentias in illis contentas, Compend. Societatis verbo *Confessarius*, §. 3. Sed nota quòd Prouinciales non possunt ad hoc designare nisi viros valde doctos: nam Summus Pœnitentiarius has litteras clausas non diiigit nisi Doctoribus graduatis in iure canonico, vel Theologia: & probatur, quia tales litteræ continent clausulas multas, quæ requirunt magnam litterarum peritiam; ac maiorem quàm habeat Confessor Ordinarius. Quas clausulas optimè, & fusè explicat Sanchez *lib. 8. de matrim. disp. 34. c. 35.*

A D D I T I O.

Quondam hoc verbo, dixi *num. 9.* cum Rodriguez ibi citato probabilius esse Confessorem Regularem approbatum ab Episcopo absque licentia sui Superioris non posse validè confessiones audire, propter Clementinam *dudum. de sepulturis*. Nunc in eadem opinione persistens, illam amplius confirmo, per hæc, quæ ad alia dubia poterunt inferuire. Quæ talia sunt, desumpta ex Suarez *locis infra citandis.*

1 Quando lex præscribit aliquam formam seruandam pro aliquo actu faciendo, si illa forma præscripta est substantialis, & omittitur, actus factus est nullus: patet in Sacramentis, in quibus si desit forma, vel materia substantialis, nihil efficitur: secus si desit cæremonia accidentalis. At si actui faciendo præscribitur forma accidentalis tantum, omissio illius non annullat actum. Ita Suarez *lib. 5. de legib. 31. c. 32.* Ad cognoscendum

Secundum verò an forma præscripta pro actu faciendo sit substantialis, an verò accidentalis, ibidem Suarez, & alibi has Regulas assignat.

2 Prima est: Si forma præscripta per legem ante factionem actus, continet naturalem æquitatem circa actum, tunc ommissio eius reddit actum invalidum. Suarez *ibi. cap. 31. num. 3.* Tunc autem regula, seu forma præscripta actui, continet naturalem æquitatem respectu actus, quando præscribit rem valde necessariam ad talem actum. Secunda regula. Quando lex præscribit formam actus faciendi, & simul denuò dat potestatem ad faciendum actum sub tali forma quæ potestas antea non dabatur, tunc talis forma ommissa annullat actum, *cit. cap. 31. num. 9.* Tertia regula ponitur à Suarez *cit. cap. 32. num. 3.* Quando ante ipsum actum præcipitur fieri aliqua solemnitas, verbi gratia, informatio, vel examen prævium, ommissio talis informationis, vel examinis ommissi vitiant actum. Quia in his omnibus, ait Suarez, omittitur forma substantialis actus, & proinde redditur nullus.

3 His applicatis ad nostrum intentum dico: In dicta Clem. dudum: *de sepulturis.* præcipit Papa pro actu approbationis Confessorum faciendâ ab Episcopo, vel Prelati Prædicatorum Fratrum, & Minorum antequam suos Confessores præsentent Episcopo, ait Papa: *Eligere studeant personas sufficientes. (fratres scilicet) idoneos, vitæ probatos, &c. ad tam salubre officium exequendû.* Hæc est forma præscripta à Papa pro actu faciendo ante approbationem Confessorum. Quæ forma clarè requirit præviam electionem, examen, & licentiam Prælatorum pro validitate approbationis futuræ Episcoporum. Quòd autem hæc forma ibi præscripta à Papa sit substantialis, cuius ommissio annullat approbationem solam Episcopi: probò ex supradictis regulis. Primò, quia Prælatum Regularem prius examine Fratres idoneos, doctos, probatæ vitæ, &c. continet naturalem æquitatem cum tali approbatione, imò rem necessariam respectu talis approbationis Episcopalis. Secunda regula etiam hîc repetitur, quia in tali

forma ibi præscripta in Clementina, denuò datur p-
testas ad approbandos. Confessores, quæ antea iuridi ca-
talis non dabatur. Tertia regula patet, quoniam in præ-
scripta forma à Papa iubetur prius fieri informatio,
seu examen à Superioribus Regularibus circa vitam,
& sufficientiam Fratrum approbandorum: ac proinde
prædicta forma ibi præscripta est forma substantialis
talis actus, quæ proinde omiſſa reddet nullam approba-
tionem factam ab Episcopo sine licentia, approbatio-
ne, & examine Prælati Regularis, quæ omnia ibi præ-
scribuntur, & iubentur tamquam forma futuræ appro-
bationis Episcopalis.

4 Quando in aliqua Bulla, vel Iubilæo conceditur
facultas eligendi Confessorem approbatum ab Episco-
po: intelligitur quod sit approbatus ab Episcopo, vel Su-
periore ipsius Confessoris: non verò approbatus ab Episco-
po, ipsius pœnitentis. Ita Suarez *tom. 4. de Pœn. disp.*
28. sect. 6. num. 10. Pater Ægidius *tom. 2. disp. 8. num. 10.*
referens de hoc duas Cardinalium Declarationes. Quæ
res explicatur in particulari per vnam ex illius duabus
Declarationibus Cardinalium, quam citat Suarez *cit.*
loc. num. 6. quam sic transcriptam accipe. *S. D. N. decla-*
ravit tempore Iubilæi posse omnes Regulares confiteri
peccata sua Sacerdotibus approbatis ab Ordinario ad au-
diendas confessiones: in Bulla enim non fit mentio, nisi de
Ordinario eorum qui audituri sunt confessiones. Non au-
tem de Ordinario pœnitentium: sic ibi. Quibus verbis
clare innuit posse per Iubilæum Religiosum, imò &
Religiosam eligere Sacerdotem sæcularem approbatum
ab Episcopo ipsius Clerici: tunc enim eligitur Confessor
approbatus ab Episcopo ipsius Clerici electi: neque re-
nebitur talis Monachus, vel Monialis eligere Confesso-
rem Regularem Ordinis approbatum à Prælato suo Re-
gulari, qui est Superior ipsius Religiosi, seu ovis pœni-
tentis. Imò istam declarationem citat Rodr. in Bullario,
fol. 114. col. 2. ex Greg. XIII. & transit cum illa. Quoad
sæculares verò declarat Suarez *cit. loc. num. 4.* hoc
exemplo si subditus Conimbricensis existat Olyssipone,
& ibi per Bullam Cruciatæ velit eligere Confessorem
approba

approbatum, sufficiet eligere Clericum approbatum, ab Episcopo Conimbricensi: talis enim Clericus est approbatus ab Episcopo ipsius Clerici Confessoris electi. Confessor approbatus in vno Episcopatu, potest eligi Confessor in quocumque alio Episcopatu: uentus fuerit, ab illis, qui per Bullam facultatem habuerint eligendi Confessorem approbatum. Ita Cordub. in Sum. Moral. q. 10. in Resp. ad 2. & Rod rig. in Exposit. Cruciatæ, §. 9. dubio. 2. & alij.

AN TEMPORE IUBILÆI POSSIT

Monacha confiteri Sacerdoti seculari?

6 **I**ubilæum magnum voco illum, qui à Summis Pontificibus conceditur toti Ecclesiæ pro necessitatibus publicis, maximè quando primò eliguntur. De tempore ergo solius Iubilæi magni, & generalis, Capucinus ad Compendium 1. p. in resolutionibus de materia absolutionũ, fol. 91. §. Hinc recentiores. Primò dicit aliquos recentiores Põtifces in suis Iubilæis clarè expressisse posse etiã quilibet Religiosum eligere Confessorem approbatum, siue Regularem, siue sæcularem: & sic declarasse Sixtum V Gregor XIV. & Clement. VIII. in suis Iubilæis. Secundò dicit Capucinus, quòd si Papa id non explicet in Iubilæo, id non potest fieri, sed debent stare iuri communi, & statutis suæ Religionis.

Oppositum tenet Nauar. lib. 5. Consiliorum, titul. de Pœnit. & remissionibus consil 19. ubi absolutè, & sine distinctione dicit tempore Iubilæi posse Religiosum (eadem ratio est de Moniali) eligere Confessorem Clericum sæcularem: Probat primò, quia lex, per quam redditur ad ius antiquum, est fauorabilis, & amplianda, quia res facilè redit ad suam antiquam naturam. cap. ab exordio 35. dist. cum ergo secundùm iura antiqua quilibet Christianus posset cuilibet Clerico sæculari confiteri, ad quem morem concessio ista generalis Iubilæi facit adire subditos, sequitur quod est concessio

fauorabilis, & amplianda. Secundò quia, vt ait Nauar. vtile est populo Christiano vt aliquando detur facultas confitendi alijs quàm ordinarijs confessorijs: vnde Concil. Trid. *sess. 25. de Reg. cap. 10.* iubet vt Montalibus bis, vel ter in anno Confessores extraordinarij offerantur. Cùm ergo in Iubilæo ostendat Papa maiorem liberalitatem, quàm in alijs concessionibus: & idem det licentiam eligendi Confessorem, videtur quòd licet non exprimat, id concedit etiam Regularibus. Adde quòd fere in omnibus Iubilæis. Sum. Pontificis verba ponunt id clarè, vel virtute sonantia: ad quæ remitto lectorem. Quæ opinio Nauarri potest defendi, & practi- cari propter authoritatem tanti viri, & propter funda- menta sufficientia ab eo allata. Et præterea quia Papa sciens, & volens, id exprimit, & potest facere. Et aliquando conducit id concedi, propter infirmitatem fragillium pœnitentium: Maximè cùm ista concessio Iubilæi ma- gni ratio concedatur: neque ex hac concessione sequen- tur inconuenientia illa, quæ sequerentur, si vterentur ad hoc particularibus Bullis confraternitatum.

CONFESSOR DISPENSANS

*cum coniugatis ad petendum
debitum.*

- 7 **D**ixi olim hoc verb. *num. 13.* Confessores Re-
gulares participâtes in priuilegijs cum Mino-
ritis, & de puratos specialiter à suis Prouincia-
libus posse dispensare cū secularibus cōiugatis ad petē-
dum debitum illis negatum ratione voti castitatis, vel
ratione coitus incestuosi. Nunc circa hoc aduerto, quòd
concessio Pij V. solū dicebat posse illos dispensare
cum illis coniugatis, qui ante matrimonium fecerunt
votum castitatis. Prædicta verba innuunt, quòd possit
cum illis dispensari, qui iam nunc consummarunt ma-
trimonium, & viuunt simul in vita matrimoniali, cū
ipsum votum castitatis factum sit ab vtrovis illorum
antequam matrimonio iungerentur. In quo casu nullus du

dubitat prædictos Confessores posse dispensare.

8 Sed dubium est an, si fecerunt votum castitatis antequam matrimonium consumment, iam verò sunt in facie Ecclesiæ iuncti per matrimonium ratum, nondum consummatum, possit talis Confessor dispensare cum illis, vt petant debitum, & consumment matrimonium? Azor. *tom. 1. lib. 11. cap. 19. qu. 20.* cum aliis credit non posse tunc dispensare, quia ille taliter impeditus tenetur intrare Religionem antequam matrimonium consummet. At melius tenet Sanchez *lib. 4. Decalog. c. 43. num. 11.* dicens etiam tunc cum illo posse dispensare vt consummet matrimonium. Ratio est, quia secundum probabiliorē opinionem iste talis non tenetur intrare Religionem, quia illam non vovit, sed solam castitatem. (vt alibi Doctores multi dicunt in materia de voto) & è contra cum ille possit manere in seculo, & teneatur aliàs consummare matrimonium ratum reddendo debitum saltem intra bimestre, maneret in graui peccandi periculo petendi debitum, & sic cum illo potest dispensari vt consummet matrimonium. Et idem sentit Sayro *lib. 6. Clau. Reg. c. 11. n. 104.* Vega *1. tom. Sum. cap. 119. casu 118 puncto 2.* Atque idem dicendum est in priori bimestri ante consummationem.

9 Hinc obiter colliges quòd si quis contraxit matrimonium ratum, & ante consummationem matrimonij veniat ad Confessorem Regularem petens vt secum dispense ad petendum debitum, & consummandum matrimonium propter votum simplex Religionis quod antea fecerat, non potest Confessor Regularis cum illo dispensare ob duas causas. Prima est, quia iste talis adhuc tenetur, & potest intrare Religionem, quia illam vovit. Secunda est, quia Pius V. per illam concessionem solùm concessit dispensari cum impeditis propter votum simplex castitatis præcedens: non verò cum impeditis voto simplici Religionis. Hoc enim votum semper obligat ante consummationem matrimonij. Et postquam matrimonium consummatum est, is qui illud contraxit violato voto Religionis, non indiget dispensatione ad petendum debitum: quia ex vi voti simplicis

plicis Religionis præcisè non tenetur ad castitatem.

10 Quid si conjugatus fecit votum castitatis postquam iam consummauit matrimonium? Dicendum est tunc Confessorem Regularem non posse cum illo dispensare ad petendum debitum ex vi illius Concessionis Pij V. Nam ibi Papa solum concedit pro habentibus votum castitatis emissam ante matrimonium: non verò de facientibus votum post consummatum matrimonium. Sic tenet Rodriguez *tom. 1. qq. Reg. q. 63. art. 2.* & Vega *cit. c. casu 77.* At iuxta Sanchez *cit. c. n. 12.* per aliud priuilegium poterunt id facere Regulares Confessores, per quod scilicet possunt dispensare in votis, quæ possunt Episcopi, & non sunt reseruata Papæ, vt tradit latè idem Sanchez *codem cap. 43. num. 7.* Aduertit etiam Sanchez *cit. num. 12.* quòd si conjugatus fecit votum Religionis post consummatum matrimonium, non potest cum ipso dispensare Confessor Regularis, imò neque Episcopus, sed soluto matrimonio tenetur intrare Religionem.

11 Colliges etiam, quòd licet Pius V. concefferit vt possit talis Confessor dispensare cum coniuge, qui habuit coitum incestuosum cum consanguineo sui coniugis, hoc debet intelligi si talis coitus fuit habitus post contractum iam matrimonium. Nam si talis coitus præcessit contractum matrimonium, nullo modo poterit dispensare, vt matrimonium consummet, talis enim coitus præcedens matrimonium est impedimentum dirimens matrimonium, in quo nullo modo potest dispensari à Confessore Regulari. Si verò talis coitus fiat post contractum matrimonium, tunc non dirimit iam factum, & proinde poterit cum illo dispensare ad petendum debitum. Quòd si præcedente tali coitu incestuoso matrimonium contraxerunt, & consummauerunt, nullo modo potest cum illis dispensari vt petant debitum, quia matrimonium fuit nullum: & tenentur separari, vel remediū dispensationis quærere ad iterum contrahendū.

12 Rodriguez *in Addit. ad Bullam Cruciatam, §. 9. nu. 120.* asserit hanc potestatem concessam à Pio V. vt possimus dispensare cum habentibus votum castitatis re-

stringen

stringendam esse, ut solum illa possint uti Religiosi erga subditos illius Diœcesis, in qua sunt Religiosi. Mouetur quia hoc priuilegium concedit illa sola vota, quæ possunt Episcopi dispensare. At Episcopus non potest dispensare, nisi in votis subditorum suæ Diœcesis. At melius Sanchez *citato cap. num. 15.* tenet non restringi hoc priuilegium ad solos subditos illius Diœcesis; sed extendi ad quoscunque vndequaue venientes: nam, ut ait, illa restrictio, ut possint dispensare in solis votis, quæ potest Episcopus, debet sic intelligi id est: ut nequeant dispensare in votis Pontifici sum. reseruatis, in quibus ratione reservationis non possunt Episcopi dispensare. Cum autem aliàs hanc potestatem dispensandi habeant à Papa, qui toti orbi præest, non est cur restringatur ad solos subditos illius Diœcesis. Hæc enim priuilegia amplianda sunt, non restringenda.

13 Capucinus *Addit. ad Compendium, verb. Votum notabili 7. & Sayro lib. 5. Clau. Reg. cap. 8. num. 10. in fine*, tenent quòd Confessor Regularis non potest facere hanc dispensationem, nisi intra Sacramentum confessionis prebent, quia hæc dispensationes committuntur Religiosis prout iudices sunt in foro interno; sicut dispensationes in foro externo committuntur officialibus Diœcesis, prout sunt iudices fori externi. At Confessor non est iudex fori interni, nisi audiat in confessione ergo. Quo non obstante, magis placet opinio Sanchez *citati cap. 23. num. 17.* vbi tenet cum Suarez quem citat, posse Confessarium Regularem facere hanc dispensationem extra Sacramentum confessionis: quia priuilegia hæc dispensandi non petunt, ut dispensatio fiat intra Sacramentum pœnitentiæ: nisi priuilegium expressè dicat ut fiat in Confessione, vel dicat in foro pœnitentiæ. Nec sufficit dicere priuilegium quòd fiat dispensatio in foro interno, & à Confessore approbato, quia hoc non obstante potest id facere Confessor extra Sacramentum Confessionis. Ratio est, quia nomen *Confessoris* ibi magis est nomen muneris, quàm exercitij actualis, & solum petit, ut pro munere confessiones

confessiones audiendi sit approbatus, non verò quòd actualiter confessiones audiat. Neque item requiritur Confessio, etiamsi dicat privilegium, ut fiat dispensatio pro solo foro conscientiae. Nam hæc verba, in foro interno, vel foro conscientiae, latius patent quàm illa, in foro poenitentiae, vel intra Sacramentum. Forum enim internum, vel forum conscientiae solum dicunt quòd non valeat dispensatio pro foro externo litigioso. Et proinde dispensare in foro interno, vel in foro conscientiae potest fieri secretò extra Sacramentum, ad quietandam conscientiam: taliter tamen dispensatus poterit aliàs puniri in foro externo litigioso. De quo vide latius, & multos citantem Sanchez *lib. de Matrim. disp. 34. num. 29.*

14 Quæris, an dato quod prædicti Confessores Regulares possunt cum his dispensare extra Sacramentum, possint etiam cum illis dispensare in absentia per scriptum, accepta informatione rei per scriptum: dati enim potest casus, in quo urgeat necessitas talis dispensationis, & sit magra difficultas adeundi talis Confessoris regularis. Ego apud nullum inuenio hoc dubitatum. Et inprimis dico talem Confessorem Regularem sic dispensantem in absentia non violare mandatum D. Papæ Clem. VIII. quo prohibetur audire confessiones per scriptum in absentia: hæc enim dispensatio cum his absentibus ob votum castitatis, vel incestum, non est absolutio Sacramentalis, ut patet. Secundo, de ratione dispensationis non est quòd fiat in præsentia: multi enim dispensantur in absentia, à Papa videlicet, Episcopis, & cæteris Prælatiis. Tertio, quia in ista dispensatione facta à tali Confessore Regulari in absentia, non incurrunt, nec timentur illa pericula, quæ timentur in absolutione Sacramentali facta in absentia. Ac proinde his omnibus consideratis, salvo iudicio Ecclesiæ, & Doctorum puto hanc dispensationem, de qua est quæstio, factam sine Sacramento Poenitentiae fieri posse in absentia per scriptum.

CONFESSOR REGULARIS

*aperiens litteras Papa ex com-
missione sui Generalis.*

15 **D**ixi olim hoc verb. *num. 34* ex privilegio
concesso Patribus Societatis I E S V posse
Prouinciales committere Religiosis non
vtrumque, sed valde doctis vt aperiant, & exequantur
litteras obfignatas datas Romæ à Papa, destinatas Do-
ctori Theologo vel Canonistæ innominato, qui illas
aperiat, & examinet contenta in illis, & exequatur
impendendo absolutionem, & remedium pœnitenti la-
tori, seu contento in illis litteris. Sed nora quòd Pro-
uincialis non potest hoc committere, nisi id illi conce-
dat Generalis: quia Gregor XIII. id solum concessit
Generali Societatis I E S V, vt ipse aliis committat. Et
apud illos Generalis committit inferioribus. Et ita de-
bet fieri in alijs Ordinibus, aliàs nihil fiet. Quod ne-
gotium quia gratissimum est, prout iam mihi contigit
in praxi, vt sciant Prælati quali viro tantum negotium
committant, & vt Religiosus taliter destinatus sciat
quid sibi agendum sit: non erit inutile hoc loco tran-
scribere formam summariam; & ordinariam talium
litterarum, & ponere aduertentias seruandas à Con-
fessore tales litteras aperiente. Quin potius ex doctrina
hic posita addiscere possunt aliqua, qui talem licentiam
non habent. Igitur hac de re tota optimè, & in summa
disputat Sanchez *lib. 8. de Matrim. diss. 34. c. 35*. Ego
in summam redigam: forma ergo ordinaria talium
litterarum est hæc.

FORMA LITTERARVM


obsignatarum Papa Doctori Theologo, vel Canonista pro dissolvendo voto Religionis.

N Cardinalis, &c. Discreto viro Confessori Magistro in Theologia, vel Decretorum Doctore ex approbato ab Ordinario per latorem praesentium auctoritate scripta specialiter eligendo salutem in Domino, pro parte latoris nobis oblata petitio, continebat, quod ipse alias graui morbo laborans se Religionem ingressurum simpliciter vouit; cum autem sicut eadem petitio subiungebat, lator praedictus ob stimulos carnis, quos sentis, continenter viuere posse non speret; pro sua conscientia quiete cupit votum huiusmodi ad effectum contrahendi matrimonium in alia poenitentia, & pietatis opera per Sedem Apostolicam commutari. Quare supplicari fecis humiliter, sibi super id de opportuno remedio misericorditer prouideri. Nos igitur qui Poenitentiaria D. Papa curam gerimus, eiusmodi supplicationibus inclinati auctoritate Apostolica specialiter nobis commissa discretioni tua committimus, quatenus si ita esse, ac latorem stimulis carnis adeo agitatum ut maxime dubites continere non posse, ac propterea de eius incontinentia probabiliter rimendum, per diligentem oratoris examinationem, ac post monita, & consilia opportuna illi praestita inueneris: eundem a mutatione propositi absoluas hac vice in forma Ecclesiae consueta: iniuncta ei poenitentia salutari sibi que votum praedictum, ad hoc ut matrimonium legitime contrahere possit, in frequentiam Sacramentalis Confessionis peccatorum suorum singulis scilicet mensibus semel, aut quoties tibi videbitur; & in alia poenitentia opera perpetua per te iniungenda, inter qua sint etiam aliqua Religionis qua quotidie facere teneatur ad eum finem ut ea adimplens meminisse semper possit obligationis, qua huiusmodi voto astringebatur, prout secundum Deum ipsius animae salutari expedire

expedire iudicaueris, dispensando communes in foro conscientia tantum. Dat. Roma, &c.

Prædicta commissio, ut vides, est pro dispensando voto simplici Religionis pro quo petitur dispensatio. Quando verò petitur à Papa dispensatio in voto castitatis, solet forma sequens adhiberi: & suppone prologum proponi eisdem verbis à summo Pœnitentiario, sicut in supra dicta forma de voto Religionis quo præmio omisso, sic solet forma assignari, omissa item narratione de stimulis carnis, quia pro utroque voto eadem causa allegatur.

FORMA PRO DISPENSATIONE COM-
missa Confessori in voto simplici castitatis.

 Vatenus si ita esse, ac oratorem stimulis carnis adeò agitari ut maximè dubites continere posse, & properea de illius incontinentia probabiliter timendum, per diligentem oratoris examinationem, ac post monita, & consilia opportuna illi præstata inueneris, eundem à mutatione propositi absolvas hac vice, &c.

Ponit deinde eadem verba, quæ supra pro dispensatione voti Religionis: & in particulari loquens pro dispensando voti castitatis: iniungens eandem pœnitentias, subdit hæc verba.

Et cum eodem, ut matrimonium sic contrahere, & in eodem postmodum permanere, & debitum coniugale exigere licitè valeat, misericorditer dispenses, in foro conscientia tantum; ita quod si coniugi superuixerit, maneat postea caelebs, & in castitate, utpote eodem voto, ut prius, obligatus. Quod si iterum contraxerit, & consummauerit matrimonium, aut unquam extra matrimonium fornicatus fuerit, sciat se contra huiusmodi vorum acturum. Dat. Roma, &c.

Aliquando verò ponitur clausula, ut littera ista lanientur, seu rumpantur sub pœna excommunicationis, aliquando iubetur ne dentur parti, sub pœna quod aliàs non valeat. Quando autem est dispensatio in affini-

tate ex fornicatione occulta ad ineundum matrimonium, tenor est fere idem usque ad praefationem. Et quod spectat ad talem particularem dispensationem sic dicitur.

*Discretionis tuae committimus, quatenus si ita est, illicitum latorem à pramissi absolute hac vice in forma Ecclesiae consuetudini iuncta eidem pro modo culpa penit. nisi salu-
tari, & aliis, quae de iure fuerint iniungenda, dummodo impedimentum inde proveniens occultum sit: cum eodem latore, quod pramissi non obstantibus matrimonium cum dicta sorore, & uterque inter se serva a forma Tridentini contrahere, & in eo postmodum remanere deit è valeant, iure dispensas. Prolem suscipiendam ex iure legitimā nuntiando in foro conscientiae tantum, ita quod huiusmodi absolute, & dispensatio lateri in foro iudiciario nullatenus suffragetur: nullus super his testibus adhibitis, aut literis datis seu processibus confectis, sed praesentibus laniatis, quas laniare tenearis, neque lateri restituas. Quod si restituas, nihil illi praesentes litterae suffragentur.* Dat. Rom.

Quando dispensantur in foro conscientiae in matrimonio inito, cum impedimento dirimenti affinitatis occultae ex fornicati: ne post propositum procremum eiusdem tenoris, & narrationem causae. Tenor sic habet:

*Discretionis tuae committimus iniuncta eorum cuilibet, pro tam enormi libidinis excessu, gravi poenitentia salutari ac confessione sacramentalis peccatorum suorum singulis scilicet mensibus, vel quoties animarum suarum saluti expedire iudicaveris, & aliis quae de iure fuerint iniungenda, quodque diligenter experiantur, an sine scandalo possint separari: quod si fieri potest, fiat omnino. Quod si fieri non possit, experiantur saltem, an cohabitantes tamquam fratres, & soror continenter vivere valeant. Quod si neutrum fieri valeat, & ex cohabitatione incontinentiam, ex separatione vero scandala oriri posse tibi visum fuerit, cum ipsis lateribus de nullitate prioris consensu certioratus, sed ita cautè, ut si illa adhuc ignoraris lateris delictum nusquam detegatur, dispensa ut matrimonium inter se se-
creto contrahere valeant, prolem suscipiam, si qua sit, & suos*

suscipiendam exinde legitimam decernendo in foro conscientia tantum. Dat. Rom.

Aliquando denique prædictæ litteræ committuntur Theologo ut dispenset cum latore in censuris reservatis, in irregularitate homicidij, in inhabilitate, & similibus, sicut ego vidi: in quibus tenor in substantia est ferè similis etiam quoad poenitentiam iniungendam: & ex dictis pro prædictis commissionibus poterit expediri commissio dispensationis in poenis attentio tenore cuiusque. Ex dictis autem iam patet quantum sit negotium prædictas litteras aperire, & integrè executioni mandare: & quantam scientiæ sufficientiam in Confessore aperiente requirant. Pro directione ergo Confessoris cui suus Generalis id commiserit, vel habeus ab illo commissionem, ponam sequentes aduertentias, ex Sanchez *cir. loc.* sed solum per Summam.

1 Prima est ut talis Confessor debeat esse Doctor, in iure Canonico, vel in sacra Theologia (idem enim est Doctor, & Magister Theologus, præterea ut sit Confessor approbatus (si enim has duas qualitates non habeat, non poterit illas aperire ex vi litterarum: poterit verò ex commissione sui Generalis, si sit sufficienter doctus, & Confessor approbatus.

2 Secunda est, quod non sufficiet (pro secularibus dico) quod doceant publicè in Academia ius Canonicum, vel Theologiam: neque item si habeant gradum Licentiarum in quavis istarum scientiarum: quia nullus istorum est Doctor: Papa requirit ut habeant gradus Doctoris. Neque sufficit ut sit Doctor in iure Cæsareo, quia hæc scientia non exprimitur.

3 Tertia est, quod illi Religiosi litterati, qui in suo ordine per sua statuta dicuntur Magistri, vel Præsentati, vel lubilatis vel quouis alio nomine, non possunt has litteras aperire, quia non sunt Doctores graduati, quantumcumque sint litterati, nisi Generalis id ipsis expressè committat. Si autem sint Doctores per Academiam publicam, poterunt aperire sine licentia Generalis, quia ad hos tales litteræ destinantur, Doctores videlicet.

4 Quarta non sufficit quòd sit Doctor existimatus communi errore, vel populi voce, nisi sit verè Doctor. Sufficiet verò quòd sit verus Doctor, etiam si sit indoctus, & ineruditus. De priori patet, quia existimatus Doctor, non est verè Doctor. De secundo constat, quia talis indoctus habet verum gradum Doctoris, quem Papa requirit. Ut autem Prælatus hanc facultatem alicui committat, non est necesse quòd talis Religiosus sit Doctor, Magister, vel Iubilatus; sed requiritur, ut sit ita doctus, ut ferè æquivalet Doctori, vel sufficiat prædictas clausulas intelligere, & exequi. Credo autè sufficere quòd talis Religiosus, non paucos annos, ut decem, Sacram Theologiam publicè professus sit. Notat verò Sanchez *citata disp. 34. n. 12.* quòd licet hæ litteræ per errorem aperiantur ab illo qui verè Doctor non est, tales litteras non amittete suum valorem.

5 Quintò requiritur quòd talis Doctor sit confessor approbatus, circa quæ nota sequentia. Primum sufficere ut sit approbatus ab Ordinario, quamvis esset occultè reuocata licentia Superioris pro audiendis confessionibus, ita ut talis reuocationis detur error communis, id est, ignoretur omnino talis reuocatio, etiam ab ipso Confessore. Si enim de illa constet, non poterit aperire. Secundum est, debere esse approbatum ab Ordinario, & non sufficere approbationem Academiae alicuius. Tertium est, si sit approbatus cum limitatione, pro masculis tantum ob defectum ætatis senilis, tamen poterit eligi pro aperiendis his litteris, siue id petat vir, siue foemina: quia cum aliàs sit Doctor, vel æquivalet Doctori iuxta sui Prælati iudicium, poterit sufficienter tales litteras aperire, & ad hoc dicetur sufficienter approbatus. Quartum est, quòd quantumcumque ille Doctor sit indoctus, si tamen sit approbatus ab Ordinario, sufficit ut possit aperire.

6 Circa causam dispensandi allegatam, videlicet timorem incontinentiæ, non sufficiunt quæcumque tentationes carnis, nec quoduis periculum lapsus in illas, nec timor unius, vel alterius lapsus, sed requiritur maximum periculum frequentis lapsus, ita ut ea persona
dici

diciqueat vivere incontinenter. Hoc patet ex verbis clausulæ ibi : *Continenter vivere posse non sperat* : quæ sonant habitum viuendi incontinenter : & consequenter periculum vnus , vel alterius lapsus non est iusta causa in hoc dispensandi. Sufficiet tamen ad dispensandum si hoc grande periculum frequentis lapsus proueniat , vel ex fragilitate complexionis , vel ex prauo habitu acquisito.

7 Tenetur confessarius examinare diligenter istam causam in secreto absque testibus. Neque tenetur à præsentente exigere iuramentum , quia ad conscientie forum id non permittitur , sed debet in Deo obtestari , vt vera loquatur , quòd si Confessor per aliam viam noverit pœnitentiam falsum dicere , non poterit dispensare. Vnde intelliges quòd quando in Concil. Trident. sess. 12. c. 5. de Reformatione dicitur dispensationes Pontificias non valere , nisi præsententur Ordinario illius , qui impetrat , id intelligi de dispensationibus fori externi , non verò de his quæ sunt fori interni. Si verò Confessor iste dispensaturus id iam nouit antea ex Confessione Sacramentali , non indiget nouo examine. Si autem Confessor neque examinet , neque conscius aliàs sit de illa iusta causa ; & re vera à parte rei est iusta causa , quam ille neque scit , neque examinat , & tamen dispensat : dispensatio nulla est , quia non seruauit formam substantialem præscriptam pro actu illo faciendo ; ita Sánchez citata disp. 34. num. 26. Et facit quòd aliàs docet Suárez lib. 5. de Legibus , c. 31. & 32.

8 Quod attinet ad monita , & consilia danda pœnitenti antequam Confessor dispense , debet Confessor monere vt veritatem integrè , & sincerè declaret , quia illa negata dispensatio non valebit. Attamen si Confessor talia consilia , & monita omittat seruando reliqua , dispensatio valida erit.

Quod attinet ad clausulam positam pro dispensatione voti simplicis Religionis , & castitatis , vt scilicet Confessor absoluat pœnitentem à mutatione propositi circa tria vota iuxta probabiliorem opinionem , non requiritur vt Confessor dispensaturus audiat

pœnitentem in confessione Sacramentali: sed habent illa verba hunc sensum: *Si pœnitens aliis voluerit tibi sacramentaliter confiteri, absolue illum à tali mutatione propoliti*. Si verò pœnitens noluerit sacramentaliter confiteri, non obligatur ad illam. Vnde sequitur posse prædictos Theologum, vel Canonistam Doctores, vel Religiosos tali privilegio gaudentes facere prædictam dispensationem extra sacramentum Confessionis, in secreto, seruatis aliis circumstantiis, vt latè probat Sanchez *cit. disput. 34. num. 3.*

10. Circa pœnitentias iniungendas taxatas in prædictis litteris de Confessione facienda singulis mensibus, &c. Nota primò teneri Confessorem iniungere aliquas confessiones statis temporibus facientias, & aliqua pœnitentiæ opera perpetua, quorum aliqua sint quotidie excecenda. Id enim clare inquit in dictis litteris. Secundò eo non obstante, committitur arbitrio Confessoris quantitas aliorum operum pœnitentiæ, & pietatis, præter illa quæ quotidie facienda iubetur imponere. Tertio circa confessionem singulis mensibus iniunctam relinquitur arbitrio Confessoris, vt possit esse bimestris attento statim pœnitentis occupati, distracti, & similiter impediti, tali enim oneri fortè succum-ber cum periculo animæ. patet ex verbis clausulæ de confessione menstrua cum dicitur: *Vel quoties tibi videbitur*. Quòd verò attinet ad obligationem pœnitentis, in hac confessione menstrua facienda: Noto quatrò, satisfacere tali pœnitentiæ si confiteatur quouis die cuiusvis mensis. Vt si, verb. gratia, pro mense Decembris confiteatur prima die Decembris. Pro mense verò Ianuarij confiteatur vltima die sequentis Ianuarij. Si verò talis pœnitens omittat confessionem in aliquo mense (quidquid sit de peccato omissionis) non tenebitur in conscientia illam omniam confessionem supplere mense sequenti: quia fuit onus præcedentis mensis, sicut dicitur de Diuino Officio omisso in vno die. Neque tempore Quadragesimæ in illo mense quo confitetur vt Ecclesiæ satisfaciatur, tenebitur ad hanc menstruam confessionem iniunctam: quia sum-

mus

stus Pœnitentiarius nouit fore ut in aliquo illorum mensum coincidat Ecclesiæ præceptum, & tamen ad duplicem confessionem non obligat. Neque si iste pœnitens aliàs ex voto vel ex pœnitentia iniuncta ab alio Confessore tenetur confiteri singulis mensibus, per has mensuales confessiones non satisfaceret huic præcepto, de quo loquitur pro ista dispensatione, sed teneretur illas duplicare singulis mensibus. At Confessor huius obligationis conscius prudenter ageret, si hunc non obligaret ad aliam confessionem mensuram, si indelapsus, vel omissionis periculum timeret, sed posset trimestrem, aut quadrimestrem imponere, quia ei datur arbitrium circa talem confessionem mensuram.

11 Circa alia opera pietatis, & pœnitentiæ iussa imponi putat Sanchez *citata disp. num. 4.* sufficere ut in quauis hebdomada una die qua poterat vesci caribus ab illis abstinere: vel una die singulis hebdomadis ieiunet: vel una die cilicio utatur, vel flagellis carnem verberet: vel quoduis horum operum faciat una die, in quauis hebdomada. Quod si viderit confessor hoc graue fore pœnitenti debili, poterit iubere, ut quoduis illorum operum faciat non singulis hebdomadis, sed una die in duabus, vel tribus hebdomadis. In particulari verò de operibus Religionis, quæ iubentur imponi quotidie pro dispensando voto Religionis, ut ea quotidie exequens recorderetur voti quod tenebatur, putat Sanchez sufficere quoddam quotidie iniungantur, vel Litanie, vel Psalmi Pœnitentiales, vel quinquies oratio Dominica, cum oratione Angelica. Quando verò dispensandum est votum castitatis iubet Sum. Pœnitentiarius ut imponantur aliqua opera pietatis quotidie implenda, ut meminerit prioris voti. Quæ opera pietatis possunt esse quæcumque opera misericordiarum, ut recitare quinquies orationem Dominicam, & Angelicam pro animabus Purgatorii, vel pro viuis in peccato existentibus, vel elemosyna quotidiana, vel quoduis opus misericordiarum.

12 Quod attinet ad clausulam, quod prædicta littera

laniantur, vel comburantur, & parti non dentur, aliāque valeant: Nota quod si prædictæ litteræ facta dispensatione restituantur parti, & nihilominus Confessor resipiscens, illas repetat, & comburat, valebit dispensatio: quia hæc creditur merito mens Pœnitentiarj, vt ex litteræ non proficit, dum apud partem manserint. Imò addit Sanchez *num. 42.* quod etiam si prædictæ litteræ maneant apud pœnitentem semper, dispensatio tamen valebit. Quia mens Pœnitentiarj est vt illæ sic illi non suffragentur, id est, pro foro externo, vel litigioso. Secus pro foro interno. Circa illa autem verba quæ ponuntur pro dispensatione matrimonij initi, vel ineundi: vt scilicet Confessor pronuntiet illis prolem susceptam, vel suscipiendam fore legitimam, multa congerit Sanchez *cicæ disp. 34. à num. 45. vsque ad num. 53.* quæ licet sint satis erudita, quia tamen diffusula sunt, neque omnino spectant ad expeditionem harum litterarum, vt sciantur, omitto libens, videat qui voluerit scire de legitimatione prolis inde secutæ: ibi enim etiam aliqua interferit spectantia ad materiam irregularitatis. Innuit tamen ibi Sanchez tenendū Confessorem in verbis declarare, ac dicere, quod præter dispensationem factam, nomine Papæ legitimat prolem susceptam, vel suscipiendam: si enim hoc non dicat, & non pronuntiet, prædicta proles non censebitur legitima.

13 Circa eandem dispensationem matrimonij initi, vel ineundi, additur in litteris: *Dummodo impedimentum inde proueniens occultum sit.* Circa quod noto primo, hîc occultum sumi vt distinguitur contra publicum. Quare licet ab aliquibus tale impedimentum sciatur, ac proinde probari possit, dicitur occultum. Et tunc solum non dicitur occultum, sed publicum quando est publicum non solum in ciuitate, sed etiam in maiori parte vicinæ, Collegij, Monasterij, vel Parochiæ, dummodo salte decem personæ inueniantur, in quibus dictarum cōmunitarum, in quibus id publicum est. Ita Sanchez *cicæ disp.* citans multos, & est communis expositio Doctorum circa crimen quando sit dicendum publicum, vel occultum. Dicitur adhuc hoc im-

pedimentum occultum: si copula ipsa sit publica in ratione copulæ, non verò sit publica in ratione impedi-
menti: id est, si sciatur copula, at non sciatur illud esse
impedimentum dirimens matrimonium. Neque enim
(ait Sanchez) verè dicetur delictum publicum si tan-
tum actus illius materialiter sit publicus, nisi sit pu-
blicus formaliter, id est, quatenus est delictum: & citat
Nau. Henric. Sâ, Saytum, Rodrig. & alios. Imò addit
ibi Sanchez n. 56. ex Navar. Rodrig. & Sâ, dici delictum
occultum, quamvis ut delictum publicum sit, si tamen
sit occultum quatenus est censuræ subiectum: quia vi-
delicet non sciatur publicè, ob tale delictum incurri
censuram illam, licet duo vel tres delicti conscij no-
rint per id incurri censuram. De hoc tamen ultimo di-
cto dubitat Sanchez, & ego cum illo. Est tamen opinio
salutem trium Doctorum. Nihil tamen dubitandum est
de priori expositione communi Doctorum prius data
de occulto, & publico.

14 Si tamen hoc impedimentum iam sit deductum
ad forum contentiosum, non dicitur occultum: quia
iam spectat ad forum externum in quo Papa non vult
sic dispensari. Si tamen hic pœnitens deductus ad fo-
rum externum fuit ibi absolutus, adhuc crimen dice-
tur occultum, & redactum ad actum pristinum erit
dispensabile: etiamsi reus falsis testibus se defenderit;
quia hoc non tollit quin crimen maneat occultum, cum
reus non amiserit famam, per sententiam enim illam
recuperavit. Idque tenet Sanchez *citata quest. vel dis-
put. num. 57.* etiam si contra reum fuerit semiplena pro-
batio: quia hac sola existente, aut reus absoluitur de-
finitivè, & sic nullum potest esse dubium: Aut absolui-
tur ab instantia, seu observatione iudicij, & tunc adhuc
manet occultum. Hoc tamen ultimum quando existit
semiplena probatio in iudicio negat Suarez *de Censur.
disput. 41. num. 6.* credens iam tunc non dici occultum:
quia crimen positum in foro externo cum semiplena
probatione, quomodocumque absolvatur, iam non po-
test dici occultum, & mihi hoc videtur verius quoad
hoc ultimum de existente semiplena probatione. At

bene ibi aduertit Sanchez *num.* 18. quod ita debet esse crimen deductum ad forum contentiosum, vt simul reus sit citatus. Illicque intimata citatio: si enim crimen sit delatum ad iudicem per denuntiationem, iudex tamen apud se retineat, & parti non intimet, adhuc dicitur occultum. Citatio enim est primus actus iudicii, & proinde ista non facta, adhuc non dicitur forum contentiosum subire. Vide *suprà* verbo *Abbas à num.* 4.

15 Circa alia verba pro dispensatione matrimonij irriti iterum celebrandi, iubetur etiam imponi confessio menstrua, de qua iam *suprà* diximus: hic solum aduerte quòd illa imponenda est vtrique coniugi si ambo peccauerunt: si verò vnus tantum peccauit, illi tantum erit iniungenda.

16 Circa id quod amplius iubetur, vt experiantur dispensandi, si viuere possint vt staret, & foror continenter separatione non facta, vel si in separatione de-erit scandalum, credit Sanchez *num.* 60. quòd si Confessor est precedenti experientia, vel ex iis quæ cognouit in examine, intelligat illa duo non posse moraliter fieri, non erit necessarium experientiam expectare in illis duobus: quia non est credendum velle Ecclesiam fieri experientiam frustrancam: eo vel maxime quia sit maximum periculum incontinentiæ eam præmittendo: ac proinde moraliter loquendo rarisimè, aut nunquam erit necessaria.

17 Quod denique dicitur in prædictis litteris: *17 coniux impedimenti ignarus certior fiat de prioris consensu nullitate*, credit Sanchez *num.* 60. non esse de essentia dispensationis, sed inseruire quasi instructionem confessarii, vt contractus matrimonij sequentis sit certior. Dat causam præcipuè, quia sepius hæc frustrantur dispensationes si id esset necessarium. Sæpè enim continget non posse detegi nullitatem absque periculo detegendi delictum, & maxime si impedimentum sit ex parte femine cuius delictum si viro detegatur, erit causa multorum iurgiorum, ac periculorum: & sic Doctores multi consulunt peti hanc dispensationem occultè tacita nullitate prioris consensus. Sic explicat

Sanchez

Sanchez. Ego credo illum sic clarius exponendum: si matrimonium fuit nullum, quia fornicia, verb gratia, ante matrimonium habuit copulam cum fratre presentis mariti, tunc ut hoc matrimonium denuo inearur, non est manifestandum delictum huic viro putato marito quod delictum fuit causa impediementi. At credo omnino quod dicendum est viro saltem remore, & quasi conditionaliter, ut si forte antea matrimonium fuerit nullum, denuo consentiat. Si enim hoc saltem modo non consentiat denuo, non iterabitur verè, neque contrahetur matrimonium, eo modo quo professus nulliter ob occultum impedimentum ignoratum, non ratificat professionem per quemcumque actum externum, nisi illi constet de impedimento saltem in confuso, & dicat se denuo consentire saltem ad cautelam.

Si quis autem videre cupit formam litterarum quas dirigit Papa Episcopis pro dispensatione matrimonij in foro externo, videat Sanchez citato loco tota disput. 35. Ego illa ibi dicta omitto, quia non spectant ad Religiosos directè: videant Episcoporum officiales.

CONSERVATORES.

Vide infra, verbo *Notarius per totum*, & verbo *Abbas*, num 8.

1 **N**ON est necessarium quod Conservator nominetur per Prouincialem: sufficit nominari per Prælatum Conuentuale, qualis est Guardianus.

Rodr tom. 1. *quest. quest.* 65. art. 3.

2 Possunt eligi Canonici Metropolitanæ Ecclesiæ, & Vicarij Generales Episcopi Rodz, *ibid.* art. *eodem*, & de Vicariis, & Officialibus Generalibus Episcoporum conceditur Societati Iesv, ut eligantur vbilibet constituti: & de Canonicis siue sint Metropolitanæ, siue Cathedralis Ecclesiæ. Comp. illius verb. *Conservator*. §. 1.

3 Personæ nominatæ in Conservatores tenentur acceptare

cēptare sub peccato: nisi iustam, & legitimam excusationem dederint. *ibid. art. 4.*

4. Acceptante vno Conseruatore electo non potest alius nominari, vel se intromittere, nisi prior nominatus sit legitimè impeditus, vel nolit procedere, vel si procedat malitiosè Rodr. *art. 5.*

5. Possunt eligi extra Diocesim in qua sunt Conuentus. Reum tamen non possunt citare, vltra tres dietas computandas à fine Diocesis in qua reus moratur: idque à fine Diocesis, non à fine ædificiorum Diocesis. Rodr. *endem q. art. 7.* Sed ibi aduerte, quando citat Bertachinum dicentem vnā dietā continere viginti leucas, esse errorem impressionis: solum enim continet viginti milliaria, seu iter vnius diei, teste Petro Vindrameno *super Repert. Inquisitorum*, ver. *Dieta.*

6. Possunt Conseruatores subdelegare: sed debent subdelegare personas similiter in Ecclesiastica dignitate constitutas. Rodr. *q. cit. art. 11.*

7. Conseruatores defendunt Regulares ab iniuriis verbalibus: & in possessione temporalium: & circa debita ciuilia. *a. 11. & 12.* præcipuè circa sua priuilegia.

8. Ipsi Religiosi pro debitis ciuilibus conueniri non possunt coram suo Conseruatore: sed citari debent coram suo Prælato. Rodr. *cit. q. art. 13.*

9. Possunt Regulares eligere Conseruatorem, qui defendat sua animalia, seu pecora, damnum facientia in agris alienis: & hæc causa pertinet ad Conseruatorem non ad iudicem secularem. Rodrig. *art. 14.* citans id iam contigisse in quodam casu, & sic fuisse iudicatum; damnis solutis.

10. Possunt conseruatores cognoscere de iniuriis factis familiaribus Fratrum, qui intra Conuentus actualiter seruiunt, & morantur. Rodr. *art. 17.*

Et circa supra dicta n. 6. quòd Conseruatores possint subdelegare credo quòd Conseruator principalis in Metropoli, poterit intra Diocesim alium subdelegare modo supra dicto, qui sit propinquior alicui Conuentui pro aliquibus causis, quòd scilicet extra Metropolim sunt aliquæ personæ in dignitate Ecclesiastica constitutæ.

11. Possunt

II Possunt Conseruatores Religiosorum procedere contra alios Religiosos, & Ecclesiasticos, Collegia, Vniuersitates, & Communitates habentes pariter auctoritatem eligendi Conseruatorem, non obstantibus quibuscumque inhibitionibus, Ita Gregor. XIII. concessit Patribus Societatis IESV, in illorum Compend. verb. *Conseruator. §. 1.* & procedere per censuras vsque ad auxilium brachij secularis *ibid. §. 3.* citando etiam per edicta publica: *ibid. §. 4.* cetera sunt legitima, & ipsi electi scire tenentur.

ADDITIONO.

VLTRA iam dicta olim quoad hanc materiam duo tantum aduerto: Primum est, quod illi qui hoc officio funguntur pro Religiosis, si velint videre amplas concessionem, quas Summi Pontifices pro hoc officio concedunt, videant, & legant Bullam Conseruatoriam, quam Gregor. XIII. concessit Patribus Societatis IESV pro eligendo suo Conseruatore: quæ Bulla ponitur per extensum in Bullatio Rodriguez *fol. 1048.*

Secundum est quod sæpe contingit, vt Prouincialis, vel alius Prælatus velit eligere Conseruatorem, & ignoret formam qua illum debet creare, vel eligere: & ideo voluit hic transcribere formam breuem; sed substantialem creandi Conseruatorem alicuius Religionis, quæ fuit facta, & tradita à quodam Doctore Iuris Casarij professore quondam istius scientiæ in publica Vniuersitate.

FORMA CREANDI CON- seruatorem.

Minister Prouincialis, &c. Domino N. Decano,
Doctori, vel Vicario Generali, &c. Inter alia pri-
uilegia,

uilegia, fauores & gratias ab Apostolica Sede Religiosis concessas, hoc unum non minus precipuum est, ut possint eligere iudicem Conseruatorem, qui eo ipso quod ab aliquo Prelato electus sit, teneatur ex obedientia Summo Pontifici debita, dictum officium acceptare: & exinde possit Apostolica auctoritate, & iurisdictione reprimere, & compescere quamcumque personam predictis Religiosis, eorumve Monasteriis, ac rebus quamcumque vim, & molestiam inferentem, vel quouis modo, illorum bonis, vel priuilegiis praiudicantem. Quapropter presenti scripto in virtute predictae obedientiae, concessionis, & gratiae, n. mino, & eligo personam vestram (de cuius scientia, probitate, prudentia, & zelo iustitiae confido, & certus sum) eligo, & nominino in nostrum iudicem Conseruatorem, & pro taliter nominato habeo, rapuo, & habendum declaro. Et hoc pro omnibus causis motis, & mouendis in iudicio Ecclesiastico, vel saeculari; & apud quacumque tribuna- lia, in quibus secundum ius Canonicum, Breuia Pontificia, vel nostra statuta generalia, nostram regulam, vel professionem possimus, vel debeamus respondere per nos, vel syndicos nostros, siue ut rei, siue ut actores. Quam nominationem, & electionem Conseruatoris facio in forma meliori quam secundum ius facere possum: & iuxta tenorem Breuium, ac Bullarum Apostolicarum, habens pro expresso, siue suppleto, quodcumque in hac nominatione, vel electione exprimi posset, vel deberet: idque ut nos defendas a molestiis, & iniuriis illatis, & conserues in possessionibus, vel quasi possessionibus nostrorum priuilegiorum: & in omnibus iuribus nobis quomodolibet conuenientibus, contra quascumque personas cuiuscumque dignitatis, qualitatis, conditionis, vel status fuerint, saecularis, vel Ecclesiastici: & in quocumque alio casu, ad quem nostra priuilegia se extendunt, & Sum. Pontificum concessionem indulgent. Et sic personam vestram in Domino obnixè rogo, quantum iuxta predictas concessionem possum, ut tamquam noster iudex Conseruator nos defendat in omnibus annexis, vel consecutinis in causis nostris tam motis quam mouendis in futurum, quantum predicti officij Conseruatoris iurisdictione patitur. Dato autem ad hoc aliquo impedimento, propter quod

quod non possit nos ueri, causas inchoare, vel non processare, & cum effectu, vel sententia diffinitiva ad exitum perducere, nimito te iudicem Conseruatorem cum potestate subdelegandi, vel substituendi alium iudicem Conseruatorem semel, bis, vel quoties necessarium fuerit pro omnibus causis occurrentibus, vel pro aliqua parte alienius causa: per te olim nominatos, ego etiam pro specialiter nominatis reputo, & pro substitutis, cum omni iurisdictione, clausulis, & declarationibus necessariis in genere, vel specie exprimendis. Dar. in hoc Conuentu, tali die, &c. Sub nstro sigillo, & subscriptione manu propria.

Subscribit N.

Alia forma creandi Conseruatorem traditur in enchiridio Minorum duobus foliis ante finem operis: quæ quidem prolixior est, & minus iuridica: vide ibi si placet.

CORRECTIO FRATRVM.

Millis ampla, quia iudicialis, & fori externi, & quotidiana, imò satis necessaria. Et antequam illam per titulos diuidamus claritatis gratia, præsupponendum est tanquam certissimum, & indubitarum Prælatos Regulares esse veros iudices causarum criminalium suorum subditorum: sunt enim veri Prælati habentes forum externum, & proinde sunt veri iudices. Quia ergo hæc correctio iudiciaria multos habet actus, denunciationem scilicet in inquisitione, citationem partis, testes, sententiam, & similes actus, de illis summarij dicendum breuissimè quantum satis sit ad substantiam tantum.

CORRECTIO FRATERNA,

& secreta.

1 **C**onstat ex Evangelio ante denunciationem in inquisitione, præmittendam esse correctionem fraternam modo assignato à Theologis. Quæ adeo necessaria est, ut si sit spes quòd illa proficiet, & sufficiet, & de hoc sit certitudo moralis, non est crimen denunciandum Prælato, etiam si crimen ipsum sit contra communitatem, vel contra proximum, vel etiam si sit hæresis, probatur evidenter: quia præceptum denuntiandi positum à Prælato, est positivum humanum tantum, ac præceptum correctionis fraternæ est naturale, quatenus à natura insitum est ut vnum membrum iuvet alterum, & illi succurrat per influxum, &c. Et præterea idem præceptum correctionis est præceptum divinum positivum: & proinde præceptum correctionis fraternæ, si profit, prævalet præcepto positivo Prælati iubentis denunciare. Ita D. Thom. 2. 2. q. 35. art. 7. C. agens etiam de hæresi, & prodicione, & Nau. in Sum. cap. 24. n. 14. & Navar. lib. 2. de restit. cap. 4. n. 158. Dixi, si sit certitudo moralis, & spes emenda; quia si hæc desit, cessat obligatio correctionis. Et proinde prudens vir debet attendere qualitatem personæ, & culpæ: si videlicet sit persona suspecta, maxime in crimine hæresis; si sit duræ cervicis: si sit indocilis, si proterva: si fecit ex prauitate, vel ignorantia, vel leuitate: vel è contra si est persona non suspecta, docilis, simplex, si fecit ex leuitate, ignorantia, ex fragilitate, vel à me non bene accipiet, & similibus circumstantiis: vel quod responsum iam dederit: & sic ad arbitrium prudentis si sit certitudo moralis emendæ, corrigat secretè, non denuntiet. Si non speret, emendam denunciare tenetur.


3 Non obligat præceptum correctionis fraternæ in his sequentibus. Primo quando peccatum est veniale.

Secundo,

Secundò, quando peccatum est publicum. Tertiò, quando etiam si sit secretum, non speratur emenda attentis circumstantiis positis *num. 1.* Quartò, quando est crimen contra communitatem, vel contra proximum, & non est spes emendæ. Hæc omnia sunt certissima, & passim obuia apud Doctores. Sextò, non obligat quando crimen modò quidem occultum est, sed ego scio certo moraliter, quod statim est divulgandum, quia scilicet vidit vnus tantum maleuolus qui debet divulgare; & ita sentit D. Thom. in 4. dist. 19. q. 2. art. 3. ad 2. & ibidem Riccard. art. 3. & alij.

4 Si scio peccatum esse emendatum, neque esse occasionem reciduandi, non possum denunciare. Est etiam communis, maximè Nauar. *consil. 2. de accusationibus.* Et patet, quia cessat finis denunciationis, qui est correctio, id est, emendatio fratris, iam enim est emendatus. Et hæc sufficiant in substantia pro Compendij ratione: cætera vide apud Doctores in propria materia.

DENUNCIATIO.

5  Onstat obligari Religiosos sub peccato mortali denunciare Prælato proponenti visitationem: obligat enim Euangelium, per illa verba, *dic Ecclesia,* & Prælatus habet iurisdictionem vt obliget.

6 Crimen secretum si sit emendatum non debet denunciari, vt suprà dictum est *n. 4.* cessat enim finis denunciationis quæ est emendatio proximi. Et ita neque Prælato tamquam patri dicendum est. Etiam si recipiat iuramentum debet tacere; quia mens iudicis non est, vel saltem non esse debet, interrogare de crimine secreto, & emendato.

7 Denunciare quis non tenetur illa quæ audiuit à parum fide dignis, si inde timeret se à iudice irridendum Nauar. in *sum. cap. 25. num. 26.* Debet enim scire per visum, auditum, vel alio certo modo. Si verò

audiuit à fide dignis, tenetur denunciare. *Nauar. mex citandus.*

8 *Nauar. in Sum. in ep. 25. à num. 46.* ponit septem causas excusantes à denunciatione. Prima est, quando peccatum est secretum, & emendatum, de quo iam supra. Secunda, defectus probationis peccati denunciandi. Ego tamen credo quòd si peccatum fuit publicum, vel non sit spes emendæ, quòd etiam si ego solus sciam teneor dicere tanquam patri, etiam si non possim probare; maxime quando feci correctionem fraternam, & non profuit: tunc enim meum solum dictum saltem proficiet ut Prælatus maiori autoritate charitatiuè, & secreto emendet. Tertia excusatio posita à Nauar. est, si audiui ab homine parum fide digno, de qua iam n. 7. Quarta est, si iam is à quo audiui denunciavit. Quinta, si scio, quòd is qui furatus est rem, quæ iubetur denunciari, illam furatus est iusto titulo compensationis, ob aliud æquale sibi debitum. Sexta, si scio tantum per sacramentalem confessionem. Dixi tantum, quia si sciui in sacramento pœnitentiæ, & postea sciui extra illud, bene possum, ut omnes dicunt. Septima, si sciui per solam consultationem: tunc enim non teneor, imò non possum denunciare, nec rogarus respondere; quia aliàs periret remedium consilij capiendi à doctis in Ecclesia Dei. Hæc ibi Nauar.

Et addit eodem loco quòd is qui delictum non denunciavit intra tempus contentum in edicto, tenetur ad denunciandum transacto termino præfixo quam citius commodè possit; idque probat ex *eccl. cum dilectus. de dolo & contum.*

9 Denunciare non tenetur, qui attentà praxi, & omnibus circumstantiis cum prudentia, scit certò moraliter denunciationem suam non profuturam, ut quia Prælatus negligens est in puniendo, ut iam aliis in causis innouit in simili, vel quia ob affectum amicitie, vel consanguinitatis non punit. Et probatur, quia nemo tenetur ad actum frustraneum: & tunc denuntiatio certò moraliter est frustranea. *Nau. lib. 5. consil. tit. de hæreticis, consil. 8. num. 5. & consil. 4. num. 3.*

& Sà

& Sā in Aphorism. verbo Corruptio, num. 4. Dixi *cerid moraliter*, quia, si tantum dubitet an proficiet, tenetur denunciare.

10 Peccat mortaliter iudex si in visitatione generali specialiter inquirat de vita alicuius personae particularis de qua non habet infamiam probatam, vel semiplenam probationem. Est communis, & probatur, quia tunc per illam specialem inquisitionem illam infamat. Imò si illi detur aliquis libellus infamatorius de aliquo extra viam accusationis, si talis non sit alias infamatus, non potest de illo inquirere, ut patet ex *c. inquisitionis de accusationibus*. Dixi *extra viam accusationis*, quia si dans libellum illum, accuset, potest, ac debet inquirere etiam de non infamato.

11 Denunciare non tenetur quis de filio suo, de patre suo, fratre, marito, vxore, etiam si feratur sententia excommunicationis, quia ius positivum non obligat cum tanto damno testimonium ferre. Suarez *tom. de censur. dispus. 20. sect. 3. num. 10*. Vide infra hinc, verbo *Testis*. Excipe crimen hæresis, in quo iuxta securiorem sententiam etiam filius tenetur denunciare de patre.

12 Denunciator valet pro teste, si is dicat ut testis, & iuratus: hoc latius probabitur ver. *Testis, num. 26*. sub hoc ver. *Correctio Fratrum*, videlicet quod valeat ut testis. Dixi *si dicat ut testis*, quia si dicat incidenter, & casu, vel dicat tanquam ad patrem, absque iuramento, non valet ut testis. Innuit Vmbertus in sua *practica Inquisit. ver. Accusatio. § ultimo citans Baldum*. Et ait quod si denunciator non dicat ut testis, sufficit eius dictum ad inquirendum, non ad puniendum. vide statim *n. 14. & 15.* & infra verb. *Littera numer. 1. 2. & 3.*

13 Si duo, vel tres testes denuncient Prælato aliquod crimen sub iuramento: & tale crimen non sit diffamatum, neque persona infamata, non potest Prælatus illud publicè punire, sed solum secretò paternaliter monere, *c. inquisitionem, §. tertia de accusat.* & consonat statutum generale Tolleranum Minorum *cap. 6. titul. de Correctionibus*.

Si verò crimen publicum sit, & sufficienter proba-

tum, necesse habet Prælatum satisfacere scandalo, & poenam infligere, vel totalem, vel minorem attenta lege, statutis, qualitate probationis, & qualitate personæ, attentisque cæteris circumstantiis aggravantibus vel alleviantibus, iuxta arbitrium boni viri, & iuxta dicenda infra vct. *Pæna*.

14 Si denunciator dicat Prælatum se dicere ut patri, non ut iudici, tunc non potest Prælatum agere ut iudex, sed ut pater, maxime in crimine occulto, de quo non speratur emenda, & deest alia probatio. Tunc enim potest Prælatum secretò monere culpæum. Si verò ultra hunc sic delatorem alij testes superueniant, & bono communi conveniat, vel bono particulari, tunc potest ac debet agere ut iudex. Aldrete lib. 1. cap. 6. de Relig. discipl.

15 Si socius criminis denunciaret tanquam ad patrem, non debet cogi ut iudicialiter denunciaret cum sua infamia se prodendo, quia tunc ius naturale famæ prævalet positivo iuri denunciandi iudicialiter: colligitur ex Couarr. in pract. cap. 18. num. 7. Satis enim fecit denunciando tanquam ad patrem. Ex hinc clarius videbis quòd possit denunciator aliquando dicere non ut testis iudicialiter scilicet sed tanquam ad patrem, vel quid simile, & tunc denunciator non valet pro teste. Sed si postea superueniant alij testes, & conducatur bono, publico, vel particulari, poterit iterum vocari prior denunciator ut sub iuramento denunciaret iudicialiter. Adde quòd legitimus denunciator est, qui fraternè correxit proximum secretè, & secundò coram testibus: (intellige quando dabatur locus correctioni) & præterea iudicialiter denunciat. Aldrete ubi suprà, num. 16.

16 Superior non potest reum secretum publicare etiam ex licentia denunciantis, quia denuncians, neque Prælatum non sunt domini famæ denunciati, ut pater in lumine naturali. Secus si sit crimen publicum, vel proceditur per accusationem.

T E S T I S.

17 **I**Ro conditionibus testis ultra hęc dicta, videtur de infra verb. *Religiosus, num. 5. & 6. & verb. Testamentum, num. 7. & infra in fine verb. Testis. & ver. Tortura.*

18 Non valet testimonium testis datum per scriptum factum ab ipso teste, sed ex ore ipsius debet iudex audire, & Notarius scribere: aliàs est nullum. *l. de minoribus, ff. de minor §. 2. & c. relatum §. q. 2. & Rodr. Add. ad Sum tom. 4. c. 153. num. 6.*

19 Testis omni exceptione maior dicitur ille, qui per nullam exceptionem potest repelli. Pract. Inquit. Vmberti, verbo *Testis §. 2. dicimus.* vide infra ver. *Interrog.*

20 Testis offerens se ad testificandum non vocatus à iudice, neque à parte, suspectus est. Pract. Inquisitionum ubi proximè, §. 4. *agendum.*

21 Potest Prælatus Regularis sumere testes seculares in causis criminalibus contra Religiosos, quando crimen est publicum, scitum à secularibus; & non sunt testes Religiosi. Rodrig *tom. 2. q. 28. art. 3. in fine, & eodem tom. quæst. 10. art. 5* Et probatur, quia aliàs crimina scandalosa manerent impunita in Ordine, & præterea quia ædificantur seculares, si viderint crimina puniri.

22 Testis debet esse iuratus, sub Euangeliiis, cruce, vel in verbo Sacerdotis vel quovis æquipollenti, est certissima ex multis textibus & praxi. Sed dubitas: an in Ordine Minorum testis iussus à Prælato sub poena obedientiæ tantum, absque iuramento, faciat testimonium iudicium? Negat Rodriguez *tom. 2. q. q. 110. art. ultimum.* At quod sit validum, & iudicium tenet fusè, & efficaciter Miranda in *Ordine iudiciali q. 14. a. 3. concl. unica.* Imo & ipse Rodrig. aliud sentiens, se retractat, *tom. 4. Add. cap. 133. conc. 7.* sentiens cum Miranda esse iudicium.

23 Si testis in articulo mortis retractat testimonium à se datum dum sanus erat, priori testimonio dato standum est *l. si quis graui. §. si quis moriens* : & ibi Bartol. Abbas in *cap. per tuas de probation.* Excipe nisi secundum dictum fulciatur coniecturis sufficientibus, & det rationem suæ reuocationis.

24 Socius criminis non potest esse testis contra socium ita ut valeat pro teste, quia est suspectus, & proinde infamis, facit tamen indicium ad inquirendum. Iul. Clar. *prætic. criminal. q. 21. cum ibi citatis*, & est communis. Est autem socius etiam is qui fauit, consulens, auxilians, &c.

25 Pœna totalis danda non est nisi sint duo testes & contestes omni exceptione maiores, & crimen sit publicum : aut si procedatur via accusationis ; tunc enim dabitur tota pœna etiam in crimine occulto. Est communissima, & patet ex illo *Matth. 18. In ore duorum vel trium fies omne verbum.* Excipe si sit crimen difficultis probationis, qualia sunt facta de nocte, vel solita semper fieri in occulto ut in sacramento pœnitentiæ sollicitando fornicatōes ; & facta in loco secretissimo, tunc enim vnus testis cum indiciis sufficiunt ad pœnā ordinariam. Imò absque testibus sufficit violenta probatio : qualis est si iste visus est exire cum gladio euaginato à domo ubi manet mortuus, vel veste ipsius mortui cruentata induta, perforata : vel in manu illius furtū inuenitur, & cetera similia. Et hæc est communis sententia praxi firmata. Rodriguez *tom. 1. q. 12. art. 2.*

26 Duo testes singulares non sufficiunt ad pœnam totalem, dicunt tamen Caiet. *2. 2. q. 70. art. 2.* & Sor. *5. de iust. q. 7. art. 2. ad 1.* quod in Religionibus valde facinorosi in delictis leuibus poterunt condemnari per duos testes singulares, idque in fauorem obseruantur, non verò in re graui. Et tenet Rodrig. in *Addit. Sum. tom. 4. cap. 148.* multa pro hoc dicens. Sed nota duas modificationes, videlicet solum in re leui, & quando reus est facinorosus.

27 Si verò testes singulares fuerint plus quam duo, ut si sint quatuor vel plures, & tendunt ad eundem finem, de

de vno scilicet delicto, non de puribus, sufficiunt ad poenam totalem, dammodo tamen sint bonæ famæ. Sed tamen communior opinio senet quod neque sic danda est totalis, vide Direct. Inquisit. in Commen. Penhæ. Com. 121. qui testes sint singulares vide infra in littera T. ver. Testis n. 1. 2. & 3.

16 Primus denunciator valet pro teste, si sit denunciator verus, & dicat vt testis. Quando autem denunciator dicat vt testis vide suprà hoc verbo, n. 12. 14. &

15. Quod autem iste verus denunciator valeat vt testis tenet Rodriguez tom. 2. questionar. question. 12. artic. 6. ex Soto, Simanc. Nauarr. & Banhes. Et probat ex illis verbis citatis Christi D. Matth. 18. de denunciante dictis. Adhibe tecum vnum vel duos, vt in ore duorum, &c. vbi clarè, per verbum (*tecum*) innuit quòd sequentes testes, sunt etiam testes, cum denunciante; & si vnus testis cum denunciante sufficiunt ad poenam totalem in crimine publico. Rodrig. Addit. ad Sum. tom. 4. cap. 146. n. 4.

17 Testis rogatus à iudice de crimine occulto, de quo non est infamia, neque semiplena probatio, tenetur tacere, & dicere se nihil scire, subintelligens se nescire ad dicendum licitè. Rodriguez tom. 2. question. 13. artic. 7. excipe si sit crimen contra communiam, vel contra proximum, & testis nescit an reus omnino cessauit à proposito faciendi; tunc enim tenetur prodere, maxime si intelligit locum non habere correctionem fraternam. Si enim stans coram iudice testis credat, & certò sciat moraliter profuturam correctionem fraternam taceat, & exiens corrigat fratrem: aliàs tenetur prodere, quando est contra bonum commune, vel particulare. Add. Sà in Aphorism. verb. Testis numer. 6. quod tunc testis debet prodere si nequeat alio modo illi malo occurrere, quod coincidit cum nostro hic dicto. Vide infra verbo Religiosus. nam. 6. & 7.

EXCEPTIONES OPPONIBILES

contra testes.

28 **P**otest reus, etiam Religiosus, opponere exceptiones validas ad annullandum, vel infirmandum testimonium testis contra se, vulgo dicuntur, *sepe poenis* quarum causæ ordinariæ sunt sequentes.

29 Prima, & principalis est inimicitia: & hæc probatur ex multis capitibus. Primò si præcesserunt mina de occidendo: vel simile quid faciendo. Secundò, si hi testis iam me accusavit de gravi crimine: non verò si de me iam denunciavit in re parva, bene tamen si contra me deposuit iam in gravi causa criminali. Tertio, si ille testis fuit à me olim detentus in vinculis, quando ego foret eram Prælati, vel iudex. Quarto, si dixit contra me, verba iniuriosa. Quintò, si ego movi olim contra illum quæstionem, quod esset Iudeus, ebricus vel quid simile graue. Sextò, si commoratur, & conversatur cum meis inimicis. In omnibus his, vel omnes hi sunt testes suspecti. At prudens Prælati in Religionibus debet circa hoc esse nimis circumspectus & non facile admittere exceptionem inimicitie capitalis inter Religiosos, maxime iam reconciliatos: qui quotidie communicant, & celebrant, maxime si sint spectatæ vitæ. Hæc omnia Rodriguez *tomo 2. quæst. 15*, cum multis citatis, ubi etiam notat quod si inimicitia fuit dolo procurata, ad finem ponendi hanc exceptionem, non sufficit, neque valet exceptio: ut si Petrus timens Franciscum, posse contra se testificari, ex industria provocet Franciscum, ut alleget inimicitiam: si enim hoc constiterit, non valet exceptio.


30 Reus habens contra se unum testem potest illi opponere crimen aliquod quod sit verum, etiam si sit secretum, ne sit testis in sua causa. Hoc tamen servatis tribus conditionibus. Prima ut hoc sit omnino sibi necessarium, & non possit aliter absolvi: enim aliter possit,

fit, non potest detegere. Secunda, ut crimen secretum quod scit de teste, non sit magis infamatorium testis, quam sit infamia quam patitur reus. Si enim causa rei est, levis, & crimen detegendum grauissimum, ut Sodomitæ, vel simile, non potest: & sic prudentis arbitrio seruanda est proportio criminum. Tertia, ut attendatur si testis accedit vocatus à iudice, & obligatus: an vero sponte oblat: si enim venit coactus, difficilior eius crimen detegitur, quam si se obtulit ad testificandam. *Rodrig. in Sum. de ordine iudiciali cap. 8. num. 4. Dixi, crimen verum*: quia plusquam falsum est, quod ait Vega *in sua Sum. 1. par. cap. 112. casu 2.* videlicet posse me falsum crimen obicere illi qui me falso infamauit, & citat ad hoc duos Doctores. Est, inquam, falsissimum, quia non sunt facienda mala, ut eueniant bona: & præterea quia si non est licitum dicere mendacium officiosum, ut liberem innocentem à morte, quomodo licetbit infamare falso alium quia me infamauit?

31 Causæ etiam generales exceptionum circa testes sunt positæ in iure, si videlicet testis sit infamis, ebrius, decrepitus, & sic de aliis inhabilitatibus: ut sunt etiam foeij criminum, seu complices ob causam iam dictam.

32 Si testi ponatur exceptio propter inimicitiam, vel aliam inhabilitatem, ideo eius dictum omnino repellitur; sed est nihilominus scribendum eius testimonium: si enim aliàs conformat cum iudiciis, vel aliis testibus, relinquitur prudentis arbitrio, ut illius dictum valeat tantum, vel tantum, saltem ad modum iudicij director. *Inquisit. 3. par. fol. 449. Coment. 28. §. Aliorum verò.*

SEMIPLENA PROBATIO.

32  T in materia testium constat qualitas, vel quantitas probationis, breuiter dicendum quid sit semiplena probatio, & quot modis fiat. Hæc igitur sit primò per vnum testem omni exceptione

maiolem. Secundò per confessionem rei factam extra iudicium : factam , inquam , non calore iracundiar , & debet probari per duos testes , qui viderint talem confessionem. Si item fiat confessio coram vero Iudice , non sedente pro tribunali , & probeatur per duos testes, est tan um semiplena probatio. Illa verò quæ sit coram Iudice incompetente , neque est semiplena , neque sufficit ad torturam. Rodriguez in *additio. Sum. tomo 4. cap. 155 num. 7.* Si verò fiat coram Iudice legitimo sedente pro tribunali , est plena probatio. Vide tamen pro hoc infra *num. 47. & 48.*

33 Tertiò sit semiplena probatio per scripturam rei clarè cognitam , in qua delictum fateretur. Quartò , per præsumptionem vehementem , quando scilicet talia sunt indicia vt vehementer inducant ad credendum quòd reus id fecit. Nota verò quòd vnumquodque indicium etiam propinquum delicto , debet probari duobus testibus, teste Iulio Claro *practice. crimin. quæst. 11.* Et sunt notandæ qualitates indiciorum ; alia enim sunt grauias , & vehementia : alia leuia , & remota. Quintò , duo socij criminum faciunt semiplenam probationem. Hæc omnia Aldicre *lib. 2. de discip. Relig. cap. 8.*

34 Sextò , efficiunt semiplenam probationem duo testes singulares , vel duo testes non idonei , seu infames , vel inhabiles , vt duæ fæminæ , hæ enim quantumcumque prudentes non sufficiunt ad condemnandum vnum hominem saltem in re graui , iuxta Rodriguez *Addition. tomo 4. capit. 150. numero 3.* Duæ tamen Moniales sufficerent ad condemnandam aliam Monialem , cum non sunt alij testes : sed si res esset grauissima ego expectarem tres testes : Moniales. Sed saltem ad condemnandum vnum Monachum in re grauissima non sufficiunt duæ fæminæ contestes , iuxta Rodriguez *ibidem* , ex Decio , & Mantana , quia ad hoc pro pœna totali plures requiruntur in re grauissima.

33 Per infamiam verò quantumcumque grauis illa sit, & clamorosa, numquam sit semiplena probatio. Neque item illam facit fuga Religiosi à carcere in quo detinebatur ob illud crimen: maxime si rediens det excusationem fugæ, vt quia timebat calumniam, vel rigorem carceris, & similia. Quando crimina sunt difficilis probationis, vt quia facta de nocte, vel quia ex se sunt in abscondito, vt fornicatio, sollicitatio feminæ in confessione, minorem requirunt probationem, & tunc plures suspiciones vel indicia probant ad penam. Vmbert. in *practic. inquisitorum*, verbo *Suspectio*. multa pro hoc citans. Secus quando crimen non est ex prædictis.

CITATIO REI.

36



Abita notitia criminis, & rei siue per inquisitionem, siue per accusationem, ex dictis testiu, est de iure naturali vt reus audiat per citationem vel vocationem, Hæc autem ita est de lumine na-

turali, vt probatione non indigeat, & textus sint innumerabiles dicentes omnino totam sententiam corruiere si reus non audiat. Estque de iure naturali elato, ac diuino. Neque sufficit vt hæc fiat, sed vt debito modo fiat.

37 Citatio non valet si detur angustum tempus ad respondendum vt 24. horarum, vel quid simile. Sicut enim citatio est de iure naturali, ita etiam congruum tempus ad respondendum est de iure naturali vt reus se defendat maxime in re graui Est communis Iuristarum, vt de se patet.

38 Non valet citatio quando reus citatur ad locum
pen

periculosum sibi, siue non tutum, siue inhonestum;
cap. ex parte. de appellation. Neque item si fiat à Iudice
 incompetente, *cap. si duobus. de appellat.* Neque item
 quando Iudex est inimicus manifestus. Vmbert. *pra-*
ctice. Inquisit. ver. citato. Neque quando citatus, spolia-
 tus primò fuit sua possessione iniuste. *c. si Episcopus 30.*
quest. 1.

39 Quid si rei crimen ita notorium est, & ita proba-
 tum, vt etiam si vocetur, & audiat, nullam omnino
 habet excusationem, seu defensionem ob euidentiam fa-
 cti, & testium multitudinem? Nauarr. *lib. 5. Consil. tit.*
de sentent. excommunicat. consilio 25. numer. 16. & Ro-
 driguez *tom. 2. quest. 18. art. 1.* dicunt posse fieri
 sententiam contra illum validam, pro quo citant textus,
 & maximè hoc in Religiosis ait Rodriguez posse fieri,
 & circa Prælatos ab officio amouendos. Sed tamen ego
 salua pace tantorum virorum, hoc non consulerem, sed
 dico etiam tunc citandum Religiosum saltem per edi-
 cta. Ducor, quia in *extrauag. communibus, extrauag.*
rem non nouam, tum textus, tum gloss. §. *quis, quid, ubi,*
 dicitur quod etiam in notoriis requiritur citatio, & satis
 notorius erat casus de quo ibi est sermo. Et addit Glos-
 sa, quòd neque Papa aliter potest procedere. Vide ibi
 multa alia ad hoc intentum, quia saltem probant neque
 tunc posse procedi ad executionem sententiæ.

ACCUSATIO.

Vide suprâ hac de re ver. *Accusatio.* vbi duo ponun-
 tur pertinentia ad hunc locum.

40 **I**nis accusationis est proprii damni reparatio.
 At finis denunciationis est proximi emenda-
 tio. Vnde si accusator, vel denunciator clarè præten-
 dant infamiam proximi, peccabunt mortaliter, quia
 aberrant à debito fine cuiusque, & finem malum sibi
 proponunt.

41 Non potest Iudex rescindere accusationes coram se factas si sint iuridicæ, graues, & accusatore non petente: facit enim illi iniuriam, ac damnum illi infert, & aliquando etiam Reipub.

R E V S.

42 **R**eo Religioso in re graui, maxime si sit idiota, tenetur Prælati dare aduocatum etiam si non petat. Aldrete lib. 1. de discipl. Relig. c. 2. n. 3.

43 Reus legitime interrogatus sciens contra se esse semiplenam probationem, tenetur respondere veritatem; oportet tamen ut sibi constet de tali semiplena probatione. Est communis Doctorum. Sed ad consolationem, vel remedium miserabilium, non piget referre quod Rodrig. tom. 2. q. q. 18. art. 4. cum Aragon. Salzedo, Petr. Nauarr. dicunt quod si agitur de causa capitali, & periculo vitæ, non tenetur etiam tunc reus cum tanto damno fateri veritatem, neque in hoc peccare mortaliter: inclinatur Sæ in Aphorism. verbo *Actus iudiciales. tit. de reo, num. 47.* Idem tenet denuo Ioan. Malderus tract. 6. cap. 2. de Iustitia, fol. 527. citans pro se Scotum. Qui omnes fundantur, quia si nemo tenetur in civilibus, & criminalibus dicere testimonium contra patrem, matrem, fratres, &c. ut supra vidimus, etiam si feratur excommunicatio, ne scilicet suo testimonio tantum malum inferat personæ sibi valde coniunctæ: quanto magis excusabitur miser reus à dicenda veritate contra se, in tanto periculo vitæ? Imo Malderus non solum in causa capitali reum excusat, sed etiam in causa tritemium, & quando agitur de confiscatione omnium bonorum: in aliis leuioribus non. Ego hanc opinionem non cōsulo contra communiorum. Solum dico, quod in praxi non damnarem reum illam sequentem: neque illi dicerem illum peccare, maxime si viderem illum difficilem ad confitendum. Et qui hanc opinionem tengerint cum Rodriguez non damnabo

damnabo ob tot viros, & talem rationem.

44 Potest Iudex reo exhibere iuramentum, vt veritatem dicat in defectum testium, quando aliter fieri non potest probatio; maxime in principio processus. Rodriguez *quest. 18. artic. 11. tomo 1.* & Miranda in *ordine iudicali, quest. 18. art. 8.* Ego verò parcè hoc vtendum consulo propter periculum peierandi. Vide infra verbo *Littere num. 1.*

45 Rei confessio extra iudicium, & in iudicio quid valeant, vide supra, verbo *Semiplena probatio. numer. 32.* & infra *num. 47. & 48.*

46 Reus indicatus de vno crimine non potest interrogari de alio nisi contra ipsum respectu alterius criminis sint indicia æquivalentia semiplenæ probationi, Rodriguez *cit. q. 18. art. 8.* & est communis. Nec potest de sociis interrogari nisi sint indicia sufficientia quòd socios habuerit, Sà in *Aphorism. verb. Reus.* Et tamen rogatus de sociis tenetur prodere si sit crimen contra communitatem, aut contra proximum tertium, & sciat illos paratos adhuc ad malum, nec potest aliter illis obuiare. Rodrig. *cit. quest. 18. art. 10.*

47 Si reus confessus est crimen sub spe veniæ promissæ à Iudice, non valet confessio etiam iterata *Pract. Inquisition. Vmbert. verbo Confessio. § confessio facta.* cum multis ibi citatis. Ex parte verò Iudicis si sit supremus, valet promissio; si verò sit Iudex ordinarius, non valet promissio, & peccat promittendo quod non potest, & proinde fallit. *Practic. Inquisitionum verb. Perseuerantia.*

48 Si reus confitetur coram iudice per metum, vel per errorem, non valet confessio. Fiet autem per errorem quando reus dicit credens ita se rem habere, sed aliter se habet Et hoc potest ante sententiam reuocare. Aldrete *lib. 2. de discipl. Relig. lib. 2. cap. 4. n. 28. & sequētib.*

49 Reus Religiosus in causâ grauissima, potest torqueri per laicum si desint Religiosi qui id æquè bene possint ac velint: idque absque eo quòd Prælatus peccet, vel incurrat excommunicationem. Ita Nauar. *lib. 5. Consilior. titul. de sententia excom. consil. 42.* Penha in *Director,*

*Director. 3. par. quæst. 61. comment. 9. §. illud addit. Suarez tomo de censur. disputation. 22. sect. 1. Iul. Clar. pract. crim. lib. 5. quæst. 64. num. 25. cum. citatis ibi. Simanc. tit. 63. nu. 47. Salzedo in pract. cap. 126. Rodriguez in addit. Sum tom. 4. cap. 155. num. 15. & alij quos citant. Hoc tamen, ut dixi, non videtur faciendum nisi pro crimine pro quo leges civiles pœna capitis puniunt, & quando Religiosi sufficientes desint. Vide infra ver. *Religiosus*, num. 10. & 11. & ver. *Tortura. in fine operis.**

§0 Reus qui negavit crimen coram Iudice, & tamen damnatus est ad mortem, vel quid simile, non tenetur publicè fateri suum crimen ob honorem Iudicis, sã citat. *verb. Reus. num. 5.*

In causis Religiosorum non tenentur Prælati ad apices iuris, hi sunt: ut iudicium fiat tali loco, vel tali die: ut citatio fiat tali modo verborum: quod tale tempus certum assignetur litigantibus, & appellantis: quod admittantur aliquando protelationes, & exceptiones inutiles: quod rei videant iusiurandum testium: quod iudicium fiat cum tali & tali pompa, & similia. De substantia sunt: citare, & audire reum, dare tempus defensionis, & advocatum: probationes legitimæ, exceptiones viles, appellationes necessariæ, &c. sine quibus reus non potest commodè se tueri.

INDEX, SENTENTIA,

Pœna.

Pro Notario, vide infra verbo *Notarius numero 2.*
 & sequentibus.

§1 **I**udex Regularis deficiente Regula, vel statuti ordinis ad arbitrandam pœnam (quibus prius debet stare) primò debet stare iuri canonico. Hoc deficiente recurrat ad ius civile. Et per ius civile primò intelligitur ius illius Regni in quo vivit. Rodrig.
tom. 2. qu. 21. art. 3.

§2 Quan

52 Quando crimina sunt grauia , vt fortum, homicidium, vel simile : & crimen est publicum , sed persona occulta , potest iudex inquirere generaliter de delinquente, & illo inuenito , punire illum iuxta probationes, etiam si de illo antea nulla fuit infamia : idque in bono Reipub. Rodriguez *tom. 2. quæst. 5. art. 6.* & probat praxis quotidiana.

53 Iudex Regularis torquens absque sufficienti probatione , vel sufficientibus indiciis , tenetur de damno, neque illa confessio valet. Sà *verb. Reus num. 20.*

54 Iudex ordinarius Regularis , vel alius, non potest conmutare , minuere , vel augere pœnam statutam à lege pro aliquo crimine. *cap. licet. de pœnis.* Idque multo minus potest post latam sententiam. *cap. si quem. 2. quæst. 3.* Dixi ordinarius , quia iudex supremus bene potest, vt Generalis potens dispensare in lege. Excipe etiã si pœna legis sit posita in arbitrio Iudicis. Excipe etiam si processum fuit via accusationis , & pars læsa consensit, vt pœna post sententiam relaxetur. Hæc omnia Vmber. *in præf. Inquisit. ver. Iudex* per multa probans.

55 Quando crimina sunt extraordinaria , vel habent particulares circumstantias aggrauantes , vel minuentes, potest Iudex augere , vel minuere pœnam ordinariam. *l. hodie. ff. de pœnis, & l. quid ergo, ibidem.* Vide Sà *in Aphorism. ver. Iudex*, & Rodrig. *qu. 42. art. 5. tom. 2.*

56 Sunt etiam causæ pœnæ alterandæ ætas : vt si sit senex, vel puer, vel iuuenis, vel si reus sit nimis literatus, vel in aliqua arte insignis. Sed hæc attendi possunt antequam sententia feratur, non autem postea. Vmber. *præf. Inquisit. ver. pœna. §. Quæ autem sint.* Sed in Religionibus ad insignem artificem non est respiciendum.

Quæ verò pœna imponi debeat Religiosis pro particularibus delictis, dicitur infra verbo *Pœna.* vbi vide sufficienter , recurrendumque primò est ad statuta Ordinis modo prædicto *nu. 51.* pro interim vide Rodrig. *tom. 2. à qu. 27. vsque ad 38. inclusiue*, quas omnes quæstiones consumit in specificandis variis pœnis. Nos id breuius faciemus citato *ver. Pœna.*

57 In Religionibus non solet publicari sententia absente


sente reo, illòque non audito, quod dicitur ad rebellio-
nem, id est, (à rebellia) causam vide apud Rodríguez
Addit. tom. 2. c. 103. num. 6.

58 Possunt Praelati punire iniuriam sibi factam, si est
notoria ; & habet certam poenam positam in lege : &
vergit directè in vilipendium ipsorum. Si verò hæc tria
non concurrant, non possunt colligiur ex D. Thom. 2.
2. q. 108. art. 1. Iul. Clarus lib. 5. §. fin. q. 33. num. 25.

59 Communior sententia, & praxis servat quod in
sententia ponatur causa ob quam fertur. Si tamen cau-
sa non ponatur, & solum dicat, viso processu, &c. sen-
tentia valet, Iul. Clar. in *pract. crimin. q. 93. §. 2.*

Cætera quæ pro hac materia dici solent, vel clara
sunt, & passim obuia: vel nimia, & vix necessaria, vel
saltem excedunt rationem Compendij. Qui plura vo-
luerit legat Iuristas suprà citatos, & Aldrete noviter
per tres libros hac de re factos. Hic tamen contenta
sunt substantialia. Et vti nam hæc verè obseruentur. Cir-
ca quod omnino recordentur Religiosi duarum legum
civilium quas citat Nau. lib. 5. *Consil. titul. de excommun.*
consil. 42. n. 9. videlicet *l. consulta. Codice de testamētis, &*
l. reperita. Codice de Episc. & Cler. in quibus vertitur in
opprobrium Religiosis, & Clericis ostendere se petitos
discepcionum forensium. Maximè cum Religiosi li-
berentur per ius canonicum ab apicibus iuris. Et suprà
dicta sufficiunt ad substantiam iuris.

A D D I T I O.

1  Ixi prius hoc verb. n. 3. quando peccatum est
veniale tantum, non obligare correctionem
fraternam. Hoc intelligo tum quia vt plurimum hæc
non recipitur à Iudice, tum quia vt plurimum non in-
betur denunciare. Addo nunc ex Sayro lib. 11. *Clau-*
Regia cap. 4. n. 10. quod si iubeatur denunciari eo quod
illius emendatio semper inseruit ad bonum Religio-
nis, verb. gr. in Religiosis (vt silentij violatio) si vero is-

beatur denunciari, debent, ac tenentur subditi denunciare, & possunt hoc facere absque correctione fraterna, quia sunt res leues, per quas non infamatur proximus ut plurimum, cum certum sit omnes peccare venialiter. At notat ibidem Sayro ex D. Thom. quod si aliquod peccatum veniale tale esset ut infamaret notabiliter Religiosum, tunc non est denunciandum absque correctione fraterna, quia per hoc eius fama grauius laderetur, ut si esset vir grauissimus, & tale veniale ex suo genere valde infamaret: verbi gratia, si esset res turpis, & leuis, sed in viro graui.

2 In libr. *Monumenta Ordinis Minorum*, titulo *Constitutiones generales antiqua*, cap. 5. fol. 239. habentur hæc verba ex statuto generali Minoritarum: *Teneantur autem fratres exeuntes, per obedientiam in reditu suo, secrete Guardianis excessus notabiles inuicem intimare.* Quibus verbis, & ex mox ibidem sequentibus clare patet statutum illud præcipere ut ommissa correctione fraterna crimen occultum Prælati denunciatur, etiam antequam sciat peccatum continuari. Queris an tale statutum fuerit iniustum, & si sit similiter illicitum hodie id fieri in aliqua Religione. Respondeo primo non fuisse illicitum, sed bonum & utile, & posse hodie in aliqua Religione permitti ut tale, concurrente conditione mox dicenda. Ita tenet expressè Sayro, libr. 11 *Clau. Reg. cap. 4. numer. 10.* citans Bannez, & Greg. de Valença tom 3. disp. 3. qu. 10. punct. 5. Condicio verò est, quod in illa Religione sit lex, vel statutum generale, ab omnibus approbatum, ut qui voluerit in illa profiteri, in hoc consentiat, & renunciet iuri suæ famæ, & honoris. ut sit in Religione Societatis I E S V, quod potest facere, cum sit dominus suæ famæ, maxime quando illi renunciat in fauorem boni communis. Do exemplum. In Ordine Carthusiano est lex, vel statutum generale, ut nullus Religiosus carnem manducet etiam in vltima hora mortis, pro tuenda vita: cumque sit ius naturale defendere vitam per esum carnis, illa lex non est illicita, sed sancta. & à Sede Apostolica approbata: nam Religiosus ibi professionem faciens iam consentit

consentit renunciare iuri defendendi vitam per esum carnis, cui iuri ipse potest renunciare. At maius est renunciare defensionis vitæ quàm renunciare famæ per hoc statutum, de quo agimus.

3 Hoc posito clariùs intelliges prædictum statutum Minorum, & si quod simile viget in aliqua Religione approbata non fuisse neque esse illicitum, sed potuisse esse vtile, & laudabile. Nam licet correctio fraterna sit de iure naturali, & præterea de iure Divino positivo Evangelico: nihilominus primo iuri, id est, naturali, potest Religiosus renunciare, renunciando suæ famæ sicut Carthusianus renunciat esui carnis. Quod verò spectat ad ius positivum Evangelicum, Christus D. suo illo præcepto correctionis fraternæ, voluit nos solùm obligare quemadmodum obligat lex naturalis in eadem correctione ne fiat iniuria proximo: cùm ergo talis ingrediens Religionem ubi viget hoc statutum libenter renunciaret illi iuri naturali correctionis fraternæ: iam ibi non obligat lex Evangelica, quæ solùm posita erat ad roborandum ius naturale cui iste renunciavit. Et declaratur, quia quando duo præcepta posita à diversis tendunt omnino ad eundem finem, cessante vno, vel dispensato vno ex illis, cessat, & dispensatur aliud. Cùm ergo ius naturale correctionis fraternæ, & præceptum Christi D. pro eadem correctione eodem omnino tendant: cessante præcepto iuris naturalis de correctione fraterna per renunciacionem, quod est præceptum fortiùs obligans, cessabit etiam præceptum Christi D. de eadem correctione, quod est minus obligans, cùm sit positivum, & illud primum sit naturale.

4 Dixi, si sit statutum generale ab omnibus approbatum, quia si sit mandatum solùm Superioris, non erat licitum, neque validum. Solus enim Prælati non est dominus absolutus famæ, vel honoris subditorum. Inò neque Summus Pontifex est dominus absolutus famæ, & honoris fidelium.

5 Rediens ad nostrum statutum suprà dictum Minoritarum, dico illud hodie non esse in usu in Ordine

nostro, sed per contrarium vsum est abrogatum. Video enim seruari, & commendari vt seruetur ordo correctionis fraternæ, & nullum Prælatum vidi oppositum mandantem, imò neque legi scriptorem Minorem, qui dicat prædictum statutum apud nos esse in vfu. Dixi autem prædictum statutum factum tali conditione esse licitum, & vtile, quia, vt ait Sayro *cit. loc.* renunciante subdito iuri famæ, resultat inde maius decus totius Ordinis, maius Religionis augmentum, & conseruatio, imò & maior securitas ipsius renunciantis, eiusque maior profectus spiritualis in submissione, humilitate, &c.

6 Correctio fraterna non solum obligat postquam crimen secretò factum iam est: sed etiam antequam fiat. Vt si video proximum paratum ac determinatum esse ad illud faciendum, Sayro *lib. 11. Clau. Reg. e. 14. num. 8.* Vt si video, vel scio Petrum parare insidias Ioanni, & probatur, quia vtrique militat eadem lex charitatis erga proximum, tum in monendo ne peccatum iteretur, tum ne peccatum intentatum committat.

7 Qui reuelat aliquod crimen factum ab aliquo, denunciatus Prælato, si crimen erat occultum, & non fecit correctionem fraternam quam facere potuit, & tenebatur: tenetur restituere famam tali proximo, dicendo Prælato se non seruasse ordinem in corrigendo. Et Prælatus tenetur in conscientia non procedere contra illum. Patet primum, quia taliter denunciatus illicite læsit famam proximi, & proinde tenetur restituere: secundum patet, quia Prælatus non potest procedere contra ordinem iuris naturalis & Diuini positiui infamando in iudicio publico peccatorem secretum.

DENUNCIATIO.

Am olim sub hoc verbo dixi, quando, & quomodo sit facienda denunciatio coram Prælato. Quia tamè aliquando aliqui Prælati Regulares, vel Ecclesiastici solent

solent per edicta iubere, ut sibi denunciatur, de furto, verb. grat. de criminis patratore, vel in cōmuni de delictis, & solent aliquando assignare certos dies, intra quos teneatur sciens denunciare: visum fuit de re tam quotidiana, & tam necessaria pauca dicere per summam.

1 Si pro denunciatione facienda assignentur, verb. grat. sex dies, decem, & sic de ceteris, constat apud omnes primum diem, in quo publicatur edictum, non numerari inter illos dies assignatos, Henriquez *tom. 2. Sum. l. 1; c. 18. m. 6.* ponit exemplum in glossa *littera O.* Si edictum publicetur die Dominica ad Missam, finitur publicatio Dominica sequenti in eadem hora, quia dies publicationis debet esse naturalis 24. horarum.

2 Ille terminus dierum intelligitur, si intra id tempus possit præmittere primam, & secundam correctionem fratris, si creditur profutura. Nam istud præceptum de correctione præmittenda cū sit diuinum positium præualet præcepto illi humano: ac proinde si intra dies assignatos non possum præmittere correctionem fraternam in casu quo illa obligat, & creditur profutura, non incurram censuram positam Henriquez *cit. loco.* At cū primum illam fecero, & non profuero, teneor denunciare ex obligatione prædictæ censuræ.

3 Qui nesciunt publicationem edicti, eo die quo fuit publicatum, sed aliquo, vel aliquibus diebus post publicationem, possunt à die suæ notitiæ numerate alios tot dies similes ab edicto assignatos, & intra hos sex dies (ver. grat.) currentes à sua notitia, tenebitur denunciare, ita ut intra hoc denunciet, numerandos à die notitiæ Henriquez *cit. loco,* & Suarez *tom. de Censur. disp. 20. ad finem illius disputationis.* Et assignat rationem, quia iste inculpabiliter ignorans diem publicationis, non debet esse peioris conditionis in pascio dierum agnatorum, quàm sunt illi, qui audierunt publicatum. Secus verò, ait Suarez, dicendum erit de illo, qui sciuit quidem diem publicationis, sed legitime impeditus non potuit denunciare: hic enim cessante impedimento tenebitur denunciare statim, quia iam sciuit diem publicationis.

4 Hent. *cit.c.* 18. n. 4. ait quòd quando Episcopus visitat, & iubet sub censura vt omnes denuntient, non includit eos subditos qui tunc agunt extra territorium Episcopi: & sic à simili dices de Prouincialibus respectu suorum subditorum.

5 Hæc edicta cùm sint mandatum ab homine expirant mortuo authore, aut moto ab officio: Henriquez *ibidem*. Hoc tamen non habet locum in edictis publicis ab Inquisitoribus sancti Officij, quia illa non sunt ab homine, sed semper obligant quouis tempore ad denunciandum: & Inquisitores semper visitant.

6 *Citato loco* ait Henriq. quòd quando Episcopus promulgat edictum per modum visitationis, assignans verb. gr. sex dies, expirat mandatum non statim post sex dies intra quos iubet denunciare, sed finito visitationis tempore, aut paulò post quamuis publicetur per parochias vrbis, vbi residere solet Episcopus: at quando profertur edictum per modum constitutionis, semper durat. Henriq. *num. 4 littera M.* citans Armillam, & Penham. Ratio est, quia edictum pro visitatione facienda non æquatur excommunicationi iuris, seu statuti vt duret toto anno, & per totam vitam, sicut durat ius legis, vel statuti. Et ideo finita visitatione, paulò post ad arbitrium boni viri cessabit tale edictum pro visitatione. Quod ego à simili intelligendum & applicandum puto pro visitationibus Religiosorum, quia militat eadem ratio.

7 Si Superior per censuram iubet denunciare ad emendam delinquentis, vel ad impediendum mortale delinquentis: vel vt non inferatur malum proximo: vel vt damnum illatum restituatur; in his casibus, si ego scio proximum esse emendatum, neque amplius velle peccare: vel scio iam esse restitutum damnum, vel velle statim restituere, non teneor, imò non possum parere edicto, quia iam cessauit finis illius mandati, qui solus erat emendatio proximi, & restitutio damni Cordub. *in Sum. q. 64. & Sayro Clau. Reg. lib. 12. cap. 14. n. 27.*

8 Si edictum iubet denunciare de furto, & debitor est notus,

notus; non teneor denunciare: quia in rigore loquendo talis excommunicatio est nulla: non enim potest procedi via excommunicationis pro furto, quando constat de debitore; sed tunc alia via ordinaria procedendum est, citando videlicet debitorem notum coram iudice. Colligitur ex Trident. *sess. 25. cap. 3. de Reform.* & tenet in terminis Henr. loco cit. §. 3. & Sor. n. 4. dist. 21. & Nauarr. *cap. inter vrb. concl. 6. num. 316.* Vide alias condiciones seruandas in ferenda excommunicatione pro rebus furto sublati, & pro secreto reuelando. Vide Barbofam in *Remiss. ad Trident. fol. 148. col. 4. & fol. 149. col. 1.*

9 In hoc edicto pro furto reuelando, non tenetur reuelare, qui scit reum non posse omnino restituere, quia non habet unde restituat: esset enim reuelatio frustranea. Et est communis opinio. Sed quæris: si iste pronunc restituere non valens, post annum potest restituere, & de hoc mihi constas: an teneat post annum reuelare, si is à me mōitus non restituat? Aliqui affirmant teneri. Sed Henr. *cit. cap. 18. num. 4. ad finem* tenet probabilius non teneri: citat pro se in gloss. *littera V.* Ar. mill. Penham. Neque item obligor denunciare de furto si scio illum, qui rem clam abstulit, abstulisse per viam compensationis, quia scilicet is à quo rem abstulit sibi debeat pretium æquiualeus istius rei. Est etiam communis opinio: quia iste non iniuste abstulit, neque furum fecit. At bene circa hoc aduertit Sanchez *lib. 1. Dialog. cap. 10. num. 34.* hoc locum non habere, quando debitum quod alter mihi debet, est dubium, & incertum; oportet enim quod sit omnino certum: & præterea quod non plus auferam quam mihi debetur: circa quod ait Nauarr. *capit. inter verba 11. question. 3. conc. 6. n. 794.* quod si solutio, & compensatio partim esset dubia, & partim certa, non esset necesse reuelare, nisi partem certam.

10 Nemo tenetur facere hanc denunciationem etiam sub censura iniunctam, si ex tali denunciatione sibi manifestum damnum timet in fama, vel bonis temporibus. Est enim communis: quia ibi præualet

præceptum naturale, de sibi ipsi non lædendo, contra præceptum positivum iudicis de reuelando. Vnde colliges complicitatem delicti nunquam teneri denunciare ex vi edicti, in quacunque materia fuerit complex. Vnde potest colligi, quod si femina fuit sollicitata ab aliquo Confessore intra Sacramentum confessionis: & ipsa ibi consentit cum illo in actibus turpibus, talis femina non tenetur deuinciare de illo Confessore: quia tunc valde sibi noceret, cum ex tali denunciatione reuelandum sit etiam feminae delictum.

11 Præcedenti casui similis est qui ponitur à Julio Claro, viro alias Iurista, sed doctissimo *lib. 5. Recept. sententiarum Pract. crim. q. 16.* & sequitur Sayr. *lib. 12. Clau. Reg. c. 14. n. 25.* vbi dicunt quod si quis habet rem furto sublatam, à fure acceptam, vel ab ipso fure nouit ubi res illa sit: non tenetur ex vi edicti etiam sub censura manifestare, vel denunciare, quia inde magnum periculum denuncianti sequeretur. Probat: quia vel bona fide rem illam accepit à fure; vel mala fide. Si bona fide, id non potest probare in iudicio, & proinde potest reputari particeps in furto. Si talem rem accepit à fure mala fide, etiam est reus in crimine, & proinde denunciando poterit suum crimen publicare. Si verò neque accepit à fure, neque est complex, sed scit ex solo dicto furis, seruet legem correctionis quoad secretum, & c.

12 Ponit Sayr *cit. loc. num. 16.* sequentem casum. Scio ego solus Petrum commisisse tale crimen scit etiam Petrus quod ego solus hoc scio: non teneor denunciare etiam sub censuris: quia inde scio magnam inimitiam, & iram oriundam inter me, & illum: & non teneor cum tanto periculo denunciare: nam Prælati turbens denunciare, benignè interpretandus est: ut velit denunciare quemuis absque tanto derrimento. In hoc enim casu Petrus delatus de crimine certo scio me fuisse denunciatores. Excipit tamen ibi, quod si crimen sit contra rem publicam, & bonum commune: nam tunc teneor denunciare, & pati tale periculum, quia præponderat bonum commune. Si item imminet graue periculum tertij, & ego non subeo periculum, teneor denunciare,

ciare, si culpatus monitus non desistat.

13 Quando res est secreta, etiam si sit tribus, vel quatuor nota, si Prælati iuberet sub censura revelari crimen, intendens procedere ad pœnam, non teneor revelare. Ponitur à Corduba q. 64. cit. & Sayro cit. loco, num. 18. & hoc intelligit ibi. Sayro, dummodo crimen ita secretum sit, ut neque specialis infamia sit de tali culpato, neque indicium. Parum enim interest, ut sciam ego solus vel sciant tres, vel quatuor, si crimen omnino secretum est. Secus si de tali culpato est iam infamia, vel sunt indicia, vel semiplena probatio.

14 Sunt omnino attendenda verba edicti, ut videatur quas personas obligent, & in qua materia: cumque sint verba pœnalia sunt strictè accipienda, & in significatione propria, & usitata. Hinc inferes cum Suarez tom. de Censuris, disp. 10. sect. 3. n. 12. quod si edictum iubet sub censura prodi talem scripturam, is qui habet eius transumptum, non verò scripturam authenticam, non tenetur prodere: quia scriptura, & transumptum sunt res diversæ, nec ambo faciunt æqualem fidem in iudicio. Secundo inferes cum Sanchez lib. 1. Decal. cap. 10. num. 33. quod si facta debita diligētia, adhuc dubito si in hac materia lex ista, vel hoc præceptum me obliget nunc, & in hoc casu, tunc non teneor tali præcepto, nec teneor denunciare: quia tunc perinde hoc est, ac dubitare, an ista res comprehendatur sub tali præcepto, seu idem est, ac dubitare, an ista lex sit imposita pro isto casu: ut legi iheretæ nemo tenetur obedire, sed legi certæ.

TESTIS.

Vide infra verb. *Iuramentum*, num. 3. & 13. & 15. & sequentibus.

1 **S**I casu accidat quòd post latum testimonium testis dicat se talia non dixisse; Notarius vero affirmet ita dixisse, de ordinario credendum est Notario, non testi: est enim Notarius persona publi-

gis in suo officio credendum est, quam testi particulari. Sic Iulius Clar. in *Pract. crimin. §. falsum num. 10.* & habetur in *lege si quis Decurio, Cod. de falsis: & cap. ad audientiam. de prescript.* Hac de causa laudabilis, imò necessaria consuetudo est, ut antequam testis subscribat suum testimonium coram iudice, legatur sibi suum dictum, ut videat si consonet dictis à se, vel si velit aliquid emendare. Nec sufficit ut testis dicat: hoc scio: sed debet explicare modum quo scit. Multis enim modis res scitur. *1. v. quasi §. cap. hoc videtur, & ibi citatur & cap. sicut nobis. de sent. & re iudicata,* ubi glossi. verb. *de causis.*

2. Eugenius IV. concessit Congregationi Sanctæ Iustinæ Ordinis Sancti Benedicti, ut in causis ipsorum civilibus, & criminalibus in iudicio, vel extra illud, valida, iuridica, & legitima essent testimonia Prælatorum Monachorum, conuerforum, & nouitiorum ipsius Congregationis. Habetur concessio in Bullario Rodriguez fol. 173. Et ibi ponitur paulò ante fidem, num. 18, quæ quidem magna concessio est: & sæpius solet, vel potest contingere, ut sit necessarium. Vide etiam glossi in *cap. R. Canonicus. de offic. & pot. iudicis deleg. ver. cum sint eius socij.*

3. Dixi olim hoc verb. num. 30, posse reum obicere testi crimen verum patratum à teste, ut illum impediat à testificando contra se, etiam si tale crimen sit secretum cum limitationibus ibi positis. Nunc addo ex Sayro libr. 12. *Clau. cap. 19. num. 15. §. secundo certum:* hoc posse facere reum etiam si testis iam tulit testimonium, ad quod infirmandum, seu annullandum potest illi obicere crimen verum quidem: sed secretum: idque siue testis deposuerit falsò ex malitia, siue ex ignorantia inuincibili. Nam licitum est innocenti defendere se, si aggressor inuadit, etiam si aggressor sit puer, amens, vel phreneticus. Et hoc est licitum non solum pro defensione vitæ, vel famæ, vel bonorum temporalium, sed ego aduerto, quòd si crimen secretum nihil prodest ad infirmandum testem, ut si fuit fornicatio, vel quid simile, non poterit obicere, sed solum quandoque pote

poterit infirmare, vt si fuit ebrietas, peritium, & simile.

4 Quid si sub iuramento promisi reo ante litem me seruaturum secretum: & postea vocor à iudice pro testimonio ferendo Est communis opinio, quòd si crimen est secretum, sed non pendet de futuro, neque est contra Communicatam, neque in præiudicium tertij: teneor seruare secretum, & iuramentum, & dicere me nescire intelligendo vt tenear. Si verò sit crimen pendens à futuro, vel contra bonum commune, vel contra proximum, teneor diuulgare. Rodriguez de Ordin. iudicial. ap. 6. concl. 10. & in his tribus attendenda sunt duo præcepta ibi occurrentia, vnum naturale fortius, aliud naturale minus Naturale fortius est obuiare malo communitatis, vel proximi innocentis. Naturale minus est mea promissio facta proximo etiam cum iuramento, & sic si ambo concurrant, & vnum solum possit obseruari, seruandum est fortius. Si verò hoc non vigeat, seruandum est minus.

5 Doctores. Consulti, Tabelliones, Procuratores, Advocati, Medici, obstetrices, similes, quibus aliqui communicant secreta suarum litium, morborum, vel dubiorum, non possunt illa secreta reuelare etiam iussi sub iuramento, nisi fortè inde immincat præiudicium Reipublicæ, vel tertio. Est opinio communis omnium.

6 Nota differentiam inter reum, & testem circa obligationem dicendæ veritatis coram iudice interrogante: nam reus non tenetur confiteri veritatem contra se, nisi sibi constet esse contra se semiplenam probationem: non verò tenetur si sit solum fama contra se, vel sola indicia friuola At testis vt teneatur dicere veritatem coram iudice rogante, sufficit vt præcesserit infamia in particulari tam circa delictum, quam circa personam Sayro lib. 12 c. 10 num. 10. Clau. Reg. Probari potest, quia plus periclitatur reus in fatenda veritate, quam testis in illa dicenda: & sic maior probatio præcedere debet vt reus cogatur ad illam dicendam, quam vt cogatur testis.

7 Dixi olim hoc verb. num. 19. quid sit testis omni
exce

exceptione maior: & tamen vnus solus testis, quantumcumque sit omni exceptione maior, non sufficit ad condemnandum aliquem pœna mortis. Adde quòd nec solum testimonium ipsius Imperatoris ad hoc est sufficiens ad aliquem puniendum pœna mortis. Ita Sayro *cit. libr. cap. 21. numer. 15.* At pro bono communi quando aliter fieri nequit in rebus leuibus sufficit vnus testis. Vt cum damnantur fures vinearum, scindentes ligna syluarum per dictum vnus tantum testis. Quia aliter fieri nequit vt vineæ, syluæ, & similia custodiantur: & eadem de causa pro rebus lenioribus sufficit testimonium vnus tantum personæ eximitæ, vt Papæ, Cardinalis Imperatoris. Vide etiam verb. sequenti *Reus.* Adde quòd vnusquisque testis est recipiendus sigillatim pro se, & pro secreto. Si enim plures simul recipiantur, testimonium non valet, quia vnus sequeretur dictum alterius. Vide *in capit. venerabili. de testib. & attest. cum gloss. ibi verb. examinare sigillatim.*

R E V S.

Vide infra verb. *Iudex, num 9. 10. & 11. & verb. Iuramentum, num. 14. & 15. & seqq.*

I reus iniustè occultos socios detexit, aut testis iniustè detexit crimen rei coram iudice, sit aliunde informatio sufficiens ad procedendum contra tales socios, vel contra talem reum, possunt ille reus, & testis offerre se coram iudice, & iurare prædictos non fecisse tale crimen, intelligendo, ita vt tale delictum subsit illi iudicio: & falsum se dixisse, intelligendo, quatenus falsum fuit illos tale delictum fecisse publicè, ita vt subesset illi iudicio. Hæc enim isto modo dicentes, & intelligentes non dicent mendacium, Sanchez 3. *Decalog. cap. 6. num. 28.* cum multis quos citat. Et ibidem *num. 29.* asserit cum Bannes, Sayro, Salon. & Leonar

Leonardo, quòd quoties aliquòd opus externum factum contra legem excusatur à culpa ratione alicuius circumstantiæ, potest rogatus iuridicè de illo facto id negare intelligendo de facto criminoso. Vt si quis hominem occidit omnino ignoranter putans esse feram, aut propter propriam defensionem, vel rem alienam, rapuit propter iustam compensationem, &c. & tum reo, tum testi potest inferuire. Et subdit aliud exemplum, quando taxa alicuius rei est iniusta: si pluri vendens, aut defraudans in mensura, vel pondere, ita ut sibi satisfaciatur pro pretij iniustitia, & reddat correspondentes merces pretio dato: potest hic rogatus à iudice, an pluri vendiderit vel defecerit in pondere, & mensura id negare: & asserere se pretio taxato vendidisse, & nihil fraudasse; intelligendo, ita ut plurimis vendens, aut pretio fraudans in mensura, deliquerit. Aliud exemplum ponit ibi de illo qui promisit matrimonium alicui feminae, sed propter aliquem euentum, vel defectum illa promissio in conscientia iam non ligat: hic talis poterit iurare coram iudice se non promississe, intelligendo, ita ut tenetur implere tale promissum. Denique multi casus resoluentur, regula supradicta attenta.

1 Similem regulam tradit Syluest. verb. *Iuramentum*

3. *quest. 2. vers. in iuramento vero*: quod scilicet quoties exigitur à reo vel alio, iuramentum faciendi aliquid quod sine peccato fieri non potest: iste talis poterit iurare, intelligendo, si absque peccato facere potuero. Ponit aliud exemplum Sanchez *suprà citato loco. num. 45*. Si iudex præcipiat reo, vel testi ut reuellet, siue publicè, siue secretò sciat, potest testis respondere, se nec publicè, nec secretò scire, intelligendo ut teneatur dicere; si id scit solum in secreto.

3 Si reus, vel testis in iudicio recipiens iuramentum à iudice, fingat se iurare, & re vera iuret, verba iuramenti subducens, peccat mortaliter, quia iniuriam facit iudici legitime iuramentum exhibenti. Ita Sanchez *citatur. libr. cap. 7. num. 2*. At statim subdit, id esse verum, quando inde notabile damnum iudicio sequeretur. At enim, quòd si nulla fraude, sed reverentia

uerentia iuramenti ductus, & propter scrupulum, finget se iurare: ita ut altantes, & Tabellio intelligent se iurare: in tali casu non peccaret mortaliter. Quia cum in foro externo constet de iuramento, nullum damnum infertur iudicio, & ex alia parte iur. gē veritatem fatetur, & nullam fraudem molitur.

4 Si reus aliquod crimen commisit non per se, sed per aliam personam, cui mandavit, & per iuramentum rogetur, an illud commiserit: non potest negare, intelligens se non commisisse per se. Ita Sanchez *proximè citato loco, num. 3.* Ratio est, quia tale iuramentum accipiendum est secundum legitimum verborum sensum, quem aut suapte natura verba habent, aut in quo canones, & leges accipiunt. At rem fecisse non solum verè dicitur ille qui per se ipsum fecit, sed etiam ille qui fieri mandavit. Ita Azor *tom. 1. lib. 11. cap. 8. q. 2.* Et multo minus poterit iurare se non commisisse crimen, quod se vera commisit, seu iurare se esse libertum ab illo, intelligens quia iam fuit absolutus ab illo in sacramentali confessione.

5 Magna dubitatio est quotidiana pro omni statu: si reus legitime interrogatus quando sub mortali tenetur veritatem dicere, illam negavit vel amphibologia rexit, possit absolui à Confessore, nisi se iudicio iterum offerat, ut iterum rogetur? Quo ad hoc triplex responsum assignatur iuxta triplicem statum ipsius rei.

1 Si reus iam fuit absolutus à iudice, vel iam fuit punitus à carcere fugiens, est iam extra iudicis potestatem, tunc reus non tenetur se iterum offerre iudici ad manifestandam veritatem. Est communis opinio maximè Sayro in *Clau. Reg. lib. 12. c. 17. num. 14.* & aliorum. Et probatur, quia tunc illud esset se prodere ad quod non tenetur.

2 Si iudicium adhuc durat, & reus est sub potestate iudicis ante laram sententiam, multi, & graues Doctores affirmant reum non posse absolui, nisi iterum se offerat coram iudice ad dicendam veritatem. Citat hos Sanchez *cit. lib. 3. cap. 7. num. 7.* & est opinio communior,

munior, & securior. Verum in fauorem miseri rei probabilius ibi sentit Sanchez *num. 8* reum neque tunc teneri se offerre iudici: sed posse absolui præmissis dolore de culpa præterita, cum proposito fatendi veritatem si iterum rogetur à iudice. Potissima ratio est, quia iste reus cum præterito perituro, & læsit partem offensam, & læsit iudicem: ait parti offensæ satisfacit cum proposito firmo quod illi satisfaciet ubi primum potuerit. Iudici verò satisfacit cum proposito dicendi veritatem si iterum rogetur. Nam illud præceptum obediendi iudici est transiens, & solum durat dum iudex interrogat secundò, quia minus tenetur reus contra se deponere quàm testis tenetur deponere contra alium, ut patet: at testis qui iurisdicè rogatus de alterius delicto negauit veritatem, non tenetur iterum se offerre iudici ad dicendam veritatem, sed satisfacit restituendo damnum, ut omnes farentur: ergo neque reus tenetur iterum se offerre, etiam si adhuc sit sub iudicis potestate. Et hæc ratio est euident.

3 Si reus iam damnatus est & ducitur ad patibulum, vel aliud supplicium subeundum, multi censent eum teneri offerre se iudici, vel veritatem coram Notario fateri, ad tollendam iniuriam, vel infamiam sua negatione illaram iudici, accusatori, ac testibus. Censent hoc septem Doctores graues citati à Sanchez *cir. loc. n. 10*. At contraria opinio est communior in praxi, & suauior, dicens reum ad id non teneri. Probat illam ibi fuse Sanchez. Primò, quia iam iudex post latam sententiam non potest interrogare reum, functus est enim suo officio, *l. Index § 5. ff. de re iudicata*. Secundò, quia finis interrogationis est, ut iudex condemnnet, vel absoluat: hic verò finis iam cessauit, quia iam reus damnatus est. Tertiò quia talis infamia non sequitur erga iudicem, testes, vel partem, cum res notissima sit solere reos negare veritatem pro sua defensione. Adde illud esse valde violentum suadere reo, & periculum esse si nolit obedire Confessori, & proinde moriatur cum conscientia erronea credens se teneri, & tamen nolens facere. Excipit ibi Sanchez, reum illum

lum hæreticum, qui ducitur ad comburendum, & moritur negatiuus: & ait hunc peccare mortaliter si non fateatur veritatem publicè, & proinde non esse absol- uendum: & hoc quidem ratione scandali, quia præsumitur decedere in hæresiac proinde (ait) si reus est, te- netur crimen fateri vt scandalum cesset. Hæc ille. At mihi ista exceptio dura videtur, neque illam repe- ri apud aliquem Doctorem: neque Sanchez vllum curat. Neque video quare non militent pro isto reo hæretico ad illum sic non obligandum, rationes su- præ allatæ pro excusandis aliis reis non hæreticis: ma- ximè cum in reo hæretico violentius sit, & magis infame veritatem publicè fateri: quod verò attinet ad scandalum, quod putat Sanchez dari ab hæretico negatiuo, dici potest non inde suscipi scandalum, cum omnes sciant solere reos negare: & simul sciant illum posse verè confiteri sacramentaliter in vero articulo mortis. Et idem scandalum suo modo suscipi potest de aliis reis negatiuis ductis ad patibulum. Adde quod hoc non videmus fieri à Confessoribus doctis comi- tantibus reos hæreticos ad combustionem. Fateor ego, & omnino dicendum est talem hæreticum ductum ad ignem, & nolentem complices reuelare, non fore absolvendum si possit ante mortem reuelare: ad illos enim reuelandos tenetur ex iure naturali, & positivo præcepto, cum sit in crimine vergente contra Rem- publicam.

6 Quid si reus metu tormentorum sibi falso cri- men imposuit, & quæ de causa ducitur ad patibulum: an teneatur sub mortali se retractare in publico: Mul- ti affirmant teneri, maxime Syluest. verb. *Retractio*, *quæst. 3. num. 4.* & alij At dicendum est ad id non obli- gari, nisi quando datur spes, vt ille ob talem retracta- tionem mortem euadat: cessante spe, non obliga- tur in publico retractare. Ita Rodriguez de Ordin. *iudic. cap. 11. num. 6. in fine*, & alij: rarissimè autem id eue- nit, quia post latam sententiam mortis, & in tali iam statu nihil ei proderit ad mortem, vel infamiam, euadendam talis retractatio. Quando reus Religiosus est

litteras

litteratus non est illi dandus aduocatus secularis. Sayro. *Clau. Reg. lib. 12. c. 7. n. 1* Imò ait Paulinus Bertus in *sua Praxi crim. tit. 11. c. 1. à n. 3.* in sua Religione numquam, nisi semel datum fuisse Aduocatum secularem cuidam fratri. quia imminebat periculum vitæ: & *tit. 6. in medio*, ait etiam extra periculum vitæ, ait sub opinione esse, an dandus sit talis Aduocatus Religioso ordinario propter bonum, & pacem Ordinis, fauet Mirenda in *Ordine iudiciali q. 14. art. 7. conc. 3.*

I V D E X.

PRo dubio quotidiano resoluendo: suppono breuiter, ex dicendis infra verb. *Opinio*: quòd quādo sunt duæ opiniones cōtrariæ, & ambæ æquæ probabiles, possum sine scrupulo sequi quā maluero. Item, quando sunt ambæ probabiles, sed vna probabilior, possum sequi illam quæ est minus probabilis absque scrupulo conscientiæ. Proponitur dubium, an Iudex in casu, quo sunt opiniones pro vtraque parte, possit sequi opinionem quamlibet ex duabus æquæ probabilibus: vel possit sectari opinionem minus probabilem.

Suppono secundo, quòd in hac materia possunt Iudici offerri opiniones vel ex parte iuris, vel ex parte facti. Ex parte iuris erit quando sunt textus, vel statuta diuersa, seu leges pro quorum intellectu vero, sunt variæ opiniones Doctorum: aliis sic, aliis verò sic exponentibus. Ex parte facti tunc erunt variæ opiniones, quando ex parte rei, & actoris, seu rationum pro vtroque allegatarum, sunt variæ opiniones, quænam probationes præponderent, & quæ sint vigentiores, & probabiliores. Hoc posito dubitas, an Iudex in casu, quo sunt opiniones probabiles, siue ex parte iuris, siue ex parte facti, possit sequi vtramvis opinionem: an verò etiam possit sequi opinionem minus probabilem. Hoc dubium præ aliis disputat Sayro *Clau. Reg. lib. 1. c. 11.* ex quo accipe sequentes propositiones.

Prima sit: quando Iudex videt ex æquo veramque opinionem esse probabilem ex parte iuris, & ipse quoque ita iudicat, potest licitè propter amicum iudicare secundum illam, quæ amico magis fauet. Imò secluso scandalo, potest propter amicum modò secundum vnam, modò secundum alteram iudicare: citat ibi Sayro, Sotum, Aragon, Valentiam, & alios. Ratio est, quia tunc iudex ex debito iustitiæ distributiue non plus tenetur hoc isti dare quam illi: sunt enim æquales in iure: ac proinde liberum erit cuius dare: Sicut, quando duo æquè digni opponuntur beneficio, licitum est illud cuius dare; neque enim hic datur acceptio personarum: hæc enim solum interuenit quando adest debitum iustitiæ distributiue, quæ hic non obligat. Quod verò modò possint vnam sequi, modò aliam probatur, quia cum ambæ partes sint æquè probabiles, ambæ fundantur ratione sufficienti vt possit eligi quævis illarum ad libitum: neque ex eo quod hodie istam sequor, maneo impeditus quin illam cras abiiciam sequendo aliam, absque vlllo peccato. Dixi cessante scandalo, quia hoc dato nunquam licet operari, etiam actum aliàs licitum. Præterea licet amicus hoc possit facere propter amicum modo prædicto, id debet facere ratione solius amicitie, non verò ratione munerum, quia iam tunc peccabit ratione muneris accepti, vel accipiendi.

2 Si ex parte iuris sint duæ opiniones, ambæ probabiles, sed vna probabilior, tenet Sayro *cit. loco num. 2.* posse iudicem ferre sententiam sequendo opinionem minus probabilem. At ego vetius puto tenendum oppositum cum Sanchez t. *Decalog. cap. 9. num. 47.* dicente teneri iudicem iudicare secundum opinionem probabiliorē: & citat pro se sex graues Doctores. Probat, quia hic agitur de iure suo cuique reddendo secundum merita causæ, & cum ipse à Republ. iudex constitutus sit, hoc ipso iudicio ipsius committitur, vt causam illam dirimat pro vt melius rationi, ac iori conformius viderit: & aliàs faciens erit acceptor personarum: cum non iudicet secundum maius meritum causæ, sed secundum minus meritum. Et confirmatur, quia datur beneficium

beneficium minus digno peccat, & est acceptor personarum. Limitat tamen, quod si opinio minus probabilis, est magis recepta in praxi, & iudex inferior iudicans secundum opinionem probabilioris irridebitur à Superiore ad quem appellabitur, poterit in tali casu iudex inferior iudicare secundum opinionem minus probabilem.

3 Quando sunt duæ opiniones æquæ probabiles, ex parte facti (quia scilicet uterque ex æquo probat suum factum) tunc in civilibus iudex debet componere partes inter se, vel si res de qua litigatur sit res diuisibilis, diuidere illam inter partes: sst Sayri num. 12. Probatur, quia uterque habet ius æquale, & res diuisibilis esse ac proinde ratio naturalis dicitur ut diuidatur. Quod si diuisibilis non sit, componantur ad inuicem ut unus totam rem possideat, & alteri det pretium dimidiæ partis. Dixi in civilibus, quia in criminalibus debet iudicare in fauorem rei, Argument, reg. cum sunt partium iura obscura reo fauendum est, potius quam auctori, de reg. iur. in 6. & præterea quia in criminalibus reus est aggressus: auctor verò est aggressor: & in lumine naturali illi potius fauenda est quàm isti.

4 Quando duæ opiniones ex parte facti sunt ambæ probabiles, sed altera est probabilior; in civilibus tenetur Iudex iudicare in fauorem probabilioris. Hæc satis patet ex dictis pro confirmatione secundæ propositionis: tenetur enim Iudex iudicare secundum merita causæ. Et causa pro nunc est maior in opinione probabiliori, quia probat per meliora fundamenta, & rationes. Dixi in civilibus, quia in criminalibus ad codemandum reum probationes debent esse luce clariore: unde quando iura partium sunt obscura, declinare licet in fauorem rei, quamuis probationes actoris, aut fisci sint paulò clariore: adhuc enim non sunt luce clariore.

5 Si pars altera deficiat in probatione, aut quippiam necessarium allegare, iuxta ea sola quæ allegauit, & probauit sententia ferenda est, & non secundum probabilioris sententiam quam allegatis allegandis

secuturi essent Iudices. Item non potest Iudex aperire alteri parti, quæ defuncti alleganda, vel conueniat probare, aut aliquid pertinens ad ius, vel facti probationem. Hoc enim est munus Aduocati, non verò Iudicis. Ita Sanchez citato cap. 9. numer. 48. & Sayro *Clau. Reg. libr. 12. à num. 7. & sequentibus*, maxime à num. 12.

6 Huius ultimi dicti occasione quòd scilicet Iudex non possit aperire parti id quòd conuenit allegare, cum sit hoc munus Aduocati. Pono dubium, quòd mihi contigit in praxi. Quidam vir doctus, ante motam item, domi suæ secreto, per modum consilij aperuit cuidam parti rationes, & fundamenta pro parte suæ litis. & in papyro scripsit. Postea hic vir eligitur Iudex assessor cum Iudice ordinario ad iudicandam causam illam, pro qua dederat consilium; quæris an possit in conscientia esse Iudex talis causæ? Et videtur quòd non, ob proximè dicta, quia Iudex non potest aperire parti, quæ sint probanda. Et probati videtur *ex cap. nullus umquam 4. quest. 4.* ubi dicitur has personas distinctas in iudicio requiri, ita distinctas, vt vna non possit alterius vicem subire. Videlicet accusatorem, reum, testes, Iudicem, defensores. Vnde colligitur quòd Iudex debet esse persona distincta à defensore, qui est consiliarius. Ego tamen credidi, & credo potuisse talem in conscientia eligi, & esse Iudicem in tali causa, pro qua consilium dederat: & secundum suum consilium iudicare si est probabilius, vel æquè probabile dummodo in hoc cesset scandalum. Et primò ostendo hoc non prohiberi per dictum *cap. nullus*. quia ibi per defensores utilitatem sonat, intelliguntur Aduocati publici, qui in foro, seu tribunali respondent iudici pro se. Hic enim omnino necesse est vt Iudex, & Aduocatus sint personæ distinctæ. At consiliarius domi suæ si secreto consulens, vt tale, vel tale fiat, non est Aduocatus: multum enim distat inter Aduocatum, & consiliarium. Nam persona infamis non potest esse Aduocatus in publico coram Iudice in tribunali, & iste infamis potest domi suæ esse consiliarius, vt tradit Re-
perito

pertorium Inquisitorum, ver. *Aduocatus*. Iam ergo ex illo capite non repugnat illum qui antea fuit confiliarius secretus, esse iudicem assessorem, vel ordinatum, vel delegatum. Deinde probò; quia si talis prius confilens fiat iudex, & sequatur suum iudicium iustum, & legi conforme, non facit iniustum aliquid contra veritatem, vel falsitatem: præterea nullum damnum infert parti contraria, vt patet. Tertio, per consilium præcedens, modò non dicitur fauere plus reo, quàm actoris modò enim Iudex constitutus æquitatem seruat inter vtrumque, & nihil denuò aperit, neque consulit. Neque Iudex per consilium antea datum, videtur se obligasse vt modò Iudex illud idem sequatur. Nam libertatem habet illud reiiciendi si viderit modò esse falsum, & sic suppono, vt faciat. Si verò fuit consilium sanum, & verum, nullum est inconueniens, eidem modò etiam stare. Dixi *cessante scandalo*, quia dato illo, id non poterit cum sit occasio magna murmurationis, eò quòd credibile sit illum à suo priori concilio non recessurum. Hoc autem maximè credo locum habere posse apud Religiosos vbi apices iuris non seruantur. Et vbi de Ordinatione non dantur Aduocati reo, neque defensores saltem in causis leuioribus. Et casum supradictum cum dicta responsione approbavit vir satis doctus.

7 Circa Aduocatum etiam quem olim dixi debere dari Religioso in causâ graui: quando liceat, vel non liceat causam aliquam defendere, accipe sequentia per breue compendium ex suprà citatis Doctoribus. Primò, numquam licet aduocato defendere causam, quæ manifestè est iniusta. Hæc est communis Doctorum. Secundò, quòtiescunque causâ est dubia pro vtraque parte, quia res vel in iure, vel in facto æquè dubia est, potest Aduocatus vtramque partem tueri, patet quia ius vtriusque æquale est. At requiritur quod Aduocatus dubietatem iuris reuelet clienti, neque illi promittat securitatem, aliàs peccabit fallendo. Tertio, etiam si Aduocatus causam sui clientis iudicet minus probabilem, quàm sit opposita, adhuc poterit pro illo patrocinari. Nam cum cliens in hoc casu iuste litigare possit,

eò quòd ratione aliqua probabili ducitur : ita Aduocatus potest illum defendere. Teneatur tamen eodem modo Aduocatus admonere clientem de illa minore probabilitate suæ causæ. Limitat tamen bene Sanchez *citi cap. ad finem*, hoc tertium esse intelligendum, dummodo causa clientis non sit tam parum probabilis, ut rarissimè secundum illam iudicetur, vel ad illam Iudices inclinentur. Tunc enim non poterit defendere, & si defenderit, obnoxius erit restitutioni causa amissa. Præterea tenetur iura fideliter referre, & testimonia fideliter citare, ne Iudicem decipiat : nec potest clienti consulo-
re, ut neget veritatem quando tenetur fateri, aliàs peccabit cum onere restitutionis, ut citati Doctores, *cita-
tu locu*, affirmant.

8 Neque verò tertium dictum proximè positum quod Aduocatus possit defendere causam minus probabilem, pugnat cum dictis suprà de Iudice, quem diximus non posse iudicare secundum opinionem minus probabilem. Differentia enim est inter Iudicem, & Aduocatum : nam Iudex tenetur iudicare secundum merita causæ & processus : Aduocatus verò ad nihil tale tenetur, sed solum ut inquirat, & proponat fundamenta pro suo cliente, absque fraude, & dolo.

9 Dixi olim veb. *Rami, num. 44* : cum Rod. & Miran-
da posse Iudicem exhibere reo iuramentum ad cognoscendam veritatem, quando aliter cognosci non potest : & statim ex me admonui parè hoc iuramento esse vtendum. Nunc autem negotium pressius stringens, dico : solere Prælatos Regulares aliquando reos, maxime apostatas primò redeuntes iuramento excipere, & adigere ut dicant quæ fecerint in apostasia. Circa quod postea iuueni Reginaldum *1. tom. 2. lib. 24. n. 42*, dicentem cum Lessio *ibi citato*, non debere nec posse Prælatos reo exhibere iuramentum, nisi quando eidem reo licita exhiberi posset tortura : & aliàs veritas non potest sciri : est enim (aiunt) iuramentum quædam spiritualis tortura, vnde cum tortura exhiberi nequeat, nisi præcedente ferè semiplena probatione, ac deficiente omni alia probatione : sequitur dictos Prælatos non debere

re in

re in principio processus apostatis, vel aliis reis exhibere iuramentum de iis, quæ antea fecerunt donec postea constet illos de tali re esse valde infamatos, & aliter veritatem de tali re sciri non posse.

10 Iuvat maxime ad proximè dicta quod tradit Sanchez lib. 3. *Decalog. c. 8. n. 9 & 10.* vbi cum multis tradit non posse aliquem licitè iuramentum exigere ab aliquo cum probabili periculo, vt is à quo exigitur falsum iuret. At ferè semper timendum est ne teus; maxime in negotio graui suæ famæ, veritatem occultet cum etiam illam multi negent, vt plurimum, diis tormentis expositi. Et ad hoc timendum ait ibi Sanchez non requiri certitudinem moralem, sed sufficere probabilitatem.

11 Vltimò notat Reginald. cit. lib. n. 41. teneri Iudicem aperire reo, ante condemnationem, statum causæ, probationem, indicia, & testes, idque propriis nominibus, iuxta c. *qualiter, & quando 2. §. debet de accusar. vt videat procedi contra se iuridicè, & sciat quid contra se habeat: in his enim consistit copia defensionis, vt possit contra omnia sibi obiecta respondere & cicit ibi Reginaldus Nauarrum ad rubricam de iudicis n. 58.*

12 Quod verò attinet ad id quod ait detegenda esse reo nomina testium, statuta generalia Tolletana in Ordine Minorum cap. 6. *de correctione pro vno pacis.* decernunt, vt Prælati non dent reo nomina testium ad euitanda odia; nisi fortè quando viderint periclitari rei iustitiam in aliquo crimine graui, & infamatorio: in tali enim casu, reo petente debent publicari reo testes, & accusator. Vbi vides id relinqui arbitrio Prælati, indicaturi criminis grauitatem, & iustitiæ periculum. Idque videtur potuisse decernere prædicta statuta Tolletana pro suo ordine propter bonum pacis, vt ibi dicitur: sicut in fauorem fidei in tribunali sancti Officij testium nomina subticentur. Et præterea notò prædicta statuta generalia esse confirmata auctoritate Apostolica, sicut in procemio illorum testatur Reuerendissimus tunc Generalis, Gonzaga.

23 Obijcis, Nauarr. lib. 3. *Consil. titul. de Regular. con-*

filio 5. num. 4. *prima edit.* tenet quod si Papa confirmavit statuta alicuius Religionis confirmatione communis, & ordinaria: & in talibus statutis continetur aliquod quod sit contra ius Canonicum, tale statutum à Papa non confirmari, ut enim ait in *responsione ibi ad certum*, solet Papa in ista confirmatione solum confirmare statuta, quæ non sunt contra ius commune Canonicum, & sunt aliàs licita, & honesta; at prædictum statutum de subtrahendis testibus in Ordine Minorum expressè contradicit prædicto *capiti*, *qualiter & quando*. ubi Papa expressè iubet Prælati: *Et non solum delicta, sed etiam nomina ipsa testium sunt exponenda ei*. Ergo prædictum statutum non est validum ac proinde in omnibus causis grauibz tenentur Minoritæ Prælati absolutè reuelare nomina testium. Fateor argumentum urgere. Solum video posse responderi, & ita omnino dicendum est: Vigilantissimum tunc Prælatum Generalem Gonzagam debuisse specificare hoc statutum speciale contra ius commune. Secundo, potest dici illud ius id statuere in fauorem rei: at reum cum toto ordine pro bonorum communi posse renunciare suo iuri talis defensionis, sicut supra Carthusiano renunciante esui carnis, & renunciante correctioni fraternæ.

14. Quando recusatur aliquis iudex (*vulgo Porthe sospesano*) ipse recusans, debet in scripto ponere causas exceptionis, & testes quibus intendit probare: & iudex recusatus debet remittere hæc ad Superiorem: qui debet iudicare si probeur exceptio, audito prius iudice recusato: ut respondeat: quia recusato iudici suo modo fit iniuria. Quod si ista non obseruentur, non tenet recusatio Ordin. Portugalliz *lib. 4. tit. 21. §. 4.*

DECIMÆ.

1. **M**ulta sunt priuilegia antiqua, & recentia concessa Religiosis de non soluendis decimis à variis Pontificibus pro ut habet Compendium Mendican

cantium verbo *Decima*. Et præter ibi contenta adducit Rodriguez *tom. 2. quest. 44. articul. 4.* etiam pro Ordinibus Militaribus.

2 Hæc privilegia aliqui explicant, v; solum valeant pro terris, & possessionibus, quas ipsi Mendicantes propriis manibus, vel propriis sumptibus excolunt, vt Rodriguez ait *citat. articul. & sic videtur esse in usu.*

3 At Henric. *lib. 7. de indulg. cap. 27. num. 7.* & Rodriguez *art. & tom. 3. q. 74. art. 16.* etiam de Monialibus dicunt quod Mendicantes non tenentur soluere decimas neque quartam medietatem, &c. de suis terris etiam si illas non excolant manibus, vel sumptibus suis: neque aliquid debere de illis etiam si per colonos, & conductores eas excolant. Ita enim concessit Sixt. IV. Monialibus Sanctæ Claræ in Compend. verb. *Decima §. 10.* Et Benedictus XIII. concessit Ordini S. Ioan. Ierosol. militari, apud Rodriguez *citat. art. 4. tom. 2.* Et concessum est Patribus S. Hieron. in Hispania, vt habet illorum Compend. verb. *Decima §. 11. 15. & 16.* & additur in aliquo illorum privilegiorum claritatis gratia, quod coloni non teneantur soluere decimas Parocho, sed Monasterio. Et addit Henriquez *citato loco in gloss.* quod sic fuit iudicatum paucis ab hinc annis Salamantica, Baccæ, & Murcia. Ratio Henriquez est, quia hoc privilegium decimarum non est personale, sed reale, & proinde transit ad rem, seu ad prædium. Et idem dicendum in hac sententia de Monialibus, quibus idem concessum diximus. Et proinde de omnibus communicantibus.

Ego in hac materia solum video in oppositum præxim contrariam saltem in nostra Portugallia; & in particulari nostras Moniales, video soluere decimas de possessionibus colonis conductis. Imò quando hæc scripsi scio Eboræ Moniales D. Benedicti extra muros per sententiam à Curia Romana obtentam iussas esse soluere decima viginti ab hinc annis non solutas. Fortè enim Episcopi obtinuerunt aliquod aliud Breue Pontificium reuocatorium omnium dictorum privilegiorum allegantes fortè iacturam notabilem illis, ac Parochis subortum ex tot privilegiis tot Religio-

forum, & Conuentuum decimis exemptum: inde enim crescentibus Conuentibus breui tempore Episcopus: & clerus damnum graue paterentur. Videat vnusquisque praxim suæ Diœcesis, ac Prouinciæ.

Hoc solum addo cum Henricus *citat. cap. num. 9.* quod si Episcopi non ostendunt Bullas derogatorias prædictorum priuilegiarum, etiam si aliquæ Religiones per aliquot annos decimas soluerint ignorantes suorum priuilegia, illa tamen non perdunt nisi fortè iam præscriptum sit contra illas religiones legitimè spatio sexaginta annorum, vel amplius, vt infra videbimus verbo *Priuilegium*. Hoc ipsum tenet Rodriguez *citat. quest. 44. artic. 5. & 6.*

4 Scio inter declarationes Cardinalium, scriptas à Vincentio Marzilla, *fol. 317.* haberi has duas. Prima est, quod Abbatis & Moniales de bonis emptis tenentur ad soluendas primitias, & decimas Parochiali, de quibus est controuersia. Secunda est ibi dicta *ordine 168.* sic habens. Si decimæ sunt impositæ rei, quia ab initio fuerunt concessæ, vel traditæ cum ea conditione vt ex eis decimæ soluantur, tunc ad quoscumque perteniunt etiam Mendicantes teneri eas soluere. Si verò debeantur pro administranda cura animarum, tunc quia Parochi aliqua sacramenta his Mendicantibus non admittunt, Mendicantes ad eas non teneri: si tamen à solutione decimarum Sedis Apostolicæ priuilegiis muniantur: Sic ibi. Quæ secunda declaratio non videtur multum contrariari dictis ab Henrico & Rod. si praxis non obstar.

DIFFINITORES, SEU

Consiliarij.

Solent in Religionum capitulis eligi Diffinitores seu Consiliarij ad causas grauiores decretandas: vel ad Prælatos inferiores, & locales eligendos. Illorum officia videantur in particularibus Ordinum statutis, illis verò in cõmuni possunt hæc aptari.

1 Rationes

1. Ratio, & consuetudo tribunalium docet quod si voce tenus hi debeant suffragium, vel consilium dare, non maiores, vel seniores incipiant dicere, sed iuniores, ne forte iuniores post seniores dicentes, metu ledendi, vel autoritate coacti teneantur à seniorum dictis non recedere, *Rodr. comp. 2. q. 43. art. 3.*

2. Hi si proponantur ad dignitates, & officia, illi quantum defectus notabilis est publicus, sed à præsidente ignoratus, tenentur sub mortali detegere defectum præsidi, ne admittatur indignus ad officium. D. Thom. 2. 2. *quæstion. 69. art. 2.* Palud. *an 4. dist. 29. quæst. ult.* præponderat enim bonum publicum bono particulari electi indigni.

3. Ad idem tenentur Diffinitores, si defectus eligendi est notabilis, secretus, sed non emendatus, & instat periculum communitati cui non potest aliter obuiari Ludouicus Beia in *Resp. Moral. parte 3. casu 38. §. quod si defectus, ob causas ibi datas.* An autem electores hi possunt negare suffragium ob defectum grauem cognitum tantum in sacramento poenitentia, vide infra *ver. Electio.*

4. Debent Diffinitores subscribere illi sententia, vel electioni pro qua non dederunt suffragium. *Rodriguez sent. 2. tit. 9. 45. art. 10.* dicens sic fuisse statutum apud Dominicanos, in Capitulo in quo D. Thom. fuit electus Diffinitor.

DISPENSARE.

Vide infra *verb. Illegitimus vel legitimus. num. 9. & 10.* & *verb. Prælatus quo ad dispensationem illius, & verb. Votum à n. 40.* & vide supra *verbo Abortus n. 10.*

1. **I**llegitimi intrantes ordinem, post professionem, non indigent dispensatione ad Ordines recipiendos, per ingressum enim Religionis, id est, professionem, ipso facto ad omnes habilitantur. Est communis & receptissima.

2 Hi ad prælationes indigent dispensatione : & hanc dare possunt in Capitulo Prouinciali vel Generali, Prælati communes videlicet Generalis , Prouincialis , ex declaratione , & Bulla Gregor. X I V. ita vt extra Capitulum Generale , Prouinciale, seu intermedium id non possint, non obstantibus antiquis priuilegiis. Vbi noto quòd cum ibi dicat Papa in Capitulo intermedio, quod hodie apud Franciscanos non celebratur; cum congregatio intermedia habeat vicem Capituli, in hac poterunt prædicti Prælati dare prædictam dispensationem illegitimo. Rodriguez *tomo 1. quæstion. 13. art. 6. & art. 9.* Vide tamen infra verb. *Illegitimus.* aliud priuilegium facilius, si tamen est in vsu, concessum Congregationi S. Ioan. Euangelistæ in Portugallia.

3 Non possunt Prælati in tali Capitulo Prouinciali, vel Generali dispensare vt sit Prælatus filius Religiosi genitus post professionem patris, & in qua illius pater fuit Prælatus. Teneat Miranda *tom. 2. q. 2. art. 10.* contra Rodrig. *q. 13. art. 7.* & ego potius teneo cum Miranda ob causas quas citat.

4 Non possunt Prælati communiter aliquando dispensare cum subditis in bigamia vera, neque in interpretatiua, vt quando quis contraxit cum duabus virginibus, vel vnum matrimonium cum vidua possunt tamen dispensare cum bigamia similitudinaria, quando scilicet Clericus contraxit matrimonium, & cognouit uxorem sic receptam non legitimam. Cum hoc, inquam, ultimo possunt dispensare ad ordines sacros. Rodr. *tom. 1. q. 24. art. 20.* Dixi, *communiter*; quia in Compendio Societatis IESV ver. *Dispensare. §. 5. & 6.* dicitur quòd Generalis ipsorum potest dispensare cum subditis in bigamia, ex concessione Sixti IV. facta Carthusiensibus. Et in Comp. D. Hieron. ver. *Ordines sacri. §. 6.* conceditur quod bigamus de longinquis partibus, & ignotis, seu ignotus hoc loco possit dispensari à Prælato, & ad sacros ordines promoueri.

5 Possunt Prælari Regulares dispensare ad ordines cum aliquibus corpore vitiatis, dummodo defectus corporis non sit essentialis, vel scandalosus. Exemplum sit;

Non

Non possunt dispensare cum carente digito, pollice, vel oculo Canonis, vel cum leproso, caduco, & similibus, quia hi defectus sunt essentielles, vel scandalosi. Possunt tamen dispensare si desit digitus, non pollex, si desit auris externa, vel vnus pes, & possit ambulare cum pede ligneo, & similibus. Rodrig. *cit. qu. art. 3.*

Sed propter dicta de oculo Canonis, aduerte ex Suarez. *lib. de censur. disput. 51. sect. 3. num. 15. & 16. ex Nauarr. ibid. citato*, quod si aliquis caret globo oculi, est irregularis ob deformitatem. Si verò non caret globo oculi, sed in oculo Canonis sinistro habet carentiam potentie visus, ita vt cum sinistro non possit legere Canonem absque deformitate notabili, est etiam irregularis. Si verò cum dextro oculo possit legere Canonem absque deformitate, non est irregularis: & hoc maxime locum habebit quando talis carentia visus contigit in sinistro oculo post ordines susceptos; si enim ante susceptos contigit, maior deliberatio requiritur, vt *ibidem* ait Suarez *n. 16.* etiam Prælatum Regularem posse esse Iudicem in hoc de oculo sinistro deficiente in potentia videndi.

6 Non possunt Prouinciales, nec Generales dispensare cum infami notato infamia iuris legitime condemnato, maxime ob crimen nefandum, vt possit celebrare: est enim talis irregularis: & dispensatio cum illis generaret scandalum. Rodriguez *cit. questio. 24. tom. 1. artic. 6.*

7 Possunt dispensare Prælati Prouinciales cum mutilatione membri voluntaria occulta, non deducta ad forum contentiosum. Secus verò si sit publica. Rodrig. *ibid. art. 10.* vide verb. *Prælati*, num 39.

8 Possunt Prælati etiam Conuentuales dispensare cum suis subditis in irregularitate orta ex homicidio voluntario si sit occultum, non verò si sit publicum. Compend. Mendicantium, ver. *Dispensatio*, §. 24. & *ibid.* Corduba *annotatione ad eundem §.* & Rodrig. *cit. qu. 24. artic. 12.* Hoc autem intelligitur de dispensatione ad ordines, non verò ad prælationes, vt Rodrig. ait *citata quest. art. 16.* Idem circa dispensationem homicidij tenet Miranda *tom. 2. quest. 8. artic. 10. concl. 2.* vide suprà verbo *Abertus* num. 10.

9 Si homicidium fuit purè casuale, vel in defensione factum, possunt Prælati dispensare, etiamsi fuerit publicum. Rodrig. *art. 3* & in *Compend. D. Hieronym. vet. Dispensare in foro penitentia §. 10* conceditur quòd possit Generalis dispellare in homicidio quando non est certum illud commississe, vel mandasse. Possunt etiam dispensare in irregularitate contracta ex indebita celebratione, quando celebrant excommunicati.

10 Possunt Prouinciales, & Generales dispensare cum subditis in pœnis incurfis propter violationem Bullarum Apostolicarum, vt propter ingressum in Conuentum Monialium habilitando, scilicet, tales violatores ad officia Ordinis, & similes pœnas tollendo, idque post iniunctam, & factam condignam penitentiam. Capucinus *Addit. ad Compend. verb. Absolutio ordinaria quæ ad fratres fol 17. ex priuilegiis Ministr. infirmorum, & late Rodriguez tom 1. quæstion. 24. art. vltimo*. Qui tamen limitat hoc posse Prælatos quando illæ pœnæ non sunt reseruatæ Sum. Pontifici, sicut non est illa inhabilitas proximè dicta. Secus si dicatur in Bulla quòd sine illæ pœnæ reseruata.

11 Possunt Prælati dispensare, & commutare omnia vota simplicia subditorum. Est communis. Et de hoc amplius infra verb. *Votum*, & verb. *Prælati*. Ait tamen Rodrig. *cir. tom. 1. g. 2 §. art. 4.* non posse Prælatos irritare votum subditi de transendo ad arctiorem Religionem, posse tamen illud dispensare ob causam ibi traditam, vide infra verb. *Votum*, n. 30. Securius autem erit in votis subditi quod Prælati dicat, dispensò, & irritò, vel quatenus possum, si tamen habeat causam ad dispensandum; in dispensatione enim semper causa requiritur; ad irritandum verò non requiritur causa. Causæ verò ad dispensandum sunt facilitas in vouendo: infirmitas ad implendum: necessitas, vtilitas: impedimentum maioris boni, & alie similes.

12 Abbatissæ non possunt dispensare nec commutare vota Monialium, quia carent iurisdictione Ecclesiastica. Possunt tamen illa irritare, quia habent circa illas potestatem dominatiuum.

13 Vota Nouitiorum non possunt Prælati irritare, quia non habent erga illos potestatem dominatiuam: nec similiter Abbatisse possunt irritare vota Nouitiarum. Possunt tamen Prælati vota Nouitiorum, & Nouitiarum commutare & dispensare. *Rodrig. cit. quest. 25. art. 2.*

DISPENSATIO.

14 **V**irtute supradictorum privilegiorum, & confessorum supra ver. *Confessor*, possunt Confessores Regulares dispensare cum secularibus in omnibus sequentibus. Primo in voto temporali castitatis, ad annum simile tempus limitatum. Hoc enim non est absolutum, seu perfectum votum castitatis. Idemque possunt, quando votum fuit disunctiuum, & altera pars est absolute reseruata Papæ, altera non: vt si vouit: promitto castitatem; vel suscepcionem sacrorum ordinum. Ratione enim huius secundi non reseruati, totum disiectum potest commutari, ac dispensari per prædicta privilegia, Doctores pro hoc, & seqq. statim citabo. Et in his, ac sequentibus etiam possunt commutare.

15 Secundo, possunt dispensare cum illo, qui stans in ordine promississe transiturum ad arctiorem Religionem: possunt, inquam, cum illo dispensare, vt transeat ad laxiorem.

16 Tertiò, si Papa commutauit votum absolutum Religionis, vel castitatis in aliqua opera pia, onerosa, confessiones, scilicet, & communionem mensuras vel quid simile, ta lis materia, inquam, facta est illa commutatio potest commutari à Confessore Regulari in aliud opus æquiualens.

17 Quarto, idem possunt circa votum castitatis emissum à quouis coniuge absque licentia, vel cum licentia alterius. Non verò si ambo vouerunt castitatem de communi consensu per modum contractus: nisi forte ambo vouerunt abstinere ad tempus certum. De hoc particu

particulate Sanchez *lib. 8. de matrim. disp. 11. num. 10.*

18 Idem possunt circa omnia iuramenta annexa prædictis votis, cum duabus exceptionibus. Prima, dummodò non sint iuramenta absoluta castitatis, & Religionis: hæc enim æquivalent voto absoluto castitatis & Religionis, quæ reservantur Papæ. Secunda est, dummodò non sint iuramenta ex quorum dispensatione resultet præiudicium tertij: hæc enim excepit Gregor. XIII. in suo privilegio, ne à Religiosis commutentur. Hæc omnia præcedentia tenet, & affirmant Sanchez *lib. 8. de matrim. disp. 16. n. 1. & seqq.* cum Cordub. Rodr. & Vega *ibi citatis*, remittens se ad suam *ibi* disputationem.

19 Idem dicturus videtur, seu teneretur Sanchez quod possunt iidem Religiosi in omnibus sequentibus: videlicet, quod possint dispensare in voto non nubendi: & in voto assumendi ordines sacros, & in tempore præfixo vouenti Religionem: ut quod scilicet intraret ordinem intra vnum annum: tunc enim potest cum illo ob iustam causam dispensare, ut differat ingressum post illud tempus. Dixi, inquam teneri Sanchez fateri in his omnibus posse Regulares confessarios dispensare: quia ille ait *cit. lib. 8. disp. 9* hæc omnia posse Episcopos dispensare iure ordinario: & Regulares in hoc possunt idem quod Episcopi. Adde quod tria prædicta vota non sunt vota absoluta castitatis vel Religionis, ut intuenti patebit.

20 Si coniux fecit votum Religionis inito iam matrimonio, nondum tamen consummato, non possunt Religiosi per prædicta privilegia tale votum commutare, vel dispensare. Nam illud est votum absolutum Religionis, quod adhuc potest, ac debet impleri ante consummationem matrimonij. Sanchez *cit. disp. 16. n. 6*. Si verò fecit votum castitatis inito matrimonio, & non consummato, possunt dispensare ob manifestam periculum. Sanchez *ibidem, num. 4.*

21 Si quis vouit virginitatem solum intendens abstinere à:rimo coitu per quem perditur virginitas & autcola: poterunt cum isto dispensare Confessores Regulares,

gulares, quia potest Episcopus: eo quod hoc votum non sit votum castitatis absolute, sed temporales; si vouens virginitatem solum, & absolute intendit abstinere in omni voto ab actu venereo. In hoc neque Episcopus, neque Regulares dispensant, quia ibi clare includitur votum absolutum castitatis. Et quando vouens non recordatur intentionis habitæ tempore voti, indicandum est vouisse secundo modo, non primo. Ita Azor tom. 1. lib. 11. cap. 19. q. 14. & Sanchez lib. 8. de Matrim. disput. 9. num. 9. & lib. 9. disp. 33. n. 7. & lib. 8. cit. disp. 15. num. 4.

21 Tenetur Prælati dispensare cum subdito quando pertinet ad bonum animæ, vel corporis: quia potestas data Prælati ad dispensandum est ad subditorum bonum. Sanchez lib. 3. de Matrim. disput. 10. num. 6. Imò aduerto, quod quando subditus petens dispensationem fuerit scrupulosus, non debet Prælati illum remittere suæ conscientiæ, sed causa cognita pro sufficienti, debet hominem resolute liberare à scrupulis, non relinquendo negotium in manu subditi scrupulosi: secus si non sit scrupulosus petens.

23 Potestas ad dispensandum in habente illam, in dubio si possit, vel non possit extendi ad hoc, vel illud, est amplè interpretanda retenta propria significatione verborum. At ipsa dispensatio facta, est interpretanda strictè, quia est abrogatio legis communis, Sanchez de Matrim. lib. 8. disput. 1. cum limitationibus ibi positis, & disput. 2. citans multos. In qua 2. disput. num. 9. ait: quod stante dubio an dispensatio facta, extendatur ad hunc casum, est strictè interpretanda. Si verò sit dubium an potestas dispensandi extendatur ad hunc casum, est amplè interpretanda.

Quoties constat de intentione concedentis, dispensatio extenditur ad id quod concedens intendit. Patet ex capit. in his de verb. significa. & capit. primo versicul. ex parte verò tua. de concess. præbenda in 6.

24 Dispensandi potestas amplè interpretatur in ordine ad casus aptabiles in potestate expressos, dummodo non sit in præiudicium tertij. Vnde habens

potestatem dispensandi in vno, potest dispensare in alio illud primum concernente, vel ab illo dependente in quo est eadem, vel maior ratio. Sic Felin. *c. final. de Simoniali* num. 8. & alij. Excipe dummodo talis extensio non sit in præiudicium tertij.

25. Habens potestatem etiam delegatam, dispensandi in aliquibus votis, potest etiam dispensare in iuramentis factis Deo circa eandem materiam. Idem dicitur de potestate commutandi. Et est contra, potens dispensare in iuramentis Deo factis, potest etiam in votis eiusdem materię. Sanchez *lib. 8. de Matrim. disp. 3. à num. 18.* cum multis citatis, quod intellige quando votum, & iuramentum non sunt facta simul supra eandem materiam.

26. At quando adfunt votum, & iuramentum eiusdem rei simul, si iuramentum factum est simul ad confirmationem voti, potens tollere votum dispensando, vel commutando, potest etiam tollere iuramentum confirmans simul factum: quia ibi iuramentum est accessorium sequens naturam voti principalis. Si verò iuramentum factum est diuerso tempore post votum, neque ad confirmandum votum, neque dependenter ab illo, tunc potestas ad dispensandum votum non extenditur ad tollendum iuramentum eiusdem rei, quia sunt duo vincula eiusdem rei, independentia: & tunc iuramentum est principale, & non accessorium ad votum, Sanchez *citato loco num. 23.* cum multis citatis. Vbi ait validam esse dispensationem si existente voto, & iuramento simul votum firmante, exprimatür votum tantum tacito iuramento: vel solum exprimatür iuramentum tacito voto, vel dicatur esse vnum tantum, cum sit utrumque eibidem *num. 24.* Quia tunc reputatur vnum tantum vinculum.

27. Non est iusta causa dispensandi in voto non ludendi, pari multa desideria ludendi, si illis resistitur sufficienter: sed solum est causa quando homo positus est in manifesto periculo violationis voti ob iam visam experientiam. Imò ait Alcozer relatus à Sanchez mox citando, esse causam sufficientem commutari

mutandi iuramentum vel votum non ludendi, si vo-
uens ex abstinencia ludi agrestis, ac rusticus reputetur.
Ita Sanchez sequens illum, in lib. 8. de Matrim. disp.
220. num. 20. Intellige si sit persona nobilis, quæ inde
grauem infamiam patiatur. Sed hoc videtur dubium,
cùm nemo ex abstinencia ludi manere possit agrestis,
& infamis.

A D D I T I O.

Ad Idem infra verb. *Matrimonium*, à num. 1. & sequen-
tibus, & vide omnia infra verbo *Homicidium*,
n. 39. & 40. & ver. *Voti dispensatio*. præter illa, quæ iam
dixi in prima editione hoc eodem verbo, & ibidem
ver. *Prælati*. Claritatis gratia addo, nouam mihi con-
cessionem, & maximam, & notatu dignam pro multis
casibus, quam refert Rodrig. in Bullar. fol. 817. datam à
Paulo III. Religiosis Sancti Benedicti Vallisoleti, cuius
summa hæc est.

1. Concedit, Quod singulis annis prima die luna Qua-
dragesima, huiusmodi omnes, & singulas virisque sexus
personas. Ordinis, & congregationis prædictorum Religio-
sas, ac eidem Ordini, & Congregationi oblata, seu dona-
ta, nec non Eremitas sub cura vestra, existentes intra
septa vestrorum, seu ipsorum pro tempore absoluendorum
Monasteriorum, seu aliorum Regularium locorum, ab
omnibus, & singulis eorum peccatis, sententiis, censuris, &
pænis per eos pro tempore quomodolibet incursum, etiam in
casibus quomodolibet reservatis, (exceptis contentis in
Bulla Cœna Domini) absoluerit: & cum eis super qui-
busuis irregularitatibus per eos pro tempore quavis occa-
sione, vel causa contractis dispensare, pro ut hactenus, ve
præfertur consueueritis. Et subdit firmissimam confirmatio-
nem irrenocabilem, ita ut si dicta concessio renocetur, iro-
rum reintegrari, vel restitui censeatur. Dixi hanc mihi
videri maximam, & insolitam concessionem, quia licet
excipiat casus Bullæ Cœnæ, in multis tamen aliis in-

solita est, pro pœnis scilicet absolventis, & irregularitatibus dispensandis. Quod ut melius intelligatur, aduerto sequentia.

1. Hoc conceditur Reformatore generali, Abbatibus, Prioribus, & Præsidentibus prædicti Ordinis Et proinde conceditur aliis Prælati aliorum Ordinum cum illis communicantibus, qui respondent prædictis officiis, & dignitatibus Benedictinorum. Quod si quæras, an Prælati isti possint hoc ibi concessum delegare alicui Confessorij, credo quod possunt, quia habens iurisdictionem, per privilegium Papæ, habet illam ut ordinariam, & proinde potest illam delegare, ut dixi in prima Editione, verbo *Abortus. num. 12.* & Sanchez lib. 2. de *Matrimon. disp. 40. num. 14.* Quod non possunt delegare Prælati per illam concessionem Pij V. supra verb. *Abbat* quia iuxta illam per se ipsos debent facere.

3. Conceditur his Prælati ut possint subditos utrinque sexus Monachos, & Moniales absolvere, prima feria secundæ Dominicæ Quadragesimæ ab omnibus casibus Sedi Apostolicæ reservatis: exceptis contentis in Bulla Cœnæ. Idemque possint erga personas oblatas, & donatas viuentes intra Monasteria, vel in aliis locis regularibus subiectis eisdem Prælati, videlicet oratoriis, grangis, & similibus, quia hæc sunt loca regularia illis regularibus subiecta.

4. Concedit quod possint illos omnes absolvere ab omnibus censuris, excommunicatione videlicet, suspensione, & interdicto: & præterea ab omnibus pœnis. Inter quas venit omnino quæcumque inhabilitas ad officia Ordinis, & privatio officiorum, idque in foro conscientie hæc enim duo intelliguntur nomine pœnæ Ecclesiasticæ, & similiter de quacunque alia pœna.

5. Quod mihi insolitum est, conceditur illis ut dispensent cum omnibus illis subditis in omni irregularitate, *quantis occasione, vel causa contractis*: in quo non limitat si sit homicidij voluntarij, neque casualis: neque limitat si sit delictum occultum, vel publicum. Neque excipit bigamiam, &c, sed absolvet, & in communi, *sit i quantis occasione, & causa contractis*. Quod non re-

perio

perio alium Summ. Pontificem concessisse. Cumque concessio sit tam ampla, & generalis, & Papa id possit concedere: nec ab aliquo successore reuocatum inueniamus in speciali, videtur posse Religiosos illa uti sicut iacet sine limitatione: quia cum lex, vel Princeps non distinguit, neque nos debemus distinguere.

6 Quod ibi non distinguit ut id faciant in foro sacramentali Confessionis, vel conscientie: unde videtur quod illa die Prælati prædicti poterunt pœnas, & irregularitates dispensare extra sacramentum Pœnitentie.

7 Quod non est illud concessum semel in vita, neque cum pœnitentia vnius anni singulis hebdomadis, ut fecerunt alij Summ. Pontifices sicut diximus in prima Editione, verbo *Confessor. num. 18 & 19* Sed concessio est pro singulis annis absque illa annuali pœnitentia. Sed ramen debent Prælati hac dispensatione videntes semper condignam satisfactionem iniungere: & præterea per istam concessionem hoc non possunt facere, nisi semel in anno, & illa sola die, videlicet Feria secunda primæ Dominicæ Quadragesimæ.

8 Præter supra dictam concessionem, pro Minoritis aduerto Pium II. concessisse Minoritis ut cum suis subditis possent condescendere, & compati in equitando, licet non sit arcta necessitas, vel infirmitas: & in receptione frumenti pro induendis fratribus ubi non est alius modus habendi: & similibus, habetur concessio viuz vocis oraculo in Bullario Rodriguez. fol. 299. & 300.

9 Dixi in prima editione hoc eodem verbo *num. 8.* posse Prælatos dispensare cum subditis in irregularitate homicidij voluntarij, si delictum fuit occultum. Nunc addo Martinum V huius concessionis Auctorem apud Compendium Mendicantium, verb. *Dispensare. §. 14.* quando hoc concessit dixisse: *Dummodo notorium non sit.* Multum verò refert ad quietem Religiosi dispensandi advertere quod sit crimen notorium, pro quo sufficiat audire Nauarrum in *Sum. Latina, cap. 25. num. 73.* ubi agens de suscipiente Ordines cum peccato notorio, definiens quid sit notorium, ait: *Dixi-*

mus notorium, quia ad hunc effectum non sufficit esse famosum, nec testibus probabile. Notorium autem dicitur quoad hoc, quod est confessum à parte in iudicio; vel super quo est lata sententia, qua transiit in rem indicatam: aut est manifestum, ut nulla tergiversatione celari possit. Et paucis interiectis subdit, etiam esse delictum notorium, Quando scit evidenter maior pars populi, vicinorum, aut Collegij, modo in eo saltem sint decem. Vbi nota singula verba, primo enim ponit exempla de crimine notorio, primo quando scilicet confessum est in iudicio: secundò, si sententia est damnarum: tertio, si nulla tergiversatione potest celari: quarto, si scitur evidenter à maiori parte communitatis. Et in speciali hoc ultimum dictum est notandum, quòd scilicet non sufficiat utcumque sciri à communitatis parte maiori: unde non sufficit quod sciatur per famam: scire enim per famam non est scire evidenter. Et hoc ipsum posuit Nauarr. in verbis prioribus dicens, non sufficere quod crimen sit famosum, id est, scitum per famam: nec sufficere quòd possit testibus probari, nisi de facto habeat illas quatuor condiciones proximas positas, vel aliquam ex illis. Et mox subdit Nauarr. scientiam pauciorum quàm sex, non facere rem notoriam: neque lex sufficere quando illi non sunt maior pars illius congregationis, cuius respectu illud dicitur notorium. Vnde colliges quòd si in magna cōgregatione sex tantum sciūt, imò, & cetero, tale crimen non est notorium si desint illæ quatuor priores condiciones, vel vlla illatum, ex quibus omnibus facile erit Prælati cognoscere quando homicidium voluntarium fuerit notorium, ut possint dispensare in irregularitate inde secuta. Recole etiam ad hoc intentum, quæ diximus suprà verbo *Abbas n. 4. usque ad 10.* de crimine occulto, inseruiunt enim etiam ad hoc propositum.

10 In omnibus, in quibus possunt Prælati dispensare cum suis subditis, possunt dispensare etiam si ipsi Prælati sint extra suum territorium: vel etiam si Prælati existant in suo territorio, & subditi sint absentes: idque in foro interno tantum extra Sacramentum.

crimen. Hæc colligitur ex Sanchez *libr. 3. de Matrim. disput. 19. num. 7. & sequent.* ubi docet dari duplicem iurisdictionem, aliam scilicet contentiosam, quæ exercetur inter partes litigantes, actorem scilicet, & reum cum strepitu iustitiæ; & proinde dicitur contentiosa, quia exercetur inter litigantes, quorum alter est inuitus. Et ista iurisdicção non potest exerceri à Prælato extra suum territorium; ne turbet Prælatus alieni territorij. Secunda iurisdicção dicitur voluntaria, quæ scilicet non exercetur inter litigantes, neque erga inuitos, sed circa voluntarios, ac volentes: & ista potest exerceri à Prælato ubique extra territorium modo suprà dicto, quia hæc exercetur sine strepitu iudicij, & neminem lædit. Et ita censet Suarez *de Censur. disput. 41. sect. 2. num. 10.*

11 Si Prælatus dispenset cum aliquo, non petente subdito, nec petente aliquo alio, dispensatio valida est: quia ut ea sit valida non requiritur quòd præcedat postulatio alicuius: Suarez *tom. de legibus libr. 6. cap. 13. num. 8.* unde patet verum fuisse dictum olim à nobis in prima editione, verbo *Abortus num. 11.* quod scilicet si Prælatus regularis in Capitulo Conventuali, vel Provinciali dicat, in communi, absolvo vos, & dispenso vobiscum, &c. omnes circumstantes necessitatem habentes illius absolutionis, & dispensationis manent absoluti, & dispensati in omnibus, quæ potest Prælatus, etiam si antea nihil petierint. Et confirmatur, quia tunc Prælatus habet voluntatem, & potestatem absoluendi & dispensandi, & ut absolvat à pœnis Ecclesiasticis, & dispense in irregularitatibus non requiritur contentio, vel Confessio Sacramentalis ex parte pœnitentis.

12 Prælatus inferior dispensans in lege superioris sine iusta causa, & subditus petens dispensationem absque iusta causa, peccant ambo: at excusabitur si uterque probabiliter, & moraliter credant subesse causam licitam, & iustam. Suarez *citat. cap. num. 14. & 16.* Et subditus faciat simplicem informationem bona fide.

13 Prælatus datus litteras dimissorias alicui subdito quem scit esse irregularem, & concedit ut Ordines

suscipiat in ipso facto cum illo dispensat in prædicta irregularitate, si alias potest in illa dispensare, Medina in Sum. 1. par. cap. 11. §. 12. & Ludouicus Lop. Instrult. 1. par. cap. 4.

14 Dispensandi potestas alicui concessa, siue ordinaria, siue delegata, est amplè interpretanda: & potest aptari, vt per illam possit illam habens dispensare in casibus qui aptabiles sunt casibus concessis expressè, & inclusis in casibus expressis. At verò ipsa dispensatio à Superiori iam data est interpretanda strictè, & rigorosè in propria verborum acceptione: neque extendenda ad similes casus. Est communis Doctorum latè discussa à Sanchez 8. de Matr. disp. 2. vbi ponit duas limitationes de potestate ista amplè interpretanda. Prima est, quòd si vrgeat præiudicium tertij, sit strictè interpretanda. Secunda est, quòd si committatur, vt dispense cum certis personis nominatis, est strictè interpretanda: si vero personæ dispensandæ non nominentur in concessione, erit amplè interpretanda. Vnde colligit Sanchez num. 9. quod stante dubio, potestas dispensandi extendatur ad aliquem casum, erit interpretanda, quòd extendatur ad illum. At e contra, si sit dubium, an dispensatio iam facta extendatur ad hunc casum, non est extendenda ad illum. Ratio est, quia dispensandi potestas est amplè interpretanda rationabiliter ad casus necessariò inclusos: at dispensatio ipsa est strictè interpretanda.

15 Superior qui est immediatè Superior tamquam causa vniuersalior in regimine ordinario, potest validè in lege inferioris, vt potest Generalis dispensare in lege Prouincialis: & iste in lege Prælati conuentualis. Et quamuis talis Superior siue causa dispense, valebit dispensatio, quidquid sit de peccato maiori, vel minori talis dispensantis sine causa. At si talis Superior non sit immediatè Superior in regimine ordinatio, sed solùm sit Superior per appellationem, quia scilicet ad illum Superiorem potest appellari, talis Superior non potest dispensare validè in lege inferioris, verbi gratia, Archiepiscopus est Superior Episcopo

copo solum per viam appellationis, non in regimine ordinario immediatè: ac proinde non potest dispensare validè in lege Episcopi sibi subiecti. Et confirmatur, quia Generalis potest sibi reservare regimen Prouincialis quoad aliquod negotium particulare si viderit expedire. Et eodem modo poterit legem sui Prouincialis annullare si viderit conuenire. Suarez *cit. lib. 6. de Legib. cap. 19. ad finem.*

16 Circa renunciationem dispensationis sibi factæ, sicut potest renunciare officio, vel priuilegio quod habet. Nota secundo, duplicem esse posse istam renunciationem: alteram expressam, alteram tacitam. Ad renunciationem expressam requiritur voluntas interna, & verba expressiua voluntatis istius: & præterea requiritur, vt ista renunciatio intimeretur dispensanti, & ab illo acceptetur: quamdiu enim illi non fuerit intimata, & ab illo acceptata, poterit dispensatus mutare voluntatem, & vti sua dispensatione, & idem dic de renunciatione priuilegij, & officij. Renunciatio tacita est illa quæ fit per aliquod factum indicans voluntatem renunciandi Dixi, *per aliquod factum*: quia non sufficiet non vsus circa illam dispensationem, quia cum isto non vsu potest manere voluntas vtendi sed requiritur, vt ita dicam, contrarius vsus, seu factum contrarium voluntati vtendi illa dispensatione. Suarez *cit. lib. 6. c. 10. n. 8.* At bene *ibid. n. 9.* pro maiori explicatione addit, quòd qui dispensatus iam fuit in ieiunio (idem dic de alijs) & querit nouam dispensationem de eadem re, dubius an prima valuerit, non censetur renunciare primæ dispensationi procurando secundam, neque per hoc amittitur prima: quia procurans secundam, non habuit animum absolutum renunciandi primam, sed solum conditionatum, videlicet si prima sit inualida: ac proinde non obtenta secunda, poterit manere cum prima. Si verò quis post primam dispensationem obtineat aliam secundam contrariam priori, iam renunciat priori, & non poterit illa vti. Vnde infert Sanchez 2. *de Matrim. disp. 21. n. 19.* quod impetrans dispensationem ad contrahendum matrimonium cum vna con-

sanguinea, & postea secundò impetrat aliam ad contrahendum cum alia, iam non potest contrahere cum prioris, quia per secundam dispensationem repugnantem; renuntiavit primæ. Addit tamen Suarez *cit. cap. 20. n. 11.* quod licet dispensatus rumpat litteras dispensationis ex animo renunciandi, non tenet renunciatio, quousque à Principe acceptetur. Quæ omnia possunt applicari ad renunciationem officiorum.

17 Si Prælati cum subdito dispensavit validè in aliquo voto, vel illud irritavit, non potest iterum reuocare illam dispensationem, vel irritationem iubendo, ut flet priori voto. Probat, quia per illam validam dispensationem, vel irritationem fuit votum verè ablatum, & extinctum: ergo non potest Prælati idem votum iterum imponere subdito: quia votum non ligat, nisi ex libera voluntate vouentis, & proinde ut iterum obliget debet iterum subditus vouere. Suarez *cit. lib. 6. cap. 21. num. 6. ad finem.*

18 Quæritur. Quidam Religiosus habet irregularitatem, vel inhabilitatem super qua poterat suus Prælati dispensare. Ille huius rei inscius Papam, vel Nuntium adit pro dispensatione obtinenda. Papa, vel Nuntius dispensationem denegavit: Quæritur, an post hanc denegationem Papæ possit suus Prælati cum illo dispensare, sciens quòd Papa negavit? Ego iam de isto casu rogatus respondi, & modò respondeo, posse Prælatum Regularem cum illo dispensare, non obstante quòd sciat Papam, vel Nuntium noluisse dispensare, dummodò causa iusta interfit. Hunc casum ponit Sanchez *lib. 8. de Matrimon. disput. 14.* in illo qui prius petiit à Papa negante dispensationem, & postea adit Episcopum alias potentem dispensare: tenet quòd potest Episcopus dispensare non obstante quòd Papa negaverit. Et probatur, quoniam ex eo quòd Papa negaverit dispensationem, non aufert iurisdictionem ordinariam, quam habet Prælati inferior dispensandi, aliàs in illo casu: neque Papa negando dispensationem fecit illam casum indispensabilem: neque reuocavit privilegium quòd habet inferior in illo dispensandi:

ergo adhuc potest dispensare. Secundò, quia ex eo quòd Papa negauerit, non dicitur præuenire causam, seu interdicere, ne alius dispense. Neque item subdicius adeundo Papam cessit iuri suo quod habet etiam adeundi Prælatum.

19 Limitat tamen ibi Sanchez *num. 5.* quòd si Papa negauit dispensationem iudicans non adesse causam iustam dispensandi: tunc non poterit Prælatus inferior dispensare, nisi noua causa adueniat: quia in tali casu, deficiente causa, videtur Papa diffinire non posse in tali casu licitè dispensari. Secus si Papa neget non ob defectum causæ: sed in pœnam istius, vel criminis, vel personæ; maxime quando sciat inferior quod Papa huic negans, aliis tamen concedit eandem dispensationem. Et *num. ibid. 6.* asserit non teneri Episcopum dispensantem sua potestate ordinaria ad illas solas causas, quas solet Papa attendere: nam si sint alia iustæ quæ sibi videantur sufficientes, adhuc poterit dispensare. Imò id etiam dicit posse facere dispensantem per potestatem delegatam à Papa, quia Papa in commissione, qua committit ut dispenseretur in aliquo casu, solum requirit ut sit causa iusta: neque limitat hanc, vel illam.

20 Idem dicendum est in casu, quo Generalis, vel Prouincialis denegauit dispensationem. Si enim potest Prælatus localis conuenientialis dispensare: adhuc poterit dispensare non obstante quod Prouincialis, vel Generalis negauit. Imò addit Sanchez *citata diffus. 14. n. 7.* quòd etiam Confessor per Bullam Cruciatæ, vel aliud priuilegium potens aliquid dispensare, vel absolueret, id poterit facere, non obstante quod pœnitens à Superiore iam sit passus repulsam: quia adusse Superiorem nullum præuentionis effectum operatur. Et rationes adductæ in *n. 18* etiam militent in Prouinciali negante Generali: & in Prælato locali negante Prouinciali. Dummodo tamen semper sit causa dispensandi, & potestas in inferiori cum iniuncta sufficienti pœnitentia. Imò sicut ibidem innuit clarè Sanchez in his omnibus non est necesse facere mentionem re-

pulsæ

puisse dari à Papa, nisi quia id ille definiuit non dari causam iustam dispensationis: tunc enim inferior non poterit, vt supra diximus.

31 Dato quod subditus petiit dispensationem à Prælati, & Prælati rem sit ad Papam: & Papæ fuit præsentatus: an possit adhuc redire ad Prælatum, vt dispenseet virtute priuilegij validi per quod potest? Respondetur posse iterum Prælatum illi causæ intendere, ac dispensa. Neque obstat *cap. licet. de off. legati*, vbi dicitur iu licem desinere esse iudicem postquam causam ad Superiorem remisit. Nam hic textus intelligitur in causa contentiosa tantum, qualis non est dispensatio, hæc enim est causa pacifica sine strepitu iudicij. Neque per hoc quod pœnitens iam adierit Papam, dicitur suum delictum esse positum in foro contentioso, ac proinde non posse dispensare Prælatos inferiores, qui nequeunt dispensare in aliquibus grauius deductis ad forum contentiosum. Non hoc obstat, quia petere solum aliquid à Sum. Pontifice, non est manere casum positum in foro contentioso illius. Quia forum contentiosus significat locum iudicij, in quo est persona actoris, & rei. Quod non datur quando Romæ postulatur dispensatio.

ECCLESIÆ FRATRVM.

Vide verbo *Altare*, & verbo *Benedicere*, & verbo *Missa*, & verbo *Sepultura*, & verbo *Processiones numero 10.*

1 **P**otest Guardianus suam nouam Ecclesiam benedicere cum aqua à se benedicta, & illam pollutam reconciliare cum aqua tantum à se benedicta *Compend. verb. Benedicere §. 14.* Non verò potest consecrare, vel illam consecratam reconciliare. Quod autem Ecclesiam solum benedictam possit reconciliare cum aqua à se tantum benedicta, non verò benedicenda

dicenda ab Episcopo, tenet Hentiq *sem 2 lib. 13. c. 51. §. pollutio*. Et probatur, quia si, lex Parochus reconciliat suam Ecclesiam benedictam cum aqua à se benedicta: ut omnes fatentur cum praxi: ergo à fortiori id poterit Prælatus Regularis maiorem habens potestatem. Si vero sit consecrata debet Regularis Prælatus vocare Episcopum: vel si ille absit ultra duas dietas, expectare aquam ab illo benedictam, & tunc Ecclesiam consecratam cum illa aqua reconciliabit.

2 Ecclesias Fratrum, cœmeteria, calices ubi Christiana interuenit, & altare portatile, solus Episcopus potest cōsecrare. Hoc tamē potest facere quilibet Episcopus Catholicus, non impeditus inrequisito diœcesano Compend. eod. ver. § *us cū notati ne Collectoris ibidem ad § 16.*

3 Ecclesias Fratrum non esse collegiataras, nec teneri ad duas Missas diebus assignatis à Missali tenet Rodf. *sem. 19. 43. art. 2.* dicens ita declaratum esse in cœmoniali nostri Ordinis factō ex mandato Congregationis Generalis Tolleranz. At illas esse collegiataras, & teneri ad duas prædictas Missas diebus assignatis expressè tenet Cœmoniale Ordinis factum ex mandato R. P. Generalis Grancisci Sozzæ per Fratrem Ioanrem Zamorens, qui *libr 1. de Rubricis fol. 5. pag. 2. Rubrica 4. ad finem*, ait sic fuisse Romæ declaratum in Congrega Cardinalium de Ritibus: & *ibidem* ait esse etiam Cathedrales ad effectum vtendi planetis complicatis.

4 Audientes Missam in nostris Ecclesiis satisfaciunt præcepto Ecclesiæ: & si ibi sermonem audierint non tenentur adire proprias Parochias. Compend. Societatis verb. *Missæ. § 1. Ex Paul I I I & § 2.*

5 Ecclesias seu loca Fratrum temerariè infringentes incurrunt excommunicationem. Compend. verb. *Ecclesia. § 3.* Et hoc inseruit contra Ministros iustitiæ aliquando insequentes illos qui ad Ecclesias confugiunt, de quo paulò infra. vide ver. *Confessor n. 29.*

6 Leo X. prohibuit ne Regulares in Sabbatho sancto campanas pulsent pro Alleluia, antequam pulsentur in Matrice Ecclesia Cathedrali. Compend. verbo *Ecclesia §. 10.*

7 Possunt Regulares in suis Ecclesiis exhumare corpora defunctorum ex vno sepulchro ad aliud in eadem Ecclesia de consensu illorum quorum interest. Compend. verb. Ecclesia §. 17.

ECCLESIAE IMMUNITAS

pro fugientibus ad illam.

¶ Via casus quotidianus est apud Religiosos, & videtur diuinas molestias ob hanc causam eis illatas, sequentia pono pro remedio aliquo futurorum. Neque in hoc recedo ab intento.

8 Gaudent privilegio Ecclesie ne possint ab illa extrahi fugientes ad illam, etiam si adhuc in illa non sint celebrata diuina mysteria, dummodo iam sit dedicata ab Episcopo. Gaudet etiam Ecclesia etiam sit sit polluta, & interdicta. Suarez tom. 1. de Religione, lib. 3. cap. 9. num. 4. & 6.

9 Horti, & septa Conuentuum, & totus ambitus cum officinis gaudet hac immunitate, & proinde ab horto Fratrum extrahi non potest culpatus. Compend. Societatis I E S V, verbo Immunitas. §. 2. dicit quod per Ecclesias Fratrum intelliguntur horti, hortalia, officinae, & omnia contenta intra ambitum Conuentus. Et Rodriguez tom. 2. quest. 75. art. 1. dicit ex Eugenio I V. quod etiam grangiae Cisterciensium gaudent hac immunitate sicut Ecclesiarum atria (alpendres) ita ut inde extrahi nequeant fugientes. Probatum etiam ex Bulla Gregor. X I V. adducta à Capucino verb. Ecclesia, fol. 306. & 307. in qua Gregor. restringens aliam Sixti V. permittentem extrahi bannitos ab Ecclesiis; & modificans quomodo sint extrahendi, ait ne extrahantur (ab Ecclesiis, Monasteriis, sacellis, domibus Regularibus, locisve sacris, aut Religiosis.) Vide verba: primò enim per Monasterium, intelligitur etiam hortus: nam Religiosus existens in horto, dicitur esse in Monasterio. Secundò ibidem dicit (loca Religiosa)

ligiosa) hortus autem Monasterij est locus Religiosus. Licet verò illa Bulla sit pro sola Italia: mens tamen, & intentio Papæ debet extendi ad simile. Præterea quia Fratres admittentes mulieres intra hortos Monasterij sunt excommunicati, ut omnes fatentur explicantes Bullam Pij V. Hoc autem non ex alia causa provenit, nisi quia hortus est Monasterium. Vltimò quia privilegium extenditur ad loca cohærentia, ut probat Henriquez *tom. 1. lib. 7. de Indulg. capit. 17. §. 6. litera D. in gloss.* maximè si loca sint intra Monasterium.

Quia verò Ministri iustitiæ ut plurimum sunt feruidi, & nimij in extrahendis, saltem aliquando id ostendunt percipere, ex dicta Bulla Gregor. Et ex piissimis Ordinationibus regni Portugalliæ colligo modificationes à Papa ibi positas, & à Rege *lib. 1. Ordin. titul. 5.* ambo enim piissimè decernunt modum extrahendi.

Primò ergo iubet Papa ne extrahantur (etiam non gaudentes immunitate) absque expressa licentia Episcoporum, vel eius officialis, & non alterius. Secundò ut extracti reponantur in carcere Ecclesiastico, & non in seculari usque dum causa terminetur.

Rex autem *citato loco*, primò iubet ut antequam extrahatur processus fiat summarius, ut videatur, an reus gaudeat immunitate Ecclesiæ. Secundò iubet ut vocetur Prælati, Rector, Vicarius particularis, aut generalis, ut videat, & examine delictum & processum. Tertiò ait Rex, & requirit ut concordet Vicarius cum Iudice seculari, & secundum utriusque decretum fiat, & alibi pro Ecclesiæ favore decernit. Quæ vellem hodie melius observari ab aliquibus ministris iustitiæ, qui Conventus ingrediuntur inconsulto aliquando Prælato, imò septa saltantes, quod neque Papa, neque Rex permittit.

Addit Capucinus *citato loco*, ut Prælati Regulares vigilent, & non sinant culpato extrahi absque diligentia ibi assignata, alias incurrant pœnas Bullæ prædictæ. Quamvis autem pœnæ ibi posite in Hispania non ligent,

gent, vt diximus, tamen Prælatus eo ipso quòd Prælatus est tenetur sub mortali defendere immunitatem suæ Ecclesiæ, nec sinere culpatores indebitè extrahi, vt clarè decernitur *cap. inter alia. de immunit. Ecclesia.* Vt autem hoc melius possint facere, pono in ordine casus magis contingentes in quibus culpatores gaudent, vel non gaudent immunitate Ecclesiæ,

10 Iuxta probabiliorē sententiā non gaudet immunitate infidelis nisi fortè fugiens ad illam petat baptismum. Suarez *lib. 3. de Relig. tom. 1. cap. 10. nu. 9. & 11.* Hæretici verò pro crimine hæresis non gaudent.

11 Non gaudet priuilegio isto seu immunitate Clericus quouis modo culpatus, respectu iudicis Ecclesiastici, sed ab illo potest extrahi, cum ab illo non sit occidendus. Non verò potest extrahi à iudice sæculari. Si verò Clericus sit primæ tonsuræ, non portans habitum, & tonsuram clericalem, potest extrahi à Iudice sæculari, Suarez *cit. cap. 10. numer. 6. & sequentibus.* Et potest etiam laicus extrahi à Iudice Ecclesiastico pro omni crimine pro quo potest illud punire, vt quia non vult contrahere cum sponsa cui debet promissum, vel pro alia culpa contra ius Ecclesiasticum. Suarez *ibid. n. 8.*

12 Gaudet hac immunitate qui non valens ingredi adhæret portæ Ecclesiæ non habentis cœmeterium: aut si est supra tectum Ecclesiæ. Suarez *cit. lib. cap. 9. nu. 8. & ratio est, quia in vtroque casu dicitur ille fugere ad Ecclesiam, & esse in Ecclesia moraliter, & fauores sunt ampliandi.*

13 Gaudet etiam seruus fugiens scruitiam domini, nisi dominus iuret de impunitate serui. Gaudet etiam fidelis excommunicatus nisi delictum suum id prohibeat. Gaudet etiam fidelis interdictus. Suarez *cit. lib. cap. 10. nu. 3.*

14 Gaudet etiam culpatus ciuilitè, vt verb. grat. fugiens ad Ecclesiam propter debita. Suarez *cit. lib. cap. 11. nu. 3.* Non verò gaudet fur quando est grassator viarum & incendiarius. Ordinationes Regni Portugalliæ, *lib. 1. tit. 5.* Bene tamen gaudet fur ordinarius, *ibid. §. 4.*

Non

Non verò gaudet adulter extrahens foeminam, vel virginem à domo viri, vel patris. Gaudet tamen adulter ordinarius, vel deflorator non extrahens illas à domo. Ordination Portugallia, *ibidem*.

15 Non gaudet immunitate qui commisit delictum aliquod intra Ecclesiam Suarez *cir. cap. 11. n. 6*. Neque, qui crimen fecit extra Ecclesiam per insidias, vel ex propositio, ut communiter dicitur. Neque is qui ex Ecclesia alium extra illam fecit vel mandat ferire: neque qui extra Ecclesiam existens aliquem ferit intra illam. Suarez *ubi proxime*.

16 Gaudet immunitate fugiens à carcere etiamsi illam infringat. Gaudet etiam is qui iam captus fugit de manibus iustitiæ, etiamsi iuraverit ministris iustitiæ se non fugitutum ad Ecclesiam, quidquid sit de peccato suo. Suarez *cir. cap. 11. n. 18. & 20. de raptore virginum* alij affirmant, alij negant gaudere.

17 Si refugiens ad Ecclesiam habeat corpus intra Ecclesiam, & vestes extra illam, non potest extrahi, quia iam est moraliter intra Ecclesiam. Suarez *cir. lib. 3. cap. 13. num. 3*. Si verò est iam intra Ecclesiam, & gaudet immunitate, potest ibi à iudice sæculari spoliari armis prohibitis, vel aliis rebus alienis, si ibi habet. Non potest tamen ibi ligari, vel condemnari, vel aliam violentiam pati. Suarez *ibidem*.

Denique ordinationes Portugallia *citato lib. 2. titul. 5. §. 1.* pro regula generali dicunt quod Ecclesiæ immunitate solum gaudent malefactores qui merentur mortem naturalem, aut civilem, vel abscissionem membrorum, vel quancumque poenam sanguinis. At ius Canonicum *citato capis*. inter alia loquitur generalius, dicens non esse ab Ecclesia extrahendos, vel extrahendum (quantumcumque gravia maleficia perperrauerit, nec inde debet damnari ad mortem, vel ad poenam. Sed Rectores Ecclesiarum sibi obtinere debent membra, & vitam.) Sic ibi. Vbi excipit solum extrahi posse latrones publicos. Et adde tu à nobis supra exceptos qui à Doctoribus iuxta ius canonicum dicuntur extrahi posse.

A D D I T I O.

Vide suprà verb. *Alienare*, maximè num. 1. quia pro hoc etiam inferniunt.

1 **D**ixi olim hoc verb. num. 1. posse Prælatum localem reconciliare suam Ecclesiam pollutam aqua à se benedicta: de quo non est dubium, si Ecclesia non sit consecrata. Nunc addo quòd Ecclesiam non consecratam potest quivis Sacerdos reconciliare. Ita Sà *Aphorif. verb. Ecclesia*, num. 20. & alij. Secundò dico, quod Prælati Regulares possunt suas Ecclesias consecratas pollutas reconciliare, cum hac conditione, si videlicet Episcopus Diocesis distet à loco ultra duas diætas, id est, 14. leucas. Si enim distet per duas diætas, poterunt illam reconciliare etiam consecratam, idque cum aqua benedicta per ipsos Prælatos Regulares. Si verò Episcopus non distet per duas diætas, & Ecclesia sit consecrata, expectare debent, ac petere aquam benedictam ab ipso Episcopo cum vino scilicet, & cinere, & cum illa sic benedicta poterunt reconciliare suam Ecclesiam consecratam. Ista explicatio ponitur à Rodig. tom 1. *questionum, quest. 19. art. 6.* si bene attendatur, & colligitur ex verbis Leonis X. quæ citat.

2 Quæris unde possit agnosci Ecclesiam aliquam esse consecratam: vel non consecratam? Responderetur primò, si constet ex aliqua scriptura authentica. Secundò, Sà *Aphorif. ver. Eccl. num. cit.* ait, si vnus tantum testis id affirmet reputandam pro consecrata. Tertiò ex eodem Sà, si in illa recitatur officium dedicationis illius singulis annis certa die. Quartò, si in illa extant consecrationis signa. Quæ verò sunt hæc signa consecratæ Ecclesiæ, non exprimit. Durant. de *Ritib. Ecclesia libro primo capit 24. numer 18.* referens singulas cæremonias factas ab Episcopo

po in consecratione Ecclesiæ, nulla signa impietatis, & remanentia recolit, nisi Cruces appositæ, & affixas parietibus Ecclesiæ intus, & foris. Ceteræ ceremoniæ ab Episcopo factæ sunt transeuntes. Neque Durand. in Ration. Diuini Officij plus exprimit *libro 1. cap. 7.*

3 Cause ob quas Ecclesia polluitur sunt quinque, posite à *Sa cit. ver.* & aliis: Prima per effusionem sanguinis illicitam intra Ecclesiam, Secunda per effusionem humani seminis illicitam, vel licitam intra eandem. Tertia per sepelitionem in illa alicuius excommunicati declarati. Quarta si sepeliatur infidelis intra illam. Quinta si fuit benedicta, vel consecrata ab aliquo Episcopo excommunicato declarato. Has omnes causas persequi sigillatim, neque est animus, neque intentum compendij in aliis videantur. Solum circa primam magis vsitatam de sanguinis effusione, aduerto, quod si vulnus intra Ecclesiam inferatur, & vulnus, seu percussio sit parua, ita vt sanguis solum per guttas distillet è naribus, vel quid simile in tali casu Ecclesia non polluitur, quia ius requirit effusionem, quæ effusio significat largitatem fluentiæ. Et ita vidi declarari in facti contingentia à quodam Vicario Generali Episcopi. Circa tertiam aduertit Nauar. *lib. 5. consil. ritul. de hæreticis consil. 1. 5. num. 4.* non pollui Ecclesiam, si in illa sepeliatur homo hæreticus, qui est de facto excommunicatus, si non sit declaratus: & tamen polluitur, si sepeliatur Christianus excommunicatus declaratus: & explicat hoc certum esse, etiam si hæreticus sit notorius. Quia, inquit, Ecclesia non inbet sub peccato vitari hæreticum non declaratum.

4 Bene tamen aduertit *Sa citat. verb. Ecclesia num. 19.* quod etiam si aliquis casus ex quinque prædictis contingat in aliqua Ecclesia, si factum non sit notorium per rei euidentiam publicam, aut confessionem iuridicam rei, non est reputanda Ecclesia pro polluta, neque est reconcilianda, etiam si aliqui pauci sciant. Quia in tali casu daretur occasio infamandi fortè rei occulti.

5 Notat *eodem loco Sa*: quod si aliquis Sacerdos,

bona fide celebravit in Ecclesia polluta, per talem celebrationem manet Ecclesia reconciliata. Et ait sic alios secum sentire. Sed res est dubia: neque ego id confulerem. Quâdo enim Ecclesia certam formam præscribit pro re aliqua facienda: non est licitum talem formam omittere, etiamsi loco talis formæ aliud fiat plus meritorium quàm sit illa forma: cum ergo Ecclesia pro Ecclesiæ reconciliatione certam formam reconciliandi assignet etiamsi Missa quid maius sit, quàm illæ ceremoniæ reconciliationis, non videtur tolli illa Ecclesiæ pollutio, quia omittitur forma ab Ecclesia assignata.

Quia verò bis iam vidi necessitatem reconciliandi Ecclesiam Regularem, neque Prælati illius habebat ceremoniale ad id faciendum, hoc enim magis practicatur à Parochis secularibus; & in casu simili solent cum labore Religiosi recurrere ad Parochos pro dicto ceremoniali accommodando: in gratiam Religiosorum, quibus hic præcipue servire intendo, volui hic ponere formam reconciliandæ Ecclesiæ transcriptam ex ceremoniali Eborensi, quæ sic habet.

FORMA RECONCILIANDÆ


Ecclesiæ simul cum cæmeterio quando ambo polluta sunt.

Rimò, Prior, vel Parochus Ecclesiæ indutus amictu, alba, stola & pluviâ (si detur) sin minus cum superpellicio, & stola: comite alio Sacerdote ad minus vestito cum superpellicio, in quacumque die, si Ecclesia sit in urbe, vel populo: si verò Ecclesia sit in agro, fiet in die Dominica, vel festo, vocato populo.

Sic omnes procedent simul cum processione ad portam principalem Ecclesiæ ex parte interiori illius cum Cruce leuata, Sacerdos cum hyssopo aquæ benedictæ aspergens dicet Antiphonam: *Asperges me: pro*

prosequantur ceteri : illaque finita, Sacerdos cum clerico dicent Psalmum : *Miserere mei Deus*, alternatim totum cum *Gloria Patri*. Quandoque durauerit recitatio prædicti Psalmi, Parochus cum hyssopo asperget parietes, & pavementum totius Ecclesiæ incipiens à parte dextera portæ Ecclesiæ versus altare maius : & reuertetur ab altari maiori, aspergens similiter partem sinistram Ecclesiæ usque ad locum unde incepit. Cum vero peruenerit ad locum ubi crimen commissum est, ibi sæpius, & crebrius asperget cum hyssopo. Finito vero semel Psalm. *Asperge*, & Antiphona : iterum repetant modo prædicto Tunc exiet Sacerdos cum processione prædicta ad cæmeterium : duranteque recitatione Psalmi, Sacerdos aspergat totum cæmeterium modo quo fecit in Ecclesia. Finita vero asperzione, & Psalm. redibunt omnes ad Ecclesiam, & sistent in loco, in quo inciperunt, Sacerdos vero ibit ad locum, in quo delictum patratum est : & dicet sequentes orationes.

O R E M V S.

nipotens, & misericors Deus, qui Sacerdotibus tuis tantam præ ceteris gratiam contulisti, ut quidquid in tuo nomine dignè, & perfectè ab eis agitur, à te fieri credatur, quæsumus immensam clementiam tuam, ut quidquid modò visitaturi sumus, visites; & quidquid benedicturi sumus, benedicas (hæc dicens manu facit signum Crucis) sitque ad nostræ humilitatis introitum Sanctorum tuorum meritis fuga demonum, & Angeli pacis ingressus. Per Christum Dominum nostrum. Respon. Amen.

Tunc dicit Sacerdos : *Oremus.* & Diaconus si adsit, dicit, vel sacerdos socius : *Flectamus genua : Leuate.* Tunc Sacerdos reconcilians, dicit.

Aufer à nobis Domine cunctas iniquitates nostras; ut ad loca tuo sancto nomini purificanda puris me-

præ, cum alio Sacerdote, vel Clero, & populo, Cruce, & cæteris, ut supra, procedent ad medium cæmeterij: illicque flexis genibus incipient Litanias. Et peruenientes ad locum, seu versum: *Et nos exaudire digneris*: surgit Sacerdos, & benedicens, ter dicit: *Ut hoc cæmeterium reconciliare digneris*. Et ter respondetur: *Te rogamus, audi nos*: Tunc iterum flexis genibus Sacerdos finiat Litanias, absque precibus. Quibus finitis, iterum surgit Sacerdos, & sumpto hyssopo cum aqua benedicta, & aspergens cum Antiphona: *Asperges me*, dicitur Psalm. *Miserere mei Deus*: & dicitur totus Psalmus absque Gloria Patri. Durante verò Psalmi recitatione, Sacerdos aspergat aqua benedicta totum cæmeterium, incipiens à parte dextera, & finiens in sinistra. Veniens autem ad locum ubi delictum factum est, ibi multiplicet asperisiones. Finita verò sic asperzione, redeat Sacerdos ad locum ubi cæpra est Litaniam, & ibi stans dicat: *Oremus*: & Diaconus, vel socius Sacerdos, dicat: *Flectamus genua. Levate.*

O R A T I O.



Mnipotens, & misericors Deus, qui Sacerdotibus tuis tantam præ cæteris gratiam contulisti, ut quidquid in tuo nomine, perfectæque ab eis agitur, à te fieri credatur: quæsumus immensam tuam clementiam, ut quidquid modo visitaturi sumus, visites: & quidquid benedicturi sumus, benedicas (faciat Crucem manu) sique ad nostræ humilitatis introitum Sanctorum tuorum mediis fuga demonum, & Angeli pacis ingressus. Per eundem Christum Dominum nostrum Amen.

O R A T I O.

Flectamus genua. Levate. Oremus.



Vsera nobis, quæsumus Domine, omnes iniquitates nostras, ut ad loca tuo sancto nomini purificanda

granda puris increamur mentibus accedere, Per Christum Dominum nostrum. Amen,

Oremus. *Electamus genaa. Leuate.*

O R A T I O.

Domine pie, qui agrum figuli pretio sanguinis tui in sepulturam peregrinorum comparari voluisti, quæsumus dignanter, reminiscere clementissimi huius mysterij tui, tu es enim Domine figulus nostræ quietis nostræ ægeritæ agri huius pretium tu dedisti etiam, & suscepisti: tu de pretio viuifici sanguinis nos quiescere fecisti, & donasti. Tu ergo Domine, qui es offensionis nostræ clementissimus indultor, expectatissimus iudicator, iudicij tui superabundatissimus miserator, iudicium tuæ iustæ seueritatis abscondens, post intercessionem tuæ piæ redemptionis adesto exauditor, & effector nostræ reconciliationis. hoc cœmeterium Massolæum tuorum peregrinorum cælestis patriæ incolatum expectantium benignus purifica, & reconcilia: & hic tumulorum, & tumultuorum corpora de potentia, & pietate tuæ resurrectionis ad gloriam incorruptionis, non damnans, sed glorificans resuscita Qui venturus es iudicare viuos & mortuos, & sæculum per ignem, *Resp. Amen.*

Hoc finito, Sacerdos cum populo redit ad Ecclesiam: & dicitur Psalm. *De profundis.* Et perueniens ad altare, dicat vnâ orationem pro defunctis. Et in fine dicat: *Requiescant in fine.* Amen. Et conuersus ad populum, illum benedicat: si non sit statim Missa celebranda.

F I N I S.

7 Possunt Regulares in suis Ecclesiis exhumare corpora defunctorum ex vno sepulchro ad aliud in eadem Ecclesia de consensu illorum quorum interest. Compend. verb. *Ecclesia* §. 17.

ECCLESIAE IMMUNITAS

pro fugientibus ad illam.

Quia casus quotidianus est apud Religiosos, & vix di magnas molestias ob hanc causam eis illatas, sequentia pono pro remedio aliquo futurorum. Neque in hoc recedo ab intento.

8 Gaudent privilegio Ecclesiarum ne possint ab illa extrahi fugientes ad illam, etiam si adhuc in illa non sint celebrata diuina mysteria, dummodo iam sit dedicata ab Episcopo. Gaudet etiam Ecclesia etiam sit sit polluta, & interdicta. Suarez *tom. 1. de Religione, lib. 3. cap. 9. num. 4. & 6.*

9 Horti, & septa Conuentuum, & totus ambitus cum officinis gaudet hac immunitate, & proinde ab horto Fratrum extrahi non potest culpatus. Compend. Societatis I 18 v, verbo *Immunitas*. §. 2. dicit quod per Ecclesias Fratrum intelliguntur horti, hortalia, officinae, & omnia contenta intra ambitum Conuentus. Et Rodriguez *tom. 2. quæst. 75. art. 1.* dicit ex Eugenio IV. quod etiam grangiarum Cisterciensium gaudent hac immunitate sicut Ecclesiarum atria (*alpendres*) ita ut inde extrahi nequeant fugientes. Probatur etiam ex Bulla Gregor. XI V. adducta à Capucino verb. *Ecclesia*, fol. 306. & 307. in qua Gregor. restringens aliam Sixti V. permittentem extrahi bannitos ab Ecclesiis; & modificans quomodo sint extrahendi, ait ne extrahantur (ab Ecclesiis, Monasteriis, sacellis, domibus Regularibus, locis sacris, aut Religiosis.) Vide verba: primò enim per Monasterium, intelligitur etiam hortus: nam Religiosus existens in horto, dicitur esse in Monasterio. Secundò ibidem dicit (*loca Religiosa*)

ligiosa) hortus autem Monasterij est locus Religiosus, Licet verò illa Bulla sit pro sola Italia: mens tamen, & intentio Papæ debet extendi ad simile. Præterea quia Fratres admittentes mulieres intra hortos Monasterij sunt excommunicati, ut omnes fatentur explicantes Bullam Pij V. Hoc autem non ex alia causa provenit, nisi quia hortus est Monasterium. Ultimò quia privilegium extenditur ad loca coherentia, ut probat Henriquez *tom. 1. lib. 7. de Indulg. capit. 17. § 6. litera D. in gloss.* maximè si loca sint intra Monasterium.

Quia verò Ministri iustitiæ ut plurimum sunt feruidi, & nimij in extrahendis, saltem aliquando id ostendunt petcupere, ex dicta Bulla Gregor. Et ex piissimis Ordinationibus regni Portugalliæ colligo modificationes à Papa ibi positas, & à Rege *lib. 1. Ordin. titul. 5.* ambo enim piissimè decernunt modum extrahendi.

Primò ergo iubet Papa ne extrahantur (etiam non gaudentes immunitate) absque expressa licentia Episcopi, vel eius officialis, & non alterius. Secundò ut extracti reponantur in carcere Ecclesiastico, & non in sæculari vsque dum causa terminetur.

Rex autem *citato loco*, primò iubet ut antequam extrahatur processus fiat summarius, ut videatur, an reus gaudeat immunitate Ecclesiæ. Secundò iubet ut vocetur Prælati, Rector, Vicarius particularis, aut generalis, ut videat, & examinet delictum & processum. Tertio ait Rex, & requirit ut concordet Vicarius cum Iudice sæculari, & secundum utriusque decretum fiat, & alia ibi pro Ecclesiæ favore decernit. Quæ vellem hodie melius obseruari ab aliquibus ministris iustitiæ, qui Conuentus ingrediuntur inconsulto aliquando Prælato, imò septa saltantes, quod neque Papa, neque Rex permittit.

Addit Capucinus *citato loco*, ut Prælati Regulares vigilent, & non sinant culpato extrahi absque diligentia ibi assignata, alias incurrant pœnas Bullæ prædictæ. Quamuis autem pœna ibi posita in Hispania non ligent,

gent, vt diximus tamen Prælati eo ipso quòd Prælati est tenetur sub mortali defendere immunitatem suæ Ecclesiæ, nec sinere culpatoz indebitè extrahi, vt clarè decernitur *cap. inter alia. de immunit. Ecclesia.* Vt autem hoc melius possint facere, pono in ordine casus magis contingentes in quibus culpatoz gaudent, vel non gaudent immunitate Ecclesiæ,

10 Iuxta probabiliorē sententiā non gaudet immunitate infidelis nisi fortè fugiens ad illam petat baptismum. Suarez *lib. 3. de Relig. tom. 1. cap. 10. nu. 9. & 11.* Hæretici verò pro crimine hæresis non gaudent.

11 Non gaudet priuilegio isto seu immunitate Clericus quouis modo culpatus, respectu iudicis Ecclesiastici, sed ab illo potest extrahi, cum ab illo non sit occidendus. Non verò potest extrahi à Iudice seculari. Si verò Clericus sit primæ tonsuræ, non portans habitum, & tonsuram clericalem, potest extrahi à Iudice seculari, Suarez *citat. cap. 10. numer. 6. & sequentibus.* Et potest etiam laicus extrahi à Iudice Ecclesiastico pro omni crimine pro quo potest illud punire, vt quia non vult contrahere cum sponsa cui debet promissum, vel pro alia culpa contra ius Ecclesiasticum. Suarez *ibid. n. 8.*

12 Gaudet hac immunitate qui non valens ingredi adhæret portæ Ecclesiæ non habentis cœmeterium: aut si est supra tectum Ecclesiæ. Suarez *cit. lib. cap. 9. nu. 8. & ratio est, quia in utroque casu dicitur ille fugere ad Ecclesiam, & esse in Ecclesia moraliter, & fauores sunt ampliandi.*

13 Gaudet etiam seruus fugiens seuitiam domini, nisi dominus iuret de impanitate serui. Gaudet etiam fidelis excommunicatus nisi delictum suum id prohibeat. Gaudet etiam fidelis interdictus. Suarez *cit. lib. cap. 10. nu. 3.*

14 Gaudet etiam culpatus ciuilitè, vt verb. grat. fugiens ad Ecclesiam propter debita. Suarez *cit. lib. cap. 11. nu. 3.* Non verò gaudet fur quando est grassator viarum & incendiarius. Ordinationes Regni Portugalliæ, *lib. 1. tit. 5.* Bene tamen gaudet fur ordinarius, *ibid. §. 4.*

Non

Non verò gaudet adulter extrahens fœminam, vel virginem à domo viri, vel patris. Gaudet tamen adulter ordinarius, vel deflorator non extrahens illas à domo. Ordination Portugalliz, *ibidem*.

15 Non gaudet immunitate qui commisit delictum aliquod intra Ecclesiam Suarez *cit. cap. 11 n. 6*. Neque, qui crimen fecit extra Ecclesiam per insidias, vel ex propositio, vt communiter dicitur. Neque is qui ex Ecclesia alium extra illam fecit vel mandat ferire: neque qui extra Ecclesiam existens aliquem ferit intra illam. Suarez *ubi proximè*.

16 Gaudet immunitate fugiens à carcere etiamsi illum infringat. Gaudet etiam is qui iam captus fugit de manibus iustitiæ, etiamsi iurauerit ministris iustitiæ se non fugitutum ad Ecclesiam, quidquid sit de peccato suo. Suarez *cit. cap. 11 n. 18. & 20*. de raptore virginum alij affirmant, alij negant gaudere.

17 Si refugiens ad Ecclesiam habeat corpus intra Ecclesiam, & vestes extra illam, non potest extrahi, quia iam est moraliter intra Ecclesiam. Suarez *cit. lib. 3. cap. 13 num. 3*. Si verò est iam intra Ecclesiam, & gaudet immunitate, potest ibi à iudice sæculari spoliari armis prohibitis, vel aliis rebus alienis, si ibi habet. Non potest tamen ibi ligari, vel condemnari, vel aliam violentiam pati. Suarez *ibidem*.

Denique ordinationes Portugalliz *citato lib. 2. titul. 5. §. 1.* pro regula generali dicunt quod Ecclesiæ immunitate solum gaudent malefactores qui merentur mortem naturalem, aut civilem, vel abscissionem membri, vel quancumque pœnam sanguinis. At ius Canonicum *citato capit.* inter alia loquitur generalius, dicens non esse ab Ecclesia extrahendos, vel extrahendum (quantumcumque graua maleficia perpetraverit, nec inde debet damnari ad mortem, vel ad pœnam. Sed Rectores Ecclesiarum sibi obtinere debent membra, & vitam.) Sic ibi. Vbi excipit solum extrahi posse latrones publicos. Et adde tu à nobis suprà exceptos qui à Doctoribus iuxta ius canonicum dicuntur extrahi posse.

A D D I T I O.

Vide suprà verb. *Alienare*, maxime num. 1. quia *pro hoc etiam inferniunt.*

Ixi olim hoc verb. num. 1. posse Prælatum localem reconciliare suam Ecclesiam pollutam aqua à se benedicta: de quo non est dubium, si Ecclesia non sit consecrata. Nunc addo quòd Ecclesiam non consecratam potest quivis Sacerdos reconciliare: Ita Sà *Aphorif.* verb. *Ecclesia*, num. 10. & alij. Secundò dico, quod Prælati Regulares possunt suas Ecclesias consecratas pollutas reconciliare, cum hac conditione, si videlicet Episcopus Diocesis distet à loco vltra duas dxtas, id est, 14. leucas. Si enim distet per duas dxtas, poterunt illum reconciliare etiam consecratam, idque cum aqua benedicta per ipsos Prælatos Regulares. Si verò Episcopus non distet per duas dxtas, & Ecclesia sit consecrata, expectare debent, ac petere aquam benedictam ab ipso Episcopo cum vino scilicet, & cinere, & cum illa sic benedicta poterunt reconciliare suam Ecclesiam consecratam. Ista explicatio ponitur à Rodig. tom. 1. *questionum, quest. 19. art. 6.* si bene attendatur, & colligitur ex verbis Leonis X. quæ citat.

Quæris vnde possit agnosci Ecclesiam aliquam esse consecratam: vel non consecratam? Responderet primò, si constet ex aliqua scriptura authentica. Secundò, Sà *Aphorif. ver. Eccl. num. cit.* ait, si vnus tantum testis id asseruit reputandam pro consecrata. Tertiò ex eodem Sà, si in illa recitatur officium dedicationis illius singulis annis certa die. Quartò, si in illa extant consecrationis signa. Quæ verò sunt hæc signa consecratæ Ecclesiæ, non exprimit. Duxant. de Ritib. *Ecclesia libro primo capit. 24. numer. 18.* referens singulas caeremonias factas ab Episco.

po

po in consecratione Ecclesie, nulla signa impressa, & remanentia recolit, nisi Cruces appositae, & affixas parietibus Ecclesie intus, & foris. Ceterae ceremonie ab Episcopo factae sunt transeuntes. Neque Durand. in Ration. Divini Officij plus exprimit *libro 1. cap. 7.*

3. Causae ob quas Ecclesia polluitur sunt quinque, posita à *Sà cit. ver.* & aliis: Prima per effusionem sanguinis illicitam intra Ecclesiam. Secunda per effusionem humani seminis illicitam, vel licitam intra eandem. Tertia per sepelitionem in illa alicuius excommunicati declarari. Quarta si sepeliatur infidelis intra illam. Quinta si fuit benedicta, vel consecrata ab aliquo Episcopo excommunicato declarato. Has omnes causas persequi sigillatim, neque est animus, neque intentum compendij in aliis videantur. Solum circa primam magis usitatam de sanguinis effusione, aduerto, quòd si vulnus intra Ecclesiam inferatur, & vulnus, seu percussio sit parva, ita ut sanguis solum per guttas distillet è narium, vel quid simile, in tali casu Ecclesia non polluitur, quia ius requirit effusionem, quae effusio significat largitatem fluentiae. Et ita vidi declarari in facti contingentia à quodam Vicario Generali Episcopi. Circa tertiam aduertit *Nauar. lib. 5. consil. titul. de haereticis consil. 15. num. 4.* non pollui Ecclesiam, si in illa sepeliatur homo haereticus, qui est de facto excommunicatus, si non sit declaratus: & tamen polluitur, si sepeliatur Christianus excommunicatus declaratus: & explicat hoc certum esse, etiam si haereticus sit notorius. Quia, inquit, Ecclesia non iubet sub peccato vitari haereticum non declaratum.

4. Bene tamen aduertit *Sà citat. verb. Ecclesia num. 19.* quod etiam si aliquis casus ex quinque praedictis contingat in aliqua Ecclesia, si factum non sit notorium per rei euidenciam publicam, aut confessionem iudicalem rei, non est reputanda Ecclesia pro polluta, neque est reconcilianda, etiam si aliqui pauci sciant. Quia in tali casu daretur occasio infamandi fortè rei occulti.


5. Notat *eodem loco Sà*: quòd si aliquis Sacerdos,

bona fide celebrant in Ecclesia polluta, per talem celebrationem manet Ecclesia reconciliata. Et ait sic alios secum sentire. Sed res est dubia : neque ego id consulerem. Quâlo enim Ecclesia certam formam præscribit pro re aliqua faciendâ : non est licitum talem formam omittere, etiamsi loco talis formæ aliud fiat plus meritorium quàm sit illa forma: cum ergo Ecclesia pro Ecclesiæ reconciliatione certam formam reconciliandi assignet etiamsi Missa quid maius sit, quàm illæ cæremoniæ reconciliationis, non videtur tolli illa Ecclesiæ pollutio, quia omittitur forma ab Ecclesia assignata.

Quia verò bis iam vidi necessitatem reconciliandi Ecclesiam Regularem, neque Prælati illius habebat cæremoniale ad id faciendum, hoc enim magis practicatur à Parochis secularibus, & in casu simili solent cum labore Religiosi recurrere ad Parochos pro dicto cæremoniali accommodando : in gratiam Religiosorum, quibus hic præcipue servire intendo, volui hic præferre formam reconciliandæ Ecclesiæ transcriptam ex cæremoniali Eboresis, quæ sic habet.

FORMA RECONCILIANDÆ

Ecclesiæ simul cum cæmeterio quando ambo polluta sunt.

 Rimo, Prior, vel Parochus Ecclesiæ indurus amictum, alba, stola & pluviali (si detur) sin minus cum superpellicio, & stola: comite alio Sacerdote ad minus vestito cum superpellicio, in quacumque die, si Ecclesia sit in vico, vel populosi verò Ecclesia sit in agro, fiet in die Dominica, vel festo, vocato populo.

Sic omnes procedunt simul cum processione ad portam principalem Ecclesiæ ex parte interiori illius cum Cruce levata, Sacerdos cum hyssopo aquæ benedictæ aspergens dicit Antiphonam : *Asperges me:* pro

prosequuntur ceteri : illaque finita , Sacerdos cum clerico dicent Psalmum : *Miserere mei Deus* , alternatim totum cum *Gloria Patri*. Quandiu verò durauerit recitatio prædicti Psalmi , Parochus cum hyssopo asperget parietes , & pavementum totius Ecclesiæ incipiens à parte dextera portæ Ecclesiæ versus altare maius : & reuertetur ab altari maiori , aspergens similiter partem sinistram Ecclesiæ vsque ad locum vnde incepit. Cum verò peruenerit ad locum vbi crimen commissum est, ibi sapius , & crebrius asperget cum hyssopo. Finito verò semel Psalm. *Asperges* , & Antiphona : iterum repetant modo prædicto Tunc exiet Sacerdos cum processione prædicta ad cœmeterium : durantiq̃ue recitatione Psalmi , Sacerdos aspergat totum cœmeterium modo quo fecit in Ecclesia. Finita vero aspersione , & Psalm. redibunt omnes ad Ecclesiam , & sistent in loco , in quo incaperunt , Sacerdos verò ibit ad locum , in quo delictum patratum est : & dicet sequentes orationes.

O R E M V S.

✠ Omnipotens, & misericors Deus, qui Sacerdotibus tuis tantam præ ceteris gratiam contulisti, vt quidquid in tuo nomine dignè, & perfectè ab eis agitur, à te fieri credatur, quæsumus immensam clementiam tuam, vt quidquid modò visitaturi sumus, visites; & quidquid benedicturi sumus, benedicas (hæc dicens manu facit signum Crucis) sique ad nostræ humilitatis introitum Sanctorum tuorum meritis fuga demonum, & Angeli pacis ingressus. Per Christum Dominum nostrum. Respon. Amen.

Tunc dicit Sacerdos : *Oremus.* & Diaconus si adsit, dicit, vel Sacerdos socius : *Flectamus genua : Leuate.* Tunc Sacerdos reconcilians, dicit.

Aufer à nobis Domine cunctas iniquitates nostras; vt ad loca tuo sancto nomini purificanda puris mect

reamur mentibus introire. Per eundem Christum Dominum nostrum Amen.

Oremus. *Flectamus genua: Leuate: sicut supra.*

O R A T I O.

Domine pie, qui agrum figuli pretio sanguinis tui in sepulturam peregrinorum comparari voluisti, quæsumus dignanter, remiscere clementissimi huius mysterij tui: tu es enim Domine figulus noster: tu quietis nostre ager, tu agri huius es pretium: tu dedisti etiam, & suscepisti: tu de pretio, & in pretio vivifici sanguinis nos quiescere fecisti, & donasti. Tu ergo Domine, qui es offensionis nostre clementissimus indulcor, expectatissimus iudicator, iudicij tui superabundantissimus miserator, iudicium tuæ iustæ veritatis abscondens, post miserationem tuæ piæ redemptionis, adesto exauditor, & effector nostre reconciliationis. Hoc cæmeterium Mausolæum peregrinorum tuorum cælestis patriæ incolatum expectantium benignus purifica, & reconcilia, & hic tumulorum, & tumulandorum corpora de potentia, & pietate tuæ resurrectionis ad gloriam incorruptionis, non damnans, sed glorificans resuscita. Qui venturus es iudicare vivos, & mortuos, & sæculum per ignem. *Respon. Amen.*

Quo finito, pergunt Sacerdotes ad gradus Altaris maioris: ibique flectant genua, & populus extra capellam in corpore Ecclesiæ. Et dicat Sacerdos Litanias publicas, & solitas: respondentibus aliis. Cum verò peruenierit ad illum versum: *Vt nos exaudire digneris.* Sacerdos eleuet vocem, & manu Crucem faciens stans. ter dicat: *ut hanc Ecclesiam, & altare, & hoc cæmeterium purgare, & reconciliare digneris.* *Responf. Terogamus audi nos* Et ter repetent: tunc positis genibus dicentur Litanie usque ad finem. Quo finito, Sacerdos reconcilians: ait; Oremus, *Flectamus genua.* *Responf. Leuate.*

O R A

O R A T I O.

DEus qui peccati veteris hereditariam mortem, in qua posteritatis genus omne successerat, Christi filij tui Domini nostri soluisti, da propitius ut conformes eidem effecti, sicut imaginem terreni parentis naturæ necessitate gerimus, ita imaginem celestis gratiæ sanctificatione portemus, IESU Christi Domini nostri, qui tecum vivit, & regnat in unitate, &c. Amen.

Hoc finito, si Missa non sit celebranda (Missa enim hic non est de obligatione) Sacerdos benedicat populum.

Quando verò sola Ecclesia, sine cœmeterio est reconcilianda, non dicitur oratio supra: *Domine pie*. Nec dicitur, hoc cœmeterium: nec exit processio ad cœmeterium: sed finita prima vice, Antiphona *Asperges*, cum Psalm. dicuntur duæ orationes, scilicet: *Omnipotens, & misericors Deus*. Et alia: *Aufer nobis*. Et illis finitis, dicuntur Litanie.

Ne verò miteris de aduertentia proximè posita, scilicet, quando reconciliatur sola Ecclesia absque cœmeterio: nota quòd licet violata Ecclesia, violetur etiam cœmeterium; in hac habet locum de ordinario, quando cœmeterium est coniunctum Ecclesiæ. At quando cœmeterium est disiunctum ab Ecclesia, ut fit in multis locis, tunc violata Ecclesia, non violatur cœmeterium separatum: & tunc reconciliatur sola Ecclesia absque cœmeterio iuxta clausulam proximè positam.

F O R M A R E C O N C I L I A N D I

cœmeterij, absque Ecclesia.

Cœmeterium reconciliabitur die Dominica, vel quouis festo, si Ecclesia fuerit in campo: Si intra populum, quouis die. Tunc Sacerdos indutus, ut su-

præ, cum alio Sacerdote, vel Clero, & populo, Cruce, & cæteris, vt supra, procedent ad medium cœmeterij: itaque flexis genibus incipient Litanias. Et peruenientes ad locum, seu versum: *Et nos exaudire digneris*: surgit Sacerdos, & benedicens, ter dicit: *Vt hoc cœmeterium reconciliare digneris*. Et ter responderetur: *Te rogamus, audi nos*: Tunc iterum flexis genibus Sacerdos finiat Litanias, absque precibus. Quibus finitis, iterum surgit Sacerdos, & sumpro hyssopo cum aqua benedicta, & aspergens cum Antiphona: *Asperges me*, dicitur Psalm. *Miserere mei Deus*: & dicitur totus Psalmus absque *Gloria Patri*. Durante verò Psalmi recitatione, Sacerdos aspergat aqua benedicta totū cœmeteriū, incipiens à parte dextera, & finiens in sinistra. Veniens autē ad locū vbi delictum factum est, ibi multiplicet asperiones. Finita verò sic asperione, redeat Sacerdos ad locum vbi cœpra est Litania, & ibi stans dicat: *Oremus*: & Diaconus, vel socius Sacerdos, dicat: *Flectamus genua. Leuate.*

O R A T I O.



Mnipotens, & misericors Deus, qui Sacerdotibus tuis tantam præ cæteris gratiam contulisti, vt quidquid in tuo nomine, perfectæque ab eis agitur, à te fieri credatur: quæsumus immensam tuam clementiam, vt quidquid modò visitaturi sumus, visites: & quidquid benedicturi sumus, benedicas (faciat Crucem manu) sitque ad nostræ humilitatis introitum Sanctōrū tuorum meritis fuga dæmonum, & Angeli pacis ingressus. Per eundem Christum Dominum nostrum Amen.

O R A T I O.

Flectamus genua. Leuate.

Oremus.



Vserā nobis, quæsumus Domine, omnes iniquitates nostras, vt ad loca tuo sancto nomini purificanda

ficanda puris mereamur mentibus accedere, Per Christum Dominum nostrum. Amen,

Oremus. *Flectamus genua. Levate.*

O R A T I O.

Domine pie, qui agrum figuli pretio sanguinis tui in sepulturam peregrinorum comparari voluisti, quantum dignanter, remittere clementissimi huius mysterij tui, tu es enim Domine figulus nostrum quietis nostræ ager: tu agri huius pretium: tu dedisti etiam, & suscepisti: tu de pretio viuifici sanguinis nos quietere fecisti, & donasti. Tu ergo Domine, qui es offensionis nostræ clementissimus indultor, expectatissimus iudicator, iudicij tui superabundatissimus miserator, iudicium tuæ iustæ seueritatis abscondens, post miserationem tuæ piæ redemptionis adesto exauditor, & effector nostræ reconciliationis. hoc cœmererium Mausoleum tuorum peregrinorum cælestis patriæ incolarum expectantium benignus purifica, & reconcilia: & hic tumultuorum, & tumultuorum corpora de potentia, & pietate tuæ resurrectionis ad gloriam incorruptionis, non damnans, sed glorificans resuscita Qui venturus es iudicare viuos & mortuos, & sæculum per ignem, *Resp. Amen.*

Hoc finito, Sacerdos cum populo redit ad Ecclesiam: & dicitur Psalm. *De profundis.* Et perueniens ad altare, dicat vnā orationem pro defunctis. Et in fine dicat: *Requiescant in fine.* Amen. Et conuersus ad populum, illum benedicat: si non sit statim Missa celebranda.

F I N I S.

DE REBUS ECCLESIAE
non applicandis ad vsus prophanos.

1 **S**olet aliquando collapsa, & vetusta Ecclesia dirui, ex qua remanent lapides, ligna, ferrum, & similia: sicut etiam vasa, & omnia pertinentia ad ornatum Ecclesiæ. De lignis ergo Ecclesiæ destructæ disponit ius Canon. *cap. ligna. de consecrat. distinct. 1.* quod non applicentur ad vsus humanos laicorum. Excipit tamen ac permittit, ut de lignis Ecclesiæ possit ædificari capitulum, & dormitorium fratrum, & alia loca regularia, per quæ intelligo alias officinas honestas fratrum, dummodò non sit coquina, vel alius locus inhonestus, vel turpis. Excipit enim, & prohibet comburi in coquina ad coquendos cibos. Vidi ego virum valde doctum explicantem: quod Sacrista posset ligna Ecclesiæ comburere pro hostiis faciendis in sacristia. Idem dic de lignis imaginum Sanctorum, sunt enim maximè ligna Ecclesiæ. Quæ omnia ligna si non inserviant pro alia Ecclesia construenda, vel pro dormitorio Fratrum, vel Capitulo, iubet textus ut comburantur. Ait tamen Sà in *Aphorism. verbo Ecclesia numer. secund.* posse Episcopum dispensare, ut materiali Ecclesiæ dirutæ possint applicari ad vsus prophanos. Prohibetur etiam *cit. cap. ne ligna Ecclesiæ applicentur pro vineis Fratrum*: ibi in gloss. verb. *Profectum.*

6 Eadem prohibitio fit *citata disp. cap. altaris, & cap. vestimenta.* circa pallas altaris, ornamenta ipsius, & Sacerdotum vestes, quæ nullo modo licet applicare, seu convertere ad vsus prophanos. Idque per regulam etiam generalem quæ in 6. de Regul. iuris habetur: *Semel Deo dicatum, non est ad vsus humanos ulterius transferendum*: ibi Gloss. explicat de quavis re inanimata Ecclesiæ deputata ad sacros vsus. Et addit quod licet prædictæ res sint vetustæ ex petiis, seu partibus illius

illius non potest fieri alia res inferuens vsui prophano: sed debet comburi, & cineres in piscinam, vel loco decenti reponendi: nisi forte in alio vsu possit Ecclesia inferuire. In quibus omnibus attendant Sacerdotes ad duo exempla. Primum ex lege veteri *Leuitici* 6. ubi postquam tota die, ac nocte comburebantur animalia in holocausto & sacrificiis, iubebarur Sacerdos, vt vestitus certis vestibus deferret cineres residuos extra castra, & reponeret ibi in loco mundissimo: eo quod remanerent ex re Deo oblata. Secundum exemplum sit ex lege noua. Refert *Lorinus ad e. 6. Leu.* quendam hæreticum Proculum rapuisse pallas altaris, & ex illis fecisse camisas, & femoralia: qui paulò post ipse suam linguam frustatim comedens breui consumptus est morte turpissima.

7 Permittitur etiam quòd calix consecratus, non in propria forma manens, sed confractus, & comminutus, possit vendi secularibus. Idem dic de aliis vasis Ecclesie confractis, & comminutis, maxime pro redemptione captiuorum, & pro magnis debitis Ecclesie, vt ait *Gloss. citat. regula semel Deo dicatum*, citans alios textus. Concedit etiam *Conc. Trid. sess. 1. cap. 7. de reformat.* vt Episcopus possit verukam, & collapsam Ecclesiam, si sibi videbitur, conuerrere ad prophanos vsus, non tamen sordidos: & erecta tamen ibi cruce.

EIICERE, SEV EXPELLERE
ab Ordine.

Vide suprà verbo *Apostata*, & infra verbo *Manus violenta*, num. 11.

1 **P**otest Generalis Minorum de consilio. Diffinitorum, & Prouinciales in Capitulo cum maiore parte Capituli incorrigibiles ab ordine eiicere. *Comp. Minorum verb. Eiicere § 4.* Imò ibidem *Alexander V1.* hoc concedit Generalibus vt per se ipsos

iplos duntaxat possint eiicere, Circa id verò quod dicitur de Prouincialibus posse id facere in Capitulo, credo quòd etiam possunt id facere in Congregatione intermedia habente vicem Capituli, iuxta supradicta verb. *Dispensare, num. 2.* Imò cum ego essem Prouincialis in præsentì materia, responsum mihi fuit à R. tunc Commissario Generali posse Prouincialem eiicere incorrigibiles etiam sine Capitulo, & sine congregatione, congregatis tamen omnibus Diffinitoribus qui diffinire solent in Capitulo vel congregatione: ibi enim finis legis impletur.

Secundò nota Incorrigibilem iuxta ius canonicum dici, qui ter conuictus, & punitus de tribus criminibus grauib, & atrocibus, non fuit emendatus. Vnde colligo non sufficere quòd Religiosus committat tria crimina atrocia ex vna quasi vice morali vnum post aliud, vel simul, vt dicatur incorrigibilis, si non sit ter punitus cum distinctis interuallis, & distinctis punitionibus. Sed opus est, vt per interualla fiant crimina, & cuilibet statim adhibeatur punizio, & Monachus non resipiscat. Aliàs non dicitur incorrigibilis, quia pertinacia propriè consistit in resistentia per distinctas oburgationes: non verò satis colligitur ex vna sola resistentia. Et ipsum nomen *incorrigibilis* propriè, non denotat continuationem ad crimina, sed respectum ad correptionem, vel punitionem ter contemptam.

Tertiò, nota, dari incorrigibilem de iure, & incorrigibilem de facto. Incorrigibilis de iure est ille ordinarius, de quo proximè, qui scilicet ter conuictus & punitus non resipiscit, tunc enim ius Canonicum illum reputat incorrigibilem. Incorrigibilis de facto est ille, qui licet ter non fuit conuictus, & punitus; tamen de facto, id est, spectata illius natura, moribus & conditionibus per longum tempus, in criminibus paruioribus non iuridicè punitis reputatur incorrigibilis. Ita Sylu. verbo *Abbas*, num. 6. Et hunc etiam incorrigibilem de facto, etiam si non fuerit ter conuictus, & punitus, posse eiici ab Ordine, tenet Rodriguez *l. m. 1. qu. 30. art. 15.* quando scilicet ex vna vice commisit apostasiam

ſiam diuturnam, habitu relicto, ibique commiſit multa crimina graua, & ſcandalofa.

2 Statuta generalia Minorum pro incorrigibili declarant illum qui commiſit per tria intervalla, tria crimina graua, & atrocia, modo proximè dicto, ſue ſint eiufdem ſpeciei, vt tres apoſtaſias, ſue diuerſæ ſpeciei, Statuta Vallis Oleti ſecunda, & alia pro apoſtaſis hiſ quales eſſe debeant, vide verb. *Apoſtata*.

3 Pius V. conceſſit Fratribus Sancti Hieronymi in Hiſpania, vt poſſint pro vno tantum crimine Monachum eiicere ab ordine, & ad trirèmes damnare, quando pro illo crimine ius commune pœnam mortis imponit, ita ille anno 1566. Bene tamen aduertit Rodrig. *cit. quaſt. art. 17.* aliqua crimina in iure civili pœna mortis damnari, pro quibus non eſt Monachus eiiciendus, verbi gratia, eripere vinctum de manibus iuſtitix ductum ad patibulum, plectitur in iure pœna mortis, & tamen pro hoc ſolo, vel ſimilibus non eſt Monachus eiiciendus. Bene tamen eiicetur pro homicidio, pro crimine nefando, maximè ſæpius continuato, pro furto grauiffimo, ſcândalo, & ſimilibus. Vide ibi Rodrig. *cit. quaſt. art. 18.* Hyperbole verò eſt quòd dicunt aliqui, Monachum fugientem à carcere reputari incorrigibilem: hoc enim falſum eſt, nequè adeò gravis culpa eſt ſola fuga è carcere vt faciat pluſquam vnā apoſtaſiam, vide ſupra verb. *Correctio, tit. ſemiplena probatio n. 35.*

4 Paulus V. mandauit Canoniciſ Regularibuſ Sanctæ Crucis Conimbricæ, vt Monachum incorrigibilem, vel carceri perpetuo damnarent, vel ad trirèmes relegarent, & aliter non poſſent eiicere. Idque feciſſe dicitur ſciens multos ex induſtria fieri inobedientes, & incorrigibileſ vt ſimpliciter eiecti manerent viuētes in ſeculo. Sic Paulus V. conceſſit anno 1613. die 5. Aprilis. Et puto audiſſe me ita etiam praticari Romæ, & cū hoc ſit priuilegium, puto poſſe in illo communicare cæteros cum illiſ communicantes.

5 Eiectus ab Ordine, tenetur ad votum caſtitaſis, & ad horas canonicas, etiamſi ſit laicus, vel ſacro Ordine

dine carens (laicus verò dicit horas suo modo iuxta Regulam) tenetur etiam ad ieiunia Regulæ , si illa obligent sub mortali vt obligantur Minoritæ. Probat-
 tur, quia illis culpa sua non debet predesse, neque per
 ejectionem cessant vota, quæ possunt observari, pos-
 sunt verò supradicta. Prædicti tamen non tenentur ad
 obedientiam, neque ad paupertatem. Rodrig. cit. q. art.
 19. & eiectus debet manere subditus Episcopo origi-
 nis, non verò domicilij: vt ait Nauarr. *Cement. 2. de
 Reg. num. 32.*

6 Eiectus ab Ordine, & damnatus ad trirèmes non
 potest iterum recipi ad Ordinem etiam si roget. Sic
 apud Minores statutum est in Capit. Generali Romæ
 sub Generali R. Ioann. Ferro. ann. 1613. & quamvis so-
 lum damnetur ad trirèmes absque eo quòd sententia
 declaret expulsionem ab Ordine, intelligitur expulsio,
 sic ibi. Et Rodriguez *tom. 1. quest. 23. art. 5.*


7 Etiam si eiectus ab Ordine non damnetur ad tri-
 rèmes, adhuc non potest iterum recipi, est enim incon-
 veniens eo quòd sit infamis. Rodrig. *tom. 1. q. 30. art. 2.*
 & Mirand. *tom. 1. q. ult. art. 7.* dicit esse necessariam di-
 spensationem Papæ.

8 Si Monachus in professione rogatus utrum in sæ-
 culo aliquod scandalosum delictum commiserit, &
 ille negaverit; & postea reperta veritate scitur quòd
 de aliquo gravi delicto fuit conuictus, vel diffamatus,
 potest eiici ab Ordine ex concessione Leonis X. in
 Compend. verb. *Eiicere §. 6.* sed nota quòd tex. ibi dicit
 in plurali (*gravissimis, & scandalosis delictis notati*) &
 ponit gravissimis.

9 Cum eiiciendis ab Ordine ante lectam illis senten-
 tiam, possunt, ac debent Prælati dispensare in irregula-
 riatibus, & censuris quas aliàs possunt tollere: ne mi-
 seri exeant innodati, & cogantur quærere illarum ab-
 solutionem; & dispensationem cum nimio labore, &
 infamia. Et quòd hoc possint ante lectam sententiam
 constare, quia adhuc sunt subditi. Nam postquam exie-
 rint, neque Generalis habet supra illos iurisdictionem,
 Nau. *lib. 3. Consil. tit. de Regul. consil. 51.*

30 Eiectus ab Ordine non potest prædicare, neque confessiones audire absque licentia Prælatorum Ordinis; secus facientes poterunt excommunicari per Prælatos Ordinis. Compend. Minor. verb. *Apostata*, & Miranda cit q. art 5. concl. 3.

A D D I T I O.

1  Voniam vt plurimum per tria crimina grauia, & atrocia reputatur quis incorrigibilis vt eiiciatur ab Ordine, dubitas quæ sint crimina atrocia, ad hunc finem. Ad hoc respondet Iul. Clar. in *Pract. crimin* §. 1. num 9. in Senatu Mediolanensi responsum, ac decretum fuisse approbante Rege, sequentia delicta esse atrocia. Læsa Maiestas: homicidium ex proposito: falsificatio monetæ: vulnus illatum cum sclopeto, etiam morte non secuta, si fiat proditoriè: raptus virginis honestis parentibus oitæ: coitus cum Moniali intra septa Monasterij: sodomia: latrocinium in viis; falsificatio sigilli principis vel senatus. Hæc ille. Et ipse statim ex sua opinione quasi per summam dicit: sibi videri atrocia omnia illa crimina, pro quibus lex, vel statutum imponit pœnam mortis naturalis, vel ciuilis, scilicet treremium perpetuò, dummodo talis pœna sit in vsu.

2 At in Religionibus (de quibus non loquitur citatus Doctor) pro delicto atroci reputari debet apostasia, saltem habitu dimisso, vel cum h. bitu per longum tempus: vnde nostra statuta Generalia Romanæ, anno 1612. ob solas quatuor apostasias absque aliis delictis iubet dari repudium. Neque ex hoc credat Minorita non posse Prælatos Franciscanos vri, seu stare statuto generali Vallisoleitano priori, anno 1593. quo iubetur dari repudium, vel ob vnum tantum crimen per leges ciuiles punitum pœna mortis: vel ob tria delicta grauia, siue sint eiusdem, siue diuersæ speciei: non, inquam, illud statutum Romanum posterius, reuocat

reuoocat hoc prius, Vallisoletanum: sed statutum Romanum vltimum loquutum est de solo delicto apostasiæ: & quamuis hoc requirat quatuor, cum præcedentiæ requirant tres, possum credere loquutum esse hoc Romanum de apostasiis minoribus factis ad breue tempus, non demisso habitu, & adito statim Superiore: si verò fuerint apostasiæ graues, standum est statuto Vallisoletano prædicto: videant aliæ Religiones sua statuta. Scio in Regula sancti Benedicti c. 29. præcipi vt Monachus tertio fugiens à Monasterio, amplius non recipiatur.

3 Dixi olim verb. *Bona*, ad quem pertinerent bona apostatæ, vel Religiosi degentis extra claustra cum licentia. Nunc quæris, ad quem pertineant bona Religiosi eiecti ab Ordine propter culpas, si fortè iste in sæculo bona temporalia acquirat? Hac de re neminem vidi clarius dicentem quàm Azorium t. m. 1. Sum lib. 12. cap. 16. q. 4. vbi sic ait: *Monasterio eiectus nihil sibi proprium potest acquirere, neque capere: sed solum ius habet ea sibi querendi, quibus omnino ad victum, vestium, & habitationem indiget. Neque horum proprietatem, dominium, aut vsum fructum, qui in iure consistat, ullo modo sibi comparat: sed nudum vsum, qui etsi res facti non iuris, &c.* Hæc ille. Et potest confirmari, quia in tali eiecto durat votum paupertatis solemne, in quo Prælatus non potest dispensare, ergo circa bona acquisita non acquireret dominium, vel proprietatem illorum, quia hæc pugnat cum voto paupertatis: acquireret verò solum vsum simplicem, seu vsum facti, qui potest esse cum voto paupertatis.

4 Hinc duo colligo euidenter. Primum est, eiectum ab Ordine, de bonis acquisitis, non posse testari: constat, quia in rigore est Monachus, & Monachus non potest condere testamentum, neque potest quis donare id, cuius non habet dominium. Secundum est, quod consanguinei huius eiecti ab Ordine non possunt succedere in bonis illius: patet, quia illa bona non sunt bona illius eiecti, quia in illis non habet dominium, vt diximus. Cuius ergo erunt bona prædicti eiecti ab Ordine post mortem? Intelligo quòd sunt Camere

Aposlo

Apostolicæ, per ea quæ dicit, ac citat Azor. *tom. 2. sum. lib. 8. cap. 3. q. 15.* & idem Azor. *tom. 1. lib. 12. c. 16. q. 9.* Vide Rodriguez *tomo 1. qq. Regular. quæstion. 30. art. 25.*

5 Eiectus ab Ordine per sententiam, si ante ingressum illius Ordinis habebat votum simplex Religionis: post illam expulsionem non tenetur ingredi alium Ordinem ex vi prioris voti antiqui: nam illud prius votum simplex fuit extinctum per professionem solemnem, & sic non potest reuiuiscere. Azor. *cit. cap. 17. q. 3.* & alij multi.

6 Monachus eiectus ab Ordine non tenetur se præsentare Episcopo originis, vel loci, ut illi specialiter obediat vel ab illo viuendi normam accipiat, sed sufficit ut illi Episcopo obediat sicut cæteri Clerici, vel sicut cæteri Parochiani: probat hanc fusè, & efficaciter Azor. *citat. cap. 15. quæst. 11.* & Molin. *2.2. tractat. 2. de Inst. disputat. 140. pag. 768.* Quia talis Monachus solutus est ab obedientia Prælati Regularis cui solum obedire promisit: non verò Episcopi: Neque datur aliquis textus obligans illum exeuntem, & eiectum particulariter se præsentare, vel obedire Episcopo speciali obedientia. Quare credo iuxta prædicta ab Azorio, eiectum ab ordine si sit Sacerdos, & non impeditus aliqua irregularitate, vel simili impedimento, posse celebrare, non adito Episcopo originis, vel loci: & per hoc corrigo quod olim dixi hoc eodem verbo *num. 5.* Nauarum secutus. Idem dico de eiecto solum Diacono vel Subdiacono non impedito: sufficit enim his viuere in quavis Diocesi, sine præsentatione speciali coram Episcopo, dummodo illi obediant sicut cæteri Diocesani. Ad quæ verò teneantur isti eiecti, vide olim dicta hoc eodem verbo *num. 5.*

7 Debent Prouinciales Monacho eiecto dare litteras patentes testimoniales suæ eiectiõis, securitatis gratia, ne in sæculo cogniti Apostatæ credantur, & incarcerationentur. Formam harum litterarum, quia non est omnibus cognita, hic volui ponere, quia vidi iam Religiosum Doctorem Iuris Cæsarei illius ignarum, &

ab alio postulante. Omitto formam sententiæ repudiij, quæ debet condemnari specificando delicta à Provinciali, ac Diffinitoribus: illi videant formam usitatam in sententiis. Forma vero litterarum quas Provincialis dare debet eiecto securitatis gratia subdicendo culpas in speciali, hæc est.

FORMA LIBELLI, SEU

cartæ repudiij danda eiecto.

N. Provincialis provinciar. &c. Vniuersis præsentibus litteras inspecturis notum facimus, quod in hac nostra Provincia habitum nostri Ordinis assumpsit, & veram professionem emisit, Fullanus Sacerdos, vel Diaconus, vel Subdiaconus, laicus, chorisita, &c.) & in eadem per aliquot annos vixit. In his tamen suis obligationibus, & professionis oblitus, & à lege Dei, suæque regulæ tramite declinans, aliqua delicta grauiora, per interualla commisit, de quibus conuictus, admonitus & poenitus non solum non respuit, sed etiam illa iterans, vel continuans manifestæ incorrigibilitatis signa monstrauit: sicut in processu penes me seruato iudicè continetur. Quapropter ego cum iis patribus, quibus hæc de re iudicare incumbit, providentes bono communi Ordinis, ne infectæ, & morbidæ ouis consortio contamineatur, imò & in bonum ipsius delinquentis, atrenta ipsius contumacia incorrigibili inhærentes concessionibus, & Bullis Apostolicis nobis concessis, ac nostris statutis generalibus, prædictum Fullanum sententiâ diffinitiuâ per nos subscriptâ, priuauimus in perpetuum habitu Religionis, sicut per præsentibus litteras priuatum declaro. Illum insuper damnauimus ad trirèmes, vel exilium ad partes ultra marinas per quatuor annos (videatur tenor sententiæ, & sic ponatur) in quorum omnium finem, & pro ipsius expulsi securitate, præsentibus litteras dedimus, nostro maiori sigillo, & propria manu subscriptas, ac munitas. Tali die, anno, &c.

Decla

Declarat inſuper in fine harum litterarum, ſi eiectus poſſet aliquod impedimentum ne celebret, vel miniſtret in ſacris Ordinibus. Declarat item, quod non po- teſt contrahere matrimonium ſi eſt ſolum laicus, vel choriſta carens Ordine ſacro: alias peccabit contrahens grauiſſimè, & matrimonium erit nullum. Et tenentur dicere horas Canonicas iuxta ſuum ſtatum.

8 De Bulla Leonis X. concedente vt poſſint eiici ab Ordine, qui in ſæculo notati fuerant de criminibus gra- uiſſimis, ac diffamati; & de his vitiis in communi roga- ti in profeſſione negarunt: de his, inquam, vide in Bul- lario Rodrig. fol. 47. vbi ſolum notò ibi Papam non re- quirere vt de talibus delictis in ſæculo fuerint conuiſti, neque accuſati; ſed ſolum dicere, quod fuerint de gra- uiſſimis, & ſcandalosis delictis notati, & infamati. Vnde non requirit, quod eorum delicta fuerint notoria, neq; publica: ſed ſufficit fuiſſe notatos, & diffamatos: quod in- telligo dummodò in veritate talia delicta commiſerint, & de hoc publica fama increuerit. In lib. Declaratio- num Cardinalium, impreſſo Duaci, anno 1618. fol. 358 §. ſeuere puniatur dicitur declarafſe, vel decreuiſſe illos Doctores illuſtriſſimos ne in poſterum vlus Re- gularis, etiam incorrigibilis ab Ordine eiiciatur; ſed intra Ordinem carcere, vel alia pœna ſeuere puniatur. Hoc tamen in Hiſpania non credo ſeruari, imò oppoſi- tum praticatur quotidie.

9 Propter ſpecialem caſum hoc tempore ortum, & magnæ controuerſiæ inter poteſtates Eccleſiaſticam, & ſæcularem, quaeris breuiter an poſſit expelli ab Ordine, qui in profeſſione tacuit morbum Gallicum, vel aliam contagioſum quo laborabat, & de quo ſal- tem in genere fuit rogatus ante profeſſionem, & ne- gavit. Caſum ponit Nauarr. lib. 3. Conſil. tit. de Regular. conſil. 5. & Rodrig. tom. 3. q. 9. art. 9. Reſpondent am- bo, quod ſi Religio habet ſtatutum aliquod Papæ, vel à Papa confirmatum, per quod annuſſetur profeſſio ta- liter negantis: in tali caſu poterit expelli ab Ordine. Quod ſi non habeat tale ſtatutum, ait Nauarr. poſſe Prælatum procedere contra ſic profeſſum, & in quo-

nam delicti illum expellere ab Ordine. At meritò Rodrig. *ibidem* hoc secundum reiecit : quia si professio valida fuit (non dato statuto Papæ) Prælatus non potest expellere professum ob tam leuem culpam , qualis est negatio illius morbi . Neq; obstat, quòd si Prælatus, & Conuentus scirent morbum , non consentirent in professione , nam ait Rodrig. si Petrus sciret Mariam esse pauperem , non consentiret illius matrimonio; postquam tamen consensit , inuenta eius paupertate, valet in matrimonium , quia paupertas illud non dirimit. Sic de Conuentu aliàs non consensuro : quia morbus Gallicus non est impedimentum annullans professionem de iure communi.

10 Sed insurgit magna instantia contra Rodrig. Nam ipse Rodrig. *cod. tom. 3. q. 11. artic. 2. ad finem*, citat, & sequitur Nauarr. *lib. 3. Consil. titul. de Regular. consil. 5. num. 15.* vbi Nauarrus ait, quòd dato statuto in aliquo Ordine à Papa, non confirmato, quo iubetur expelli ab Ordine , descendens ex Iudæis , iure Canonico non prohibitus : iste talis licet non possit expelli ex vi talis statuti inualidi , potest tamen expelli alio titulo, videlicet, ex defectu consensus ipsius Ordinis. Cum enim (ait Nauarr.) professio sit quidam contractus inter professum, & Conuentum admittentem, & proinde ad hunc contractum requiratur consensus profitentis , & Conuentus dato illo impedimento ex parte professi filij Iudæi, deficit consensus Conuentus, & proinde professio poterit annullari ex parte Conuentus. Quod videtur hic posse applicari. Nam facta protestatione, & interrogatione nouitio, ne sit infirmus morbo Gallico, vel simili, aliàs professionē non valiturā; & ipso negante, deficit omnino consensus ex parte Conuentus : & in re æquè graui, seu pœnosa : recipere enim ad Ordinem infectum morbo Gallico, vel febri ethica ; non est minus grauamen quàm sit recipere ad Ordinem descendentem ex Iudæis (*Christianos nueuos*) ac proinde sicut hic potest eiici ab Ordine existente solo statuto in contrarium : ita videtur posse dici de infecto morbo Gallico , præcedente interrogatione , & protestatione.

Con

Conuentus : per talem enim protestationem clarè exprimit Religio se non consentire professioni, si adsit talis morbus. Instantia hæc videtur vigere : & purò quòd si vera est opinio Nauarrì in primo , etiam erit in hoc secundo. Ego tamen circa morbum non consulo , vt seruetur hæc instantia : sed standum dico iudicio fori externi , & melius sentientium.

II Scio in nostro Ordine Minorum per statutum generale fieri interrogationem nouitio , ac protestationem , ne sit aliquo morbo contagioso infectus. Scio etiam hoc statutum generale esse confirmatum auctoritate Papæ à Ministro Generali Gonzaga : vt dicitur in proœmio illorum statutorum Tolletanorum. An verò Papa specialiter , & expressè voluerit confirmare hoc speciale de annullanda professione laborantis morbo Gallico , quam non annullat Ius Canonicum : hoc nescio (sicut iam suprà diximus in materia simili ex eodem Nauarro *eodem consilio* 5.) & sic manet mihi res dubia : ac proinde pro conclusione dico securius esse taliter infectum & negantem , non esse expellendum , nisi saltem formata lite coram Ordinario , quatenus professus est in possessione professionis. Sà in Aphorism. *Religio. num.* 34. absolūtè dicit hunc talem esse expellendum ab Ordine.

ELECTIO, ELIGERE.

Vide ver. *Abbatissa de viduis.* ver. *Diffinitores. num.* 2.
& 3. ver. *Officiis Ordinis. num.* 3.

I **N** electione per scrutinium non valet suffragium dubium : vt si dicatur in schedula ; eligo Petrum, vel Iacobum. Neque si dicat : eligo quem Petrus elegerit. Neque debet dari sub conditione vt si dicat, eligo Petrum, si tale, vel tale fecerit, vel contigerit. *Rodrig. tom.* 2. *Quæstion. quæst.* 31. *artic.* 4. vnde videtur non valere suffragium sic datum. Eligo quem elegerit

maior pars Conuentus, vel quem elegerit Prælatus Præsidens. Est enim incerta electio, & similis præcedentibus.

2 In electione Prælati localis, facta per Conuentum, poterunt suffragari etiam illi qui sunt absque Ordine sacro. Clementina enim, *ut hi qui. de arate, & qualis.* non loquitur de Mendicantibus, sed de Clericis, & Canonicis Regularibus, Rodriguez *citata questione, articul. 5.* Videant tamen Religiosi sua statuta: nam apud Minoritas quando permittebatur eligi Guardianum à Conuentu, non poterant eligere nisi qui haberent duos annos professio nis, & essent Subdiaconi. Laici verò non poterant. Statuta Tölletana, *capit. 7. titulo de Guardianis.* Circa suffragia verò Monialium in electione Abbatissæ, vide suprà verbo *Abbatissa, numero 5.*

3 Suffragia absentium non possunt suppleri: ut si dicat præses Capituli, ille Petrus det suffragium pro Iacobo absente. Concil. Tridentin. *sessio. 25. capit. 6. de Regular.* Hoc non tollit quod possit quis facere Procuratorem, qui suo nomine vadat ad eligendum: quod quasi sit in Ordine Minorum, quando Ministri impediti ad eundem ad Capitulum Generale, mittunt suo nomine Commissarium, qui in Capitulo generali det suffragium loco Prouincialis.

4 Electio debet esse libera: unde si coarctetur ad tres vel quatuor tantum, est nulla. Rodriguez *citata questione 51. articul. 10. & 11.* Et peccat mortaliter elector quouis modo violentiam faciens electoribus. Et affirmat Rodriguez se vidisse in Ordine Minorum annullari tres electiones Guardianorum factas cum tali coarctatione ad tres vel quatuor tantum. Ibidem etiam dicit non posse Regem vel Prælatum dicere, ut non eligatur Fullanus, aut Fullanus: si his prius non dicatur illos esse priuatos voce actiua aut passiua, ob talia demerita, ut se possint defendere, aliàs ultra peccatum presidis poterit sic iniuste priuatos opponere exceptionem electioni. *ibidem articul. 12.* Non est autem coarctare electionem, si arctetur ad genus, vel nationes hominum, ut si iubeatur eligi ex Hispania, Gallia,

vel

vel ex talibus tantum Prouinciis eligatur Definitor vnus Generalis, vel quid simile, vt *ibidem* probat.

5 Electio facta per schedulas communiter fieri nequit de nocte. Bene tamen poterit si fiat cum sufficienti numero candelarum : & virgente aliqua graui necessitate, vt si iam incœpta sit electio, & periculum sit in dilatione. Rodriguez *citata questione*, artic. 15. & Nauarr. lib. 1. *Consilior. titulo de electione, consilio 2.*

6 Electio indigni nunquam valet, & est nulla. Regulares verò etiam tenentur ad officia eligere digniores sunt enim prælaturæ Regulares, & cætera officia, beneficia Ecclesiastica ; & proinde etiam in illis militat ratio naturalis, & dispositio iuris vt eligatur dignior. Rabello *de obligation. iustitiæ*, 1. parte, lib. 3. *questione 4. conclus. 5.*

7 Præses electionis, non potest confirmare indignum, bene tamen potest confirmare minus dignum electum, quando videt omitti digniorem. Imò tenetur confirmare minus dignum, si tamen verè est dignus. Est communis in materia de electione. Et potest præses quando non cognoscit electum, antequam confirmet, facere inquisitionem iuridicam de vita illius in generali, ne confirmet indignum. cap. *Miramur. 61. distinctione, & cap. fin. de elect. in 6.*

8 In Ordine Minorum si electores vna die naturali per discordiam non eligant, præses electionis potest eligere quem voluerit, etiam si sit electio Prouincialis, Abbatissæ, & similium. Statuta Tollerana *titulo de electione*, & Clementina *exiit de Paradis. de verbo. signification.* & Rodriguez *questione 52. artic. 5.* vbi ait id fieri non posse in electione discreti mittendi nomine Conuentus ad Capitulum Prouinciale. Non tamen ad hoc dat, nec video causam efficacem : nisi quia text. loquitur de Prælate, & discretus non est Prælatus.

9 Posse electorem negare suffragium illi cuius defectum essentiali scit solum per confessionem, & ar. 2. vbi suffragatur secretò, negat Rodriguez *citata questione, artic. 4.* sed melius affirmant Nauarr. capit. *Sacer-*

dos. de pœnitent. distin. 6. num. 147. & Henric. tom. 1. lib. 3. de pœnit. cap. 23. num. 6.

10 Si omnes electores compromittant in vno tantum, ut quem ipse elegerit, sit electus presentibus omnibus compromittentibus, & consentientibus, valet electio pro illo nominato, quæcumque illa fuerit. Se tamen ipsum non potest nominare, nisi id specialiter exprimant compromittentes, tunc enim bene poterit se eligere. Intellige, dummodò eligat dignum. *Rodrig. cit. quest. art. 12.*

11 In Ordine Minorum eligi possunt in Prælatis Diffinitores, &c. illi qui intra quartum gradum descendunt ex Iudæis, hæreticis, Sarracenis, quorum corpora, ossa, vel statux combusta sunt post declarationem hæresis: & electores incident in excommunicationem & alias pœnas, neque subditi tenentur illis Prælatis sic electis obedire. Ita enim Paul. IV. ordinavit & confirmavit Greg. XIII. in Bullis citatis à Rodr. & Miranda mox citandis.

Variant tamen multum Doctores in istarum Bullarum explicatione. Nam Miranda *tom. 1. questione 19. artic. 7. & tomo 2. questione 1. articul. 1.* constanter tenet, quod in prædictis Bullis prohibetur ne in nostro Ordine fiant Prælati, imò nec Nouitij, illi qui à prædictis Iudæis descendunt intra quartum gradum, etiam si illorum corpora, & ossa, vel statux non fuerint combusta; sed air sufficere quòd ab illis descendant cognitisi. & declaratis, etiam non combustis. Congerit multa pro hac parte: sed tamen non negat oppositam opinionem. At Rodrig. posse teneri; ac defendi à multis Doctoribus. *Rodriguez tom. 1. quest. 14. art. 1. & art. 7.* dicit per Bullam Pauli I V. non repelli ab Officiis, vel habitu Ordinis prædictos descendentes intra quartum gradum nisi quando proavorum ossa, corpora, vel statux sunt combusta. Expositio Rodriguez mihi non displicet: eam sufficienter ibi probat; maximè quia Generalis Ordinis Zamora, id ita explicauit: & prædictus Generalis impetrauerat eandem Bullam cum esset Romæ Procurator Ordinis apud Paul,

Paul. I V. At Breuia Pontificia possunt valide explicare Generales, vt infra dicetur verbo *Generalis*, num. 7. Rario Rodriguez est: quia particula (*quorum*) posita in Bulla post verbum *Iudei & hæretici*: qualiter refertur ad Iudæos, & hæreticos. Et textus ait: quorum (id est) Iudæorum, & hæreticorum corpora, &c. Adde quod Papa ibi bis loquitur per particulam copulatiuam, dicens de proavis, & vt tales condemnati, & illi seu illorum corpora, & ossa, &c. Vide particulam, &, videtur enim requirere simul quod fuerint etiam combusti. Aliàs dicendum erat: *declarat* aut combusti. Aliam rationem ponam infra verb. *Novit*, qualitates, num. 30. & in particulari de descendantibus à Mauris tenet Rodrig. *tomo 3. q. 11. art. 4.* quod si proavi non fuerunt combusti, non esse inhabiles ad habitum, & prælationem. Et Nauarr. *lib. 5. Consil. tit. de Iudeis consil. 1.* dicit descendentes à Mauris posse admitti, quando ipsi sponte sua conuersi sunt. Et hæc sufficiant pro præsentia materia Ego in illa solum dicto vt caveant Prælati omnino ab illorum electione, & admissione ad habitum. Si tamen casu practicauerint opinionem Rodriguez, non condemno ob iam dicta. Vide ambos Doctores *locis citatis*, vbi alia dicunt pro sua quisque opinione, & Bullæ declaratione. Et saltem *citata questione 14. articuli. 3.* Hoc pro certo tenet Rodr. quod eligentes aliquem ex prædictis descendantibus facientes bona fide, non incurrant penas Bullar, quia hæc ponuntur solum contra præsumentes, vel scientes.

12 Si ad electionem non vocentur ij qui habent ius eligendi, electio est nulla, modo infra dicendo: Vocandi tamen sunt, qui commodè vocari possunt: secus si inter periculum huiusmodi communi ex dilatione. *capit. coram 35. distinct. 2. cap. cum omnes de consil. verb. ipsorum*, & communis. Arbitrio autem superioris cum consilio peritorum inquitur examinare periculum. Notandum verò Felinus, *capit. cum omnes citat. numero 22.* quod ad electionem Prælati conuentualis vt Guardiani: & similia: ius non requirit vt vocentur, omnes electores absentes: quia, vt ait, ius hoc solum requirit

pro eligendo illo cui titulus canonicus tribuitur: qualis non tribuitur Guardiano, vel Priori Conuēuali, & præterea, quia vocatio absentium non est de substantia electionis: ut mox dicemus.

13 Si vnus tantum electorum non vocetur, electio non est ipso facto nulla, sed potest tamen postea annullari petente illo contempto. Idem dic si duo, vel tres non vocentur, glossa in capit. quia propter. de election. verb. sanior. & Innocen. capit. quod sicut de election. & alij. Et illud quod dico idem censei, si duo, vel tres non vocentur, intelligo quod erit valida, si non annulletur à prætermisissis, etenim non est ipso iure nulla, quia non habet defectum in substantia.

14 Non tenentur Minoritæ in electionibus seruare apices electionis, sed sufficit quod seruent substantiam formæ. Clementina exiit de paradiso de ver. signif.

De substantia verò electionis sunt sequentia, iuxta gloss. in cap. quia propter. de elect. ver. sanior. Primò, ut fecerit & sigillatim per scriptum suffragia recipiantur; Secundò, ut publicatio fiat in communi. Tertiò, ut collatio, publicatiõe, fiat statim nullo actu cōtrario interposito. Quartò, ut maior pars Capituli suffragetur electo, idque iuxta leges canonicas, & particulares latas de excessu suffragiorum.

Apices electionis sunt cætera præter proximè dicta. Et ibidem ait gloss. non esse de substantia electionis vocare omnes absentes. Si enim non vocentur, valebit poterunt tamen non vocari annullare electionem, si velint. Si verò taceant, valet. Neque item est de substantia electionis, ut sint tres scrutatores suffragiorum: si enim adsint qui sufficiant ad fraudem impediendam, valet, quia inn ore duorum vel trium, & gloss. ibidem. Neque est de substantia, quod scrutatores de corpore Capituli ibidem.

15 In Ordine Minorum præ electione quodunque sufficit excessus dimidij suffragij tantum. Sic habent statuta Tollerana, verb. Electio. & practicatur quotidie. Sit exemplum. Si sint electores 31. is qui habet suffragia sexdecim manet electus. Dimidium, triginta vnus,

finis

sunt quindecim, cum dimidio. Tunc verò qui habet sexdecim suffragia, habet excessum tantum dimidii suffragij supra alios.

16 Quando Trid. sess. 12. cap. 4. de reform. ait quod non habeat vocem in Capitulo is qui non fuerit Subdiaconus, non prohibet quin illam habeat aliquis in illo Ordine in quo per statutum, vel consuetudinem suffragium dant etiam carentes Ordine sacro per declarationem Cardinal. super Trident. anno 1573. vt refert Compend. Minimorum; ver. *Consilium* dicens ita vigere apud illos.

17 Priuatus ipso facto voce actiua, & passiua ob subornationem, verb. grat. etiam in foro conscientie occultus non potest eligere: & si faciat, peccat mortaliter. Suarez *rom. de legib. lib. 5. cap. 9* maxime num. 5. & 6.

18 Si alicui electo constet se esse electum ab vno, qui erat inhabilis, & priuatus voce actiua, sed occulte etiam si sit electus ob solum illius suffragium, electio valet, nec tenetur renunciare: quia ille occultus toleratus, erat. l. *Barbarius*, ff. de offic. pratoris. & extranag. ad euitanda. & Suarez vbi proxime num. 5. Si verò electo constet se esse priuatum voce passiua, & non potuisse eligi, tenetur renunciare, vel remedium querere iuxta infra dicenda verb. *Officia Ordinis*, Suarez ait proxime citato loco num. 7. vide infra, verb. citata *Officia Ordinis* de remedio istius.

19 Ad impediendam electionem alicuius inhabilis sufficit vnus testis qui prober illius inhabilitatem, sicut sufficit vnus testis ad probandum impedimentum matrimonij. Rodrig. *rom 1. quest. 14. artic. 3.*

20 Si video Petrum esse digniorem, & tamen maior pars communitatis est inclinata infallibiliter ad Franciscum minus dignum sed tamen dignum: possum suffragari Francisco minus digno: quia tunc frustraneum est suffragari Petro digniori, & nemo tenetur ad actum frustraneum. Vega in *sum Moral 1 parte ver. Electio, cap. 1.* At si maior pars inclinat ad indignum, nunquam licet illi suffragari.

21 Denique pro complemento, & consolatione aliquando

quando Religiosorum attendenda est doctrina Dⁱ Thom. *quodlibet* 8. *art.* 6. quam tradit Comitulus *libr.* 1. *Resp. Moralium quæst.* 77. cum multis, ubi ex D. Thom. dicit, quod licet simpliciter & absolute eligendus sit melior: hoc debet intelligi quod non sit melior simpliciter, & absolute, sed sufficit quod sit melior ad hoc officium, & hic est melior secundum quid. Et ponit ibi exemplum Comitulus: quod aliquando minus sanctus poterit habere maiorem potentiam, & industriam secularem, vel aliquid huiusmodi, quod pro nunc magis conducit ad bonum commune: & dispensationes spirituales ordinantur ad bonum Ecclesie. Denique arbitrium boni viri debet pensare varias circumstantias temporis, personæ, &c. ex quibus inferre quis pro nunc sit dignior secundum quid, id est, in ordine ad hoc officium: ita tamen ut nunquam eligatur indignus.

A D D I T I O.

Vide infra verb. *Beneficia*, n. 18. & 19.

1. **V**ide supra ver. *Appellare*. ubi dixi posse quemcumque Religiosum appellare ab electione si fiat indebitè, exclusis scilicet iis qui non debent excludi, vel non vocatis electoribus, vel quid simile.
2. *Quæris capit. in Genesi. de electione, & capit. Ecclesia. eodem tit.* expresse dicitur, ac iubetur, ut in electionibus non solum attendatur numerus suffragiorum; sed multo magis inspicatur zelus, & dignitas, & meritum suffragantium, ita ut si pauciores suffragatores fuerint plus zelosi, digniores, & pluribus virtutibus ornati, horum suffragiis detur officium, non verò ob suffragia plurium suffragantium, qui in merito, & zelo sunt inferiores. Quod adeo verum est ut *eodem titulo, capit. Ecclesia*, Papa ad Episcopatum cassauerit electionem vnus pro quo data sunt 18. suffragia: & confirmavit illum, pro quo inuenta sunt sola 14. suffragia,

fragia, ut enim ait Glossa *prioris capitis in Genesi*, verb. *ad zelum. in electionibus non semper standum est numero, sed parti saniori. Illa verò pars sanior censetur qua est infior, & maiori ratione nititur, & aequitate.* Sic ibi glossa clarè deducta ex verbis textus. Quòd limitatur *cap si quando de elect. in 6.* dummodo pars sanior non excedatur in duplo à parte minus sana. Quæris, inquam, an hoc hodie licitè fieri possit in electionibus? Ego video hoc esse ius Canonicum clarum, & expressum: sed reuocatum est in Clementina *exiui. de verb. signif.* quoad fratres Minores tantum, ubi dicitur quod Minister electus à maiori parte confirmetur, non habita collatione zeli, vel meriti suffragantium.

3 Hoc solum dico quòd etiam in nostro Ordine Minorum, in suffragiis nouitij ad professionem, hoc debet obseruari, & in praxi seruari, ut scilicet, si constet aliquos ex suffragantibus odio, passione, vel alio respectu humano suffragia nouitio denegare: tunc non erit standum maiori numero suffragiorum, sed parti saniori, & nitenti maiori ratione, in fauorem nouitij. Etenim nostra statuta Generalia Tollerata, *titulo de suffragiis nouitiorum* iubent, ut in dubio tenenda sit pars sanior suffragantium. Et in margine citatur prædictum *caput in Genesi.* ad quod se remittunt: & ad citatam Glossam. *ver. ad zelum:* & idem habet Glossa *capitis Ecclesia*, verb. *non consenserit.* dicens saniores partem esse illam, quæ fauet causæ piæ: at causa pia est suffragari pro nouitio si sit idoneus. At proinde casus dari poterit, ut nouitius possit recipi ad professionem cum parte minori Conuentus, si constet hanc esse saniores, & constet maiorem partem passione, & respectu humano datam. Vide infra *hoc ver. num. 7.*

4 Non licet facere electionem Ecclesiasticam per fortes. Est enim hoc damnatum *cap. finali. in fine. de sortilegiis.* Et hoc intelligitur siue electio sit ad officium, siue ad beneficium, siue ad ministerium Ecclesiæ, per quod conferatur iurisdictio Ecclesiastica. Dixi *electionem Ecclesiasticam*, quia ad electionem secula-

rium non est illicitum vti sortibus, vt tenet Sanchez 2. *Dicalog. c. 38. n. 58.* Vnde etiam colliges, neque circa receptionem nouitij licere suffragium dare per sortes, est enim hæc electio cæca, & non discernit inter merita, vel demerita, sed quasi fortunæ committitur. Vnde ego vidi iudicatum fuisse suffragium nullum, cuiusdant Religiosi, qui pro suffragio nouitij, clausis oculis, præ scrupulo, misit manum ad vnam plenam fabis nigris, & albis: & clausis oculis primam obuiam sumens iniecit pro suffragio: hoc enim f-re fuit suffragari per sortes, absque discretione, & proinde inualidè, vt enim postea constitit iniecit fabam nigram reprobatiuam; quam iniecit illum mox penituit: idque constitit collatione facta ad alios suffragatores. Et sic electio repetita fuit.

5 Potest quis renunciare suffragio quòd habet in electionibus: hoc tamen limirandum est, dummodo illa renunciatio suffragij non præiudicet bono communi: quando scilicet eo quod ille, vel illi non dent suffragium eligetur indignus: tunc enim talis renunciens peccabit mortaliter: & compelli debet vt suffragetur. Sic Sylu. *vor. Electio 1. n. 2.* idque propter bonum commune, cui tenetur succurrere.

6 Eligens incognitum non satisfacit suæ conscientie, quia debet cognoscere partes, & sufficientiam electi. Syluest. *cit. loc. num. 18.* citans Panorm. Excipit tamen vt cognoscat bene partes electi per se, vel per alios, timoratos, & fide dignos.

7 Electio per fabas, vel lupinos non potest fieri in eligendo Prælato, tenet Syluest. *cit. vor. elect. 2. n. 6.* quia, inquit, in *cap. Ecclesia. de elect.* sanior pars suffragiorum est attendenda; quò dato electio per fabas non habet locum: cum taliter eligens non scribat suum nomen, neque vocem exprimat, vnde sciri possit si pertineat ad partem saniozem, vel minus sanā. Vnde colligo, quòd quando in suffragiis dandis pro nouitio dubia fuerint suffragia, & suspicio sit de malo zelo suffragantium, excipienda sunt suffragia, vel per scriptum, vel voce tenus, vt sciatur qui suffragantes pertineant ad partem saniozem.

8 Quan

8 Quando electores compromittunt in tres, vel quatuor ut illi eligant vnum, si vnus ex electoribus tum, nolit compromittere, compromissio non valet, quia debent compromittere omnes. Syluest. cit. ver. elect. 2. n. 14. Quod si compromissarij nominent indignum, vel non idoneum, non tenetur compromittentes recipere. Syluest. *ibid.* n. 15.

9 Si compromissarij sunt, ver. gratia, septem numero, ut septem Diffinitores in Religione: & tres illorum dent suffragium vni ex illis septem; ut sit, verb. gratia, custos ad Capitulum Generale, tres verò alij dent suffragium alteri extra illos compromissarios, ille compromissarius de numero septenario, in quem tres compromissarij conuenerunt, manebit electus, si ipse sic dicat: consentio electioni de me factæ. Habetur expresse in iure *cap. cum in iure. de electione*, & tenet expresse Syluest. *verb. Electio 2. numer. 23.* cum Panorm. & Hostiens. & aliis communiter: ibique Syluest. rationem assignat quare compromissarius consentiens electioni de se factæ, suo consensu augeat numerum suffragiorum quando electio fit per compromissarios: non verò augeat numerum consentiendo electioni de se factæ per scrutinium: vel in scrutinio pro se suffragando. Neque ab hoc dissentit Rodriguez *tom. 2. qq. Reg. quæstion. 53. art. 10.* cum ait non valuisse electionem factam à sex compromissariis, quorum tres dederunt suffragium vni ex eisdem compromissariis: qui vnus videns pro se tria suffragia, renunciauit suo suffragio, & manserunt duo suffragatores ex alia parte, & sic ille compromissarius electus à tribus allegauit se esse electum. Quod ibi negat Rodrig. dicens illum non potuisse renunciare suo suffragio in præiudicium tertij: & præterea quod talis sola renunciatione suffragij non consensit electioni de se factæ. Non, inquam, per hoc dictum Rodrig. discedit ab illo textu & à Syluestro Imò Rodrig. *ibidem*, §. *neque etiam obstat*: expresse dicit quod si ille prædictus pater consentiens electioni de se factæ expresse suffragaretur, maneret electus. Sed ex eo solum ait non fuisse

fuisse electum, quia renunciauit suo suffragio, & non est pro se expressè suffragatus. Quam rationem alij expendant si valeat, quando ille pater allegauit in diffinitorio esse electum: per hoc enim satis exprimebat se consentire electioni de se factæ, & suo consensu numerum augere: quidquid tamen sit de casu prædicto, decretum citati tex. & opinio Syluest. tenenda est, & prædicari potest. Idque non solum si compromissarij, seu Diffinitores sint septem, vt in *citato cap. cum in iure*, verum etiam si sint plures, vel pauciores, vt quinque & duo pro vno ex compromissariis suffragentur, & ille dicat, consentio electioni de me factæ: & sic in quouis numero, quando pars dimidia suffragatur pro vno compromissario ipse enim consentiens, suo consensu auget numerum, vt ait Syluest. Secus in electione facta per scrutinium.

Pro electione Abbatissæ, & quæ Moniales in illa dare possint suffragium. vide suprà verb. *Abbatissa vsque ad n. 5* ultra iam dicta in 1. editione.

10 Quis nam electendus sit dignior eligendus ultra iam dicta olim hoc verb. n. 21. rursus notat Reg. *tom. 2. lib. 3. tract. 3. num. 199.* digniorem in electionibus arbitrandum esse ex circumstantiis prudenter attentis. Inquit enim: aliquando doctum præferendum esse sanctiori idioræ: expertum, meliori inexperto: prudentem, doctiori imprudenti: nobilem, meliori ignobili: prouectum, sanctiori iuueni, & sic de cæteris. Addit num. 200. ex Nauarr. in *Miscellan.* 38. aliquando posse sine peccato eligi minus dignum omisso digniori, pro quo assignat aliqua exempla: vnum sit: si eligatur indigena minus dignus, omisso alienigena digniori. Alterum est quando dignitas dignioris parum excedit dinitatem minus digni: paruitas enim materiæ excusat. Tertium est, cum dignior non potest haberi sine magna difficultate. Quartum, quando in minus digno concurrunt indicia pietatis, misericordiæ, vel publicæ utilitatis, quæ moueant vt minus dignus præferatur digniori. At in omnibus suprà dictis semper seruandum est vt nunquam possit eligi indignus.

11 Dixi olim hoc verbo *num. 11.* Minoritas descendentes ex hæreticis, Iudæis, &c. non impediri per Bullas Apostolicas Pauli IIII, & aliorum Pontificum quia possint eligi ad dignitates, & officia in Ordine Minorum, nisi illorum proavi intra quartam generationem fuerint combusti in corpore vel in statuis: alias non impediri: nunc in eadem opinione persistens ad maiorem suasionem eiusdem explicationis, & probationem addo, quod ait Sanchez 2. *Decalog. cap. 27. num. 3.* ubi refert Auila de *censur. p. 7. disput. 4. dub. 3.* asserere, se recepisse à quibusdam viris doctis, & in praxi peritis, eas Bullas pro Minoritis non esse usu receptas: sic ibi Sanchez. De praxi verò non assentio, quia oppositum in Portugallia video.

ADDITIO AD ADDITIONEM.

IX cap. quia propter. de elect. §. illud autem in fine, clarè colligitur quòd vnus Canonicus potest ferre duo suffragia in electione Episcopis: vnum quod sibi competit ratione Canonicatus: alterum si ibi committatur ab alio Canonico eiusdem Capituli, eò quòd sit absens, & non possit venire. Colligitur clarè ex verbis ibi positis, & ubi de Canonico absente, & non potente venire ad electionem, ait tex. *Et tunc si voluerit, vni committat de ipso collegio vicem suam.* Cum verò is Canonicus cui suffragari committitur ex ista commissione, non debeat amittere suum suffragium, quod habet quatenus Canonicus est, colligit ibi Gloss. & bene, prædictum Canonicum duplici suffragio posse suffragari in electione Episcopi. Hoc ibi asserit Gloss. *ver. venire.* & repetit eadem Gloss. infra cap. cum olim. de sent. & re iudicata.

2 Quæris vtrum hoc hodie possit fieri in Religionibus, vt scilicet absente vno capitulari Priore, vel Guardiano, & non valente venire, possit committere suum suffragium alteri priori, vel Guardiano existenti in Ca-

pitulo, qui capitularis ferat duo suffragia in illo Capitulo, unum pro se, aliud pro illo Capitulari absente qui sibi id commisit. Resp. me non videre inconueniens quod hoc impediatur, est enim ius commune quod non est reuocatum per aliud ius in contrarium. Neque hoc est supplere suffragia absentium, quod prohibet fieri Concil. Trident. sess. 21. cap. 6. de Regular. Non inquam hoc est supplere suffragia absentium: quia supplere illa suffragia erat quando absente Capitulari, neque suum suffragium alicui procuratori committente, præsens Capituli dicebat isti Capitulari, vel non Capitulari, tu da suffragium pro N. absente: ignorante penitus absente, neque committente. Cum verò absens committit suum suffragium, seu datur suffragium per suum procuratorem, tunc nemo supplet votum, illius. Si verò dicas in aliquibus Religionibus hoc non esse in usu, dico quod istud non est priuilegium Papæ, quod possit periri per non usum, sed est ius commune omnibus concessum quod non perditur per non usum: sed solum per contrariam legem, vel per contrarium usum.

3 Sed notat Gloss. capit. si quis de elect. in 6. ver. si quis. quod quando aliquis committit suo procuratori, ut in Capitulo pro se ferat suffragium, non potest in suo scripto dicere suffragium dabis Fullano, nominarim: hoc enim iam esset publicare suffragium, extra secretum, quod in iure veratur, maxime in Concilio Trident. citat. cap. 6. Neque etiam talis committens suffragium alteri debet illi assignare certam personam pro qua suffragetur: iam enim non esset votum secretum. Sic declaratum fuit ab Illust. Cardinalibus teste Marzillo in suis declarat. ad citatum cap. 6. Trident. §. test. alios quoscumque.

4 Si Superior aliquis prohibeat suo mandato ne aliqua Communitas, vel Capitulum celebret electionem, & nihilo minus celebretur electio, & eligatur vnus dignus, tenet electio, nisi Superior possit per se irritare electionem, & dicat in scriptis quod electio aliter facta sit irrita, Colligitur ex c. inter.

c. inter cetera, & ex cap. dilectus. de proband. Et tener Gloss. cap. dilectus el. 2. eod. titulo verb. Collata. Et probatur, quia si Communitas habet ius ad eligendum, & eligit canonicè, sola prohibitio quod non eligat, non irritat electionem: quia multa fieri prohibeatur quæ tamen facta valent. Deber ergo Prælatus esse talis qui possit irritare electionem, & quod in scriptis dicat, aliàs factam esse irritam. Et à fortiori colliges quod si Princeps secularis prohibeat alicui Capitulo ne celebret electionem, si tamen illa celebretur, valida erit si canonicè fiat.

3 Si præses, qui præest scrutinio electionis, videt esse electum indignum, non poterit electionem suppressere, tacendo solum non esse factam electionem: sed debet scrutinium publicare: & electum indignum non confirmare: sed de illius insufficientia summarie per testes inquirere: probatæque indignitate, illum eiciet ab electione. Probatur prima pars, quod teneatur vota publicare, sic enim expresse præcipitur *cap. quia propter. de election. vbi facto scrutinio iubentur statim vota publicari*; secunda pars, quod non possit talem indignum excludere, nisi prius audiat, & probeatur eius insufficientia, patet ex *cap. indemnitatibus. in 6. & cap. Venerabilem, & cap. nihil est de electione*, vbi præcipitur quod publicato scrutinio, si electus non est cognitus, Prælatus summarie inquireat de sufficientia electi, & si indignum inuenerit, repellat. Adde quod aliàs si taliter indignus electus sub silentio omitteretur, & procederetur ad aliam electionem in rigore ferretur sententia contra aliquem inauditum, & condemnaretur aliquis non citatus in materia graui, quod non est admittendum.

ELEEMOSYNA.

1 **I**ncurrunt excommunicatione ipso facto prohibentes dari eleemosynam Carmelitis, & Augustinensibus: & contra illos possunt procedere Inquisitores.

pro eligendo illo cui titulus canonicus tribuitur: qualis non tribuitur Guardiano, vel Priori Conuēuali, & præterea, quia vocatio absentium non est de substantia electionis: vt mox dicemus.

13 Si vnus tantum electorum non vocetur, electio non est ipso facto nulla, sed potest tamen postea annullari petente illo contempto. Idem dic si duo, vel tres non vocentur, glossa in cap. quia propter. de election. verb. sanior. & Innocen. cap. quod sicut de election. & alij. Et illud quod dico idem censei, si duo, vel tres non vocentur, intelligo quod erit valida, si non annulletur à prætēmissis, etenim non est ipso iure nulla, quia non habet defectum in substantia.

14 Non tenentur Minoritæ in electionibus seruare apices electionis, sed sufficit quod seruent substantiam formæ. Clementina exiit de paradiso. de ver. signif.

De substantia verò electionis sunt sequentia, iuxta gloss. in cap. quia propter. de elect. verb. sanior. Primò, vt secretò & sigillatim per scriptum suffragia recipiantur; Secundò, vt publicatio fiat in communi. Terriò, vt collatio, publicatiõe, fiat statim nullo actu cōtrario interposito. Quartò, vt maior pars Capituli suffragetur electo; idque iuxta leges canonicas, & particulares latas de excessu suffragiorum.

Apices electionis sunt cætera prætēr proximè dicta. Et ibidem ait gloss. non esse de substantia electionis vocare omnes absentes. Si enim non vocentur, valebit poterunt tamen non vocati annullare electionem, si velint Si verò taceant, valet. Neque item est de substantia electionis, vt sint tres scrutatores suffragiorum: si enim adsint qui sufficiant ad fraudem impediendam, valet, quia inn ore duorum vel trium, & gloss. ibidem. Neque est de substantia, quod scrutatores sint de corpore Capituli ibidem.

15 In Ordine Minorum pro electione quod sufficit excessus dimidij suffragij tantum. Sic habent statuta Tollerana, verb. Electio. & practicitur quotidie. Sit exemplum. Si sint electores 31. is qui habet suffragia sexdecim manet electus. Dimidium, triginta vnus, sunt

sunt quindecim, cum dimidio. Tunc verò qui habet sexdecim suffragia, habet excessum tantum dimidii suffragij suprà alios.

16 Quando Trid. sess. 12. cap. 4. de reform. ait quod non habeat vocem in Capitulo is qui non fuerit Subdiaconus, non prohibet quin illam habeat aliquis in illo Ordine in quo per statutum, vel consuetudinem suffragium dant etiam carentes Ordine sacro per declarationem Cardinal. super Trident. anno 1573. vt refert Compend. Minimorum; vtr. *Consilium* dicens ita vigere apud illos.

17 Priuatus ipso facto voce actiua. & passiuà ob subornationem, verb. grat. etiam in foro conscientie occultus non potest eligere: & si faciat, peccat mortaliter. Suarez *rom. de legib. lib. 5. cap. 9* maxime num. 5. & 6.

18 Si alicui electo constet se esse electum ab vno, qui erat inhabilis, & priuatus voce actiua, sed occulte: etiam si sit electus ob solum illius suffragium, electio valet, nec tenetur renunciare: quia ille occultus toleratus, erat. l. *Barbarius*, ff. de offic. pratoris. & extraneus. ad euitanda. & Suarez vbi proxime num. 5. Si verò electo constet se esse priuatum voce passiuà, & non potuisse eligi, tenetur renunciare, vel remedium querere iuxta infra dicenda verb. *Officia Ordinis*, Suarez ait proxime citato loco num. 7. vide infra, verb. citata *Officia Ordinis* de remedio istius.

19 Ad impediendam electionem alicuius inhabilis sufficit vnus testis qui probet illius inhabilitatem, sicut sufficit vnus testis ad probandum impedimentum matrimonij. Rodrig. *rom. 1. quæst. 14. artic. 3.*

20 Si video Petrum esse digniorem, & tamen maior pars communitatis est inclinata infallibiliter ad Franciscum minus dignum sed tamen dignum: possum suffragari Francisco minus digno: quia tunc frustraneum est suffragari Petro digniori, & nemo tenetur ad actum frustraneum. Vega in *Sum. Moral. 1. parte ver. Electio, cap. 1.* At si maior pars inclinat ad indignum, nunquam licet illi suffragari.

21 Denique pro complemento, & consolatione aliquando

quando Religiosorum attendenda est doctrina D.
Thom. *quodlibet. 8. art. 6.* quam tradit Comitulus *libr. 1. Resp. Moralium quæst. 77.* cum multis, ubi ex D. Thom.
dicit, quod licet simpliciter & absolute eligendus sit
melior: hoc debet intelligi quod non sit melior sim-
pliciter, & absolute, sed sufficit quod sit melior ad hoc
officium, & hic est melior secundum quid. Et ponit
ibi exemplum Comitulus: quod aliquando minus san-
ctus poterit habere maiorem potentiam, & industriam
secularem, vel aliquid huiusmodi, quod pro nunc
magis conducit ad bonum commune; & dispensatio-
nes spirituales ordinantur ad bonum Ecclesie. Denique
arbitrium boni viri debet pensare varias circumstantias
temporis, personæ, &c. ex quibus inferre quis pro
nunc sit dignior secundum quid, id est, in ordine ad
hoc officium: ita tamen ut nunquam eligatur indignus.

A D D I T I O.

Vide infra verb. *Beneficia*, n. 18. & 19.

Vide supra ver. *Appellare*. ubi dixi posse quem-
cumque Religiosum appellare ab electione si
fiat indebitè, exclusis scilicet iis qui non debent exclu-
di, vel non vocatis electoribus, vel quid simile.

2. *Quæritur caput. in Genesi. de electione, & caput. Ec-
clesia. eodem tit.* expresse dicitur, ac iubetur, ut in
electionibus non solum attendatur numerus suffragio-
rum; sed multo magis inspicatur zelus, & dignitas, &
meritum suffragantium, ita ut si pauciores suffragato-
res fuerint plus zelosi, digniores, & plurius viribus
ornati, horum suffragiis detur officium, non verò ob
suffragia plurium suffragantium, qui in merito, & ze-
lo sunt inferiores. Quod adeo verum est ut eodem ti-
tulo, *capit. Ecclesia*, Papa ad Episcopatum cassauerit
electionem unius pro quo data sunt 18. suffragia: &
consummavit illum, pro quo inuenta sunt solâ 14. suf-
fragia,

fragia, ut enim ait Glossa *prioris capituli in Genesi*, verb. *ad zelum*. In electionibus non semper standum est numero, sed parti saniori. Illa verò pars sanior censetur quæ est iustior, & maiori ratione nititur, & æquitate. Sic ibi glossa clare deducta ex verbis textus. Quòd limitatur cap. si quando de elect. in 6. dummodo pars sanior non excedatur in duplo à parte minus sana. Quæris, inquam, an hoc hodie licite fieri possit in electionibus? Ego video hoc esse ius Canonicum clarum, & expressum: sed reuocatum est in Clementina *exius*. de verb. signif. quoad fratres Minores tantum, ubi dicitur quod Minister electus à maiori parte confirmetur, non habita collatione zeli, vel meriti suffragantium.

3 Hoc solum dico quòd etiam in nostro Ordine Minorum, in suffragiis nouitij ad professionem, hoc debet obseruari, & in praxi seruari, ut scilicet, si constet aliquos ex suffragantibus odio, passione, vel alio respectu humano suffragia nouitio denegare: tunc non erit standum maiori numero suffragiorum, sed parti saniori, & nitenti maiori ratione, in fauorem nouitij. Etenim nostra statuta Generalia Tollerana, titulo de suffragiis nouitiorum iubent, ut in dubio tenenda sit pars sanior suffragantium. Et in margine citatur prædictum caput in Genesi. ad quod se remittunt: & ad citatam Glossam. *ver. ad zelum*: & idem habet Glossa *capituli Ecclesie*, verb. *non consenserit*. dicens saniores partem esse illam, quæ fauet causæ piæ: at causa pia est suffragari pro nouitio si sit idoneus. At proinde casus dari poterit, ut nouitius possit recipi ad professionem cum parte minori Conuentus, si constet hanc esse saniores, & constet maiorem partem passione, & respectu humano datam. Vide infra hoc ver. num. 7.

4 Non licet facere electionem Ecclesiasticam per sortes. Est enim hoc damnatum cap. finali. in fine. de sortilegiis. Et hoc intelligitur siue electio sit ad officium, siue ad beneficium, siue ad ministerium Ecclesiæ, per quod conferatur iurisdictio Ecclesiastica. Dixi electionem Ecclesiasticam, quia ad electionem seculari-

rium non est illicitum uti sortibus, ut tenet Sanchez 2. Decalog. c. 38. n. 58. Vnde etiam colliges, neque circa receptionem nouitij licere suffragium dare per sortes, est enim hæc electio cæca, & non discernit inter merita, vel demerita, sed quasi fortunæ committitur. Vnde ego vidi iudicatum fuisse suffragium nullum, cuiusdant Religiosi, qui pro suffragio nouitij, clausis oculis, præ scrupulo, misit manum ad vnam plenam fabis nigris, & albis: & clausis oculis primam obuiam sumens iniecit pro suffragio: hoc enim fere fuit suffragari per sortes, absque discretione, & proinde inualide, ut enim postea constitit iniecit fabam nigram reprobatiuam; quam iniecissem illum mox pœnuuit: idque constitit collatione facta ad alios suffragatores. Et sic electio repetita fuit.

5 Potest quis renunciare suffragio quod habet in electionibus hoc tamen limitandum est, dummodo illa renunciatio suffragij non præiudicet bono communi: quando scilicet eo quod ille, vel illi non dent suffragium eligetur indignus: tunc enim talis renuncians peccabit mortaliter: & compelli debet ut suffragetur. Sic Sylu. *ver. Electio* 1. n. 2. idque propter bonum commune, cui tenetur succurrere.

6 Eligens incognitum non satisfacit suæ conscientiæ, quia debet cognoscere partes, & sufficientiam electi. Syluest. *cit. loc. num.* 18. citans Panorm. Excipit tamen ut cognoscat bene partes electi per se, vel per alios, timoratos, & fide dignos.

7 Electio per fabas, vel lupinos non potest fieri in eligendo Prælato, tenet Syluest. *cit. ver. elect* 2. n. 6. quia, inquit, in *cap. Ecclesia. de elect.* sanior pars suffragiorum est attendenda; quo dato electio per fabas non habet locum: cum taliter eligens non scribat suum nomen, neque vocem exprimat, unde sciri possit si pertineat ad partem saniores, vel minus sanā. Vnde colligo, quod quando in suffragiis dandis pro nouitio dubia fuerint suffragia, & suspicio sit de malo zelo suffragantium, excipienda sunt suffragia, vel per scriptum, vel voce tenus, ut sciatur qui suffragantes pertineant ad partem saniores.

8 Quando electores compromittunt in tres, vel quatuor ut illi eligant vnum, si vnus ex electoribus tum, nolit compromittere, compromissio non valet, quia debent compromittere omnes. Syluest. cit. ver. elect. 2. n. 14. Quod si compromissarij nominent indignum, vel non idoneum, non tenetur compromittentes recipere. Syluest. ibid. n. 15.

9 Si compromissarij sunt, ver. gratia, septem numero, vt septem Diffinitores in Religione: & tres illorum dent suffragium vni ex illis septem; vt sit, verb. gratia, custos ad Capitulum Generale, tres verò alij dent suffragium alteri extra illos compromissarios, ille compromissarius de numero septenario, in quem tres compromissarij conuenerunt, manebit electus, si ipse sic dicat: consentio electioni de me factæ. Habetur expresse in iure cap. cum in iure. de electione, & tenet expresse Syluest. verb. Electio 2. numer. 23. cum Panorm. & Hostiens. & aliis communiter: ibique Syluest. rationem assignat quare compromissarius consentiens electioni de se factæ, suo consensu augeat numerum suffragiorum quando electio fit per compromissarios: non verò augeat numerum consentiendo electioni de se factæ per scrutinium: vel in scrutinio pro se suffragando. Neque ab hoc dissentit Rodriguez tom. 2. qq. Reg. questien. 53. art. 10. cum ait non valuisse electionem factam à sex compromissariis, quorum tres dederunt suffragium vni ex eisdem compromissariis: qui vnus videns pro se tria suffragia, renunciauit suo suffragio, & manserunt duo suffragatores ex alia parte, & sic ille compromissarius electus à tribus allegauit se esse electum. Quod ibi negat Rodrig. dicens illum non potuisse renunciare suo suffragio in præiudicium tertij: & præterea quòd talis sola renunciatione suffragij non consensit electioni de se factæ. Non, inquam, per hoc dictum Rodrig. discedit ab illo textu & à Syluestro Imò Rodrig. ibidem, §. neque etiam obstat: expresse dicit quòd si ille prædictus pater consentiens electioni de se factæ expresse suffragaretur, maneret electus. Sed ex eo solum ait non fuisse

fuisse electum, quia renunciauit suo suffragio, & non est pro se expressè suffragatus. Quam rationem alij expendant si valeat, quando ille pater allegauit in diffinitorio esse electum: per hoc enim satis exprimebat se consentire electioni de se factæ, & suo consensu numerum augere: quidquid tamen sit de casu prædicto, decretum citati tex. & opinio Syluest. tenenda est, & practitari potest. Idque non solum si compromissarij, seu Diffinitores sint septem, vt in citato cap. cum in iure. verum etiam si sint plures, vel pauciores, vt quinque & duo pro vno ex compromissariis suffragentur, & ille dicat, consensio electioni de me factæ: & sic in quouis numero, quando pars dimidia suffragatur pro vno compromissario ipse enim consentiens, suo consensu auget numerum, vt ait Syluest. Secus in electione facta per scrutinium.

Pro electione Abbatissæ, & quæ Moniales in illa dare possint suffragium, vide suprâ verb. *Abbatissa vsque ad n. 5* ultra iam dicta in 1. editione.

10 Quis nam celsendus sit dignior eligendus ultra iam dicta olim hoc verb. n. 21. rursus notat Regin. tom. 2. lib. 3. tract. 3. num. 199. digniorem in electionibus arbitrandum esse ex circumstantiis prudenter attentis. Inquit enim: aliquando doctum præferendum esse sanctiori idiotæ: expertum, meliori inexperto: prudentem, doctiori imprudenti: nobilem, meliori ignobili: prouectum, sanctiori iuueni, & sic de cæteris. Addit num. 200. ex Nauarr. in Miscellan. 38. aliquando posse sine peccato eligi minus dignum omisso digniori, pro quo assignat aliqua exempla: vnum sit: si eligatur indigena minus dignus, omisso alienigena digniori. Alterum est quando dignitas dignioris parum excedit dinitatem minus digni: paruitas enim materiæ excusat. Tertium est, cum dignior non potest haberi sine magna difficultate. Quartum, quando in minus digno concurrunt indicia pietatis, misericordiæ, vel publicæ utilitatis, quæ moueant vt minus dignus præferatur digniori. At in omnibus suprâ dictis semper seruandum est vt nunquam possit eligi indignus.

11 Dixi olim hoc verbo *num. 11.* Minoritas descendentes ex hæreticis, Iudæis, &c. non impediri per Bullas Apostolicas Pauli III. & aliorum Pontificum quin possint eligi ad dignitates, & officia in Ordine Minorum, nisi illorum proavi intra quantam generationem fuerint combusti in corpore vel in statu: aliàs non impediri: nunc in eadem opinione persistens ad maiorem suasionem eiusdem explicationis, & probationem addo, quod ait Sanchez 2. *Decalog. cap. 17. num. 3.* ubi refert Auila de *censur. p. 7. disput. 4. dub. 3.* asserere, se recepisse à quibusdam viris d. ètis, & in praxi peritis, eas Bullas pro Minoritis non esse vsu receptas: sic ibi Sanchez. De praxi verò non assentio, quia oppositum in Portugallia video.

ADDITIO AD ADDITIONEM.

1 **E**X cap. quia propter. de elect. §. illud autem in fine, clarè colligitur quòd vnus Canonicus potest ferre duo suffragia in electione Episcopi: vnum quod sibi competit ratione Canonici: alterum si ibi committatur ab alio Canonico eiusdem Capituli, eò quòd sit absens, & non possit venire. Colligitur clarè ex verbis ibi positis, & ubi de Canonico absente, & non potente venire ad electionem, ait tex. *Et tunc si voluerit, vni committat de ipso collegio vicem suam.* Cùm verò is Canonicus cui suffragari committitur ex ista commissione, non debeat amittere suum suffragium, quod habet quatenus Canonicus est, colligit ibi Gloss. & bene, prædictum Canonicum duplici suffragio posse suffragari in electione Episcopi. Hoc ibi asserit Gloss. *ver. venire.* & repetit eadem Gloss. *infra cap. cum olim. de sent. & re indicata.*

2 Queris vtrum hoc hodie possit fieri in Religionibus, vt scilicet absente vno capitulari Priore, vel Guardiano, & non valente venire, possit committere suum suffragium alteri priori, vel Guardiano existenti in Ca-

c. inter cetera, & ex cap. dilectus. de proband. Et tenet Gloss. cap. dilectus el. 2. eod. titulo verb. Collata. Et probatur, quia si Communitas habet ius ad eligendum, & eligit canonicè, sola prohibitio quod non eligat, non irritat electionem: quia multa fieri prohibentur quæ tamen facta valent. Debet ergo Prælati esse talis qui possit irritare electionem, & quod in scriptis dicat, aliàs factam esse irritam. Et à fortiori colliges quod si Princeps secularis prohibeat alicui Capitulo ne celebret electionem, si tamen illa celebretur, valida erit si canonicè fiat.

3 Si præses, qui præest scrutinio electionis, videt esse electum indignum, non poterit electionem suppressere, tacendo solum non esse factam electionem: sed debet scrutinium publicare: & electum indignum non confirmare: sed de illius insufficientia summarie per testes inquirere: probatæque indignitate, illum eiciet ab electione. Probatur prima pars, quod teneatur vota publicare, sic enim expresse præcipitur *cap. quia propter. de election. vbi facto scrutinio iubentur statim vota publicari*; secunda pars, quod non possit talem indignum excludere, nisi prius audiat, & probeatur eius insufficientia, patet ex *cap. indemnitate. in 6. & cap. Venerabilem, & cap. nihil est de electione*, vbi præcipitur quod publicato scrutinio, si electus non est cognitus, Prælati summarie inquireat de sufficientia electi, & si indignum inuenerit, repellat. Adde quod aliàs si taliter indignus electus sub silentio omitteretur, & procederetur ad aliam electionem in rigore ferretur sententia contra aliquem inauditum, & condemnaretur aliquis non citatus in materia graui, quod non est admittendum.

ELEEMOSYNA.

I Neurrunt excommunicatione ipso facto prohibentes dari eleemosynam Carmelitæ, & Augustinensibus: & contra illos possunt procedere Inquisitores.

Compen. Minor. verb. *Eleemosyna* §. 8. & 9. Idem pro Prædicatoribus tenet Corduba *ad citatum* §. 9. Aliæ pœnæ ponuntur *ibi* §. 17. contra prohibentes fieri eleemosynam Minoritis.

2. Possunt Generales, & Prouinciales Minorum applicare vni loco indigentiori eleemosynas, & legata relicta alteri suo loco ditiori, ac pinguiori. Leo X. in *Compend. citato ver. §. 14. illis concessit.*

3. Non potest Religiosus dare eleemosynam absque licentia expressa, seu tacita sui Prælati. Sed in hoc attendantur Regula, statuta, & consuetudines toleratæ cuiusque Religionis.

E P I S C O P V S.

Vide suprà verb. *Bona*, num. 2. & infrà verb. *Processiones*, num. 2. & verb. *Professio* num. 31.

1. **P**otesť Episcopus procedere contra Religiosos prædicantes aliquos errores, seu scandala : & præterea contra illos qui in sermonibus Episcopos, & Prælatos Ecclesiæ reprehendunt illisque detrahunt. Trident. *sess. 5. cap. 2. §. si verò.* Pro hoc vide infrà verbo *Prædicatores*. vbi clariùs dicitur qui intelligantur hîc nomine Prælatorum : idem habetur in Clementina *Religiosi, §. quibus etiam. de Religios. & excessib. prælat.* vide *Mirandam rom. 1. quest. 50. art. 7.*

2. Vt Episcopi possint punire Regulares in casu scandaloso, requiruntur sequentes conditiones. Prima, quòd delictum sit extra claustrum commissum. Secunda, quòd sit notorium. Tertia quòd sit scandalosum. Quarta, quòd Episcopus instet, vt Prælatus puniar, & Prælatus negligat. Si verò aliqua ex his conditionibus desit, non obligat. Tridentin. Si verò localis Prælatus punire non possit, scribet Prouinciali, Aldrete *libro de Relig. disciplin. cap. 3. num. 35. & seqq.* Hoc inquam, intellige in casu scandaloso facto in populo extra claustrum, tunc

tunc enim debent concurrere illæ quatuor conditiones, circa verò puniendæ illæ prius dictæ in concione ad populum, hæ conditiones non requiruntur, sed sufficit quòd prædicent intra suos Conuentus, nec requiruntur ceteræ conditiones quo ad prædicata puniendæ.

3 Episcopi, & inferiores parochi non possunt prohibere parochianis venire ad Conuentus Mendicantium audire prædicationes: aliàs saltem parochi excommunicantur per Bonifacium IX. citat. Miranda citat. *quæstione artic. 8.*

4 Religiosus non potest acceptare Episcopatum sine licentia sui Prælati. Est communis Doctorum. Et Monachus factus Episcopus perdit priuilegia Ordinis, & vocem actiuam, & passiuam in Ordine. Rodrig. tom. 1. *quæst. 58. artic. 4.*

5 Factus Episcopus ex Religioso tenetur ad obseruandas illas obligationes monasticas quæ non contrariantur dignitati Episcopali: quales sunt continentia, ieiunia, vestitus, & similes eompatibiles. Soto 10. *de iust. quæst. 5 artic. 7.* ex D. Thom. Non tenetur verò ad illas quæ dignitati Episcopali contrariantur, vel illum impediunt ab officio exequendo. Sot. *ibidem.*

6 Bona Episcopi titularis tantum, si moriatur, debentur suo Monasterio. Et idem dicendum de bonis Episcopi Ordinarij acquisitis ante confirmationem, & consecrationem si moriatur intestatus. Rodriguez tom. 3. *quæstione 69. artic. 4. in fine.*

7 Potest Episcopus mandare Regularibus vt in offertorio Missæ maioris preponant populo festa, & ieiunia illius hebdomadæ. Rodr. tom. 1. *q. 43. artic. 7.* & sic deberet fieri à Religiosis etiam si Episcopus non obligaret.

8 Potest Episcopus obligare Prælatum Regularem vt puniat Religiosum delinquentem extra claustrum scandalosè: idque intra tempus ab Episcopo assignatum: sin minus potest Superiorem ab officio priuare, & Religiosum delinquentem punire. Trid. *sess. 23. capit. 14. de Regular.* Quòd si Prælatus delinquentem morè dolosè ad alium Conuentum vt effugiat inuictio-nem illius Episcopi; Clemens VIII. contra talem Præ-

latum dedit Bullam particularem cum pœnis impostis & illum delinquentem iubet reduci ad priorem Conuentum. Si verò Prælatus illum non reducat ad priorem Conuentum puniendum à priori Episcopo: tunc Episcopus ille, ad cuius Diœcesim fuit translatus, potest illum senere punire instante priore Episcopo. Prouincialis verò, vel Prælatus ipsum non restituens ad priorem Conuentum instante priore Episcopo, vel non prius puniens instante priore Episcopo intra tempus ab præfixum, manet priuatus officio, inhabilis, &c. ponit hanc Bullam Rodrig. *tom. 2. q. 2. art. 6.* Vide etiam infra ver. *Suspensio, n. 2. Suspensione 11.*

9 Si Monachus percutiat Clericum sæcularem extra Conuentum, non potest Episcopus ipsum declarare excommunicatum, neque carcerare, coget tamen Superiorem vt puniat modo supradicto. Rodrig. *tomo 2. quæstion. 63. art. 7.*

10 Potest Episcopus Religiosos vagantes absque licentia per suam Diœcesim punire. Trident. *sess. 25. c. 4. de Regular.* secus si probent se adire Superiorem querelandi causa præmissa iusta appellatione coram aliquibus testibus. Rodrig. *tom. 1. quæst. 30. art. 4.*

11 Potest Episcopus de licentia Prælati Regularis habere Regularem suo seruitio addictum, causa prædicationis, lectionis, vel similis operis pij. Concil. Trid. *loco proximè citato.* Inuito tamen suo Superiore non potest.

12 Non potest Episcopus procedere contra Nouitium etiam ob delictum commissum in sæculo nisi constet Nouitium ingressum fuisse Ordinem in fraudem illius Rodrig. *tom 2. q. 63. art. 7. §. inferitur.*

Aliqua alia in quibus Regulares subduntur Episcopis maximè per Concil. Trid. vide upud Rodrig. *cit. proximè q. art. 11.* Omitto verò quia facile est illa repetere, & causa breuitatis facio. Et ponentur infra verb. *Trident. Concilium, ad finem.*

13 Si Prælatus Regularis subiiciat Monachum Episcopo vt Episcopus illum absoluat ab aliquibus, in quibus ipse Prælatus dubitat an possit, maximè circa hæresim occultam: potest Episcopus Regularem prædictum

dictum absolvere: Rodrig. *tom. 2. q. 63. art. 1. in principio*, & Henric. *tom. 1. lib. 7. de Indulg. cap. 2 §. n. 2.* & alij Sa. in Aphor. verb. *Exemptus*.

Huius occasione nota quod aliqui tenent non posse hodie Episcopum absolvere suum suum in foro conscientiae: ab hæresi occulta, & proinde neque Regularem Sic expressè tenet Suar. *tom. de pœnit. disput. 3. sect. 2. num. 11.* citans quandam declarationem Romæ per Card. Concil. At Nauarr. *lib. 5. Consil. 2 impress. tit. de privilegiis, consil. 11.* constanter tenet quod possunt saltem extra Italiam, idque probat sufficientissimis rationibus, & responder prædictæ declarationi Cardinalium. Idem tenet, & probat fusè citans multos recentiores, Henr. *lib. 3. de pœnit. cap. 14. num. 7* & mihi videtur satis probabile ob dicta, & citata ab his duobus tam grauib. Doctoribus.

3. Episcopus non potest interpretari privilegia Regularium in causa tangente Episcopum: sed id per Iurisperitos debet fieri, & faciente cæteris paribus, in favorem Religionis, id est, in dubio. Rodr. *tom. 2. quest. 63. art. 7.* & habetur in Compend. Societ. Iesu verb. *Privilegia §. 4.*

A D D I T I O.

Dixi suprà *Bulla Cœna*, posse Episcopos hodie per Tridentinum absolvere suos subditos in foro conscientiae à casibus Bullæ Cœnæ. Dixi item olim verb. *Episcopus n. 13.* posse Episcopum etiam hodie absolvere suos subditos ab hæresi occulta ex commissione Tridentini: Nunc ut status opinionis innotescat, aduerto quod Sanchez *2. Decalog. cap. 11. à n. 26.* pro parte negativa, quod scilicet id non possint Episcopi, citat sedecim Doctores graues quidem, & ferè omnes recentiores. At pro parte affirmativa quod possint citat ad finem capitis viginti duos Doctores æqualis dignitatis, & auctoritatis: ipse tamen hoc non obstante se

quæ sit partem negatiuam, vt securiorem, vt videas quàm probabilis sit vtraque opinio, & quàm possit absque scrupulo vtraque teneri.

2 Stante ergo opinione affirmatiua quod possit: & constando quod Prælati regulares non possint suos subditos absolvere ab hæresi, &c. casibus Bullæ Cœnæ: Quæritur vtrum Religiosus possit se subdere Episcopo vt absoluator ab aliquo prædictorum casuum? Et quidem cum licentia sui Prælati, omnes concedunt id posse facere: At Sanchez amplius procedens ait *cap. 4. Decalog. cap. 19. num. 33.* quod id poterit licitè facere Religiosus absque licentia sui Prælati: quia ex generali consuetudine, & tacito consensu Prælatorum quicumque extranei sunt vt incolæ, & subditi Episcopi in cuius Diocesi viuunt quod spectat ad Sacramentum confessionis: & cum Religiosi sint velut extranei ad Episcopum, idem poterit Episcopus circa illos, quod poterit circa alienigenas tunc agentes in sua Diocesi: quos etiam alienigenas sæculares posse Episcopum absolvere à prædictis probat Sanchez *cit. at. opere Decalogi lib. 1. c. 11. num. 9 & 10.* Ad hoc igitur faciendum primò dicit Sanchez *cit. t. priori loc.* valere, & tutius esse si fiat cum licentia Superioris. Secundò sufficere licentiam tacitam illius vt si illo sciente, vel præsentè subditis faciat, & ille taceat. Tertiò ait sufficere licentiam petitam, & non obientam. Idem ob eandem causam dicendum est de Monialibus, non solum subditis Episcopo, sed etiam de subditis Regularibus. Addit tamen *ibi num. 36.* ex Molina, quòd si Prælatus iusta de causa negaret subdito hanc licentiam, in dubio an licita sit, & iusta sit causa negandi, parendum Prælato. Sed ratio dabitur ratio iusta ob quam bonum sit manere per tempus in peccato hæresis vel alio reservato.

3 Quòd si Prælatus ipse indigeat hac absolutione Episcopi? Respondet idem Sanchez *num. 37.* illum posse se subdere Episcopo pro tali absolutione recipienda: quia potest vti licentiis pro se, quas subdito potest concedere. Et præterea seruiunt ad hoc optimæ rationes quas affert *num. 32.* quas, quia viles sunt, & ad

& ad alia inferuientes, breuiter subiicio. Prima, quoniam exemptio Religiosorum est præcipue inducta in fauorem Religionis, vt Religiosi quietius viuant: vnde in eis quæ pertinent ad quietem non debent esse peioris conditionis quàm cæteri Diocesani. Nec rationi consonat, vt exemptionis priuilegium in hoc casu operetur contra finem eiusdem priuilegij impediendo hanc subiectionem, & quietem conscientiarum: Atque adeo per Episcopum videtur in hoc tota Religio consentire. Secunda, quia *cap. luminoso 18 q. 2.* dicitur Episcopum de consensu Abbatis posse exercere iurisdictionem in Monasterio exempto. Quod si illud conceditur, de iurisdictione contentiosa) vt videtur multo melius de iurisdictione interna intelligetur. Tertia, quia vnusquisque potest cedere iuri suo seu fauori suo: vel etiam exemptioni suæ si non contentiosa, saltem potest cedere iuri, & exemptioni suæ in iurisdictione voluntaria pro solo foro interna exequenda, qualis est ista absolutio in foro interno,

4. Seruanda sunt tamen duo in hac subiectione erga Episcopum notanda, primum, vt subiiciatur Episcopo illius Diocesis in qua viuit, non alterius Diocesis; quia solus Episcopus illius Diocesis hoc potest erga incolitas illius. Secundum est, quod si aliquis Prælati illius Religionis potest absolvere, vel dispensare in tali casu subditi, tunc subditus non poterit adire Episcopum; quia iam obuiaret reservationi factæ intra Ordinem, & pateret multis fraudibus, neque in hoc Religio, per Episcopum consentit, ac proinde si Prouincialis, vel Generalis possunt, non poterit adiri Episcopus.

5. Vidimus de potestate benigna Episcopi erga Religiosos, nunc de eius potestate iuridica contentiosa erga eosdem, queris an Episcopus possit excommunicare Religiosos in casibus illis in quibus per ius commune, seu Tridentinum potest in illorum causis esse iudex vel licet se immittere? Questionem mouet Sanchez *lib. 7. de Matrim. disp. 33. n. 21.* in casu quo Religiosus, vel Monialis citatur coram Episcopo pro causa matrimoniali dum uterque citatur quasi contra-

xerit matrimonium. Et querit an Episcopus index causæ illius possit cogere censuris Prælatum Regularem, vt reddat talem Religiosum. Respondet Sanchez *ibidem num. 23* non posse Episcopum cogere Religiosos Mendicantes habentes expressum priuilegium Sedis Apostolicæ, ne possint cogi per censuras ab Episcopis (idem dic de gaudentibus illorum priuilegiis) non posse, inquam, Episcopos eos cogere aliqua censura excommunicationis, suspensionis, vel interdicti, nisi illis expressè aliqua concessione speciali concedatur. Vnum solum casum vel alterum excipit Concil. Tridentinum *sess. 25. cap. 16. de Regular. c. capit. 5.* In quorum primò concedit Episcopis, vt per censuras cogant restituere nouitiis masculis, vel fœminis exeuntibus ante professionem, omnia data illis à consanguineis. Secundum est *cit. cap. 5.* vbi concedit Concilium Episcopis vt per censuras cogant Moniales seruare clausuram. Et tertium in *sess. 12. decreto de obseruat. in celebr. Missar.* concedit Episcopis, vt si sibi visum fuerit, cogant, vel prohibeant Regulares celebrare in Oratoriis particularibus. His ergo tribus casibus exceptis, non possunt Episcopi fulminare censuras contra Religiosos habentes prædictum priuilegium expressum. Vnde quando alias dicitur in Trident. Et Episcopi compellant Religiosos ire ad processiones, vel vt possint illos punire, intelligi debet de compulsionem per alias pœnas, non verò per censuras. Nam, vt bene ait Sanchez, quoties, Tridentinum voluit concedere Episcopis, vt contra Religiosos fulminarent censuras, Concilium id expressit vt in illis tribus casibus citatis: ergo vbi non expressit noluit reuocare priuilegium Mendicantium. Et citat Sanchez in huius rei probationem multos text. & Doctores Theologos, & Iuristas. Vide quæ dixi olim in prima editione verbo, *processiones, num. 2.* vbi dixi aliquos Doctores asserere, Cardinales Tridentini Romæ declarasse posse Episcopos cogere per censuras Religiosos ire ad processiones. *Quæ* declaratio Cardinalium oportet vt sit & oportet vt ostendatur authentica. Vide infra verb. *excommunicatio num. 1.* vnde non placet quod

quod ait Rodriguez *quæst. 64. art. 7. tom 2.* quòd quando Episcopus iuxta Concil. Trident. *sess. 25. de Reg. cap. 14.* potest punire Monachum notorie delinquentem extra claustra, non puniente Prælatò, posse tunc Episcopum punire-censuris talem Monachum: non, inquam, placet: quia ibi Concilium non concedit vt puniat per censuras, & potest aliter punire.

6 Episcopus non potest punire per se illos Religiosos qui prædicauerint absque licentia in Ecclesiis extra suum Ordinem: sed debent puniri à suis superioribus. Sic habetur in Bullario Rodrig. *fol. 1300 col. 1. num. 2.* ex declaratione Cardinalium ibi citata.

7 Paulus I V. propria Bulla decreuit vt Religiosus ad Episcopatum promotus nullum officium possit in Religionè obtinere. Habetur Bulla Bullario Rodr. *fol. 852. in Paulo I V.*

8 Quamuis per Concil. Triden. permittatur vt Episcopus possit apud se domi habere aliquem Religiosum cum licentia Superioris: tamen Religiosus est omnino subditus Prælatorum Ordinis, qui poterunt proinde punire, & amouere; patet ex Bulla Greg. XI. in Bullario Rodr. *fol. 137.* vbi decernitur quòd etiam Religiosi capellani Papæ sunt subditi suorum superiorum Regulæ, & nota quòd de iure communi Episcopus Monachus debet habere socium Monachum. *cap. quod Dei timorem, de statu Monach.*

9 Clemens IV. concessit Patribus Prædicatorum, vt possent vti, & frui gratis sibi concessis à quouis Episcopo, etiam illo mortuo, & Sede vacante Bullarium Rodr. *fol. 74. col. 1.*

DE EPISCOPO EX MONACHATU ASSUMPTO.

Nonnulla dubia possunt moueri circa Monachum Episcopum, eo quòd per Episcopatum non exuit obligationem Monachi, sed manet perfectus Religiosus;

ligiosus : præcipua verò dubia sic per compendium resoluo.

10 Episcopus Monachus tenetur sub mortali portare habitum suæ Religionis. Probat multis Rodrig. *Addition. ad sum. verb. Episcopus cap. 68. conclus. 6.* maxime ex Concil. Lateranens. Et addens Sixtum V. semper gestasse habitum Ordinis Regularem. Et citat Cæremonialem Papæ Clement. V II I. vbi iubetur quòd Episcopus Monachus non portet Rochetum, sed vestes coloris sui habitus Regularis, cum birreto nigro, & galeo circumcirca sibrato viridis coloris. Sed addit non manere excommunicatum prædictum Episcopum tali habitu Regulari non vtemem.

11 Monachus Episcopus tenetur seruare tria vota essentialia quoad poterit. Est etiam certissima, & communis opinio, maxime Rodriguez *citato loco conclus. 4.* & quidem de voto castitatis non datur vlla limitatio, & sic Episcopus in illo voto peccans tenetur fateri circumstantiam voti solemnitis. De voto paupertatis, & modo quo illam debeat seruare, & in quibus, *ibidem* agit Rodrig. *conclus. 4.* licet enim debeat sustentare statum & familiam suam suo statui congruentem cum famulis, & erogatione eleemosynarum, in aliquibustamen seruare tenetur votum paupertatis. Primò, quia licet possit adire paternam hæreditatem, non potest tamen per testamentum illam donare alicui, Episcopus verò clericus potest facere testamentum, & donare bona paternæ hæreditate acquisita, vel sua industria parata, quod non potest Monachus Episcopus: tenetur enim voto paupertatis, & sic eius bona patrimonialia, & propria industria parata sunt Cameræ Apostolicæ vel suæ Ecclesiæ. Præterea quando Monachus Episcopus petit à Papa licentiam condendi testamenti, debet exprimere se esse Monachum. Imò si renunciavit Episcopatu, & petit à Papa Abbatiam, vel beneficium Ecclesiasticum, debet declarare se esse Monachum, si verò non declararet, collatio est nulla. De voto obedientiæ, non video, neque Rodrig. explicat quomodo obliget Episcopum, durante, vel renunciata dignitate Episcopali.

12 Quidquid acquirit Monachus Episcopus ante consecrationem suam, pertinet ad suum Monasterium. Acquisita verò post consecrationem spectant ad suam Ecclesiam.

13 Episcopus Monachus non tenetur sub mortali seruare obseruantias Regulares sui Ordinis, etiamsi sint compatibles cum suo statu Episcopali, ver. gratia, non tenetur ad ieiunia Ordinis, etiam si sint obligantia sub mortali, qualia sunt ieiunia Ordinis Minoritarum. Ita terminis Soto 10. de Iustitia quæst. 5. art. 7. paulò ante finem. & Rodrig. citat. loco, conclus. 7. & 8. citans alios ubi bene duo aduertit: primum est quòd Episcopus Monachus securitatis gratia secum dispenfet in his obseruantis Regularibus, quia potest. Secundum est, quòd præter exemplum honestatis in Episcopo requisitum, tenetur ad maius exemplum dandum in victu, vestitu, familia, &c. eo quòd Episcopus Monachus est.

14 Episcopus Monachus non tenetur dicere officium per Breuiarium suæ Religionis, sed suæ Ecclesiæ: & socij illius Religiosi possunt se illi conformari in dictis horis Canonicis recitandis Rodriguez citato loco conclus. 9. Sed quæris an Religiosus socius Episcopi clerici qui non fuit Monachus, assignatus tamen illi per suum Superiorem, si recitet cum illo Horas Canonicas, possit tamen omittere aliquibus diebus ritus, & rubricas Breuiarij sui Ordinis, & se conformare cum Episcopo clerico cuius est socius? Rodriguez citat. conclus. 9. de hoc nihil dicit, solum loquitur de Episcopo Monacho: & socio Monacho. Ego credo etiam posse: quia per accidens est quoad hoc Episcopus sit Regularis, vel clericus: talis enim licentia solum conceditur eo quòd Episcopus est, & eo quòd socius est.

15 Episcopus Monachus non gaudet priuilegijs, & indulgentijs quæ sunt concessæ Religiosis sui Ordinis. Rodriguez citat. loc. Addit. conclusione 10. Est enim iam persona exempta ab Ordine. Et hoc intelligo etiamsi Episcopus renuntiauerit Episcopatu, & viuat intra septa Monasterij: quia etiam sic est persona exempta, & non subditus Prælato Regulari. Nec potest dare

dare suffragium in Capitulo Fratrum. Ex Sixto I V. Bul. lat. Rodrig. fol. 354. col 1. quamvis expressè non loquitur de Episcopo. Et loquitur Sixtus, postquam adepti fuerint pacificè beneficia secularia Ecclesiastica. Vnde innuit quòd Monachus iam præsensus ad Episcopatum, nondum tamen consecratus, vel confirmatus à Papa, habet vocem in Capitulo Regulari, quia nondum obtrinet pacificè.

EXCOMMVNICARE.

Vide suprà ver. *Abbas. n. 1.* & infra ver. *Suspensio n. 8.* circa censuram ferendam in scriptis, & ver. *Confessor. n. 29.*

Possunt Prælari Regulares in die festo ferre excommunicationem contra subditos, & possunt de nocte. Rodrig. tom. 2. q. 59. art. 2 & 3. Minoræ tamen ex suis statutis Generalibus Tollerantibus debent illam ferre in scriptis, si fuerit statuta per modum ordinationis vel statuti: aliàs erit nulla. cap. 6. tit. de excom. Et nota, quòd ait per modum statuti, vel ordinationis: & proinde secus videtur dicendum apud illos si ponant excommunicationem pro casu solum præsentis, & lite pendente, vel ab homine, ut Fullanus tale faciat, vel non faciat: hoc enim non est statutum permanens, & in hoc casu non videntur statuta obligare. ponatur in scriptis, nec annullare positam sine scriptis Si verò hanc ab homine proximè dictam ponant sine scriptis, non incidunt in pœnas iuris, ex concessione Leonis X. Rodrig. tom. 2. quest. 59. art. 3. ubi dicit quòd Prælatus ponens sine scriptis excommunicationem per modum statuti incurreret pœnam iuris, quæ est suspensio officij. Illa autem erit per modum statuti, vel ordinationis, quæ ponitur omnibus Fratribus Prouinciæ, & permanentes. Rodrig. ibidem. Et re vera Leo X. Compend. verb. excomm. §. 7. excusans Prælatos excommunicantes

municantes absque scriptis, solum loquitur de excommunicatione ab homine, & contra particularem. Et proinde si stat per modum statuti, & non ponatur in scriptis incurrit poenam praedictam. Et quid si Guardianus pro suo triennio dicat sub excommunicatione, ne sui subditi talem domum ingrediantur, vel quid simile: Si hoc faciat sine scriptis, si incurset: Ego credo quod sic; quia illa non est ab homine, neque contra aliquem Fratrem particularem: & si non est statutum, est saltem ordinatio. Et Leo X. solum excusat excommunicantem atque particularem. Excusabit tamen inadvertentia, ignorantia, vel consuetudo praescripta. Vide infra ver. *Suspensio* num. 8.

2. Episcopi non possunt excommunicare Religiosos, nisi in causis in quibus a Papa, vel a iure constituuntur Iudices delegati Religiosorum: nam Religiosi sunt exempti a iurisdictione illorum per multa iura, & Bullas. Nicolaus I. V. in *Ceremonial. Bibliothec. Vaticanae*.

3. Si aliqua excommunicatio etiam Paulina, feratur a Legato a latere in communi; non ligat Religiosos Mendicantes, nisi id in illa exprimatur. Sic Nicolaus V. concessit, & habetur in *Compend. Societat. I. & V. titulo Excommunicatio §. 3.*

4. Posse me aperire caput, & illud inclinare levato galero excommunicato denunciato si est officialis Regis, vel nobilissimus, tenet Rodriguez *Addit. ad Sum. tom. 3. cap. 110. num. 1.* ubi citat Covarruviam, & Carolum: & dicit sic decum fuisse Neapoli in facti contingencia per doctos viros. Vide tamen Sayro *de censuris, fol. 156.*

3. Percuties Fratrem, vel Clericum excommunicationem, quia excommunicatus non amittit privilegium fori. Capucinus *super Compend. 1. parte, fol. 28.*

6. Vincti quatuor excommunicationes continentur in iure Canonico quas Regulares possunt incurrere: quas omitto, vel quia non sunt nimis in usu: vel quia Compendij breuitas non patitur, & videri possunt apud Rodrig *tom. 2. quast. 60. art. 1. & Mirandam tom. 2. quast.*

que *fl. 35. art. 18.* & ferè parebunt ex dictis sparsim in hoc opere.

7 Excommunicatio lata contra aliquid facientem, non ligat consulentem illud ipsum, vel mandantem, nisi lex illud specificet. *Nau. Consil. tit. de Cler. non residentibus consil. 10. n. 6* Lex enim valde pœnalis est restringenda, qualis est excommunicatio; & videndum est præcisè pro qua actione fertur: & non extendenda ad alios casus.

ADDITIO.

EXCOMMUNICATIO.

IDE SUPRÀ verbo *Episcopus*, *numer. 5.* vbi dicitur non posse Episcopum ferre censuras contra Religiosos, nisi prout ibi dictum fuit. Adde tamen Legatum à latere posse contra Religiosos, etiam exemptos fulminare excommunicationem, & cæteras censuras, id tamen non poterit alius Legatus, qui non fuerit à latere. Sic Clemens IV. in Bullario Rodriguez *fol. 79. col. 1. in Clem. 4.* Cardinalis verò Legatus id etiam poterit, quia iste ut plurimum semper est à latere. colligitur ex Bullario Rodrig. *fol. 124. col. 2. num. 1.* Sed nota quòd quando Legatus à latere fulminat censuras in communi, non ligat Religiosos, nisi illi exprimanetur. Rodrig. *tom. 2. qq. Regul. quest. 59. art. 5.*

2 Ultra illa quæ olim dixi hoc verb. *Excommunicatio.* maioris claritatis gratia, addo ex Bullario Rodrig. *fol. 733. col. 2. n. 66.* Leonem X. viuz vocis oraculo ita concessisse Minoritis ut scilicet Prælati Ordinis, eum aliquem Fratrem propter apostasiam, vel aliam causam excommunicant, in Capitulo Fratrum, vel in communitate non teneantur sententiam proferre in scriptis, prout in iure, sub pœna excommunicationis præcipitur proferentibus. Quando verò statuta Minorum Generalia Tolletana prohibent Prælati

ne

ne ponant excommunicationes absque scriptis ad euitandum ingressum in cellas, vel certas domos secularium, & lata excommunicatio absque scripto in hac materia non valeat: explicat Rodriguez *tom. 2. qq. Regul. q. 59. art. 3.* hoc intelligi quando talis excommunicatio ponitur omnibus, & singulis Fratribus Prouinciae, vel Conuentus: tunc enim ponitur per modum statuti. Quando vero illa excommunicatio ponitur uni, vel alteri Fratri, tantum ligat absque scriptis: neque peccat Prælati illam ponendo absque scriptis: tunc enim ponitur per modum præcepti, non per modum statuti. Et hoc innuunt verba dictæ concessionis Leoninæ, cum dicunt: *Excommunicant aliquem Fratrem*, non dicit aliquos, vel Fratres in communi, sed aliquem per viam scilicet mandati, vel præcepti.

3 Clementina *1. de statu Monachorum, §. quin. verò.* excommunicantur Religiosi, qui sine suorum Prælatorum licentia, animo inferendi damnum Prælati, aut Monasteriis ad Curias Principum se conferunt.

4 Omnia gesta per Prælaturam, communi errore talem reputatum, & habentem titulum putatiuum, licet à parte rei non sit verè Prælatus, valent in foro externo, & in foro conscientie. Hanc late probat Sanchez *lib. 3. de Matrimonio disput. 22. à num. 6. & sequentibus*, quam posui, quia ut plurimum iste titulus putatiuus in publico, & à parte rei falsus claudicat propter excommunicationem. Et *ibi num. 13.* ait quod etiam confessiones factæ huiusmodi Prælati non sunt iterandæ. Et *ibidem n. 16.* ait etiam valere sic gesta, quamuis Prælatus non sit Ordinarius, sed delegatus.

5 Clarius se explicat Sanchez *citata disput. 30. & sequentibus*, ubi ait: gesta per Prælaturam habentem titulum putatiuum obrentum tempore quo erat excommunicatus, sed occultè, sunt valida: omnia suprà dicta probat ex *l. Barbarius ff. de officio Prætoris*, & aliis text. & rationibus. Iura enim quæ dicunt excommunicatum esse incapacem electionis, non annullant facta à Prælato excommunicato, quando crimen est occultum, & datur ignorantia communis talis incapacita-

Prælati, vel Confessoris : quia, inquit, quandiu non declarantur, ab Ecclesia tolerantur, & ab eadem Ecclesia gesta per illos permittuntur, quandiu expresse ab Ecclesia non declarantur. Declarare enim illos excommunicatos, est illorum gesta annullare. Et in fine prædicti numeri 43. ait idem verum esse, si impedimentum Prælati, vel Confessoris esset irregularitas, suspensio, vel interdictum; ad hæc enim omnia extenditur fauor Concilij Constantiensis. Excipit tamen numero 45. quod si tempore, quo fuit electus Prælati, erat irregularis, suspensus, vel excommunicatus, & hoc sciebatur communiter, non valebunt gesta per ipsum; quia ut tunc valeant oportet ut sit error, seu ignorantia communis talis impedimenti. Vnde in hoc casu etiam si sit error communis, non valebunt eius gesta apud illos, qui sciunt impedimentum interuenisse tempore accepti officij.

8 Id quod diximus supra validam esse Confessionem factam excommunicato occulto : sic intellige, ut non sit inualida ex defectu iurisdictionis ad absolvendum, illam enim habet taliter excommunicatus : sed poterit esse inualida talis confessio ex parte pœnitentis, qui poterit peccare in petendo Sacramento ab homine qui existens excommunicatus non potest sine peccato, & irregularitate ministrare Sacramentum, & sic pœnitens ille peccabit dando occasionem proximo peccandi, & proinde pœnitens ob suum peccatum non recipiet validam absolutionem. Quando autem pœnitens possit petere Sacramentum ab excommunicato licite, & si sine peccato, alibi disputatur. Hoc præcipuum illa de re datur exemplum : quando scilicet Confessor est Parochus obligatus ad audiendam Confessionem, & pœnitens est subditus illius graviter indigens Sacramento, neque habet alium Confessorem, à quo petat : tunc enim non peccabit petendo ab excommunicato tolerato.

9 Valde consolatorium est quod tradit Suar. tom. de Censuris, disp. 4. sect. 8. n. 18. ad quietandos scrupulos cit-

ea inculpationem excommunicationis, & ceterarum censurarum. Ait enim ibi primò, quod homo doctus si fecit sufficientem diligentiam libros aliquos reuol-
nendo, alios consulendo, & sic de similibus, & hoc facto putauit se rem posse facere, etiam si aliàs talis res sit prohibita sub censuris, taliter faciens non incurrit tales censuras, quia sic faciens habuit ignorantiam inuincibilem, vel inculpabilem, etiam, si illa diligentia fuerit tantum mediocris. Et hoc à fortiori excusabit virum idiotam prius consulentem viros, & doctos, & pios, de quorum consilio errauit. Ex hoc locum habet in foro conscientie: nam in foro externo, aliquando iudicabitur ignorantia culpabilis quæ non est. Secundò ait *citata disputat. numer. 11.* inconsiderationem, seu incogitantiam, seu non aduertentiam naturalem, excusare ab excommunicatione, & cæteris censuris: inconsideratio enim, seu non aduertentia, æquiparatur ignorantie inuincibili: Differunt enim valde inter se ignorantia, & inaduertentia. Nam ego habeo scientiam quod edere carnes Feria sexta est peccatum mortale. Et tamen eadem Feria sexta appositis carnibus possum habere inaduertentiam quòd sit Feria sexta: vel inaduertentiam quòd talis esus, tali die sit prohibitus ab Ecclesia. de quo optimè Vasquez *rom. 1. 12. disp. 107. cap. 3. num. 8.* Sic ergo circa excommunicationem, ego possum habere scientiam quòd hoc opus sit prohibitum sub censura: at quando feci omnino non aduer-
ri vel esse prohibitum, vel esse prohibitum sub censura: tunc ait Suarez *cit. num. 11.* non incurritur censura à sic faciente, aliàs non facturo si aduerteret: quia illa inconsideratio, seu inaduertentia naturalis inuincibilis æquiparatur ignorantie inuincibili. Tertiò ait Suarez *cit. disput. num. 19.* ignorantiam inuincibilem Ecclesiastici præcepti (idem dic de inaduertentia inculpabili) ita excusare à censura, ut quamuis actus sit contra ius diuinum, & naturale, & homo contra illud peccet, nihilominus censuram non incurret. Ponit exemplum. Scit homo esse contra ius naturale, & diui-
num

num occidere Clericum : & tamen ignorat inuincibiliter id prohiberi ab Ecclesia sub censura ; iste occidens Clericum peccat mortaliter, sed non incurrit censuram.

10 Dixi in præcedentibus , ignorantiam, vel inaduertentiam excusare à censuris incurrendis , quia talis ignorantia, vel inaduertentia non excusabit ab irregularitate annexa , vt tradit Suarez *eodem tom. de Censur. disp. 40. sect. 5. num. 9* Sed hoc spectat ad materiam irregularitatis, de quo forè infra.

11 Quæris. Percussit quis Clericum prauo animo, ita vt ex prauo animo percussio sit mortale peccatum, at ex parte operis, percussio fuit leuis , & venialis. Quæris, inquam , an ob talem percussione incurratur excommunicatio ; Respondet Sanchez negatiuè 2. *lib. Decal. cap. 8. num. 7.* citat Henriq. Gutierrez & alios. Et hoc idem dicendum erit in quouis alio opere, cui annexa est excommunicatio , si opus externum fuit solum veniale, & leue , licet internum fuerit mortale. Et ratio est , quia Ecclesia non excommunicat actus internos, sed externos , & requiritur vt actus externus sit de se grauis, & mortalis.

12 Quæris an dubitante aliquo si incurrerit excommunicationem, siue sit dubium iuris , modo paulò post dicendo , siue dubium sit facti , quia scilicet dubitat, an tale delictum fecerit , vel hoc delictum sub tali iure contineatur : dubitas, inquam , an stante tali dubio iuris , vel facti se debeat reputare pro excommunicato ? Respondet Sanchez negatiuè 1. *Decalog. cap. 10. num. 56.* Quia in hoc dubio potior est conditio possidentis , & habentis bonam fidem : & ideo cum quilibet fidelis possideat ius participandi cum fidelibus, non debet in dubio se privare hoc iure. Dixi , *in dubio*, quia si sit casus in opinione, debet sequi opinionem tutiorem, & se reputare excommunicatum. Differt enim nimis, dubium, & opinio. Obiter etiam vide discrimen inter irregularitatem , & excommunicationem : nam illa in dubio reputatur incurra, vt diximus supra, verb. *Abortus, num. 2.* hæc autem in dubio non obligat. du-

bitantem, ut se reputet excommunicatum. Excipit tamen *ibi* Sanchez *num.* 57. si dubium est an excommunicatio fuerit iusta, & lata ex causa iusta: quia tunc tenetur se reputare excommunicatum, quia subditi est obedire, & non examinare causam, nisi quando clarè constaret fuisse iniustum. Excipit item, quando est dubium, an iudex excommunicationem tulerit, vel pars illam petens habuerit animum ligandi: tunc enim tenetur se reputare excommunicatum, si contra fecerit: quia in dubio præsumitur lata, ut verba sonant. At secus esset quando verba, quibus ius, aut iudex excommunicant in iure, vel scripto, sunt dubia, an contineant excommunicationem latam, vel ferendam: tunc enim re vera est dubium iuris, an excommunicatio lata sit, ac proinde in hoc dubio, non reputabitur excommunicatus. Siverò dubitetur, an sit iam absolutus ab illa, debet se reputare excommunicatum, & querere absolutionem, quia tunc possessio est pro excommunicatione, quam scio incursum, sed dubito, an sit absoluta vel sublata.

12 Notat *ibidem* Sanchez *num.* 58. quòd si dubium sit de excommunicatione, eo quòd fuerit conditionalis, & dubitatur, an conditio fuerit amplexa, tunc non censendum excommunicatum: quia cum valor excommunicationis pendeat ex tali conditione, & hæc dubitetur an sit impleta, nulla est pro excommunicatione possessio donec constet conditionem esse impletam. Si denique dubitatur de valore excommunicationis, eo quòd dubitatur, an appellatio ab ea interposita præcesserit, an secuta sit; tunc in utroque foro præsumitur excommunicatio lata ante appellationem, ac proinde valida.

13 Stante dubio de excommunicatione, non licet aliquem ad aliquod officium, vel dignitatem promovere: ne fortè postea cum infamia ab illo deiciatur, & animarum sequatur periculum. Nota tamè quòd omnia supra dicta circa dubium excommunicationis, locum habent & sunt applicanda ad cæteras censuras suspensionis, & interdicti stante dubio simili circa illas: non verò sic de irregularitate, quæ non est censura, ut supra dixi *num.* 10.

14 Hoc verbum *Anathema sit*, positum à Conciliis in decretis pertinentibus ad fidem, declarat esse hæreticum oppositum sentientem, & proinde inuoluit excommunicationem latam, & non ferendam: si verò ponatur id verbum in iure extra Decreta ad fidem pertinentia, continet solum excommunicationem ferendam, & comminatoriam. Adem dic de hoc verbo, *Excommunicatus sit*, continet enim solam excommunicationem comminatoriam, non ipso facto. Sanchez 2. Decalog. cap. 38. num. 91.

DE EXCOMMUNICATIONE

lata à iure, vel ab homine.

NON est facile dignoscere quænam excommunicatione dicatur lata à iure, & quæ ab homine: & quis possit ab utraque absolvere, maximè deducendo hoc, & applicando excommunicationibus latis à Prælatiis Religionum In summa ergo, accipe sequentia.

14 Excommunicatio lata à iure est illa quæ lata est ab habente potestatem condendi perpetuum ius Ecclesiasticum per statutum perpetuum. Hanc potestatem habent ordinariam Episcopi, & illius superiores, ut Archiepiscopi, legati Papæ, & ipse Papa, imò & delegati illorum, quia cum sint Prælati, possunt condere ius perpetuum. Hæc autem lata à iure est duplex: alia lata à iure communi, id est, obligante totam Ecclesiam, quales sunt excommunicationes positæ in corpore iuris Canonici: & Bullæ Pontificis summi obligantes totam Ecclesiam: & similes etiam sunt latæ à Conciliis generalibus Ecclesiæ. Alia verò est lata à iure particulari, qualis est excommunicatio posita in Ecclesia particulari, verbi gratia, Tollerana, Eborense, & similibus: ita enim cum Synodalis sit, & Prouincialis, est quidem lata à iure, sed est particularis iuris Tollerani scilicet, & similis quæ non ligat nisi in Tollerana Diocesi.

1 In Religionibus vetè excommunicatio lata à iure

re erit illa quæ ponitur ab habente potestatem illam ferendi statuto perpetuo, vt sunt excommunicationes latæ in Capitulo Generali: & in Capitulo Prouincialis ambæ enim illæ sunt de iure perpetuo, quia Religiones habent cum suo Prælaro vim condendi leges, & ius Ecclesiasticum perpetuum. In his tamen latis à Religionibus, illæ quæ positæ fuerint in capitulo Generali, erunt latæ à iure, & iure communi obligante totum Ordinem: latæ verò in Capitulo Prouinciali dicentur latæ à iure, sed iure particulari. Illæ verò quæ à Prælati Religionum positæ fuerint per se absque Capitulo Generali, vel Prouinciali, non dicentur à iure, quia hi Prælati Prouinciales, & etiam generales cum de ordinario non sint perpetui (saltem in Ordine Minorum) non habent auctoritatem vt per se solos condant ius perpetuum, qualem habent Episcopi, & cæteri Superiores vsque ad Papam: & nota quod excommunicatio à iure communi nunquam fertur contra personam determinatam, sed in communi, *cap. vt primarum §. stat. de cons. in 6.*

16 Excommunicatio lata ab homine est illa quæ fertur à potente excommunicare, sed absque intentione, vel absque potestate faciendi constitutionem perpetuam, sed solum ad tempus definitum siue indefinitum. Clarius exemplum pono primò in Episcopis, qui cum aliis eo quod perpetui sint, possunt per se condere, seu ferre excommunicationem à iure, & perpetuam; tamen ferunt aliquas non perpetuas, sed ad tempus: vt quando iubent tempore visitationis sub excommunicatione vt omnes veniant ad visitandum: hæc enim non est à iure, sed ab homine: non est perpetua, sed ad tempus visitationis tantum. Similes sunt aliæ Episcopales latæ ad præsens tantum, vt prouideatur certo negotio, & certis personis. Et hoc etiam venire potest in excommunicationibus latis à Papa quando non intendit ferre legem perpetuam, sed prouidere ad tempus, qualis fuit illa Sixti V. lata contra viarum grassatores Italiæ, quæ solum fuit ab homine, non à iure Dixi, vel à non potente ferre excommunicationem perpe-

nam propter Prælatos Ordinum, qui vt plurimum absque Capitulis licet possint excommunicare : per hoc tamen neque intendunt, neque possunt per se solos ferre excommunicationem à iure quæ est perpetua, sed solum ab homine, quæ durat tantum ad tempus. Hinc iam vides totum, ac præcipuum discrimen inter excommunicationem latam à iure, & latam ab homine, esse quod lata è iure perpetua est, & non spirat mortuos auctore illius: lata ab homine est solum ad tempus, & spirat mortuo illius auctore, nisi à successore confirmetur, vel fuerit confirmata à superiore viuentis auctore illius. Ita Nauarr. in Sum. cap. 17. num. 1. & alij communiter.

17 Hæc excommunicatio ab homine est duplex: alia generalis, alia specialis. Generalis est quæ fertur generaliter contra omnes species delinquentium, vel contra plures delinquentes vnius speciei, vt quando fertur contra omnes fures viarum, vt fuit illa Sixti V. idque quandiu durauerint fures tempore indefinito, vel quando fertur contra non, restituentes: huius personæ, & sic de cæteris. Specialis lata ab homine, est illa quæ fertur contra aliquam determinatam personam, vt contra Petrum, vt restituat, vt recipiat talem in uxorem, &c. Ita Reginald. *romo 1. libr. 9. numer. 3.* Ita Religiosis pone exemplum: Fert Prælati excommunicationem ne quis ingrediatur talem domum, vel vt omnes qui talia rapuerunt, restituant. Hæc excommunicatio est ab homine, generalis: ab homine quidem, quia non est perpetua per modum iuris, & statuit. Est verò generalis, quia cum pluribus, vel omnibus loquitur. Rursus si Prælati contra determinatum Petrum ferat excommunicationem, ne tale quid faciat: est excommunicatio ab homine, sed specialis.

18 Hoc posito, circa absolutionem vtriusque excommunicationis à iure, vel ab homine, accipe sequentia. Ab excommunicatione lata à iure siue comuni, siue à iure particulari, si talis excommunicatio non sit ibi reservata, potest absolueret quilibet confessor approbatus, etiam si non sit parochus: ac proinde talis

confessor potest absolute ab omni excommunicatione non reſeruata contenta in iure Canonico, & in iure particulari Synodaliū conſtitutionum. Hæc eſt hodie ſerè communis opinio, & ſeruata in praxi, de qua latiùs Reginald. *tomo 10. lib. 9. numer. 14.* quot verò ſint excommunicationes in corpore iuris non reſeruata, & quot reſeruata, vide in Nauat. *in Sum. c. 17. à. num. 75. & ſequent.* hinc colliges poſſe quemuis confeſſorem Ordinariū Fratrum abſoluere Religioſos ab omni excommunicatione contenta in ſuis ſtatutis generalibus, vel Prouincialibus ſi illa non ſit reſeruata, eſt enim eadem ratio.

10 Ab excommunicatione lata à iure reſeruata, ſolum potest abſoluere is cui reſeruatur: & quia in iure communi Canonico, vel in Bullis Pontificiis, vt pluriſimum non reſeruatur excommunicatione niſi Rom. Pontifici: ideo ab illa ſolus Rom. Pontifex potest abſoluere. Poſſunt etiam ab illa abſoluere delegati Papæ quibus ipſe commiſerit: vt ſunt etiam Religioſi, quibus Papa concedit per ſua priuilegia abſoluere à multis cenſuris reſeruatis, tum Religioſos, tum ſeculares, de quo alibi. Si verò in tali iure communi vel iure particulari excommunicatione lata à iure reſeruatur alicui inferiori Papæ, vt Epifcopo, Legato, & ſimilibus, tunc à tali excommunicatione reſeruata poterit abſoluere ille cui reſeruatur: item illius legitimus ſuperior, maxime Papa. Item omnes delegati quibus commiſerit Epifcopus ſucceſſor, Superior (non Archiepiſcopus niſi per appellationem, quia non eſt Superior immediate niſi per appellationem) h enim omnes habent eandem authoritatem, vel maiorem, quàm habet Epifcopus cui reſeruatur.

20 Applicando Religioſis, ſi in illorum ſtatutis generalibus, vel prouincialibus ſit poſita excommunicatione reſeruata alicui, vt generali: ſolus generalis poterit abſoluere, vel habens commiſſionem illius. Si verò ſit reſeruata alicui inferiori, poterit abſoluere ſucceſſor illius, & Superiores iſtorum ſimò, & delegati horum omnium habentes commiſſionem ſuprà dictorum.

21. Ab excommunicatione lata ab homine potest absolvere qui illam tulit : vel eius successor, vel eius Superior, vel delegati illorum habentes commissionem illorum. *Regin tom. 1. lib. 9. cap. 1. num. 23.* quod est intelligendum quando excommunicatio est lata specialiter ab homine : Si enim sit ab homine lata generaliter, de hac potest absolvere quivis confessor ordinarius, ut idem Reginald explicat statim *num. 30.* exemplum facile erit in Prælaris Ecclesiasticis secularibus inuenire. In Religiosis sic accipe : quidam Prælatus conuentualis, ut Guardianus, posuit excommunicationem generalem ab homine, ne quis ingrediatur talem domum, vel ne ingrediatur cellas, &c. Et hanc non posuit reservatam. Ab hac possunt absolvere confessores Fratrum Ordinarij, quia est ab homine generalis. Secus si poneret illam reservatam, tunc enim non possent, nisi Superiores vel delegati, & similes sicut supra. Rursus si Guardianus ponat excommunicationem ab homine specialem, ut verbi gratia, contra Petrum determinatum, vel contra duos, vel tres monachos nominatos, ut aliquid faciant, vel non faciant, ab hac excommunicatione speciali non poterit absolvere nisi is qui tulit illam vel successor, vel Superior, vel horum delegati. Applica ad Provincialem, &c.

22. Sunt tamen aliqui casus in quibus is qui tulit excommunicationem non potest ab illa absolvere, ponit illos Reginald. *citato lib. à num. 31.* Non est mentis omnes persequi : pono tantum pro Regularibus inferuentes. Primus sit, si postquam quis excommunicatus, amisit authoritatem, & iurisdictionem absolventi, per priuationem ab officio vel renunciationem, &c. Secundus, si excommunicatio lata ab inferiore confirmetur à Papa : iam enim per illam confirmationem Papalem manet reservata Papæ : Quod intelligit ibi Reginald. si excommunicatio fuerat lata contra personam certam nominatam, & Papa confirmavit ex certa scientia : si enim non ita confirmet, & via tantum communi, neque excommunicatio fuerat lata contra nominatam personam, non manet reservata hinc col-

ligo quòd si Guardianus excommunicauit aliquem Monachum nominatim, & prouincialis confirmauit, vel generalis, non poterit iam Guardianus ab illa absolueré, quia iam manet reseruata prouinciali. Secus si Guardianus excommunicationem tulit generalem: tunc enim etiamsi prouincialis, vel generalis confirmet, adhuc Guardianus poterit ab illa absolvere.

E X E M P T I O.

Exemptione Religiosorum, & rerum suarum ab Episcopis, à foro sæculari, tributis, gabellis, & similibus, res adeo notissima est per tot iura, Bullas, & concessionés, vt superuacaneum sit hac de re tractatum facere: praxis enim sola, & inueterata ad hoc sufficeret. Satis sit videre Compend. Mendicantium, & Compendia Ordinum particularium, verb. *Exemptio.* verb. *Gabella, Tributum, & similibus.* & Rodrig. q. 63. tom. 2. & q. 65. & 66. Vide etiam infra verb. *Generalis*, n. 3. & ver. *Tributum* infra.

A D D I T I O.

Lim hoc verbo remissiuè citauì Compendia, & Rodriguez in duabus qq. tom. 2. quæstion. 65. & 66. multa dicentem circa exemptionem Religiosorum ab aliis Prælatiis, & potestatibus sæcularibus, ita vt necesse sit ad aliud pergere, neque in re tam clara immorari. Solùm addo me post illud audiuisse, quendam doctum Canonistam clericum sæcularem, olim officialem cuiusdam Episcopi & nunc constitutum in dignitate Ecclesiastica per modum querelæ dixisse Religiosos tot fuisse priuilegiis, munitos à Summ. Pontificis olim Monachis, & satisfaciētibz ideo Religiosis. Duo tantum obiter dico in contrarium: primum, non solos Papas olim Religiosos fauisse ille cum priuilegiis mul-

is, videant in compendio multos Sum. Pontifices nunquam Monachos quot, & quàm magna priuilegia concefferint Religiosis: sufficiant Leo X. & Greg. XII. Martinus V. & alij quorum priuilegiorum liberalitate compendium Mendicantium refertum est. Secundò dico dato quòd aliqui illorum Monachi olim, Monachis priuilegia varia concefferint, quasi ex officio tenebantur id facere Monachos liberarent à grauaminibus quæ Episcopi faciebant Monachis, & illorum clerici. Alexander IV. & Aluarus de placentia Ecclesiæ citatiti à Rodrig. citata quest. 63. citant viginti quatuor grauamina quæ Episcopi, & clerici Monachis inferebant, ob quæ debitum fuit Monachos ab Episcoporum iurisdictione eximere, maximè cum Episcopi, illorumque officiales Monachorum leges & mores ignorent; in quorum obseruatione Religionis neruus consistit.

EXORCISMVS.

Solent aliquando arreptitij, & à diabolo oppressi ad Religiosos adduci pro remedio querendo, olim audiui nullum clericum tales posse exorcizare nisi esset deputatus ab Episcopo, & ab eo licentiam impetraret. Nunc dico Religiosos posse huiusmodi arreptitiis impendere tales exorcismos absque licentia Episcopi. Nam de iure communi illi non prohibentur. Si autem Episcopi in sua Diocesi id prohibeant fieri absque expressa illorum licentia, talis constitutio solos clericos ligat, non verò Religiosos exemptos, qui aliàs iure communi non prohibentur, & ex ordine Ecclesiastico exorcistæ, & Sacerdotes id facere permittuntur. Tenet hoc expresse Sanchez 2. Decalog. cap. 42. num. 18. dicens hanc adiurationem solemnem competere solis Ministris promotis ad Ordinem exorcistarum. Fortè tamen id sibi reseruarunt Episcopi quo ad suos clericos, vt sciunt quibus id foret committendum, pijs scilicet, ac prudentibus

dentibus propter multam prudentiam, imò, & scientiam in tali officio requisitam. Consulo verò Religiosos id facturos, vt cautè videant pertinentia ad tale officium, de quo aliquid Sanchez *citato loco*, & alij. Et præterea illud faciant per Cæremoniale Romanum quo vtatur Parochi in suis Diocæsisbus scio namque in lib. qui dicitur *Malleus maleficarum post medium*; à fol. 130. contineri septem modos exorcismorum, qui valde prolixi, & diffusi sunt, & nescio an sint conformes Romano Cæremoniali. Scio item in *eodem lib. infra fol. 378.* contineri tractatum primum de exorcismis, qui omnino indignus est qui legatur; aliqua namque continet falsa, & indecentia, quæ ego iam detuli ad tribunal sancti Officij.

F A L S A R I V S.

Poterit hoc delictum aliquando in aliqua Religione committi, & in ordine Minorum est casus reseruatus circa litteras Prælatorum. Igitur pro cautela, & punitione criminis, aduerto Clementem VIII. in suo decreto de casibus reseruatis permisisse Religionibus, vt hoc delictum possent reseruare. Sed solum in reseruacione dicebat, fore reseruandam falsificationem manus, & sigilli officialium Conuentus. Ego olim in paruo libello, hunc casum aliis explicauit: & quia libellus ille antiquitate extinctus est, & rogatus sum, vt iterum prælo daretur, quod recusavi: dicta ibi recole breuiter in summam in gratiam illorum Ordinum qui talem casum reseruauerunt, vel reseruauerint.

1 Dixi ergo ibi per manus falsificationem intelligi subscriptionem. (Lusitane, *o final ou firma*) sigilli falsificatio, clara est. Dixi secundò, per manum officialis non intelligi solum subscriptionem ad finem scripturæ, sed etiam falsificationem aliquam intra ipsam scripturam quæ reddat falsum sensum litteralem.

Nam

Nam etiam scriptura ipsa, est manus officialium Conuentus, probaui ibi efficaciter, ex Suarez *rem. 5. de Censur. diffut. 21. sess. 2. num. 44.* Secus si aliquam litteram paruam deletam, vel in scriptura, vel in subscriptione emendaret, que sensum non mutaret, tunc enim falsarius non esset.

2 Circa sigillum dixi; non solum falsificare sigillum, cum qui denuò falsum sigillum affigeret: sed etiam illum qui verum sigillum in aliis litteris veris contentum, his falsis litteris apponeret pro sua falsitate firmanda: Hoc enim verè, est falsificare sigillum.

3 Dixi ibi per officiales Conuentus intelligi Prælatum localem, vt Guardianum, vel similem vicarium præsentem, sacristam, procuratorem, & omnes alios officiales Conuentus deputatos per Prælatum alicui officio particulari. Non verò intelligi Prouincialem, vel Generalem Ordinis, quia hi non sunt officiales Conuentus, sed prouinciæ, vel familiæ totius Ordinis: & lex pœnalis restringenda est ad propriam verborum significationem. At dixi quoad Minoritas me credere Syndicum Fratrum esse officialem Conuentus, & proinde Religiosum falsificantem eius litteram, vel sigillum, incurrere casus istius reservationem. Dixi pariter non incurrere istum casum illum, Religiosum qui in hoc Conuentu degens falsificauit litteram, vel sigillum alicuius officialis alterius Conuentus, in quo non existit de facto, neque degit: quia talis propriè non falsificat manum, vel sigillum Conuentus: id est, sui Conuentus, in quo scilicet existat, & viuit. Hæc est Sum. ibi dictorum.

4 Falsificantes litteras Papæ incurrunt in excommunicationem Bullæ Cœnæ, in *excommun. 7.* At explicat ibi Nauarr. in *Sum. cap. 27. num. 26.* istam excommunicationem Bullæ Cœnæ non incurrere falsificantes litteras alicuius Episcopi, vel Nuncij Apostolici: horum enim litteræ non dicuntur litteræ Apostolicæ, sed solæ litteræ Papæ. Neque item hanc incurrunt iuxta Nauarr. ibi, qui falsificant supplicationes signatas à Papa, quas vocant signaturas: neque illi qui subseptuic, vel obre-

petit impetrant litteras Apostolicas, vel illis vtuntur: hi enim re vera non falsificant, cum in rigore illæ litteræ subreptiæ sint veræ litteræ Papæ: licet Papa fuerit deceptus in informatione, denique addit *ibi* Nauarr. quod iam diximus, correctionem vnius, vel alterius litteræ per quam sensus non mutatur, non puniri per illam excommunicationem Bullæ Cœnæ. Vide *cap. licet ab regim. de crimine falsi*, vbi Papa Innocent. III. ponit septem modos quibus litteræ Apostolicæ possint falsificari: quos omitto breuissimis gratia.

5 Quamuis autem in prædicta Bulla Cœnæ non excommunicentur falsarii litterarum Episcopi, vel Nuntij Apostolici, tamen ad cognoscendam talis delicti gravitatem duo noto ex Rodriguez *tom. 2. q. 41. art. 1.* ait enim ibi primò crimen falsarii reputari inter capitalia: secundo ait iuxta nocamentum datum à falsario, illi applicandum esse poenam ratione delicti: quamuis autem ibi solùm agat de sollicitande testem ad falsum testimonium dicendum, ambo tamen proximè dicta possunt applicari ad falsarium scripturarum, vt scilicet, pro qualitate delicti, & personæ cuius litteras falsificauit, recipiat maiorem, vel minorem poenam facit quod decernunt Ordinationes Regni Portugalliæ *lib. 5. tit. 52.* vbi puniatur poena capitis qui per se, vel per alium falsificauerit manum vel sigillum Regis. Qui verò falsificauerit sigillum alicuius iudicis inferioris relegatur ad Africam per decem annos exilij: & omnia illius bona in fiscum Regium indiguntur.

6 Per statuta generalia Minorum in Capitulo generali Tolletano, falsificantes sigillum, vel litteras Prælatorum carceri mancipantur ad arbitrium Prælati pro qualitate delicti. Si verò litteræ falsificatæ fuerint R. R. Generalis, vel Commissarij Generalis à carcere liberari non poterunt absque expressa licentia dictorum R. R. Prælatorum generalium. Vide *ibi in tit. de falsariis*

7 Additionator ad Iulium Clarum in §. *falsam. numer. 156.* dicit ex Castrensis Afflict. Caph. & Gabriel, quos citat, vt aliquis puniatur poena ordinaria falsarii, tria requiri copularimè. Primum, mutatio ve-

ritatis. Secundum, quod adsit dolus. Et tertio, quod mutatio veritatis nocuerit, vel nocere potuerit, vel possit.

8. Quæris an pœnæ falsariorum incurrantur à falsificante quascunque litteras, & sigillum superiorum: ver.gr. epistolas particulares missivas quas dirigunt, ut particulares personæ sunt? Pater Sosa in *explicatione Bullæ Cœnæ in expositione sexti capitis ad litteram n. 6.* citat Vgolinum, & transit cum illo dicente, falsificantes litteras particulares Papæ obsignatas, & missivas non incurrere censuram illam Bullæ Cœnæ, sed solum falsificantes litteras patentes, & apertas quas mittit Papa ex officio. Ego circa Religiosos hoc non consulere: nam etiam litteræ particulares obsignatæ mittuntur à Prælati ex officio pro multis negotiis expediendis: & in rigore sant veræ litteræ Superiorum: Et lex ista non distinguit de litteris particularibus, vel communibus. Adde quod prædicti Religiosi litteras particulares Prælatorum particulares & obsignatas, falsificantes, committunt aliud peccatum reservatum, vel permissum reservari à Clemente VIII. in *suo Decreto casuum reservatorum casu 11.* contra retardantes litteras Prælatorum ad inferiores: vel illas aperientes: siue prædictæ litteræ sint inferiorum ad suos Prælatos, Quod quomodo intelligi debeat explicavi etiam citato *libello de casibus reservatis casu 11.*

9. Pro Ordine verò Minorum falsificatio sigilli, vel litterarum Superiorum, reservatur cum maiori rigore: Non solum enim reservatur falsificatio in litteris Superiorum Ordinis, verum etiam cuiusvis alterius personæ in dignitate constitutæ, etiam extræ Ordinem, pro quo adverte ex Sylvestro *verbo dignitas.* tria hæc inter se valde differre, videlicet dignitatem, personatum, & officium. Dignitas est administratio rerum cum iurisdictione in foro contentioso: ut Guardianus, Prior, Prouincialis, & Superiores: hi enim omnes, & administrant res, & habent iurisdictionem in foro externo. Officium significat administrationem, aliquarum rerum, sed sine

iurisdictione, vt sacrista, procurator Conuentus, & similes: administrant enim res aliquas, sed non habent iurisdictionem. Personatus est illorum, qui neque habent administrationem rerum, neque iurisdictionem, sed habent digniorem locum præ aliis in Choro, vel in Capitulo, vt in Ecclesiis Cathedralibus fieri consuevit. Itaque, dignitas habet administrationem & iurisdictionem simul Officium habet solam administrationem: personatus neutrum habet, sed solam honoris præminentiam.

10 Reseruatur ergo sola falsificatio litterarum, earum personarum Ordinis quæ habent dignitatem Ecclesiasticam, quales sunt Prælati locales & omnes Superiores, & ex consequenti reservatur falsificatio litterarum cuiuscunque Prælati alterius Ordinis, & præterea cuiuscunque Episcopi, & aliorum Prælatorum Ecclesiasticorum habentium dignitatem Ecclesiasticam. Nam verba casus generalia sunt ibi: Aut alterius personæ in dignitate constitutæ. In quo differt ista reservatio à reservatione Clementis VIII Nam ista solùm loquitur de officialibus Conuentus vbi habitat Religiosus: At reservatio Minoritarum latius extenditur, vt vidimus.

ADDITIO AD ADDITIONEM.

SI quis apud se habeat litteras falsas, non tamen vsus fuit scienter illis litteris falsis, non punitur pœna falsarij: habetur expressè *cap. inter dilectos. de excess. Prælatorum*. Inde etiam collige quòd si quis vsus fuit litteris falsis ignorans, & suam ignorantiam per coniecturas, vel per iuramentum probauerit, in foro Ecclesiæ non punitur pœna falsi. Nam Papa *citato cap.* ponit verbum *scienter*: quapropter à contrario sensu, si vsus est illis ignoranter, bona fides & ignorantia probari poterit ex qualitate personæ, coniecturis, iuramento, & similibus.

F A M A

F A M A.

SA Y R O lib. 11. *claus Regia cap. 7. num. 19.* ait peccare mortaliter Monachum, vel Monialem, qui infamati iniuste ab aliquo remittunt iniuriam factam suæ famæ læsæ. Dat rationem, quia sua fama bona, non est sua præcipue, sed est etiam Conuentus: quemadmodum eius infamia est etiam infamia Conuentus. Hoc ego solum damnam in casu litigioso & publico, quando resultauit magna Ordinis infamia iniuste: tunc enim Monachus, vel Monialis non possunt remittere iniuriam, ut *ibi* tradit Sayro. Si verò remittant absque licentia Prælati, peccabit saltem venialiter: & condonatio non valebit, quia pars præcipue læsa non condonauit videlicet Religio: quod adeò verum est, ut si Prælati Ordinis condonaret, absque consensu Religiosi, condonatio valeret: ut tenet Nau. lib. 2. *de rest. cap. 4. part. 3. dubio 7. num. 392.*

FAMULI, SEV FAMILIAR-
es Fratrum,

- 1 **E**ssunt Regulares suis famulis intra Conuentum degentibus omnia ministrare sacramenta etiam in articulo mortis, & illos in sua Ecclesia sepelire, etiam si dum viuerent ibi sepulturam non elegerint. Clemen. IV. in Compend. verb. *Famuli*, & Iul. II. apud Rodrig. tom. 2. q. 77. art. 1. & 2.
- 2 Hi famuli, & famule etiam Monialium Sanctæ Claræ habent Indulgentiam plenariam semel in vita, & in morte. Monumenta Ordin. *secunda impressio. fol. 66. concessio. 96.*
- 3 Tempore interdicti possunt famuli Fratrum admitti ad diuina, & ibi recipere sacramenta, & sepul-

nam Ecclesiasticam. Compend. Minor. ver. *Interdictum*
 §. 1. & 6. Et hinc etiam includitur Syndicus Minorum. Compend. verb. *Syndicus*, §. 2.

4 Famuli Regularium dum sunt in seruitio Fratrum non possunt excommunicari, vel interdicti ab Episcopo. Compend. verb. *Famuli* §. 11. & Henrici. tom. 1. lib. 7. de *Indulg. cap. 25. num. 7. littera L.*

5 Nicolaus V. concessit Patribus Sancti Hieronymi in Hispan. ut quando sunt absentes à Monasterio, possint ibi audire confessiones suorum familiarium, & seruatorum. In Compend. illorum, verb. *Absentes à Monasterio*, §. 4. & verb. *Absolutio quoad familiare*, §. 9. dicitur quod etiam ibidem absentes possunt illos absolvere à casibus Episcopalibus. In Compend. Minorum, verbo *Familiares*, §. 11. habetur privilegium concessum militibus Sancti Ioannis, ut familiares illorum dum fuerint in illorum seruitio, non possint excommunicari, vel interdicto supponi sine speciali mandato Papæ. Sed tamen hoc privilegium famulis non proderit quando privilegia Fratrum fuerint ibi derogata. Vide Trid. sess. 14. cap. 4. & §.

FESTI DIES.

Vide infra verbo *Laborare*.

1 **E**sta particularia indicta ab Episcopo tenentur servare Regulares abstinendo à sernilibus & Missam audiendo. Tridentin. sess. 25. c. 12. de *Regul.* In his tamen diebus non tenentur dicere Horas Canonicas secundum ritum Clericorum, neque Missas: sed iuxta suam Regulam, & Constitutiones. Sic declaratum est à Congregat. Cardinal. Romæ, pro ut citat Rodriguez in suo Bullario sub Clement. VIII. 1199.

2 Dies festos à solo Magistratu seculari præceptos non tenentur Regulares observare abstinendo à serniibus, & Missam audiendo: quoniam Magistratus secularis,

Iuris, non habet iurisdictionem in Regulares. Azor. 2. parte Sum. lib. 1. cap. 26. quæst. 5.

3 Si contingat dies festos iniunctos ab Episcopo, habere vigiliam ieiunij, vel per constitutionem Episcopalem tantum: aliqui Doctores dicunt teneri Regulares ad illud ieiunium ex consuetudine Diocesis. At Suarez tomo de Legibus, lib. 4. cap. 20. num. 9. & 10. sentit in conscientia non teneri, nisi forè ratione scandali, & nisi in usu, & consuetudine, illud Regulares acceptauerint: citat Paludan. & Antonium. Rodriguez verò in Addition. ad Summ. Moral. t. 4. c. 110. n. 4. ait teneri Religiosos, etiam in suo Conuentu ieiunare illa ieiunia quæ per consuetudinem generalem ieiunantur à secularibus in illa Prouincia, vel loco. Vbi Rodriguez non discedit à Suarez, ait enim non teneri Regulares ad ieiunia præcepta ab Episcopo: sed facit differentiam inter præcepta solum ab Episcopo, & inter introducta per consuetudinem generalem illius Prouinciæ.

A D D I T I O.

1 **S**i aliquis dies festus secum habeat annexam aliquam indulgentiam lucrandam tali die, & contingat quod de tali die festo non sit recitandum Officium Diuinum hoc die, sed in alium idem sit transferendum Officium Diuinum, tunc indulgentia non est transferenda, sed lucranda est in eodem die, licet festum quoad Diuinum Officium transferatur. Ita Azor. tomo 2. libro 1. capitulo ultimo, quæstione 8. Sit exemplum pro Minoritis. Festum Diui Bernardini habet sibi annexam Indulgentiam plenariam in Ecclesiis Minorum ex Bulla Sixti V. Contingit sæpe festum Diui Bernardini occurrere infra octauam Spiritus sancti in qua non recitatur Officium sancti Bernardini, sed transfertur post octauam: Tunc Indulgentia lucranda est ipso die festi, & non est transferenda ab illo die. Et confirmatur à simili

nam quando aliquis dies festus præcepto Ecclesiæ obseruandus cum cessatione à seruilibus, incidit in diem in quo Ecclesia de tali festo non recitat Diuinum Officium, vt quando festum Annuntiationis Beatæ Mariæ venit in Dominica aliqua Quadragesimæ, tunc obseruatio talis festi quoad cessationem ab operibus seruilibus non transfertur in diem in quem transfertur recitatio Diuini Officij; & idem dicendum est de translatione Indulgentiæ annexæ alicui festo.

1. Pro scrupulosis laborantibus in die festo tenet Suarez tom. 1. de Relig. libro 2. cap. 31. numer. 2. non esse peccatū mortale, sed solum veniale vacare operibus seruilibus per vnā horam integram: quia respectu 24. horarum, quas dies integer continet, vna solum hora est pars modica, seu parua. Idem tenet Sanchez 1. Decalog. capit. 4. num. 18. Aduertit tamen Sanchez citato capit. numer. 12. quod si quis in die festo diuersis vicibus vacet seruilibus, ita vt in qualibet vice separata sit parua temporis mora, ac proinde parua materia: ac singulæ vices, & interualla simul iuncta efficiant plusquam vnā horam, tunc dicitur violare festum propter operationem seruilium, & proinde peccare mortaliter. Ego do exemplum à simili: nam furta modica multa sigillatim per se sumpta non sunt mortalia, at simul sumpta faciunt quantitatem notabilem, ac proinde mortalem si fiant omnia respectu vnus tantum personæ. Quod facile applicabis proposito intento de multis operationibus modicis seruilibus factis in eodem die. Dico in eodem die, quia ibi aduertit Sanchez, si quis in diebus distinctis festiuis operetur, seruiliter modico interuallo singulis diebus tantum semel singulis diebus, illæ singulæ vices distinctæ non efficiunt quantitatem mortalem, quia non fiunt respectu eiusdem diei festi, sed diuersorum, & non coniunguntur moraliter, posset utcumque persisti in exemplo modicorum futurorum diuersorum, quæ si non fiant respectu eiusdem personæ, sed diuersarum, non faciunt peccatum mortale, quia nulli ex illis infertur damnum notabile.

3 Quia

Quia verò festi obſervatio duo includit, & Miſſam audire, & vacare à ſimilibus, non omittam caſum particularem poſitum à Sanchez *libr. 3. de Matrimonio diſputatio. 18. à numero 21.* Vbi ſic ait: Non peccare mortaliter illum qui in die feſto oppidum in quo exiſtit, exit, & vadit ad oppidum in quo tale feſtum non obligat, & vadit cum animo ibi laborandi, probat, quia præceptum feſti non prohibet exitum ab iſto loco in quo eſt feſtum: & poſtquam peruenit ad aliud oppidum vbi feſtum non obligat, poterit licite laborare. Sed maius dubium eſt, an talis exiens in tali die feſto ſui oppidi teneatur prius audire Miſſam, quam exeat, ad quam in ſuo oppido tali die teneatur? Aliqui dicunt teneri, & probant, quia obligatus ad Miſſam in die feſto, & prævidens hora decima, vel undecima ſe fore impeditum ad illam audiendam, teneatur ex præcepto illam anticipare in tempore præcedente. At ipſe Sanchez *ibidem* ait, non carere magna probabilitate, & teneri ab aliquibus recentioribus, quod ſaliter exiens non teneatur audire Miſſam in ſuo oppido, ſi perueniturus eſt ad oppidum aliud tempore breui, quo adhuc Miſſæ ſolent celebrari, verbi gratia, ante meridiem. Nam in proprio oppido vnde exit, poterat diſſerre auditionem Miſſæ uſque ad aliud tempus, quando verò peruenit ad alium locum iam deobligatur ab illo præcepto illam audiendi. Neque obſtat ratio in oppoſitum adducta, nam intelligitur dummodo maneret in eodem oppido uſque ad tempus in quo illud præceptum obligat: Secus ſi exit, & tempore quo non obligatur ad Miſſam, peruenit ad aliud oppidum vbi iam non obligatur: Et clarius dic quod impedimentum ſuperueniens non tollit obligationem audiendi Miſſam, ſed excuſat omiſſionem ſi comittatur ob tale impedimentum, vnde nihil mirum ſi præuenire tunc teneatur: cum verò ante meridiem eo perueniturus eſt in quo id feſtum non ſervatur, non obligat præceptum dum peruenit: Nec ibi dicitur ſuperueniente impedimentum, ſed non ad eſſe præceptum.

4 Festa non solum indicta ab Ecclesia communi, vel particulari Episcopo, sed etiam seruato voto alicuius populi in communi tenentur obseruare etiam Religiosi illius oppidi, eo quod facta sunt ob bonum commune oppidi, cuius Religiosi sunt vicini, & cuius populi bona participant. Sanchez 4. *Decalog. num. 21.* & hoc est quod in simili materia dicit Rodriguez *Addition. ad Sum. tomo 4. capit. 11. numero 4.* teneri Religiosos ieiunare ieiunia illorum oppidorum in quibus viuunt, quæ populus ille ieiunat ob consuetudinem, quia sunt membra talis populi, eiusque bona participant. Vnde Sanchez *citato loco* attentis dictis antea *numero 16.* asserit Religiosos teneri sub mortali etiam ieiunare eos dies ieiunij quod vouit populus voto communi pro aliqua necessitate militat enim eadem ratio, atque in festo seruando Neque hoc militat contra id quod diximus *in prima editione hoc eodem verbo numer. 3* ex opinione Suarez, & aliorum, non teneri Religiosos ad ieiunium indictum à solo Episcopo, concurrentibus circumstantiis ibi dictis: Non, inquam, obstat: nam diuersum quid est ieiunium indici à solo Episcopo, vel induci per votum commune populi, vel per consuetudinem antiquam quæ habet vim legis quasi naturalis.

5 Festum Patris nostri Francisci iussit Sixtus IV. sub præcepto, & obseruantia ab omnibus Christi fidelibus, seruari cessando ab opere seruili. Habetur Bulla in Bullario Rodriguez *fol. 317. & 318.* quæ verba clarè sonant præceptum peccati mortalis. Hoc autem volui citare, ut videas quantum valeat mutare vetustas temporis, quæ etiam Bullis Pontificiis suo modo nocet, ut non obseruentur. Maior tamen gloria eidem Patri Seraphico accidentaliter videret accrescere, ut sancti ferè fideles suum festum obseruent cessando à seruilibus, moti deuotione, ac pietate, quam præcepti vinculo affecti.

GENERALIS ORDINIS.

Vide infra verb. *Prouincia*, num. 2. & verb. *Prelatus*, & verb. *Eiicere ab Ordine*.

1 **E**netalis mortuo non expirant inferiores Prælati, quia sunt ordinarij. Expirant tamen Visitatores, quia sunt delegati. Rodriguez *tomo 1. question. 9. artic. 1.* hoc intellige de Visitatoribus re infecta: id est, quando nondum visitationem inceperant: si enim iam inceperunt, poterunt finire: si verò non inceperunt, non poterunt inchoare. Si verò iam finierunt visitationem, debent subsistere, maxime in Ordine Franciscano, ubi per statutum generale finita visitatione si Capitulum dilatetur, tenentur se recipere ad suas Prouincias. Tenet etiam supradictum de cessatione visitatorum mortuo Generali, Aldrete *lib. 1. de Disciplin. Religiosa, cap. 3. num. 30. & sequentib.*

2 Solus Generalis potest relinquere aliquod Monasterium inutile Fratribus, id tamen faciet coram, vel in manibus Ordinarij. Hoc autem non potest facere Capitulum Prouinciale, vel Prouincialis absque licentia Generalis. Rodt. *tóm. 1. q. 23. art. 6.*

3 Non potest Generalis eximere aliquem Fratrem ne sit subditus sui Prouincialis, vel sui Guardiani, vel similis Prælati localis, esset enim fere contradictio moralis, vel saltem confusio, & causa litium, & præter ius totum. Miranda *tóm. 2. q. 7. art. 6.* Idem dic de Prouinciali circa eximendum subditum à Guardiani obedientia.

4 Generalis Minister Minorum, non potest dispensare in statutis Ordinis quando illa sunt contenta in iure Canonico, vel ab illo euidenter collecta: tunc enim dispensaret in lege Papæ. Si verò id faciat in aliis statutis debet id facere cum consilio discretorum alicuius Prouinciæ, & per scriptum alias factum non tenet.


Sic Statuta Tollerana, *sic. de Dispensatione*. Quod verò Capitulum Generale possit arctare in hoc Generalem, tenet Miranda *tom. 2. q. 10. art. 5.* citans Cordubam dicentem, quod Regula Pat. noſt. Franciſci maiorem iurisdictionem dat Capitulo Generali, quàm Miniſtro Generaliſſimam iuxta Regulam, Capitulum Generale poteſt priuare officio Generalem, ſi non fuerit ſufficiens ad vtilitatem Fratrum. Iuuat multum quod dicit Suar. *tom. de Legibus, lib. 6. c. 1 §. n. 7.* nempe Archiepiſcopum ligari legibus Concilij Prouincialis, neque in illis poſſe diſpenſare, niſi quatenus ſibi permiſſum eſt: & diſpenſare in illis eſſe diſpenſare in lege Superioris. Quod ſeruit ad prædictum inuentum, pro quo vide pulchram rationem apud Sanchez *lib. 8. de Matrim. diſput. 17. à n. 33. & ſequentib.* per quam efficaciter id probatur de Generali cum Capitulo.

5 Poteſt Generalis in Capitulo Generali cum maiori parte Capituli declarare vtrum conueniat vti aliquæ conſeſſione Papali, aut oraculo viuæ vocis conſeſſo: & tali declarationi ſtare debet tota Religio Compend. Minorum, verbo *Generalis*, §. 14.

6 Poteſt Generalis interpretari omnia dubia occurrentia in Ordine, Regula, ſtatutis, moribus, & omnibus alijs vt pote in priuilegijs. citat Ioan. à Cruce, in *epitom. lib. 2. cap. 2. dubio 2. conſeſſus*. 1. conſeſſum à Clement. V Iſ. Tertiarijs.

7 Generalis Ordinis eo ipſo quòd electus eſt, & electioni conſentit, manet confirmatus cum plena adminiſtratione Conſeſſam Ordini Sancti. Auguſtini Eremitic. Et Paulus I I I. conſeſſit Generali Societatis Compend. verbo *Generalis*, §. 1.

A D D I T I O.

1  Odriguez *tom. 2. Sum. cap. 29 conſeſſus*. tenet non poſſe Generalem mutare vnum Prouincialent de vna Prouincia, vt ſit Prouincialis in alia Prouincia: neque

neque transferre vnum Guardianum de vno Conuentu, vt sit Guardianus in alio. Hoc non probat textu proprio, sed à simili per textum *cap. 1. & 2. de translatione Episcoporum*, vbi dicitur solum Papam posse transferre vnum Episcopum de vna Diocesi ad aliam: quod Doctores applicant ad Abbates habentes iurisdictionem quasi Episcopalem: & ipse Rodriguez applicat ad translationem Prouincialium, & Guardianorum. Quod si verum est intellige postquam Guardianus est confirmatus à Superiore. Nam in diffinitorio antequam Guardiani confirmentur, & publicentur, electus pro vno Conuentu transfertur ibi pro alio à Prefide cum Diffinitorio, antequam confirmentur, & publicentur. At post publicationem, & confirmationem non erit licita illa permutatio inter duos Guardianos, iuxta dictum Rodriguez, quamuis vterque Guardianus consentiat. Quod intelligo si fiat extra Capitulum, vel Congregationem intermediam. Nam in dicto Capitulo, vel congregatione possunt, & solent permutari.

GUARDIANVS.

• Vide infra verbo *Prelatus. num. 2.* & supra verb. *Abbas per totum.*


1 **G**uardianus est verus Prelatus: vnde quando in Regula, & declarationibus Pontificum supra illam, vel in statutis Generalibus, vel in priuilegiis nominantur indistinctè Prelati, etiam intelligitur Guardianus: Corduba sequitur Compend. verb. *Guardianus ad §. 1.*

2 Omnia concessa Prioribus Sancti Dominici Conuentualibus, intelliguntur etiam concessa Guardianis Minorum Iulius II. concessit in Compend. Minorum verb. *Guardianus. §. 4.* & Collector *ibidem*, at quod iurisdicctio Prioris etiam suos Conuentuales æquiparetur

paratur iurisdictioni Prouincialium, quod intellige in foro interiori.

§ Guardianus mortuo expirat pates ille, qui à solo Guardiano factus fuerat: habebat enim iurisdictionem delegatam à solo Guardiano. Si verò Vicarius illius fuerat factus à Prouinciali, ac Diffinitoribus in Capitulo, non expirauit eius iurisdictione mortuo Guardiano, quia habet iurisdictionem à Capitulo. Et sic olim fiebat in Ordine Franciscano, & fit in multis Prouinciis. Et Vicarij sic creati possent in absentia Guardiani facere omnia illa, quæ Guardiani possunt, saltem in foro conscientiarum, si illis per consuetudinem, vel statutum particulare non fuerint restricta. Scio tamen in aliqua Prouincia Minorum, hodie non fieri Vicarium à Capitulo, neque Diffinitoribus: sed designari à Guardiano tantum, ab ipsoque postulari à Prouinciali, & ab ipso Prouinciali confirmari. Et hanc credo non expirare morte Guardiani, non enim habet iurisdictionem à Guardiano, sed à Prouinciali: postulatio enim Guardiani non dat iurisdictionem, sed Prouincialis approbatio, & confirmatio. Et proinde hic potest in absentia Guardiani, & per mortem illius omnia quæ possunt legitimi Vicarij, proximè si accedat consuetudo antiqua, vel sufficiens. Et consonat quod ait Rodriguez *tomo 3. questione 76. articul. 3. in fine*: ubi ait quod si Vicarius positus est à solo Guardiano, poterit illum amouere Guardianus: si verò positus est à Superiore, non poterit illum amouere; & sic Vicarius manet tantum positus à Superiore, nec proinde expirabit morte Guardiani, quia est delegatus Prouincialis.

ADDITIO.

§  Ide proximè dictum ver. *An Guardianus possit transferri de vno Comento ad alium.* & in hoc verb. num. 5.

Guardianus in partibus citramontanis (id est, Alpibus

pibus versus Hispaniam) non potest ultra triennium manere in officio; & Prælatus permittens, & Guardianus ultra durans, & subditi obedientes excommunicantur, ipso facto & priuantur officiis. Habetur in Bulla propria Pauli I V. pro officiis Ordinis Minorum in Bullario Rodriguez fol. 853. & seqq. post medium Bullæ. Et ex tenore verborum, ibi; *In eodem loco non remanebunt*: videtur colligi, quod neque finito triennio, poterunt Guardiani ibi esse Præsidentes cum potestate Guardiani, ut sint supremi Prælati talis Conuentus. Hoc, inquam, sonant citata verba, & multo magis colligitur ex proœmio ipsius Bullæ: (nam proœmium legis, vel Bullæ, est mens illius, & ad illud sunt aptanda sequentia verba legis, ut num. 3. sequenti dicitur.) At dicta Bulla in proœmio dicit se velle obuiare ambitioni cupiditati, ortæ ex continuatione officiorum in Religione diabolo instigante. Quo posito contradicitur clarè tali intento, & expressè menti Papæ, si quis finito triennio, in Guardianatu, per aliud triennium fiat præsides in eodem Conuentu cum regimine independente Conuentus. Adde quod sic pateret causa fraudis, & doli, & penè daretur lex frustratoria: quod non est admittendum. Neque ego contra hoc video quid possit opponi, neque per aliquam Bullam esse reuocatum, vel concessum, quoad reelectionem, inquam, eiusdem in præsidentem absolutum eiusdem Conuentus: clarè enim repugnat cum dicta Bulla. Et hoc ipsum in terminis expressè decernunt statuta generalia Romæ, anno 1612. tit. de Prælatiis. Et Segouienſia, tit. de Guardianis, §. Guardiani omnes.

3 Neque proximè dicto obstat quod post illam Bullam ex Sixt. V. Clem. VIII. & aliis concessum est, ut triennium Guardiani intelligatur de Capitulo in Capitulum, licet; Capitulum aliquando dilaretur per aliquos menses ultra triennium, (ut posse fieri docet praxis, & Rodr. i som qq. Reg. q. 16. art. 2.) hoc, inquam, non obstat, quia durare Guardianum duos, vel tres menses post triennium iuxta praxim & prædictas declarationes, non permittit ut transacto triennio, vel celebra-

to Capitulo maneat idem qui fuit Guardianus, per alios tres annos sub titulo Præsidentis absoluti contra claram, & expressam mentem prædictæ Bullæ. Quod verò verba legis non sint interpretanda contra mentem claram ipsius legis, tenet Nauarr. *lib. 3. Consil. tit. vt lice pendente*, *consil. 1. num. 4.* Et quod ex proœmio legis colligatur mens legislatoris, & intellectus totius decreti tener expressè, & efficaciter in simili materia. Sanchez *lib. 2. de Matrimon. d. 37. num. 3.* citans Tiraq. Alex. de Neuo, Hypol. Paz, Molin. Burfar. Gutierr. Iam verò suprà dixi quod sit proœmium prædictæ Bullæ.

4 Neque contra prædicta obstat statutum generale Victoriz, anno 1596 quo dicitur, vt si Guardianus continuare debeat suum officium, si in eodem Conuentu, non verò in alio Conuentu maiori, vel minori. Non obstat, quia illa verba: *si debeat vltcrius continuare officium.* non illi concedunt vt possit continuare officium nomine Præsidentis, neque id concedere possunt contra Bullam prædictam: sed volunt tantum vt si intra triennatum debeat continuare in Capitulo, vel congregatione, id fiat in eodem Conuentu: quod si tale statutum Ordinis per contrarium vsum non obseruatur de mutatione Guardiani durante triennio ad alium Conuentum, talis vsus contrarius illi statuto non potest derogare prædictæ Bullæ Pontificæ, maximè cum statuta generalia Metinensia, anno 1560. iubent vt prædicta Bulla Pauli I V. seruetur sub his verbis: Vt Guardiani, finito triennio, non possint continuari in eodem Conuentu, de mandato D. Pauli I V. in alio verò Conuentu non poterit quis esse Præsidentis finito triennio Guardiani iuxta citatum statutum Romanum: Guardianus verò in alio Conuentu, finito triennio, esse non poterit sub titulo Guardiani, iuxta prædicta statuta generalia Victoriz. Ex his omnibus volo solum colligere, quod licèt Prælati supremi Ordinis possint dispensare in prædicto statuto generali Romano de non continuando triennio Guardiani in eodem Conuentu, etiam sub titulo Præsidentis, vel in alio: at non possunt dispensare in prædicta Bulla Pauli I V. nisi ad
id

id specialem habeant facultatem, ut quis in eodem Conuentu post Guardiani officium per triennium postea sit Præsident absolutè. Dixi *Præsident absolutè*, quia Vicarius domus vel Præsident sub Guardiano in eodem Conuentu esse non prohibetur per illam Bullam in eodem Conuentu.

§ Propter id quod dixi suprà, verb. *Generalis* vnum Guardianum post confirmationem non posse transferri de vno loco ad alium: noto quòd Rodrig. tom. 2. 99. Regul. q. 53. art. 6. probat Guardianum eo ipso quod electus est, liberè posse suum officium exercere ante confirmationem sibi datam. Probat id solum ex privilegio concessio Patribus D. Hieronymi per Benedictum XIII. quo illis concedit, ut ibi primùm fuerint electi in Priores, possint liberè administrare officium Prioris in suo Conuentu, pro quo sunt electi, idque ante confirmationem dicti officij. Et in fine prædictæ concessionis Papalis, ait Papa: *dummodo infra tempus legitimum, confirmatio electionis huiusmodi fiat.*

Quæ verba videntur sibi contraria, & ad intentum Rodriguez non facere. At sic declaranda sunt. Nam electio Priorum Conuentualium sancti Hieronymi, (idem est in aliis Ordinibus aliquibus) electio Prioris fit à Conuentu, absente ut plurimum Prælato confirmatore, & post electionem factam procuratur electionis confirmatio à Prælato absente: tunc ne Conuentus detrimentum patiatur ob vacationem Prælati, conceditur sic electo ut exerceat officium Prioris quandiu Prælatus confirmaturus admonetur de electione: ei tamen incumbit statuto tempore procurare confirmationem. At Guardiani in Ordine Minorum nunquam eliguntur absente confirmatore, sed iuxta illorum statuta quomodocumque eligatur Guardianus, semper adest confirmator electionis. Ac proinde si quando in diffinitorio est iam electus aliquis Guardianus, id fortè sciat illis duobus diebus antequam electio publicetur, & confirmetur, non poterit hic allegare se esse electum; neque posse reuocari suam electionem illo biquo: etenim nondum confirmatus

firmatus est, & electionis confirmatio est necessaria de iure Canonico. Quapropter sic electus in illo biduo poterit reuocari, & non poterit se ingerere officio ante confirmationem: sicut Prior sancti Hieronymi, quia est diuersa ratio in electionis confirmatione petenda ab absente. Et illa concessio. solum probat, quod si ob aliquam causam Prælatus superior in Minoritis iuberet fieri Guardianum alicuius Conuentus modo quo sit apud Patres D. Hieronymi, non præsentem confirmatore Guardiani electi: si tunc talis Guardiani electio publicaretur, posset taliter electus exercere prædictum officium Guardiani antequam Generalis, vel Prælatus absens confirmationem minuat. Vnde colliges dictum Rodrig. *ibidem*, quod Guardianus ipso facto quod est electus, est confirmatus, eget suprà posita explicatione.

6 Vide omnia suprà dicta, verbo *Abbas, Prior, &c.* quia omnia ibi dicta pertinent etiam ad Guardianum.

HABITVS.

Vide verbo *Sepelire*.

1 **I**N Compend, Minorum verb. *Habit*. §. 3. 4. & 5. habentur priuilegia ne mulieres, vel homines seculares portent habitum Sanctæ Claræ, vel Fratrum Minorum: & quod Episcopi super hoc requisiti à Minoritis cogant sub censuris vt habitum sic portantes illud deponant.

2 *Ibidem* §. 3. prohibetur Parochis sub excommunicatione ferenda, ne prohibeant parochianos sepeliri volentes in habitu Minorum.

3 Sæculares vrientes habitu Religionum ignominiosè in ludis, vel in lasciuis, peccant mortaliter, & per *l. Authentica, de Sanctissim. Episcop.* §. ultimo. plectuntur exilio. & insuper incurrunt alias pœnas ciuiles, & possunt puniri etiam per Iudices seculares. Syluest. verbo *Habitus*, §. 1. In legibus verò Ordination. Portugallie,

lib. 5.

lib. 7. tit. 9 etiam habitum portantibus Ordinum Militariū in ludis, & locis prima vice imponitur pœna carceris, & pecuniaria. Et pro secunda, imponitur pœna exilij, & alia ad arbitrium: si verò Religiosus, ac pius Rex taliter punit illudentes habitum Militarium: quid diceret pro illudentibus habitum Mendicantium?

4 Excommunicationem incurrunt Religiosi, temerariè dimittentes habitum Religionis. *et ut periculosa, ne Clerici, vel Monachi, in 6. & alibi.* Dicitur verò temerariè dimittere habitum, qui dimittit animo vagandi; vel ob causam turpem, vt scilicet noctu exeat ad particularem fornicationem: vel publicè cum scandalo ad arbitrium boni viri, qui iudicet id temerè fieri. Secus si fiat cum necessitate: vt dormiendi causa, vel ne occidatur in terris hæreticorum cognitus vt Religiosus, maximè si sic prætendit ibi fidelibus latentibus sacramenta ministrare, & confortare, & sic de cæteris. Capucinus *verbo Habitus in Compend. Rodriguez tom. 2. q. 76 art. 6. & alij.* Extra hoc nullus potest portare habitum suæ Religionis occultè Concil. Trid. *sess. 25. cap. 19 de Regular.*

5 Tertiarij Ordinis P. nost. Francisci in Portugallia viuentes in Congregatione tenentur portare habitum distinctum in forma, & colore ab habitu Fratrum Minorum. Forma verò præscripta est à Cardinale protectore nostro, Mattheo, & confirmata per D. Clementem VIII. Rodriguez *in suo Bullario fol. 1223. in Clemente VIII. Bulla 14 & Compend. verb. Tertiarij. §. 18.*

6 Nulla Religio potest portare habitum similem habitui alterius Religionis, per Bullas citatas à Rodriguez *tom. 2. quæst. 76. art. 1.* Sic enim congruit & honori Ordinum, & satisfactioni sæcularium.

A D D I T I O.

7 **R**eligiosus dum transit per oppida hæreticorum deponens habitum Regularem, vt euadat incolumis, neque cognoscatur, non peccat, neque censetur

nam aliquam incurrit : quia præceptum humanum de habitu Ordinis portando non obligat cum tanto periculo. Sanchez 2. *Decalog. c. 4 n. 1*. Caiet. Aragon, & Philarch. *ibi* citati. Idem dic de Clerico seculari deponente vestem Clericalem eadem de causa. Idem tenet Azor. *tom. 1. lib. 12. cap. 12 q. 8.* ambo tamen ponunt exemplum de Religioso transeunte per loca infidelium.

2 Queris, an etiam possit dari causa alia dimittendi habitum, etiam si non transeat Religiosus per loca infidelium? Glossa citati capituli, *ut periculosa, verb. Tenere*, ait non obligare prædictam ibi censuram, si sit causa iusta dimittendi habitum. Et ponit solum timorem in exemplum, non dicens quid timendum sit Azor. *cit. q. 8.* explicat illam glossam, & per timorem intelligit timorem mortis, periculi, mali grauioris, captiuitatis, seruitutis, carceris, ignominie, dedecoris: tunc ponit exemplum in Religioso per terras infidelium transeunte, cumque exemplorum veritas seu exempla non arctentur: & Glossa prædicta solam causam iustam, ac timorem requirit, videtur colligi, quod etiam si Religiosus non vadat per terras infidelium, si tamen timeat aliquod ex prædictis periculis ab Azorio assignatis, non incurrit censuram.

3 In particulari potest esse casus. Religiosus iniuste grauatur notabiliter à Prælato, & maius adhuc timens grauamen, nec habens aliud remedium, fugit ad Prælatum superiorem longè distantem, ita vt, in ista fuga nullo modo peccet, nec venialiter, vt suppono (quod fieri posse multi dicunt) in hac tamen fuga, & longo itinere certò mortaliter scit se fore detegendum, & comprehendendum ab inferiore iniuste grauante si porter habitum Ordinis propter custodes in viis adhibitos: In quo casu puto posse prædictum cum supradictis circumstantiis habitum dimittere, donec tuto accedat ad Prælatum, ad quem appellat: probatio facilis est: quia portare habitum Ordinis est præceptum humanum tantum, vt supra diximus cum Sanchez, at præceptum humanum non obligat cum tanto periculo famæ, carceris, & iniusti grauaminis sperari certò moraliter: &
p

præterea quia necessitas, quæ talem Religiosum facit iustè, id est, sine peccato exire à Conuentu absque licentia Prælati localis, eadem sufficit vt possit deponere habitum Ordinis vigente eodem periculo, & necessitate facit ad hoc omnino quod tradit Sanchez lib. 7. de Matrimon. dispur. 37, num. 3. vbi ait reclamantem ob nullitatem professionis, etiam si dimiserit habitum antequam exaudiat, contra Concil. Trident. decernens vt si habitum dimiserit non audiat: ait nihilominus Sanchez prædictum reclamantem, posse ac debere audiri, si habuit iustam causam dimittendi habitum: vt si non potuit obtinere licentiam eundi ad reclamandum: nec potuit ire nisi habitu deposito: vel non permittentur causas allegare coram Ordinario, & ob id habitu deposito fugit, vt reclamet. Quæ omnia possunt applicari isti Religioso cum prædictis circumstantiis fugiente ad Superiorem, & deponente habitum necessariò, vt coram Superiore causam suæ appellationis, & grauaminis proponat. Vide ibi Sanchez alia pro hoc intento dicentem.

4 Osculantes habitum Patrum Dominicanorum, & proinde Minorum, lucrantur quinque annos, & totidem Quadragenas de iniunctis poenitentiis. In qua indulgentia continentur duo mille, & septuaginta quinque dies indulgentiæ, vt resumit Collector privilegiorum Mendicantium, verb. *Indulgentia quoad seculares*, num. 6 §. 9.

5 Olim dixi ver. *Sepultura*, n. 9. apud Minoritas non posse dari habitum seculari vt cum illo sepeliatur, nisi sit prælatus. Vide infra ver. *Sepultura*.

ADDITIO AD ADDITIONEM.

1 **V**T defunctus sepeliendus cum habitu Fratrum Minorum lucretur indulgentiam plenariam concessam à Summo Pontifice Leo. X. & aliis, non est de essentia quod defunctus det aliquam elemosynam

Fratribus pro habitu, quia Bullæ Pontificiæ illa indulgentiam concedentes nihil loquuntur de obligatione dandi eleemosynam pro illo. Ita notauit Rodriguez *tom. 2. questionum Reg. q. 76. art. 10. ad finem.* Aduertit tamen eadem q. art. 9. ex concessione Sixti IV. in Bulla aurea quod prædictus habitus ut valeat, *debet dari per Prælatum superiorem Ordinis, aut per alium cui ille duxerit committendum: & non per alium quauis autoritate fulgentem exhiberi debere.* Vnde colliges nullum particularem Fratrem, qui non sit Prælatus, vel qui non habuerit licentiam, vel commissionem Prælati, posse dare prædictum habitum.

HÆREDITAS.

Vide infra verb. *Legatum.*

I legatum certum, vel legata, relinquuntur duobus Monasteriis, & legatum non sufficiat ambobus, præferendus est Conuentus indigentior, & pauperior. Et ut plurimum Monasterium Monialium præferitur Monasterio virorum, quia illæ ut plurimum magis indigent. Secus si Monasterium virorum magis indigeat. *Rodrig. tom. 2. q. 77. art. 7.*

2 Hæreditas Nouitij morientis ab intestato non pertinet ad Monasterium, sed ad successores. *Ibidem, artic. 8.*

3 Fratres Minores non possunt constitui hæredes. *Clementina exiui de paradiso. de verb. signif. & testamentum* illos constituens hæredes quo ad hoc est nullum, sunt enim per regulam suam incapaces. Notat tamen *Collector in Compend.* & Rodriguez sequens illum *tom. citato, quasi. 78. art. 1.* quod in tali casu poterit Iudex ex officio nemine petente, obligare testamentarium ut det Minoritis per viam eleemosynæ id quod fuit relictum. Et quod hoc etiam potest procurare eorundem iudice quilibet de populo: dummodo Fratres id
non

non procurent, & sic fuisse factum in facti contingencia in Regno Aragoniæ testatur *ibi* Collector.

4 Potest Minoritis relinqui in testamento aliquid per modum elemosynæ, ut scilicet aliqua res immobilis, ut vinea vendatur, & insumatur in necessitatibus Fratrum. Capucinus *verb. Hæreditas, § si autem*, & habetur in declarationibus Pontificiis super Regulam Minorum.

5 Ecclesia Fratrum Minorum potest constitui hæres possessionum Bartol. *in tractat. Minoritarum*, & defendit Rodr. *quæst. 78. art. 5.* Ex eo enim quod Ecclesia Minorum sit hæres, non sunt hæredes ipsi Minores in suis personis. Concordat fortè cum dicto, Nauarr. *lib. 3. Cons. titulo de testamentis consil. 13.* dicens validum esse legatum annuum relictum Ecclesiæ, vel sacristiæ Minorum, pro fabrica olei, vini, ceræ, & similium, possèque Minoritas illud acceptare ob rationes ibi traditas.

6 Monasterium capax hæreditatis, potest succedere in maioratu, propter Monachum, vel Monialem, quæ succedebat. Rodr. *cit. q. 78. art. 12.* cum conditionibus ibi requisitis.


7 Moniales Sanctæ Claræ, primæ Regulæ Capucinae, dictæ Damianæ, seu collectaneæ, si velint iuxta Trid. *sess. 25. de Reg. cap. 3.* possunt habere bona immobilia in communi, ut latè, & efficaciter probat Rodr. *tomo 5. quæst. 29. articuli. 14.* Quo dato videtur quod illæ etiam hodie sint capaces hæreditatis, qui enim potest habere bona immobilia, potest esse hæres boni immobilis, ut patet: ex hoc enim fundamento probat Rodr. *quæstion. 78. citat. tomo 2.* ferè in omnibus articulis ideo aliquos Religiosos posse capere hæreditatem, quia habere possunt bona immobilia, maximè *artic. 8. & ibi articuli. 12.* ideo dicit Minoritas non posse succedere in maioratu, quia non possunt habere bona immobilia: ergo si illa possent habere, possent succedere. Vnde arguitur contra ipsum Rodr. non fuisse consequenter locutum, eum dixit *citata quæstion. articulo 11.* has Capucinas non posse capere hæreditatem sicut alias Moniales. Si enim illæ iuxta ipsum Rodr. *citato loco tom. 3.* possunt ex

Trid. habere bona immobilia : ergo possunt capere hæreditatem.

8. Monachi capaces hæreditatis succedunt suis parentibus, & consanguineis ab intestato morientibus, imò, & parentes non possunt illos repellere. Capucinus *cit. loco. §. circa autem*, cum multis citatis, secus in Ordine incapaci hæreditatis.

HÆRESIS.

Vide suprà verbo *Episcopus*, n. 12. an possit absolvere ab hæresi occulta.

 Ompendium Societatis Iesu vet. *Absolutio §. 3. & 7. & 8.* ait Gregor. XIII. illis concessisse ut possint absolui ab hæresi occulta, & à relapsu illius per Prælatos modo proximè dicendo.

Et §. 8. dicit idem Compend quòd iuxta privilegium concessum Minoritis Generalis, & provincialis Societatis absolvere possunt, ab hæresi suos subditos, vel ab apostasia, & eorum pœnas à iure constitutas commutare augendo vel minuendo, dummodo crimina non sint publica, & apud sæculares notoria.

Et in fine dicti §. 8. notat Collector illius Compendij: quòd quando res non est dubia, reservatur absolutio Præposito generali: sed ne pœnitens cogatur tandiu sine absolutione manere communicatur Præpositis Provincialibus ita ut pœnitens teneatur, vel se Generali præsentare, vel ipsum monere quantocius. Ita *ibidem*.

Ego in hac materia de meo nihil dico: & nihil pono: solum refero quod ipsi dicant se posse per Gregor. XIII. illi viderint; & alij videant. Nihil consulo, vide suprà verbo *Abbas*, num. 11.

ADDI

A D D I T I O.

Vide infra verb. *Libri. n. ult.*

Solent Religiosi, maximè scrupulosi molestari tentationibus blasphemiarum, & hæresis, præcipuè tempore orationis cuiusque: & quando illis id non accidat, saltem de his interrogantur à secularibus idiotis. Qua de causa non est præter intentum ad horum instructionem, & consolationem sequentia tradere.

1 Non est blasphemus neque hæreticus qui inuitus patitur cogitationes hæreticas, & blasphemias contra Deum & sanctos, atque turpissimas aliquas, quamvis sibi videatur consentire. Est communis Doctorum maximè Torres de Trinit. *question. 32. articul. 4. 2. par. Commentarij in fine*, & aliorum. Probatur, quia actus peccaminosus debet esse voluntarius, & præcipuè hæresis debet esse assensus pertinax: ac prædictæ tentationes sunt inuoluntariæ: ergo, &c. Quòd autem sint inuoluntariæ, est signum clarissimum, quia patiens has tentationes timet se hæreticum, & illis transactis dolet, & iudicat se hæreticum: ergo signum est quod non consensit, nec fuit hæreticus. Nam hæreticus non iudicat se hæreticum, sed putat se verum dicere: item non timet de hæresi, sed ob pertinaciam putat non habere quod timeat: nec denique dolet de facto: quæ omnia cum secus accidunt in patientibus has tentationes modo supra dicto, sequitur quòd sint inuoluntariæ. Præterea est aliud signum clarum, nam quando patiuntur has tentationes sentiunt se vexari, & pœna affligi: quæ pœna, & vexatio nascitur ex dissensu voluntatis, & ex amore erga fidem & Sanctos.

2 Probat & Torres citato loco quòd rarissimè hæ tentationes accidunt viris malis, quia eos vincit, & quasi suos demon possidet. Sed solum eueniunt viris bonis.

ut sic illos diabolus ab oratione, & via Domini deterrereat. Quare melior, & conuenientior modus illas vincendi est illas contemnere, & ita se habere ad illas, ac si prorsus non essent. Ita D. Bonauen *opusc. de profectu Religiosorum cap. 3.* sic dicens: *Tentationes contra fidem, ac de spiritu blasphemia, & similes, nec fugere possumus, nec repugnando vincere: quia quanto plus indignamur nobismetipsis, & disputamus cum eis, magis reficitur eorum rabies, & accenditur.* Sic ille egregius, & sanctus Doctor, idem docet Gerson. *tract. de Fæda tentat blasphemia, & alij.* Optimum exemplū affert Surius *tom. 2 in vita beata Catharina Senens. fol. 1038. in fine*, cui post multas carnis tentationes apparet Christus, ac dicens se fuisse in corde illius. Et illa dubitans quomodo sic fuerit in corde sic tentato: quæsiuit ab illa, an tunc illa doleat de illis tentationibus: & illa dicente quod nimis dolebat, quietauit illam.

2. Constat ex definitione hæresis, & communiter ex Doctoribus, hæresim esse assensum alicuius erroris cum pertinacia. Consistit verò hæc pertinacia ut quis sciens & prudens teneat aliquid contra Ecclesiam Catholicam & constat ex *cap. unico de Summa Trinitate, & fide Catholica*, ubi damnantur ut hæretici præsumentes tenere aliquid contra Ecclesiam Catholicam: ac non dicitur sic præsumens nisi nouerit Ecclesiam oppositum tenere. Exit tamen pertinax, & hæreticus, qui sciens Ecclesiam hoc tenere nihilominus oppositum sentire, quamuis sit paratus Ecclesiæ consentire, si argumentis conuincatur. Hæc enim præparatio animi non tollit quin iam sentiat sciens, prudens contra Ecclesiam, si quidem non vult Ecclesiæ assentiri, nisi conuictus argumentis. Sic Vasquez *1. 2. q. 76. art. 1. disp. 126 cap. 3. n. 9* & alij Denique hæc pertinacia non requirit moram temporis, sed poterit haberi in instanti, sicut possunt cætera peccata.

3. Siquis errorem contra fidem solum habeat exterius verbis, vel signis, taliter verò in intellectu non credens, non erit hæreticus in rigore, neque excommunicationem incurrer, quia oportet ut intellectu dissen-

tiant:

tiat peccabit tamen mortaliter, & in foro externo hæreticus iudicabitur. Est communis Doctorum, maxime Nauarr. in *Summa*, cap. 11. n. 17. & aliorum. Si quis tamen exterius tantum fidem negaret eo sine ut faueret hæreticis circumstantibus, tunc incuteretur excommunicationem, non quia hæreticus sit, sed quoniam est fautor hæreticorum, iuxta Bullâ Crænz tales hæreticorum fautores excommunicantem, iuxta Nau. *proximè cit. loc.*

4. Magna quæstio est inter Doctores, an dubius in fide sit hæreticus? ver. gratia, dubitans an Christus Dominus verè secundum totam humanitatem sit in Eucharistia, qualiter dubitantem ego iam inueni in Sacramento Confessionis cuius curatio non modicum me torfit, Sanchez 2 *Decalog. cap. 7. num. 11.* citat sexdecim Doctores graues asserentes talem dubitantem esse hæreticum, & ait alios Doctores præter illos idem tenere. At ipse statim *n. 12.* cum paucis aliis, Causa videlicet, sã, & aliis tenet non esse hæreticum. Rationes efficaces assignat, quibus potius standum est quam turbæ Doctorum. Prima est, quia de ratione hæ. esis est electio erroris contra fidem: at dubitans nondum aliquid eligit, sed manet in dubio, & in ancipiti: ergo non est hæreticus. Secunda, quia hæresis est error fidei contrarius, seu assensus contra fidem: at dubitans nullum fert assensum pro, nec contra, hoc est enim dubitare, id est, neque assentire, neque dissentire: ergo si nullam habet assensum, nullum errorem habet contra fidem, nec proinde hæreticus est. Tertia, quia fides, & hæresis sunt duo extrema: illa importat assensum circa res fidei: hæc verò importat dissensum circa illas: at dubitans nondum dissentit, quia dubitans pendulus est: ergo non est hæreticus. Et hac de causa Sanchez hanc opinionem probabiliorē iudicat, & mihi idem videtur: & huic nitens curauī supradictum dubitantem mihi occurrentem etiam de consilio cuiusdam insignis Theologi quem tunc consului: & propter similes occasiones hīc volui tantisper immorari. Fortius argumentum partis oppositæ sumitur ex *cap. 1. de heretia* ubi dicitur quod dubius in fide, est infidelis. Respondet

Sanchez *cit. loco* cum Cano, dubium in fide esse infidelitatem, non contrariè, quasi habeat actum fidei contrarium; cum reuera non habeat: sed dici infidelem priuatim, quia scilicet priuatur certitudine assensus necessaria ad habitum fidei retinendum. Secundo explicatur textus ille, & clarius, ut ibi dubius in fide dicatur infidelis in foro externo, quia communiter cum tali dubio præsumitur assensus erroneus: Non verò reputabitur infidelis in foro interno, si verè dubius, & pendulus est iuxta prædicta.

5 Limitat tamen seu exponit *ibi* Sanchez hanc opinionem, ut sit vera, dummodo intellectus talis dubitantis perpenſus rationibus vtriusque partis verè dubius, & pendulus sit, nullumque iudicium formet. Nam si intellectus reflectat supra suum actum dubitandi, iudicans illam rem fidei esse dubiam, aut esse sub opinione, tunc erit perfectè hæreticus: quia tunc iam ultra dubium datur consensus, & iudicium intellectus affirmat rem fidei non esse certam: quod iudicium erroneum est, & proinde hæresis aperta. Vnde moraliter loquendo cum dubio intellectu circa res fidei solet esse coniunctus hic actualis error, quo iudicat illas non esse res certas: quod si aliter non iudicat, sed merè dubius sit absque prædicta reflexione, non erit hæreticus iuxta ea, quæ diximus n. 4.

6 Ignorantia crassa circa res fidei etiam excusat: & facit ut quis non sit pertinax, nec proinde hæreticus. Probat, quia de ratione hæresis est ut opponatur Ecclesie: et ignorans, etiam crasse non opponitur illi, imò paratus est ab ea corrigi. An verò ignorantia affectata circa res fidei etiam excuset ab hæresi alij affirmant, alij negant. Sanchez *cit. cap. n. 2. 3.* conciliat dicens ex animo ignorantis affectatè id colligendum esse. Si enim affectat ignorantiam ex prauo animo contra Ecclesiam, quia scilicet putat pacui momenti esse, quæ illa proponit, iste hæreticus est: quia pertinax satis est, qui Ecclesie auctoritatem contemnit. Si verò illa ignorantia affectata sit tantum ex negligentia, ac tædio discendi, ille non erit hæreticus si aliquis dixerit contra fidem ortum ex tali ignorantia affectata.

¶ Si quis ex ignorantia aliqua ex supradictis aliquid dicat contra fidem, imò argumentis defendat credens se non contradicere Ecclesie, imò paratus ab illa corrigi, non erit hæreticus in foro conscientie, etiam si suus Episcopus, vel Inquisitor dicant esse de fide. Tenet Sanchez *citat. cap. numer. 25.* cum Cano, Torres, Valentia, Valquez, & Sayo quos citat: probat, quia talis non est pertinax contra Ecclesiam, id est, Summ. Pontificem caput Ecclesie, cum nesciat Ecclesiam sic determinasse, & paratus sit ab illa corrigi. Neque obstat Episcopus, vel Inquisitorem oppositum dicere: quia Episcopus, & Inquisitor non sunt caput Ecclesie, & possunt aliquando errare: ac proinde iste non credens se repugnare Papæ, seu certæ regulæ Ecclesie, non erit hæreticus. At tamen Sanchez quòd iste aliàs peccabit mortaliter ex temeritate non acquiescendi talibus viris. Et ego addo quòd in foro externo reputabitur, & damnabitur tanquam hæreticus.

8 Erit etiam pertinax, & hæreticus, qui in rebus nondum definitis ab Ecclesia aliquam partem alicuius opinionis tali animo amplectitur, & ita tenaciter illi adhæret, & ita affectus est ad illam tuendam, ut Ecclesie contrarium definenti non acquiescat: probatur, quia etsi partem modò defendit, nondum hæresis sit: at quia paratus est non obedire Ecclesie oppositum dicenti, ex tali animo hæreticus est. Ita Sanchez n. 19. cum aliis ibi citatis: ego exemplum assigno pro Minoritis & Patribus Dominicis, non ut damnem, sed ut moneam, ut caueant in defendenda Deipara ab originali, ne suæ opinioni prædicto modo adhæreant, sed semper prompti sint animo, ut futuræ Ecclesie definitioni libentissimè conformentur. Est etiam hæreticus, qui falsò putans aliquid definitum esse ab Ecclesia (cum à parte rei non sit) nihilominus sentit contra illud quod putat ab Ecclesia definitum. Probat eadem ratio, quia iste in animo pertinax est, Ecclesie non acquiescit.

9 Negans hanc propositionem: *Christus est resubstanti-*

quæ deducitur ex vna propositione de fide, *Christus est homo*: & ex alia clara in lumine naturali: *Omnis homo est risibilis*. Negans, inquam, illam ex ambabus deductam, videlicet, *Christus est risibilis*, præsumitur formaliter hæreticus in foro externo. Corduba in qq. lib. 1. q. 17. §. 7. dub. 3. notab. 3. Ratio est, quia licet ista propositio, *Christus est risibilis*, non sit de fide immediate: illam negans censetur illam negare, non quatenus deducitur ab illa nota lumine naturali, *Homo est risibilis* (hoc enim nemo negat) sed censetur illam negare prout deducitur ab illa de fide, *Christus est homo*. Et per hoc regulabis alias propositiones deductas ex naturali consequentia ex propositionibus formaliter de fide.

10 Nullus hæreticus, vel apostata incurrit pœnas impositas hæreticis, nisi suam hæresim foris ostendat verbo aliquo, facto, vel signo. Quamvis enim hæc peccata solo animo consummentur, tamen Ecclesia non punit externis pœnis delicta occulta. Est communis Doctorum, de qua nemo dubitat. Vnde fit vt hæreticus purè mentalis possit absolui à quocunque Confessore, stando solum in Bulla Cœnæ, quæ solos externos hæreticos excommunicat. Dixi, *stando in Bulla Cœnæ*. quia si aliquis Episcopus hæresim solum mentalem in sua Diœcesi reseruaret (vt potest secundum Doctores, & fit in aliquibus Diœcesibus) tunc non posset absoluerè quiuvis Confessor illius Episcopatu, sed habens ad id licentiam. Sed circa talem casum notat Sanchez *cit. lib. 2. Decalog. cap. 8. n. 8.* inprimis reservationem talis hæresis mentalis non esse propriè pœnam Ecclesiæ: sed solum esse negationem absolutionis, & ademptionem iurisdictionis. Secundò notat, quòd si in aliquo Episcopatu talis hæresis mentalis reseruatur, se credere, non reseruari hæresim purè internam, nisi clavis, & expressis verbis in reservatione declaretur talia peccata purè interna reseruari. Nam, vt ait, alienum est à prudenti Ecclesiæ regimine talia peccata reseruari, ac proinde talis reservatio præsumenda non est, nisi clavis verbis exprimatur. Dato autem quòd hæreticus suam hæresim internam foris explicauit verbo, signo, scripto,

aut

aut factum, statim incurrit pœnas omnes hæreticorum quantumcumque illud signum externum verbum, aut scriptum, oeculta sint, & à nemine sciantur, nec possint probari; id enim per accidens est, iam enim hæresis est externa. Ita Corduba *qq libr. 1. g. 36. opinione 3. vers. confirmatur secundò. Nau. in sum. cap. 27. n. 56. & omnes communiter.*

11 Triplex tamen conditio requiritur ut verbum, vel factum, vel signum externum dicantur confirmare hæresim internam, & facere illam externam. Prima est, ut verbum illud, siue scriptum, vel signum externum manifestet sufficienter hæresim internam, ut si aliquis adesset, posset illam percipere, vel ratione temporis, vel ratione circumstantiarum. Si enim hoc signo, verbo, vel modo non manifestat hæresim, adhuc dicitur purè interna. Ita Henriquez *libr. 6. de Pœnitent. cap. 14. num. 6. Sà Aphorif. ver. Excommunic in Bulla Cœna num 3. & est ferè communis.* Vnde si quis apud se tantum legens librum hæreticum circa rem, de qua vacillabat in fide, assentiens intus alicui errori, exterius palma percutiat mensam, genu, vel quid simile, volens dicere per illud signum externum, ita est: talis manifestatio non facit suam hæresim verè externam, & capacem pœnarum censuræ, &c. Quia talis percussio de se non manifestat illam hæresim: & sic de similibus exemplis: nisi fortè quis, si adesset, ex circumstantiis personæ sciret, se per illud signum tale quid velle exprimere. Secunda conditio est, ut actus ille externus, seu signum externum sit de se opus malum, & mortale, non solum ex relatione ad talem actum internum, sed ex se, & ex quantitate operis mali: nam cum Ecclesia non excommunicet, nisi actum externum, oportet ut iste sit malus, & mortalis exterius. Ita Henr. & Sà. Tertia conditio est, ut actus ille externus sit hæresis confessio, Vnde sequitur non esse hæreticum externum, qui manifestat hæresim per actus externos indifferentes, ut si hæresi internæ assentiens percutiat femur sicut suprà diximus, vel similem actum indifferentem efficiat, aut verbo pronuntiet: quod de se non est magis significativum
verbi

verè, quàm falsi; quia tunc ille actus externus malus licet sit malus ex malitia obiecti externi, quod obiectum externum solum damnat Ecclesia coniunctum cum actu interno. Ita Sanchez *cir. c. 8. n. 8.* Vbi ponit ex Petro Ledefina curiosum exemplum videlicet; aliquis intra se tantum hæreticè credidit, Christum Dominum non esse verum hominem. Iste ad confirmandum suum errorem, exterius coram aliquo, hæc solum verba pronunciauit: *Verè non est homo.* Hic taliter proferens non est hæreticus externus incurrens pœnas; quia ista proxima verba non plenè, neque planè explicant suam hæresim mentalem.

12 Colligitur ex supradictis non esse hæreticum externum, qui suam hæresim mentalem scribit litteris, vel notulis, quæ vulgo, *Cifra*, vocantur, quæ vi plurimum non intelliguntur à vulgo, sed soli scribenti inserviunt: quia adhuc sua hæresis mentalis occulta est, cum à nullo per illas cifras intelligatur. Huius verò occasione, quomodo se possit defendere in foro externo ille apud quem reperta sunt scripta hæretica: vide optimè Nauarr. *libr. 5. Consil. titul. de Hæreticis consil. 17.* cuius doctrina poterit etiam inservire ad defensionem aliarum scripturarum falsarum, maxime quando illas retinens illis non est usus.

13 Hæreticus mentalis si exeat in blasphemiam externam non hæreticalem, non erit hæreticus externus: scilicet si talis blasphemia sit hæreticalis. Exemplum. Si credens Deum esse tristitiz capacem, aut non esse potentem, proferat hanc blasphemiam, pœniteat Deum; vel non sit potestas Dei: hæc enim verba externa nullam hæresim important, nec proinde internam hæresim particularem de se confirmant, neque hæresis præsumptionem inducunt.

14 Si verò quis credens pueros rebaptizandos exterius rebaptizaret, quia per id suum errorem mentalem explicat, & per opus externum, præsumitur hæreticus. At non esset hæreticus externus, qui credens intus fornicationem esse licitam, fornicaretur exterius;

rius: quia fornicatio de se non est signum hæresis mentalis, neque quisquam ex illa concipit suspicionem hæresis.

15 Proditur etiam hæresis mentalis aliquando, & fit externa, non solum per opus externum factum, sed etiam ex omissione alicuius operis debiti. Vt si quis non credens mysterium Eucharistiae, omitteret genu flectere coram illa: Vel numquam templum ingrederetur, & sic de cæteris operibus, quæ vel ex natura sua, vel ratione temporum, vel hæresum tunc vigentium internum errorem ostendunt ex omissione talium operum.

16 Si quis putans erroneè licere in Quadragesima edere carnes, exterius manducet tantillum carnis in paruitate materiæ, licet talis actus externus sit pro tunc manifestariuus erroris interni: nihilominus non erit hæreticus externus ad incurrendas pœnas, quia illa comestio externa fuit venialis, & parua materia. Diximus autem suprà Ecclesiam non excommunicare opus internum, nisi opus externum illi respondens, sit de se quantitas grauis & mortalis. Sanchez *cit. cap. 8.*

n. 17.

17 Si quis per iocum, vel ignorantiam dicat se olim credidisse aliquid contra fidem (quod modò non credit) non est hæreticus externus, quia non manifestat hæresim præsentem, sed præteritam, quam iam non habet. Sicut contra, si quis dicat exterius se habere propositum incidendi in hæresim, quod propositum re vera habet: non est hæreticus externus, quia illa verba non declarant hæresim præsentem internam, sed propositum futuræ. Sanchez n. 22.

DE COMMUNICATIONE

cum hæreticis externis.

18 **E**ST communis sententia, quòd quantumcunque hæreticus sit externus, & notorius, non obligamur illi vitare in cõmunicatione, donec declaretur

declaretur ab Ecclesia nominatim. Ita præcipue Suarez *tom. 3. in 3. part. q. 65. art. 4. disp. 18. sect. 12.* & Azor *tom. 1. lib. 8. cap. 13. q. 7.* Vbi vides grauius punire Ecclesiam quoad hoc, notorium clerici percussorem, quam hæreticum notorium. Nam illum ante declarationem punit ne communicet cum fidelibus, idemque prohibet fidelibus: at non prohibet communicare cum notorio hæretico ante declarationem: idque colligunt Doctores ex Concilio Constantiensi. Ipse tamen excommunicatus nondum declaratus tenetur non communicare, quia Concilium Constantiense in hoc noluit fauere excommunicatis, sed fidelibus non excommunicatis.

19 Catholici in Anglia, vel Germania, cæterisque locis conuersantes cum cæteris Lutheranis, & aliis hæreticis nec peccant venialiter. Est eadem ratio supra posita, quia licet sint hæretici notorii, non tamen sunt nominatim declarati. Ita Nauarr. *lib. 5. consil. tit. de hæreticis in 1. edit. consil. 15. & consil. 16.* & alij. Hinc colliges licere Catholicis in illis locis simul cum hæreticis non denunciatis, orare, & Missæ interesse, & hæreticorum funus comitari, & ad sepulturam deducere. Nam cum non sint denunciati, nemo tenetur eos vitare, & sicut licitum est cum viuo communicare, ita & cum mortuo ad sepulturam licet. Hoc tamen triplicem habet limitationem. Prima est, vt hoc non fiat animo fauendi hæretico quatenus hæreticus est: tunc enim erit fautor hæreticorum. Secus si faciat amicitia, vel alterius obligationis gratia. Secunda est, vt hoc fiat absque scandalo aliorum fidelium. Tertia, vt hæreticus non deducatur ad sepulturam in loco sacro: tunc enim peccabit comitando funus prohibitum ab Ecclesia prohibente hæreticum sepeliri in loco sacro, *cap. 1. de hæreticis in 6.* Huius tertij docti occasione noto quod si hæreticus notorius sepeliatur in Anglia, verbi gratia, in illis templis hæreticorum quæ denuò sunt ædificata sine auctoritate veri Episcopi, tunc dicentur sepeliri in loco prophano, & non sacro: illa enim templa non sunt loca sacra. Si verò illa templa sunt antiqua, fundata auctoritate

thoritate veri, & Catholici Episcopi, etiam si hodie ab hæreticis prophanata sint, dicitur tunc hæreticus sepeliri in loco sacro, quia re vera illa Ecclesia est locus sacer, licet aliàs sit prophanatus cæremoniis hæreticilibus.

20 Omnia supradicta quæ licent Catholico circa hæreticum notorium in Anglia, & cæteris locis hæresi infectis, licent etiam in terris Catholicis, verbi gratia, Olyssipone, &c. ubi hæretici notorii permittuntur degere gratia negotiationis. Est enim utrobique eadem ratio: quod intellige nisi tales hæretici in terris fidelium agentes nominatim declarati sint.

21 Religiosi & cæteri fideles qui in terris hæreticorum adeunt illorum templa, eorumque ritibus interfunt, non peccant quidem eo quod participent cum excommunicatis: nam tales nominatim non sunt denunciati. At peccare poterunt ob rationes sequentes. Prima est: Si dant scandalum cæteris fidelibus. Secunda, si ibi communicant in aliqua cæremonia hæretica, ut si ibi comedunt panem ab illis benedictum, vel recipiunt illum. Tertia, si adest ibi periculum propriæ peruersionis. At tamen Sanchez 2. Decalog. cap. n. 19. & 27. quod Catholicus si illa tria desint, & non vadit ad illorum templa tempore quo hæretici vocantur ad illas cæremônias signo publico ad profitendam suam sectam, sed vadit alio tempore, maxime ut notet, & irrideat illas falsitates, tunc non peccabit. Et hoc dicit locum habere si tunc non virgeat necessitas confitendæ fidei Catholicæ: si enim virgeat, nihil horum poterit efficere.

22 In locis, ac terris hæreticorum licitum est catholico fidei recipere sacramenta à suo parochio, vel Episcopo hæreticis notoriis, si tamen parochus est verus Sacerdos, & Episcopus verus Episcopus. Probat eadem ratione, quia non sunt nominatim declarati. Dixi si sunt verus Sacerdos, &c. quia Sacerdos factus à Lutheranis, vel Episcopus illorum, non sunt verus Sacerdos, nec Episcopus extra veram Ecclesiam, & proinde nullum verum Sacramentum possunt conficere,

vel ministrare, excepto Baptismo si baptizent cum intentione Ecclesiæ. Ita Nauarr. *citat. consil. 15. numero 2.* Quod explicari posse ab illis peti Sacramenta, dummodo non sit periculum peruersionis propriæ, vel scandalum cæterorum fidelium. Adde quod peccabit etiam fidelis in petitione Sacramenti ab illo quem scit non posse ministrare illud absque peccato, idque tunc maxime quando non adest extrema necessitas talis Sacramenti. Vide Suarez *tom. 3. 3. part. quest. 65. art. 4. disp. 18. sect. 1. notab. 3.* exemplum dedit sanctus Hermingildus, qui adueniente obligatione communicandi in Paschate Eucharistiam noluit recipere ab Episcopo hæretico: non enim erat tunc extrema necessitas. At si daretur extrema necessitas confitendi peccata ut in articulo mortis, neque esset copia alterius puto non peccaturum fidelem petentem hoc Sacramentum Confessionis ab hæretico notorio vero Sacerdote, si speraret tale Sacramentum rite ab illo fore ministrandum. Secus si hoc de illo non speraret.

23. Ex dictis colligitur hæreticum sacerdotem notoriam vel excommunicatum occultum non amittere iurisdictionem, quam habebat ad ministranda Sacramenta antequam nominatim denunciaretur, tenet Sanchez *2. Decalog. c. 9. n. 10. contra Azor.*

24. Vltimò colligitur licitum esse in terris hæreticorum filios illorum admittere ad scholas publicas catholicorum. Item licere esse compatrem hæretici leuando filium eius de fonte Baptismi, dummodo Baptismus conferatur ritu catholico, non autem hæretico modo, probatur, quia supponitur tales hæreticos non esse declaratos, nec proinde ex obligatione vitandos.

25. Paulus III. concessit Minoritis degentibus in Austria, & Bohemia, ut possint quoscumque Lutheranos ad poenitentiam recipere, eosque absolueri iniuncta illis debita poenitentia, eosque ad Ecclesiæ unitatem restituere. Quæ concessio per communicationem privilegiū debet extendi ad omnes Religiosos viuentes in aliis terris infidelium. Habetur concessio in Bullar. Rodriguez *fol. 810. col. 1. num. 6.* Neque ista concessio

cessio

cessio pro illis regionibus censeri debet reuocata per Bullam Cœnæ prohibentem ne quis absoluat ab hæresi: talis enim concessio pro terris hæreticorum nunquam censetur reuocata per Bullam Cœnæ: Tenet expressè pater Sosa *in explicatione Bullæ Cœnæ disp. 100. num. 2.* de illis particularibus Religiosis qui à Papa mittuntur ad prædicandum hæreticis cum potestate illos absolueri, quam licentiam dicit non reuocari per Bullam Cœnæ; aliàs daretur grandis confusio, & magnum inconueniens: quod idem militare videtur in supra dicta concessione circa Minoritas degentes in terris hæreticorum.

26 Neque per Bullam Cruciatæ, neque per Iubilæum conceditur facultas absolueri ab hæresi nisi exprimat. Sanchez 2. *Decalog c. 12. num. 10.* & Rodriguez *Addit. ad Bullam Cruciatæ §. 9. numero 66.* affert Motum proprium Gregor. XIII. pro hoc intento. Et tenent multi citati à Sanchez *cit. num.* Tota præcipua ratio est, illa regula generalis *de regulis iuris in 6.* Quòd scilicet in concessione generali non includuntur illa, quæ Princeps specialiter rogatus denegaret. At Papa, si rogaretur de hac re, responderet se non concedere in Iubilæo facultatem absolueri ab hæresi propter pericula inde secuta.

HOMICIDIUM.

Quoniam inter casus reseruatos, vel reseruabiles ex decreto Clem. VIII. decimus est occisio seu vulneratio cuiusvis personæ: quia item religiosi habent multas concessionem, ut cum illis dispensetur in irregularitate, talis, vel talis homicidij contracta ante, vel post ingressum Ordinis; & aliàs difficile est in praxi noscere qualitates talis, vel talis homicidij, necessarium duxi per summam breuem tradere quot sint species homicidij, & quando per illas contrahatur irregu-

laritas: non intendens tractare materiam homicidii
solum dare notitiam Regularibus pro cognoscendo
regularitate ex illis secuta.

I Quinque ergo possunt distingui species homicidii.
Prima, & peior est homicidium voluntarium
quam incurritur irregularitas, in qua Papa fert
quam dispensat. Secunda est homicidii casuale
quo frequentius dispensatur cum irregularitate
secuta. Tertia est homicidium factum in defensionem
propriam vite, vel bonorum, quæ si sit inculpatum
que est peccatum, neque incurrit irregularitatem.
Quarta est homicidii iusti imperari à Rege; vel
per iustam sententiam. Et hæc iussio non est
peccatum, sed incurrit irregularitatem. Quinta esse potest
homicidio factum in bello iusto, vel iniusto. De
sic breuiter.

DE HOMICIDIO VOLUNTARIO, & mutilatione.

Igitur homicidium voluntarium est illud
quod iniuste occiditur homo præcedente
luntate, & proposito occidendi. Etenim ante
nem triplex voluntas, seu propositum, potest
niri in occisore. Prima est, si expressè propositum
cidere. Et de hac constat clarè causare homicidium
voluntarium, & proinde irregularitatem secuta
homicidii. Secunda voluntas potest præcedere
ta non occidendi, sed directæ vulnerandi, absque
re lethali. Tertia erit indefinita, videlicet per
vulnerandi, vel in communi se vindicandi. Illud
tantum dicendum est hoc loco ad inducendam
laritatem, esse homicidium voluntarium, quod
proposito occidendi. Si enim clarè præcedat
definita non occidendi, iam erit inuoluntarium.
ter. Si verò præcedat voluntas indefinita solu
tiendi, aut vulnerandi non lethaliter, & nihil

sequatur homicidium, iam erit præter voluntatem, & non intentum voluntate directa in homicidium: tale enim euenit præter voluntalem. Quod intelligendum est in foro interno conscientie: Nam in foro externo præsumendum est esse voluntarium, vt tenet Anton. Gomez tom. 3. *Variar. cap. 3. num. 15 & seqq.* In hoc enim foro in dubio semper præsumitur contra occisorem, quod colligendum est à Iudice ex coniecturis delicti, loco scilicet, modo occisionis, instrumento, & cæteris.

3 Aliquando etiam in foro conscientie pro impetranda dispensatione oportet considerare, & exprimere prædictas circumstantias occisionis: maxime quando occidens nescit explicare suam intentionem, sed solum dicit habuisse animum percutiendi non expresse includendo occisionem, neque etiam excludendo, aut limitando: tunc enim circumstantie sunt considerandæ, nam ex illis pendet cognitio causæ, & irregularitatis. Si enim circumstantia ita sit efficax, & proxima vt ex illa applicata moraliter loquendo mors sequi soleat, erit voluntarium. Vt si quis vtens sclopeto, dicat se nescire an habuerit intentionem occidendi ex circumstantia talis instrumenti, credendum est etiam in foro conscientie fuisse voluntarium: quia moraliter loquendo ex tali modo percutiendi sequitur mors. Et sic de cæteris circumstantiis. Secus si cum leui baculo percutiat, & mors sequatur, tunc enim non præsumetur voluntarium. Et pro hoc regula clarior, & generalior esse poterit, quod scilicet quando percutiens vult, & intendit causam ex qua certo moraliter sequitur homicidium, tunc erit voluntarium, qui enim vult causam potentem scilicet, & efficacem, etiam vult effectum inde secutum, licet de tali effectu non cogitauerit. Vt qui vult dare potionem venenosam, vult mortem inferre, & ita sentit Couarr. *relect. de homicidio part. 1.* & alij: Vnde colliges, quod si causa prius volita de ordinario nunquam est causa homicidij, tunc illud inde secutum non erit voluntarium. Colliges secundò quod poterit aliquando homicidium esse voluntarium, licet expresse non intendatur

in se; dummodo intendatur causa quæ per se semper est causa homicidii, vt propinatio veneni, sclopeti, & similes æqualiter efficaces homicidii. Ad eum scilicet modum quo vellens applicare ignem segeti, vult illam comburere. Pari modo volens percutere ensẽ absolute, in quacunque parte corporis, & quomodo potest; taliter percutiens secuto effectũ, erit homicida voluntarius: quia hoc modo percutere, moraliter loquendo est velle causam, vt plurimum efficacem homicidii, & proinde velle homicidium.

4 Addit tamen Suarez ad proximè dictum, in tom. de censur. disp. 64. sect. 1. numero 4. quod si vtens ensẽ, vel simili graui instrumento directè procuret non ferire lethalter, vel in parte corporis vnde mors sequi possit, & nihilominus inde mors sequatur, non erit dicendus homicida voluntarius, quia mortem non intendit, sed contra voluntatem euenit. Et hoc intellige in foro conscientię pro irregularitate talis homicidii: erit enim tunc saltem casuale, & illius irregularitas mitior erit.

5 Vt ergo incurratur ista irregularitas homicidii voluntarii, necessaria est expressa, directã, ac spontanea voluntas occidendi: idque aut expressè volendo mortem: aut expressè volendo causam, vel actionem illam; quæ moraliter loquendo est causa efficax, & causa per se talis mortis, quod si duo prædicta non concurrant, homicidium non erit voluntarium, sed casuale, vel aliud de cæteris, vt dicemus. Dixi, *præquiri voluntatem spontaneam occidendi*, vt excludatur voluntas se defendendi, & pro iusta defensione velle occidere: tunc enim voluntas occidendi pro iusta defensione, non est voluntas spontanea occidendi, sed quasi coacta, & proinde non inducit irregularitatem, vt infrà dicemus. Et ex supra dictis satis poterit considerari quando homicidium dici debeat voluntarium, vel inuoluntarium, & casuale.

6 Ex mutilatione voluntaria alicuius membri, etiam sequitur irregularitas, diuersa tamen, & minor quàm irregularitas homicidii voluntarii; magis dispensabilis,

lilis, maxime si est occulta. Hæc ut capit. in Archiepiscopatu, de rapt. & Clem. unica de homic. ut vero cognoscatur an ista mutilatio membri sit voluntaria, considerandæ sunt eadem regulæ suprà positæ pro cognoscendo homicidio voluntario. Ad hanc tamen inutationem aliqua requiruntur. Primum, ut membrum humanum penitus abscindatur, vel omnino desinat esse in propria forma, nam si manus verb. gratia, solum lædatur, (vulgo, *Aleiada*) & inhabilis reddatur ad suum ministerium, maneat tamen integra, non erit mutilatio. Ita Panormit. in cap. 1. qui Clerici, vel vouentes, & Doctores communiter. Et Nauarr. in Summa, cap. 27. num. 206. & 219. Debilitatio enim membri non est mutilatio, & lex ista valde pœnalis est, & proinde restringenda,

7 Ad istam irregularitatem ex mutilatione non sufficit copiosa sanguinis effusio, si non sit mutilatio. Quamvis autem Martinus V. & alij pontifices concesserint Religiosis facultatem dispensandi in irregularitate orta ex homicidio, mutilatione, & enormi sanguinis effusione; ibi sanguinis effusio vel addita est ad tollendos scrupulos, vel sumenda est non per se sola, sed ut coniuncta cum abscissione membri. Neque item incurritur si pars aliqua carnis abscindatur à corpore, quia non est mutilatio.

8 Membrum propriè dictum est pars illa corporis humani, quæ est integrum, & proximum instrumentum alicuius actionis, ut manus, pes, oculus. Non verò tales sunt partes aliquæ alicuius membri, pertinentes scilicet ad ornatum, ut palpebræ, auris externa, & similes: dentes verò non sunt membrum, quia non sunt instrumentum integrum comestionis cum absque illis etiam comedi possit. Quamvis circa auris externæ abscissionem variant Doctores: alij enim dicunt esse mutilationem, quia per illam valde membrum deformatur & impeditur: ita Nauarr. cit. 27. num. 223. & inclinatur Suarez cit. disp. sect. 2. n. 8. Alij negant ut Cou. citatus, & Salzedo in pract. crim. c. 99. elige quod volueris. Ait tamen ibi Suarez abscissionem mamillæ in femina esse

mutilationem inducentem irregularitatem, quia est instrumentum proprium ad lac generandum: quod à fortiori dicendum est de abscissione genitalium in homine. Imò si aliquis mutilet se ipsum, eandem incurrit irregularitatem. Si verò membrum in corpore erat omnino aridum, iam non informatum anima rationali, abscissio illius non erit mutilatio. Secus si erat læsum, & anima rationali informatum, & valde debilitatum, tunc enim erit mutilatio. Qui verò oculum ita læsit, ut ex vi lèSIONIS arefcat, & exsiccet, quamvis partem oculi non abscindat, manet irregularis. Sylvest. *homicidium* 3. q. 3. & Angel. *homicidium* 5. n. 5.

9 Incurrunt etiam hanc irregularitatem homicidij voluntarij, personæ sequentes. Primò, in genere omnes concurrentes ad talem mortem etiam remotè, si quis concurrat sciens, & videns talem suam actionem operaturam ad mortem, ut qui parat venenum ab alio propinandum, & similes. Satis enim est quod præsciat, & applicet talem causam certam mortis, etià si remotè concurrat: iam enim mortem intendit in se, vel in causa efficaci. Idque verum est, etià si simul cum veneno applicaret alia via remedium impeditivum veneni, si enim etiam appposito illo remedio contra venenum, mors secuta fuit, manebit irregularis, quia tandem mortem voluntariè causavit. Ita Suarez *cit. disp. sect. 3. num. 5.* Idemque dicendum si post applicationem veneni, vel alterius causæ causantis mortem, aliquis pœniteat facti: quia illa pœnitentia non tollit irregularitatem futuram, sicut nec pœnitentia, imò neque absolutio sacramentalis tollit irregularitatem præteritam, ut *ibidem* tenet Suarez,

10 Incurrit etiam hanc irregularitatem mandans fieri homicidium, ut patet *ex cap. ultim. de homic. in 6.* & Doctoribus communiter. Si verò mandans fieri homicidium, reuocavit mandatum: & reuocatio mandati intimata est mandatario, & nihilominus mandarius inobediens hominem occidit, in tali casu mandans non incurrit irregularitatem. Est communis opinio Nauarr. *cit. cap. 27. num. 23.* & alij. Dixi, si reuoca-

rio

cio intimata fuit mandatario, quia aliàs nihil fit, & mandans incurrit. Quòd si intimata fuit, iam mandatarius operatur voluntate propria, non voluntate mandantis. Si verò mandatarius primò non acceptauit mandati executionem, & id mandanti innotuit, postea verò idem mandatarius acceptans mandatum, fecit homicidium inscio denuo ipso mandante, adhuc mandans est irregularis: quia homicidium factum fuit ex vi illius mandantis, & ipse mandatum non reuocauit: & hoc locum habet etiamsi ipse mandans postquam sciuit mandatarium non acceptasse, mutauerit voluntatem de occidendo homine. Nam hac mutatione non obstante homicidium factum est ex vi illius mandati ab ipso non reuocati cum intimatione reuocationis facta mandatario. Ita Maiolus *lib. 5. cap. 48. §. 2. num. 3.* citans Innoc. & Baldum.

11 Incurrit etiam hanc irregularitatem consulens homicidium *cap. perniciosè de pœnitent. dist. 1. & cap. si quis viduam.* & alibi sæpe, communis Doctorum. Pro huius verò intelligentia nota discrimen inter has personas videlicet, mandantem, consulentem, & petentem. Nam mandans sola voluntate mandat, & per solam voluntatem operatur. Consulens verò plura adhibet, nam proponit rationes ob quas id conueniat: petens verò adhibet solas preces. Auxillans verò dicitur qui concurrit adhibendo aliquod seruitium, vel ministerium. Et hæc nimis inserviunt ad cognoscendum quis sit consulens, vel mandans in homicidio.

12 Vt ergo quis verè dicatur consulens homicidium, primò requiritur, vt homicidium fiat ex vi sui consilij. Si enim is cui consilium dedit, re vera non moueatur ex vi talis consilij, sed ex alio effectu, vel ex alia ratione, talis consulens non incurrit. Quæstio verò est: si consulens homicidium retractauit illud consilium, intimans illi cui dederat illud, suadensque vt illo non utatur: & tamen id assequi non potuit. Vtrum, inquam, si hac dissuasiōe non obstante sequatur homicidium, talis olim consulens incurrat irregularitatem? Nauarr. *citato loco* tenet sufficere illam retractationem vt cau-

dat irregularitatem, sicut in mandante sufficit
 tio mandati intimata mandatario: Maiolus ca
 sentit idem quod Nauar. sed addit teneri hunc
 lentem monere occidendum, ut sibi caueat. Q
 nio tantorum Doctorum satis probabilis est
 rem adhibita monitione notata à Maiolo, cre
 sufficiet: quid enim ultra potest facere consulens
 enim mandans, eo quod sola voluntate manda
 cusatur ab irregularitate, solum retractando
 tem præteritam contentam in mandatorita eti
 le consulens, qui antea rationes adhibuit ad
 dum, modò retractans, adhibet rationes ad
 dendum, ut suppono. Et præterea monet
 dum, ut sibi caueat. Quid ergo ultra ab illo e
 potest? Etenim, si hoc non obstante, mors
 credendum est iam non sequi ex consilio dato
 praua malitia eius, qui ante consilium audiuit,
 diximus de mandatario occidente, & non obstar
 reuocatione mandati sibi intimata. Scio Suarez
 3. à n. 11 multa ad hoc congerere, & adducere,
 coincidunt cum dictis à duobus citatis Doc
 Imò ait *ibid.* Suarez n. 12. ad finem, limitationem
 ut scilicet consulens teneatur monere occidend
 nimis grauem, & proinde non imponendam
 magna consideratione, videlicet, si sciret consule
 is cui consuluit duræ certicis sit, & non desiste
 per tertiam personam saluo suo honore, poterit
 occidendum.

13 Sufficit ad incurrendam hanc irregularitatem
 tum homicidij datum solum indirectè: ut si q
 co iniuriato dicat, illum ex iniuria mansisse o
 iuxta legem politicam, & proinde oportere
 ctionem sumere, vel postulare, Est communis
 rum; *ver. Homicidium* vel *verb. Irregularitas*, ci
 N. n. 231. & aliis. Simile exemplum, & fortius
 amicus dicat amico iniuriam passo, vel domini
 lo: non ingrediaris domum meam, donec alio
 num facias, vel quid simile, & de hoc consilio
 dubitat sufficere. De consilio verò dato sub ver

in modo dictis aliqui dubitant, an sit sufficiens ad irregularitatem, sed tutius est credere quod sufficiat: nam prædictus modus proponendi clarè sonat consilium morale, & efficax ad vindictam maximè cum homines nimis moueantur ad recuperandum honorem proprium per iniuriam læsum.

14 Circa hoc tamen consilium homicidij indirectum nota quod si ira consulens indirectè, suo consilio directè intendit, vt mors sequeretur, & materia præsens moraliter postulabat mortem pro satisfactione taliter consulens incurrit irregularitatem homicidij voluntarij. Si verò materia non erat nimis grauis, nec pro satisfactione mortem requirens: neque ipse consulens mortem intendit, tunc secuto homicidio irregularitas ab illo contracta, non erit irregularitas homicidij voluntarij, sed casualis, iuxta dicta in præcedentibus, & insadicenda. Colligitur ex Armilla, *verb. Irregularitas, m. 15. & seq.*

15 Si fortè is qui recipit mandatum, vel consilium, executioni intendens, occisus est ab inimico valentior: tunc mandans, vel consulens non incurrit irregularitatem homicidij voluntarij, sed solum casualis. Pater prima pars, quia sic consulens non intendit omnino mortem illius cui dedit consilium: vel mandatum, & proinde inuoluntariè mors illius secuta est. Pater secundum, quia saltem exponens illum periculo mortis notabili, causa fuit talis homicidij, indirectè tamen & non voluntariè. Et ex his colligitur quid dicendum sit de consulente amicum vt offerat, vel acceptet duellum: si enim sic consulens intendit mortem, & illa sequatur illata ab eo cui consuluit, erit homicida voluntarius. Si verò occidatur ille cui consuluit, erit homicida casualis.

16 Incurrit etiam hanc irregularitatem homicidij voluntarij, ille qui consentit homicidio dum actu sit suo nomine, vel propter ipsum: nam iste consensus dum sit homicidium, est etiam tuo modo cooperatio ad illud. Si verò homicidium non sit propter me, nec meo nomine, & ego solum habeo partem in consensu
nihil

nihil cooperando, non incurro irregularitatem communis sententia, maxime Summittat. *verb. Homicidium*, vt autem quis euadat irregularitatem istam ex consensu, necessarium est vt exterius non sentiat, sed repugnet, & se alienum à tali morte dat. An verò is, qui audito homicidio nomine suo illud ratum habet, & consentit in illud iam factum currat irregularitatem? Multi & graues Doctores mant, vt Nau. c. 27. n. 233. citans alios. At non inuenit Suarez cum multis, *cit. sect. 3. n. 24.* quia iam iste nullo modo concurret ad homicidium, & illud iam factum sit. Et præterea quia in toto iure inuenitur posita talis irregularitas pro ratificatione homicidii factum suo nomine: & irregularitas grauissima non est imponenda alicui, nisi in iure à iure imposita. Verum quidem est, quòd si iste habens homicidium, ratificauit homicidium, & percussione Clerici factam suo nomine, tunc in excommunicationem latam in *c. si quis suadente* ibi excommunicatur ratam habens percussione Clerici factam suo nomine: non tamen illi imponitur irregularitas. Vide Vegam 2. p. *Sum. moralis, ver. irregularitas casu 3.* vbi citat Cou. & Armill. Imò addit Rez n. 29. quòd si quis manu propria occidat hominem inculpabiliter, & omnino ignorans: & postea scitum habeat homicidium, talis non incurrit irregularitatem, quia iam non incurrit ad homicidium, non fecerit culpabiliter, quidquid sit de sua penosa complacentia.

17 Cooperans ad homicidium etiam incurrit irregularitatem iuxta vim, & modum suæ cooperationis enim mortem intendat, vel adhibeat cooperationem se efficacem vt vulnerando lethaliter ad mortem erit irregularis homicida voluntarius. Si verò non cooperetur, iudicabitur de illo iuxta dicta inferioribus. Nota tamen quòd si solum assistit, vel tatur illum quem scit intendere mortem, & cum illo secuta morte, erit homicida irregularis ipse non voluerit: sola enim assistentia, & co-

cum tali scientia causat homicidium voluntarium. Et colligitur *ex cap. sicut dignum. de homicidio* : secus si iste cooperator sciat socium non intendere mortem : tunc enim erit solum homicida casualis morte secuta.

18 Ista irregularitas contracta ex homicidio voluntario non priuat homicidam ipso facto beneficiis iam obtentis : neque de se inhabilitat ad futura , vt probat lazè Suarez *disp. citata sect. 4.* de facultate verò dispensandi in hac irregularitate homicidij voluntarij facta Religiosis à Sede Apostolica dixi sufficienter suprà in *his Add. verb. Dispensare n. 9.* & in 1. editione eoderm *verb. Dispensatio , n. 8.*

DE HOMICIDIO CASUALI.

SI attendatur regulæ supra positæ pro cognoscendo homicidio voluntario , facile erit cognoscere homicidium casuale, quod scilicet casu fit , id est , præter voluntatem , & intentionem occidentis. Et inprimis quod irregularitas mitior contrahatur etiam ex isto homicidio , habetur *capit. significasti, l. 1. & cap. dilectus. de homicidio* , & est communis Doctorum.

19 Regula igitur generalis fit. Si quis non intendat mortem , neque applicet causam de se efficacem ad mortem , imò clarè illam non intendat , sed excludat , & tamen aliquid faciat , mandet , vel consulat vnde sequatur mors ; est homicida solum casualis. Probatur , quia mors inde secuta aduenit præter voluntatem ipsius , & proinde non est voluntaria , quia ad illam non habuit voluntatem directam , & spontaneam , nisi indirectam , quatenus apposuit causam remotam , & non efficacem de se ad homicidium. Vt si quis vulnerat non lethali-ter , nec mortem intendens , si verberet grauiter ; sed non lethali-ter , vel quid simile : inde tamen , vel ex mala complexione percussus , vel ex cæli influenza , vel alia causa simili , sequatur mors : erit irregularis sola irregularitate homicidij casualis. Dixi , *si causa de se non*

non sit efficax ad mortem, quia etiam si de se sit sufficiens ad mortem si ipse operans id ignoret inuincibiliter adhuc non erit homicida voluntarius, sed casualis, efficacia tamen causae adhibita an fuerit sufficienter, in conscientia iudicabit prudens Confessor. 19. autem externo iudex arbitrabitur attentis circumstantiis. Ad hoc verò intentum non oportet discere an operans intenderet rei licitae, vel illicitae: enim id ad rem facit: opus enim esse licitum, vel illicitum cui intenditur, non faciunt ad mutandam rem homicidij: sed sola voluntas directa in mortem, vel causam efficacem mortis: vel quod non intendens directè aliquid istorum.

20. Potest etiam fieri hoc homicidium casuale solum aliquid operando illicitè modo prædicto etiam per omissionem, omittendo scilicet aliquod opus cuius omissione mors sequatur: talis enim omisso cooperatur ad mortem, ut si quis obligatus ex officio ex iustitia teneatur obuiare morti, & non obuiat quid simile. Vide tamen infra *hoc verb. numer.*

21. Ex proposita verò regula homicidij casualis adducuntur exempla, & casus ponuntur à Doctoribus agnoscendo peccato, & irregularitate incursum casuale homicidio: accipe sequentia. Primum applicauit potionem quam nesciebat esse mortiferam vel simul cum illa applicauit pharmacum comendatum, & tamen mors secuta fuit. Secundò, si quis quem vinetum detineat nolens eum dimittere sciens periculum esse quòd ille ab alio percuteretur inde mors sequatur illata ab alio. Tertiò, si quis alicui, ut solum alium verberaret, vel leuiter verberaret limitans, & monens ne occidat: & mandatum cedens mandatum occidit. Benè tamen aduertendum tertio casu Suarez *disp. 45. eodem tom. sect. 2.* quòd si is qui iussit verberari iustè mandauit, & iustè verberare, ut faciunt Prælati Religionum ex tali verberatione moderata mors sequatur, Prælati irregularis, nisi interueniat excessus in ratione, vel alia notabilis negligentia, ut circa

mentum verberationis, vel quid simile. intelligitur erge illud tertium exemplum communiter de mandante verberare iniuste. Quartum sit de percutiente mulierem prægnantem, quæ ex percussione fecit abortum animatum: idque intelligendum de percussione solum graui, & potente causare abortum: secus, si fuit levis percussio, & insufficiens. Quinto de consulente alicui, vt sumat vindictam pro iniuria, etiam si moneat ne occidat: si enim vindicans se ob tale consilium, occiderit, erit consulens irregularis, quia indirectè causauit homicidium. Sexto, de cooperante remotè ad homicidium, vt si quis assistat, vel comiteretur occisorem quem scit nolle interficere alium, neque ipse comitans voluit occidere, & tamen mors secuta fuit: tunc enim talis concomitans erit irregularis inuoluntarius. Ad idem spectat, qui commodauit gladium, vel simile instrumentum ad rixam, vel pugnam, vnde mors fuit secuta, si non intendit occisionem, neque sciebat potentem velle occidere, sed solum velle rixari, & mors secuta fuit.

22 Si quis sciens Petrum resolutè velle occidere Paulum, consulat Petro ne occidat, & supposito quòd talem habet animum, solum vulneret; & Petrus vulnerans occidit Paulum non intendens occidere, tunc iste consulens non manet irregularis, imò neque peccauit: quia non concurrit ad homicidium, imò suadet ne fieret: & aliàs licitum est parato facere maius malum: suadere, vt faciat minus malum: hoc enim non est suadere malem, sed dissuadere maius malum, vt Doctores alibi docent.

23 Si plures rixantur cum alio sine proposito occidendi, sed ex repentina occasione, & modo ordinario, secuto inde homicidio omnes qui rixati sunt manent irregulares ob homicidium casuale, idque siue omnes vulnerent, siue vnus tantum vulneret. Suarez *disp. 45. cit. sect. 3. num. 9.* citans tex. & Bartol. & Syluestrum. Et probatur, quia omnes illi concurrunt ad illud homicidium moraliter, naturaliter, & proinde sufficienter ad irregularitatem inducendam ortam ex homicidio

homicidio casuali. Imò addit *ibid. n. 11.* hoc est etiam si vulnus inflictum vnum tantum sit, & cognoscatur author vulneris: quia etiam non vulnerantes concurrerunt ad homicidium rando, fauendo, & adiuvando authorem, qui eis animosior redditur. Secus si multis existens simul in vna domo, & vno tantum lapidem intente, vel scloperum, aliis autem nullo modo operantibus: tunc enim solus percussor esset iuris in foro conscientiae: nullus verò in foro talis computandus erit cum ignoretur verus illius. Si verò ex quatuor ibidem existentibus lapides, vel sclopetum mitterent, sine mutua coöne, idque facerent casu, & constaret inde occisum cum vno tantum vulnere, omnes absolverentur quia praestat non damnare nocentes, quam vnu nocentem condemnare. Et hinc valde notandum est, quod si tale malum sit ad hoc, illos cooperari socialiter vnum intentum cum animo occidendi, vel vulnificandi lapides proiicerent socialiter, & aliqui occiderentur, omnes manerent irregulares. Vide Henr. 2. *lib. 14. capit. 14. numero 3. in fine.*

24. Potest etiam incurri ista irregularitas ex causa pura ex qua sequitur homicidium ob culpam agentis. Primo si quis occulte arma alterius qui poterat defendere, & dare noluit. Secundo, interuenit obligatio de iustitia obuiandi homini in periculo, & omittitur actus debitus defensionis. Ita Nauarr. *num. 132.* citans multos alios. Exemplum sit de fratre non defendente dominum: de patre erga filium contra: de ministro iustitiae erga sibi subditum tenetur defendere cum potest: & est contra deum erga Superiores. Bene tamen duo ad haec nota. *disp. cit. sect. 4. n. 8.* Primum est, ut talis ommissio non debeat esse culpabilis: alias non indicet irregularitatem si non sit voluntaria, & culpabilis: unde si quis defendere quia non potest absque periculo vitiosus excusabitur. Secundum est, hanc irregularitatem omissione esse homicidij casualis, si fiat ex ne-

tia, neque omittens cogitet vel præsumat futurum homicidium. Nam si certò mortaliter timeat futurum homicidium ex sua omissione, vel ideo omittat quia intendit tale homicidium, talis irregularitas erit homicidij voluntarij, vt facile ex dictis colligi potest. Et per hæc iudicabis de mandante vel consulente alicui ne defendat alium instante periculo vitæ.

25 Si quis obligatus solùm ex charitate omittat succurrere alicui, & inde sequatur mors, non erit irregularis, quia non interuenit ibi obligatio iustitiæ: vt qui denegat eleemosynam indigenti. *Nauarr. cap. 27. numero 231.* sed quæris in speciali de illo qui inter Religiosos habet ex officio curam infirmorum (virgo *enfermeiro*) si iste omittat succurrere suo infirmo notabiliter, vt ex tali omissione moriatur; an maneat irregularis? Et videtur quòd sic, nam cùm teneatur ex officio, videtur obligari de iustitia. At responderi potest ex *Suarez tom. de censuris disp. 47. sect. 7. numero 3.* vbi ait quòd si isti qui habent curam infirmorum conuenientem providentiam adhibeant, nunquam incurrunt irregularitatem nisi interueniat culpabilis negligentia, ita vt periculum accelerationis fuerit præuisum, vel præuideri potuerit, & ex notabili negligentia omissum fuerit: sic ille. Prudentis ergo arbitrio relinquitur iudicandum si ibi interuenit notabilis negligentia, & fuerit præuisa: & an talis omissio mortem causauerit. In particulari verò notat *Henriq. tom. 2. lib. 14. cap. 15. num. 15.* quòd infirmarius bona fide versans infirmum ne angustietur, & molli lectum, & similia, non se debet irregularem reputare, nisi coniectura sit ex lata culpa mortem accelerasse.

26 Adhuc circa istam omissionem causantem hanc irregularitatem quando datur opera rei licitæ, sit pro regula: si adhibita fuit sufficiens diligentia ad vitandam mortem alterius, non incurritur. Si verò interueniat negligentia vitandi periculum, incurritur, quamuis aliàs opus sit licitum, & factum bona intentione. Est communis Doctorum, maximè *Nauarr. capit. 27. numero 290.* Quanta vero negligentia sufficiat ad hoc

(omittens tractatum de culpa leuissima, leui, & lata tunc negligentia.) In hoc casu inducet irregularitatem, cum tanta fuerit vt sit peccatum mortale. Si enim fuerit solum veniale, non inducet irregularitatem. Quando verò iudicanda sit talis, relinquitur arbitrio prudentis viri attendentis circumstantiis personæ, negotij, loci, temporis, & similibus. Sic colligitur ex Caiet. 2. 2. q. 64. art. 8. ob diuersitatem enim circumstantiarum poterit esse negligentia mortalis in vna persona: & in alia cum eisdem circumstantiis non erit talis. Si verò tantum interfit culpa venialis, non incurretur ista irregularitas. Ita Sor. 5. de iust. q. 1. art. 9. & alij. Et hoc intelligitur quando datur opera rei licitæ in qua propter opus licitum minor fortè diligentia sufficit propter bonam intentionem. 27 Si verò detur opera rei illicitæ, vel prohibitæ, quantumcunque adhibeatur diligentia pro vitando homicidio, si illud sequatur, non vitatur irregularitas. Est communis Doctorum D. Thom. 1. 2. quest. 73. artic. 8. Caietan. *ibidem*, Nauarr. numero 219. cap. 27. & aliorum. Ratio est, quia iura voluerunt punire tale homicidium propter solam malitiam actionis ex qua secutum est, etiam si specialis malitia non intercedat, neque indirecta voluntas homicidij. Quòd iura sic decreuerint, patet ex c. tua nos. de homicidio. Vbi declaratur irregularis Religiosus chirurgiam exercens, etiam si sit peritus & faciat causa pietatis. Qui proinde debuit adhibere omnem diligentiam: & declaratur irregularis si ex sua curatione secutum est homicidium, ex eo solum, quia exercuit artem sibi prohibitam, & proinde dabat operam rei prohibitæ, id est, sibi illicitæ, etiam si in curatione neque negligentia venialis interuenerit. Est autem hoc intelligendum cum limitatione, vt bene ait Suarez citata disp. 45. sect. 6 n. 9. videlicet quando opus cui intenditur est illicitum, seu prohibitum propter periculum proximum vt ex tali opere sequatur homicidium. Quale fuit exemplum proximè positum de Monacho chirurgo: in hac enim arte exercenda est periculum proximum homicidij. Si enim opus illicitum cui intendit non sit de se causa proxima homicidij, etiam si inde

inde sequatur mors, si tamen adsit diligentia sufficiens ad illam vitandam, vitabitur irregularitas. Exemplum sit de adultero, qui si temerè, absque diligentia, & cautela accessit ad uxorem alicuius, vnde resultauit, vt vir eius illam occideret, manet irregularis, quia non adhibuit debitam diligentiam vitandi homicidium. Si verò adhibuit sufficientem diligentiam, vt delictum celaretur, & nihilominus mors fœminæ secuta est, non incurrit irregularitatē: quia quamuis dedit operam rei illicitæ, & prohibitæ, videlicet adulterio, non est opus prohibitum tanquam occasio proxima homicidij, (vt est chirurgia) licet aliàs adulterium sit opus malum lege diuina prohibitum. Vnde ponit Nauar. aliud exemplum de Minorita equitante super mulo mansueto, ex quo casu calcitrante aliquis occisus est: & ait talem Minoritam non esse irregularem si aliàs adhibuit sufficientem diligentiam: quia licet daret operam rei sibi illicitæ per suam regulam de non equitando; equitatio tamen non est vt plurimum causa proxima homicidij, sicut chirurgia. Idem dic de venatore. Si sit clericus, cui prohibetur venatio: si enim casu hominem facta debita diligentia occidat intendens feram occidere, non erit irregularis, quia licet tale opus sibi sit prohibitum, non est prohibitum eo quod sit causa proxima homicidij, sed propter aliàs causas. Et in eodem casu venationis, sæcularis alias adhibita diligentia ne peccet mortaliter etiam vitabit irregularitatem, imò & peccatum.

28 Posse verò Prælatos regulares dispensare cum suis subditis in irregularitate contracta ex homicidio casuali, etiam si sit publicum, dixi olim in *prima editione ver. dispensare n. 9.* posse etiam Episcopum dispensare in illa cum suis subditis si sit occultum, tenet Suar. *tom. de censur. disp. 45. sect. 1. num. 2.* ait tamen id non posse si fuit publicum. Vbi vides maiorem in hoc facultatem, seu priuilegium habere regulares erga suos subditos: sicut etiam maius habent priuilegium circa irregularitatem homicidij voluntarij occulti quam dispensant quoad subditos, non verò Episcopi.

DE HOMICIDIO FACTO

ob defensionem viæ, &
bonorum,

29 **P**RIMO constat apud omnes occidentem alium pro defensione vitæ propriæ seruato moderamine inculpatæ tutelæ, neque peccare mortaliter, nec incurrere irregularitatem. Est adeò communis, vt probatione non egeat. Sufficit illud naturale principium, quòd vim vi repellere licet. Neque huic veritati repugnat Concil. Trid. sess. 14. cap. 7. de reformat. vbi supponit esse irregularem etiam illum, qui occidit alium in sui defensionem, & vim vi repellendo. Vt enim explicat Nauarr. consil. 36. de homicidio, Concilium ita loquitur, quia supponit non seruatum fuisse moderamen inculpatæ tutelæ. Nam iura cum audiunt, vel tractant, de verbo homicidij, supponunt, esse culpabile: & sic ibi Tridentin. supponit tale homicidium esse culpabile non seruata moderata tutela: si enim hæc seruetur, in rigore non est homicidium, sed defensio iusta, naturalis, inculpabilis. Si verò non seruetur moderamen inculpatæ tutelæ, tunc habet locum decretum Concilij, quia tunc vocatur homicidium culpabile. Habetur doctrina suprà dicta etiam in Clement. si furiosus. de homicidio. Quæ verò conditiones necessariò seruandæ sint, vt defensio dicatur fieri cum moderamine inculpatæ tutelæ, sic accipe ex Doctoribus communiter.

30 Prima est, vt si possit fugere aggressorem, fugiat. Limitant omnes non teneri fugere virum nobilem, & robustum, maximè ab homine inferiori, quando talis fuga sibi danda est opprobrio. Nam quod fieri non potest sine magno dedecore non obligat in lege etiam naturali: ac proinde cum ibi non adsit culpa mortalis non incurretur irregularitas. Secunda est, vt
qui

qui occidit ; sit aggressus ab alio, & non aggressor. Si enim esset aggressor, non diceretur defensio, sed aggressio. Non tamen semper necesse est ut quis expectet ictum, seu impetum alterius : aliquando enim poterit præuenire istum ; ut si quis desperet se posse resistere inimico propinquius accedenti, ut tenet Nauarr. *consil. 32. de homicid.* quia tunc illa præuentio non est aggressio, sed pura defensio. Imò ait Henriquez *lib. 14. tom. 2. op. 10. num. 2.* posse tunc aggressum voluntariè, ac directè eligere occisionem aggressoris, si videt aliter non posse propriam vitam tueri, pro quo citat Sot. Victo. & multos alios: talis enim tunc voluntas non facit homicidium voluntarium, quia non est spontanea, ut suprà diximus, sed quasi coacta. Tertia conditio est, ut pro defensione inferat minorem læsionem aggressori quæ possit inferri. Ut si possit se defendere solum vulnerando, vel solum mutilando & sic de cæteris, non occidat : nec faciat maius malum quandiu poterit se defendere cum minori malo illato.

31 Quarta conditio, ad quam ferè redigi possunt aliæ, est, ut non se defendat cum tali excessu, qui faciat grauem culpam ita ut talis culpa potius videatur aggressoris, quàm aggressi : vnde si aggressorem iam fugientem insequatur : erit excessus, & culpa grauis. Vnde colliges quod si excessus fuit cum culpa mortali, incurreretur irregularitas homicidii casualis tantum. Si verò excessus defensionis fuit tantum cum culpa veniali, nullo modo irregularitas contrahetur. Ita innuit Henriquez *citato numer. 3.* & exprimit Suarez *disputatione 46. sect. 1. num. 9.* aliàs esset hæc irregularitas inenitabilis, quia excessus venialis in tali defensione moraliter loquendo est inenitabilis, & pro omnibus homicidiis regula generalis sit quòd causa homicidii si sit causa venialis tantum excusat ab irregularitate.

32 Si quis prius iniuriatus, post transactam iniuriam, interuallo morali, aggrediatur iniuriantem, & occidat : erit irregularis, quia illud iam non est defendere, sed vindicare. Quid, si adulter inuentus cum vxore alterius, & videns verum vxoris intrantem, illum virum

adulter occidat in sui defensionem : Duplex est opinio ; prima dicit non incurrere, quia illa censetur moderata, & iusta defensio : ita Syluest. *homicidium* 3. *quest.* 4 & alij, tenet etiam Henriquez *tom.* 2. *libr.* 14. *capit.* 10. *num.* 3. Secunda opinio dicit illum incurrere, quæ est Nauarr. *consil.* 2. *§* 33. *de homicidio*. Et in hanc inclinatur Suarez *citata sect.* 1. *num.* 11. probatur hæc, quia in hoc casu adulter prius iniuriam intulit marito, in adulterio : Et proinde mortaliter prius inchoauit iniuriam, & sic manet aggressor, & non aggressus. At iam suprà diximus aggressorem in hoc homicidio non liberari ab irregularitate. Secundò, quia leges ciuiles licet non puniant pœna ordinaria aggressum occidentem : puniunt tamen pœna arbitraria quando ille occasionem dedit : quod militat in hoc casu. Vide Iulium Clarum in *prætic. Crimin.* §. *homicidium.* à *numer.* 30. *§* in *Additionibus paruis eiusdem*. Vtraque opinio est probabilis : & in re tam difficili, ubi nec radius rationis fulget, nec ratio verba gubernat, potest quis vtramque vel quam maluerit sequi : Addit tamen Suarez *ibidem numer.* 12. quòd si adulter potest fugere absque periculo proprio, & absque læsione mariti, tenetur id facere, aliàs secundum vtramque opinionem fiet irregularis, vt patere potest ex dictis. Imò addit quod licet ex fuga resultet illius infamia, tenetur fugere, eo quòd ipse prius intulit iniuriam.


33 Neque illam incurrit qui occidit alium pro defensione bonorum temporalium, vel honoris proprii, quando aliter ista non potest defendere nisi occidendo : si enim possit absque morte, incurreret. Tenet Covarr. in *Clementina unica de homicidio* 3. *p* in *fine*, *Castr.* *libr.* 2. *de lege pœnali cap.* 14. & est de mente Soti *lib.* 5. *de iust. artic.* 8. & aliorum. Et ratio est quia tunc hoc homicidium est inculpabile. Et bona externa sunt valde necessaria ad vitam ; eadem ratio est de honore. Vnde in iure ciuili bona temporalia ferè æquiparantur vitæ. Argumento *legis aduocati in fine Cod. de aduocatis diuerserum iudicum*. Et videri potest Iulius Clarus *verb. homicidium. numer.* 25. Et hoc locum habet etiam

in

in Clericis, & Monachis pro defensione suorum bonorum, si fiat inculpate. Neque oppositum decernitur in *cap. suscepimus. de homicidio*, ut bene illud explicat Couatr. supra citatus num. 6. cum aliis quos refert.

34 Neque item irregularis est occidens alium pro defensione vitæ proximi, vel bonorum ipsius temporalium, si defensio sit inculpabilis carens peccato mortali. Est eorundem Doctorum: licitum est enim; immo obligatorium innocentem defendere à morte, in aliquibus casibus: cumque bona temporalia illius æquiparentur vitæ illius, ut supra diximus, sequitur inculpabile tunc esse tale homicidium, & proinde non causare irregularitatem. Et hoc locum habebit maxime, ac præcipue quando in tali casu homicidium non solum fit licite, sed etiam ex obligatione. Et probatur adhuc, quia occidens clericum in defensionem iustam proximi, non incurrit excommunicationis sententiam, ergo neque occidens aliquem pro defensione proximi incurrit irregularitatem.

DE IRREGULARITATE CONTRACTA à iudice damnante ad mortem vel similibus.

35  Communis sententia est iudicem ferentem sententiam in causa sanguinis secuto effectu, manere irregularem: quamvis enim iudex non peccet in ferenda tali sententia si iuste iudicat: inducitur tamen ista irregularitas ex iure ob defectum leuitatis. Idem intellige de sententia mutilationis, ut si iudex iussit amputare manum. Idem fiet si ex præcepto iudicis ita duro carcere, & inedia reus maceretur, ut ea de causa moriatur. Si verò iudex tulit sententiam mortis, vel mutilationis: & tamen effectus est impeditus quacumque ex causa, non fiet irregularis.

36 *Quæritur*: iudex inferior tulit sententiam mortis;

fuit appellatum ab eius sententia: delata ad superiorem, confirmata fuit à superiore, & mors secuta: An iudex inferior incurrat? Et videtur quod non, quia illius sententia non est sortita effectum, sed sola sententia Superioris: ac proinde iudex inferior non videtur occidere. At mihi videtur incurrite, quia confirmata sententia inferioris, eadem sententia inferioris videtur permanere, & sortiri effectum,

37 Princeps, vel Superior delegans alicui, vel aliquibus iurisdictionem ad executionem iustitiæ, per talem solam delegationem in communi non incurrit irregularitatem, etiam si delegatus condemnet ad mortem. Secus si in delegatione exprimeret, ut damnavit ad mortem. Habetur ex *c. ultimo ne clerici, vel Monachi, num. 6.*

38 Eandem incurrit accusator, & advocatus, notarius in causa sanguinis effectum secuto. Excipitur clericus qui sua bona petens in iudicio facit solitam protestationem se nolle effusionem sanguinis; sed restitutionem suorum bonorum. Tunc enim non erit irregularis. Incurrit similiter testis in causa sanguinis effectum secuto. Excipere testem deponentem coram Inquisitoribus in causa fidei, cuius testimonio reus postea traditus est brachio sæculari, & combustus. Talis enim testis non est irregularis, quemadmodum, neque Inquisitores ferentes sententiam declaratoriam hæresis, cumque tradentes sæculari potestati, illam incurrunt, sed ab illa sunt immunes, ut est communis sententia. Alia omitto ad hæc pertinentia, quia ut dixi non profiteor nisi compendium, & solum intendo dare notitiam religiosis in communi. Et hæc aliàs apud Summistas obuia sunt. Vide inter alios Henriquez *tom. 2. lib. 14. toto cap. 12.* posse autem Prælatos regulares dispensare cum subditis in istis omnibus patet ex dictis in prima editione verbis, *dispensare.*

D E I R R E G V L A R I T A T E

*militum in bello iusto,
vel iniusto.*

Quia solent aliquando recipi ad habitum Religionis illi qui olim in bello fuerunt milites: Et præterea Religiosi aliquando in bello hortantur milites, ut pugnent, ut sciatur quomodo ibi contrahatur irregularitas, & quomodo possit à Prælati dispensari ante vel post professionem, accipe sequentia.

39 Primò ergo supposito, duplex esse bellum, aliud iustum, aliud iniustum. Sententia communis est quòd omnes militantes in bello iniusto, si in illo fiant homicidia, vel mutilationes, fiunt irregulares; quamvis non fundant sanguinem propriis manibus. *Sylu. verb. bellum 3. q. 3. & alij.* Qualis verò sit hæc irregularitas, dicendum est cum Suarez *tom. de censur. disp. 47. sect. 5. num 2.* esse homicidij voluntarij. Patet ex prædictis, nam sic occidentes, & mutilantes, habent voluntatem directam occidendi, vel mutilandi, & hæc voluntas est iniusta, & culpabilis mortaliter.

40 Hinc reflecto suprà id quòd olim dixi in prima editione *verb. Prælatus, n. 38.* ibi enim dixi posse Prælatos regulares dispensare cum subditis in irregularitate contracta ab illis ex homicidio in bello iusto, maxime si fuit bellum contra infideles. Nihil ibi dixi, neque *verb. Dispensare*, de irregularitate contracta à subdito ante, vel post professionem ex homicidio in bello iniusto. Nunc addo, ex modò dictis, Prælatum regularem non posse dispensare in irregularitate ista orta ex homicidio in bello iniusto si illud fait notorium, & publicum. Patet, nam fuit homicidium voluntarium, & iniustum, & publicum, ut suppono, quale debuit esse in exercitu. Si tamen homicidium alicuius factum in bello iniusto sit modò hîc ignotum, tum ob nimiam

distantiam locorum, tum ob diuturnitatem temporum, poterit Prælati regularis dispensare in illo, quia tunc homicidium cum illis circumstantiis æquiparatur homicidio occulto voluntario: & in hoc possunt Prælati Regulares dispensare. Et hætenus dicta de militante in bello iniusto intellige, si sit bellum iniustum aggressivum: si enim sit defensivum, non irregularitas homicidij voluntarij esset: sed vel casualis, vel fortè nullius pro necessitatis qualitate.

41 Si bellum sit iustum, ut pro defensione personæ, patrimonij Regij, pro fidei defensione, quale inter cætera est bellum Hispaniæ contra rebellatos Principes Flandriæ: militantes in illo, non sunt irregulares siue bellum sit aggressivum, siue defensivum, idque, siue propriis manibus occidant, & mutilent. Est communis, maxime Nauarr. *cap. num. 212.* & aliorum, & probatur, quia defensio prædictorum est licita, iusta & inculpabilis. Quod intellige si bellum sit defensivum. Si enim bellum iustum sit aggressivum, & sequantur homicidia, & mutilationes: occidentes, & mutilantes erunt irregulares, ad eum modum quo est irregularis iudex occidens iustè auctoritate publica seu regis. Quod intellige si ipsi militantes propriis manibus occidant, vel mutilent: si enim id per se non faciant licet faciant alij, ipsi non facientes, non incurrent. Ita Sylu. *citata q. 3. Tab. irregularitas 3. n. 20.*

42 Clerici, & proinde regulares non possunt pugnare in bello iusto aggressivo, ut colligitur ex *cap. petitio. de homicidio, & c. clerici. 25. quest. 8.* & tenent Doctores communiter: possunt tamen huiusmodi bello assistere ex pia causa, & licentia superioris, ut ait D. Th. 2. 2 q. 4. n. 4. Et probatur, quia huiusmodi assistentia non est mala & fit in praxi ad profectum spirituales militum fidelium. Immo dicunt aliqui etiam clericum, ac religiosum posse adesse, & assistere in bello iniusto non animo fauendi iniustitiæ belli, sed pro bono spirituali militum in confessionibus, & similibus: maxime cum multi ibi ignorent iustitiam belli, & possint bona fide saltem in mortis articulo saluari.

43 Religiosus, & clericus in bello iusto exhortans milites ad strenuè pugnandum, non est irregularis, colligitur ex cap. penul. de homicidio. Et tenet Gloss. in c. sollicitatis 7. quest. 1. ver. prodire. & Doctores communiter. Et probatur, quia sic exhortando non facit contra iustitiam, neque contra aliquam particularem prohibitionem sibi factam. Rursus sola exhortatione non provocat directè ad homicidium, sed solùm ad fortiter pugnandum, si enim in particulari hortetur ad homicidium, erit irregularis. Si etiam id faceret absque licentia superioris, vel Prælati, adhuc non esset irregularis: quia carentia illius licentiæ non inducit irregularitatem. A contrario verò intelliges quòd clericus exhortans prædicto modo in bello iusto erit irregularis. Ut tradit Henric. tom. 2. lib. 12. c. 13. n. 3 licet ipse neminem occidat.

44 Si clericus vel religiosus in bello iusto militet propriis manibus, (quidquid sit de peccato militandi contra sibi facta de hoc speciali prohibitionem:) talis Clericus non erit irregularis si ipse propriis manibus nullum occidit, neque mutilavit, nec fuit causa proxima ut alij facerent aliquid ex his duobus. Ita Nauac. cap. 27. num. 115. & alij quos citat & sequitur Suarez disp. 47. cit. sect. 6. num. 9. Neque obstat caput quod in dubiis de pœnis. ubi iubetur deponi clericus gubernans navem in prælio: vel militans in bello: vel hortans in illo: neque ibi requiritur, ut detur sanguinis effusio. Non, inquam, obstat: quia primò citatum caput exponi potest de clerico illa faciente in bello iniusto. Secundò exponitur de clerico quando sua exhortatione hortatur in particulari ad homicidium: quod supra diximus non licere. Intelligitur si pugnat secuta morte, vel mutilatione propriis manibus causata. De gubernatione verò navis non curo, quia non facit ad intentum argumenti, & aliqui in hoc Clericum non excusant ab irregularitate, quia gubernans navem magis influit in mortes contrariorum, quàm singuli milites quorum ictus ut plurimum sunt cassi, & frustrati. Ex hoc collige Clericum, vel Prælatum Ecclesiæ, qui de-

dit

dit arma militibus ad pugnandum in bello iusto non esse irregulares etiam si milites cum dictis armis mutilent vel occidant. Ita Nau. c. 27. n. 21.

45 Quod tandem attinet ad dispensationem cum prædictis militantibus in bello iniusto, vel in bello iusto modo illicito, dicendum est posse Prælatos regulares cum subditis dispensare in irregularitate inde orta per sua privilegia, ut latè diximus suprà in his addit. ver. *dispensare*: & clarius in 1. editione eodem ver. *dispensare*. & ver. *Prælati ad dispensandum*. modò in aliquo euentu ex suprædictis ad arbitrium prudentis viri, non interuenerit homicidium voluntarium notorium.

46 Adhuc de Religiosis qui comitantur ductos ad patibulum; vel mortem quamcunque: Noto Nauarr. in Sum. cap. 27. num. 217. cum Antonino, & aliis quos citat, tenere esse irregularem Sacerdotem qui dicit illis ut ascendat scalam: ut apponant caput ad cypum, aut faciant aliquid ex quo mors acceleretur. At Henriquez lib. 14. tom. 2. cap. 12. num 9. primò dicit Sotum irrisisse rogantem à se, an esset irregularis comitans ductum ad patibulum super asino, quem asinum sustentem Sacerdos punxit, ut ambularet. Et in summa dicit Henricus facientem rem minimam ad accelerandam mortem non esse irregularem, ut si dicat patienti, ut ascendat vnum tantum scalæ gradum. Ait item non esse irregularem sacerdotem, qui à iudice obtinuit ne ductus ad patibulum ducatur per plateam patris, vel vxoris, tollendæ molestiæ causa, respectu patientis, & consanguineorum, quamuis aliàs ductus per aliam plateam breuiorem, & insolitam citius pateretur mortem. Neque item esse irregularem illum qui lictorem inexpertum doceret modum quo dandus esset nodus. Ait enim in his dari paruitatem materiæ. Volui hæc recensere, ut videas quàm variè Doctores in hoc loquantur. Mea verò sententia est circa præsentem materiam religiosum infirmarium, vel comitantem ductum ad patibulum, non esse irregularem si bona fide absque culpa mortali, & in re parua dicat, vel faciat aliquid ex quo per tantillum tempus mors dicatur accelerari.

relerari: colligitur ex dictis ab Henric. *cit. loco.* Et præterea probatur, quia cum ista irregularitas sit pœna, & incurratur ob culpam, requiritur ut in his præcedat culpa mortalis. De qua culpa iudicio prudentis Theologi standum erit.

47 Per illa verò quæ suprà diximus de homicidio, iam manet clarum quid dicendum sit in illa Religione, quæ homicidium fecit casum reservatum ex decreto Clementis VII. ut tetigimus in principio huius verbi *homicidium.* Primò enim loquitur Clemens VII. de omni, ac solo homicidio, quod fuerit culpa mortalis, quia non potest reservari culpa venialis. Vnde constat non reservari homicidium factum in propriam defensionem cum moderamine iusto: nec quodcunque aliud ex supradictis quod non sit peccatum mortale, sed reservari omne homicidium quovis modo factum ex supradictis, & quovis modo ad illud concurrerit Religiosus, siue per se, siue per alium, dummodo fuerit peccatum mortale.

48 Quoad alias partes prædicti casus reservari, vulnerationem scilicet, vel percussione[m] gravem, standum erit prudentis arbitrio. Ibi enim ultra homicidium comprehendetur mutilatio alicuius membri: vulnus in facie, vel in alia parte si sit vulnus notabile. Percussio etiam erit dira verberatio, & insolita, Alapa inflicta interdum, maximè Religioso, graui Sacerdoti. Et sic de cæteris, quæ considerare debet Prælatus prudens attentis circumstantiis personæ, loci, & vulneris, seu percussionis.

HORÆ CANONICÆ.

1 **R**eligiosi Minoritæ professi etiam carentes ordine sacro tenentur ex vi Regulæ, & consuetudine ad horas Canonicas: etiam si pro culpis eiiciantur ab Ordine. Patet ex Regula Minorum: & quia eiectio non debet fanere sua culpa. Et cum sic eiecto transir
onus

onus cui potest satisfacere, sicut & castitati. Eodem modo tenetur etiam Clericus degradatus: Sanchez *lib. 8. de matrim. disp. 8. n. 11.*

2 Eodem modo tenentur cæteri Mendicantes professi carentes ordine eo sacro ex eo solum, quod per professionem sunt positi in statu irreuocabili, seu omnino impedito ad matrimonium, & choro addicto. Rodrig. *Addit. ad Sum. tom. 3. verb. Hora Canon. concl. 12.* cum ibi citatis.

3 Tenentur etiam Moniales professæ ad chorum, dicere Horas Canonicas. Nau. *de Oratio. & Horis Canonicis c. 7. n. 21* & Durant. *de Ritibus Ecclesie lib. 3. c. 11.* & Rodr. *citato proximè loco Addit.* Moniales verò Sanctæ Chæ, quæ propter imperitiam nesciunt dicere Officium diuinum, de iudicio Prælatorum, vel Abbatissæ, satisfaciunt dicendo Officium laicarum. *Compend. Minorum, ver. Moniales §. 3.*

4 Laicus Frater Minorita si fuerit ordinatus in sacris absque licentia Prælatorum prohibetur dicere horas Canonicas; sed iubetur dicere horas laicorum positas in Regula pro laicis, ex Leone X. *Compend. Minorum, verb. Laici Fratres. §. 5.*

5 Omittere omnes horas Canonicas vna die est vnum tantum peccatum mortale. Item omittere modò primam dicta 3. 6. & 9. & postea omittere Completorium est vnum tantum peccatum mortale. Suarez *tom. 2. de Relig. libr. 4. capit. 25. numer. 18. & numero 20.*

6 Regularis non addictus Breuiario Romano, extra chorum, potest recitare iuxta Romanum absque licentiâ Prælati, quia Pius V. solum loquitur de horis in choro. Rodriguez *cit. loco Addit. capit. 195. concl. 2.*

7 Non potest Generalis Ordinis addicti Breuiario Romano mutare aliquid de dicto Breuiario absque licentia Papæ. Pius enim V. in Bulla præfixa dicto Breuiario id clarè præcipit. Rodrig. *tom. 1. quest. 42. art. 11.* & notatur in *Compendio Ord. D. Hieronym. in Hisp. verb. Officium D. in fine.* Vnde non potest præcipere vt reciteur tale officium non contentum in tali Breuiario, nec concessum Ordini per aliquod priuilegium.

Ait

Ait tamen Suarez *tom. 2. de relig. lib. 4. c. 11.* posse Prælatum ex causa iusta, vna vel altera vice dispensare in officio vnus diei: Sed adhuc puto non posse introducere nouum officium.

8 Si Religiosus habeat priuilegium recitandi Breviario breui: vel dicendi horas ante tempus, potest socius illius recitare eodem modo cum illo absque culpa. Henriq. *lib. 7. de Indulgentiis, cap. 30. numer. 4. & alij.*

9 Matutinæ horæ tum in æstate, tum in hyeme possunt dici vespere ab hora 4. post meridiem: idque si adsit honesta necessitas, vt studium, defectus visus, & similes. Suarez *cit. lib. 4. cap. 27. numer. 14.* In Compend. Societatis verb. *Hora Canonica §. 1.* conceditur quòd de licentia superiorum, & cum causa, maximè itinerantes, possint dicere Officium diuinum post Missam.

10 Leo X. concessit Minoritis vt satisfaciant diuino officio, etiam si recitent sedendo, ambulando, vel non integrè verba proferendo, propter imperitiam, vel defectum linguæ: vel si fiat cum mentis euagatione, dummodò non fiat ex malitia, id est, cum aduertentia. Et præterea concessit quòd recitantes cum malè pronuntiantibus, vel facientibus supradictos defectus, non teneantur postea iterare malè ab illis pronuntiata, vel à seipsis malè audita propter distantiam localem, vel strepitum factum, sed his omnibus non obstantibus satisfaciant, maximè in choro. Compend. Minor. verb. *D. Officium. §. 8. & alia ibi, §. 9.*

11 Prælati Regulares possunt dispensare ne recitent Horas Canonicas Religiosus qui est infirmus, vel absque graui tædio, seu difficultate non potest, siue sit febris, siue alius dolor. Compend. *ibidem §. 10.* Et hoc potest etiam dispensare Vicarius in absentia Guardiani. Compend. verb. *Infirmi Fratres. §. 11. & 12. & cit. §. 10. ver. Officium Diuin.* & licet Leo X. *ibi* citatus, dicat hoc maximè posse Prælatum, quando Medicus id prælato dixerit, citatus tamen locus, verb. *Infirmi Fratres. §. 12.* non requirit dictum Medici. Imò Rodriguez *Addition. ad Sum. tom. 3. cap. 197. conclus. 1* dicit sufficere Religioso quòd dicat illi Medicus ne recitet diuinum officium:

officium : neque in rigore requiri licentiam Prælati, pro quo citat Nauar, melius tamen, ac certius est semper consulere Prælatum.

12 Possunt Minoritæ in officio diuino dicere solùm mentaliter Pater noster, & cætera quæ iubentur dicere secretò, ne aliis sint fastidio, idque possunt mentaliter absque labiorum motu. *in eodem Compend.* Possunt etiam itinerantes, vel ratione alicuius occupationis grauis dicere manè totum Officium Diuinum, vsque ad Completorium inclusiue. Pius V. in Bullario Rodrig. fol. 979.

13 Non potest Prælatus mutare professum ad chorum, vt sit laicus, & proinde liber ab Officio Diuino, nisi de licentia Papæ. Rodrig. *Addit. Sum. tom. 3. cap. 194. conclus. 13.* ob causas ibi datas. Si tamen professus ad chorum subito euadat, vel appareat imperitus, & impotens ad recitandum Horas Canonicas, potest Prælatus illi assignare, vt dicat Officium laicorum *Compend. verbo Moniales. numer. 30.*

14 Episcopi Monachi possunt recitare cum sociis suis Regularibus secum recitantibus, per Breuiarium suæ Ecclesiæ. Rodriguez *Addit. ad Sum. tom. 4. cap. 68. num. 10.*

15 Ille qui in choro canentibus aliis, vel intonantibus ipse secum dicit submissè tantùm, satisfacit officio, & non peccat. Suarez *tom. 2. de Religio. lib. 4. cap. 12. num. 8.* At si est beneficiarius, non lucratur distributiones, quia non seruit, vt alij. *ibidem.*

16 Possunt Minoritæ supplere omissum in Officio Diuino finito Officio, dicendo vnum Psalmum, vel Orationem Dominicam, vel Ave Maria, vel Orationem Sacrosanctæ & indiuiduæ Trinitatis. Ita Sixtus IV. & Innoc. VIII. in *Compend. Minor. verb. Officium Diu. 2. § 5. & 2. & 3.*

17 Possunt Patres Societatis I E S V manè dicere totum Officium vsque ad Completorium inclusiue. *Compend. illorum, verb. Hora Canonica, §. 2. si adsit causa, maximè itinerantes.*

18 Fratres intenti prædicationibus, confessionibus, lectioni

lectioni Theologiæ, vel Canonum sacrorum, satisfaciunt Divino officio dicentes saltem Psalmos 7. assignandos à Priore cum septem Pater noster, & bis Symbolum Apostolorum. Compend. Divi Hieronymi in Hispan. verb. *Hora Canonica*, §.7. ex Clemente VII. concessum est Clericis Sancti Sylvest. de Vibe.

A D D I T I O.

I **S** Ixtus IV. concessit Minoritis ut in officio Divino, quando fiunt suffragia Sanctorum in feria, vel semiduplici possint sub vna tantum commemoratione, & antiphona facere commemorationem omnium Sanctorum Ordinis nostri. Habetur concessio in Bullario Rodriguez, fol. 514. col. 1. n. 2. Quod fit in tota Italia apud Minoritas hodie: & cum sit privilegium totius Ordinis, in præcipua Ordinis parte habitum in praxi, non dubito posse fieri similiter in toto Ordine. Antiphona (post orationem solius Patris nostri Francisci quæ prius, & separatim dicitur) est hæc.

Vos Sancti Dei inclyti, qui estis mente lucida Franciscum imitati, orate ut intrepidi hic simus semper fervidi, & postmodum Beati. Vers. Æterna fac cum Sanctis tuis Domine. Resp. Gloria munerari.

ORATIO.

I **D** Eus qui sacram Religionem Seraphici Francisci decorare dignatus es triumpho multorum Martyrum pro Christo occisorum, purissimisque Pontificibus Bonaventura, ac Ludouico, ac ferventissimis IESV præconibus, Antonio, Bernardino, ac Didaco Confessore, cum Virgine Clara, presta quasumus eorum intercessionibus præsentia vitare pericula, & ad gaudia pervenire sempiterna. Per eundem Christum Dominum nostrum. Et dicitur in Vesperis, & Laudibus eodem modo.

2 Clemens VII. concessit Minoritis, ut ubicunque degentes possint celebrare festa Sanctorum illorum, qui sunt protectores terrarum, vel sub quorum nomine Ecclesie nostrae intulantur, sub duplici, respectuè tamen. Habetur concessio in Bullario Rodriguez fol. 790. col. 2. in fine. Circa hanc verò concessionem noto primò, solum concedi pro Sanctis, qui sunt protectores terrarum, in quibus degunt. Secundò, pro Sanctis, qui licet non sint ex nostro Ordine, nostrae tamen Ecclesiae habent titulum illorum Sanctorum: ut si nostra Ecclesia dicatur Sancti Petri, Matthæi, Martini, vel similium. Tertiò, concedit hoc fieri solum respectuè, id est, in sola illa Ecclesia, non verò in toto Ordine. Vnde colligo per hanc concessionem non posse celebrari de aliis Sanctis illius terræ, qui non sunt protectores, verb. grat. Olyssipone poterunt celebrare de sancto Vincentio protectore urbis sub festo duplici; non verò de aliis Sanctis, quos celebrat illa Diocesis, qui non sunt protectores: excepto si fuerint protectores Regni, qualis est Angelus Custos in Portugallia.

3 Queris, an hoc possint hodie facere Minoritæ, & communicantes huic priuilegio, non obstante declaratione Cardinalium Tridentin. quam citavi supra, verb. *Festi di. s. n. i.* per quam declararunt non teneri Regulares in diebus festis particularium Diocesum recitare Diuinum Officium illorum Sanctorum sicut Clerici illis diebus recitant: sed secundum ritus, & regulam suam: solumque teneri ad cessationem à seruilibus. Queris, inquam, an hoc non obstante possint uti dicta concessione Clementis VII. & recitare de protectoribus locorum & de titularibus suarum Ecclesiarum? Credo quod possunt: quia illa declaratio Cardinalium solum intendit, ne Episcopi cogant tunc Religiosos recitare Diuinum Officium, sicut Clerici recitant: item solum declarauit illos ex citato ibi loco Tridentini, ad id non teneri, quæ duo non tollunt, quin Religiosi, si voluerint, utantur aliàs suo priuilegio, si modò illud habent in usu, & in praxi. Si enim non sit in usu, debent dicere Diuinum Officium iuxta ritum & institutum sui Ordinis.

4 Pius V. concessit Minoritis, ut ratione itineris, aut alterius iustæ occupationis possint dicere totum officium Diuinum simul manè, aut quando ipsis videbitur cum maiori deuotione ipsum posse recitare. Habetur in Bullario Rodriguez *fol. 981. col. 2. n. 17.* Si quæris ad quid inferuiat hoc priuilegium, vel quæ culpa sit dicere totum Officium Diuinum simul manè, vide Bellar. *in tom. 1. lib. de Purgatorio cap. prop. finem:* ubi refert ex Petro Damiano B. Seuerinum Episcopum Coloniensem apparuisse cuidam Presbytero eique dixisse se esse in Purgatorio, & grauitè torqueri, quòd horas Canonicas non distinctis temporibus persoluisset, sed manè omnes simul recitasset ut tota die negotiis imperialibus vacare posset. Vnde colligit Bellarm. fuisse saltem peccatum veniale, & tamen habebat illam causam negotii communis. At si fiat ex vi priuilegij istius, & cum causa, vitabitur illa culpa venialis.

5 Pro consolatione adhuc, & quiete Regulatium, maximè scrupulosorum noto ex Sanchez 1. *Decalog. c. 13. à n. 10. & sequent.* maximè *n. 16. & sequent.* illum qui incepit recitare horas Canonicas animo non satisfaciendi pro tunc, sed postea iterando: & tamen pertæsus postea vult satisfacere illa prima recitatione: satisfacit obligationi cum illa prima recitatione: fundamentum illius est à *n. 10. citato*, quod ad implendam obligationem legis sufficit ut quis faciat omne illud quod lex imperat, quamuis non habeat intentionem satisfaciendi tali legi: hoc probat rationibus efficacibus, vel saltem sufficientibus: soluendo rationes in contrarium. Citat pro hac sua sententia Valentiam 2. 2. *disp. 6. q. 2. puncto ultimo in fine.* Suarez tom. 3. in 3. *part. q. 83 art. 6. disp. 88. sect. 3.* Vasquez, Leonard. & alios.

6 Ex qua sententia, & fundamentis illius, ac Doctõribus, infert Sanchez *citato cap. 1.* recitantem Diuinum Officium primò cum intentione non satisfaciendi pro tunc, postea ratificantem, satisfacere cum præterita recitatione. Secundò idem deducit erga implentem pœnitentiam iniunctam à Confessore, qui in principio faciens actum iniunctum, non habuit propositum

implendi pro tunc: & voluit postea implere per illum actum præteritum. Tertiò idem colligit circa audientem vnâ Missam in die obligationis: qui in principio Missæ habuit animum non satisfaciendi cum illa, sed aliam postea audire proposuit: quo non obstante, ait illum satisfacere cum priori Missa audita: Quia, vt inquit, cum citatis autoribus *n. ibi* 13. lex diuina solum obligat pro tunc ad talem substantiam operis exhibendam: & non curat de intentione, qua talis actio debeat fieri, dummodo fiat actu libero, & humano: non enim desinit impleri præceptum eo quòd desit illud ad quod non obligat præceptum. At præceptum in illis tribus exemplis non obligat ad intentionem implendi, sed ad substantiam operis exequendam: & confirmatur claro exemplo. Nam præcepto negatiuo, verb. grat. de non fornicando, verè quis satisfacit, omittendo tale opus, etiamsi non cogitet de illo, neque illi veniat in mentem in tota vita: quod per suam omissionem fornicationis vult satisfacere tali præcepto negatiuo: ergo similiter verè satisfaciet quis præcepto affirmatiuo, verbi gratia de Diuino Officio recitando si opus iniunctum impleat, etiamsi pro tunc non habeat animum satisfaciendi illi præcepto.

7 Bene tamen aduertit Nau. *in c. quādo. de consecrat. dist. 1. c. 13. n. 15.* Aragon, 2. 2 q. 83. art. 23. & alij, illum qui recitaret Diuinum Officium solum legendi, vel addiscendi gratia, non animo orandi, non satisfacere obligationi recitandi, etiamsi postea velit stare priori recitationi, atque etiamsi prius recitauerit attentissimè: probatur, quia cum Diuinum Officium dicere sit orare, de intrinseca ratione illius est, vt recitans intendat orare. Neque hoc dictum contradicit dictis in *n. precedente*, de satisfaciendo Diuino Officio etiamsi habeat propositum non satisfaciendi pro tunc. Nam hæc duo, videlicet nolle orare, & nolle satisfacere, sunt valde distincta, & primum, id est, orare est de intrinseca ratione Diuini Officij, vt diximus. Secundum verò, id est, velle, aut nolle pro tunc satisfacere, non est de intrinseca ratione Diuini Officij, dummodo adsit animus orandi, iuxta dicta à Sanchez *n. precedente*.

ADDI

ADDITION AD ADDITIONEM.

1 **I** Orest quis obligatus ad recitandum horas Canonicas eas recitare cum socio non habente obligationem recitandi, etiam si sit laicus: & etiam si iste non obligatus recitet sine vlla attentione interna, dummodo verba pronunciet ita vt intelligat is qui recitat obligatus. Ita Azor. 1. part. Summ. Moral. lib. 10. cap. 7. quæst. 6. Suarez tract. 4. de Religione, lib. 4. cap. 25. num. 2. & Reginald. 2. par. Sum. lib. 18. n. 158. tit. explicatio dubiorum.

2 Quando quis recitat cum socio sufficit audire orationes, capitula, responsoria, lectiones, quæ ab alio dicuntur. Ita Sylu. verb. Hora Canonica q. 7. & Reginald. citato lib. num. 158. & alij.

3 Circa integritatem Diuini officij recitandi quotidie, accipe sequentia collecta ex Doctotibus melioribus: primum omittere totum Diuinum officium vna die est vnum tantum peccatum mortale, quia vnum tantum præceptum datur de Horis Canonicis omnibus vna die recitandis, & in hoc omnes conueniunt. Secundum, omittere in vno die vnam tantum horam etiam ex paruis tertiam scilicet, vel completorium, est etiam peccatum mortale, quia hæc parua hora respectu totius officij diuini est pars notabilis. In quo etiam Doctores conueniunt. Tertium omittere etiam in quauis hora, etiam ex paruis, partem notabilem, est peccatum mortale, vt omnes affirmant.

4 Tota quæstio est quæ sit dicenda pars notabilis in quauis hora? Nauarr. cap. 10. de Orat. numero. 43. & 44. dicit illum qui in hora parua, vt sexta, omittit initium vsque ad principium primi Psalmi, peccare mortaliter, assignat exemplum, quia qui in Choro non veniunt ante initium primi Psalmi multantur in distributionibus quotidianis iuxta communem consuetudinem. Hanc opinionem relicit Suarez 10m. 1. de

Religion. lib. 4. cap. 25. num. 15. & num. 16. vbi in Summa hæc dicit : Primò , illum qui in toto Matutino cum Laudibus omitteret vnum nocturnum , peccare mortaliter , quia ille nocturnus est quarta pars illius horæ , & proinde pars notabilis. Secundò ait , quòd si quis omitteret in vna die ferè dimidiam partem Completorii, se non audere illum damnare de peccato mortali, quia licèt illa omisso sit notabilis respectu illius horæ Completorii, non tamen est notabilis respectu totius officij vnius diei, quod totum officium sub vno tantum præcepto singulis diebus imponitur. Et dat rationem , quia vna hora non est adæquata materia huius præcepti, sed totum officium vnius diei , ac proinde , vt ait non valet consequentia : hæc omissio , ferè dimidiæ tertiæ, est notabilis respectu horæ tertiæ: ergo est notabilis respectu totius officij vnius diei. Et tandem concludit hoc iudicandum esse prudentis arbitrio. Et hoc pro certo tenendum , quod nunquam hora aliqua integra dimittatur , etiam ex minimis , neque pars alicuius horæ quæ æquiualeat vni horæ parvæ , vel dimidiæ parti illius. Cum Suarez concordat Regin. *cit. lib. 18. n. 145.* pro se citat Suar. Antonium. Quorum tantorum trium doctorum dictum non audeo reprobare, licèt opinio Nauarr. sit securior, qui ait esse peccatum mortale, in qualibet hora , etiam ex paruis omittere tertiam partem : Non enim Nauarr. considerat hanc horam parvam in ordine ad totum officium diei : sed in se ipsa illam considerat , quia præceptum Diuini officij æqualiter respicit , & omnes 7. horas simul iunctas, & vnamquaque earum. Et potest esse exemplum , præceptum de non laborando in die festo : hoc enim æqualiter respicit , & omnes horas diei festi , & singulas horas eiusdem , *in omnibus enim prohibet laborare.*

I E I V N I V M.

Vide suprà verb. *Festi Dies*, n. 3. de *Ieiuniis indictis ab Episcopo*. & infra verb. *Religiosus*, n. 3.

1 **T**enentur Religiosi abstinere à carnibus in die Natiuitatis Domini, si venerit in Feria sexta imò ad ieiunium, si ex voto vel regula ad id obligentur. *c. final. de obseruatione ieiunij*. Et tenentur seculares qui vouerunt ieiunare Feria sexta.

2 Minoritæ non attingentes annum vigesimum primum, vel antecedentes illum tenentur ieiunare Quadragesimam, & Aduentum, quia tenentur professi quicumque ex vi Regulæ, idque sub mortali. *Rodr. tom. 2. q. 100. art. 4 & 8*. Non tamen tenentur ieiunare vigiliis, & quatuor tempora Ecclesiæ, & Sanctorum, *Rodr. q. 100. art. 6*.

3 Minoritæ in suo Aduentu ante Natiuitatem ad cuius ieiunium tenentur sub mortali non possunt in Aduentu illius Dominicis diebus carnem comedere, probatur ex consuetudine, & à simili. Nam etiam obligati ad ieiunandam Quadragesimam non possunt edere carnes in Dominicis Quadragesimæ etiamsi in illis diebus à ieiunio sint liberi.

4 Leo X. in *Compend. verb. Ieiunium* §. 5. concessit Minoribus, maximè qui sunt prædicatores, consolationis gratia, vt possint anticipare ieiunium vna hora ante horam consuetam: id est, comedere vna hora ante horam consuetam ieiunij.

5 Eugenius IV. concessit quòd Prælati etiam sine Medico possint dispensare cum infirmis circa ieiunium, idque etiam possint Vicarij & Confessores Fratrum. *Compend. cit. verb. Ieiunium* §. 7. *Ibidem* etiam concessit quòd possit Prior S. Hieronymi de consilio Medici dare licentiam Fratribus, & familiaribus Conuentus, vt possint comedere carnes, oua, & similia in diebus

ieiunij si sint infirmi. An senes sexagenarij etiam validi teneantur ad ieiunium, vide Sanchez *lib. 7. de Matr. disp. 32. n. 17.* vbi ait esse id valde probabile: & Pius V, in Bulla ibi citata dispensavit cum Religiosis sexagenariis, non in ieiunio, sed vt ederent lacticia; videtur Sanchez favere sexagenariis.

A D D I T I O.

Vide infra verb. *Religiosus, num. 3.*

I Ixi suprâ hoc eodem verbo, Religiosos non attingentes annum 21. teneri ad ieiunia suæ Regulæ cum illa obligatione qua dicta ieiunia obligant ex vi Regulæ. Nunc addo, quod præceptum Ecclesiasticum ieiunij in anno vigesimo primo non obligat in principio illius anni vigesimi primi, sed requiritur vt ille annus vigesimus primus ad præcepti obligationem sit annus completus omnino de momento ad momentum. Vnde si in die ieiunij alicuius impleat aliquis annum 21. hora diei prima post meridiem: in illa die vsque ad illud tempus, vel terminum non tenetur ieiunare, quia ille annus completus est numerandus de momento ad momentum. Ita Sanchez *lib. 2. de Muto. disp. 24. n. 23.*

2 Vide suprâ verb. *Festi dies. num. 4.* Nunc autem ibi dictis addo ex Sanchez *cit. ibi disp. 18. num. 22. libr. de Matr.* abeuntem proprio oppido, in quo seruatur illa die ieiunium, si nocte peruenturus sit ad locum vbi ieiunium non seruatur posse in loco vbi non ieiunatur nocte cœnare, & carnibus vesci, quamuis tota die ieiunauerit: nam potest tunc nocte se confirmare consuetudini loci. Imò ibi putat probabilius hunc talem posse manè ientaculum sumere, seu collationem, quamuis peruenturus certus sit ad locum vbi non ieiunatur, idque quando moraliter est certus de perfectione, & peruentione ad talem locum, vbi ieiunium non obligat:

gat: at non poterit vesci carnibus donec perueniat ad locum ubi sunt licitæ. Ratio est, quia obligatio abstinendi à carnibus est diuisibilis, nam illa repetita in diebus prohibitis, seu comestio illius multiplicata in illis diebus multiplicat peccatum: ergo potest pro parte diei eiusdem diuidi, & manè obligare, non verò nocte cum circumstantiis suprà positis. At obligatio ieiunij est indiuisibilis, consistens in vna comestione; ac proinde violans ieiunium vna vice, in illa die non tenetur amplius à cibo abstinere sub mortali.

3 Infert *ibidem* Sanchez *numero* 23. illum qui manè exit ab oppido, in quo non ieiunatur, & ubi carnes eduntur, posse manè illas comedere, vel non ieiunare, quamuis nocte accessurus sit ad domicilium, in quo ieiunatur, & à carnibus abstinetur: nam extra domicilium non astringitur illius legibus: & in domicilio, ad eius leges tenetur.

4 Solent multi Religiosi facere votum de ieiunando tali die in pane, & aqua; vel id faciunt sola deuotione, vel seculares illos de hoc voto consulunt. Dubitationes aliquæ circa hoc insurgunt, quæ breuiter resoluentur per tradita à Sanchez 4. *Decalog. cap. 11. à num. 45.* ubi primò dicit: Talem si biberit vinum peccare mortaliter. At eo bibito in ea quantitate notabili, vt frangat ieiunium, non est amplius peccatum id bibere. Dat ibi causam, quæ facilis est. Attamen si promisit se illa die nihil manducaturum nisi panem, & aquam, tunc quoties biberet vinum, peccaret mortaliter, quia toties frangit votum negatiuum. Differunt enim valde inter se duo vota: voueo ieiunium in pane, & aqua: vel dicere, voueo me tali die nihil manducaturum, nec bibiturum nisi panem, & aquam: & in fractione primi multiplicata non multiplicantur peccata: secus in fractione secundi. Idem applicabis ad vota similia affirmando, vel negando. Distingue etiam, quod si illa dies, in quo promisit ieiunium in pane, & aqua; sit ieiunandus aliàs ex obligatione Ecclesiæ, & votum sit emissum primo modo, quamuis non peccet postea bibendo vinum, tenetur tamen ad ieiunium Ecclesiæ.

5 Vouens abstinere à lacticiiniis, si illi in mentem venit in tali voto includere etiam carnes, tenetur illas non edere, si autem dubius est an illas incluserit, potest aliàs abstinendo à lacticiiniis carnes edere. Sylu. *ver. Ieiunium quest. 10. Azor libr. 7. Instit. Moral. cap. 10. quest. 2. & Sanchez num. 46. & alij.* Nam licet tunc tutius sit abstinere à carnibus, in voti tamen obseruatione, stante dubio ad quid me obligauerim, non teneor tutius obseruare. Imò addit Sanchez hoc esse verum, etiamsi talis vouens dubius re vera de præterito, modo credat quòd si ei carnes in mentem venissent, illarum etiam abstinentiam voueret. Nam, vt ait, ad inducendam obligationem voti non attenditur qualis voluntas habenda foret, sed qualis voluntas actu habita sit. Item qui vouit abstinentiam ab ouis, non tenetur abstinere à lacticiiniis, differunt enim inter se lacticia, ab ouis: illa enim sunt caseus, lac, butyrum, & similia, quæ emunguntur: oua autem sunt diuersa. Et hoc de abstinentia ab ouis intellige similiter, nisi vouens illotum abstinentiam expressè includeret etià lacticia.

6 Quæris de illo qui vouit abstinere à carnibus, an possit vesci, seu bibere ius, in quo carnes sunt decoctæ? Ait Sanchez *ibidem num. 48.* teneri à tali iure abstinere, nisi expressam intentionem habuerit tempore, quo vouit ius tale non excludendi. Nam illud votum obligat ad abstinendum à carnibus, sicut obligat ius Ecclesiasticum: at præceptum Ecclesiasticum obligans abstinere à carnibus, obligat etiam abstinere à iure, in quo illæ decoquuntur: quia carnis substantiam imbibitam habet.

7 Vouens ieiunium, tenetur ieiunare absque lacticiiniis: si tamen sic vouens habet Bullam Cruciatæ, satisfacit ieiunio edens lacticia. Nam quando Pontifex vouenti, aut Confessarius imponunt obligationem ieiunij, imponunt illud modo quo imponit lex Ecclesiastica: at ieiunans cum lacticiiniis, & Bulla Cruciatæ ieiunat ad modum legis Ecclesiasticæ. Ita Angles *in Floribus 1. part. quest. 9 de Ieiunio. art. 1. post. 9. difficul. dubio 5. Rodriguez tom 1. Summ. in 2. editione cap. 184.*

num.

num. 10. Quod idem dicendum est de illo qui habet ex pœnitentia iniuncta obligationem ieiunandi. Si verò sic vouens non habet Bullam Cruciatæ, tenetur abstinere à lacticiiniis, quia omne ieiunium Ecclesiasticum exigit abstinentioniam à lacticiiniis, vel de præcepto iuris vt ieiunium Quadragesimæ, aut saltem ex consuetudine, vt alia ieiunia iuxta multorum sententiam. Abstinere enim à lacticiiniis est circumstantia intrinseca ieiunio, pertinens ad substantiam, & finem ieiunij, videlicet macerationem corporis, & hoc de sententia communiori dicendum est. At Sanchez, *citato loco num.* 52. tenet probabile esse sic vouentem ieiunium absque Bulla Cruciatæ, posse comedere lacticia in illo die ieiunij, extra ieiunia tamen Quadragesimæ. Quæ est probabilior opinio, neque de iure, neque de consuetudine interdici in die ieiunij lacticia extra Quadragesimam.

8. Notat etiam, & acutè idem Sanchez *ibidem*, n. 53. in rigore loquendo ieiunium Quadragesimare de se intrinsecè non includere abstinentioniam à lacticiiniis quatenus tale ieiunium est: sed abstinentioniam à lacticiiniis in Quadragesima esse distinctum præceptum Ecclesiæ à præcepto ieiunij. Nam in *c. denique 4. dist.* supposito præcepto ieiunij Quadragesimalis, quasi distinctum præceptum tradens ait: *Par est vt qui his diebus carnibus abstinemus, ab his quæ sementinam trahunt originem à carnibus, ieiunemus.* Hoc probat, quia in diebus Dominicis Quadragesimæ cessante præcepto ieiunij, non cessat præceptum abstinendi à lacticiiniis. Hinc infertur illum qui in Quadragesima absque causa non ieiunat, & præterea edit lacticia, committere duo peccata: vnum contra ieiunium aliud contra esum lacticianiorum: idem de tunc comedente carnes absque causa. Qui verò in Quadragesima ieiunauit, sed comedit lacticia absque causa, & sine Bulla vnum tantum peccatum fecit edendo lacticia tunc prohibita: non verò is peccauit contra ieiunium, vt *ibi* tenet Sanchez, quia de intrinseca ratione ieiunij, etiam Quadragesimalis non est abstinentionia à lacticiiniis, sicut est abstinentionia à car-

carnibus. Citat pro his Paludanum *in 4. dist. 15. q. 47 art. 4. n. 33.* & Antonin. 2. *p. tit. 6. cap. 2. §. 3.* & Angles *loco ibi citato.*

9 Qui vouit ieiunate omnia Sabbata, tenetur etiam ieiunare in die Natiuitatis Domini, si venit in Sabbato. Est communis Doctorum, & probatur, quia ratione voti tunc obligatur.

10 Qui in die ieiunij surgit à prandio vt colloquatur de negotio cum amico, & consumit mediam horam in negotio, vel colloquio, illo finito, potest reuerti ad prandium finiehdum, tota enim illa comestio censetur vna moralis comestio. Et arbitrio prudentis viri iudicandum est quanta mora interposita non diuidat moraliter vnā comestionem Requiritur etiam vt relinquens prandium, & surgens ad aliud negotium, habeat intentionem redeundi ad illud. Nam si surgit cum animo iterum non manducandi, vel id quod iam manducauit fuit sufficiens ad sustentationem ieiunij, non potest iterum comedere absque fractione ieiunij. Rodrig. *Addit. ad Sum. tom. 4. verb. Quadragesima cap. 110. n. 10.*

11 Sacerdos celebraturus, & quicumque recepturus Eucharistiam tenetur id facere ieiunus ieiunio naturæ, & non sufficit ieiunium Ecclesiasticum. Est communis: sola explicatione indigens. Videlicet; datur ieiunium naturæ, & est illud quando natura, siue homo nihil adiutus recepit, neque comedendo, neque bibendo, neque per modum medicinæ. Talis esse debet celebraturus, vel communicaturus, ita vt nihil illorum sumperit etiam in parua quantitate. Hoc tamen patitur has breues tres declarationes. Prima est: deglutio saluæ non impedit hoc ieiunium. Secunda, si quis manē inueniens in ore reliquiam cibi relictī ex cœna hesternā, & deglutiat, non frangit ieiunium naturæ: Nam hæc duo, non sunt noua comestio: quia comestio est noui cibi in os iniectio. Tertia, si quis aqua os lauet eam voluens inter dentes, & aliqua gutta per guttur vadat in ventrem: non frangit ieiunium naturæ, neque impedit communionem: quia vltra quod illud sit par-

uitas

uitas materiæ est etiam præter intentionem : Et tales defectus, vel casus non est in nostra manu vitare. Dixi non posse communicare illum qui non fuerit ieiunus hoc ieiunio, intelligendum modò non sit in claro periculo mortis, & iubeatur communicare per modum viatici, tunc enim præuisus id poterit facere ac cœnatus. Ieiunium Ecclesiasticum est quod fit seruata lege Ecclesiæ, seu per modum quo satis fiat præcepto Ecclesiæ. Hoc ieiunium est benignius, & potest seruari bibendo manè, vel sumendo paruum quantitatem per modum medicinæ, vt tradunt Doctores in materia de ieiunio, quod fusiùs persequi non promisi.

12 Qui in die ieiunij per plura interualla sæpius comedit parum quid, ita vt ex multiplicatis pusillis fiat notabilis comestio, frangit ieiunium, si hoc fiat eodem die: exemplum sit de furante sæpius modica dum peruenit ad quantitatem notabilem. Si verò comedat sæpius, & pusillum in diuersis diebus ieiunij, non frangit, quia tunc illa pusilla non vniuntur moraliter. Neque item peccat mortaliter, qui multos simul inducit vt in die ieiunij comedant pusillum, quod simul iunctum esset notabile, Sanchez 1. Decalog. cap. 4. num. 11.

IGNORANTIA, ET inaduertentia.

Vide infra verb. *Pœna.*

Res est quotidiana, & proinde multa explicatione indigens materia brevis de ignorantia: estque præcipuè Religiosis necessaria, tum quòd multi illiterati sunt: tum quia pluribus legibus, censuris, ac pœnis subiecti s. n. vt pote quia fideles ordinarij, quia clerici, & quia Religiosi, vnde oportet vt pro illorum quiete sciant quando excusentur ignorantia. Accipe ergo per summam sequentia.

1 Aliud est ignorantia, aliud inaduertentia siue inconsideratio.

consideratio. Ignorantia est carentia scientiæ, quando scilicet de tali re nunquam sciui per aliquem sensum, vel notitiam, vt de illo quod Romæ agitur. Inaduer-tentia est obliuio scientiæ, & cadit supra illam rem quam ego iam scio, sed intellectus per obliuionem non aduertens, non aduertit ad illud, v.g. scio per lumen naturale fornicationem esse peccatum: sed per motum primò primum, vel secundò primum non aduerto esse peccatum, dicor habere inaduer-tentiam, quæ etiam dicitur inconsideratio, siue incogitantia: quæ inaduer-tentia æquiparatur ignorantia circa dicenda.

2 Diuiditur primò, ignorantia in ignorantiam facti, & ignorantiam iuris. Ignorantia facti est quando quis ignorat factum, seu qualitatem facti à se patrati. Exem- pla sunt: percussit quis Petrum, qui erat Clericus igno- rans illum esse Clericum: vel putans mittere sagittam in feram occidit hominem latentem: iste habuit igno- rantiam facti, quia ignorauit suum factum esse percussio- nem Clerici, vel occisionem hominis: Potest etiam afferri exemplum: ego feci hoc opus ignorans esse pec- catum: vel ignorans esse simoniam, vel vsuram: dicor habere ignorantiam facti, quia nescio qualitatem illius facti, vel operis. Ignorantia iuris est, quando ignora- tur ius, seu lex prohibens talem actum, v.g. scio per- cutere Clericum esse malum in lumine naturali, at ig- noro Ecclesiam hoc prohibere lege pœna excommuni- cationis. Item scio lege naturali prohiberi coitum cum Moniali: at nescio Ecclesiam id prohibere lege speciali: in vtroque casu habeo ignorantiam iuris, non facti. At si in vtroque casu habeo ignorantiam, & quòd iste sit Clericus, & quòd ista sit Monialis, & pari modo in vtroque casu ignoro legem Ecclesiæ id prohibentem specialiter, in vtroque casu simul habeo ignorantiam iuris, & ignorantiam facti.

3 Diuiditur secundò, ignorantia in inuincibilem, & in ignorantiam vincibilem. Inuincibilis (quæ etiam dicitur inculpabilis, probabilis, antecedens, iusta, & in- uoluntaria) est illa quæ inculpabiliter priuat cognitio- ne, & scientia malitiæ actus, qua cognita non fieret.

Exemplum

Exemplum est de mittente sagittam in feram putatam, cum sit homo, adhibitâ solitâ, & morali prudentiâ, quam non mitteret si sciret esse hominem. Dicitur hæc inuincibilis, quia pro tunc vinci non potuit moraliter loquendo: talis est illa qua quis dubitans an aliquid esset peccatum, consuluit Doctorem, peritum virum, qui vel dolo, vel bonâ fide decepit: & ille actum peccaminosum fecit: talis erit ignorans inuincibiliter, quia ignorantiam vincere non potuit. Dicitur etiam hæc ignorantia, iusta, inculpabilis, & inuoluntaria, quia cum in illa non detur peccatum, vt supponimus, eo quod adhibita sit moralis diligentia positivè, vel non omiſſa: illæ tres conditiones illi cõueniunt, videlicet, quod sit iusta inculpabilis, & inuoluntaria, si enim sciretur malitia actus, omnino non fieret. Dicitur denique hæc eadem ignorantia antecedens, non quia antecedit actionem illius operis, sed quia nec directè nec indirectè volũtaria est, sed antecedit omnẽ actum liberæ volũtatis.

4 Ignorantia vincibilis, seu consequens è contra dicitur quæ sequitur voluntatem, vt potè quæ verè volita est, aut directè, vt cum est affecta: aut indirectè, quia potuit ignorans, & tenebatur illam expellere. Qua ratione dicitur vincibilis, culpabilis, iniusta, voluntaria, & improbabilis. Vt si in casu prædicto sagittæ, aliquis eam mitteret temerariè, non præmissa diligentia, & circumspectione moraliter necessaria. Item, si quis dubitans hoc esse peccatum, noluit rogare litteratos, cum posset, ac teneretur, & fecit opus peccaminosum: tunc enim vincere posset, & ideo fecit culpabiliter, iniuste, &c. Differt autem hæc ignorantia ab inuincibili: nam inuincibilis si concurrat ad peccatum, concurrat solum ad materiale peccatum, non ad formale illius: at ignorantia vincibilis est causa peccati formalis, & vera causa peccati propriè dicti: dicitur etiam hæc ignorantia consequens, quia cum sit indirectè saltem volita, consequitur liberum actum voluntatis.

5 Ignorantia vincibilis tribus modis subdiuiditur: primò in illam, in qua datur negligentia grauis sufficiens ad mortale: & in illam, in qua datur negligentia leuis,

levis, & venialis. Secundò ignorantia vincibilis alia est affectata, cum scilicet quis affectat ignorare nolens discere, vel percontari: alia verò ignorantia est non affectata, quando scilicet quis, licet ignoret, non eligit ignorare. Vnde ignorantia affectata est directè volita, quod non habet ignorantia inuincibilis, nec vincibilis: illa enim nullo modo est volita, hæc verò vincibilis est solùm indirectè volita. Tertiò ignorantia vincibilis alia est solùm mortalis seu sufficiens ad mortale, alia verò est crassa, seu supina: hæc duæ differunt solùm per magis, & minus. Crassa enim est illa, quam soli homines crassi habent & pingues in re scilicet clarissima, quam omnes sciunt: & nullus nisi crassi ingenij ignorat, & proinde ista nullam omnino adhibet diligentiam. Illa verò sufficiens ad mortale præmitit aliquam diligentiam, & præuentionem, sed non sufficientem, & quæ debebatur apponi, & ideo fuit peccatum mortale non crassum, neque adeò graue. Ita Valentia 1. 2. disp. 6. puncto 1. ad finem.

6 Diuisiones traditæ de ignorantia possunt pari modo tradi de inaduertentia, siue inconsideratione, vt scilicet vna sit inuincibilis, alia vincibilis, alia grauis, alia levis, &c. Quibus positis ponuntur sequentes conclusiones.

7 Prima conclusio. Ignorantia inuincibilis, siue sit facti, siue sit iuris, excusat omnino à culpa illum actum cuius est causa. Est cõmunis Doctorum ita vt probatione non egeat. Ratio brevis est; quia factum per talem ignorantiam est inuoluntarium, ac proinde non est peccatum. Idem dic de actuali inconsideratione, vel inaduertentia, hæc enim si sit inuincibilis, quantuncunque adsit scientia habitualis perfectissima, excusat à culpa, imò & à pœna in foro interno. Quòd si actus fuerit diuisibilis habens scilicet partes, vel circumstantias pro diuersitate circumstantiæ, excusabit etiam inuincibilis, v.g. scit aliquis prohibitam esse fornicationem, sed nescit inuincibiliter hanc esse suam consanguineam: ignorantia inuincibilis consanguineæ excusabit illum à parte, vel circumstantia istius actus, quæ est incestus, non

non excusabit ab alia parte, quæ est fornicatio.

8 Si quis ignorans inuincibiliter præsentis obiecti malitiam, habeat nihilominus animum comitantem, quo dicat actualiter etiam si esset peccatum id facerem, tunc talis ignorantia obiecti mali, licet sit inuincibilis, non excusat ab illo peccato mali animi concomitantis, qui ab aliquibus dicitur ignorantia concomitans. Non tamen Sanchez 1. *Decalog. cap. 16. num. 14.* tribus modis posse hunc malum animum, seu voluntatem comitari istam ignorantiam inuincibilem. Primò, si sit voluntas tantum habitualis, ut si, v. g. habitualiter tantum affectus ex odio antiquo, ut si sciret esse hominem inimicum, hunc quem inuincibiliter putat esse feram, illum utique occideret, & existente hoc solo animo habituali occidendi, talis occisio hominis putati feræ, non est peccatum, quia per solos habitus non meremur, nec demeremur. Idem explica ad alia exempla occurrentia. Secundo modo potest ille animus malus ibi comitari ignorantiam inuincibilem obiecti mali, si videlicet in eo actu habeat voluntatem occidendi hostis si ibi adesset: at putans non adesse mittit sagittam, & proinde illa volitio occidendi solum comitatur actum externum homicidij. Et tunc externus actus homicidij culpa vacat, solumque datur culpa homicidij interni ratione propositi occidendi. Tertio modo, si sagittam emittens actualem intentionem habet, vel haberet occidendi quodcunque viuens præsens, siue sit homo, siue fera, & tunc est verus homicida, quia iam habuit voluntatem directam occidendi.

9 Ignorantia inuincibilis pœnæ non excusat formaliter, & directè à culpa. Ratio est, quia ignorantia catænis tantum excusat à culpa, quatenus aufert voluntarium: at ignorantia pœnæ positæ pro tali culpa non aufert omnino voluntarium, licet aliquo modo illud minuat, quatenus ignorata pœna non ita grauitas peccati cognoscitur.

10 Circa ignorantiam inuincibilem notat Sanchez posse in homine rustico dari ignorantiam peccati interni, cum cognitione actus externi peccaminosi: v

si rusticus audiens à viro docto, fornicationem exter-
nam esse peccatum mortale : & tamen inuincibiliter
ignoret cogitationem internam circa talem actum esse
prohibitam. Ita ille *citato cap. 16 n. 17.* fusè id probans.
Idem dicit *num. 18. & 19.* de illo qui scit esse peccatum
mortale aliquod opus facere, ignorat tamen inuincibi-
liter esse peccatum illud opus alteri imperare.

11 Tota dubitatio est quando ignorantia, siue iuris,
siue facti sit dicenda inuincibilis, seu inculpabilis, idem
dic de inaduertentia. De quo multa Doctores, & confu-
sè. Breuiter dico primò, vt ignorantia, vel inaduertentia,
vel obliuio dicantur inuincibiles, sufficit quòd nulla
notitia, nec specialis, nec confusa, nec aliqua dubitandi
ratio in vniuersum, aut peculiariter occurrat. Quare
nullum peccatū erit in consensu voluntatis nisi cogi-
tatio aliqua præcesserit, & consideratio expressa circa
malitiam moralem, vel periculum peccati : vel saltem
expressa aliqua dubitatio, vel scrupulus. Si, inquam, nihil
horum præcesserit, talis ignorantia, obliuio, & inconfi-
deratio dicentur inuincibiles. Ita Sanchez *citato c. n. 21.*
citans multos Doctores, maxime Vasquez 1.2. *quest. 74.*
disp. 107. artic. 3. & disput. 123. qui prius Compluti do-
cuit ex cathedra, & fuit receptum à Doctoribus Com-
plutensibus. Quæ omnes particulæ, quia claræ sunt, non
explicantur. Vnde inferes ab opposito fore ignorantiam
vincibilem quoties interuenit aliquid ex prædictis, vt si
fuit consideratio expressa, seu actualis, circa malitiam
obiecti, vel dubium, vel scrupulus. Adde præterea quod
non sufficit vt detur aliqua consideratio malitiæ obie-
cti, nisi fuerit plena: nec sufficiet semiplena, & imperfe-
cta deliberatio, seu aduertentia mali ad peccatum sal-
tem mortale.

12 Obiicis : Doctores æquiparant scire, ac debere
scire, ita vt is qui tenebatur scire, & non sciuit, peccet
ac puniatur sicut qui tenebatur scire, nesciuit. Et ita
dicunt de illo qui tenebatur aduvertere, & non aduer-
tit. Sed in quouis actu peccaminoso tenetur quis ad-
uvertere ad malitiam obiecti; ergo licet illi non adue-
nerit consideratio malitiæ, non excusatur à culpa,
quia

quia tenebatur aduertere, & non aduertit. Responde-
tur breuiter ex Sanchez *numero* 24. Id quod dicitur
teneri nos aduertere ad malitiam obiecti, intelligen-
dum esse teneri nos aduertere si menti occurrat vt ad-
uertamus; seu si mens dicat esse aduertendum. Si enim
in mentem nullo modo venit aduertere ad malitiam
obiecti, nullo modo est culpa in non facienda illa con-
sideratione, quæ non venit in mentem, & non potuit
vinci. Itaque tenemur aduertere ad malitiam obiecti,
si intellectus dicat nunc considerandam esse mali-
tiam obiecti, secus si non aduertat esse aduertendum.
Hinc intelligitur quomodo exponenda sit illa regula
iuris in 6. Ignorantia facti, non iuris excusat. Est enim
intelligenda de solo foro externo, in quo lex præsumit
neminem ignorare legem latam à Principe. Nam pro
foro conscientie de quo agimus si ignorantia sit in-
uincibilis modo prædicto, excusabit, siue sit ignorantia
facti, siue iuris.

13 Poterit in aliquo Prælato dari ignorantia inuin-
cibilis iuris, siue legum pertinentium ad suum statum.
Nam si aliquid operetur, vel iubeat, nihil omnino ad-
uertens ad legem in contrarium, neque menti ipsius
occurrerit dubium, scrupulus, siue cogitatio de lege
opposita, erit ignorantia inuincibilis, vt patet ex supra-
dictis *numero* 10. & 11. vel potius inconsideratio in-
uincibilis.

14 Si quis aggrediatur aliquod opus periculosum
ex se, vt ignorantia dicatur vincibilis, opus est vt prius
aduertat periculum, neque adhibeatur diligentia ad
illud cauendum. Si enim non aduertit naturali quadam
obliuione, est inaduertentia inculpabilis, vt tradit Na-
uarr. *lib. 2. de restit. cap. 1. dub. 6. & alij.*

15 Non potest dari ignorantia inuincibilis circa pri-
ma duo principia naturalia: quod tibi vis, alteri fac: Et
quod tibi non vis, alteri non facias. Idemque multi
sentiant de omnibus præceptis Decalogi circa quæ
dicunt non posse dari ignorantiam quod non est meum
prosequi, videat qui voluerit, cum alia doctrina de
ignorantia apud Sanchez *citat. c. 26. sequenti* 17. de iis

solum offendit ius naturale, vel antiquum: non verò offendit ius nouum quod inuincibiliter ignorat: at pœna imponenda est iuxta qualitatem culpæ. *capit. felices. vers. illud autem. de pœnis in 6. & cap. 2. in fine. de his que sunt à maiori parte Capituli.* Tertiò ex lege eum qui 18. §. si iniuria. *vers. at cum aliquis ff. de iniuriis.* Vbi dicitur quod cum aliquis iniuriam infert alicui, & errat in persona, putans esse minorem, cum sit re vera maior, non esse puniendum ultra suam existimationem. Et probatur præterea ex lege, qui iniuria §. 5. initio *ff. de furtis.* vbi dicitur quòd si quis fregit ianuam alicuius ut illi iniuriam faceret, ex cuius fractione sequutum est ut latrones postea furtum illi facerent, non teneri ex furto, sed ex sola iniuria. Ex quibus vides etiam cum datur opera rei illicitæ, non incurri pœnam, nisi iuxta intentionem operantis. Cum ergo in nostro casu iste malè operans solum putat se violare ius antiquum non ponens censuram, non incurrit censuram, nec aliàs pœnas nouæ legis quam ignorat inuincibiliter, & quam non intendit violare. Et notandæ sunt valdè illæ duæ leges citatæ pro casibus occurrentibus. Addi potest *c. cum voluntate. de sent. excom.* vbi dicitur maleficia distinguere voluntate, ac proposito.

18. Siquis sciat ius nouum prohibere rem aliquam, sed ignorat quod prohibeat sub excommunicatione, idque inuincibiliter, licet multi teneant hoc sufficere ad illam incurrendam, probabilius est non incurrere, sed requiri ut non solum sciat de prohibitione, sed etiam de pœna qua prohibetur. Tenet Henriquez *lib. de excom. cap. 21. numero 1. & Angel. excom. 7. casu ult. & Suarez tom. de censur. disp. 4. sess. 9. num. 19. & citati ab istis, & probatur, quia excommunicatio non fertur nisi in rebellem, & contumacem: at iste ignorans excommunicationem in isto casu positam non est rebellis, neque contumax: quia contumax solus est qui scit, & non vult parere.*

19 Quæris de irregularitate, suspensione, interdicto, & aliis pœnis. Et quidem primò de irregularitate præmittendum est aliam irregularitatem conser-

re ex delicto, vt ex homicidio, ex celebratione in excommunicatione, ex suspensione violenta, & similibus impositis, in pœnam delicti. Alia verò est irregularitas, quæ non ponitur ob delictum, sed ex indecentia, vel defectu significationis, & comitatur non culpam, sed indecentiam, qualis est bigamia, & irregularitas contracta à iudice sine culpa damnante hominem ad mortem iustè. Et quidem certum est apud omnes hanc irregularitatem; secundi generis certò contrahi etiã si operans operetur ignorantia inuincibili: & proinde contrahens cum duabus fit irregularis bigamus quantumcūque id ignorent inuincibiliter. Est ergo sola quaestio de irregularitate primi generis orta ex delicto, an ista quæ pœna est similiter & suspensio, interdictum, inhabilitas, & similes incurrantur ab operante inuincibiliter ignorante?

20 Partem affirmat. tenet Sotus in 4. distinct. 2. 2. qu. 1. artic. 2. ad finem, Ledesma 2. part. 4. quæst. 24. art. 6. & multi alij quos citat Sanchez n. 16. At ipse tenet ibi n. 17. probabilius cum multis aliis has omnes pœnas non incurri ab operante qui habet ignorantiam iuris positiui illas imponentis, faciunt pro hac sententia textus, & ratio adducta in n. 15. præcedenti, hîc facile applicabuntur. Et præcipuè cap. 2. de const. in 6. vbi dicitur ignorantes non ligari sententiis. Vbi nomine *sententia* non intelligitur sola excommunicatio, sed de omnibus sententiis pœnalibus: propositio enim indefinita iuris tradens regulam, æquiualeat vniuersali, vt Iuristæ communiter dicunt. Et ita citato loco exponit Gloss. & multi Canonistæ *ibidem*. Et in speciali de interdicto, & suspensione, probatur, quia hæ duæ censuræ etiam ponuntur ob contumaciam, vt inter alios tenet Nau. in Summ. c. 27. num. 9. at ignorans ius imponens has pœnas non est contumax, vt patet. ergo illas non incurrit.

21 Ex prædictis sequitur quòd quando in noua constitutione reseruatur absolutio alicuius casus in odium illius casus, vt fecit Sixtus V. contra malè promotos ad Ordines, ignorantem inuincibiliter hanc reservationem, illam non incurrere, quamuis aliàs se peccat

peccare cognoscat. Probatur, quia illa reservatio est pœna statuta in odium delinquentis. Et ignorantia pœnæ excusat ab illa pœna. Neque obstat si dicas per reservationem auferri iurisdictionem ad absoluendum, & ita ignorantiam non efficere, ut absolutio sit valida. Responderetur enim aliud esse de reservatione simpliciter facta pro bono communi Ecclesiæ, ut graviora delicta superioribus reuelentur: Aliud verò de reservatione præcepta in lege, quæ est pœna, & accessoria, quæ sequitur naturam principalis, & pœnæ. Agere enim bona fide contra reservationem primi generis, non facit ut absolutio sibi possit impendi: secus de faciente bona fide contra reservationem secundi generis.

21 Sicut diximus n. 16. ad incurrendam excommunicationem non sufficere quòd sciam opus esse prohibitum ab Ecclesia, sed ut sciam de pœna, idque prohiberi sub excommunicatione: ita de cæteris pœnis, suspensione, interdicto, irregularitate, &c. dicendum quòd ut incurrantur non sufficit me scire opus esse prohibitum, sed requiri ut sciam esse prohibitum sub pœna suspensionis, irregularitatis, inhabilitatis, &c. Hæc est probabilior, & mitior opinio, quam tenet Nauar. dicens esse consolatoriam circa multos in *Sum. cap. 23. num. 47. & cap. 27. num. 16.* Rodriguez in *Summ. tom. 1. cap. 19. n. 3. secunda editionis*, & aliorum quos citat Sanchez n. 2. dicens n. 22. istam opinionem esse probabiliorem quàm sit opposita, id solum concedens in excommunicationis pœna iuxta dicta in numero 16. At Suarez *disputat. 40. de censuris sess. 5. num. 9. & sequentibus.* cum multis Doctoribus tenet oppositum.

23 Ignorantia facti excusat à pœna imposita illi facto ignorato: est communis, & patet in percussione clerici quem non credebam clericum: ubi ignorato facto, seu qualitate facti, videlicet percussione clerici, non incurritur excommunicationis pœna. Habetur expressè in *cap. si verò, 2. de sentent. excommunicat.* Et hoc est verum etiam si operans daret operam alteri rei illicitæ: quia illa res illicita non concurrit ad occasionem clerici, vel alicuius peccati cui sit annexa pœ-

na. Excipitur verò vnus tantum casus, de quo *suprà* Ver. *homicidium*. de clerico chirurgo, qui dans operam rei illicitæ, seu sibi prohibitæ, quantacunque adhibuerit diligentiam pro vitando homicidio, si illud eueniat, non euadit pœnam ob causam ibi dictam.

24 Si quis clericum percutiat ignorans esse clericum, animo tamen tali affectus tunc est, vt si sciret esse clericum, etiam percuteret, non incurrit pœnam excommunicationis: quia in rigore datur ignorantia facti, & ille malus animus non tollit istam ignorantiam facti; imò nec est causa concurrens ad percussione[m] clerici: sed ibi assistit vt quid concomitans, & extraneum ab hac percussione. Ita Sanchez *cit. disp. num* 26. cum multis ibi citatis. Econtra verò intendens percutere clericum, & percutiens sæcularem non incurrit pœnam excommunicationis, quia Ecclesia non excommunicat nisi externam percussione[m] Clerici manantem ab interna ipsius intentione.

25 Ponit hoc loco Sanchez casum illum. De intendente percutere Petrum Clericum nocte: & casu percussit Ioannem Clericum: & ait talem incurriere excommunicationem Ego hoc dubium iam posui verbo *Manus violenta* *suprà* *numer.* 9. vbi dixi alios Doctores affirmare, alios negare: Attuli ibi distinctionem qua Suarez soluit dubium, vt intelligatur quando incurrat: Attuli ibi quandam declarationem Cardinalium per quam à simili videtur probari, hunc percutientem, de quo est quæstio, non incurriere. Nam per illam declarationem, iubens occidere Petrum sæcularem, si casu occidatur Ioannes sæcularis, non incurrit irregularitatem: ergo à simili percutiens Ioannem clericum quem non intendebat, licet intenderet percutere Petrum clericum, non incurret pœnam excommunicationis. Est enim vtrobique eadem ratio. Et hoc facit contra Sanchez dicentem *num.* 25. quòd talis percussor incurrat: facit, inquam, contra illum, quia ille *ibi num.* 26. ait eandem esse rationem in hac materia de incurrenda, vel non incurrenda excommunicatione, atque de irregularitate. Addit ille *ibidem numer.* 27. quòd

Quòd is qui proiecit lapidem intendens cedere Titum clericum, & lapis casu, & inculpabiliter, percussit Petrum etiam clericum, & mors inde secuta est, quem tamen Petrum clericum ipse non intendebat percutere: istum non esse excommunicatum, neque irregularem. Est enim, ait, casus diuersus ab illo priori: Nam in illo priori, & affectus, & opus ipsum externum sunt penitus mala, & iniusta. Si quidem affectus fuit clericum percutiendi, & adfuit voluntas illum clericum putando esse alium similiter clericum, cædendi, & opus secutum est. In secundo verò casu solus affectus malus fuit, qui non inducit irregularitatem, excommunicationemve. Sic ille. Et in hoc secundo casu illiusque explicatione, videtur opinio minus dubia, quam in priori.

26 Quoties ignorantia iuris, vel facti fuerit talis ut transgressorem liberet à culpa mortali, talis transgressor accusatur ab omni censura, irregularitate, & omnibus pœnis. Hæc quoad excommunicationem est certissima: hæc enim non incurritur nisi ob peccatum mortale, & idem est de aliis duabus censuris, suspensione, & interdicto, sunt enim pœnæ grauissimæ, & proinde non videntur imponi ab Ecclesia ob solam culpam venialem: quamuis non desint multi, & graues Doctores qui putent suspensionem posse incurri ob solum peccatum veniale; oppositum tamen cum multis Doctoribus tenet & probat Sanchez *cit. disp. 32. n. 26.* & probat ratione proximè posita, quia est pœna grauissima, nec proinde credendum est imponi ab Ecclesia matre pro culpa veniali. Idemque eadem de causa dicendum est de interdicto pœna grauiori quàm sit suspensio, citat ad hoc multos Doctores, quos ibi vide. De irregularitate verò orta ex delicto, quòd non contrahatur ex solo delicto veniali, sed mortali tenet expressè Soto *5. de Iust. q. 1. art. 9. vers. Id autem*, & Nauar. *super capitulo final. 14. quest. 6. n. 16. & in Summa Latina c. 27. n. 251. & alij.*

27 De ignorantia inuincibili, & inculpabili hætenus dictum est. Nunc adde sic. Ignorantia vincibilis siue facti, siue iuris imponentis, censuras, & alias pœ-

nas spirituales, siue factum illud sit peccatum mortale, si tamen non fuerit ignorantia crassa, & supina, excusat ab omnibus illis pœnis. Et hæc conclusio est magnæ consolationis: estque intelligenda de quibuscunque pœnis siue latis à iure communi Papæ, siue à particulari Diccësanorum: probatur ex *cap. 2. de constitut. in 6.* ubi dicitur ignorantia, dummodo non sit crassa, & supina, excusare ab omnibus sententiis. Vbi per verbum, *Sententia*, intelliguntur sententiæ latæ pro quibuscunque pœnis ut iam suprâ diximus. Hanc tenet Syuester *verb. culpa quæst. 11. §. 14. in fine* & alij, sicut Viuald. Candelabr. 2. *part. tractat. de Irregular. num. 265. & sequentib.* Maiolus *lib. 5. de Irregular. cap. 88. §. 3. numer. 1.* Crassa verò, & supina ignorantia est illa quæ procedit ex culpa lata, quæ interuenit in adhibenda diligentia. Culpa verò lata est (ut definit Castr. *lib. 2. de lege pœnal. cap. 14. col. 4.*) quando ignorans, aut nullam, aut valde modicam adhibuit diligentiam, ut sciret quæ nosse teneretur. Et Grassis 1. *p. decision. lib. 4. cap. 9. num. 20.* id magis explicans ait, culpam latam, seu ignorantiam crassam esse illam, quæ vel ex malitia, vel ex nimia negligentia procedit. Vbi vides posse aliquem euadere prædictas omnes pœnas, etiam si operetur culpabiliter mortaliter cum ignorantia iuris, vel facti, dummodo ignorantia non sit crassa, & supina, siue magna. Vnde etiam colliges non incurri irregularitatem homicidij ob solam culpam venialem.

28 Si Canon ponat censuram contra facientem aliquid scienter, excusatur ab illa pœna etiam ille, qui oppositum fecerit cum ignorantia crassa, dummodo non sit ingens temeritas talis crassa ignorantia. Idem dicendum est excusare ignorantiam crassam, si lex prohibet sub his verbis, *Si quis ausus fuerit: vel si quis præsumpserit*, utrobique enim crassa ignorantia excusat etonim qui ignorat crassè, neque scit, neque audet, neque præsumit: hæc enim tria requirunt, vel scientiam, vel contumaciam, quam non habet ignorans etiam crassè. Et probatur præterea, quia Canon requirens scientiam, ausum, vel præsumptionem supponit do-

lunt,

lum, ut patet, vel malitiam; at ignorant crasse non habet, malitiam, seu dolum. Hinc aduerto consolationis gratia excommunicationem Bullæ Cœnæ, latam contra legentes libros hæreticorum, exprimere illos qui legunt scienter: ut habetur in Bulla Cœnæ putò Sixti V. quam explicat Nauarr. in Sum. Latina, c. 27. num. 55. & proinde legentes illos, cum culpa notabili ex ignorantia crassa illam non incurrent. Idem dies circa excommunicationem latam contra religiosos admittentes fœminas intra clausuram, ibi enim ponitur verbum, *presumpserint*, & proinde excusabit ignorantia crassa: vide Nauar. in Summ. cap. 7. num. 141. Ludouic. Lopes 2. part. instruct. cap. 13. de excommunicat. §. sed iam ad secundum punctum. Henriq. lib. 3. de excommunic. cap. 23. num. 3. Dixi suprâ, nisi ignorantia crassa esset adeo crassa, ut sit ingens temeritas, quia re vera tunc ille operans diceretur operari cum dolo cum quo suprâ diximus neminem pœnas has euadere.

29 Ignorantia affectata, quas quis eligit nescire, ut liberius peccet, nunquam excusat à pœnis etiam scientiam exigentibus: probatur ex proximè dictis, quia ignorantia affectata supponit dolum, ut constat; at dolus non excusat. Et præterea, quia ignorantia affectata non minuit culpam, sed potius illam auget.

30 Quando in Canone, si quis suadente diabolo. 71. q. 4. excommunicatur cleri percussor: per illa verba, *suadente diabolo*, non innuitur quod debeat intervenire dolus, ac proinde quod excusetur percussor ignorans clericatum etiam crasse: non, inquam, ita est: sed illa verba *suadente diabolo*; solum important, quod sit percussio mala, & illicita: nam si sit licita, ut quæ sit correctionis gratia, per istam non incutritur, quia non fit instigante diabolo, & proinde in casu percussionis clerici ignorans clericatum, vel ipsum Ius per ignorantiam crassam non liberabitur: sed incurret.

31 Ex omnibus prædictis colligit Sanchez cit. disput. 32. à num. 42. usque ad finem disputationis, quod coniux contrahens affinitatem, vel consanguinitatem spirituales, cum sua vxore, quia scilicet baptizauit suum filium


filium, vel accessit ad consanguineam vxoris, per quod incurritur pœna, vt non possit petere debitum à tali vxore, vel coniuge, colligit, inquam, hunc talem liberari ab illa pœna non petendi debitum, si id fecit cum ignorantia crassa facti, vel iuris. Explicatur. Ignorauit quis omnino legem Ecclesiæ prohibentis petere debitum præcedente aliquo facto ex illis duobus, idque ignorauit crassè; iste habuit ignorantiam iuris, & proinde ab illa pœna, etiam si habuerit scientiam facti: id est, etiam si sciuerit, illum baptizatum esse filium suum: vel illam, ad quam accessit, esse consanguineam vxoris suæ, vel coniugis sui. De ignorantia facti sit exemplum. Sciebat quis legem Ecclesiæ prohibentem petere debitum præcedente aliquo ex duobus dictis, attamen ille baptizans vel leuans è fonte infantem, quem nesciebat omnino esse suum: vel accessit ad illam quæ verè est consanguinea vxoris, id tamen ille ignorabat, habuit ignorantiam facti, ac proinde excusatur ab illa pœna non petendi debitum. Imò addit *ibidem* Sanchez *num.* 48. quod hoc habet locum etiam si sit ignorantia circa gradum consanguinitatis; v. g. Accessit coniux ad consanguineam sui coniugis in secundo gradu, ignarus talis consanguinitatis, sed existimans esse in tertio gradu: tunc non prohibetur petitione debiti, ac si ignorasset consanguinitatem: nisi esset ingens temeritas sic ignorare, aut esset ignorantia affectata. Probat hoc vltimum de ignorantia circa talem gradum, quia perinde est ignorare consanguinitatem; ac ignorare gradum cui hæc pœna statuitur: in vtroque enim euentu verè ignoratur factum tali pœna punitum. Quod item magna consolatio est, & remedium ad quietandos coniuges quando confessor non habet specialem facultatem concessam ex priuilegio ad dispensandum in tali casu: si enim ibi intercessit vera ignorantia iuris, vel facti modo prædicto, non est necessaria dispensatio. Tandem concludit, quod si in duobus casibus præcedentibus coniux habet tantum ignorantiam solius pœnæ impositæ, ne petatur debitum; tunc duas esse opiniones, alteram affirmantem, excusari; alteram negantem,

tem, quæ verò ex his duabus sit probabilior, diximus in communi suprâ hoc eod. ver. n. 16. 17. & 18.

Quando autem probari possit ignorantia per iuramentum ignorantis, vide infrâ verb. *pœna*.

*ILLEGITIMVS, VEL
legitimus.*

Vide suprâ verb. *Dispensatio*, num. 1. 2. & 3.

1  Vi nam dicendi sint filij legitimi, vel non, quia spectat propriè ad Legistas, & Canonistas, omitto. Vide inter alios Sayro, *lib. 6. de censur. c. 10.* & alios.

2 Attendenda est forma dispensationis cum illegitimo, quo pacto detur. Si enim dispensatur solùm, v. g. vt si Guardianus, non poterit esse Prouincialis, & sic de cæteris, Capucinus verbo *Dispensare*, & proinde in dispensatione debent exprimi singula pro quibus dispensatur, v. g. Officia, dignitates, &c.

3 Dispensatus ad Ordines, non proinde censetur legitimari. Est enim valde diuersum legitimare, & dispensare. Vnde si dispensatus in Ordine ad dignitates, expellatur postea ab Ordine, non potest in sæculo obtinere dignitates, quia non fuit legitimatus, sed solùm pro Ordine dispensatus. Miranda *tom. 2. questione 2. art. 4.*

4 Illegitimus sacrilegus, cuius scilicet mater, aut pater est persona sacra, vel etiam incestuosus, natus scilicet ex parentibus inter se consanguineis, potest hodie admitti ad Religionem, quia licet Sixtus V. id vehemènter prohibuerit, Gregorius tamèn X I V. Bullam illius reduxit ad terminos iuris communis, per quod ius hi non arcentur à Religione, imò Gregorius in sua Bulla expressè admittit ad habitum, & professionem quoscumque illegitimos. Vide illius Bullam apud Rodriguez *tom. 3. quest. 54. prope finem*. Requirit tamen Gregorius X I V. vt illegitimè recipiendus sit talis indolis,
&

& probitatis, vt suppleat naturalium defectus. Secundò, prohibet Gregorius X I V. ne filius illegitimus aliquis Religiosi recipiatur in Ordine sui patris illo vi- uente, siue natus sit ante professionem, vel post pro- fessionem patris, poterit tamen mortuo patre.

5 Legitimus à Rege, vel Magistratu seculari, si intret Religionem non censetur legitimus ad Ordines, vel officia Ordinis: quia Rex non potest tollere impedimenta canonica: vt non potest tollere impedimenta matrimonij: vel habilitare ad Ecclesiastica. Est communis, & Rodrig. *Addis. ad Sum. verb. Legitimare. concl. 5. 1. p. c. 244.*

6 Probabilior opinio est quòd Sacerdos illegitimus dispensatus in saeculo habens ibi beneficium Curatum, si Religionem intret, non est dispensatus ad officia Ordinis, & dignitates in Ordine. Miranda *tom. 2. quest. 2. art. 5.* & Rodriguez *tom. 1. quest. 13. artic. 10.*

7 Electores eligentes vnum indignum in Prælatum, & scientes illum esse illegitimum, si ibi sit præses Capituli potens cum Capitulo dispensare cum eodem, ipso facto videntur cum illo dispensare. Rodriguez *cit. quest. 13. art. 16.*

8 Illegitimus, etiam si sit occultissimus, non potest in Ordine absque dispensatione sequentia officia obtinere. Dico in Ordine Minorum, alij viderint. v. g. Non potest esse Generalis, Prouincialis, Guardianus, neque Custos, neque Vicarius Conuentus: quia etiam Vicarius in absentia Guardiani est Ordinarius habens curam animarum, vide Syluestr. *verb. Prælatum, quest. 2.* Neque item potest esse Diffinitor, neque discretus, siue Procurator ad Capitulum Generale, vel Prouinciale. Vide Miranda *cit. quest. art. 8.* & Rodriguez *cit. quest. 13. art. 18. 19. & 20.* & licet ibi Rodrig. *art. 20.* dicat illegitimum posse esse Vicarium Conuentus, ego cum Miranda potius nego, quia est ordinarius in absentia, cui tunc aliquæ dispensationes committuntur, & saltem tempore Capituli est ordinarius habens totum quod habet Guardianus. & hæc iurisdictio non permittitur in iure illegitimis.

Possunt tamen prædicti illegitimi esse Magistri No- uitorum,

uitiorum, & Confessores Monialium. Syluest. *cit. ver. quæst.* 3. Rodrig. & Miranda. Excipe si talis confessor Monialium habeat iurisdictionem annexam externam, quales sunt aliqui apud Minoritas. Non tamen possunt esse Commissarij visitatores, quia hoc est dignitas, seu officium cum iurisdictione.

9 Ad dispensandum cum istis illegitimis requiritur causa: & hæc causa relinquitur arbitrio boni Prælati, ut quod illegitimus sit nobilis, litteratus, valde Religiosus, &c. Doctores communiter. Sed nota valde quod Patres Congregationis Sanct. Ioann. Euangelistæ in Portugallia habent priuilegium in suo Compendio, *fol. 9. pag. 2. in principio*, per quod Eugenius I V. concessit Conuentui Sancti Georgij in Allega, sui Ordinis ut admissus ad professionem inter illos, si habet defectum natalium, ipso facto sit dispensatus, non solum ad Ordines, sed etiam ad omnia solita gubernari per Fratres illius Ordinis, Prioratus, seu Præposituras, Rectorias, aut officia se inuicem compatiencia. Sic ibi. Itaque professus apud illos non solum dispensatur ad Ordines, sed etiam ad officia, & dignitates Ordinis. Et mihi dictum fuit à patre, qui fuit illorum Generalis in Portugallia, apud illos id praticari. An verò possint isto priuilegio uti illiqui communicant cum illis, & hæctenus ea ignorantia non fuerunt vsi, vide infra *ver. Vsus priuilegij. ver. Priuilegium n. 60. & sequenti- bus.*

10 In Compendio D. Hieronym. Hispan. *verb. Dispensatio natalium. §. 1.* dicitur, quod potest Prior Conuentualis dispensare ut Frater aliquis illegitimus sit Prior, Vicarius, Confessor, & qualuis alias administrationes Conuentus habere. Nihil tamen ait de Prouincialatu. *Ibidem* tamen §. 2. ait posse solum Generalem in hoc dispensare, etiam ut Frater illegitimus possit esse Generalis. Et credo has confessiones non esse reuocatas, nec modificatas per Gregor. X I V. dicentem supra *verb. Dispensatio num. 2.* id fieri debere in Capitulo, &c. quia Gregor. X I V. ibi non reuocat priuilegia antiqua Religionum circa dispensationem cum


cum illegitimis, imò ait se illa reualidare, si sint in usu, & non sint comprehensa sub vllis reuocationibus.

11 Ad dispensandum cum illegitimo requiritur quòd illegitimus explicet qualitatem illegitimitatis, si videlicet sit spurius, si naturalis, si sacrilegus, si incestuosus, si adulterinus, &c. possunt enim hæ qualitates cum aliquibus circumstantiis maximè duplicatis mouere, aut deterere ad dispensandum, *Miranda, cit. quest. art. 13.*

12 De Abbatissis, vel Monialibus illegitimis circa promotionem ad Abbatissatum, vide suprà, *ver. Abbatissam. num. 6.*

13 Paulus III. concessit Generalibus Ordinis D. Hieronym. in Hisp. vt possint dispensare cum familiaribus, conuersis, & donatis sui Ordinis illegitimis vt possint obtinere beneficia Regularia cum cura, vel sine cura animarum in suis Monasteriis, idque etiam si sint illegitimi, incestuosi, & sacrilegi. *Rodr. citat. q. 13. artic. 23.* Potens legitimare adulterinum, & incestuosum, seorsum potest etiam legitimare vnum simul adulterinum, & incestuosum. *Sanchez de Matr. lib. 8. disp. 2 n. 28.* cum mulieris. Excipit tamen dummodo non sit in præiudicium tertij: si videlicet ex legitimatione perdant partem hæreditatis filij legitimi.

A D D I T I O.

- 1  I quis coniux in legitimo matrimonio existens postea fiat Monachus, cum omnibus licètiis legitimè requisitis, & post professionem accedat, ad suam antiquam vxorem quæ filium pariat, talis filius natus ex vero matrimonio est sacrilegus, vt patet, & proinde illegitimus: habetur *in c. liter. de filiis presbyter.* ex quo capite, ac titulo videtur requiri, vt prædictus monachus, non solum sit monachus, sed etiam Sacerdos.
- 2 Si quis nascatur ex soluto, & soluta, idque ex coitu illicito, & fornicario, & illi postea inter se verum matrimonium contrahant, ille præteritus legitimatur eo ipso

ipso per illud subsequens matrimonium. Habetur *cap. tanta. qui filij sint legitimi*. Idem dicendum est de filiis qui nati sunt ex matrimonio à parte rei nullo, putato tamen vero: si enim à parte rei extitit impedimentum dirimens matrimonium, propter quod solutum est matrimonium, post aliquot annos sententia iudicis; hoc non obstante, illi filij qui nati sunt tempore quo matrimonium putabatur validum, sunt filij legitimi, si matrimonium prius contractum fuit in facie Ecclesiæ. Habetur *cap. cum inter. qui filij sint legit.* Quod etiam verum est de filiis, qui concepti sunt ante latam sententiam diuortij, & nati post illam latam. Tolledo *in Sum. lib. 1. cap. 58. num. 3.*

3 Illi qui post Baptismum, vel ante illum exponuntur à matre ne cognoscatur, & ponuntur ad portas templi, vel alicuius viri, reputantur pro illegitimis, quia violenta probatio est, eos non nasci ex vero matrimonio. Tolledo *ubi supra num. 4.*

*IMPETRARE INDULTA
absque licentia.*

1 **N**ullus Regularis potest impetrare indulta à Sede Apostolica contra suæ Religionis statuta: & obtentum est nullum: Idem est si indultum sit contra Regulam, & bonos mores. *Rodr. tom. 2. q. 103. art. 2.*

2 Si Religiosus impetret sibi aliquam exemptionem valebit pro forma verborum, si videlicet deroget concessionem Leonis X. qui prohibuit similes exemptiones obtentas etiam à Legatis à latere, si obtineantur absque licentia Generalis, vel Prouincialis Minorum. *Rodrig. 1.2 q. 64. art. 1.* Et ibidem etiam Leo X. ut valeat rescriptum exemptionis pro Fratre Minorita requirit etiam quod interueniat consensus Procuratoris, vel Commissarij Rom. Curix. At sequentes Pontifices non astringuntur illis limitationibus; & proinde inspiciantur verba concessionis Papalis. Supradicta prohibitio Leonis X. habetur in *Compend. ver. Exempti Fratres. §. 9. & 11.*

INDV LGENTIA.

ANte omnia suppono , vt notissimum, multas Indulgentias olim fuisse concessas diuersis Ordinibus ac Religiosis , de quibus latè Compend. Minorum, vt. *Indulgentia*. Secundò, suppono certissimum S. Dominum Paulū V. anno 606. Pontificatus sui anno primo, reuocasse omnes Indulgentias concessas per antecessores suos Sum. Pontifices quibuslibet Regularibus, Religiosis, ac Monialibus cuiusvis Ordinis, illasque annullasse: ac decreuisse, quod loco illarum ibi reuocatarum , omnes, & singuli Religiosi gauderent solis Indulgentiis in eadem Bulla ibi Religiosis concessis ab eodem Sum. Pontifice: quæ sunt sequentes.

1 Indulgentia plenaria cuique fideli Christiano suscipienti habitum approbatæ Religionis : cum animo profitendi, si suscipiat confessus , & sacra communione resectus.

2 Indulgentia plenaria cuius Nouitio profitenti , si sit confessus, & sacra communione resectus.

3 Quiuis Religiosus degens intra clausuram , in festo principali sui Ordinis, confessus, & sacra communione resectus, vel Missam celebrans, rogans deuotè pro concordia Principum Christianorum , extirpatione hæresum, exaltatione Ecclesiæ, & salute Sum. Pontificis, lucratur Indulgentiam plenariam, vbi nota specificare papam, quod viuat Regularis intra clausuram Conuentus. Puto autem quod festum principale sui Ordinis erit festum Fundatoris Ordinis canonizati ; vel illud quod apud illos fuerit declaratum pro principali.

4 Quiuis Religiosus in articulo mortis verè pœnitens confessus , & communicatus , & si hoc fieri nequeat, contritus, pronuncians, & inuocans ore, vel si ore non possit, mente, nomen IESV, lucratur Indulgentiam plenariam.

5 Indulgentia plenaria cuius nouo sacerdoti confesso,

fesso, & dicenti primam Missam. Et eadem datur cuius Religioso illam audienti, si sit confessus. & Eucharistia sanctissima refectus, vel si celebrauit confessus.

6 Indulgentia plenaria, & remissio omnium peccatorum cuius Religioso, qui per decem dies segregatus à negotiis se collegerit ad aliquod cubiculum, vel se segregauerit à conuersatione aliorum, ibique intenderit lectioni librorum spiritualium, & cæterorum ad deuotionem excitantium. Et considerauerit sæpe mysteria fidei, diuina beneficia, quatuor nouissima, Passionem Domini, similiaque exercitia spiritualia fecerit. Et simul fecerit intra idem tempus, confessionem generalem totius vitæ, vel vnius anni, vel ordinariam: & Eucharistiam sacrosanctam receperit, vel celebrauerit, & hæc omnia toties quoties fecerit, lucratur Indulgentiam plenariam.

7 Quiuis Religiosus viuens in clausura visitans suam propriam Ecclesiam, & orans in illa deuotè pro suprà dictis in tertia Indulgentia, lucratur omnes Indulgentias concessas visitantibus Ecclesias intra, & extra muros Romæ, in die stationum, ac si ipse illas visitaret. Et hæc est maior & facilior inter ibi contentas.

8 Quiuis Religiosus viuens in clausura, dicens quinques Pater noster, & Ave Maria, coram altari suæ Ecclesiæ singulis diebus, lucratur quinque annos Indulgentiæ & quinque quarentenas.

9 Eandem Indulgentiam lucratur, qui de licentia Superiorum iter facit, vel est extra clausuram, sicut Lectores, & Prædicatores, si proximè dictum faciant coram Altari alicuius Ecclesiæ.

10 Religiosi qui per spatium mensis vnius singulis diebus habuerint mediam horam Orationis mentalis, & confessi receperint Eucharistiam in vltima Dominica eiusdem mensis, lucrantur sexaginta annos Indulgentiæ, & totidem quarentenas.

11 Qui in Capitulis accusauerint suas culpas, imperfectiones, & peccata contriti, & communicati, & habuerint exercitia virtutum, lucrantur tres annos Indulgentiæ, & totidem quarentena.

nas spirituales, siue factum illud sit peccatum mortale, si tamen non fuerit ignorantia crassa, & supina, excusat ab omnibus illis pœnis. Et hæc conclusio est magnæ consolationis: estque intelligenda de quibuscunque pœnis siue latis à iure communi Papæ, siue à particulari Diœcesanorum: probatur ex *cap. 2. de constitut. in 6.* ubi dicitur ignorantia, dummodo non sit crassa, & supina, excusare ab omnibus sententiis. Vbi per verbum, *Sententia*, intelliguntur sententiæ latæ pro quibuscunque pœnis ut iam supra diximus. Hanc tenet Syuester *verb. culpa quest. 11. §. 14. in fine* & alij, sicut Viuald. *Candelabr. 2. part. tractat. de Irregular. num. 265. & sequentib.* Maiolus *lib. 5. de Irregular. cap. 58. §. 3. numer. 1.* Crassa verò, & supina ignorantia est illa quæ procedit ex culpa lata, quæ interuenit in adhibenda diligentia. Culpa verò lata est (ut definit Castr. *lib. 2. de lege pœnal. cap. 14. col. 4.*) quando ignorans, aut nullam, aut valde modicam adhibuit diligentiam, ut sciret quæ nosse tenetur. Et Grassis *1. p. decision. lib. 4. cap. 9. num. 20.* id magis explicans ait, culpam latam, seu ignorantiam crassam esse illam, quæ vel ex malitia, vel ex nimia negligentia procedit. Vbi vides posse aliquem euadere prædictas omnes pœnas, etiam si operetur culpabiliter mortaliter cum ignorantia iuris, vel facti, dummodo ignorantia non sit crassa, & supina, siue magna. Vnde etiam colliges non incurri irregularitatem homicidij ob solam culpam venialem.

28 Si Canon ponat censuram contra facientem aliquid scienter, excusatur ab illa pœna etiam ille, qui oppositum fecerit cum ignorantia crassa, dummodo non sit ingens temeritas talis crassa ignorantia. Idem dicendum est excusare ignorantiam crassam, si lex prohibet sub his verbis, *Si quis ausus fuerit: vel si quis præsumpserit*, utrobique enim crassa ignorantia excusat: etonim qui ignorat crassè, neque scit, neque audet, neque præsumit: hæc enim tria requirunt, vel scientiam, vel contumaciam, quam non habet ignorans etiam crassè. Et probatur præterea, quia Canon requirens scientiam, ausum, vel præsumptionem supponit do-

lum,

lum, ut patet, vel malitiam; ac ignorant crasse non habet malitiam, seu dolum. Hinc adueto consolationis gratia excommunicationem Bullæ Cœnæ, latam contra legentes libros hæreticorum, exprimere illos qui legunt scienter: ut habetur in Bulla Cœnæ putò Sixti V. quam explicat Nauarr. in Sum. Latina, c. 27. num. 55. & proinde legentes illos, cum culpa notabili ex ignorantia crassa illam non incurrunt. Idem dies circa excommunicationem latam contra religiosos admittentes fœminas intra clausuram, ibi enim ponitur verbum, *presumpserint*, & proinde excusabit ignorantia crassa: vide Nauar. in Summ. cap. 7. num. 141. Ludouic. Lopes 2. part. instruct. cap. 13. de excommunicat. §. sed iam ad secundum punctum. Henriq. lib. 3. de excommunic. cap. 23. num. 3. Dixi suprâ, nisi ignorantia crassa esset adeo crassa, ut sit ingens temeritas; quia re vera tunc ille operans diceretur operari cum dolo cum quo suprâ diximus neminem pœnas has euadere.

29 Ignorantia affectata, quas quis eligit nescire, ut liberius peccet, nunquam excusat à pœnis etiam scientiam exigentibus: probatur ex proximè dictis, quia ignorantia affectata supponit dolum, ut constat; ac dolum non excusat. Et præterea, quia ignorantia affectata non minuit culpam, sed potius illam auget.

30 Quando in Canone, si quis suadente diabolo. 71. q. 4. excommunicatur cleri percussor: per illa verba, *suadente diabolo*, non innuitur quod debeat interuenire dolum, ac proinde quod excusetur percussor ignorans clericatum etiam crasse: non, inquam, ita est: sed illa verba *suadente diabolo*; solum important, quod sit percussio mala, & illicita: nam si sit licita, ut quæ sit correctionis gratia, per istam non incutritur, quia non fit instigante diabolo, & proinde in casu percussione clerici ignorans clericatum, vel ipsum Ius per ignorantiam crassam non liberabitur: sed incurrat.

31 Ex omnibus prædictis colligit Sanchez cit. disput. 32. à num. 42. usque ad finem disputationis, quod coniux contrahens affinitatem, vel consanguinitatem spirituales, cum sua vxore, quia scilicet baptizauit suum
filiam


filium, vel accessit ad consanguineam vxoris, per quod incurritur pœna, vt non possit petere debitum à tali vxore, vel coniuge, colligit, inquam, hunc talem liberari ab illa pœna non petendi debitum, si id fecit cum ignorantia crassa facti, vel iuris. Explicatur. Ignorauit quis omnino legem Ecclesiæ prohibentis petere debitum præcedente aliquo facto ex illis duobus, idque ignorauit crasse; iste habuit ignorantiam iuris, & proinde ab illa pœna, etiam si habuerit scientiam facti: id est, etiam si sciuerit, illum baptizatum esse filium suum: vel illam, ad quam accessit, esse consanguineam vxoris suæ, vel coniugis sui. De ignorantia facti sit exemplum. Sciebat quis legem Ecclesiæ prohibentem petere debitum præcedente aliquo ex duobus dictis, attamen ille baptizans vel leuans è fonte infantem, quem nesciebat omnino esse suum: vel accessit ad illam quæ verè est consanguinea vxoris, id tamen ille ignorabat, habuit ignorantiam facti, ac proinde excusatur ab illa pœna non petendi debitum. Imò addit *ibidem* Sanchez *num.* 48. quod hoc habet locum etiam si sit ignorantia circa gradum consanguinitatis; v. g. Accessit coniux ad consanguineam sui coniugis in secundo gradu, ignarus talis consanguinitatis, sed existimans esse in tertio gradu: tunc non prohibetur petitione debiti, ac si ignorasset consanguinitatem: nisi esset ingens temeritas sic ignorare, aut esset ignorantia affectata. Probat hoc vltimum de ignorantia circa talem gradum, quia periunde est ignorare consanguinitatem; ac ignorare gradum cui hæc pœna statuitur: in vtroque enim euentu verè ignoratur factum tali pœna punitum. Quòd item magna consolatio est, & remedium ad quietandos coniuges quando confessor non habet specialem facultatem concessam ex priuilegio ad dispensandum in tali casu: si enim ibi intercessit vera ignorantia iuris, vel facti modo prædicto, non est necessaria dispensatio. Tandem concludit, quòd si in duobus casibus præcedentibus coniux habet tantum ignorantiam solius pœnæ impositæ, ne petatur debitum, tunc duas esse opiniones, alteram affirmantem, excusari; alteram negantem,

tem, quæ verò ex his duabus sit probabilior, diximus in communi suprà hoc eod. ver. n. 16. 17. & 18.

Quando autem probari possit ignorantia per iuramentum ignorantis, vide infrà verb. *pœna*.

*ILLEGITIMVS, VEL
legitimus.*

Vide suprà verb. *Dispensatio*, num. 1. 2. & 3.

1  Vi nam dicendi sint filij legitimi, vel non, quia spectat propriè ad Legistas, & Canonistas, omitto. Vide inter alios Sayro, *lib. 6. de censur. c. 10.* & alios.

2 Attendenda est forma dispensationis cum illegitimo, quo pacto detur. Si enim dispensatur solùm, v. g. ut si Guardianus, non poterit esse Prouincialis, & sic de cæteris, Capucinus verbo *Dispensare*, & proinde in dispensatione debent exprimi singula pro quibus dispensatur, v. g. Officia, dignitates, &c.

3 Dispensatus ad Ordines, non proinde censetur legitimari. Est enim valde diuersum legitimare, & dispensare. Vnde si dispensatus in Ordine ad dignitates, expellatur postea ab Ordine, non potest in sæculo obtinere dignitates, quia non fuit legitimatus, sed solùm pro Ordine dispensatus. Miranda *tom. 2. questione 2. art. 4.*

4 Illegitimus sacrilegus, cuius scilicet mater, aut pater est persona sacra, vel etiam incestuosus, natus scilicet ex parentibus inter se consanguineis, potest hodie admitti ad Religionem, quia licet Sixtus V. id vehemèter prohibuerit, Gregorius tamen X I V. Bullam illius reduxit ad terminos iuris communis, per quod ius hi non arcentur à Religione, imò Gregorius in sua Bulla expressè admittit ad habitum, & professionem quoscunque illegitimos. Vide illius Bullam apud Rodriguez *tom. 3. quest. 54. prope finem*. Requirit tamen Gregorius X I V. ut illegitimè recipiendus sit talis indolis,

&

& probitatis, vt suppleat naturalium defectus. Secundo, prohibet Gregorius X IV. ne filius illegitimus aliquis Religiosi recipiatur in Ordine sui patris illo vi- uente, siue natus sit ante professionem, vel post pro- fessionem patris, poterit tamen mortuo patre.

5 Legitimus à Rege, vel Magistratu sæculari, si intret Religionem non censetur legitimus ad Ordines, vel officia Ordinis: quia Rex non potest tollere impedimenta canonica: vt non potest tollere impedimenta matrimonij: vel habilitare ad Ecclesiastica. Est communis, & Rodrig. *Addit. ad Sum. verb. Legitimare. concl. 5. 1. p. c. 244.*

6 Probabilior opinio est quòd Sacerdos illegitimus dispensatus in sæculo habens ibi beneficium Curatum, si Religionem intret, non est dispensatus ad officia Ordinis, & dignitates in Ordine. Miranda *tom. 2. quest. 2. art. 5.* & Rodriguez *tom. 1. quest. 13. articul. 10.*

7 Electores eligentes vnum indignum in Prælatum, & scientes illum esse illegitimum, si ibi sit præses Capitali potens cum Capitulo dispensare cum eodem, ipso facto videntur cum illo dispensare. Rodriguez *cit. quest. 13. art. 16.*

8 Illegitimus, etiam si sit occultissimus, non potest in Ordine absque dispensatione sequentia officia obtinere. Dico in *Ordine Minorum*, alij viderint. v. g. Non potest esse Generalis, Prouincialis, Guardianus, neque Custos, neque Vicarius Conuentus: quia etiam Vicarius in absentia Guardiani est Ordinarius habens curam animarum, vide Sylvestr. *verb. Prælatus, quest. 2.* Neque item potest esse Diffinitor, neque discretus, siue Procurator ad Capitulum Generale, vel Prouinciale. Vide Mirand. *cit. quest. art. 8.* & Rodriguez *cit. quest. 13. art. 18. 19. & 20.* & licet ibi Rodrig. *art. 20.* dicat illegitimum posse esse Vicarium Conuentus, ego cum Miranda potius nego, quia est ordinarius in absentia, cui tunc aliquæ dispensationes committuntur, & saltem tempore Capituli est ordinarius habens totum quod habet Guardianus: & hæc iurisdictio non permittitur in iure illegitimis.

Possunt tamen prædicti illegitimi esse Magistri Nouitiorum,

uitiorum, & Confessores Monialium. Syluest. *cit. ver. quæst.* 3. Rodrig. & Miranda. Excipe si talis confessor Monialium habeat iurisdictionem annexam externam, quales sunt aliqui apud Minoritas. Non tamen possunt esse Commissarij visitatores, quia hoc est dignitas, seu officium cum iurisdictione.

9 Ad dispensandum cum istis illegitimis requiritur causa: & hæc causa relinquitur arbitrio boni Prælati, ut quod illegitimus sit nobilis, litteratus, valde Religiosus, &c. Doctores communiter. Sed nota valde quod Patres Congregationis Sancti Ioannis Evangelistæ in Portugallia habent priuilegium in suo Compendio, fol. 9. pag. 2. in principio, per quod Eugenius I V. concessit Conuentui Sancti Georgij in Allega, sui Ordinis ut admissus ad professionem inter illos, si habet defectum natalium, ipso facto sit dispensatus, non solum ad Ordines, sed etiam ad omnia solita gubernari per Fratres illius Ordinis, Prioratus, seu Præposituras, Rectorias, aut officia se inuicem compariantia. Sic ibi. Itaque professus apud illos non solum dispensatur ad Ordines, sed etiam ad officia, & dignitates Ordinis. Et mihi dictum fuit à patre, qui fuit illorum Generalis in Portugallia, apud illos id praticari. An verò possint isto priuilegio uti illiqui communicant cum illis, & hætenus ea ignorantia non fuerunt vsi, vide infra *ver. Vsus priuilegij. ver. Priuilegium n. 60. & sequenti-
bus.*

10 In Compendio D. Hieronym. Hispan. *verb. Dispensatio natalium.* §. 1. dicitur, quod potest Prior Conuentualis dispensare ut Frater aliquis illegitimus sit Prior, Vicarius, Confessor, & quasuis alias administrationes Conuentus habere. Nihil tamen ait de Prouincialatu. *Ibidem* tamen §. 2. ait posse solum Generalem in hoc dispensare, etiam ut Frater illegitimus possit esse Generalis. Et credo has confessiones non esse reuocatas, nec modificatas per Gregor. X I V. dicentem supra *verb. Dispensatio num. 2.* id fieri debere in Capitulo, &c. quia Gregor. X I V. ibi non reuocat priuilegia antiqua Religionum circa dispensationem cum


cum illegitimis, imò ait se illa reualidare, si sint in usu, & non sint comprehensa sub vllis reuocationibus.

11 Ad dispensandum cum illegitimo requiritur quòd illegitimus explicet qualitatem illegitimitatis, si videlicet sit spurius, si naturalis, si sacrilegus, si incestuosus, si adulterinus, &c. possunt enim hæ qualitates cum aliquibus circumstantiis maximè duplicatis mouere, aut deterere ad dispensandum, Miranda, *cit. quest. art. 13.*

12 De Abbatis, vel Monialibus illegitimis circa promotionem ad Abbatissatum, vide suprà, *ver. Abbatissa. num. 6.*

13 Paulus III. concessit Generalibus Ordinis D. Hieronym. in Hisp. vt possint dispensare cum familiaribus, conuersis, & donatis sui Ordinis illegitimis vt pollint obtinere beneficia Regularia cum cura, vel sine cura animarum in suis Monasteriis, idque etiam si sint illegitimi, incestuosi, & sacrilegi. Rodr. *cit. q. 13. artic. 23.* Potens legitimare adulterinum, & incestuosum, seorsim, potest etiam legitimare vnum simul adulterinum, & incestuosum. Sanchez *de Matr. lib. 8. disp. 2 n. 28.* cum multis. Excipit tamen dummodo non sit in præiudicium tertij: si videlicet ex legitimatione perdant partem hæreditatis filij legitimi.

ADDITIONO.

1  I quis coniux in legitimo matrimonio existens postea fiat Monachus, cum omnibus licètiis legitimè requisitis, & post professionem accedat, ad suam antiquam vxorem quæ filium pariat, talis filius natus ex vero matrimonio est sacrilegus, vt patet, & proinde illegitimus: habetur *in c. liter. de filiis presbyter.* ex quo capite, ac titulo videtur requiri, vt prædictus monachus non solum sit monachus, sed etiam Sacerdos.

2 Si quis nascatur ex soluto, & soluta, idque ex coitu illicito, & fornicario, & illi postea inter se verum matrimonium contrahant, ille præteritus legitimatur eo ipso

ipso per illud subsequens matrimonium. Habetur *cap. tanta. qui filij sint legitimi*. Idem dicendum est de filiis qui nati sunt ex matrimonio à parte rei nullo, putato tamen vero: si enim à parte rei extitit impedimentum dirimens matrimonium, propter quod solutum est matrimonium, post aliquot annos sententia iudicis; hoc non obstante, illi filij qui nati sunt tempore quo matrimonium putabatur validum, sunt filij legitimi, si matrimonium prius contractum fuit in facie Ecclesiæ. Habetur *cap. cum inter. qui filij sint legit.* Quod etiam verum est de filiis, qui concepti sunt ante latam sententiam diuortij, & nati post illam latam. Tolledo *in Sum. lib. 1. cap. 58. num. 3.*

3 Illi qui post Baptismum, vel ante illum exponuntur à matre ne cognoscatur, & ponuntur ad portas templi, vel alicuius viri, reputantur pro illegitimis, quia violenta probatio est, eos non nasci ex vero matrimonio. Tolledo *ubi supra num. 4.*

*IMPESTRARE INDULTA
absque licentia.*

1 **N** Vllus Regularis potest impetrare indulta à Sede Apostolica contra suæ Religionis statuta: & obtentum est nullum: Idem est si indultum sit contra Regulam, & bonos mores. *Rodr. tom. 2. q. 103. art. 2.*

2 Si Religiosus impetret sibi aliquam exemptionem valebit pro forma verborum, si videlicet deroget concessionem Leonis X. qui prohibuit similes exemptiones obtentas etiam à Legatis à latere, si obtineantur absque licentia Generalis, vel Prouincialis Minorum. *Rodrig. 1. 2 q. 64. art. 1.* Et ibidem etiam Leo X. vt valeat rescriptum exemptionis pro Fratre Minorita requirit etiam quod interueniat consensus Procuratoris, vel Commissarij Rom. Curix. At sequentes Pontifices non astringunt illis limitationibus; & proinde inspiciantur verba concessionis Papalis. Supradicta prohibitio Leonis X. habetur in *Compend. ver. Exempti Fratres. §. 9. & 11.*

fesso, & dicenti primam Missam. Et eadem datur cuius Religioso illam audienti, si sit confessus. & Eucharistia sanctissima relictus, vel si celebravit confessus.

6 Indulgentia plenaria, & remissio omnium peccatorum cuius Religioso, qui per decem dies segregatus à negotiis se collegerit ad aliquod cubiculum, vel se segregauerit à conuersatione aliorum, ibique intenderit lectioni librorum spiritualium, & cæterorum ad deuotionem excitantium. Et considerauerit sæpe mysteria fidei, diuina beneficia, quatuor nouissima, Passionem Domini, similiaque exercitia spiritualia fecerit. Et simul fecerit intra idem tempus, confessionem generalem totius vitæ, vel vnius anni, vel ordinariam: & Eucharistiam sacrosanctam receperit, vel celebrauerit, & hæc omnia toties quoties fecerit, lucratur Indulgentiam plenariam.

7 Quiuis Religiosus viuens in clausura visitans suam propriam Ecclesiam, & orans in illa deuotè pro suprâ dictis in tertia Indulgentia, lucratur omnes Indulgentias concessas visitantibus Ecclesias intra, & extra muros Romæ, in die stationum, ac si ipse illas visitaret. Et hæc est maior & facilior inter ibi contentas.

8 Quiuis Religiosus viuens in clausura, dicens quinque Pater noster, & Ave Maria, coram altari suæ Ecclesiæ singulis diebus, lucratur quinque annos Indulgentiæ & quinque quarentenas.

9 Eandem Indulgentiam lucratur, qui de licentia Superiorum iter facit, vel est extra clausuram, sicut Lectores, & Prædicatores, si proximè dictum faciant coram Altari alicuius Ecclesiæ.

10 Religiosi qui per spatium mensis vnius singulis diebus habuerint mediam horam Orationis mentalis, & confessi receperint Eucharistiam in vltima Dominica eiusdem mensis, lucrantur sexaginta annos Indulgentiæ, & totidem quarentenas.

11 Qui in Capitulis accusauerint suas culpas, imperfectiones, & peccata contriti, & communicati, & habuerint exercitia virtutum, lucrantur tres annos Indulgentiæ, & totidem quarentena.

12. Religiosus missus à Papa, vel legitimo superiore, ad terras infidelium, vel hæreticorum prædicandi gratia, vel ad docendum ibi Catholicos, vel hæreticos conuertendos, vel infideles reducendos, si ad prædictum finem fuerit confessus, & sacra communione refectus, lucratur Indulgentiam plenariam; & hanc lucratur per duas vices distinctas: primò, quando recipit prædicta Sacramenta ad illum finem; secundò, quando ingreditur prædictam Prouinciã ad quam mittitur,

13. Quando superior in visitatione generali, pro meliøre successu visitationis voluerit instituere solitas 40. horas orationis, singuli Religiosi qui durante spatio dictarum 40. horarum, ad minus habuerint duas horas orationis diuersis etiam temporibus per intervalla, rogando deuotè pro concordia Principum Christianorũ, extirpatione hæresum, exaltatione fidei, salute Papæ, & augmento Regularis disciplinæ, confessi, & sacra communione refecti lucrantur Indulgentiam plenariam, & remissionem peccatorum.

Post hanc reuocationem generalem; & concessiones prædictus idem Dominus Paulus V. concessit nobis Minoritis Indulgentiam plenariam dicentibus Coronam Beatæ Mariæ, idque ad instantiam Oratoris Hispaniæ, in Curia Romana agentis, & Commissarij nostri in eadem Curia: & dicebat in literis testimonialibus, quas vidi impressas, se id denuò concedere, non obstante sua generali reuocatione Indulgentiarum suprà dicta.

Circa hanc verò reuocationem primò aduerto in illa solùm reuocari Indulgentias olim concessas directè ipsis Religiosis, & Monialibus, seu Religionibus, patet ex verbis Motus proprij, cùm loquitur de reuocatione, ibi, (*quibuscumque Ordinibus, & institutis Regularibus, & quibuscumque personis Regularibus concessas*) quales erant illæ quibus soli Religiosi utebantur: vt verbi gratia, quoties Minoritæ celebrabant, vel communicabant Indulgentia plenaria, si id facerent in die Dominica, Festis Christi Domini, & B. Mariæ, &c. vel quoties aliqui Religiosi dicerent *Psalm. Miserere mei*

Deus

Deus : & similes. At non videtur in dicta reuocatoria prohiberi quo minus Religiosi lucrentur alias Indulgentias concessas à Pontificibus vniuersis Christi fidelibus: vt cùm Sixtus V. concedit Indulgentiam plenariam vniuersis Christi fidelibus visitantibus Ecclesias Minorum in festis Sanctorum eiusdem Ordinis: non, inquam, excludantur Religiosi ab his Indulgentiis. Primò, quia Religiosi etiam sunt fideles. Secundò, quia non sunt peioris conditionis, quàm seculares. Tertiò, quia hæ ultimæ Indulgentiæ Sixti, & similes, non sunt concessæ primò, & directè personis Regularibus, sed omnibus Christi fidelibus absque limitatione, & restrictione.

Secundum principale occurrit tractandum circa prædictam reuocationem D. Pauli V. an prædictæ Indulgentiæ sic reuocatæ, hodie censeantur reualidatæ saltē apud Minores, eo quòd idem D. Paulus V. post illam reuocationem confirmauit Minoritis sua omnia antiqua priuilegia: dicens in confirmatione se confirmare etiam (*gratias, concessiones, & indulta spiritualia*) sed tamen non posuit vllò modo Indulgentias? Aliquī affirmarunt in dictis verbis, *gratias, indulta spiritualia*, prædictum D. Paulum V. nobis iterum confirmasse Indulgentias antiquas.

Ego constanter teneo ibi per illa verba non confirmasse antiquas Indulgentias à se reuocatas, & sic nos hodie directè non habere nisi suprà positas concessas ab illo: & idem dicendum de cæteris Religiosis si post illam reuocationem non impetrarunt particularem illarum antiquarum confirmationem ab illo. Et huius meæ opinionis fuerunt graues, ac docti Religiosi hac de re consulti in præcipuis Conuentibus Olyssiponens. & in Academia Eborensi, qui dixerunt ita se rem habere, & apud illos non haberi nouum recursum seu confirmationem. Probo primò, quia non est credendum de sanctiss. D. Papa tam citò mutasse sententiam in re grauissima, quàm in prædicta Bulla dicit iam intentatam, à Clemente VIII. & sibi etiam à Procuratoribus Ordinum postulatam vt ipsemet Dominus Paulus V. dubia Religiosis quietaret in re tam consu-

sa antiquarum tot Indulgentiarum. Secundò, quia idem Dominus Paulus V. vt suprà dixi, concedens nobis Minoritis illam Indulgentiam plenariam pro corona Beatæ Mariæ, dixit se illam concedere non obstante sua reuocatione generali Indulgentiarum: si ergo pro concessione vnus tantum, fecit mentionem suæ reuocationis: cur non faceret mentionem eiusdem reuocationis recentis, confirmans postea non vnâ sed tot, tantas, ac tam faciles, de quibus Religiosi ipsi postularent decisionem? Tertiò, quia Clemens V I I I. illius prædecessor quando confirmauit nostra priuilegia, expressè dixit se confirmare Indulgentias; & cæteri Pontifices similiter: At Paulus V. verbum *indulgentia* subticuit omnino. Quartò, quia lex Principis debet promulgari verbis clavis, propriis, & communibus ad tollenda dubia, vt Doctores tradunt in materia de legibus: dubium verò valde est, imò & insolitum, quod per gratias, & indulta spiritualia intelligantur Indulgentiæ. Adde quòd Indulgentia est materia grauissima, & habet nomen commune & vsitatum, ac proinde non debuit per circumloquia exprimi. Vltimò, quia, vt Iuristæ dicunt, in concessione generali Principis non conceduntur illa, quæ si Princeps aduerteret, vel rogeretur, non erat concessurus: at in illa concessione gratiarum, & indultorum si Papa nuper reuocans omnes Indulgentias cum tanto fundamento, aduerteret, vel rogaretur, credendum est noluisse prædictas reuocatas validare: posset enim aliqualis videri incòstantia. Quod verò attinet ad verba citata: *gratia, & indulta spiritualia*, non significant solum, & propriè Indulgentias. *Gratia* enim nomen generale est, significans gratiam infusam, beneficium, fauores, &c. *Indultum*, etiam spirituale multa alia significat: vtpote concessiones ad quietandos scrupulos, ad soluendum à reservatis, & alia similia pertinentia ad animam, vt dispensationes, quæ non sunt Indulgentiæ. Et probo, quia Iulius I I I. Sixtus V. & Clemens V I I I. locis citandis infra verbo *Priuilegium*, num. 10. confirmantes priuilegia ultra Indulgentias dixerunt, etiam indulta spiritualia tanquam

quid

quid diuersum. Et quòd sub nominibus communibus non intelligantur Indulgentiæ, tenet expressè Suarez *tom. de legib. l. 8. c. 9. ad fin.* & innuit Nau. *l. 5. consil. tit. de pœnit. & remis. consil. 2. n. 3.* Addo quòd Miranda nouissimè scribens post illam reuocationem, in utroque tomo, neque vllum verbum fecit de Indulgentiis, videns scilicet esse reuocatas: aliàs non omisuras rem tam grauem, comunem, & necessariam, & consolatoriam. Quæris: Clemens VIII. apud Bullarium Rodr. concessit Indulgentiam plenariam parentibus Fratrum existentium in Purgatorio & benefactorum particularium Fratres hospitantium, si pro illis minorita dixerit vnā Missam. An hæc sit reuocata p̄t Paulum V? credo quòd non: quia talis Indulgentia non est concessa Fratribus sed parentibus, vel benefactoribus. De illa verò quæ *ibid.* conceditur Fratri defuncto pro quo similiter celebrauerit Minorita, dubito, quia hæc est concessa pro Fratre, licet sit defunctus, imò credo reuocatam.

*CIRCA INDVLGENTIAS,
& Iubileum, alia.*

1 **R**egulares prædicantes Indulgentias indiscretas, peccant mortaliter & grauissimè. *Clemen. 1. de privilegiis. §. 1.* sunt autem Indulgentiæ indiscretæ, primò, illæ quæ sunt falsæ, & nunquam concessæ. Secundò, illæ quæ sunt concessæ à non habente potestatem. Tertiò, illæ quæ probari non possunt litteris Papæ, vel alio authentico testimonio. Idem erit publicare Indulgentias olim veras, sed hodie reuocatas.

2 Pro illa Indulgentia Portiunculæ Minorum 2. die Augusti noto primò illam confirmasse Benedictum XII. in Compend. verb. *Indulgentia quoad saculares. l. §. 13.* idque videtur pro sola illa domo Alizij. Secundò noto D. Paul. V. hanc non ponere inter suas Indulgentias. Notò tertiò quod Rodriguez *tom. 1. quest. 58. art. 1.* ait, quod Confratres Chordæ P. nost. Francisci

illam lucrantur, intellige si in Hispania gaudent Cruciatu. Noto quartò D. Paul. V. illam concessisse omnibus fidelibus, pro Hispania per decem annos, & finitur anno 1618. inclusiue.

Quæris an Minoritæ possint vti illa Indulgentia Portiunculæ extra illam domum Assizij: credo quòd non, si sermo sit rebus, vt nunc post annum 1618. & non renouetur à Papa: probo, quia Indulgentia vnus illius loci post reuocationem generalem Pauli V. non extenditur ad alios Conuentus eiusdem Ordinis. Nam Paulus V. reuocauit Indulgentias concessas Religionibus, & Religiosis: siue ergo illa Indulgentia Portiunculæ extra illam domum fieret per communicationem, Indulgentia Ordinis, siue Religiosorum, est reuocata per dictam reuocationem Minoritis extra illam domum. Ibi verò lucrabuntur tanquam Christi fideles. Extra verò illam in Hispania solùm vsque ad annum 1618. vt dixi. Si quæ verò concessiones erant antiquæ extendentes illam ad Minoritas extra illam domum, censeo reuocatas esse per illam reuocatoriam generalem iuxta modò dicta. Vide adhuc infra verbo *Priuilegium. num. 20.*

3 Quando Sixtus V. concedit Indulgentiam plenariam visitantibus Ecclesias Minorum in Festis Sanctorum illius Ordinis pro indulgentia ibi in die S. Claræ visitanda est Ecclesia Monialium, non verò Ecclesia Fratrum, idque intellige pro sæcularibus. Rodriguez *tomo secundo quest. octuagesima septima, art. quinto.*

4 Credo quòd Indulgentiæ concessæ ab antiquis Pontificibus pro sæcularibus visitantibus Ecclesias Religiosorum non sunt reuocatæ per illam reuocationem generalem Pauli V. Quia illæ non sunt concessæ Fratribus, sed sæcularibus directè: quòd autem concessæ fuerint intuitu Fratrum, vel Ordinis, non facit quòd sint concessæ Fratribus. Nec Paulus V. in Bulla facit mentionem sæcularium, neque Indulgentiarum illis concessarum, verba autem restrictiua ibi sunt strictè accipienda, & non extendenda, vt patet. Est huius opinionis Rodriguez, *Additio ad Sum. tom. 3. cap. 11. num. unico*: vbi ait concessam esse Indulgentiam plenariam

à Ca

à Calixto III. parentibus Fratrum Minorum in hora mortis, in qua possunt eligere Confessorem per quem absoluantur plenariè à culpa & pœna. Et eodem privilegio frui parentes non Mendicantium per communicationem : neque hoc recocasse Paulum V.

Sunt autem multæ Indulgentiæ concessæ sæcularibus visitantibus Ecclesias Fratrum, maximè si ibi audiant verbum Dei, pro Missa noua : quas breuitatis gratia omitto, quia non pertinent ad Fratres directè, videat qui voluerit multa de hoc in Compend. Minorum verb. *Indulgentia quo ad sæculares*. Vnam vel alteram tantum refero, quia sunt maiores. In Compend. D. Hieronymi in Hispania, verb. *visitantes Ecclesias*, §. I. conceditur Indulgentia plenaria visitantibus Ecclesias Sancti Hieronym. confessis, vel cum proposito confitendi in Dominicis diebus Quadragesimæ, Resurrectionis, Pentecostes, Sanctissimæ Trinitatis, Natiuitatis Domini à primis vespers vsque ad occasum sequentis diei, & dicentibus ter Pater noster, & Ave Maria ad laudem Sanctissimæ Trinitatis. Et hoc ait concessum Minimis à Leone X. Similem Indulgentiam plenariam lucrantur visitantes illorum Ecclesias in die Annunciationis B. Mariæ, SS. Philippi & Iacobi Apostolorum, & aliquas orationes ibi fundentes pro statu Ecclesiæ. *Ibid.* §. 4. refertur concessum Hospitali Sancti Iacobi incurabilium de vrbe. Sed ego puto quod sæculares non lucrantur illas Indulgentias nisi in Ecclesiis Minimorum, vel illius Hospitalis : licet enim olim Religiosi quoad se possent communicare illis Indulgentiis, quoad se sunt reuocata per Paulum V. Sæculares verò non habent communicationem extensionis vt concessum in vna, lucrentur in alia.

§ Quando Indulgentia conceditur tale, vel tale facienti hoc die : verbi gratia : ingredienti talem Ecclesiam, vel quid simile, si sit confessus, & communicatus ; is qui fuit confessus, & communicatus quatuor ante diebus, & non habet mortalem culpam, lucratur indulgentiam : Comitulus *libr. 1. Resp. Moralium. quest. 39.*

6 Tempore Iubilei satisfaciit qui confitetur die Dominica ante communionem in eadem die. Henriquez *lib. 7. de Intulz. cap. 10. num. 8. & ibidem littera San. gloss.* ait Gregor XIV in quodam Iubileo dixisse, quod possent communicare post illam Dominicam in cuius antecedente hebdomada fecerunt iniuncta à Iubileo: & ita innuit hodie posse fieri iuxta consultationem habitaam almanticæ. Ego tamen credo id non posse fieri nisi Papa exprimat, ut fortè tunc expressit. Si enim non exprimat, verba sunt accipienda in propria significatione, & non extendenda. Et faciendum totum in una hebdomada ut verba sonant. Ait tamen idem Henr. *ead. lib. cap. 12. num. 2.* quod, qui tempore Iubilei (idem erit de Indulgentia plenaria) non habet conscientiam peccati mortalis, lucratur Iubileum, etiam si non confiteatur de venialibus. Et citat Anton. & Nauar. cui non dissentio, quia venialia non impediunt gratiam. Et Papa loqui videtur suppositivè, si scilicet indiget confessione, & maior pars fidelium semper indiget. Probabile etiam iudico quod ait Henr. *eo tem. lib. cap. 11. § si quis*, (qui est tertius in ordine, licet ibi ponatur, pro quinto) quod si aliquis venit ad confessionem tempore Iubilei, maximè in fine secundæ hebdomadæ, & non potest illum Confessarius plenè audire ob temporis angustias, & quia pœnitens indiget longa discussione ob ferè totius vitæ nullas confessiones, potest illum confessarius contritum & confessum à censuris absolvere, & ab illis quæ de præsentì recordatur, differens absolutionem cæterorum ad dies extra Iubileum, & tunc plenè illum absoluat. Imò ait posse illum intra tempus Iubilei absolvere à censuris tantum, & à reservatis, & postea facta disquisitione necessaria absolvet à non reservatis, imò & à reservatis, quæ iam non manent reservata ob priorem dimidiatam confessionem validam.

7 Qui fecit opera iniuncta à Iubileo, & fuit confessus, potest transacto tempore Iubilei absolui à reservatis oblitis, dispensari in irregularitatibus, & recipere commutationem votorum oblatorum: quia privile-

giu.

gium Iubilei hætenus illi durat etiam transacto tempore circa hæc oblita. Tenet Sanchez *lib. 8. de Matrim. disp. 15. num. 17.* & tenet cum aliis etiam hoc posse fieri, licet non fuerit confessus tempore Iubilei, eo quod careret peccato mortali, iuxta illos qui dicunt etiam hunc lucrari Iubileum.

8 Gregor. XIII. concessit Patribus Societatis I E S V, quod quando pro Indulgentia, vel Iubileo requiritur confessio, & sanctissima Eucharistia, si per ætatem, vel aliud legitimum impedimentum non possint confiteri, vel communicare; Indulgentiam tamen consequantur. Intellige quod saltem sint contriti habentes conscientiam peccati mortalis, concessit item quod qui inculpabiliter non receperunt intra tempus assignatum, eo transacto assequantur factis illis quæ iniunguntur. Rodriguez *tom. 2. q. 87. art. 2.* & hoc privilegium non est reuocatum, quia non est hoc indulgentia, sed privilegium. Et idem ferè concessum est Patribus S. Hieron. in Hispania ut scilicet infirmi lucrentur Indulgentias iniuncto aliquo opere pro iis quæ sunt præscripta à Papa. Rodrig. *tom. 2. quest. 103. art. 1.* Tempore Iubilei potest poenitens vnum confessarium adire ut absoluat à reservatis, & alterum ut vota commutet. Sanchez *lib. 8. de Matrim. disp. 7. num. 17.* & tempore Iubilei possunt confessores commutare vota extra confessionem sacramentalem. Sanchez *lib. 8. disp. 15. num. 25.*

A D D I T I O.

1 **D**ixi suprà *num. 2.* Indulgentiam Portiunculæ in Ordine Minorum secunda die Augusti extendam ad sæculares in Hispania per decem annos à D. Papa Paulo V. finiti anno 1618. At finito illo decennio, idem Dominus Papa illam denuo extendit, & continuavit in eadem Hispania per septem annos, ut per literas quibus certiores nos fecit Reuerend. pater Generalis Frater Benignus à Genoua. Circa eandem ve-

10

rò Indulgentiam aduerto quod licet Sixtus I V. illam extenderit olim in perpetuum quoad Fratres citramontanæ familiæ (id est, ex Alpibus versus Romam) ea tamen extensio etiam quoad Fratres cessauit per reuocationem generalem Indulgentiarum factam à Domino Papa Paulo V. Probatur, quia illa extensio Sixti I V. erat Indulgentia concessa regularibus: at Paulus V. reuocauit omnes Indulgentias concessas quibusuis Religiosis præter contentas in sua Bulla, extensio verò illa Sixti I V. prædictæ Indulgentiæ quoad Minoritas citramontanos habetur in Bullario Rodriguez fol. 517. col. 1. in fine. Porro ex illa extensione ad prædictos Fratres euidenter probatur id quod dixi in dicto n. 2. *¶* *ver. priuilegium n. 2.* videlicet illam Indulgentiam concessam pro illa Ecclesia Portiunculæ Affizij, non extendi sicut priuilegium ad omnes Minoritas extra illum Conuentum vbique degentes. Si enim extendetur, non foret necessarium, vt Sixtus I V. propria concessione illam extenderet ad solos Minoritas, & cum limitatione, videlicet solos citramontanos, sed iam hæc omnia cessant, quia D. Papa Greg. X V. propria Bulla hanc Indulgentiam perpetuam concessit omnibus Christi fidelibus.

2 Solent aliqui Religiosi Minoritæ portate appensa ad cingulum decem grana, quasi pro decies dicenda oratione angelica, innuentes per hoc concessam esse aliquam Indulgentiam. Scio de hoc fuisse dubitatum, & postulatas litteras talis concessionis. Nescio quid ibi allatum fuerit; solum video post illam dubitationem adhuc illam consuetudinem seruari. Ego pro illa hoc solum inuenio apud Bullarium Rodriguez fol. 691. col. 1. in fine, quod scilicet Leo X. approbans, seu confirmans Ordines, seu confraternitates B. Mariæ Virginis, dicit primam confraternitatem, siue primum Ordinem B. Mariæ decem virtutes B. Mariæ in Euangelio descriptas continere. Et multum Deo placere deuotionem qua B. Mariæ virtutes recolimus, & imitamur. Et quod Fratres huius confraternitatis seu sorores dicant quotidie decies. Ave Maria, præmittendo vñam

Pater

Pater noster pro Papa & Ecclesia idque in honorem decem virtutum B. Mariæ: Et illis concedit centum dies Indulgentiæ toties quoties dixerint, ultra prius concessas: Item quòd quando audiunt horas diei, & noctis, dicant vnum Ave Maria ad laudem Virginis ut intercedat ad filium pro pace Ecclesiæ: Tunc subdit Papa hæc verba: *Debent etiam portare fratres, & sorores huius confraternitatis decem signacula, siue decem Ave Maria in memoriam decem virtutum eiusdem Virginis Maria.* Hæc ibi. Et nihil aliud de hac authenticum inuenio. Circa hanc verò concessionem primò noto, Papam ibi non dicere, quæ sint in particulari hæc decem virtutes B. Mariæ, neque ego de illis legi in aliquo Doctore; satis est scire illam in gradu perfectissimo omnibus virtutibus abundasse: secundò noto illam Indulgentiam concessam esse confratribus alicuius confraternitatis, ut verba Papæ clarè innuunt. Vbi verò illa confraternitas sita fuerit & vtrum fuerit extensa, vel communicata per totam Ecclesiam, ibi non dicitur, neque ego scio: neque Rodr. de hoc videtur egisse in 2. tom. tract. de Indulgentiis: quia in citato loco Bullarij ad marginem non se citat in *questionib. regul.* ubi de hoc tractet, ut facit in multis marginibus eiusdem Bullarij. Tertio noto, quòd ultra illos centum dies Indulgentiæ debebant confratres illius habere alias Indulgentias, ut clarè Papa innuit illis verbis: *Toties quoties dixerint, ultra prius concessas.* Quarto noto, quòd si illa confraternitas hodie viget, & per Ecclesiam extensa est pro omnibus Christi fidelibus, illa etiam gaudent Religiosi cum sint Christi fideles: neque has D. Paulus V. reuocavit, ut dixi, suprà. Solum certum scio quòd Leo X. Bullam illam dirigit Gabrieli Mariæ Commissario Generali ultramontano Ordinis Minorum (ex Alpibus scilicet versus Olyssiponem.) Quod innuit illam confraternitatem fuisse institutam pro omnibus Christi fidelibus: nam confraternitas nunquam instituitur apud solos Religiosos. Hæc habui dicere de re quotidiana, de qua vidi multos dubitare, & audiui in quadam Diocesi huius Regni ita dubitatum, ut ferè iuridicè

iuridicè postularentur à Minoritis litteræ huius concess-
sionis. Alia verò *ibidem* addit Papa facienda à confrat-
ribus prædictæ confraternitatis, quæ quia non video
fieri, nimis moueor vt credam prædictam confraterni-
tatem esse extinctam.

3 In Bullario Rodrig. f. 181. Sixt. V. ad instantiam
Patrum Carmelitarum discalceatorum concessit om-
nibus, & singulis Christi fidelibus, qui hoc modo alios
salutauerint (suo vulgari, vel Latino sermone,) *Lau-*
detur Iesus Christus, & his qui sic responderint, *In scien-*
tiâ, vel amen, aut semper, vtrisque tam salutantibus. quàm
respondentibus quinquaginta dies Indulgentiæ vbi-
cunque id factum fuerit. Nominantibus verò reuerenter
nomen Iesu, vel B. Mariæ quinque dies Indulgentiæ. Et
ista Indulgentia etiam gaudent Religiosi cum conceda-
tur omnibus fidelibus: neque est reuocata per Paulum V.

4 A D. Papa Clemente V I I I. exiit decretum circa In-
dulgentias concessas à se, vel à prædecessoribus pro Co-
ronis, calculis, Rosariis, vel imaginibus à se, vel à præ-
decessoribus benedictis. In quo decreto hæc præcipue
continentur. Primum, vt illa omnia, & singula sic bene-
dicta non trāseant personam illorum, qui illa in præsentī
obtinent. Vnde mortuo illo, qui aliquid ex illis benedi-
ctis calculū scilicet, vel Rosarium habuerit, eius hæredes
vel amici aliquid ex illis accipiētibz illis non prodest.

Secundum est, quæcunque ex illis non sunt distribu-
ta vsque ad illum diem, in quo exiit decretum amplius
alteri distribui non possint.

Tertium est, non concedatur amplius alicui vt per-
dito, vel amisso, vno calculo, corona, vel rosario bene-
dictis subrogetur aliud suo loco, quod habeat easdem
Indulgentias: imò innuit quod derogat etiam concess-
siones similes hætenus factas. Habetur hoc decretum
in Bullario Fr. Eman. Rodrig. fol. 1218.

5 Clemens V I I I. ad instantiam Commissarij Roma-
ni Fratris Ioannis Baptistæ Molles concessit vt Fratres
nostri in Hispania, degentes in Conuentibus extra po-
pulos in campo, si aliquando curandæ infirmitatis gra-
uia ducuntur ad xenodochia, seu valetudinaria, quæ ha-
bent

bent in populis, ut ibi commodius à Medicis visitentur, possint ibi lucrari Indulgentias illas, quas Fratres dicti Ordinis lucrantur in Conuentibus, seu Ecclesiis suis, in Festis Sanctorum sui Ordinis, vel quocumque alio die potiori. Idemque concessit Fratribus ibidem existentibus, qui sunt assignati à Prælato pro curandis prædictis infirmis. Idque sub hac conditione, ut scilicet in capellis, oratoriis, seu Ecclesiis dictorum xenodochiorum, vel valitudinariorum exequantur omnia quæ tenentur exequi aliàs pro prædictis Indulgentiis. Circa quam quæris, an si aliquis Frater in dicto xenodochio sit ita infirmus in aliquo die illarum Indulgentiarum, ita ut non possit illa facere in oratorio, capella, vel Ecclesia xenodochij, an possit illam lucrari faciendo in lecto opera iniuncta pro Indulgentia? Credo non posse, quia Papa expressè dicit debere fieri in capella, vel oratorio. Et in verbis clavis Indulgentiæ nemo potest dispensare nisi qui illam concessit. Et credo prædictam concessionem non esse reuocatam à Paulo V. in sua reuocatione Indulgentiarum: quia ibi Clemens VII. non concessit nouam aliquam Indulgentiam, sed solum concessit modum eam lucrandi, dispensando in loco Indulgentiæ: quod non est Indulgentia, sed quasi dispensatio, & priuilegium, quod proinde non est reuocatum à Paulo V. Is enim non reuocauit priuilegia, sed Indulgentias.

6 Quæris, pro hac Ecclesia est una Indulgentia concessa intrantibus illam, & ibi certis vicibus dicenti, *Pater noster*, & *Aue Maria*, vel quid simile. Petrus existens in gratia intravit Ecclesiam, & recitauit orationes iniunctas pro illa Indulgentia lucranda, sed ignorauit ibi talem Indulgentiam illo die concedi. Quæris, inquam, an Petrus sic ignorans lucretur illam Indulgentiam. Rodriguez in *Bulla Cruciatæ* §.8. numer.9. dubio 4. tenet quod lucraturus Indulgentiam debet habere intentionem actualem, vel virtualem eam lucrandi quando facit opera iniuncta pro illa lucranda. Vbi per intentionem virtualem videtur intelligere, quod licet quando facit opus illud iniunctum, non habeat

beat actualem intentionem lucrandi, requiritur tamen iuxta illum ut antea aliquo tempore habuerit aliquam intentionem generalem, vel specialem illam acquirendi: sic enim habetur intentio virtualis, id est, in virtute intentionis expressæ præcedentis: ut constat ex materia de Sacramentis, quando agitur de intentione actuali, virtuali, habituali.

7 Ego credo absolutè prædictum Petrum intrantem, & prædicta facientem, & ignorantem Indulgentiam, illam lucrari. Moueor primò, quia sic audiui ex ore proprio quondam à Patre Molina, Magistro meo. Secundò, quia ut suprà diximus, verbo *Hora Canonica* ex Sanchez 1. 2. *Decalog. capit. 13.* satisfacit præcepto recitandi Diuinum Officium, audiendi Missam, & Sacramentalis Pœnitentiæ si fiat opus iniunctum, quamuis fiat cum formali intentione positiua non satisfaciendi pro tunc, ut sufficientissimè probat ibi Sanchez *num. 13.* Ergo satisfiet præcepto imposito pro faciendis rebus iniunctis pro Indulgentia, etiamsi quis careat intentione actuali, vel virtuali eam lucrandi, hoc enim est multo minus quàm in supradictis tribus præceptis habere intentionem actualem non satisfaciendi pro tunc: qua non obstante satisfiet, ut ille auctor probat. Tertiò, quia cum in Compendio Mendicantium sint multæ Indulgentiæ concessæ sæcularibus visitantibus Ecclesias Mendicantium; sequeretur ex opposita opinione has non lucrari illos qui in gratia existentes visitant prædictas Ecclesias, nisi quando intrant, vel antea habuerint actualem intentionem illas lucrandi: quod tamen valde durum est: & nimis rigidum, cum neque Summi Pontifices id concedentes exprimant, ut id fiat ex tali intentione, & ferè nullus sæcularis id intendat quando intrat; & sic ferè frustrarentur prædictæ Indulgentiæ. Quartò, ratione Theolologa. Nam constat unumquodque opus nostrum factum in gratia, maxime pœnosum, ultra portionem gratiæ quam meretur, mereri etiam certam satisfactionem pro pœna debita in Purgatorio, ut omnes Theologi fatentur. At tale opus meritorium meretur hanc certam portionem satisfactionis

tionis pro pœnis, etiam operans meritorie, neque actu, neque virtualiter intendat talem satisfactionem quando actu operatur, ut constat, imò multi, & ferè sæculares omnes id ignorant. Ergo cum indulgentia suppleat nostra opera satisfactoria circa easdẽ pœnas Purgatorii, habeatque eandem conditionem, ut scilicet opus iniunctum, & factum pro Indulgentia acquirat portionem illam satisfactionis, etiam si is qui facit tale opus iniunctum nihil cogitet, neque sciat, neque intendat de tali Indulgentia: & confirmatur, quia subrogatum habet naturam quam habet illud, pro quo subrogatur: ergo si opus meritorium factum in gratia, mereatur portionem satisfactionis, absque eo quòd operans illud intendat, & cogitet, vel sciat: faciens opus iniunctum pro Indulgentia, (quod opus sit loco operis meritorij, vel satisfactorij nobis deficientis) acquireret illam satisfactionem Indulgentiæ, etiam si quando tale opus operatur, neque intendat actualiter, neque virtualiter: imò etiam si penitus ignoret.

8 Quando conceditur Indulgentia assistentibus Diuino Officio in Ecclesia, eam lucrantur non valentes intrare præ turba multa: quia illam concedens non videtur attendisse ad hunc casum. Sic Rodriguez *Addit. ad Summam capit. 211. conclus. 4.* ex Rosella, & Corduba. Quod ego explicarem si isti non valentes intrare, saltem sunt in atrio Templi (vulgo, *Alprendro*) nam existentes in atrio habent assistentiam moralem ad Diuina Officia, ita ut non valentes intrare ex atrio Missæ audiendo præcepto satisfaciant, ut patet in Ecclesiis campestribus, quæ aliquando sunt parvæ, & populus multus. Si verò prædicta opinio id sentiat etiam de existentibus circa Ecclesiam, & nec in atrio; id mihi videtur dubium: quia non habent assistentiam moralem. Et verba Indulgentiæ non sunt amplè, sed strictè interpretanda, cum Indulgentia sit quid pertinens ad odiosum legis, ut tenet Nauarr. *tractat. de Iubileo, notab. 9. numer. 9.* & Bellarm. *libro 1. de Indulgent. cap. 7. conclus. 5.* & alij. Hinc infero quod quando Indulgentia concedit aliquid illi, qui intrauerit Ecclesiam, & ibi orauerit

si præ tuba intrare nequeat, puto quòd non percipiet Indulgentiam ob proximè dictum Nau. In huius confirmationem afferò quòd vidi in illa parua Ecclesia Portiuncule Assizij vbi conceditur Indulgentia intranti illam secunda die Augusti. Hæc enim cum parua sit, quasi sacellum, cum vnâ tantum portam haberet tempore S. N. Francisci, postea crescente populi multitudine pro ea lucranda, altera porta in latere Sacelli aperta est, vt populus intraret, & statim exiret; ne ob defectum ingressus priuaretur quis tali Indulgentia.

9 Porro, quamuis tantisper à compendij sine digrediar, & rei Theologicæ speculatiuæ mentionem faciam, quia tamen materia, quotidiana est, de qua sæpius inquirunt idiotæ, ac deuoti Indulgentiarum cupientes scire, quid significant in Indulgentiis verba illa, *plenaria, plenissima, quadragena*, & similia. Quid item significant in Indulgentia *tot anni, vel tot dies*; an scilicet intelligantur anni, vel dies quos anima in Purgatorio debebat transigere: vel significantur dies, per quos in hac vita debeat agere pœnitentiam, & non fecit: quia, inquam, hæc ignota sunt, & sciri desiderantur à lucrantibus Indulgentiam, quasi per summam hîc pono resolutionem.

10 Ergo ex Bellarm. lib. 1. de Indulgent. cap. 9. aduerte primò quinque modis solitos fuisse olim Pontifices concedere Indulgentias. Primò concedendo tot annos, vel tot dies. Secundò, concedendo tot Quadagenas. Tertiò concedendo tertiam, vel quartam, vel aliam partem peccatorum. Quarto, concedendo Indulgentiam plenariam. Quintò, concedendo Indulgentiam plenam, pleniorẽ, plenissimam in forma Iubilæi. Nota secundò, olim in primitiua Ecclesia fuisse in vsu quòd publicis peccatoribus imponebantur publicæ pœnitentiæ complendæ per tot vel tot annos: & specificantur certa opera faciendâ à publico pœnitente, in vestitu videlicet: in ieiunio feria secunda, quarta, & sexta: ne vterentur balneis, certis cibis, vino, nec matrimonio, & sic de cæteris, vt patet ex Concil. Triburiensi. can. 54.

11 Quando ergo Indulgentiis antiquis conceduntur certi anni, vel dies, secundum veriorē sententiā intelligitur non de diebus per quos debet pati in Purgatorio, sed de annis, vel diebus pœnitentiæ quam pœnitens debeat facere secundum illum ritum antiquum Ecclesiæ: Sed quoniam ille ritus pœnitentiæ publicæ, iam cessauit, dubium est de annis, ac diebus cōcessis, per nouas Indulgentias, vtrum duobus annis, verb. gratia, vel cētum diebus Indulgentiæ concessis in hac vita, respondeant etiam duo anni, vel centum dies qui erant transigendi in Purgatorio? Et quidem omnes conueniunt, quod quādo Indulgentia remittit pœnitentias aliquot annorum, vel dierum, ex consequenti remittitur pœna Purgatorij respondens illis annis, vel diebus pœnitentiæ faciendæ in hac vita. Sed tota quæstio est, vtrum vnus dies, vel vnus annus pœnitentiæ huius vitæ (si sit grauis, & modo morali continuatur) tantum pœnæ purget apud Deū, quantum in Purgatorio expiabit vnus dies, vel vnus annus? Sotus in 4. dist. 21. q. 2. art. 1. negat, & dicit multo acriorem esse pœnā Purgatorij quauis alia pœna graui istius vitæ: & proinde vnum diem pœnæ huius vitæ non æquiualeare alteri diei, imò nec pluribus Purgatorij.

At Bellarm. citato cap 9 §. existit autem, tenet, ac dicit esse communem sententiam, pro qua citat Nauarr. Palud. Adrian. Cordubam, & alios dicentes oppositum pœnitentiam vnus diei, vel anni in hac vita, si sit grauis, & modo morali continuata prudentis arbitrio, æquiualeare pœnæ vnus diei, vel anni in Purgatorio. Dat causas. Primò, quia licet pœna Purgatorij sit acrior, tamen est inuoluntaria, etenim animæ ad Purgatorium vadunt inuitæ, & non liberè; at pœna huius vitæ voluntariè assumpta, eo quod voluntaria est, plus habet efficacix cæteris paribus, quàm pœna assumpta inuoluntariè. Secundò, quia in hac vita est tempus misericordiæ Dei, qui in hac vita magis miseretur ad condonandas pœnas: at Purgatorium est locus iudicij, vel iustitiæ. Tertiò, ab effectu, quia nulla est pœna licet grauissima, pro peccatis debita, quæ in hac vita remitti non possit per nimiam contritionem, & pœnitentiam.

vnus diei, vel paucorum dierum, quæ tamen pœna raliū grauium peccatorum in Purgatorio non esset remittenda, nisi per multos annos : de hoc sunt multa exempla in historiis circa multos peccatores conuersos, & contritos, & subitò mortuos, de quibus valde contritis reuelatum est viris sanctis rectà fuisse deductos ad gloriam. Refert hoc Climacus *lib. de Scala Paradisi grad. 4.* de quodam insigni latrone subitò mortuo, & ad Paradisum delato ob vehementiam contritionis. Et in aliis historiis idem inuenies, imò iuuat sanctus latro cum Christo Domino occisus eadem hora delatus ad Paradisum : & Beata Maria Magdalena, quæ iuxta communem opinionem, ad pedes Christi Domini, ob vehementem contritionem affecuta est remissionem, non solum peccatorum, sed etiam omnis pœnæ debitæ tot peccatis. Econtra verò constat ex aliquibus reuelationibus quòd animæ aliquorum extiterunt, & existent in Purgatorio per multos annos, vt *ibi* citat Bellarm ex Climaco : imò aliquæ animæ fuerunt in Purgatorio per longum tempus propter vnum solum peccatum. Quæ omnia satis probant pœnam vnus diei, vel anni in hac vita æquiualeere pœnæ vnus diei, vel anni in Purgatorio, si hîc talis pœna sit grauis, & continuata modo humano arbitrio prudentis viri. Et sic condatur de primo modo concedendi Indulgentias tot annorum, vel dierum. Vide infra *num 15.*

12 Quando concedantur in indulgentiis antiquis quadragenæ, vel quarentenæ, alluditur ad pœnitentias publicas primitiue Ecclesiæ, iuxta Tolledo *Sum. lib. 5. cap 24. num. 2.* vbi ait, quòd si tunc imponebantur v. g. septem anni pœnitentiæ, non in singulis diebus illorum annorum fiebant opera illa nimis pœnalia, vt ieiunium in pane, & aqua, & similia: sed fiebant certis diebus illorum annorum, vt certa hebdomada, vel certis diebus hebdomadæ, vt feria quarta vel sexta. Et isti certi dies illorum annorum acrioris pœnitentiæ, dicebantur carena, id est, ferè carentia omnium ciborum: & ab ista carena deductum est nomen quarentena, vel corrupto nomine quadragena : ait ergo Tolledo, quòd

quòd quando concedebantur tot anni , & tot quarentenæ; istæ quarentenæ non sunt quadraginta dies ultra illos prædictos annos ibi concessos ; sed dies istius quarentenæ sunt. numerandi intra illos annos pœnitentiæ publicæ , & ex eadem pœnitentia publica non semper æquali remittebantur tot quarentenæ , id est , tot dies acrioris pœnitentiæ tunc agenda , siue tot dies carenæ videlicet quadraginta dies illius carenæ, acriorisve pœnitentiæ : vnde quarentena, vel quadragena sunt quadraginta dies illius carenæ. Exemplum sit in Religionibus: damnatur quis ad carcerem per duos annos, & simul iubetur ut feria quarta & sexta intra hos duos annos in refectorio ieiunet in pane, & aqua , & alia die verberetur. Hi dies designati acrioris pœnitentiæ intra illos duos annos dici possunt carena , quia caret in illis ferè omnibus cibis. Quòd si Prælati propter aliqua festa condonet reo pœnitentias aciores illorum dierum certorum, diceretur suo modo concedere quarentenam ad modum primitivæ Ecclesiæ.

13 Quando Indulgentia remittit tertiam quartam, vel aliam partem peccatorum, nihil aliud significat , quam remitti pœnitentiam , quæ in hac vita facienda erat pro tanta parte pœnæ peccatis debitæ : & ex consequenti remitti eidem portionem pœnæ debitæ in Purgatorio respondentem prædictæ pœnitentiæ quæ debebat fieri in hac vita.


14 Quando conceditur Indulgentia plenaria, res clara est: nam conceditur remissio totius omnino pœnæ quæ post peccati remissionem permansit. Denique quando conceditur Indulgentia plenior, vel plenissima, nihil differt ista concessio ab Indulgentia plenaria : ut ait Bellarm. *citato cap.* Vnde ibi reprobant distinguentes quòd plena remittat pœnas debitas solis peccatis mortalibus , plenior remittat pœnas etiam debitas venialibus: plenissima remittat utrasque , & aliquando etiam culpas veniales. Non , inquam, placet distinctio, quia quævis Indulgentia plena, vel plenaria facit id quod verba sonant , id est, remittit omnem pœnam etiam venialium. Et præterea nulla Indulgen

tia ex se remittit vllam culpam, etiam venialem. Si verò aliquando Bonifacius VII I. vñs fuit his verbis plenæ, largioris, plenissimæ, vide expositionem apud Nau. *tract. de Iubileo notab. 9. &* ; i. nobis hæc sufficiant pro intellectu supradictorum.

- 15 Propter dicta *num. II. præcedenti*, quæris: si tempus pœnæ in Purgatorio luendæ responderet, seu æquivaleret tempori, seu annis pœnitentiæ vitæ istius, & constaret diem iudicii probabiliter non tardaturum decem mille, vel quindecim mille annis, ad quid, in aliquibus Indulgentiis conceduntur tot mille anni, vel aliquando conceduntur decem mille anni, vel plus, vel circiter. Ex hoc enim sequitur quòd, cum post diem iudicii non sit futurum Purgatorium, vt colligitur ex Scriptura, sequitur quòd multa crimina manebunt impunita post diem iudicii, si Purgatorium tandiu non est duraturum, & sunt peccata aliqua digna Purgatorio per tot mille annos. Ad hoc responderet Bellarm. *cap. cit. post medium*. Primò multos Doctores negare illas Indulgentias concedentes decem, vel quindecim mille annos, esse veras, seu à veris Pontificibus concessas: sed esse confectas ab hæreticis, vel à similibus: ita sentiunt Gerson, & Sotus *ibi* citati: etenim priores Summi Pontifices parcissimi erant in concedendis Indulgentiis, easque non concedebant, nisi tot annorum, vel dierum: adeò vt Episcopis de iure solùm concedatur vt possint concedere Indulgentiam quadraginta dierum. Secundò responderet Bellarm. dato quod sint veræ Indulgentiæ prædictæ tot millium annorum, non sequi prædictum inconueniens vt post diem iudicii maneant crimina impunita. Nam primò, de fide est neminem scire quandiu tardabit dies iudicii: & Summi Pontifices si illud concesserunt, non curarunt de die iudicii incerto, sed de remedio animarum. Secundò, quia cum suprà dixerimus, pœnitentiam vehementissimam in vna die huius vitæ superare aliquando debitum pœnæ in Purgatorio multorum dierum: fieri poterit vt peccator grauissimus, ob immensa crimina debens facere per totam, & longam vitam, v. g. centum annorum, vel quin

quinquaginta annorum, maneret obligatus ad multos mille annos Purgatorij, si duraret per illos: quos tamen multos mille annos ille compensaret per illos quinquaginta annos grandis pœnitentiæ, vel saltem per Indulgentiam tot mille annorum respondentium in Purgatorio illis quinquaginta annis grandis pœnitentiæ. Idque magis explicat Bellarm. alludens ad tempus primitivæ Ecclesiæ in qua pro singulis peccatis publicis, & gravissimis imponebantur tres, vel septem anni pœnitentiæ: poterat enim homo aliquis valde facinorosus per triginta, vel quadraginta annos habere, v. g. mille peccata publica gravissima, pro quibus si puniendus esset iuxta Canones patiendò pro singulis septem annos, esset reus multorum millium annorum pœnitentiæ in hac vita: & proinde ad securitatem decens fuit ut Summi Pontifices securitatis gratia incerti de die iudicij concederent tot mille annos Indulgentiæ.

*PRO IUBILEO, ET IN-
dulgentiis.*

16  Via suprâ facta est mentio de Iubileo, & iste continet Indulgentiam plenariam, solum differens in eo quòd in Iubileo conceditur facultas absolvendi à reservatis, quæ non conceditur in sola Indulgentia, ideo pauca volui subiicere de Iubileo sicut olim feci in prima editione. Dico ergo. Quando Iubileus conceditur per duas hebdomadas, si quis priori hebdomada illum comparavit, & post illum comparatum, seu lucratum in principio secundæ hebdomadæ incidit in reservatum, vel deuotionis causa vult illum secunda vice lucrari in secundâ hebdomada, quæris an hoc possit fieri? Menriq. lib. 7. de Indulg. c. 11. n. 1. ait posse, & dicit sic respondisse multos recentiores Theologos ea de re consultos. Nam, ait, probabile est Indulgentiam pro vna die concessam posse in illa die sæpius comparari, si intra illam diem iniunctum opus pro-

pœnitentia sæpiùs repetatur. At contrarium tenet Sanchez *lib. 4 Decalog. capite 54 numero 30.* dicens Iubileum pro duabus hebdomadis in vna sola posse acquiri quoad Indulgentiam Iubilei: nam hoc ferè indicat ipsa forma Iubilei. Non enim conceditur copulatiuè pro prima, & secunda hebdomada, vel indefinite pro illa duplici hebdomada: sed cum designatione illis verbis: *Qui in prima hebdomada post publicationem, vel in sequenti post illam.* Nam, vt suprà iam diximus, verba Indulgentiæ censentur odiosa, & proinde sunt restringenda. Notat tamen, & bene noster Villalobos *1. tom. Summ. tract. 26. difficul. 18 num. 1.* quòd si Indulgentia conceditur pro vna die, non potest acquiri multis vicibus, quia iam conceditur limitatè: secus si concedatur non limitatè, vt cum datur recitanti in Ecclesia tot orationes Dominicas, vel Angelicas, vel Rosarium, tunc enim acquiritur toties quoties.

17 Si Confessarius potens commutare votum per Iubileum, intra tempus Iubilei audiens confessionem pœnitentis, & dubitans in quam materiam æqualem debeat commutare, sic dicat, commuto tibi hoc votum in id quod ego postea, vel vir doctus iudicaueris: valet commutatio voti, & transacto Iubileo vir doctus de licentia confessoris poterit arbitrari materiam. Neque talis Doctor tunc commutat, sed solum designat materiam voti iam commutati: & potest postea vir doctus laicus id arbitrari, non enim illud opus est iurisdictionis, sed prudentiæ. Rodriguez *Addit ad Bullam Cruciatæ § 9. num. 115.* Sayro *Clau. Regia, lib. 6. cap. 12.* & alij addunt supradicti quòd si talis pœnitens antequam Confessor, vel vir doctus determinet materiam, faciat contra votum, dicetur violator voti antiqui, quia illa commutatio præterita est in pendentem, donec determinetur materia. Imò addit Suarez *tom. 2. de Relig. tract. de voto lib. 6. c. 16. n. 15.* quòd potest Confessor tempore Iubilei non commutare, sed differre hoc faciendum transacto Iubileo vt maturiùs rem consideret, & virum doctum consulat: quia iam acceptauit potestatem, &

inchoavit causam, & proinde poterit commutare trans-
acto Iubileo.

18 Qui tempore Iubilei habebat votum, & nescit,
pro tunc illud sibi commutari; potest nihilominus
transacto Iubileo petere illius voti commutationem,
eamque dare potest quilibet Confessor, Sanchez *citat.*
capit. 54. numer. 40. Nam concessio illa sibi facta in
Iubileo pro commutandis votis est privilegium, &
hoc privilegium non est alligatum tempori quo du-
rat Iubileus; sed potest eo uti eo tempore transacto (non
sic verò potest uti licentia ut absolvatur à reservatis,
nisi de oblitis, Iubileo finito.) Iam enim pœnitens per
confessionem factam tempore Iubilei acquisivit ius ad
hoc privilegium, & ut possit postea dictum votum com-
mutare.

19 Qui in principio Iubilei intendens illum lucrari,
confessus est multa reservata, & absolutus est ab eis,
postea ex negligentia non est lucratus Iubileum, ali-
qui dicunt illum reincidere in reservata, & in censu-
ras, à quibus est absolutus: sed verior sententia tenet,
non reincidere, sed manere verè absolutum, quia pec-
cata, vel censura semel extincta non reuiuiscunt, ne-
que ibi datur absolutio ad reincidentiam, sed absolute.
Ita Cordub. in *Summ. quest. 21.* Sanchez *citat. cap. 54.*
num. 44. & multi quos citat. Imò si tempore Iubilei
habebat quis peccatum reservatum, & tunc oblitus est
confiteri illud, potest, transacto Iubileo, ab illo absolui
à quovis Confessore: quamvis enim tale reservatum
oblitum, secundum veriorem sententiam adhuc sit re-
servatum in se: attamen pœnitens per confessionem
præteritam factam tempore Iubilei acquisivit ius, ut
possit postea per quemvis Confessorem absolui ab il-
lo. Vnde colliges, quòd si pro Iubileo lucrando non est
confessus, quia non habet mortale, ut aliqui dicunt
posse facere, (& nos olim diximus hoc eod. verb. *num. 6.*)
iste talis non poterit postea absolui ab illo reservato,
quia non est ablata reservatio. Si verò etiam in
principio Iubilei intendens illum comparare, in con-
fessione obtinuit commutationem aliquorum vero-

rum, & postea ex negligentia non est cum lucratus: talia vota manent nihilominus verè commutata. Henr. 7. *de Indulg. c. 11. n. 4.* & Rodr. 1. *tom. Sum. in 1. edit c. 284. n. 15.* Secus dicendum est de votis oblitis in illa confessione facta non lucrato Iubileo: hæc enim non poterunt commutari eo transacto.

20 Non peccat mortaliter ille qui Iubileum lucrari intendens, eaque de causa obtinuit absolutionem à censuris, & reservatis, & vororum commutationem, & postea retrocedens, Iubileum non lucratur, si dolus defuit. Ita tenet probabilius contra aliquos Sanchez *cit. cap. 54. num. 54.* & lib. 1. *de Matrimon. disput. 43. num. 9.* & id verius puto: nam talis retrocedens, & non lucrans nihil promissit: nec Confessarius illi aliquam obligationem imposuit: neque constat de tali Pontificis intentione; si enim tale Papa intenderet, id facile posset explicare, ut fit aliquando in aliis concessionibus Pontificiis. Est enim regula generalis quod quando est dubium, an pro aliqua re sit præceptum impositum, tum iudicandum est non dari tale præceptum, idque in fauorem libertatis in eo dubio possidentis.

21 Si diuersi Pontifices pro vno eodem opere concedant diuersas Indulgentias, ut pro dicendo quinque orationem Dominicam, & Angelicam, is qui facit tale opus consequitur omnes illas Indulgentias. Tenet Cordub. *qq. libr. 5. quest. 35.* & Villalobos *tom. 1. Summ. tractat. 26. difficult. 19.* Sed de hoc valde dubito: cum enim pro valore Indulgentiæ requiratur causa iusta, fieri poterit ut quinque Pontifices pro eodem opere varias quinque Indulgentias concesserint: & tunc illud opus quod ab vno Pontifice reputatum est sufficiens pro vna Indulgentia, non erit sufficiens pro quinque.

24 Tandem circa Indulgentias pro defunctis, nota ex Tolledo *in Summ. lib. 6. cap. 26 num. 5.* quod si quis sit in peccato mortali quando sumit Indulgentias pro defunctis faciendo id opus per quod illas applicant in peccato mortali, tales Indulgentiæ proficiunt defunctis existentibus in Purgatorio. Huius etiam opinionis est Gabr. *supra Canon. Miss. lect. 57.* Ratio est, quia

quia ratio satisfactionis, seu pretium poenarum non est opus illius qui est in peccato: sed Indulgentia ipsa, & thesaurus meritorum Christi, & Sanctorum. Illud autem opus particulare per quod Indulgentiæ applicantur fit nomine Ecclesiæ, in qua nunquam deest gratia. Exemplum ponit in eo qui dat eleemosynam, & mittit illam per manus hominis existentis in peccato mortali, non enim perditur fructus eleemosynæ ex eo quod sit in peccato ille qui exequitur opus. Vnde non solum hoc intelligitur de sumente Bullam Cruciatæ pro defuncto, si soluens Bullam sit in peccato mortali: sed etiam de illo qui dicit certas orationes iniunctas à Papa pro liberanda vna anima à Purgatorio, est enim utrobique eadem ratio. Scio aliquos tenere oppositum, ut fatetur ipse Tolledo. Est tamen hæc opinio pia, & ratione sufficienti fundata.

I N H A B I L I T A S.

Solet in multis Bullis Pontificiis sæpius imponi poena inhabilitatis ad officia, & dignitates: & hac poena maximè feriuntur Religiosi in multis Bullis. Differt verò hæc poena *inhabilitatis* ab alia, quæ dicitur *privatio officiorum*; quia hæc privat officiis quæ actu obtinentur: Inhabilitas verò prohibet, & obligat illum, qui caret officio, ut in posterum etiam libenter oblatum non acceptet: & si acceptauerit, peccat mortaliter, & beneficij, vel officij collatio est nulla.

1 Circa poenam privationis officiorum quando imponitur à lege, iam dixi suprâ, verbo *Lex*, numero *sexto* non obligari illum qui habet officium se ipsum priuare relinquendo officium ante iudicis sententiam, maximè si crimen est secretum: nemo enim tenetur exequi sententiam adeò rigorosam contra se ipsum. Vide tamen quæ ibi diximus *citato numero* cum limitatione ibi posita ab Henriquez.

2 De inhabilitatione verò specialis quæstio est &
 vni.

nimis necessaria in praxi, verum is qui facit opus prohibitum cui imponitur pœna inhabilitatis, statim incurrat ipsam inhabilitatem, ipso facto, antequam per sententiam iudicis declaretur inhabilis. Constat enim quòd aliquæ pœnæ, maximè priuatiuæ, statim incurrantur ipso facto vbi primum committitur delictum, pro quo imponuntur, vt omnes admittunt. Huiusmodi est excommunicatio, quæ statim incurritur ante iudicis sententiam. Talis est etiam suspensio, & interdictum, si ponuntur ipso facto, seu latæ sententiæ, teste Sanchez 2. *Decalog. capit. 39. numer. 31.* similiter ergo quaeritur de inhabilitate, an incurratur statim facto delicto cui imponitur, idque antequam iudex declaret, delinquentem illam incurrisse? Et pars affirmatiua, quod scilicet statim incurratur, potest probari, quia est pœna priuatiua non priuans aliquem aliquo iure iam quæsito ac possessio, sed solum acquirendo; & proinde non est expectanda sententia Iudicis: sicut non expectatur in excommunicatione, & cæteris censuris. Item quando lex infligit pœnam incurrendam ipso facto, seu ipso iure, non expectatur sententia declaratiua iudicis, vt omnes fatentur, & ipsa verba sonant: & sic quoties ferè in Bullis Pontificiis ponitur hæc pœna inhabilitatis, ponitur ipso facto: seu ipso iure. Atque ita sentiunt expresse de pœna inhabilitatis statim incurra Sotus *libr. 1. de Iust. q. 6. post 4. concl.* Cordub. *libr. 1. Questionum, q. 36. paulò post principium, & insolut. ad secundum.* Mexia, & Medina, Aragon, Salon, & Rodr. citati à Sanchez *cit. n. 31.*

3 Ipse tamen Sanchez *ibidem* tenet partem negatiuam tamquam probabiliorē, videlicet non incurri inhabilitatem impositam delicto à delinquentē, donec per sententiam Iudicis declaretur illam incurrisse. Et hanc sententiam tenet etiam Nauarr. *de datis pro iustitia, & gratia. num. 44.* Molin. *tom. 1. de Iustit. disp. 96. pagin. 590. & Sot. lib. 4. de Iust. quæst. 6. art. 34. ad finem, Ledesm. 1. par. 4. quæst. 18. art. 2. dubio ultimo*: probatur à Sanchez. Quia illa pericula, (eo ipso) solum importat, vt non requiratur sententia condemnans; seu pœnam infla-

mens,

tuens, iam enim posita est: at non tollit quin requiratur sententia declarans crimen. Secundò, quia non omnes sententiæ priuatiuæ nullam Iudicis executionem petentes, incurruntur ipso facto absque vlla sententia, sed id peculiare est solum in tribus censuris excommunicationis & cæteris, & hoc patet in particulari circa priuationem bonorum temporalium quibus priuatur hæreticus, quæ imponitur ipso facto: & tamen iuxta Doctores communiter, imò, & iuxta praxim expectatur sententia Iudicis. Tertiò, quia inhabilitas est pœna valde acerba, & ita per Epicheam excipienda est à regula pœnarum priuatiuarum: maximè cum pœna priuationis officiorum ob sui etiam acerbitem expectet Iudicis sententiam. Et quamuis irregularitas sit rigidior, neque expectet sententiam Iudicis declarantis illius incursum, id tamen prouenit ex vsu, qui vsus iam declarauit, vt non expectetur Iudicis sententia: quod non declarauit vsus circa inhabilitatem ad officia, & beneficia.

4 Vides vtranque opinionem Doctoribus, ac ratione munitas: prior securior est, & plures pro se habet Doctores. Secunda sufficienter probatur, & habet quinque Doctores graues, & recentiores. Quapropter non condemnabo qui secundam opinionem tenuerit, maximè in casu necessitatis. Nam si hodie est opinio communis, quòd ex duabus opinionibus ambabus probabilibus, possum sequi in conscientia, minus probabilem, & habentem duos, vel tres tantum Doctores: ista secunda opinio habet quinque Doctores, & rationem probabilem. Ex qua constat quòd si delinquens non incurrit inhabilitatem antequam declaretur per sententiam iudicis: poterit talis delinquens quandiu est occultus ferre suffragium in electionibus: vt Sotus *secundo loco* citatus ait Scholasticos in Academiis, qui violantes præceptum, vel statutum illarum incurrerunt inhabilitatem, ait illos posse dare suffragium in electione ad Cathedram, poterit etiam taliter delinquens occultus acceptare officium, vel beneficium antequam declaretur inhabilis per sententiam. Idque stando in
secunda

secunda opinione : quam ego magis tolerarem in casu quo delinquens occultus nullo modo posset obtinere dispensationem occultam , & ex non suffragando in electionibus , vel ex recunciando officiis ipsi resularet grauis infamia. Sed tamen , sicut dixi , etiam facientem sine istis conditionibus occurrentibus , non condemnabo propter iam dicta.

INTERDICTVM.

Materia ampla est , & quo magis insolita , quando euentu confusionem parit : ideo fusiùs aliquantulum tractanda intra terminos tamen Compendij. Maxime quia, dum hæc scripsi, tota hæc Olyssipo generaliter erat interdicta.

LIGATIO INTERDICTI, VEL cessationis , quoad Fratres.

1 **P**ossunt Prælati Ordinum interdicere illos subditos quos possunt excommunicare. Sayrus *libr. 5. de censuris cap. 10. num. 22.* Et patet, quia maius quid est posse excommunicare, quàm interdicere : excommunicatio enim priuat omnibus Sacramentis actiue , & passiuè. Et priuat electione actiua , & passiuia. Et communionem fidelium, &c. quibus non priuat interdictum : & hi Prælati habent iurisdictionem Ecclesiasticam externam , quæ etiam ad hoc extenditur.

2 Leo X. concessit Minoribus quòd illorum Ecclesiæ non possint interdici ad instantiam alicuius personæ nisi fuerit interdicta tota ciuitas , vel oppidum in quibus sunt Ecclesiæ Fratrum, *Compend Minorum interdictum* 1. §. 15. Idque exprimit de interdicto ponendo authoritate Apostolica , siue ordinaria. Sed nota verbum ; (*ad instantiam personæ*) id est , si petit pars ut ponatur,

ponatur, si enim Legatus, vel Episcopus ponit ex se cum causa, etiam si nemo petat, seruandum est à Regularibus.

3 Ecclesiæ Fratrum, non possunt specialiter interdici, nisi Religiosi dederint causam interdicto; vel nisi ille ad cuius instantiam interdicuntur, prouideat Religiosis de victu. Leo V. in Compendio *Interdictum* 1. §. 15. Nota quòd non est interdici Ecclesiam specialiter quādo generale interdictum extenditur etiā ad Ecclesias Fratrum. Sed quando sola Ecclesia Fratrum interdicitur, vel in litteris specialiter, & principaliter nominatur.

4 Personæ Fratrum, non possunt interdici interdicto personali speciali, siue deambulatorio, neque ab Episcopis, neque à Legato à latere, nisi litteræ Legati de hoc faciant expressam mentionem. Ita concessit Clemens I V. apud Rodriguez *tom. 2. quest. 108. art. 2.* Et vide quod aliud est interdici Ecclesias Fratrum, aliud verò personas Fratrum: illud enim prius interdictum dicitur locale: hoc secundum in personis est personale: & Episcopi possunt aliquando interdicare Ecclesias Fratrum saltem in generali: nunquam verò personas nisi per commissionem Papalem specialem, quia sunt personæ exemptæ.

5 Interdicto Clero vniuerso alicuius vrbs, si verba aliud non indicent, non interdicuntur Religiosi illius vrbs, quia in odiosis nomine Clerici non intelliguntur Religiosi: bene tamen in fauoribus. Sayrus *lib. 5. de censuris cap. 4. num. 29.*

6 Interdictum positum ab Episcopis locale tenentur seruare Religiosi in suis Ecclesiis, ex Tridentino *sessio. 25. c. 12. de Reg.* Vide limitationem proximè positam, *n. 2. 3. & 4.*

7 Etiam si interdictum sit nullum, & inualidum, tenentur Religiosi illud seruare si seruatur à matrice, vel ab omnibus parochialibus. Rodrig. *cit. q. 108. art. 4.* Et tamen Clerici sæculares tunc ad illud non tenentur, si est nullum. *Clementina* 1. *de sent. excommunica* Regulares verò non seruantes interdictum, sunt excommunicati, *in ead. Clementina.*

8 Si interdictum est validum tenentur Religiosi illud

illud seruare, etiamsi matrix Ecclesia non seruet: quia tunc per alias leges tenentur, idque sub pœnis contentis. Rodrig. art. 6. citata q. 108.

9 Si interdictum sit positum auctoritate Apostolica, Minoritæ tenentur illud seruare nulla exceptione, aut excusatione admissa, etiam si cæteri Regulares, vel sæculares non seruent. Compend. Minorum *interdictum*, 1. §. 9.

10 Minoritæ excommunicantur si tempore interdicti admittunt ad diuina Tertiarios, vel Tertiarias sui Ordinis eo solùm quòd Tertiarij sunt. *Clementina 3. de sentent. excomm.* cum gloss. & Doctoribus *ibidem*. Sed postea Sixtus oppositum concessit, de quo vide *infra num. 72.*

QVÆ SACRAMENTA

*liceant, vel non liceant tempore
interdicti generalis.*

Ilaritatis gratia suppono breuiter duplex esse Interdictum, locale scilicet, & personale. Locale est, quando solus locus, id est, sola Ecclesia interdicitur, non verò ipsæ personæ. Et istud locale, adhuc est duplex. Locale scilicet generale, vt quando interdiciuntur omnes Ecclesiæ vrbs, vel oppidi, vel potest hoc interdictum locale esse speciale tantùm, vt quando interdiciuntur vna, vel duæ, vel tres tantùm Ecclesiæ: cæteris intactis manentibus. Vide *infra num. 75.* Rursus: Interdictum personale est, quando interdictum ponitur in solis personis, non verò in locis. Et hoc etiam personale est etiam duplex, generale scilicet, quando interdiciuntur omnes personæ huius populi: vel personale tantùm speciale, vt quando solùm interdicitur vna tantùm, vel duæ, vel tres personæ, vel aliquæ nominatim. Et hoc secundum interdictum personale speciale tantùm, dici solet deambulatorium, quia deambulat, & sequitur personam quocumque vadat: & idem fit quando interdicitur

dictum est personale generale: quotiescumque enim interdictum est personale, siue illud sit generale, siue speciale, personæ sic interdictæ nullibi possunt audire diuina: quod non fit quando interdictum est locale tantum: quia tunc personæ habitantes in loco interdicto, si ipsæ non sint interdictæ, possunt audire diuina in alia Ecclesia non interdicta. Et hæc sunt certissima. Igitur prosequentes in ordine de Sacramentis tunc ministrandis dico.

11 Tempore interdicti cuiuscumque licitum est ministrare Baptismum paruulis, & adultis, *c. quoniam. de sententia excom. in 6* & alibi communiter. Et hoc Sacramentum potest tunc ministrare persona quæ non fuerit specialiter interdicta personaliter; si verò fuerit generaliter tantum interdicta, neque causam dederit interdicto, potest. Suarez *de censur. disput. 33. sect. 1. num. 6.*

12 Potest Episcopus ministrare Sacramentum Confirmationis tempore interdicti, nisi dans, vel recipiens fuit causa interdicti, vel sit impeditus censura alia Ecclesiastica. Suarez *loc. cit. n. 9.*

13 Tempore interdicti potest ministrari Sacramentum Pœnitentiæ cuiuslibet fidei tum sano, tum infirmo, etiam in Ecclesia specialiter interdicta: *cap. alma mater.* Nota verò quòd si detur homini sano intra Ecclesiam, debet fieri in tempore quo non celebrentur Missæ, vel Officium Diuinum in choro: quia talis pœnitens admissus ad Sacramentum Pœnitentiæ per dictum caput, non potest admitti ad Missam, vel cætera Diuina Officia, secus si habeat Bullam, vel priuilegium assistendi generaliter omnibus diuinis Officiis. Excipe etiam, quod tunc hoc Sacramentum non potest ministrare qui causam dedit interdicto, nec recipere qui causam dedit nisi prius satisfacta parte.

14 Licitum est tunc dare Eucharistiam existenti in periculo mortis. *cap. quod in te. de pœnit. & remiss.* dummodo non sit persona specialiter interdicta, tunc enim debet prius dare satisfactionem, clericus item specialiter interdictus, vel si illi causam dedit, non potest illam ministrare. Potest etiam tunc dari Eucharistia for-

E c

minæ existenti prope partum timenti periculum. *Rodriguez tom. 2. q. 109. art. 3. ex Couar. & ibidem* ait non posse tunc Clericum sanum communicare ex manu aliena in sua Ecclesia, quia hoc non exprimitur in iure; posse tamen celebrare priuatim, quia hoc exprimitur.

15 Quando Eucharistia deferenda est ad infirmum periculosum tempore interdicti, deferenda est cum omni comitatu, & honore consueto, iuxta *caput sanè, de celebrat. Missarum*, & in tali delatione debet pulsari campana, neque opus est expectare euident periculum mortis, sufficit iudicium Medici dicentis bonum esse quod se paret ad mortem. *Suarez. cit. section. n. 24. vsque ad 29.*

16 Homini sano, & non habenti periculum mortis non licet tunc dare Eucharistiam: patet in iure, & est communis nisi habuerit expressum ad id privilegium. An verò de iure communi possit tunc dari Eucharistia Clericis pertinentibus ad talem Ecclesiam, & valentibus tunc ibi interesse diuinis, id est, Clericis non celebrantibus, vel nondum presbyteris; alij negant, sicut *Rodrig. citatus n. 13. & alij*: at verò alij affirmant. *Suarez* putat probabile, *n. 39.* sed remittit se ad consuetudinem Ecclesiæ. Poterit tamen dari sæcularibus solum pro implendo præcepto communicandi in Paschate, *Suarez ibi num. 37.*

17 Extrema unctio dari non potest, neque Clericis qui aliàs tunc possunt de iure communi sepeliri in Ecclesia. *c. quod in te. de pœnit. & remission.*

18 Ordines sacros non licet dare, neque recipere in loco interdicto, si dans aut recipiens causam dederint interdicto. *Couarr. c. alma mater part. 2. §. 3. n. 4.*

19 Licitum est tunc contrahere sponsalia, in loco interdicto: vel inter personas interdictas: talis enim contractus, neque est sacramentum, neque Officium diuinum Benedictiones tamen nuptiales non possunt dari à Parocho, quia sunt Officium diuinum. Ipsum etiam matrimonium in facie Ecclesiæ, non est licitum, quia est Sacramentum. Si tamen de facto fiat, erit validum, quid sit de peccato. *Suarez n. 46. vsque ad numerum 58.*

CVLPA , ET POENA VIO-
lantis Interdictum circa
Sacramenta.

20 **V**iolans interdictum in materia Sacramentorum actiue, aut passiuè peccat mortaliter, est enim res grauissima ex parte prohibitionis, & ex parte materiae.

21 Clerici violantes interdictum in materia Sacramentorum irregulares fiunt; & fiunt inhabiles, vt possint eligi, & suspensi ab officio, & beneficio: & incurrunt priuationem beneficii, non ipso facto, sed ferendam: tres verò priores poenas incurrunt ipso facto. *Miranda tom. 2. q. 37. art. 9. concl. 1.* Si verò sunt Monachi incurrunt etiam excommunicationem, supra n. 7. & deducitur ex *cap. 1. de sentent. & re iudic.* potest autem hæc violatio fieri tribus modis. Primò si persona interdicta conferat Sacramentum personæ non interdictæ, etiam in loco licito. Secundò si persona non interdicta conferat Sacramentum alteri non interdictæ, sed in loco interdicto. Tertiò, si conferat Sacramentum personæ interdictæ etiam in loco non interdicto. Et nota, quòd easdem poenas incurrit Clericus interdictus celebrans in loco specialiter interdicto, vel non interdicto. Sic ex *cit. c.* & Doctoribus colligitur. Et ista violatio interdicti siue tradat substantiam Sacramenti, siue solemnitatem tantum antecedentem ipsum Sacramentum, quales sunt caeremoniæ Baptismi, benedictiones nuptiales, & similiter.

22 Prædictas poenas non incurrunt recipientes Sacramenta, quia recipere Sacramenta non est actus deputatus alicui Ordini. *Suarez cit. disp. sect. 3. p. 22.* peccant tamen mortaliter.

25 Neque etiam illas poenas incurrit Sacerdos assistens matrimonio, quia ibi non assistit vt minister Sa-

eramenti, neque confert Sacramentum. Neque item incurrūt has pœnas ipsi coniuges sibi inuincem Sacramentum ministrantes, quia non ministrant vt ministri sacri: neque sæcularis baptizans in necessitate. Incurrit verò Clericus baptizans cum solemnitate. Suarez *vbi proximè*. Omnes tamen hi peccant mortaliter si illi tē faoiant violando interdictum: non verò baptizans in necessitate.

PROHIBITIO DIVINORVM,

et quæ sint hæc diuina tunc prohibita.

24 **V**ltra Sacramenta prohibita, prohibentur etiam Diuina Officia, quæ sunt varia; & illa explicatione summaria, sic intelliges.

25 Primò, prohibetur celebratio Missæ in omni loco interdicto ianuis apertis: & proinde in Oratoriis, domibus, viis, agris vicinis, &c. Potest tamen celebrari ianuis clausis; submissa voce, excommunicatis, & interdictis exclusis, & campanis non pulsatis. Et eodem modo possunt fieri cætera diuina Officia, cum proximè dictis circumstantiis. *cap. alma mater*, & praxis Ecclesiæ. Et hoc etiam de celebratione Missæ, potest fieri in Oratoriis, ab Ordinario approbatis, cum eadem moderatione, & exclusis non habentibus priuilegium, etiam si non sint specialiter interdicti. Nauar. *in Sum. c. 27. n. 175*. Et hoc cum cæteris sequentibus intellige tantum quando Ecclesia est generaliter tantum interdicta, secus si sit specialiter interdicta, quia tunc non licent nisi modo statim explicando in §. *dixi hæc*.

26 Prohibentur etiam Horæ Canonice, nisi fiant cum moderatione proximè dicta, de ianuis clausis, &c. de quibus proximè *n. 21*. sunt enim Horæ Canonice Officium Diuinum.

27 Prohibentur Sacramentalia, cuiusmodi sunt cæremoniæ præcedentes Sacramentorum ministrati-

nem;

nem ; vt benedictio olei , chris-matis , aquæ benedictæ , Ecclesiæ , vasorum , vestium sacrarum , &c. similium , quæ ab Ecclesia speciali ritu publico sunt instituta. Nauar. *in Summ. c. 27. n. 172.* & Doctores communiter. Alij sic explicant ; vt per Officia diuina prohibita , intelligatur illud omne quod solum potest fieri à Clerico specialiter ad illud munus deputato , ac instituto , & est communis expositio : per Clericum verò intellige etiam Subdiaconum , & Diaconum Et adde quòd suprà dicta sacramentalia non licent , nisi cum moderationibus supradictis ; de ianuis clausis , &c. & in Ecclesia quæ non sit specialiter interdicta.

Illa verò quæ non sunt deputata vt fiant à Ministro Ecclesiæ specialiter deputato , vel instituto , licet sint spiritualia & deuota , non sunt prohibita , v. g. con-cio ad populum , benedictio mensæ , non solemnis , orationes pro itinerantibus posite in Breuiario , priuatæ orationes sæcularium , intra Ecclesiam , quādo non celebrantur diuina in illis : ad oratio Crucis in die Venetis maioris hebdomadæ , dūmodo tunc cesser cantus , & preces pro tali adoratione institutæ , quia tunc , neque submissa voce possunt dici adorante populo. Ex his colliges , quæ sint alia Diuina Officia tempore interdicti prohibita.

Dixi hæc licere cum moderationibus dictis de ianuis clausis , &c. idque si Ecclesia sit tantum generaliter interdicta , si enim sit specialiter interdicta , prædicta non licent nisi cum hac moderatione , vt vna tantum dicatur Missa in hebdomada ad renouandam Eucharistiam. Cætera verò Diuina Officia non licent etiam permissa *in cap. alma mater. Suarez tom. de censur. disput. 34. sect. 2. num. 1.* Ad maiorem verò explicationem de diuinis Officiis licitis , vel tunc illicitis , & spectantibus ad illa , accipe sequentia in ordine.

Si Sacerdos faciens aliquod Diuinum Officium in loco generaliter interdicto , omitat aliquam ex illis quatuor conditionibus de ianuis clausis , &c. peccat mortaliter & violat interdictum , vt si celebret solum ianuis apertis : vel solum admittis laicis non priuilegiatis : vel solum pulsatis campanis ; peccat enim in mate-

ria graui, Suarez *tom. de censur. 34. sect. 4. num. 13. & sequent.* Sayro *lib. 5. de cens. cap. 14. à num 30.* Reginald. *tom. 2. lib. 32. tract. 3. num. 49.*

28 Tempore interdicti, non possunt pulsari campanæ ad Missas, & Horas Canonicas: possunt tamen vocari Clerici, & Regulares ad chorum cum aliquo signo externo, vulgo (*matracas*) tali cuius signo, ligneo scilicet, iam populus intelligit se non vocari ad diuina. Rodriguez *tomo 2. questione 109. articul. 4.* & Suarez *disputat. 34. section. 1. numero 16.* Neque prohibentur campanæ nisi ad vocandum populum, ad Diuina Officia: non verò prohibentur si sonent ad concionem, salutationem Angelicam, & similia. Neque Acolutus seruans Missæ potest tunc pulsare campanam tempore eleuationis hostiæ, vel calicis. Neque item licet pulsare organa. Suarez *cit. loco, num. 19* cum aliis citatis *ibid.*

29 Sacerdos celebraturus si non habet qui ministret nisi laicum, poterit illum assumere etiam non priuilegiatum, dummodo non sit excommunicatus, &c. Suarez *num. 31.* Si verò Clericus in Ecclesia seculari habet alium Clericum maximè non presbyterum, vel presbyterum qui velit ministrare, vel laicum priuilegiatum qui idem faciat, non potest assumere laicum non priuilegiatum. Idem dic de Clerico seculari in Ecclesia Regularium, si ibi sint Acoluti Regulares qui ministrent, tunc enim non potest assumere laicum non priuilegiatum, ut tenet expressè Rodr. *tom. 2. q. 114. art. 4.* Et his ibi deficientibus poterit vocare alium, si poterit, priuilegiatum. Excipe si Clericus in Ecclesia Regularium adducat suum famulū sibi seruientem, & se comitantem, quia per priuilegium famulatus posset illum admittere secum, & idem siue sint duo vel tres famuli pro comitatu illius ordinario, dummodo non admittat in fraudem, non suos.

30 Potest tunc Clericus assistere morienti, eidemque dicere Litanias, Psalmos, Passionem Domini, etiam coram laicis, dummodo non dicat, *Dominus vobiscum.* Rodriguez *tom. 2. quest. 109. art. 2.*

31 Priuilegiati ad audienda diuina tempore interdicti siue per Bullam, siue per priuilegium, possunt secum adducere familiares, domesticos, qui ipsos comitantur, *cap. licet. de priuilegiis*: sed nota per hos familiares solum intelligi, qui talem personam de ordinario comitantur, & honorant. Vnde non possunt assumi extraordinarij famuli, etiamsi aliàs sint de familia, neque illi qui innocentibz volunt esse famuli, neque illi qui non sunt necessarij moraliter. Doctores communiter.


32 De infantibus, siue puellis alij dicunt posse illos audire diuina absque priuilegio: alij negant. Vtrumque probabile securius est, vt arceantur, & omnino arcendi sunt amentes adulti.

33 Si sacrosacta Eucharistia sit publicè locata per horas 40. vt solet vel pauciores, adoranda, & spectanda populo, possunt intrare, & adorare, etiam specialiter interdicti, quia hoc non est Officium Diuinum. Suarez *cit. sect. 1. numer. 56*. Excipe, nisi tunc Missa celebretur, vel aliud Diuinum Officium: & supradicta etiam intellige dummodo non sit Ecclesia specialiter interdicta.

34 Possunt etiam in interdicto generali extra Ecclesiam in domo priuata tres, vel quatuor, dicere Horas Canonicas, dummodo à secularibus non audiantur. Suarez *disputatione 34. citat. section. tertia. numero 13*.

35 Non prohibentur seculares generaliter interdicti assistere in Ecclesia, quando licitè ministratur Eucharistia priuilegiatis, vel datur Baptismus paruulis, dummodo tunc non dicatur Missa, vel Horæ Canonicae: quia duo prædicta non sunt recipere Sacramentum, sed solum videre, vel audire Sacramentum, & hoc non prohibetur. Suarez *section. 4. numero. 31. & 32*.

C V L P A, E T P O E N A
violantis interdictum quoad
Diuina Officia.

36  Clerici etiam primæ tonsuræ, & Regulares violantes interdictum circa Diuina Officia, peccant mortaliter iuxta communem opinionem, est enim materia grauis ex se, & nimis prohibita. Idque etiam si exercent actum deputatum Ordinibus tantum Minoribus. Intelligitur etiam de benedictione aquæ posita in Missali, & similibus. Potest tamen Sacerdos intras Ecclesiam cum sæcularibus aspergere illos aqua benedicta, hoc enim non facit tanquam Minister Ecclesiæ.

37 Clerici violantes interdictum exercendo actum proprium sui Ordinis, eo modo quo à laicis non potest exerceri, fiunt irregulares, suspensi, & inhabiles. Est communis Doctorum *in cap. 15. qui de senten. excommun. in 6.* Excusabitur tamen is qui bona fide fecerit etiam si interueniat ignorantia culpabilis, dummodo non sit affectata, Suarez *sect. 4. n. 15* & in his pœnis suo modo comprehenduntur etiam Moniales. Suarez *ibidem n. 16.*

38 Eandem irregularitatem incurrunt violantes interdictum personale, siue illud sit speciale, siue generale, siue sit tantum interdictus ab ingressu Ecclesiæ. Suarez *num. 22.* Sed hanc irregularitatem non incurrunt Clerici, vt dixi, nisi ministrent ex proprio officio ad quod sunt consecrati in diuinis, qualis est Missa, Euangelium dicere, Subdiaconum in Missa, cantare in choro ex obligatione Ordinis sacri. Secus si Religiosus carens Ordinibus cantet in choro. Nau. *c. 27. in Sum. n. 187.* peccant tamen mortaliter.

39 Prædictam etiam irregularitatem non incurrat Clericus celebrans coram interdictis personaliter, quia talis pœna pro illo non inuenitur expressa in iure, quidquid sit de peccato. An Clericus non excludens laicum

laicum à sua Missa non priuilegiatum, qui non est specialiter interdictus : & celebrat Sacerdos solum in loco generaliter interdicto , an,inquam, hic Clericus peccet mortaliter vide *suprà n. 23. §. dixi.* An verò incurrat irregularitatem, negat Viualdus in *Candelabro. ver. Interdictum. §. 6 n. 10.* cum Federico, & Cou. quos citat , dat causam , quia talis secularis permissus non peccat mortaliter. At in oppositum affirmat Sayrus *lib. 5. de censur. lib. 14. à n. 3.* & citat Greg. Valent. & innuit Suarez, & Reg. citati *n. 21. cit. §. & est securius.*

40 Laici violantes interdictum locale , vel personale , siue sit speciale , siue generale , peccant mortaliter, est enim materia grauissima , & nimis prohibita. Panormit. cum multis *c. ultim. de excessibus Prelatorum* , & Suarez *disp. 34. sect. 5.* ita vt nec possit laicus canore in choro cum Clericis absque priuilegio. Si verò laicus sit personaliter interdictus, multo magis prohibetur assistere, & grauius peccat.

Quæris an peccet mortaliter laicus qui tempore interdicti, furtiuè vt ita dicam , & sciens esse interdictum , & prohibitum , intrat Ecclesiam , & Missam audit absque priuilegio ? Non peccare mortaliter tenet Rodriguez cum Syluestr. & aliis *question. 109. artic. 4.* & dant causam , quia Ecclesia id non prohibet laicis directè, sed prohibet tantum Clericis ne admittant. Et proinde concludunt cum Soto , non peccare mortaliter laicum nisi fiat ex contemptu, vel ex malitia, prohibente ianitore Ecclesiæ. Alij verò dicunt peccare mortaliter, inter quos est Suarez *cit. disput. 34. sect. 5. num 4.* Et probat , quia etiam ipsis secularibus directè prohibetur ne tali tempore se ingerant diuinis. Et citat pro hoc *cap. si sententia. de sententia excommun. vbi dicitur : ciuitate interdicta licitum esse ciuibus , qui culpam interdicto non dederunt , extra ipsam interesse diuinis.* Vbi videtur supponere quòd intra ipsam non possunt: & ipsis directè prohibetur. Saltem petenti consilium ante factum , ego dicerem esse mortale, quia in hoc maximè cernitur violatio diuinorum à seculari. Et citat Suarez alios pro se dicentes esse mortale.

41 Laicus violans interdictum in diuinis nunquam fit irregularis. *Cou. cap alma mater. part. 1. §. 1. n. 3.* Neque Clerici non assistentes vt Clerici, sed more laicorum.

42 Si verò laici cogant aliquem celebrare Diuina Officia in loco interdicto, incurrunt excommunicationem, ex *Clementina 2. de sentent. excom.* Excommunicantur etiam *ibidem*, qui publice prohibitos vocant vt intersint: vel prohibent, ne interdicti exeant à Missa, postquam moniti sunt: & pariter ipsi interdicti, qui moniti non exeunt.

INTERDICTI PROHIBITIO quoad sepulturam Ecclesiasticam.

43 **E**x interdictum generale loci prohibetur ne quis in illo loco sepulturam Ecclesiasticam accipiat, & multo magis per interdictum speciale. *cap. quod in te, de pœnitent. & remiss. & alibi.* Adco vt neque infantes baptizati valeant sepeliri, quia textus neminem excipit. Imò neque ossa defuncti olim mortui, possunt translata, nunc sepeliri tempore interdicti in Ecclesia interdicta generaliter: quia hoc est verè donari sepultura Ecclesiastica: neque etiamsi pro his ossibus sumatur Bulla Cruciatæ. Oportebat enim habere illam ante mortem, & non sufficit sumere post mortem. Si verò interdictum sit generale, sed personale tantum, non prohibentur sepeliri infantes baptizati. *Suarez disp. 36. sect. 2. num. 8.* Excipiuntur Clerici, etiam primæ tonsuræ (non verò Clerici coniugati) tales enim non coniugati possunt tunc sepeliri, cum his conditionibus; prima, vt non sint personaliter interdicti. Secunda, vt non sint excommunicati. Tertia, ne causam dederint interdicto. Quarta, vt fiat sine pulsatione campanæ. Quinta: vt fiat cessantibus omnibus solemnitatibus: & fiat cum silentio. Circa quod aduer-

te, quòd tunc in tumulando tali Clerico dum deferretur per viam ad Ecclesiam non posse dici Psalm. etiam submissa voce. Postquam verò intra Ecclesiam fuerit corpus, potest dici Missa, & cætera solita pro Clerico mortuo submissa voce, & ianuis clausis. Suarez *disput. 35. sectio. 1. à num. 4. usque ad 10.* Si verò Ecclesia sit specialiter interdicta, & sit alia non sic interdicta specialiter, poterit Clericus sepeliri in illa non sic interdicta specialiter: & non in interdicta specialiter. Si verò sit una sola Ecclesia, & hæc specialiter interdicta, poterit ibi sepeliri. Suarez *sect. 2. num. 4.*

44 Persona specialiter interdicta à fortiori priuatur Ecclesiastica sepultura. Patet ex multis textibus & Doctoribus. Et illi qui sepeliunt nominatim interdictos etiam excommunicantur, si faciant scienter, & cum præsumptione. *Clementina 1. de sepulturis.*

45 Sepelientes aliquem in loco interdicto etiam excommunicationem incurrunt. *eadem Clementina*: intellige verò quod etiam, si faciant bona, vel mala fide, non debet exhumari corpus, si sit corpus fidelis. Angelus *interdictum 6. num. 31 & alij.*

46 Si verò interdictum non sit locale, sed sit interdictum tantum personale generale, non priuantur fideles Ecclesiastica sepultura, nisi fuerint nominatim interdicti. Suarez *disput. 35. sect. 3. num. 2.*

Pro illis verò qui tempore interdicti per Bullam, vel priuilegium, sepeliuntur in loco sacro, dicente priuilegio, vel Bulla quod fiat cum pompa moderata: quæ sit pompa moderata, relinquitur arbitrio Ordinarij, si ibi fuerit. Et Rodriguez *tomo 2. quest. 111. artic. 3.* dicit in Hispania praticari, vt ter pulsetur campana, & sepeliatur ianuis apertis, & cum tono deferatur corpus ad sepulturam, cantando. Hoc tamen non video in Portugallia praticari. Imò nunquam pulsatur campana. Et ideo standum est consuetudini, seu decreto Ordinarij. Capucinus verò verb. *Interdictum, in fine suarum additionum*, ex declaratione Iulij III. dicit per moderatam pompam intelligi, dimidium illius quod sit extra interdictum, iuxta qualitatem personæ. Et idem declara

declaratum fuisse in Bulla Pij I V. Elige quod conformius sit iuri, & consuetudini.

DE INTERDICTO AB ingressu Ecclesiae.

Interdictum ab ingressu Ecclesiae semper est quid personale, addictum vni personae, non verò addictum loco. Vnde si interdictum solum sit generale, vel speciale quo ad locum non ibi prohibetur ingressus Ecclesiae, nisi quando fiunt Diuina Officia. Imò neque personale interdictum generale, vel speciale in forma communi priuant ingressu Ecclesiae, quando ibi non celebrantur diuina. Suarez *disputation. trigesimaquinta, sectione quarta, num. secundo.*

48 Est ergo interdictum ab ingressu Ecclesiae, quoddam peculiare genus interdicti, peculiarisve censura, priuans fideles aliqua participatione diuinorum, non propter communicationem cum aliis, sed per se. Estque hoc genus interdicti personale, vt diximus, non totales habet enim aliquem effectum, quem non habent alia interdicta personalia, vt videbis ex sequentibus.

49 Interdictum ab ingressu Ecclesiae priuat omni participatione diuinorum in ipsa Ecclesia. Et proinde prohibet in Ecclesia celebrare, sepeliri, dare, vel recipere Sacramenta: imò nec Missam audire, neque aliud Diuinum Officium permitit. Et hoc loco, nomine *Ecclesiae* intelligitur solum templum auctoritate Episcopi, publicè deputatum, ad sacra facienda. Non verò intelliguntur Oratoria priuata domorum: bene tamen Ecclesiae paruae, quae non sunt Parochiae, vulgo, (*Ermidas*) maximè extra muros, sunt enim Ecclesiae publicè: & proinde, prohibetur etiam ingressus in his paruis, licet non sint parochiales.

Hinc fit quòd interdictus ab ingressu Ecclesiae non prohibetur celebrare, vel diuina audire nisi in Ecclesia publicè deputata, siue sit consecrata, siue benedicta. Ar

italica

taliter interdictus extra publicum potest in Oratoriis priuatis omnia illa facere, & recipere, quæ sibi licebant ante illud interdictum, verba enim illa pœnalia sic sunt restringenda, vt solum prohibeant diuina intra Ecclesiâ publicè deputatam: non verò deputatam priuatim, vt sunt Oratoria. Et proinde potest domi suæ recipere extremam vnctionem. Syluest. *Interdictum 6. quest. 5. & Nauarr. in Sum. cap. 25. num. 75.*

50 Sic interdictus ab ingressu Ecclesiæ, non potest extra portam Ecclesiæ existens audire diuina quæ fiunt intra Ecclesiam. Contradicit enim menti huius legis, quæ hoc principaliter prohibet in Ecclesia. Nec potest Missam dicere in cæmeterio Ecclesiæ, hoc enim pro Ecclesia reputatur. Potest tamen celebrare in priuato Oratorio. Si verò cæmeterium non sit contiguum cum Ecclesia, poterit sibi participare omnia diuina. Quod si taliter interdictus moriatur, non poterit sepeliri in cæmeterio etiam disuncto ab Ecclesia. Suarez *disput. 35. sect. 4. num. 12. & 13.*

Altera differentia huius interdicti est, quia alia interdicta locale scilicet, & personale, siue sit generale, siue speciale, non priuant hominem ab ingressu Ecclesiæ: potest enim taliter interdictus intrare Ecclesiam etiam specialiter interdictam, quando in illa non celebrantur diuina, & potest ibi priuatim orationem fundere. At interdictus ab ingressu Ecclesiæ, iuxta sanio-rem sententiam, prohibetur intrare Ecclesiam, etiam quando ibi non dicuntur diuina, & etiam ad priuatim orandum. Hoc enim sonant verba legis (*ab ingressu Ecclesiæ*) quamuis aliqui oppositum probabiliter dicant quo ad orationem particularem fundendam: qualis est Nauar. *cap. 25. in Sum. nu. 75.* Poterit verò taliter interdictus secundum omnes intrare Ecclesiam ad concionem audiendam: & ad actus iurisdictionis fori externi faciendos, verbi gratia, ad eligendum, absoluumum à censuris, & ad similes.

DE CAUSIS INTERDICTI, & quot sint interdicta posita à iure.

Quod B quas causas ferendum sit interdictum non patitur Compendium sigillatim tractare, maxime quia Regulares, quibus præcipue sergio, non solent illud promulgare, videantur hac de re latè Doctores, qui omnes in summa dicunt poni debere non pro quacunque causa graui, sed pro grauissima: vt pro tuenda iurisdictione, seu immunitate Ecclesiar, vel similibus. Et patet, quia cum sit pœna grauissima, imò multas pœnas contineat, requirit causam grauissimam, vide Sot. in 4. dist. 22. q. 3. art. 1.

Quot verò sint interdicta posita à iure communi, non liber etiam recensere breuitatis gratia: qui voluerit legat Summistas, & Suarez disp. 37. de censuris per totum. pro resolutione sufficiat, quod si interdictum positum in iure sit generale locale, non ligat donec à Iudice Ecclesiastico publicetur, seu denunciatur. Si verò sit interdictum personale speciale positum in iure, obligat statim ante Iudicis Ecclesiastici denunciationem, vide Suarez *ibidem*.

DE CESSATIONE à diuinis.

Neminisse oportet tempore solius interdicti localis generalis non cessare Ecclesiam à diuinis: possunt enim hæc tunc fieri ianuis clausis, & cum cæteris limitationibus positis in præcedentibus. At cessatio à diuinis est pœna, faciens vt diuina cessent, nec fieri possint etiam cum supradictis limitationibus: vt autem id clariùs intelligatur, noto sequentia.

§1 Cessatio à diuinis, non est propriè censura, neque interdictum:

interdictum : sed est quædam prohibitio totalis diuinorum, sic tenet communior opinio Theologorum : & probatur, quia celebrans in cessatione à diuinis, non incurrit irregularitatem, vt omnes fatentur : quam tamen incurrit celebrans in interdicto indebitè : ergo non est interdictum. Et præterea quia cessatio nunquam ponitur in personis, sed in loco, & interdictum ponitur etiam in loco : per effectus verò res distinguuntur. Et præterea quia habens priuilegium audiendi diuina tempore interdicti non potest illa audire tempore cessationis, nisi priuilegium illud exprimat, vt omnes admittunt : ac proinde diuersum quid est cessatio ab interdicto.

52 Priuat ergo cessatio à diuinis omnibus diuinis Officiis, & Missa, præcipuè intra Ecclesiam, ita vt neque in choro simul, submissa voce possint Clerici dicere Horas Canonicas. Possunt tamen intra Ecclesiam bini dicere Horas Canonicas dummodo à sæcularibus non audiantur, quia illa recitatio cum sit inter duos tantum, est satis priuata : & hac de re nulla est prohibitio, sed de recitatione publica, & communi.

53 Cessatio à diuinis non suspenditur in illis quatuor diebus in quibus suspenditur interdictum per *c. alma mater*, de quo infra : & hoc iuxta probabiliorē sententiam ; licet aliqui oppositum dicant, vt Henric. tom. 2. lib. 13. c. 53. loquens de cessatione generali, & citat multos. At quòd non cesset tunc, tenet Suarez *disp. 39. sect. 2. n. 12.*

54 Tempore cessationis, potest dari Baptismus paruulis, etiam cum solemnitate, & Sacramentum Confirmationis, & Sacramentum Pœnitentiæ, & Eucharistiæ similiter, tantum morientibus Pœnitentiæ verò Sacramentum potest dari etiam sanis. Imò, & pro communicando moriente, si non adsit particula consecrata, potest Sacerdos celebrare ianuis clausis, qui enim concedit finem, concedit etiam media quæ sunt ad finem ; & potest in quauis Ecclesia vna Missa celebrari ad renouandam Eucharistiam tempore ad id necessario. *capit. permittimus. de sentent. excommun.*

55 Potest etiam tunc Eucharistia deferri ad infirmos cum pompa solita, & pulsatione campanæ ad vocandum populum: dummodo nullum Officium diuinum dicatur. Non potest verò Ordinis Sacramentum, aut Extrema vñctio ministrari, neque benedictiones solemnes matrimonij possunt exhiberi.

56 Priuat etiam Ecclesiastica sepultura; ita vt neque vllum Officium Diuinum in deferendo cadauere dici possit; quia vt plurimum semper cessatio ponitur cum interdicto, interdictum verò priuat sepultura.



57 Regulares non seruantes cessationem à diuinis generalem, excommunicantur, *Clementina 1. de sentent. excommunication.* Et non fertur ibi contra Clericos, neque contra laicos, sed solum contra Regulares, forè fidentiores priuilegiis. Sed non ligat illa excommunicatio Regulares, nisi quando viderint Cathedralē, seu matricem, seu parochialem loci, seruare cessationem, & ipsi non seruant, vt textus ibi exprimit.

58 Tenentur etiam Religiosi seruare hanc cessationem generalem, siue sit lata à Papa, siue ab Episcopis, siue à Conciliis Prouincialibus, per sententias, vel statuta: imò etiam, si sit lata à Capitulo, vel Collegio, vel Conuentu secularium, vel Regularium Ecclesiarum, quando per consuetudinem habent ponere talem cessationem. Hæc enim omnia exprimit text. *Clementina citata.* Non verò incurritur prædicta excommunicatio, si violetur cessatio à Diuinis specialis: textus enim loquitur de generali. Syluest. verbo *Cessatio* num 5.

59 Per violationem cessationis à diuinis non incurritur irregularitas, quando cessatio posita est absque interdicto: quia nullibi in iure talis reperitur, secus si sit posita cum interdicto: tunc enim ratione interdicti violati incurritur ex supradictis.

60 Habens priuilegium interessendi diuinis, & accipiendi sacramenta tempore interdicti non potest vti illo priuilegio in cessatione, nisi illud exprimat priuilegium. Est communis Doctorum.

DE SUSPENSIONE
interdicti à iure communi.

16  Vspenditur interdictum à iure communi in die  Natiuitatis Domini, in die Paschatis, Pentecostes & Assumptionis Beatæ Mariæ. *cap. alma mater.* Sed notat, quòd intelligitur suspèdi per totam octauam cuiuslibet festi ibidem assignati: verbi gratia: non suspenditur per omnem octauam Paschæ, & cæterorum trium: sed in solo primo die, non in sequentibus, quia textus non exprimit octauas, sed dies illos quatuor.

62 Martinus V. postea concessit, vt suspendatur etiam interdictum in festo Corporis Christi, & per totam eius octauam. Refert Nauar. *in Sum. cap. 27. n. 172.* & alij communiter. Nauar. *in Sum. cap. 27. num 182* ait ab Eugen. IV. concessum, vt etiam suspendatur generaliter interdictum in die Conceptionis Deiparæ, & per totam octauam eius, in Ecclesiis in quibus recitatur officium proprium Leonardi Protonotarij. Sequitur Viualdus *interdictum §. 5, num. 11.* cum explicatione ibi data de dicto Officio. Rodrig. *tom. 2. quest. 111. artic. 2.* absolute dicit posse suspendi absque limitatione. Suar. *tom. de censur. disp. 34. sect. 2. n. 42.* ait Leonem X. illud ipsum concessisse pro sola Hispania, & absque illa limitatione officij proprij Leonardi. Vide Compendium Minorum *verb. Conceptio. §. 12.* & Supplement. Minorum *fol. 24.* & concludit Suarez prædictum priuilegium pro Hispania non esse reuocatum à Tridentino, sed ad illud teneri Episcopos qui id nouerint.

63 Quando prædictis diebus suspenditur interdictum, an suspendatur etiam cessatio à diuinis, si cum illo sit posita, vide *suprà, n. 48.*

64 Quando prædictis diebus suspenditur interdictum, omnia Diuina Officia sunt licita ac si non esset interdictum: idque licet à primis vespers diei vsque ad secundum Completorium diei sequentis inclusiue. Est

communis Doctorum. Notat tamen bene, ac subtiliter Sayrus, *lib. 5. de censur. capit. 13. numero 7.* quod in festo Natiuitas Domini, Resurrectionis, & Pentecostes incipit suspensio interdicti à Missa vigiliarum illorum trium dierum: quia in his tribus Missis iam dicitur præfatio diei sequentis, & in Missa vigiliæ Paschæ dicuntur vespere; & proinde iam censentur inchoata illa tria festa. Et citat Paludanum. Quod non reperitur in festo Assumptionis.

QVÆ LICEANT REGVLARIBUS in interdicto, & cessatione.

65 **P**ossunt Regulares saltem communicantes priuilegiis, durante interdicto dare professionem Nouitio: & in illa cantare, *Veni creator Spiritus*, cum cæteris cæremoniis, dummodo sit interdictum positum auctoritate ordinaria. Vnde innuitur per hanc concessionem mox citandam non hæc licere si fuerit positum auctoritate Apostolica. *Compend. Minorum Interdictum* 1. §. 19. Sed per aliam possunt, vide infra, *titulo sequenti*, quando suspendatur à Regularibus.

66 Possunt benedicere mensam, & dare gratias cum cantu solemni. *Compend. ibidem* §. 20. Sed etiam notatur ibi pro solo interdicto posito auctoritate ordinaria, neque pro hoc inuenio priuilegium aliud.

67 Possunt durante interdicto, per concessionem factam Benedictinis à Legato lateris, singulis diebus admittere ad Diuina Officia quindecim personas simul iunctas, dummodo ibi non recipiant Sacramenta, quia ad hoc non extenditur priuilegium. *Rodriguez tom 2. quest. 112. art. 6.* Et ibidem ponit aliam concessionem Nicolai V. concedentis Benedictinis vt possint tunc admittere sex personas. Et aliam similem, de aliis sex personis,

sonis, sed non simul, sed successiue modo ibi exposito. Et hanc licentiam possunt etiam dare Abbatisse, pro suis Ecclesiis; quia hoc non est vti iurisdictione, sed vti priuilegio sibi concessio per communicationem, cuius priuilegij sunt capaces. Rodrig *citato tomo, questione 114. articul. 1.* Capucinus verò, verbo *Interdictum*, folio 178. notat has concessiones licere tempore interdicti, positi auctoritate ordinaria, non verò si ponatur, vel confirmetur auctoritate Apostolica.

68 Martinus V. concessit Fratribus Sancti Hieronymi, vt tempore interdicti possint sepelire in suis Ecclesiis quoscumque sæculares, apud illos sepulturam eligentes. Quæ est magna concessio non faciens mentionem alterius requisiti. Habetur in *lib. priuilegiorum Congregationis Sancti Ioann. Euangelista in Portugallia, fol. 39. pagina 1. in fine.* Ego tamen tale priuilegium non inueni in *Compend. D. Hieron. Hisp. nec consulo; neque video praticari.*

69 Possunt tunc Regulares admittere ad Diuina Officia, & Sacramenta familiares intra Conuentum degentes. Et Minoritæ possunt admittere suum Syndicum, uxorem illius, ac filios, etiam tempore cessationis à diuinis. Rodrig. *q. 114. art. 4.* At Medicum ordinarium possunt admittere solum ad diuina tempore interdicti, non verò tempore cessationis à diuinis. Rodrig. *ibid. art. 5.* & sanguinis minor seu Barbitonsor, nullo gaudet priuilegio iuxta Rodrig. *ibi.*

Sed iuxta priuilegium concessum à Benedicto XIII. Patribus S. Hier. Hisp. possunt admittere ad Diuina Officia, & omnia Sacramenta, ibique sepelire, omnes seruitores, & familiares Conuentus, continuos commensales, & quoscumque alios viuentes stipendiis Monasterij, & eorum familiam vtriusque sexus quamdiu manserint in seruitio Monasterij. Ita *Compend. illorum Patrum, verb. Interdictum, §. 1.* quæ est magna concessio. Et applica, quia clara est.

70 Possunt Minoritæ in interdicto admittere ad diuina Procuratores Monialium Sanctæ Clare, & negotia gerentes vtriusque sexus. *Compendium Min. Inter-*

dictum 3. §. 7. & per concessionem factam Carmelitis, possunt admittere aduocatos fratrum. *ibid.* §. 8. & *eod.* §. 7. concessit Sixtus IV. ut possint Minoritæ tunc admittere ad diuina Fratres, & Sorores Tertiij Ordinis Pat. Francisci, & illorum Procuratores.

71 Eodem Compend. *Interdictum* 3. §. 12. per concessionem factam Carthusiensibus, possunt admittere ad diuina personas dicti Ordinis (id est, Fratres) cum seruitoribus suis aliunde venientibus, & mercenarios in grangiis residentes.

72 Eodem verbo Compendij, §. 1. concessit Alexan. IV. Minoritis ut possint admittere ad diuina operarios, qui in locis Fratrum operibus, personaliter constituti institerint. Quod explicat Capucinus, in *suis Additionibus ad Compend. verbo Interdictum* 3. fol. 178. §. item 6. quod possunt admittere ad Diuina Officia omnes officiales, & laborantes in die quo ibi laborauerint, licet soluatur eis labor, & non sint ordinarij laboratores. Et idem tenet Miranda *tomo 2. q. 38. art. 12. concl* 13. licet *Rodrig. tom. 2. q. 11 §. art. 1.* innuat debere esse operarios manentes intra Conuentum. Sed Capucinus, & Miranda satis clarè loquuntur.

Nota verò, quòd quando hæc priuilegia, & similia dicunt posse hos familiares, & similes admitti ad diuina; non possunt admitti ad Sacramenta, vel sepulturam, nisi id exprimatur: sunt enim distincti hi tres effectus, Sacramenta, Diuina, & Sepultura: & concessio vno, non conceditur alterum: & verba sunt propriè, & strictè accipienda, cum sint contra ius commune.

73 Iulius II. concessit, quòd omnia quæ licita sunt in interdicto generali, licita etiam sint in interdicto speciali, quam concessionem meritò vocat magnam, Capucinus super Compend. *verbo Interdictum* fol. 179. Nam interdictum speciale est magis rigorosum, ut patet ex dictis.

74 Tota dubitatio est; an Regulares tempore cessationis à diuinis possint celebrare in secreto, sicut tempore interdicti, idque toties quoties, nemine admissio ad diuina? Credo quod possunt. Primò, quia

Lco

Leo X. concessit Minoritis, in Compend. *Interdictum* 1 §. 17. quòd in forma obseruationis, nullam facerent differentiam, inter cessationem à diuinis, & inter quodcumque interdictum: id est, quod eodem modo seruent cessationem à diuinis, ac seruant quodcumque interdictum: constat verò quòd Regulares in interdicto celebrant toties quoties ianuis clausis: ergo idem poterunt in cessatione à diuinis. Et idem clarè insinuat Capucinus *cit. loco fol. 18 2. §. item decimo.* & tenet expressè Rodrig. *tom. 2. quæst. 116. art. 2. & quæst. 115. art. 4.* & innuit Saytolib. 5. *de censur. cap. 19. num. 4.* & Henriq. 2. *tom lib. 13. cap. 53. num. 3. littera. Q. cum margine.* Et sic audiui fieri, vel factum fuisse Olyssipone à Patribus Collegij D. Antonij Abbatis in cessatione posita ipsorum Ecclesiæ, anno præsentis 617. per supradictum priuilegium. Aduertit tamen Rodr. *cit. art. 2.* quòd tempore cessationis à diuinis non possunt Regulares dicere Horas in choro, neque admittere Sacerdotes extraneos vt celebrent in suis Conuentibus.

QUANDO REGVLARES PER
priuilegia suspendant inter-
dictum.

75. **M**inoritæ per priuilegia ipsis concessa suspendunt interdictum etiam autoritate Apostolica positum, & cessationem à diuinis, in die Pat. nost. Francisci, & in die stigmatum illius: Sancti Antonij de Padua: Bonauenturæ: Ludouici Episcopi Bernardini: quinque Martyrum Marochij: septem Martyrum Septem: Sancti Didaci: Sanctæ Claræ: & in die Dedicationis Portiunculæ. Hæc omnia sunt indubitata, & pro omnibus habentur priuilegia, de quibus Rodrig. *tom. 2. q. 112. & Miranda tom. 2. q. 38. art. 12.* & Rodrig. in *Bulario, fol. 1208. vbi vide.*

76. Rursus pro sancta Elizabeth vidua idem concessit Leo X. Minoribus, ipsorumque Monialibus, in sup-

plement. fol. 55. concess. 155. vbi norant citati duo Doctores; ex priuilegiis concessis quòd suspenditur interdictum in diebus Sanctorum dictorum, & per illorum etiam octauas respectiue: id est, respectu Sanctorum in quorum Officiis Minoritæ recitant per octo dies continuos de illis, (secus de illis in quibus non habent octauarium, vt sanctæ Elizabeth, & Portiunculæ) & hoc à primis vespers, vsque ad Completorium vltimum diei octauæ, vel vsque ad Completorium diei primi respectiue: ita vt tunc omnia liceant ianuis apertis ac si non esset interdictum.

Addunt præterea quòd si contingat de aliquo ex prædictis festis non fieri officium in die qua incidit, vt quia transfertur in alium diem, nihilominus suspendatur interdictum in illo ipso die quo incidit festum. Item si in aliquo die infra octauas illorum, de illis non fiat officium, sed tantum commemoratio, nihilominus interdictum suspendatur.

77 Ex priuilegiis quæ viderim; plus aliis Religiosis habent Patres D. Hieronym. priuilegia suspendendi interdicta. Nam in illorum Compendio, *verb. Interdictum*, §. 5. hoc illis conceditur pro festis Assumptionis, Natiuitatis, Purificationis B. Mariæ, & S. P. Hieron. idque pro quocumque interdicto, quouis modo appositi.

Ibidem §. 6. suspenditur interdictum in die S. Lamberti, & aliorum Sanctorum, quæ quia sunt ibi localia, & non propria aliorum; neque sunt communia, omitto, quia pro illis non communicamus, quæ sunt illis propria.

Ibidem §. 7. suspenditur interdictum per concessionem illis factam à Pio V. quocumque illud sit, & cessatio à diuinis, in die illius Sancti, in cuius honore quolibet Monasterium Ordinis dicatum fuerit, vt si vocetur, v. g. Conuentus sanctæ Mariæ Magdalenz: vel quid simile: & hoc gaudebunt alij Conuentus communicantium pro illo die sui Sancti respectiue cuius habent titulum. Compend. verò ibi ait tunc suspendi in Monasteriis singulis Ordinis. Sed quo ad singula vel omnia ego non extenderem ob non usum: sufficit in illo proprio.

Ibidem

Ibidem §. 8. ex Pio V. suspendunt quodcumque interdictum in Paschate Resurrectionis, Ascensione, Pentecoste, Natiuitate Domini, Circumcisione, Epiphania, & in festis singulorum Apostolorum: & S. Hieronymi, & in Dedicatione propria Ecclesiarum cuiusque Monasterij.

Ibidem §. 9. per eundem Pium V. suspendunt illud quodcumque sit, in Epiphania, Ascensione, Assumptione B. Mariæ, & in diebus singulorum Apostolorum; & in Ramis palmarum: & feria quinta, sexta & Sabbato in Cœna Domini, maiorisque hebdomadæ citatis tribus diebus. Item in festo sanctissimæ Trinitatis: & Conceptionis Beatæ Mariæ, Natiuitatis, Purificationis, Annunciationis, & Visitationis illius. Item in die S. Ioan. Baptistæ: & Sancti Marci, & S. Lucæ, & S. August. Et in festo omnium Sanctorum: & in die fidelium defunctorum subsequenti: & in hoc die Defunctorum, pro Missa tantum, & processione.

In eodem §. conceditur etiam suspensio interdicti in die obitus alicuius fratris, (idem dic de Moniali) pro Missa, & officio publicè dicendis.

Circa omnia prædicta priuilegia notandum est, quod Regulares tempore illo quo per sua priuilegia suspenditur interdictum, si existunt extra sua Monasteria, non possunt in eisdem diebus extra Conuentum in alia Ecclesia interdictum etiam suspendere, quia priuilegium illud est solum reale affixum illi tantum loco: non verò est personale, vt transeat cum persona.

78 Suspenditur etiam interdictum in die illius Sancti cuius corpus sepultum est in Monasterio aliquo illius Ordinis, idque apud illud tantum Monasterium. Per Leonem X concessum Benedictinis, de quo Rodr. *tom. 2. q. 112. art. 2.* vbi aduertit *art. 3.* quòd pro hoc non sufficit, quòd ibi sit particula aliqua corporis illius Sancti; sed opus esse, vt sit totum corpus, vel ferè totum eiusdem Sancti. Si enim sit solum caput, vel solum brachium, non sufficit. Si verò toti corpori deficiat caput, vel brachium tantum, sufficit. Ego verò addo, opus esse vt sit Sanctus canonizatus: talis enim, & non alius, in-

telligitur communiter nomine Sancti; & proinde non sufficit quod sit beatificatus.

79 Suspenditur etiam interdictum in festo Translationum Patronorum Ordinis, v.g. in translatione PP. Dominici, vel Francisci, & similium, ex privilegio per Rodr. *cit. q. 112. tom. 2. art. 3.*

80 Suspenditur etiam interdictum in die professionis alicuius Monachi, vel Monialis per totum diem. Patet ex privilegio *cit. ibi* per Rodr. *art. 5.* sicque factum fuisse ait in Conventu S. Stephani Salmanticae à Patribus Dominicanis.

Ultimò suspenditur interdictum, & cessatio à diuinis, quoties aliquis Monachus sepelitur, Et quando cantatur Missa noua, in illo Conventu. Ita Rodriguez *cit. art. 5.* ubi circa diem obitus Religiosi notat, quod si Monachus moriatur hodie, & sepeliatur ad vesperam, & fiat pro illo officium sequenti manè, suspendetur interdictum pro illo vespere dum sepelitur, & pro sequenti manè dum fit pro illo Officium, & Missa. At pro Missa noua dicit suspendi à primis vespers vsque ad meridiem diei sequentis ubi Missa finitur,

Notat tamen Rodr. *Add. ad Sum. moral tom. 4. cap. 63.* quod si moriatur Nouitius, non suspendetur interdictum, quia illud privilegium concessum pro Fratibus, seruandum est ita vt minus noceat Ecclesiae quàm fieri possit: & proinde non extendetur ad Nouitios. Ait tamen posse tunc Nouitium sepeliri sepultura Ecclesiastica, per alias concessionem, & saltem sicut familiares.

Aduertit etiam Sayrus *lib. 5. de censur. c. 16. num. 30.* quod quando suspenditur interdictum, non est licitum celebrare in Ecclesia polluta: quia tunc indiget propria reconciliatione

A D D I T I O.

DE hoc satis egi suprà quantum sufficiat ad Religiosos dirigendos in illa materia. Accipe sequentia.

I Iulius

1. Iulius I. concessit Minoribus ut quando interdictur Ciuitas, vel oppidum cum suburbiis usque ad duo milliaria, vel tria, non censeantur interdicta illorum Monasteria quæ infra dicta milliaria existunt: nisi ipsi causam dederint interdicto, vel tales Conuentus aliàs de iurè non sint comprehensi interdicto illius populi. Habetur concessio in Bullario Rodr. fol. 571. in n. 6. illius Bullæ. Hanc concessionem explicat Rod. tom. 2. qq. q. 108. art. 1. dicens per illam concedi ut nostri Conuentus existentes extra oppida ultra duo milliaria non possint subiacerè interdicto etiam Apostolico.

2. Leo X. concessit omnibus personis religiosis, & Ecclesiasticis quæ recitant Officium nouum conceptionis B. Mariæ in Regnis Hispaniæ, ut possint illius festum cum octaua solemniter celebrare tempore interdicti, idque à primis vesperis usque ad totam octauam inclusiue. Habetur concessio in Bullario Rodr. f. 650. Et ista concessio est pro omnibus Regnis Hispaniæ, & non solum pro Religiosis, sed etiam pro omnibus personis Ecclesiasticis.

3. Ista concessio videtur saltem non proficere clericis sæcularibus hodie, quia non recitant officium nouum conceptionis, quod recitant Minoritæ: sed dicunt Officium commune præceptum ab Ecclesia per Pium V. cum tamen Bulla imponat, ut dicatur Officium nouum compositum per quendam Leonardum, in quo Missæ introitus est, ingredimini, & videte. Et imprimis quod ad hoc Minoritæ videntur in Hispania posse uti dicto priuilegio suspendendi interdictum per totam octauam Conceptionis Beatæ Mariæ, quia recitant illud Officium Leonardi multis ab hinc annis in Hispania, neque à tempore quo illud recitant computato cum tempore Leonis X. potuit hoc priuilegium abrogari per contrarium usum, ut patet ex iis quæ diximus supra verb. Priuilegium. De Ecclesiis verò Cisteriorum sæcularium. Suarez tom. de Censuris, disput. 34. sect. 1. num. 42. referens hoc idem priuilegium, ait in supplement. Ordin fol. 24. ubi illud habetur, non poni hanc limitationem de dicendo illo Officio nouo Leo-

nardi, & proinde ait, Clericos etiam seculares illo posse uti per totam octauam, neque illud esse reuocatum à Concil. Trid. verum in Bullario Rodr. ubi ponitur hoc priuilegium fol. 650. Leo X. in proœmio Bullæ refert Sixtum IV. concedentem Indulgentias assistentibus Diuinis Officiis in die Conceptionis, limitasse de Officio, ac Missa compositis à dicto Leonardo. Cùmque Sixtus IV. ultra illas Indulgentias non concesserit suspensionem interdicti pro illo festo, Prælati Fratrum Minorum in Hispania pro meliori consecutione dictarum Indulgentiarum, petierunt à Leone X. ut in tali festo concederet etiam suspensionem interdicti quod fecit de facto. At in sua concessione Leo X. loquens de suspensione interdicti pro illa octaua, non ponit conditionem, imò neque meminit dicti noui Officij, aut Missæ Leonardi. Quibus non obstantibus Henr. lib. 13. de Excom. & interdicto cap. 47. n. 4. ait iam per consuetudinem esse introductum ut in omnibus Ecclesiis Hispaniæ illud suspendatur per totam octauam conceptionis, quamuis in illis non dicatur prædictum nouum Officium Conceptionis. Et Villalobos tom. 1. Sum. tract. 19. difficul. 6. num. 9. idem tenet dicens quòd obligatio dicendi illud officium est pro solis Indulgentiis Sixti IV. assequendis, non verò pro suspensione interdicti concessa ibi à Leone X. quæ distinctio bene videtur colligi ex Bullæ contextu.

4 Ultra iam dictas concessiones factas Religiosis pro suspensione interdicti, de quo suprà dixi sub proprio titulo, Clemens VII. fecit particularem concessionem Religiosis Sanctissimæ Trinitatis, qui occupantur in colligendis eleemosynis à fidelibus populis; ut cum ipsi eleemosynarum procuratores venerint ad aliquam Ecclesiam interdictam in illorum aduentu Ecclesiæ aperiantur, & campanæ pulsentur: & ibidem campanis pulsatis, & ianuis apertis Diuina Officia celebrentur, & mortui sepeliuntur, nisi fuerint excommunicati, vel causam deserint interdicti. Habetur in Bullario Rodr. f. 776. col. 2.

INVOCARE BRACHIUM sæculare.

1 **A**D comprehendendos Apostatas, possunt Regulares invocare Brachium sæculare. *Rodr. tom. 2. q. 22. art. 3.*

2 Idem possunt quoties habent privilegium ut invocetur brachium sæculare, quod solet aliquando poni in concessione, vel confirmatione privilegiorum. *Rodr. tom. 1. q. 8. artic. 14.* & tunc Iudices sæculares tenentur illud auxilium exhibere, ex iure canonico: imò ex civili Lusitano *lib. 2. Ordinat. titul. 8. §. 1. c. 3.* ubi lex loquens in generali ponit verbum *Pralatos*, per quos maximè in favorabilibus intelligendi sunt etiam Regulares.

Sed nota quòd Iudices aliqui sæculares fundati in dictis *ibid* volunt ut sibi ostendatur processus factus per Prælatum Ecclesiasticum, ut videant si sit validus, & iudicis, & teneantur præstare tale auxilium. Quod verò prædicti Iudices, non possint illud exigere in causis Ecclesiasticis probat latè, & bene *Rodr. cit. art. 13.* sed teneri illud auxilium præstare absque processu exhibito. Quod autem prædicti Iudices absolute teneantur illud auxilium præstare habetur *c. 2. de maledicis*, cum gloss. *ibid* *ver. potestatem*, & citatis capitibus *ibi in gloss.*

IRREGULARITAS.

Vide suprà ver. *Dispensare latè*: & infra ver. *Prælatus circa dispensationes.*

ADDITIONO.

Puribus irregularitatibus subiecti sunt Religiosi quàm sæculares, atque etiam clerici: ultra enim illas quibus illi subditi sunt, incurrunt, vel possunt incurrere.

currere Religiosi plures ex frequentiori Sacramentorum receptione, vel ministratore: cæque de causa ut illis morem geram more solito hîc possum summam, seu modos quibus illi possint vitare irregularitates ortas solum ex indebita Sacramentorum receptione, vel ministratore, quæ illis frequentiores sunt, consulto omittens alias species irregularitatis, ut bigamiæ, infamiæ, vitii corporis, & similia, quæ non sunt admodum in usu. De irregularitate verò orta ex homicidio voluntario, vel casuali iam satis dixi suprâ verbo *Homicidium*, ibi vide: cæteras species tractare, nec promisi, neque compendium patitur. Solum fortè per summam pauca dicam de irregularitate in communi postquam dixerò de orta ex culpa in Sacramentis ministrandis, vel recipiendis.

1 Quod ergo attinet ad Baptismum, ille qui rebaptizat, vel scienter permittit se rebaptizari, vel est dubium an sit verè baptizatus, est irregularis, nec potest ad sacros Ordines admitti, est communis, & ex iure Canon. collecta, vide Henriquez *lib. 14. de irregularitate cap. 4.* puer verò carens usu rationis si rebaptizetur non fit irregularis. Neque fit irregularis, qui per metum cadentem in virum constantem sineret se rebaptizari, nisi id fiat in contemptum Ecclesiæ, quia si sic fieret, peccaret mortaliter, & fieret irregularis. Non incurritur verò hæc irregularitas si quis dubitans de Baptismo baptizaret iterum ad cautelam, illum qui à parte rei erat verè baptizatus: quia bona fides excusat. Henriquez *nu. 4.* irregularis etiam fit qui voluntariè Baptismum suscipit ab hæretico, ut colligitur ex *cap. ventum est 1. question. 1.* Vnde colligitur tales solum esse adultos: non verò paruulos, ab hæreticis baptizatos iuxta proximè dicta.

2 Excepto Sacramento Baptismi, de quo diximus, & Sacramento Ordinis de quo dicemus statim, per nullius alterius Sacramenti indignam, & peccaminosam receptionem incurritur irregularitas. Est receta sententia ab omnibus: qui voluerit amplam illius probationem videre, legat Suarez *tom. de censur. disput. 42. tota sect. 2.*

3 In Ordinis Sacramenti receptione indebita, septem modis potest incurri irregularitas iuxta aliquos Doctores, cum verè non sit irregularitas, sed solum suspensio: primò quando quis recipit Ordines ab Episcopo qui renunciauit Episcopatu quo ad locum, & dignitatem: *capitulo unico sub hoc titulo*. Sed quia hoc rarissimè contingit, de illo non est latius agendum. Secundò, quando quis ordinatur ante legitimam ætatem præscriptam à Concilio Tridentino De hoc egi *suprà cit. Ordines Sacri*; vbi dixi: *numero 1.* non posse religiosos ordinari ante ætatem virtute suorum priuilegiorum à Concilio Tridentino assignatam. & *ibidem numero decimoquarto*, ostendi posse Prælatos dispensare cum religioso postquam illicitè ordinatus est contra prædicti Concilij Tridentini præscriptam ætatem. Tertiò fit irregularis ordinatus ab Episcopo alieno sine licentia proprii Episcopi. Hoc tamen Religiosos non obligat, quia, vt *ibidem dixi numero secundo*, saltem in Hispania vsus obtinuit, vt Religiosi extra suas Dioceses ordinentur cum licentia suorum Prælatorum ab alio Episcopo inconsulto illo, in cuius Diocesi viuunt.

4 Quæris: an subditus ordinatus sine licentia sui saltem prælati, maneat irregularis: Respondeo, quòd manet suspensus, non verò irregularis. Dixi, *suprà verbo Ordines sacri numero decimetertio*. Nunc addo id statuisse Pium II. in Bulla propria in Bullario Rodríguez *fol. 297.* vbi præcipit quòd sint suspensi ab executione ordinum qui illos susceperint absque legitima licentia. Erit verò irregularis hic & *suprà dicti si in Ordine sic suscepto ministrant.*

5 Est irregularis suscipiens Ordines extra tempora sine dispensatione. De hoc dixi *cit. loco nu. 4.* Religiosos aliquos habere priuilegium, vt possint ordinari extra tempora non seruatis interstitiis modo ibi assignato. Quintò etiam incurritur irregularitas, seu suspensio si recipiantur non seruatis interstitiis. Sed de hoc etiam *cit. n. 4.* Sextò de ordinato per saltum, de quo etià *ibid. n. 13.* Et quamuis inuenio Doctores asserentes in illis casibus incurri

incurri irregularitatem, ut Suarez, *disp. 42. sect. 3. tam. de censur. in principio sectionis* : tamen ut ipse statim innuit magis propriè dicendum est illos manere suspensos : Si verò ministrent, tunc manere irregulares.

6 Fit etiam irregularis, qui scienter recipit Ordines ab Episcopo excommunicato declarato, vel notorio clerici percussore, vel suspenso, vel interdicto declarato, vel notoriè hæretico. Excusat tamen ab his ignorantia facti, dummodo non sit crassa. Casti. *lib. 2 de leg. penal. c. 15.* & alij multi : sed propriè prædicti sunt solum suspensi.

7 Fit irregularis qui suscipit Ordines ligatus maiori excommunicatione, *cap. de eo qui furt. Nauar. num. 241. c. 27. in Sum.* Idem dic de ligato per censuram suspensionis, vel interdicti, etiam si delictum sit occultum. Hunc tamen Suarez *citata sect. 3. num. 2.* ait non propriè incurrere irregularitatem, sed suspensionem, qualem etiam ait incurrere illum qui recipit Ordines absque dispensatione. Ait tamen *ibid. n. 3.* quòd si aliquis irregularis ordinetur, non incurrit nouam irregularitatem. Et probatur, quia ille taliter ordinatus non incurrit nouam suspensionis censuram, quia talis in iure non inuenitur. Qui verò recipit etiam Ordines Minores, si sit excommunicatus maiori excommunicatione, non manet irregularis, nec suspensus, quia talis censura in iure inuenitur.

8 Qui existens suspensus ab officio Ordinis, aut à susceptione talis Ordinis, si recipiat Ordines sacros, dicitur communiter fieri irregularis, quasi ea susceptione videatur exercere actum Ordinis sacri, quanuis in iure expressum non sit. Maiol. *lib. 1. de irregul. c. 2. §. 21.* Syluester *irregularitas §. 2. c. 3.*

9 Si quis absque Sacramento Confirmationis recepto recipiat Ordines sacros, faciâtque absque contemptu, nec peccat mortaliter, nec proinde fit irregularis, est communis. Nauarr. *in Sum cap. 22. num. 9. fin. c. 25. num. 68.* & alij.

10 Omnino notandum pro quiete multorum, quòd scilicet si Episcopus quando confert Ordines, prius dicat

cat in generali : si quis accedat irregularis , vel furtivè , non intendo illum ordinare : hoc dicto non obstante , si aliquis ibi accedat cum aliquo impedimento ex dictis ab Episcopo , quod Episcopus ignorat , manet verè ordinatus. Adest enim materia , & forma , & per particulare suum factum recedit à conditione illa posita in communi , habetque intentionem absolutam applicatam huic. Henriquez *lib. 14. de irregularit. cap. 14. num. 5. siue §. 5.*

11 Incurrit irregularitatem ministrans In Ordine quem non habet : ut si non subdiaconus cantet Epistolam solemniter cum manipulo : vel solum Subdiaconus cantet Evangelium solemniter cum stola. Habetur *c. 1. 2. de cleric non ordinat. ministrant.* Dixi, cum manipulo, vel stola ; quia si absque illis dicatur Epistola, vel Evangelium, intelligebatur olim deficientibus ordinatis Subdiaconis, ac Diaconis id licere in necessitate : quod debuit in aliqua concessione , vel consuetudine fundari : sicut ego vidi fieri & fieri potuisse ex consuetudine , tenet Nauarr. *in Sum. Latina cap. 27. num. 43.* Sed hodie neque video, neque consulo. Et supradictum intelligitur manere irregularem , ut non possit promoveri ad alios ordines. At in iam susceptis manebit suspensus ad arbitrium Episcopi. Et hanc etiam irregularitatem incurrit laicus administrans solemniter actum deputatum Ordini : ut si baptizet solemniter , vel cantet Epistolam solemniter , ut colligitur *ex cap. 1. citat. tex.* Et tenet Sylvest. *ver. irregular. n. 14. & 27.* Et addit Suarez *disputat. 42. cit. sect. 4. n. 7.* etià simplicem Sacerdotem ministrantē in actu soli Episcopo deputato fieri irregularem.

12 Quicumque Sacerdos excommunicatus de maiori excommunicatione ministrat aliquem actum alicuius Ordinis maioris, violans censuram, fit irregularis : idem dic de Sacerdote interdicto siue suspensio. Colligitur *ex cap. is , qui, & cap. is. cui, de sententia excommunicationis in 6.* Et est communis. Dixi *excommunicatus maiori excommunicatione*, quia ligatus minori illam non incurrit : neque item incurrit qui exercet actum Ordinum minorum , licet sit excommunicatus de maiori.

13 Du

13 Dubium est an Sacerdos excommunicatus maiori excommunicatione, si ministrer alicui Sacramentum pœnitentiæ existens ligatus maiori excommunicatione, maneat irregularis? Quod enim Sacerdos celebrans excommunicatus sit irregularis, omnes admittunt: At de Clerico audiente confessiones, apud nullum clarè inueni, & est dubium quotidianum. Ego iudico talem confessorem manere irregularem. Moueor ex eo quod tradit Nauarr. in *Sum. cap. 27. n. 244.* vbi pro regula generali tradit fieri irregularem illum qui celebrat Diuina Officia, vel fecit aliquem actum deputatum Ordini sacro maiori quem habet. Constat autem quòd audire confessiones est actus specialiter deputatus Ordini presbyterij. Secundò probo ex regula generali tradita à Suarez *disput. 42. de censuris sect. 3. in principio*, vbi ait fieri irregularem illum Clericum, qui exercendo actum Ordinis violat censuram. At sacerdos excommunicatus audiens confessiones, primò exercet actum Ordinis presbyterij, vt patet. Secundò, violat censuram excommunicationis per quam illi interdicitur ministrare Sacramenta: ergo sit irregularis. Et hoc intellige quantumcunque excommunicatio, vel delictum sint occulta.

14 Strictiùs adhuc loquitur, sed cum fundamento Henriquez *lib. 14. de irregularit. cap. 7. n. 1.* vbi ait cum Syluest. Maiolo, & Nau. Clericum qui excommunicatus in choro est hebdomadarius dicens orationem cum *Dominus vobiscum*, fieri irregularem, quia exercet solemniter actum deputatum Ordini sacro presbyterij. Eandemque irregularitatem incurrit is qui existens excommunicatus, siue sit laicus, siue clericus, facit coram se celebrari, vt colligunt Dòctores ex *c. de Clerico excommunicato ministr.*

15 Si verò excommunicatus exerceat actum iurisdictionis, vt si excommunicet, dispenset, ferat sententiam, & similia quæ non sunt actus Ordinis sacri, non sit irregularis. Nau. *c. 27 n. 244.* & Henriq. *cit. proxime loco*. Idem dic de eligente, vel suffragante in electionibus, quia eligere non est actus Ordinis sacri, peccabit tamen

tamen mortaliter, sic eligens, quia eligere interdicitur excommunicato. Ait etiam *ibid.* Henriq. Parochum excommunicatum oculorum ministrantem Sacramenta suis quibus petentibus, excusari à peccato & ab irregularitate.

16 Secunda regula generalis ponitur à Suarez *citata sect. 5. n. 2.* & est huiusmodi. Per Ordinis administrationem, quantumvis illicitam, per quam censura aliqua non violatur, nemo fit irregularis. Et probatur, quia nulla talis irregularitas orta ex delicto circa Sacramenta inuenitur in iure, nisi quando violantur censuræ, ut videre est apud Summistas.

17 Pro consolatione verò notat Henriquez *citato c. 7. n. 2.* excommunicatum exercentem actum deputatum Ordini sacro excusari ab irregularitate, primò si id faciat ex ignorantia, ut omnes Doctores admittunt. Quæ verò ignorantia facti, vel iuris crassa, vel lata ad hoc requiratur dixi satis suprà verbo *Ignorantia.* ibi vide. Idem dices de inaduerentia inculcata, ut ibi etiam diximus, & tenet Suarez *disputat. 4. de censuris sect. 3. n. 1.* Secundò excusatur ab irregularitate excommunicatus quoties licitè ob causam iustam celebrat absque peccato mortali, ut si celebret ob metum cadentem in virum constantem: vel ob vitandam grauem infamiam, aliter non valens eam vitare, & ratio clara est, nam tunc celebrans non peccat mortaliter, ut suppono: At ista irregularitas imposita ob delictum non incurritur nisi ob peccatum mortale, ut omnes fatentur, & patet ex dictis verbo *Homicidium.*

18 Qui ligatus excommunicatione maiori sæpius celebrat vnam tantum incurrit irregularitatem: neque opus est ad illius dispensationem obtinendam explicare quoties celebrauit. Est etiam communis, Nauarr. *in Sum. cap. 27. num. 8.* & Henriquez *lib. 14. de irregul. cap. fin.* Quis autem possit dispensare cum religiosis in ista irregularitate contracta ex indebita celebratione, dixi *suprà verbo confessor erga regulares, num. 21.* vbi dixi id non posse confessores ordinarios Ordinis nisi quando illa contrahitur per ignorantiam, vel inaduer-

tentiam, possunt tamen Prælati Conuentuales, & Superiores. Si verò quæras: ad quid inseruit citatum ibi priuilegium, vt confessores ordinarij religionum, illam dispensent quando datur talis ignorantia, vel inaduertentia, si suprà diximus data ignorantia, vel inaduertentia istam pœnam non incurri. Respondeo Sum. Pontifices sæpius concedere priuilegia ad tollendos scrupulos, & securitatis gratia.

19 Celebrans coram excommunicato nominatim denunciato, vel notorio clerici percussore, si celebrans non est excommunicatus, peccat mortaliter, sed non fit irregularis: erit tamen suspensus, si celebrat coram interdictis, vel illos admittat ad officium diuinum. Nauarr. cap. 25. Sum. numero. 94. Celebrans verò in Ecclesia polluta non fit irregularis. Vide quæ diximus olim verbo *Interdictum* de pœnis impositis illud violanti.

20 Extant etiam in iure multæ irregularitates impositæ contra multos criminosos, maximè quando sunt publici, vt contra hæreticum publicum, eiusque fautorem, schismaticum, simoniacum, quæ longum esset referre, qui voluerit, videat Suarez *tota disputat.*

43. *de censuris* fusè disputantem, circa quæ notat Henriquez libro 14. citato capit. 5. numero 2. nullum crimen enorme, depositione dignum dum manet occultum excepto homicidio, facere irregularem, sed quando est notorium. Hæc nobis sufficiant pro dubiis regularium pertinentibus ad irregularitatem contractam in ministerio Sacramenti Ordinis, & celebrationis. Adhuc verò maioris obsequij; erga Regulares pono breuiter aliqua notanda circa irregularitatem in communi. Solum adueto abiurantem de vehementi in casu hæresis non esse irregularem: sic Sanchez 2. Decalog. cap. 25.

numero 12.

DE IRREGULARITATE
in communi breues notationes.

- 11 **V**arios effectus producit quæcumque irregularitas. Impedit ne irregularis possit promoueri ad Ordines, aliàs faciens peccat grauiter. *capit. curandum dist. 34. cap. si cuius uxorem. distinct. 34.* Si tamen illos recipiat, manet verè ordinatus, vt omnes fatentur. At nullam incurrit censuram propter hoc peccatum, quia nulla datur in iure Canonico. Suarez *disp. 4. de cens. sect. 2. num. 6.*
- 22 Irregularis potest recipere quæcumque Sacramenta excepto Sacramento Ordinis. Est etiam communis. Et Suarez *ibidem n. 9.* imò omnis actus sacer qui potest fieri à laico, & potest fieri ab irregulari etiam Sacerdote, vt baptizare sine solemnitate, & similes.
- 23 Irregularis ex vi solius irregularitatis non priuatur iurisdictione, neque impeditur ab illius vsu. colligitur ex *cap. tanta. de excessibus Prælatorum*, quia iurdictio etiam Ecclesiastica distincta est à potestate Ordinis: irregularitas verò, vt sic, solum priuat potestate Ordinis. Dixi, vt sic, seu ex sola vi irregularitatis, quia si incurratur cum aliqua censura, maxime excommunicationis, tunc priuabit iurisdictione, & vsu illius, vel si ex alia lege imponitur irregularitas.
- 24 Qui post legitimam collationem beneficii contrahit irregularitatem, non priuatur ipso iure tali beneficio, vel dignitate quæcumque illa sit, ex vi ipsius irregularitatis. Est communis Innocentij *cap. cum nostris. de concessione prebende. Gloss. 1. Panorm. cap. tanta. de excessibus Prælatorum num. 2. Felini cap. Inquisitionis. de accusationibus num. 3. & aliorum.* Sed debet expectari sententia Iudicis, vt patet ex dictis à nobis in verbo officium, & verbo lex, & alibi. Quandiu verò licitè retinetur beneficium, licitè possunt recipi fructus illius. Et poterit possessor beneficii per se exequi omnia perti-

nardi, & proinde ait, Clericos etiam seculares illo posse uti per totam octauam, neque illud esse reuocatum à Concil. Trid. verum in Bullario Rodr. ubi ponitur hoc priuilegium fol. 650. Leo X. in proœmio Bullæ refert Sixtum IV. concedentem Indulgentias assistentibus Diuinis Officiis in die Conceptionis, limitasse de Officio, ac Missa compositis à dicto Leonardo. Cùmque Sixtus IV. ultra illas Indulgentias non concesserit suspensionem interdicti pro illo festo, Prælati Fratrum Minorum in Hispania pro meliori consecutione dictarum Indulgentiarum, petierunt à Leone X. ut in tali festo concederet etiam suspensionem interdicti quod fecit de facto. At in sua concessione Leo X. loquens de suspensione interdicti pro illa octaua, non ponit conditionem, imò neque meminit dicti noui Officii, aut Missæ Leonardi. Quibus non obstantibus Henr. lib. 13. de Excom. & interdicto cap. 47. n. 4. ait iam per consuetudinem esse introductum ut in omnibus Ecclesiis Hispaniæ illud suspendatur per totam octauam conceptionis, quamuis in illis non dicatur prædictum nouum Officium Conceptionis. Et Villalobos tom. 1. Sum. tract. 19. difficul. 6. num. 9. idem tenet dicens quòd obligatio dicendi illud officium est pro solis Indulgentiis Sixti IV. assequendis, non verò pro suspensione interdicti concessa ibi à Leone X. quæ distinctio bene videtur colligi ex Bullæ contextu.

4 Ultra iam dictas concessiones factas Religiosis pro suspensione interdicti, de quo suprà dixi sub proprio titulo, Clemens VII. fecit particularem concessionem Religiosis Sanctissimæ Trinitatis, qui occupantur in colligendis eleemosynis à fidelibus populis; ut cum ipsi eleemosynarum procuratores venerint ad aliquam Ecclesiam interdictam in illorum aduentu Ecclesiæ aperiantur, & campanæ pulsantur: & ibidem campanis pulsatis, & ianuis apertis Diuina Officia celebrentur, & mortui sepeliantur, nisi fuerint excommunicati, vel causam dederint interdicti. Habetur in Bullario Rodr. f. 776. col. 2.

INVOCARE BRACHIUM sæculare.

1 **A**D comprehendendos Apostatas, possunt Regulares invocare Brachium sæculare. *Rodr. tom. 2. q. 22. art. 3.*

2 Idem possunt quoties habent privilegium ut invocetur brachium sæculare, quod solet aliquando poni in concessione, vel confirmatione privilegiorum. *Rodr. tom. 1. q. 8. artic. 14.* & tunc Iudices sæculares tenentur illud auxilium exhibere, ex iure canonico: imò ex civili Lusitano *lib. 2. Ordinatio. titul. 8. §. 1. & 3.* ubi lex loquens in generali ponit verbum *Praelatos*, per quos maximè in favorabilibus intelligendi sunt etiam Regulares.

Sed nota quòd Iudices aliqui sæculares fundati in dictis *ibid* volunt ut sibi ostendatur processus factus per Prælatum Ecclesiasticum, ut videant si sit validus, & iudicis, & teneantur præstare tale auxilium. Quod verò prædicti Iudices, non possint illud exigere in causis Ecclesiasticis probat latè, & bene *Rodr. cit. art. 13.* sed teneri illud auxilium præstare absque processu exhibito. Quod autem prædicti Iudices absolutè teneantur illud auxilium præstare habetur *c. 2. de maledicis*, cum gloss. *ibid* *ver. potestatem, & citatis capitibus ibi in gloss.*

IRREGULARITAS.

Vide suprà ver. *Dispensare latè*: & infra ver. *Praelatus* circa dispensationes.

ADDITIONO.

Puribus irregularitatibus subiecti sunt Religiosi quàm sæculares, atque etiam clerici: ultra enim illas quibus illi subditi sunt, incurrunt, vel possunt incurrere.

currere Religiosi plures ex frequentiori Sacramentorum receptione, vel ministratore: eaque de causa ut illis morem geram more solito hic ponam summam, seu modos quibus illi possint vitare irregularitates ortas solum ex indebita Sacramentorum receptione, vel ministratore, quæ illis frequentiores sunt, consulo omittens alias species irregularitatis, ut bigamiæ, infamiæ, vitii corporis, & similium, quæ non sunt adeo in usu. De irregularitate verò orta ex homicidio voluntario, vel casuali iam satis dixi suprâ verbo *Homicidium*, ibi vide: cæteras species tractare, nec promisi, neque compendium patitur. Solum fortè per summam pauca dicam de irregularitate in communi postquam dixerò de orta ex culpa in Sacramentis ministrandis, vel recipiendis.

1 Quod ergo attinet ad Baptismum, ille qui rebaptizat, vel scienter permittit se rebaptizari, vel est dubium an sit verè baptizatus, est irregularis, nec potest ad sacros Ordines admitti, est communis, & ex iure Canon. collecta, vide Henriquez *lib. 14. de irregularitate cap. 4.* puer verò carens usu rationis si rebaptizetur non fit irregularis. Neque fit irregularis, qui per metum cadentem in virum constantem sine se rebaptizari, nisi id fiat in contemptum Ecclesiæ, quia si sic fieret, peccaret mortaliter, & fieret irregularis. Non incurritur verò hæc irregularitas si quis dubitans de Baptismo baptizaret iterum ad cautelam, illum qui à parte rei erat verè baptizatus: quia bona fides excusat. Henriquez *nu. 4.* irregularis etiam fit qui voluntariè Baptismum suscipit ab hæretico, ut colligitur ex *cap. ventum est 1. question. 1.* Vnde colligitur tales solum esse adultos: non verò paruulos ab hæreticis baptizatos iuxta proximè dicta.

2 Excepto Sacramento Baptismi, de quo diximus, & Sacramento Ordinis de quo dicemus statim, per nullius alterius Sacramenti indignam, & peccaminosam receptionem incurritur irregularitas. Est receta sententia ab omnibus: qui voluerit amplam illius probationem videre, legat Suarez *tom. de censur. disput. 42. tota sect. 2.*

3 In Ordinis Sacramenti receptione indebita, septem modis potest incurri irregularitas iuxta aliquos Doctores, cum verè non sit irregularitas, sed solum suspensio: primò quando quis recipit Ordines ab Episcopo qui renunciauit Episcopatu quoad locum, & dignitatem: *capitulo unico sub hoc titulo.* Sed quia hoc rarissimè contingit, de illo non est latius agendum. Secundò, quando quis ordinatur ante legitimam ætatem præscriptam à Concilio Tridentino De hoc egi *suprà tit. Ordines Sacri*; vbi dixi: *numero 1.* non posse religiosos ordinari ante ætatem virtute suorum priuilegiorum à Concilio Tridentino assignatam. *& ibidem numero decimoquarto*, ostendi posse Prælatos dispensare cum religioso postquam illicitè ordinatus est contra prædicti Concilij Tridentini præscriptam ætatem. Tertiò fit irregularis ordinatus ab Episcopo alieno sine licentia proprii Episcopi. Hoc tamen Religiosos non obligat, quia, vt *ibidem* dixi *numero secundo*, saltem in Hispania vsus obtinuit, vt Religiosi extra suas Dioceses ordinentur cum licentia suorum Prælatorum ab alio Episcopo inconsulto illo, in cuius Diocesi viuunt.

4 Quæris: an subditus ordinatus sine licentia sui saltem prælati, maneat irregularis: Respondeo, quòd manet suspensus, non verò irregularis. Dixi, *suprà verbo Ordines sacri numero decimetertio.* Nunc addo id statuisse Pium II. in Bulla propria in Bullario Rodríguez *fol. 297.* vbi præcipit quòd sint suspensi ab executione ordinum qui illos susceperint absque legitima licentia. Erit verò irregularis hic & *suprà* dicti si in Ordine sic suscepto ministrant.

5 Est irregularis suscipiens Ordines extra tempora sine dispensatione. De hoc dixi *cit. loco nu. 4.* Religiosos aliquos habere priuilegium, vt possint ordinari extra tempora non seruatis interstitiis modo ibi assignato. Quintò etiam incurritur irregularitas, seu suspensio si recipiantur non seruatis interstitiis. Sed de hoc etiam *cit. n. 4.* Sextò de ordinato per saltum, de quo etià *ibid. n. 13.* Et quamuis inuenio Doctores asserentes in illis casibus incurri

incurri irregularitatem, ut Suarez, *disp. 42. sect. 3. tom. de censur. in principio sectionis* : tamen ut ipse statim innuit magis propriè dicendum est illos manere suspensos : Si verò ministrent, tunc manere irregulares.

6 Fit etiam irregularis, qui scienter recipit Ordines ab Episcopo excommunicato declarato, vel notorio clerici percussore, vel suspenso, vel interdicto declarato, vel notoriè hæretico. Excusat tamen ab his ignorantia facti, dummodo non sit crassa. Casti. *lib. 2 de legæ penal. c. 15.* & alij multi : sed propriè prædicti sunt solum suspensi.

7 Fit irregularis qui suscipit Ordines ligatus maiori excommunicatione, *cap. de eo qui furt. Nauar. num. 241. c. 27. in Sum.* Idem dic de ligato per censuram suspensionis, vel interdicti, etiam si delictum sit occultum. Hunc tamen Suarez *citata sect. 3. num. 2.* ait non propriè incurrere irregularitatem, sed suspensionem, qualem etiam ait incurrere illum qui recipit Ordines absque dispensatione. Ait tamen *ibid. n. 3.* quòd si aliquis irregularis ordinetur, non incurrit nouam irregularitatem. Et probatur, quia ille taliter ordinatus non incurrit nouam suspensionis centuram, quia talis in iure non inuenitur. Qui verò recipit etiam Ordines Minores, si sit excommunicatus maiori excommunicatione, non manet irregularis, nec suspensus, quia talis censura in iure inuenitur.

8 Qui existens suspensus ab officio Ordinis, aut à susceptione talis Ordinis, si recipiat Ordines sacros, dicitur communiter fieri irregularis, quasi ea susceptione videatur exercere actum Ordinis sacri, quanuis in iure expressum non sit. Maiol. *lib. 1. de irregul. c. 2. §. 21.* Syluester *irregularitas §. 2. & 3.*

9 Si quis absque Sacramento Confirmationis recepto recipiat Ordines sacros, faciàtque absque contemptu, nec peccat mortaliter, nec proinde fit irregularis, est communis. Nauar. *in Sum cap. 22. num. 9. fin. & c. 25. num. 68.* & alij.

10 Omnino notandum pro quiete multorum, quòd scilicet si Episcopus quando confert Ordines, prius dicat

cat in generali : si quis accedat irregularis , vel furtivè , non intendo illum ordinare : hoc dicto non obstante , si aliquis ibi accedat cum aliquo impedimento ex dictis ab Episcopo , quod Episcopus ignorat , manet verè ordinatus. Adest enim materia , & forma , & per particulare suum factum recedit à conditione illa posita in communi , habetque intentionem absolutam applicatam huic. *Henriquez lib. 14. de irregularit. cap. 14. num. 5. siue §. 5.*

11 Incurrit irregularitatem ministrans In Ordine quem non habet : ut si non subdiaconus cantet Epistolam solemniter cum manipulo : vel solum Subdiaconus cantet Evangelium solemniter cum stola. Habeatur *c. 1. 2. de cleric non ordinat. ministrant.* Dixi, cum manipulo, vel stola ; quia si absque illis dicatur Epistola, vel Evangelium, intelligebatur olim deficientibus ordinatis Subdiaconis, ac Diaconis id licere in necessitate : quod debuit in aliqua concessione , vel consuetudine fundari : sicut ego vidi fieri & fieri potuisse ex consuetudine , tenet Nauarr. in *Sum. Latina cap. 27. num. 43.* Sed hodie neque video, neque consulo. Et supradictum intelligitur manere irregularem , ut non possit promoveri ad alios ordines. At in iam susceptis manebit suspensus ad arbitrium Episcopi. Et hanc etiam irregularitatem incurrit laicus administrans solemniter actum deputatum Ordini : ut si baptizet solemniter , vel cantet Epistolam solemniter , ut colligitur ex *cap. 1. citat. tex.* Et tenet Sylvest. *ver. irregular. n. 14. & 27.* Et addit Suarez *disputat. 42. cit. sect. 4. n. 7.* etià simplicem Sacerdotem ministrantē in actu soli Episcopo deputato fieri irregularem.

12 Quicumque Sacerdos excommunicatus de maiori excommunicatione ministrat aliquem actum alicuius Ordinis maioris, violans censuram, sit irregularis : idem dic de Sacerdote interdicto siue suspensio. Colligitur ex *cap. is , qui, & cap. is, cui, de sententia excommunicationis in 6.* Et est communis. Dixi *excommunicatus maiori excommunicatione*, quia ligatus minori illam non incurrit : neque item incurrit qui exercet actum Ordinum minorum , licet sit excommunicatus de maiori.

13 Dubium est an Sacerdos excommunicatus maiori excommunicatione, si ministrer alicui Sacramentum pœnitentiæ existens ligatus maiori excommunicatione, maneat irregularis? Quod enim Sacerdos celebrans excommunicatus sit irregularis, omnes admittunt: At de Clerico audiente confessiones, apud nullum clarè inneni, & est dubium quotidianum. Ego iudico talem confessorum manere irregularem. Moueor ex eo quod tradit Nauarr. in *Sum. cap. 27. n. 144.* vbi pro regula generali tradit fieri irregularem illum qui celebrat Diuina Officia, vel fecit aliquem actum deputatum Ordini sacro maiori quem habet. Constat autem quòd audire confessiones est actus specialiter deputatus Ordini presbyterij. Secundò probo ex regula generali tradita à Suarez *disput. 42. de censuris sect. 3. in principio*, vbi ait fieri irregularem illum Clericum, qui exercendo actum Ordinis violat censuram. At sacerdos excommunicatus audiens confessiones, primò exercet actum Ordinis presbyterij, vt patet. Secundò, violat censuram excommunicationis per quam illi interdicitur ministrare Sacramenta: ergo fit irregularis. Et hoc intellige quantumcunque excommunicatio, vel delictum sint occulta.

14 Strictiùs adhuc loquitur, sed cum fundamento Henríquez *lib. 14. de irregularit. cap. 7. n. 1.* vbi ait cum Syluest. Maiolo, & Nau. Clericum qui excommunicatus in choro est hebdomadarius dicens orationem cum *Dominus vobiscum*, fieri irregularem, quia exercet solemniter actum deputatum Ordini sacro presbyterij. Eandemque irregularitatem incurrit is qui existens excommunicatus, siue sit laicus, siue clericus, facit coram se celebrari, vt colligunt Doctores ex *c. de Clerico excommunicato ministr.*

15 Si verò excommunicatus exerceat actum iurisdictionis, vt si excommunicet, dispense, ferat sententiam, & similia quæ non sunt actus Ordinis sacri, non fit irregularis. Nau. *c. 27 n. 144.* & Henríq. *cit. proximè loco.* Idem dic de eligente, vel suffragante in electionibus, quia eligere non est actus Ordinis sacri, peccabit tamen

tamen mortaliter, sic eligens, quia eligere interdicitur excommunicato. Ait etiam *ibid.* Henric. Parochum excommunicatum oculum ministrantem Sacramenta suis quibus petentibus, excusari à peccato & ab irregularitate.

16 Secunda regula generalis ponitur à Suarez *citata sect. 5. n. 2.* & est huiusmodi. Per Ordinis administrationem, quantumvis illicitam, per quam censura aliqua non violatur, nemo fit irregularis. Et probatur, quia nulla talis irregularitas orta ex delicto circa Sacramenta inuenitur in iure, nisi quando violantur censuræ, ut videre est apud Summistas.

17 Pro consolatione verò notat Henriquez *citato c. 7. n. 2* excommunicatum exercentem actum deputatum Ordini sacro excusari ab irregularitate, primò si id faciat ex ignorantia, ut omnes Doctores admittunt. Quæ verò ignorantia facti, vel iuris crassa, vel lata ad hoc requiratur dixi satis suprà verbo *Ignorantia.* ibi vide. Idem dices de inaduerentia inculcata, ut ibi etiam diximus, & tenet Suarez *disputat. 4. de censuris sect. 3. n. 1.* Secundò excusatur ab irregularitate excommunicatus quoties licitè ob causam iustam celebrat absque peccato mortali, ut si celebret ob metum cadentem in virum constantem: vel ob vitandam grauem infamiam, aliter non valens eam vitare, & ratio clara est, nam tunc celebrans non peccat mortaliter, ut suppono: At ista irregularitas imposita ob delictum non incurritur nisi ob peccatum mortale, ut omnes fatentur, & patet ex dictis verbo *Homicidium.*

18 Qui ligatus excommunicatione maiori sæpius celebrat vnā tantum incurrit irregularitatem: neque opus est ad illius dispensationem obtinendam explicare quoties celebrauit. Est etiam communis, Nauarr. *in Sum. cap. 27. num. 8.* & Henriquez *lib. 14. de irregul. cap. fin.* Quis autem possit dispensare cum religiosis in ista irregularitate contracta ex indebita celebratione, dixi *suprà verbo confessor erga regulares, num. 21.* vbi dixi id non posse confessores ordinarios Ordinis nisi quando illa contrahitur per ignorantiam, vel inaduer-

DE IRREGULARITATE
in communi breues notationes.

- 11 **V**arios effectus producit quæcumque irregularitas. Impedit ne irregularis possit promoueri ad Ordines, aliàs faciens peccat grauiter. *capit. curandum dist. 34. cap. si cuius uxorem. distinct. 34.* Si tamen illos recipiat, manet verè ordinatus, vt omnes fatentur. At nullam incurrit censuram propter hoc peccatum, quia nulla datur in iure Canonico. Suarez *disp. 4. de cens. sect. 2. num. 6.*
- 22 Irregularis potest recipere quæcumque Sacramenta excepto Sacramento Ordinis. Est etiam communis. Et Suarez *ibidem n. 9.* imò omnis actus sacer qui potest fieri à laico, & potest fieri ab irregulari etiam Sacerdote, vt baptizare sine solemnitate, & similes.
- 23 Irregularis ex vi solius irregularitatis non priuatur iurisdictione, neque impeditur ab illius usu. colligitur ex *cap. tanta. de excessibus Pralatorum*, quia iurisdic-tio etiam Ecclesiastica distincta est à potestate Ordinis: irregularitas verò, vt sic, solùm priuat potestate Ordinis. Dixi, vt sic, seu ex sola vi irregularitatis, quia si incurratur cum aliqua censura, maximè excommunicationis, tunc priuabit iurisdictione, & usu illius, vel si ex alia lege imponitur irregularitas.
- 24 Qui post legitimam collationem beneficii contrahit irregularitatem, non priuatur ipso iure tali beneficio, vel dignitate quæcumque illa sit, ex vi ipsius irregularitatis. Est communis Innocentij *cap. cum nostris. de concessione prebende. Gloss. 1. Panoim. cap. tanta. de excessibus Pralatorum num. 2. Felini cap. Inquisitionis. de accusationibus num. 3. & aliorum.* Sed debet expectari sententia Iudicis, vt patet ex dictis à nobis in verbo officium, & verbo lex, & alibi. Quandiu verò licitè retinetur beneficium, licitè possunt recipi fructus illius. Re poterit possessor beneficii per se exequi omnia perti-

nentia ad illud dummodo non sint res deputatæ Ordini sacro. Vnde à fortiori colligitur posse prædictum exercere validè iurisdictionem fori externi, vt excommunicare in foro externo, absolvere, & similia: potest item irregularis eligere, & confirmare electionem. Nau. *cap. 27. num. 144.* quia eligere, vel confirmare non est actus Ordinis. Et illud quod dixi, *non amitti iurisdictionem fori externi per irregularitatem*, intellige, siue iurisdictione sit delegata, siue ordinaria, est enim eadem ratio in vtraque.

25 Si tamen beneficium conferatur irregulari, collatio beneficii non valet, siue officij. Hæc est Nauarr. *in cons. cons. 1342. c. 44. de homicidio, c. cap. 27. Sum. n. 251.* Couar. *c. alma mater p. 5. num. 1. c. 5. num. 3.* & ferè communis, & valde iuuat hoc scire: vt si, v. g. quis absolutus à censuris, & peccatis simoniæ, vel homicidij non obtinuit dispensationem irregularitatis, non est capax vt illi beneficium, vel officium conferatur, & quidem si officium habet annexam executionem Ordinum, res est clara, quia irregularis est incapax officij exercendi Ordines sacros. Textus verò, ex quibus hoc colligitur, citatis dd. quos tex. examinât Suar. *cit disp. 4. sect. 2. à n. 3.* ait tamen *ibi n. 35.* collationem esse irritam ipso facto secundum veriore, ac securiorem sententiam, quantuncunque crimen occultum sit. Et probatur differentia inter beneficium obtentum post irregularitatem, & obtentum ante illam, quia istud fuit datum legitima voluntate, & ampliùs ab illa non dependet donec per contrariam voluntatem auferatur. Illud verò quod fuit datum post irregularitatem pendet à voluntate conferentis, quia iuxta multos textus supponitur nolle conferre beneficium irregulari. Et huiusmodi esse Prælaturam religionis ait Suar. *ibid. n. 42.*

26 Parochus irregularis potest delegare iurisdictionem alteri sacerdoti vt suas oues absoluat: nam hæc delegatio non est actus Ordinis, vt patet: quod intellige de parcho facto irregulari post obtentum officium. At non poterit hanc iurisdictionem nouam accipere Sacerdos irregularis. Hæc ambo colliguntur
clare

clare ex dictis : qui si parochus irregularis per se absoluat subditum , an sit valida absolutio ? Tenet Suarez *cit. sect. numero. 45.* esse satis probabile quod peccat mortaliter, sed valebit absolutio : probatur clara ratione, quia talis retinet potestatem Ordinis, id est, characterem ut patet: & præterea retinet potestatem iurisdictionis : hanc enim non amittit ex vi solius irregularitatis, iam supra diximus : nihil verò amplius requiritur ad valorem absolutionis quàm illæ duæ potestates. Similiter valebit absolutio data à Clerico Parocho excommunicato occulto , quandiu non est denunciatus, ut supra diximus *ver. Excommunicatio.* Et proximè dictum de validitate absolutionis impensæ ab irregulari, tenet Suar. *citato loco de suspensio ab Ordinibus.* Nam ex vi huius suspensionis solius , non irritabitur absolutio data à Parocho, ob causam assignatam : peccabit tamen mortaliter & graviter.

27 Nulla irregularitas incurritur propter actum purè internum quantuncunque enormis sit. Est communis Doctorum , ut probatione non egeat. Imò aiunt multi neque Ecclesiam id posse facere ; sicut non potest , vel saltem non solet excommunicare actus purè internos. Imò requiritur ut opus externum, pro quo imponitur , sit opus consummatum , & non sufficiens attentatum. v. g. ad irregularitatem homicidij non sufficiens vulnerasse etiam lethaliter , si non fuerit homicidium subsecutum , neque item irregularitas posita ob delictum incurritur si opus externum fuit solum peccatum veniale , quia non solet Ecclesia tanta poena punire peccatum veniale : sicut nec solet punire cum excommunicatione maiori , ut omnes fatentur : poenæ enim debent proportionari culpæ. Imò si aliquando opus externum de se mortale , propter aliquam circumstantiam reddatur veniale , ut quia non plenè deliberatus fuit actus, vel non plenè voluntarius, non incurritur irregularitas. Simile quid diximus sup. *ver. excommunicatio de incurso excommunicationis* , hæc enim vitatur si opus externum de se mortale ex circumstantia est tantum veniale. Sufficiet verò ad irregularitatem in-

currendam, vt peccatum sit externum, licet per accidens sit occultum: vt colligitur ex *cap. ult. de temporibus Ord.* & ultra multos Doctores tenet praxis Ecclesiæ, & Rotæ in qua quotidie petuntur multæ dispensationes pro irregularibus omnino occultis.

28 Irregularitas imposita à iure, facto delicto pro quo imponitur, statim incurritur ipso iure absq; alia Iudicis sententia declaratoria criminis: etiam cōmunis opinio, & probatur ex praxi Ecclesiæ proximè dicta, nullus enim irregularis occultus expectat Iudicis sententiam declaratiuam criminis. Dices: neminem cogi, vt sit executor pœnæ contra seipsum: At irregularem per se abstinere ab Ordinibus, &c. similibus, est exequi pœnam contra se ipsum: Respondetur; posse cogi aliquem vt sit executor pœnæ contra se, non quando pœna consistit in agendo, vt se iugulando propria manu; vel laqueo suffocando: posse tamen cogi esse executorem pœnæ suæ quando pœna solùm consistit in non agendo, seu in abstinendo, vt patet in excommunicatione statim obligante, vt abstinetur à diuinis: & talis est pœna irregularitatis. Et hæc executio pœnæ non dicitur propriè executio, sed abstinencia à prohibitis.

29 Solùm ius commune, & Sum. Pontifex absque illo, possunt imponere pœnam irregularitatis: nullus verò inferior illis, eam potest imponere. Est etiam communis Doctorum.

30 An ignorantia excuset ab irregularitate, & quomodo vide suprà verbo *ignorantia à n. 17. vsque ad 24. inclusiuè*, vbi satis de hoc diximus.

31. Existente dubio an aliquis sit irregularis, & facta omni diligencia non potest veritas inueniri, si dubium sit iuris, id est, si dubitetur an Ecclesia pro isto facto imponat irregularitatem, potest dubitans deponere dubium & operari, quia stante hoc dubio melior est conditio possidentis dubitantis. Si verò dubium sit dubium facti, tenetur abstinere: quia tunc habet locum quod diximus suprà *ver. Abortus* dubitantem de irregularitate debere abstinere: vide *ibi dicta n. 2.* Et colligitur ex *cap. ad audienciam*, & *cap. significasti 2. de homicidio.*

32 Adhuc

§2 Adhuc in fauorem Religiosorum (quia vidi iam de hoc dubitari) dico Sacerdotes, Clericum in sacris, ac Religiosos prohiberi ex iure Canonico assistere dum aliquis iugulatur, vel suspenditur à ministris iustitiæ: refert Nau. *cap. 25. in Summ. n. 110. & cap. 27. num. 214.* habetur in *cap. sententiam, ne Clerici, vel Monachi*: Ibi tamen Nauarr. cum aliis ait, si secus faciant Clerici vel Religiosi, non fieri irregulares, si solum adsint spectandi gratia. Aliquod tamen peccatum facere ob prohibitionem citati textus: putò tamen non esse peccatum mortale ob contrarium usum. Erunt tamen prædicti religiosi assistentes, irregulares si assistant dantes consilium, vel fauorem ad mortem accelerandam. Quod si prædicti Ecclesiastici assistant, vt consolentur patientes, eosque iuuent in spiritualibus non peccant, imò potius valde merentur.

DE ABLATIONE IRREGULARITATIS.

33 **I**rregularitas tollitur propriè per dispensationem. Quis verò possit dispensare cum religiosis in irregularitate satis iam dixi *ver. dispensare, & ver. homicidium, & suprà verbo item dispensare: & ver. Prælati.* Quis verò dispenset cum Clericis non est meum intèritum, quia non profiteor tractare materiã irregularitatis.

34 Quibus verbis uti debeat dispensans quando dispensat in irregularitate, omnes concedunt in iure non apponi verba determinata, nec proinde illa requiri: sed sufficere quod dicantur verba per quæ satis significetur esse mentem Iudicis auferre irregularitatem. Communiora, ac magis propria verba sunt si quis dicat: *Dispenso tecum in ista irregularitate, quam incurristi ob tale delictum.* Sufficiet etiam, si oblata in voce, vel scripto postulatione dispensationis, respondeat: *volo: vel fiat: vel, celebret, ordinetur*: & sic de aliis: hæc enim omnia significant clarè animum, & consensum dispensantis.

35 Si subditus habeat plures irregularitates debet de omnibus informare: aliàs si multas habet, & dispensans dicat: *Dispenso tecum in ista irregularitate*; nihil faciet, quia sunt multæ & illa dispensatio vnius est indeterminata. Secùs si diceret in plurali *dispenso tecum in omni irregularitate*, vt Prælati irregulares solent facere in Capitulis: tunc enim omnes astantes manent dispensati in omnibus in quibus possunt Prælati, vt dixi suprâ *ver. abortus n. 11. ex Nauar.*


36 Potest etiam aliquando dispensatio irregularitatis fieri cum solo facto absque verbis vt si superior potens dispensare in irregularitate, sciensque subditum illa ligari, eidem dicat vt faciat opus sibi interdictum per talem irregularitatem iam dispensat, quia per illud factum æquè significat animum dispensandi ac si verba pronuntiaret.

37 Requiritur etiam omnino vt dispensaturus in irregularitate particulari sciat in particulari de illa, & circumstantiis delicti, ac personæ: hæc enim omnia multum faciunt. Nam dispensaturus semper debet dispensare cum causa, & præterea semper debet imponere pœnitentiam condignam, vt patet ex praxi Ecclesiæ, & Bullis Pontificiis, ac Decretis Rotæ, in quibus semper iubetur imponi debita pœnitentia illis cum quibus dispensatur. Et ad imponendam talem pœnitentiam est necessarium cognoscere, & irregularitatem in particulari, & circumstantias delicti, ac personæ. Talis enim aliquando erit persona vt necesse sit cum illa non dispensari.

38 Dices, quando Prælati regulares in Capitulis dispensant cum subditis in generali in irregularitatibus; dispensatio valida est, vt suprâ diximus: & tamen ibi non imponitur pœnitentia. Respond. primò ibi non esse possibile imponi pœnitentiam, quia ignoratur reus: secundò aliquam ibi imponi, cum Religiosi genu flectunt, culpas agnoscunt, &c. quæ pro tunc accipiat Ecclesia vtens quasi particulari liberalitate, & magnificentia, quod permittit, imò concedunt Pontifices, vt faciant Prælati regulares pro bono communi, & quiete

quiete Religiosorum: quod commune bonum, & Religiosorum quietem tunc iudicant sufficientem causam illius generalis dispensationis.

*ITINERANTES**Fratres.*

1 sum fuit advertere quod Sixtus V. in sua constitutione edita contra illegitimos, & criminosos ultra ibi præcepta circa Novitios, in fine decernit, quòd nullus Regulatis exeat ab vno Conventu ad alium maximè extra suam Prouinciam nisi secum tulerit licentiam sui Superioris in scriptis: vel literas commendatitias, vel ita cognitus sit illis ad quos diuertit, vt de eius persona non possit dubitari, vel suspicari. Superiores verò, qui admittunt Religiosos non petita prius Superioris licentia, maximè quando cogniti non sunt, vel de illis suspicionem habent, manent priuari voce actiua, & passiva, officiis, gradibus honoribus, & inhabiles. Ait tamen Rodr. tom. 2. q. 121. art. 1. quod non videtur hoc receptum in Hispania quoad executionem dictarum pœnarum. Innuit tamen Prælatos aliter facientes saltem peccare mortaliter.

2 Fratres itinerantes maximè in longo itinere, secum ferre debent, si sunt presbyteri, sui presbyterij authenticum testimonium sui Prælati, vt possint celebrare in locis quibus non sunt cogniti. Et absque illo testimonio non debent admitti ad Missam celebrandam. Sic ordinatum est in multis Conciliis, maximè Trident. sessione 23. cap. 16.

I V D Æ I, H Æ R E T I C I, Sarraceni.

Quomodo hi possint esse Prælati, vide suprà verbo *Eligere*, vel *Novitij*, videlicet in ordine Minorum, & infra diceretur etiam verbo *Novitius*. Saltem Sixtus V. in sua Bulla nihil agit de Iudæis. Vide tamen *citatis verbis seu titulis*.

I V R A M E N T V M.

Vide suprà verb. *Abbas num. 9.* quod possit Guardianus solus dare licentiam subdito, ut iuret coram Iudice sæculari.

Vide etiam verb. *Correctio Fratrum*, quomodo inter Religiosos testimonium illorum sub sola obedientia, absque iuramento æquivalet iuramento, & facit processum iuridicum. *ibi num. 22.*

Vide etiam verbo *Confessor erga seculares* quid possint erga iuramenta votiva pœnitentium.

A D D I T I O.

Suprà non posui aliquid particulare de hoc: solum remisi lectorem ad alia loca libri, ut de iuramento reo præstando, & similibus. Postea vidi materiam iuramenti in aliquibus posse euenire Religiosis directè, vel saltem indirectè pro iurantibus sæcularibus dirigendis, & quia iuramentum in multis æquiparatur voto, igitur potiora dubia recenseo modo iam dicto Compendij.

I Iuramentum verum est, si quis dicat aliquam ex sequentibus propositionem: *In Deo ita est, vel per Deum*

ita

ita est. Item: *Vivit Deus* Item: *Testis mihi est Deus.* Item: *Per habitum D. Francisci, D. Petri, vel alicuius similis Patroni Ordinis.* vel si dicat Clericus, vel Religiosus solum, *per hunc habitum:* Item, si dicat Sacerdos, *per has manus consecratas.* Item: *per meam animam* Item: *per meam vitam.* vel *salutem,* vel *alterius.* Item: *sic Deus me adiuvet.* Item: *si hoc non est ita Deus te non adiuvet.* Horum omnium probationes affert Sanchez lib. 3. *Decalog. cap. 3.* Cumque illa omnia sint vera iuramenta, si iuramentum factum per aliquid ex illis fuerit, falsum, vel de re illicita, erit peccatum mortale.

2. Econtra, non est iuramentum si quis proferat aliquid ex sequentibus. *non credo in Deum,* vel *abnegō Deum,* si hoc ita non est. Nam licet hæc verba sint blasphemia, non tamen sunt iuramentum, quia per illa Deus non adducitur in testem, cum potius blasphemetur. Item non est iuramentum dicere: *per istam Crucem,* si nullam faciat Crucem consulto. Neque item, si quis per Deum, aut per vitam propriam rogatus an res ita sit: respondeat, *ita se rem habere.* Quia illud non est forma iurandi: sed est quædam adiuratio. Imò si rogans diceret: *iuras mihi per Deum ita se rem habere?* Et rogatus solum respondeat: *ita si res habet:* per hoc non censetur iurare. Neque item si dicat: *in mea conscientia,* vel *per meam conscientiam.* Neque si dicat: *in fide mea,* vel *per meam fidem,* vel *per fidem boni viri,* vel *per fidem Christiani:* secus per hoc intenderet iurare per fidem Catholicam. Neque item si dicat: *in veritate est.*

3. De his verbis, *Coram Deo ita est:* vel, *Deus scit ita esse:* vel *Deus videt:* Dubitant Doctores an sint iuramentum: resolutio sit; duobus modis illa verba posse proferri. Primò innocatiuè, id est innocando Deum ad confirmandum id quod dicitur: & tunc est iuramentum. Secundò modo dici possunt enunciatiuè, quando scilicet dicuntur per modum simplicis enunciationis, & tunc non fit iuramentum: quia hoc non est innocare Deum in testem, sed narrare, Deum id scire, & videre. Ita Rodr. tom. 1. Sum. in 2. edit. cap. 191. n. 2. Sæ Aphoris. verbo *Iuramentum,* n. 1. & alij. Quando verò non constat de animo

animo proferentis inuocatiuè ne dixerit, an enunciatiuè, si sit vir timoratae conscientiae, credendum est non esse iuramentum: quia in viro timorato, illa verba sunt indicium quòd non vult iurare. At in homine iurare solito censebitur esse iuramentum.

4 Puer ante annos pubertatis 14. in masculo, 12. in foemina prohibentur iurare in foro iudiciali. externo, *cap. paruuli, & cap. pueri 22. q. 3.* Si tamen in necessitate admittantur ad iurandum, illorum dictum non facit plenam fidem, sed praesumptionem. *l. inuiti. ff. de testibus.* Id est, dictum vnus pueri, quantumcunque habeat rationis vsum, non facit pro vno integro teste, sed facit iudiciu sufficiens ad torturam In criminalibus vero non admittitur minor viginti annis, vt dicitur in *lege citata.*

5 Tres conditiones requiruntur, vt iuramentum rectè, ac licitè fiat. Prima est veritas. Secunda iustitia. Tertia est iudicium. Prima conditio est clara, requiritur enim vt id quod iuratur sit verum, vel putetur verum: alioquin est periurium. Secunda, id est, iustitia, requirit, vt actus sit de materia iusta, ac licita. Si enim iureretur faciendam esse rem illicitam, est peccatum mortale. Tertia conditio, id est, iudicium, idem est quod fiat cum necessitate, atque prudentia, & ad hanc necessitatem tria requiruntur ex Soto 8. *de iust. q. 1. art. 3. ad finem corporis.* Prima est, vt veritas iuramento firmanda nequeat alia via confirmari: iurare enim veritates patentes temerarium est. Secunda est, vt subsit causa necessaria, vel pia. Tertia est, vt praecedat maturum examen veritatis. Ex quibus conditionibus in communi dictis licebit iudicare, saltem de multis iuramentis, si rectè sint facta.

6 Ex dictis sequitur esse iuramentum illicitum, ac falsum, si quis rem sibi dubiam iuret vt certam: atque idem dicendum est si rem sibi certam iuret vt dubiam. Vt autem iuret licitè, & absolutè satis est si rem audiuerit à persona valde fide digna. At in iudicialibus non potest sic absolutè iurare, sed debet exprimere quomodo id sciat. Sanchez *cit. libr. 3. cap. 4. dubio, vel n. 7. seqq.*

7 Iurans aliquam rem falsam, quam putabat ve-

ram,

ram, non est periurus: Quia iuxta mentem suam verum dicit, & solum est mendacium materiale, quod non est peccatum. Poterit etiam aliquando periurium excusari a peccato mortali ex defectu perfectæ deliberationis, ut sit in aliis materiis. Est etiam periurium de futuro, si iurem me facturum aliquid absque animo implendi: vel si iurem id quod credo non me tunc posse efficere.

8 De secunda conditione iuramenti, scilicet ut sit materia iusta si quis iuret se facturum opus quod est peccatum veniale: peccat solum venialiter: sed facit duplex peccatum veniale, vnum est propositum peccandi venialiter. Secundum est iuramentum in materia illicita, est tamen solum peccatum veniale, quia non est grauis Dei irreuerentia. Ita Nauarr. in Sum. cap. 12. n. 15. Syluest. *iuramentum* 4. q. 1. & alij. Nec tenetur ad illud opus implendum. Si verò iuret se facturum opus quod est peccatum mortale, facit duplex peccatum mortale, ut diximus supra, si adsit animus implendi. Si verò desit animus implendi, erit vnum tantum. Nec tenetur ad hoc opus implendum, quia non est validum contra bonos mores præstitum iuramentum. Reg. § 8. de Regul. iur. in 6.

9 Iurare se non facturum aliquid contra consilia Euangelij, ut non daturum elemosynam, non futurum esse Religiosum, & similia, est solum peccatum veniale, nisi aliunde detur obligatio id faciendi. Est enim illa levis irreuerentia. Similiter iurare rem indifferenter, est solum peccatum veniale. Et collige omnino quod minus malum est iurare me facturum peccatum veniale cum animo illud faciendi, quam iurare illud facturum absque animo faciendi. In primo enim casu est tantum peccatum veniale. Et in secundo dum deest animus faciendi, est periurium, ac proinde peccatum mortale.

10 De tertia conditione iuramenti ut fiat cum necessitate, si desit necessitas, est opinio communis, quod solum est peccatum veniale, ita Nauarr. in Sum. cap. 12. num. 3. Syluest. *Iuramentum* 2. q. 8. & alij omnes.

11 Quoties adest causa iusta, potest quis in iuramento

mento extra forum iudiciale vti amphibologiis modo statim explicando. Erit autem causa iusta ex Nauarr. *cap. humana aures* 22. *qu. 5. in q. 1. ad finem*, & *qu. 2. num. 10.* quoties id erit necessarium, vel vtile ad salutem corporis, honorem, vel res familiares tuendas, vel ad quemlibet alium virtutis actum, ita vt tunc veritatis occultatio iudicetur expedire. De illis verò amphibologiis, seu cautelis accipe sequentes regulas. Prima; quoties verba sunt ambigua in sua significatione, & plures sensus habentia, non est mendacium illa proferre cum iuramento in sensu quem ex illis sensibus proferens vult: quamuis audientes, & is cui iuratur, in alio sensu percipiant. Idque etiam intellige quando verba ambigua non sunt: si tamen attentis circumstantiis loci, temporis, & personæ verba faciunt illum sensum iuxta mentem interrogantis, quam respondens concipit. Vt quando Confessor rogat pœnitentem an commiserit fornicationem: rectè respondet, non commisisse, intelligendo denuò, quam fateri oporteat: licet aliquando commiserit, quam tamen iam falsus est.

12. Secunda regula, potest etiam excusari iuramentum à periurio, si verba externa prolata ex se vera non sint: at redduntur vera ex aliquo alio in mente proferentis retento, quodcumque illud sit. Vt si quis iuret se non fecisse aliquid, quod se vera fecit, intelligendo intra se aliquid aliud quod non fecit, vel alia die ab illa, in qua fecit, vel quoduis aliud additum in mente verum. Probatur, quia talis non mentitur, vt patet: ac proinde non est periurium. Solum ergo taliter proferens non dicit vnā veritatem quam audientes concipiunt: dicit tamen aliam veritatem. Nauarr. *cit. cap. humana aures, quest. 2. num. 12.* Tolled. *libr. 4. Sum. cap. 21. num. 9.* & alij. Si verò in his amphibologiis iurandis modo prædicto non occurrat illa necessitas quam suprà diximus debere interuenire, & iuretur absque necessitate, credunt multi esse peccatum mortale, qualis est Tolledo *cit. loco*, Lopez 1 p. 1. *Instruct. cap. 42. col. 5. vers. dolosè iurans*, & alij. At mitius credit Sanchez 3. *Decal. cap. 6. num. 32.* esse solum peccatum veniale,

Quia,

Quia , vt suprâ diximus , deficiente tertia conditione in iuramento videlicet , necessitate , est solùm peccatum veniale , si iuramentum est verum , quale est illud iuramentum cum illis amphibologiis. Hoc tamen ibi limitat Sanchez, & bene, dummodo tale iuramentum non fiat in iudicio Iudice legitimè interrogante , vel in materia præiudiciali: tunc enim nullo modo licet vti amphibologiis , citat Sanchez , & alios.

13 Testis non iuridicè interrogatus de aliquo delicto potest vti amphibologia, dicendo exterius se nescire, intelligendo intra se , vt teneatur dicere: quamuis id sciat, quia vidit. Est communis Doctorum maximè Nau. *cit. c. humana aures q. 1. n. 9.* Eadem amphibologia potest vti testis licet iuridicè interrogetur, si tamen ob iustam causam excusatur ab illo testimonio ferendo : vt si, v. gr. ex suo testimonio sibi sequatur magnum damnum famæ, vel vitæ. Idque propter prædictam rationem , quia tunc excusatur à veritate dicenda , & proinde verè dicit se nescire , intelligens ita vt dicere teneatur.

14 Eadem amphibologia vti potest reus non legitimè interrogatus de delicto quod re vera fecit , potest enim dicere se non fecisse, idque sub iuramento, intelligendo se non fecisse vt substat illi iudicio non iuridico: vel intelligendo non fecisse alia die diuersa ab illa qua fecit: vel intelligendo quodcūque aliud additū mente retentum, quod cum verbis externis possit facere sensum verum. Idem poterit facere reus quādo Iudex non est legitimus Iudex, saltem in hoc casu particulari, quia tunc non interrogat iuridicè , vt omnes fatentur. Idem potest facere quando reus iniuste est extractus ab Ecclesia , quia tunc Iudex non habet ius interrogandi , & procedendi, vt ait Sorus *de secreto 2. q. 7. post 3. concl* idem potest facere reus quando iurisdictio huius iudicis est suspensa per appellationem , vt tenet Rodr. *de Ordin. iudic. cap. 10. n. 4.*

15 Quando reus iniuste occultos socios , aut testis iniuste detexit crimen occultum rei coram iudice , si non sit sufficiens aliunde informatio procedendi contratales socios , aut illum reum , possunt reus , & testis ille se offerre coram iudice , & iurare illos non fecisse

cisse delictum : intelligendo intra se , ita vt tale delictum subsit illi iudicio. Probatur , quia cùm res sint immutatae , sicut à principio quando iurarunt , poterant verè dicere hos non esse reos intelligendo publicè , & vt illi iudicio subsint , de quo delicto publico solum interrogat Iudex : ita & modò idem verè poterunt dicere. Imò si scienter detexerint iniustè , possunt etiam dicere se mentitos fuisse , intelligendo de mendacio practico , quod dicitur quodcumque opus rationi contrarium. Hæc est opinio Banhes 2. 2. q. 62. a. 2. dubio 8. , & Metinæ lib. Sum. cap. 14. §. 3. Nau. lib. 2. de Rest. cap. 4. art. 3. dub. 5. & aliorum.

16 Quotiescumque factum externum contra legem , excusatur à peccato propter aliquam circumstantiam , potest rogatus iuridicè de illo sub iuramento illud negare , intelligendo de crimine criminoso , seu de opere quod fuerit peccatum. Vt si quis occidit hominem putatum feram , vel ob iustam sui defensionem : vel quodcumque aliud opus fecit ex ignorantia inuincibili excusante à peccato , vel quid simile. Nam interrogatio Iudicis solum tendit ad opus quod sit crimen , quale non non fuit illud legitime excusatum à culpa Banhes ubi supra , quæst. 69. articulo 2. dubio penultimo , & alij. Vnde colliges quòd quando taxa alicuius rei est iniusta , si plures vendens , aut defraudans in pondere , vel mensura , vt sibi satisfaciatur pro iniustitia pretij , potest hîc rogatus à Iudice an plaris vendiderit , vel defraudauerit in pondere , vel mensura , id negare : & asserere se vendidisse pretio taxato , videlicet pretio iusto quod ab ipsa iustitia debebat taxari : hæc enim est mens Iudicis ibi iustè , & iuridicè interrogantis , videlicet quærere de pretio iusto. Et ex hoc multi decidentur alij casus , vt quando aliquis per iustam compensationem rem suam , vel sibi debitam clam abstulit , & de hoc rogatur à Iudice. De illo etiam qui nummos accepit mutuos à Petro , eosque illi soluit , non tamen habet testes , neque chirographum solutionis. Si enim rogetur à Iudice potest iurare se illos mutuò non accepisse , intelligendo ita , vt teneatur

tur nunc iterum soluere. Azor. tom. 1. lib. 11. cap. 4. quest. 5.

17 Si ab aliquo petatur incusso metu ut iuret se facturum aliquid quod est peccatum, potest iurare se id facturum intelligendo intra se, si id licite poterit absque peccato. Tolledo *lib. 4. Summ. cap. 21. n. 9.*

18 Si Iudex iniquus roget testem an sciat de delicto facto publice, vel secreto, vel reum interroget an fecerit publice, vel secreto, poterit uterque respondere, non fecisse, intelligendo ita ut teneantur dicere: vel intelligendo, ut tu inique rogas, sed ut teneris tanquam Iudex rogare. Banhes loco *posterius citato*, & alij. Idem dic cum quis venit de loco non infecto peste, quem Iudex falso credit esse infectum peste: & rogat venientem, an veniat de illo loco, siue sit peste infectus, siue non.

19 Solent aliquando aliqui Religiosi satis scrupulosi vocati ad testimonium ferendum, timere iuramentum, ne forte maneant periuri. Quæres, an isti coram Iudice possint habere intentionem non iurandi, nec se obligare illo iuramento propter scrupulos vitandos? Respondetur, quod peccabit mortaliter, si fingat se iurare, & non iuret subtrahendo verba iuramenti, quando inde resultaret damnum notabile alicui. Si verò nullum damnum inde resultaret, neque scandalum, & tabellio cum astantibus intelligerent illum iurare, non peccaret, si duceretur reuerentia iuramenti, & scrupulo fingens se iurare. Nam iste talis aliàs verum dicit in testimonio, ut suppono, & nulli damnum infert, ut etiam diximus, nec fraudem molitur.

20 Rogatus iuridicè, an aliquod crimen commiserit, quod re vera fecit: sed non fecit per se, sed per alium iubendo; non potest negare id fecisse, eo quod fecerit per alium. Erit enim periurus: nam regula generalis est: *quod per alios facimus per nos ipsos facere dicimur*, & sic ibi non valet illa æquivocatio. Azor. *cit. libro 11. cap. 8. q. 2.*

21 Sed gravis quæstio est, an si reus negavit veritatem coram Iudice sub iuramento in casu quo tenebatur sub mortali illam fateri, vel texit amphibologiis,

H h

possit absolui à Confessore absque eo quòd se Iudici iterum offerat ad illam fatendam, etiam si non vocetur? Pro responsione nota in triplici casu posse hoc dubium proponi. Primò quando reus iam fuit à Iudice punitus, vel absolutus, vel fugiens à carcere est iam positus extra Iudicis potestatem. Secundò, quando adhuc iudicium durat, & reus est sub Iudicis potestate. Tertiò quando conuictus, & damnatus fertur ad patibulum. Et de primo casu omnes fatentur non teneri iterum se offerre Iudici, quia tunc se proderet, quod durissimum est: & iam est liber à potestate Iudicis. De tertio casu, & de secundo iam suprà diximus, ver. *Reus à n. 5. ibi vide*

22 Potest Iudex servato iuris ordine petere iuramentum à reo, si aliter probari nequeat: quamvis sciat, vel timeat reum falsò iuraturum. Idem est licitum actori si conducat ad suam iustitiam, ut praxis observat. Neque in hoc peccant: non enim adigunt reum ut falsò iuret, sed petunt ab illo id quod ille potest bene facere, iurando verè: & aliàs petunt id quod est necessarium ad iustitiam, vel proprium commodum. De Iudice est opinio communis, maximè Rodriguez *zomo 1. in secunda editione cap. 191. num. 6.* & aliorum. De actore id aliqui negant, sed tenet probabilius Suarez *tom. 2. de Relig. libro 3. de Iuramento capit. 4. numero 13.* & alij, & ut dixi, praxis observat in iudicio seculari, ubi actor reo debitori petit exhiberi iuramentum in defectum probationis. At extra iudicium persona priuata non potest petere ab alio, ut sibi iuret si probabiliter timet illum falsò iuraturum. Est etiam communis Doctorum.

23 Si ego scio probabiliter, & moraliter Petrum in iudicio iuraturum id quod re vera est falsum, sed scio Petrum bona fide credere id esse verum, & iuraturum bona fide; non possum illum inducere ad sic iurandum. Nam etiamsi iurans non iuret falsum sua opinione, tamen in rigore iurat falsum, & proinde ego induco ut Deus adducatur in testem falsitatis. Si verò ille se offert ad sic iurandum bona fide, & ego non induco,

duco, & mea interest, non pecco consentiendo, quia non induco, & habeo me passivè. Sanchez 3. *Decalog. cap. 8. num. 10.*

24 Iam diximus suprâ iurantem se facturum rem quæ est peccatum, non obligari ad tale iuramentum per *regulam iuris* § 8. Nunc adde, quòd si taliter iurans impleat postea rem illam malam ut seruet iuramentum, facere novum peccatum mortale, vel veniale iuxta qualitatem operis, & hoc peccatum est distinctum à primo iuramento. Itaque si quis iuravit se interfectorum hominem, eumque postea interficiat ut seruet prius iuramentum, fecit triplex peccatum. Primum, quando prius malè iuravit: Secundum, quando exequitur illicitum iuramentum, est enim nova culpa sacrilegij. Tertium peccatum est idem homicidium. Si verò iuravit se facturum peccatum veniale, fecit triplex peccatum, & erit triplex peccatum veniale.

25 Pro re quotidiana aduerte iuramenta parentum, dominorum, Prælatorum, & similium Superiorum cum iurant se punituros filios, servos, vel subditos, communiter non obligare: quia ut plurimum non fiunt ex actu virtutis, sed ex passione iræ, vindictæ, & similium. Et hoc magis erit verum si filius, vel subditus, vel servus emendati sint, vel petant misericordiam. Toiled. *lib. 4. sum. cap. 22. num. 7.* Sayro *Clau. Regia. lib. 5. cap. 5. num. 13.* & alij. Excipe, si aliàs punizio valde conducere ad bonum commune, vel ipsius delinquentis, tunc enim obligaret iuramentum, quia materia tunc est gravis, & obligatoria. Neque item obligant iuramenta facta urbanitatis gratia. Ut cum duo ad ingressum domus, vel in egressu, iurant, non præcedam, vel quid simile: hæc enim iuramenta imbibunt tacitam conditionem, nempe, quod ad me attinet non præcedam, & sic de cæteris.

26 Et quia non possunt percurriri omnes casus, in quibus iuramentum obliget, vel non obliget: regula generalis illa supradiçta sit de *Regulis in 6.* ubi dicitur, *non esse obligatorium iuramentum contra bonos mores.* sic est intelligenda: ut scilicet non obliget iura-

mentum contra bonos mores prohibitos lege diuina, vel naturali, & quando talis impletio fieri non potest absque peccato mortali, vel veniali. At si quis iuret contra bonos mores ciuiles, id est, prohibitos lege ciuili, non obligante ad culpam, & cum impletio talis iuramenti potest fieri absque peccato, tunc obligat tale iuramentum: verb. grat. iuraui me furaturum rem notabilem, vel dicturum mendacium: non obligat iuramentum, quia non possum implere absque peccato mortali, vel veniali, & est contra bonos mores lege diuina, & naturali prohibitum. E contra iuraui me soluturum vsuras, vel daturum latroni centum aureos ne me occidat: obligat iuramentum, quia illa duo possum implere absque peccato: dare enim illa duo non est peccatum: & licet lex Ecclesiastica prohibeat vsuras, non prohibet quin ego illas soluam iuramento facto de illis soluendis, & sic de aliis exemplis, ac proinde si non petatur dispensatio talis iuramenti, obligat sic iuramentum. Est communis Doctorum, vide Rebel. *lib. 1. 2. par. lib. 9. numero 1.* & AZOL. *tom. 1. lib. 11. cap. 6. fin.* Dicitur verò hoc iuramentum de soluendis vsuris, & similia iuramenta, esse solum contra bonos mores ciuiles, quia res promissa aduersatur moribus ciuilibus institutis per leges ciuiles non obligantes ad peccatum. Talia etiam sunt iuramenta quibus renuntiatur futuræ successioni, & iuramenta minorum impuberum, quibus prohibetur facere contractus & similia quæ res promissæ licet prohibeantur fieri, non obligant sub mortali: si verò accedat iuramentum, obligat iurantem in conscientia non contrauenire.

27 Si proferens verba iuramenti exterius, habet interius intentionem non iurandi, idque in promissione facta homini, non obligatur implere ex vi iuramenti: obligatur tamen ratione scandali, vel ratione damni dati alicui. Prior pars patet, ex regula illa cõmuni, quod actus actiuorum non extenduntur vltra intentionem agentis, & iste non intendit iurare. Et præterea in simili, quia proferens verba voti, si non intendat vouere, non vouet. Secunda pars patet, quia scandalum semper est vitan

vitandum, & nocumentum proximi nunquam est licitum. Si verò quis intendit iurare, sed intendit se non obligare iuramento, nihilominus obligatur: quia ille sua intentione sola non potest impedire effectum iuramenti, qui effectus est inducere obligationem. Sicut etiam qui intendit vouere, sed non intendit se obligare, nihilominus voto obligatur. Si verò sic iurans, neque intendens se obligare, simul proponat non implendum, iam est periurus, quia iurat falsum, Vide Suarez tom. 2. de Relig. tract. de Iura lib. 2. c. 7. num. 5. & seqq. Henr. lib. 11. de Matr. c. 13 n. 2. Rodr. 1. tom Summ. supra c. 191. n. 4. & alios ab his citatos. Et quamuis Sanchez rit. lib. 3. Decal. c. 10. n. 8. oppositum dicat cum aliquibus, quos citat, de intendente iurare, & non intendente se obligare: at probabilior videtur opinio Rodr. & aliorum, & securior propter rationes proximè adductas.

28 Iuramentum extortum per metum grauem obligat in conscientia. Est expressè definita c. si verò, & c. verum. de iniuriis, & c. & c. ad audientiam. de iis que vi, & c. Est tamen hoc iuramentum facile dispensabile ab Episcopo. Et cum Religiosis poterit dispensare suus Superior, ut patet ex supradictis, & ex supra. verb. Dispensare, & verb. Pralatus. At votum, & Matrimonium, si fiant ex metu graui, non valent, ut omnes Doctores fassentur, in materia de voto, ac de matrimonio. Si autem quæras quare non valeat votum, & matrimonium metu graui factum, valeat autem iuramentum per metum illicitum? Ratio facilior & communior est, quia Ecclesia ob iustas causas hoc annullauit in voto, & matrimonio, ut patet ex textibus allegatis à Doctores tractantibus illas duas materias: at Ecclesia non annullauit iuramentum factum per metum circa rem aliàs licitam: imò præcepit illud seruari, ut patet in textibus citatis. Qui verò taliter iurant per metum, oportet habeant animum implendi, ne sint periuri: si verò habent animum non implendi, quia proponunt prius petituros se relaxationem voti, tunc non peccabunt.

29 Quæris, fecit quis professionem solemnem in

Religione per metum, quæ est de iure inualida: sed postea illam confirmavit iuramento etiam extorto per metum: an illud iuramentum obliget nulliter professum? Respondent, non obligare, neque reualidare professionem. Ita Sanchez *citato lib. 3. Decalog. c. 11. n. 24.* non dat causam. Hæc esse potest, quia accessorium sequitur naturam principalis, ut dicitur in *Regul. iuris*. ibi autem iuramentum est accessorium, principale verò est votum: cumque hoc sit nullum iuramentum voti istius, accessorium etiam erit nullum, id est, non obligatorium. Addit *ibidem* Sanchez duo consideratione digna pro quotidianis casibus. Primum est, quòd si votum simplex Religionis metu factum, iuramento postea confirmetur, tale iuramentum non ratificat illud votum. Cum enim votum illud simplex Religionis ordinetur ad professionem, imò obliget ad illam, quæ futura est inualida, nemo tenetur ad faciendum actum inualidum. Secundum quod addit est, quòd cætera vota simplicia metu facta, si postea iuramento confirmentur, sunt valida: ratio est, quia in aliis votis non requiritur tanta liberitas, quanta requiritur in voto Religionis.

30 Iuramentum quod faciunt Rectores, & Consiliarij in congregationibus de seruando secreto ibi tractato, non obligat illos ad illud seruandum in quauis re modica sub mortali, sed iuxta grauitatem, vel qualitatem materiæ detectæ: si enim materia sit grauis, erit mortale: si verò leuis, veniale. Atque idem dicendum est si quis alteri iuret se illi seruaturum secretum: non enim peccabit mortaliter detegendo, si materia sit valde leuis. Nauarr. in *Sum. c. 12. n. 23.* & D. Anton. 2. *par. titul. 19. c. 8. §. 3.* Nam transgressio iuramenti in materia veniali est solum peccatum veniale, ut probat cum multis Sanchez *lib. 3. Decalog. c. 4. n. 23.* Hoc idem applica ad Religiosos tempore Capituli, quibus in diffinitorio Prælatus præsidens iuber sub obedientiæ præcepto ne reuelent tractata in diffinitorio; obligabit enim ista obedientia modo proximè dicto pro qualitate materiæ. Non enim plus obligat præceptum obedientiæ, quàm iuramentum.

31 In Academiis quando Rector præcipit scholasticis ut tali die, in tali Ecclesia assistant Missæ, ac Divinis Officiis, idque sub pœna præstiti iuramenti, si non interfuerint, non peccant mortaliter ob violatum iuramentum. Est enim illud præceptum benignè interpretandum, ut non sit mens Rectoris illos in tali re velle obligare sub mortali. Rodriguez 2. tom. Sum. cap. 9. num. ultimo. Azor. tom 1. lib 11. cap. 8. quæstion 21. Censetur enim illa materia levis. Secus si Rector aliquem scholasticum in speciali vocaret pro re graui sub pœna præstiti iuramenti. Hoc idem extendo ad confratres alicuius Confraternitatis, in qua iurant quòd aderunt vocati ad cœtum illum cum per campanam moniti fuerint, ut in speciali est confraternitas Misericordiæ in Portugallia: tales enim confratres, si vocati fuerint campana ad sepeliendum aliquem confratrem, non peccabunt mortaliter, si non veniant: censebitur enim illa materia levis iuxta prædicta.

32 Iurans se seruaturum statuta alicuius Communitatis, non peccat mortaliter illa violando, si illa iam ob aliquam causam non obligat: ut quia in principio recepta non sunt, vel quia in desuetudinem abierunt. Nam iuramentum illud cò tendit ut teneatur seruare statuta valida. Hoc ipsum applico ad Religiosos, quibus in sua Religione præcipitur sub obedientia seruare aliqua statuta, erit enim eadem doctrina seruanda ob rationem tactam num. præcedenti. Illud verò de iuramento tenet Syluest. Iuramentum 4. quæst 23. Nauar. in Summ. cap. 25. num. 23. & est communis. Idemque dicendum est siue iuramentum præsteretur de seruandis statutis in communi, vel de aliquo tantum particulari, si illud iam non sit in usu, vel non sit receptum. Et eadem ratione dices de statuto particulari præcepto seruari sub obedientia, si tale statutum non fuit receptum, vel non sit in usu.

DE IVRAMENTO de futuro.

33 **I**uramentum de futuro alicuius rei faciendæ, vel concedendæ, non extenditur nisi ad ea de quibus verisimiliter cogitatum est, vel iure optimo cogitari debuit. *c. Quinta vallis. de iureiurando.* Nam iuramentum non extenditur ultra debitam iurantis intentionem. Est communis Doctorum.

34 Iuramentum aliquid faciendi, aut omittendi intelligi vel regulari debet ex causa subsistendi tempore quo factum est: secus si nova causa superueniat. Exempla obuia sunt in multis rebus quæ mutantur ab illo statu in quo erant tempore quo factum est iuramentum. Vnum particulare sit. Iuravi me non offensurum Petrum: post iuramentum contigit illum denuo me offendere: mutatus est status rerum, ac proinde si illum denuo offendam, non ero reus præteriti iuramenti violati; ero tamen reus iniuriæ illatæ. Item nota quòd iuramentum de futuro restringendum est; ut quantum fieri potest, minus obliget. Sanchez *lib. 1. de Matr. disp. 9. num. 11.*

35 Promisi Petro me illi daturum decem sub iuramento: si ille mihi debet alia decem, possum non soluere decem utendo compensatione, quia illa compensatio censetur quædam solutio. Sic Bartol. Baldus, Cuman Faber, & alij Iuriste, quos sequitur, & citat Cou. *de pact. 1. p. 8. n. 9. & 10 & alij.*

36 Iuramentum semel iam factum non potest postea extendi ad aliam rem nouam, etiam ex voluntate iurantis, nisi illud denuo iuret: Ita habetur expressè *cap. penult. de iureiurando.* Probat, quia velle iuramentum sum extendere ad alium casum non est iurare. Et sic ad nouum illum casum non obligabitur ratione iuramenti: poterit tamen obligari ratione promissionis.

37 Actus

37 Actus facti contra iuramentum, si alias sint liciti, & non annullati lege, regulariter valent. Vt si quis iuret se non contracturum matrimonium: non reuocaturum testamentum, non reuocaturum procuratorem, & sic de cæteris: valent hi haustus, quidquid sit de perurio. Vide Azor. *lib. 11. tom. 1. c. 6. q. 3.* & ibi citatos. Dixi, *regulariter*, quia si actus gestus contra iuramentum de iure est inualidus, iuramentum superueniens, seu actus factus contra illud ius, erit inualidus: nam iuramentum non potest validare actum; quem ius, seu leges reddunt inualidum.

38 Iuramentum ita interpretandum est vt non redundet in detrimentum alterius, vt si quis iurauit se seruaturum secretum: non tenetur seruare si id sibi, vel aliis postea nocet. Habetur ex *cap. sicut nostris. de iur. iur.* & Syluestr. *Iuramentum 4. quæst. 15.* & aliis.

39 Iurans se non lusurum, si absolutè intendit, omnino abstinere à ludo, non potest ludere etiam in parua quantitate recreationis gratia: Nam etiam hic paruus ludus in illo iuramento continetur: idque verius erit, si quando iurauit, particulariter intendit non lusurum etiam in parua quantitate. Et licèt aliqui dicant iurantem non ludere absolutè, posse postea ludere in parua quantitate recreationis gratia: mihi opinio non placet, tum quia patet illi porta, & occasio, vt ludat in magna quantitate: tum quia illud propositum non ludendi sine limitatione æquiualeat propositioni indefinitæ: & hæc in iure æquiualeat propositioni vniuersali. Adde quòd in logica dictio, *non*, quidquid post se inuenit negat. Inclinat in hanc propositionem Sanchez 3. *Decal. cap. 18.* Qui tandem ibi *num. 3.* ait ex sup. iam dictis, quòd hoc iuramentum pendet ex iurantis expressa voluntate si illam habuit. si verò expressam non habuit, coniicienda est ex fine iurantis. Si enim finis iurantis fuit punire sua peccata & abstinere ab illa delectatione ludi: credendum est omnem ludum illi esse interdictum. Si verò finis iuramenti fuit iactura pecuniæ multæ, credit licitum illi esse ludere recreationis gratia in parua quantitate: hic enim fini videtur.

à iurante intentus, nisi sit periculum incalescendi in ludo, & ludendi in maiori quantitate: Quod tandem recidit in id quod prius dixi. Si item finis iurantis fuit vitare discordias, vel blasphemias ex ludo ortas, nunquam omnino licebit etiam in parua quantitate ludere cum illa occasione.

40 Iurans se non lusurum potest mutuare pecunias ludenti: potest ludo assistere, potest ibidem alium in ludo docere: potest, inquam, hæc omnia, quia ista tria non iuravit, neque illa includuntur in illo iuramento. Potest etiam alteri dare nummos, ut suo nomine ludat, nisi expressè constet illum tempore iuramenti intendisse etiam non ludere per alium. Probatur eadem proxima ratione: potest etiam assistens ludo sponsiones facere (vulgo *Apostar, ou armar defora*) hæc enim omnia non sunt ludere, nec directè includuntur in illo iuramento. Et hæcenus dicta de iuramento de futuro suo modo intelligenda sunt etiam de voto de futuro: æquiparantur enim votum, & iuramentum de futuro, etiam quoad ludum.

41 Iuramentum, aut votum non ludendi cum certa persona, vel in domo determinata, vel in designato ludo, manente libertate, ut cum aliis personis possit ludere, & aliis ludis, hæc, inquam, iuramenta de ordinario non obligant: quia sunt de re indifferenti: quale est votum de non filando die Sabbati cum libertate in aliis laborandi: & non edendi caput animalis in honorem Ioan. Baptistæ cum libertate vescendi aliis carnibus. Dixi, non obligare de ordinario, quia obligabunt quando illa fiunt vitandi alicuius mali occasione: ut quia talis persona est nimis iracunda, vel ludit in magna quantitate, vel quia in illa domo fiunt offensæ Dei, & sic de cæteris. Vide Nauar. in Sum. cap. 1. numero 28. *fin* Vide etiam Sot. 7. de Iust. quest. 1. art. 3. col. 6. ubi dicit votum non ludendi cum aliquo, vel non ludendi carthis, vel non ludendi in tali domo, si illa non sunt occasio alicuius mali ipsi iuranti, neque aliqua existit causa alicuius boni, non obligare: secus si sint occasio mali. Si quis verò vouit non lusurum cum tali perso-

na, vel in tali domo ob vindictam alicuius, votum non valet, vel iuramentum non valet, quia non fit in honorem Dei, sed dirigitur ad propriam vindictam. Si vero iuret, aut voueat, nullo ludo lusurum, nisi tali designato, tenet votum, quia potest dirigi ad honorem Dei carentia cæterorum ludorum.

42 Si quis iuravit, vel vouit non lusurum cum tali persona eo quod nimis perita sit, vel sibi ipsi sit causa rixarum, poterit ludere cum multis sumendo illum pro comite, vel cum pacto inito cum illo quod quoad ambos cessabit lacrum vel iactura: (vulgo *ir forros*) Nam data hac conditione cessat finis prædicti iuramenti, & proinde illud non obligat.

43 Omnes illi qui possunt irritare vota subditorum, possunt etiam irritare, seu relaxare iuramenta illorum, si sint solum facta Deo. Vnde Prælati religionum possunt relaxare omnia iuramenta subditorum facta Deo. Nam huiusmodi iuramenta habent naturam voti, & patet ex c. 3. *Num.* vbi Deus æqualiter dedit potestatem patri, & marito posse dispensare, seu relaxare vota, & iuramenta. Et est communis: vide Azor. *tom. 1. lib. 11. c. 10. in fine*, & Petr. Ledesm. 2. *tom. sum. tract. 11. c. 4.* Requiritur autem iusta causa, ut dispensatio detur, seu potius relaxetur iuramentum, ut omnes affirmant. Illæ verò causæ quæ sufficiunt ad dispensandum votum, sufficient ad relaxandum iuramentum, de quibus causis dixi supra *ver. dispensare.*

44 Si iuramenta absoluta fiant castitatis, religionis, peregrinationis Hierosolymitanæ, vel Romanæ, quorum vota Papæ reseruentur, dubium est an etiam prædicta iuramenta Papæ reseruentur, ita ut Episcopus nequeat in illis dispensare? Alij negant, alij affirmant. Sanchez *lib. 8. de Matrim. disp. 13. num. 1.* sic distinguit: si talia iuramenta fiant cum animo promittendi Deo, tunc induunt rationem voti, seu claudunt, & confirmant votum, & proinde sunt reseruata, sicut ipsa vota. Si verò non fiant animo promittendi, neque ullam promissionem includunt, quia iurans non habuit intentionem promittendi, sed solum asserendi, tunc non

sunt referuata Papæ, sed Episcopo, quia sunt pura iuramenta assertiua, & non vota. Vide Lopez 2. part. *Instruct. cap. 9. col. 6.* & Valentia 2. 2. *disput. 6. quæst. 7. puncto 2.*

45 Qui potest commutare vota, potest etiam commutare iuramenta: Est enim utrobique par ratio. Vnde is qui iurauit aliquid soli Deo potest per se ipsum illud iuramentum commutare in rem euidenter meliorem: sicut communis opinio tenet posse vouentem suum votum commutare propria authoritate in rem euidenter meliorem. Ita Tolledo *lib. 4. Sum. cap. 23. num. 3.* Aragon 2. 2. *quæst. 89. art. 3. dicto 5.*

46 Hactenus in suprâ dictis diximus de iuramento, quod fit soli Deo: à quo nimis differt iuramentum factum homini, vel cedens in vtilitatem alicuius hominis acceptantiq: hoc enim difficilius relaxatur, vel dispensatur etiam à Papa, absque iusta causa, nisi is cui factum est, cedat iuri suo seu suæ vtilitati: non solet enim Papa cuius auferre ius siue proprium interesse, nisi in paucis, vt v.g. potest rescindere iuramenta circa rerum Ecclesiasticarum, vel officiorum Ecclesiasticorum distributionem, quod in rigore est illas res scindere indirectè, potest etiam Papa indirectè relaxare iuramenta vassallorum quibus iurarunt fidelitatem Regi. vel Principi suo postquam incidit in hæresim. *cap. ad Apostolica. de sententia & re iudicat. in 6.*

47 Si filius, vxor, seruus, vel subditus præsent iuramentum alicui in fauorem illius, & pater, maritus, dominus, vel Prælatus possint irritare contractus illorum, possunt etiam irritare iuramenta quibus tales subditi illos contractus firmarunt. Nam & si id in alterius præiudicium vergat, illi vtuntur iure suo tollendo materiam iuramenti, secus quando non possunt contractus illos irritare. Ita Sotus *lib. 8. de Iust. quæst. 1. art. 9.* & Petr. Ledesm. 2. tom. *Summ. tractat. 11. cap. 4. dub. 1.* Exemplum in Religioso fit. Prælatus Regularis potest irritare quancunque promissionem factam à Religioso cuius homini, & iuramento confirmatum. Nam Religiosus carens voluntate propria nihil validum potest efficere absque Superioris consensu. In vxore respectu

respectu viri eadem ferè est ratio, cum enim ut plurimum, nequeat contractus validos inire absque licentia viri, maximè si cedant in præiudicium viri, etiam si vxor aliquem sic contrahat, & firmet iuramento, potest maritus irritare. Secus si contractus non vergat in præiudicium viri: ut si mulier promittat, & iuramento firmet post mortem suam, vel post mortem viri donaturam certum quid: hoc enim promissum iuramento firmatum, valet. Gutierrez *de iuramento* 1. part. cap. 1. num. 34. Eadem iuramenta possunt irritare parentes, & tutores circa filios, & pupillos ante annos pubertatis circa contractus cum homine initos. At verò si illos contractus faciant post pubertatem, & firment iuramento, non poterunt relaxare. De dominis respectu seruorum dicendum est posse illos relaxare omnia seruorum iuramenta facta in præiudicium dominorum. Si verò dominis non præiudicent, seruus obligatur naturaliter in iis quæ domino non præiudicant.

48 Si homo cui factum est iuramentum, illud remittat, cessat omnino iuramenti obligatio. Est communis omnium, nec indiget probatione. At Sum. Pontifex, ut dixi suprà, hoc non potest directè vel absque iusta causa, quia suavis Ecclesiæ gubernatio intendit reddere cuique suum, non verò suum à quouis auferre. Intelligitur præcedens dictum, quando iuramentum factum est homini ob solum commodum, & utilitatem ipsius: si autem iuramentum fiat homini, sed præcipuè in honorem Dei, non poterit illud relaxare homo cui secundariò factum est. Exemplum sit quando duo, adinuicem sibi promittunt, & iurant se ingressuros esse religionem: tunc enim iuramentum fit primariò in honorem Dei, secundariò, & remotè præstatum homini. Eadem ratio est de iurante daturum se eleemosynam pauperi in honorem Dei: non potest enim pauper hoc iuramentum remittere. Semper enim in opere est attendendum quod est principale: in illis verò duobus exemplis Deus est intentus principaliter, & proinde iuramentum factum Deo non potest homo relaxare. Ita D. Thom. 2. 2 q. 89. art. 9. ad 2. Sylu. *iuramentum* 5. q. & Azor.

Azor. *lib. 11 cit. ca. 9. q. 9. & alij.* Idem erit de iuramento quod duo faciunt ad inuicem de non furando, de non fornicando, & similibus. Limitantur suprâ posita exempla, maximè de ingressu Religionis, quando id iurans iurauit principaliter intuitu Dei, & Religionis; si enim non iurauit hoc intuitu, sed quia id cogitauit gratum fore amico, & solum gratia illius id iurauit, poterit tunc amicus relaxare illud iuramentum, quia tunc principaliter iuratum est propter amicum. Et sic de aliis.

49 Quid si iuramentum sit præstitum in honorem Dei, & tamen res promissa tota cedit in utilitatem patris seu hominis: ut si iurat foeminae illam ducturum in matrimonium propter Deum, & quia est pauper: an possit foemina illa relaxare, ac remittere hoc iuramentum? Duplex est opinio, alia affirmat, alia negat: id tractat Sanchez *lib. 1. de Matrim. disp. 52. à num. 7.* ubi dicit utranque esse probabilem. Sed partem affirmatiuam indicat probabiliorem, quod scilicet foemina possit remittere, vide *ibi*.

50 Prælatus Ecclesiasticus infra Papam, non potest relaxare iuramentum factum homini, nisi quando interuenit turpitudine in actu, vel quando is cui sit iuramentum tenetur restituere rem iuramento acceptam. Hæc est communis sententia: ac regula generalis. Sotus *8. de Iust. q. 1. art. 9. ad 2. & alij.* Quod adeò verum est & iuramentum quod quis facit homini de illi dando certum quid, non possit iurans commutare in melius inuito illo cui promisit, quia vnum pro alio inuito creditore solui nequit. Imò neque Papa hoc solet commutare inuita parte, nisi ex magna causa. Imò si iuramentum homini præstitum non cederet in utilitatem priuatam illius, sed boni communis, talis homo priuatus non posset illud remittere, sed is qui habet curam boni illius communis. Et hoc quod dixi de Prælatis Ecclesiasticis, non intelligas de Prælatis Religionum, de illis enim diximus suprâ n. 36. illi enim possunt quæ *ibi* diximus. Sed dictum præsens intelligitur de Episcopis, & aliis infra Papam.

51 Quando etiam ex parte iurantis interuenit iniuria vel

vel afflictio, ut quando iurat soluere vsuras, vel dare latroni metu extorquente iuramentum, potest Episcopus hæc iuramenta homini facta relaxare. Est etiam communis, quia per talia iuramenta non acquirit ius ille homo cui promittitur, quia ex parte illius interuenit turpitudine, & restituere tenetur. Et hoc de iuramento metu extorto, intellige id posse ab Episcopo relaxari, etiam si metus sit levis pro foro conscientiae. In foro autem externo est communior sententia, quod non poterit relaxare, si fiat ex metu leui: de quo vide Sanchez 3. lib. de Mat. disp. 20. à num. 7. & proderit hæc relaxatio ne in posterum soluere teneatur. Si verò quis iuret latroni, vel vsurario se non repetiturum illas pecunias ab eis, adhuc potest ab Episcopo relaxari. Imò etiam si iurauerit non se petituram relaxationem illius iuramenti, potest illa concedi ab Episcopo ipso iurante non petente; nam si petat iam contrauenit iuramento; at utens relaxatione data ab Episcopo se non petente, non peccat, quia non iurauit se illa non vsurum. Si autem iurauit se non denunciaturum Ecclesiae, non poterit item denunciare nisi in duobus casibus: primò, si conducat ad bonum commune quando latro vel vsurarius, valde infestant Rempubl. Secundo, quando is qui iurauit iuridicè à Iudice interrogatur,

52 Potest etiam Episcopus relaxare iuramentum quando dolus notabilis reperitur in contractu. Tunc enim interuenit turpitudine ex parte recipientis, vel recepturi. Ut autem in his Episcopus relaxet iuramentum opus est ut res sit clara: Si enim dubium sit, v. g. an interuenerit metus, dolus, vel an sit contractus vsurarius, non poterit relaxare. Vide Sanchez lib. 3. Decalog. capit. 21. num. 27. ut verò Episcopus in his casibus praedictis possit relaxare iuramentum circa illos contractus, non est necessarium citare partem, id est, hominem cui praestitum est iuramentum: sufficit ut summarie constet de veritate, & probatur, quia contradictio partis non potest impedire illam relaxationem cum sit in iure permessa. Hanc autem relaxationem, ut dixi, potest facere Episcopus solus. Et potest etiam Iudex Ecclesiasticus illius loci in quo sit contractus,

cap.

cap. final. de foro competenti, & Canonistæ ibidem. Potest etiam Vicarius Generalis Episcopi: Debet etiam hanc relaxationem concedere Episcopus, vel iudex ipsius iurantis quando pars non est citanda: & hoc maxime locum habet quando relaxatio petitur in foro conscientie, hanc enim solum potest dare Episcopus ipsius iurantis, non verò eius cui iuratur.

53 Pro Religiosis adueto eos licet habeant priuilegium concessum, ut possint pœnitentibus commutare vota, & iuramenta, ut dixi suprà *verb. confessor. erga saculares, numer. 26. & 27.* talia vota non possunt commutare sæcularibus, neque talia iuramenta si sint facta homini in illius utilitatem. Vnde ibi dixi posse illos illa iuramenta commutare absque præiudicio tertij: quod intelligitur de iuramento homini præstito: intelligitur ergo illud de iuramento Deo præstito: vide quæ diximus suprà *hoc ver. num. 39.*

L A B O R A R E.

Vide suprà verbo *Abbas, num. 10.*

Eugenius IV. concessit quòd sæculares absque peccato possint laborare in nostris Conuentibus, in die Sanctæ Crucis Septembris: in die Sancti Michaelis: in die Sanctorum Innocentium; & in die Sancti Sylvestri. Excipit tamen dummodo prædicta festa non veniant in Dominica; quia si venerint in illa non poterunt laborare. Habetur in Monument. Ordin. *primæ impressionis. folio 61.* Vnde videant Prælati se peccare mortaliter & facere peccare mortaliter alios, si contra prædictam explicationem, in aliis festis, vel Dominicis inuitent, vel patiantur quod in suis Conuentibus sæculares laborent, etiam gratis. Sed ut licite fiat, & magna necessitas urgeat, debet obtineri licentia Ordinarij, vel potentis illam dare, Vicarij scilicet sui.

ADDI

A D D I T I O.

V Ide supra *verb. Festi dies numero 2.* ubi diximus quomodo possit frangi festum per opera seruilia parua, sed sæpius repetita in eodem die. Et alia ibi pro eodem intento. Nunc adde, quòd si aliquis imperaret multis hominibus ut in die festo singuli simul operarentur seruiliter, ita ut vnusquisque parum operaretur, ut per vnum quadrantem, opus autem resultans esset notabile: neque iubens, neque iussi peccarent mortaliter, quia iubens nulli in particulari fuit causa ut peccaret mortaliter, neque aliquis eorum operans pusillum peccauit mortaliter. vide supra *ver. ieiunium, in fine*, simile exemplum de inducente multos in die ieiunij, ut comedant pusillum.

L A I C I F R A T R E S.

Vide supra, *Hora Canonica, num. 4. de laico ordinato, absque licentia Superiorum.*

Possunt tangere calices, & lauare corporalia, cum expedierit, *Compend. Minorum, ver. Laici Fratres. §. 1.* Et hoc idem possunt laici fratres socij Generalium, vel Prouincialium cum inseruiunt Missæ prædictis Prælati, plicando corporalia, & calicem tangendo solum quando sic inseruiunt hi socij. *Eod. Comp. ibid. §. 3.*

2 Laici fratres etiam olim homicidæ, & bigami, possunt ministrare Sacerdotibus celebrantibus, etiam vestiti superpelliceo lineo. *Compend. D. Hieronym. Hisp. verb. Laici fratres, §. 2.*

LEGATVM.

Vide suprà verb. *Hæreditas*, per totum.

§ Ixtus I V. concessit Minoribus, id est, Prælati illorum, vt possint commutare legata facta locis eiusdem Ordinis relicta ad vnum vsum, in alium vsum: dummodo hoc fiat sine scandalo illorum ad quos pertinet solutio talis legati. Compend. Minorum, verbo *Legatum*. Et nota, quòd non dicit, vt petatur licentia ab illo qui debet soluere: sed solum vt non scandalizetur. Vnde, si certò constet quod non sciet, & proinde non scandalizabitur, potest fieri.

2 Legatum Minoritis non in perpetuum, sed ad certos annos, octo, scilicet, vel nouem, est validum, & potest ab illis acceptari. Capucinus suprà Compend. in verbo *Legatum* & citat Cordub. Ancharran. & alios.

3 Ecclesiæ Minorum potest relinqui legatum annuum perpetuum, pro vino, cera, oleo, & similibus, vt suprà dictum est, verb. *Hæreditas*, ex Nauar. num. 5.

4 Non valet legatum relictum Monacho sub conditione, ne scilicet Prælati possit se in illud ingerere, impedire, vel in alios vsus mutare: semper enim bona subditi sunt subiecta Prælato. Rodriguez tom. 2. q. 125. art. 2. § 3. De licentia tamen Prælati potest subditus acceptare, & dispendere legata, dummodo non fiat contra Regulam, vel constitutiones Ordinis.

5 Relictum legatum subdito potest Prælati conuertere in vsus communes Monasterij, quod enim acquirit Monachus, acquirit Monasterium.

6 Relictum legatum ab aliquo, vt construatur Monasterium in loco certo, non perditur, si in illo tali loco non potest construi Monasterium: sed poterit cum tali legato alibi ædificari. Rodrig. cit. quest. art. 10.

7 Licitum est legatum relictum Minoritis, etiamsi sit annuū, pro necessitatibus infirmorū. Rod. t. 2. q. 126. a. 4.

8 Gregor. XII. concessit Minoritis, vt Syndicus illorum possit coram Iudice petere legatum, pro Missis, & diuinis Officiis relictum in illorum Monasteriis. Et quod Iudex ad Syndicorum instantiam, possit cogere executores testatorum, vt debita stipendia Fratribus soluant, refert Rodriguez *cit. quest. 126. artic. 4. §. ad primum enim.* Nam hoc non est petere in iudicio via actionis, sed implorare officium Iudicis.

9 Minorita potest suadere amicum, vel consanguineum, vt sibi aliquid in testamento relinquat pro libris emendis, si studet, & illis indiget. Et idem pro necessitatibus infirmorum. Rodriguez *Addition. ad Summ. tom 3. fol. 269.*

10 Legatum relictum filiae à patre si nubat viro nobili, & illa intret Monasterium, & fiat Monialis, debetur Monasterio: conditio enim illa, *si nubat*, reiicitur in fauorem Religionis, quemadmodum etiam in fauorem nuptiarum, reiicitur alia conditio; videlicet, *si non nubat*: & multo magis fauendum est Religioni, quam matrimonio. Rodriguez *tom. 2. quest. 127. art. 1.* Vide etiam Nauar. *l. 3. Consil. tit. de testamentis, consil. 9.*

11 Paulus III. Compend. Societ. IESV concessit illi, quod si aliquando Sedes Apostolica de legatis piis à fidelibus relictis aliquid applicauerit ad aliquam causam piam, vel non piam: non intelligantur ibi comprehensa legata illis relictà à fidelibus, vel in illorum fauorem disposita nisi id in litteris Papæ de illis exprimatur per clausulam particularem, & non generalem. Illius Compend *verb. Exemptio §. 4.*

A D D I T I O.

Vide infra verb. *Redditus Annuales.*

Dixi suprà hoc eodem verb. num 1. Sixtum IV. concessisse Prælati Minoritarum, vt legata sibi relictà a defunctis pro vno vsu, possent conuertete in

alium vsum, dummodò non sit scandalum illorum ad quos pertinet. Nunc addo Leonem X. ampliando istam concessionem eisdem Minoribus concessisse, vt idem possent facere de rebus donatis à viuētibz: vt scilicet datas pro vno vsu possint commutare in alium vsum, cessante pariter scandalo. Habetur concessio in Bullario Rodriguez *fol. 733. col. 2. in fine.*

2 Clemens VII. concessit Ministris Prouincialibus Ordinis Minorum, & Guardianis in suo Conuentu cum consilio discretorum, vt quando sibi relicta fuerint legata quorum non sunt capaces per suam Regulam, possint per suos procuratores, vel Syndicos componere, vel pacisci cum executoribus testamentorum, vel hæredibus circa prædicta legata, & institutiones, sicut illis visum fuerit æquum, & iustum, vt soluant semel tantum in pecunia, vel aliis rebus vna tantum vice ipsis Fratribz pro illorum necessitatibus subleuandis, vel locis construendis, & quod facta illa vnica solutione, hæredes autoritate Apostolica in perpetuum liberentur ad aliquid vltra soluendum. verb. grat. Reliquit aliquis redditus annuales tritici vel vini, non per modum eleemosynæ præsentis, sed sub titulo perpetuæ hæreditatis soluendos Fratribz Minoribus singulis annis: quorum reddituum Minoritæ sunt incapaces: concessit Clem. VIII. vt possint prædicti Fratres pacisci cum hæredibus modo prædicto. Habetur concessio in Bullario Rodr. *f. 761.* Quam concessionē citat Rodr. *tom. 2. qq. Reg. qu. 116.* innuens posse hodie Minoritas frui prædicta concessione dummodo seruent illius formam, videlicet, vt Prælati per se tali pacto faciendo non se intromittant, nec per se exequantur, sed solus syndicus, qui est procurator Papæ, id efficiat. Et quidem Papa qui est suprâ regulam nostram id potuit efficere.

Ego verò multum dubito, imò credo non posse Minoritas hodie vti illa concessione: Nam inprimis illa concessio repugnat puritati nostræ regulæ, & paupertati, iuxta declarationes Pontificias Nicolai III. & Clementis V. insertas in corpore iuris, qui dicunt Minoritas esse incapaces illius hæreditatis. At per Syndicos illam hære-

diua

ditatem vendere est illam acceptare, & illius dominium recipere, quod repugnat regulæ, puritati, & prædictis declarationibus Pontificiis. Si verò illis repugnat, ut videtur pugnare: non possunt Fratres Minores hodie uti illa concessione Clementis VII. Nam in Capitulo Generali Tolletano anno 1606. totum Capitulum renunciauit omnibus concessionibus Pontificiis, quæ repugnarent puritati nostræ regulæ, & seruarentur ad vnguem declarationes regulæ editæ per dictos Pontifices Clementem V. & Nicolaum III. vbi docent prædictos Fratres esse incapaces prædictorum reddituum annualium: neque adhibent, nec concedunt, ut circa hæreditatem, vel legata, quorum sunt incapaces, possint pacisci modo concessio à Clemente VII. habet autem Capitulum Generale cum Generali, imò, & Prouinciale cum Prouinciali, authoritatem declarandi quomodo sit vtendum, vel non vtendum priuilegiis Pontificiis, ut dixi supra *verb. Generalis num 5. & 6.*

De modo autem quo prædicti Minoritæ possint acceptare legata perpetua relictæ à defunctis pro Missis quotidianis, vel aliis piis officiis decernitur in illorum statutis generalibus Tolletanis siue Barcinonensibus reformatis titulo de Redditibus annualibus. Et ibi decretum fuit desumptum ex D. Bonauentura, ut testatur idem statutum; circa quod aduerto quòd quamuis decernatur, Minoritas nullum habere ius ad illa legata relictæ promissis, nihilominus, posse syndicos Conuentuum illa repetere coram iudice seculari, vel Ecclesiastico: tum per concessionem Gregor. XII. nobis factam, quam citauit supra *hoc verbo numero octauo*. Tum etiam per concessionem Martini I V. positam in Bullario, Rodriguez *folio 93.* vbi concedit Syndicis quòd possint procurare per modos licitos relictæ Fratribus in testamento. Modus verò licitus satis clarus est, ut procuretur coram iudice ex-
ecutore testamenti.

3 Suprà *verb. Testamentum toto numero octauo*, dixi non posse Minoritam procurare, imò, nec acceptare legatum annuum sibi soli relictum à parentibus,

vel amicis pro suis necessitatibus subleuandis. Nunc autem quia proprius hic locus est ubi agitur de legato relicto, idem repeto, & confirmo: tum oblationes sufficientes, quas ibi adduxi: tum denuo, quia annuus redditus computatur inter res stabiles, apud Iuristas, ut praxis obseruat. Etenim clericus habens solum annum redditum pecuniarium, censetur habere patrimonium ad Ordines. Ergo Minorita habens annum redditum particularem, censetur habere bonum stabile, quod est contra suam professionem. Et ob hanc causam quod annuus redditus censetur bonum stabile, & quod à Papa interdicatur Minoritis absolute sine distinctione, tenet Azor 1. *tomo libro 12. capitul. 23. questio. 15.* Nec posse Minoritas in communi habere redditus annuales olei, vini, & cere pro sacristiis. Cuius oppositum nos diximus posse fieri supra *verb. hereditas numero 5.* ex Nauar. *libro 3. cons. titul. de testament. consil. 13.* Quod alij viderint, & licet hoc pro Ecclesiis Minoritarum acceptetur, & sit in usu, poterit fulciri, utcumque per aliquas concessiones Pontificum, maxime illam Gregor. XIII. & Martini IV. At nunquam Pontifices id permisissent, neque Doctores dixerunt de legato annuo relicto Minoritæ in particulari pro sua sustentatione. Imò ut hoc magis roboretur, quod scilicet possint Conuentus, & sacristiæ Minorum repetere illa legata annua olei, vini, &c. ultra Nauar. *citato loco*, tenet, ac idem defendit Rodriguez *tomo 2. quest. Regul. quest. 126. art. 5.* Vbi rationes affert, ac dicit idem expresse tenere Sylvestrum *verb. legatum 1. numero 4.* Vbi vides tres Doctores Nauar. Sylvestr. & Rodriguez tenere contra Azor. circa legata olei, vini, &c. relicta Ecclesiis Minoritarum. Qui tamen tres Doctores cum id concedant pro Ecclesiis Minorum, non admittunt pro communitate ipsorum Fratrum. Ergo à fortiori multo minus admittent legatum annum relictum particulari Minoritæ. Et in particulari quod Minorita non possit habere hoc legatum annum, etiam in modica quantitate, tenet Rodriguez

triguez citata *quest. 126 art. 2.* vide omnino infra verbo *testamentum, num. 1.*

LEX, SIVE LEGES.

Vide supra verbo *Correctio Fratrum, num. 51.* & infra verbo *Statutum per totum.*

1 **L**eges Episcoporum non ligant Religiosos, nisi quoad festorum observationes, interdicta, cæteræque censuras observandas pro quibus ferendis licentiam habent à iure. *Trid. sess. 29. c. 12. de Regul.* vide supra verbo *Festi dies.* ubi dicitur de lege ieiunij ab Episcopo impositi.

2 Lex civilis de armis prohibitis non portandis, de nocumento non dando per animalia nociua, de locustis vitandis quando populantur, etiam agros Regularium, obligat etiam in conscientia Regulares quatenus ciues sunt, & in bono communi participant: non tamen debent conveniri coram Iudice sæculari: & ita quasi illos obligat illa lex quoad vim directivam: non verò quoad coactivam *Rodr. tom. 1. quest. 66. art. 1.*

3 Violans legem Regularem, vel aliam quacumque humanam malè illam intelligens, & bona fide faciens, non peccat mortaliter. *Navar. lib. 5. Consil. tit. de Simonia consil. 46. n. 3.* id est, si putat se habere causam iustam.

4 Quando legislator ait in lege; *volumus obligare ex nunc*: citata lex obligat statim à publicationis die, etiam ignorantes, quoad nullitatem actus contrarij, id est, si fiat oppositum statim in illo die publicationis, est nullum ubique. Non tamen ligat ignorantes quoad conscientiam: est etiam certa, & patet, quia princeps id potest facere quoad nullitatem externam actus. Et hoc verbo usus est Sixtus V. in prima constitutione contra illegitimos annullando professionem. Vide tamen infra verbo *Priilegium n. 70.*

5 Lex superioris ex causa ab ipso superiore non præ-

uifa hîc, & nunc potest licitè obuiari ab inferiori agendo contra ipsam. Tenet Rodr. cum Bartolo, & aliis *tom. 1. quest. 69. art. 4.* Et innuit hoc posse fieri siue illa noua causa iam extiterit, quando facta est lex, & Superior non aduertit fortè morem patriæ & Prouinciæ: Siue illa causa noua postea superuenerit ex casu raro, & contingente insolito. In hoc enim secundo, & fortè etiam in primo concurrît epichea, quæ tunc valet quando necessitas facti præsentis urget: & Prælatus solus dispensaturus, abest: tunc enim præsumitur concessurus, si adesset. Si autem factum potest dilatarî absque periculo, & incommodo, & Prælatus possit adiri, ita fiat. Secus si neutrum habet locum.

Circa proximè dicta notat Rodr. *citato loco*, quòd si Generalis committat alicui particulari Fratri, aliquod negotium peragendum in aliqua Prouincia: poterit nihilominus Commissarius Generalis ex noua causa non considerata per Generalem, impedire ne fiat tale negotium: & sic in similibus. Vnde ego primò colligo, quòd idem poterit Prouincialis ob eandem causam. Secundò infero, quòd etiam Prouincialis poterit agere contra statutum Generale Ordinis, quando detur talis causa superueniens, vel considerata à statuto Generali pro ista Prouincia: maximè quando urget necessitas, nec potest adiri Generalis: utrobique enim concurrît eadem ratio. Et mandatum Generalis particulare, non minus obligat, imò magis timetur quàm statutum Generale, & proinde si potest in primo, potest in secundo.

6 Leges Pontificiæ, & Religionum ponentes priuationem ab officiis, & prælationibus actualibus ipso facto, seu absque vlla declaratione, non obligant transgressores, vt facto delicto deponant officia per se ipsos; sed possunt procedere. Semper enim debet spectari declaratio Iudicis, non de pœna: sed de crimine, pro quo pœna est imposita. Rodr. cum communi, *tom. 1. quest. 7. articul. 16.* & Vega *2. part. verb. Leges casu 7.* & Henriquez *tom. 2. lib. 13 cap. 56.* dicens, quòd prædictæ leges sic loquentes intelliguntur de foro externo, non verò de interno.

7 Leges verò constituentes excommunicationem, priuationem vocis actiuæ, vel passiuæ, inhabilitatem, &c. priuationes statim sortiuntur effectum, & obligant transgressores etiam in foro interno, vt abstineant se à diuinis, à suffragiis, & acceptandis officiis & similibus; est etiam communis, & *Rodrig. cit. loco.* Et patet, quia tunc Ecclesia non priuat delinquentem bonis suis, vt oporteat illum esse executorem suæ poenæ: sed priuat illum bonis communibus non habitis. Excipe tamen si taliter excommunicatus, vel priuatus incurrat grauissimam infamiam abstinendo à prædictis: quia tunc ius naturale famæ præualebit positio de abstinendo, ad arbitrium prudendæ, & timorati viri, iuxta infra dicenda verb. *Officia Ordinis.*

8 Quando superior aliquid mandat, etiam sub poena excommunicationis latæ sententiæ vt aliquid fiat ab inferiore, si inferior videat, id non congruere ob causam claram, & urgentem potest ab opete desistere, & superiorem admonere, neque interim mandatum exequi. Patet ex *c. si quando. de rescriptis*, vbi conceditur quòd mandata Apostolica possint suspendi ob iustas, & urgentes causas allegandas. *Miranda latè tom. 2. q. 26. art. 4. concl. 1.*

9 Lex fundata in præsumptione, si talis mala præsumptio cesseret, id est, desit fundamentum in quo fundatur præsumptio, non obligat in foro interno, sed externo. *Rodr. tom. 3. q. 54. art. 6. cum multis citatis.* Intellige quando fundatur in præsumptione diffinitiuâ: si verò fundetur in præsumptione suppositiuâ, obligat in utroque foro, v. g. præsupponit Prælatus ingressum aliquius domus sæcularis, esse periculosum, & scandalosum. Item ingressum cubiculorum intra Conuentum, esse dubium, & periculosum, in tali casu si Prælatus legem ferat de non intranda tali domo, vel cubiculis, obligat talis etiam ne intretur bono animo, & absque periculo, quia saltem res est dubia, & præterea peccabitur ratione scandali, neque sufficit cessare rationem mali, quo ad intrantem. *Miranda tom. 2. quest. 25. art. 17. conclus. 3.*

10 Leges, seu statuta alicuius Religionis si contineant aliquid contra ius commune, ut quod non recipiantur ad Ordinem, solum nati ex Christianis nouis non damnatis, &c. si confirmantur à Papa in communi, non confirmantur quoad illud contrarium iuri communi, nisi specialiter exprimat Papa. *Nau. lib. 3. Cons. tit. de Reg. cons. §. n. 10.*

11 Lex Canonica, & à fortiori Regularis per contrarium usum abrogatur iuxta aliquos Doctores per quadraginta annos, iuxta alios per decem, & iuxta alios etiam infra decem annos ad prudentis arbitrium, neque opus est ut sciat Papa, vel legislator de contrario usu, quia præsumitur quod ille non vult suam legem obligare contra consuetudinem, Suarez *tom. de legibus, lib. 4. capit. 16. n. 9.* & iuxta Rodriguez *tom. 1. quest. 6. art. 10.* sufficit quod subditi etiam in principio, videant legem non seruari à superioribus, ut subditi etiam in conscientia non teneantur, transacto sufficienti tempore ad arbitrium boni viri. Nam Papa, & Generalis ponunt executores suarum legum, inferiores Episcopos, & Prælatos, ergo si isti vident, & tacent per tempus sufficiens, signum est quod Papa, vel superior non vult subditos obligare. Applicat ibi exempla consolatoria in praxi. Vide *cit. art. 10. & 12.* Ait præterea *art. 10.* quod quando maior pars Communitatis non seruat legem, signum est legem esse abrogatam; & tunc licet pauci seruent, non obligare communiter, vide etiam Sayrum *lib. 1. de censuris, cap. 7. num. 5.* Circa legem poenalem priuatam, quæ est inhabilitas, nota omnino quod licet non requirat aliquid ad sui executionem, nihilominus ut incurratur ipso facto requirit sententiam declaratiuam Iudicis, teste Sanchez *libro 9. de Matrimon. disputat. 30. numero 1.* ubi citat Matm. Nauarr. Sot. Ledesm. & ideo non priuatur ipso facto, pro dando suffragio ante Iudicis sententiam.

A D D I T I O.

Vide infra verbo *Obedientia*.

1 **I** Terum repeto quod iam suprà dixi verbo *Abbatissa vidua*: & hîc est proprius locus. Videlicet id quod dixi suprà confusè hoc ipso verbo *Lex, n.* 11 quod lex Canonica, & Pontificia potest abrogari per contrarium vsum intra decem annos in scio Papa, vel legillatore: hoc est intelligendum de lege quando in principio suæ promulgationis non recipitur, sed illi cōtrauenitur: tunc enim per contrarium vsum poterit intra decem annos abrogari. At. postquam lex pacificè recepta est, & inualuit, vt possit abrogari per contrarium vsum, requiruntur ad minus quadraginta anni. Ita docent Doctores quos citavi *num. 11 citato*.

2 Solet aliquando dubitari, maximè à Religiosis; an aliqua lex in particulari obliget ad mortale, vel ad veniale tantum: pro cuius dubij resolutione dicendum est ex Sanchez 1. *Decalog. capit. 1. numero 4.* hanc esse regulam: Vt quando aliquid præcipitur tanquam valde graue, idque præceptum continere graua verba: tunc talis lex, vel præceptum obligat ad mortale. Secus si materia non sit grauis neque verbis grauibz imperata. Vnde Molina *tom. 2. de iust. d. 344 ad finem* ait, non obligare ad mortale quodcunque iubet Papa, vel prohibet, esto dicat se illa firmiter iubere ex diuini nominis affectu, aut interdiceret: sed id colligendum esse ex grauitate, ac necessitate materiæ, & pœna in eadem lege statuta. Potest enim Papa condere statutum ad solum veniale aliquando obligans: & id Ecclesiæ benignitas aliquando postulat.

3 Si superior velit in materia clarè parua, ac minima imponere obedientiam, vel præceptum obligans ad mortale, tale præceptum ad mortale non obligaret. Nam cum parua illa materia sit incapax tantæ obligationis.

tionis, tunc Prælati voluntas est dissona materiæ; nec proinde regulatur ratione, sed voluntate propria. Ita Cord. in Sum. q. 188. punct. 1. Azor. tom. 1. Inst. Moral. lib. 5. c. 6. q. 5. & alij. At nimis considerandum est quod ait Valentia 1. 2. disp. 7. q. 5. punct. 6. decipi illos qui cogitant non posse aliquando v. g. peccari mortaliter frangendo silentium, vel faciendo aliquam rem quæ videtur in se parva: poterit enim talis res ex se parva, esse aliàs magna ratione alicuius notabilis circumstantiæ. Quæ de causa Suarez tom. 5. in 3. part. disp. 4. sect. 6. n. 11. ait debere satis certò, & indubitanter leuem esse materiam, ut iudicemus non obligare ad mortale præceptum illud quod aliàs ex tenore verborum videtur sonare obligationem ad mortale. Nam in dubio an materia sit levis, neque constat de præcepti iniustitia, non est spoliandus Prælati sua possessione.

4 Dixi suprâ hoc eodem ver. n. 9. legem fundatam in præsumptione non obligare si præsumptio à parte rei sit falsa, vel desit fundamentum præsumptionis. Ut quando subditus bono animo, & absque periculo peccati intrat domum à Prælato prohibitam propter peccatum præsumptum. Hoc ibi explicavi distinctione adhibita; mihi tunc occurrente, quam ibi vide: sed quia illa est subobscura, hanc denuo addo explicationem ex Vasquez 1. 2. question. 97. articul. 4. disputat. 163. capit. ultim. à numer. 16. & sequentibus. Duplex est lex præsumptioni innitens: altera in qua legislator aliquid præsumit in quovis casu, & ratione illius aliquid constituit. Talis fuit lex in cap. is qui fide, de sponsalibus. Vbi Papa decernit quod quicumque post sponsalia contracta cum aliqua fœmina, cum eadem haberet copulam, contraheret verum matrimonium: quia in hoc casu in singulis sic accedentibus ad fœminam post sponsalia præsumebat Papa eos accedere cum animo maritali, & cum animo consummandi matrimonium. Et talis lex in quovis casu in quo præsumptio est falsa, non obligat in conscientia. Talis poterit esse prohibitio Prælati de ingressu domus fœminæ inhonestæ, quia tunc in quovis casu, vel quovis ingrediente præsumis

sumit peccatum. Quod si aliquis tunc ingrediatur bono animo, & deficiat præsumptio Prælati, lex tunc non obligabit in illo casu. Altera lex est in qua non præsumit Prælatus fraudem vel peccatum in quovis casu: sed quia prudenter existimat in re aliqua non rarò præberi occasionem peccandi, vel inde incommoda oriri legem generalem constituit, qua hæc incommoda euitet, & hæc præsumptio est fundamentum cuiuscumque legis. Ego pono exemplum etiam in religiosis, & in materia castitatis. Præcipit Prælatus per obedientiam ut nullus frater domo exiens separaretur à suo socio; In hoc casu non præsumit Prælatus pro quovis casu, vel pro quovis Religioso à socio separato, quod peccabit mortaliter contra castitatem: sed quia inde aliquando, vel non rarò nascitur talis occasio, propterea eam legem statuit ad euitanda illa pericula. Quando lex, vel legislator fundatur in huiusmodi præsumptione, non casus moraliter certò præsumpti in omnibus: sed in præsumptione casus mali aliquando factibilis, tunc etiam si in aliquo casu deficiat præsumptio Prælati, & fiat absque periculo peccati, peccabitur contra illam legem, neque excusabit defectus mali præsumpti. Vnde intelligo quòd Religiosus qui à socio separabitur extra Conuentum stante illa lege, peccabit contra obedientiam: quia, ut dixi, illa præsumptio istius legis obligat, & est fundamentum in omni lege. Neque desinit tunc lex obligare, etiam si præsumptio deficiat in vno, vel in altero singulari, quia lex in communi non desinit.

§ Quando lex imponit pœnam ipso facto pro aliquo crimine, illa verba habent hunc effectum, seu differentiam, à sententia qua Iudex particularis imponit aliquam pœnam in sua sententia. Nam si Iudex imponat alicui, v. g. confiscationem bonorum pro aliquo crimine, cui à iure, vel à lege illa pœna non erat imposita necesse est ut Iudex non solum declararet reum commisisse illud delictum: sed etiam debet declarare pœnam confiscationis, & præterea reum ad illam damnare. At quando pœna est imposita à lege ipso facto, non est necesse ut Iudex declararet pœnam sic statutam à lege, neque ad illam

illam condemnet, sed sufficiet, declarare per sententiam illum tale crimen commississe, v.g. Imponitur hæretico à iure ipso facto pœna confiscationis bonorum: ac proinde vbi primùm Inquisitores aliquem declarant hæreticum, non est necesse quòd declarant pœnam confiscationis bonorum, iam enim posita est ipso facto, & incurfa à iure vbi primùm declaratur crimen. Quòd si lex imponat pœnam confiscationis, vel aliam similem, & non dicat *ipso facto*, vel *ipso iure*, vel *eo ipso*: tunc Iudex in proferenda sententia vltra declarationem criminis, debet reum damnare ad pœnam legis, & talem pœnam declarare, aliàs non illam incurreret, quia lex non imposuit illam ipso facto, sed remisit illam à Iudice imponendam. Habentur hæc ex *cap. cùm secundum leges, de hæretic. in 6.* & est communis Doctorum Syluest. *ver. Assassinus q. vltima.* Angelus in *Sum. ver. pœna num. 3.* & alij.

6 Hinc colliges quid facere debeant Religiosi quando in suis constitutionibus habent statutum quo aliquis, pro aliquo crimine, ipso facto, priuatur officio. Nam si lex dicat *ipso facto*, tunc Prælatus probato, ac declarato delicto, non habet necesse in sententia exprimere pœnam priuationis: iam enim hæc imposita, & incurfa est ipso facto, declarato delicto. Si vero illa pœna priuationis ponatur per statutum, & non dicat, *ipso facto*, tunc vltra declarationem criminis in sententia debet exprimere pœnam priuationis, & ad illam condemnare. Idemque dicendum quando pœna priuationis officij non est imposita à lege, sed delictum est dignum priuatione: debet enim tunc Prælatus declarare delictum, ac pœnam, & ad illam damnare seruando aliàs suas constitutiones Ordinis. Hinc ego colligo expositionem statuti generalis Ordinis Minorum Barcinonensis Tolleti reformati, *tit. de pœnis Patribus grauib. impositis.* vbi decernitur, quòd Prouincialis non possit abique Diffinitoribus priuare officio aliquem Guardianum, nisi esset in caso quo talis Guardianus, per statuta Religionis esset priuatus officio. Quæ vltima verba: *Nisi per statuta esset priuatus officio.* intelligo si statuta pouant

ponant pœnam priuationis ipso facto : tunc enim non est necesse quòd Prouincialis arbitretur pœnam, quia ipso facto imponitur, vt incurratur declarato crimine: sed sufficiet, vt Prouincialis probet, & declaret delictum, vt reum per se absque diffinitoribus priuet officio. Quod si prædictum statutum non ponat pœnam priuationis ipso facto, sed solùm dicat, *priuetur officio*, vel *priuatus existat*, vel *sub pœna priuationis*: non poterit Prouincialis per se absque diffinitoribus illum priuare: quia tunc lex vel statutum remittit illam pœnam adhuc arbitrandam, & imponendam à Prælato cum maturo iudicio, quod non fit aliter quàm consilio diffinitorum.

7 Solet sæpius lex prohibere aliquem actum ne fiat, idque aliquando verbis ambiguis, vt dicendo, nullo modo fiat: vel non possit vllus tale quid facere, ex quibus resultat dubium, an actus factus in oppositum maneat validus. Vt si dicat statutum, non fiant, vel non possint fieri Confessores sæcularium extra Diffinitorium Capituli prouincialis, vel, non possit nouitius facere professionem, nisi annus nouitiatus fuerit continuus, ita vt nec causa morbi exeat curationis gratia à Conuentu cum licentia Superioris. Erit, inquam, dubium, si hoc non obstante, Prouincialis præsentet Confessorem Episcopo absque Diffinitorio, teneat factum. Item an sit valida professio nouitij, qui partem nouitiatus transegit in domo parentum cum habitu, & licentia Superioris causa morbi. Hæc & similia dubia ex sequentibus decidentur.

8 Prima conclusio. Si lex prohibens actum dicat: *aliàs factum sit nullum*; vel *sit irritum*, vel *habeatur pro infecto*: actus gestus contra legem est irritus. Hæc est communis, & patet, quia supponitur legislatorem habere potestatem ad irritandum actum. Dixi: *si legislator possit irritare*, quia si actus ille sit permissus in lege Superioris, vel irritatio illa sit Prælati inferioris irritantis factum quod lege Superioris permittitur, irritatio erit nulla, v. g. Si Religio aliqua faciat statutum, vt non valeat professio alicuius facta cum tali defectu, quam tamen professionem sic factam lex Ecclesiæ non annullat,

lat, irritatio talis professionis facta ab inferiori Capitulo, vel generali, non valet contra decretum Superioris Ecclesiæ, vt suprà diximus verb. *Eiicere*. Similiter statutum Minorum Tolletanum proximè citatum quòd non fiat professio à nouitio, qui causa morbi cum habita, & licentia curatus fuit in domo parentum, si diceret quòd aliàs professio non valeret; nihilominus foret valida, quia talis professio in iure Canonico permittitur, & ideo illam non potest annullare statutum potestatis inferioris, videlicet Religionis. Sed prædictum statutum Tolletanum prohibet, sed non annullat, & proinde facta contra illud statutum valebit.

9 Secunda conclusio. Si lex prohibeat actum simpliciter, nullum verbum adhibens ex quo sonat annullatio, vel irritatio actus, talis actus est validus quidquid sit de peccato. Hæc est communis Theologorum, & Iuristarum. Et sumitur ex Glossa vltima, in *cap. penult. de despons. impuber.* Et probatur ex praxi, quando enim Summ. Pontifices, maximè in moribus propriis, volunt irritare actum prohibitum, statim id verbis irritantibus declarant: vt inter alios fecit Sixtus V. in suis Moribus propriis circa professionem criminoforum, & illegitimorum. Quando non adhibent verba irritantia actum, signum est quod esset valde onerosum semper annullare omnes actus factos contra legem: & daretur occasio magnæ confusionis, si crederemus annullari quemuis actum factum contra legem, quando in illa non continentur verba clarè annullatiua actus.

10 Tertia conclusio. Si lex dicat non possit aliquis oppositum facere: vel non liceat aliter fieri: vel nullo modo alteri permittatur, vel quid simile: magna est controuersia, an actus in contrarium gestus sit validus? Sanchez *lib. 6. de Matr. disp. 38. n. 2.* citans multos textus, & multos Iuristas, probat talem actum esse irritum: quia, vt ait, verbum, *Non potest*, actum oppositum reddit nullum: priuâque potentia, vt dicit Gloss. *Regul. 1. verbo Non potest. de Reg. Iuris in 6.* At melior videtur opinio Suarez *tom. 5. de Legibus cap. 31. à num. 13.* vbi ait: Non semper hoc verbum, *Non possit*; vel *Non potest*, annulla

annulare actum factum in oppositum. Sed ut plurimum tale verbum legis solum velle ut oppositum non possit fieri, licetè videlicet : ut satis explicat, & probat Suarez *cit. n. 13*. nam iuxta Glossam ibi citatam, verbo *Non potest* : id possumus, quod iure possumus. Sed hoc fusius persequi, nec locus patitur; neque Theologum decet, sed Iuristam.

11 Quarta conclusio. Quando lex prohibens actum præscribit formam substantialem actus faciendi, quæ, scilicet continet naturalem æquitatem circa actum, tunc ommissio eius formæ reddit invalidum actum. Suarez *cit. cap. 31. num. 3*. ubi in fine istius §. magis rem explicat, dicens tunc formam præscriptam actui continere æquitatem naturalem circa actum, quando est de re per se admodum necessaria ad actum, seu æquitatem actus. Nam si verba legis solum ponuntur ad ornatum, vel ad melius esse talis actus; neque aliàs verbis clatis irritent, tunc talis forma pertинens ad ornatum est accidentalis, & ommissio illius non irritat actum factum in contrarium.

12 Quinta conclusio. Quando lex præscribit formam actus faciendi, & simul dat denuo potestatem faciendi actum sub tali forma, quæ potestas antea non dabatur, tunc talis forma est de substantia actus, & proinde eius ommissio, reddit actum nullum. Quando verò supponebatur iam potestas ad faciendum actum, & sola additur nova solemnitas, tunc forma nouo modo præscripta est accidentalis, & eius ommissio non annullat. Exempla ponit Suarez *cit. cap. 31. num. 9*. vide ibi. Et supradictis ego aliquando respondi fuisse validam pro Minoritis præsentationem Confessoris factam à Prouinciali coram Episcopo, extra Diffinitorium Capituli; idque præcipuè. Primò quia ibi statutum licet prohibeat actum, & utatur ver. *Non possint*, tamen non annullat, neque irritat actum. Secundò, quia illa forma faciendi Confessores, ibi præscripta, non est essentialis, sed accidentalis : forma enim substantialis præsentandi Confessores Mendicantes decreta est à Papa Clem. dudum. de sepulchris. Vbi Papa pro præsentatione, seu electione Con-

Confessorum solum requirit quod presententur à Provinciali. Tertiò, quia iuxta dicta n. 12. ibi non datur Provinciali noua potestas eligendi, vel presentandi Confessores, iam enim illam habebat ex dicta Clementina *dudum*. Quartò, quia statutum generale Ordinis non potest annullare actum factum aliàs secundum dispositionem iuris Canonici: at quod solus Provincialis eligat, vel presentet Episcopo Confessorem secularium, est dispositio iuris Canonici in Clementina *citata*. Cum quo stat quòd predictus Provincialis poterit puniri ob violationem predicti statuti. Id verò quod dixi de validitate talis presentationis, tunc præcipue verum erit quando Diffinitorium id committat Provinciali, vt ille postea idoneos designet: licet enim id prohibeat statutum, & Diffinitores possint puniri, at valebit illa commissio, & presentatio ob multa dicta à Sanchez *lib. 3. de Matrimon. disputat. 26. num. 4.* in casu omnino simili. Excipit tamen Suarez *cit. cap. 31. num. 14. 15.* quod aliquando hoc verbum, *Non possit fieri*, positum in lege significabit nullitatem actus oppositi: idque colligendum esse ex aliis circumstantiis legis, & nimia grauitate præcepti, & sic de aliis quæ ibi fusius tradit, quæ vide apud illum: nam suprà traditum est communius, & magis vsitatum, vt scilicet, verbum, *Non possit*, de ordinario non annullat actum.

§ 3 Solet circa leges oriri dubium, an pœna imposita per legem in vno casu, possit extendi ad alium casum omnino similem, quem lex non punit simili pœna, ac punitur ille alius similis casus. Sit exemplum. Punit Ecclesia communicantem cum excommunicato publico denunciato illum excommunicans excommunicatione minori. Econtra video hæreticum publicum, & manifestum, sed non denunciatum: an illa pœna minoris excommunicationis posita communicanti cum excommunicato denunciato possit extendi vt liget etiam communicantem cum hæretico publico, quem publice constat esse excommunicatum, sed non denunciatum. Est enim vtrobique eadem ratio: imò maior ratio videtur in communicando cum hæretico publico, ratione

ratione periculi , ac ratione scandali. Et sic de aliis exemplis legum imponentium pœnam corporalem. Respondetur , iuxta communionem , ac benigniorem sententiam . nunquam pœnam vnius legis & vnius casus esse extendendam ad casum alium, etiamsi in hoc secundo casu concurrat eadem ratio, vel maior ratio , seu maior malitia ipsius actus. Tenet ac probat fusè Castr. *Libro 1. de lege pœn. cap. 2.* & Rodriguez *tom. 1. quæst. 47. art. 1.* vbi citat *cap. quicumque. de sentent. excommunicat.* vbi dicitur quòd excommunicatio lata contra dantem licentiam malè faciendi, non extenditur ad eum qui fecit illud malum prætextu dictæ licentiæ. Et tamen faciens illud malum plus videtur peccasse, quàm is qui licentiam dedit. Idem habetur *cap. is qui. de sentent. excommunicationis in 6.*

14 Quando in vna Religione sunt multa statuta antiqua, & noua, dubitari potest , vtrum antiqua, facta, scilicet, ducentis abhinc annis hodie obligent in conscientia, idque specialiter viget in Ordine Minorum in quo reperiuntur libri continentes multa statuta ferè ducentis abhinc annis ordinata, vt videre est in *Enchiridio Minorum*. Ad hoc breuiter dicendum: Quòd si statuta generalia noua non reuocent expressè antiqua statuta : vel si antiqua statuta non sint abrogata per contrarium vsum , prædicta antiqua statuta valent , & secundùm illa iudicandum est , quando casus occurrens in nouis statutis non est decisis. Hoc probo primò , quia lex de se perpetua est : cùm enim debeat esse rationi conformis , id quod rationi conforme est , de se durabile est , hæc poterit mutari, nisi forte ob temporis circumstantias eadem ratio diceret esse mutandum, ac reuocandum. Secundò probatur exemplo iuris Canonici : in quo sunt multa decreta antiqua lata mille abhinc annis , & amplius : hæc tamen hodie obligant in conscientia , nisi sint reuocata per textus sequentes Summorum Pontificum , vel per contrarium vsum Ecclesiæ sint abrogata illa decreta antiqua. Eadem verò est ratio de statutis alicuius Ordinis erga subditos illius : ac de statutis Ecclesiæ , seu

legibus illius erga omnes fideles. Imò pro Minoritibus probatur expresse, quia statuta illorum principalia Toleleti reformata in fine, *titulo de Constitutionibus* decernunt, ut si casus occurrat, cuius decisio non contineatur in illis statutis, talis casus decidendus erit per quæcunq; alia statuta Ordinis Minorum, &c. Quibus verbis clare determinat statuta antiqua Ordinis manere in suo firmo robore, nisi per subsequencia sint reuocata, vel per contrarium usum abrogata. Imò ego dicerem, quod si casus nouus non contineatur in illis statutis Tolletanis, decidatur verò in alio statuto antiquo Ordinis, qui non sit in usu, per illud resoluendus est casus. Aliud enim est statutum esse abrogatum per contrarium usum; aliud verò est statutum non esse in usu.

15 Pro qua difficultate adhuc magis explicanda nota non esse recedendum à iure antiquo, nisi quatenus in nouo exprimitur. *l. precipimus. in fine Codic. de appellat. & Gloss. in cap. cupientes, §. Quod si, ver. petere de elect. in 6.* Correctio enim, & mutatio legis odiosa est, & non est admittenda nisi quando exprimitur, vel vitari non potest. Hinc fit ut si nouum statutum corrigat antiquum solum in parte, & non in toto, prædictum statutum seruandum est quo ad aliam partem non correctam. Et adeò verum est correctionem iuris antiqui esse odiosam, quod si lex noua expresse non corrigat, sed innuat correctionem: licebit interpretari verba legis nouæ in sensu minus proprio, ne detur correctio legis antiquæ Ratio principalis sit, quia lex antiqua est in possessione, & in dubio non debet sua possessione spoliari. Quod licebit accommodare multis statutis nouis Religionum, respectu antiquarum legum eiusdem Religionis. Hanc doctrinam fusiùs tradit ac probat Suarez *tom. de Legib. lib. 6. cap. 1. numero 18.* ex Butrio, Felino, Guttierres, & aliis. Et hæc sufficiant pro quotidianis dubiis Religiosorum. Cætera videant in materia de legibus.

LIBRORVM PROHIBITIO.
ſeu impressio.

1 **P**ius V. conceſſit Generali Societatis IESV, vt de conſilio ſuorum, aſſiſtentium poſſit concedere ſuis ſubditis libros hæreticorum, & alios prohibitos ad purgandum. Et quod poſſint dicti Religioſi vti libris non hæreticis, licet habeant annotationes, ſeu ſcholia hæreticorum authorum: aut authores ipſi mali ſint, ſed libri non ſunt editi ad ſtabilienda dogmata hæretica: dummodo nomen authoris ſi ſit hæreticus, vel in Indice prohibitus, & ſi quid inter legendum impium occurrerit deleatur. Sic in Compend. Societatis, verb. *Libri. §. 1. & 2.* Sed aduertit ibi Collector, quod hanc licentiam ſolus Generalis dare poteſt: & non Prouincialis. Vi de tamen infra, paulò poſt, quid cauendum ſit in vſu iſtius, & ſequentium conſeſſionum.

2 Gregor. XIII. conceſſit eiſdem Religioſis, qui fuerint ad hoc deputati à ſuperiore, vt poſſint emendare libros, quando authores pij ſunt, ſed habent praua ſcholia: aut quando authores & impreſſores ſunt impij, non tamen libri. Aut quando authores ſunt ethnici, ſed habent malas notationes, ob quas prohibentur, donec emendentur: dummodo nomina malorum authorum, vel impreſſorum deleantur.

3 Aliam tertiam conſeſſionem in ſimili materia factam eiſdem Patribus ab eodem Gregor. XIII. refert Rodriguez *tom. 2. quaſt 82. art. 3.* quam vide. Aduertit Rodriguez *ibidem*, & meritò, ſe credere illas conſeſſiones eſſe reuocatas tum per Bullam Cœnæ, tum per particularia indulta, quibus munitum eſt Tribunal ſancti Officij. Et ego ſic conſulo abſtinendum. In dicto Compend. Societatis *citato verb. §. 6.* dicitur in ſine, quod præmiſſa omnia conceduntur, non obſtante Bulla Cœnæ Domini, cæteriſque contrariis quibuſcumque.

4 Luſitanus v. g. habens licentiam legendi libros

specialiter prohibitos in sola Lusitania, seu Portugallia potest eisdem legere ubique existens, etiam in Castella, si illi in Castella non sunt specialiter prohibiti, quia si in Castella etiam fuerint specialiter prohibiti non poterit illos ibi legere absque licentia Tribunalis Castellæ pro sancto Officio. Et sic è contra de Castellano, existente in Portugallia: quia sunt territoria distincta. Suarez *tom. de legibus lib. 8. cap. 26. nu. 8.* ubi ait quod Inquisitor Castellæ non potest dare licentiam ad legendos libros prohibitos in Portugallia. Et quanuis Nauar. *lib. 5. Consil. titul. de privileg. consil. 15.* & Rodriguez *tom. 3. Addition. ad Sum. cap. 251. conclus. 4.* teneant oppositum, ego ducor hoc exemplo. ut sequar Suarez: quia scilicet privilegiatus, ut portet arma vetita in Portugallia, non est privilegiatus, ut illa portet in Castella eadem ipsa. Et quia privilegium unius Episcopi, non potest derogare privilegio alterius Episcopi.

5 Sixtus V. rigorosa Constitutione statuit, ne Fratres Minores libros extraherent à Bibliothecis suorum Conuentuum, cum aliis multis contentis circa dictos libros. Hæc tamen iam non obligat, sed fuit reuocata per Clementem VIII. ad instantiam Cardinalis tunc nostri protectoris. Hodie ligat solat constitutio Pij V. excommunicantis quoscumque qui à dictis Bibliothecis Minorum libros furto abstulerint. Nota verbum, (*furto abstrahere.*) Si enim abstrahat animo non furandi, sed reddendi, etiam si id faciat absque licentia Prælati localis, non incurrit. Excipe si Prouincialis, vel Prælatus etiam hoc prohibeat sub censura, ne scilicet extrahantur animo legendi, & reddendi.

6 Non possunt Religiosi imprimere libros absque licentia Episcopi, Inquisitorum, & sui Prælati, quicumque libri illi sint. Neque item possunt illos ante impressionem communicare. Tridentin *sessio. 14.* cum cæteris ibi requisitis: Hoc non prohibet communicari quinternum, vel sermonem: hæc enim non sunt libri. Qui verò aliter libros imprefferint, vel diuulgauerint, vel absque nomine authoris, incurrit

currunt excommunicationem. Vide Suarez *tom. de censur disputation. 23. section. 7. numero 3.* vbi dicit censuram Concilij debere restringi ad solos libros de rebus sacris, de quibus tantum ibi loquitur. Et per librum intelligi integrum, & consummatum pro vt solet imprimi.

A D D I T I O.

SUprà hoc eodem verbo dixi de forma seruanda à Religiosis in librorum impressione; deque priuilegijs eisdem concessis à Sede Apostolica legendi libros prohibitos, videlicet à Pio V. pro Patribus Societatis I E S V. Quia tamen aliquando illi scrupulis agitantur cum incidenter legerunt libros prohibitos, vel dubitarunt an sint prohibiti, dico sequentia.

1 Vide suprà ver. *Ignorantia num. 16.* vbi dixi legentem libros hæreticorum, & nescientem illos esse prohibitos, non incurrere excommunicationem, quia Bulla Cœnæ quam ibi citaui expositam à Nauarr. solum excommunicat legentes libros hæreticorum scienter. Et *ibidem*, dixi illam & similes excommunicationes contra facientes scienter, non illas incurrere etiamsi contra fecerint cum ignorantia crassa: dummodo non sit ingens temeritas oppositum facere.

2 Libri qui prohibentur in Bulla Cœnæ Domini Pauli V. sunt primò qui sunt compositi ab hæreticis, & tractant de Religione. Libri verò tractantes de Religione, sunt qui pertinent ad Fidei expositionem: vel qui diuinam Scripturam, & partem eius exponunt: vel agunt de tota Theologia, vel de parte illius: vel qui differunt de cultu Deo, vel Sanctis debito, vel de Clericis, vel de Monachis, hæc enim omnia pertinent ad Religionem quæ virtus generalis est. Adde etiam tales esse libros, qui agunt de rebus conscientiarum. Tales verò non sunt illi libri, qui agunt de Philosophia, vel de historiis: hi enim non tractant de Religione: & proinde hos vi-

timos legentes non incurrant censuram Bullæ Cœnæ. Incurrant tamen censuram positam ab Inquisitoribus si ipsi denuo tales libros prohibuerunt agentes de historiis, vel rebus prophanis, eo quòd tales libri hæreses contineant, quales sunt hæretici recentiores, qui fecerunt libros historiales, sub titulo, *Centuriarum*: & maxime Machiauellus, qui directè non agens de Religione, miscuit hæreses multas, & pessimas, & alij similes. Vide Suarez *disput. 21. sect. 2.*

3 Aduertit autem Sayro *lib. 3. de Censur. cap. 5. num. 12.* & Rodr. in *Explicatione Cruciatæ. §. 9. num. 77.* & alij, tria requiri; vt quis incurrat illam censuram Bullæ Cœnæ. Primum est, quòd cùm libri sint authorum hæreticorum. Secundum est, vt hæresim contineant, aut de Religione tractent. Tertium, vt scienter legantur. Et quidem tertia conditio de legente scienter, iam suprà explicata est. Duæ priores etiam patent.

4 Non incurrit illam censuram, qui legit librum Catholici, in quo referuntur dicta, vel argumenta hæreticorum, vt ab illo Catholico impugnentur: huiusmodi sunt Bellarm. *lib. de Controuersis contra hæreticos.* & noster magnus Feuardentius, & alij similes, nam tales libri non sunt authores hæretici, & hæreses ibi adductæ non sunt illius authoris, sed adducuntur confutandæ. Quamuis autem in hoc Regno Porugalliæ, tales libri Catholicorum disputantes contra hæreses pro aliquo tempore fuerint prohibiti ab Inquisitoribus propter periculum pusillorum, hodie tamen ablata est illa censura, & prohibitio, propter bonum commune inde proueniens, vt sciant Doctores Catholici hæreticis respondere. Vnde Rodr. *cit. loco Cruciat. n. 78.* Et hoc dictum verum est, etiamsi in huiusmodi libris fortè sit aliqua hæresis authoris Catholici, quam dixit ignoranter, quia adhuc non est liber hæretici.

5 Neque illam censuram incurrit qui legit, retinet, vel imprimit librum infidelis alicuius Iudæi, vel Gentilis, continentem hæreses. Nam ille liber non est hæretici: quia Iudæus, & Gentilis non sunt hæretici. Exi-
gite tamen, dummodo talis liber non sit prohibitus ab

Inquis

Inquisitoribus specialem ob causam : poterit enim hodie Mahumetanus scribere, & diuulgare librum valde perniciosum fidei Catholicæ, & similiter Iudæus : vt necessarium sit per Inquisitores prohiberi.

6 Neque item incurreret, qui legerit librum Catholici, in quo sunt annotationes, & scholia hæreticorum, quamuis legat talia scholia : nam is liber verè non est hæretici. Ita Nauar. in *Summ. cap. 27. num. 56.* & Rodr. *citato loco num. 78.* Huiusmodi videtur esse liber Senecæ aliàs non prohibitus, qui in noua editione habet scholia Erasmi authoris prohibiti, & similes alijs. Bene tamen aduenit Sanchez *lib. 2. Decalog. cap. 10 num. 25.* quòd si talis liber Catholici cum scholiis, & annotationibus hæreticorum, sit prohibitus ab Inquisitoribus, vel per Catalogum librorum prohibitorum, non incurratur censura Bullæ Cœnæ ; sed censura alia Catalogi, quæ nulli est reseruata. Et citat Graff. Azor. Tolled. & alios. Neque item incurrit qui legit libros continentes ritus Græcorum, & Armenorum, quia hi ritus ab Ecclesia non damnantur, vt hæretici, vt tenet Azor. *tom. 1. lib. 8. cap. 16. q. 8.*

7 Eandem censuram incurrent legentes indicem libri hæretici, vel eius præmium, aut præfationem. Et quod diximus de legente libros, intellige, siue sint impressi, siue manu scripti. Non tamen incurreret, qui legeret Epistolam missiuam hæretici continentem hæreses, & manu scriptam, quia in communi modo loquendi, epistola non est liber. Ita Sanchez *cit. loco n. 8. § 9.* Excusabitur verò à censura qui legerit librum hæretici scienter in parua quantitate. Nam in omni materia paruitas materiæ excusat à mortali, credit autem Sayro, Rodr. & Sà in *Aphor. ver. Excomm Bullæ Cœnæ n. 2.* quod legere vnâ tantum paginam libri hæretici, non incurreret censuram, quia censetur paruitas materiæ Et addit Sanchez *cit. loc.* etiamsi liber sit voluminibus maioribus, quod multum iuuat pro scrupulosis.

8 Non incurreret hanc censuram qui legerit, vel retinet librum hæretici, si liber, neque tractat de Religione, neque hæresim continet. Nam Bulla Cœnæ Pauli

V. petit alterum horum duorum disiunctivè: & non petit ut ambo concurrant copulativè: sed sufficit quòd vel tractet de Religione modo suprà exposito: vel contineat hæresim. Quod si nec differat de Religione, nec contineat hæresim, non est prohibitus, ut incurratur censura Cœnæ. Ita Vgolin. *de Censuris Papæ reservatis* 2. p. cap. 1. verb. *vel de Religione initio num. 2.* Sufficiet verò ad incurrendam censuram ut totus liber vnam solum hæresim contineat, etiamsi tractet de re quacunque quæ non sit de Religione, ut tenet Suarez *cit. disp. 71 sect. num. 10.* Et tunc censuram incurret etiamsi legat illam partem, in qua hæresis illa non continetur: quia iam totus liber est prohibitus ratione illius solius hæresis. Si verò sint diuersa volumina separata, & in vno volumine sit hæresis, non verò in alio, poterit legi ille qui nec tractat de Religione, nec hæresim continet. Ita Vgolin. *cit. cap. 1. verb. eorundem libros §. 1. n. 2.* & concordat Sanchez *cit. cap. num. 36.*

9 Non incurret is qui sciebat quidem librum esse hæretici, sed ignorabat illum agere de Religione, vel hæresim continere. Secùs si hæc ambo sciret, etiamsi ignoraret authorem esse hæreticum. Sanchez *cit. cap. n. 39.*

10 Neque Catholici degentes inter hæreticos, ut in Anglia, Germania, possunt ibi legere libros hæreticorum continentes hæresim ut illos confutent: quia Bulla Papæ id nemini permittit, nisi habeat specialem licentiam Sedis Apostolicæ. Vnde neque Episcopus poterit illam ibi concedere. Azor. *tom. 1. lib. 8. cap. 16 quest. 6.* Notat verò Graff. 1. p. *decision. lib. 4. cap. 18. num. 45.* Inquisitores, & illorum substitutos, non solum à Sede Apostolica deputatos, sed ab ipsis quoque Inquisitoribus posse legere prædictos libros: non verò Cardinales, nec Episcopos, aliòsve Superiores Prælatos absque licentia speciali.

11 Non incurrit censuram Bullæ qui aliquem librum hæreticum solum memoria recolit, hoc enim non est legere. Neque item incurrit qui audit legere aliquem librum hæreticum: audire enim non est legere: & verba legis pœnalis sunt accipienda in significatione propria, & stricta.

& stricta. Et hoc verum etiam si is qui audit legere, induxerit legentem ut legeret: nam inducere ut aliquis legat non est legere: Et censura posita contra facientem non ligat consulentem, nisi ut exprimatur in illa Bulla contra consulentem ut tales libri legantur. Incurret verò censuram famulus legens ex mandato heri, nisi ignorantia excusetur. Curiosè tamen, & bene notat Sanchez *citato capite 10 numer. 51.* quod si aliquis sciat legere linguam Græcam, vel Hebraicam, eamque nullo modo intelligat, & sic legat libros hæreticos Græcè, vel Hebraicè conscriptos, talem non incursum esse censuram Bullæ Cœnæ: quia in hoc deficit finis legis, qui est ne legens imbibat errorem: quem errorem, hic non intelligens non potest imbibe: ac proinde deficiente fine legit in hoc casu, deficit obligatio legis. Quod si verum est, idem cogetur dicere de sæculari idiota qui omnino non intelligit linguam Latinam, scit tamen illam legere: hic enim iuxta Sanchez, si legerit librum hæreticum, non incurret censuram. Ego neutrum consulo: qui tamen id fecerit habebit auctorem Sanchez.

12 Incurrunt eandem censuram, qui prædictos libros retinent etiam si legant, siue retineant apud se, siue in aliena domo suo nomine, vel nomine alterius: hoc enim est propriè retinere. Item incurrit, qui prædictos libros facit imprimere, vel illos defendit Quæ omnia continentur in Bulla Cœnæ, vel ex illa colliguntur. Idem dic de retinente partem libri prohibiti apud se, nisi fortè excusetur quod sit pars leuissima, ut vna tantum pagina: tunc enim etiam excusabitur paruitate materiæ, ut suprà diximus excusari legentem vnam solùm paginam. Bene autem notat Sayo *Thesaur. casuum tom. 3 lib. 3. cap. 5. numero 16.* illum qui retineret librum hæreticum paruo tempore expectans opportunitatem deferendi illum ad Inquisitores, excusari à censura. Imò addit Sanchez *cit. capit. 10. numer. 55.* non nimis insistendum esse in paruitate temporis, sed in commoditate temporis, ut deferatur. Si enim deesset commoditas temporis de-

ferendi

ferendi, vel mittendi librum ad Inquisitores, & talis commoditas diu expectaretur, non incurreret censuram talem commoditatem expectans, quia non dicitur retinere contra Ecclesiæ voluntatem qui tempus commodum tradendi expectat: talis enim non est contumax, nec proinde excommunicatus. Et addit quòd neque data commoditate deferendi librum ad Inquisitores, incurreret censuram ille qui per vnum diem detineret: detentio enim vnius diei diceretur parua materia, in mora detentionis. Et in hoc etiam vltimum dictum inclinat Sayro citato numero 16.

13 Tandem aduerte secundùm Azor. tom. 1. lib. 8. cap. 13. quæst. 11. eos ad quorum manus hi libri deueniunt, non posse eos propria autoritate comburere: sed teneri illos deferre ad Inquisitores: quia Iulius III. in quodam suo motu proprio, qui incipit, *Cum meditatio*, expresse iubet eos tradi Inquisitoribus, aliàs posse procedi contra ipsos tamquam si essent hæretici. Ait tamen ipse Azor. aliquos recentiores, quorum nomina tacet, asserere quòd sufficit illos comburere. Sed Azor. tenet obligari in conscientia eos tradere Inquisitoribus: dummodo non illis resultet graue periculum ex eo quod per se tradant: vt quia putabuntur hæretici, cum non sint: instanti enim tali periculo, innuit posse illos comburere. Semper tamen certum est, cum qui illos per se combusserit, non incurrere excommunicationem (quidquid sit de peccato.) Qui enim illos comburitiam non retinet.

14 Ille qui scienter legerit libros prohibitos à tali censura Bullæ Cœnæ poterit absolui per Bullam Cruciatæ semel in vita, & in morte, si etiam in morte habuerit excommunicationem. Nam legere libros non est hæresis formaliter, cuius absolutio nunquam conceditur in Bulla Cruciatæ, neque in Iubileo. At ista de legendis libris prohibitis potest etiam absolui per Iubileum concedentem absolutionem casuum Cœnæ Domini. Ita Henriquez lib. 6. de Pœnitent. cap. 16. num. 2 poterunt etiam ab illa absolueri Episcopi in foro conscientiæ per concessionem Concilij Tridentini.

De

De Prælatiſ verò Religionum erga ſuos ſubditos, recur-
ret illa dubitatio, an poſſint abſolvere ſuos ſubditos à
caſibus Bullæ Cœnæ Domini: de quo iam diximus
ſuprà quod dici poſſeſt: & ſcio hanc dubitationem
nunquam fore ab aliquo reſolutè, & clarè reſoluen-
dam.

15 Adhuc pro maiori præteritorum noticia pono
quod ait Pater Soza in ſua Relect. Bulla Cœna, diſpu-
tat. 1. num. 50. ex Graff. & Vgolino, videlicet, vt quis
dicatur legere libros prohibitos, ſatis eſſe quòd librum
oculis percurrat cum aduertentia ad ea quæ in illo
ſcripta ſunt: quamvis voce nihil exprimat. Nam ad
veram, & propriam lectionem in communi uſu lo-
quendi illud eſt legere, & ſic homines communiter
legunt percurrendo oculis in ſilentio, nihil ore profe-
rendo.

16 Si verò iſtes taliter legentem interius tantùm,
nullum opus externum operari propter quod poſſit ex-
communicari. Nam clauſo ore, immotiſ manibus, ac
capite id poſſeſt facere abſque ullo ſigno externo ſigni-
ficante internam lectionem, vt patet. Eccleſia verò non
excommunicat actus purè internos non ſignificatos
aliquo actu externo, vt patet ex ſupradictiſ in verbo
Excommunicatio, & verb. Hæreſis. Ad hanc obiectionem
dico taliter legentem ſolùm interius immoto capi-
te, manibus, & labiis, ſufficiens ſignum externum dare
lectioniſ internæ. Nam primò aperit librum ad legen-
dum: voluit folium: & deſigit oculos, ſeu illos applicat
ad librum, quæ oculorum applicatio, ac deſixio cum
præcedenti libri apertione, ac folij reuolutione ſunt ſuf-
ficientiſſima ſigna lectioniſ internæ in communi ho-
minum ſignificatione. Exemplo, firmatur in materia
matrimonij, quod validum eſſe non poſſeſt niſi detur
ſignum externum declaratiuum conſenſus interni. Et
tunc dicunt Theologi ſufficienter fœminam conſentire
ad ſponſalia & matrimonium ſolo ſilentio, ac tacendo,
quando tale ſilentium, quod eſt carentia vocis, ex cir-
cunſtantiis præcedentibus vel concurrentibus ad arbi-
trium boni viri ſunt ſigna interni conſenſus.

17 Cum

17 Cum hac materia librorum prohibitorum venit notandum, quod habet Nauarr. *lib. 5. confil. tit. de hereticis confil. 17. prima impressionis.* pro defensione cuiusdam Theologi, in cuius domo reperta sunt scripta fufpecta de fide, pro cuius defensione multa ibi congerit Nauarr. Præcipua sunt hæc. Primò, quod nemo eft accufandus, quod hoc, vel illud fcripferit, fi non diuulget, nec fua manu firmauerit: Imò etiam fi fubfcripferit, opus eft vt diuulget faltem, vt mereatur poenam totalem, potuit enim fcribere curiofitatis gratia, vel vt pofttea corrigat, vel quia fic apud autorem doctum reperit, & fic de cæteris, & citat carmen Ouidij circa emendanda fcripta, quod fic habet. *Nec tamen emendo; labor hic. quàm fcribere maior.* Secundò dicit, orationi ambigux adhibendum eſſe ſenſum quem illi dat ipſe ſcribens. Tertiò ait, quod illa quæ fic obſcurè ſcripta ſunt vt intelligi nequeant, debent haberi pro non ſcriptis, pro quo citat *legem 2. ff. de his qua pro non ſcript. habent.* Et alia ibi adducit, quæ valde proderunt ad defendendum virum aliàs Catholicum qui bona fide aliquid malè ſcripferit.

LIBELLVS FAMOSVS.

S Olet in aliquibus Religionibus reſeruari peccatum compositionis, iniectionis, vel publicationis alicuius libelli famoſi: maximè in ordine Minorum: Quinimò pro ſæcularium confeſſionibus oportet Religioſos ſequentia notare.

1 Libellus famoſus eſt ſcriptura continens infamiam alicuius, nondum publicam, vt publica fiat: ſiue res effectum ſortiat, ſiue non, quam infamiam probare non vult componens, & ponit in loco publico, vel vbi inueniatur. Sic ex Syl. *ver. libellus actoris, & famoſus quaſt. 4.* Diffinitio clara eſt. Et primò ad maiorem explicationem nota.

2 Eſt etiam libellus famoſus, ſi in tali ſcriptura ſcribantur

bantur peccata vera alicuius, sed secreta: Iam enim per talem publicationem persona infamatur cui infamiae leges obuiare prætendunt. Ita Couarr. *libr. 1. variarum capit. 1. numer. 2. & capit. 12. num 6.* & alij communiter, potest etiam fieri libellus famosus absque scriptura, si videlicet infamator apponat aliquod signum externum declaratum delicti occulti, vel falsi, per quod signum persona infamatur. Vt apponendo imagines, figuras vel alia signa declarantia peccatum occultum: quale etiam est affigere cornua ad fores alicuius, vt tradit Molina *tract. 4. de Iust. disput. 35. num. 1.*

3 Scribere litteras infamatorias alicui, easque ad illum dirigere, non est libellus famosus, quia non scribuntur, vt diuulgetur peccatum secretum, potest enim is, ad quem mittuntur, non publicare sua peccata: censetur verò libellus famosus si quis peccata alicuius scribat in epistola, illamque mittat ad alium non culpatum, vt talia peccata reuelat: nam in substantia facit id quod traditur in defructione posita. Imò addit Molin. *citata disp. num. 2.* & sequitur Regin. *libr. 24. tom. 2. num. 16.* tales esse litteras quæ de occulto crimine mittuntur ad iudicem, vel Prælatus vt pro officio de tali delicto inquirent, vt possint illud punire: idem dicendum, etiam si hæ litteræ ponantur in mensa, vel loco vbi Prælatus inueniat: & etiam si in illis citentur testes conscij criminis. Facit quod traditur in *cap. Inquisitionis §. adhuc, de accusationibus.* in quo schedula huius generis appellatur libellus diffamationis, & iubetur, ne illius prætextu fiat inquisitio. Addunt aliqui ad libellum famosum requiri, vt scriptura non firmetur nomine auctoris, inuuentes non fore libellum famosum si careat subscriptione illius, est tamen pro certo habendum etiam dici libellum famosum, licet auctor subscribat: nam re vera infamat iniuste, & competit illi definitio tradita; quamuis fateor, tunc magis cerni malitiam libelli cum auctor non subscribit: quia tunc solum intendit infamare, & non probare.

4 Dicetur etiam libellus famosus etiam si scriptura, vel signum appositum, non publicet delictum, sed solum

lūm publicet maculam generationis occultam. Hoc enim verè est infamare iniustè, quando de tali macula ignoratur: Imò hanc publicationem aliquando aliqui molestius ferunt quàm publicationem peccati occulti.

5 Dictum est *peccati occulti*. Nam si peccatum iam erat publicum illud scribere, vel de illo carmina componere, ut decantentur, non erit libellus famosus, quia non publicatur occultum. Erit verò libellus famosus, eiusque publicatio, si carmina, vel cantiones compositas de aliquo crimine occulto nondum publicato, publicè decantentur. Ita Molina *cit. disp. num. 2. & 4.* Vbi etiam addit esse libelli famosi reum illum qui composuit, & in loco publico posuit, etiamsi alius inueniens scripturam laceret, nec effectus publicationis sit subsequutus: iam enim re vera libellum famosum composuit, & poenam compositoris meretur in foro interno, & in externo si delictum probetur.

6 In ordine ergo Minorum in statutis General. Tolletanis *tit. de casibus reservatis*, decimus casus est compositio, iniectio vel publicatio libelli famosi. In quo tres actiones, seu tria genera personarum comprehenduntur, quæ tribus actionibus diuersis possunt hunc casum incurrere. Primus casus est, illius qui composuit libellum famosum, & posuit in loco publico, etiam non secuto effectū publicationis, quia licet alter inueniens laceravit. Secundus casus est illius, qui puidem non composuit, seu non scripsit libellum, sed illum ab alio compositum posuit in loco publico, ut diuulgaretur. Tertius, est illius qui nec libellum scripsit, nec illum ibi posuit, sed ibi inuentum reserauit, & publicavit. Hic enim tertius publicè etiam infamat, & lege naturali tenebatur illum libellum lacerare, ne proximus infamaretur. Omnes enim hæ tres personæ peccant mortaliter, & tenentur ad restitutionem infamiæ secutæ iuxta regulas traditas in materia de restitutione, ut in particulari tradunt Molina, & Reginald. *locis supra citatis.*

7 Quod verò omnes prædictæ tres personæ incur-
rant

rant casum reservatum in ordine Minorum per quamlibet actionem ex illis tribus, constat ex verbis prædicti statuti: loquitur enim per disunctionem, *vel.* Vnde quicumque aliquam ex prædictis actionibus exercuerit, in qua iuxta prædictas regulas concurrant conditiones libelli famosi, committer peccatum reservatum & tenebitur ad restitutionem. Qui verò simul scripserit libellum, & posuerit in loco publico, vnum tantum reservatum committeret, quia in genere moris illa duplex actio, est vnum tantum peccatum. Qui verò solum posuerit in loco publico scriptum ab alio etiam committit reservatum, licet non publicetur, quia alius laceravit. Qui denique positum, & scriptum ab alio publicaverit, licet illam scripturam inueniat obsignatam, siue apertam, etiam committit reservatum, quia etiam infamat ex supradictis. Et statutum vult omnibus viis intercludere aditum iniustæ diffamationi proximi, & omnia hæc colliguntur clarè ex verbis statuti, & sic tradunt expositores huius casus reservati.

8 Duo tamen insurgunt dubia. Primum circa id quod dictum est, illum qui solum scripsit, vel composuit libellum, non secuto effectu diffamationis, incidere in casum reservatum. Nam cum ista reservatio sit lex pœnalis, & lex pœnalis non puniat pœna totali crimen attentatum, sed crimen consummatum: cum illud intentum diffamationis non fuerit consummatum propter impedimentum, non videtur incurri pœna reservationis. Respondetur: Primò reservationem casus in rigore non esse legem pœnalem, neque datam in pœnam delicti: sed solum esse negationem iurisdictionis pro danda absolutione; idque ad bonum regimen Ecclesiæ, pœna enim talis delicti alia est secundum leges exterius infligenda. Cum ergo reservatio non sit lex pœnalis, poterit Ecclesia reservare casus modo sibi placito, etiam si sint interni, ut omnes fatentur. Respondetur secundò illam compositionem, seu scriptionem libelli, etiam non publicet, esse peccatum consummatum in genere libelli famosi facti, seu scripti. Est enim opus externum, & peccatum mortale, etiam si non pu-

hlicetur, & posset puniri excommunicatione quæ est grauior pœna: eo nempe modo, quo Ecclesia punit excommunicatione hæresim secretam prodeuntem in actum externum, etiamsi talis actus numquam publicetur, neque ab aliquo sciatur: per accidens enim est eam sciri. Sic etiam voluit religio in odium tanti criminis quale est huiusmodi libellus, reseruare solam compositionem, & scriptionem illius externam: cum maximè videat neminem illum scribere, qui non habeat animum publicandi.

9 Secundum dubium est, Quid si istum libellum famosum inueniat ille contra quem scriptus est, & ipsemet contra se publicet an committer casum reseruatum? Credo quod non. Nam finis istius reseruationis est ne proximus infametur, vt patet: cum ergo vnusquisque sit dominus suæ famæ, & possit cedere suo iuri (dummodo non sit persona publica, &c.) poterit iste publicans libellum contra se factum, publicare, se ipsum publicando, cedens suo iuri (si potest) cum nullum infamet. Id quod tunc verius erit, quando libellus famosus continet crimina falsa, quibus publicatis ipse innocens non infamatur. Et præterea quia sic publicans libellum contra se, non infamat autorem libelli, cum ipse non subscribat libellum.

10 Quæris an prædictum casum reseruatum committat is qui consuluit, vt fieret libellus, vel is qui scripsit iussa alterius non vt autor, sed vt famulus: vel alio modo concurrens, & subministrans eidem actui? Respondeo quod non, quia statutum, vel lex solum loquitur de componente, proiiciente, & publicante. Quæ verba cum sint saltem in materia odiosa, sunt restringenda, & in significatione vsitata accipienda: ne proinde extendenda ad cooperantes qui non sunt autor, componens, proiciens, aut diuulgans.

11 Vt velò magis sciatur tanti criminis magnitudo, leges ciuiles hoc delictum puniunt pœna mortis. Ita Molina tract. 4. de Iustitia disp. 39. n. 2 ibi citat. l. lex Cornelia § si quis librum ff. de iniuriis. quòd ibi exponit Molina intelligendum esse, quando libellus famosus continet

uinet crimen, quod si probaretur, is contra quem scriptus fuit capite puniretur. At neque in hoc casu autorem libelli puniri poena mortis, sed triremium, tradit Iulius Clar. *in sua pract crimin. q. 68. n. 25.* Et in aliis casibus dicit puniri poena arbitraria pro qualitate criminis. 12 Multum iuuat scire ad maiorem notitiam praedictorum qualiter leges nostrae Portugalliae decernant circa libellum famosum. Nam in *Ordinat. Portugal. libro 5. tit. 84.* in summa sic deciditur. Primò, ut qui talem scripturam apertam inuenerit, & legerit, statim laceret, ita ut amplius legi non possit, neque illam lectam ullo modo publicet: Si verò publicauerit, vel alicui ostenderit, puniatur illa poena qua puniendus erat author libelli famosi. Secundò, quòd si scriptura reperta clausa fuerit absque titulo ad quem dirigatur, illam aperiat, & si inuenerit infamatoriam, statim laceret: Si verò illam publicauerit modo proximè dicto, puniatur eadem poena auctori imponenda. Tertiò, autorem libelli iubet puniri maiori poena quàm puniretur ipsemet auctor verba scripta in libello dicens in praesentia ipsius diffamati: cum diffamare per libellum famosum arguat maiorem malitiam quàm verbaliter dicere verba in praesentia diffamati. Poena verò tunc imponenda, ait Rex, computabitur iuxta qualitatem verborum in libello contentorum. Quae lex sanè satis æquissima, & rationabilis est. Ei potest esse exemplum, ac norma puniendi talis criminis in Religionibus. Quod autem infamia per libellum famosum sit maior, & plus noceat, quàm in praesentia facta verbaliter, probat Molina *cit. disp. 39. n. 2. ex l. unica Cod. de fam. libell. & l. 3. tit. 9. part. 7.* quia scilicet infamia scripto facta, longius, & amplius serpit, ac peruat, & praeterea diutius durat quàm infamia verbalis.

13 Maius est quod refert Ioan. Baptista additionator Lulij Clari *ad pract. Crimin. quest. 68. num. 63.* ubi refert duos Motus proprios, alterum Pij V. alterum Gregor. XIII. qui in statu Ecclesiastico iubent puniri poena mortis autorem libelli famosi continentis laesionem notabilem famae alicuius. Sed illud decretum pro sta-

tu Ecclesiastico, credo solum valere pro locis subiectis Romano Pontifici in temporali iurisdictione : quæ loca dicuntur status Ecclesiasticus, seu Patrimonium S. Petri.

L I C E N T I A.

Licentia data à superiore stando in iure communi, non expirat morte concedentis, nisi reuocetur à successore. *cap. si super gratia. de officio delegati, eum glos. ibi, & Nauar. libr. 3. Consil. tit. de Cleric. non residentibus. consil. 4. Dixi, de iure communi Canonico*, quia de iure particulari Religionum videnda sunt statuta cuiusque. In Franciscana enim, licentia data ab vno Prouinciali, vel Generali expirat mortuo vel amoto ab officio concedente, donec alius loco dantis substituatür. Et hoc intelligo de licentia data ad absolueudum à reseruatistis non verò de aliis dispensationibus factis pro necessitatibus, vt mox dico.

1 Hoc tamen certum est apud omnes quod quando Prælatus dispensat cum aliquo subdito ratione necessitatis corporalis, vel spiritualis, talis dispensatio durante necessitate non finitur expirante illo Prælato dispensante, sed manet fixa, neque indiget reuocatione vt ita dicam successoris Prælati: quia talis dispensatio propriè non est licentia, vt Doctores dicunt in materia dispensationis, licet communiter has dispensationes vocemus licentias. Sanchez libro 8. de matrim. disp. 28. vbi fusiùs hac de re.

2 Si Regula, statutum, vel mandatum Superioris dicat, ne fiat tale, vel tale absque licentia expressa, vel in scriptis, subditus oppositum faciens iis non seruatis, peccat pro grauitate materiæ: debet enim expressè petere, vel scripto obtinere. Licentia verò expressa est illa quæ exprimitur à Superiore, verbo, epistola, nutu, vel alio signo sufficienti, ad mentem suam declarandam. Si verò lex, vel statutum dicat ne fiat aliquid sine
licentia

licentia speciali, vel absolute, absque licentia, sufficit licentia virtualis, vel tacita, quam subditus scit certo moraliter sibi à Prælato concedendam, & tunc non peccat saltem in foro conscientiae: hinc enim locum habet dictum aliquorum Iuristarum, quod tacitum habetur pro expresso. Et cum ista licentia virtuali, & tacita ministrantur licite aliqua sacramenta alias prohibita, & alia in rebus grauib, vt Sanchez *de Matrim. libro 3. disp. 35. n. 2.3. & 4. & 20. & Suarez 3. tom. de sacr. disp. 72. sect. 2. §. hinc.*

3 Licentia ad edendas carnes tempore prohibito extenditur etiam ad oua, lacticia eodem tempore, eodem modo licentia ad oua extenditur ad lacticia, Sanchez *lib. 8. de Matrim. disp. 1. n. ultimo.* Hæc verò licentia ad carnes, oua, & lacticia pro tempore prohibito non cessat morte concedentis, vel illo amore ab officio durante necessitate; similiter de licentia non ieiunandi, & similibus, vel ad recipiendos ordines, Sanchez *lib. proxime citato, disputation. 28. à n. 77. & sequentibus.* Et de licentia concessa à Prælato vt confessor dispense cum pœnitentibus ad petendum debitum si sunt coniugati, & impediti ob votum, vel incestum, de quo ultimo iam supra, vide Sanchez *citato loco.*

A D D I T I O.

1 **L**icentia concessa alicui ad aliquid faciendum & reuocata ab ipso concedente, non habet effectum reuocationis, donec reuocatio intimetur illi cui data erat licentia. Ac proinde quandiu illi non intimatur certo talis reuocatio facta in generali, vel speciali reuocatione, potest licite uti tali licentia, & acta per illum si pendent à iurisdictione sunt valida. Ita Sanchez *libro 3. de Matrim. disp. 36. num. 9.* Vnde colligit Regin. *tom. 1. lib. 1. num. 105.* illum cui Episcopus dedit licentiam ad confessiones audiendas, si forte Episcopus reuocet prædictam licentiam, posse illa uti donec talis

reuocatio sibi intimetur. Ratio est, quia res per easdem causas nascitur, & dissoluitur, ut habet regula iuris in
 6 Cum ergo audire confessiones per solam licentiam dantis expressè, intimatam confessori concedatur; pari modo per expressam reuocationem intimatam confessori reuocabitur. Et ait Sanchez *cit. numer. 9.* & clarius *eodem libr. 3. disputat. 3. numer. 11. & 13.* non sufficere, ut is cui data est licentia sciat aliunde reuocatam sibi esse licentiam, sed necessarium esse ut per nuntium ad id destinatum reuocator illis ipsi intimet reuocationem. Idem intellige sufficere quando Prælati scripto in genere reuocat licentias concessas aliquibus pro aliqua re facienda: Hæc enim reuocatio generalis iam est specialis intimatio. Imò addit Sanchez *cit. disp. 30. num. 17.* quod si Vicarius positis ab Episcopo, reuocetur ab ipso Episcopo absente, & de hoc moneatur Vicarius à persona fide digna non missa ab Episcopo, talis Vicarius non perdit iurisdictionem, sed potest procedere, donec Episcopus illi intimet reuocationem, vel per epistolam, vel per nuntium destinatum, & citat Boërium, Rebuffum, Cucum. Et hæc applicabis ad licentias alias concessas à Prælati pro aliis rebus minoribus non pendentibus à iurisdictione.

2 Concessa alicui licentia ad aliquod opus faciendum, intelliguntur illi concessa omnia necessaria pro illo fine comparando: Habetur in *cap. praterea. de offic. delegati*: ubi sic habetur. *Ex eo quod causa tibi committitur, super omnibus que ad causam ipsam spectare noscuntur, lenariam recipit potestatem.* Idem habetur in *l. 2. ff. de iurisdic. omn. iudicum.* Patitur hoc dictum hanc exceptionem: ut scilicet utatur is cui tale conceditur omnibus mediis, dummodo aliquod medium non sit specialiter interdictum. Exemplum. Conceditur aliquando Episcopo ut procedat contra Religiosum in aliquo casu tanquam delegatus Papæ: si illi non conceditur expressè, ut ad illum finem valeat fulminare censuras, has non poterit publicare contra Religiosum, quia specialiter prohibetur cuicunque Iudici Ecclesiastico ponere censuras contra Religiosos, nisi ipsis specialiter

cialiter concedatur. Vide quæ suprà diximus verb. *Episcopus, num. 5*

3 Licentia seu iurisdicção nihil prodest illam ignorantem aliquid cum licentia à parte rei sibi concessa, & tamen ignorata, nihil valere. Et simul probat licentiam non posse conferri alicui solo actu interno, pro quo citat Victor. Ledesm. *V. gam.*

4 Licentia data ab Episcopo, ut Religiosus confessiones sæcularium audiat, si talis confessor fuerit legitime præsentatus à Prælato, non poterit Episcopus illam amplius reuocare ad libitum sicut potest reuocare licentias datas clericis. Nam illa potestas data Religioso ad confessiones audiendas non datur ab Episcopo, sed à Papa Ut colligitur ex Clementina *dudum de sepulturis*: At licentia data suis clericis conceditur ab ipso Episcopo: proinde potest reuocare datam clerico, non verò datam Religioso: Nisi fortè ob culpas Religiosi, quando id Episcopus poterit facere, de quo vide quæ dixi suprà ver. *Episcopus num. 2.*

5 Licentia quam Prælatus dedit subdito per modum dispensationis, dispensando videlicet ob causam, ut v.g. comederet carnes. vel oua, tempore prohibito, vel quid simile, talis licentia, vel dispensatio durante causa, non potest reuocari à Prælato. Probatur euidenter, nam obligatio semel extincta non reuiuiscit, ut votum semel irritatum, vel dispensatum, amplius non reuiuiscit, ut omnes fatentur. Ergo illa obligatio subditi in illo particulari, semel ablata per dispensationem legitimam non reuiuiscet per solam voluntatem Prælati: is enim sola sua voluntate, non potest suscitare semel extinctam obligationem. Dixi *durante causa*: quia illa cessante, cessabit dispensatio: ut si dispensatum fuit in esu carnum tempore Quadr. propter morbum præsentem, & postea intra paucos dies sanitas est recuperata, cessante causa ob quam data est dispensatio, ipsa quoque dispensatio cessabit.

L I T E R Æ , V E L

Epistola.

Vide infrà verb. *Pœna falsarij num. 9. & 10.*

1 **L**iteræ, seu epistola missa ad Prælatum, referens multa delicta de aliquo Religioso, si non habet subscriptum nomen authoris, caret omni fide: neque propter illam potest Prælatus aliquid inquirere de tali Religioso, etiamsi ibi testes criminis citentur. Patet, quia tunc neque datur accusator, neque denunciator, vterque enim debet esse persona certa, & subscribere debet suo dicto. Poterit tamen Prælatus in occulto monere Religiosum relatum in epistola, ut sibi caueat. *Rodr. tom. 2. quæst. 6. art. 10.*

2 Literæ particulares continentes defectus, si coram Iudice regulari cognoscantur à proprio authore faciunt plenam probationem: si verò non recognoscantur, & negentur, poterunt comparari cum aliis eiusdem literis, & si omnino similes inueniantur, faciunt semiplenam tantum probationem. *Rodr. tom. 2. q. 12. art. 5.*

3 Scribens literas ad suum Prælatum contra alium Religiosum non est infamator illius, si scripsit bono animo: secus si scripsit animo iniuriandi. *Rodr. tom. 2. q. 30. art. 2.*

4 Si sub pœna excommunicationis à Papa, vel alio Prælato prohibeatur ne scribantur literæ, verb. grat. ad Moniales, vel quid simile: si quis scripsit tales literas, & dedit abellario, illæ tamen non peruenierunt, vel iniuria, vel malitia delatoris, prædictus scribens non incurrit illam censuram, peccauit tamen mortaliter, & non incurrit, quia illa prohibitio intelligitur cum effectu secuto, ut scilicet literæ perueniant: idemque dicendum, si postquam scripsit, retractauit, & non misit. *Navar. lib. 5. Consil. titulo de excomm. consil. 60.*

5 Præ

5^o Prælati aperiens litteras subditi ad Papam, non peccat, maximè si faciant ex aliqua causa iuxta Nau. lib. 6^o tit. Consil. 33. num. 3.

A D D I T I O.

1. **L**emens VIII. in decreto de casibus reservatis pro Religiosis undecimum casum reservabilem posuit istum contentum in titulo. In Ordine verò Minorum, idem reservatur, numero duodecimus. Sed uterque diuerso modo, ac diuersis verbis. Clem. VIII. sub his verbis: *Malitiosum impedimentum, aut retardatio, aut apertio litterarum, à Superioribus ad inferiores: vel ab inferioribus ad Superiores.* At in Ordine Minorum sub his verbis: *Apertio litterarum Prælatorum, vel malitiosa earum retentio.* Ac proinde diuersæ conditiones requiruntur, ut quis in vno, vel in alio casu reus fiat: quanuis in substantia, vel quoad aliqua conueniant ambo casus.

2. Quod ergo attinet ad reservationem Clem. VIII. per tres actiones in illo casu prohibitas potest incurrere: prima est, si malitiosè retardentur tales litteræ, vel pro aliquo tempore detineantur, ne veniant ad manus Prælati, ad impediendam aliquam executionem faciendam à Prælato. Quamuis enim postea tales litteræ Prælato dentur incurritur ille casus per malitiosam illam detentionem, negotij iusti retardationem. Dicitur, *malitiosum*, quia si bono animo impediuntur, ut scilicet commodiori tempore mittantur, non incurratur talis casus. Credo etiam non incurrere, si detinens illas litteras Prælati, scit moraliter Prælatum malè informari pro aliquo casu, vel petitur executio iniusta: tunc enim detinere litteras non fit malo animo. Idem dicendum quotiescunque causa aliqua iusta concurrerit ob quam arbitrio prudentis viri dicetur id fieri sine malitia, ac proinde sine peccato, ut si credam negotium in literis contentum iam esse expeditum, & litteras non esse

necessarias, vel quia scio ex illis Prælaturum magnam recepturum molestiam, & sic de cæteris, vel quia litteræ obtentæ sunt in meum fauorem, & ego nolo mittere, cedens meo fauori. Et hæc omnia faciunt etiam pro secunda actione in casu impediendi, vt mox dicemus.

3 Secunda actio sufficiens ad incurrendum illum casum, est impedire illas litteras tali modo, vt postea non dentur. Differt enim ista impediendi actio, ab illa priori retardationis: nam retardare, est pto aliquo tempore malitiosè detinere, & postea illas litteras dare: at impedire est facere vt nullo modo postea dentur comburendo scilicet, vel lacerando. Et in hoc etiam casu impediendi requiritur malitia: si enim fiat bono animo, & occurrente aliqua iusta causa ex iis quas diximus numero præcedente, non incurreretur casus reservatus. At si fiat malitiosè tam retardatio, quàm impediendum, incurreretur casus, quauis retardans, aut impediens litteras non aperiat: vt patet ex ipso decreto loquente per disunctionem, *aut*. Apertio enim litterarum est actio distincta à præcedentibus.

4 Tertia actio per quam incurritur ille casus, est apertio litterarum, & ista clara est. Quæ primò intelligitur de quibuscunque literis missiuis Prælatorum ad subditos. Papa enim non distinguit si mittantur à Prælato, vt Prælatus est, vel vt persona talis: sed in communi dicit, Prælati ad subditum. Secundò non incurrer hunc casum Clem. VIII. qui aperuerit litteras Prælati ad aliquem secularem, vel ad aliquem non subditum, quia Papa limitat de epistolis ad subditos. At Minorita incurrer casum reservatum in Ordine Minorum aperiens litteras Prælati ad quæcunque etiam non subditum, quia reservatio Minorum est generalis, & non distinguit de subditis, vel non subditis. Idem modò dictum de limitatione apertionis litterarum Prælati ad non subditum, extende in eadem reservatione Clem. VIII. de retardante, vel impediente litteras Prælati ad non subditum, tunc enim non incurrer reservationem, quidquid sit de peccato mortali.

5 Incurrer etiam hanc reservationem, qui litteras

Præ

Prælati subtiliter aperuerit, & postea obfignauerit, & clausas dederit Prælato; iam enim verè aperuit. Ac non incurrer, qui ex cubiculo Prælati epistolam à se mittendam, sed adhuc apertam legerit, vel raperit, & idem fecerit de epistola subditi ad Prælatum aperta in eodẽ cubiculo: nã hic neque retardauit, neque impediuit, neque aperuit: quidquid sit de peccato illius.

6 Si autem hæ tres actiones, vel aliqua ex illis fiant circa literas missas à subdito ad Prælatum incurrer reservationem Clementis VII. quia decretum clarè exprimit Ac proinde retardans, impediens, vel aperiens malitiosè literas subditi ad Prælatum committet peccatum reservatum, nisi etiam excusetur ob aliquam causam ex dictis n. 1. propter quam censetur non peccare, nec facere malitiosè.

7 Quod verò attinet ad formam reservationis pro Ordine Minorum, in primis illa coincidit cum reservatione Clem. VII. in aliquibus. Primò in malitiosa retentione, vel apertione litterarum Prælati ad subditum. Quandocunque enim malitiosè fuerint retetæ, vel apertæ, ac lectæ, cum conditionibus supradictis erit peccatum reservatum. Solum superest aduertere quod Clemens VII. in sua de reservatione vtitur tribus verbis, videlicet, *impedire, retardare, aperire*. At reservatio Minorum, vtitur duobus tantum videlicet, *aperire, vel retinere*. Sed ego credo, quod verbum, *retentio* pro Minoritis comprehendit utramque actionem videlicet retardationem malitiosam, ut dentur tempore non commodo: & impeditionem lacerando scilicet vel comburendo, ut nunquam dentur. Hæ enim ambæ actiones eodem tendunt, & in vtraque eadem est ratio: imò maior malitia est in actione impediendi ne vnquam dentur quàm in retardatione, ut tempore non commodo dentur.

8 Differunt verò hæ duæ reservationes D. Clem. VII. ac Minoritarum pro quo Clem. VII. ampliat in hoc quod est ponere reservationem etiam pro literis missis à subdito ad Prælatum. Et reservatio Minoritarum solum ponitur circa literas Prælatorum ad subditos.

subditos. Et sicut dixi, reservatio Clem. V I I I. est magis extensa, ac bono regimini congruentior. Convenit enim bono regimini, ac quieti, & consolationi Religiosorum, ut eadem securitas adhibeatur literis Prælati ad subditum, quàm subditi ad Prælatum. Eadem verò quæ notauimus suprà n. 2. ad excusandum subditum circa casum reservatum Clem. V I I I. valebunt etiam ad illum excusandum in reservatione Minoritarum.

9 Secundò differunt prædictæ duæ reservationes quod Clem. V I I I. reservat illa tria circa litteras tantum Prælatorum ad subditos, vel è contra. At reservatio Minoritarum quoad hoc est extensior, reservat enim in communi apertionem, vel retentionem litterarum Prælati, siue illas mittat ad subditum, siue ad quencunque non subditum, ut patet ex verbis reservationis. Nomine verò *litterarum* intelligi videtur non solum epistola missa, sed etiam quoduis mandatum, licet sit in litteris patentibus, ut vocant, quæ apertæ iubentur pro executione alicuius negotij: has enim apertas retardare, vel impedire in utroque casu erit peccatum reservatum; sunt enim litteræ Prælati, etiam patentes: & in illis cernitur idem finis legis. Nomine verò *Prælati* in utroque casu, intelligitur Prælatus Ordinis illius, in quo degit Religiosus. Vnde non erit reservatum peccatum illa facere circa litteras Prælati alterius Ordinis. Hoc præcipuè quoad Minoritas probo, ex alio reservato Ordinis, videlicet in falsificatione sigilli Prælatorum Ordinis. Ibi enim ultra Prælatos Ordinis, statim ampliatur: *Vel alicuius persona in dignitate constituta*, ut suprà diximus *ver. Falsarius*. At in hoc casu de litteris Prælatorum, non fit talis extensio ad Prælatos alterius Ordinis, vel Ecclesiastici: Idque clarius constat in reservatione Clem. V I I I. qui clarè solum loquitur. de Prælati litteris ad subditum, & è contra; ac proinde non loquitur de litteris Prælatorum extra Ordinem.

10 Dixi olim in expositione casuum Clem. V I I I. (& scio aliquibus dictum placuisse) quod subditus sciens moraliter in quadam epistola ad Prælatum contineri falsam,

falsam, & iniustam querelam contra se, posse absque peccato, etiam non reservato, talem epistolam retardare, impedire, vel aperire, quia utitur defensione naturali. Nunc illud confirmo dicto Molinæ tract. 4. de Inst. disp. 36. num. 6 ubi asserit hominem privatum posse licite aperire, ac legere litteras alienas quibus iuste timet damnum aliquod sibi iniuste parari, ut possit illud damnum effugere, Imò addit idem posse quemvis efficere apertendo litteras ex quibus scit damnum alteri proximo iniuste parari. Quod potest ad intentum applicari circa litteras missas ad Prælatum, vel subditum, si iuste timeo inde damnum iniustum. Parum enim interest quod in apertione litterarum sit posita reservatio: quæ non est posita in litteris ordinariis sæcularis ad sæcularem. Nam si defensio naturalis, vel obviatio mei damni iniuste inferendi à Prælato me excusat à peccato mortali: etiam me liberat à reservatione quæ non ponitur nisi pro peccato mortali. Si verò damnum, & punitio in litteris mandata sit iusta, & mihi debita, vel informatio subditi sit vera, erit mortale reservatum aliquid ex illis facere circa litteras, iam enim facio animo iniusto, & malitioso impediendo actum iustitiæ.

II Quæris. Dixi suprà verb. *Casus reservati num. 17.* quod si aliquis inferior reservavit casum: & postea Superior reservavit eundem casum, non potest iam inferior ab illo absolvere, quia inferior non potest dispensare in lege Superioris. Huius occasione quæris, si in aliquo Ordine sit reservatus circa litteras Prælatorum, ut sit in Ordine Minorum: & ultra hanc reservationem etiam in Capitulo reserventur omnes casus contenti in decreto Clem. VIII. eiusque reservatio circa easdem litteras Prælatorum, ut diximus: quæris, inquam, utrum in tali casu, & reservante Ordine, & reservante Papa Superiore, sit dicenda duplex reservatio; & possit absolui prædictum peccatum absque recurſu Papæ? Respon. In utroque casu unam tantum esse reservationem, & hanc posse absolui à Prælatiſ Ordinis habentibus ad id licentiam. Ratio diversitatis est: quia id quod diximis citat. num. 17. suprà, intelligitur quan-
do

do ultra Prælatum inferiorem referuante[m], etiam Prælatus Superior sibi ipsi referuauit. At Clemens VIII. non sibi ipse referuauit illum casum, imò neque casum referuauit, sed solum designauit ac permisit vt à Prælatis Ordinum posset referuari: & proinde vnica tantum est referuatio, Ordinis videlicet, non Papæ, à qua Prælati Ordinum possunt absoluere. In prædicto verò casu quando Prælatus Superior sibi referuauit post referuationem inferioris, sunt duæ referuationes distinctæ, & impetrata licentia à Superiore Prælato, non erit necessaria licentia Prælati inferioris.

LVDVS, SEV LVDERE.

1 **L**Vdus, maximè alearum prohibitus est Monachis, & clericis in iure Canon. *cap. Episcopus 35. dist. 6. c. inter dilectos de excessib. Prælatorum.* Hoc tamen multi limitant, maximè Ludouic. Beia in suis *Resp. Moral. 1. p. casu 61. f. 139. col. 3.* dicens, vt clericus Monachus committat peccatum mortale in ludo alearum, vel in quouis alio, requiri tres conditiones: prima est vt fiat frequenter, & sæpius: quod ipse colligit ex textu ibi citat. Secus si aliquando, clericus, vel Monachus faciat recreandi animi gratia, non sæpius. Secunda conditio in clerico, & Monacho est, vt fiat sine scandalo: si enim cum scandalo fiat, erit peccatum mortale, vt si Monachus maximè Franciscanus, luderet cum pecunia coram se posita, vel alius non Franciscanus luderet notabilem summam pecuniæ cum scandalo. Tertia conditio est in clerico, qui peccabit mortaliter, si de redditibus sui patrimoniij luderet quantitatem notabilem, quæ deberetur pauperibus. Ac proinde infert Beia *cit. l. ex Sylu.* Clericum, vel Monachum ludentem cum scandalo, vel notabilem summam, vel cum frequentia, peccare mortaliter.

2 Ex dictis sequitur, Monachum ludentem absque scandalo, & in modica quantitate, & non frequenter, sed

sed animi recreandi gratia, non peccare mortaliter etiā si sit ludus alearum. Vt autem hæc locum habeant obseruandæ sunt multæ circumstantiæ. Videlicet loci, personarum assistentium Monachi ludentis si sit Minorita, vel gravis quantitatis in ludo expositæ: statutorum ipsius ludentis in Religione factorum: & sic de cæteris circumstantiis; atque ex illis colligenda est culpa Monachi ludentis. Hæc enim culpa poterit esse mortalis, vel ex statuto prohibente expressè talem ludum, vel ex scandalo, vt si Minorita ludat apposita pecunia, vel promissore illam soluturo assistente, & sic de cæteris, iuxta arbitrium prudentis viri. Si verò quæras quantum summam, seu quantitatem possit Religiosus ludere, qualisqueque ille sit: Ego credo illum posse ludere illam quantitatem, quam extra ludum licitè donare, vel alienare potest iuxta suam regulam, & constitutiones. Hæc enim regula certa est, & generalis. Si enim, v.g. tres regales donare potest, iuxta suam regulam, & constitutiones, vel quid simile, minus, aut maius: idem etiam poterit alienare ludendo, parum enim interest si potens donare, vel alienare, donet aut alienet gratis, vel per ludum sibi aliàs licitum. Quod semper intelligo dummodo talis ludus, alearum scilicet, non sibi sit specialiter prohibitus, & cesserit scandalum. Videat ergo Religiosus suas constitutiones, & circumstantias supradictas vt sciat quid sibi faciendum sit.

3. Lucratum in ludo à filio familias, vel à Religioso, quod Religiosus ludere non poterat, tenetur restituere, *Rodrig. Add. ad Sum. tom. 3. c. 18. concl. 10.* vbi aduertit cum *Rabello de Oblig. Inst. 2. p. lib. 12. q. 4. n. 15.* hanc restitutionem de ordinario non esse faciendam ipsi Monacho ludenti; quia ex hoc occasionem sumet, vel iterum ludendi; vel malè expendendi: sed faciendam esse Conuentui, vel Ordini cuius est filius. Quod verò in hoc casu interueniat obligatio restitutionis, omnes faterentur, quia Monachus non potest alienare, neque donare, sicut non potest seruus.

4. Scrupulo potest quis agitari, an quando Religiosus ludit cum sæculari, hoc soluturo rem temporalem, verb.

veib. grat. gallinam : Religioso verò pro illo dicturo Rosarium : an, inquam, hoc sit simonia dando rem spiritualem pro temporali ? Respondet Rodriguez loco proxime citato, *conclus. 9.* non esse simoniam, & idem tenet Ludouic. Lopez 2. p. *Instruct. capit. 32. ad finem*, & tenent alij.

MANVS VIOLENTÆ.

Pro hoc vide infra verbo *Pralatus*, num. 33.

Rodriguez in *Summ. moral. 2. parte, capite 80* *conclus. 13.* dicit, quòd qui in occulto propinat venenum Clerico in cibo, vel potu, non faciens illi violentiam vtumat, ex quo sumpto Clericus mortuus est, non incurrit excommunicationem manuum violentarum ob percussionem Clerici. Et ait idem responsum esse à Doctoribus Salmanticensibus hac de re consultis. Hoc mihi nunquam potuit placere. Oppositam enim, quòd scilicet incurrat, tenet Suarez, vel saltem clarè innuit *tom. de censur. disp. 5. sect. 1. num. 15. §. Addo questionem. & eodem tom. disp. 44. sect. 3. num. 5.* maxime in fine, & *disput. 22. sect. 1. num. 23. & num. 28.* dum ait generaliter manus violentas esse omnem actionem, quæ non solum naturæ, sed etiam iustitiæ repugnat, & tangit ipsam personam : quid autem magis naturæ repugnat, ac personam tangit quàm venenum auferens vitam ? Teneat idem expressè Ludouicus de Beia. in *Respons. Moralibus, 1. parte, casu 46.* fusè, & euidenter id supponens Et innuit clarè Sayrus, *lib. 3. de Censur. cap. 26. num. 11. 12. & 17.* & probatur ex communi definitione manuum violentarum iam proxime tacta ; est enim propinatio venini actio contraria naturæ, tangens personam, & tantam vim inferens, vt auferat animam à corpore, hac enim vi maior vis dari non potest. Et certè mirum videtur quòd fateantur omnes vim fieri Clerico, & incurri censuram, si adiga-

tur

tur recipere se, & recludere domi, absque eo quod tangatur persona, vel vestis; & equi frænum manu teneatur quo vehitur Clericus: non autem inferatur vis per ablationem vitæ. Quovis ergo modo, quod fiat iniuria Clerico cum violentia, dicendum est incurrere hanc censuram, maxime in tali veneni exhibitione.

2 Minus dubium videtur quod tangit Sayrus *libro 5. de Censur cap. 19. num 4.* dicens, quod procurans abortum Monialis, eique potum propinans illa consentiente, non incurrit excommunicationem, quia in primis non dat venenum, nec facit violentiam personæ sacræ, quia Monialem non occidit: imò illa consentit. Si verò occidit foetum animatum, persona foetus non est sacra: nec saltem incurrit hanc positam ob percussione Clerici. Quidquid sit de excommunicatione Sixtiana propter abortum inoderata per Greg. XIV.

3 Incurrunt censuram ob manus violentas percutientes Clericum quemcumque, etiam primæ tantum tonsuræ, dummodo portet tonsuram, & habitum Clericalem, vel sit Clericus coniugatus prima vice cum virgine. Suarez *disp. 22. de censuris, sect. 1. n. 6.* vel etiam si sit incorrigibilis Monachus, expulsus ab Ordine, habens Ordinem sacrum, & innuit Suarez *ibidem num. 9. & 10.* vel etiam si percussus Clericus, sit excommunicatus: quia Clericus excommunicatus non perdit privilegium fori. Capucinus *ver. Absolutio ordinaria quo ad Fratres fol. 28 §. Sed posset.* Non incurrit hanc censuram percutiens Clericum degradatum traditum iam brachio sæculari Suarez *ibidem.*

Quid si Religiosus expulsus ab Ordine est laicus, vel alius carens omnino Ordine sacro, an hunc percutiens incurrat? Innuit quod sic, Rodrig. *Addition. ad Summam, tom. 3. cap. 99. conc. 5.* quia adhuc est verè Religiosus in substantia, maxime si portet habitum; & tonsuram clericalem. Si verò hanc non portet, mihi res videtur dubia, & colligenda per alias percutientem verum Clericum non portantem prædicta. Si tamen hic eiectus absque Ordine sacro, in sæculo committat crimina punienda pœna capitis, non potest Iudex sæ-

secularis illum condemnare, sed ad Episcopum id spectat: est enim adhuc persona sacra, obligata votis; & hoc parer ex traditis per Rodrig. *cit. loco*, & per Suarez *cit. disp. 22. numero 9. 10. & disp. 30. sect. 2. numero 7. & 8.*

4 Si Clericus percussus sit manifestus hæreticus non incurrit illum percutiens. Vmbert. *prætic. Inquisitorum, verb. Clericus. §. Clericum hæreticum*, idque etiam non sit traditus brachio sæculari.

5 Incurrunt etiam percutientes Monachum quemcumque siue Monialem, Nouitium vel Nouitiam, vel conuersum qui propriam professionem non emisit, sed tamen viuit intra claustra cum obedientia, cum habitu non sæculari. Est communis, & Suarez *num. 19. ex multis locis Iuris*. Sed de conuerso intelligo oportere quòd sit donatus, id est, qui se Religioni donauerit obligatione, & quasi contractu facto inter ipsum, & Prælatum acceptantem. Syluest. enim *verb. Oblatus* facit distinctionem, quod oblatus est, qui se & sua omnia sponte obtulit Monasterio habitu non mutato. At conuersus est ille qui hoc ipsum fecit habitu mutato, & viuit in obedientia intra Conuentum, & de hoc secundo non est dubium quod percutiens illum, incurrat.

6 Quæris de puellis fœminis, vel masculis, qui viuent intra Conuentum Monachorum, vel Monialium futuri Religiosi, cum habitu Regulari, & obedientia, & cæremoniis Religiosorum, an hos percutientes incurrant? Pro hoc nullum inueni Doctorem. Pro vna parte occurrit quòd lex pœnalis censuræ non est extendenda, & isti nec sunt professi, neque Nouitij, neque conuersi, pro alia occurrit quòd eadem lex censuræ est priuilegium in fauorem Clericorum siue Ecclesiæ, & sic posset ad has puellas, & pueros extendi, cum aliàs uiuant cum habitu, obedientia, ac disciplina Regulari, admissi ad Sacramenta, & similia. Non consulo. Elige quod visum fuerit. Scio quod *in c. quisquis 17. q. 4.* gaudent hoc priuilegio non solum Monachi, sed etiam personæ specialiter Deo dicatæ, & isti possunt videri personæ specialiter Deo dicatæ.

7 Commendatarios Ordinum militarium, qui percutiunt

cutiunt, incurrunt hanc censuram, vt tenet Vega 1. par. *Sum. moral. c. 8 §. casu 147. §. lo septimo nota.* Pro quo citat Nau. & Graffis. Sunt enim viri Religiosi per declarationes Pontificias ibi adductas: & portant habitum Regularem sui Ordinis. Vide infra, *ver. Tertiarij n. 3.*

8 Tertiarij Sancti Pat. Francisci, vel S. Dominici, non gaudent hoc priuilegio; nisi viuant in Congregatione, & portent habitum distinctum à sæcularibus. Suarez n. 20. Neque Eremita ordinarius, nisi fortè ille alicui loco sacro fuerit addictus cum speciali subiectione ad Episcopum ex voto, pacto, ob quæ dici debeat persona specialiter Deo dedicata.

Dubium graue: an incurrat hanc censuram intendens de nocte percutere Petrum Clericum: & casu non hunc, sed Ioannem Clericum percussit? Aliqui absolutè affirmant, vt Cou. c. *alma mater*, 1. part. § 10. n. 15. Alij simpliciter negant, placet distinctio Suarez dicentis *disp 22. de cens. § 4.* quod si taliter percutiens fecit omnem diligentiam moralem ne alia persona ibi subesset nisi Petrus Clericus, tunc non incurrit; quia tunc illa percussio circa Ioannem fuit omnino inuoluntaria, & casualis: secus si non fecit talem diligentiam. Ego pro parte negatiua etiam adduco hoc aliquale exemplum. Nam Congregatio Card. super Conc. Trid. anno 1587. declarauit quod mandans occidere Petrum, si mandatarius occidit Ioannem, non incurrit mandans irregularitatem ortam ex homicidio voluntario. Ita habetur in 4. to. *Declarationum impresso ex Bibliotheca Farinacij fol. 41. col. 1. in fine.* Si ergo taliter mandans non incurris pœnam irregularitatis, quia non est occisus quem intendebat: videtur etiam quod in nostro casu non incurret pœnam excommunicationis occidens Ioann. Clericum, quia non occidit Clericum quem intendebat.

10 Non desunt Doctores qui dicant Clericum se grauitè percutientem, non incurrere hanc censuram, par tamen affirmatiua est communior. Nau. in *Summ. c. 27. n. 97.* & alij multi.

11 Subditus percutiens Prouincialem notabiliter, vel suum Prælatum localem, Guardianum, & similes,

potest eiici ab Ordine si percussio fuerit enormis. *Rodrig. tom. 2. q. 33. art. 2.*

12 Prælati Regularis si temerè absque cognitione causæ verberet subditum Sacerdotem, vel tali verberatione rigorosa, quæ excedat nimis proportionem culpæ, incurrit hanc censuram si faciat maximè irato animo, vel causa vindictæ. Colligitur ex *cap. uniuersitatis de sent. excommuni.* & est communis. Iam enim ille Prælati non exercet correctionem Regularem vel iuridicam, vel paternam, sed actionem violentam. Dixi *si punitio sit nimis excedens*, quia si parum excedat, non incurrit: difficile enim est in his rebus tenere medium, vel rigorem mathematicum.

Vltimò. Si sit tantum leuis aut vehemens suspicio quod vnus Monachus percussit alium, credo quod non est absoluendus in publico ad cautelam cum verberatione solita: primò, quia ista absolutio licet in parte sit beneficium, est tamen pœnalis propter verbera: & supponit ex se factum, quod non est adhuc probatum. Secundò, quia in Tribunali sancti Officij suspecti de hæresi leuiter, vel vehementer non absoluuntur ab excommunicatione annexa hæresi: vt videre potes apud Penham in *Directorio Inquisit.* cum Eymerico à fol. 486. & sequentibus: vbi solum dicit absoluendos esse violenter suspectos fol. 497. & idem habet lib. *Practica Inquisit. verb. suspicio*: quod huc applicari potest: & proinde solum videtur absoluendus exterius suspectus violenter de percussione Clerici.

AD DITIO.

Vltra iam dicta suprâ, vide in his *Addition. verb. Excommunicatio num. 11. & verb. Ignorantia num. 21. & 22.* ibi enim dicta sunt aliqua huc concernentia. Adde sequentia.

1 Rodriguez *tom. 2. qq. Regul. q. 33. art. 2.* tenet quod percutiens grauiter suum Prælatum localem, & Superiores,

niores, potest eiici ab Ordine: vt si quis percutiat Guardianum, Priorem, Prouincialem, & cæteros. Id tamen non admittit, si quis percusserit Vicarium Conuentus, vel Subpriorem: probat, quia in lege ciuili *l. mne delictum, ff. de re milit.* punitur pœna mortis is qui percusserit magistratus: & hoc intelligit Rodriguez si percussio fuerit grauis. Item de Vicario Conuentus idem sentit Rodrig. *ibidem* posse dici, si in absentia longa Guardiani eius loco gubernet: tunc enim debetur illi honor æqualis, atque Guardiano. Ego si tali casui assisterem non eiicerem extra Ordinem talem reum pro sola graui percussione Guardiani. Moueor, quia illa lex ciuilis de pœna capitis in percussorem magistratus, est pœnalis & proinde non extendenda ad similes casus. Secundò, quia illa lex ciuilis fortè non est in vsu in percussione graui cuiusuis magistratus, saltem in hoc regno Portugalliæ. Vidi enim ego in facti contingentia, quendam reum qui Iudici suo vulnus graue inflixit in facie, non daminari ad mortem, sed ad exilium. Fateor tamen grauiori pœna plectendum esse illum, qui Prælatum percutit cæteris paribus, quàm percutientem non Prælatum, est enim crimen multo grauius.

2 Occasione præcedentium vbi fit mentio de percussione graui, nota Minoritas olim petiisse à Papa Ioanne XXII. vt sibi declararet, quæ esset percussio grauis, quæ leuis. Eius responsio habetur in Bullario Rodriguez *fol 100.* cuius summa hæc est.

Percussio leuis, & modica est, quæ fit pugno, palma, manu, pede, baculo, vel iniectioe lapidis, quæ ad mutilationem membri, vel dentis fractionem non accedit, neque ad euulsionem capillorum, nec notabilem sanguinis effusionem, vt si parum sanguinis ex leui percussione flueret. ex verbis verò vltimis à contrario innuit percussione fore grauem si ex illa sequatur mutilatio membri, fractio dentium, auulsio notabilis capillorum, barbæ præcipuæ. Eandem grauem fore percussione dicit pensandam ex circumstantiis, loci, personæ, & modi: loci, si fiat in theatro, foro, coram Rege, coram Prælato, Iudice, vel

in Ecclesia, vel publico, tunc enim erit grauis ratione loci, etiamsi in se aliàs sit leuis. Erit item grauis ratione personæ percussæ, vt si percutiatur Magister, Iudex, Magistratus, Prælatus, ab inferiori, vel si percutiatur pater, patruus, vel aliquis in dignitate constitutus. Ac tandem resoluit Papa arbitrio prudentis, ac Iudicis pensandam esse grauitatem, vel leuitatem percussione.

3 Hinc intelligetur quod ait Rodrig. *citata q. 33. art. 3.* quòd quando in aliqua Religione datur statutum aliquod puniens certa pœna aliquam percussione, debet intelligi de percussione graui, non verò de modica; citat Bald. & Panorm. & alios. Et sic aduertit Religiosos contrauenientes Breuib. Pontificiis in re parua, seu modica quantitate, non esse puniendos pœna totali in illis imposita: vt si Prælatus localis admittat fœminas graues intra claustrum Monasterij statim ad ianuam, seu portam, vt inde aspiciant à longè cæteras partes claustrum, talem Prælatum dicit non esse puniendum pœna totali contenta in Bulla Pij V. priuatione scilicet officij, & sic de cæteris.

4 Si duo Religiosi per iocum, siue iocando se adinuicem percutiant, non incurrunt censuram, vt patet: & hoc est verum etiamsi in ioco sit excessus, & pariter in percussione. Ita Franciscus Longus in *suis casibus reseruatis casu 10. numero 17. & citat capit. 1. de sent. excommunicat.* At in *prædicto cap.* non fit mentio, si excedatur in ioco, vel in percussione solùm dicitur absolute, non esse excommunicatum illum qui percussit Clericum per iocum. Ego tamen dictum authoris istius non condemno, in quantum constet percussione illam inceptam in ioco, taliter crescere vt numquam perueniat ad peccatum mortale: scio enim posse cum aliquo motu iræ non plenè considerato percussione inceptam à ioco posse deuenire ad solum peccatum veniale, ex defectu plenæ aduertentiæ. At scio in re morali posse aliquando actum eundem numero materialiter, in initio esse primò primum, ita vt nec sit peccatum veniale. Deinde lucente aliquan

quantulum magis ratione, posse eundem actum esse peccatum veniale adhuc deficiente plena consideratione. Tertiò affulgente magis rationis radio posse eundem actum esse peccatum mortale propter iam plenam aduertentiam. Quæ omnia possunt contingere in percussione incipiente per iocum, maximè si fiat excessus in percussione non consueta in ioco: & talis poterit inde oriri inquietudo ut consulendum sit saltem pro foro interno ad cautelam petendam esse absolutionem. Si verò finito ioco per aliquam moram, iterum alter alium aggrediatur, & grauitèr pecutiat malo animo, omnes concedunt incurrere censuram Canonis.

5 Quando autem percussor Clerici sit dicendus notorius percussor, ad hoc uti debeat vitari tanquam excommunicatus, ante ullam declarationem, vide suprà verbo *Dispensare* n. 9. ubi ex Nauar. diximus quando crimen dicatur notorium.

6 Dixi suprà hoc eod. verb. num. 10. communiorè esse opinionem quòd Clericus se percutiens incurrat censuram. Nunc explico id esse intelligendum si deliberato animo sibi manus iniiciat. Sic enim sentiunt Ioann. Andr. Panorm. & Felin. in cap. contingit 1. de sent. excomm. Nam quoad hoc non est dominus suæ vitæ & membrorum. At si id faciat ex repentina inconsideratione, & indignatione, ut aliquando maximè faciunt Moniales plus impatientes, non incurretur censura. Et aduerto quod facilius credi potest aliquem se ipsum percutere grauitèr ex indignatione inconsiderata, & insufficiente ad censuram: quàm credi possit aliquem percutere grauitèr, cum tali inconsideratione insufficiente ad censuram: quia intellectus facilius aduertit, ac magis abhorret à percussione alterius quàm sui ipsius.

MATRIMONIUM.

1 **R**egularis iungens sponfos matrimonio absque licentia Parochi, manet suspensus, & excommunicatus, usque ad beneplacitum Episcopi cuius erat Parochus qui tali matrimonio debebat assistere. Trident. *cess. 24. cap. 1.* & *Rodr. tom. 3. quest. 3. art. 1.* Bene tamen hoc possunt facere Religiosi in Indiis habentes curam animarum in locis à Prælato designatis. Sanchez *lib. 3. de matr. disput. 16. n. 1.* ubi multa dicit de Religiosis Parochis circa matrimonium. Imò etiam extra Indos Regulares habentes beneficia regularia, & veri Parochi, id possunt absque vlla pœna, vel culpa. Prædictam verò pœnam excommunicationis & suspensionis limitat *Rodr. cit. tom. 3. q. 2. art. 1.* si solemnizant matrimonium cum benedictione nuptiali: non verò aliàs.

2 Religiosus professus contrahens matrimonium, est suspectus de hæresi, & ad sanctum Officium deferendus; quia malè sentit de Sacramentis. Hoc tamen est intelligendum si publicè contraxit, tunc enim præsumitur in fide errare; secùs si contrahat in occulto cum fœmina, dicens verba solita, tunc enim non ex hæresi, sed ex libidine errare præsumitur; & hoc intellige si desit Parochus, & testes. Vmbert. *in sua practica Inquisit. verb. Religio*, citans Abbatem *capit. de homine. de celebrat. Missar* Adde quod prædicti Religiosi, & Moniales contrahentes in publico matrimonium, præterquam quòd sunt suspecti de hæresi, incurrunt etiam excommunicationem per Clementinam *unic. de consanguinitat* & in hoc etiam ligantur Patres Societatis I E S V nondum professi solemniter, sed solùm habentes tria vota simplicia. Est communis, & declaratum in Bullis Pontificiis, maxime Greg. XIII.

3 Ingrediens Religionem animo ficto, ut statim post
exeat,

creat, & sponsalia fugiat, postea exiens non dirimit sponsalia, sed tenetur ad matrimonium. Secus si bono animo intrat, animo profitendi, tunc enim statim solvuntur quoad utramque partem, Sanchez *lib. 1. de Matr. disp. 52. per totam.*

4 Religionem professus, qui erat vero matrimonio ligatus, & professus fuit absque licentia coniugis, sed coniux extra manens tacuit, nec licentiam dedit, poterit extrahere professum, & ille cogetur exire. Sanchez *lib. 7. de Matr. disp. 35. n. 13.* Sed de hoc vide fusiùs *ver. Professio coniugis.*

5 Ligatus solo matrimonio rato, & non consummato, potest profiteri in Religione. Est certissima, ut probatione non indigeat: ita ut etiam dissolvatur matrimonium prædictum per professionem factam in Ordine militari Sancti Ioannis Ierosolymitani: non verò per professionem factam in aliis Ordinibus militaribus. Sanchez *lib. 2. de matrim. disp. 18. per totam.* Non verò satis est in omnibus supradictis, circa dissolutionem dicti matrimonij rati ingressus Religionis, sed professio legitima.

ADDITIONO.

1. **P**Ræter iam dicta suprâ tangentia Religiosos, quæ erant præcipua, & graviora: visum fuit per summam referre, quæ Summi Pontifices concesserunt Religiosis degentibus in Indiis circa matrimonij administrationem, ac dispensationem cum Indis. Igitur Leo X. concessit Minoritis laborantibus in Indis pro infidelium conversione, ut possint dispensare cum Indis vxoratis, denuo ad fidem conversis, ut possint retinere vxores, cum quibus contraxerant obstante aliquo impedimento dirimente, & cum illis dispensare ut illo impedimento non obstante illas retineant: addit tamen Papa: *Dummodo illa impedimenta matrimonij non sint*

prohibita lege diuina, sed solum introducta lege Ecclesiastica. Habetur concessio in Bull. Rodr. f. 635. Idem concessit Paulus III. Patribus Societatis I E S V in eodem Bull. f. 813. cum eadem limitatione de dispensando solum in impedimentis lege Ecclesiastica introductis, non verò de impedimentis diuina lege prohibitis. Et præterea id concedit solo Generali dictæ Societatis, vt ille pro hoc destinet, quos viderit idoneos. Quod non habet concessio Leonis facta Minoritis, non enim loquitur de Generali, sed de Fratribus.

2 Vt autem sciatur quæ sint impedimenta matrimonij diuina lege prohibita, dicendum est primò cum Sanchez *lib. 7. de Matr. disp. 52. num 8. in medio, & n. 4.* in lege Euangelica Christum Dominum nullum impedimentum matrimonij statuisset: imò neque vllum præceptum positium, vel negatiuum: sed exceptis præceptis fidei, ac Sacramentorum reliqua, quæ prohibuit sunt de iure naturali. Ac proinde, ait Sanchez, impedimenta matrimonij lege diuina prohibita, non intelligitur quod sint lege diuina Euangelica positiua introducta. Sed dicentur lege diuina prohibita, id est, contracta in gradu per legem naturalem irritantem prohibito, quale erit matrimonium inter partem, & filiam, & inter sororem, & fratrem, id enim natura clarè prohibet: nec nisi in mundi initio licuit dictante pro tunc eadem natura. Et vt hoc magis explicetur, aduerte.

3 Scias quod in lege veteri *Leuitic. 18.* statuit Deus multa impedimenta matrimonij recensita à Sanchez, *ibidem n. 1.* v.g. in consanguinitate, & linea recta, prohibetur duplex gradus videlicet parentum cum filiis, avorum cum neptibus, & auiarum cum nepotibus. In eadem consanguinitate linea transversa prohibuit primò inter fratrem, & sororem, siue ex vno, siue ex secundo parentibus Ac præterea nepotis cum amita, aut matertera (*id est, sobrinho com tia do pay, ou da mãy hirmãa.*) In affinitate erat primò prohibitus primus lineæ rectæ ascendens, vt soceri cum nuru, vitrici cum priuigna: & contra priuigni cum nouerca (*enteado com madrastra*) socrus item prohibeatur cum genero contrahere: & vi-

trici

trici cum filia priuignæ. In linea verò transuersa affinitatis erat prohibitum matrimonium cum vxore fratris, & cum sorore vxoris, vxore viuente: & cum vxore patui.

4 Quibus positis est grauis dubitatio, an omnia prædicta impedimenta in lege veteri posita, obligent, & impediunt hodie de iure naturali, ita vt Summus Pontifex in illis dispensare non possit, eo quòd sint impedimenta lege diuina prohibita? Quæstionem disputat Sanchez *cit. disputat.* & resoluit negatiuè, dicens cum multis Doctoribus non omnia illa esse de iure naturali impedientia. Rationes omitto breuitatis gratia, per summam id colligo ex citato Doctore Primo quod iure natural diuino, in linea consanguinitatis solum prohibetur coniugium, in linea directâ, parentum cum filiis: in transuersa verò fratris cum sorore. Ita citatus Doctor. n. 15. At in gradibus affinitatis ait prædictus Doctor nullum esse impedimentum iure naturali diuino impositum.

5 Ex his colligitur clara responsio ad prædictas duas concessionem Leonis, & Pauli citatas pro Fratribus Indiarum concedentium vt possint dispensare in impedimentis dirimentibus matrimonium cum Indis, si talia impedimenta non sunt introducta lege diuina naturali videlicet. Nam iuxta prædicta possunt dispensare cum illis vt retineant vxores, si non interfuit impedimentum aliquod ex dictis *hoc num. 5.* videlicet, non sit initum coniugium inter parentes, & filiam, & inter fratres, & sorores: hoc enim solum coniugium prohibetur, & irritatur lege diuina naturali, vt multis probat citatus author. Cætera enim impedimenta citata ex *Leu. 18.* vel cessarunt, quia erant magis iudicialia quàm naturali, vt Sanchez probat *cit. disp. num. 11.* vel quia directè, ac primariò non irritant matrimonium primo iure naturali. Cætera verò impedimenta matrimonij præter dicta, quæ citantur in illis carminibus ordinariis: *Cultus disparitas, vis ordo, ligamen, honestas, &c.* Sunt impedimenta quidem verè dirimentia matrimonium, sed sunt omnia introducta ab Ecclesia: non verò leg

legē diuinā positiua Euangelica , vt diximus: neque naturali. Et proinde in his omnibus poterunt Fratres in India dispensare cum Indis , quia introducta sunt lege Ecclesiastica , non diuina positiua , neque naturali

6 Circa administrationem verò matrimonij concessit aliqua Pius V. in Bulla quam citat Veracruz in *Appendice ad Speculum ad finem* . quæ sic resumuntur , vel explicantur à Sanchez *lib. 3. de Matrim. disp. 26.* Primò: Religiosi in Indiis noui Orbis in locis destinatis à suis Superioribus officium Parochi exercentes possunt absque alia ordinaria licentia matrimonio coniungere sibi subditos. Secundò , idem possunt circa alienigenas in suis locis taliter habitantes vt efficiantur Parochiani. Tales enim iam acquirentes domicilium sunt subditi. Tertiò, possunt etiam matrimonio iungere vagos in suis locis degentes : vagi enim subduntur Prælato loci vbi inueniuntur.

7 Quartò , possunt etiam iidem Religiosi Parochi, iungere matrimonio illos Indos , qui non habitant in suo districto , neque sunt vagi , sed ipse Religiosus Parochus transit per loca vbi tales habitant , & nullum habent Parochum pro tali loco. Probat , quia in dicto priuilegio Pij V. conceditur prædictis Religiosis , vt in Indiis assistant matrimoniis , sicut erat consuetudo: & ante Concilium Trident. ex concessione Leonis X. & Adrian. VI. poterant prædicti Religiosi prædictis Indis ministrare omnia Sacramenta. Quintò si Indiproprium Parochum habeant , quamuis absens sit , Religiosus Parochus in alio loco , & illac transiens vbi ipse non est Parochus , non potest illos coniungere, absque licentia proprij Parochi. Probat , quia priuilegium Pij V. solum concedit prædicto Religioso , pro illo loco cui est assignatus à Superiore: at iste Religiosus transiens per locum alieni Parochi , non est ibi deputatus à Superiore : ergo ibi debet seruari forma Concil. Trident. præscripta extra Indos , vt nullus Sacerdos matrimonio assistat absque licentia proprij Parochi.

8 Sextò , si talis Religiosus Parochus in sua Parochia debeat iungere matrimonio aliquos vagos , id non poterit

terit facere absque expressa licentia Ordinarij, vt iubet Concil. Tridentin. *sess. 24. de Matrimon. cap. 7.* alijs Parochis ordinariis: requiritur enim maius examen pro vagis vt matrimonio copulentur: ac proinde id non poterit Parochus Monachus absque licentia Ordinarij. Sic tenet Sanchez *citata disputatione 26. num. 7.* contra Veracruz, Probat inter alia, quia dictum priuilegium Pij V. in nullo derogat Concilio Tridentino: at Concilium *citato loco* præcipit quod modò diximus.

9 Vt verò prædicti Religiosi Parochi habeant facultatem ad omnia supradicta, debet illis concedi licentia à suis Prælatis in Capitulo Prouinciali, sic enim exprimit Pius V. in dicto priuilegio Religiosi in illis locis vbi non celebratur Capitulum Prouinciale. Sic Rodriguez *tom. 1. qq. quest. 35. art. 4.* Nec Capitulum Prouinciale poterit pro hoc designare Fratrem alterius Prouinciæ, quia illi Religiosi non subduntur illi Capitulo. Non tamen erit necessarium tales Fratres personaliter præsentari, nec nominatim designari à Capitulo: sed poterit Capitulum decernere, vt illi Fratres quos designauerit Prouincialis, vel Prælatus localis, ex tunc sint designati ab ipso Capitulo Prouinciali. Hoc enim non est delegare potestatem assignandi Fratres, & dandi illis facultatem ad Sacramenta ministranda, sed re vera ipsum Capitulum assignat, & concedit prædictam licentiam: vt in casu simili probat efficaciter Sanchez *lib. 3. de Matrim. disp. 31. num. 18.* & Rodrig. *cit. quest. art. 3.* Addit præterea Rodrig. *ibidem art. 1.* non posse Capitulum Prouinciale dictos Fratres ad aliquem locum destinare tamquam Parochos, nisi Episcopus, vel Prorex, vel Gubernator talia loca Religiosis concedat.

Sixtus V. eandem concessionem Pij V. extendit, & concessit Minoritis in Brasilia degentibus: transumptum Bullæ Sixti ego vidi authenticum. Eadèmq; concessio (vt arbitror) facta est Minoritis in India Orientali, vbi assistunt in multis locis Indorum conuersioni, quibus Baptismum administrant.

MINISTER PROVINCIALIS.

Vide suprâ verbo *Generalis*. ver. *Dispensare*. ver. *Scrupulus*, & in similibus.

A D D I T I O.

Hoc melius tractabitur infrâ verbo *Prouincia*, & *Prouincialis*. & seruiant pro illo etiam omnia iam dicta verbo *Generalis*, & verbo *Dispensare*, & in aliis similibus.

M I S S A.

Vide suprâ verb. *Altare*. & infrâ verb. *Obedientia*, num. 1. & ver. *Ecclesia*.

1 **C**oncil. Trid. sess. 25. cap. 4. de *Reformat.* concedit solis Generalibus Ordinum vt in Capitulo Generali possint reducere numerum grandem Missarum ad pauciores quando illis non possit satisfieri singulis diebus iuxta præscriptum testatorum & pro illis tenues eleemosynæ sunt relictæ, vt non facile inueniatur qui velit tali oneri, vel numero, se subiicere: in quo iubet vt res diligenter inspiciatur sub onere conscientia. Quæ omnia Generales debent diligenter inspicere, & attendant quid magis conducat ad honorem Dei, & Ecclesiarum utilitatem. Dummodo fiat semper commemoratio illorum defunctorum qui legata reliquerunt. Et notat Nauarr. lib. 5. *Consil. titul. de privilegiis, consil. 3.* posse hoc facere, non solum Generalem primum qui successit Concilio Tridentino, sed omnes, & singulos futuros: nec solum pro Missis præteritis, sed etiam pro futuris. Vide alia ibi apud illum, quæ

quæ omitto , quia rarò fiunt. Capucinus tamen *super Compend. verbo Concilium* dicit responsum fuisse à Congregat. Cardinalium , illos id non posse, nisi pro Missis præteritis ante Concilium , non verò pro futuris.

2. In *Compend. D. Hieronym. Hispan. verb. Capellania. §. 3.* concessit Martin. V. Patribus illius quòd non teneantur dicere pro qualibet Capellania fundata in Monasterio de Goadalupe ultra quatuor Missas in qualibet hebdomada, etiam si earum fundatores , & institutores defuncti ordinauerint quotidie Missam celebrari: & quod idem Papa dixit hanc esse amplam satisfactionem per has quatuor Missas. Aliquid fortè simile huic extra priuilegium, tenet Henriq. *tom. 2. libr. 9. cap. 24. num. 4.* dum ait quod si capella habeat onus celebrandi, quotidie (vt habet Parochus pinguis beneficij) intelligitur salua honestate , & deuotione debita; nec teneri supplere per alium si paucis diebus Missam omittat: nisi fundator exprimat vt per se , vel per alium Capellanus celebret singulis diebus, & citat Nau. Sylu. *Sot. & Cordub.*

Ego , quoad concessionem factam Martini V. prædictis Patribus , non dubito quin facta fuerit; sed non consulo quod fiat , propter non vsum: imò quod non publicetur sæcularibus, ob periculum pusillorum. Quo ad dictum Henriquez noto, quod videatur id quod dicit si Capellanus omittit celebrare , paucis diebus: secus si multis. Secundò noto , tam priuilegium quàm Henriquez loqui de solis Capellanis , id est , qui vno tantùm annali, vel anniuersario addicti sunt. Secus de Clerico, vel Regulari, qui diuersis Missis commendatis, vnde quaque astringuntur absque certo onere Capellaniæ propriæ: hi enim tenentur omnino dicere omnes commendatas. Vide statim *num. 6. hoc ipso verbo Missæ.*

3. Gregor X I I I. concessit Congregationi Sanctæ Iustiniæ vt eius Religiosi dum fuerint in itinere constituti possint celebrare ante auroram: & post mediam noctem. Et Pius V. concessit Patribus Societatis I E S V, vt possint celebrare per horam ante auroram , & infra horam post meridiem causa itineris. Capucinus refert

Addit.

Addit. ad Compend. verb. Missa, fol. 212. & post illum Azor. tom. 1. libr. 10. cap. 25. & priuilegium concessum S. Iustinae, quod etiam citat Capucinus, non videtur reuocatum, quia concessum, fuit viuae vocis oraculo à Greg XIII. post Trid. Patribus illius Conuentus. Sed nota verbum, (dum sunt in itinere) quia extra hanc occasionem videtur quod non possint: imò quod neque in illo die quo debent iter arripere: adhuc enim non sunt in itinere constituti.

4 At Rodriguez 1. tom. quæst. 43. artic. 3. citat aliam concessionem Leon. XI Minoritis concedentis absolutè, & sine restrictione quod possint de licentia suorum Superiorum, (quorum conscientis id remittit) celebrare Missam illico post matutinum, & post meridiem: & hoc priuilegium probat ibi Rodr. art. 5. contra Capucinum, & Azorium, non esse reuocatum, aut alia celebrandi ante auroram. Idem tenet Miranda tom. 1. quæst. 40. art. 10. concl. 2. citans Suarez. Et ibidem asserit Miranda ex Suarez, quod absque priuilegio potest Missa inchoari duabus horis ante solem.

5 Iulius II. concessit Minimis quod possint facere sibi celebrari Missam etiam per Sacerdotes sæculares ante diem in quocumque loco honesto, cum Altari portatili: & ibi recipere Sacramenta. Corduba *super Comp. Missa, 2 ad §. 5.*

6 Cauendum omnino est à concessione, qua Leo X. in *Compend. verb. Missa. §. 14.* concessit Minoribus, vt pluribus Missis possint satisfacere cum vna, quando pro quauis Missa tenuissima eleemosyna datur: Hæc enim concessio non fuit in vsu, neque in Ordine practicata, vt ibidem aduertit Collector Minorita.

Aduertit tamen Rodrig. cit. q. 43. art. 16. 1. tom. quod si in Diocesi pro eleemosyna Missæ sit taxatum certum pretium, & commendas Missas non soluit illud pretium taxatum: in tali casu licebit pauciores Missas dicere, accipiendo pro singulis, vsque ad pretium, in Diocesi taxatum. Excipit tamen, & bene ibidem, cum Corduba, nisi acceptans Missas illas, acceptat expressè cum illa minori eleemosyna in pactum

pactum deducta : tunc enim ex pacto cedit iuri, & consentit, & proinde tenetur ad illas dicendas, sub minore eleemosyna, & in dubio, acceptans tenetur se explicare.

Aduertit etiam *ibidem* non posse Prælatum quando non est promissa taxata eleemosyna sufficiens per legem, vel consuetudinem, non, inquam, posse accipere plura stipendia pro vna Missa, vsque ad quantitatem quæ sufficiat vna die sustentare vnum Religiosum. vide causas *ibi*.

7 Minoritæ, & Moniales Sanctæ Claræ, viuentes ex eleemosynis tenentur dicere Missam, aut facere celebrare Missam maiorem Conuentualem pro communi intentione Ecclesiæ: non verò pro particulari pitancia. Rodrig. 2.3. quest. 7. art. 8. & obligat praxis, & ratio Ecclesiæ Collegiatæ, sunt enim Ecclesiæ Fratrum, & Monialium Collegiatæ, vt *ibidem* Rodriguez asserit, artic. 7. Si verò Moniales non viuunt ex eleemosynis, sed ex suis redditibus, dicit Rodrig. *ibi*, & in Addit. ad Sum. tom. 4. cap. § 1. concl. 2. ad illam non teneri.

8 In celebratione Missæ vitanda sunt omnino superstitiosa, & insolita: qualia sunt, inter alia, superstitiosus numerus candelarum, certus, & insolitus modus precum: & sic de aliis non contentis, vel dissonantibus à Rubricis Missalis reformati. Concil. Trid. sess. 22. cap. de evitandis in celebratione Missæ.

9 Leo X. in Compend. Min. ver. Missæ. 3. §. 13. concessit Minoritis vt quando illis commendantur Missæ communiter dictæ de Reuelatione, de S. Amatore, & de consolatione, cum certis candelis, vel aliæ similes: vel quòd non discontinuantur, seu sine interuallo dicantur, concessit, inquam, quod satisfaciant dicendo illas Missas ad quas magis dispositi fuerint maximè de officio illius diei, in quo celebrant, & ad taliter commendatas non teneantur, cum illud videatur sonare superstitionem. Sed nota, quòd mens Papæ, solum est quando inest superstitio. Si enim hæc absit, dicendæ sunt Missæ, sub titulo commendato.

10 Qui promittit alicui se dicturum pro illo vnam

N a

Missam, & illam non dicit, non peccat mortaliter. Sanchez *lib. 1. de sponsal. disputat. 5. dubitat. 3. n. 24.* & Rodr. *Addition. ad Summ. tom. 4. cap. 107. n. 4.*

11 Clemens VII. concessit Minoritis *Compend. verbo Missa. 3. §. 15.* vt pro Missa de Passione sibi commendata satisfaciant dicendo Missam de Cruce, vel de quinque Plagis, & loco Euangelij dicere Passionem Sancti Ioann. Sed hoc de mutando Euangelio Missæ Crucis, & ponere ibi Euangelium Passionis hodie non licet, contrariatur enim Rubricis Missalis Pij V. sed facilius, & absque priuilegio dicit Henriquez *tom. 2. lib. 9. de Missa cap. 23. §. 7. littera M. in gloss.* quod ex Nau. *ibi citato*, Sacerdos pro longa Missa de Passione Domini, satisfacit celebrans dicendo Missam de festo occurrenti etiam semiduplici, vel infra octaua.


12 In Sabbatho Sancto dici potest missa priuata præter missam maiorem: quia missale illo die missam propriam assignat, nec limitat vt sit vna aut plures. Quod fieri non potest feria sexta in parasceue, quia pro tali die missa non assignatur Rodrig. *Addit. ad Summ. tom. 4. cap. 51. concl. 10. ex Suarez, Gutierrez.*

13 Moriens Petrus, elegit sepulturam in Ecclesia minorum, & iussit pro se dici trecentas missas, non specificans vbi essent missæ dicendæ. In dubio dicendæ sunt in Ecclesia in qua fuit sepultus: idem videtur dicendum de officiis, & aliis suffragiis. Rodrig. *Addit. ad Sum. tom. 4. cap. 51. n. 30.* citans ius ciuile.

14 Religiosi, in Canone Missæ cum dicitur in principio (& *Antislite nostro*) non debent nominare suum Generalem, sed Episcopum Diœcesis. Fuit declaratum à Cardinalibus Romæ dicentibus quod contra facientes peccant mortaliter. Rodrig. *tom. 4. Additio. cap. 51. n. 13.* citans verba Declarationis. Et sic habet Rubrica missalis reformati in expositione Canonis ad verba citata (& *Antislite nostro.*) Quod verò attinet ad peccatum mortale, videtur excusandus qui ignoranter fecit.

A D D I T I O.

Vide suprâ verbo *Festi dies*. Vide etiam infrâ verb.
Votum num 17. & 18.

1  On posse fideles cogi à Parochis, vt die festo audiant missam in propria Parochia, & non vadant pro illa audienda ad monasteria Ordinum, concessit Clemens VII. in Bullario Rodrig. fol. 1197. num. 4. col. 2 & tenet Nau. in Sum. cap. 21. num 5. & multis probat Azor. tom. 1. lib. 7. cap. 6. q. 4. idem dic de concione audienda. Neque obstat Extrauag. Sixti IV. quæ incipit: *Vices illius*, de tregua, & pace, vbi dicitur teneri parochianos in propria Parochia missam audire in diebus festis. Neque item obstat Concil. Trident. sess. 24. cit. 4. de Reform. vbi dicitur teneri parochianos in diebus festis propriam adire Parochiam ad audiendum verbum Dei. Non, inquam, obstant, quia in primis ius commune id solum vetuit, ne in diebus festis id faciant parochiani contempto proprio Parocho, vt explicat Azor. cit. q. 4. & sic ait explicare Innoc. Hostientem, & alios Canonistas. Eundemque sensum habet Extrauagans Sixti IV. & Concil. Trident. Adde quod Tridentinum solum loquitur de audienda concione, & non de missa: & præterea Concilium Trident. ibi non reuocat priuilegia Regularium. Neque verò parochianus dicetur contemnere proprium Parochum si missam audiat in monasteriis, eo quòd ibi quietius, ac deuotius audit, & facilius habet missam ob multitudinem celebrantium Religiosorum, & primo manè, vel ob aliam causam. Tunc verò dicetur proprius Parochus contemni cum id factum fuerit ex contemptu expresso.

2 Imò addit Azor. cit. c. q. 5. & 6. illud ius commune vt quisque audiat missam in propria Parochia, esse abrogatum per contrarium usum in tota Ecclesia. Vnde infert q. 6. non posse Episcopum constituere generale

præceptum ut vnusquisque Parochianus audiat Missam in sola sua Parochia, & citat Nauar. Syluest. & Antonin. quia generali consuetudine ab Ecclesia tolerata contrarium seruatur. Et adducit declarationem Cardinalium idem declarantium. Excipit tamen *ibi*, dummodo tota pars Parochiæ ad Ecclesiam propriæ Parochiæ non conflueret, tunc enim posset. Sed ego addo, neque tunc posse Episcopum reuocare priuilegia Mendicantium, nam Episcopus non potest reuocare priuilegium à Papa concessum. Ultra verò priuilegium dictum Clemen. VII. adducit etiam Nauar. *citato cap. 21. num. 5.* aliud priuilegium Leon. X. per quod iuri communi in hac parte derogatur in fauorem Mendicantium.

3 Non possunt Episcopi, vel alij Prælati facere Missas celebrari in Monasterio aliquo inuito Prælato illius, etiã ob bonum commune. Habetur *cap. luminoso 18. q. 2. & in Bullar. Rodrig. fol. 183.* idem concessit Eugen IV. congregationi Sanctæ Iustiniæ, vbi excommunicantur oppositum facientes. Et refert alias concessionem Rodrig. *tom. 3. quest. 4. art. 1.* etiamsi Missa dicenda sit pro defuncto tumultato in Monasterio Fratrum.

4 Pro occasione Parochorum aliquando cogentium parochianos pro audienda Missa, nota etiam quòd si cogere voluerint ut etiam Sacramentum Pœnitentiæ à solis ipsis Parochis recipiant, non verò à Religiosis, neque velint stare schedulis Religiosorum quibus in Quadr. testificantur se audiuisse confessionem sui parochiani. Parochi taliter obligantes ut sibi iterum peccata iam confessâ confiteantur, sunt suspecti de hæresi habendi, si dixerint prædictam confessionem fuisse inuàlidam, & possunt Inquisitores fidei contra illos procedere. Habetur in Bullar. Rodrig. *fol. 383. & 384.* ex concessione Sixti IV.

5 Pius V. in Bullario Rodrig. *f. 682. col. 1. n. 26.* concessit Minoritis ut Missas, & eleemosynas vni loco, vel aliquibus Fratribus commendatas, liceat Prælatis, aliis Fratribus, etiam aliorum Ordinum, vel Presbyteris secularibus commendare: nisi oppositum expressè dixerint, qui Missas commendauerunt, & pecunias dederunt.

6 Leo

6 Leo X. in eodem Bullat. Rodrig fol. 731. col. 1. n. 54. concessit Minoritis vt possint celebrare Missam illicò post matutinum, & post meridiem, præsertim in diebus, quibus obligat audirio Missæ quando Fratres aggressuri sunt iter, vel quando veniunt de via, neque accedunt ad locum ante meridiem. Circa hanc verò concessionem aduerto, quòd licèt ibi dicat: *Præsertim iter aggressuris*, vox *Præsertim* non tollit quin possint vti eadem concessione alij Fratres non iter aggressuri. Nam particula, *Præsertim*, non excludit alios casus præcedentes; sed cùm dicatur particula implicatiua, implicat idem esse in casu contrario, licèt in illo fortior militet ratio, vt cum multis probat Sanchez lib. 2. de Matr. disp. 39. n. 6. Et praxis sic obseruat. Idque patet ex alio priuilegio Leon. in Compendio Mendicantium ver. *Ieiunium*, § 5. vbi concessit Minoritis, *Maximè prædicatoribus*, vt in die ieiunij possint comedere vna hora ante horam consuetam: licèt enim ibi dicat: *Maximè Prædicatoribus*: particula, *Maximè*, non tollit quin illud possint facere cæteri Fratres non prædicatores, vt vsus, & praxis obseruat. Si enim Papa solis Prædicatoribus, vel solis itinerantibus id vellet concedere, id vtrique expressisset vtendo particula exclusiua, *Solum*, vel non poneretur in principio, quod concederetur Fratribus. At in priori concessione promissa diluculo dicenda, postulatio oblata Leoni X. incipit: *Tota familia petit, vt sibi concedatur, præsertim, &c.*

7 Potest in festo duplici dici alia Missa votiuæ, quæ non sit de illo festo. Nam alia ratio est de obligatione Sacerdotis vt conformetur festo illius dici in recitando Diuino Officio: alia verò vt conformetur in dicenda Missa cum rubricis Missalis: hæ enim minus obligant, quàm illa. Suarez tom. de Eucharistia disp. 88. sect. 3. conclus. 1. maximè in § *In quo est*.

8 Dixi olim abstinendum esse à concessione Leonis X. concedentis Minoritis, vt possint satisfacere pluribus Missis, cum vna tantum Missa quando pirantia vnus minima est, videlicet non accedens ad summam vnus Iulij (id est, Realis Hispanici) idque pro rata mi-

nuendo de Missis, vt quauis dicatur pro vno Iulio. Nunc idem dico, abstinendum similiter esse ab alia simili concessione Iulij II. facta Patribus Minimis in Bullario Rodriguez f. 819. per quam illis concedit, vt si Generalis illorum in visitatione repeterit, vel extra visitationem in aliquo Conuentu relictum esse grandem summam Missarum, ita vt per Fratres illius Conuentus celebrari non possint, possint Fratres illius Conuentus per nouem collectas satisfacere nouē Missis, & per septem collectas satisfacere septem missis: & sic de quouis alio numero Missarum respectiue: rationem assignat Papa, vel quasi compensationem, quia operibus aliis satisfactoriis eiusdem Ordinis, vt ieiuniis, disciplinis, &c. etiam satisfat benefactoribus tales Missas commendantibus. Abstinendum, inquam est à tali concessione, plusquam ab alia priori Leonis X. Non dico Sum. Pontifices hoc non potuisse facere: sed dico tales concessiones nunquam fuisse vsu receptas, saltem in Hispania, neque in alia parte nostri Ordinis, quod sciam.

9 Circa præceptum audiendi Missam, cum sit quotidianum, & dubia multa circa id lud proponantur Religiosis, pono hîc magis ordinaria, & magis necessaria. Primò satisfat isti præcepto etiam si quis verba Sacerdotis celebrantis non audiat. Nam Ecclesia non iubet verba audire, aliâs surdi, & longè distantes ab altari non satisfacerent, maximè in Hispania vbi Sacerdotes submissa voce verba proferunt: quod tamen nemo diceret, & vsus contrarium confirmat.

10 Qui ex voto, vel iniuncta pœnitentia obligatur duas Missas in vno die audire, satisfacit huic obligationi si duos Sacerdotes celebrantes in duobus altaribus eodem tempore simul audiat. Nam vtrique Missæ est præsens corpore, & vnica intentione ad Deum satisfacit. Ita Sanchez lib. 1. Decal. citans Maior. Petr. Ledesm. disto 1 lib. Decal. c. 14. in fine.

11 Qui serò accessit ad Missam, v. g. finito Euangelio, vel incepto Canone, & non habet copiam alterius Missæ illa die, tenetur audire sub peccato mortali illam partem Missæ non integræ: nam is qui non potest satis

satisfacere totali præcepto, tenetur satisfacere parti ipsius cum potest, quod intellige quando illa pars cui potest satisfacere, est substantialis, & pars omissa est accidentalis. In Missa verò Canon, Consecratio, & Consumptio, est pars substantialis missæ. Ita Sanchez 1. *Decalog. c. 19. n. 6.* citans Nau. *cap. quando. de consecr. dist. 1. cap. 11. n. 16.* & Suarez *tom. 3. in 3. p. 9. 83. art. 6. disp. 88. sect. 2.*

12 Satisfacit etiam præcepto, qui à pluribus Sacerdotibus per patres successivè audit integram Missam ut si ab vno audiat incepto Canone, à secundo verò ab initio Missæ usque ad inceptionem Canonis, vel quid simile. Ita Henriq. *lib. 9 de Missa c. 25. n. 8* citat in glossa *litera P.* Nau. Maiorem, Sandoual, Fratr. Medinam, Soto, Mantium, & alios.

13 Qui serviunt celebranti quamvis per aliqua parva intervalla foras exeant in obsequium Missæ, ut pro campana pulsanda, pro libro, vel thuribulo afferendo, vel similibus, satisfaciunt Missæ: hi enim censentur moraliter Missæ interesse, Henriq. *cit. num. cum Nau. ibi citato.*

14 Qui non advertens esse festum Missam audiuit ex devotione, vel consuetudine, & postea fit certior talis festi, non tenetur aliam Missam audire: iam enim cum illa priori satisfecit, quia virtualiter voluit implere. Henriq. *cit. c. 25. n. 9.*

15 Quæ sit pars notabilis Missæ, cuius omissio inducat mortale, diuersi diuersa dicunt. Securius, & communior opinio est quòd qui venit finita Epistola, non satisfacit satisfacere qui audiuit adhuc partem Epistolæ. Etenim tota Epistola cum præcedentibus est pars notabilis Missæ. Ita Henriquez *cit. cap. 28. num. 7.* citans in gloss. *liter. L.* Antonin. Tabien. Medin. Sandoual, Soto, Cano, Cuenas, Tollet. Navar. Quod verò mihi sufficiat legere post Missam Epistolam, vel Euangelium cui non interfui, ridiculum est, hoc enim debet audiri ab ore Sacerdotis sacrificantis cui iubeor assistere. Aliàs non audienti totam Missam sufficeret postea domi totam illam legere, quod nullus diceret.

16 Quæris an liceat audire Missam Sacerdotis Græ-

ei celebrantis ritu Græco : & cum illa possit satisfieri præcepto Ecclesiæ Latinæ ? Hanc quæstionem proponit Comitol. *lib. 1. Resp. Moral. q. 65.* ex cuius dictis breuiter sic dicendum est. Primo si ille sit verus Sacerdos ordinatus à vero Episcopo, satisfit Missæ, illaque audiri potest si non sit copia alterius Missæ Latinæ. Secus si ille non sit Sacerdos. Secundò, si talis Sacerdos Græcus schismaticus sit non obediens Summo Pontifici peccat mortaliter qui illius Missæ assistit: cum enim schismatici sint excommunicati, peccatum est cum illis communicare, maximè in Diuinis. Quando verò Græcus Sacerdos non est schismaticus, sed Ecclesiæ Romanæ obediens, nullum est peccatum eius Missæ assistere, quia Ecclesia Græcorum permittit. Et videmus illos in nostra Hispania aliquando ritu Græco publicè celebrare, neque aliquis condemnat Catholicos astantes. Et *ead. q. in fine* inquit Comitolus audientem Missam Græci Catholici ritu Græco, satisfacere præcepto: est enim vera Missa continens omnes partes substantiles Missæ, quam celebrabant olim tot, ac tam sancti Patres, Græci, Chrys. Basl. &c. eamque hodie Ecclesia Catholica permittit Græcis. Neque in tuo præcepto de Missa audienda, Ecclesia limitat quod sit Missa Latina.

17 Occasione Missæ, cum calix sit præcipuum instrumentum in Missa deferuiens, quæris an calix amittat consecrationem cum scyphus eius, seu vas totum à pede separatur, & iterum illi coniungitur? Azor. *tom. 1. lib. 10. c. 28. q. 7.* sic distinguit: si calix à principio sic elaboratus est, ut posset ad libitum pes separari à scypho, modo tornatili (vulgo *de para fuso*) tunc censet non perdere consecrationem, si pes diuidatur à scypho, & postea vniantur. Si verò non sit ita elaboratus à principio, sed totus integer ne possit in partes diuidi, & casu frangatur in duas partes, tunc perdit consecrationem, ut idem Azor. docet. *2. tom lib. 8. cap. 7. q. 7.* Eodem etiam *cap. q. 3.* probabilius sentit quod si calix argenteus, & iam consecratus postea inauratur, amittit consecrationem: quia perdidit formam antiquam. Idemque dicit *ibidem q. 5.* de calice deaurato si per nimium ysum amitteret in-
aura

arationem, vel superficiem auream censendum esse
amississe consecrationem, quia amisit iam antiquam
formam.

MONASTERIVM.

Vide ver. *Ecclesia*. ver. *Canonica portio*. ver. *Legatum
pro edificando Monasterio*.

1 **I**N Compend. Mendicantium. ver. *Ædificare*, §. 1.
continetur priuilegium concessum Minoribus
ne iuxta suum monasterium, possit ædificari aliud Mo-
nasterium Prædicatorum, Carmelitarum, & Sancti Au-
gustini, aliorumque Ordinum in paupertate viuentium.
infra spatium trecentarum cannarum mensurandarum
per aërem, etiam vbi alias rectè mensurari loci disposi-
tio non permittit. Et vnamquamque istarum cannarum
voluit octo palmos in longitudine habere.

2 Sed quia illud iam fortè non erat in vsu, Clemens
VIII anno 1603. videns multitudinem Conuentuum, &
dispendium inde secutum, prohibuit ne Episcopi dent
licentiam ædificandi aliquod nouum Monasterium cu-
iuscumque Ordinis, nisi vocatis Prioribus, &c. Prælati
Conuentuum existentium in illa ciuitate, vel oppido:
illisque auditis circa nocumentum ex nouo Conuentu
resultans. Et si constiterit, aliis Conuentibus iam ædifi-
catis nocere; illud nouum Monasterium non permittant
ædificare, vide ibi alia circa hoc. Habetur hæc Bulla in
Bullario Rodr. fol. 1228. in Clem. VIII.

3 In eodem Compend. Minorum eodem. verb. §. 15. &
19. conceitur Prædicatoribus, vt iuxta suos Conuen-
tus non possit ædificari alius intra spatium centum
quadragenta cannarum. Sed Patres Societatis I E S V, in
suo Con. pend. verb. *Ædificium*, §. 2. & 3. habent priuile-
gium vt possint ædificare intra centum quadragenta
cannas prope alios Conuentus. Et hoc priuilegium illis
solis concessum esse à Greg. XIII. innuit illorum Com-
pend. verb. *Ædificia*. §. 3.

4 Non possunt mendicantes suo arbitrio relinquere omnino Conuentum iam ædificatum, vel quouis modo alienare absque licentia Papæ. *Compend. ver. Ædificare, §. 3.* potest tamen hoc facere solus Generalis. *ibidem. §. 8.*

5 Proximè dictum non tollit quin possit mutari Conuentus de loco non sano, vel aliàs incommodo, ad locum saniores, vel commodiores, *Compend. ibid. §. 14.* Sed ad istam mutationem requiritur noua licentia Episcopi. *Rodr. tom. 1. q. 23. art. 7. in fine,* & tunc possunt vendere locum, & ædificia, præter Ecclesias. Vide statim *num. 7.*

6 Domos, loca, oratoria, libros, & alia mobilia, & immobilia Fratrum Minorum, Nicolaus IV. suscepit in ius & proprietatem Sedis Apostolicæ. *Compend. verb. Exceptio. §. 10. & §. 23* Eximuntur etiam Monasteria ab ordinariis per Sixtum IV. Et pro hac re, siue exemptione Monasteriorum, & rerum ipsorum habent singuli Religiosi multa priuilegia, quæ quia particularia sunt, & vñ supponuntur, omitto.

7 Sixtus V. concessit Generali Sancti Benedicti in Regno Portugalliæ, quòd in Capitulo generali de consensu Capituli possit mutare Conuentus de locis incommodis ad locos commodiores non petita licentia ordinarij, cum cæteris ibi contentis refert *Rodr. tom. 2. quest. 49. art. 4.*

8 Monasteria relictà à Minoritis, si habent fundatores, & patronos, qui talium Monasteriorum dominium non ablegarunt à se, sed penes se retinuerunt: post desertionem spectant ad suos fundatores; si verò dominium non retinuerunt, sed transiit ad Sedem Apostolicam, de illis relictis fieri potest quod dictum est suprà, *n. 5.* Sic Nicolaus III in expositione Regulæ Minorum; & *Rodr. tom. 2. q. 49 art. 7.*


9 Possunt Minoritæ recipere Conuentus sub conditione quòd certi sæculares teneantur ipsis prouidere de aliquibus necessariis per viam eleemosynæ: neque in hoc Regulæ suæ præiudicant. *Rodr. Add. ad Sum. tom. 3. cap. 251. concl. 2.* Consulit tamen melius esse talem conditionem non apponere.

10 Monasteria Monialium Sanctæ Claræ non possunt habere Procuratores, seu œconomos Fratres Minores, illarum redditibus, & libris intendentes Prohibuit Clem. VIII. speciali Bulla in Bullario Rodr. f. 125.

11 Ante professionem Nouitij, vel Nouitiæ nihil potest donari Monasterio, de bonis illius à parentibus, propinquis vel curatoribus, excepto victu, & vestitu Nouitij. Trid. sess. 25. c. 16 de Reg. Circa quod Congr. Cardinal. declarauit primum non posse aliquid dari Monasterio, nec de bonis Nouitij, nec de bonis parentum, neque propinquorum: secundò non posse Nouitium Ordinem intrantem aliquid ante professionem donare Monasterio de bonis suis etiam si sit emancipatus, & independens à patre curatore. Marzilla in suis declarat. lib. 1. cap. 19. fol. 196. & in Portugallia de mandato speciali sanctissimi D.N. Pauli V eius Collector prohibuit sub excommunicatione ne in professione Monialis detur Monialibus singulis aliqua pitantia, (vulgo *propinas*), quouis modo, vel quouis titulo, excepta vna refectione communi ientaculi moderari.

12 Non possunt erigi ædificia secularium prope Conuentus Religiosorum, vel Monialium taliter quòd Monachi, vel Moniales à secularibus videantur. Imò neque Conuentus nouus potest ædificari ita vt Conuentus præexistens molesteretur. Rodr. *Addit. ad Summ. tom. 3. capit. 145. numero 3.* pro quo citat textus, & Doctores multos. Imò ego audiui à quodam Iudice supremi Senatus Olyssipone mandasse Regem ibi dirui, vel claudi ianuam secularis domus ex qua Religiosi Tertiarij eiusdem vrbis, intra Conuentum videbantur, & inquietabantur.

ADDITIO.

 Ide supra verb. *Alienare*. ibi enim aliqua sunt quæ huic verbo possint inservire, maxime num. 1. & verb. *Legatum*.

1 Si dubites quid intelligatur nomine *Monasterij*, scias ex Francisco Longo Capucino, *tract. de casibus reservatis casu 3. num. 17. fol. 242.* declarationem esse Cardinalium in qua dicitur, nomine *Monasterij* non intelligi illum Conuentum cuius ædificatio est in fieri, neque ibi habitant Fratres ordinarij, sed solum deputari pro obsequio, ac seruitio ædificij. Tunc enim neque datur Ecclesia, neque Conuentus. Vnde si in tali ædificio introducantur mulieres à Fratribus, non incurrunt pœnas impositas à Pio V. eodem modo si quis reus confugiat ad illa septa ædificij, non gaudebit immunitate Ecclesiæ, nisi fortè confugiat ad Oratorium ibi ritè erectum pro Missæ celebratione. Et ego aduerto, quòd si iam à Prælato Superiori iam ibi legitimè designata est clausura, pro quatuor, vel quinque Fratribus ibi habitantibus, iam dicetur Monasterium in ordine ad duo prædicta, vt scilicet non possint admitti fœminæ absque incurso censurarum: & præterea quòd rei ad septa illius clausuræ confugientes gaudebunt immunitate Ecclesiæ, maximè si ibi intus habeant oratorium seu paruam Ecclesiam. Iam enim ibi reperiuntur essentialia Monasterij. Datur enim Prælatus, & communitas, quæ in solis tribus potest conseruari: datur præterea Ecclesia in qua Missa celebratur, ac proinde habet essentialia Monasterij. Dixi, *si ibi iam sit Ecclesia, vel oratorium legitimè erectum*, quia si non sit tale oratorium, vel parua Ecclesia, dubitari valde potest an valeat pro illis duobus suprà positis. Pono exemplum. In ordine Minorum pro aliquibus Conuentibus Monialium deputantur tres, vel quatuor Fratres cum confessore, qui est Prælatus illorum, & faciunt Conuentum, diciturque ille Prælatus vicarius in capite, & est verus Prælatus cum clausura. At in aliquibus locis non habent oratorium, nec particularem Ecclesiam pro his Fratribus intra illa septa Fratrum, sed solum habent Ecclesiam Monialium. In hoc casu potest valde dubitari an talis Conuentus sufficiat pro incurso pœnarum in admissione fœminarum, vel pro rei fugientis immunitate. Casum apud nullum inueni: solum scio quoad primum,

primum, in mea Prouincia prædicta loca censerì vera Monasteria quo ad clausuram, & proinde puniri Religiosos ibi habitantes violantes illam, sicut si violarent in Conuentu magno. Quoad secundum de immunitate rei ad illum locum confugientis carentem Ecclesia dubitabunt multi, sed ego inclinor vt dicam illi valere: cum fauores sint ampliandi. Nam si locus ille sufficit pro pœnis incurrendis in casu fœminarum, sufficit etiam pro fauore reorum. Nam in rigore ille cœtus est Monasterium, & Conuentus, & habet Ecclesiam Monialium, quæ etiam reputatur pro Ecclesia Fratrum.

2 Leo X. in Bullar. Rodriguez f. 726. concessit Prouincialibus Minorum, vt loca minus commoda illis concessa, ab ipsis non omnino derelicta post constitutionem Bonifacij VII. constructa, pro sua deuotione possint tenere sine Fratribus ibi habitantibus: dummodo illa visitent cum tempus opportunum fuerit, & in eorum Ecclesiis aliquando celebrent. Hoc videtur intelligi in casu, quo in prædictis locis maneat aliquis saltem Religiosus, qui curam loci agat.

3 Idem Leo X. in eodem Bullario fol. 731. numero 55. concessit Minoritis, vt casu necessitatis Ecclesiæ tam Fratrum, quàm Monialium possint transferri, ac mutari de vno loco ad alium; & locus prioris Ecclesiæ possit reduci ad vñs humanos secundum commoditatem dictorum locorum, & Monasteriorum, dummodo materia ædificiorum ponatur in alia Ecclesia. Vide quæ supra dixi in his Addition verb. Ecclesia numero 5.

4 Pius V. in Bullar. Rodrig. fol. 949. col. 1. mandauit vt in quauis Prouincia Minorum sint ad minus duo Monasteria recollecta, & hac nullatenus possint à prædicta recollectione separari, vel mutari.

5 Idem Pius V. in Bullario Rodriguez f. 944. rigorosa constitutione fanciuit, vt quodcunque Monasterium, siue congregatio, in qua viuunt homines congregati, si non obseruent aliquam regulam approbatam ab Ecclesia & faciant tria vota solennia, si aliàs viuunt sub titulo Religiosorum, penitus extinguatur; vel eligant aliquam regulam ex approbatis ab Ecclesia, quam profiteantur

proficeantur cum tribus votis solemnibus. Reddit *ibi* rationem Summus Pontifex ob multa inconuenientia quæ memorat inde secuta. Idque præcipit sub grauibas pœnis ibidem contentis. Iraque non sufficiet hodie, vt taliter viuentes in illo Monasterio emitant vota simplicia obedientiæ, &c. vouentes per se singillatim extra manus veri Prælati: sed requiritur, vt sint vota solemnia in manu veri Prælati, & proficeantur aliquam regulam ex approbatis. Vnde hoc non intelligitur de collegiis, & aliis congregationibus secularium, hi enim non viuunt sub titulo Religiosorum, de quibus solum loquitur Papa.

- 6 Monasterium, non tenetur pro delicto Religiosi, etiam si sit Prælati. Sâ in *Aphorismis*. ver. *Monasterium* & citat regulam *delictum in 6*. Hoc sic intelligo. Commisit Religiosus delictum extra Conuentum, v. g. occidendo secularem, ex qua occisione resultat obligatio restitutionis faciendæ vxori videlicet, matri, domino, & sic de cæteris. Monasterium non tenetur restituere pro isto delicto. Neque item tenetur Monasterium restituere debitum monachi nisi tale debitum sit conuersum in vilitatem Monasterij: vel sit factum ex mandato Monasterij: aut sit Prælati debitum, pro vt Prælati est, vel debitum ipsius Conuentus. E contra verò obligatur quis Monasterio ex contractu facto cum monacho. Sâ *cit. loco*.
- 7 Non possunt Prælati regulares deferere aliquem Conuentum sine licentia sui generalis. Compendium verb. *Ædificare* §. 8. Vide Fratrem Thomam de Iesu, de statu Monachorum tom. 2. part. 3. Gloss. 2. super cap. 2. regula Carmelitar. fol. 157.

M O N I A L E S.

Vide suprâ verbo *Clausura Monialium*, vbi multa Moniales concernentia continentur, & infrâ, verb. *Velum virginis*.

Vide etiam verb. *Decime*, an teneantur illas soluere.
Vide

Vide etiam verb. *Hora Canonica*, quomodo teneantur ad illas.

Vide etiam verb. *Communicatio privilegiorum*, numero 3. & 4.

Vide etiam verb. *Abbatissa de Monialibus illegitimis & viduis*.

Vide etiam infra verb. *Novitia*, &c.

1. **A**N Moniales Abbatisſæ incurrant excommunicationem positam à Trid. *ſeſſ. 25 c. 16. de Reg.* ſi ante profeſſionem Novitiæ dotem receperint ſub titulo commodati, & ſub cautione, vel pignore reddendi dotem profeſſione non ſecuta, tenuit Rodrig. non incurrere in *tom. 2. q. 48. art. 5. & in Sum.* loco quem ipſe citat in *Addit. mox citandis*. Et dicebat Concilium non prohibere commodatum ſeu commodare Abbatisſis ob cauſas quas adducit *cit. art. 5.* explicans Concilium: ſed malè. Idem tenet Miranda *q. 8. de Monialibus art. 9.* At ipſe Rodrig. ſe retractat, & tenet oppoſitum, dicens Abbatisſas talem dotem non poſſe recipere ante profeſſionem etiam ſub titulo commodati, & ſub pignore: ita ille ſe retractans in *Addit. ad Sum. tom. 3. c. 144. concl. 6.* Et ita cenſeo tenendum; quia Concilium clarè, & ſtriçtè, & generaliter loquitur dicens quod non recipiatur, (*quocumque pretextu*) quæ verba nullam videntur pati expoſitionem. Vide quid ſimile infra *ver. Novitius num. 39.*

2. Moniales primæ regulæ Sanctæ Claræ, non obſtante quòd olim credebant ſe habere ultra centum præcepta obligantia ad mortale ex vi ſuæ Regulæ: in rei veritate non habent præcepta obligantia ad mortale niſi concernentia quatuor vota, videlicet contra obedientiam, paupertatem, caſtitem, & clauſuram. Et præterea concernentia electionem Abbatisſæ, viſcilicet eligant meliorem; cum cæteris contentis in *cap. de Abbatiſſa*, quòd ſcilicet procurent indignam privari, &c. ſic *Compend. verb. Moniales. §. 8. & Miranda quæſt. 9. de Monialibus. articul. 4.* Aduerto tamen ultra prædicta illas etiam obligari ſub mortali ad Officium

cium diuinum, vt dictum est *suprà verb. Hora Canonica.*

3 Hæ Moniales primæ regulæ Sanctæ Claræ, seu Damianæ possunt ex Conc. Trid. habere bona immobilia, & redditus annuos, *suprà ver. Hereditas ex Concil. Trid.*

4 Moniales virginēs in Religione in qua solent consecrari non possunt accipere velum virginittis ante annum 25. Est communis. Et tenet Rodr. *Addition. ad Summ. tom. 3. cap. 90. concl. 4.* quod Monialis corrupta, in occulto potest consecrari velo virginittis, & quod potest Episcopus id facere etiam si sciat in secreto, vtendo forma consecratoria virginum propter ius naturale honoris tuendi: quod intellige si sit consuetudo vt omnes consecrentur: & ista magnum dedecus rimeat, si non consecratur: & Episcopus sciens, verbo virginittis intelligat castittis: nam ius naturale tunc præualet positio. Vide *ver. Velum virginis.*

5 Monialis dubitans an esset baptizata, quæ ad cautelam se iterum fecit baptizari, si antea professionem emiserat, professio tenet ita vt exire non possit: sed tamen debet iterum Nouitiatum facere anno integro, & postea profiteri. Declararunt Cardinales apud Marzilian, *lib. 1. cap. 18. litera N.*

6 Excommunicationem incurrunt illi qui cogunt, vt aliqua fœmina sit Monialis, tum suscipiendo habitum, tum profitendo. Similiter incurrunt, dantes auxilium, consilium, vel fauorem. Et qui scientes illam non spontè ingredi quouis modo eidem actui, vel professioni, præsentiam consensum, vel authoritatem interposuerint. Ita Trid. *sess. 25. cap. 18. de Reg.*

7 Excipit tamen ibi Tridentinum, si fœmina secundum ius Canonicum aliàs cogatur ingredi Religionem. In quibus verò casibus fœmina ex iure teneatur ingredi Religionem refert Henriquez 2. *tomo libr. 11. cap. 8 §. 9. ad finem.* Primus est, quando fœmina publicè vel priuatim fecit votum Religionis, de quo constat. Secundus, si fœmina post duos menses coniugata nolit consummare matrimonium de Religione deliberans. Tertius, si post quinquennium dicat professionem suam fuisse nullam. Quartus ob crimen, vt si damnatæ

ad

ad carcerem perpetuum, offerat Papa ut sit Monialis, & liberetur à carcere: tunc enim debet cogi. Sic etiam de adultera, cui pœna remittitur dummodo sit Monialis, & illa acceptavit. In omnibus supradictis cogere ut intret, non est contra Trid.

8 Eodem loco Tridentin. excommunicantur ii qui ab opposito aliquam fœminam sine iusta causa impedierint ne sit Monialis. Vnde non videtur hanc secundam excommunicationem incurrere, qui dixerit fœminæ non posse illam præ imbecillitate portare vitam rigorosam talium Monialium; vel non suppetere illi dotem, vel aliam causam moralem iustam opposuerit ob quam non possit esse Monialis, Concilium enim dicit (*si sine iusta causa impedierint*) excipit ibi Concilium fœminas quæ pœnitentes seu conuertitix dicuntur; in quibus iubet illarum constitutiones observari.

9 Declararunt etiam Cardinales apud Marzillam lib. 1. cap. 21. non esse dicendum quod pater coegerit filiam, ut esset Monialis, quam pater illegitimam, instituit hæredem in testamento ut Monasterium ingredia-
tur; eaque de causa Monasterium instituit, & filix relinquit 25. aureos pro alimentis intra Monasterium: non, inquam, talis pater coegit filiam ad monachatum, quia non fecit vim incussivam: sed solum fuit causa inductiva, quæ non cogit, Eodemque modo hodie liberantur patres nobiles, qui vel filias infantulas ad Monasterium mittunt; vel illis iam adultis dicunt se non habere dotem ad illas maritandas, & proinde illis superesse monasterium: in neutro enim casu faciunt vim incussivam, imò de remedio cogitant; illis verò semper manet liberum dissentire si velint.

10 Moniales non possunt confiteri cuius confessori, etiam Religioso, extra confessorem assignatum illis à Prælato, nec virtute Bullæ Cruciatæ, vel cuiusvis alterius Bullæ particularis concedentis, ut possit eligi confessor quicumque approbatus. Expresse prohibuit Clemens VIII. Motu proprio, vel Bulla, posita in Bullario Rodrig. f. 1217. Extenditurque ibi ad omnes Religiosos, & omnes Moniales, & idem antea fuerat decla-

ratum à Cardin. missumque Archiepiscopo Valentia, ut refert Rodr. in *Explicatione Bullæ Cruciatæ*. Et confessio aliàs facta est nulla.

11 Moniales Sanctæ Claræ secundæ regulæ, dictæ Urbanistæ, gaudent priuilegiis concessis Monialibus primæ regulæ eiusdem Sanctæ Claræ. Rodrig. *tom. 3. quest. 6. art. 4.*

12 Moniales Sanctæ Claræ possunt absolui à Prouincialibus, Visitatoribus, & Confessoribus ordinariis illarum, ab omnibus criminibus, pœnis, & censuris etiam Sedi Apostolicæ reseruatis, quoties opus fuerit. *Compend. verb. Moniales. §. 12.*

13 Confessores Monialium Sanctæ Claræ, non possunt durare in officio ultra triennium. Sic Iulius II. in *Compend. verb. Vicarius Monialium.*

14 Quando Prouinciales per annum bis, vel ter Monialibus assignant confessorem extraordinarium vulgo *Alleuiador* : Monialis quæ noluerit illi extraordinario confiteri, poterit confiteri cum suo antiquo ordinario: exhibitio enim illius extraordinarij est fauor cui potest renuntiare Et Concil. Tridentin. ait, quòd offerant talem extraordinarium : non verò ait quòd cum mandato cogant. Et sic non faciet prudenter Prouincialis, qui præcepto cogat omnes Moniales confiteri illi extraordinario. Si verò cogat, dicens quòd proprio confessori tunc non confiteantur, tenebit mandatum, & non tenebit confessio nisi cum extraordinario.

15 Monialis translata de vno Conuentu ad alium cum licentia Papæ, & illa petente non deferet secum dotem datam primo Conuentui, neque illa quæ ibi acquisiuit post professionem, iuxta Nauarr. *Commentar. 4. de Regular.* Secus si Papa specialiter id præcipiat. Si verò illa translationem non petiit, sed propter culpas ad alium Conuentum relegatur, primus Conuentus tenetur illam alere in secundo Conuentu. Rodriguez *Addition. ad Summam, tom. 3. cap. 143. conclus. 12.*

16 Contractus facti à Monialibus absque licentia suorum superiorum maximè in rebus alienandis, sunt inualidi etiam in foro conscientia. Rodriguez *tom. 2.*

q. 27.

27. art. 9. & in *Addit. Sum. tom. 3. cap. 158. num. 14.* vide
suprà *ver. Alienare.*

17 Si Monialis recipitur in vno Conuentu, absque dote
per solam præsentationem fundatoris, si parentes sic re-
ceptæ moriantur, Conuentus nihilominus ratione illius
hæreditatem capiet. Probat, quia fundator per suam
præsentationem solam, non potest priuare Conuentum
illa re quæ sibi debetur de iure.

18 Vocati ad dirigendas Moniales in suis electioni-
bus excommunicantur illi qui non abstinent ab iis, per
quæ inter illas potest oriri discordia, vel ab iis per quæ
iam orta discordia nutritur. *c. indemnitatibus, de elect. in*
6. Nota verb. *Vocati*, vnde non vocati ad hoc, etiamsi
oppositum facerent, quidquid sit de peccato, non incur-
rent hanc censuram.

AD DITIO.

Ide suprà verbo *Abbatissa*, & verbo *Clausu-*
ra monialium, & infra verbo *Novitius*, vel *No-*
uitia.

1 Monialem non posse transire de vno Conuentu ad
aliu causa foundationis, correctionis, vel reformatio-
nis absque expressa licentia Papæ refert Zerola in *sua*
Fraxi Episcop. 1. parte, verb. Moniales §. 16. declaratum
fuisse à Cardinalibus, fieri id posse cum sola licentia
sui Superioris absque recurſu Papæ, tenet Nauar, *consil.*
37. de Regul. num. 6. & tit. de statu Monachorum consil.
5. num. 3. & 6. Et ita vidi obseruari in praxi absque li-
centia Papæ. Taxato numero Monialium recipien-
darum in vno Conuentu, si crescant redditus annua-
les Conuentus, vt possit vltra duas, vel tres alere, hæ
possunt vltra numerum antiquum recipi, facit om-
nino capit. clem. M. Ferrariensis, de *constit.* vbi decer-
nitur aucto numero reddituum in Capitulo posse au-
geri Canonici vltra numerum taxatum circa Ca-
nonicos.

2 Dixi suprà Moniales Damianas primæ regulæ Sanctæ Claræ non peccare mortaliter ex obligatione suæ regulæ nisi in actibus contra tria vota essentialia, clausuram & in concernentibus electionem suæ Abbatisæ, vt ibidem dixi *verb. Moniales n. 2.* Nunc addo, idem declarasse Eugenium I V. circa Moniales, secundæ regulæ Sanctæ Claræ, vulgo *Urbanistas*, quòd scilicet ex vi regulæ non peccent in aliis præceptis regulæ, nisi in eisdem quæ dicta sunt Monialibus primæ regulæ, Habetur Bulla in Bullar. Rod.iguez fol. 251. n. 11.

3 In Bullario Rodriguez f. 620. Iulius II. concessit quòd Moniales primæ regulæ Sanctæ Claræ possint transferri ad fundandum Monasterium secundæ regulæ eiusdem Sanctæ Claræ, & huiusmodi, id est, (vt intelligo) vel ad Monasteria similia. Scio enim in mea Prouincia iam à Conuentu Conceptionis exisse Moniales Sanctæ Claræ secundæ regulæ siue Urbanistas ad fundandum Monasterium Monialium de Estremoz aliam regulam valde dissimilem profitentium, quæ non est regula Sanctæ Claræ: Sed credo tunc interuenisse specialem licentiam Papæ. Neque ego hodie id facerem absque expressa licentia Papæ, si Claristæ deberent exire ad fundandum Conuentum alterius Ordinis. Sed prædicta concessio solùm loquitur de Monialibus primæ regulæ, vt exeant ad fundandum Conuentum secundæ regulæ: non verò vt exeant Moniales secundæ regulæ ad fundandum Conuentum alterius Ordinis.

4 In eodem Bullario, & fol. col. 2. n. 3. concessit idem Iulius II. quòd promissiones, iuramenta, & vota per ipsas fienda non teneant, neque obligent ipsas moniales ad peccatum mortale. Hoc ego intelligo de iuramento in iudicio dando, ac de promissionibus factis contra statum paupertatis, vel Monachalem; ac deuotiones quæ impleri non possunt absque licentia Prælati. Hæc enim non obligabunt absque consensu Prælati, & Prælatus illa poterit irritare. Si verò tria prædicta fiant in rebus ordinariis, in quibus Moniales inconsulto Prælato possunt prædicta uxequi, credo illa tria valere, atque illas obligare, donec à Prælato relaxentur, vel irritentur.

5 In

5 In Concil. Tridentino *sess. 15. de Regular cap. 18.* excommunicantur omnes personæ cuiuscunque conditionis, & status sunt, quæ coegerint aliquam mulierem, ut sit Monialis. Et circa hoc quatuor ibi actiones interduntur. Prima est, cogere illam præterquam in casibus à iure expressis, de quibus casibus dixi suprâ verbo *Moniales num. 7.* Secunda est, dare auxilium, consilium, vel favorem ad illius Ingressum. Tertia, sciendo fœminam non sponte ingredi, neque habitum suscipere, vel professionem emittere, interponere illi ac tui præsentiam, vel consensum vel authoritatem. Quarta impedire fœminam ne sit Monialis absque iusta causa. Quæ excommunicatio nulli reservatur, sed cum res sit digna explanatione, & possit non rarò euenire, maximè his temporibus quando ferè paucae habitum suscipiunt ex pura deuotione, dico sequentia.

6, Illam excommunicationem ligare omnes personas cuiuscunque sint conditionis, etiam Regem, & Imperatorem, tenet Suarez *tom. 5. disp. sect. 5. num. 8.* At Sanchez *lib. 4. Decalog. cap. 4. num. 2.* ait non ligare Regem, nec Imperatorem. Mouetur, quia Tridentinum *sess. 24. de Matrimonio c. 9.* sub iisdem verbis excommunicat cogentes aliquos ad matrimonium & tamen communior opinio affirmat Reges, & Imperatorem non ligari illa censura si cogant aliquem ad matrimonium contrahendum.

7 Non incurrunt illam excommunicationem illi qui cogunt viros seu iuuenes ad habitum recipiendum, vel ad profitendum: vel illos ad id faciendum impediunt. Nam Concilium loquitur de solis fœminis, & lex poenalis non debet extendi ad similem casum Si enim Concilium vellet comprehendere viros, id sanè exprimeret: sicut fecit *sess. 24. cap. 9. de matrim.* ubi prohibens ne quis aliquem cogat ad contrahendum matrimonium exprimit viros ac mulieres. Loquens verò de cogentibus ad Monasterium, solum exprimit fœminas. Nam in fœminis debilioribus, ac timidioribus frequentior est illa violentia, & propterea solum circa illas fuit necessaria censura. Ita Suarez *citato lo-*

co. Vnde quando statuta generalia Tollerana Minorum titulo de libertate Nouitiorum, dicunt, cogentes aliquem Nouitium ne exeat ad sæculum posse timere hanc excommunicationem Concilij Tridentini periculum cogentibus, vel impredientibus fœminas, non est mens talis statuti dicere quòd Fratres impediendi Novitium ne exeat, illam censuram incurrunt. Sed solum intendit, quòd timeat tales Fratres facere illud opus, vel peccatum propter quod Concilium excommunicat in simili cogentes, vel impediendi fœminas. Neque item ibi statutum generale ibi imponit censuram contra Fratres id facientes circa Novitios; sed solum imponit pœnam priuationis officiorum.

8 Si metus incussus fœminæ fuerit grauis, & cadens in virum constantem, certum est incurrere talem censuram. Et consideranda est qualitas metus, & personæ, nam metus qui respectu viri est levis, respectu fœminæ potest esse grauis, vt bene probat Sanchez *cit. lib. 4. Decalog. cap. 3. num. 21.* Si verò metus incussus fœminæ sit levis tantum credit Sanchez *cit. c. 4. num. 4.* non incurrere excommunicationem, & probat ibi efficacibus rationibus quarum vna est, quod Concilium Tridentinum *citato cap. 9. de Matrimon.* rigidioribus verbis excommunicat cogentes viros, vel mulieres ad matrimonium, quam excommunicet cogentes fœminas ad Monachatum: Et tamen communior sententia docet cogentes virum vel mulierem ad matrimonium non incurrere excommunicationem, si metus sit levis, vt probat Henriquez *lib. 11. de Matrim. cap. 6 n. 5* Et facit quod ait Sorus *7. de Iust. quest. art. 1. ad secundum in fine*, videlicet, merum leuem in spiritualibus non comprehendit metus nomine. Et fauet valde Clement. 1 n. 3. *de foro competenti*, vbi ait in iure non haberi rationem metus levis.

9 Maius dubium est, an si metus incussus fuerit grauis, & ex causa iusta, si videlicet quis minetur fœminæ accusationem iustam veri delicti grauis, nisi fiat Monialis, an talis incurrat. Sanchez *cit. cap. 5. num. 9.* ait duas opiniones esse in hoc casu. Prima asserit in-

curre,

currere, secunda, cui ipse propender, dicit non incur-
re: quia in simili casu tenet ipse probabilius professionem
factam ob iustum metum incussum non irritare profes-
sionem. Et tandem dicit in vtraque opinione non incur-
surum hanc censuram illum, qui Moniali taliter mina-
retur iuste, quando metus non incutitur animo extor-
quendi professionem, sed tantum datur via euadendi ex
periculo, foeminam relinquendo in sua libertate.

10 Si quis inducat foeminam ad ingressum Mona-
sterij promittendo illi officium in religione, fauorem,
vel aliud lucrum, non incurreret, quia hæc promittere, non
est cogere, sed suauiter inducere vt in casu simili tradit
Suarez *tom. de Censur. disp. 23. sect. 5. num. 6.* excipe, nisi
lucrum promissum, vel dilatio stipendij, vel lucri esset
adeo magnum, vt censeretur metus cadens in virum
constantem, pro quo vide Sanchez *lib. 4. de Matr. disp. 5.
num. 28.*

11 Quid si parentes dicant foeminæ, quod illam pri-
uabunt hereditate, si non intret Monasterium? Respon-
deo illos incurrere, tum quia id non possunt facere, tum
quia illa comminatio respectu foeminæ censetur metus
grauis. At si parentes dicerent filia: si non ingrediaris
Monasterium, non relinquam tibi meam partem hære-
ditatis quam liberè possum dare, verb. gratia, in Portu-
gallia tertiam, vel quid simile: non incurrunt parentes;
quia illud possunt facere, & illa comminatio non cen-
setur metus grauis etiam respectu foeminæ.

12 Quid de metu reuerentiali incusso foeminæ, &
cum illo ingredienti? Suppono metum reuerentialem
esse illum, quo timemus displicere Prælato, Magistro,
parentibus, & similibus quos paternè reueremur, & in
hoc casu vt plurimum, ipsi parentes, Prælati, &c. non
incutiunt metum, sed ipse inferior metum concipit; at-
que imbibit ob reuerentiam patris, & similibus. In hoc
ergo casu credo talem metum non inducere illam ex-
communicationem, quia parentes, vel consanguinei in
illo timore incutiendo non se habent actiue, vt dixi-
mus, etiam si manifestent puellæ talem statum Mona-
chalem illi conuenire, eo quod non habeat dotem pro

matrimonio: vel eo quòd non illi securum erit manere in sæculo absque matrimonio, & absque Monachatu. Et hæc est praxis in tota ferè Ecclesia, iuxta quam facientes parentes nemo iudicat excommunicatos. Imò etiam si parentes, vel alij importunis præcibus suaderent puellæ, vt ingrederetur, vel non ingrederetur, non incurrent, quia suasio etiam importuna, non est coactio.

13 Incurrent verò censuram illi, qui Monialibus fœminam recepturis graue malum minarentur, vt tenet Pallatius in 4. *distinct.* 28. *disput.* 1. *col.* 2. Quod intellige, dummodo illa comminatio attentis circumstantiis minantis, & mali dicatur metus grauis respectu Monialium, qualis fuit metus Henrici I. Regis Angliæ incussus Monasterio Pontiniaco recipienti Sanct. Thomam Cantuariensem, vt dicitur in Breuiario. Et sic proportionabiliter potest hodie contingere. Attamen Sanchez *cit. cap.* 4. *n.* 11. non fore metum grauem; ac sufficientem si vir nobilis solitus facere copiosas elemosynas Monialibus minetur se amplius non illas facturum si talem fœminam recipiant, vel si illā nō recipiant.

14 Incurrunt etiam hanc censuram cogentes fœminam intrare Monasterium, etiam si non dicant vt intret ad habitum suscipiendum, neque ad professionem faciendam, sed solùm, vt ibi maneat cum habitu sæculari vsque ad occasionem nubendi. Nam Concilium clarè exprimit, ac prohibet siue distinctione ingressum Monasterij, & illum ingressum, vt sic dicam, datur occasio, vt postea puella monasterio ob verecundiam fœmineam, & Monialium suasionem suscipiant habitum inuoluntaria. Addit verò bene Rodr. 2. *tom. summ.* *cap.* 8. *n.* 9. hoc maximè verum esse quando coactio illa ingressus sit in Ordine, vel cum animo ad postea suscipiendum habitum Religionis siue suasionibus Monialium, siue alia via: secus si hoc nullo modo intenderet ipse cogens, tunc enim non incurreret.

15 Incurrunt etiam hanc censuram qui puellam liberè ingredientem, vt maneat ibi in habitu sæculari educationis gratia, post ingressum cogent, vt habitum suscipiat religionis. Item si cogunt eadem puellam
post

post habitum susceptum, ut profiteatur inuita, hæc enim omnia exprimit Concilium *cit. sess.* Non verò incurreret illam censuram is qui cogeret fœminam manentem in sæculo, ut faceret votum religionis, quia hoc non exprimitur in Concilio, & lex pœnalis non est extendenda, sed restringenda. Adde quia cogere ad votum Religionis non est cogere ad ingressum, nam illud votum metu graui extortum est irritum, & non obligat ut Doctores tradunt in materia de voto: vel saltem metu graui factum potest ab Episcopo dispensari. Neque incurrant impediētes metu graui ne fœmina emittat votum religionis quandiu est in sæculo, quia similiter Concilium hoc non expressit, ut tenet Suarez *tom de cens. disp 23. sect. 5. num. 10.*

16 Circa verò impediētes professionem fœminæ, sciendum, Concilium de cogentibus fœminam expressisse, ingressum, susceptionem habitus, & professionem. At quando loquitur de impediētibz fœminam, non exprimit impediētes primum ingressum siue Nouitiatum, sed solum professionem, seu veli suscipiendi quod recipitur in professione. Cuius occasione Sanch. *cit. c. 4. n. 15.* ait, non incurrere censuram impediētes ingressum Monialium ad Monasterium, & Nouitiatum, sed solum impediētes professionem, post susceptum habitum. At securius iudico quod ait *cit. loc.* tales incurrere. Nam cum professio fieri nequeat nisi suscepto habitu, impediēz susceptionem habitus verè dicitur iam impedire professionem: sicut impediēz medium necessarium ad finem verè dicitur impedire talem finem. Non incurreret verò pater, qui filiæ dixerit non posse illam esse Monialem, quia caret dote, siue qualitate, & sic de cæteris iustis. Rod. *tom. 3. qq. q. 14. a. 3.*

17 Incurrunt denique cogentes fœminam, simul, & dantes auxilium, consilium, fauorem, &c. dummodo sequatur effectus suæ coactionis, vel in ingressu, vel in habitus susceptione, vel in professione, ad quodcunque horum coegerint, consuluerint, &c. secuto effectū. At si non sequatur effectus suæ coactionis, vel consilij, &c. peccabunt mortaliter, cum sit materia grauis, & pro

libira, sed non incurrant censuram. Nam quotiescunque Canon excommunicat facientes, mandantes, & similes, intelligitur secuto effectu, vt Doctores fatentur cum Sanchez loco citat. num. 19. Ego addo neque incurere ignorantes voluntatem, scemina inuira. Nam Concil. solum excommunicat scientes. Et tunc excusabuntur etiam per ignorantiam crassam, vt supra dixi *verb. Ignorantia, & verb. Lib. prohibiti*. Neque item incurrant impediens ingressum, vel professionem, si nihilominus scemina fuit ingressa, quia non est secutus effectus suae impeditioni. Conatus enim ad crimen non punitur poena ordinaria legis crimine non secuto: vt Doctores Iuristae docent communiter cum praxi: & praedicti conantes cogere, vel impedire, non secuto effectu, vere non cogerunt, neque impediunt. Denique non incurrant qui tali actui praesentes fuerint non animo auxiliandi, vel fauendi violentiae illi, sed alio animo, videlicet si assisterent gratia domini sui quem comitantur, vel vt audiant Missam dictam tempore professionis, vel, vt audiant illam professionem: hi enim omnes non faciunt illi violentiae, neque ea de causa assistunt.

18 Quæris. Diximus supra *verb. Clausura Monialium num. 7. in fine, & num. 8.* cum Sanchez lib. 4. Decalog. cap. 18. num. 8. & seqq. citante duo capita iuris Canonici, ac Diuum Thomam, diximus, inquam, parentes habere ius patrum, vt filios, & filias impuberes ante pubertatem offerant religioni: & Sanchez *ibidem num. 9. & 10.* ait praedictos filios ante pubertatem oblatos religioni à parentibus, vel à tutore, non posse resilire ante pubertatem, & teneri obedire parentibus in spiritualibus ante pubertatem: Hoc posito, quæris, si parentes, aut tutor cogant puellam ante pubertatem, id est, ante annos 12. vt ingrediatur Monasterium oblationis causa, quia scilicet volunt illam offerre religioni, vtrum in hoc casu incurrant illam censuram: Et dixi, ante pubertatem, quia post illam non est dubium, quod incurrant. Hoc dubium neque mouet Suarez, neque Sanchez: neque alius quem viderim. Et quidem ex duobus dictis à Sanchez videtur clarè colligi tales parentes, vel tuto-

res tunc non incurrere. Si enim puer, vel puella oblata à parentibus religioni non possunt resilire à tali oblatione ante pubertatem, ut ibi probat Sanchez. *2. 9.* Si item ante pubertatem tenentur obedire parentibus in spiritualibus, sequitur non peccare parentes offerentes puellam inuitam ante pubertatem religioni. Quod expressius innuit Sanchez *cit. num. 9.* dum ait tales filios ingressos Ordinem ante pubertatem sua sponte, posse exire quoties voluerint ante pubertatem, non verò oblatos à parentibus: ergo clarè innuit oblatos, à parentibus posse intrare inuitos ante pubertatem, titulo oblationis, idem fere innuit Sanchez *lib. 1. Decalog. cap. 17. num. 34.* Dum ait Tridentinum non curasse de examinanda libertate puellæ ante susceptionem habitus si non habet annos 12. ob tenerum rationis usum tunc in puella. Probo secundo, quia iniuste talis puella dicitur inuita, si non obedit parentibus in illis ad quæ tenetur. Tertiò, quia tunc talis puella inuita à parentibus oblata religioni diceretur intrare ante annos pubertatis in casu à iure permissio: id enim permittit ius, *cap. 2. de Regular. & cap. puella 2. quest. 2. & cap. addidisti 20 quest. 1.* cogentes verò intrare in casu à iure permissio non excommunicantur à Tridentino. Adde quòd Tridentinum Concilium ibi non reuocat aliquod ius commune Fateor hæc augere probabilitatem opinionis istius. Sed tamen textus suprà citati à Sanchez clarè non dicunt filios ante pubertatem oblatos religioni à parentibus non posse resilire, vel teneri obedire: ac proinde non inclinor ad hoc asserendum, quamvis id colligatur à Doctoribus citatis ex Sanchez. Timeo præterea tale dubium resolvere, quia Tridentinum valde generaliter loquitur contra cogentes; exprimit enim primò mulierem, secundo virginem, tertiò viduam: virgo autem & mulier in communi loquendi usu etiam de puella decenni intelligitur, & proinde securius censeo dicere parentes in hoc casu etiam incurrere. Et ipse Sanchez *4. Decalog. citat. cap. 9. num. 28.* ait filium impuberem non teneri obedire parentibus vouentibus illum auferre religioni.

18 Quæris. De mandato Domini Papæ Pauli V. in hoc regno Portugalliæ nuntius seu Collector Apostolicus taxauit in quouis Conuentu Monialium numerum religiosarum, quæ in quouis Conuentu recipi deberent: id quod fecit præcedente informatione reddituum cuiusque Conuentus Monialium, taxando numerum unicuique Conuentui iuxta sufficientiam reddituum ad talem numerum Monialium sustentandum. Et insuper prohibuit sub censuris, & priuatione officiorum ne Prælati vel Prælatæ aliquam Monialem recipiât ultra illum numerum cuique Conuentui assignatum. Hoc posito, quæris an si ultra talem numerum offeratur fœmina cû magna dote, quæ dos non solum sufficiat ad sustentationem annuam fœminæ denuo aduenientis, sed etiam ad augendos redditus annuos Conuentus possit talis fœmina recipi absque incurso dictæ prohibitionis, & pœnarum illius.

Reginaldus *tom. 2. in sua Praxi libr. 23. numer. 194.* citans Nauarr. & Suarez tenet stando solum in iure Tridentini *sess. 25. capit. 3. de Regularibus.* ubi iubetur quod non recipiantur plures Moniales in quouis Conuentu quàm quæ sustentari commodè possint ex redditibus annuis illius; tener, inquam, hoc non obstante, quod si aliqua fœmina veniat extra numerum taxatum quæ sit sufficienter dotata, ex qua dote ipsa possit sustentari, posse talem fœminam admitti ultra taxatum numerum. Idque citati Doctores à fortiori dicent in casu à me proposito, quando per nouam dotem istius crescens redditus Conuentus pro meliori sustentatione cæterarum. Neque obstat *c. unico §. 1. de statu Reg. in 6.* & Tridentinum eidem inhærens, ubi prohibentur plures recipi quàm possint sustentari ex redditibus consuetis. Non, inquam, obstant hæc iura, quia citati Doctores exponunt, ut non recipiantur aliæ gratis, & sine dote, ita ut debeant sustentari expensis ipsius Conuentus, Secus si afferat congruam dotem perpetuam in rebus immobilibus vnde ipsa sustentetur. At si afferat dotem excessiuam ut duplicatam, vel triplicatam, ut ego propono in casu, à fortiori id dixissent, nam cû finis Concilij in illa taxa sit prouidere ut Monialibus non

non desit congrua sustentatio, iste finis non impeditur per receptionem istius nouæ fœminæ, imò potius multum iuuatur, cum inde crescat commodior sustentatio cæterarum. Et finis legis sit attendendus in *l. non verbo legis*. Constat autem quòd non prohibitio D. Pauli V. Nuncij illius tendunt clarè ad executionem Concilij Tridentini, ac proinde habentem prædictum finem Tridentini, qui est commoda Monialium sustentatio. Quod verò finis legis, non verba illius sit attendendus, habetur expresse *regula ultima de Regul. Iur. in 6.* vbi dicitur, quod is committit in legem, qui verba legis complectens contra legis nititur voluntatem. Ego in hoc casu à me proposito de duplicata dote duo dico. Primum, quòd si ego essem Prælatus talem non admitterem absque expressa licentia eiusdem Nuncij Collectoris, propter expressam prohibitionem factam post taxatos redditus, ac numerorum. Dico tamen esse certissimam, ac iustam causam vt ipse dispenses, vel declaret talem casum in sua lege non prohiberi. Secundo dico quòd Prouincialem, qui talem fœminam reciperet duplicata dote in bonis immobilibus, ego non condemnarem, neque dicerem illum incurrisse prædictas novas pœnas, cum iuxta tales tres Doctores citatos non contrauenerit Concilio Tridentino, imò illius intento nimis fauerit.

Moniales non tenentur confiteri confessario extraordinario oblato à Prouinciali bis, vel ter in anno, si ipsa noluerit, habetur in declarationibus Cardinal. impressis Duaci anno 1618. fol. 348. §. *qui omnium*, sed poterit confiteri suo ordinario. Vide tamen in fine operis, *verb. Monialis n. 1.*

ADDITIO AD ADDITIONEM

S Vprà hoc eodem *ver. Moniales, n. 18. ad finem*, dixi probabiliter posse sustineri non esse damnum Prouincialem qui reciperet vnâ Monialem ultra numerum taxatum à Collectore istius Regni, si illa

illa adducat dotem duplicatam, ob rationes ibi assignatas. Nunc dico, ne omnino id fiat cum tali dote, absque expressa licentia Papæ, quia sic vsus postea obseruauit. Si verò aliquis in hoc facto vellet se excusare, posset pro se adducere *cap. cum M. Ferrariensis. de Constit.* vbi Innocent III. decernit quòd si aliquod Capitulum habeat taxatum numerum tot Canonorum, vt ultra non possit crescere, & hoc per Papam confirmatum: si tamen postea redditus temporales ita creuerint, quòd possint ultra commodè sustentari duo vel tres Canonici, hi poterunt deinde recipi, & superaddi non obstante prædicto statuto per Papam confirmato. Verum quidem est quod ibi Papa in tex. innuit necesse fuisse, vel decuisse, vt in confirmatione diceret Papa, secus faciendum, si redditus pro tempore excreuerent. Et proinde hodie necessarium est vt non obstante dote duplicata habeatur expressus recursus Papæ, ad vitandam censuram.

2. Si de licentia Papæ in aliquo Conuentu Monialium supra taxatum numerum recipiantur aliquæ cum duplicata dote, (quæ sic receptæ dicuntur supernumerariæ,) hæ sic receptæ non ponuntur in numero cum alijs antea taxatis: & proinde si moriatur aliqua ex numero antiquo taxato, poterit Prouincialis aliam recipere sine nouo recurſu Papæ: quia illæ supernumerariæ non impediunt, neque mutant, neque addunt numerum taxatum, sed semper extra vagantur. Sic declaratum fuit ab Illust. Cardinalibus Romæ teste Quaranta citato per Fr. Emanuelem Montis Oliueti in *explicatione secunda Reg. Sanctæ Clara Rubr. 3. quest. 4. §. E prouase mats.* Quam declarationem ibi vide ad longum.

3. Quando Papa iubet recipi aliquam Monialem cum dote duplicata, ista duplicatio dotis debet intelligi secundum æstimationem regni & Conuentus illius in quo Nouitia recipitur: non verò secundum æstimationem dotis quæ Romæ dari solet, vel Italiæ, vbi litteræ expediuntur. v.g. Si in Conuentu vbi Nouitia recipitur dos ordinaria sunt mille ducati Lusitani, talis Nouitia debet soluere duos mille ducatos Lusitanos. Ita fuit declaratum

claratum ab Illustrissim. Cardinalibus Trident. quorum declarationem ex Quaranta citat Monteoliuete *citat. Rubr. question. 3. numero 5.* Et ita ait iudicatum fuisse Conimbricæ per Vicarium Generalem Episcopi. Si verò litteræ Pontificiæ alicui Vicario Generali dirigantur, & ille aliter iudicauerit faciendum in taxanda sic duplicatione dotis, (sicut certò scio iudicasse, & malè, Vicarium quendam Generalem vnius Diocesis) potest Prouincialis ab illo appellare, cùm non iudicet secundùm declarationem citatam Cardinalium, cuius verba citat Monteoliuete *citat. num. 5.*

• NOTARIVS.

1 **P**ossunt Regulares, Prælati, in causis priuilegiorum suorum, & concessionum Papalium, creare Notarios Religiosos, qui sint eiusdem valoris, & fidei atque sæculares. Concessit Pius V. Prædicatoribus. Tenorem Bullæ vide apud Rodriguez *tom. 3. questione 8. artic. 1.* Bulla verò solum sonat, quòd hi Notarij inseruiant ad fidem dandam circa priuilegia, & concessiones Pontificias suorum Conuentuum, pro negotiis Conuentuum, vt ita fides talis Notarij à Prouinciali assignati vbique fidem faciat etiam coram Iudice sæculari, & ponit Bulla pœnas contradicentibus. Et notat Rodrig. *citato loco*, quòd isti Notarij sunt perpetui, pro negotiis priuilegiorum, etiam extra Ordinem.

2 An possint Prouinciales creare Notarios intra Ordinem pro causis criminalibus Religiosorum, ita vt illis tanta fides adhibeatur, quanta Notario sæculari? Innuit clarè Rodriguez, *citato loco, art. 1. & Addition. Sum. tom. 4. cap. 18. num. 1.* & tenet expressè, & fusè Aldrete *lib. 1. de Religio. disciplina. capit. 8. à num. 3. & sequentibus.* Cùm enim causæ Religiosorum, non possint tractari coram Iudice sæculari: neque possint causæ illorum graues processari absque Notario, vt tenet Rodriguez *tom. 2. questione 13. articul. 2.* (quia
Index

Iudex non potest esse Notarius) sequitur omnino quod Superiores in causa criminali graui, possint creare Notarios, quod solent facere per suum Secretarium: possunt enim in causis subditorum, quod possunt Episcopi. Habent enim Prælati Regulares plenum ius circa causas suorum subditorum. Idemque poterunt facere Guardiani in causis suorum subditorum. Et hoc posse facere Prouinciales ex consuetudine tenet Aldrete *cit. loc. num. 4.* citans Ioan. Andr. Abbat. Felin. Immolam.

Optimè tamen aduertit Aldrete *n. 8. & 9.* quòd iste Notarius creatus à Prouinciali (idem intellige de creato à Guardiano) debet prius recipere iuramentum fidelitatis: iuramentum enim tam est de essentia Notarij, quàm de essentia testis: & in iudicio sæculari nullus Notarius admittitur absque præuio iuramento fidelitatis. Vnde Notarius in causis Religiosorum si non recipiat hoc iuramentum, in rigore non faciet processum iuridicum substantialiter.

Vnde ego infero debere Prouinciales suos Secretarios electos in principio officij creare Notarios cum præstito iuramento prædicto pro causis Fratrum, idque in publico, vt constet omnibus. Hoc autem facto, quando ipse Secretarius fidem dederit, de aliqua re facta absque testibus, illi credetur infallibiliter tanquam Notario publico apud sæculares: & hoc sæpè in multis negotiis est necessarium: vt experientia docet. Quod si prædictum iuramentum non præcedat, fides illius, & facta per illum in rigore non sunt iuridica, vt dixi, quia non est Notarius iuratus, nec proinde in rigore Notarius, de cuius essentia, est iuramentum.

3 Prædictus Notarius regularis, ultra subscriptionem testium ipse, etiam debet subscribere proprio nomine. Sic enim colligitur ex iure. Rodrig. *in Addit. Sum. rom. 4. cap. 58. concl. 10.*

4 Religiosus, qui in sæculo fuit Notarius, si fiat Monachus, post professionem potest conueniri coram Iudice sæculari, cuius fuit Notarius vt reddat rationem scripturarum, quas antea habebat. Rodriguez *ibidem num. 4.*

5 Etiam in iudicio sæculari danda est fides libris rationcini,

tionij, factis per Notarios Monachos, vel Moniales Notarias, vel in similibus obligationibus. Sic enim vsus obtinuit: & refert Valascus Lusitanus *libro 1. Consultationum*. se ita vidisse iudicatum in facti contingentia.

6 Malè faciunt Prælati qui in re graui faciunt processum per se ipsos absque Notario: est enim de iure communi, quod scribat Notarius, & proinde videtur de substantia iuris in qua Prælati non possunt dispensare: de quo multa Rodriguez, *tomo 2 questione 13 articulo 2*. Ipse tamen in *Addition. Summ. citato capit. 58. numero 9.* dicit quòd si Prælati oppositum faciant ob consuetudinem, quod non condemnat, sed quod non laudat, neque ego probo, sed potius condemno.

A D D I T I O.

1 **N**otarius, seu Tabellio in actibus extraiudicialibus valet pro duobus testibus. Ita gloss, *cap. vt officium. de hæreticis in 6. ad §. verum quia. in fine*. Et gloss. *in c. quoniam contra. de probat. ver. duos viros*. Hoc volui admonere, vt sciant Prælati hoc etiam locum habere in suis secretariis, si illos eligant cum iuramento, & circumstantiis à me notatis suprà *ver. Notarius*: habent enim Prælati ordinum priuilegium eligendi Notarios pro suis causis iudicialibus: ac proinde Notarij Religionum habebunt illas prærogatiuas, quas habent Notarij sæculares. Sed nota quòd hoc intelligitur de Notariis extra iudicij processum, quando scilicet non adsunt testes, & apud nos Lusitanos dici solet: *Que o Escriptuano deu sua fé, de como juiz mandou tal, &c.*

PVNITIO RELIGIOSI EXTRA

*Conuentum publicè delinquentis pen-
tentè Episcopo.*

2 **C**onstat ex Concilio Trid. *sess. 25. c. 14. de Regul.* quòd si Episcopus in visitatione repererit aliquem Religiosum publicè deliquisse extra Conuentum, tenetur Prælatus Religiosi illius eundem punire modo quo dixi *suprà verb. Episcopus n. 8.*

Quo posito, vidi iam dubitari an Prælatus Religiosi possit illum punire ex vi solius processus quem Episcopus misit ad Prælatum circa delicta Religiosi : an verò Prælatus debeat per se ipsum facere alium processum, & inquirere de delicto, ut eo probato per processum Prælati puniatur talis Religiosus ? Et videtur quod ad illum puniendum non sufficiat processus factus ab Episcopo, quia Episcopus non est iudex competens Religiosi, ut patet : at processus factus à iudice non competenti, est nullus, ut colligi potest ex utroque titul. *de foro competenti.*

3 Ego credo quòd Prælatus Religiosi poterit illum punire per solum processum factum ab Episcopo, citato tamen, & prius audito Religioso iuxta iuris Ordinem. Moueor ad hoc, quia Concil. Trident. *cit. cap. 14.* non dicit ut Prælatus inquirat de Religiosi delicto : sed solum iubet, ut instante Episcopo, Prælatus puniat instante scilicet Episcopo ostendendo processum à se factum : aliàs non bene instaret. Secundò nimis ad hoc facit declaratio quædam Cardinalium adducta à Marzilla in *suis declarationibus ad cit. cap. 14. Trid. §. 6. ex-
pra ea.* ubi innuitur quod Episcopus potest facere processum in tali casu contra Religiosum talem, & cum tali processu illum mittere ad suum Prælatum : si verò datur illi Episcopo licentia faciendi talem processum, iam Papa concedit illi ius ut faciat processum validum,

dum, & saltem sit Iudex competens ad faciendum hunc processum. Neque est res noua in Iure, vt Iudex puniat aliquem per processum non à se factum : nam Iudices sæculares Principis puniunt vltimo supplicio hæreticos sibi traditos ab Inquisitoribus : idque sequendo solum processum factum ab ipsis Inquisitoribus S. Officij. Et habet hoc aliquod. vestigium in Iure, nam *cap. 1. de privileg. in 6.* exemptus delinquens in loco non exempto punitur ab Ordinario. Et lex facile reuertitur ad suum principium, *cap. ab exordio & 5. dist. & l. si unus, §. pactus, ff. de pactis.*

NOVITIA.

Vide verb. *Novitius. ver. Moniales. num. 5. & ver. Professio. & ver. Monasterium num. 11.*

1 **R**ecipi possunt puellæ pro futuro Nouitiatu, etiamsi sint minores 12. annis: neque hoc contradicit Concil. Tridentino. Rodrig. *tom. 3. q. 12. art. 2.* & Miranda *q. 8. de Monialibus art. 2. concl. unica.* vbi cum non limitent ætatem puellarum, sed solum dicant posse recipi ante annum 12. innuunt posse recipi etiam in quinquennio, vel sexennio. Vide illorum rationes quibus respondent ad Concil. Trid. & declaration. Cardin. & praxis hoc suadet.

2 Descendens ex Iudæis, hæreticis, &c. potest esse Novitia, & Monialis: Bullæ enim Pontificiæ quo ad hoc de fœminis non loquuntur : Est communis, & certa.

3 Novitiæ ante professionem sunt examinandæ ab Episcopo, vel ius Vicario, an liberè profiteri velint: neque opus est bis examinari scilicet ante ingressum, & ante professionem. Quamvis enim Concil. Trid. hoc videatur innuere, *sess. 25. cap. 17. de Reg.* hoc tamen non fuit receptum saltem in Hispania : & praxis est in contrarium, vt semel tantum examinentur ante professionem. Mirand *q. 8. de Monial. art. 4.*

4 Si Nouitia exeat à Conuentu in anno nouitiatus cum habitu, & licentia causa morbi curandi, & in domo sæculari sit cum obedientia Prælati, cenſet Rodrig. tom. 3. q. 1 §. art. 10. quòd non continuat validè nouitiatum; ſed quòd rediens debet denuò incipere: licèt hoc non neget omnino: ſed ſolùm conſulit nè fiat. Ego non video cur hoc non liceat in Nouitia, ſi quidem iuxta omnes Doctores exiens, & rediens cum prædictis conditionibus non diſcontinuat nouitiatum, & vt totum dubium tollatur, Cardinales Congreg. Romæ idem declararunt circa Nouitias. Illorum declarationem affert Marzilla lib. 1. c. 16. §. ante decimum ſextum. in fine, ſic illam citans. Anno probationis durante ſi Nouitia curandæ valetudinis cauſa de licentia ſuperiorum è Monasterio exierit, & poſtea reuertatur, eodem tempore profeſſionem emittere, perinde ac ſi nunquam egreſſa fuiſſet. Sic ibi.

§ Si Nouitia in Monasterio Monialium Sancti Domini ſit in articulo mortis, poteſt emittere profeſſionem, etiam non completo anno Nouitiatus: & ſi moriatur conſequitur Indulgentiam plenariam in forma Iubilei. Conceſſit Pius V Monialibus Sancti Domini, pro Nouitiis illarum. Refert Capucinus verb. Abbatiffa fol. 5. dicens hoc priuilegium communicari cæteris Nouitiis aliarum Monialium. Quamuis autem illa Indulgentia conceſſa pro profeſſione vt conceſſa à Pio V. ceſſauerit per reuocationem D. Pauli V. tamen idem Paulus V. denuò conceſſit Indulgentiam plenariam in die profeſſionis: cumque non reuocet priuilegia, ſed ſolùm Indulgentiam, manet adhuc firmum priuilegium illud Pij V. de anticipanda profeſſione, ante annum: & proinde lucrabitur Indulgentiam Pauli V.

Quæris primò circa præfatam conceſſionem an Nouitij fratrum in ſimili articulo mortis exiſtentes poſſint anticipare profeſſionem, & lucrari illam Indulgentiam per communicationem? Rodrig. mox citandus tenet quòd ſic.

Quæris ſecundò, an ſi prædicta Nouitia ſic profeſſa anticipato anno, conualeſcat, ſi profeſſio illa teneat: an vero

verò debeat finito nouitiatu iterum profiteri ? Rodtig. *Add. ad Sum. tom. 4. c. 63. n. 5.* dicit non valere, sed teneri continuare nouitiatum, & aliam emittere suo tempore: causam ibi vide, & *Add. n. 5.* quòd si prædicta Nouitia sic professa moriatur, non potest Conuentus ratione illius adire hæreditatem, vel dorem accipere.

A D D I T I O.

Vltra iam dicta suprà *hoc eodem verbo*, vide suprà in his Additionibus *verb. proximè precedente*, *Moniales* ibi enim de fœminis ingressuris ad Nouitiatum multa sunt dicta. Vide etiam *verb. Monasterium*, & *ver. Nouitius*, & *verb. Professio*.

Vnicum tantum occurrit dubium, sed graue, quod contigit in hac Alma Olyssipone paucis ab hinc annis, & de quo fui rogatus, an scilicet existentibus in vno Conuentu Monialium suffragiis æqualibus pro vtraque parte, v. g. triginta negatiuis, & aliis triginta approbatiuis pro vna Nouitia, posset Prouincialis illius Conuentus absens per scriptum dare suum suffragium approbatium, & cum suo suffragio faciente excessum ultra partem dimidiam maneret approbata ad professionem faciendam. Et quidem non fuit dubitatio an id posset facere in absentia per scriptum. Constat enim posse electorem absentem, mittere suum suffragium per procuratorem, vt Doctores dicunt, maxime Summistæ, *ver. Electio*. sed dubium præcipuum fuit, an in rigore iuris Prouincialis absens, vel præsens, possit dare suffragium pro Nouitia sui Conuentus, vel pro Nouitio in Conuentu virorum.

Non defuerunt viri Theologi vnius Conuentus grauis qui satis docti dixerunt non posse Prouincialem, etiam præsentem ferre suffragium in approbatione Nouitij ad professionem. Nullam aliam rationem assignarunt, nisi quòd Consilium Trident. & Ius Canon. concedit Nouitiis vnum annum appro-

bationis, vt scilicet Religiosi Conuentus in illo anno possint ex actibus, & conuersatione Nouitij experimentum sumere de vita, & moribus illius an Religioni inferuiat. Hoc autem experimentum non potest sumere Prouincialis vtique non residens in Conuentu, qui Nouitij mores, & conuersationem non expetit: nec proinde potest iudicare, an sit utilis Religioni.

Non defuerunt è contra qui dicerent, non solum Prouincialem, sed eius etiam Secretarium posse dare suffragium pro nouitio in illo Conuentu, in quo actu existunt. Rationem assignabant, quia Prouincialis cum Secretario in quouis Conuentu sunt officiales, & membra ipsius Conuentus.

Ego sentio Prouincialem posse dare suffragium pro Nouitia, vt cum tali suffragio si faciat excessum requisitum in illo Ordine, faciat professionem. Sic in illo casu respondi, & meæ opinionis fuerunt alij viri docti. Moueor primò per *cap. in Regulis Iuris in sexto*. Cui licet quod est plus, licet vtique quod est minus, maximè quando illud minus est connezum cum maiori: at Prouincialis recipit ad habitum illam Nouitiam, quod est plus, quàm recipere ad professionem ergo etiam poterit recipere ad professionem ferendo suffragium pro Nouitia. Minor probatur quoad illam partem quæ dicit, minus esse recipere ad professionem, quàm ad habitum. Nam Abbatisa absque Prouinciali potest recipere ad professionem Nouitiam, & non potest illam recipere ad habitum, quia scilicet maius est recipere ad habitum, quàm ad professionem ferendo suffragium. Secundò, quia Prouincialis eo quòd sit Prælati, & caput in quouis Conuentu Monialium sibi subditarum, potest ferre suffragium in electione Abbatisæ cui præest, vt probaui *suprà verb. Abbatisa num. 9.* & idem praxis obseruat tum in Prælati Ecclesiasticis, tum etiam Regularibus: ergo si fert suffragium pro Abbatisa, eo quòd sit Prælati, & caput illius Conuentus, potest dare idem suffragium pro Nouitia, vel Nouitio sui Conuentus. Et magis connexa sunt duæ hæc, receptio ad habitum, & receptio ad professionem,

nem, cū vnum ordinetur ad aliud: quā si con-
nexa quæcumque alia, de quibus dicitur posse in mi-
nus illum qui potest in plus. Tertiò confirmo ex Tri-
dentin. *sess. 24. capit. 16. de Regular.* vbi præcipitur
quòd Superiores, finito anno probationis, vel rei-
ciant Nouitium, vel admittant ad professionem. No-
ta verbum *Admittere*, & verbum *Superiores*. Nam
admittere est etiam quòd suffragio admittant, sic enim
potest etiam hoc verbum exponi. Et præterea dicit
quòd Superiores id faciant: Superior autem principa-
lis Conuentus, est Prouincialis. Addo quòd praxis ob-
seruat, posse Nouitiam facere professionem in mani-
bus Prouincialis, quando id volunt Moniales, vel con-
sanguinei ob maiorem solemnitatem; sicut mihi con-
tigit in praxi. Si ergo Prouincialis in suis manibus re-
cipit ad professionem Nouitiam, & illam Ordini incor-
porat (vt sic dicam) cum suo suffragio particulari non
poterit incorporare?

Neque obstat in contrarium positus casus à Nauarr.
*libr. 1. consil. titulo de Regular. consil. 62. prima im-
pression.* vbi ait non potuisse Generalem Ordinis Car-
melitani facere Monachum vnum Nouitium, qui in
suo Conuentu pro receptione ad professionem habuit
pro se dimidiam partem communitatis, & contra se
aliam dimidiam, quia (vt ibi ait facere Monachum
pertinet ad Conuentum, & Abbatem.) Non in-
quam, obstat. Primò, quia fortè in illo Ordine Præla-
ti maiores non dant suffragium pro Nouitiis. Secundò,
quia Nau. solum innuit quòd Generalis iusserit; non ait
quòd suum suffragium clarè dederit. Et oppositum ho-
rum duorum fit saltem in Ordine Minorum, vel saltem
fuit factum in casu proposito. Et ad text. citatum à Nau.
quòd facere Monachum pertinet ad Conuentum, &
Abbatem. Dico quòd in hoc casu fieri Monialis à Con-
uentu, & Abbate; Prouincialis enim est Abbas, &
Prælati illius Conuentus, & cum suo suffragio incor-
porato suffragiis Monialium maior pars Conuentus
suffragatur pro Nouitia. Vltimò dico, quòd quan-
do Nauarri dictum nobis obstarer, plus ponderan-

rationes claræ pro nobis adductæ quàm dictum solius Nauarr.

Ad rationem partis oppositæ, quòd scilicet Prouincialis non assistit in Conuentu Nouitiæ, vel Nouitij, vt possit illius vitæ esse testis oculatus : & proinde non posse illum suo suffragio admittere, vel reticere : dico non requiri hanc assistentiam Prouincialis vt sit testis oculatus Nouitij. Confirmo duobus exemplis, Primò, quando aliqui Religiosi capitulares alienius Ordinis vadunt ex diuersis orbis patribus ad Capitulum Generale pro eligendo Generali : dant suffragium vt sit Generalis ille, quem nunquam viderunt, neque de illo vnquam informationem aliquam acceperunt, & tamen validè dant suffragium pro illo sibi ignoto, de quo solam informationem famæ habent ab aliquibus capitularibus, aliàs nunquam electio Generalis fieret. Si ergo electio Generalis Ordinis fit hoc modo, & pro illa sufficit illa informatio famæ præsentis, cur non sufficiet ad professionem Nouitiæ solâ informatio Monialium, quam Prouincialis habere, vel facere potest, vt pro illa antea ignota ferat suffragium ? Secundum exemplum sit : in praxi obseruatur saltem apud Franciscanos vt si heri, vel nudiustertius, aliquis Frater venit translatus à Prouinciali ad hunc Conuentum, vt habitet in eo, & hodie in eodem Conuentu recipiuntur suffragia in Capitulo ad professionem alicuius Nouitij, talis Frater heri adueniens hodie in Capitulo fert suffragium pro tali Nouitio sibi ignoto, & de cuius moribus nihil scit, neque vidit, nisi per informationem breuem. Cur ergo id non poterit facere Prouincialis circa Nouitiam per informationem breuem, & summariam Monialium?

Ad id verò quod addebat alia opinio, posse etiam Secretarium Prouincialis ferre suffragium pro Nouitio Conuentus, in quo pro tunc existit cum Prouinciali fateor me nunquam id vidisse in mea Prouincia : neque audiuisse de alia. Neque rationem video pro illa opinione : imò dico in Prouinciali esse diuersam rationem valde, nam est Prælatum, & caput illius Conuen-

tus

ius circa omnes actiones morales illius Conuentus, quod non habet Secretarius Prouincialis, qui neque est incola illius Conuentus, neque Prælatus. Adde quòd si Secretarius posset ferre suffragium pro Nouitio eo quòd Secretarius est; etiam poterit dare suffragium pro Nouitia Monialium sicut potest dare Prouincialis: quod nescio si admittent authores partis oppositæ. Quod si admittat in Nouitia, rem admittent inauditam, & multis difficultatibus implicatam.

N O V I T I V S.

Vide infrà verbo *Professio.* verbo *Nouitia*, numero 5. §. *Quar*is 1. & verb. *Abbas*, num. 7. & verb. *Prælatus*, num. 3. & 9.

VT clariùs in re tam ampla, difficili, ac necessaria procedatur circa Nouitiorum qualitates, sciendum est Sixtum V. duas constitutiones edidisse, in quarum prima prohibuit sub grauibus pœnis, ne illegitimi, & criminosi ad Ordinem reciperentur. In secunda rigorem primæ quoad aliqua temperauit: non tamen dispensauit cum illegitimis, vel criminosis, sed circa modum recipiendi: de quarum Bullarum substantia statim dicetur.

Postea Greg. XI V. primam Bullam Sixti V. reuocauit quoad illegitimos tantum, dispensans vt quicumque illegitimus possit ad Religionem recipi siue sit sacrilegus, siue incestuosus, &c. Solùm verò excipit, quòd illegitimus non admittatur ad Ordinem in quo pater adhuc viuit: siue filius natus fuerit ante, vel post professionem patris. Cæterum quoad alias constitutiones Sixti V. manebunt in suo robore circa criminosos non recipiendos circa modum informationum, & nullitatem professionis, & cætera de quibus Sixtus V. disposuit. Has tres Bullas ad longum ponit Rodr. tom. 3. q. in fine q. 54.

Ultimò Clemens VIII. videns multa incommoda, & inquietationes ortas, ex prima Bulla Sixti V. annullante professiones factas non seruatis illis quæ Sixtus in illa decreuit Pontificatus sui anno 11. edidit aliam constitutionem, quæ incipit, *In suprema Ecclesia*, in qua dictam primam Sixti V. Bullam qua ex parte tantum annullat professiones, reduxit ad terminos iuris communis: ac proinde statuit vt omnes professiones factæ à publicatione illius suæ Bullæ, forent validæ, etiã si non seruarentur decreta in prima Bulla Sixti: nec professio fieret inualida nisi de iure communi canonico aliàs esset inualida: vt v. gr. si reciperetur ad professionem is qui per solum ius canonicum esset inhabilis ad professionem; qualis est vxoratus absque licentia coniugis, & similes. Non verò esset professio nulla si reciperetur, verbi gratia, homicida, qui per Bullam Sixti erat criminofus: per ius verò Canonicum non est inhabilis; & sic de cæteris. Neque item esset professio inualida si informationes à Sixto decretæ, omitterentur dummodo aliàs sic receptus absque informationibus, non sit inhabilis de iure communi.

Duo tamen adhuc nota circa eandem Bullam Clementis VIII. primum, quod decreuit, quòd Prælati, qui prædictam formam Sixti non seruauerint in receptione Nouitiorum, quoad informationes, &c. incurrans omnes pœnas in eadem positas: has enim pœnas Prælati non sustulit, & ligant hoc contrafacientes: licet professio teneat modo proximè dicto.

Secundùm nota, quòd Clemens VIII. non reualidauit professiones factas ante publicationem illius suæ Bullæ, si fortè fuerunt factæ absque forma Bullarum Sixti: & de his nihil egit: & si hodie aliqua dubia inuenirentur pro temporibus Sixti ante Bullam Clementis facta: manet adhuc sub terminis antiquis, & de illa non loquitur Clemens VIII. sed de solis faciendis post publicationem suæ Bullæ, quæ fuit Romæ publicata anno 1602. die 2. Aprilis.

NOVITIÆ INFORMATIONES.

1 **S**ixtus V. requirebat ut antequam Novitius reciperetur fierent exactæ informationes de illius vita : & examinarentur à Patribus ibi assignatis in secunda Constitutione. Sed quia hoc onerosum erat , & occasio ex dilatione facienda , ut iuvenes Religionem aspirantes retrocederent, Clemens VII. aliam Bullam præter iam dictam , condidit in fauorem Conuentus Sancti Stephani Salmanticensis , in qua Priori, & Patribus Prædicatoribus illius Conuentus concessit , ut possent recipere Novitios absque præuiis informationibus seruatis conditionibus mox assignandis. Et hoc modo recipiendi ferè vtuntur hodie omnes Religiosi , per communicationem illius privilegij illius Conuentus, in quo omnes Religiosi ferè participant.

2 Primò ergo Clemens VII. in illa Bulla prædicto Priori præcipit, ut ipse cum Patribus , qui postea informationes debent examinare (de quibus statim) antequam Novitium induant habitu Ordinis, sumant ab illo iuramentum , si sit liber ab omnibus aliis impedimentis, quæ Sixtus prohibet, eidemque legantur. Quo respondente, se in nullo ligari , poterunt illum habitu inducere. Et notent Prælati hodie quod si prædictum iuramentum non exhibent Novitio antequam induatur, incurrunt motus proprios Sixti V. imò & Clem. VII. Est enim omittere clausulam in re graui. Nam ambæ Bullæ Sixti exprimunt ut fiat præuia informatio. Et Clemens VII. pro loco præuiæ informationis , supplet, & requirit exhibitionem iuramenti. Et in alia adhuc Bulla priori , idem Clemens eidem Conuentui Salmanticensi anno 1. sui Pontificatus obligat adhuc ad formam Sixti V. ut scilicet ante ingressum Novitij fieret informatio : ergo cum sit res grauis , videretur Prælati localis non exhibens iuramentum contrariè

in

in re graui. Exhibitio verò huius iuramenti non spectat ad Prouincialem, sed ad Priorem, vel similem Prælatum localem; de hoc enim solum Bulla loquitur: non de Prouinciali.

3 Postquam Nouitius fuerit indutus, intra annum Nouitiatus destinare debet Prouincialis, vel Prior Conuentualis Religiosum ad hoc deputatum, qui secreto faciat prædictas informationes sine strepitu iudiciario: qui poterit vti Notario Religioso, Rodriguez *tom 3 question. 10. articul. 2.* Et sumere iuramentum à testibus sæcularibus, hi enim vt plurimum solum possunt testificari de omnibus requisitis. In Ordine verò Franciscano statuta Generalia Vallis-oleti secunda iubent, vt quando Guardianus in cuius Conuentu est Nouitius monuerit Guardianum patriæ in qua est Nouitius natus, vt faciat prædictas informationes, teneatur prædictus Guardianus patriæ, siue originis facere prædictas informationes, & illas remittere ad Guardianum Nouitiij: idque sub pœna priuationis officij per duos menses.

Quæris, an sufficiat has informationes fieri à Iudice sæculari ad instantiam Nouitiij antequam intret? Respondeo Sixtum V. non limitare neque exprimere, à quo Iudice sint faciendæ. Solum requirit quod certò constet Nouitium carere prædictis impedimentis: & proinde putò quòd Prouincialis qui per talem informationem Iudicis sæcularis plenè factam Nouitium reciperet non incurreret pœnas Sixti; potest enim Prouincialis hodie illius formam seruare. Hoc verò in Ordine Minorum prohibetur per statuta Generalia Tolleti facta anno 1606. prohibentia ne tales informationes admittantur. At Miranda *tractatu proprio hac de re q. 7. concl. 1. & q. 8.* ait posse hodie fieri coram Iudice sæculari, intellige extra Ordinem Minorum ob prædictum statutum. At si recipiat Nouitium iuxta formam Clem. VIII. credo quod illa informatio non sufficiet, quia Clemens VIII. specificat quòd mittatur Religiosus ad illas faciendas. Et id quod dixi posse Prouincialem hodie recipere Nouitium iuxta formam Sixti V. intellige

lige si seruet formam plenè , factis scilicet prius informationibus , & cum consilio , & examine patrum , de quibus in 2. *const.* & cum conditionibus *ibi* positis satis difficilibus.

4 Factis informationibus modo præscripto à Clemente VIII. sunt examinandæ à Prælato Conuentuali, vel præfidente : & à Præsede seu Vicario cum Magistro studiorum, & Magistro Nouitiorum : ita Clemens VIII. in illa constitutione : idque intellige siue prædictæ informationes fiant ante ingressum Nouitij, siue post ingressum. Circa verò officium Magistri studiorum quod proprium est in Ordine Prædicatorum : & alibi fortè non reperitur : seruetur consuetudo, vt loco illius ponatur Lector Theologus, vel antiquior, doctior, vel quid simile.

5 Si prædictæ informationes non fiant prædicto modo, professio hodie tenet , si Nouitius, non est inhabilis de iure communi. Ac Prouincialis , vel Prælatus localis illas culpabiliter omittens incurrit pœnas à Sixto positas, quæ sunt priuatio vocis actiuæ, & passiuæ, priuatio officij , honorum ac dignitatum : & inhabilitas ad omnia officia. Credo autem has pœnas hodie non incurere Prouinciales , quando ipsi recipiunt iuxta formam Clem. VIII. & committunt Prælato locali vt faciat quæ spectant ad negotium vt semper committit virtualiter : vt enim suprâ dixi Clemens VIII. non committit iuramentum exhibendum , & informationes, nisi Prælato Conuentuali.

6 Consolatorium tamen valde est quod doctè notauit Rodriguez *tom. 3. questione 54. articulo 4.* ex verbis Bullæ Sixti , videlicet quòd Prælati omittentes informationes , non incurrunt pœnas Bullæ, nisi à parte rei Nouitius sic receptus absque informationibus , fuerit aliàs criminofus , & ligatus aliquo impedimento ex ibi notatis. Si enim careat omni impedimento, non incurrit pœnas : quia textus ligat solùm recipientes criminofos.

Aduertit etiam Rodriguez *ibidem* , quòd si Prælatus fecit informationes modo ordinario , & illas approbauit

bauit cum Patribus deputatis : & tamen à parte rei facta professione professus apparuit criminofus , & inhabilis per Bullam Sixti , talis Prælatus , nec Patres , non incurrunt prædictas pœnas : quia Bulla folùm punit recipientes criminofos , temerè , id eft , fine aliqua informatione , vel illa temerè , & fine ordine facta : At qui fecit informationes modo ordinario , & bona fide approbavit : non fecit temerè. Dixi *bona fide* , & *modo ordinario* : quia fi Prælatus faceret mala fide , aduertens fcilicet , ne fumerentur tales teftes , qui fcirent impedimentum , pofitum à Sixto : credo quòd incurrit pœnas , quia temerè facit , fi receptus eft criminofus. Ei nota quòd quando Prælatus culpabiliter admittit criminofos , & incurrit prædictas pœnas , eafdem etiam incurrunt Patres cum illo affiftentes , feu cum illo recipientes , vt patet ex Bulla prima Sixti. Ibi , *quofcumque Religiofos , & eorum Superiores , qui receperint , &c.*

7 De Nouitio in terris longinquis non requirit Sixtus tam exactam informationem quam de natis in propinquo, Rodrig. *tom. 3. quæft. 10. art. 13.* illam putat patriam longiffimè remotam , ad quam intra annum non poteft iri ac rediri nifi cum magna difficultate : de his verò fufficiet inquiri ab his qui illum hîc fpecialiter nouerunt.

8 Informationes præceptæ à Sixto V. non eft necesse facere circa Religiofum tranfeuntem de vna Religione ad aliam , & in fecunda profitemtem. Nam conftitutio Sixti clarè loquitur de folis iuuenibus fæcularibus , primo receptis ad habitum Ordinis. Innuir etiam Rodrig. *tom. 1. q. 30. art. 20.* dum dubitat fi eiectus ab Ordine tanquam incorrigibilis fit comprehenfus in dicta conftitutione Sixti tanquam criminofus : & proinde tanquam criminofus , non poffit iterum recipi : non dubitaturus fi non foret incorrigibilis. Et exprefse id affirmat , non requiri fcilicet informationes erga transfatum ad alium Ordinem , tenet inquam *to. 3. q. 10. art. 13.*

9 Si verò adhuc dubites , an fi hodie Prælatus licitè , vel illicitè , reciperet iterum ad ordinem incorrigibilem ,

corrigibilem , & criminofum ab illa eiectum , quia crederet emendatum : fi , inquam , incurreret prædictas pœnas recipientium criminofos ? Credo quòd non incurreret has Sixti V. quia , vt dixi , Sixtus V. loquitur tantum de iuuenibus fæcularibus primò receptis ad habitum : & cum fit lex valde pœnalis non eft extendenda ad recipientes iam profefsum in Religione.

NOVITII QUALITATES

inxta Bullam Sixti V.

10 **N**te omnia noto , quòd fi Novitiùs ante ingressum , vel ante professionem fit inuentus habere aliquod impedimentum , Sixti V. de criminofis, debet expelli , etiam fi non fit impedimentum de iure communi : aliàs incurreret Prælatùs pœnas illius : excipe impedimentum illegitimi , quod fublatur per Greg. XI V. cum illa modificatione de filio Religiofi modo fuprà expofito in principio.

11 Primò ergo prohibet Sixtus : ne illegitimus quicumque admittatur. Sed hoc reuocauit Greg. XI V. ordinans quod fuprà vidimus initio huius verbi *Novitiùs*, cum duabus conditionibus : prima, vt bona indoles , & mores boni illegitimi , vincant defectum naturalium : fecunda, ne filius Monachi recipiatur in Ordine in quo adhuc pater viuit. Vnde colliges quòd fi pater illius iam mortuus eft , poteft recipi ad Ordinem. Imò Miranda tom. I. quæft. 21. art. 5. concl. 2. dicit etiam hanc conditionem Gregorij de filio Religiofi viuente patre , effe abrogatam à Clemen. VII I. & valere professionem ; fed Prælatum incurrere pœnas : factum tamen valebit poft factam professionem : at ante illam non poteft licite admitti.

12 Prohibet fecundò Sixtus rigorosè , ne fit homicida : & Prælatùs talem recipiens incurreret prædictas pœnas : fed profeflio valebit. Probo , quia Clemens VII I. reduxit

reduxit prædictam Bullam ad terminos iuris communis quo ad valorem professionis. At de iure communi homicidium non impedit professionem: nam 33. *quest. 2. cap. admonere*. Papa Stephanus V. consulit cuidam homicidæ ut fiat Monachus ad faciendam pœnitentiam: & non dicit se dispensare, sed consulere, ergo de iure licet. Et Romualdus fundator Camaldulensium, fuit prius homicida: & Guilelmus Dux, reformator Ordinis Eremitarum Diui Augustini, & Monachus, fuit prius homicida. Et non fit in vita illorum mentio de dispensatione, quod ad delictum respectu Monachatus.

13 Tertiò, iubet Sixtus ne sit fur aut latro, intellige in materia graui cum infamia, & similibus: non enim viderur arcendus ab Ordine, etiam per Sixtum, qui fortè aliquod furtum leue absque infamia commisit: & hoc arbitrio boni viri relinquitur.

14 Quartò, iubet Sixtus ne Novitius habeat similia crimina præcedentibus, vel grauiora. Pondera verbum, (*similia*) unde colligo quòd qui habuerit crimina non similia, sed minora, per Bullam Sixti non excluditur, est enim lex pœnalis, ut si habuit tantum percussione, & inflixit vulnus leue: hoc enim non est simile homicidio, sed multo minus. Nec simile furtum, maximè si fuit factum incidenter, & ab illo crimine, iam absolutus est per Iudicem sæcularem, illique satisfecit: & lex pœnalis est restringenda. Et sic de similibus poterit fieri discursus. Et ut certam regulam, vel generalem teneamus: cum Sixtus dicat absolute non debere recipi criminosos: rogabis quinam in iure dicantur criminosi, vel saltem qui tales reputentur à Doctoribus?

15 Ex glossa *capitis unum. distinction. 25. ex Innocent. Hostien. Panormit. & aliis in capit. ex tenore. de tempor. ordin.* colligitur hos esse criminosos in iure, maximè respectu beneficiorum, non recipiendorum. Videlicet facientes peccatum, cui est annexa infamia: excommunicatio, suspensio, interdictum, irregularitas, vel priuatio ab officio, vel propter quod in grauem aliorum offensionem incurritur. Verum si consideres hanc regulam, multa crimina habent annexam excommuni-

nicatio

nicationem, suspensionem, unò irregularitatem, ut indebita celebratio in excommunicatione vel suspensione, quæ non facient criminolum, & inhabilem, etiam apud Sixtum, ut arceatur ab Ordine. Verius ergo similia crimina homicidio dixerim adulterum publicum, sodomitam, falsarium Regium, & similia, ob quæ lex civilis ponit pœnam mortis, triremium, vel exilij perpetui. Aduerto etiam quòd latro de iure communi non est inhabilis ad professionem eo solùm quòd latro est (secus si ob debita, & si habet unde restituat) nam Sanctus Bernar. & alij Patres Ordinum receperunt latrones publicos ad habitum: unde receptio latronis hodie ad professionem valida erit de iure. Prælati verò pœnas incurret. Idem dic de receptione adulteri, quem de iure communi non inuenio inhabilem: nisi fortè, ut dixi, latro, & adulter habeant unde restituant: quia ob debita erunt inhabiles: si verò non habent unde soluant, dicetur statim de debitoribus.

16 Quintò, requirit etiam Sixtus V. ut Nouitius, non solum illis criminibus omnino careat: sed etiam ut neque de illis, vel aliquo sit suspectus, ut patet in prima Bulla.

17 Sextò, præcipit Sixtus (& hoc non est reuocatum à Clemente V I I I.) quòd si iuuenis intrans Ordinem commisit aliquod graue delictum in sæculo, de quo iam Iudex sæcularis cœpit cognoscere, vel via accusationis, vel via Inquisitionis, non obstante prædicto ingressu, possit extrahi ab Ordine per Iudicem sæcularem durante Nouitiatu. Si verò Iudex ante ingressum Ordinis nihil de tali crimine cognouit aliqua via ex duabus prædictis, non poterit illum extrahere. Addit Rodriguez *tomo 3. question. 16. artic. 8.* quòd etiam extrahi non poterit à Iudice, si talis iuuenis ante delictum patratum habebat votum simplex Religionis, & ad probandum hoc votum sufficiet iuramentum illius vouentis: sed quod sufficiat hoc votum simplex ad non extrahendum saltem in foro externo ego multum dubito: tum quia mens Papæ ea pro tunc non videtur: tum quia multi id scientes votum tale

etiam falso publicarent ad euadendum.

18 Bene tamen notat Rodrig. *citata quæstion. art. 7*: quod si iuuenis à crimine in sæculo commissio iam est liber, & absolutus per sententiam Iudicis, poterit tunc recipi, & profiteri. Quod videtur intelligendum dummodo ex tali delicto non maneat infamis notabiliter, quia tunc videtur inhabilis per Sixtum ob male actam antè vitam.

19 Septimò, prohibet Sixtus ne obnoxius debitis habitum recipiat: & hæc conditio est etiam de iure communi, vt patet ex *cap. 1. de obligatis ad ratiocinia*, tales enim prohibentur Ordines sacros recipere, & multo magis ad professionem admitti. Tale etiam impedimentum est quando aliquis est Procurator alicuius personæ, vel communitalis: curator, vel tutor, & similia, non enim possunt admitti durante officio. Et de procuratore, Nauarr. *lib. 3. Consil. tit. de Regular. consil. 4*. Impediunt verò debita Monacharum, siue sint debita realia, vt qui debet pecuniam, vinum, triticum, & similia, siue sint debita personalia, vt qui debet pœnam, ad quam fuit damnatus. Tale etiam est debitum illius qui deflorauit virginem illi promittens se illam ducturum in vxorem, non enim potest admitti, ob magnum debitum, vt notat Rodr. *tom 5. quæst. 10. art. 9*. Quod intellige si illi antea promisit matrimonium, & illa sponte consensit. Si autem illi promisit post deflorationem, potest intrare in foro conscientie tantum, Sanchez *lib. 8. de matrim. disputatio. 36. à numero 8*. Addit tamen quod si illa per minas, & violentiam inuita consensit, & ille post deflorationem sponte promisit matrimonium, non posse intrare.

Notanda tamen sunt verba Sixti circa debita: ait enim *non posse recipi grauatos ære alieno* ('ingenti suprà vires suas.) Vnde si quis habeat parua debita, non prohibetur. Item si habeat ingens debitum, sed tamen habet sufficientissimè vnde soluat, poterit recipi, datis pignoribus, cautione, vel facta obligatione, suprà sua iminobilia de soluendo eum qua creditor quietetur.

tur : non enim sunt illa debita suprà vires suas , & sic vidi factum circa vnuu valde nobilem in hoc Regno graui ære onustum , & admissum cum cautione facta creditoribus modo proximè dicto.

Notat etiam Rodriguez , *citata quest. 10. artic. 9.* quod debent esse debita certa , si enim sint incerta , id est , verus dominus ignoretur , non impediunt : idem videtur dicendum si sint incerta , ex parte debitoris , dubitantis an verè debeat. Notat etiam ibi posse intrare debitorem si creditor consentiat , vel quia remittit debitum , vel quia acceptat cautionem , vel aliam conditionem debitoris. Vltimò notat , quòd si debitor omnino non habet vnde soluat , & coram Iudice , cessit omnibus bonis suis , potest intrare etiam inuito creditore. Imò potest admitti quicumque debitor si neque in præsentì habet omnino vnde soluat , neque omnino sperat se habiturum in posterum : nemo enim tenetur ad impossibile morale , & maximè , si quæ habet , relinquat creditoribus. Sic ibi.

Aduerte etiam , quòd Prælatus scienter recipiens habentem debita incurrit pœnas Sixti , sed professio est valida , quia debita impediunt etiam de iure communi. *capit. legem, distinctio. 53.* sed ius commune non annullat debitoris professionem.

20 Octauò , prohibet Sixtus ne recipiantur ij qui tenentur ad ratiocinia reddenda alicui , vt Procurator , œconomus , tutor , curator , & similes. Est etiam impedimentum de iure communi , *citato capit. de obligatis, &c.* Durante enim tali obligatione admitti nequeunt : bene tamen transacta obligatione. Si verò durante illa recipiantur professio est valida , ob dictam proximè causam , at Prælatus incurrit pœnas.

Claritatis gratia nota , quòd obligatio ad ratiocinia ratione administrationis est duplex : altera publica , vt thesaurarius , publicanus , & similes : depositarius , Procurator Rēipublicæ , &c. Altera est priuata , per quam scilicet quis obligatur ad certam personam ; vt tutor ; curator , executor testamēti , & similes. At obligatus absque administratione , vt ratione mutui , emptionis , &c.

non impeditur ob ratiocinia : fortè tamen prohibetur ratione debitorum : si debitum sit graue.

21 Ultimò requirit Sixtus V. quòd constet intrare volentē, non suscipere habitum humano aliquo affectu per motum, sed solùm ex feruore deuotionis, & pietatis, & sponte sua, non inductum, neque coactum. Sed notat Rodriguez hanc ultimam conditionem non poni à Sixto tanquam obligatoriam : sed tanquam de consilio, & ad maiorem perfectionem. Hæ sunt conditiones requisitæ in Bulla Sixti V. ultra quas sunt etiam aliæ dirimentes ex iure communi, vt iam dicemus.

NOVITII QUALITATES

de iure communi, & naturali.

22 **U**s commune etiam decernit non posse esse Monachum obligatum ad ratiocinia, vel habentem debita, vt suprà diximus num. 19. & 20.

23 Neque item potest esse Monachus seruus, vel captiuus : neque coniugatus per matrimonium consummatum : hæc tria sunt communissima, & notissima in iure, & lumine etiam naturali, quia neque Deus, neque Ecclesia acceptat donum cum præiudicio tertij, & professio serui, & coniugis est nulla.

24 Neque item potest esse Monachus ille qui est Episcopus absque expressa licentia Papæ. Imò neque Clericus habens beneficium curatum, absque expressa licentia Episcopi. Est communis ex D. Thom. 2. 2. *quæst. ult. art. 7.*

26 Neque hermaphroditus, ob manifestum periculum circa viros, vel circa fœminas, idque lumen naturale dictat. Syluestr. *verb. Hermaphroditus*, & alij.

27 Neque is qui habet patrem, vel matrem in extrema necessitate constitutos : imò neque potest si sint tantum positi in graui necessitate, & parentes non habent alium filium qui succurrat. Patet etiam

cx

ex lumine naturali obligante filios ad succurrendum parentibus. Notat tamen Nauarr. *libr. 3. consil. titul. de Regular. consil. 26.* quòd si parentes sint tantum in necessitate graui, non extrema, & nihilominus filius intret, & profiteatur professionem valere. Per quod innuit, quòd si sint in extrema, non valebit.

17 Communis opinio dicit, quòd qui promisit Religionem, & antequam intret sit Episcopus, non potest acceptare Episcopatum: sed tenetur intrare Ordinem, Miranda *tom. 1. quest. 10. artic. 19.* cum aliis, licet Rodriguez *in Sum. Morali* oppositum dixerit 2. *par. cap. 6. num. 6.* sed contraria est communior, vt ait Miranda.

28 Qui contraxit sponsalia cum aliqua foemina, & postea fecit votum castitatis, vel Religionis, non tenetur ad hæc vota, & peccauit vouendo, sed tenetur ad sponsalia, & foeminam ducendam, iuxta probabilior opinionem, de qua Sanchez *lib. 1. de matrim. disput. 46. num. 7. 8. & 9.* Quòd si ob sola sponsalia sic impeditur, multò magis tenebitur si virginem sub pacto deflorauit, de quo iam supra.

29 Nouitius intrans Ordinem cum animo egrediendi, peccat mortaliter, fallit enim Religionem in re graui, quia Religio communicat illi sua secreta, & sua bona. Sanchez *lib. 7. de Matrimon. disput. 31. in fine.*

PRO ORDINE MINORVM

*Novitiis Iudæis, vel parentibus
hæreticis, Sarracenis.*


30 **T**ota dubitatio est, an de iure Pontificio in Ordine Minorum possint admitti descēdentes ex Iudæis, hæreticis & Sarracenis, intra quartum gradum. Et recurrit altercatio inter Rodriguez & Mirandam iam supra posita circa Prælatos verb. *Electio, numer. 11.* Miranda enim ibi citatus *in 2. locis*, constanter tenet quod iuxta Bullam Pauli I V. & alias de quibus ibi, tenet, quòd descēdentes à Iudæis nouitei

conuersis, intra quartum gradum, non possunt admitti ad Ordinem, vel professionem etiam si prædictorum aorum corpora, statuae, vel ossa non fuerint concremata: consentit verò Miranda, quòd descendens ab hæretico declarato, sed non combusto, non arceatur à Religione per hanc Bullam: & id tenent omnes. Rodriguez verò *ibi* citatus tenet illos posse admitti ad Ordinem, officia, &c. Ordinis dignitates etiam si à prædictis descendant intra quartum gradum, si tamen aorum corpora, ossa, vel statuae, non fuerint igni tradita: & quod saltè professio horum erit valida si fiat. Vide *ibi* dicta à Rodrig. ego persisto cum Rodr. tum propter *ibi* dicta ab illo, & à me addita. Tum denuo quia nostra statuta generalia Tolletana, *cap. 1. in princ. titul. 1. de qualitatibus Nouitij*, cùm iubent illum interrogari de proavis cur. protestatione, subscriptione, &c. *ibi*: *solum exprimunt, quod rogentur, si intra quartum gradum descendant ex prædictis ad ignem damnatis.* Vnde cùm *ibi* dicatur hoc faciendum, vt satisfiat Apostolicis constitutionibus; innuunt clarè prædicta statuta satisfieri prædictis constitutionibus Pontificum, si non descendant à combustis: & prædictas Bullas non violari si descendant à prædictis non combustis.

Circa hos autem, & circa maculatos sanguine Iudaico solum in communi, vulgo *Christianos novos, ou da Naçon*. Nota quod ait Nauarr. *lib. 3. consil. titul. de Regula. consil. 5. num. 11.* quòd si in aliquo Ordine fiat statutum de his ordinariis non recipiendis, & aliquis de hoc rogatus in professione negauerit, postea veritatè comperta, non poterit eiici ab Ordine virtute illius statuti, est enim contra ius commune, & proinde nullum etiam si cum cæteris statutis Ordinis confirmetur à Papa. Ait tamen hunc taliter negantem posse eiici ab Ordine quia defuit consensus in professione ex parte ipsius Ordinis, qui non intendit se tali obligare: est enim professio contractus mutuus, in quo si deficiat libertas vnius partis, est nullus. Et hoc cum Nauarro tenent alij communiter.

Videantur aliæ constitutiones particulares Religionum circa Novitiorum qualitates, quæ servandæ sunt, & saltem possunt impedire receptionem: licet non possint annullare professionem ex particulari statuta contra ius commune, nisi expressè à D. Papa confirmentur.

**NOVITII ABSOLVTIO ANTE
ingressum, & post illum.**

31 otum Novitij de intranda arctiore Religione potest dispensari, & illa non obstante admitti à Prælato laxioris Religionis in suo Ordine: & Novitius voto satisfacit. Compend. D. Hieron. Hispan. ver. Novitius §. 2. & Capucinus, ad Compend. ver. Votum fol. 253. per concessionem factam Congregationi Montis Oliueti. Et Leo X. in Compend. Min. ver. Dispensatio. §. 28. verb. grat. vouens Cartusiam, vel Franciscanam, potest admitti à Prædicatoribus, &c.

32 Clemens I V. concessit Prouincialibus Minorum, & illorum vices gerentibus, & custodibus, vt possint Novitium intrare volentem, ab omni peccato, & ab omni censura Ecclesiastica absolvere qualiscumque illa sit. Compend. ver. Absolutio ordinaria quoad Fratres. §. 3.

Circa hanc concessionem notat Collector in eodem Compend. ver. Novitius. §. 11. quod prædicta concessio amplissima est, ita vt nullum casum excipiat. Excipit tamen, & meritò, ipse Collector casus Bullæ Cœnæ de quibus non poterit absolvere, cum sit dubium an hoc possit Prouincialis erga professos Et compend. D. Hier. Hisp. ver. Absolutio quoad omnes. §. 6. dicit quod Prior, seu Vicarius in absentia possunt dispensare cum intrantibus Ordinem, super voto eundi Ierusalem.

Ego noto secundò, quod Clem. IV. hanc absolutionem committit solis Prouincialibus, & custodibus, non vero Guardianis: ac proinde id non poterunt Prælati

locales. Compend.tamen D.Hieron.in Hispan.*ver. Dispensatio in Sacramento pœnitentia.* §. 1. dicit sibi concessum fuisse à Benedicto XIII vt confessores per Priorem ad hoc designati, vel per Vicarium in eius absentia assignari possint absoluerè, & dispensare prædictos intrantes in omnibus, nisi casus adeò fuerint enormes, vt ad sedem Apostolicam sint remittendi : quæ concessio innuit non posse absolui à reseruatis censuris:& proinde prima Clementis IV. est copiosior.

Noto tertio, prædictam absolutionem Clementis IV. posse impendi à Generali, & Prouinciali, etiamsi nondum Nouitius sit vestitus habitu Ordinis, vt verba concessionis clarè sonant.

Noto quarto, Clementem IV. non concedere prædictis Prælatis vt cum intrante dispensent in aliqua irregularitate, inhabilitate, &c. Compend.tamen D.Hieron. *loco proximè citato.* §. 1. dicit quòd possit Prior, in foro pœnitentiæ absoluerè, & dispensare irregularitatem contractam ex assistentia in loco interdicto, vel ex reptione Ordinum ibidem; vel indebitè celebrando. Vide *ibi.*

Vltimò, prædictus Papa Clemens *citato loc.* decernit, quòd si prædicti Nouitij sic absoluti noluerint postea Ordinem intrare reincidant in omnibus censuris à quibus fuerant absoluti. Quid si, postquam sunt habitu vestiti, & absoluti, exeant; reincidentne in censuras contractas ante ingressum? Credo quod sic, est enim eadem ferè ratio, & videtur eadem mens Papæ. Si verò intra Ordinem existens incurrat censuras, & irregularitatem ante professionem: & ab his absoluat ac dispensetur, credo quòd si exeat, non reincidet: quia Papa solùm videtur loqui de contractis ante ingressum. Moueor ad primum hîc dictum de reincidentia in censuras contractas ante ingressum si exeat iam post ingressum, quia Compend D. Hieron.*ver. Nouit.* §. 2. quando concedit vt dispensetur cum intrante super voto arctioris Ordinis, & absoluator à censura excommunicationis, subiungit:quòd si à Nouitiatu exierit, reincidat in eandem. Sed adhuc circa censuras contractas

tractas intra Ordinem & Novitiatum, & ab egredientibus non reincidentibus in illas, vidi Capucinum qui ad Compend. *ver. Novitius*, fol 253. §. *Et iste casus, cum §. precedenti* dicit ex Sylu. & Tabiena, quod Novitius in Novitiatu percutiens Monachum, vel Novitium, & ab illa censura absolutus, si exeat ab Ordine reincident in illam censuram, & tenetur adire Episcopum pro absolutione. quia absoluntur tales sub conditione, si perseverauerint: & privilegio debet priuari, qui privilegio abutitur. Quam sententiam ego non audeo impugnare, ob dictum talium trium virorum. Sed tamen mihi nova videtur, & nimis onerosa exeunti. Maxime cum Papa Clemens, neque alius quem sciam faciat mentionem de incurfis intra Ordinem. Et beneficium, seu favor debeat extendi, quando non est in præiudicium tertij: & talis Novitius absolutus ab illa percussione, non sit absolutus ad reincidentiam, neque video ubi sit illa conditio posita. Compend. enim Min. *ver. Novit.* §. 6. dicens Innocentium I. V. concessisse Prælati ut possent absolvere Novitios à censura manuum violentarum, non limitat ut reincident exeuntes: & quando lex non limitat, neque nos limitare debemus. Elige tamen securius: vide *num. seq.*

33 Possunt Generales, & Prouinciales absolvere Novitios ab iniectione manuum violentarum. Compend. *verbo Novitius.* §. 6. Et licet non ibi exprimat hoc posse Guardianos, praxis tamen docet illos hoc etiam posse. Et præterea, quia Novitius in favorabilibus reputatur pro Monacho, ut statim dico: & sic favor absolventi subditos existens in Guardiano extendendus est etiam ad Novitios, & Guardianum. Adde quod Novitius non debet adire Prælatum sæcularem: ac proinde in Ordine habebit remedium: maxime longè absente Prouinciali. Adde quod solus confessor Regularis, qui est confessor sæcularium, poterit absolvere Novitium ab illa censura percussione Clerici satisfacta parte, iuxta iam dicta supra *ver. Confessor erga sæculares.* Et saltem absolutus per talem confessorem ab hac censura, si postea exeat, non videtur reincidente,

vt dixit Sylu. & Capucinus *num. proximo* 32. Si enim absolueret sæcularem, non reincidentet: ergo neque si Nouitium. vide infra, *verb. Prælatu. num.* 32.


34 Nouitius intra Ordinem potest abfolui à casibus referuatis in Ordine per confessorem suum etiam non habentem authoritatem absoluendi à referuatis in Ordine. Nouitius enim nondum promisit obedientiam, neque est subditus illi reservationi. Rodriguez *tom. 1. quæst. 21. art. 11.*

35 Nouitius in fauorabilibus reputatur pro Religioso: gaudet enim priuilegio fori vt percutiens illum excommunicetur, &c. At in odiosis non reputatur Religiosus, vtpote in obligatione ieiunij, Officij diuini, & similium Rodr. *eod. art.* & de priuilegio fori, vide Compend. *verb. Nouitius. §. 16.* & ob proximè dictum de fauorabilibus Nouitius consequitur omnes Indulgèntias concessas Fratribus. Compend. *citato verbo §. 22.*

36 Quæris an possit Nouitius validè confiteri alteri confessori extra suum Magistrum, vel sibi assignatum, alteri, inquam, confessori, qui sit confessor sæcularium? Credo quod, possit: & innuit Miranda *tom. 2. quæst. 34. art. 16. concl. unica.* Si enim ex proximè dictis Nouitij non tenentur legi Ordinis de referuatis, circa ieiunium, Officium diuinum, & similia, etiam non tenebuntur ad legem assignantem confessores. Dixi, *Confessori sæcularium*: quia si Nouitius vt sæcularis eligit à solo Confessore sæcularium, validè absoluetur. Adde quòd ex praxi Religionum confessores tantum Fratrum non assignantur pro Nouitiis. De professis verò qui non sunt Sacerdotes, sed viuunt sub cura Magistri Nouitiorum, credo quòd non possunt validè confiteri alteri extra suum Magistrum, vel extra illum assignatum à Prælato: quia pro illorum confessionibus solus Magister, vel ille assignatus, deputatur vt Parochus: & proinde non potest ille alterum eligere. Excipe primò si Prælatus illi det licentiam vt confiteatur alteri Excipe secundo, si Magister nouitiorum det illi talem licentiam: quam puto illum posse illi dare vt confiteatur alteri: quod probo, quia Parochus vnius parochiæ potest dare licen

licentiam suo parochiano ut confiteatur Parocho alterius parochiae: cumque Magister sit Parochus praedicti Fratris non Sacerdotis, poterit illi dare licentiam ut confiteatur alteri Sacerdoti Confessori Fratrum. Quod maxime verum erit quando in tali Prouincia hoc fuerit in usu, ut Magister tales concedat licentias, standum verò erit consuetudini, ac legi Prouinciæ; dicta tamen proxime puto conformia regulis Theologis.

*NOVITIORVM, AC
Novitiarum donationes.*

37  Oncil. Trident. sess. 25. cap. 16. de Regulari decreuit ne Nouitius faciat aliquam donationem, renunciationem, vel obligationem etiam ad causas pias, ante professionem nisi cum licentia Episcopi, vel eius Vicarij: idque intra duos menses proximos ante professionem, & hæc donatio facta alio modo non valeat. Et præterea facta modo proxime dicto non sortiatur effectum, neque sit valida, nisi secuta professione. Hoc intellige de bonis patrimonialibus, vel beneficio ad cuius titulum ordinatus est. Secus de beneficio Ecclesiastico libero, quod potest renunciare absque illa solemnitate, & tempore. Rodrig. in Sum. tom 2 c. 7. conclus. 2. & 3.

38 Si tamen renunciatio illa fundetur (idem dic de donatione, & obligatione,) vel nascatur ex contractu oneroso, vel obligatorio, ut venditione, permutatione, solutione debiti, & similibus, non prohibetur in illo decreto hoc facere, quia Concilium solum prohibet liberalitatem gratiosam, quæ possit postea nocere libertati Nouitij, vel Conuentus. Rodrig. ubi proxime.

39 Prædicta donatio liberalis absque illa solemnitate non valet, etiamsi fiat sub conditione, quod professione non secuta reddetur Nouitio, vel Nouitiæ quod donauit, vel renunciauit, Concilium enim generaliter loquitur

loquitur & donatio etiam facta hoc modo nocet libertati vtriusque.

40 Etiam si donatio fiat seruata solemnitate prædicta, si tamen professio secuta fuerit nulla, donatio, vel renunciatio erit etiam nulla. *Rodr. ubi supra.*

41 Si Nouitius ante ingressum Ordinis, iam talem ingressum cogitans, & proponens, aliquid donauit, vel renunciavit, factum tenet, & est validum. Nam adhuc non erat Nouitius, & Concilium solum prohibet ne donet Nouitius. Et refert *Quaranta in Sum. Bull. tit. Monasterium pag. 330.* sic declaratum fuisse à Cardinalibus.

42 Nouitius moriens in anno probationis quouis tempore, si tempore mortis donet Monasterio capaci, tenet donatio, quia hoc non præiudicat intentioni Concilij. Si verò ille non donet, cedunt bona sua hæredibus sæcularis, vel aliis.

43 Testamentum factum à Nouitio quouis tempore Nouitiatus valet facta professione: quia testamentum non est donatio, nec renunciatio; & præterea est reuocabile: neque sortitur effectum nisi secuta valida professione. Et valebit etiam testamentum factum ante ingressum Ordinis *Rodr. in Sum. 2. par. c. 7. n. 9.*

44 Inducere Nouitios ut legata relinquunt suo Monasterio promisso ob id fauore, studio, libertate, vel quouis simili, est omnino prohibitum, & simoniam redolet: & hoc præcipuè prohibetur in Ordine Minorum per Regulam iubentem ne sint solliciti de rebus Nouitiorum: possunt tamen etiam Minoritæ, absque peccato Nouitio offerenti, manifestare necessitatem Conuentus, ut si libere velit, illi succurrat *Rodr. cit. c. n. 11.*

45 Nouitius post factam professionem non potest reuocare testamentum à se factum: iam enim voto paupertatis impeditur. Credo tamen quod potest post professionem etiam Minorita, explicare dubia sui testamenti ad instantiam partis, & Iudicis: hoc enim non est condere, sed declarare testamentum, vide infra, *verba Testamentum.*

*NOVITII ANNVS IN
probatione.*

46 **N**ovitij annus in probatione debet esse integer, ex Tridentino. Et integritati eius, non potest renunciare Novitius, etiam si ex vna Religione transeat ad aliam, & iam habeat experientiam Ordinis: quia Tridentinum loquitur absolute: & ille annus conceditur in bonum Ordinis, & in bonum Novitij. Nau, *lib. 3. Consil. tit. de Regul. consil. 33.*

47 Non est necessarium, quod sit annus, & vnus dies, quia hoc nullo iure cauetur. Sanchez *de Matrim. lib. 2. disputation 24. numero 22.* cum Palud. Syluestri. Pallat. Henriq.

48 Quando annus fuerit bissextus duo dies Februarij computandi sunt pro vno die. Est etiam communis, & citat Sanchez *citato loco num. 18.* & Rodriguez *in Sum. 2. part. cap. 8. concl. 6.* In huius rei probationem seruit quòd quando Sixtus V. anno 1582 abstulit decem dies ab illo anno: ortum est dubium apud aliquos, an illi decem dies supplendi essent ab iis qui vellent sacros Ordines suscipere. Et responsum fuit, quòd non, sed absque illis decem diebus dici habere annum integrum.

49 Iste annus computandus est à momento in momentum, id est, ab hora à qua sumpsit habitum ad horam similem cadentem in vltima die anni, v. g. sumpsit habitum die 15. Augusti, anno 617. hora 1. post meridiem, potest profiteri anno sequenti eadem die Augusti, hora 3. post meridiem. Erit autem suspecta professio si fiat citato die sequentis anni, hora decima ante meridiem. Sanchez *citato loco, num. 22.*

50 Debet prædictus annus esse continuus, id est, non interpolatus, est etiam communis. Sed Doctores communiter explicant, quòd si Novitius exeat Conuentum curationis gratia, vel causa negotiorum cum habitu, & licentia Prælati, postea rediens dicitur continuare

tinuare annum , & quo ad tempus quo foris mansit ita se habebit ac perinde non exiret. Desineret autem esse continuus si absque habitu , vel licentia exiret , & postea rediret. Vide *suprà* , *verbo Nouitia*. Nauarr. *libr. 3. Consil. titul. de Regular. consil. 42.* & alij communiter.

In Ordine tamen Minorum hoc non licet, quia statuta generalia Tolletana hoc prohibent, ac decernunt quòd si Nouitius aliqua de causa exierit postea rediens, Nouitiatum incipiat. Excipit tamen si mutetur Nouitius de vno Conuentu ad alium: hæc enim mutatio non discontinuat. Sed notò, quòd statutum generale non annullat professionem aliter factam. Vnde si Guardianus bona fide oppositum faceret, factum teneret, ita etiam tenet Miranda *tom. 1. q. 12. art. 5. in solut. ad 3.* dicens non posse Religionem facere statutum, per quod talis professio annulletur.

§ 1. Si nouitiatus fuit validus, & integer: & postea reperitur professio nulla, sufficit ratificare absque iteratione Nouitiatus. Est communis opinio, & probat praxis. Sed vide *n. sequenti*.

§ 2. Si Nouitiatus fuit irritus, verbi gratia, quia fuit receptus à non habente potestatem ad recipiendum, vel alia simili de causa, non debet annus denuo incipi: sed sufficit iam factus Nouitiatus, iam enim Nouitius expertus est Religionem, & Religio Nouitium. Sanchez 7. *de matrimon. disput. 37. num. 47.* cum multis quos citat. Et hoc etiam currit quando professio fuit nulla, ex defectu ætatis; vel quia facta est ante expletum annum, Nouitiatus. Aut etiam si fuit ingressus Ordinem per metum, vel esset aliàs inhabilis, postea fuit dispensatus. Sanchez *ubi suprà* à *n. 49.* qui solum *n. 56.* dicit quòd si Nouitius intraret Ordinem animo ficto, vt Ordinem illuderet, vt iterum exiret, & sic professus esset, tunc etiam si vellet professionem ratificare, deberet Nouitiatum iterare. Vide ibi remedium quod dat ad supplendum Nouitiatum, quando esset necessarium supplere & incurreretur infamia in eo publicando. Et remedium est facilius ac melius obtinere à Papa occultam dispensationem. Vide amplius *verb. Professionis nulla remedium*.

53 Magister Nouitiorum , negare potest suffragium Nouitio indigno, ob defectum cognitum in solo Sacramento confessionis , idque si suffragia dentur in secreto. Et in publico ob defectus publicos etiam potest negare in publico. Si verò dentur suffragia in publico, non potest illi negare suffragium ob defectus cognitos tantum in confessione, qui omnino apud omnes secreti sunt. *Henriq. tom. 1. lib. 3. cap. 23. num. 7.*

54 Nouitius directè ac propriè solum gaudet priuilegio canonis *si quis suadente*: Aliis verò priuilegiis, non gaudet quæ conceduntur professis, nisi exprimatur de Nouitiis. Gaudet tamen Indulgentiis concessis Religiosis professis. *Rodrig. som. 3. quest. 51. art. 12.* Explico hoc exemplo. Si Nouitius sit Sacerdos, & Confessor antea sæcularium, & in Nouitiatu audiat confessionem alicuius sæcularis, non poterit illum absolvere à censuris Papæ reservatis per Bullam Pauli I I I. concessam Patribus Societatis I E S V , quia tale priuilegium est concessum Religiosis professis Ordinis, non verò est concessum Nouitiis. Sed tamen *Compend. Societatis verb. Communicatio priuilegiorum. §. 5.* ait suo Generali esse concessum, vt sua priuilegia possit communicare Nouitiis.

55 Nouitio aliàs idoneo, & benemerito negare suffragium ad professionem absque causa, ex odio, & affectu humano, est peccatum mortale, maxime in Ordine Minorum, Corduba super Regul. Minorum *cap. 2. questior. 1. & quest. 11.* & Miranda *tom. 2. quest. 25. art. 7.* probat, quia est contra charitatem proximi arcere dignos: & contra quasi contractum iam factum inter Ordinem & Nouitium, vt si dignus inueniatur, admittendus sit; & iam Nouitias videtur habere ius ad rem. Quid si Nouitius sit idoneus, sed multitudo fratrum est multa nimis, ita vt ex multitudine sola, magna nascantur incommoda? Si ob solam multitudinem possit illi suffragium negare? videat prudens elector, seu suffragator, & faciat quod viderit Deo gratius, & securius: & si magis ibi præponderet bonum commune quàm particulare. Quòd attinet ad
pro

professionem, ne Ordo Alphabeticus inuertatur dicitur la:è infra *verb. Professio*. Et de Nouitij testamento, vide infra *ver. Testamentum*.

A D D I T I O.

Vide infra *verb. Parentes fratrum*, & *verb. Veneficia*, *num. 18.* & supra *verb. Electio num. 29. & 30.*

Vide *ver. præcedenti Nouitia*: an Prouincialis possit dare suffragium pro nouitio recipiendo ad professionem.

1 Suprà *hoc verb. Nouitius*, dixi, vt credo, omnia substantialia ad statum Nouitij pertinentia; videlicet de qualitatibus illorum ad receptionem necessariis, de modo informationis faciendæ, de illius absolutione: de anno nouitiatus, & cæteris statum concernentibus, ita vt nihil ferè occurrat quod ex ibi dictis resolui non possit: nec proinde aliquid addere sit opus, paucula tamen quæ postea occurrerunt, sit accipe.

2 Eugenius IV. in Bullar. Rodrig. fol. 127 col. 2. sub pœna excommunicationis, ipso facto, præcipit ne aliquis verberet, vel aliqua violentia impediatur illos qui voluerint ingredi Congregationem Sanctæ Iustinae, qui est Ordo Sancti Benedicti: neque illis ingredi volentibus, aut Monasteriis eos recipientibus iniuriam aliquam faciant: vel eos à dictis Monasteriis auellere præsumant. Circa hanc concessionem duo aduerto. Primò ibi Papam loqui de volentibus habitum sumere, si aliàs de iure non sint inhabiles ad habitum Religionis assumendum. Vnde si quis iniuriosè, vel per vim impediret aliquem à tali ingressu, qui aliàs esset inhabilis ad Religionem per aliquod impedimentum iuris communis vel per Bullam Sixti V. non incurrat talem censuram. Secundò aduerto, Papam ibi solum excommunicare impediens talem ingressum facta iniuria, vi, & molestia. Vnde qui precibus im-

porta

portunis, vel consilio impediret, non incurreret. Credo tamen quòd incurreret ille consanguineus, qui iuvenem iam euntem ad aliquem Conuentum pro habitu suscipiendo, vel cum iam illo recepto, in itinere impediret ne vaderet, ac in domum sæcularem reuocaret, sicut fecerunt consanguinei sæculares Beato Thomæ Doctori Aquinati. Talis enim impeditio, & reuocatio molesta est, & iniuriosa, & pro vi reputatur, cumque prædicto priuilegio gaudeant Ordines Mendicantes, videant sæculares quam culpam, vel pœnam in tali negotio contrahant.

3 Dixi *verb. præcedenti*, non incurrere excommunicationem cogentes aliquem iuvenem intrare Religionem, sicut incurrunt cogentes fœminam. Nunc addo cogentes virum ingredi Religionem peccare mortaliter, vt tradit Rodriguez *tom. 3. qq. Regular. quest. 14. art. 3.* quia status Religiosus est difficilissimus, & proinde voluntariè, ac cum magna deliberatione assumendus, plus quàm matrimonium. Nunc addo cogentes novitium exire à Conuentu, si per vim, molestiam, vel iniuriam cogant manere excommunicatos, non censura Concilij Tridentini, vt diximus, sed per censuram positam ab Eugenio I. V. in *numero præcedenti*. Aduertit tamen Rodriguez cum communi in *question. 14. citat. articul. 4.* extrahentem novitium à Religione non teneri ad restitutionem faciendam Religionem ex oblatione novitij quantumcunque novitius foret utilis Religionis, vt si esset Doctor insignis maxime in Theologia. Idem tenet Sotus *4. de Iust. quest. 6. artic. 3.*

4 Maioris claritatis gratia, circa impedimenta criminorum per Bullam Sixti V. aduerto cum Sanchez *4. Decalog. capit. 16. numer. 39.* tria debere concurrere vt criminofus sit inhabilis ad Religionem. Primum est, vt actis publicis constet accusatio, vel inquisitio illius: non verò requiritur vt sit citatus. Secundum, vt facta sit inquisitio de illo in particulari, vnde non sufficiet inquisitio facta in generali. Tertium, vt fiat inquisitio contra illum ante habitus susce-

ptionem, & coram Iudice seculari. Vnde si inquisitio fiat contra illum, vel accusatio post habitum iam susceptum, non erit inhabilis: neque item erit inhabilis si fiat accusatio, vel inquisitio contra illum ante habitus susceptionem, sed coram Iudice Ecclesiastico. Hæc omnia clarè colliguntur ex verbis ipsius Motus proprii.

5 Si autem post crimina illa commissa, quæ ibi recensentur, talis criminofus reus ante habitus susceptionem absoluator à Iudice eo quod probata non sint, vel quavis alia de causa, itaut in posterum, nulla molestia Religioni timeatur, erit habilis ad Religionem. Nam Motus proprius ideo solùm illos criminofos atcer à Religione, quia damnari sunt, vel quia timetur ne damnentur. Vnde talis criminofus si antea habebat votum simplex Religionis, post Iudicis absolutionem tenetur ingredi Religionem, iam enim sibi ablata est inhabilitas. Quòd si nondum est absolutus à Iudice, sed coram illo delatus, tenetur modis licitis procurare absolutionem, & illa impetrata ingredi Religionem.

6 Colligit Sanchez *ci ato capit. n. 40.* peccare mortaliter speciali peccato habentem votum simplex Religionis si scienter contrahat aliquod ex illis criminibus per quæ redditur inhabilis ad Religionem: nam ponit impedimentum clarum ne votum possit implere. Imò addit *num. 4.* quòd talis, si potest, debet statim procurare ingressum Religionis antequam Iudex secularis de illo in particulari inquirat, est enim tunc tempus obligans ad ingressum, quia postea inquisitus non poterit votum exequi ob contractam inhabilitatem ad ingrediendum per dictam Bullam, quæ talem virum hodie inhabilitat ad susceptionem habitus, quamvis iam non annullet illius professionem ob moderationem Clementis VII.

7 Dixi olim professionem serui esse prohibitam de iure naturali: nunc addo etiam esse irritatam de iure communi, & proinde etiam erit irrita hodie post moderationem Clementis VIII. quemadmodum est irrita professio coniugis inuito alio coniuge. Nec est eadem ratio de professione habentis debita, hæc enim
erit

erit valida hodie si fiat : ratio discriminis est : nam servus , & coniux sunt personæ alienæ , seu personæ , alterius , domini scilicet , vel alterius coniugis , & proinde non possunt validè se donare alteri. At debitor licèt debeat pecuniam , non debet personam : & proinde licèt peccet profitendo , quia impossibilitatur ad solvendum , non est irrita donatio personæ per professionem , quia personam non debet. *Medina Cod. de Restit. q. 3. cas. 8. ad 5. Nauarr. 4. de Restit. capit. 4. dubio ult. & aliorum.*

8 Si quis habet debita incerta , quæ sint reddenda pauperibus eo quòd ignoratur dominus , potest ingredi Religionem ; nisi fortè hæc debita sint contracta nomine alieno , & ipse sit dispensator illorum , vt reddat pauperibus. In primò casu satisfacit , quia non valens solvere , satis soluit se donando Deo. In secundo non potest , quia reputatur , ac debitor certæ personæ. *Palud. in 4. dist. 38. q. 4. art. 1. num. 36. concl. 7.* Addit etiam *Sanchez citat. cap. 19. num. 8.* quòd si habens debita non habet vnde soluat , nec manens in sæculo sperat se posse solvere , nisi post longissimum tempus , vel magna difficultate : non teneri expectare illud longissimum tempus , neque vincere magnam illam difficultatem , sed non obstantibus debitis poterit ingredi Religionem. Quale verò tempus ibi dicendum sit longum , & quæ magna difficultas , iudicabit vir prudens attentis circumstantiis debiti , ac personæ.

9 Debita impediunt ingressum Religionis debent esse orta ex contractu , vel delicto : vt quia scilicet emit , vel commodato accepit : vel virginem defloravit , inuitam vel hominem grauitè vulneravit cui debet expensas , & sic de cæteris. At verò si debita sint ex liberalitate , quia liberaliter promisit , non impediunt ingressum Religionis , quia talis promissio ita debet intelligi vt non ita obliget promittentem quin possit intrare Religionem. *Medin. Col. de restitut. q. 3. causa 8. ad 1. & alij.* Si verò debitis astrictus habeat votum simplex Religionis , nec possit solvere , neque speret fore soluendo , nisi post longum tem.

pus , & cum magna difficultate , poterit , imò tene-
tur Religionem intrare. Sic D. Thom. in 4. distinct. 38.
quest. 1. art. 3. quest. 1. ad 7. Anton. 2. p. tit. 11. cap. 2.
§. 1. in fine.

10 Quid, si dubium sit an habens votum Religionis,
& debita simul, per aliquod tempus manens in sæculo
poterit soluere; an debeat expectare ut soluat, an verò
debeat ingredi ut votum Deo persoluat. Respondet San-
chez cit. cap. 19 n. 11. Quòd si votum factum est prius-
quam debita contraherentur, tunc stante illo dubio
soluendum est votum, non obstantibus debitis, quia
tunc votum prius factum prævalet, & habet possessio-
nem obligandi prius. Si verò debita sunt prius contra-
cta quàm fieret votum, debet expectare ut soluat, quia
obligatio debitorum prius facta prævalet voto quoad
obligationem prius soluendi.

11 Obligatus ad ratiocinia reddenda non potest ha-
bitum recipere de iure communi, ut suprà dixi: at nunc
addo professionem fore validam, quia ius commune
illam prohibens non annullat: & Clem. VIII. reduxit
motum proprium Sixti V. ad terminos iuris commu-
nis. Nauarr. lib. 3. consil. tit. de Regular. consil. 26.

12 Addit verò vel explicat Sanchez cit. cap. num. 25.
Motum proprium Sixti V. non comprehendere debi-
tores, qui sine graui sua culpa deuenere ad impoten-
tiam soluendi, ita ut nulla sit spes soluendi si maneant
in sæculo, quia sic videtur innuere Motus proprius in
§. Caterùm quoniam. Sed hæc explicatio cum sua addi-
tione parum iuuat: si enim non sit spes soluendi ma-
nendo in sæculo cum additionibus iam suprà positis,
parum facit ad rem si per culpam, vel sine illa deuenit
ad impotentiam soluendi. Statim verò sine limitatio-
ne addit probabile esse non comprehendi illos debi-
tores, qui absque graui culpa debita contraxerunt,
etiamsi manentes in sæculo sperarent fore soluendo,
quia, ut ait, Motus proprius supponit culpam in de-
bitore: ac proinde hos censet non esse inhabiles ad
Religionem, quamuis dicat eos posse peccare, eò
quòd manentes in sæculo possent soluere breui tem-
pore.

pore. Ego tamen neque sic hanc additionem, vel explanationem admitto. Nam præcipuus finis Motus proprii non est punire culpam debitoris, sed prospicere, & procurare quietem Conuentus, ac Religiosorum, ne post professionem inquietetur Conuentus ob debita Religiosi, & creditor sua bona possideat. Et probo ex ipso Sanchez à nobis *citat. eod. lib. 4. Decalog. cap. 16.* qui ait, finem Motus proprii Sixti in arceendis criminosis à Religione solùm esse quietem ipsius Religionis, vnde cessante periculo inquietationis, quia scilicet reus non fuit citatus, vel inquisitus, vel fuit absolutus, ait tunc posse recipi non obstante crimine. Ergo à simili intentum Motus proprii in debitoribus non est agere de culpa magna, vel leui cum qua debita sint contracta: sed intentum Motus proprii est ne Conuentus inquietetur ob debita, & ne creditor sua bona amittat, quod est intentum iuris communis: ac proinde parum ad hoc facit debita per culpam grauem, vel leuem sint contracta.

13 Neque item placet quod habet Sanchez *citat. cap. 19. num. 26.* dum ait non impedire ingressum Religionis debitum illius, qui virginem deflorauit, inuitam scilicet, vt innuit; quia, inquit; talis debitor non censetur grauatus ingenti ære alieno: & Motus proprius loquitur tantùm de grauatis ingenti ære alieno. Non, inquam, placet, primò quia ipse Sanchez *cit. cap. 19. num. 10.* tenet debita orta ex delicto impedire ingressum, deflorator autem virginis debet ex delicto, vt patet. Secundò, quòd talis deflorator sit dicendus grauari ingenti ære alieno, probatur, quia si deflorauit inuitam saltem in conscientia iubetur eam dotare: dos autem danda mulieri est ingens debitum respectu viri ordinarij, immò & respectu viri grauis. Neque enim ibi ingens æs, debet intelligi pro magna summa millium ducatorum, hæc enim ratio contrahitur: sed puto quòd ingens debitum ibi debet reputari magnum, id est, notabile debitum, pro quo lis magna possit moueri: Et proinde vt sit ingens debitum debet attendi circumstantia personæ debentis,

& ipsum debitum. At dos debita mulieri defloratæ de ordinario censetur graue debitum saltem respectu viui ordinarij, & quòd taliter deflorans impediatur ob debita tenet Rodrig *tom. 3. qq. Regular quæst. 10. art. 9* Et ego addo prædictum defloratorem, si iam fuit accusatus, vel inquisitus in particulari à iudice sæculari; adhuc esse impeditum ex alio capite ad habitum Religionis, quia scilicet est criminofus ex crimine tam graui vt illud leges ciuiles morte puniant si sit commissum in domo parentum ipsius virginis.

14 Impediti ob ratiocinia reddenda, tunc solùm impediuntur, quando ratiocinia publica, vel priuata talia sunt vt propter illa iam lis, vel molestia illata sit Conuentui, vel inferenda timeatur: Si verò nec sit illata, nec timeatur, non impediunt. Ita Rodrig. 2 *tom. Sum. cap. 3. n. 8. & in qq. Reg. tom. 9. 10. a. 11*. Si tamen taliter obligatus professionē emittat, erit valida, quia ius commune prohibet, sed non annullat. Nec iam Bulla Sixti V. quoad professionis annulationem, valet, sed solùm quoad impediendam receptionem habitus.

15 Vide suprà *verb. Electio, n. 3. 4. & 7.* vbi aliqua diximus satis concernentia ad receptionem suffragiorum, quæ dantur pro nouitij professione: maximè *ibi n. 3.* vbi dubitauimus an quando deest nouitio magna pars suffragiorum requisita, standum sit parti minori, sed saniori.

16 Omnino notanda est declaratio Cardinalium quam citat Azor. *tomo 1. libro 12. cap. 18. col. 13. q. 4. vers. 54.* quòd scilicet Superiores finito anno probationis teneantur admittere nouitios ad professionem si ipsos habiles inuenerint; si verò inuenerint inhabiles, neque spes sit vt meliorentur, statim eiiciant. Si verò spem dederint eos habiles posse esse infrà sex menses, posse Superiores tempus differre. Ita *ibi* Azor. Idem à fortiori intellige de nouitiis Monialium, vt quia nesciunt legere, vel quid simile.


17 Sanchez 4. *Decalogi cap. 16. num. 92.* innuit quòd negare suffragium nouitio est tantum peccatum veniale: ait enim quòd si Religio ex sola libertate nouitium expelleret, reprehenderetur à quouis sapiente, & leui

leuitatis argueretur. Si autem hoc dicat esse tantum veniale: magis placet, quod dixi suprà ver. *Nouitius n. 54.* cum Corduba, & Miranda, esse peccatum mortale, est enim materia grauis, & præcedit quasi contractus inter Ordinem, & nouitium acceptandi illum, si rectè procedat. Et expulsio nouitij vt plurimum cedit in eius infamiam.

18 *Nouitius gaudet priuilegiis Religionis, non verò subditur pœnis, seu legibus illius Molin. tom. 1. de Iust. disp. 139. col. 3. Azor. tom. 1. lib. 8. cap. 30. fin. & alij.*

19 Annum probationis debere esse continuum ita vt non valeat, si nouitius habitum dimittat, & exeat: iterumque redeunti non sit computandum tempus præteritum cum nouitiatu futuro tenet Nauar. *consil. 52. de Regularibus num. 2. Henr. in Summ. libr. 13 cap. 40 § 2.* At Iulius I. concessit Minoritis in Bullatio Rodr. *fol. 575. col. 1.* vt cum aliqui Fratres annum Nouitiatus inceperint, & deinde habitu omisso ad ipsum Ordinem redierint, tempus prioris receptionis habitus, cum tempore posterioris in anno probationis sibi computari, vel non computari posse, committit arbitrio, discretioni, ac determinationi Superiorum. Neque hoc credo esse reuocatum per Concilium Tridentinum, illud enim loquens de anno nouitiatus solum requirit quòd sit completus, & integer: potest verò esse integer, etiamsi sit interpolatus modo suprà dicto. At Religio Minorum huic priuilegio renunciauit per statuta generalia Tolletana, quibus cauet, vt si nouitius exierit etiam cum licentia, & cum habitu morbi curandi causa, cum redierit non computetur illi tempus præteritum cum futuro, sed denuo incipiat. Aliæ Religiones quæ communicant in hoc priuilegio non derogato, videant quid statuerint, & quid consueuerint. Hoc scio quòd nostra statuta Tolletana prohibent, sed non annullant professionem si secùs fiat.

NOVITIUS MACULATUS OB parentum genealogiam.

19  Vamuis suprà de hoc egerim duobus locis. *ver. Electio, & ver. Novitius à n. 30.* pauca tamen subiicio. Et in primis persisto in priori dicto, quod scilicet sentio, in Ordine Minorum per Bullas ibi citatas non arceri ab habitu suscipiendo, nec ab officiis, nisi illos qui ita descendunt à parentibus maculatis, ut talium parentum corpora, vel ossa, vel statuta fuerint combusta. Idque ob causas ibi assignatas. Nunc addo.

20 Nullus qui aliquando fuit Iudæus, vel hæreticus, potest recipi in Ordine Minorum, etiamsi illorum proavi non fuerint combusti. Habetur expressè in Bullario Rodrig. fol. 848. in Bulla Pauli IV. pro Ordine Minorum citato fol. col. 2. unde quod dixi supra verb. *Electio numero 10.* ex Nauarro *ibi citato*, quod scilicet descendentes à Mauris possunt recipi quando proavi sponte sua conuersi sunt ad fidem, potest adhuc magis firmari; quia Paulus IV. in illa Bulla non loquitur de descendentibus à Mauris, vel Turcis: sed solum de descendentibus à Iudæis, & hæreticis. At per Bullam Gregorij XII. quam citat Rodriguez tom. 1. qq. Regul. quest. 14. art. 1. ad finem, prædicta Bulla Pauli IV. extenditur etiam ad descendentes à Sarracenis usque ad quartum gradum: sed videtur hæc extensio etiam intelligenda, si proavi Sarraceni fuerint combusti, vel in infidelitate mortui, ut Rodrig. *ibi* inquit. Et tunc erit verum dictum Nauarri si proavus Maurus sua sponte conuersus fuit ad fidem. Et loquitur *ibi* Nau. clarè de Ordine Minorum, ut videre est in Nau. li. 5. Consil. tit. de Iudæis consil. 1. num. 6. prima impressionis, ubi exprimit Guardianum. Et n. 5. precedente exprimit de Sarracenis sponte conuersis ad fidem.

21 Rigidior est constitutio Sij IV. in Bullario Rodriguez fol. 870. pro Benedictinis Congregat Valliso, let.

let cuius ingressum ad habitum prohibet etiam descendentes à Mauris, Turcis, & Iudæis, si prout fuerunt confessi crimen, & conuicti, aut de crimine fuerunt inquisiti per Inquisitores, vel puniti: itemque si ipsi descendentes fuerint per Inquisitores puniti, vel inquisiti, neque item posse admitti ad dignitates, & officia. Regid:or, inquam est, quia non requirit ut proavorum corpora, vel ossa fuerint combusta quemadmodum Paulus IV. requirit pro Minoritis: sed sufficiet pro Benedictinis, quod iuuenis proavi, vel ipse fuerint solum conuicti de hæresi, licet non combusti: sufficiet item si Inquisitores contra proavos, vel contra iuuenem inquisierint: intelligo de inquisitione in particulari, non de generali, ut supra dixi de criminosis Sixti IV. Addo tamen quod si fuerint inquisiti in particulari, non requiritur citatio, vel carceratio, quia Bulla solum dicit, *inquisiti*, & inquisitio non includit citationem. Verum ista constitutio cum sit solum pro Benedictinis, & sit pœnalis, non potest extendi ad Minoritas: nam Religiosi solum excommunicant in priuilegiis, & non in pœnis.

22 Libuit etiam recolere, (& iuvat ad præcedentia) quod in Bullar. Rodrig. fol. 1083. Gregor. XIII. concessit Patribus Minimis Sancti Francisci de Paula. Primò, quod descendentes à Iudæis, vel Mahumetanis post susceptionem aorum Baptismum, non impendantur ab habitus susceptione, & ab officiis Religionis. Secundò, ut descendentes ab hæreticis, si proavi hæretici conuersi admissi sunt ad unitatem Ecclesiæ, possint etiam admitti ad habitum, & ad officia. Tertiò, quod descendentes à Iudæis baptizatis, sed postea lapsis in hæresim, ac damnatis ad ignem: filij etiam cæterorum hæreticorum in quarto gradu damnatorum ad ignem, vel si talium Iudæorum, vel hæreticorum ossa vel statuae fuerint combusta, hi tales descendentes, siue per lineam paternam, siue maternam, arcantur à receptione habitus, & ab Ordinibus sacris recipiendis. Vide quanta diuersitas sit pro diuersis Ordinibus: & vnaquæque Religio in hoc negotio seruare debet sibi decreta à Sede Apostolica: non verò decreta pro alia Religione: quamuis autem

Sanchez 2. *Decalog cap. 27. num. 3.* dicat Auilam dixisse se audisse à viris doctis quod Paul. IV constitutio circa Minoritas non est in usu : huius tamen contrarium testatur Praxis Franciscana nouitros interrogans antè susceptionem habitus iuxta Bullam dictam Pauli IV.

23 Quæris ; an isti filij hæreticorum & similium prohibiti recipere habitum , & officia Religionis , si concepti sunt ante delictum parentum , comprehendantur in dictis Bullis Pontificiis Pro cuius intelligentia suppono esse grauem quæstionem inter Iuristas an pœnæ statutz in iure contra hæreticos , & illorum filios de infamia , & bonorum amissione , &c comprehendant etiam filios talium hæreticorum conceptos antè delictum parentum ? Multi & grauissimi Doctores affirmant. Alij dicunt non comprehendi , quos latè citat , ac sequitur Sanchez *libr. 1. Decalog. cap. 27. à numer. 13. & seqq.* & est opinio communior , & magis pia. Et hac supposita quæris , an sicut filij hæreticorum concepti ante delictum , liberantur ab illis pœnis iuxta illam opinionem , vt non sint infames , nec bona amittantur : etiam filij hæreticorum concepti ante delictum liberentur à pœnis prædictarum Bullarum , ne habitum , & officia Ordinum recipiant : Casum apud nullum inueni Sed credo non liberari. Probo quia prædictæ Bullæ Pontificum non hæc decernunt in pœnam delictorum parentum , sicut ius commune decernit : sed hæc decernunt Pontifices pro quiete , pace , & honore Religionum , vt videre est in præmio prædictarum Bullarum : ac proinde illa prohibitio habitus , officiorum , ac dignitatum non est pœna talium officiorum , sed est prouisio circa pacem , quietem , & honorem Religionum : vnde prædicti filij non manent capaces habitus , & officiorum Ordinis , etiam si sint nati , vel concepti ante delictum parentum.

24 Circa filios talium hæreticorum , vel Iudæorum combustorum adhuc aduerto , illos vltra alias pœnas esse etiam irregulares ex iure , nec posse ad sacros Ordines promoueri ; filios quidem ex parte patris , atque nepotes , ex parte verò matris solos filios , non nepotes.

Col

Colligitur ex *cap. 2. §. hæretici. de hæreticis in 6.* & tradit latè Salzedo *in tract. Bern. Diaz c. 22. num. 22.* & Rodr. *in qq. tom. 1. q. 24. art. 7.* & alij. Et in hac irregularitate solus Papa dispensat. Quæ tamen irregularitas non præcipit filios ab officiis iam receptis deici, sed solum prohibet ad futura non admitti, hoc, inquam dico pro officiis in Clericis sæcularibus: nam in Religiosis per Bullas prædictas, saltem Minoritæ etiam obtenta iam officia amittunt. Si verò aliquos iam Sacros Ordines receperunt, poterunt illis ministrare, sed non poterunt ad alios promoueri: dico si aliquos receperunt, id est, ante delictum patris combusti: post delictum enim damnatum iam sunt irregulares, & nullos possunt recipere, neque in talibus postea susceptis ministrare. Ita Maiolus *lib. 4. de irregul. cap. 47. n. 6.*

25 Colligit etiam Sanchez *2. Decal. c. 28. n. 11* descendentes ex Iudæis, vel Mauris, si ipsi ante rationis usum baptizati sunt (vulgo *Christianos novos*) non excludi ab Ordinibus suscipiendis, neque esse inhabiles ad officia vel beneficia, quia iura solos hæreticorum filios puniunt hac pœna. Et quamvis neophyti sint irregulares id intelligitur de recenter baptizatis, non verò de baptizatis à natiuitate. Ita Salzedo *cit. c. 22. n. 8.* Et hoc ait Sanchez esse verum etiam si parentes adhuc Mauri perseuerent.

26 Colligit item Sanchez *cit. loco num. 15.* quòd quando Tridentinum *sess. 23 cap. 7. de reform.* iubet, ut Episcopus inquiret de proavis ordinandorum, solum præcipit inquire de proavis quorum filij sunt irregulares: qui sunt, ut suprà diximus, nepotes ac filij per lineam masculinam parentum combustorum: soli verò filij per lineam fœmininam: Nam *ibi* Tridentinum non induxit ius nouum, sed solum adhæsit antiquo; quod antiquum id tantum statuebat. Ita Salzedo *cit. cap. n. 21.* Henr. *lib. 10. de Sacram. Ordinis. cap. 17. n. 2.* & alij.

27 Ultimò colligit Sanchez *num. 16.* qualiter possunt testes iurare promouendos ad Ordines vel ad officia publica, esse Christianos veteranos, etiam si à Iudæis, Mauris, vel hæreticis originem trahant. Quando enim
non

non est speciale statutum legitimum à Papa, vel Principe confirmatum petens aliam qualitatem ultra petitam in iure communi: id iuramentum non intelligitur de Christiano veteri in rigore, nec de descendantibus ab hæretico, vel Iudæo quomodocunque, sed de Christiano veteri, vel descendente ab hæretico, quales iuramentum, ne sint inhabiles ad officia vel ad Ordines. Quod si iudex intendat aliud non iussè rogat. nec tenetur testis ad eius verba respondere, v.g. si roget in forma tantum iuris communis, arcen- tis solos filios, & nepotes combustorum via masculina, & filios combustarum via fœminina circa Ordines, officia, & beneficia: & talis de quo rogatur testis, nulla via sit filius talium combustorum, iurare poterit illum esse Christianum veterem: idemque potest iurare si pater, vel mater, vel proavi fuerunt hæretici, sed non combusti, quia hi non incurrunt irregularitatem, vel inhabilitatem ad officia. Dixi, *si iudex interroget ex forma tantum iuris communis*. Nam si interrogat ex vi alicuius statuti legitimi arcen- tis ab officio, Ordinibus, vel quavis alia re, descendentes à Iudæis, Maniis, & hæreticis quocunque modo, & in quocunque gradu, tunc tenetur testis respondere ad verba iudicis, ac testificari de proavis qualescunque fuerint siue combusti, siue non: siue conuicti, siue inquisiti ab Inquisitoribus, quia finis talis statuti ad hoc tendit, ut illius genealogia quomodocunque sciatur. Hoc autem statutum si sit de rebus Ecclesiasticis, & inquiratur hoc secundo modo de descendantibus quovis modo extrudendis, non potest esse validum nisi confirmetur à Papa. Si verò sit circa officia, vel dignitates sæculares, non erit validum nisi confirmetur à Principe, ut docet Sanchez *cit. c. 28. n. 14*. Credo autem quòd hodie omnes congregationes Ecclesiasticæ & sæculares, imò & Episcopi interrogant de promovendis, ac recipiendis hoc secundo modo: & debent ad id habere statutum, vel licentiam: ipsi viderint.

O B E D I E N T I A.

Vide infra ver. *Statutum n. 3.* & ver. *Lex.*

1 **O**bedire tenetur subditus in omnibus suo Prælato, ex vi huius voti. At in actibus purè mentalibus non tenetur, quia isti sunt Deo immediati, & non pertinent ad forum externum, neque nocent communitati. Est communis Doctorum. Si verò hi actus mentales pendent ab externis, quia his sunt annexi: vel è contra, quia externi habent annexos mentales, vt rectè fiant, tenetur subditus in his obedire, vt cùm Ecclesia iubet dici Horas Canonicas cum attentione interna, obligat ad attentionem, & intentionem internam sine qua recitatio externa non fit debitè. D. Thom. 2. 2. q. 91. art. 4. Et sic de aliis actibus obedientiæ colliges.

Rodriguez tom. 3. quest. 19. art. 1. ponit exemplum, quando Prælatus dicit subdito vt dicat Missam pro tali intentione; & ait tunc teneri subditum applicare suam intentionem pro intentione Prælati. Et subditus non applicans peccabit contra obedientiam. Seq̃ quæris (quidquid sit de peccato subditi quoad obedientiam) an Missa dicta à subdito pro sua particulari, valeat pro intentione subditi, quidquid sit de peccato illius. An verò maneat applicata pro intentione Prælati applicantis, & habentis dominium indirectè suprà intentionem subditi? Rodrig. de hoc ibi nihil dicit. At Suarez. tom. de Eucharistia, disp. 79. sectio. 9 & Alij nihilominus censet quòd Prælati applicatio non valet, sed Missa manebit applicata pro intentione subditi applicantis. Prælatus enim potest iubere vt applicet: si verò subditus non applicauerit, peccabit quidem, sed eius applicatio valebit: quia ibi Prælatus non est Minister Sacramenti, vel sacrificij: sed subditus celebrans. Et aliis ibi probat rationibus efficaciter.

2 Peccatum inobedientiæ tunc propriè fit, quando subdi

subditus ea de causa non vult obedire, quia non vult Prælato illi subesse, & ex contemptu illius facit. Caietanus in *Sum. ver. Obedientia*: & alij communiter, & hæc dicitur inobedientia formalis. Et hæc licet sit in materia levi, est tamen peccatum mortale ob contemptum Prælati, qui contemptus est mortalis suo genere. Si verò subditus non obediat ex pigritia, ira, metu honoris, & sic de cæteris, non est inobedientia formalis, sed materialis, & peccatum iudicabitur iuxta qualitatem materiæ. Est communis Doctorum.

3 Si iussum à Prælato est clarè illicitum etiam si sit tantum peccatum veniale, non tenetur subditus obedire, etiam si iubeatur sub censuris. Est certissima, & indebita. Si verò dubium sit an res præcepta sit peccatum, vel non, stante dubio, potest, imò deber subditus obedire, neque tunc peccabit etiam venialiter: sed potius merebitur. Quia potius addo, quòd etiam si contingat à parte rei, quòd illa res dubia sit peccatum in se: subditus verò ignorans, & obediens bona fide rem faciat intuitu obedientiæ, merebitur in facto. Et probatur, quia subditus stante tali dubio, tenetur obedire: & proinde facit actum obedientiæ. Actus verò obedientiæ est actus virtutis, & proinde meritorius si fiat in gratia.

Quid si subditus putet esse peccatum quod iubetur & simul putet esse peccatum non obedire? Res periculosa, & homo positus inter ignem & aquam. Resp. quòd tenetur tunc dubium practicum deponere, id est, dicere. secum; ego non pecco faciendo, & obediendo: & hoc facto, seu formato hoc conceptu, non peccat faciendo iniunctum opus. Cum quo potest manere dubium speculativum, id est, si à parte rei sit peccatum vel non. De quo non curo: sed solum curret subditus, ne cogitet se non peccare obediendo. Stante enim æquali dubio, obediendum est Prælato, maximè quando Prælatus est vir prudens, & timoratus, neque datur ibi litteratus quem consulat. Secus si clariùs apparet rem esse malam, tunc enim obediendum est Deo, iam enim res non est dubia.

4 In Hispania non possunt Prælati cogere subditos ut vadant ad Indos causa conuersionis illorum, nisi id speciali voto in professione promittant: est enim res difficilima, & non cadens sub obligatione. *Sot. de regendo secret. membr. 3. questione 2. conclu. 1. Rodriguez tom. 3. quest. 19. art. 7. & alij communiter.*

5 Si Prælati iubeat in communi ne quis de tali viridario verb. g. vel arbore aliquid decerpit; qui sumperit quid paruum excusabitur paruitate materiæ: neque enim illa lex plus debet obligare quam lex diuina, quæ non frangitur mortaliter in moralibus data paruitate materiæ. Si verò præcipiat per obedientiam, ne quis furetur talem fructum specialem ob causas particulares, cum sit fructus notabilis, & particulari domino destinatus, vel quid simile, ex cuius furto Prælati notabilem sumet molestiam, licet res in se sit parua, ratione tamen molestiæ grauis datæ, erit peccatum mortale ob causas in simili casu datas à Nauarr. *in cap. 17. num. 3. littera B.* de famulo qui particulare malum Cydonium rapuit de horto domini cum quo illi magnam causauit molestiam.

6 Non obligat obedientia cum damno notabili salutis subditi, quia maior est obligatio salutis propriæ, quam obedientiæ. Idem ex consequenti dicendum de damno notabili honoris qui præfertur aliquando salutis. Vnde si Prælati iubet subdito ut patiat sibi membrum abscindi causa salutis, non tenetur obedire cum tanto damno, etiam si sciat se moriturum: sic tenet Sæ in *Aphorismis, verbo Obedientia num. 3.* neque si iubeatur reuelare crimen occultum. Neque item obligat obedientia circa præcepta impertinentia, & futilia, ut si iubeatur quod eleuet paleam à terra, barbam fricat, & similia Nauarr. *in Sum. cap. 23. num. 39.* Si quando verò Sancti antiqui similia præcipiebant subditis, ut quod Pat. nost. Franciscus iussit socio girare corpus suum pluribus vicibus. Et alij iubebant filiolum in furnum, vel flumen mittere: hoc primò Sancti, vel Spiritu ducti faciebant: vel habebant intentum sanctum; & in his illos debemus mirari, non imitari.

7 Neque item ligat obedientia etiam cum censuris si iubeat me facere, unde scio certè nasciturum scandalum, & perturbationem grandem, *cap. si quando. de rescriptis*, & *cap. cum teneamus. de prebendis*; & sic non tenetur subditus exequi tale mandatum: & absque timore censuræ, debet rescribere Superiori absenti, *iuxta cap. si quando citatum*.

Vide etiam pro hac obedientia suprà verb. *Leges*, & infra, verb. *Statutum*.

A D D I T I O.

1 **N**on obligatur subditus obedire Prælato in illo quod debet resultare in scandalum aliorum. Probat, quia lex naturalis de scandalo non dando prævalet legi positivæ Prælati. Sylvest. *verb. Obedientia, num. 5*. Et hoc intellige etiam si præcipiatur sub excommunicatione, dummodo scandalum sit verum, certum & notabile. Si verò quod præcipitur est peccatum etiam veniale, non tenetur obedire, quia oportet obedire Deo magis quàm hominibus.

2 Cordub. *in suo question quest. 6*. & Ludovic Lopez *1. p. Instr. 1. p. cap 56. § sic etiam* tenent, quòd in dubio an Prælatus mihi aliquid possit præcipere, teneor obedire, vè est communis opinio. At si inde mihi, vel alteri immineat graue periculum, aut notabile præiudicium, spirituale, vel temporale, in persona, rebus, vel honore, non tenetur subditus tunc obedire. Probant, quia intentio subditi vouentis obedientiam non videtur fuisse obligare se ad difficilia: nisi illa difficilia speciali voto, vel statuto essent imposita, vt cum Hispanus Religiosus vouet ire ad Indos, & sic de cæteris; citat Lopez pro eadem sententia Sorum.

3 Si Prælatus iubet per obedientiam subdito, vt dicat delictum alterius subditi quod est secretum, non tenetur obedire; præcipit enim iniuste: & tunc neque testis tenetur detegere iussus sub iuramento: nisi quando

do est crimen contra communitatem. Quid si in tali religione sit statutum, ut subditus reuelet Prælaro delictum proximi omiſſa correctione fraterna? tunc tenebitur reuelare, pro quo vide quæ diximus ſuprà, *ver. Correctio fraterna, num. 2. & ſequentibus*. Si verò deſit tale ſtatutum, ut communiter deſit in multis religionibus: & dubitat religioſus utrum in conſcientia teneatur reuelare: ſi in tali caſu debet reſultare damnum proximo particulari, non tenetur reuelare: quia in dubio, magis obligat vitare malum proximi quod eſt naturale: quàm obliget mandatum poſituum Prælati. Sic Vega 2. *part. verb. Obedientia caſu 2.* citans Sotum, Aragon. Nauar. & alios.

4 Grauis dubitatio eſt, & quotidiana quando cognoscendum ſit verba Prælati mandantis, vel verba ſtatuti mandantis, vel prohibentis obligent ſub obedientia ad mortale. Caſum ponit Veg *cit. verb. Obedientia, caſu 3.* Nam ſæpe tum in verbis Prælati, tum in ſcripto ſtatuti, reperiuntur hæc verba: *Mando, mandamus, præcipimus, obligamus, decernimus, ſtatumus, iubemus, volumus, prohibemus, interdiciamus*, & ſic de ſimilibus. Circa hæc autem verba non poteſt assignari regula certa, & infallibilis Solùm pro regula generali duo ſunt conſideranda. Primum eſt grauitas, verborum Prælati, vel ſtatuti, ſimul cum materia graui de qua eſt mandatum. Si enim hæc duo concurrunt ſimul, clarum eſt induci obedientiam peccati mortalis. Si verò utrumque deſit, & præceptum ponatur verbis communibus, ut *iubeo, mandamus, volumus*, & ſimilibus, erit peccatum veniale, tantùm rursus, ſi ſola verba Prælati, vel ſtatuti, ſint rigorosa, & particularia, quidquid ſit de grauitate materiæ, obligabunt ad mortale, ut ſi iubeatur *in virtute Spiritus S. in virtute obedientia*, & ſimilibus. Idem ſentit Panorm. *in c. nam concupiſcentia, de conſtit.* quando ſunt verba graui prohibitiua, ut ſi dicat Prælatuſ, vel ſtatutum, *interdiciamus*, vel *prohibemus*. vide infra *num. 9.* E contra, ſi materia ſit grauis, etiamſi præcipiatur verbis communibus, erit obedientia obligans ad mortale. Exemplum particulare eſt in Regula

Patris N. Francisci, cū prohibet Minoritas in itinere equitare. Hoc enim prohibet verbis satis communibus, neque rigorosis, videlicet, *et non debeant equitare, &c.* Vbi vides, per verbum, *non debeant*, induci peccatum mortale iuxta declarationem Pontificū: quia videlicet aliās materia prohibita, est grauis respectu talis status pauperis, & humilis. Ac prouide prudentia viri timorati considerans verba statuti, vel Prælati simul cum materia præcepta: vel sola verba per se: vel solam materiam iudicabit an obligent ad mortale, vel veniale. Secundū quod debet considerari ad hoc colligendum, est consuetudo, quæ scilicet explicat verba. sensum, & intentionem Prælati, & est optima legum interpret.

5 Circa dictum verò numero 2. & 3. de subdito dubitante an pro tunc teneatur obedire Prælato iubenti, bene notat Sayro *lib. 1. Clau. Reg. cap. 13. numero 41.* post medium cum Medina, in tali casu maximè considerandam esse qualitatem Prælati: si enim ille sit vir prudens, doctus, & bonus religiosus, & subditus idiota, & Prælatus secunda vice iubet, vt faciat, non obstante suo dubio, poterit deponere dubium, maximè si talis Prælatus dicat se id recipere in suam conscientiam.

6 Subditus habens aliquam opinionem probabilem potest obedire Prælato iubenti ex dictamine oppositæ opinionis quam sequitur Prælatus, dummodo subditus deponat dubium practicum, secum dicendo quod non peccat in operando contra suam rationem. Cordub. *lib. 3. quæst. 9. 9.* Valquez 1. 2. *disput. 62.* Solū probè exemplo communi, omnes enim dicunt posse confessorem sequi opinionem pœnitentis litterati, qui allegat pro se opinionem contra opinionem confessoris; & dicunt posse confessorem sua opinione deposita, sequi opinionem pœnitentis, & illum absoluer. Ergo à fortiori poterit subditus sua opinione deposita conformare se cum opinione Prælati, atque obedire.

7 Maius dubium est, quando opinio subditi est probabilior quàm opinio Prælati, si possit subditus obedire

dire Prælato præcipienti iuxta opinionem minus probabilem? Credo quòd potest etiam tunc obedire absque peccato. Nam omnes ferè Doctores, vel magna pars recentiorum admittunt, posse me ex duabus opinionibus probabilibus eligere vnam quæ minus probabilis est, relicta probabiliori, vt tenet Nauarr. *in Sum. capit. 26. numero 4. Valqu. 1.2. disputat. 62. toto cap. 4. § 9. & alij multi*: ergo cum Prælatus non peccet vten- do illa opinione minus probabili, non peccabit etiam iuxta illam iubendo, & proinde cum non iubeat peccatum, poterit subditus deposita sua opinione probabiliiori, operari secundum opinionem Prælati minus probabilem. Imò credo quòd proxima ratio non solum probat posse subditum tunc obedire, sed etiam teneri. Nam subditus tenetur obedire in omnibus quæ Prælatus licitè præcipit absque peccato: sed tunc Prælatus licitè præcipit absque peccato, vt ostendimus. Et hoc procedit vt vides quando diuersitas opinionum versatur circa ipsam rem faciendam sit ne licita, vel illicita.

8 Sed quid si diuersæ opiniones versentur circa potestatem ipsius Prælati, aliis dicentibus ipsum posse præcipere: aliis verò negantibus? Sayro *lib. 1. Clau. Reg. cap. 12. num. 4.* responderet posse tunc subditum obedire, non verò teneri. Probat primum, quia in priori casu Prælatus potest præcipere, & proinde subditus potest obedire, quando scilicet opiniones versantur circa rem faciendam: probat secundum, quia in hoc secundo casu quando dubitatur de potestate, tunc licet subditus possit parere, non tamen obligatur, cum subditus non obligetur obedire, nisi quando Prælatus habet ius ad præcipiendum. Sed responsio non satisfacit, & credo stante hoc dubio de potestate Prælati teneri subditum obedire. Primò, quia in dubio isto, possessio est pro Prælato, vt possit iubere, non verò est possessio pro libertate voluntatis subditi. Et confirmo, quia in dubio an lex obliget, vel non, omnes dicunt parendum esse legi, quia lex est in possessione, vt sibi obediat subditus; eadem verò ratio est de Prælato an possit, ac de lege

an possit. Et confirmatur ex communi dicto Theologorum dicentium excommunicationem in dubio an sit licita, vel illicita seruandam esse. Adde quòd subditi non est litigare de potestate Prælati, sed humiliter obedire, vt sancti moralizantes passim affirmant. Vltimò, quia data illa opinione, seu libertate, daretur occasio multis scandalis ac perturbationibus: sæpè enim subditi arriperent quamuis opinionem vt dicerent Prælatum non posse iubere. Solùm ergo meo iudicio poterit subditus non parere quando clarè constat ex communi sententia Prælatum non posse iubere. Secus si tantùm sit dubium; & hæc mea responsio clarè colligitur ex traditis à Sanchez 1. *Decalog. cap. 1. num. 23. & 34.*

9 Pro maiori explicatione prædictorum vide suprà *verb. Leges, numero 2. & 3.* vbi dixi ex Molina non omnia verba Bullarum Papalium aliquid præcipientium continere vim obligando ad mortale vt cùm aliquando Papa dicit, firmiter iubemus, vel interdici-mus, sed pensandam esse gravitatem materiæ, vt diximus hoc *verb. n. 4.* Et hoc poteris applicare ad statuta religionum.

OFFICIUM DIVINUM.

Vide suprà *ver. Hora Canonica*, quia coincidunt.

A D D I T I O.

Vide suprà verbo *Hora Canonica*, vbi dictum est de officio diuino præter illa quæ dixi sup. *eodem* *ver.*

OFFICIA

OFFICIA ORDINIS.

Vide infra verb. *Vox actiua num. 2.*

I N Ordine Minorum, qui procurat officia, aut dignitates per intercessionem sæcularium, per se, vel per alios, est priuatus voce actiua & passiua, & inhabilis ad omnia officia in posterum obtinenda; & præterea excommunicatus. ita Pius V. & Greg. XIII. quorum Bullæ sunt apud Rodrig. *tom. 2. quest. 57. art. 2.* Et ad incurrendas has pœnas sufficit probare, quòd litteræ postulatoriæ sæcularis pro fratre, exhibeantur Prælati. Nisi forsan constiterit tales litteras malitiosè factas fuisse à sæculari, ut tali Religioso nocerent ob incursum prædictarum Bullarum. Hæc enim, & maiora potest tentare malitia.

2 Similes alias pœnas pro Ordine Prædicatorum, vide apud Rodrig. *loco citato* positas à Greg. XIII. & Clemen. VIII. sed circa litteras missas ad procuranda officia vel similia, vide supra verb. *Littera num. 4.* & infra ver. *Subornatio.*

3 Quando Prælatus commisit delictum dignum priuatione, non debet priuari, quidquid lex dicat, si illud fecit animo simplici, & absque malitia. Rodrig. *Addit ad Sum. tom. 4. capit. 104. conclus. 2.* Excipit tamen, si ex commisso delicto resulet scandalum in publico; tunc enim potest, ac debet priuari, saltem ratione scandali.

4 Non possunt Prælati superiores amouere ab officio Prælatos Conuentuales sine culpa, vel causa iusta, etiam in Ordine Franciscano. Rodrig. *tom. 3. quest. 29. artic. 9.* Imò neque in Congregatione intermedia apud Minoritas: nisi illud per statutum, vel antiquam consuetudinem sit introductum. *Ibidem.*

5 Lex quæcumque etiam Papalis, si dicat quòd priuentur officiis contrafacientes, dignitatibus, &c. etiam

si dicat ipso facto, & absque declaratione, non obliget
 vt possessor culpatus per se renuntiet officium, & sit
 executor contra se. Henriquez fusè, & sufficientissimè
tom. 2. libr. 13. cap. 56. à num. 2. & sequentibus. Secus
 si lex aliquid præcipiat sub excommunicatione, priua-
 tione, inhabilitate, & similibus priuationibus, nam
 hæc abstinentiæ, & pœnæ statim ligant in foro interno,
 & externo, modo possibili, & non indigent externo
 executore: sed ipse culpatus debet se abstinere, iuxta
 dicta suprâ, *ver. Lex num. 6. & num. 7. sequenti.* vide
 suprâ, *ver. Lex. num. ult.*

6 Omnes actus exerciti ab his, priuaris, inhabilibus,
 & excommunicatis in occulto sunt validi *cap. infamis.*
 3. *quest. 7. & l. Barbarius. ff. de officio pratoris:* & est
 communis.

7 Grauis quæstio, & rigida: Si excommunicatus.
 vel inhabilis, vel priuatus occultus eligatur ad offi-
 cium, vel dignitatem Ordinis: si tenetur se prodere,
 vel non acceptare? Suarez *tom. de censur. disput. 13*
sect. 1. num. 31. casum ponit, & resoluit. Primò tenetur
 quâtum potest renuntiare omnibus viis, & modis,
 quantum poterit: dicendo in communi, se non esse ido-
 neum, vel quid simile. Secundò, si hoc non sufficiat, &
 suum impedimentum detectum non sit infamatorium
 valde, debet illud publicare saltem Prælato in occulto
 ne confirmetur: & si hæc duo non faciat, peccabit mor-
 taliter cum onere restituendi. Tertiò, si præcedentia
 non habeant locum, vel non sufficiant nisi publicando
 impedimentum infamatorium, non tenetur se prodere;
 sed potest acceptare: at cùm primùm poterit, procurare
 debet dispensationem, & nouam confirmationem in of-
 ficio, idque in secreto: seu collationē nouam officij. Vide
 etiâ Henriquez *tom. 2. de excom. libr. 3. c. 14. nu. 2. & 3.*

Ego super hac doctrina, quæ vera est, aduerto, quod
 si officium non est conferibile, nisi per electionem, non
 potest superior illud per se dare in secreto, neque con-
 firmare: videant tamen si potest (& poterit vt plurimum)
 sic malè electum facere suum Commissarium, vel de-
 legatum, vt nomine suo gubernet, tanquam Clericus
 gubernans

gubernans Ecclesiam sibi commendatam. Quòd si superior neque hoc possit facere, securius erit procurare occultam dispensationem à Papa. *Suar. c. t. loc. n. 34.*

Notat verò *ibidem* Suarez quòd si elector novit electum vel eligendum teneri aliquo impedimento secreto; & suffragia dentur in secreto, non posse illi dare suffragium. Secus si dentur in publico: tunc enim tenetur dare, ne illum infamet. Sed de hoc vide *suprà ver. Definidores, & verbo Electio.*

A D D I T I O.

¶ Via sæpius in Bullis Pontificiis priuantur Religiosi officiis, ac dignitatibus: utile fuerit scire in quo differant hæc tria, officium, dignitas, & personatus. Igitur Sylæst. *verb. Dignitas* sic distinguit hæc tria in usu proprio, & antiquo Ecclesiæ. Dignitas est id quod habet iurisdictionem in foro externo, & rerum administrationem. Huiusmodi sunt in religionibus Prælati Conventualis, &c. Superiores, hi enim omnes administrant res suum officium concernentes, & præterea habent iurisdictionem externam in suo districto. Officium est illius qui habet administrationem rerum aliquarum, sed non habet iurisdictionem fori externi. Tales sunt in religione Procurator Conventus, Sacrista, Ianitor, & Vicarius Conventus in præsentia Prælati localis. Hi enim omnes habent administrationem, vel procurationem certarum rerum, sed non habent iurisdictionem fori externi. Tertiò personatus est illorum qui neque habent rerum administrationem, neque iurisdictionem, sed solum habent præcedentiam in Choro, vel alio loco simili, propter particularem excellentiam, vel remunerationem. Credo quod in religionibus tales erunt Magistri in Theologia, vel Lectores iubilati, vel qui fuerunt Provinciales, & similes. Hi enim neque habent iurisdictionem in foro externo, neque administrationem aliquarum rerum: sed solam loci, vel

sedis honorificæ præcedentiam, cum aliquibus privilegiis. Et licet illi qui fuerunt Prouinciales in aliqua religione habeant suffragium in diffinitorio consultivum, ac decisivum, credo quod hoc non est officium, neque dignitas propriè loquendo: quia hi tales neque habent iurisdictionem fori externi, vt patet, neque administrationem rerum. Exempla pro Ecclesiis, & Prælati Ecclesiasticis ponit Sylu. *cit. loco*. Hæc est propria acceptio talium vocum. Sed hodie sæpius hæc vocabula confunduntur: vt id quod est solum personatus, aliquando vocetur dignitas, seu honor, & id quod est dignitas, vocetur officium.

2 At ego credo, quod in Bullis Pontificiis est seruanda prædicta vocum acceptio in sua primæua significatione, quia Bullæ Pontificiæ semper vsurpant voces in sua propria & antiqua significatione. Vnde si aliqua Bulla aut lex priuet solo officio, non extendetur ad dignitatem. Et sic de cæteris quia lex pœnalis est. Sed de ordinario Bullæ Pontificiæ semper priuant officiis, & dignitatibus, imò, & honoribus. Et in religionibus quando priuant honoribus intelligendæ videntur quod priuent illis quæ diximus in religionibus esse personatus, vt sunt alia multa honorifica in religionibus. Addo tamen ex consuetudine saltem in Ordine Minorum quando statuta priuant officio, id propriè etiam intelligunt de dignitate Prælationis: sic enim eadem statuta iam declararunt titulo de pœna priuationis officiorum, vel vocis actiuæ, & passiuæ. Idem quod dixi de priuatione officiorum, intellige quando Bullæ Pontificiæ inhabilitant ad officia, dignitates, &c. Scio aliquas Bullas priuare officiis, dignitatibus, beneficiis, non verò honoribus. Videat ille cuius interest.

3 Officia Prælatorum in Ordine Minorum excepto Generali vt plurimum sunt triennalia: ita enim statuta generalia antiqua ordinarunt, ac denuò secūdum Bullas Pontificias obseruatur. In particulari verò quando possunt Guardiani vltra tres annos per aliquod tempus extendi, dictum est in statuto generali Romano anno 612. Vbi statuitur, quod si Capitulum dilateretur per sex menses
sic

sic iudicante Prælato superiori, per eosdem menses poterit etiam extendi Guardianus, & proinde Prouincialis. Vide tamen suprà *ver. Guardianus n. 3.* Vbi diximus non posse manere Guardianum in eodem Conuentu ultra triennium sub titulo præsentis. Id enim non repugnat huic dicto in præsentem quod possit extendi per sex menses ultra triennium. Quando enim extenditur per sex vel quatuor menses, quia Capitulum extenditur, non manet sub titulo præsentis, sed adhuc est verus Guardianus, & nondum finiuit officium, ex concessione Papæ.

4 Greg. XIII. in Bulla relata à Rodriguez *tom 2. qq. q. 52. art. 11.* decreuit, vt Constitutio Pij V. circa Prouinciales, Commissarios generales, ac generales ipsos non reeligendos ad idem officium, nisi prius vacauerint per tempus duarum electionum, explicauit ac concessit Greg. XIII. hanc vacationem non debere esse mathematicam, vt scilicet Prouincialis qui durat per triennium, debeat vacare per integros sex annos mathematicè: sed computandos esse illos annos ita vt duæ electiones celebrentur antequam ad idem officium reeligatur: Ac proinde si Capitula accelerentur, vel anticipentur pro necessitate negotiorum; ita vt non intercurrerint sex anni perfecti, sufficiet quòd celebratæ fuerint duæ electiones capitulares. Vna in qua desinit esse Prouincialis, & alia in qua eligitur successor sui successoris Circa hoc verò notat Rodr. *cit. artic. 11.* quòd si ex acceleratione Capitulorum resulet paruum tempus deesse ad prædictos sex annos vacationis, hoc non impedire, quia possit reeligi post illas duas celebrationes Capituli. Non verò exprimit quòd dicendum sit paruum tempus. Et quidem exempla quæ ille ibi adducit in aliamatesia, solum ad mensem, vel quid simile extenduntur. Vide *n. sequenti.*

5 Hinc ego deduco, quòd si propter mortem, vel renuntiationem Prouincialis, ita duæ celebrationes Capituli anticipentur, vt illæ factæ sint intra quinquennium, vel citra quinquennium, non poterit reeligi in Prouincialem ille qui per solum quinquennium vacauit, vel citra quinquennium: Nam annus integer, vel

annus cum dimidio est pars valdè notabilis : & Bulla Greg. XIII. videtur loqui solum de duabus celebrationibus Capitali ordinariis, quando neque præcedit mors neque renunciatio Prouincialis, quæ notabiliter faciat Capitula anticipare. Verba enim legis sunt accipienda in significatione propria, & iuxta consuetudinem receptam: non verò iuxta casum insolitum.

6 Maius dubium est; si generalis Minister, vel Commissarius generalis ob iustas causas Capitulum aliquod anticipauerint per sex menses: ita vt in Capitulo tunc celebrando sit aliquis Religiosus qui transactis duobus Capitulis habet quinque annos cum dimidio vacationis à Prouincialaturæ, inquam, iste post transactas duas celebrationes Capituli, cui tamen desunt sex menses ad sexennium, possit reeligi in isto Capitulo in Prouincialem? Hoc dubium pendet ex Motu proprio Clementis VIII. citato in Capitulo Romano Minoritarum (quem fateor me non vidisse, non enim ponitur à Rodríguez in Bullario, neque ab alio quem viderim.) Si enim, quemadmodum ibi citatur, Clemens VIII. sicut concessit, vt Prælati supremi possint dilatare Capitulum, ita etiam ibi concessit vt possint anticipare Capitula per sex menses: nullum dubium est, quin possit reeligi in Prouincialem qui transactis duabus electionibus habet sex menses minus ad sexennium. Illa enim anticipatio, dispensatio esse videtur, vt non noceat in hoc casu illi cui desunt sex menses ad sexennium. Si verò in prædicto Motu proprio solum Papa concedit de Capitulo dilatando post sex menses, non verò de anticipando ante sex menses; credo non posse reeligi illum cui desunt sex menses ad sexennium: est enim pars valdè notabilis, & fiet admissio eius sine autoritate Papæ: quod secus accidit quando anticipatio prædicta fieret autoritate Papæ. Et ego, dum non video Motum proprium, credo quòd debet concedere, vt possint Capitula anticipari per sex menses. Nam ultra quàm quòd grauamen sit Prouinciali inuito, si sex menses officij illi auferantur (dico grauamen nostro modo via ordinaria)

datur

datut etiam occasio, vt Generalis possit anticipare Capitulum de industria, ne eligatur Prouincialis is cui desunt sex menses propter illam anticipationem.

*OFFICIA ORDINIS DATA,
vel impetrata per fauorem sæ-
cularium.*

S Vprà hoc eodem verb. dixi Minoritas ac PP. Dominicanos per Bullas Pontificias prohiberi procurare officia Ordinis per intercessionem sæcularium, idemque habebunt alij Religiosi postea anno præterito 1619. D. Papa Paulus V. pro solo Ordine Minorum edidit Motum proprium contra Minoritas Prælatos, ac subditos dantes, vel procurantes officia Ordinis intuitu sæcularium. Quem Motum proprium volui hîc inferre, & explicare. Tum quia lapsu vnus tantum anni non potest esse derogatus per contrarium vsum: Tum quia ea quæ hîc dixerimus in illius explicatione inseruiunt etiam pro aliis religionibus habentibus idem mandatum: etenim in substantia textus Bullarum idem est Prius igitur pono transumptum Motus proprii. Deinde ponam expositionem.

TEXTVS MOTVS PROPRII.

*BREVES D. N. PAULI PAPÆ V.
contra Superiores Ordinis Minorum S. Francis:
de Observantia, qui fauores extra suum Ordinem
attendentes, officia, dignitates, ad gratias concedunt,
& cōtra eosdem fratres dictos fauores conquirētes.*

PAVLVS PP.V.

AD perpetuam rei memoriam. Admonemur pastoralis officij nostri debito diligentius prospicere ne Religiosis, qui regularem vitam professi sæculo renunciarunt, ad
digni

dignitates, & officia per emendicata suffragia ambitiosa pateat accessus. Quocirca Motu proprio, & ex certa scientia nostra, ac de Apostolica potestatis plenitudine, dilectis filiis Ministro Generali ac Prouincialibus, & reliquis Ordinis fratrum Minorum S. Francisci de Obseruantia nuncupatorum Prelatis, nunc, & pro tempore existentibus, in virtute sanctæ obedientiæ, ac sub excommunicationis pœna ipso facto incurrenda precipimus, & mandamus: Ne ad instantiam, & requisitionem quaruncunque personarum tam laicorum quàm Ecclesiasticarum extra dictum Ordinem constitutarum, etiam Cardinalatus honore, & quacumque seculari dignitate, & excellentia etiam ducali, regali, & imperiali fulgentium, cuius prædicti Ordinis Religioso, ullam gratiam concedere; vel pœnas aliquas remittere, seu gradus, honores, dignitates, officia, & administrationes, functiones, & Prelaturas eiusdem Ordinis concedere audeant. Quinimò dicti Ordinis fratres Religiosos, qui contra Decreta, hac via & his mediis, conquisitos fauores, & suffragia aliquid sibi procurauerint, ad talia, & similia, ac etiam maiora in eodem Ordine consequenda perpetuò inhabiles declaramus. In superdictis Religiosis fratribus eiusdem Ordinis quibuscunque sub eisdem pœnis precipimus, & expressè interdiciamus, ut non solum in præmissis omnibus, fauores huiusmodi maximè procurare, sed nec etiam sponte oblatos, aut ab eis maximè procuratos recipere, & similiter ne ad hunc effectum munera aliqua prædictis personis exhibere audeant, seu præsumant. Non obstantibus constitutionibus, & ordinat. Apostolicis, dictique Ordinis statutis, & consuetudinibus, etiam iuramento, confirmatione Apostolica, vel quauis firmitate alia roboratis, ceterisque contrariis quibuscunque. Aut si eidem Ordini, & fratribus prædictis communiter, aut diuissim ab Apostolica sit sede indultum, quod interdici, suspendi, vel excommunicari non possint per litteras Apostolicas non facientes plenam, & expressam, ac de verbo ad verbum de indulto huiusmodi mentionem. Volumus autem quod præsentium litterarum transumptis, etiã impressis manu alicuius Notarij publici subscriptis, & sigillo alicuius personæ in dignitate Ecclesiastica constitutæ munitis, eadem prorsus

sus fides ubique adhibeatur, qua presentibus si forent exhibita, & ostensa. Dat. Roma apud Sanctam Mariam Maiorem sub annulo piscatoris, die 18. Aprilis 1619.

EXPOSITIO PRÆDICTI

Motus proprii.

7 **P**rohibuerant hoc ipsum Minoritis Pius V. & Gregor. XII I. specialibus Bullis quas citat Rodrig. tom. 2. qq. Reg. quest. 56. art. 2. Illarum summa erat, quod procurantes officia, & dignitates via secularium, incurrunt excommunicationem Papæ reservatam. Secundò incurrunt inhabilitatem ad officia, &c. cum priuatione vocis actiue, & passiuæ. Tertiò iubentur vno mense carceri mancipari. Addidit præterea Greg. XIII. quod ipso facto quod aliquis secularis rogaret pro aliquo fratre, talis frater maneret inhabilis ad officia Ordinis: nisi constaret prædictum secularem id malitiosè fecisse, ut hac via talis frater maneret inhabilis. Qui duo Motus proprii recepti sunt in Ordine Minorum, & per statuta Generalia ipsius seruati iubentur ut exprimitur in statuto generali Tolletano, & Victorie Romæ confirmato sub generali Zoza. Vnde non credo esse reuocata per contrarium usum: quia tamen aliquis posset cogitare dicta duo Breuia esse reuocata per contrarium usum, S. D. Paulus V. hoc speciali Motu proprio duos prædictos renouauit, & ferè instaurauit. Est autem hic Motus proprius mitior illis duobus, quia non ponit excommunicationem reservatam, nec pœnam carceris, neque alia contenta in duobus illis, ut patet in textu, & patebit ex dicendis.

8 Continet iste Motus proprius duas partes, in prima prohibet Prælati ne dent officia ad instantiam secularium: in secunda prohibet fratribus subditis ne illa tali via procurent.

9 Nullam pœnam spirituales, vel corporales imponit

ponit Papa sæcularibus rogantibus, vel intercedentibus pro Religiosis quoad officia illis danda: vt videre est in textu Bullæ. Et probatur, quia si sæculares puniret, esset hic Motus proprius publicandus sæcularibus. Quod non vidi factum, solis enim Fratibus iussu Superiorum fuit publicatus.

10 Non imponitur vlla pœna Diffinitoribus, custodibus Capituli generalis, patribus Prouinciæ qui sunt Diffinitores: hi enim omnes, vel similes non sunt Prælati. At Papa expressè, & clarè solùm loquitur, *de Prælati dicti Ordinis*, tales sunt Guardiani, custodes custodiarum, Prouincialis, Commissarius, & Minister generalis, & cæteri qui iuxta Ordinis statuta sunt veri Prælati, vt sunt etiam vicarij in capite. At statutum generale Victorix comprehendit illos omnes, Diffinitores scilicet & omnes in diffinitorio dantes suffragium Religioso ad aliquod officium ad instantiam sæcularium. Quamuis prædictum statutum Victorix ex se non iubet sub censura aliqua, *Sed sub obedientia*, quæ obligat ad peccatum mortale, secus de duabus prioribus Bullis.

11 In hoc motu proprio ponitur pœna excommunicationis non reseruata omnibus prædictis Prælati dantibus officium Fratri alicui ad instantiam sæcularium. Et præterea non priuantur officiis, neque inhabilitantur ad illa, sicut in duabus Bullis antiquis.

12 Comprehenduntur in hoc Breui Prælati Conuentuales si dent officium sui Conuentus, vel vllam gratiam notabilem suo subdito faciant ad instantiam sæcularium. Pater ex Bulla quæ postquam expressit Generalem, & Prouincialem, addit, & cæteris Prælati dicti Ordinis, Prælati verò Conuentuales sunt veri Prælati. Et in illis militat eadem ratio. Et propositio indefinita æquiualeat vniuersali in rebus necessariis, & grauibus.

13 Si Prælatus aliquis in Deffinitorio, vel extra illum dederit suffragium pro aliquo Fratre ad aliquam dignitatem ad instantiam sæcularis, effectu non secuto, quia scilicet suum suffragium non obtinuit, non incurrit,

incurrit, quia Bulla dicit, dantes officium: dare autem suffragium non secuto effectu, non est dare officium, vel dignitatem. Secundò quia lex pœnalis imponens pœnam, non incurritur nisi secuto effectu.

14 Si Prælatus inferior, vt Guardianus, ad instantiam sæcularis petiuit à Superiori, id est, Prouinciali, vt daret officium, vel fauorem alicui Fratri, & inferior obtinuit: talis inferior non incurrit sola intercessione; quia Bulla solùm prohibet concedere, intercedere verò non est concedere. Imò neque Superior concedens ad instantiam Prælati inferioris, incurret, si ignoret sæcularem petiisse: Prælatus enim inferior petens, non est sæcularis. Secus verò dicitur si Prælatus Superior sciat inferiorem Prælatum petere ob instantiam sæcularis, tunc enim verè Prælatus Superior concedit ad instantiam sæcularis.

15 Si Prælatus concedat officium fratri intuitu sæcularis amici, cui vult morem gerere, qui tamen sæcularis nihil rogauit, non incurrit Prælatus: quia concedere intuitu sæcularis non est concedere ad instantiam sæcularis; Bulla verò dicit, *ad instantiam, & requisitionem*, quæ verba denotant particularem, ac præuiam actionem sæcularis, precum, vel similium pro officio obtinendo; quod non inuenitur quando Prælatus id facit sæculari se habente passiuè, sed Prælatus facit solo intuitu illius.

16 Si sæcularis donet munera, vel donaria Prælato cum proposito, vt Prælatus faueat alicui Fratri in officiis, & Prælato constet de tali proposito etiam si sæcularis nihil omnino petierit; & Prælatus dederit officium, vel fauorem, credo quod incurrit: nam tunc interuenit instantia, vel requisitio sæcularis. Dona enim, ac munera illa cum tali proposito cognito, sunt instantia, & requisitio in comuni hominum acceptione. Et probo ex iis quæ statim Papa decernit circa subditos illis prohibens ne pro dictis officiis munera donent. Idem credo dicendum si sæcularis verbis generalibus, & obscuris dicat: Fullanus est meus consanguineus: est bonus Religio

Religiosus : meretur honorari : & sic de cæteris. Si enim Prælati inde solum motus concedat officium, vel fauorem, incurrer, quia iam fecit ad instantiam sæcularis, verba enim illa instant, & movent.

17 Incurrer etiam Prælati si à se petat Frater subditus pro alio subdito officium, vel fauorem, cum sciat ipse Prælati sæcularem petiisse ab hoc subdito petente, ut impetraret pro alio subdito : in hoc enim casu iam Prælati facit ad instantiam sæcularis qui petit ab hoc subdito, ut peteret pro alio subdito : Frater verò subditus, qui ad instantiam sæcularis intercessit, & obtinuit pro alio, non incurrer, quia Papa hic non excommunicat subditos intercedentes, seu procurantes pro aliis, sed subditos procurantes pro se ipsis.

18 Exprimi Papa nomine *secularium* intelligi quemcumque etiam Regem, & Imperatorem : nomine *Ecclesiasticarum personarum*, ascenditque ad Cardinales. Et denique addit quamcumque personam extra Ordinem constitutam. Per personam verò extra Ordinem constitutam inprimis prohibetur ne id fiat ad instantiam Monialium nostri Ordinis : clarè enim sunt personæ extra nostrum Ordinem. Prohibetur etiam fieri ad instantiam cuiuscumque Religiosi alterius Ordinis, est enim persona extra Ordinem, & præterea est persona Ecclesiastica. Tertiò, prohibetur etiam fieri ad instantiam alicuius Episcopi qui fuit Frater Minorita, siue sit in suo Episcopatu, siue illi renunciauerit, & viuat intra Conuentum. Ducor, quia licet talis Episcopus sit hodie Frater Minor, est tamen persona Ecclesiastica extra Ordinem Minorum iam constituta. Iam enim non est subditus Religionis Prælati : iam non habet suffragium in Capitulo Ordinis, imò iuxta aliquos iam non gaudet privilegiis Ordinis sicut diximus supra verb. *Episcopus*, quæ omnia satis probant talem Episcopum esse personam extra Ordinem constitutam.

19 Non incurrir Prælati qui dederit officium, vel fauorem alicui Moniali ad instantiam sæcularis. Probat, quia textus solum prohibet ne talia concedantur

tur

et Religiosis dicti Ordinis. At Monialis non est persona nostri Ordinis. Et sic tenet Rodrig. in simili materia tom. 2. qq. 9. § 6. art. 2. explicans Bullas Pij V. & Gregor. XII. dicens quod in his pœnalibus masculinum non comprehendit fœmineum, nisi exprimatur.

20 Prælati concedens aliquid alicui nouitio, non incurrit: nam textus exprimit ne concedat Religiosis. At nouitius in iure, maximè in pœnalibus non censetur Religiosus. Addo quòd Prælati recipiens nouitium ad instantiam sæcularis, non incurrit. In hac enim receptione nihil concedit Religioso, sed solum sæculari, & ipsi nouitio recepto.

21 Res, quas Papa prohibet ne concedantur Religioso ad instantiam sæcularis, sunt sequentes. Vlla gratia: Remissio alicuius pœnæ: Gradus: Dignitas: Officia: Administrationes: Functiones: Prælatiuræ. Non vidi aliam Bullam talia specificantem, unde nihil ferè est alicuius ministerij honorifici in Religione quod supradictis verbis non comprehendatur. Et quidem quid sit dignitas, officium, vel personatus in sua propria, & primæua acceptione dixi suprâ *hoc verb. n. 1.* Multa verò hîc verba ponuntur quæ ferè coincidunt, & idem videntur significare, sed Papa voluit nihil omnino latere & omnia comprehendere. Vnum, vel alterum verbum tantum explicabo, de quo est maius dubium, & fuit iam orta controuersia.

22 Primum prohibitum est (*vlla gratia*) verbum satis generale: De quo audiui in quadam Prouincia huius Ordinis dubitatum fuisse, an per hoc verbum (*vlla gratia*) intelligatur quicumque fauor concessus Religioso ad instantiam sæcularis: qualia sunt dare licentiam ad Ordines suscipiendos, transferre Religiosum de vno Conuentu ad alium: dare licentiam eundi extra Conuentum per octo, vel amplius dies: & sic de similibus. Et mihi dictum fuit à Patre graui illius prouinciæ Reuerendissimum Patrem nostrum Generalem Romæ tunc agentem affirmatiuè respondisse. Si verò ille consultus ita respondit, non potest esse dubiū illa omnia prohiberi. Et confirmo, quia verbum illud

(*ulla gratia*) satis clarum est : & ponitur primo loco, & ponitur per disiunctiuam, (*vel pœna*) ergo non debet ibi poni otiosè, sed debet habere proprium effectum, & proinde prohibet id quod latè significat, videlicet quicumque fauorem, qui ad arbitrium boni viri, & iuxta Ordinis consuetudinem censetur fauor, & gratia notabilis : qualia sunt illa tria posita paulò suprà in exemplo, sunt in Ordine reputata pro fauore, & gratia. Idem ergo est *ulla gratia*, atque aliquod beneficium, fauor, amicitia, & sic de cæteris. Idem erit promouere ad studium, & sic de cæteris. Et confirmatur ex eo quod statim Papa prohibet subditis procurantibus sibi, ponit enim verbum adhuc generalius dicens (*Aliquid sibi procurauerint*) nota verbum *Aliquid*, nihil enim clarius, & rigorosus exprimi potuit.

23 Dixi, si *Prælati* modo illo prohibitio concedat *gratiam notabilem*, quia cum in omni materia morali paruitas materiæ excuset ut omnes concedunt, si *Prælati* concedat ullam gratiam, quæ ad arbitrium prudentis Religiosi censeatur parua materia credo quod non incurreret, ut si pro vna die concedat licentiam eundi foras : vel paruam aliquam disciplinam, vel reprehensionem ordinariam condonet, & sic de cæteris minimis. Neque enim Papa hæc minima prohibere videtur, maximè cum hæc minima, & non frequentata, non destruant bonos mores Religionis, nec supponant animum ambitiosum procurantis Religiosi, cui Papa obuiare prætendit.

14 Secundum prohibitum est remissio pœnarum, per quam prohibetur *Prælati* remittere supplicium debitum Religioso ad instantiam sæcularis. Hoc autem tribus modis credo posse contingere. Primò, si *Prælati* nullam omnino pœnam positam à lege, vel ex rationis dictamine, imponat subdito. Secundò, si ex tota pœna debita partem solam pœnæ imponat. Tertiò, si in pœnitentia iam imposita dispenseret, & eam auferat. His enim omnibus tribus modis verè dicitur quis pœnam remittere. Si verò *Prælati* iniuste aliquam pœnitentiam alicui imposuit quæ daret in fieri,
& hanc

& hanc pœnitentiam Prælatus auferat à subdito ad instantiam sæcularis, non videtur incurrere, quia Papa solum loquitur de pœna iusta, & licita, cuius remissio est nociua Religioni: non verò de remissione pœnæ iniustæ quam ipse Prælatus de iustitia tenetur auferre.

25 Tertium, quartum, & quintum prohibitum sunt gradus, honores, & dignitates. Gradus possunt intelligi illi qui dantur in Academiis Baccalarii, Licentiati, & cæterorum, si qui sunt similes in Ordine Minorum, ut Lectorum iubilatio: Honores, ac dignitates res claræ sunt maximè ex dictis *hoc verb. numero 3.* unde etiam colliges quid sit officium hîc prohibitum, de quo dixi *cit. num. 1.* ubi etiam explicaui quid sit propriè dignitas. Quamvis ut ibi dixi, hæc nomina aliquando, vel confunduntur, vel etiam accipiuntur pro eodem. Quòd idem potest hîc dici de duobus aliis prohibitis; functionibus, scilicet, & administrationibus. Videntur enim idem esse, vel parum differre. Sæpe enim Summi Pontifices verba idem significantia multiplicat, vel claritatis gratia, vel ut consuetudinem loquendi antiquam Ecclesiæ retineant: ut quando in concessione alicuius Indulgentiæ dicebatur plena, plenior, plenissima, de quo *suprà verb. Indulgentia.*

26 Si Prælatus concedat aliquam licentiam eundi foras per longum tempus ad petitionem alicuius sæcularis, cui sæculari solum interest ut talis Frater aliquod negotium sæcularis exequatur, & ad Fratrem non spectat, talis Prælatus non incurrit: quia non facit fauorem Religioso, sed sæculari. Secus si de principali petitur licentia in fauorem fratris, & secundariò in fauorem sæcularis, tunc enim incurreret.

27 Si Prælatus possit aliquam prælaturam extra Ordinem conferre; ut olim Prælati præsentabant Fratres ut essent Inquisitores, vel ad quodcunque aliud officium extra Ordinem, ut examinare Clericos in aliqua Diœcesi, vel Regno in aliquo negotio iussu Regis, & ista officia det Prælatus ad instantiam sæcularis, non incurreret, quia textus solum prohibet honores, & præ-

laturas, vel officia eiusdem Ordinis. At illa officia, & honores non sunt eiusdem Ordinis.

28 Si aliquis Frater canonicè sit electus ad aliquod officium, & Prælatus Superior nolit iniuste confirmare; & rogante sæculari illum confirmet: credo quòd Prælatus non incurrit, quia in rigore non facit fauorem Religioso, cum dederit quod debebat facere de iustitia. Et præterea confirmare in rigore, non est dare officium.

29 Rogauit sæcularis vt daretur officium cuidam Fratri, qui aliàs est dignior, vel saltem æquè dignus: Prælatus dedit officium principaliter, quia Frater dignior, vel æquè dignus, & minus principaliter, quia sæcularis rogauit. Credo quòd non incurrit. Facit omnino ad hoc *cap. tuam in domino. de qualitat. atate, & ordinis præfic.* vbi text & gloss. dicunt non committi simoniam si rogante aliquo pro eligendo, elector det officium non habito respectu ad preces illicitas sibi exhibitas. Hoc ipsum applica ad Prælatos concedentes aliquam licentiam Minoritis præcedentibus precibus, si id non faciant propter preces, sed quia ratio, & necessitas postulat. Moueor etiam, quia non magis debet hæc lex obligare quam lex imponeus pœnas simoniæ: at simonia non est dare, vel facere aliquid spirituale principaliter propter finem licitum, & propter bonum temporale tamquam propter conditionem sine qua non, v. g. cum Clericus vadit ad chorum, principaliter propter Deum, & propter stipendium vadit secundariò concurrente stipendio solum tamquam conditione sine qua non. Et idem videtur de Prælato dante officium principaliter propter merita Religiosi; concurrente sæculari solum vt conditione sine qua non. Secundò probatur ex lege subornationis lata à Pio V. quam Nauarr. & alij explicant non ligare eius censuras illum Religiosum, qui subornat vt detur officium digniori, vel digno: & sic erit ista lex prohibens rogare, intelligetur enim solum de rogante pro indigno. Tertiò, quia hæc lex fundatur in præsumptione; præsumitur enim indignos illos esse, qui sæcularium intercessionem inquirunt: ergo si cesset præsumptio,

prio, non rogante sæculari pro indigno, cessabit lex. Ultimò, quia non debet esse mens Papæ, ut vir aliàs dignissimus, vel dignior fiat incapax officij eo solum quod pro illo rogatum est. Vide suprà *verb. Lex* quomodo explicauerim legem fundatam in præsumptione, cessare cessante præsumptione, *ver. Lex. num. 4.* Si verò Prælati Fratri digno conferat officium principaliter, quia sæcularis rogauit, tunc incurreret, quia est simile exemplum de simoniaco operante principaliter propter lucrum principale. Idem applicabis in alio favore Prælati erga subditum, ut si Religiosus habeat patrem, vel matrem valde ægrotantes, & lex naturalis petat ut illos inuisit, idque roget sæcularis, credo quòd non incurreret: quia mens Papæ non erit ut quid fiat contra legem naturalem, & natura rei tunc obligat id concedere.

30 Ponit Papa in ista prohibitione & in prohibitione circa subditos hoc verbum, *Audeat, vel præsumat.* Quæ duo verba iuxta omnes Doctores quando ponuntur in lege pœnali, vel in Bullis Pontificiis non ligant tales pœnæ contra facientes, si faciant bona fide, ignoranter, vel inaduertenter, seu per inaduertentiam. Nana *nudere, & præsumere* supponunt scientiam, & contumaciam. Sic explicant Doctores in Motu proprio Pij V. de ingressu fœminatum in Conuentus Monachorum & in similibus, ubi ponuntur ista verba.

31 Illa verba illius Motus proprii: *Quinimo dicti Ordinis Fratres*, adhuc spectant ad Prælatos, quos monet Papa non solum non debere promouere ad officia Fratres, pro quibus rogantur sæculares, sed potius monet Papa Prælatos ipsum Sum. Pontificem de facto inhabilitare prædictos Fratres, pro quibus rogatur, & eos reddit inhabiles ad omnia officia Religionis, & ad omnes dignitates in eodem Ordine. Ex quibus ultimis verbis colliges, quòd si iste sic inhabilis ad officia Ordinis eligatur ad aliquod officium extra Ordinem, non erit inhabilis, quia Papa solum inhabilitat ad Officia Ordinis. Colliges etiam quòd si Prælati conferat officium alicui pro quo rogauit sæcularis, qui proinde iam est in-

habilis per Papam, grauius peccatum committit, quia dat officium, & indigno, & inhabili. Ac proinde incumbit Prælato vt procuret cum tali inh. illi vt renuntiet tali officio, quod acceptauit præcedente inhabilitate. Priuat præterea Papa prædictos Fratres pro quibus rogant sæculares, voce actiua, & passiua. Sed aduerto quod si preces sæcularis fuerunt in secreto, non est priuandus Religiosus in publico voce actiua & passiua. Pœna enim tam grauis in publico non est imponenda pro crimine secreto, maximè cum aliquando ex parte Religiosi non interuenerit crimen. Priuabitur verò voce actiua, & passiua in publico, si preces fuerunt publicæ. Quod verò attinet ad inhabilitatem, etiam si preces sæcularis fuerint secretæ, credo quod Prælatus non poterit illi conferre officium: quia non dando illi officium, non infamat. Et præterea Prælatus sciens in secreto aliquem esse inhabilem à Papa, non potest illi conferre officium.

32 Ait Papa Religiosos incurfuros hanc inhabilitatem qui sibi aliquid procurauerint: *Per fauores, & suffragia.* Intellige sæcularium, vel *Personarum Ecclesiasticarum*, modo suprâ exposito n. 18. Vbi primum nota verbum tam generale, *Aliquid procurauerint.* Aliquid enim comprehendit, quamcumque rem: & videtur respondere verbo positiuo in prohibitione facta Prælatis: *Vllam gratiam*: Secundum nota dicere Papam: *Sibi procurauerint.* Si enim per viam sæculariû aliquid procurauerint dandum alteri Fratri non incurrerent, quia Papa solùm prohibet procurare sibi ipsis, non aliis. Probo à simili ex Rodrig. tom 4. *Addit. cap. 130. concl. 6.* vbi ait excommunicationem iuris positam contra Minoritas ne persuadeant alicui importunè vt mutet sepulturam, vel eligat in Conuentu Diui Francisci, non incurri ab illo Minorita, qui suaserit importunè alicui sæculari vt eligat, vel mutet sepulturam ad Conuentum Sancti Dominici: quia Papa solùm prohibet de electione, vel mutatione sepulturæ ad propriam Ecclesiam: quod maximè seruit ad hoc intentum.

SECUNDA PARS MOTVS PROPRIJ de subditis.

IN secunda parte Motus proprii loquitur Papa contra subditos procurantes officia per seculares. Incipit ibi. *Insuper dictis Religiosis, & Fratribus, &c.* quibus in substantia tria interdicit.

33 Primum prohibet illis ne procurent fauores secularium in omnibus præmissis, videlicet in illis quorum meminit in prohibitione facta Prælati, quæ sunt, vlla gratia, remissio pœnæ, officia, gradus, dignitates, honores, &c. suprà dicta. Secundò prohibet, vt etiam si Religiosus non petat fauorem à seculari, si tamen ipse secularis offerat fauorem, dicens se rogaturum: prohibet Papa ne hunc fauorem sponte oblatum acceptet, sed obligat vt reiiciat. Patet ex illis verbis: *Sed nec etiam sponte oblatos, id est, fauores.* Itaque in primò prohibet procurare fauores. In secundo prohibet acceptare illos. Tertium quod Papa interdicit subditis, est ne dent munera secularibus eo fine vt intercedant pro illis apud Prælatos, vt Prælati eisdem subditis concedant aliquid ex supradictis officiis, & cæteris. Constat ex illis verbis: *Ne ad hunc effectum munera aliqua prædictis personis, &c.*

34 Pœnæ impositæ subditis contra facientibus, circa aliquam ex tribus illis rebus prohibitis, sunt, excommunicatio ipso facto, sed non reservata: & præterea inhabilitas ad omnia officia Ordinis. Patet ex illis verbis: *Sub eisdem pœnis*, de quibus scilicet in antecedentibus fit mentio, quæ fuit excommunicatio posita Prælati, & inhabilitas, qua affecerat iam in proximè præcedentibus ipsos subditos aliquid sibi procurantes. Et probatur quod has ambas incurrat, quia loquitur in plurali: *Sub eisdem pœnis.* Si enim diceret in singulari, videretur loqui de sola inhabilitate proximè præcedente. Sed addens in plurali comprehendit ambas, &c.

communicationem, & inhabilitatem. Vbi vides maiori pœna affici subditos procurantes, quam Prælatos concedentes: quia hi solum excommunicantur: at subditi procurantes excommunicantur, & inhabilitantur: imò addo quòd etiam priuantur voce actiua, & passiuà, vt dixi n. 31. Et merito, quia grauius peccatum est id procurare per sæculares maximè exhibendo munera, quod non longè abest à simonia: quàm sit in Prælato aliquid conferre ad instantiam sæcularis.

35 Si Religiosus procurauerit hos fauores solo verbo, incurrit pœnas, vt per se patet, verbo enim propriè procuratur. Si item det munera cum tali proposito, etiam si nihil petat, pariter incurrit, quia hoc in rigore dicitur procurare, & efficacius mouent munera quàm verba, vt experientia testatur. At si cum verbis, vel muneribus, vel vtrisque, non sibi procurent hos fauores, sed pro alijs Fratribus, non incurrunt: quia, vt diximus, solum prohibentur procurare sibi. Quod verbum, *Sibi*: licet hîc non ponatur, fuerat tamen proximè positum in prohibitione iam facta subditis: quando eos inhabilitauit, dicens, *sibi procurauerint*: quod idem hîc videtur applicandum: maximè cum sit lex pœnalis, & proinde non extendenda ad procurantes pro alijs.

36 Si sæcularis se obtulit Fratri rogaturum pro illo ad aliquod officium, vel honorem obtinendum, & Religiosus taceat nihil omnino loquens, incurrit pœnas, per Regulam iuris: *Qui tacet consentire videtur*. Quæ iuxta Doctores communiter tunc maximè vera est quâdo res, de qua agitur est proficua, vel honorifica ipsi tacenti, vel tacet in rebus sibi vtilibus, vt latè tradit Sanchez *libr. 1. de Matrimonio, disputat. 5. numero 5.* citans multos. At materia ista de oblatione fauoris ad officia, est vtilis, & honorifica sic tacenti. Si verò sæcularis intercessit pro Religioso, illique officium obtinuit, ignorante ipso Religioso, tunc acceptans officium non incurrit: quia ignorauit, nec proinde præsumpsit. Nec post acceptationem prædicti officij sic obtenti cum ignorantia tenetur illud postea sciens renunciare. Ad hoc enim solum obligatur possidens *beneficium*

beneficium sibi collatum per simoniam alterius ipso possidente ignorante : licet enim non peccauerit in acceptatione illius , quia ignorauit simoniam in illius impetratione commissam ab alio: vbi tamen primò sibi constiterit de simonia commissà in impetratione , tenetur renunciare beneficio. Hoc , inquam , non habet locum in nostro casu de officio obtento per fauorem sæcularium ipso Religioso ignorante : nam lex illud præcipit in pœnam grauissimi criminis simoniæ: in præsentì verò Motu proprio Papa non iniungit hanc renunciationem. Addo tamen quòd si Religiosus post obtentum officium sciat sæcularem illud sibi impetrasse per viam simoniæ , tunc tenetur illud renuntiare iuxta legem simoniacis impositam, de quo *Nau. lib. 5. Consiliorum, tit. de simonia, consil. 11. & consil. 66. num. 2.* vbi citat textus de hoc disponentes.

37 Si sæcularis obtulit fauores Religioso , non rogante , neque acceptante Religioso , imò recusante: postea verò intercessione sæcularis officium illi detur tali Religioso , & acceptet : credo quòd non incurrit. Nam inprimis ille non procurauit fauores vt patet. Secundò neque acceptauit , imò reiecit : neque munera dedit : ergo non incurrit , parum verò ad rem fecit quod Religiosus sciat sæcularem rogaturum, vel rogasse, cum ipse nihil fecerit ex tribus prohibitis à Papa: neque è contra Papa hinc illum obliget vt moneat Prælatum ne sibi det officium ad instantiam illius sæcularis.

38 Si Religiosus donet sæculari paruum munusculum quod non est materia peccati mortalis , neque de se moueat ad obtinendum fauores , & officia, etiamsi fiat cum tali proposito , non incurritur in illis pœnis, quia illud opus externum est paruitas materiæ in se, nec sufficiens ad mortale , vt patet , & quamuis propositum internum fuerit peccatum mortale , Ecclesia non excommunicat , neque punit grauitè opus mortale internum , nisi quando est coniunctum operi externo mortali, vt diximus suprà *verb. Excommunicatio, & verb. Manus violenta.*

39 Si Religiosus det munera Prælato pro obtinen-

dis officiis, vel similibus hinc prohibitis, non incurret pœnas huius Brevis: hinc enim solum prohibentur dari munera sæcularibus ad prædictum finem, ut patet ex illis verbis Bullæ: *Munera antiqua prædictis personis exhibere: id est sæcularibus, & Ecclesiasticis extra Ordinem de quibus ante loquebatur.* Non verò loquitur si munera exhibeantur Prælati Ordinis. At prædictus Religiosus sic dans munera Prælato cum animo beneficia, vel officia impetrandi, poterit committere maiorem culpam, simoniæ videlicet.

40 Religiosus qui dedit munera sæculari pro favore ad officia obtinenda: promittente sæculari se rogaturum: & tamen postea non rogavit, nec officium impetratum est: peccavit mortaliter, sed non incurrit has pœnas. Quod peccaverit mortaliter patet, quia in re gravi violavit legem Pontificiam. Quod non incurrit pœnas, probatur ex suprâ iam dictis, quia pœna legis ordinaria non obligat, nisi secuto effectu: hinc autem non est effectus secutus. Probatur ex Navar. lib. 4. *Consil. titul. de Excommunic. consil. 60.* ubi dicit stante lege excommunicante Religiosum mittentem epistolam ad Moniales: non excommunicari illum, qui misit epistolam ad Monialem, sed epistola non pervenit: quia scilicet non est secutus effectus.

41 Electus sui ad aliquod officium, Prælatus confirmaturus non vult confirmare, idque recusat iniuste ob passionem: si ego, ut confirmet electionem, dedi munera, non incarro in pœnas istius Motus proprii, quia non do munera pro officio, sed pro confirmatione ad quam habeo ius: & quam Prælatus de iustitia tenetur concedere. Probatur à simili, nam omnes Doctores concedunt electum ad beneficium, non incurrit simoniam si pecuniam det confirmatori nolenti confirmare, pro obtinenda confirmatione. Nec etiam à simili incurrit in pœnas qui munera dederit sæculari, ut impetret favorem illius pro obtinenda confirmatione à Prælato: neque item si favores suos pro hoc mihi oblatos acceptem.

42 Ad incurrendas has pœnas requiritur ut subdi-

tus

eius taliter indebitè procurans faciat, scienter, vel cum mala fide: si enim faciat ignoranter, vel bona fide, non incurrit, quia Papa ponit verba, *Audeat, vel presumat.* Quæ verba requirunt scientiam, & contumaciam, ut supra diximus agentes de prohibitione facta Prælati.

43 Ille Motus proprius non obligat Religiosos, vel Prælatos tertij Ordinis Patris nostri Francisci. Patet clarè ex verbis illius in principio: exprimit enim Prælatos S. Francisci de Observantia.

44 Subditus ante publicationem istius Motus proprii procuravit, vel acceptavit fauores sæcularis pro aliquo officio obtinendo, qui fauor non est sortitus effectum antè publicationem, quia non est celebratum Capitulum. Post publicationem Bullæ fit Capitulum: si potest Religiosus tacere, & si tacens sequatur effectus, an incurrit? Credo quòd sic, quia illa procuratio fauoris antiqui adhuc mortaliter viget, & operatur: ac proinde tenetur Religiosus illi expressè denuò renuntiare: alias incurrit pœnas istius Motus proprii.

OPINIO ELIGENDA.

Nota solent occurrere dubia Religiosi tum in propriis actionibus quoad scrupulos, tum in sæcularium confessionibus, ac dubiis quæsitis dirigendis, & resoluendis, quæ commodè fieri nequeunt, nisi sciant quæ Doctores dicunt circa opinionis naturam, & electionem, per summam ergo, potiora sic accipe.

1. Duplex ex opinio: alia probabilis, alia improbabilis. Probabilis est, quæ nititur rationi alicuius momenti, dummodo pro opposita parte nihil sit convincens. Si enim pro opposita parte sit aliquid convincens verb. grat. textus, vel ratio evidens, iam non erit opinio probabilis: neque illius ratio, cui nititur in rigore dicenda est ratio. Opinio improbabilis est illa, quæ non nititur rationi alicuius fundamenti: sed debilissimo fundamento nititur, vel nulli, & sic in rigore

rigore non debet dici opinio, sed placitum. Hac ergo relictâ, opinio probabilis alia potest esse probabilior, alia minus probabilis. Probabilior est quæ nititur pluribus rationibus, ac melioribus. Minus probabilis est, quæ nititur paucioribus, ac debilioribus rationibus: Parum verò facit ad maiorem probabilitatem opinionis habere pro se plures, vel pauciores Doctores, quamvis enim hoc aliquid iuuet, tamen præcipuum est rationes habere plures, & meliores. Et poterit vna opinio plures pro se habere Doctores, sed pauciores, ac debiliores rationes, & ita erit minus probabilis, quàm alia, quæ habet pauciores Doctores, sed plures, ac meliores rationes. Sæpè enim Doctores in aliqua opinione disputanda non considerant rationes illius, sed subscribunt aliis qui illam sequuntur propter illorum autoritatem. Et potest contingere ut opinio quæ olim pro se pauciora, ac debiliora habebat fundamenta ex maiori subsequenti studio, nunc habeat plura, & meliora, & proinde sit probabilior, ut videre est in opinione Conceptionis Mariæ Deiparæ. Cæterorum supradictorum facile est exempla assignare.

2 Non est idem opinionem esse probabiliorem, atque esse tutiorem. Probabilior, ut vidimus, est quæ nititur pluribus, & melioribus rationibus. Tutiore verò est quæ magis vitat peccatum. verb. grat. Circa aliquam materiam, in qua dubitatur, an pœnitens teneatur in hoc casu ad restituendum: sunt duæ opiniones, altera quæ est probabilior dicit non teneri: altera minus probabilis dicit obligari. Tunc tutior opinio est ita quæ iubet restituere, nam restituendo magis vitatur peccatum de non restituendo. Vbi vides posse opinionem minus probabilem esse tutiorem: & sic de aliis exemplis. Et pro confirmatione, ac lumine maiori dictorum, cito verba legis, *Cod. de ult. Iur. lege l. i.* ubi ponuntur hæc verba: *Sed neque ex multitudine authorum, quod melius, & æquius est iudicatore: cum possit unus forsitan, & deterius sententia, & multos, & maiores in aliqua parte superare.* sic ibi. Et sæpe accidit ut in sectanda aliqua opinione, iuremus in verba Magistri,

stri, & locum habeat illud Senecæ: *Itur qua itur, non qua eundum est.* Quibus suppositis.

3. Primò dico: licitum est sequi, & operari secundum opinionem minus tutam sed probabilem, & quamputo probabilem: licet credam oppositam esse tutiorem, & probabiliorem. Ponit hanc conclusionem Sanchez *lib. 1. Decalogi cap. 9. num. 13.* citat Mercado, Medin. Vasq. Valentiam, Gutierrez, Suarez, Henriq. Bannes, Azor. Nauar. Lopez, & alios multos. Ego pono exemplum quotidianum Confessoribus, ac Religiosis ex ipso Sanchez alio loco videlicet *7. lib. de Matrim. disp. 55. verb. grat.* Est gravis quæstio utrum Confessor cogitatione, vel opere peccans cum filia spiritali, cuius confessionem audiuit, vel cui Baptismum ministravit, teneatur in confessione aperire circumstantiam, quod peccauerit cum filia spiritali? Pauci Doctores, Sà videlicet, & Petr. Ledesma tenent non obligari ad hoc declarandum, locis ibi citatis à Sanchez *nu. 2. fine.* Alij dicunt obligari, & sunt ferè decem quod citat ibi Sanchez *nu. 2.* & opinio negans habet etiã suam probabilitatem, quod non sit circumstantia mutans speciem. Vnde secunda opinio affirmans est probabilior, & magis tuta, quia aperiendo hanc circumstantiam magis vitatur peccatum circa nullitatem confessionis. In hoc ergo casu, qui secutus fuerit priorem opinionem negantem, ac minus probabilem, racendo illam circumstantiam, non peccabit, rationes sunt. Prima, quia operans secundum probabilem opinionem non potest iudicari temerarius neque imprudens, habet enim pro se rationes alicuius momenti. ergo si sic operans non est imprudens, nec temerarius, non peccat. Secundò, quia licet opinio tutior sit, perfectior & securior, nemo tenetur sequi, quod perfectius est, & quod securius, dummodo sequatur perfectum, ac tutum. Tertia, quia cum omnimoda certitudo in rebus agendis haberi nequeat, sufficit ut operemur cum certitudine probabili. & non requiratur omnimoda certitudo: opinio autem minus probabilis, & minus tuta, est aliàs sufficiens ad bene operandum.

randam mortaliter : esset enim onus intolerabile , & multis scrupulis expositum si opiniones probabiliiores semper inuestigare tenerentur. Et hoc verum est etiã si ipse pœnitens, vel operans extra confessionem , haberet opinionem oppositam illi quam vult sequi in operando, vel in confessione sacramentali facienda : potest enim utrobique deposita sua probabiliore, ac tutiori sequi aliam minùs probabilem , & minùs tutam , dummodo opposita ; quam sequitur , sit probabilis , & tuta habens rationes aliquas pro se , ac Doctores. Militant enim itiam ibi eadem rationes supradictæ : & tenet Sanchez *citato cap. nu. 13.* cum Vasq. & Azor.

4 Maius est quod tenet Sanchez *ibidem nu. 7.* dicens auctoritatem vnus Doctoris tantum , si sit probatus, ac doctus ; & adducat aliquam rationem probabilem, sufficere vt quis possit licitè secundum illius dictum operari. Citat ad hoc Syluest. Ang. l. Nauar. Valentiam, Sà , imò & D. Thom. *quodlib. 3. arr. 10.* dicentem quemlibet in iis quæ spectant ad mores sequi opinionem quam à Magistro audiuit. Sed ego hoc limitarem vt verum habeat in casu nouo nunquam ab aliis disputatio , tunc enim potero quietari cum dicto vnus tantum Theologi mihi dicentis licere , & aliquam rationem habentis. Secus in casu iam à multis aliis ventilato, & pluribus rationibus in contrarium ac Doctoribus munito : tunc enim non acquiescerem vnus Doctoris dicto obstantibus aliis multis , & Doctoribus, & rationibus. Et sic videtur intelligendus D. Thom. citatus cum dixit posse me acquiescere dicto solius Magistri , in casu scilicet nunquam ab aliis ventilato , & cuius noui casus ipse Magister resolutionem colligit ex dictis ab aliis.

5 Queris an liceat alicui recedere à communi opinione ? Nauarr. *in Sum. Latina cap. 7. num. 4.* ait hoc licere quando contra communem opinionem datur textus, vel ratio cui non potest satis bene responderi, vt ipse latius probat *in ead. Summa cap. 17. num. 286.* Adducit hoc vt defendat pœnitentem peccantem cum propria matre , vel filia , si caret confessore qui
illum,

illum, & matrem ignoret, non teneri confiteri circumstantiam matris, ne detegat crimen matris. Et cum quidam Doctor Nauarro obliiceret communem opinionem contrarium tenere: Respondet Nauarr. recedendum esse à communi opinione quando contra illam est ratio cui satis bene non potest responderi: Et pro suo casu ait Nauar. militare hanc rationem insolubilem: quia scilicet præceptum naturale de non infamanda tunc matre coram confessore illam cognoscente, est fortius præceptum quam præceptum confessionis integræ quod est positivum: ultra alias rationes ibi à Nauarr. adductas, & iuxta hanc limitationem Nauarr. possunt applicari, vel explicari aliæ limitationes quas adducit Sanchez *citato cap. num. 9. & 10.* dum citat Vasquez, & Azor. dicentes posse aliquando recedi ab opinione communi, maximè viro docto hoc licere. Si post longum studium novam rationem inuenit, quam priores Doctores non sunt assecuti.

6 Supradictum adeò verum est, ut si quis haberet opinionem, non licere sequi opinionem minus probabilem relicta probabiliori, adhuc potest sequi minus probabilem, si probabile quoque reputet, licere minus probabilem sequi. Quia adhuc retinet iudicium probabiliter iudicans seu dictans hinc, & nunc hoc licere. Sanchez. *citato cap. nu. 17.* Addit idem auctor, quod magnæ consolationis est pro scrupulosis *ibidem num. 18.* videlicet, quod ut aliquis licitè operetur secundum aliquam opinionem non requiritur iudicium certum practicum, & evidens, sibi dictans hoc opus esse licitum. Sed satis esse iudicium probabile, etiam si adsit formido partis oppositæ. Nam formido vnius partis non excludit assensum determinatum circa aliam partem: & sufficit ad licitè operandum assensus determinatus prudenter quod in hoc non pecco, etiamsi formidem me peccare. Aliàs nunquam daretur remedium pro scrupulosis, qui semper formidant peccatum, etiam si operentur ex consilio docti, & prudentis viri. Secundò, quia cum prudentia sit regula humanorum actuum, id quod sufficit ad prudenter

prudenter agendum sufficere ad prudenter, ac licite operandum. At prudens operatio non excludit omnem formidinem, aliàs vix esset cui liceret operari: ergo ad operandum licite, maximè viro scrupuloso, sufficit quod probabilem habeat opinionem iudicans se non peccare cum fundamento suæ opinionis: neque opus est ut careat omni formidine peccati: hoc enim esset postulare scientiæ evidentiam in omni actione quæ scientia excludit formidinem. Vide Vasquez. 1. 2. *quest. 9. art. 6. disp. 26. cap. 5. num. 26.*

7 Ex dictis sequitur posse virum doctum contra suam opinionem aliis consulere: posse item modò consulere iuxta unam, & modò consulere iuxta aliam. Hoc enim ex dictis clarum est: cum enim licitum sit opinione propria deposita, operari secundum aliam absque peccato: Idem licebit aliis consulere absque peccato, dummodo semper opinio quam consulit sit probabilis. Imò poterit contingere, quod aliquando persona, quæ consilium petit, sit valde scrupulosa: vel remedium illi dandum secundum opinionem probabiliorē, sit valdè difficile, ac proinde prudentia dicet hic, & nunc consulendum esse iuxta opinionem minus probabilem: in qua datur facilius remedium ad istum curandum. Ut cum ex consilio dando pendet reiteratio confessionum totius vitæ homini seculari: vel magna restitutio faciendā, quam difficillimè implebit: Et tamē datur opinio etiam minus probabilis, quæ liberet illum ab his duobus, prudentia tunc dicitur licitum esse huic cōsultare iuxta opinionem minus probabilem relicta probabiliori, ac tutiori. Et ita tenet Sotus *de secreto mem. 3. q. 2. concl. 3.* & Nau. *c. inter verb. n. 2. corolar. 53. num. 135.*

8 Discurrendo autem per personas publicas quæ in praxi poterunt vti supradictis: inprimis omnes fatentur posse confessorem absolovere pœnitentem sequendo opinionem minus probabilem pœnitentis deposita opinione propria probabiliori. Nauarr. *in Sum. cap. 26. num. 4.* Henric. *libr. 6. de pœnit. capit. 16 num. 50.* & cæteri communiter: ut si Confessarius credat contractum hunc esse prohibitum, & pœnitens, aliàs peritus, iudi-

cet

et esse licitum, & vult contractum inire: vel circa circumstantias non mutantes speciem confitendas, & sic de cæteris. Imò addit Henriquez *citat. loco* teneri Confessorem tunc absolvere pœnitentem. Idemque tenet Suarez *tom. 4. de pœnitent. disput. 32. sect. 5. num. 4.* cum Soto, Ledesin. Nauarr. & Diuo Antonino quos refert Sayro *lib. 1. Clau. Reg. cap. 9. à num. 13.* & alij. Rationem reddunt, quia sicut pœnitens tenetur obedire Sacerdoti in Sacramento pœnitentiæ prudenter iubenti: ita Sacerdos tenetur absolvere illum prudenter, ac sufficienter dispositum. At sufficienter, & prudenter dispositus est pœnitens, qui contritus habet pro se opinionem probabilem. Addit Soto *in 4. dist. 18. q. 2. articul. 5. ad quintum*, & Valentia *2. 2. disputat. 5. question. 7. puncto ultimo in fine*, hoc posse facere confessorem, quamvis credat opinionem pœnitentis esse falsam, si illa aliàs reputetur probabilis inter Doctores probatæ opinionis, & authoritatis. Nam pœnitens non tenetur sequi opinionem Confessoris magis quàm opinionem aliorum, ac proinde cum alij teneant opinionem pœnitentis, poterit Confessor aliorum sequi opinionem, licet illam falsam esse credat: Nam poterit Confessor cum illa quietari, ac credere se fortasse non assequi mentem oppositæ. Et hoc maximè verum habet quando pœnitens est doctus, vel saltem sufficienter instructus à viro docto. Secus si esset idiota, nec à viro docto eruditus.

9 Circa medicos an possint etiam eligere opinionem minus probabilem circa medicinas: Dicendum est primò, quòd si morbus sit grauis, & sint opiniones diuersæ circa aliquam particularem medicinam, an profutura sit, vel nocitura: & datur aliud medicamentum certum, ac sufficiens pro illo morbo curando, nullo modo eis licet hoc medicamento omisso vti opinionibus. Nam vtendo illo medicamento posito sub opinione, exponunt se manifesto periculo nocendi, & ideo imprudenter agit omitrens certum pro incerto Et præterea peccatum est præbere ægrotò medicamentum dubium: sicut peccatum est efficere aliquam rem dubiam in mo-

ralibus. Nau. in *Sum. cap. 35. num. 61.* Vnde peccant medici pro qualitate circumstantiarum, quando applicant medicinas ignotas solius captandæ experientiæ causa. Si verò remedium dubium sit, neque adest aliud remedium certius, & aliunde mors est certa ægroti, ac de eius salute desperatur, licere tunc applicare remedium dubium tenet Valentia 1. 2. *diff. 3. q. 10. punct. 2.* Ratio est, quia cum vita infirmi prorsus desperata sit, conformius prudentiæ, & infirmi voluntati est tale tunc remedium applicare. Nam si tunc noceat parum, vel nihil nocet, cum mors sit certa: & præterea nocet præter intentionem: Et ex altera parte datur spes quod proderit. 10 Si iuxta regulas medicinæ non sit medicamentum certius, nec certum: sed sint opiniones probabiles pro aliquo medicamento oppositæ, peccabit mortaliter medicus eligens medicamentum iuxta opinionem minus probabilem. Ita Soto 1. 3. *de iust. q. 6. art. 5. ad quantum*, & Suarez *tom. 4. in 3. part. diff. 26. sect. 6. n. 5.* Vbi docet generaliter quod in quæstionibus ad rem spectantibus, quando valor rei inde pender, non satis est sequi opinionem, sed sectandam esse probabiliorem ne fiat actus nullus seu inualidus. Et hoc verum est non quod hic peccetur contra iustitiam, sed contra charitatem.

11 Non Minor quæstio est de iudice an liceat illi ferre sententiam secundum opinionem minus probabilem omiſſa probabiliore? Ante responsionem præmitto, quod si dubium, vel opiniones solum versentur, an liceat iudici hoc illud agere, ut interrogare reum, vel testes in hoc casu; poterit iudex eligere opinionem etiam minus probabilem, ut in particulari tenet Vasq. 1. 2. *q. 19. art. 6. diff. 54. c. 2.* Sed tota dubitatio est, quando opiniones variæ sunt circa ius partium & merita causæ. Et in hoc casu possunt variæ opiniones existere duobus modis: primò ex parte iuris, quia scilicet lex posita in hoc casu varias habet Doctorum expositiones. Secundo modo possunt esse variæ opiniones ex parte facti; id est, ex parte probationum partis utriusque, scilicet utraque pars, reus scilicet, & accusator probat suam causam sufficientibus rationibus, & instrumentis vel testibus.

12 Quando ergo sunt variae opiniones ex parte iuris, quia scilicet variae sunt opiniones æquivalentes in explicanda lege, potest iudex ferre sententiam secundum opinionem quam maluerit: Imò potest modò secundum vnam, modò secundum aliam iudicare: dummodo non arguatur leuitatis, vel det scandalum videntibus modò sic, modò sic iudicare, quod poterit suppleri si in sententia dicat, viso, quòd sint diuersae opiniones, &c. Quòd verò possit tunc eligere quam maluerit opinionem, patet, quia stantibus æqualibus opinionibus non magis vni quàm alteri tenetur distribuere ex vi iustitiæ distributiuae. Sicut Prælati quando duo æquè digni præcurant beneficium potest donare cui maluerit. Ita Medin. 1. 2. q. 19. art. 6. Rodr. 1. t. Sum. secunda editionis c. 6. n. 1. Sayro Clau. Reg. lib. 1. c. 11. n. 4. & alij communiter. Si verò opinionum in explicatione iuris alia sit probabilior quàm altera, credo teneri iudicem ferre sententiam secundum opinionem probabiliorē. Nam iudex pro bono communi constitutus debet iudicare secundum quod equius viderit: æquius autem est iudicare secundum opinionem meliorem, ac tutiorem. Nam aliter faciebs iam erit acceptor personarum, sicut Prælati qui ex duobus beneficium petentibus omisso digniori confert minus digno. Ita Rodriguez loco citato. & Vasquez 1. 2. quest. 19. artic. 6. disputat. 46. cap. 2. & alij. Excipit Sayro num. 1. cum Aragone, tenendam partem probabiliorē ex parte iuris, nisi talis opinio iam sit vsu contrario abrogata, & in praxi opposita expositio recipiatur.

13 Quando sunt duæ opiniones ex parte facti æquè probabiles, quia scilicet vtèrque ex æquo probat factum suum, tunc iudex in ciuilibus debet componere partes inter se: ac res, de qua litigatur, est diuisibilis debet diuidere inter partes. At verò in criminalibus debet fauere reo. Sic Sayro num. 12. Ratio prioris partis est, quia cum vtèrque ius æquale habeat, ius æqualiter illi distribuendum est, quod distribui potest. Ratio secundæ est caput cum sunt, de Regulis Iuris in 6. Vbi dicitur in dubio fauendum esse reo non actori. Si verò sint opiniones variae ex parte facti, quia scili-

cet vnus probat melius quàm alter, tenetur iudex de iustitia iudicare pro parte melius, & efficacius probante; tenetur enim iudex iudicare secundùm merita causæ aliàs tenetur ad restitutionem. De quo latè Sayro *n.* 13.

14 De aduocatis verò paucis dicendum est, primò, eos peccare mortaliter & contra iustitiam si patrocinentur pro causa, contra quam communis opinio clamat. Exponit enim clientulum manifesto periculo damni. Secundò dicendum, quòd si sint duæ opiniones æquè probabiles ex parte iuris, itaut secundùm vtranque soleat iudicari per iudices: item quando altera opinio est paulò aliquid probabilior, sed solent iudices iuxta oppositam etiam iudicare. Respondet Sayro *n.* 19. & *sequentib.* quoad primum posse aduocatum patrocinari, pro vtriusque parte, & sequi opinionem quam maluerit, quia iuria sunt paria. Quoad secundum casum, quando alia est parum, seu tantillum probabilior altera, dicit etiam posse patrocinari, dummodo moneat clientulum de illa incertitudine. Et à fortiori dicendum quòd si dentur duæ opiniones quarum altera est multo minus probabilis, pro illa non poterit aduocare, similiter enim exponit clientulum probabilis periculo amissionis causæ. Hæc omnia latius Sayro *citato loco*, & Sanchez, sed nobis hæc summa sufficiat.

15 Non erit inutile scire ordinem quem quis sequi debeat in opinionibus eligendis, & sectandis assignatum ab Armilla *ver. Opinio à n. 2. & seq.* Vbi ponit hunc ordinem. Primò tenenda est ea opinio, quæ meliori nititur fundamento. Secundò, si opinio continet æquitatem scriptam, præferenda est opinioni quæ continet rigorem scriptum in iure. Tertiò opinio continens fauorem, præferenda est illi quæ continet aliquid rigoris strictioris: fauores enim ampliandi, pœnæ verò restringendæ sunt. Addunt alij quòd cæteris paribus eligenda est opinio, quæ ex se habet legem; si verò altera etiam nitatur legi, tunc iura iuribus concordanda sunt. Æquior autem seu benignior opinio est illa quæ fauet iuramento, testamento, voto, pupillo, pauperi, voto, matrimonio, religioni, &c. similibus piis operibus, argumento

mento c. 2. de cognatione spirit. Ac denique cæteris paribus tenenda est opinio quæ melioribus rationibus, ac Doctoribus confirmatur.

ORDINES MENDICANTES.

Qui sint, & quot, vide suprâ. verb. *Communicatio privilegiorum*, n. 1. & quomodo communicent in privilegiis, vide citato verb. *per totum*

ORDINES SACRI.

Vide infrâ verb. *Pœna*. num. 21. & verb. *Suspensio*. num. 6. 7. & 13. & 14. & 16. & verb. *Prelatus quoad dispensationem*, &c.

Regulares virtute suorum antiquorum privilegiorum non possunt ordinari ante legitimam ætatem præscriptam à Concil. Trident. *session. 23. c. 12.* tenet constanter, & efficaciter Rodrig. *tom. 3. quest. 23. art. 6. & 8.* & Mirand. *tom. 1. q. 39. art. 1.* & iterum Rodr. *in Addit. ad Sum. tom. 4. c. 77. concl. 1.* & expressè Cayrus *lib. 6. de censuris. c. 12. n. 14. & 15.* & Fr. Ioan. Cuce *in Epitom. privilegiorum lib. 2. c. 3. §. Tertia concl.* dum ait generaliter non posse Regulares uti privilegiis reuocatis à Concilio Tridentino. Et Concilium Tridentinum *cit. loco* adeo rigorosè, & clarè loquitur, ut nullum dubitationi locum reliquerit. Cum enim ætatem singulis Ordinibus sacris assignauerit, & prohibuerit aliter fieri: subiungit (*privilegiis quibuscumque quoad hoc penitus exclusis*) quam reuocationem tam rigorosam nescio si alibi posuerit, unde nescio quomodo potuerit irrepere clancula, ut dicitur, opinio, eo non obstante posse hodie Regulares ordinari in minori ætate, per sua privilegia antiqua: nam privilegia, primò non derogant iuri communi, nisi illud exprimant. Et hoc ius commune à contrario derogat in illa materia expressè, om-

nia priuilegia ; & quod maius est, omnes Pontifices qui post. Concil. Trid. confirmarunt priuilegia Ordinum, excipiunt in suis confirmationibus, dummodo Concil. Trid. non contradicant. Et verba illa generalia Tridentini, (*quibuscumque priuilegiis*, etiam videtur excludere viux vocis oracula; hæc enim etiam priuilegia sunt. Et circa viux vocis oraculum, quod in hac materia non valeat, immoratur Rodrig, *citato art. 6.* dicens, etiam esse sublatum postea à Sixto V. in quodam Motu proprio circa ordinandos : & Miranda similiter. Et Rodriguez addit esse parum versatos in materia Motuum Papalium, qui aliter explicauerint. Et Miranda ait se nescire de aliqua concessione, quæ id concedat Regularibus post Tridentinum, & Sixtum. Ac proinde omnino censeo debere Religiosos in hoc stare decreto Tridentini, & tot ac talibus Doctoribus Religiosis. Vide infra *ver. Priuilegium n. 64.*

2 Congregatio Cardinalium declarauit non posse Religiosos ordinari nisi ab Episcopo in cuius Diœcesi viuunt, nisi quando talis diœcesanus, vel ab fuerit, vel ordines non sit collaturus. Nec debere Religiosos dimissorias dilatare pro tempore quo diœcesanus absoluerit, vel ordines non sit daturus. Sic declaratum est Romæ anno 1596. die 15. Martij. Hoc tamen in Hispania non videmus receptum in praxi. Et Paul. I. I. Patribus Societatis in suo Compend. *ver. Ordines §. 1.* concedit vt possint ordinari à quocumque Episcopo non impedito per Ecclesiam.

3 Non possunt Regulares ordinari à quouis transeunte Episcopo in suis Conuentibus absque expressa licentia proprij Diœcesani Episcopi, in cuius Diœcesi viuunt. Tridentinum *sess. 6. cap. 5.* aliâ talis Religiosus ordinatus manet suspensus ab Ordinibus.

4 Posse Religiosos ordinari extra tempora tenet fusc, & constanter Rodr *t. 3. q. 23. a. 5.* respondens omnibus in oppositum. Negat verò Miranda *t. 1. q. 38. a. 4.* dicens esse conformius Pio II. Tridentino, & Sixto V. At video opinionem Rodriguez esse in praxi. Et cum Rodriguez tenet Frater Ioan. à Cruce in Compendio suo siue Epi-
tome

tome *lib. 2. cap. 8. dubio 1.* Et denuò concessum hoc fuit à Clem. VIII. Patribus Congregationis Sancti Ioan. Evangelistæ in Portugallia, vt possint ordinari extra tempora, & per quemcumque Episcopum. Ita concessit prædictus Papa anno 1596. die 23. Nouembris, quod ego vidi. Idque concessit tribus Dominicis, vel festis continuis, vel interpollatis non seruatis interstitiis à Concil. Trid. designatis. Vidi in Compendio illius Religionis. Et est amplissima, & magna concessio pro hac materia. At nota, quod in dicto priuilegio Clemen. VII. quod ad Ordines minores concedit, vt possint concedi quatuor diebus festiuis, vel feriatis, continuis, vel interpollatis. Vnde per hoc priuilegium, non possunt Ordines quatuor minores in vna die recipere: secus si Episcopus, statuit temporibus id faciat ex consuetudine: aliqui enim conferunt omnes simul, per hoc tamen priuilegium non potest fieri.

5 Dispensare interstitiis requisitis ad Ordines suscipiendos, non possunt Prælati erga subditos, sed id solum possunt Episcopi Ordines collaturi; Tridentinum *sess. 23. cap. 11.* Et hoc debent facere cum causa à Prælato significata. Hæc verò causa iusta, est utilitas Ecclesiæ, vel necessitas. Utilitas autem erit, quando sunt pauci Ministri idonei, & aliquialiter vtile erit quod aliquis ordinetur. Necessitas verò erit si desint idonei, & non idonei. Miranda *tomo 1. quest. 38. art. 8.* Videant tamen qui possunt communicare priuilegio proximè posito *precedenti num. 4.*

6 Potest Episcopus ordinare Religiosum Ordine presbyteri, qui bene legit & cantat, quanuis sit minus literatus. Henr *lib. 10. de Sacramento Ordinis tom. 2. cap. 16. in fine cum gloss. ibid. litera V.*

7 Ordinatus Sacerdos cum aliquo impedimento propter quod manet suspensus ab Ordinibus: non incurrit irregularitatem ex eo solum, quod consecratus cum Episcopo in Missa in qua ordinatur: talis enim ibi ordinatus, & sic cum Episcopo consecrans, vt vera non dicit Missam, & proinde nondum exercet Ordinem presbyteri. Sayrus *lib. 4. de censur. cap. 16. nume.*

ro 5. citans alios : quidquid contra sentiat Nauar. & Capucinus.

8 Qui fecit professionem irritam , & hoc sibi notum est , peccat mortaliter si permittat se ordinari Ordine sacro. Ordinarum enim tunc sine titulo patrimonij, vel Religionis ; quod est contra ius commune. Rodrig *ad tit ad sum. tom. 4. cap 65. num. 10* & præterea manet suspensus. Sayrus *cit. lib cap 13. num. 14.*

9 Religiosus carens Ordine presbyteri si Missam celebret, vt suspectus de hæresi , tradendus est Inquisitoribus. Ita Paul. IV Sixtus V. Clemens VIII.

10 Prælatus dispensans cum aliquo ad Ordines impedito , si potest cum illo dispensare , si dat licentiam ad Ordines minores suscipiendos , videtur dedisse licentiam ad alios Ordines sacros maiores suscipiendos : & proinde potest talis subditus mortuo illo Prælato censi dispensatus ad alios. Nauar *lib. 1. Consil. tit. de atat. & qualit. ordin consil. 1.* At oppositum probabilius tenet Sanchez *lib. 8. de matr. disp. n. 26.* cum multis ibi citatis.

11 Subdiaconus eiectus ab Ordine potest postea ab Episcopo admitti ad superiores Ordines si ille sit emendatus. Excipe si fuit eiectus cum aliqua irregularitate , in qua Episcopus non potest dispensare , tunc enim ad Papam recurrendum est. Rodr. *tom. 39. 24.* vbi monet Prælatos quòd ante eiectionem cum his dispensent in quibus possunt , ne postea adigantur miseri pro dispensatione, Episcopos adire cum labore ac difficultate.


12 Si quis ordinatus sit ante legitimam ætatem incurrit duas suspensiones , vnã propter delictum, aliam propter defectum ætatis. Et ita si absoluitur à prima propter delictum , non proinde absoluitur ab alia propter defectum ætatis , neque absolutus à prima , potest ministrare in illo Ordine donec attingat ætatem. Suarez *de censur. disputat. 29. prope finem.* Et nota quòd à prima suspensione propter delictum indiget particulari absolutione , neque ab illa absoluitur etiam si attingat ætatem. Ab illa verò secunda incurta ob defectum ætatis liberatur vbi primum attingit

gerit

gerit ætatem, & per aduentum ætatis ipso facto tollitur, absque alia absolutione: innuit Suarez *ibidem*. Et tenet expressè Capucinus ad Compend. *verbo Ordines sacri. fol. 282. in principio*. Sed nota quòd si durante prima suspensione propter delictum ministravit in Ordine suscepto, ultra absolutionem censuræ, indiget particulari dispensatione irregularitatis, quam incurrit ita celebrando.

13 Religiosus ordinatus, extra tempora, vel per saltum, vel absque legitima ætate, vel absque dimissoriis sui Prælati, ipso facto manet suspensus ab Ordine sacro: & si in illo ministraverit, incurrit irregularitatem. Constat ex Motu proprio Sixti, contra male promotos, ubi citat Bullam Pij II. quæ quod ad hoc ligabat Regulares. Excipit tamen Miranda *tom. 1. question. 39. artic. 6.* Quòd si quis bona fide fecit, credens se habere ætatem, vel credens sibi licere per privilegium, vel quid simile, non incurrit dictas pœnas: pro quo citat Nauarrum dicentem prædictam pœnam suspensionis, solum esse positam contra præsumentes: qui verò bona fide facit non dicitur præsumere, Est tamen illa suspensio, ipso facto lata, & non ferenda: & ut suspensus se abtineat non est opus declaratione, vel executione Iudicis, quia est pœna privatiua sicut excommunicatio. Comit. *lib. Resp. moral. questio. 37.* Vide omnino infra *verb. Pœna, num. 19. & 20.*

AN PRÆLATVS REGVLARIS
possit absolvere subditum suspensum, propter
Ordines susceptos ante ætatem,
vel alias indebitè.

14  Ogit rei necessitas, sæpiùs fortè eueniens & à me in præsentì quæsitâ, disputare, an possit Prælatus Regularis dispensare cum suo subdito ordinato ante ætatem, vel absque licentia: absolviendo

illum à suspensione ; ac etiam dispensando cum illo in irregularitate contracta, ex ministratione illius Ordinis, durante suspensione.

Capucinus *ad Compend. verbo Ordines sacri*, folio 282. dicit primò, posse Prælatum Regularem dispensare cum ordinatis sine licentia ; & , quòd cum ordinatis in apostasia, possunt Prælati dispensare virtute priuilegiorum. At non posse dispensare, vel absoluerè ordinatos ante ætatem : imò neque id posse Episcopos : citat glossam *Clementin. finali, de ætate, & qualitat. ordin.* Syluestrum, Nauarr. imò quòd neque per Bullam Cruciatæ possunt dispensari, neque per Iubileum. Capucinum citat, & sequitur Sayrus *libr. 6. de censur. capit. 12. num. 13. & 14.* ubi expressè dicit Prælatum Regularem, non posse dispensare cum suis subditis ordinatis ante ætatem virtute priuilegiorum : subditque hæc priuilegia esse derogata per Concilium Trident. *sessio 23. de reform. cap. 12.* & citat alios pro eadem opinione, quatenus tenet opinio solum Papam, non verò Episcopum posse in hoc dispensare dicens esse communem.

Ego persuaderi non possum quòd Religiones cum tot, & iam amplis priuilegiis hodie confirmatis careant hoc remedio vt possint prædictum malè ordinarum absoluerè, & dispensare, sed quòd teneatur miser Religiosus hac de causa Romam adire. Sed saluo meliori iudicio, cui me submitto, quòd hoc fieri possit à Prælato Regulari, probò in primis, ex Viualdo *in suo Candelabro, titulo 15. de Sacramento Ordinis, titulo de tempore Ordinationis num. 3. §. Si autem* : ubi expressè dicit quòd si ordinatus ante ætatem ministraverit in Ordine, & delictum fuit secretum, potest Episcopus per se, vel per suum Vicarium in utroque dispensare per Concil. Trident. *sess 24. cap. 6.* ubi illi conceditur dispensare in omnibus istis secretis non deductis ad forum contentiosum vel publicis. Imò noto quòd Concilium non prohibet Episcopos dispensare in publicis ; sed in deductis ad forum contentiosum : & poterit res esse publica, sed non deducta ad
forum

Forum contentiosum : & videtur innuere , quod si non sit deducta ad contentiosum forum , etiam si sit publica poterit dispensare. & Henric. *tom. 1. l. 14. cap. 20. n. 3.* dicit cum ordinatis ante ætatem , vel per saltim dispensare Episcopum ; non limitans si sit secretum , vel publicum. Et licet Sayrus exponat quod loquitur Henric. de sic malè ordinato , si non ministravit in Ordine : exponit puto ad libitum : Henric. enim neque ibi , neque 8. cap. eiusdem libri, §. 5. ad quæ se remittit, tale non explicat , neque innuit. Solum dicit quod potest Episcopus cum tali dispensare impleta ætate. Quo posito ex his duobus authoribus , posse scilicet Episcopum dispensare in hoc casu cum subditis : ego concludo , saltem in casu secreto posse Prælatum Regularem absolvere , ac dispensare talem subditum ; quia per concessionem Pij V. factam Prædicatoribus *ver. Abbas, n. 6.* possunt Prælati , etiam Guardianus ; cum suis subditis per se ipsos omnia quæ possunt Episcopi cum suis diocesanis. Secundò probo , quia ut suprà dixi *ver. Confessor. erga fratres, & ver. Dispensare, & infra dicitur ver. Prælatus quoad absoluendos subditos* , habemus satis multa priuilegia nostra , & communicata , in quibus nobis conceditur quod Prælati possint absolvere subditos à quibuscumque peccatis , censurisque reservatis sedè Apostolicæ , imò , & dispensare in irregularitate homicidij voluntarij occulta , ut suprà dixi *ver. Disp.* Cum ergo ista suspensio promoti ante ætatem sit censura Ecclesiæ , etiam si sit reservata , cum non sit contenta in Bulla Cœnæ , cur non poterit Prælatus illam absolvere : & in irregularitate inde contracta dispensare cum dispense in aliis maioribus , & hæc irregularitas non reservatur in Tridentino , ut statim dicam. Et huius sententiæ , ut videtur , Rodrig. 1. *tom. quæst. 20. artic. 14. ad finem* , ubi expressè ait posse Prouinciales absolvere subditum à suspensione à diuinis , si est contracta ob delictum occultum , atque etiam si fuerit publica , dummodo non sit perpetua , & reservata. Et statim addit quòd possunt absolvere etiam si sit perpetua , dummodo non sit reservata. At ego in isto : & ad quid ergo

ergo inseruiunt tot concessionem dicentes quod possint absoluerè à censuris reseruariis Papæ, & suspensio est censura. Imò Rodrig citatus suprâ verbo *Abbas*, num. 11. tenet posse Prælatos absoluerè à casibus Bullæ Cœnæ paucis ibi exceptis. Qui casus Bullæ Cœnæ sunt censuræ perpetuò reseruata: innuit etiam clarè hoc ipsum Ludouicus de Beia in *Resp. 4. par. casu 37. §. Aduertendum* ubi ait ex Couar. & aliis posse Prælatos etiam dispensare plusquam Episcopi, possunt videlicet etiam in deductis ad forum contentiosum, priuilegio Sixti III. in quibus Episcopi non possunt.

Neque obstat quod dicit Sayrus citato loco priuilegia Regularium esse quoad hoc reuocata per Concil. Trident. *sess. 13. cap. 12. de reformat.* Nam Concilium ibi solum reuocat priuilegia, ne ordinentur Regulares ante ætatem ibi assignatam: non verò reuocat priuilegia Regularium quæ aliàs habent absoluendi à Sede Apostolica suos subditos. Imò Concil. clarè loquitur. Ait enim (*priuilegiis quo ad hoc exclusis*) quo ad hoc, inquam, id est; quo ad Ordines suscipiendos ante hanc ætatem: vnde non loquitur de priuilegiis Regularium ad absoluendos subditos.

Quod si Sixtus V. vel alij Pontifices antecessores reuocarunt priuilegia Regularium ad absoluendos subditos sic malè promotos: transeat; & adhuc non obstat, quia post Sixtum Clemens VIII. confirmauit nostra priuilegia ex certa scientia: & Paulus V. confirmauit vtens verbo *innouamus*: vt infrâ dicemus, verb. *Priuilegium quo ad confirmationem*, & hoc dato omnes Doctores, dicunt quod per confirmationem priuilegiorum factam tali forma, ex certa scientia, reualidantur etiam priuilegia antea reuocata ab antecessoribus: & proinde licet absolutio, & dispensatio cum malè promote de quo agimus, esset reuocata per Bullas Sixti, Pij II. & aliorum, essentque per illos reuocata priuilegia per quæ Prælati id poterant, eadem priuilegia sunt reualidata, ac denuo concessa per Clemen. VIII. cùmque in citato loco Trident. neque ista suspensio ponatur reseruata, imò neque ibi de

de suspensione fiat mentio, neque in alio loco Concilij quem sciam, ponatur talis censura reservata: videtur omnino dicendum quòd possint Prælati saltem Provinciales, & fortè locales subditos absolvere sic suspensos & irregulares; Etiam si sint publici non deducti ad forum contentiosum, per dictum Rodrig. supposito quòd ista suspensio non ponitur in iure reservata saltem *cit. loco* Trident. imò etiam si alio iure ante Tridentinum poneretur reservata, nostra priuilegia concedentia absolutionem à censuris etiam reservatis, videntur extendi ad illam. Dixi *ante Tridentinum*, quia si ista suspensio in Tridentino reservaretur cum reuocatione priuilegiorum, id non affirmarem: quia confirmationem priuilegiorum, hodie semper excipiunt, ne sint contra Concilium Trident. Ego autem non video locum in Concil. Trid. ubi dicatur expressè quòd suspensio incurfa ob susceptum Ordinem ante ætatem sit suspensio reservata, & quòd Regulares ab illa non possint absolvere per priuilegia.

Quod verò attinet ad Capucinum, nullam rationem adducit, sed solos Doctores citat: ego verò & aliquos Doctores adduco, & priuilegiorum exempla. Et præterea, arguo contra Capucinum; ille enim ibi dicit, quod potest Prælatus absolvere suspensionem ordinati Religiosi qui absque licentia, vel in apostasia fuit ordinatus non obstante quòd dicatur in *cap. final. de apost.* ordinatum in apostasia non posse ministrare in Ordine suscepto absque licentia Papæ, eiusve dispensatione. Et tamen non obstante hoc iure communi tam claro ait Capucinus posse Prælatos per priuilegia dispensare illam suspensionem reservatam Papæ, & præterea suspensum absolvere, qui Ordinem suscepit excommunicatus: cur ergo non poterunt Prælati absolvere suspensionem illius, qui suscepit Ordinem ante ætatem, cum non esset excommunicatus? Glossa verò quam citat pro se Capucinus *Clementina finali. de atat. & qualitate ordin.* cum qua Capucinus negat: non loquitur de Prælatis Religionum, sed de Episcopo circa suos subditos, non verò de Religiosis

ligiosis Prælatiſ qui in aliquibus maiora habent privilegia quàm Episcopum. At poſſe hoc etiam Episcopum in foro interno vidimus ex Viualdo, & Henric. & præterea glossa, est glossa, & non textus. Regas an poſſit Prælatuſ diſpenſare cum ſubdito promotu per saltum, ſi miniſtravit in Ordine? Reſpond. quod ſi fuit publica non poteſt, quia Trident ſeſſ 23. cap. 14. ait Episcopum non poſſe. At ſi fuit occultum omnino, ſaluo meliori iudicio, puto poſſe per proximè dicta.

Ad finem aduerto, ultra authoritatem Prælatorum quo ad hoc iam dictam etiam confeſſores Regularium, poſſe conſubditos ſuos aliquando abſolvere; vide ſuprà ver. Confeſſor fratrum n. 15. 18. 19. 20. Quoad authoritatem verò Prælatorum abſolvendi ſubditos, vide ſuprà, ver. Abbat. n. 6. & 11. & ver. Diſp. n. 7. 8. 9. & 10. & infra ſub tit. Prælati poteſtas ad abſolvendos ſubditos toto illo tit. maximè n. 23. & ultimo loco addo quod in Compendio. Societatis IESV. §. 6. ver. Abſolutio. conceditur ut omnes illius Religioſi per Generalem, vel per deputatos ab ipſo poſſint abſolvi ab omnibus peccatis ante, vel poſt ingreſſum Religionis commiſſis. Itémque ab omnibus Eccleſiaſticis, & ſæcularibus ſententiis, cenſuris & pœnis à iure, vel ab homine, exceptis quatuor, de quibus ſuprà verbo Abbas num 11. ubi non limitat ſi ſint publicæ cenſuræ, ſi ſecretæ. Et Collector notat hoc concedi etiam à ſuo Generali cæteris ſuperioribus, & iis quibus ipſi commiſerint, & puto quòd in omnibus ſupradictis inveniatur remedium ad caſum de quo agitur.

A D D I T I O.

Ide ſuprà verb. Irregularitas, maximè n 9. & verb. Novitiuſ n, 26. cum ſequentibus, ibi ſuprà dixi hoc ver. ſufficientia, & ſubſtantialia pertinentia ad Religioſos circa Ordinum ſuſceptionem, & malè ordinatorum abſolutionem.

I Circa id quod dixi ibid. n. 2. non teneri Religioſos
ferre

ferre dimissorias Episcopi in cuius Diœcesi morantur, quando vadunt ad Episcopum alterius Diœcesis pro Ordinibus suscipiendis, facit denuò concessio Alexandri IV. in Bullario Rodr. *f. 54. col. 1.* vbi concedit Prælati Minorum vt liceat illis Fratres eiusdem Ordinis ordinandos præsentare quibuscunque Episcopis Catholicis habentibus communionem, & gratiam Sedis Apostolicæ, qui Episcopi possint dictos Fratres præsentatos absque examinatione ordinare. Quod verò atinet ad vltima hæc verba, ibi illis conceditur posse ordinari absque examine præuio, est reuocatum in Concil. Tridentin. *sess. 23. cap. 12.* Vbi dicitur etiam regulare esse examinandos, non obstantibus quibuscunque priuilegiis. Bene tamen aduertit Villalobos *1. tom. sua sum. tractat. 11. difficul. 4. num. 5.* posse Episcopum in hoc stare examini Prælatorum Ordinis, vel hoc examen illis committere, vt ipsi per se, vel per Religiosos doctos examinent.

2 Qui facta diligentia adhuc dubitat an habeat ætatem legitimam ad suscipiendos Ordines, tenetur sub mortali abstinere ab illis suscipiendis. Sanchez *lib. 2. de Matrim. disp. 41. n. 38.* cum quo concordat Rodr. *tom. 1. Addit. ver. Ieiunium c. 25. n. 7.* Addit *ibidem* quòd si subitans de ætate suscepit Ordines putans se peccare, absque dubio incurrit suspensionem. Idem dicendum de illo qui à parte rei est suspensus, & cum dubio an sit suspensus, & credens peccare, ministrat in Ordine: talis enim absque dubio incurrit irregularitatem Secus si bona fide Ordines suscipiat, vel bona fide in illis ministret: tunc enim euadet vtramque pœnam, vt dixi suprâ *hoc ver. n. 13.* & tenet denuò circa euasione irregularitatis Villalob. *tract. 11. diffic. 11. n. 6.* propter verbum, *presumpserint*, positum à Sum. Pontificibus in his prohibitionibus.

3 Probatio illa vitæ de moribus, & bono exemplo etiam requiritur in religiosis, sicut requiritur in clericis, quia Concilio Trid. neminem excipit ordinandorum in quibus requirit morum probitatem *sess. 23. c. 4.* Vnde colligo quòd si Prælatus religionis det licentiam vt Ordines suscipiat aliquis Religiosus vitæ culpæ, peccabit mortaliter contra Concilium siue cul-

pæ

pæ sint cognitæ in sæculo ; siue solùm intra Ordinem. Imò maior probitas motum requiritur in Religioso, quàm in sæculari ordinando.

- 4 Concilium Tridentinum *sess. 25. c. 4.* præcipit, vt Ordines suscepturus priùs recipiat Sacramentum Confirmationis. Circa quod notat Nau. *in Sum. Latina c. 22. n. 9.* contra facientem nullam censuram incurrere. Secundò addit neque id fore peccatum mortale, si fiat ex obliuione, ignorantiaue. Fore autem peccatum mortale si tale Sacramentum omittat ex contemptu. Quamuis ibi Nau. cum Soto dicat esse peccatum veniale, si id sciens omittat ex negligentia: mortaliter verò si faciat ex contemptu

P A C T U M.

Vide suprà verbo *Alienare* ; & verbo *Canonica portio num. 8.*

- 1 **P**rælatus successor tenetur stare pacto inito à Prælato suo prædecessore *cap. dilect. filiis. de foro competent. & ibi Abbas cum communi, & Rodriguez tom. 3. question. 26. artic. 1.* intellige dummodo pactum præcedens fuerit iustum, & licitum, neque Religioni, neque statutis Ordinis contrarium. *cap. is qui, de Reg. Iur. in 6.*

2 Si quis cum particulari Religioso pactum faciat de mutuando, vendendo, vel quid simile, & ibi non interueniat licentia Superioris saltem implicita, pactum in conscientia non valet: assimilatur enim tale pactum illi quod facit seruus absque licentia domini. Et proinde in foro iudiciali poterit rescindi. Seruetur tamen consuetudo, vel statuta particularium Ordinum, idem dic de pacto quod facit vnus Religiosus cum alio, est enim nullum, maximè in re graui. Rodrig *tom. 3. q. 33. art. 1.*

- 3 Inter Prælatum & subditum dari potest pactum obligans de iure naturæ, quemadmodum inter seruum, & do

& dominum idem pactum obligans dominum dari potest. Tenet Nauarr. *capit. non dicatis. n. 42* & Rodriguez *tom. 3. quest. 29. art. 9.* vbi ponit hoc exemplum. Quidam Generalis de consensu Conuentus habentis redditus annuos, cuidam Fratri bene merito concessit modo peculij ad suas necessitates hortum, verbi gratia, eiusdem Conuentus. Quæritur si absque culpa, & causa possit successor illum dicto hortu priuare? Respondet quòd non, & quòd peccabit grauiter in hoc, quia Prælatus ad Monachum dari potest obligatio ex pacto. Hoc autem tunc euidentius apparebit, si Prælatus commendauit subdito negotium aliquod commune, ad cuius executionem subditus fecit impensas pecuniarias sua industria quæstas; & Prælatus hoc præuidens, & consentiens, prædicto subdito promisit talem summam pro executione negotij: tunc expleto negotio tenebitur Prælatus ex pacto dare dictam summam Religioso, & in conscientia non poterit negare: si aliàs non repugnat statui illius Monachi tale habere, vel possidere rem promissam.

A D D I T I O.

V Ide supra verbo *Legatum num. 2* quomodo Minoritæ possint pacisci cum testamentariis circa legata sibi relicta: & quod ego ibi addidi *eodem numero* & *ver. Monasterium numero. 6.* Et dicta supra verb. *Canon. portio.*

I Alexander IV. in Bullario Rodriguez *fol. 66. col. 1.* concessit generali Minorum, ac Prouincialibus, vt pacta illi quæ facerent Guardiani, custodes, & alij Fratres absque licentia Generalis, vel Prouincialis essent irrita, neque ad illa Fratres obligarentur. Rodrig. *tom. 1. questionum quest. 36. art. 8.* citans istam concessionem, dicit esse reuocatam per aliud decretum Bonifacij VIII. quod ibidem citat; in quo Bonifacius VIII. iubet seruari pacta facta à Guardianis, & simi-

libus Prælatiſ quæ fecerunt cum Capitulis, & Reſtoribus Eccleſiarum etiam ſi non interuenerit conſenſus Generalis, vel Prouincialis. Ego credo, quòd non eſt reuocata prædicta conſeſſio Alexandri I V. niſi fortè in parte videlicet quod ad pactum factum à Guardiano ſuper Canonica 4. parte, de qua *citato loco* agit Rodr. Hæc enim pacta facta à Prælatiſ localibus circa Canonicam quartam, valida erunt etiam ſi fiant abſque conſenſu Prouincialis, vel Generalis: Nam Bonifaciuſ VIII. hoc tantum exprimit illiſ verbis: *Super iuribus parochialibus*. At Alexander I V. non loquitur vlllo modo de iuribus parochialibus: ſed in genere dicit. *Super locis ad dictum Ordinem pertinentibus, eorūque cæmeteriis*. Quæ verba non agunt de Canonica portione, neque illam ſignificant: neque item ſignificant iura parochialia: hæc enim iura parochialia ſunt illa quæ ius commune iubet ſolui parochiſ pro Sacramentorum miniſtrandorum labore. At Bonifaciuſ loquitur de pactiſ & obligationibus ſuper lociſ, ac cæmeteriis Minoritarum, ac proinde videtur conſeſſio nimis diuerſa, & non reuocata per dictum Bonifaciuſ V I I I. Adde quòd Bonifaciuſ ſolum loquitur de pactiſ à Prælatiſ localibus Conuentuſ: Alexander verò I V. exprimit Guardianoſ, cuſtodeſ, & Fratres Ordiniſ.

Vnde per iſtam conſeſſionem quam puto non reuocatam, prohibetur Guardianuſ facere pactum per quod obligetur Conuentuſ, vel Eccleſia aliquid ſoluere in futurum: extra iura parochialia. Vt ſi promittat daturum Conuentum certam ſummam pecuniæ, olei, vini, & ſimilium. Idem dicendum de pacto inito à Fratre particulari de quacumque materia, ſi enim hæc faciant Cuſtoſ, Guardianuſ, vel Frater ordinariuſ abſque conſenſu Miniſtri Prouincialiſ, vel generaliſ, ſunt irrita per dictam conſeſſionem. Et nota quòd idem prohibetur Cuſtodi Franciſcano in ſua cuſtodia, quamuiſ in illa habeat iuriſdictionem ſimilem iuriſdictioni Prouincialiſ.

PAREN

P A R E N T E S F R A T R U M.

Vide suprà verb. *Indulgentia, ad finem.* & verb. *Iubilæus. num. 4.*

1 **P**rofessus habens parentes in extrema necessitate, tenetur illis subuenire petit aprius licentia à suo Prælato: & ad hoc tria debent concurrere. Primò, vt sit necessitas extrema. Secundò, vt prius dicat Prælato. Tertiò, vt non sit alius in sæculo qui subueniat, & sit spes quòd Monachus poterit subuenire. Quòd si hæc omnia interuenerint, & Prælatus neget licentiam, potest subditus absque scrupulo, imò tenetur exire. Nauarr. in *Summa Latina, capite 14. num. 14.* ex D. Thom. & aliis communiter: quia ius naturale clarum subueniendi parentibus in tali statu, obligat tunc filium, imò & Prælatum ad dandam licentiam. Non tamen potest Prælatus tunc dare licentiam vt subditus habitum dimittat, vt tenet Nauarr. *mox citandus.*

2 Etiam si necessitas non sit extrema, sed solùm grauis, potest Prælatus dare licentiam vt Religiosus cum habitu maneat extra claustra ad subueniendum patri, vel matri. Nauarr. *libro 3. Consil. titul. de Reg. consil. 54.* & hoc siue hæc necessitas sit præcedens, vel subsequens professionem, vt *ibidem* ait ex D. Thom. & Caietano. Distinguit tamen Nauarr. *ad c. nullam. 18. quest. 1. n. 49.* Quòd si necessitas grauis præcessit professionem, tenetur Prælatus dare licentiam, & subditus exire. Si verò necessitas subsequitur, potest Prælatus dare licentiam, sed non tenetur.

3 Quid si Prælatus neget licentiam subdito vt extra Conuentum subueniat parentibus grauiter tantùm indigentibus: an possit de bonis sibi in vsum concessis, quæ re vera sunt bona Ordinis, suis parentibus subuenire? Credo quòd non, quia illa bona in rigore sunt aliena, & sic de furto subueniet quod non licet, maxi-

mè cùm necessitas non sit extrema. Debet ergo ad illa donanda procurare licentiam: & Prælatus rectè faciet illam concedens intra terminos suæ Regulæ, & constitutionum. Et Pat. nost. Franciscus cuidam parenti cuiusdam patris iussit dare vnâ eleemosynam notabilem.

4 Parentes Fratrum vtriusque sexus, consequuntur plenariam Indulgentiam existentes in Purgatorio; parentes, inquam, Fratrum præsentium, & futurorum, etiam Fratrum defunctorum. Ita in *Comp. Min. §. Indulgentia quo ad seculares. 8. §. 1.* & hanc Indulgentiam non puto reuocatam à Paulo V quia non est Indulgentia concessa Fratribus: sed intuitu Fratrum. Circa quam Indulgentiam norat Rodriguez *tom. 3 q. 27. art. 2.* quod prædicti parentes eam lucrantur in Purgatorio per modum suffragij: & quod etiam illam lucrabuntur in hac vita semel complacendo de filiorum professione. De hoc tamen secundo dicto quod lucrentur etiam in vita, dubito valde, quia verba Compendij solum loquuntur de Purgatorio.

AD D I T I O.

Dixi suprà quæ sufficerent ad cognoscendum quando Religiosus tenetur ad subueniendum parentibus, in extrema vel graui necessitate constitutis. Et summa dictorum fuit, quod tenentur succurrere in extrema, & Prælati tenentur tunc dare licentiam: in graui possunt Prælati, sed non tenentur. Possunt, inquam, dare vt extra Conuentum maneat habitu retento ad succurrendum parentibus in graui necessitate: quæ est ferè communis doctorum. Occurrerunt postea sequentia pro declaratione prædictorum.

1. Ad obuiandum dictis aliquorum Religiosorum dicentium parentes suos esse in extrema necessitate: dico hanc rarissimè, aut nunquam posse hodie alicui euenire. Nam extrema necessitas definitur esse illa, qua aliquid ita est necessariû vitæ alicuius, vt ex signis quæ apparent

apparent videatur quod sine illo mox, aut breui tempore, interrumpetur vita ipsius. Vt si careat cibo vel vestitu in hyeme horrida, sitque persona infirma: Et sic de aliis. Rarissimè enim ad hunc statum hodie deuenitur inter fideles pios, in quibus Hospitalia sunt, Prælati, communitates curam pauperum habentes, & consanguinei, ac similes. Necessitas grauis est illa quæ extra necessitatem extremam, affert magnam, & grauem molestiam. Hæc autem grauis necessitas potest esse duplex, altera est naturæ, altera status. Naturæ est, vt morbus grauis, diuturnus lepræ, vel febris hæcticæ, vel infamiæ, captiuitatis, & similium; seu grauis famis, non tamen extremæ, sed tamen talis, vt succurratur vitæ cum magno labore, & aliquo dedecore. Necessitas status est illa, quæ requirit necessariò aliquid ad conseruationem status, vel ad illius recuperationem.

1. Hoc posito viso quod extrema necessitas, vt dixi, rarò aut nunquam dari potest. Exemplum necessitatis grauis erit si Religiosus habeat parentes nobiles, vel honestos in tali necessitate constitutos, vt nullum aliud remedium suppetat nisi ex mendicitate ostiatim viuere. Quod enim hoc sit grauissima necessitas pater ex eo quod tradunt Doctores in materia charitatis dicentes hominem nobilem, vel grauem, qui aliter viuere non potest, nisi mendicando eleemosynas ostiatim, idque cum magno suo dedecore, ac rubore: posse porius sinere se mori quàm vitam sustentare tali remedio. Sed quoniam neque hoc exemplum ad litteram sæpius eueniet, & necessitates graues pendent ex circumstantia personæ, loci, ac temporis, id debet arbitrari Prælatus suo pio, ac prudenti arbitrio, sciens in causa tam pia potius excessum aliquem permitti, quàm defectum: dummodo semper attendat quoad fieri poterit Religionis exemplum, & subditi filij qualitates ne propter parentum corpora, propriæ animæ detrimentum patiatur.

3. Dixi suprâ numero 2. ex Nauarr. quòd si necessitas grauis parentum præcessit professionem, tenetur Prælatus dare licentiam, & subditus tenetur exire: nunc

addo ex Sanchez 4. *Decalog. capit. 1. num. 17.* pro maiori claritate nunquam teneri subditum egredi Monasterio absque Prælati licentia ad subueniendum graui necessitati parentum: probat, quia obligatio filij ad subueniendum parentibus obligat illum quantum status Religiosi patitur, ac se extendit: sed status Religiosus pro sola subuentione necessitatis grauis circa parentes, non commodè patitur, nec se in rigore extendit, ut illis subueniat habitans cum illis extra Conuentum. Hoc probatur exemplo clarissimo: Nam filius habens uxorem, & simul habens parentem in graui necessitate, non tenetur relinquere domum vxoris, ut habitet cum parente grauius indigenti. Æquale verò vinculum, vel obligatio est (si non dicam maior in aliquibus) subditi ad religionem, atque est viri ad uxorem: Et hoc argumentum, siue exemplum apud me conuincit. Secundò quia per professionem subditus traditur Prælato sicut mortuus. At res vni tradita nequit auferri ut parentibus subueniatur quando necessitas eorum non est extrema, ut si dedi Ecclesiæ centum aureos, post illos datos non possum reuocare ut subueniam parentibus grauius indigentibus: ergo à simili de Religioso donato Religioni per validam professionem. Citat pro hac sententia Sanch. Alens. D. Th. Caiet Supplem. Gabr. Abulens. Henric. Antonin. Rosell. Armill. Tab. Cord. Angles, Pasarell. & alios quorum loca ibi videbis. Volui hoc recensere pro quietandis aliquando Religiosis, qui nescio an plus debito inquietantur parentum necessitatibus, quæ aliquando sufficientes non sunt, ut illi inquietentur: qui debebant recordari dicti illius Christi Domini ad adolescentem, petentem licentiam, ut Christi Domini ac Apostolorum ad tempus comitatu relicto, iret ad patrem sepeliendum. Qua Christus Dominus denegata, dixit *finite mortuos sepelire mortuos suos.* Et tamen necessitas assistendi patri moribundo, illumque sepeliendi videbatur necessitas satis grauis. Vide Luc. cap. 6. num. 69.

4 Tenetur tamen filius intra religionem salua sua regula, ac statutis, & obedientia procurare remedium

dium patris, vel matris grauiter indigentium, quod nos olim diximus *citato verb. numer. 3.* Ratio est, quia filius adhuc post professionem manet verus filius, & proinde tenetur facere quod poterit; sicut tenetur filius vxoratus saluo iure, & lege matrimonij: sic etiam filius salua obedientia, & iuribus suæ religionis, cui magis astrictus est quàm patri, grauiter indigenti. Sic Nauar. *in Sum. cap. 14. num. 14.* & alij. Modum verò quo subditus intra Conuenium possit succurrere parentibus explicat inter alios Cord. *in Sum. q. 141. artic. 2. opinione 4.* & Ludouicus Lopez 1. p. *Instruct. capit. 54.* dicentes non posse illum efficere aliquid contra suam Regulam, vel aliquid quod statum Religiosum dedecet. Si verò Prælatus neget licentiam succurrendi per modos licitos suæ regulæ, & suorum statutorum poterit filius secretè facere. Dicunt etiam non posse Minoritam procurare pecunias, vt succurrat parentibus. At ego dico posse: quia procurare tunc pecunias non est procurare pecunias sibi, neque illas recipere; sed dicere amico, vt det pecunias patri. Nam regula minorum non prohibet mihi petere amico, vt det pecunias meo amico: sed prohibet mihi, ne ego Minorita recipiam pecunias, vel expendam illas absque modificationibus permissis in regula, ac declarationibus Pontificiis. Et huius sententiæ est Sanchez *cit. cap. 5. num. 19.* loquens de Minorita, ac subuentione suorum parentum per pecuniam mendicatam, & hoc amplius probatum habes apud Sanch. *lib. 6. de matr. disp. 4. n. 7.* vbi probat, posse Religiosum dicere sæculari volenti sibi dare pecunias, vel aliquid notabile; posse, inquam, dicere: ego non indigeo: si vis propter me dare amico meo: ego illi deferam. Si verò donator det, ait Sanch. posse illum deferre illud donatum suo amico, etiam absque licentia Prælati. In hoc enim Religiosus ille, nihil recepit contra Regulam nec dedit, solum rogauit ac detulit quod Regula non prohibet. Excepto si Minorita pecunias manu detulit.

Potest etiam Religiosus succurrere parentibus de illis, quæ sibi necessaria dantur in Ordine sibi subtra-

hendo, quia in hoc nihil aufert Religioni. Potest item facere aliquod opus religiosum honestum tempore quo non desit obligationibus Ordinis, ac de mercede illius operis voluntarij succurrere parentibus. Quæ duo si negaret Prælati in iustè denegaret. Teneatur verò subditus prius ad hæc licentiam petere: nisi certò scit sibi denegandam, & tunc siue negata, siue concessa poterit succurrere parentibus modis prædictis intra Religionem. Corduba *cit. l.* Modi verò operandi intra Religionem erunt scribere, pingere, vel alia arte honesta, ac Religiosa operari. Et hoc verum habet etiã si filius ante ingressum Ordinis hanc artè ignorauerit. Quando verò filius intra Monasterium non possit modis prædictis succurrere, & possit subuenire extra Conuentum aliis modis, adest iusta causa, ut Prælati concedat licentiam. Si verò iniustè neget, non poterit exire. Ita Nau. *lib. 3. constit. de Reg. constit. 55. n. 2.* & Rodr. *2. tom. Sum. cap. 6. n. 4.* Non enim Prælati dare teneatur talem licentiam, ut patet ex dictis supra *c. 3. & supra n. 2. & 3.*

6 Si Nouitius antequam habitum suscipiat, vel antequam professionem emitat, habet parentes in graui necessitate constitutos, quibus ipse modo aliquo potest succurrere, nec potest sic licitè habitum recipere, nec professionem emitte. Patet, ex anteceden-
tibus: si enim filius professus teneatur modis prædictis parentibus subuenire, multò magis tenebitur filius ante receptionem, vel professionem habitus. Et hoc verum est, etiamsi filius habeat votum simplex Religionis. Nam satis iusta causa est istius voti dilatandi subuentio parentum in tali necessitate. Imò iustè poterit differri votum etiamsi adsit terminus temporis præfixi à vouente pro voto implendo: maior enim tunc obligatio parentum præualeat.

Quærit Sanchez *citato cap. 10. Decalog lib. 4. n. 29.* vtrum is qui habet votum simplex Religionis, & simul habet sorores pauperes in graui necessitate positas, maximè cum periculo honestatis, possit differre ingressum religionis, & respondet affirmatiue cum clausulis etiam positis *n. precedenti*, est enim causa val-
de

de pia, & fratris obligatio erga tales sorores valde magna. Vnde sequitur illum qui habens sorores in tali statu caret voto Religionis, nunquam posse Religionem ingredi, durante tali statu sororum. Hoc verò non est extendendum ad alios consanguineos extra sorores.

8 Refert tandem Cordub. Sum. *quest. 141. fine*, se vidisse dispensationes datas à Summ. Pontifice ut Religiosus à Monasterio exiret ad succurrendum sororibus in graui necessitate. Ad cuius exemplum possent etiam Prælati cum subditis condescendere, quando habent sorores in graui necessitate, maximè pudicitia, constitutas.

PAROCHVS FRATER.

Religiosi in India Occidentali possunt esse parochiani secularium ex multis priuilegiis, maximè Pij V. quia verò res hæc est ibi tantum particularis, & ibi Religiosi habent notitiam, & praxim sibi concessorum, omitto particularem de hoc tractatum, sufficiat videre *Rodr. tom. 1. tota quest. 35.*

AD DITIO.

Ide suprà *verb. Matrimonium.* vbi diximus aliqua concernentia Religiosos parochos in Indiis circa administrationem Sacramenti matrimonij erga parochianos suos. Vide *Rodr. tom. 1. tota quest. 35.* Et quomodo non possunt molestare parochianos seculares suos subditos qui in diebus festis Missas audiunt in Conuentibus Religiosorum, vide suprà *verb. Missa.*

P E C U L I V M.

1 **C**oncil. Trid. sess. 25. cap. 2. de Regular. prohibet omnino ne Religiosi habeant in particulari bona mobilia, aut immobilia appropriata ad proprium usum, imò quod neque Prælati possint eisdem talia bona stabilia in particulari ad proprios usus concedere, vulgo *Rendas ou tenças*. Idque etiam de Monialibus intelligitur.

2 Explicat hoc Rodr. tom. 3. quæst. 29. art. 10. sic debere intelligi. Non posse scilicet Prælatos concedere subdito notabile peculium absolutè, & independentè, ut Religiosus expendat illud ad libitum, in quibus voluerit: non enim poterit illud impendere nisi in necessitatibus, servata Regula, & statutis. Et Religiosus qui etiam de licentia Prælati peculium secus impenderit peccat mortaliter contra votum paupertatis. At dicit Rodr. non prohiberi quin Prælati concedat subdito peculium moderatum pro solis necessitatibus iuxta Regulam, & paupertatem: maximè quando prædictum peculium concessum fuit seu relictum Religioso à parentibus, consanguineis, vel amicis, cum dependentia semper à Prælato. Videndum tamen omnino ne peculium sit excessivum, nève ad libitum, vel prophanè expendatur, vide Sà in *Aphorif. verb. Religio. num. 48.*

3 Minoritibus rigorosiùs prohibetur peculium ex vi Regulæ, & statu Maioris paupertatis. Neque pecuniam possunt habere, nisi pro præsentì, vel imminente necessitate, & cum expressa licentia Prælati: & apud Syndicum Papæ: neque insumere nisi cum expressa licentia Prælati. Qui proinde consulant Regulam, declarationes Pontificum, & statuta Ordinis. Quæ persequi non est meum.

A D

 ADDITIO.

AN Minorita possit habere peculium in annuo reditu perpetuo pro suis necessitatibus, respondi negativè suprà *ver. Legatam* n. 30. & infrà *ver. Testamentum*, num. 8. *per totum*, & idem semper dicam ob dictæ citatis locis.

 P O E N A.

Vide suprà *ver. Correctio fraterna.* & *verb. Dispensare*, & *verb. Prelatus* 13. & *verb. Officia Ordinis*, & *verb. Religiosus*, num. 10. & *verbo Index*, & *verb. Vox activa*, num. 1. & *seqq.*

1. **P**relatus non potest reo Religioso remittere totam pœnam legis statutz D. Thom. 2. 2. *questione* 68. *art.* 3. est communis; & probatur, quia iudex inferior non iudicat ex potestate propria, sed ex publica, & proinde tenetur stare legi. Imò neque potest illam pœnam minuere, vel commutare. *capit. licet de pœnis.* Vide suprà *verb. Index*, seu *ver. Correctio Fratrum* num. 54. & *sequentibus.* Adde quod tenet Rodr. *Addit. ad Sum. tom. 4. cap. 47. numero 4.* quòd in Religionibus non est minuenda pœna propter nobilitatem, vel scientiam rei.

2 In pœnis arbitrariis, vel extraordinariis, potest Iudex exasperare, vel mitigare pœnam, attentis circumstantiis criminis commissi, *d. 1. de pœnitent. cap. mensuram.*

3 Si pœna imponatur pro aliquo delicto, nunquam tota pœna danda est, si delictum fuit attentatum, sed non fuit consummatum. Abbas *cap. cum in cunctis. de electione.* & Iul. Clar. *in pract. ver. homicidium*, num. 14. *verb. grat.* paravit quis venenum; imò posuit in loco ubi credidit bibendum: sed tamen est frustratus effectus, quia non bibit is cui paravit. Non est danda

totam

tota pœna legis, sed alia extraordinaria multo minor, & ponit Iul. Clar. exemplum in duabus fœminis, quæ suo tempore porrexerunt venenum, & effectu non secuto, non sunt damnatæ ad mortem, sed pœna mitiori.

4 Si pro aliquo delicto quis punitus fuit ab vno Iudice non potest amplius puniri pro eodem crimine ab alio Iudice eiusdem Ordinis, vt si vnus Iudex sæcularis puniuit, non potest alius Iudex sæcularis punire. Si verò sint diuersi Ordinis, bene poterunt, vt si Iudex sæcularis puniuit etiam mixti fori pœna posita à lege sæculari: poterit postea puniri à Iudice Ecclesiastico pœna Ecclesiastica. Sylu. *ver. Iudex* 1. §. 2. Addit Rodr. *Addit. ad Sum. tom. 3. c. 104. n. 7.* Quòd si Religiosus fuit absolutus ob defectum probationis, & ille non emendatur à delicto, hoc non obstat quo minus possit iterum accusari de eodem crimine. Vide infra *ver. Prescribere, à numer. 2.*

5 Non obstantibus supradictis *n. 1. & 2.* stando etiam in iure communi potest Prælati Iudex augere, vel minuire pœnam pro qualitate personæ, vt si ætas sit parua in iuvene, vel magna in sene: vel si fecit ignorans, vel metuens, debet etiam attendi occasio delinquendi, tempus, locus, & similia, quæ Iudex prudens attendat. *c. de causis de off. deleg. & Doctores ibidem, & Iulius Clar. in pract. q. 85. vers. ulterius. Bernard. Diaz in pract. crim. c. 146. & alij.*

6 Pœna imposita Religioso violanti castitatem videnda est apud constitutiones cuiusque Ordinis, & grauior tunc pœna danda pro grauiori crimine, adulterio scilicet, incestu, stupro, & sic de cæteris. Ratio id probat, quia maximè pro adulterio lex ciuilis pœnam capitis imponit.

7 Circa pœnam capitis positam pro crimine pessimo si fortè in Clerico reperiatur, quidam exponunt quod pro prima vice, vel secunda, non sit danda hæc pœna, sed quando crimen fuerit continuatum, & in vsu: sic explicantes verbum contentum in Bulla Pij V. contra hoc crimen, cum dicit (*exercere*) quod verbum innuit vsu, & exercitium continuatum. At sufficere vnâ

vnam tantum vicem ad imponendam totalem pœnam tenent prauissimi Doctores, Bernard. Diaz c. 8. & multi citati ab Aldrete *lib. 2. de discipl. Relig. c. 15. §. 5. à n. 26. usque ad 34.*

8 Pro illo qui carens Ordine presbyteri Missam celebrat dictum est suprâ *verb. Ordines sacri. n. 9.* Et ultra ibi posita incurrit irregularitatem, & ad presbyteratum nunquam potest ascendere. *Suar. tom. 4. disp. 42. sect. 4. n. 2.* & Maiolus *de irregular. lib. 4. c. 13. à n. 4.*

9 Falsificans litteras Papæ traditur Curiae sæculari. *c. ad falsari. rum, de crimine falsi.* Hodie tamen non seruatur in praxi, sed mitius punitur. Iul. Clar. *practicar. quest. 16. §. videamus.* Et similiter mitiori pœna castigantur falsificantes litteras Regis. Et nota, quod aliud est *falsificare*; aliud *aperire litteras*. Illud est, integras litteras falso Papæ, vel Regis nomine facere, vel etiam veras litteras mutare in parte aliqua, ita vt mutet sententiam. At aperire litteras, vel impediri ne dentur minus peccatum est: & his imponitur pœna arbitraria iuxta qualitatem delicti. Vide suprâ *ver. Litteræ num. 5.*

10 Falsificantes superiorum litteras, si sint sæculares erga Episcopum, verbi gratia, (applica ad Regulares erga Prælatum) perpetuò deponuntur, & in Monasterio recluduntur vt ibi laicam tantum communionem accipiant. *c. si. Episcopus 50. dist. & sic de solùm aperiēti- bus litteras superiorum dices, mitiori modo: licet hi etiam de crimine falsi notentur.* In constitutionibus verò Patrum Prædicatorum falsificans litteras, vel sigillum Generalis, vel Prouincialis, punitur pœna carceris *d. 1. c. 18. §. 4.* Et Papa Clemens VIII. inter casus quos proposuit Religiosis vt de illis tantum possint in futuro reservare posuit istum falsificantium, vel detinentium litteras superiorum, &c.

11 Sacerdos reuelans sigillum confessionis perpetuò deponendus est, & in arctum Conuentum recludendus, Concil. Generale sub Inn. III. vt pœnitentiam ibi faciat usque ad mortem. Hic tamen non incurrit irregularitatem, vt bene probat *Suar. to. 4. disp. 32. sect. 8.* Pœna verò illa depositionis significat, vt careat omni munere,

munere, & dignitate, & perpetuò priuatur omni altaris ministerio. Vide Rodriguez *tomo 2. quest. 35. art. 1.*

12 Audiens confessiones etiam Regularium absque eo quòd sit Confessor, & carens licentia ad illas audien-
das, est dignus suspensione: & præterea confessio nulla
est. Rodriguez *tom. 2. quest. 37. art. 1.* Et pro isto pu-
niendo, attende ad pœnam positam dicenti Missam
carenti Ordine presbyteri; & suo modo applicabitur
pœna; licet non æqualis; at meretur vt nunquam sit
confessor.

13 Audiens confessiones absque eo quòd sit verè Sa-
cerdos manet suspensus, & irregularis. Nauarr. *in Ma-
nuali capit. 27. numer. 242.* & alij. Et præterea vt suspe-
ctus de fide, denunciandus est Inquisitoribus, iuxta Bul-
lam Clement. VIII. & Rodriguez *tom. 2. quest. 27. art. 2.*

14 Pœnas positas in iure contra prædicatores, malè
prædicantes, & leges aliquas Canonicas non seruantes,
vide *infra verb. Prædicatores.*

15 Clericus veneficus, & incantator, est degradandus,
non reali, sed verbali degradatione, id est, ab altaris mi-
nisterio remouendus, Bernar. Diaz. *c. 108.* & alij. Si verò
simul cum veneficiis exerceat alia multa crimina con-
tra Rempub. & suspecta de fide, tradendus est brachio
sæculari: vel prius sancto Officio, si habeat crimina su-
specta de fide. Qui verò hos consulunt, iuxta suam sim-
plicitatem, vel malitiam puniendi sunt, *c. si quis Episco-
pus 16. q. 5.*

16 Calumniator, id est, qui falsum crimen obiecit, &
non probauit, meretur pœnam talionis. *cap. qui non 2.
quest. 3. D. Thom. 2. 2. q. 68. art. 4* & est communis: & hoc
intellige vbi fuerit recepta pœna talionis. Aliàs dam-
nabitur iuxta qualitatem criminis obiecti, personæ læsæ,
& circumstantiarum. Verus autem calumniator est,
qui scienter falsum crimen imponit. Præsumptus verò
calumniator dicitur, qui sponte detulit, & crimen pro-
bare non potuit.

17 Pœna falsi testis, siue periurij est, vt perpetuò de-
ponatur, & in Monasterio recludatur. Quæ verò pœna
sit hæc, dictum est *suprà num. 11.* Et eadem pœna affi-
ciuntur

ciuntur illi qui inducunt aliquem ad iurandum falsum: & hi, & periuri manent infames, & à testimonio ferendo perpetuò sunt arcendi. Sed nota quòd solus ille dicitur testis falsus, qui sciens, & prudens dixit falsum in iudicio cum iuramento, in substantialibus. Secus si bona fide dixit, & statim se retractauit. Secus itè si dixit absque iuramento: vel si dixit in re leui accidentali, quæ non nocet delato. *Cou. cap. quamuis pactum. 1. parte §. 7. num. 1.*

18 Pœna danda propinantibus venenum effectu secuto, est pœna homicidæ quòd si effectus non sequatur, vide suprà, *num. 3.*

19 Eiectos ab Ordine potest Prælatus mittere in exilium, sic enim praxis obseruat, imò ad triremes, vt suprà *verb. Eiicere ab Ordine* ex Pio V. Quòd si mittatur ad exilium Religiosus, tenetur Iudex, vel Episcopus executionem sententiæ procurare, vt effectum sortia-
tur, iuxta *c. postulasti. de foro competenci. & l. relegatorum. de interdict. & relegat.* & Episcopus poterit præcipere legato sub excommunicatione ne à tali regno, vel ciuitate egrediatur.

20 Qui suscepit Ordines per saltum, est ipso iure suspensus. *Suarez tom. de censur. disputat. 31. sectio. 1. numero 45.* cum multis ibi citatis. Et qui ministrat in Ordine quem non habet, incurrit irregularitatem. *Suarez citat. tom. disputat. 42. section. 4. numer. 2* Quod intelligitur de Ordine superiori, quem non habet, ad hunc enim manet priuatus, & inhabilis, in illo verò Ordine quem iam habebat, manet solum suspensus ad arbitrium Episcopi. *Suarez loco proximè citato.*


21 Qui verò furtiuè Ordines suscepit, idest, sine licentia, & examine Episcopi, eiusque approbatione (etiam si sit Regularis) iste si Episcopus ibi promulgauit excommunicationem contra furtiuè se ingerentes, non potest in Ordine sic suscepto ministrare, vel ad superiorem ascendere absque dispensatione Papæ. Si verò talis excommunicatio lata non fuit, Episcopus, vel Abbas Monasterij possunt dispensare. *Bern. Diaz in pract. cap. 25.*

Videantur aliæ pœnæ pro criminibus imponendæ tum apud constitutiones particulares Religionum. Et
quando

quando hæ defuerint videatur Bernard. Diaz *in sua præctica canonica*. vbi comprehendit omnia ferè delicta fieri solita per personas Ecclesiasticas: & tractat de pœnis eisdem imponendis.

AD DITIO.

Vide suprâ verb. *Inhabilitas*, verb. *Ignorantia*, verbo *Lex*, &c. quæ diximus suprâ verb. *Pœna*.

I  Vando lex aliquam imponit pœnam facienti, quomodo faciens oppositum pro foro interno possit excusari à pœna excommunicationis, & similibus dictum est suprâ verbo *Ignorantia*. Si verò in foro externo quis alleget ignorantiam pro pœna vitanda poterit aliquando illam probare per iuramentum sibi exhibitam, dummodo non sint contra illum tam vehementes coniecturæ, & indicia vt locus non sit iuramento. Prima pars traditur à Nauarr. *libro 1. Consil. titul. de Constitut. consil. 1.* & habetur capit. *præsumitur. de Regula. Iuru in 6.* vbi dicitur, ignorantia præsumitur, dum scientia non probatur. Vbi Glossa ait probari ignorantiam per iuramentum, vel probando aliquid quod necessariò consequitur ignorantiam. Et hoc frequentius eueniet in homine idiota, & circa legem particularem, quæ non est omnibus nota, vel facilis. Secunda pars quod scilicet id locum non habeat quando in oppositum sunt violentæ præsumptiones illum non ignorasse, docetur à Castr. *lib. 2. de lege pœn §. sicut dictum est c. 14.* Tunc enim iuramentum illi non est exhibendum, neque illi credendum, nisi quando coniecturæ sunt illum ignorasse. Potest etiam probari ignorantia allegando absentiam.

POENI

PŒNITENTIA IMPOSITA
à Confessore.

Vide infra verb. *Præceptum.*

Quotidianæ sunt difficultates circa hanc materiam tum ut Religiosi dirigant se ipsos, tum ut pœnitentes in confessione possint consolari. Igitur præcipua hac de re sunt ista.

1. Qui fecit opus iniunctum à Confessore etiamsi illud fecerit absque voluntate implendæ pœnitentiæ, satisfacit, neque tenetur aliud facere. Simile quid suprâ diximus, *ver. Hora Canonica* de solvente officium Divinum absque intentione pro tunc satisfaciendi, quem diximus non teneri ad aliud recitandum cum Doctoribus ibi citatis. Idemque dicendum de pœnitentiæ impositæ satisfactione. Et de illa expressè tenet Sanchez 1. *Decalog. capit. 13. numero 10. addens num. 17.* idem dicendum esse, si pœnitens positivè dicat in principio se nolle per illud opus illam implere. Neque opus esse, ut dicat postea se velle implere per opus præteritum, sed sufficere ut sciat iam implevisse. Idem ibi tenet n. 18. de illo qui tenebatur ad opus faciendum ex voto, vel iuramento: de quo idem asserit, atque de faciente opera iniunctæ pœnitentiæ modo proximè dicto.
2. Impletur etiam pœnitentia per actum, etiamsi ob aliquam circumstantiam sit peccatum: ut si fiat cum vana gloria concomitante, vel quid simile Ita Suarez t. de *Pœnit. disp. 38. sect. 8. n. 1. sine.* Et probatur, quia leges præcipiunt substantiam actus, non modum, nisi modus sit de intrinseca substantia actus: ergo si fiat substantia actus iniuncti à Confessore, satisfieri præcepto, etiamsi careat gratia. Et patet exemplo, quia, qui audit Missam cum actu peccaminoso, ut si vadit ad illam audiendam, ut videat foeminam satisfacit præcepto, ut patet: & sic à simili de pœnitentiæ impletæ præcepto.

Y Y

3 *Quæris.* Iniungit Confessor pœnitenti vt faciat vnam vel duas eleemosynas pauperi : occurrit pauper grauiter, vel extremè indigens, cui ego de præcepto naturali teneor subuenire : an possim huic præcepto naturali eleemosynæ faciendæ , & simul præcepto Confessoris de illa facienda satisfacere cum illa tantum eleemosyna? Pars affirm. est probabilis, quam tenet Victor in *Su. ubi de satisf. n. 2* & 5. Sâ in *Aphor. ver. Satisfactio n. 9.* Henriq. *lib. 5. de Pœn. c. 11 n. 3.* Gloss. *lit. q.* probatur, quia cum finis eleemosynæ sit iuuare pauperem, & iste oblati sit nimis pauper, prudenter credi potest, mentem Confessoris fuisse vt huic daretur. Præterea quia est opinio valde probabilis satisfieri præcepto eleemosynæ mutuando pecunias: & proinde satisfiet pœnitentiæ illas dando. In aliis operibus dicunt Doctores, quod si ego debeo hoc opus ex alio titulo , v. g. audire Missam ex obligatione festi, vel ex obligatione voti, vel iuramenti, non satisfacio Missæ auditioni mihi iniunctæ in pœnitentiam, audiendo illam ex obligatione festi, vel voti, vt tradit Victor. *loc. citat. Azor. tom. 1. lib. 11. cap. 14. quæst. 1. in fine.* Henriquez *lib. citato capit. 19. num. 5.* & alij Et idem dicendum si imponat Confessor ieiunium; non enim satisfiet ieiunando in die præcepto ab Ecclesia ieiunari.

4 Si Confessor iniungat septem Psalm. vel officium defunctorum, vel simile quid in pœnitentiam recitandum , satisfiet pœnitentiæ dicendo illos Psalmos, vel officium cum socio alternatiuè recitando, & versum socij audiendo. Nam tale præceptum Confessoris intelligendum iuxta modum præcepti Ecclesiastici : At præcepto Ecclesiastico de Diuino officio satisfiet recitando cum socio : ergo satisfiet præcepto Confessoris. Et eodem modo satisfiet si debeam illos septem Psalm. vel Officium voto. Nau *cap. quando, cap. 10 num. 17. & 18.* Azor *tom. 1. lib. 1. cap. 7. q. 10.* Quod non erit dicendum si imponatur in pœnitentiam Rosarium B. Mariæ. Non enim satisfiet dicendo cum socio Aue Maria alternatim , quia talis consuetudo in Ecclesia nunquam fuit audita.

5 Si imponatur à Confessore Rosarium, vel Corona B. Virginis, satisficit illi præcepto, si per partes, & interruptè dicatur: verbi grat. dicendo nunc decem Ave Maria cum Pater nost. Et post horam, vel duas horas alias decem, & sic de cæteris quousque finiatur. Nau. *cit. cap. 10. à num. 37.* Ludouicus de Beia latè 2. *part. Resp. Moral. casu 51.* & alij. Quia etiam Diuinum Officium cum sit pensum vnus diei, dicitur per partes interruptas, primam, scilicet tertiam, &c. Et quod dictum est de Rosario intellige si id fiat vno die: nam in diuersis diebus non licebit illa interruptio decadum pro vno Rosario, vel pro parte tertia illius. Si verò quis voueret Rosarium integrum constans tribus partibus, posset illud dicere in tribus diebus, dicendo singulis diebus vnā partem: nam hæ tres partes in communi æstimatione diuiduntur, vt tenet Sanchez *lib. 4. Decalog. cap. 11. n. 4.* quod idem videtur dicturus de toto Rosario iniuncto à Confessore, quando non constet mentem illius fuisse vt totum simul diceretur. Videtur enim vtroque eadem ratio.

6 Potest pœnitens autoritate propria commutare pœnitentiam sibi impositam in aliud opus cognitum euidenter melius. Probatur à simili: nam omnes dicunt posse quemlibet suum votum, commutare autoritate propria in opus euidenter melius, vt qui vouit dicere tertiam partem Rosarij, poterit commutare in vnum diem ieiunij. Est autem eadem ratio in præcepto orto ex voto, & ex mandato Confessoris.

7 Si pœnitens confiteatur vni Confessori qui imposuit molestam pœnitentiam, quam commodè implere non potest, & postea confitetur eadem peccata alteri, potest secundus Confessor priorem pœnitentiam minuere, vel moderari prout secundum prudentiæ regulas iudicauerit. Sic Suarez *tom. 4. in 3. p. disput. 38. sectio. 10. n. 4.* cum aliis ibi citatis. Nam potest pœnitens iterare confessionem quoties voluerit, & iudicari modò secundum iudicium vnus Confessoris, modò secundum iudicium alterius: in hoc enim nulli facit iniuriam.

8 Etiamſi ſecundus Confefſor non audiat confefſionem præteritorum peccatorum, & pœnitens ad ſe veniens manifefter ſibi pœnitentiam impoſitam à priori Confefſore, quam non poteſt implere ſine magna difficultate, poteſt ſecundus Confefſor illam commutare, vel moderari, etiam non auditis peccatis præteritis, dummodo habeat auctoritatem abſoluendi ab illis Nauarr. in ſum. Latina cap. 16. num. 22. Sylueſt. verb. Confeſſ. 1. §. 27. Neque obſtat quod obiicit Sot. in 4. diſtinct. 20. q. 2. art. 3. quòd ſcilicet par in parem poteſtatem non habet: hoc enim verum eſt in foro externo litigioſo: ſecus de foro Sacramentali inſtituto in ſalutem, & in fauorem animarum.

9 Qui lucratus aliquam Indulgentiam plenariam, non tenetur implere pœnitentiam paulò ante à Confefſore impoſitam: iam enim per Indulgentiam ſatisfecit: hic enim eſt effectus Indulgentiæ, remittere pœnas debitas peccatis. Eſt communis Doctorum cum Gloſſ. in cap. dum autem, de Pœnit. & remiſſ.

P R Æ C E P T U M.

Vide verbo Lex, & verb. Obedientia.

1. **N**on poteſt Prælatuſ præcepto obedientiæ mandare ſubdito vt patiatuſ ſibi membrum abſcindi curationis gratia. Non tenetur enim obedire cum tanto diſpendio: Sà in Aph. ver. Præceptum n. 2.
2. Si occurrant duo præcepta ſeruanda, itaut vtrique ſatisfieri non poſſit, ſeruandum eſt præceptum maiuſ, eſt communis Doctorum. Sit exemplum: aſſiſtit aliquiſ curationi alicuiuſ ægroti grauiter ægrotantiſ in die feſto, in quo tenetur Miſſam audire, & non eſt aliuſ qui aſſiſtere poſſit: occurrunt præceptum naturale charitatis proximi, & præceptum poſitiuum Eccleſiæ de Miſſa audienda: tunc ſeruandum eſt præceptum

ceptum maius charitatis, quia est præceptum naturale natura fortius : & omittendum præceptum positivum quod est minus.

3 Vt verò semel hoc dicatur pro rebus quotidie occurrentibus : Sciendum breviter multiplex esse præceptum. Primò datur præceptum naturale Diuinum. Huiusmodi sunt decem præcepta Decalogi, & illa quæ ex illis decem colliguntur evidenti consequentia, in materia morali. Dicuntur enim hæc omnia præcepta naturalia, quia lumen ipsum naturale dictat illa esse sequenda, & ferè publicatione non egent, sed à solo rationis naturalis dictamine publicantur, & imponuntur unicuique. Dicuntur etiam hæc eadem præcepta naturalia, diuina, quia cùm Deus sit author naturæ humanæ, & luminis naturalis, est etiam ex consequenti author illorum, & quasi legislator naturalis illorum : & hac de causa non furari, verb. grat. est præceptum naturale Diuinum. Secundùm præceptum est Diuinum positivum. Hæc sunt illa quæ Christus Dominus ore proprio posuit in Euangelio maxime circa Sacramentorum administrationem, vel receptionem, & pauca alia. Et hæc dicuntur Diuina, quia posita à Deo dicuntur etiam positiva, ad distinctionem naturalium, quia naturalia dictantur à lumine naturali : illa verò Christi Domini non dictantur à lumine naturali ; sed obligant solum, quia sunt posita à Christo Domino. Neque enim lumen naturale dictat recipiendum esse Baptismum, vel Confirmationem. Tertiò datur præceptum positivum humanum, positum scilicet ab homine puro, qualis est Papa, Concilium, Prælati, Reges, & cæteri Superiores. Dicitur verò positivum humanum, quia neque à naturali lumine dictantur hæc præcepta, neque à Christo Domino Deo sunt posita : sed ab homine puro, qualia sunt præcepta posita à supradictis. Vnde cùm sit duplex potestas Ecclesiastica, & sæcularis, hoc præceptum positivum humanum est duplex, aliud positivum humanum Ecclesiasticum, id est, positum à Consiliis, vel Prælatibus Ecclesiasticis. Aliud positivum humanum sæculare, id est, posi-

tum à Rege, & inferioribus potestatibus sæcularibus.

4 Hoc posito iam clarum est quòd præceptum maius seruandum sit occurrentibus duobus impossibilibus. Primum locum in maiestate, & obligatione obtinet regulariter loquendo præceptum naturale Diuinum: cum quo si concurrat humanum positium præualet Diuinum naturale. Vt si occurrat præceptum seruandæ vitæ vel famæ, cum præcepto positio tantum Diuino, præualet illud. Si verò hæc duo concurrant cum præcepto humano positio, præualent illa duo. Denique si occurrat Ecclesiasticum cum sæculari præualet Ecclesiasticum in negotio animæ.

5 Instas. Occurrit præceptum confitendæ fidei traditæ in Euangelio à Christo Domino de Sacramentis: & è contra instat periculum vitæ si fuero confessus. Hic concurrunt præceptum naturale Diuinum conseruandæ vitæ, & præceptum positium Diuinum de confessione fidei. Et tamen præualet positium Diuinum de confessione fidei, nam sub peccato mortali teneor confiteri fidem etiam cum amissione vitæ. Respondetur in hoc casu circa confessionem fidei non concurrere solum præceptum Diuinum positum à Christo Domino circa fidem Sacramentorum: sed concurrere etiam præceptum colendi Deum per confessionem fidei. At præceptum colendi Deum est præceptum primæ tabulæ, ac proinde naturale Diuinum. Et inter præcepta decem Decalogi, tria priora pertinentia ad cultum Diuinum sunt maiora, & magis obligant quàm septem sequentia eiusdem Decalogi spectantia ad proximum, siue secundam tabulam. Et proinde magis ibi præualet cultus Dei per confessionem fidei, quàm vitæ propriæ conseruatio. Dixi suprà *regulariter illa tria præcepta prædictum habere ordinem*, quia poterit casus euenire, in quo præceptum maius ob paruitatem, ac dubietatem materiæ omittendum sit propter præceptum minus ob multam grauitatem materiæ, vel ob clariorem obligationem, quod prudentis arbitrium debet ponderare, vt tradit Sanchez 1. *Decalog. cap. 10. num. 17.* Et idem dicendum quando præceptum

ceptum minus secum trahit circumstantias præcepti naturalis, & boni notabilis, Reginald. 2. *remo libr. 16. n. 33. & 34.*

6 Præcepta dubitatio in hac materia esse potest quando quis debet facere vnum opus ex duabus, vel tribus obligationibus, verb. grat. tenetur dicere vnum Rosarium, vel vna die ieiunare, tum ex veto, tum ex iniuncta pœnitentia à Confessore, vel audire Missam ex voto, vel ex iussu Confessoris, vel ex præcepto Ecclesiæ. Feci illud opus, vel credens me vno illo posse satisfacere omnibus obligationibus prædictis: vel feci absque intentione satisfaciendi vlli ex illis obligationibus: post opus factum, cuiam obligationi censendum est fuisse satisfactum? Et primò dicendum est per vnum tale opus non posse satisfieri illis duabus, vel tribus obligationibus. Secundò dicendum est illum satisfecisse præcepto ibi maiori, ac magis obligant quòd primò est præceptum Ecclesiæ pro ieiunio, vel Missa audienda. Secundò est obligatio voti. Tertiò est obligatio pœnitentiæ iniunctæ.

7 Potest vno, & eodem tempore aliquis diuersis actibus satisfacere duobus præceptis compatilibus. Vt simul dicere Officium Diuinum, & audire Missam, vel hanc audire, & dicere, vel implere iniunctam pœnitentiam; est communis Doctorum, maximè Soti in 4. *distinct. 19. quest. 2. articul. 1.* & aliorum. Ratio redditur à Sanchez *cit. cap. 14. num. 11.* quia neutra obligatio requirit attentionem ad verba, sed vtrique satisfit attendendo ad Deum, & res diuinas, & ita vna, & eadem attentione satisfit vtrique obligationi. Est inquam hæc communis opinio, & proinde facientem non condemno. Placet tamen consilium Nanarri in *Sum. cap. 21. num. 8.* vbi consulit hoc non fieri. Imò ille *cap. quando de consecrat. dist. 1. cap. 19. num. 170.* & Caiet. in *Sum. ver. Festorum violatio*, dicunt esse peccatum veniale. Item quod ait Azor. 1. *tom. lib. 7. cap. 5. q. 3. & 4.* difficile esse vtrumque præceptum simul implere si attentio habenda sit ad verba prolata vtriusque. Ex his colligit Sanchez proximè citatus *num. ult.*

illum cui Confessor iniunxit vt audiret duas Missas, posse vnica præsentia ambabus simul satisfacere, si ambæ celebrentur coram se in distantia debita. In quo casu minus dubium inuenio: nam præceptum Missæ non obligat ad verba audienda, vt suprâ diximus *verb. Missa*: sed solum requirit præsentiam corporalem cum attentione morali erga Deum, & sacrificium. Immo potius Maior in 4. distin 12. q. 8. dub. 1. in solutione ad primum ait posse prædicto modo simul satisfieri tribus Missis.

8 Reginal. *tomo 2. lib. 16. numero 2.* dicit: Si præceptum poneretur à Prælato vt omnes singulis mensibus vna vice ieiunent, vel dicant Officium defunctorum, non satisfacere præcepto illum, qui ieiunauit quidem vna vice, vel dixit officium, non recordatus illius præcepti: sed teneri postea ieiunare. Nullum pro se Doctorem citat: solum dicit requiri consensum operantis ad legem implendam, & consensum supponere scientiam. At verius puto, quod tetigi in hoc verbo, & dixi clarius suprâ *verb. Indulgentia*, & *verb. Hora Canonica*, satisfieri obligationi legis faciêdo opus materiale præceptum à lege, etiam si ignoret legem is qui operatur. Vide ibi citatis istis verbis, vbi plures Doctores citauimus.

PRÆDICATORES.

Vide infrâ *ver. Stigmata Pat. nostri Francisci, de prædicantibus contra illa.*

1 **R**egularis in suis Ecclesiis non potest prædicare absque licentia sui Prælati, & benedictione Episcopi. In aliis verò Ecclesiis extra suos Conuentus, non potest prædicare absque licentia Episcopi. Tridentin. *sess. 14. cap. 4.* Qui verò absque tali licentia Episcopi prædicauerit poterit excommunicatione feriri. *cap. excommunicamus 1. de hæreticis. §. quia verò.* Illa verò excommunicatio, ibi non est lata, sed ferenda.

Sed

Sed nota, quòd propter hoc solùm quòd Regularis prædicauerit absque licentia Episcopi, non debet puniri ab Episcopo, sed ab Prælato; ita declaravit Congreg. Cardinal. sub Clemente VIII. vide infra, *hoc verbo num. 8.*

2. Posse Parochum bis, vel ter dare licentiam Regulari, valdè docto, & graui, & noto, aliàs ibi non approbato, vt prædicet in sua Ecclesia, tenet Rodr. citans alios *tom. 3. q. 32. artic. 1.* Quod maximè verum erit si prædicator sit in itinere: tunc enim per priuilegium Societatis Iesu id poterit facere prædicator, Parocho non contradicente: sed hoc quod dicit Rodrig. non est ex priuilegio, sed ex epichea: sed nota, quod apponit, si sit valdè doctus, & cognitus: aliàs non poterit, illud verò de priuilegio Societatis, est quod Religiosi illius possint dum sunt in itinere prædicare vbique in via, etiamsi ibi non sit approbatur (intellige quod sit à parte rei alibi approbatus ad prædicandum) si tamen ibi sit Episcopus, non potest absque eius licentia; & Parochus non contradicat: neque huius rei gratia diuertat ab itinere. *Compend. Societ. verb. Confessarius, §. 2.*

3. Clemens V. *Clementina 1. de priuileg.* sub obedientia, & maledictione æterna prohibuit Regularibus, primò ne in sermonibus ad populum detrahant Ecclesiæ Prælatis. Secundò, ne retrahant laicos à frequentia, vel accessu suarum Ecclesiarum. Tertiò, ne Indulgentias pronuncient ad populum indiscretas.

Circa hanc verò prohibitionem, & quod tangitur primo loco, de detrahendo Ecclesiæ Prælatis, nota quòd postea Leo X. in Concil. Later. posuit excommunicationem ipso facto contra prædicatores detrahentes in publico Episcopus, & Prælatis reseruatam Papæ. Air tamen Nauarr. *in Sum. cap. 27. num. 145.* hanc censuram non fuisse receptam. At in Clementina Papa iubet in textu quod prædicantes contra aliquid ex supradictis per duos menses subiaceant, pœnis grauioribus quæ per regulam & statutum solent imponi in sua Religione; quæ pœna grauis est, & grauissima.

Sed quæris primò , an per Prælatos Ecclesiæ intelligantur etiam Prælati Regulares; si illis detrahatur in sermone? Credo quòd sic: quia lex ibi generaliter loquitur, & non limitat, & proinde neque nos limitare debemus. Et Prælati Regulares sunt verè Prælati ordinarij. Et Azor. 2. tom. lib. 3. cap. 25. ait nomine *Prælati* in iure intelligi etiam Abbates, & cæteros ordinarios. Et illos qui præsunt Ecclesiæ collegiatæ, quales sunt omnes Prælati Regulares conuentuales siue locales. Vnde qui non fuerint verè Prælati ordinarij, si contra illos prædicatum fuerit, non potuerunt prædicatores de hoc accusare, quidquid sit de horum peccato.

Quæris secundò, quomodo intelligenda sit hæc detractio de Prælati? Respondet gloss. cit. *Clement. verbo (detrahant.)* quod non requiritur vt expressè nominetur Prælati; sed sufficit quòd talibus verbis, & circumloquio exprimat, vt circumstantes moraliter intelligant pro tali Prælati id fuisse dictum, & sic ratio moralis dictat.

Quæris tertio quæ sint Indulgentiæ indiscretæ? R. primò esse illas quæ nunquam fuerunt concessæ. Secundò, sunt illæ quæ sunt reuocatæ. Tertiò, sunt illæ quæ sunt dubiæ, & non possunt probari literis authenticis, vel traditione indubitabili.

4 Idem Clemens V. sub excommunicatione latæ sententiæ prohibet Prædicatoribus ne in concione, vel extra illam retrahant populum à solutione decimarum. Et eadem censura ligat omnes alios Regulares qui in confessionibus audiendis, vel quomodocumque oppositum fecerint Nau. in Sum. Latina. cap. 27. n. 145. & alij.

5 Prædicatores asserentes in sermone, illos peccare mortaliter qui asseruerint Deiparam matrem caruisse peccato originali, vel peccare recitantes particulare officium Conceptionis, vel audientes sermonem Conceptionis Deiparæ: hi, inquam, omnes incurrunt excommunicationem, per *extrauagantem graue nimis*, de Reliq. & venerat. Sanct. incurrunt etiam pœnas suspensionis, & inhabilitatis positas Pio V. in Bulla particulari hac de re promulgata, neque item licitum est.

Præ

Prædicatori dicere ab opposito, peccare mortaliter illos qui dictam Deiparam non credunt caruisse originali. In eadem extrauaganti. Neque item per Bullam Pij V. licitum est Theologis in conspectu populi habere de hoc disputationes in sermone vulgari: bene verò in lingua Latina.

6 Non prohibetur tamen ab Ecclesia quin pars affirmatiua pro immaculata B. Mariæ Conceptione possit simpliciter prædicari, confirmari ac persuaderi. Sed solum prohibetur disputatio, controuersia, & contentio, qua vel pars altera damnetur vt hæretica, & peccaminosa: vel ad populum fiat vulgari sermone. Suar. tom. 2. de Incarn. disp. 2 7. sect. 6. ad finem. Non tamen possunt in sermone refutare opinionem oppositam D. Thom. cum rationibus: per eandem Bullam Pij V. possunt tamen probare dictis Sanctorum illam caruisse originali. Et hæc per dictam Extrauag. & Bullam Pij V.

At nouissimè cum hæc scriberem, sanctissimus DD. Paul. V. hoc anno 1617. Motu proprio sub grauibus pœnis prohibuit (videlicet excommunicatione, à Sixto IV. posita in ead. Extrauag.) prohibuit, inquam, vt nullus in concione ad populum, vel actibus publicis, intellige, lectionibus, conclusionibus, disputationibus teneat, vel defendat opinionem D. Th. dicendo B. V. conceptam cum originali, idque propter scandalum fidelium. Ait tamen Pontifex, quod per hoc non intendit diffinire partem negantem: imò prohibet ne in actibus publicis Prædicatores, vel lectores dicant opinionem D. Thom. esse peccaminosam, vel hæreticam, sicut Sixtus IV. & Pius V. decretauerant. Imò iubet D. Paulus V. quod in publico opinionem T. Thomæ non impugnent; nec de illa aliquo modo agant, seu tractent. Et concedit Episcopis, & Inquisitoribus vt procedant contra oppositum facientes. Itaque præcipuum intentum est solum prohibere ne in actibus publicis opinio D. Thom. defendatur, vel proponatur propter scandalum fidelium.

7 Prædicator Regularis ab Episcopo iam approbatus, non potest prædicare etiam in suis domibus si Episcopo

scopus id specialiter prohibuerit. Et hoc intellige etiam si ipse Episcopus non prædicet: licet enim Pius V. in quadam Bulla declarauerit illam prohibitionem Episcopi solum tenere quando ipse Episcopus prædicauerit: tamen Gregor. X I I I illud reuocauit postea in Bulla quæ incipit, *In tanta rerum*, & reduxit ad terminos iuris communis. Et ita responderunt quinque Doctores consulti hac de re Conimbricæ anno 610.

8 Circa proximè dictum accedit declaratio Cardinalium, quæ loquens de Prædicatoribus sic ait. Hos, & quoscunque alios ab intercessore suo approbatos, à prædicatione poterit suspendere (id est, Episcopus.) Attendat tamen Episcopi propter quas causas id imperent. Volumus namque quod si illicitè iusserint, ad ius lis deferatur, & interim cessent. Sic *ibi*.

9 Prædicator Regularis finita prædicatione potest concedere populo 140. dies Indulgentiæ, ex Compen. D. Hieron. in Hisp. *ver. Prædicator*. §. 1. & 2. Neque puto hanc Indulgentiam esse reuocatam à Paulo V. quia non est concessa Fratribus, sed sæcularibus.

10 Non possunt Prædicatores cuiuscunque Ordinis sint, prædicare in Ecclesiis Monialium subditarum Minoribus de Obseruantia, nisi de licentia superiorum earundem Monialium, prohibuit Clem. V I I I. Bulla propria in Bullar. Rodrig. fol. 1226. & ultra peccatum mortale comminatur pœnas alias inferendas. Noto quòd hoc tantum præcipitur pro Regno Portugalliæ. Et noto secundò, quòd confessores Monialium, neque Guardiani illius territorij possunt dare talem licentiam: Papa enim dicit dandam esse licentiam à superioribus Monialium, & illi duo non sunt Superiores illarum in Ordine Minorum. Imò neque Abbatissa potest dare illam licentiam, quia Papa dicit dandam à Superioribus: & per Superiores non intelliguntur Abbatissæ.

11 Bonifacius V I I I. & Clemens V. concesserunt Dominicanis, & Minoritis, vt possint prædicare in plateis communibus: excepta illa hora qua Prælati prædicauerint, vel fecerint coram se prædicare; intellige quod sint ab Episcopo approbati. Compend, *ver. Prædicatores*.

§. 9. At in Ecclesiis parochialibus contradicente Parocho non possunt prædicare, nisi Episcopus oppositum iubeat. *Ibid. in Compend* Illud verò quod dicitur de prædicatione in plateis publicis, intellige abique licentia dioecesani perita, vel aliorum Prælatorum, ut dicitur in eodem *Compend. eodem verb. §. 11.* secus si specialiter Episcopus cōtradicat quo ad plateas, tunc enim cessandū.

12 Potest Episcopus priuare officio Prædicationis Regularem, qui etiam in suo Conuentu ad populum prædicat errores, aut scandala disseminat: quod si hæreses prædicauerit ad Tribunal Sancti Officij deferendus est. *Tridentin. sess. 25. cap. 2. §. si verò quod adsit.* Ibi tamen & Concilium ait, ut cūrent Episcopi, ne prædicator ex falsis informationibus, vel ex calumnia vexetur, iustamve causam habeat conquerendi de ipso Episcopo.

13 Concilium Tridentin. *sess. 24. de reform. cap. 4.* iubet ut prædicetur ad populum saltem omnibus Dominicis diebus, & festis solemnibus. Hoc dato Vicarius generalis, vel pedaneus alicuius oppidi non vult ut tali die prædicetur in tali Ecclesia ex diebus illis assignatis: Magistratus verò sæcularis, siue corrector loci, iubet prædicari: quæritur quis præualeat? Respon. quòd potest dictus Magistratus sæcularis mandare ut prædicetur, non obstante prohibitione Vicarij: quia tunc Magistratus exequitur decretum Concil. Tridentin. quæ executio commendata est etiam Magistratui sæculari à Pio V. in Bulla particulari. Sic Rodriguez *tom. 2. quæst. 63. art. 19.* in facti contingentia fuisse iudicatum Osnæ: & pro hoc citat Doctores: quia quando inferior non vult exequi mandatum Superioris, id potest facere is ad quem spectat, habens etiam mandatum à Superiore: res tamen attendenda est cum suis circumstantiis occurrentibus.

14 Leo X. in Concil. Lateran. prohibuit sub excommunicatione reseruata ne vllus prædicator prædicet miracula falsa, aut incerta: vel prophetias quæ ex sacra scriptura non constant. *Compendium verbo Prædicator. §. 2.* circa hanc tamen censuram Leonis vide supr. n. 3. §. circa hanc.

15 In Compend. *ver. Indulg. quo ad seculares* s. ponuntur multæ Indulgentiæ, concessæ à variis Pontificibus iis secularibus qui interfunt prædicationibus Fratrum Minorum, & Prædicatorum, quas Indulgentias ibidem collector epilogans ait facere magnum numerum, quas ibi vide, & has puto non esse reuocatas à D. Paulo V. quia non sunt concessæ Fratribus directè. Et concessæ utrique Ordini sunt per varios Pontifices anni octodecim, & dies 122. Et nota, quòd debent prædicatores illas concedere in communi; si enim non concedant innuit Collector *ibi*, quòd non lucrantur fideles. Et ille numerus proximè dictus, potest concedi ubicumque prædicauerint: in suis domibus possunt cōcedere centū dies ultra, & sic erunt pro suis domibus anni 18. & dies 322. Et plures ibi dies assignantur quando prædicant in suis domibus in quadragesima feriis 2. 4. & 6. tunc enim possunt concedere ultra prædicta 138. annos. Collector. *ibid.*

16 Greg. X I I I. in Bulla 28. concedit Patribus Societatis Iesu aliàs idoneis, etiam sola prima tonsura initiatis, ut possint ubique prædicare verbum Dei de licentia suorum Prælatorum. Intellige etiam de licentia Episcopi. Debent tamen Episcopi eos non prohibere, si aliàs sunt idonei non obstante sola prima tonsura. Refert Ioan. à Cruce in *sua Epitom. lib. 1. c. 6. dub. 2. concl. 1.* Adde quòd prædicare non est actus Ordinis sacri, neque Officium diuinum prohibitum interdicto, aut suspensione à diuinis. Sà in *Aphor. ver. Prædicare. num 1.*

PRÆLATUS.

Vide *suprà ver. Abbas. verbo Dispensare. verbo Generalis. verbo Guardianus. & verbo Prædicatores. num. 3. & verbo Licentia.*

IN Ordine Minorum nomine Prælatorum quibus committitur aliqua absolutio, dispensatio, & similia, in Bullis, vel statutis Ordinum, intelliguntur sequentes,

sequentes, Generalis, Commissarius generalis, Prouincialis, Custos, Guardianus. Ita Corduba *ad Compend. verb. Guardianus*. §. 1. Sed nota, quòd Custos de quo ibi, est Custos qui sub se habet Conuentus, & Guardianos subditos, & vt hodie vigent in Italia, & in aliquibus Prouinciis: hi enim sunt veri Praelati, & vocant subditos ad Capitulum custodiale. At Custos electus in Ordine Minorum mittendus ad Capitulum generale, non est Praelatus: Licet enim Rodrig. *tom. 1. q. 70. art. 2.* dixerit illum esse aliquo modo Praelatum; dictum tamen retractat *Addit. ad sum tom. 4. cap. 103. concl. 1.* Hinc colliges Vicarios Conuentuum, non esse veros Praelatos, neque praesides, neque hos duos habere iurisdictionem, vel gaudere concessis illis Praelatis, per priuilegia, & statuta, nisi quando priuilegia & statuta id exprimunt pro Vicariis etiam, & praesidentibus, vt solent exprimere aliquando in aliquibus; vt videre est *suprà ver. Hora Canonica, ieiunium*, & *infra verb. aliis*. Aliæ verò Religionis suas constitutiones attendant.

2. Hi omnes possunt delegare, id est, committere alicui vt faciat omne illud quod ipsi possunt ex officio ordinatio: probatur, quia hi omnes habent potestatem ordinariam. Vnde Guardianus potest committere cuius Fratri, vt admittat ad professionem aliquem Nouitium: & professio facta in manu illius Fratris erit valida. Quòd verò habens potestatem ordinariam possit illam delegare, vide Sà *in Aphor. verb. Delegare n. 1.* vbi ait quod etiam Vicarius Guardiani in huius absentia potest delegare. Vide etiam Rodrig *tom. 1. quæst 22. art. 11.* vbi ait potestatem datam per priuilegium esse potestatem ordinariam. Dixi *ex officio ordinario*; quia si hi praelati habent aliquid sibi concessum à Papa vel à statuto quod ipsi soli per se faciant, tunc hoc peculiare non poterunt delegare. Exemplum habes *suprà verbo Abbas num. 6.* de concessione illa Pij V. vt hi Praelati in foro animæ possint circa subditos, omnia quæ possunt Episcopi in eodem foro cum suis: cum enim ibi dicat Papa, id debere facere per se ipsos, hanc potestatem absoluedi non possunt aliis committere. Et sic de simili-
bus

bus in quibus hi Prælati fuerint iam restricti, vel delegati aliorum.

3 Ob proximè dictum possent Prouinciales Minorum committere Guardianis vt reciperent Nouitios ad Ordinem, maximè cùm id concedatur illis in iure *e. exiit. de verborum significatione.* At hæc potestas delegandi pro Nouitiis recipiendis est illis restricta per Capitulum generale Tolletanum, c. i. vbi Prouinciales prohibentur hanc potestatem delegare, potest enim Generalis hanc potestatem illis limitare iuxta dicta *cit. cap. exiit.* Et proinde illam non possunt committere alicui absque licentia Generalis. Alij videant suarum Religionum statuta.

4 Hi omnes habent dignitatem Ecclesiasticam, id est, sunt personæ in dignitate Ecclesiastica constitutæ, Sæ in Aphorism. verbo *Prælati*, & proinde quoties in litteris Apostolicis vel in iure, requiritur, vel committitur aliquid alicui personæ in dignitate Ecclesiastica constitutæ, id etiam de Guardiano, & cæteris debet intelligi.

ELECTIO PRÆLATORVM.

Ercæ Prælatorum electiones dictum est fusè suprà *ver. Electio*, vide ibi per totum. vide etiam *ver. Illegitimus.* & *ver. Dispensare.* & *ver. Officia Ordinis.* n. 7.

PRÆLATI IURISDICTIO

pro foro externo.

3 **E**nerales, & Prouinciales habent erga suos subditos potestatem quasi Episcopalem. D. Thom. 2. 2. quæst. 33. art. 7. ad 3. & *cap. Episcopus.* § si ergo. 1. quæstion. 3. Imò in parte habent maiorem Episcopali: quia Prælati Regulares habent potestatem, & suprà animas, &

& suprà corpora, & lites etiam corporales, & quasi civiles subditorum dirimunt, quas non dirimunt Episcopi cum tam ampla, & totali iurisdictione erga suos subditos. Cum quo stat quòd iurisdictione Episcopi simpliciter est maior in spiritualibus, ac dignior. Imò ait Sanchez *lib. 8. de Matrimon. disp. 3. num. 9. & disputat. 2. num. 13.* quòd etiam Prælati Conuentuum habent potestatem quasi Episcopalem erga suos subditos in foro interno. Quòd verificauit bene per dictum suprà *verb. Abbas. num. 6.*

6 Prælati Conuentuales in foro externo habent minorem potestatem quàm Prouinciales, quæ videatur in cuiusque Ordinis statutis. At in foro interno circa suos subditos, habent omne illud quod habent Prouinciales in tota Prouincia. Vide suprà *citato verb. Abbas. num. 6.*

7 Eandem potestatem quam habent Prouinciales erga Fratres, habent etiam erga Moniales si quas habent subditas, idque auctoritate Apostolica. In Ordine Minorum sunt Clarissæ 1 & 2. Regulæ Terriariæ aliquæ, & conceptionis Beatæ Mariæ in Hispania.

8 Quam potestatem habeant benedicendi ornamenta, & res Ecclesiasticas, vide suprà *verb. Benedicere.*

9 Prælati Regulares non habent potestatem dominationis per iurisdictionem erga Nouitios. Nouitij enim nondum sunt subditi, quia nondum Prælato subiugarunt voluntatem. Sanchez *lib. 9. de Matrimon. disp. 10. num. 44.* & tamen *ibi num. 45.* tenet quòd possunt Prælati irritare vota Nouitiorum, siue facta in sæculo, siue in nouitiatu. Pro quo citat Syluest. *Votum 4. quæst. 7. dicto 3.* Negat tamen hoc de irritatione voti erga Nouitios, Rodriguez suprà citatus *ver. Dispensare. num. 13.* cuius dictum puto probabilius, & de hoc fortè adhuc infra *ver. Votum.*

Non obstante verò, quod proximè dictum est, de Prælato non habente iurisdictionem erga Nouitios, notandum valde est quod ait Nauar. *lib. 1. Consil. tit. de Regular. consil. 59.* posse Prælatum procedere contra

Novitium de quo est præsumptio magna quòd Religiosum occiderit, & formare processum contra illum: & proinde innuit posse illum punire. Et videtur hoc probari posse, quia tunc Novitius fit subditus ratione delicti: quod autem extraneus ratione delicti sit subditus legibus illius Prælati in cuius territorio existit, tenet clarè Suarez *tom. de legibus. l. 3. c. 33.* & Sayrus *l. de censur. cap. 7. num. 9.* qui dicunt extraneos in alieno territorio teneri ad pœnam territorij, ratione delicti. Hoc ipsum cum Nauarro tenet Rodrig. circa Novitium puniendum à Prælato ob tale crimen, *tom. 2. quest. 2. art. 10.* ubi addit talem Novitium fore torquendum ob defectum probationum. Et *ibidem* probat ex Panorm. quòd Iudex sæcularis non potest talem Novitium punire manentem cum habitu, quia quamdiu sic manet gaudet priuilegio Clerici. Et in fine articuli resoluit iurisdictionem Prælati parificari in hoc quo ad professos, & quo ad Novitios.

10. Hæc potestas externa Prælatorum in puniendis criminibus, est omnino plena, & adeò extensa, vt possint pro culpis eicere ad triemes: & ad exilium supra *verbo Eicere*, possunt etiam illum tradere brachio sæculari, prius tamen degradatum realiter per Episcopum. Probatur ex Bulla 63. Hij V. quæ incipit, *Ea est officij nostri*. in qua Generali Minorum dat plenum ius in spiritualibus, & temporalibus circa Tertiarios sibi subditos. Et quoad degradationem verbalem tenet expressè Aldrete *lib. 1. de Disciplin. Relig. c. 3. à. n. 22.* & *sequentibus*. ubi ponit casum, in quo quatuor Fratres vnius Ordinis in Hispania traditi sunt brachio sæculari, eò quòd suum Prouincialem interfecerunt. Quòd prius scripsit practica criminalis Salzedo *c. 96. alias 97.* Sed tamen credo, quòd non possint Prælati Ordinis ob crimina quantumuis atrocia tradere Regularem Cuius sæculari, absque licentia Papæ: nam illorum priuilegia solum concedunt vt mittant in exilium, triemes, vel carcerem perpetuum, & in illo casu relato è Salzedo interuenit commissio Papæ facta Archiepiscopo Hispalensi qui fuit Iudex cum aliquibus Religiosis.

Hinc

Hinc colliges, quòd si ad punitionem criminum tanta est potestas Prælati Regularis erga subditum; ad curationem, & consolationem saltem æqualem habebunt: ad absoluentes, inquam, subditos, &c. de quo statim. Sunt verò aliqua quæ pertinent ad iurisdictionem Prælati non contentiosam vt ita dicam, sed circa diuersos actus externos; quæ sic accipe, pro præcipuis tantum, neque enim est mens, nec possibilitas omnes casus attingere: pendent enim multa à iure communi, Conciliis, priuilegiis, & similibus. Et præterea multa quæ non possunt, quæ etiam sparsim posita sunt in hoc tractatu multis locis.

11 Prælati sciens per confessionem tantum subditum suum in tali loco, vel officio particulari quo ad animam, non potest illum ad alium locum transferre: esset enim saltem indirectè frangere sigillum confessionis. *Rodriguez Addit. ad Sum. tom. 3. cap. 85. num. 3.* Et probatur ex Motu proprio Clement. VIII pro calibus reseruatis, vbi idipsum in substantia decernit. Secus si Prælati sciat extra confessionem, etiam seccretò, & id possit facere absque scandalo.

12 Non possunt Prælati Superiores vt Generalis dispensare in pœna posita à Prælato inferiori, videlicet Prouinciali, absque licentia, & consensu eiusdem inferioris, colligitur ex *Trid. sess. 14. de refor. capit. 1.* Excipe si inferior qui pœnam posuit iam mortuus est, vel vacauit: tunc enim potest, poterit etiam si casus deuotus est ad Superiorem per appellationem *Rodrig. Addit. ad Sum. tom. 3. capit. 122. concl. 2. & tom. 1. quest. 22. art. 8.*

13 Vide suprâ verbo *Officia Ordinis*, vbi dicitur non posse Prælatum priuare officio subditum ob culpam commissam absque dolo, sed animo simplici.

14 Non possunt Prælati eiicere à prouincia omnes extraneos in illa iam incorporatos, absque culpa. Redundat enim hoc in infamiam illorum: & proinde eiecti poterunt per modum querelæ ad Superiorem recurrere. Vega in *Sum. 2. parte verb. Religiosus casu 41.* Imò neque vnum incorporatum possunt eiicere, si

prius non audiatur. Nauar. lib. 2. *Consilior. tit. 1. de re iudicata, consilio 1.*

15 Possunt aliquando inferiores dispensa Superiorem in aliquibus casibus Primò, consuetudo. Secundò, quando res parua, & tolerabile Superiorem adire. Tertiò, in quædam contingentibus vt ieiunio, officio & similibus. Medina 1. 2. *questio. 57. art. 4.*

16 Prælati Regulares, tenentur ministrare subditis in extrema necessitate (id est, quando per alios id facere non possunt) & ad hoc etiam cum periculo propriæ vitæ, vt tempore vel alio simili. Est communis Doctorum.

17 Non possunt Prælati Regulares allegare excusationem in illis quæ spectant ad suum officium, quæ enim artifex, etiam mechanicus, tenetur obtemperare ad suum officium. Rodriguez tom. 2. *artic. 2.* Hoc intellige pro foro externo, & non pro foro interno. Nam in foro interno Deo poterit excusari ignorantia saltem si non sciat, nam homo est & nullus potest omnia scire materia iuridica, & legum, ait Nauarr. lib. 2. *titul. de sentent. excommunicat. cons. 41.* reprobat nimiam curiositatem in sciendis rebus rationibus forensibus.

18 Tenetur Prælati Regularis subditis de rebus temporalibus: ac proinde in hoc regardantur quàm Episcopi, qui ad hoc non tenentur. Rodriguez tom. 2. *quest. 73. art. 3. p. 1.*

19 Prælati Superiores, non possunt restringere libertatem inferiorum absque iusta causa: si restringant absque iusta causa, peccabunt, quia iniuriæ faciunt alienum, & faciunt iniuriam absque causa. Rodriguez tom. 1. *questione 17. artic. 7.* Et hoc recipiunt statuta generalia Minorum Tollerantia, in titulo de officiis, dicentia quòd superiores, non perturbent inferiores in officio sui officij: aliàs magnum sequentur, vt plerumque conueniens.

20 Prouinciales concedentes alicui subdito licentiam, vt possint dispensare cum impeditis ad petendum debitum ob incestum, vel vorum, non possunt datam licentiam reuocare absque causa iusta: faciunt enim iniuriam illi qui habebat. *Rodriguez cit questione 17. art. 11.* Si verò Prouincialis qui illam concessit moriatur, vel in officio expiret, subditus illam conseruat, neque opus est vt aliam petat à suo successore. *Rodriguez ibidem.*

21 Contra Prælatum difficilius admittendæ sunt accusationes, & querelæ, & si admittantur qualificata indigent probatione, nam, vt ait Concil Lateranens. Prælati sunt positi quasi signum ad sagittam: & quia omnibus placere non possunt multorum odia incurunt. Et idcò quo Prælatus grauior est, maiores contra ipsum requiruntur probationes. *cap. qualiter, & quando. de accusat. cap. 2.*

*PRÆLATI POTESTAS AD
absoluendos subditos.*

V Ide supra, *verb. Ordines sacri. num. 14.* de absolutione à suspensione incurta propter Ordines malè susceptos. & *verb. Abbas numero 6.* de concessione Pij V. Patribus Dominicanis, est enim illa maior omnibus absolute per quam conceditur Prælati respectiue vt possint per se ipsos in foro conscientie omnia quæ possunt Episcopi cum suis diocesanis. Et idem intellige quod possint circa suas Moniales.

22 Alexand. VI. concessit Minoritis vt illorum Generalis, vel Prouincialis possint absolvere subditos, qui existentes in sæculo portarunt arma, & cætera prohibita ad terras infideles. *Compend. Min. verb. Absolutio ordinaria quo ad Fratres. §. 19.* Sed iste casus est Bullæ Cœnæ. Et proinde vide supra *ver. Abbas. num. 11. & verbo. Bulla. Cœna.*

23 Potest Generalis Ordinis per se, vel per alios à

se deputatos, absolnere subditos ab omnibus peccatis commissis ante vel post ingressum Ordinis, & à quibus-
 nis censuris reseruatis Papæ, excommunicationis, sus-
 pensionis, interdicti, cæterisque pœnis, dummodo
 his non sit aliquis nominatim comprehensus. Con-
 cessit Gregor. XI. VI. Ordini Ministrorum infirmorum.
 Refert Capucinus *ad Compend. v. parte fol. 27. & ibidem*
 concessit, vt possint dicti Prælati Generales habilitare
 subditos inhabiles, & infames. Et hoc idem possunt
 inferiores, quibus ipsi commiserint. Vide Rodriguez
 1. *tom. questio. 25. articul. 4.* Hoc tamen non possunt
 facere dicti Prælati nisi facta prius debita pœnitentia,
 & satisfactione, vt ibi Rodrig. *art. 5.*

24 In Compend. Societatis, *verbo Absolutio §. 7. &*
 8. *& ibidem §. 3.* dicitur quòd possunt eorum Genera-
 les, & Prouinciales absolvere suos ab hæresi occulta.
 Ego hoc non dico, sed dico quod ibi dicitur. Et re-
 mitto me ad id, quod ego dixi *verb. Hæresis, & ibidem*
 dicitur §. 4. quòd Gregor. XIII. concessit vt possint
 absolvere subditos legentes libros prohibitos, in locis
 in quibus possunt absolvere ab hæresi.

25 Possunt Prælati Regulares absolvere suos si sint
 excommunicati nominatim in foro externo, satisfacta
 prius parte. Rodrig. *ibi art. 6.*

26 Circa cassus Bullæ Coenæ an possint aliquid Prælati
 circa subditos, vide suprà *verb. Abbas numer. 11.*

27 Absolutiones præcedentes, & subsequentes, si da-
 ri debeant à Prælati circa peccata, debent fieri omnino
 intra Sacramentum pœnitentiæ; extra quòd non remit-
 titur peccatum per absolutionem. Si verò absoluant tan-
 tum à censuris annexis, id possunt facere extra Sacra-
 mentum: Rodrig. *articul. 5. citata quest. 20. & eod.*
tom. 1. questio. 61. art. 7.

28 Prædictæ concessiones absoluerdi à reseruatis Papæ,
 etiam extenduntur ad absoluenda illa quæ successores
 Papæ reseruauerint; nisi subsequentes prædictas Con-
 cessiones renocauerint, & Ordinis privilegia: similes
 enim Concessionem generales debent isto modo extendi.
 Rod. 1. *tom. quest. 20. art. 8.*

29 Possunt

19 Possunt prædicti absolvere subditos à simonia commissa in collatione beneficij , seu officij , idque toties, quoties. *Rodriguez 1. tomo questione 10. artic. 13.* Ibi tamèn ait , posse Prælatos absolvere subditos à simonia commissa in receptione Ordinis sacri. Quia , inquit , Sixtus V. in sua Bulla contra Clericos malè promotos reuocauit absolutionem huius simoniæ , & aliàs ibi dicens quòd non posset impendi ab ullo etiam Regulari , per quodcumque priuilegium, etiam Maris Magni , omnia enim ibi reuocat etiam quod ad Regulares. Et quamuis Clemens ipse V I I I. postea hanc Bullam Sixti V. reuocauit quoad alias pœnas ad terminos iuris communis : *ibidem* tamèn Clemens exprimit quòd pœnæ contentæ in ead. Bulla Sixti contra simoniacos in ordine , maneant in suo robore antiquo ; & proinde infert Rodr. quod à prædicta simonia in ordine , non possunt Prælati subditos absoluerè. At saluo meliori iudicio , ego credo quod possunt. Si enim iuxta ipsum Rodr. & alios citandos *infra verb. Priuilegij confirmatio num 13.* quando Papa successor confirmat priuilegia Ordinis ex certa scientia , reualidat priuilegia etiam si essent reuocata per suos antecessores : ut *ibidem* probabitur constare : quòd post illam Bullam Sixti V. Clemens V I I I. confirmauit priuilegia Minorum ex certa , scientia , ut patet ex Bulla ipsius posita in Bullario Rodr. *folio 1201.* ac proinde ibi reualidantur priuilegia reuocata à Sixto , per quæ olim Regulares poterant absolui per suos Prælatos etiam ab ista censura. Et licèt Clemens ipse V I I I. ut ait Rodr. in sua Bulla reducente Bullam prædictam Sixti ad ius commune reliquerit prædictas pœnas , circa simoniacos in ordine intactas , & in suo robore , aduerto quòd idem Clemens nostra priuilegia confirmauit vno anno postquam ediderat Bullam illam moderatariam Sixti , ut videre est in eod. Bullar. *Rodrig. folio 1237.* Nam nostra priuilegia confirmauit certa scientia anno 1597. prædictam verò Bullam moderatariam Sixti ediderat ante anno 1595. Neque hic poterit obstare non usus circa hanc absolutionem,

ex eo scilicet quod à tempore Sixti, vsque ad tempus Clementis V I I I. Praelati non absoluebant ab illa ob reuocationem Sixti. Tale enim spatium, non continet tempus ad faciendam præscriptionem non vsus: quod probo ex ipso Rodriguez qui *1. tom. quest. 8. artic. 3.* dicit quod in simili materia non vsus in priuilegiis intra Pium I V. & Sixtum V. solum præcesserunt anni 28. qui non sufficiunt ad faciendam præscriptionem non vsus, quin possimus vti vno priuilegio ibi citato, quod reuocauerat Pius I V. Et postea Sixtus V. confirmauerat nostra priuilegia ex certa scientia, quod in presenti materia potest applicari: & maiori iure, quoniam malto minus spatium cucurrit inter Sixtum, & Clement. Et præterea D. Paul. V. licet in sua confirmatione nostrorum priuilegiorum, non dixerit ex certa scientia dixit tamen quod innouabat: & quod confirmabat priuilegia confirmata eadem nostra à Clem. V I I I. qui tamen, vt dixi, confirmauit ex certa scientia: Vide infra *verb. Priuilegium, n. 30 per totum.*

30 Praelati habentes potestatem quasi Episcopalem, possunt absolvere subditos à suspensione à diuinis, maxime si sit occulta. Rodr. *quest. 20. art. 4. ad finem.* Imò possunt, etiamsi sit publica, & perpetua, dummodo non sit reseruata: & possunt absolvere à censuris incursis ob indebitam susceptionem Ordinum si in iure non reseruentur Sedi Apostolicæ, & ibidem non interuenit simonia in Ordine. Sic ibi Rodr. *cum art. 13. preced.* Sed tu pro absolutione suspensionis ob Ordinem receptum ante ætatem vide supra *ver. Ordines sacr. n. 14 per tot.* Et pro simonia vide *n. 19* hunc antecedente.

31 Possunt Praelati absolvere subditos à censura incursa ob contemptum clauium. Rodr. *citat. q. artic. 15.* & à censura incursa ob peccatum factum ob confidentiam priuilegiorum *ibid. art. 16.* Tunc verò peccatur in contemptum clauium, quando quis non vult submittere se potestati Ecclesiæ, putans illam esse intolerabilem, iniustam, duram, indiscretam in suis præceptis D. Th. *2.2. q. 186. art. 9. ad 3.* secus si noluit subiici ex ira, odio, passione repentina, &c.

32 Per concessionem Eugenij I V. factam Cisterciensibus possunt Generales semel in vita absolvere suos subditos ac Novitios, ac donatos ab omni irregularitate, & inhabilitate contractis ante, vel post ingressum Ordinis, epiam Papæ reservatis ex quacumque causa, iniuncta pœnitentia salutaris pro modo culpæ. Refert Rodriguez *1 tom quest 20. artic. 20.* Sed notat quod si Prælati absolvant Novitium propter iniectionem manuum violentarum factam in Novitiatu, & ille egrediatur ab Ordine: reincidit in illam excommunicationem. Sic Sayrus *lib. 3 de censur cap. 28.* citans Astensem. Et sumitur motuum ex eo *c eos, qui de sent. excom in 6.* De hoc tamen iam dixi sup. *ver. Novitij absolutio, n. 32.*
 33. Quod saltem videtur, quod si prædictus Novitius absolvetur ibi in foro sacramentali à confessore sæcularium (qualis de ordinario est magister illorum) talis Novitius exiens ab Ordine non reincidet: quia ille confessor sæcularium per nullam Paul. I I I. potest absolvere sæculares ab hac censura *canonis si quis suadente*, absque eo quod reincidant: ergo idem confessor sæcularium poterit absolvere etiam Novitium absque eo quod reincidat. Neque verò *cap. eos qui. de sentent. excommunicat.* iuvat Sayrum: quia ibi absolutus in mortis articulo à censura reservata, vel extra mortem ob necessitatem, & nolens postea se præsentare potenter absolvere à censura reservata, si inquam, iste sic primò absolutus reincidit postea in eandem censuram, est, quia ille prior absolvens in tali articulo ex se, ac directè non habebat potestatem absolvendi; sed absoluit solum pro tali articulo, & sub tali conditione, vt se præsentet si evadat. Prælati absolvens Novitium, potest directè illum absolvere ex privilegio. Et illius privilegium non exprimit vt absolutus Novitius, egrediens se præsentet Episcopo: sicut exprimitur *in c. citato* circa absolutos ab aliis non potente.

33 Omnia prædicta possunt Prælati etiam circa Moniales, & Novitias, & circa Monialium servitrices. Quinimò, & Confessores Monialium hæc omnia possunt circa illas. Iuxta supradicta, *ver. Moniales, n. 12.* & Rodr.

tomo 1. *quæst.* 20. *art.* 21. 22. & 23. & idem po
Nouitios.

34 Absolutio data à Prelato virtute alicui
gij, quod ipse ignorat, valet, si à parte rei datu
le priuilegium per quod illi conceditur posse
Rodr. q. 20. *cit.* *art.* 25.

PRÆLATI POTESTAS dispensandum.

Vide suprà verbo *Dispensare*, ibi enim co
præcipua huc attinentia. Vide verbo *Licent*
verb. *Prelatus.* num. 32. in princ. & infrà verbo
verbo *Suspensio*.

35 **Q**uod dispensandum requiritur iusta c
cta dispensatione sine causa, erit pe
fit ad libitum. Est communis. Concil. verò Tr
c. 1. *de reform.* assignat has quatuor Christiana
vigens necessitas: debita obedientia: Reip. utilit
ro in c. *requirantes.* 1. q. 7. ponit has. timor ve
spes futuri boni: vitatio scandali. *Sot. lib.* 1. *de*
7. *artic.* 3. addit quòd sufficit etiam qualitas
personæ, scientiæ, & hæ omnes tendunt a
commune.

36 Possunt Prælati Regulares cum suis sul
pensare in illis omnibus in quibus possunt
in foro interno, suprà *ver.* *Abbas* n 6. Et hoc
cere per se solos iuxta illam ibi concessionem
sunt plusquam Episcopi quoad aliqua: nam
cil. prohibet Episcopos dispensare in irregula
tracti ex homicidio voluntario: & tamen Pr
sunt hanc dispensare, si fuerit occulta, vt dictu
prà *verb.* *Dispensare,* num. 8. Prædicta verò co
facta à Tridentino Episcopis extenditur ad o
per ius commune, vel per Bullas pontificias
illis prohibita Sylu. *ver.* *Dispensatio,* § 14. At

multa possunt per priuilegia, de quibus videantur; quæ non possunt Episcopi.

37 Illa potestas concessa Dominicanis Prælaris ad exemplum Episcoporum, non potest delegari, neque id possunt facere per alios, ut proximè dictum est: vide *hoc ver. Praelatus in 2*. Et adde quòd aliàs priuilegia conferunt potestatem ordinariam, nisi limitent, ut per se fiant à solo tali, *Rodr. rom. 1. q. 22 art. 11.*

38 Possunt Prælati dispensare cum subditis in irregularitate contracta ex homicidio voluntario in bello iusto facto; maxime si fuit contra infideles. *Bañes 2. 2. quest. 40. articul. 2. dub. 4. & Candelabr. Autem 1. par. titul. de irregul. §. de dispensatione quoad Fratres. num. 236.*

39 Suprà *verb. Dispensare. num. 7.* dictum est posse Prælatos dispensare in mutilatione membri, si illa irregularitas seu culpa sit occulta, non posse verò si sit publica, & delata ad forum contentiosum, intra, vel extra Ordinem. Adde ex *Rodr. ibi citato*, quòd non censetur mutilatio membri, abscissio digiti, vel auriculæ externæ, quia hæc non sunt membrum. Erit verò talis, abscissio pedis, manus, oculi, &c. narium, &c. Vide Doctores in materia irregularitatis explicantes quid sit membrum.

40 Prælati excommunicati non admittit administrationem nisi sit denunciatus, vel notorius Clerici percussor. *Nau. lib. 5. Cons. tit. de sent. excom. cons. § 3 n. 1.*

Vide, ut dixi, alia conducentia ad hunc locum suprà *verb. Dispensare per totum*. Et citatis in principio.

A D D I T I O.

Dixi suprà sufficienter *verb. Praelatus*: de potestate quam habet Prælati circa subditos ad absolendum, ac dispensandum. Nunc pauca de iurisdictione illorum pro foro externo, & interno. Vide etiam suprà in *his Addit. verb. Dispensare.*

1 Praelati ergo potestas, seu iurisdictione
 Alia est ordinaria: alia delegata. Potestas ordinaria
 illa quæ committitur à lege: nisi lex clarè iurisdictionem
 talis potestas sit delegata. Secundò est etiam
 illa quæ committitur à Papa. Tertiò talis est
 per consuetudinem committitur. Quartò per
 per communitatem alicui committi. Ita Sylvestri
dictio, & alij communiter. Circa secundum
 quando committitur à Papa declaro, quod
 pa concedit alicui Praelato, vel communitati
 gium aliquid faciendi, talis iurisdictione est ordinaria
 potest delegari, vt inter alios tenet, ac probat
 2. *lib de Matrim. disp. 40. n. 14.* Multum refert
 stas sit ordinaria, vel delegata, vt ex dicendis patet
 testas delegata est illa quæ nullo ex prædictis
 modis conceditur; sed solum conceditur alicui
 quando scilicet aliquis Praelatus habens potestatem
 dinariam concedit alicui suam auctoritatem
 ciendi in particulari, vel in communi ad certam
 causam.

2 Omnes Praelati conuentuales Religiosorum
 iurisdictionem ordinariam in vtroque foro, & in
 possunt illam delegare quoad omnia quæ illis
 Rodrig. *Addit. ad Sum. verb. Iurisdictione cap. 2.*
 & Nauar. *cap. non dicatis n. 95.* & probatur, quod
 iurisdictionem ex officio, seu ex lege Canonica
 Praelatis ritè electis dat iurisdictionem communitatem
 suo officio. De Præsidentibus verò Conuentuum
 habent vicariam iurisdictionem, innuit Sanctus
Decalog. cap. 24. numer. 23. quòd etiam habent
 ctionem ordinariam. Vicit enim ibi eos possunt
 vota subditorum, quod non competit, nisi habent
 dictionem ordinariam dominatiuam. Dum
 Præsidentes habeant in absentia Superioris loci
 plenam auctoritatem quam habet Superior Conuentus
 & proinde tales Præsidentes poterunt in illius
 illam auctoritatem committere.

3 Pro Ordine Minorum queris an Vicarius
 cialis mortui loco succedens, vel vices gerens

cialis absentis, habeat auctoritatem ordinariam, vel delegatam in tota Prouincia? Respondeo, duobus modis posse creati prædictum Vicarium Prouincialem, primò per modum præscriptum à statutis generalibus, de quo infra in *ver. Prouincialis*. Secundo quando solus Prouincialis exiens à Prouincia committit alicui regimen illius, Si hoc secundo modo eligatur est delegatus, & habet iurisdictionem solùm delegatam cum ab homine solùm recipiat, & proinde non poterit illam subdelegare. Si verò priori modo secundum statuta eligatur, habebit iurisdictionem ordinariam, & poterit delegare, quia illam habet à lege. Vide tamen *ver. Prouincialis*. Et à fortiori omnes Praelati Regulares Superiores ad ipsos conuentuales habent prædictam iurisdictionem ordinariam.

4 Delegatus ad vniuersitatem causarum censetur habere iurisdictionem ordinariam: & proinde potest delegare aliquas causas: non tamen poterit delegare omnem suam delegationem, alium pro se in totum substituendo. Tenet Sanchez *lib. 2. Decal. disp. 31. à n. 2.* citans multos textus, Theologos, & Canonistas. Quis autem sit delegatus ad vniuersitatem causarum explicat *ibi n. 4.* dicens esse illum cui committuntur causæ in generali, licet quoad locum sit specialis commissio. Idem dicendum si indefinitè committantur causæ alicuius territorij: vel quando committitur in generali circa omnes personas, etiamsi non specificentur omnes causæ. Sed de ordinario semper delegans in commissione exprimit ad vniuersitatem causarum, & sic debet facere pro dubiis amputandis.

5 In Ordine Minorum quando Superiores Praelati mittunt Commissarios pro visitandis Prouinciis, quantumcunque eis dent plenitudinem potestatis, & hæc extendatur ad omnes casus, tales non dicuntur delegati ad vniuersitatem causarum, sed delegati ordinarij, & consueti. Probo primò, quia delegatus ad vniuersitatem causarum cum sit ordinarius, non admittit iurisdictionem, donec in particulari sibi reuocetur, at visitator Prouinciæ finita visitatione nullam omnino iurisdictionem

tionem habet etiam per statuta Ordinis: necesse ut fiat illius specialis reuocatio. Adde-
 teris suæ commissionis illis conceditur expre-
 sint subdelegare aliquas causas quod non e-
 rium concedere si essent delegati ad vaiuer-
 farum per proximè dicta. Tertiò, quia Praelati
 exprimere solent quando id committunt, ad
 rem causarum quod rarius faciunt, quando
 Prouinciarum destinant.

6 Habens iurisdictionem ordinariam potest
 committere cui, & quando voluerit. Hoc
 potest facere habens illam delegatam, nisi illi
 concedatur. Est com. Doctorum, & habetur
cetera. de officio ordinarij: Ratio est, quia ha-
 dictionem ordinariam habet illam tanquam
 priam, & suam: habens verò illam delegatam
 illam tanquam rem alienam, & solum habet
 lius. Vnde sicut qui rem temporalem, cuius
 minium, ut panem, potest alteri donare: non
 potest donare qui habet solo titulo, commodum
 aulo depositi, ita in iurisdictione ordinaria o-
 quam re propria: vel in delegata obtenta ut
 ra, vel deposita.

7 Hinc oritur alia differentia inter vtran-
 dictionem: quòd scilicet delegata potest ad-
 ferri à delegante: non verò sic potest auferri
 ordinaria. Patet ex prædictis, cum enim dele-
 habeat iurisdictionem propriam, sed con-
 eiùsque solum vsum, absque iniuria potest
 care is qui concessit: sicut potest quis reuo-
 tum quod apud aliquem deposuit. Quod
 Superior facere ad libitum auferendo ab in-
 risdictionem ordinariam, quia est res sua, & p-
 ferioris, concessa per legem, vel priuilegium:
 sicut non potest auferre officium, vel digni-
 rioris ad libitum, sic non potest auferre iuri-
 illi datam seu annexam propter officium: dic-
 sa. Nam si detur causa v. g. ob culpas Praelati
 sicut potest Superior illum priuare officio,

privare iurisdictione. Idem etiam poterit facere, limitare scilicet iurisdictionem inferioris in aliquibus pro bono publico : vt cum Prælati pro bono publico , edicto publico prohibent Prælati inferioribus aliquid quod poterant facere autoritate ordinaria , sicut praxis observat : & ita debet intelligi Rodrig. *loco supra dicto , ver. Iurisdictione, n. 3.* dicens esse conforme Concilij Tridentini decreto, *sess. 14. can. 11.* vbi sub anathemate definit posse Episcopos reservare casus etiam pro foro interno, & externo.

8 Occasione præcedentium dico non posse Generalem Ordinis auferre Prouinciali iurisdictionem procedendi , vel sententiam ferendi in aliquo casu ordinario contento intra limites iurisdictionis dicti Prouincialis , sed tenetur expectare vt Prouincialis procedat , ac iudicet per se , vel cum Diffinitorio , & tunc per appellationem tantum poterit de causa cognoscere. Idem iudico suo modo non posse Prouincialem licite facere circa Prælatam localem in illis , quibus ex consuetudine , vel statuto dicti Prælati locales possunt procedere. Hanc primò probò à simili ex Concil. Trid. *sess. 24. cap. 2. de Reformat.* vbi clarè præcipit quòd causas omnes in prima instantia terminentur coram Ordinariis locorum tantummodò : ad quorum terminationem coram illis assignat biennium. Ante quod biennium præcipit vt à Superioribus quibuscumque non auocentur , neque appellationes acceptentur : neque fiat illarum commissio , vel inhibitio , nisi à sententia diffinitiva , vel ab interlocutoria habente vim diffinitivæ , cuius grauamen per appellationem reparari nequit. Excipit causas quæ iuxta ius Canonicum de prima instantia pertinent ad Sum. Pontificem , vel ipse Summus Pontifex per speciale rescriptum manu propria subscribendum commiserit , vel auocauerit. Hoc decreto supposito , constat quòd Prouincialis habet in sua Prouincia iurisdictionem quasi Episcopalem , vt patet : cum ergo possit causas subiectas suæ iurisdictioni coram se motas terminare , saltem cum ius Diffinitorium , non poterit Generalis prohibere,

bere, quin dictus Prouincialis de prima instantia eadem causas resoluat. Quemadmodum Archiepiscopus nullo modo se ingerit causæ motæ coram Episcopo, nisi per appellationem. Secundò probo ex nostris statutis Generalibus Barcinonensibus Tollerari reformatis *tit. de Officiis*, vbi præcipitur Praelatis Superioribus ne se conturbent ad inuicem in executione suorum munerum, seu officiorum: sed potius Superiores adiuuent inferiores in suis officiis, non illos impediendo, neque se in illis ingerendo; quin potius quandiu inferiores suis officiis priuari non fuerint, eisdem faueant in omnibus: nam dato contratio sequentur multæ perturbaciones & inconuenientia. Sic enim postulat suauius gubernatio Ecclesiæ. Imò & gubernatio orbis, nam primum mobile calorum, licet suo primo motu secum rapiat inferiores orbis, non tamen impedit quin vnusquisque orbis inferior suum particularem motum, seu cursum peragat, & suas particulares emitat in terram influentias. Vnde concluditur non posse ad libitum Generalem inuito saltem Prouinciali, neque istum inuito Praelato locali, causam coram illis motam auocare, nisi ob gravem, & iustam causam consuetudine, vel lege permissam: alias prædicti Superiores iniuriam faciunt inferioribus, ac proinde peccant.

9 Duplex est iurisdictio ordinaria; altera dicitur contentiosa, altera dicitur voluntaria. Contentiosa, seu necessaria est illa, quæ habet contradictorem, quia debet exerceri inter partes litigantes cum strepitu, seu aliquâ figura iudicij, citando, inquirendo, & sic de cæteris. Patet ex *l. inter stipulantem*, §. 1. ff. de verb. obligat. Et dicitur contentiosa quia actor contendit contra reum. Altera iurisdictio dicitur voluntaria, quæ in solos subditos volentes exercetur, vt sunt in foro sæculari adoptio, manumissio, emancipatio, & cætera. In foro Ecclesiastico erunt dispensare, absoluerè a censuris, vota commutare, & similia, quia in his subditus voluntariè se subdit Praelato non citatus; neque contra illum aliquis contendit. Sic gloss.

gloss. legis 2. initio, ff. de officio proconsulis. Et ibi Iuristarum.

10 Hoc posito Praelatus extra suum Conuentum, vel Prouinciam non potest in subditum exercere iurisdictionem contentiosam, bene tamen poterit exercere iurisdictionem voluntariam. Est communis Doctorum, maximè Iuristarum, & habetur in *citat. proximè lege de officio pro consulis*, ubi lex, & Doctores dicunt non posse iudicem extra suum territorium officium contentiosum exercere. Et ratio idem dicitur, quia aliàs iniuriam faciet iudici illius loci, & dabitur causaurbationum. Et propter oppositam causam, iurisdictione voluntaria poterit exerceri à iudice, & Praelato existente extra suum territorium, quia hæc cum non indigeat strepitu iudicij, neque tribunali, nulli facit iniuriam, neque perturbationem poterit causare. Hinc colligitur quod si Guardianus, vel alter Praelatus localis (idem dic suo modo de Prouinciali) petat cum sociis alium Conuentum, & ibi sui socij publicum crimen committant, non poterit illos ibi punire, neque illorum causam terminare, quia petit casus iurisdictionem contentiosam, quam ibi extra suum Conuentum non potest exercere: imò si socius illius ibi deliquerit publicè, non poterit illius causæ se ingerere, sed id pertinet ad Praelatum localem illius Conuentus. Idem de sociis Prouincialis existentis extra suam Prouinciam. Imò credo quod si dicti socij inde aufugiant, restituendi sunt Praelato illius loci in quo deliquerunt, ut ibi ipse illos puniat.

11 Praelatus existens extra suum districtum potest in subditum exercere iurisdictionem voluntariam ob rationem positam *numero precedenti*, verb. gratia, potest suum subditum extra territorium absoluerè à reservationis, cum eodem dispensare in irregularitate extra confessionem, vel intra confessionem: potest illius vota irritare, & sic de cæteris. Et hoc intelligo siue subditus ibi sit præsens cum Praelato extra territorium: siue Praelatus extra illud existens inde per scriptum prædicta iubeat fieri, quæ possint per scriptum

licitè fieri. Addo etiam quòd Praelatus extra territorium poterit fulminare validam excommunicationem legendam in suo territorio contra dictum existentem intra territorium illius Praelati inde iubere vt aliquid contentiosum fiat in territorio. Nam per hæc omnia non fit iniuria in cuius territorio existit, neque illius territorii aliquo læditur, vt patet. Et idem quòd de iurisdictione ordinaria, vel contentiosa voluntaria vt possit, vel non possit exerceri in territorio dicendum est similiter de iurisdictione gratuita, vt scilicet voluntaria possit extra territorium exerceri, non verò contentiosa. Excipe tamen posse Praelatum exercere iurisdictionem suam extra suum territorium, si Praelatus illius territorij, & partes contendentes consentiant prout bat, & citat Sanchez libro 3. de Matrim. dist. 8. Sit exemplum Episcopi non valent Pontificalia in aliena Diocesi, quod tamen test si Episcopus illius Diocesis per quam territorium concedat. Vt patet ex Tridentino sess. 1. de reform. c. sess. 6. cap. 5. de reformat. inter vtrobique ferè eadem ratio.

12. Concessa aliqua re à superiore concedenda necessaria ad illam comparandam. l. 2. ff. de omn. iudic. vbi sic habetur. Cui iurisdictionis quoque concessa videntur sine quibus iurisdictionis non potuit. Habetur etiam cap. praterea, de officio. Vbi sic dicitur. Ex eo quod causa sibi committitur omnibus, qua ad causam ipsam spectare noscuntur recipit potestatem. Excipe tamen, vt non diis aliquibus ad illam causam vtilibus ac si talia media ipsi Iudici sint specialiter prohibe de causa diximus suprà verbo Episc. n. 5. etiam po aliquando concedatur per Tridentinum per Religiosos in aliquo casu, & ad id faciendum medium Religiosos citare per censuras: hoc dio non possunt vti nisi in tribus casibus ibi Concilio, in aliis verò non poterunt vti medio

municationis, quia iure Canonico & per multas concessiones non possunt regulares exempti excommunicari ab Episcopis. Et sic debet intelligi *citatum capitulum praterea*, dum ait, commissâ causa iudici Ecclesiastico, posse ab illo fulminari excommunicationem pro causæ affecutione. Intellige, dummodo non sit privilegiata persona illa contra quâ vult ferre excommunicationem, ut non possit censuris ligari, sicut non possunt regulares, nisi in casibus expressis. Poterit enim tunc Iudex, vel Praelatus cui commissâ est causa uti aliis remediis iuris sibi non prohibitis, ut *cit. loc. dixi*. Aduerto praterea in *cit. c. praterea*, id concedi etiam Iudici delegato. Quod proinde fortiori iure cõpetet Praelato ordinario.

13 Adhuc pro maiori claritatê casuum contingetium, libuit hîc in Sûma resumere Summam positam à Glossa in initio *cit. cap. praterea*, quæ sic habet. Commisit Papa alicui delegato causam sub hac forma. *Causam, quæ vertitur inter tales tibi committimus terminandam, quod iustum fuerit exequaris*. Iudex iste, quia in rescripto non continebatur, quòd posset punire contumacem, vel posset citare partes, quæsiuit utrum posset contumacem cogere, ut veniat, aut an possit eum punire si non veniat? Respondet Papa ut suprà, hæc Gloss. Hinc colliges quòd delegante Superiore Praelato alicui inferiori causam aliquam, talis delegatus pro expeditione talis causæ poterit uti omnibus mediis necessariis ad illius causæ finalem resolutionem dummodo media sint licita, & non specialiter interdicta. Imò addit Glossa *ibidem* tunc extendi iurisdictionem ad omnia accessoria, quæ sunt necessaria ad illius causæ terminationem. Addit etiam Gloss. *citata* quod concessio principali conceduntur accessoria, & connexa, pro quo citat sex, vel plures textus iuris Canonici, ac Cæsarei.

14 Et quoniam video vnum ex copiosis titulis decretalium esse illum, qui agit de officio delegati. Et vidi iam in hac materia quæstiones exortas, dicam solum in Summa, quæ Doctores tradunt de duratione potestatis delegata, an scilicet expiret morte concedentis. Nam communis opinio est, imò expressa in iure

quòd iurisdictio ordinaria non expirat mortis. De iurisdictione verò delegata, sunt alia resoluenda. Circa quam omnes etiam dicunt quòd iurisdictio delegata concessa alicui ex tuo concedente, re integra, id est, non incipiente, verò expirare si res iam erat incepta, seu neglecta. In summa, & clarius sic accipe. Recipi mihi Superiori causam. Recepi litteras tuas, quibus manum vllam ad negotium admoueri nuntiaturum est mihi illum esse mortuum. De re integra, seu non incepta, quia negotium ad actum non pergitur, nec manum admoueri, & adhuc re integra est, inceptum. Si verò iam citaui partem, vel aliam, gentiam feci inquirendo, &c. iam negotium incipit, sicut antea, sed est inceptum, & non re integra. Sunt ergo multe opiniones circa hoc, quando scilicet circa commissionem causa moritur. Praelato mortuo, vel officio priuato, dicunt quòd commissio res integra, vt non possim procedere inchoare: vel dicenda sit mihi res integra, vt possim procedere non obstante morte delegantis. Communior opinio dicit requiri, a citationem partis, vt res dicatur incepta, & non re integra, & proinde possit procedere vsque ad citationem causæ ex iurisdictione delegata à mortuo. Colligitur ex *capit. gratum. de officio delegati*: ibi. *Cum citatione facta, negotium sit quasi inchoatum*. habetur etiam ex *cap. final. eodem titulo*. vbi littere ponuntur. Citat multos Doctores vtriusque pro ista opinione Sanchez *lib. 8. de Matrimonio* 10. Et addit *ibid. n. 13.* ac probat cum mortuo delegante quòd delegatus decretum publicauerit, vt citetur etiam si citatio non fuerit intimata citationem illud fuit incipere negotium, ac proinde iam non est integra. Et colligitur ex *citato cap. gratum. delegati*: ibi. *Proposito citationis edicto. Aequum est citationem partis, actus quicunque factus est circa idem negotium. Vt si coram parte legatum commissio delegantis, vel quid simile.*

16 Quid si negotium commissum non habeat partem citandam ? pono exemplum : Committit Praelatus alicui patri , ut visitet provinciam in ordine Minorum , in qua visitatione non requiritur citatio partis , quid actus æquivalens citationi dicetur , ut dicatur res incepta , ut possit procedere ob inchoatum negotium ? Credo quod sufficiet legisse iam litteras commissionis suæ in aliquo Conventu Provinciae sibi delegatæ , ut iam res sit inchoata. Probo , quia illa lectio seu publicatio litterarum æquivaleret citationi Provinciae , & proinde si post illarum litterarum publicationem mors delegantis nuntiaretur , iam res non est integra , sed inchoata. Et confirmo à simili , quia in iure ac praxi civili minori actu acquiritur possessio , quam sit publicatio commissionis solemnitis. Nam in practica iuris emens domum acquirit veram possessionem domus solum tangendo parietes , vel quid simile in aliis possessionibus : ergo illa publicatio commissionis facta cum solemnitate sufficiet pro acquirenda possessione illius delegationis , cum iam exercuerit actum iurisdictionis convocando ad Capitulum , præsidendo in communitate , &c. Si verò prædictus commissarius iter arripiens ad visitandam provinciam in itinere certior fiat de morte delegantis antequam litteras commissionis publice in Conventu modo solito , non poterit incipere , quia res est integra , & non cœpta. Et ex hoc inferes quid dicendum sit in aliis commissionibus similibus in quibus non requiritur citatio partis , sed verb. grat. informatio recipienda per testes absque citatione partis. Sufficiet enim vocasse testem , quia hoc iam est inchoasse rem , etiamsi testis nendus sit auditus modo explicato *numero præcedenti*. Acceptare verò litteras commissionis etiam in publico , non est incepisse negotium , quia acceptare non est actus iurisdictionis exercitæ.

17 Hinc melius intelliges quod diximus supra *ver. Indulgentia sine Iubilæis* , videlicet confessorem qui in ultima die Iubilæi non potuit perficere totam confessionem , seu concessionem Iubilæi modo ibi prædi-

17 ^o, audiuit tamen pœnitentem, & absoluit modo quo ibi diximus, posse transacto Iubileo commutare vota, & facere quod ibi diximus, quia sua illa delegata iurisdictionis concessa in Iubileo iam est cœpta, & inchoata, iam enim audiuit pœnitentem, quod æquualet citationi, & prœinde iam res non dicitur integra, & ex consequenti potest continuare. Vide *citato ver. Indulgentia n. 16.* cum dictis suprà eodem verb. n. 6.

18 Si quis delegatur Commissarius ad Vniuersitatem causarum quæ variæ sunt, sufficiet inchoasse vnâ, vt res iam dicatur cœpta etiam quoad omnes alias. Tenet Sanchez citans multos *disputat. 18. citata num. 17.*

19 Sicut cessat iurisdictionis delegati per mortem delegantis re integra, & non cœpto negotio, ita expirat si re integra delegans priuetur officio vel finiat officium. Idem enim est quoad hoc mori, vel non habere officium, quocunque modo amittatur, dummodò de morte delegantis constet, vel de officij illius cessatione. Est communis Doctorum. Et hoc intelligitur etiam si ipse delegans sit Sum. Pontifex, vt habetur *c. licet undique. de offic. delegati. & c. si cui nulla. de preb. in 6.* siue sit Papæ rescriptum ad negotium iustitiæ, siue gratiæ, dummodò moriatur re integra. Si enim moriatur re iam cœpta, non expirat.

20 Circa dictum præcedens de rescripto Papæ concessio ad gratiam distinguere oportet quod duobus modis Papa concedit aliquam gratiam, primò de gratia iam facta completè: Secundo de gratia facienda, v. gr. concessit Papa Romæ dispensationem alicui absolute, non committendo Episcopo, vel alicui, vt faciat informationem, & illa facta Episcopus dispenset: ista vocatur gratia facta, & ista non expirat morte Papæ concedentis re integra. Alio modo facit Papa gratiam, quæ dicitur gratia facienda: quando scilicet iubet Episcopo vt facta informatione dispenset. Iam enim Papa fecit aliquam gratiam inchoatâ, sed restat facienda per Episcopum. Hæc autem gratia expirat morte Papæ concedentis re integra, id est, si Episcopus nullum actum iurisdictionis facere cœpit circa talem informationem, de quo latè Sanchez

cit.

cit. disp. 28. à num 48. usque ad finem disputationis: quod non est meum prosequi: licet ibi multa & docte tradat quæ possunt Prælati inferuire in casu similium commissionum.

21 Rediens verò ad negotium propriè regularium non omitam ponere casum, qui contigit in mea Prouincia circa iurisdictionem delegatam. De mandato Generalis visitauit Prouinciam quidam commissarius: finit, ac perfecit visitationem viuenteadhuc Generalis eo verò tempore quo Generalis se parabat vt veniret ad Capitulum celebrandum, mortuus est Generalis: fuit grauis quæstio agitata an delegatio commissarij, duraret, ac proinde deberet gubernare Prouinciam vsque ad electionem successoris loco defuncti: an verò cessaret delegatio morte Generalis delegantis. Aliqui Doctores dixerunt non expirasse. Ratio pro illis esse potuit, quia iste commissarius delegatus iam inchoauit iurisdictionem suæ delegationis in multis actionibus visitando, corrigendo, &c.

At multi ac meliores, cum quibus ego censui, dixerunt expirasse, ac proinde non potuisse amplius procedere. Rationes pro ista parte sunt istæ. Nam primò, delegatus terminata sua causa sibi commissa, non potest amplius procedere, vt omnes fatentur; quia illi solùm delegata est iurisdictione ad istam causam terminandam: vt si rex alicui non iudici ordinario, committat causam alicuius homicidij per ipsam finaliter terminandam: lata sententia finali, & executioni mandata cessauit iurisdictione illi delegata. At commissarius prædictus finierat visitationem, pro qua sola illi data est iurisdictione: ergo expirauit delegatio. Neque obstat quòd prædicti commissarij solent assistere in Capitulo ac Diffinitorio, vt ibi præsentent visitationes quas fecerunt, & proinde videtur quòd delegatio illius durare debuit vsque ad futurum Capitulum. Non, inquam, obstat. Quia per accidens est tales commissarios solere assistere Capitulo: non enim in illo habent suffragium decisum, neque consultum, sed solùm præsentant visitationes: quod & absentes facere possunt. Et in mea Pro-

uincia iam contigit præfidentem Capituli Prælaturum Generalem cuiusdam commissarij visitationes in quodam Capitulo recepisse non admissio illo commissario ad diffinitorium:quo posito sic arguitur secundo. Accessorium sequitur naturam principalis, regula *accessorium de regul. iuris in 6.* ita quod perempto principali perit accessorium. At visitare prouinciam est principale intentum iurisdictionis in talibus commissariis, assistere verò Capitulo est per accidens, vt diximus. Imò gubernare prouinciam dū actu visitant est per accidens, quia in aliquibus religionibus visitant visitatores, & non gubernant. Imò ipsi nostri visitatores quando visitant Conuentum aliquem non gubernant. Tertiò principaliter quia nostra statuta generalia Vallisoleti anno 1593. expresse decernunt vt visitator prouinciæ intra tres menses illam visitet: & si Capitulum non sit mox celebrandum, exeat à prouincia. Et prædictus visitator iam tres menses excesserat: & totam Prouinciã visitauerat. Quartò quia visitator Prouinciæ non est delegatus ad vniuersitatem causarum, vt suprà diximus *num. 5.* ergo vt illorum visitatorum iurisdictionis exiret non est expectanda reuocatio particularis sed solum terminatio, & finitio causæ delegatæ, quæ est visitatio. Et ita in terminis tenet Rodr. *tom. 1. qq. quest. 9. art. 1.* id expresse dicens seruari in Societate Iesu. Tenet etiam Aldrete, *lib. 1. de discipl. Relig. cap. 3. num. 30. & seq.*

22 Gesta per Prælaturum excommunicatum valent, quandiu est toleratus ab Ecclesia videlicet donec nominatim denunciatur, vel si sit notorius Clerici percursor. Vide quæ diximus suprà, *ver. Excomm. n. 6.* Et ibi citatum Sanchez: adde Sà in *Aphor. ver. iurisdictionis*, qui citat Nauar. dicentem posse quemlibet excommunicatum exercere suam iurisdictionem, si non sit declaratus, aut si non sit suspensus. Vide etiam *citata verb. Excomm. n. 4. & 5.* quomodo, vel quando sint valida gesta per Prælaturum habentem titulum putatiuum cum errore communi vulgi, hîc enim possunt inseruire. Declaro tamen quod prædictus Prælatus sic excommunicatus officium exercens peccabit mortaliter, nisi illum
excu

excuset ignorantia, necessitas famæ: vel quid simile. Puto autem gesta per illum valere etiam, si delictum sit publicum, quandiu est toleratus, & non denunciatus nominatim ut diximus *cit. n. 6.*

PRÆSCRIPTIO CONTRA BONA Regularium.

Vide infra verbo *Restitutio, per tetum.*

1 **D**E iure communi contra bona Regularium, quæ sunt etiam Ecclesiastica, non præscribitur nisi spatio 40. annorum, *cap. de quarta. de præscript.* Hoc enim communiter conceditur omnibus Ecclesiis.

2 Per specialia priuilegia Benedictini in Portugalia, & cum illis communicantes habent ut eorum bona non possint præscribi nisi spatio sexaginta annorum. Ita enim illis primò concessit Eugenius IV. & postea, idem Papa Benedictinis extra muros Romæ degentibus concessit ut non præscribant bona illorum nisi per spatium centum annorum. Et inter bona præscriptionis capacia, numerantur etiam priuilegia, ut infra dicetur *verb. Priuilegij cessatio per non usum*, citata priuilegia Benedictinorum citat Rodriguez *tom. 3. quest. 35. art. 2.*

PRÆSCRIPTIO QVO AD crimina.

1 **I**N iure civili præscribunt aliqua crimina quatenus ob longum tempus præcipit ius propter pacem Reipub. ne crimina aliqua accusentur, nisi intra certum tempus: quo elapso ad bonum pacis nequeunt accusari, vel puniri.

2 In iure ciuili crimina præscribunt spatio annorum viginti vt plurimum. Et aliqua præscribunt minori spatio, adulterium enim intra solùm quinquennium potest accusari. Iulius Clarus *in practic. question. 51. num. 4.* videantur leges particulares Regni, & Ordinum.

3 Si tempore assignato ad syndicandum Iudicem secularem aliquid contra illum non fuit delatum, tali tempore transacto, si noui veniant accusatores non recipiuntur; quia præscripsit accusationis tempus. Iul. Clar. *ibidem num. 5.* Et fortè per hoc se poterit etiam defendere, vtcunque Prælatus syndicatus, vbi consuetudo est quòd finito officio syndicetur per visitatorem proprium, vt fit in Ordine Franciscano (Vide tamen mox dicenda) *ibidem* notat Iul. Clar. illam præscriptionem syndicati valere, etiamsi nondum sit absolutus Addit Rodriguez *tomo 3. Addit. ad Summ. cap. 104. concl. 7.* hoc in Religionibus non esse in vniuersum admittendum, est enim præiudiciũ Ordinis quòd crimina maneant impunita.

4 Si verò sententia iam lata est contra aliquem pro crimine, executio talis sententiæ nunquam præscribitur, sed potest longo post tempore executioni mandari. Glossator Iulij Clari *ad q. cit. § 1. n. 2.*

5 Crimen nefandum nunquam præscribit, sed potest puniri quocumque tempore innotescat. Glossator Iul. Clari, *vbi proximè.*

6 In iure canonico præscriptio criminum vt plurimum non admittitur, & præcipuè ac procedendum per inquisitionem, & indicendam purgationem canonicam. Salzedo *in pract. crim. cap. 147.* & Rodr. *tomo 2. quest. 33, artic. 11.* dicens posse Religiosum puniri post quindecim annos, à commisso crimine: quia vt ibi probat, ex iure canonico crimina non præscribunt. Et probat, quòd etiamsi in aliquo ordine esset statutum ne punirentur crimina nisi intra vnum, vel duos annos, illo non obstante posset Prælatus ratione correctionis, & boni publici punire. Quamuis accusator tunc præscriberet, & non posset tunc accusare.

7 In Ordine Minorum in statutis generalibus Romæ, anno 1587. statuitur ut qui Religiosus proprio Prælato non denunciauerit, absque legitima causa: & postea alteri Prælato denunciauerit, puniatur ob talem omissionem si causam omissionis non dederit: sed tamen ipse reus delatus non sit immunis à pœna, & à culpa, per quod etiam videtur quodammodo tollere præscriptionem criminum, standum tamen est legibus & moribus cuiusque Ordinis, & prudentia dictabit etiam, ac circumstantia temporis quid magis conducatur bono communi ac particulari culpanti.

QV ID, ET QV OTV PLEX priuilegium?

1 **P**riuilegium est lex priuata aliquid speciale concedens: id est, aliquem fauorem seu beneficium.

Vnde si non concedat aliquem fauorem, vel beneficium, non est in rigore priuilegium. Est communis Doctorum. Vnde lex imponens grauamen seu censuram in aliquo Ordine, non est priuilegium, sed lex pœnalis.

2 Non est necessarium quòd priuilegium concedat aliquid contra ius: sed satis est quòd sit ultra ius, vel præter ius. Quando verò à Papa fit aliqua declaratio iuris communis, vel particularis Bullæ, in rigore talis declaratio non potest dici priuilegium, quia nihil concedit: sed tamen latè dici potest priuilegium quatenus concedit quietem conscientie. Suarez tom. de Legibus, lib. 8. cap. 1. num. 7.

3 Non est necesse quòd priuilegium detur in scriptis, sufficit dari verbo tenus: imò Leo X. in supplemento, fol. 58. Concession. 161. concessit, quod Minoritæ secreta conscientia possint vti omnibus sibi à Sede Apostolica concessis, siue per Bullas, aut Breuia; siue per viuz vocis oracula, sicut in libris Ordinis repetiuntur. Rod. tom. 1. quæst. 7. art. 5. & proinde innuit Papa sufficere ut reperiatur priuilegium scriptum in libris Ordinis, ad hoc

hoc ut fidem faciat in quouis foro. Idem est, si per solas supplicationes factas Papæ à Cardinali, aliquid impetretur: & Papa dicat, *Fiat*. Et de hoc Cardinalis det suum testimonium, ut praxis docet, & habentur multa exempla in Bullario Rodriguez. Eandem fidem habent transumpta authentica, deducta ab originali priuilegio, etiam pro foro iudiciali, sicut concessum est pro Minoribus, & aliis. Supplement. folio 69.

4 Priuilegium aliud est reale, aliud personale: & hæc cognoscere multum interest. Reale est illud, quod conceditur directè alicui rei, loco, munerī, vel officio distincto, seu conditioni distinctæ à persona, ut quando aliquid conceditur tali Ecclesiæ, ut scilicet tali die suspendatur in illa interdictum: tunc id conceditur loco, non personæ: & extra illum, non licet personæ: quod sibi licet in illo. Similiter, si conceditur rebus immobilibus Ecclesiæ ut prædio, non conceditur personæ: item si conceditur officio, ut Vicario generali, non conceditur illi tali personæ; quia cum non fuerit Vicarius, illud non poterit. Hoc autem priuilegium reale indirectè, transit ad personas, quæ gaudent illo ratione rei, officij, & similium. Si enim Papa dicat concedimus Episcopo Eborensi tale, vel tale; vel Ministro Prouinciali, tale, vel tale, intelligitur priuilegium esse reale: secus si dicat, concedimus tibi, vel illi: Tunc enim est personale. Hinc iam patebit quid sit priuilegium personale: est enim illud quod directè conceditur personæ, & ad ipsam dirigitur, & hoc priuilegium non extenditur ultra personam illam.

Rursus priuilegium reale, vel est particulare, concessum scilicet vni tantum loco: vel est generale concessum scilicet omni loco, & omni Religioni, & sic de cæteris. Eodémque modo, priuilegium personale, aliud est generale, concessum videlicet omnibus personis istius Regni, vel omnibus Religiosis Ordinis, vel est particulare, concessum tantum vni, vel paucis de populo: vel vni aut duobus Religiosis tantum, vel paucis. Clarius, & ad

& ad intentum dic : Privilegium concessum vni Conuentui est reale particulare , concessum toti Ordini est reale generale : concessum item vni Religioso , est personale particulare : concessum verò omnibus personis Religiosis , est personale generale.

4 Stante dubio an privilegium sit reale, an personale, aliqui dicunt habendum esse pro realialij dicunt habendum esse pro personali. Alij melius distinguunt, quòd si est contra ius commune , vel contra bonum tertij, censendum est personale. Si verò est præter ius, & purus fauor, in dubio censetur reale.

6 Privilegium aliud est odiosum, aliud fauorabile. Fauorabile est quod purè fauorem continet illius cui conceditur, & nulli alteri nocet, nec præiudicium infert iuri. Odiosum est illud quod ita alicui fauorem aliquem concedit, vt tamen alteri noceat, vel est contra ius aliquod: quale est privilegium de non soluendis decimis: & privilegium ad lites, quod fauet auctori, & non reo. Et ista privilegia odiosa, quia nocent iuri, vel tertio strictè sunt interpretanda, vt minus noceant quàm nocere possint. Quando verò privilegium est purè fauorabile ita vt neque iuri, neque tertio noceat, tunc amplè est interpretandum, iuxta infra dicenda: & hinc proptie habet locum quod dici solet, fauores sunt ampliandi, odia verò restringenda: quæ est vna de Regul. iuris. in 6. Regul. 13.

7 Item aliud privilegium est insertum in corpore iuris canonici. Aliud verò est extra corpus iuris. Et licet vtrumque coram Deo æqualem vim habeat, differunt tamen, primò, quia privilegium insertum in corpore iuris, est quasi lex publica, & obligat omnes ad sui obseruationem seu conseruationem. Privilegium verò extra corpus iuris, contentum scilicet in aliqua Bulla particulari, non ita promulgatur, neque ita obligat, nisi post exhibitionem authenticam, & iustificatam. Secundò differunt, quia privilegia contenta in corpore iuris non reuocantur, nisi de illis fiat specialis mentio, vel dicatur quòd reuocantur etiam privilegia in iure còmuni contenta, & sic non sufficit reuocatio quantumcumque generalis

neralis : privilegia verò posita extra corpus iuris reuocantur per quaecumque reuocationem generalem.

8 Privilegium purè fauorabile concessum viris , conceditur etiam foeminis coniunctis si sint capaces illius , vt privilegium concessum Fratribus conceditur etiam Monialibus. Rodrigu. *tom 1. quæstion. 13. art. 21.*

9 Privilegium , quod non continet præiudicium tertij , statim est validum , & illo potest quis vti absque promulgatione : vt privilegium recitandi Horas canonicas , tali modo , vel tali hora. Si verò contineat præiudicium tertij , necessariò debet prius promulgari , vel notificari illi tertio , vt illi constet , & possit reclamare. Rodrig. *tom 1. quæst. 7. art. ultimo.* Privilegia item data per leges vniuersales , cum sint leges , debent prius promulgari. At privilegia data per Bullas particulares Conuentibus , Religiosis , &c. non est necesse quòd promulgentur in publico : sed vt ligent satis est quòd publicentur suo tempore : sic enim praxis obtinuit vt hæc non promulgentur solemniter. Et sic exhibita , si continent excommunicationem , statim ligabunt illum cui exhibentur , si Bulla sit authentica , & exhibeatur iuridicè. Suarez *lib. 8. de Legib. cap. 24. num. 8.*

PRIVILEGII FORMA.

10 **D**E Vobis modis præcipuè solet concedi privilegium. Primò ex Motu proprio , quando scilicet princeps ad illud concedendum non mouetur precibus alicuius , sed ex sua sola liberalitate. Secundo modo datur vt plurimùm ad instantiam partis : & hic est modus communior. Differunt tamen quòd concessum ad instantiam partis , non est ad eò voluntarium , & liberale , sicut est concessum ex Motu proprio. Et proinde privilegium cum clausula *ex Motu proprio* ampliat privilegium quantum patitur proprietatis

tas verborum : quod non habet priuilegium concessum ad instantiam partis. Est communis Iuristarum. Secundò differunt, quia aliquando qui petit priuilegium cogitur uti priuilegio petito, ut infra dicetur : si verò fuit illi concessum ex motu proprio, nunquam potest cogi ut illo utatur. Tertiò differunt, quia priuilegiũ subreptitiè impetratum ad instantiam partis, non valet. At datum Motu proprio valet, quia clausula, *Motus proprii* tollit omnem subreptionem. Hæc omnia Suarez ex multis testibus, & Doctoribus. *citat. lib. 8. cap. 12. à num. 8.*

11 Si datur priuilegium alicui (ut datur sæpè Prælati Regularibus) faciendi aliquid ; ut dispensandi, absoluedi, vel puniendi, cum consilio alicuius, vel aliquorum ; tunc petitio consilij ad substantiam formæ pertinet, & tenetur illud petere : non est tamen necessarium ; neque obligatio sequi illud consilium : quia ad hoc per illa verba non obligatur : aliud enim est postulare consilium, aliud verò sequi consilium. Et quidem illud postulare, semper est utile : illud verò sequi aliquando est inutile. Neque verò refert si dicat Bulla, aut lex *ut fiat de consilio*, vel *cum consilio*, vel *ex consilio*, quia hæc sunt synonyma. Secus verò esset, si diceretur ; hoc fiat secundum consilium, vel iuxta consilium pro ut visum fuerit Petro. Tunc enim tenetur non solum petere, sed etiam sequi consilium Petri. Et idem dicendum si dicat concessio, ut fiat aliquid cum consensu, vel de consensu Petri. Tenetur enim tunc sequi consensum, & sine eius consensu non poterit : consensus enim plus dicit quam consilium. Suarez *ubi supra cap 13. num 5.*

12 Ad intelligendam formam substantialem priuilegiij (& suo modo, cuiuscumque Bullæ) tres partes sunt notandæ. Prima est quæ antecedit concessionem, & hæc ut plurimum est narratio petitionis, vel est redditio causæ mouentis, vel necessitatis priuilegiij, aut Bullæ. Secunda est ipsa concessio priuilegiij, per quam Princeps suam explicat voluntatem : & hæc, ut plurimum incipit in illis verbis : *Nos igitur* : vel, *Quibus*

bus attentis: vel aliis similibus. Tertia, esse potest limitatio, vel extensio privilegij: & non obstantia derogatoriae solite adhiberi.

13 Non est necessarium, quod in privilegio dicatur: *Non obstante iure communi*, cum scilicet derogatiam enim supponitur, vel Principem id scire, & habere omne ius in pectore: & eo non obstante id concedere. Si tamen privilegium potest habere aliquem effectum salvo iure communi, tale ius semper salvandum est. *Gloss. in capit. 1. de constit. in 6. verb. Noscatur.* Et colligitur ex *capit. in his. de Privileg.* Si autem privilegium non potest sortiri aliquem effectum concessionis, nisi derogando iuri communi, id credendum est voluisse Papam. Non enim credendum est illum voluisse concedere aliquid illusorium. Colligitur ex *cap. inter dilectos. de fide instr. & gloss. dicto capit. in his.*

14 Datur aliquando privilegium quod dicitur ad instar: & est illud quod alicui datur per similitudinem, vel æquiparationem ad aliud concessum alteri, ut si dicat Papa: concedo Petro privilegium ad instar, id est, ad similitudinem privilegij iam Paulo concessi. Et tunc privilegium secundum Petri, dicitur privilegium ad instar. Item si vni Religioni concedatur privilegium ad instar, id est, ad similitudinem privilegij Minorum: secundum privilegium dicitur ad instar, & privilegium Minorum dicitur exemplar, colligitur ex *leg. omnia. 34. Cod. de Episc. & Cleric.*

15 Hoc privilegium ad instar concedit omnem favorem, & gratiam formaliter contentam in suo exemplari: & in eodem sensu in quo continetur in suo exemplari, & cum eadem extensione, & restrictione. Hoc patet, quia in hoc consistit æquiparatio, vel imitatio, quam significat privilegium, seu verbum ad instar, seu ad similitudinem.

16 Aucto privilegio exemplari seu primo, non augetur privilegium ad instar, quia dans privilegium, secundum, seu ad instar, solum respicit ad statum quem

quem tunc habebat exemplar, & non ad statum futurum. Neque è contra si augeatur priuilegium, ad instar, non augetur exemplar : non enim habent hæc duo quo ad hæc dependentiam.

17 Abrogato, vel amisso primo priuilegio exemplari quocumque modo id fiat, non perditur neque abrogatur priuilegium ad instar : iam enim priuilegium ad instar est distinctum, & factum est proprium illius cui secundo concessum est : neque pendet ab exemplari in conservari. Est communis Doctorum, maximè Nauar. *Comment. de Iubileo. notat. 26. num. 8.* Exempla facilè applicabis ex dictis *num. 14.* si etiam contingat quod priuilegium exemplar restringatur, non restringitur priuilegium ad instar, nisi illud exprimatur in particulari : idque ob causam proximè dictam.

18 Si priuilegium ad instar dicat, *concedimus Ordini Minorum talia vel talia*, exprimendo illa, sicut concessum est Ordini S. Benedicti: tunc dato quod in Ordine S. Benedicti non inueniatur talis concessio, valet tamen illa cōcessio facta Minoribus in priuilegio ad instar. Iā enim fuit mens Papæ illa ibi expressa concedere Minoritis. *Suar. l. 8. cit. c. 15. n. 7.* cum multis citatis. Secus foret si tale exemplar priuilegium non inueniretur apud Benedictinos, neque Papa aliquid exprimeret quod concederet ; sed in genere, & in confuso loqueretur: tunc enim nihil concederet.

COMMUNICATIO

Priuilegiorum.

Vide suprà hoc etiam verb. *littera C. Communicatio priuilegiorum.* & adde sequentia.

19 **P**riuilegiorum concessum aliqui Sacerdoti ut recitet matutinum vespere multo ante solis occasum communicatur etiam socio recitanti cum illo Sacerdote priuilegiato, & socius satisfacit muneri

suo. Si enim illud privilegium datum fuit ad leuandum laborem in recitando, & ipse solus laboriosè recitat, extenditur fauor ad socium ne privilegium reddatur inane. *Suar. cit. lib. 8. c. 11. n. 7. & 8.*

20 Concessa vni Monasterio vnius Ordinis censentur etiam concessa omnibus Monasteriis eiusdem Ordinis. Sic concessit Pius IV. Patribus sancti Hieronymi in Hispan. ad instantiam Regis Philipp. II. de quo *Rodrig. citat. quest. art. 9. & 18.* vnde infert *Rodrig. art. 18.* quod Indulgentia illa celebris Portiunculæ Assisij concessa in Conuentu Pat. nost. Francisci, pro intrantibus Ecclesiam illam, conceditur etiam vniuersis Minoritis in toto Ordine pro eodem die, in suis Conuentibus. Qua de re ego dubito, vt dixi suprà, *verb. Indulgentia, tit. circa Indulgentias & Iubileum, num. 2.* & vltra ibi dicta nunc addo instantiam. Nam si Minoritæ omnes extra illum Conuentum Assisij fruuntur illa Indulgentia eo quòd sit communicata illi Conuentui, ratione cuius totus ordo participat: sequetur clarè quòd etiam omnes aliæ Religiones gaudebunt illa Indulgentia eodem die, eo quòd iam illa Indulgentia per se est communis toti Ordini, cum quo Ordine cæteri Mendicantes participant: ad eum modum quò omnes Religiones communicant in privilegio recipiendi Nouitios, absque præuia informatione, concessio Dominicanis in Monasterio Salmanticensi, eo quod concessum illi Monasterio censetur communicatum toti Ordini Prædicatorum: & proinde cæteri Ordines cum illo communicant. At nemo vnquam dixit, neque praxis edocuit, quòd cæteræ Religiones communicant in illa Indulgentia Portiunculæ in illa die: ergo neque tota Religio Minorum extra illa domum. Et maximè hodie quando vt ibi dixi omnes Indulgentiæ Regularium sunt reuocatæ, præter ibi positas. Hoc ergo dictum in isto numero, quod concessum vni Monasterio conceditur alteri, ego intelligo de privilegiis, non verò de Indulgentiis, quæ nimis differunt à privilegiis.

21 Privilegium concessum vni Religioso tantum,
non

non conceditur aliis Religiosis eiusdem Ordinis : hinc enim militat diuersa ratio , quæ enim vni Religioso congruunt alteri Religioso erunt indecentia: quod non continget in priuilegio concesso vni Monasterio respectu aliorum Monasteriorum eiusdem Ordinis. Adde ego quod si vnum priuilegium sit concesso Prælati vnius Conuentus ratione officij, vel Fratribus in communi alicuius Conuentus, quod illud participabunt omnes Prælati conuentuales, & omnes Fratres illius Ordinis : imò & Prælati conuentuales, & Fratres aliorum Ordinum communicantium. Exemplum est in priuilegio posito *num. præcedente* concesso Priori Conuentus Dominicanorum Salmanticensium, & in aliis exemplis videre licebit : concesso enim fuit officio, & non personæ.

22 Quando vna Religio communicat in priuilegio alteri Ordini primo concesso, tale priuilegium ita fit proprium Religionis communicantis, ac si illi primò fuisset concesso : & proinde si prima Religio illud perdat, amittat, vel mutet per reuocationem particularem Religionis vetantis illius vsum, non hæc eueniunt in secunda Religione cuius factum est proprium. Neque è contra : si mutetur priuilegium communicatum, vel reuocetur vel restringatur, non fit hæc mutatio, vel alteratio in priuilegio concesso priori Religioni. Est communis : & patet ex dictis in priuilegio ad instar, respectu priuilegij exemplaris. Secus si reuocetur priuilegium quo ad omnes illud habentes per communicationem, extensionem, & similibus clausulis quæ videndæ sunt.

23 Solent concedi priuilegia hoc modo in aliqua Religione : vt scilicet Religiosi illius, illis non gaudeant nisi illis fuerint concessa à suo Generali quo ad vsum eorundem priuilegiorum : vt haber soc. Iesu. Hoc posito dubitas, si illa priuilegia illi Ordini primò concessa cum illa restrictione ad Generalem, postea communicentur Ordini verb. grat. Minorum, intelligantur concessa cum ea restrictione, vt Minoribus non vtantur, nisi Generalis ipsis concedat? Resp.

quod non, sed poterunt Minoritæ illis vti absque concessione particulari sui Genes. Rodriguez *tom. 1. quest. 55. art. 17 §. 2. dubium. & Suar. lib. 8. citat. cap. 17. num. 6.*

24 Illi qui communicant in aliquo priuilegio alteri Ordini primò concessio possunt se defendere tali priuilegio sibi communicato contra illam Ordinem qui primò concessum fuit : si iste Ordo se defendens est reus, & patitur damnum Exemplum sit, fuit primò communicatum Ordini Minorum, vel concessum ne Religiosi alterius Ordinis ædificent conuentum prope Minores intra spatium tot cannarum (de quo suprà *verb. Monasterium*) cui priuilegio communicant Carmelitæ. Postea Minoritæ volunt ædificare Conuentum prope Carmelitas intra idem spatium, possunt Carmelitæ se defendere contra Minores per illud priuilegium concessum primò Minoribus : quia hoc priuilegium iam factum est proprium Carmelitarum per communicacionem. Teneat Rodriguez. *cit. quest. 55. art. 21. citans Cordub.* Et est communis Et ait Corduba quod iuxta hoc si casu fuerit positum interdictum vni Ordini ad instantiam alterius, poterit Ordo interdictus suspendere interdictum per priuilegia concessa Ordini illius qui petiit interdictum.

25 Quando dicitur priuilegiatum non posse agere contra priuilegiatum, non intelligitur in casu proximè præcedente, sed intelligitur quando vnus priuilegiatus habet aliud distinctum priuilegium, & contrarium, repugnans, seu tollens priuilegium alterius. Exemplum. Habet Rex priuilegium à Papa vt petat subsidium à clerici non obstante iure communi: E contra habet Conuentus speciale priuilegium ab illo non derogatū, per quod sibi conceditur ne soluat subsidium quicumque personæ: tunc Rex priuilegiatus, non potest agere contra Conuentum illum priuilegiatum in oppositum. Secundò, habet Dux militum priuilegium à Rege, vt obliget quemcumque plebanum recipere hospitem militem. Habet e contra plebanus Minorū confrater, priuilegium à Rege ne cogatur ad recipiēdos tales milites, vel hospites

tes sæculares: in tali casu Dux privilegiatus non potest agere contra talē plebanum privilegiatū, sunt enim privilegia mutuo pugnancia & habētia oppositionē respectivam: quod non cernitur in *dicto n. precedente*: est enim tunc in canis idem privilegium non sibi repugnans.

PRIVILEGII CONFIRMATIO.

26 **E**tiam si privilegia unius Ordinis non confirmantur à nouo Papa electo, non proinde dicta privilegia manent abrogata. Primò, quia privilegia Ordinum non contradicentia Conc. Trident sunt confirmata per ipsum Concil. *sess 25. t. de Reg. in fine*, quod est ius commune Secundò, quia ut Iuristæ dicunt, privilegium, seu beneficium principis debet esse immobile. Confirmantur verò ut plurimum Ordinum privilegia à nouo Pontifice, petentibus Religionibus, quia, ut ait S.D. Papa Paul.V. in confirmatione privilegiorum Minoritarum, anno 1609. illa quæ authoritate Apostolica sæpius confirmantur, maius robur, & firmitatem acquirunt. Addo quod ex iterata illa confirmatione aliquando aliquid nouum acquiritur in modo confirmationis, ut mox dicemus. Vide *infra verbo isto, num 50.*

27 Duobus modis solent confirmari privilegia, valde diuersis, & scitu dignis ad multos effectus. Primò confirmantur in forma communi, id est, in confuso sicut iacent, sine examine, & hæc dicitur confirmatio in forma communi. Secundo modo confirmantur privilegia ex certa scientia: quia scilicet supponit princeps habere se notitiam claram illorum privilegiorum, idque facere præuio examine, & inquisitione. Si verò antequam confirmet, ponit tenorem privilegij, tunc clarè confirmat ex certa scientia. Idem est si in cōfirmatione dicat se confirmare ex certa scientia. Talis enim confirmatio fortior est, & amplior, ut dicemus. Idem valet hoc verbum, si dicatur, *confirmo ex plenitudine potestatis*: per hæc enim verba significat Papa se velle

operari quidquid potest , videlicet suprà ius , & contra ius. Idem valet si dicat : *non obstante lege in contrarium* , ex his colliges quando confirmetur privilegium in forma communi ; & quando ex certa scientia. Confirmatio enim ex certa scientia fit , quando opponitur aliquid ex sequentibus. Ex certa scientia , vel de plenitudine potestatis , vel non obstante lege in contrarium. Quando verò confirmatio caret aliqua clausula ex his tribus , est confirmatio in forma communi.

28 Quando privilegium confirmatur solùm in forma communi , talis confirmatio nullum ius novum confert , neque dat valorem privilegio , quod erat ante inualidum : & ita non est concessio privilegij , sed sola roboratio pro statu in quo erat. Est communis Doctorum ad cap. *quia diversitatis* , de concessione prebenda : & proinde si hæc confirmatio cadat supra actum incapacem , seu nullum : nihil confert. Si verò conferatur à Superiori , & actus sit confirmabilis , additur robur præcedenti privilegio. Suar. cit. lib. 8. n. 8. 9. & 10.

29 Confirmatio ex certa scientia habet vim novæ concessionis talis privilegij , vel privilegiorum. Ita gloss. in capit. *quia diversitatis* , & in capite 1. de transact. Et ratio redditur , quia talis confirmatio ex certa scientia habet vim confirmandi actum nullum reddendo illum de inualido validum , seu de privilegio nullo , facere validum. Suarez latè , & efficaciter citato libro capit. 18. à numero 12. & seqq. Limitat tamen ibi Suarez , dummodò Papa confirmans ex certa scientia non ponat aliquam clausulam per quam dicat se nolle confirmare privilegium aliàs nullum , ut si verbi gratia , dicat quatenus sunt in usu. Tunc enim si aliquod privilegium sit iam nullum , quia non est in usu , tunc non confirmantur ibi privilegia ex certa scientia. Idem erit de similibus restrictionibus , ut si dicatur (*dummodò sub ullis revocationibus non sint comprehensa*) vel si dicatur (*prout in libris Ordinum reperiuntur*) tunc enim non confirmantur ex certa scientia illa quæ neque in libris Ordinum , neque in Bullis reperiuntur. Idem si dicatur , *dummodò Concil.*

Trident .

Trident. non sint contraria, tunc enim hæc non confirmantur.

30 Ego pro quiete & consolatione Minoritarum⁹ aduerto à Clemente VII. vsque ad hunc diem septem Pontifices confirmasse priuilegia Minorum ex certa scientia, & aliquos ex his insuper dixisse de plenitudine potestatis. Bullæ confirmatoriæ hõrum Pontificum habentur in Bullar. Rodrig. *foliis mox citandis*. Primus ergo fuit Clemens VII. cit. Bullar. fol. 759. col. 1. dicens. *Motu proprio, & ex certa scientia approbamus, &c.* Secundus fuit Iulius III. eodem Bullar. fol. 826. col. 2. dicens, *quatenus sunt in usu & viridi obseruantia, ex certa scientia, & de Apostolica potestatis plenitudine.* Tertius fuit Paul. I V. *ibid.* fol. 843. col. 2. dicens: *Ex certa scientia ac de Apostolica potestatis plenitudine.* Quartus fuit Pius I V. *ibid.* fol. 863. col. 2. dicens: *Ex certa scientia, & de plenitudine potestatis.* Quintus fuit Gregor. X III. *ibidem* fol. 985. col. 2. dicens: *Ex certa scientia, ac de Apost. sedis plenitudine.* Sextus fuit Sixt. V. *ibid.* fol. 1152. dicens: *Ex certa scientia, in illis in quibus Tridentin. non aduersantur.* Vltimus fuit Clemens VII. *ibid.* fol. 1223. col. 1. dicens: *Ex certa scientia, in his in quibus Tridentin. non aduersantur.* Tandem aduerto, quod neque Sixtus V. neque Clem. VII. restrinxerunt dummodò sint in usu. At Paul. V. D. N. eadem priuilegia nobis confirmans, anno 1609. non posuit clausulam *ex certa scientia: nec de plenitudine potestatis.* Sed tamen etiam abstinuit à clausula, *quatenus sunt in usu.*

Ex his habes saltem priuilegia Minorum esse confirmata à tot annis, absque clausula, *quatenus sunt in usu.* Et à tot annis esse confirmata *ex certa scientia.* Sed dubitas: si vltimus Papa D. Paulus V. non confirmauit *ex certa scientia*: hoc nocebit, & efficiet inualidas confirmationes, septem Pontificum factas, antecedentes, *ex certa scientia*; & efficient vt priuilegia non sint confirmata *ex certa scientia*? Credo quod non: neque hoc illis nocebit: nam vt suprà vidimus n. 26. etiamsi priuilegia Ordinis non confirmentur à nouo Papa: illa priuilegia

non perdunt robur suum: ergo licet D. Paulus V. non confirmaret, & omnino taceret, erant nostra priuilegia confirmata *ex certa scientia*, vsque ad Clementem VIII. Quamuis ergo illa tacuerit *ex certa scientia*: hæc taciturnitas non reuocat certam scientiam antecessorum, vt patet. Vide infra n. 36.

31 Quando Papa confirmans priuilegia dicit; *dummodo non sint contra Concilium Tridentinum*, non est mens eius reuocare priuilegia omnia contraria dicto Concilio quouis modo, sed solum illa quæ ita sunt illi contraria, vt in terminis, & expressè ad illo reuocentur, pro vt reuocantur in locis particularibus. Si enim in terminis, & directè non fuerint reuocata à Tridentino, etiamsi aliàs illi contrariantur, non sunt reuocata: & proinde à Papa confirmantur, etiam ponente illam clausulam. Rodriguez *tom. 1. question. 8. art. 6.* dicens sic fuisse responsum à Doctoribus Salmanticensibus. Et consentit Suarez *lib. cit. cap. 18. ad finem* & inclinatur Miranda *tom. 2. quest. 42. art. 3. §. sed alij.* Ponit hoc exemplum Rodriguez: Ordinari extra tempora est contra Tridentin. *sess. 23. cap. 8.* Quia tamen *ibi* Concil. non reuocat priuilegia Regularium, quæ ipsi habent in contrarium: eadem priuilegia manent integrâ, licet ipsi Concilio sint contraria, quia *ibi* quoad illud non sunt derogata. At quia *Trid. ead. sess. c. 12.* expressè derogat priuilegia Regularium per quæ poterant Ordines sacros recipere ante ætatem *ibi* assignatam: idcirco hæc priuilegia *ibi* derogata quoad anticipationem ætatis, non sunt licita Regularibus, & sic de exemplis similibus quæ videbis recurrendo ad textum Concilij. Et tandem iuxta hæc explicabis dictam clausulam Pontificum dicentium (*dummodo non sint contraria Concilio*) adde; & non sint ab ipso reuocata, secus si sint reuocata.

Quæ verò expressè reuocata sint à Tridentino, & quibus in locis, vide Epitom. Ioan. à Cruce. *lib. 2. cap. 3. dubit. 6.* vbi ponit tredecim loca Tridentini reuocantia priuilegia Regularium quæ sunt tredecim numero, quæ omitto breuitatis gratia: sed infra ponam in fine, *ver. Trid. Concil.*

32 Confirmatio priuilegij ex certa scientia non confirmat priuilegium quod à principio fuit nullum, falsum, seu subreptitium. Probatur quia non est mens Principis concedere nisi quod antea verè concessum fuit: id verò quod nullum fuit, nunquam fuit concessum.

33 Confirmatio ex certa scientia reualidat priuilegium à prædecessore reuocatum per specialem Bullam, seu specialem reuocationem. Secus verò quando præcedens priuilegium fuit reuocatum per ius commune, vt per Concil. Tridentinum, & alia iura (modo explicato in n. 32 præcedenti). In hoc enim secundo casu non confirmantur ex certa scientia priuilegia reuocata per ius commune. Prima pars de priuilegio reuocato solum per Bullam particulare, quod reualidetur, si postea confirmentur priuilegia ex certa scientia, est Rozelle *verb. Absolutio. n. 32.* & Rodr. *q. 8. artic. 3.* cum aliis quos citat, & Suárez *cir. lib. c. 19. n. 4.* secunda pars, de priuilegio reuocato per ius commune, est communis Doctorum Et maximè Cord. ad Compend *ver. Absolutio quoad seculares. 2. ad §. 16.*

34 Si Papa confirmat priuilegia vnius Ordinis illi propria, & primo concessa *ex certa scientia*, illa Religio quæ communicabat priuilegia istius primæ Religionis ante illam confirmationem, si communicat non solum concessa, sed etiam concedenda (vt ferè habent omnes Mendicantes, & non Mendicantes) etiam gaudet illa confirmatione *ex certa scientia*, quoad priuilegia quibus utitur, communitatis ab illo primo Ordine: probatur, quia cum communicet etiam concedendis, & confirmatio ex certa scientia sit etiam quasi priuilegium nouum primi Ordinis, etiam iste communicabit secunda Religio. Si verò non communicet nisi concessis de præterito, non participat illa vt confirmata *ex certa scientia*. Suárez *cap. 10. num. 9. & 10.*

35 Si Papa confirmet *ex certa scientia* priuilegia vnius Ordinis, non censetur etiam confirmare *ex certa scientia* priuilegia propria alterius Ordinis participantis priuilegia illius primi Ordinis. Quia Papa non intendit confirmare ex certa scientia, nisi tantum priuilegia, v-

g. Minorum, & non Minimorum: seu privilegia specialia Minorum: ergo non confirmat ex certa scientia privilegia specialia Dominicanorum, vel Minimorum, aliàs plura confirmaret quàm intenderet. Suarez *ibid.* num. 12. & 13.

36 Quando Papa in confirmatione privilegij dicit, *innouamus*. si hæc innouatio sit in forma communi, iudicabitur de illa sicut suprà dictum est de confirmatione facta in forma communi, quæ non reualidat privilegium antea reuocatum. Si verò ista innouatio sit innouatio ex certa scientia, habet vim ad validanda privilegia reuocata cum moderatione suprà posita n. 32. quam vide. Est Cordub. ad Compend. verb. *Absolutio quoad seculares* 2. §. 15. Ex tenore autem verborum coniici debet, si innouatio sit ex certa scientia. Et quidem ut suprà dixi S. D. Paulus V. in sua Confirmatione solùm posuit, *confirmamus, & innouamus*. Sed ait se confirmare privilegia confirmata à Clemente VII. suo antecessore: quia tamen Clemens VII. dixit, *ex certa scientia*.

37 Verba illa solita apponi in confirmatione privilegij videlicet (*supplentes omnes Iuris, & facti defectus, si qui interuenerint*) non supplent defectus, ex iure naturali repugnantes illi actui, neque defectus subreptionis. Sed adhibentur illa verba, *ad maiorem rei evidentiam, seu tollendos scrupulos, & ad tollendam occasionem mouendi lites fundatas in solo iure positivo*.

38 Quando ad impetrandum privilegium, narratur aliquid falsum, quod principaliter mouet Papam ad dandum privilegium, tunc privilegium est nullum. *cap. super literis. cap. ad aures. de rescriptis*: & est communis. Oportet autem, quòd illa falsa narratio moueat Papam ad dandum privilegium. Si enim dantur etiam aliæ causæ graues, & veræ quæ Papam moueant, valet privilegium. Inualidat etiam privilegium occultatio rei illius, quæ si sciretur à Principe, non concederet: ut quòd supplicans beneficium iam habet aliud beneficium: vel petens Indulgentiam, iam habet aliam Indulgentiam ferè in simili materia, hoc enim si sciret

Papa

Papa non concederet. Et hæc, de iure communi, ac de stylo Curia sunt explicanda in petitione. Quemadmodum ad obtinendam dispensationem matrimonij inter consanguineos, ex stylo Curia necessario declaranda est copula quæ præcessit, quia solet difficiliorem reddere dispensationem, & hæc si proinde taceatur, reddit dispensationem inuvalidam, iuxta veriorum opinionem, de qua Sanc. l. 7. de Matr. disp. 25. citans multos.

PRIVILEGII VSUS.

39 **C** Ap. si de terra, de privilegiis dicitur, quod non potest quis cogi ut utatur suo privilegio. Videtur enim implicare moraliter ut cum privilegium sit fauor, ego cum molestia cogar uti tali privilegio, & fauor vertatur in grauamen. Excipitur tamen à proximè dicto quando aliquis non potest renunciare suo privilegio sine præiudicio publico, vel præiudicio tertij. Exemplum. Si Clericus renunciet privilegio fori Ecclesiastici, ut scilicet causam dicat apud solum Iudicem sæcularem. Hæc renuntiatio cedit in detrimentum Ecclesiæ, in cuius præcipuè fauorem concessum est illud privilegium: & proinde Clericus non poterit illi renunciare, sed cogetur illo uti: & aliter faciens peccabit mortaliter. Aliud exemplum est de habente privilegium ad Missam audiendam tempore Interdicti. Tunc enim cum remorum habeat impedimentum, ob tale privilegium Cruciatæ, vel simile, tenetur Missam audire, & cogetur uti suo privilegio. Et huius secundi exempli datur regula generalis, quod tunc aliquis cogetur uti suo privilegio quando per privilegium efficitur, ut actus sit licitus, qui absque privilegio erat illicitus. Vide etiam supra quando privilegiatus non possit uti suo privilegio contra privilegiatum.

Ex dictis de Clerico non valente rennunciare suo privilegio fori, quia est in præiudicium Ecclesiæ; colliges

liges primò à simili non posse Minoritam renunciare priuilegio recitandi singulis feriis quintis de sanctiss. Sacramento, quia illud priuilegium non est sibi concessum, sed concessum toti Ordini. Infertur secundò quod si alicui personæ particulari concederetur aliquod priuilegium, non intuitu communitatis, vt quod non ieiunet, vel quod recitet Breuiaria parua, tunc bene poterit tali priuilegio renunciare.

40 Circa vsum priuilegij ignorati, nota quod si ego audiens pœnitentem in confessione de casu graui, puto me posse illum absoluerè, vel quia non credo casum esse reseruaturn, vel quid simile per errorem, ignorans omnino me habere priuilegiu ad absolueudum sicut de facto habeo, cum tamen absque priuilegio non possem illum casum absoluerè: tunc absolutio tenet, pater ex illo dicto communi Iuristarum; si non valet hoc quod ago, pro vt ago, valeat vt valere potest. Et hæc est mens operantium, in omni materia graui. Ille enim sic absoluens, habuit voluntatem generalem vtendi priuilegijs Ordinis, & simul habuit voluntatem absolueudi: & sic concurrerunt omnia necessaria. Colligitur ex *cap. unico de Desponsat. impub.* & est communis Doctorum.

41 Habens priuilegium Bullæ Cruciatæ in Hispania comedendi lacticia, non potest illa comedere extra Hispaniam: quia illa licentia clarè solum datur pro Hispania, Suarez *lib. citat. cap. 26. num. 4.* Sumitur enim ratio specialis ex circumstantia loci pro quo datur Bulla. Secus si sit priuilegiatus ob infirmitatem, vel aliquid simile per Prælatum, tunc enim vbique poterit comedere, quia est priuilegium purè personale.

42 Priuilegium datum ab vno Episcopo dispensante in aliqua lege sui territorij (idem applica ad Prouincialem suo modo) ad faciendum aliquid; non valet ad operandum illud in alieno Episcopatu, si ibi per Episcopum sit etiam prohibitum. Probaturn, quia peregrinus teneretur seruare leges, & mores illius territorij in quo est, & proinde priuilegiatus in suo Episcopatu, non est similiter priuilegiatus in alio Episcopatu pro illo opere

opere ibi similiter prohibito. Et præterea, quia priuilegium vnius Episcopi non potest derogare præcepto alterius Episcopi. Vide suprâ, *verb. Libri*, aliud exemplum de non valente legere libros prohibitos sibi concessos in Portugallia, si sit ipse in Castella, vbi iidem libri sunt specialiter etiam prohibiti, & quod priuilegiatus in Portugallia, vt portet Archebustum paruum: non est priuilegiatus vt illud ipsum portet in Italia, vbi est etiam specialiter prohibitum.

PRIVILEGII EXTENSIO,
ampliatio, seu restrictio.

43 **P**riuilegium purè fauorabile, quod scilicet neque est contra ius commune, neque contra bonum tertij, est amplè interpretandum sicut suprâ diximus quantum recta ratio, & cõmunis verborum significatio, & prudentia permiserit. Est communis Doctorum, & colligitur ex *l. hoc modo. ff. de condit. & demonstrat.* Quod maximè intelligitur de priuilegio concessio toti Religioni, quo ad exemptionem, vt tenet Henriquez *tom. 1. libr. 7. de Indulgent. capit. 24. n. 4.*

44 Priuilegium derogans iuri communi est odiosum, & ideo restringendum potius quàm extendendum. Nauar. *in Sum. Latina. cap. 12. num. 79.* & alij communiter; nam bonum commune præferendum est singulari. Tamen restrictio taliter debet fieri, vt semper admittat aliquem fauorem fieri, per priuilegium erga priuilegiatum, aliàs priuilegium esset inane, quod à Principe non speratur. Postquam verò priuilegium dubium sortium fuerit aliquem effectum contra ius commune, tunc restringendum est; ne amplius iuri noceat. Dixi, *si sit dubium*, quia si clarè duo vel tria contineat contra ius commune, non est quod restringatur ad vnum tantum.

45 Excipitur à proxime regula quando priuilegium est concessum Motu proprio, non petente priuilegia-

10,

67^v *Privilegij Extensio, aut Restrictio.*

to, quia tunc amplè potest interpretari, etiam si deroget iuri communi: tale enim privilegium fortius est, & favorabilius. *cap. si Motu proprio. de prabend. in 6.* Excipiuntur etiam privilegia contenta in corpore iuris: iam enim illa non sunt ius privatum; talia privilegia sunt, exemptio Fratrum ab Episcopis, & privilegium præsentandi confessores datum Minoribus: hæc enim contenta sunt in corpore iuris, & proinde amplè possunt interpretari salva semper propria significatione verborum, de quo vide *mox num. 47.*

46 Privilegium inferens præiudicium tertio contra ius quod iam habet acquisitum, est valde restringendum: quia non est mens Principis alteri suum ius auferre. Et proinde etiam si privilegium sit concessum Motu proprio non extenditur ad privandum aliquem iure acquisito, illo non audito.

47 In restrictione privilegij sunt attendenda verba illius secundum veram proprietatem, & communem significationem verborum ibi contentorum, neque detorquenda sunt verba à communi sensu, & significatione ordinaria. Sic enim postulat ratio, usus, & praxis in legum interpretatione. Aliàs si secus fieret mille sequerentur abusus, ut si quis verba ex litterali sensu detorquere vellet ad moralem ibi & improprium. Excipitur casus, in quo, si servaretur proprietas verborum crederetur concessio nimis iniqua, vel iniqua, aut prodiga: tunc enim ratio dictat faciendam esse restrictionem cum improprietate verborum, ne dicatur Princeps iniqua vel prodiga concedere.

Excipitur etiam quando privilegium secundum contrarium est priori nisi restringatur. Tunc enim restringi debet etiam cum improprietate verborum ne dicatur Princeps concedere contraria. Tertiò excipitur quando privilegium derogat alicui statuto particularis Provinciæ, quod in illa est valde necessarium, quod præsumitur Papam ignorasse, & creditur quòd illi noluerit derogare, tunc enim non solum restringendum est: sed nec tali privilegio debent uti incolæ illius Provinciæ, sed debent ad Papam rescribere. Excipitur quartò,

quarto, quando per tale privilegium tollitur ius iam acquisitum alicui tertio, tunc enim non præsумitur Papa tale privilegium concedere. Est communis Doctorum, & patet ex præcedentibus.

48 Privilegium extendi non debet ad alias personas, vel alios actus propter similitudinem utrobique reperi- tam. Ut, si hic ob fragilitatem, & infirmitatem habet privilegium expressum non recitandi, vel recitandi tali modo: vel non ieiunandi: non extenditur hoc eius privilegium ad alium propter rationem similem in illo inuentam: sed debet procurare simile expressum privilegium. Est communis Doctorum, & probatur, quia valor privilegij non est positus in similitudine rationis, sed in voluntate, & potestate concedentis. Et proinde quando Clericus privilegiatus ad celebrandum tempore interdicti assumit famulum ad ministrandum, & Dominus assumit famulum ordinarium ad audiendum: non extenditur privilegium ad hos famulos, vel personas ratione similitudinis ibi reperiæ: sed fit extensio ad famulos, ne, vel privilegium sit inutile Clerico, vel Domino: aut quia congruentia rei sic petit fieri. Et similiter accipe quod dictum est supra, de Clerico privilegiato recitante cum socio.

C E S S A T I O P R I V I L E G I I, *loquendo in communi,*

49 **S**I Privilegium sit conditionale, cessante conditione cessabit privilegium. Nam mēs concedentis illa fuit ut privilegium haberet dependentiam ab illa conditione apposita. Et probatur ex concessione Indulgentiæ sub conditione quod fiat tale, vel tale. Si enim non fiat illud quod iubetur, omittens non lucratur Indulgentiam. Idem dic de privilegio concessio, scilicet per tempus limitatum: finito enim
tempo

operari quidquid potest, videlicet *suprà ius, & contra ius*. Idem valet si dicat: *non obstante lege in contrarium*, ex his colliges quando confirmetur privilegium in forma communi; & quando ex certa scientia. Confirmatio enim ex certa scientia fit, quando opponitur aliquid ex sequentibus. Ex certa scientia, vel de plenitudine potestatis, vel non obstante lege in contrarium. Quando verò confirmatio caret aliqua clausula ex his tribus, est confirmatio in forma communi.

28 Quando privilegium confirmatur solum in forma communi, talis confirmatio nullum ius novum confert, neque dat valorem privilegio, quod erat ante invalidum: & ita non est concessio privilegij, sed sola roboratio pro statu in quo erat. Est communis Doctorum ad *cap. quia diversitatis, de concessione prebenda*: & proinde si hæc confirmatio cadat supra actum incapacem, seu nullum: nihil confert. Si verò conferatur à Superiori, & actus sit confirmabilis, additur robur præcedenti privilegio. *Suar. cit. lib. 8. n. 8. 9. & 10.*

29 Confirmatio ex certa scientia habet vim novæ concessionis talis privilegij, vel privilegiorum. Ita gloss. in *capit. quia diversitatis, & in capite 1. de transact.* Ex ratio redditur, quia talis confirmatio ex certa scientia habet vim confirmandi actum nullum reddendo illum de invalido validum, seu de privilegio nullo, facere validum. Suarez latè, & efficaciter citato libro *capit. 18. à numero 12. & seqq.* Limitat tamen ibi Suarez, dummodò Papa confirmans ex certa scientia non ponat aliquam clausulam per quam dicat se nolle confirmare privilegium aliàs nullum, ut si verbi gratia, dicat quatenus sunt in usu. Tunc enim si aliquod privilegium sit iam nullum, quia non est in usu, tunc non confirmantur ibi privilegia ex certa scientia. Idem erit de similibus restrictionibus, ut si dicatur (*dummodò sub ullis revocationibus non sint comprehensa*) vel si dicatur (*prout in libris Ordinum reperiuntur*) tunc enim non confirmantur ex certa scientia illa quæ neque in libris Ordinum, neque in Bullis reperiuntur. Idem si dicatur, *dummodò Concil.*

Trident.

Trident. non sint contraria, tunc enim hæc non confirmantur.

30 Ego pro quiete & consolatione Minoritarum^r aduerto à Clemente V I I. vsque ad hunc diem septem Pontifices confirmasse privilegia Minorum ex certa scientia, & aliquos ex his insuper dixisse de plenitudine potestatis. Bullæ confirmatoriæ hõrum Pontificum habentur in Bullar. Rodríg. *foliis mox citandis*. Primus ergo fuit Clemens VII. cit. Bullar. fol. 759. col. 1. dicens. *Motu proprio, & ex certa scientia approbamus, &c.* Secundus fuit Iulius I I I. eodem Bullar. fol. 826. col. 2. dicens, *quatenus sunt in usu & viridi observantia, ex certa scientia, & de Apostolica potestatis plenitudine.* Tertius fuit Paul. I V. *ibid.* fol. 843. col. 2. dicens: *Ex certa scientia ac de Apostolica potestatis plenitudine.* Quartus fuit Pius I V. *ibid.* fol. 863. col. 2. dicens: *Ex certa scientia, & de plenitudine potestatis.* Quintus fuit Gregor. X I I I. *ibidem* fol. 985. col. 2. dicens: *Ex certa scientia, ac de Apost. sedis plenitudine.* Sextus fuit Sixt. V. *ibid.* fol. 1152. dicens: *Ex certa scientia, in illis in quibus Tridentin. non aduersantur.* Vltimus fuit Clemens V I I. *ibid.* fol. 1223. col. 1. dicens: *Ex certa scientia, in his in quibus Tridentin. non aduersantur.* Tandem aduerto, quod neque Sixtus V. neque Clem. V I I I. restrinxerunt dummodò sint in usu. At Paul. V. D. N. eadem privilegia nobis confirmans, anno 1609. non posuit clausulam *ex certa scientia: nec de plenitudine potestatis.* Sed tamen etiam abstinuit à clausula, *quatenus sunt in usu.*

Ex his habes saltem privilegia Minorum esse confirmata à tot annis, absque clausula, *quatenus sunt in usu.* Et à tot annis esse confirmata *ex certa scientia.* Sed dubitas: si vltimus Papa D. Paulus V. non confirmavit *ex certa scientia*: hoc nocebit, & efficiet inualidas confirmationes, septem Pontificum factas, antecedentes, *ex certa scientia*; & efficient vt privilegia non sint confirmata *ex certa scientia*? Credo quod non: neque hoc illis nocebit: nam vt suprà vidimus n. 26. etiamsi privilegia Ordinis non confirmantur à nouo Papa: illa privilegia

non perdunt robur suum: ergo licet D. Paulus V. non confirmaret, & omnino taceret, erant nostra priuilegia confirmata *ex certa scientia*, vsque ad Clementem VIII. Quamuis ergo illa tacuerit *ex certa scientia*: hæc taciturnitas non reuocat certam scientiam antecessorum, vt patet. Vide infra n. 36.

31 Quando Papa confirmans priuilegia dicit; *dummodo non sint contra Concilium Tridentinum*, non est mens eius reuocare priuilegia omnia contraria dicto Concilio quouis modo, sed solum illa quæ ita sunt illi contraria, vt in terminis, & expressè ad illo reuocentur, pro vt reuocantur in locis particularibus. Si enim in terminis, & directè non fuerint reuocata à Tridentino, etiamsi aliàs illi contrariantur, non sunt reuocata: & proinde à Papa confirmantur, etiam ponente illam clausulam. Rodriguez *tom. 1. quest. 8. art. 6.* dicens sic fuisse responsum à Doctoribus Salmanticensibus. Et consentit Suarez *lib. cit. cap. 18. ad finem* & inclinatur Miranda *tom. 2. quest. 42. art. 3. §. sed alij.* Ponit hoc exemplum Rodriguez: Ordinari extra tempora est contra Tridentin. *sess. 23. cap. 8.* Quia tamen *ibi* Concil. non reuocat priuilegia Regularium, quæ ipsi habent in contrarium: eadem priuilegia manent integrâ, licet ipsi Concilio sint contraria, quia *ibi* quoad illud non sunt derogata. At quia *Trid. ead. sess. c. 12.* expressè derogat priuilegia Regularium per quæ poterant Ordines sacros recipere ante ætatem *ibi* assignatam: idcirco hæc priuilegia *ibi* derogata quoad anticipationem ætatis, non sunt licita Regularibus, & sic de exemplis similibus quæ videbis recurrendo ad textum Concilij. Et tandem iuxta hæc explicabis dictam clausulam Pontificum dicentium (*dummodo non sint contraria Concilio*) adde; & non sint ab ipso reuocata, secus si sint reuocata.

Quæ verò expressè reuocata sint à Tridentino, & quibus in locis, vide Epitom. Ioan. à Cruce. *lib. 2. cap. 3. dubit. 6.* vbi ponit tredecim loca Tridentini reuocantia priuilegia Regularium quæ sunt tredecim numero, quæ omitto breuitatis gratia: sed infra ponam in fine, ver. *Trid. Concil.*

32 Confirmatio priuilegij ex certa scientia non confirmat priuilegium quod à principio fuit nullum, falsum, seu subreptitium. Probatum quia non est mens Principis concedere nisi quod antea verè concessum fuit: id verò quod nullum fuit, nunquam fuit concessum.

33 Confirmatio ex certa scientia reualidat priuilegium à prædecessore reuocatum per specialem Bullam, seu specialem reuocationem. Secus verò quando præcedens priuilegium fuit reuocatum per ius commune, vt per Concil. Tridentinum, & alia iura (modo explicato in n. 32 præcedenti). In hoc enim secundo casu non confirmantur ex certa scientia priuilegia reuocata per ius commune. Prima pars de priuilegio reuocato solum per Bullam particulare, quod reualidetur, si postea confirmetur priuilegia ex certa scientia, est Rozelle *verb. Absolutio. n. 32.* & Rodr. *q. 8. artic. 3.* cum aliis quos citat, & Suarez *cir. lib. c. 19. n. 4.* secunda pars, de priuilegio reuocato per ius commune, est communis Doctorum Et maxime Cord. ad Compend *ver. Absolutio quoad seculares. 2. ad §. 16.*

34 Si Papa confirmat priuilegia vnus Ordinis illi propria, & primo concessa *ex certa scientia*; illa Religio quæ communicabat priuilegia istius primæ Religionis ante illam confirmationem, si communicat non solum concessa, sed etiam concedenda (vt ferè habent omnes Mendicantes, & non Mendicantes) etiam gaudet illa confirmatione *ex certa scientia*, quoad priuilegia quibus vtitur, communis ab illo primo Ordine: probatur, quia cum communicet etiam concedendis, & confirmatio ex certa scientia sit etiam quasi priuilegium nouum primi Ordinis, etiam iste communicabit secunda Religio. Si verò non communicet nisi concessis de præterito, non participat illa vt confirmata *ex certa scientia*. Suarez *cap. 10. num. 9. & 10.*

35 Si Papa confirmet *ex certa scientia* priuilegia vnus Ordinis, non censetur etiam confirmare *ex certa scientia* priuilegia propria alterius Ordinis participantis priuilegia illius primi Ordinis. Quia Papa non intendit confirmare *ex certa scientia*, nisi tantum priuilegia, v-

g. Minorum, & non Minimorum: seu privilegia specialia Minorum: ergo non confirmat ex certa scientia privilegia specialia Dominicanorum, vel Minimorum, aliàs plura confirmaret quàm intenderet. Suarez *ibid.* num. 12. & 13.

36 Quando Papa in confirmatione privilegij dicit, *innouamus*. si hæc innouatio sit in forma communi, iudicabitur de illa sicut suprà dictum est de confirmatione facta in forma communi, quæ non reualidat privilegium antea reuocatum. Si verò ista innouatio sit innouatio ex certa scientia, habet vim ad validanda privilegia reuocata cum moderatione suprà posita n. 32. quam vide. Est Cordub. ad Compend. verb. *Absolutio quoad seculares* 2. §. 15. Ex tenore autem verborum coniici debet, si innouatio sit ex certa scientia. Et quidem ut suprà dixi S. D. Paulus V. in sua Confirmatione solùm posuit, *confirmamus, & innouamus*. Sed ait se confirmare privilegia confirmata à Clemente VII. suo antecessore: quia tamen Clemens VII. dixit, *ex certa scientia*.

37 Verba illa solita apponi in confirmatione privilegij videlicet (*supplentes omnes iuris, & facti defectus, si qui interuenerint*) non supplent defectus, ex iure naturali repugnantes illi actui, neque defectus subreptionis. Sed adhibentur illa verba, *ad maiorem rei euidentiã, seu tollendos scrupulos, & ad tollendam occasionem mouendi lites fundatas in solo iure positiuo*.

38 Quando ad impetrandum privilegium, narratur aliquíd falsum, quod principaliter mouet Papam ad dandum privilegium, tunc privilegium est nullum. *cap. super literis. cap. ad aures. de rescriptis*: & est communis. Oportet autem, quòd illa falsa narratio moueat Papam ad dandum privilegium. Si enim dantur etiam aliæ causæ graues, & veræ quæ Papam moueant, valet privilegium. Inualidat etiã privilegium occultatio rei illius, quæ si sciretur à Principe, non concederet: ut quòd supplicans beneficium iam habet aliud beneficium: vel petens Indulgentiam, iam habet aliam Indulgentiam ferè in simili materia, hoc enim si sciret
Papa

Papa non concederet. Et hæc, de iure communi, ac de stylo Curix sunt explicanda in petitione. Quemadmodum ad obtinendam dispensationem matrimonij inter consanguineos, ex stylo Curix necessario declaranda est copula quæ præcessit, quia solet difficiliorē reddere dispensationem, & hæc si proinde taceatur, reddit dispensationem invalidam, iuxta veriorē opinionem, de qua Sanc. l. 7. de Matr. disp. 25. citans multos.

PRIVILEGII VSVS.

39 **C** Ap. si de terra, de privilegiis dicitur, quod non potest quis cogi, ut utatur suo privilegio. Videtur enim implicare moraliter, ut cum privilegium sit favor, ego cum molestia cogar uti tali privilegio, & favor vertatur in gravamen. Excipitur tamen à proximè dicto quando aliquis non potest renunciare suo privilegio sine præiudicio publico, vel præiudicio tertij. Exemplum. Si Clericus renunciet privilegio fori Ecclesiastici, ut scilicet causam dicat apud solum Iudicem sæcularem. Hæc renuntiatio cedit in detrimentum Ecclesiæ, in cuius præcipuè favorem concessum est illud privilegium: & proinde Clericus non poterit illi renunciare, sed cogetur illo uti: & aliter faciens peccabit mortaliter. Aliud exemplum est de habente privilegium ad Missam audiendam tempore Interdicti. Tunc enim cum remorum habeat impedimentum, ob tale privilegium Cruciatæ, vel simile, tenetur Missam audire, & cogetur uti suo privilegio. Et huius secundi exempli datur regula generalis, quod tunc aliquis cogetur uti suo privilegio quando per privilegium efficitur, ut actus sit licitus, qui absque privilegio erat illicitus. Vide etiam suprâ quando privilegiatus non possit uti suo privilegio contra privilegiatum.

Ex dictis de Clerico non valente renunciare suo privilegio fori, quia est in præiudicium Ecclesiæ; colliges

liges primò à simili non posse Minoritam renunciare priuilegio recitandi singulis feriis quintis de sanctiss. Sacramento, quia illud priuilegium non est sibi concessum, sed concessum toti Ordini. Infertur secundò quod si alicui personæ particulari concederetur aliquod priuilegium, non intuitu communitatis, vt quod non ieiunet, vel quod recitet Breuiaria parua, tunc bene poterit tali priuilegio renunciare.

40 Circa vsum priuilegij ignorati, nota quod si ego audiens pœnitentem in confessione de casu graui, puto me posse illum absoluerè, vel quia non credo casum esse reseruatum, vel quid simile per errorem, ignorans omnino me habere priuilegiu ad absoluendum sicut de facto habeo, cum tamen absque priuilegio non possem illum casum absoluerè: tunc absolutio tenet, patet ex illo dicto communi Iuristarum; si non valet hoc quod ago, pro vt ago, valeat vt valere potest. Et hæc est mens operantium, in omni materia graui. Ille enim sic absoluens, habuit voluntatem generalem vtendi priuilegiis Ordinis, & simul habuit voluntatem absoluendi: & sic concurrerunt omnia necessaria. Colligitur ex *cap. unico de Desponsat. impub.* & est communis Doctorum.

41 Habens priuilegium Bullæ Cruciatæ in Hispania comedendi lacticia, non potest illa comedere extra Hispaniam: quia illa licentia clarè solùm datur pro Hispania, Suarez *lib. citat. cap. 26. num. 4.* Sumitur enim ratio specialis ex circumstantia loci pro quo datur Bulla. Secus si sit priuilegiatus ob infirmitatem, vel aliquid simile per Prælatum, tunc enim vbique poterit comedere, quia est priuilegium purè personale.

42 Priuilegium datum ab vno Episcopo dispensante in aliqua lege sui territorij (idem applica ad Prouincialem suo modo) ad faciendum aliquid; non valet ad operandum illud in alieno Episcopatu, si ibi per Episcopum sit etiam prohibitum. Probatur, quia peregrinus tenetur seruare leges, & mores illius territorij in quo est, & proinde priuilegiatus in suo Episcopatu, non est similiter priuilegiatus in alio Episcopatu pro illo opere

opere ibi similiter prohibito. Et præterea, quia priuilegium vnius Episcopi non potest derogare præcepto alterius Episcopi. Vide suprà, *verb. Libri*, aliud exemplum de non valente legere libros prohibitos sibi concessos in Portugallia, si sit ipse in Castella, vbi iidem libri sunt specialiter etiam prohibiti, & quod priuilegiatus in Portugallia, vt portet Archebustum paruum: non est priuilegiatus vt illud ipsum portet in Italia, vbi est etiam specialiter prohibitum.

*PRIVILEGII EXTENSIO,
ampliatio, seu restrictio.*

43 **P**riuilegium purè fauorabile, quod scilicet neque est contra ius commune, neque contra bonum tertij, est amplè interpretandum sicut suprà diximus quantum recta ratio, & cōmunis verborum significatio, & prudentia permiserit. Est communis Doctorum, & colligitur ex *l. hoc modo. ff. de condit. & demonstrat.* Quod maximè intelligitur de priuilegio concesso toti Religioni, quo ad exemptionem, vt tenet Henriquez *tom. 1. libr. 7. de Indulgent. capit. 24. n. 4.*

44 Priuilegium derogans iuri communi est odiosum, & ideo restringendum potius quàm extendendum. Nauar. in *Sum. Latina. cap. 12. num. 79.* & alij communiter; nam bonum commune præferendum est singulari. Tamen restrictio taliter debet fieri, vt semper admittat aliquem fauorem fieri, per priuilegium erga priuilegiatum, aliàs priuilegium esset inane, quod à Principe non speratur. Postquam verò priuilegium dubium sortium fuerit aliquem effectum contra ius commune, tunc restringendum est; ne amplius iuri noceat. Dixi, *si sit dubium*, quia si clarè duo vel tria contineat contra ius commune, non est quod restringatur ad vnum tantum.

45 Excipitur à proxime regula quando priuilegium est concessum Motu proprio, non petente priuilegiato,

quartò , quando per tale privilegium tollitur ius iam acquisitum alicui tertio , tunc enim non præsumitur Papa tale privilegium concedere. Est communis Doctorum , & patet ex præcedentibus.

48 Privilegium extendi non debet ad alias personas, vel alios actus propter similitudinem utrobique repertam. Ut , si hic ob fragilitatem , & infirmitatem habet privilegium expressum non recitandi , vel recitandi tali modo : vel non ieiunandi : non extenditur hoc eius privilegium ad alium propter rationem similem in illo inuentam : sed debet procurare simile expressum privilegium. Est communis Doctorum , & probatur, quia valor privilegij non est positus in similitudine rationis, sed in voluntate , & potestate concedentis. Et proinde quando Clericus privilegiatus ad celebrandum tempore interdicti assumit famulum ad ministrandum, & Dominus assumit famulum ordinarium ad audiendum: non extenditur privilegium ad hos famulos, vel personas ratione similitudinis ibi repertæ: sed fit extensio ad famulos , ne , vel privilegium sit inutile Clerico , vel Domino : aut quia congruentia rei sic petit fieri. Et similiter accipe quod dictum est suprâ , de Clerico privilegiato recitante cum socio.

CESSATIO PRIVILEGII,

loquendo in communi,

49 **S**I Privilegium sit conditionale, cessante conditione cessabit privilegium. Nam mēs concedentis illa fuit ut privilegium haberet dependentiam ab illa conditione apposita. Et probatur ex concessione Indulgentiæ sub conditione quod fiat tale , vel tale. Si enim non fiat illud quod iubetur , omittens non lucratur Indulgentiam. Idem dic de privilegio concessio , scilicet per tempus limitatum : finito enim tempo

PRIVILEGII CESSATIO PER
renunciationem, vel non usum.

52 **P**riuilegio renunciare potest solus ille cuius est propriè priuilegium, vnde priuilegiū cōc essum vni Religioni in communi non potest renunciari à Monacho particulari, neque à Capitulo Prouinciali. Probatum quia renuntiatio est abdicatio illius quod cuique proprium est; at priuilegium totius Ordinis non est proprium vnius Monachi, neque vnius Prouinciæ: & proinde solum Capitulum generale potest renunciare priuilegium, vt iam fecit Capitulum generale Minorum *Rodr. tom. 1. q. 8. art. 2.*

53 Nolle vti priuilegio pro vna vice, vel duabus, non est illud renunciare: sed est solum pro tunc abstinere ab illius usu. Renuntiatio enim est voluntas expressa abdicandi à se totum ius, & facultatem priuilegij: sicut enim consensus non extenditur ad non cogitata: ita neque desitio operis extenditur ad perditionem priuilegij non cogitatam, si semel, vel bis illo non vtor, cum de renunciatione non cogitem. Optimè Sanchez *lib. 8. de Mstrim disp. 32.*

54 Propositum, seu voluntas internè proponens non vtendi priuilegio, non est renuntiatio priuilegij: potest enim quis post formatum illud propositum iterum vti priuilegio: quia illud propositum non est contra priuilegium, sed contra usum priuilegij. Imò licet interius velit non habere amplius tale priuilegium, potest retrahere talem voluntatem & iterum illo vti. Suarez *lib. 8. citat. cap. 34. num. 18.* & proinde necesse est vt exterius voluntas prodeat.

PRIVILEGII CESSATIO

per non usum.

55 **E**tarum est posse privilegium perdi per non usum. Quia saltem Iulius III. confirmans privilegia Minorum ut diximus *suprà num. 1.* dixit, quatenus sunt in usu viridi. Sed primò recolendum est quod *suprà* diximus *verb. Communicatio privilegiorum lit. C. num. 11.* videlicet, quod licet una Religio non utatur suo privilegio, & illud privilegium sit in usu apud aliam Religionem communicantem, ista secunda Religio apud quam est in usu poterit uti tali privilegio. Adde quòd intra vnum, & eundem Ordinem poterit contingere ut vnum privilegium possit esse in usu apud vnam, vel plures Prouincias, & non sit usu apud alias. Et tunc credo quòd simpliciter non dicetur tale privilegium cessasse in illo Ordine per non usum: sufficit enim quòd aliqua Prouincia utantur, ut privilegium dicatur esse in usu in illo Ordine. Et præterea si privilegium vnius tantum Conuentus extenditur ad omnes Conuentus illius Ordinis: etiam privilegium quod est in usu in vna, duabus, vel tribus Prouinciis poterit extendi ad omnes Prouincias eiusdem Ordinis.

56 Aliud est non vsus privilegij, aliud verò est contrarius vsus privilegij. Non vsus privilegij opponitur privilegio affirmatiuo concedenti ut aliquid fiat, ut scilicet recitetur tali, vel tali modo diuinum officium, vel celebretur in domo priuata. Si verò oblata occasione hoc non fit dicitur tunc verè non vsus privilegij, seu non vsus priuatiuus. Contra verò vsus apponitur privilegio negatiuo, quo conceditur ne aliquid fiat, ut si concedatur Monasterio ne soluat decimas, ne accedat ad processiones ultra milliare esistenti à loco, &c. Et nihilominus soluit & vadit, datur vsus contrarius, vel non vsus contrarius. Et uterque modus habet varios effectus.

57 Non vsus privilegij primo modo, seu privatius, ut dicatur talis, & verus non vsus requirit sequentia. Primò, ut oblata fuerit occasio faciendi, & non sit factum. Secundò, ut detur scientia talis privilegij. Tertiò ut detur potentia tunc faciendi, id est, non detur tunc impedimentum: si enim hæ tres condiciones non concurrant talis non vsus non dicetur voluntarius, neque proinde poterit esse indicium renuntiationis, quæ debet esse voluntaria. Est communis Doctorum.

58 Non vsus in Religione, vel contrarius vsus non sufficiet ad perdendum privilegium nisi durèt per spatium quadraginta annorum de iure communi, *c. accedentibus de priv.* tenet Cord. in *Compend. ver. Absolutio quoad seculares* 2. § 19. & per concessionem particularem Benedictinorum, de qua suprà *ver. Prescribere*, requiruntur centum anni. ut præscribatur privilegium per non usum. De quò *Rodrig. tom. 1. quest. 8. art. 2. & tom. 3. quest. 51. art. 5.* Cùm enim privilegium sit bonum quoddam Religionis, contra bona Religionis non præscribitur nisi dicto spatio temporis. Et ianuit Suarez *cit. lib. 8. cap. 34.* & clarè *n. 21.* & Frater Ioan. à Cruce de hoc non usu agens *lib. 2. Epitom. cap. 3. dub. 2. conclus. 2.* refert aliam Bullam per quam concessum est Benedictinis ne contra illos præscribatur nisi per centum annos.

59 Si modò, cùm Religio vult uti aliquo privilegio est in usu, apud illam, & apud alias Religiones præsumendum est quòd semper fuit in usu, & nunquam data est interpellatio sufficiens ad præscribendum, præsumendum est enim actum fieri legitimè. *lex merito ff. pro socio.*

60 Contrarius vsus factus per aliquem, vel aliquos Religiosos vel per particularem Conuentum, non tollit privilegium datum Religioni, quia contrarius vsus debet esse illius, cuius est privilegium. *Rodriguez tom. 3. questione 51. articul. 5. & Suarez capit. 35. numero 6.* Vnde colliges, quòd si Guardianus non obligatus ire ad processiones, nihilominus vadit bis, & sæpe, per hunc contrarium usum non perditur privilegium Or-

dinis, aut Conuentus; ille enim contrarius vsus non est factus à Religione: & saltem successor reclamans obtinebit, antequam accrescat præscriptio contra illud Monasterium. Consulunt tamen Rodriguez *tomo 3. question. 36. articul. 3.* & Suarez *numero 3.* vt etiam tunc, & in similibus fiat protestatio coram Notario, se facere illum actum contrarium suo priuilegio, salua semper exemptione & conseruatione sui priuilegij. Et notat Suar. *cit. c. 33. n. 14.* quòd talis protestatio, saltem hoc habet vtile, vt postea ab illo actu, vel actibus non possit inchoari præscriptio contra priuilegiatum. Vide omnino infra *verb. Processiones n. 6.*

61 Prædicta verba Pontificum posita in confirmatione priuilegiorum videlicet (quatenus sunt in vsu) sic adhuc explicantur. Primò, si adhuc sunt in vsu; id est, si contra illa non est præscriptum, spatio iam prædicto: si enim contra illa præscriptum est, iam non confirmantur, quia non confirmatur nisi illud quod verum, & subsistens est. Secundò potest intelligi (quatenus sunt in vsu) id est, eo modo quo sunt in vsu. Si enim non totum priuilegium, sed pars priuilegij sit in vsu, hæc pars in vsu consistens confirmatur. Id enim videntur etiam sonare verba illa *quatenus sunt in vsu*: id est, eo modo quo sunt in vsu, & tunc adde quòd saltem consuetudo firmabit illam partem priuilegij. Maximè cum multi dicant priuilegium posse obtineri consuetudine. Neque hoc mirum videri debet: si enim lex abrogatur per consuetudinem, & consuetudo facit legem: etiam consuetudo poterit facere priuilegium, quod est lex quædam priuata, vt initio diximus.

62 Nicolaus IV. concessit Cartusiensibus vt possint vti priuilegiis sibi concessis, etiam si propter simplicitatem, & iuris ignorantiam vsi non fuerint retro actis temporibus, dummodò eis non sit per præscriptionem, vel alias legitimè derogatum. Compend. Minor. *verb. Priuileg. §. 33.* & hæc concessio saltem confirmat supradictum, quòd scilicet vt perdantur priuilegia per non vsum, requiritur præscriptio legitima in contrarium.

Dixi suprà Clementem VIII. & Paul. V. in
confir

confirmatione privilegiorum Minorum non posuisse (*quatenus sunt in usu*) & Rodrig. tom 1. q. 10. art. 28. ait, quòd quando privilegia confirmantur absque ista clausula, confirmantur etiam illa quæ non sunt in usu. Quod magnam consolationem, & securitatem affert. Sed tamen vrgere viderur in oppositum quod id quod nullum erat, non videtur confirmari, nisi ponatur ex certa scientia, vel quid simile iuxta prædicta. Et Rodrig. illud ibi ait de confirmatione Sixti, qui ultra quàm quod abstinuit à clausula, (*quatenus sunt in usu*) posuit etiam *ex certa scientia*: & tunc non est dubium confirmari etiam illa quæ erant inualida, vt suprà diximus. Secùs si non ponantur hæc verba *ex certa scientia*: quæ posita sunt à septem Pontificibus in confirmatione nostrorum privilegiorum.

63. Prædicta verba (*quatenus sunt in usu*) id est, quæ modò sunt in usu, habent etiam hunc sensum: vt scilicet, si contra privilegia quæ modò sunt in usu, sint transacti aliqui anni incipientes præscriptionem, vel illam inchoantes talia privilegia denuò incipiant à tali confirmatione, ac si denuò confirmarentur. Frater Ioan. à Cruce lib 2. Epitom. c. 3. dub. 2. concil 6 Addit Cord. citat. à Capucino. 1 par. Compend. f. 52. quod vt perdatur privilegium per non usum opus est habere scientiam privilegij, & voluntatem non vtendi illo iuxta supradicta, n. 57. Vnde inferri videtur, quòd si vna Religio communicans in privilegiis alterius per 40. annos saltem, ignoravit omnino privilegium illius cui communicat. Et iuncta ignorantia etiam fortè defuit occasio vtendi, per hoc dictum Cordubæ, & per supradicta, Religio denuò sciens privilegium poterit illo uti, cuius notitia & usu carebat, quorum exempla passim inuenies. Vide infra. *ver. Restitutio in integrum.*

64. Tota dubitatio est, an possint hodie Regulares, solum in foro conscientie vti privilegiis suis, quæ sunt expresse reuocata per Concil. Tridentin. Dixi quæ sunt. *expresse reuocata*; nam de illis privilegiis quæ sunt contraria Concilio Tridentino, sed ab illo non reuocata. quale est vt possint ordinari extra tempora & similia,

diximus supra, n. 31. ex Rodriguez, Suarez, & Miranda, posse Regulares illis uti. At de illis quæ sunt specialiter reuocata à Trident. ut ibi diximus esse illud antiquum ut ordinari possent ante ætatem, omnes etiam Doctores dicunt, quod in foro externo non possunt Regulares illis uti. Quod verò quæritur est, an saltem his possint Regulares uti solum in foro conscientia? Henriquez *lib. 7. de pœnitent. tom. 1. cap. 24. ad finem cum gloss littera K.* affirmat non posse illis uti in foro conscientia tantum: quia Pius V. vivæ vocis oraculo, id concessit Minoritis dicens, quod possent uti privilegiis suis, etiamsi essent restricta, vel derogata per Concil. Tridentin. in foro solum conscientia. Et quod, licet Gregor. XIII. postea reuocavit illa, quæ Pius V. concesserat, contraria Concilio Tridentino, solum reuocavit, vel pro foro externo tantum, vel reuocavit solum Constitutiones scriptas, non verò oracula vivæ vocis, quæ non sunt Constitutiones. Idem tenet Rodriguez *tom. 1. questione 8. artic. 9. & Compend. Societat. verb. Concil. Trid. §. 3.*

Ego verò salva tantorum Doctorum autoritate, non possum illis assentiri propter rigorem quo omnes Pontifices post Conc. Trid. utuntur in confirmatione privilegiorum illa clausula exceptiva (*dummodo Conc. Trid. non sunt contraria*) quæ clausula si non intelligatur de privilegiis specialiter à Tridentino reservatis, vel reuocatis, de quibus nam debet intelligi? vel ad quid inseruit ibi posita, & toties repetita? Quid operabitur illa clausula? Adde quod Gregor. XIII. in sua reuocatoria non solum reuocavit privilegia, sed etiam cætera indulta sine litteris expedita, dicens (*& quæcumque alia nostri statuto, ordinationi, & reductioni contraria*) iam verò oraculum illud Pij V. est indultum satis repugnans illi Ordinationi Gregorij, ac reductioni ad terminos Iuris communis, & contra Rodriguez potest argui ad hominem: si enim iuxta illum possumus uti privilegiis de quibus est quæstio in foro conscientia, tenetur fateri posse hodie Regulares in foro conscientia, ordinati ante ætatem à Tridentino assignatam, quod tamen ille negat

negat, & bene relatas à nobis suprà *verb.* *Ordines sacri num.* 1. Et nos ibi satis impugnauius cum illo. Et eadem ibi dicta hac etiam inferuiunt. Et hanc etiam sententiam contra Henriquez & Rodrig. tenet expressè Ludo. Lopez 1. *part. Instruct. cap.* 8. Frater Ioan. à Cruce, *lib.* 2. *Epitom. c.* 3. *dubit.* 3. *concl.* 3. & alij multi quos non oportet citare. Miranda *t.* 2. *quest.* 42. *art.* 3. etiam innuit hanc partem, quamuis enim ibi dicat se nolle ferre sententiam: id tamen non dicit circa priuilegia expressè reuocata à Tridentino. Imò de his innuit cum opinione secunda ibi citata esse reuocata omnino, nec proinde nos posse illis uti in foro conscientie. Et expressè tenet nos non posse Miranda *tom.* 1. *quest.* 39. *art.* 1. *concl. unica.* Post hæc vidi quod Capucinus ad *Compend.* 1. *par. f.* 86. idem tenet quod Rodr. dicens Greg. XIII. non reuocasse pertinentia ad forum internum, nec viue vocis oraculum, sed solum spectantia ad lites externas. Et proinde qui voluerit tenere cum Rodr. Henr. Capucino, & Compendio Societatis, non condemnò licet putem oppositum securius ob prædicta. Et quia oppositi tenentur dicere licitum esse ordinari ante ætatem Tridentini, quod ego nunquam dicam.

65 Notat Capucinus ad *Compend.* *ver. Priuilegium*, quod quando Pontifices dicunt in Confirmatione priuilegiorum (*nammodo sacris Canonibus, & Concilio Trid. non aduersentur.*) Illud, *sacris Canonibus*, intelligitur de decretis contentis in iure canonico (his enim multa priuilegia clarè sunt contraria) sed intelligitur de canonibus positis in eodem Concilio Trid. in illo enim sunt etiam Canones, & decreta.

*PRIVILEGII CESSATIO PER
renovationem.*

66 **P**riuilegia duobus modis possunt reuocari: primo expressè, secundo tacitè. Expressè reuocantur cum per verba expressa, & clara dicitur: *renocamus*, an-

liges primò à simili non posse Minoritam renunciare privilegio recitandi singulis feriis quintis de sanctiss. Sacramento, quia illud privilegium non est sibi concessum, sed concessum toti Ordini. Infertur secundò quod si alicui personæ particulari concederetur aliquod privilegium, non intuitu communitatis, ut quod non ieiunet, vel quod recitet Breuiaria parua, tunc bene poterit tali privilegio renunciare.

40 Circa vsum privilegij ignorati, nota quod si ego audiens pœnitentem in confessione de casu graui, puto me posse illum absoluerè, vel quia non credo casum esse reseruatum, vel quid simile per errorem, ignorans omnino me habere privilegiu ad absoluendum sicut de facto habeo, cum tamen absque privilegio non possem illum casum absoluerè: tunc absolutio tenet, patet ex illo dicto communi Iuristarum; si non valet hoc quod ago, pro ut ago, valeat ut valere potest. Et hæc est mens operantium, in omni materia graui. Ille enim sic absolvens, habuit voluntatem generalem vtendi privilegijs Ordinis, & simul habuit voluntatem absoluendi: & sic concurrerunt omnia necessaria. Colligitur ex *cap. unico de Desponsat. impub.* & est communis Doctorum.

41 Habens privilegium Bullæ Cruciatæ in Hispania comedendi lacticia, non potest illa comedere extra Hispaniam: quia illa licentia clarè solùm datur pro Hispania, Suarez *lib. citat. cap. 26. num. 4.* Sumitur enim ratio specialis ex circumstantia loci pro quo datur Bulla. Secus si sit privilegiatus ob infirmitatem, vel aliquid simile per Prælatum, tunc enim vbique poterit comedere, quia est privilegium purè personale.

42 Privilegium datum ab vno Episcopo dispensante in aliqua lege sui territorij (idem applica ad Prouincialem suo modo) ad faciendum aliquid; non valet ad operandum illud in alieno Episcopatu, si ibi per Episcopum sit etiam prohibitum. Probat, quia peregrinus tenetur seruare leges, & mores illius territorij in quo est, & proinde privilegiatus in suo Episcopatu, non est similiter privilegiatus in alio Episcopatu pro illo opere

opere ibi similiter prohibito. Et præterea, quia privilegium vnius Episcopi non potest derogare præcepto alterius Episcopi. Vide *suprà, verb. Libri*, aliud exemplum de non valente legere libros prohibitos sibi concessos in Portugallia, si sit ipse in Castella, vbi iidem libri sunt specialiter etiam prohibiti, & quod privilegiatus in Portugallia, vt portet Archebustum paruum: non est privilegiatus vt illud ipsum portet in Italia, vbi est etiam specialiter prohibitum.

*PRIVILEGII EXTENSIO,
ampliatio, seu restrictio.*

43 **P**riuelegium purè fauorabile, quod scilicet neque est contra ius commune, neque contra bonum tertij, est amplè interpretandum sicut *suprà* diximus quantum recta ratio, & cōmunis verborum significatio, & prudentia permiserit. Est communis Doctorum, & colligitur ex *l. hoc modo. ff. de condit. & demonstrat.* Quod maximè intelligitur de privilegio concesso toti Religioni, quo ad exemptionem, vt tenet Henriquez *tom. 1. libr. 7. de Indulgent. capit. 24. n. 4.*

44 Privilegium derogans iuri communi est odiosum, & ideo restringendum potius quàm extendendum. Nauar. *in Sum. Latina. cap. 12. num. 79.* & alij communiter; nam bonum commune præferendum est singulari. Tamen restrictio taliter debet fieri, vt semper admittat aliquem fauorem fieri, per privilegium erga privilegiatum, aliàs privilegium esset inane, quod à Principe non speratur. Postquam verò privilegium dubium sortium fuerit aliquem effectum contra ius commune, tunc restringendum est; ne amplius iuri noceat. Dixi, *si sit dubium*, quia si clarè duo vel tria contineat contra ius commune, non est quod restringatur ad vnum tantum.

45 Excipitur à proxime regula quando privilegium est concessum Motu proprio, non petente privilegia-

10,

quartò , quando per tale privilegium tollitur ius iam acquisitum alicui tertio , tunc enim non præsumitur Papa tale privilegium concedere. Est communis Doctorum , & patet ex præcedentibus.

48 Privilegium extendi non debet ad alias personas, vel alios actus propter similitudinem utrobique repertam. Ut , si hic ob fragilitatem , & infirmitatem habet privilegium expressum non recitandi , vel recitandi tali modo : vel non ieiunandi : non extenditur hoc eius privilegium ad alium propter rationem similem in illo inuentam : sed debet procurare simile expressum privilegium. Est communis Doctorum , & probatur, quia valor privilegij non est positus in similitudine rationis, sed in voluntate , & potestate concedentis. Et proinde quando Clericus privilegiatus ad celebrandum tempore interdicti assumit famulum ad ministrandum , & Dominus assumit famulum ordinarium ad audiendum: non extenditur privilegium ad hos famulos, vel personas ratione similitudinis ibi repertæ : sed fit extensio ad famulos , ne , vel privilegium sit inutile Clerico , vel Domino : aut quia congruentia rei sic petit fieri. Et similiter accipe quod dictum est suprâ , de Clerico privilegiato recitante cum socio.

CESSATIO PRIVILEGII, *loquendo in communi,*

49 **S**I Privilegium sit conditionale, cessante conditione cessabit privilegium. Nam mēs concedentis illa fuit ut privilegium haberet dependentiam ab illa conditione apposita. Et probatur ex concessione Indulgentiæ sub conditione quod fiat tale , vel tale. Si enim non fiat illud quod iubetur , omittens non lucratur Indulgentiam. Idem dic de privilegio concessio , scilicet per tempus limitatum : finito enim
tempo

PRIVILEGII CESSATIO PER
renunciationem, vel non usum.

52 **P**riuilegio renunciare potest solus ille cuius est propriè priuilegium, vnde priuilegium cõc essum vni Religioni in communi non potest renunciari à Monacho particulari, neque à Capitulo Prouinciali. Probatum quia renuntiatio est abdicatio illius quod cuique proprium est; at priuilegium totius Ordinis non est proprium vnius Monachi, neque vnius Prouinciæ: & proinde solum Capitulum generale potest renunciare priuilegium, vt iam fecit Capitulum generale Minorum Rodr. tom. 1. q. 8. art. 2.

53 Nolle vti priuilegio pro vna vice, vel duabus, non est illud renunciare: sed est solum pro tunc abstinere ab illius usu. Renuntiatio enim est voluntas expressa abdicandi à se totum ius, & facultatem priuilegij: sicut enim consensus non extenditur ad non cogitata: ita neque desinatio operis extenditur ad perditionem priuilegij non cogitatam, si semel, vel bis illo non vtor, cum de renunciatione non cogitem. Optimè Sanchez lib. 8. de *Matrim disp.* 32.

54 Propositum, seu voluntas internè proponens non vtendi priuilegio, non est renuntiatio priuilegij: potest enim quis post formatum illud propositum iterum vti priuilegio: quia illud propositum non est contra priuilegium, sed contra usum priuilegij. Imò licet interius velit non habere amplius tale priuilegium, potest retrahere talem voluntatem & iterum illo vti. Suarez lib. 8. *citat. cap.* 34. *num.* 18. & proinde necesse est vt exterius voluntas prodeat.

PRIVILEGII CESSATIO

per non usum.

55 **Q**uidam est posse priuilegium perdi per non usum. Quia saltem Iulius III. confirmans priuilegia Minorum ut diximus *suprà num. 1.* dixit, quatenus sunt in usu viridi. Sed primò recolendum est quod *suprà* diximus *verb. Communicatio priuilegiorum lit. C. num. 11.* videlicet, quod licet vna Religio non utatur suo priuilegio, & illud priuilegium sit in usu apud aliam Religionem communicantem, ista secunda Religio apud quam est in usu poterit uti tali priuilegio. Adde quòd intra vnum, & eundem Ordinem poterit contingere ut vnum priuilegium possit esse in usu apud vnā, vel plures Prouincias, & non sit usu apud alias. Et tunc credo quòd simpliciter non dicetur tale priuilegium cessasse in illo Ordine per non usum: sufficit enim quòd aliquæ prouinciæ utantur, ut priuilegium dicatur esse in usu in illo Ordine. Et præterea si priuilegium vnus tantum Conuentus extenditur ad omnes Conuentus illius Ordinis: etiam priuilegium quod est in usu in vna, duabus, vel tribus Prouinciis poterit extendi ad omnes Prouinciās eiusdem Ordinis.

56 Aliud est non vsus priuilegij, aliud verò est contrarius vsus priuilegij. Non vsus priuilegij opponitur priuilegio affirmatiuo concedenti ut aliquid fiat, ut scilicet recitetur tali, vel tali modo diuinum officium, vel celebre ur in domo priuata. Si verò oblata occasione hoc non fit dicitur tunc verè non vsus priuilegij, seu non vsus priuatiuus. Contra verò vsus apponitur priuilegio negatiuo, quo conceditur ne aliquid fiat, ut si concedatur Monasterio ne soluat decimas, ne accedat ad processiones ultra milliāre existenti à loco, &c. Et nihilominus soluit & vadit, datur vsus contrarius, vel non vsus contrarius. Et utrūque modus habet varios effectus.

57 Non vsus privilegij primo modo, seu privatius, ut dicatur talis, & verus non vsus requirit sequentia. Primò, ut oblata fuerit occasio faciendi, & non sit factum. Secundò, ut detur scientia talis privilegij. Tertiò ut detur potentia tunc faciendi, id est, non detur tunc impedimentum: si enim hæ tres condiciones non concurrant talis non vsus non dicetur voluntarius, neque proinde poterit esse indicium renuntiationis, quæ debet esse voluntaria. Est communis Doctorum.

58 Non vsus in Religione, vel contrarius vsus non sufficiet ad perdendum privilegium nisi duræt per spatium quadraginta annorum de iure communi, *c. accedentibus de priv.* tenet Cord. in Compend. *ver. Absolutio quoad saculares* 2. § 19. & per concessionem particularem Benedictinorum, de qua suprà *ver. Prescribere*, requiruntur centum anni. ut præscribatur privilegium per non vsu. De quò Rodrig. *tom. 1. quest. 8. art. 2. & tom. 3. quest. 51. art. 5.* Cum enim privilegium sit bonum quoddam Religionis, contra bona Religionis non præscribitur nisi dicto spatio temporis. Et innuit Suarez *cit. lib. 8. cap. 34. & clarè n. 21.* & Frater Ioan. à Cruce de hoc non vsu agens *lib. 2. Epitom. cap. 3. dub. 2. conclus. 2.* refert aliam Bullam per quam concessum est Benedictinis ne contra illos præscribatur nisi per centum annos.

59 Si modò, cum Religio vult uti aliquo privilegio est in vsu, apud illam, & apud alias Religiones præsumendum est quòd semper fuit in vsu, & nunquam data est interpellatio sufficiens ad præscribendum, præsumendum est enim actum fieri legitimè. *lex merito ff. pro socio.*

60 Contrarius vsus factus per aliquem, vel aliquos Religiosos vel per particularem Conuentum, non tollit privilegium datum Religioni, quia contrarius vsus debet esse illius, cuius est privilegium. Rodriguez *tom. 3. questione 51. articul. 5.* & Suarez *capit. 35. numero 6.* Vnde colliges, quòd si Guardianus non obligatus ire ad processiones, nihilominus vadit bis, & sæpe, per hunc contrarium vsu non perditur privilegium Or-

dinis, aut Conuentus; ille enim contrarius vsus non est factus à Religione: & saltem successor reclamans obtinebit, antequam accrescat præscriptio contra illud Monasterium. Consulunt tamen Rodriguez *tomo 3. quæstion. 36. articul. 3.* & Suarez *numero 3.* vt etiam tunc, & in similibus fiat protestatio coram Notario, se facere illum actum contrarium suo priuilegio, salua semper exemptione & conseruatione sui priuilegij. Et notat Suar. *cit. c. 33. n. 14.* quòd talis protestatio, saltem hoc habet vtile, vt postea ab illo actu, vel actibus non possit inchoari præscriptio contra priuilegiatum. Vide omnino *infra verb. Processiones n. 6.*

61 Prædicta verba Pontificum posita in confirmatione priuilegiorum videlicet (quatenus sunt in vsu) sic adhuc explicantur. Primò, si adhuc sunt in vsu id est, si contra illa non est præscriptum, spatio iam prædicto: si enim contra illa præscriptum est, iam non confirmantur, quia non confirmatur nisi illud quod verum, & subsistens est. Secundò potest intelligi (quatenus sunt in vsu) id est, eo modo quo sunt in vsu. Si enim non totum priuilegium, sed pars priuilegij sit in vsu, hæc pars in vsu consistens confirmatur. Id enim videntur etiam sonare verba illa *quatenus sunt in vsu*: id est, eo modo quo sunt in vsu, & tunc adde quòd saltem consuetudo firmabit illam partem priuilegij. Maximè cum multi dicant priuilegium posse obtineri consuetudine. Neque hoc mirum videri debet: si enim lex abrogatur per consuetudinem, & consuetudo facit legem: etiam consuetudo poterit facere priuilegium, quod est lex quædam priuata, vt initio diximus.

62 Nicolaus IV. concessit Cartusienfibus vt possint vti priuilegiis sibi concessis, etiam si propter simplicitatem, & iuris ignorantiam vsu non fuerint retro actis responsibus, dummodò eis non sit per præscriptionem, vel alias legitimè derogatum. *Compend. Minor. verb. Priuileg. §. 31.* & hæc concessio saltem confirmat supradictum, quòd scilicet vt perdantur priuilegia per non vsam, requiritur præscriptio legitima in contrarium.

Dixi suprà Clementem VIII. & Paul. V. in
confir

confirmatione privilegiorum Minorum non posuisse (*quatenus sunt in usu*) & Rodrig. tom 1. q. 10. art. 28. ait, quòd quando privilegia confirmantur absque ista clausula, confirmantur etiam illa quæ non sunt in usu. Quod magnam consolationem, & securitatem affert. Sed tamen urgere videtur in oppositum quod id quod nullum erat, non videtur confirmari, nisi ponatur ex certa scientia, vel quid simile iuxta prædicta. Et Rodrig. illud ibi ait de confirmatione Sixti, qui ultra quàm quod abstinuit à clausula, (*quatenus sunt in usu*) posuit etiam *ex certa scientia*: & tunc non est dubium confirmari etiam illa quæ erant inualida, ut suprà diximus. Secùs si non ponantur hæc verba *ex certa scientia*: quæ posita sunt à septem Pontificibus in confirmatione nostrorum privilegiorum.

63. Prædicta verba (*quatenus sunt in usu*) id est, quæ modò sunt in usu, habent etiam hunc sensum: ut scilicet, si contra privilegia quæ modò sunt in usu, sint transacti aliqui anni incipientes præscriptionem, vel illam inchoantes talia privilegia denuò incipiant à tali confirmatione, ac si denuò confirmarentur. Frater Ioan. à Cruce lib 2. Epitom. c. 3. dub. 2. concil 6 Addit Cord. citat. à Capucino. 1 par. Compend. f. 52. quod ut perdatur privilegium per non usum opus est habere scientiam privilegij, & voluntatem non utendi illo iuxta supradicta, n. 57. Unde inferri videtur, quòd si vna Religio communicans in privilegiis alterius per 40. annos saltem, ignoravit omnino privilegium illius cui communicat. Et iuncta ignorantia etiam fortè defuit occasio utendi, per hoc dictum Cordubæ, & per supradicta, Religio denuò sciens privilegium poterit illo uti, cuius notitia & usu carebat, quorum exempla passim inuenies. Vide infrà. *ver. Restitutio in integrum*.

64. Tota dubitatio est, an possint hodie Regulares, solum in foro conscientie uti privilegiis suis, quæ sunt expresse reuocata per Concil. Tridentin. Dixi quæ sunt. *expresse reuocata*; nam de illis privilegiis quæ sunt contraria Concilio Tridentino, sed ab illo non reuocata. quale est ut possint ordinari extra tempora & similia,

diximus supra, n. 31. ex Rodriguez, Suarez, & Miranda, posse Regulares illis uti. At de illis quæ sunt specialiter reuocata à Trident. ut ibi diximus esse illud antiquum ut ordinari possent ante ætatem, omnes etiam Doctores dicunt, quod in foro externo non possunt Regulares illis uti. Quod verò quæritur est, an saltem his possint Regulares uti solum in foro conscientia? Henriquez *lib. 7. de pœnitent. tom. 1. cap. 24. ad finem cum gloss littera K.* affirmat non posse illis uti in foro conscientia tantum: quia Pius V. vivæ vocis oraculo, id concessit Minoritis dicens, quod possent uti privilegiis suis, etiamsi essent restricta, vel derogata per Concil. Tridentin. in foro solum conscientia. Et quod, licet Gregor. XIII. postea reuocavit illa, quæ Pius V. concesserat, contraria Concilio Tridentino, solum reuocavit, vel pro foro externo tantum, vel reuocavit solum Constitutiones scriptas, non verò oracula vivæ vocis, quæ non sunt Constitutiones. Idem tenet Rodriguez *tom. 1. questione 8. artic. 9. & Compend. Societat. verb. Concil. Trid. §. 3.*

Ego verò salva tantorum Doctorum autoritate, non possum illis assentiri propter rigorem quo omnes Pontifices post Conc. Trid. utuntur in confirmatione privilegiorum illa clausula exceptiva (*dummodo Conc. Trid. non sunt contraria*) quæ clausula si non intelligatur de privilegiis specialiter à Tridentino reservatis, vel reuocatis, de quibus nam debet intelligi? vel ad quid inseruit ibi posita, & toties repetita? Quid operabitur illa clausula? Adde quod Gregor. XIII. in sua reuocatoria non solum reuocavit privilegia, sed etiam cætera indulta sine litteris expedita, dicens (*& quæcumque alia nostri statuto, ordinationi, & reductioni contraria*) iam verò oraculum illud Pij V. est indultum satis repugnans illi Ordinationi Gregorij, ac reductioni ad terminos Iuris comunis, & contra Rodriguez potest argui ad hominem: si enim iuxta illum possumus uti privilegiis de quibus est quæstio in foro conscientia, tenetur fateri posse hodie Regulares in foro conscientia, ordinati ante ætatem à Tridentino assignatam, quod tamen ille negat

negat, & bene relatas à nobis suprà verb. *Ordines sacrum*. 1. Et nos ibi satis impugnauius cum illo. Et eadem ibi dicta huc etiam inferuiunt. Et hanc etiam sententiam contra Henriquez & Rodrig. tenet expressè Ludo. Lopez 1. part. *Instruct. cap. 8.* Frater Ioan. à Cruce, lib. 2. *Epitom. c. 3. dubit. 3. concl. 3.* & alij multi quos non oportet citare. Miranda t. 2. *quest. 42. art. 3.* etiam innuit hanc partem, quamuis enim ibi dicat se nolle ferre sententiam: id tamen non dicit circa priuilegia expressè reuocata à Tridentino. Imò de his innuit cum opinione secunda ibi citata esse reuocata omnino, nec proinde nos posse illis uti in foro conscientiae. Et expressè tenet nos non posse Miranda tom. 1. *quest. 39. art. 1. concl. unica.* Post hæc vidi quod Capucinus ad *Compend. 1. par. f. 86.* idem tenet quod Rodr. dicens Greg. XIII. non reuocasse pertinentia ad forum internum, nec viuę vocis oraculum, sed solum spectantia ad lites externas. Et proinde qui voluerit tenere cum Rodr. Henr. Capucino, & Compendio Societatis, non condemnò licet putem oppositum securius ob prædicta. Et quia oppositi tenentur dicere licitum esse ordinari ante ætatem Tridentini, quod ego nunquam dicam.

65 Notat Capucinus ad *Compend. ver. Priuilegium*, quod quando Pontifices dicunt in Confirmatione priuilegiorum (*dummodo sacris Canonibus, & Concilio Trid. non aduersentur.*) Illud, *sacris Canonibus*, intelligitur de decretis contentis in iure canonico (his enim multa priuilegia clarè sunt contraria) sed intelligitur de canonibus positis in eodem Concilio Trid. in illo enim sunt etiam Canones, & decreta.

P R I V I L E G I I C E S S A T I O P E R reuocationem.

66 **P**riuilegia duobus modis possunt reuocari: primò expressè, secundo tacitè. Expressè reuocatur cum per verba expressa, & clara dicitur: *reuocamus*, an-

nullamus, vel aliis similibus. Et ista reuocatio expressa potest esse, vel specialis, vel generalis: specialis est quando reuocatur aliquod privilegium speciale, & nomenclatum, ut quando Greg. XIV. reuocauit privilegium Sixti V. de aborsu, vel de illegitimis. Erit autem hæc reuocatio expressa generalis cum non specificat aliquod privilegium speciale quod reuocet, sed in genere, & in communi dicit se reuocare omnia privilegia, & indulta in contrarium; idque faciunt Pontifices, per hæc verba: *Non obstantibus quibuscumque privilegiis, &c.* Si verò aliquando aliquod privilegium haberet clausulam dicentem, non censeatur reuocatum nisi de illius tenore transcripto fiat mentio, hæc omnia supplet Papa successor, cum in sua reuocatione ponit verba reflexiua dicens (*etiamsi de prædictis reuocatis facienda foret expressa mentio: vel tenor inferendus*), & sic de similibus verbis: Papa enim prædecessor non potest ligare manus successoris, ut sic, vel sic reuocet, transcribendo antiquum privilegium, & sic de cæteris, & illæ non obstantiæ solitæ poni à Reuocatoribus sufficiunt ad deroganda quæcumque præterita privilegia,

67 Excipitur tamen quando privilegium est insertum in corpore iuris communis: tunc enim cum sit iam lex publica maiori, & clariori reuocatione indiget, quam sit illa reuocatio generalis. Et proinde opus est ut dicatur: *non obstante iure communi*, vel *non obstante privilegio etiam inserto in iure communi*, ut patet ex gloss. in *authent. quia. Cod. ubi de crimine. ver. illis omni privilegio: &c.* est communis DD.

68 Reuocatio tacita privilegij est illa quæ non fit verbis expressis: sed à concedente privilegium fit aliquis actus contrarius omnino privilegio, per quem actum privilegium non potest subsistere. Tunc enim per hunc secundum actum contrarium clare innuit se tollere privilegium. Requiritur tamen ut concedens, vel reuocans privilegium habeat notitiam illius, & voluntatem tollendi illud. Si enim desit notitia & voluntas, non censebitur illud tollere. De se patet, & est communis Iuristarum.

69 Quando

69 Quando privilegium reuocatur per legem generalem non ligat reuocatio donec lex illa sufficienter fuerit promulgata. Probatur, quia illa reuocatio fundatur in lege, & de substantia legis est quod sit promulgata. Sed ad hoc sufficit vna promulgatio in Curia Principis, vel in loco destinato. Et probatur, quia Pius V. & Greg. XIII. suas Bullas contra ingredientes Monasteria Monialium solum Romæ publicarunt: & per illas ibi publicatas derogarunt omnia privilegia in contrarium: nec iusserunt alias publicationes in singulis Diocesis fieri. Non tamen hæc promulgatio in Curia statim obligat omnes absentes extra Curiam à die promulgationis: sed communiter requiruntur duo menses ut obliget extra Curiam, iuxta probabilior sententiam.

70 Aliqui censent quòd lex reuocans privilegia reuocat illa statim à die publicationis Romæ factæ: ita ut actus talium privilegiorum non valeant ab illa die, etiamsi propter ignorantiam sine culpa fiant extra Curiam maximè quando dicit lex; *ex nunc, pro tunc*: vel *ex presenti die*. Sed probabilior est opinio opposita dicens, actum esse validum donec de tali reuocatione habeatur notitia. Verba autem illa, *ex nunc* esse intelligenda cum debito ordine naturali, & secundum ius suum; habita scilicet notitia; vel post tempus sufficiens duorum mensium ad habendam talem notitiam. Videtur enim de iure naturali quod nemo spoliatur nisi auditus. Elapso verò hoc tempore sufficienti statim reuocata censentur privilegia etiamsi privilegiatus dicat se ignorasse inuincibiliter: si tamen inuincibiliter ignoret, carebit peccato coram Deo. Suarez *lib. 8. cap. 40. num. 3. 4. & 5*. Addit Suarez, quòd si aliquis utatur privilegio sic reuocato ex ignorantia publica, & communi faciens actum pertinentem ad iurisdictionem, verbi gratia, ferendo sententiam, vel similem actum fore validum non ex vi privilegij, sed ex iure communi tolerante tales actus aliàs nullos, per legem Barbarius *ff. de offi. pratoris*. Et per hæc, seu ad hæc conciliabis superius dicta *ver. Leges. n. 4*. Ibi enim locuti sumus iuxta vnā opinionem, hîc iuxta aliam: &

hanc hoc loco puto probabiliorem, & suauiore.

71 Privilegia Regularium non reuocantur per Bullam Cruciatæ, ubi illa publicatur: nam talis Bulla solum reuocat Indulgentias, & non privilegia: sunt enim valde inter se distincta privilegium & indulgentia: ac proinde possunt Religiosi stante Bulla Cruciatæ absolueri pœnitentes ab omnibus sibi concessis per sua privilegia propria & communicata, de quibus *suprà verb. Confesser*, ac si Bulla non extaret, *Rodr. tom. 1. quest. 61. art. 14.*

72 Quæris si privilegia Regularium reuocentur per Bullam Cœnæ Domini? Resp. Quod refero tantum, quod dicitur in Compend. Patrum Societatis Iesu, & *suprà dixi verb. Bulla Cœnæ num. 2.* Nam citato Compend. *verb. Bulla Cœnæ*, dicitur sibi concessum à Gregor. XIII. ne concessionem factæ suo Ordini censeantur reuocata, per Bullam Cœnæ Domini. Sed video sequentem Sum. Pontificem non alligari antecessori, illi viderint, & tu vide.

73 Privilegia Regularium reuocata per Leonem X. in Concil. Lateran. sunt postea revalidata per aliquos Sum. Pontifices, ut tenet *Rodr. tom. 1. quest. 8. & Henr. tom. 1. lib. 7. de Indulg. cap. 24. n. 8. & alij.*

74 Privilegium posterius reuocat prius privilegium, si secundum faciat mentionem de primò. Si verò non facit mentionem, non illud reuocat: maxime si per primum privilegium est iam acquisitum ius alicui tertio. Prima pars patet, quia tunc clara est voluntas concedentis. Secunda verò pars constat ex dictis satis in præcedentibus.

75 Si primum privilegium est insertum in corpore iuris, & secundum extra corpus iuris, & sunt inter se contraria, secundum privilegium tenet, etiam si non faciat mentionem iuris communis. Nam Princeps supponitur scire ius commune cui vult, & potest derogare. Vide *Rodr. tome 1. questiono 9. articul. 3. §. 2.* dico cum multis ibi citatis. Hoc autem non contradicit illi dicto in superioribus posito, quod scilicet privilegium insertum in corpore iuris communis non reuocatur nisi de illo fiat expressa mentio: hoc enim

enim intelligitur quando lex reuocans non est similiter privilegium, sed solum est lex ordinaria, seu Bulla ordinatiua, quæ non est privilegium. At quando secunda lex derogans est etiam privilegium verificatur hoc dictum in isto *num. 75.*

PRIVILEGII DECLARATIO, aut prohibitio.

Vide suprà verb. *Generalis num. 5.* vbi diximus posse Generalem in suo Ordine declarare privilegia Ordini concessa, & ibidem etiam, vide *num. 6.*

76 **P**aulus I I I. concessit Societati Iesu, vt Prælati Ecclesiæ non possint sua privilegia interpretari, siue clara sint, siue dubia prout concesserat antea Clem. I V. Prædicatoribus, & Minoribus. Imò potius, quod cum dubium extiterit in privilegio aliquo inter Iurisperitos, & iudices, & iudicetur in fauorem prædictæ Societatis. Rodrig *tom. 2. quest. 63. art. 7.* & de dicta concessione facta prius Prædicatoribus, & Minoribus vide Compend. Min *verb. Privilegium. §. 5.*

77 Sixtus I V. sub interdicto ab ingressu Ecclesiæ, & suspensionis à regimine prohibuit Prælati Ecclesiæ, ne molestent, vel inquietent Dominicanos, & Minoritas præter, aut contra privilegia præcedentium Pontificum illis concessa. Compendium *verb. Privilegium §. 11.*

78 Leo X. concessit Minoribus vt Generalis illorum in Capitulo, vel Prouincialis in eodem Capitulo de consensu saltem maioris partis Capituli, possint declarare an sit vtendum aliquo viuæ vocis oraculo, an non. Et prædictæ determinationi stare debent omnes tam Fratres, quàm Moniales Ordinis. Compend. *verbo citato §. 26.*

79 Idem Leo X. concessit Minoribus vt transumptis privilegiorum sumatorum manu Notarij publici indu

indubitata fides adhibeatur etiam in iudicio, sicut daretur ipsi originali. *Compend. citato verbo. §. 29. littera C.* pro quo vide quæ dicta sunt *suprà verb. Notarius, num. 1.* Ex Pio V. ubi dicitur posse Prouinciales ad hoc intentum creare Notarios Religiosos, qui privilegia Ordinis transcribant: & illorum scriptis tanta fides adhibeatur, quanta Notario publico. Et nota, quòd non est necessarium quòd ista privilegia in Ordine habeantur in suo originali, seu primo exemplari; hoc enim esset impossibile morale, & naturale in omnibus Conuentibus. Sed sufficit quòd habeantur hæc privilegia in libris ordinariis & authenticis Ordinis, vel auctorum, seu scriptorum Ordinis. Concessit enim Leo X. viux vocis oraculo Minoribus ut valeant illorum privilegia præsentata, saltem pro foro conscientiae, sicut in libris Ordinis reperiuntur, ut diximus *suprà hoc verb. num. 3.*

A D D I T I O.

Vide *infra verb. Viua vocis oraculum.*

• **S**ufficienter dixi *suprà* de privilegij natura, diuisione, forma, communicatione, confirmatione, usu, extensione, cessatione, & declaratione, ita ut pene ibi regulares omnia sibi necessaria inueniant: Neque ego postea in genere de privilegiis inueni, nisi paucula sequentia.

1 Dixi *ibi num. 3.* quot Pontifices à Clemente VII. privilegia Minoritarum confirmauerint ex certa scientia seu Motu proprio, quæ confirmatio sub tali forma quantum profit dixi *ibid. n. 29.* Nunc addo ante prædictos ibi Pontifices, Minorum privilegia ex certa scientia confirmasse Paulum II. in Bullario Rodr. fol. 301. Et post illum Sixtus IV. in eodem Bullario f. 337. col. 1. Si verò quæras ad quid seruiat ista recordatio, seu aduerrentia? Dico; quod cùm privilegia possint amitti vel

vel per non vsum, vel per reuocationem, multum prodest scire à quot annis priuilegia antiqua sint in vfu, vel reuocata: & proinde scire à quot annis sint confirmata ex certa scientia, si quidem confirmatio ex certa scientia innouat priuilegium antiquatum, vel per non vsum, vel per reuocationem particularem, vt dixi citato numer. 29. Et ante illos duos Pontifices Paulum I I. & Sixtum I V. multi alij Pontifices priuilegia concesserunt quæ possunt quotidie inseruire regularibus.

2 Pro his verò magis intelligendis, seu applicandis recolendum, & applicandum est quod dixi suprà verb. *Prescribere num. 2.* Mendicantes gaudere priuilegio concessio Benedictinis ab Eugenio I V. vt sua priuilegia (quæ sunt bona Conuentus, non possunt præscribi nisi per spatium centum annorum. Tunc recole ex Pontificibus hîc & suprà citatis, qui Minorum priuilegia confirmarant ex certa scientia. Et quantum spatium intercesserit intra vnum Pontificem & alium confirmantes ex certa scientia. Et facile inuenire poteris quæ priuilegia Minorum, & aliorum, sint valida, quæ non.

3 Quod attinet ad vsum priuilegij, aduerto, non posse aliquem vti priuilegio, siue dispensatione Papæ ex solo dicto personæ ordinariæ, quæ scilicet audiuit, ita factum fuisse à Papa. Sed oportet quod si persona certa, procurator scilicet impetrans, vel Nuntius, aut epistola illius. Cùm enim priuilegium de ordinario sit odiosum legi, oportet certissimum esse, vt ego possim operari præter legem, vel contra legem. Vide Sanchez 4. *Decalog. cap. 48. à num. 2. & seqq.*

4 Quia verò modus frequentior amittendi priuilegia inter Regulares, est non vsus, seu contrarius vsus: libet pro religiosorum quiete, hîc transcribere verba quibus Eugenius I V. concessit congregationi Sanctæ Iustinæ Benedictinorum, vt possint vti suis priuilegiis etiam si contra illa habuerint contrarium vsum. Habetur concessio in Bullario Rodrig. fol. 194. col. 1. Vbi sic Papa concedit. *Vt, si quandoque contigerit per aliquem, aut plures actus, contra huiusmodi aut quacum*

quæcunque alia privilegia, indulta, gratias, immunitates præfata Congregationi concessæ, aut ipsorum aliquod, à quocunque cuiuscunque conditionis, gradus, seu status existat, ex negligentia, vel ignorantia præsentium, vel futurorum, quibus hæc conceduntur, aut alia quavis causa propter quam fuerit aliter attentatum, vel pro tempore observatum ignoranter, vel scienter, nullum tamen præiudicium decretis, privilegiis, indultis, gratiis volumus generari, sed in suo vigore, ac robore permanere. Sic ibi Sum. Pontifex. Pro isto verò contrario usu, vel non usu vide omnino quæ ibi dixi numero 61. & aliis ibidem non libet, neque tu patieris eadem bis repetere.

§ Cap. cum ordinem. de rescript. habent Cistercienses hoc privilegium. Si contra vos super decimis, vel aliis (quæ ordini vestro specialiter sedes Apostolica indulgit) non facta mentione Ordinis vestri Cisterciensis literæ fuerint impetratæ, per eas minimè teneamini respondere, Vnde videant communicantes huic privilegio, si literæ Papales, sibi ostensæ derogent huic privilegio posito in iure communi.

ADDITIO AD ADDITIONEM.

Quamvis de hoc multa dixerim superius, hoc unum tantum denuò occurrit tanquam valde, & quotidie occurrens, ac proinde necessarium. Et habetur in Rodriguez tom. 1. questionibus Regul. quest. 61. articul. 3. §. At Urbanus. ubi ait quòd privilegium concessum verb. gratia, Carmelitæ, & nobis Minoritæ communicatum, hoc inquam privilegium non perditur à nobis nisi legitimo tempore præscribatur, & debet haberi à nobis scientia talis privilegij, & præterea debet adesse voluntas non utendi illo privilegio ad hoc ut perdatur per non usum. Nota tres conditiones necessarias: Prima est præscriptio: Secunda scientia privilegij: Tertia voluntas non utendi. Et licet

ceteri ibi Rodrig. dicat spatium ad præscribendum esse quadraginta annorum. Nos tamen Minoritæ habemus privilegium ut contra res nostras, & iura, & personas non præscribatur per centum annos, ut dixi supra verb. *Præscribere*. Non præscribuntur ergo nostra privilegia, etiam communicata, nisi spatio centum annorum, & nisi de illis habeatur scientia, & voluntas illis non utendi. Quod valdè notandum est pro multis dubiis quotidie occurrentibus pro usu privilegiorum antiquorum, quando non fuerunt expressè revocata à Sede Apostolica, sed de solo usu, vel non usu dubitatur.

PROCESSIONES.

1 **T**enentur Regulares, qui soliti iam sunt adire processiones, ad illas accedere, si fuerint vocati. Excipit Conc. Trid. illos qui in strictiore clausura perpetuò viuunt. Trid. *sess. 25. cap. 13. de Regul.* Vbi nota verbum, *vocati*; requiritur enim ut prius vocentur, aliàs non tenentur, ut notat Rodriguez *tom. 3. quest. 37. art. 1.* Debent verò hæ processiones esse non qualescumque, sed pro causâ magna, & publica, quales etiam sunt processiones consuetæ.

2 Quando ibi Concilium dicit posse Religiosos compelli ab Episcopis ut accedant ad processiones, explicant aliqui non posse Episcopos quoad hoc obligare Religiosos per censuras, excommunicando scilicet, & alias censuras ferendo ibi: enim Concilium non facit illos legatos: & aliàs Religiosi habent privilegia ne possint excommunicari ab Episcopis nisi specialiter illis fuerit commissum à Papa. Sic Rodrig. *addic. ad Summ. tom. 4. cap. 105. conclus. 1.* ubi ait quòd si in contrarium ostendatur aliqua declaratio Cardinalium, illi standum erit. At Capucinus *in Compend. verb. Processiones*, ait Cardinales hoc iam declarasse: posse scilicet Episcopos in hoc cogere per censuras.

Et hanc declarationem citat Marzilla expressè §. *ad publicas*, loco *mix citando*. Possunt etiam Episcopi compellere ad hoc Religiosos aliis pœnis vt priuando concionibus, & confessionibus, & similibus.

3 A prædicta lege eunli ad processiones liberantur illi Religiosi qui distant ab vrbe, seu loco ultra vnum milliare vulgo, *mil passos*. Sic enim statuit Leo X. in Concil. Lateranense, Compend. *verbo Processio* §. 2. At Marzilla in *suo lib. declarat. Cardin. lib. 2. titul. 12. capit. 14. § Exempti omnes*, refert vnã declarationem, & alteram decisionem Cardinalium, in qua dicitur non teneri accedere ad processiones, Regulares, qui degunt in Monasteriis distantibus ab vrbe, vel oppido per dimidium milliare. Quod nescio quomodo non aduertant Religiosi aliqui; de quo priuilegio, quid possint facere, non obstante non vsu, seu ignorantia illius, vide suprà *verbo Priuilegij non vsus*.

4 Excipiuntur etiam à dicta lege processionum, Patres Sancti Hieronymi in Hispania, per Bullam Pij V. de qua Capucin. *citato verb. &* Patres Societatis Iesu, per Bullam Greg. XIII.

§ Pius V. in alia Bulla quæ incipit, *et si Mendicantium*. excipit illos Fratres qui neque in choro cantant, neque ad mortuos accedunt, sed tantum studiis & lectionibus vacant: vnde collegia Mendicantium excipiuntur, vt *ibid.* ait Marzilla: & licet idem author *citato loco* putet prædictam Bullam Pij V. esse reuocatam à Greg. XIII. Capucinus tamen *cit. loco* oppositam videtur inuere. §. *Ac teneantur*. Et tenet cum illo Rodr. *Allit. ad Sum. tom. 4. c. 105.*

6 Si aliquod Monasterium non obligatum ire ad processiones, nihilominus vadit, non ideo censetur renunciatæ suo priuilegio, quia illud priuilegium non conceditur illi Prælato, vel illi loco, sed toti Ordini, vide suprà *ver. Priuilegij non vsus, n. 59.* & adde quod Canonici Regularibus Lateran. Ecclesiæ concessum est vt licet per vnum, aut plures actus contrahant suis priuilegiis scienter, aut ignoranter, nihilominus illa non perdant, refert Rodrig. *tom. 3. quæst. 6. art. 3. &* præterea

7 Tenet Rodrig. *Addit. ad Sum. tom. 4. c. 105. n. 1. ad finem*, quod Priores, vel Archipresbyteri in urbibus, vel oppidis ubi non resident Episcopi, non possunt compellere Religiosos ad processiones prædicto modo, si processiones sint insolitæ, & parum necessariæ, neque pro causa publica.

9 Tridentinum iubet vt Episcopi circa præcedentias Regularium in processionibus, lites componant cuncta appellatione postposita. Et Capucinus *citato verb. Processiones*, citat ad longum verba Greg XIII & Pij V. circa easdem præcedentias componendas Quia tamen

D d d

ibi dicta non sunt vbiq̃ue recepta in vsu , & nouas lites postea vidimus omitto referre. Et proinde standum est consuetudini. Diuersa enim diuersis locis audio practi-
cari. Solum aduerto cum Rodr. *cit. c. 105.* non esse dam-
nandos Regulares de tali præcedentia litigantes cum
licentia, & fundamento : quia illud spectat ad honorem
sux Religionis & in domo Dei congruum est, vt om-
nia ordinatè fiant, & quod iuxta D. Paul. sint Religiosi
se inuicem honore præuenientes. Imò & in cælo sedes
digniores erunt, & alia minus dignæ ? imò & in cho-
ro angelico sunt maiores ac minores.

Hoc vnum tantum dico esse facilem illam composi-
tionem Greg. XIII. citatam à Capucino *citato loco* : qui
iussit, vt quando non constaret de maiori antiquitate
inter Religiones ipsas, tunc Religiosi illi præcedant in
processionibus quorum Conuentus in illa vrbe, seu loco
antiquiores quoad ædificium, seu foundationem : idque
propterea fortè Papa iubet, quia tunc facilius est proba-
re antiquitatem Conuentus, quàm Religionis. Vide
hanc Bullam in Bullario Rodr. *f. 1000.*

10 Non potest Index secularis, aut Episcopus con-
uocare processiones, facere ordinationes, vel similes
actus in Ecclesiis Regularium inuito illatum Prælato:
neque cogere vt ibidem retineatur reus vinctus. Secus
de Inquisitoribus sancti Officij. Henriquez *tom. 1. lib. 7.*
de Indulgent. cap. 26. num. 5. citans multas concessiones
pro ista materia.

~~etiam dicitur quod
in vni. ordo. et c.~~

ADDITIO.

1 **D**ixi suprà hoc ipso *ver. n. 2.* ex Capucino *ibi ci-
tato* posse Episcopos cogere per censuras Mo-
nachos, vt vadant ad processiones : idque iuxta decla-
rationem Cardinalium ibi citatam ex Marzilla. Post
hæc vidi nostrum Baibosam Lusitanum in suis Remis-
sionibus ad Tridentinum *sess. 25. cap. 13. de Regularibus*
fol. 142. col. 3. vbi refert ex Quaranta, non posse cogere
per

per censuras. Et addit Barbosa pluries à Cardinalibus sic fuisse declaratum Et hoc consonat cum iis quæ diximus suprà *verb. Episcopus*: non posse scilicet illos contra Religiosos vti censuris nisi in casibus illis expressè concessis à Papa. At Concilium Tridentinum *citato loco* cum concedit Episcopus, vt cogant Monachos ad processiones, non exprimit, vt possint illos cogere per censuras. Cum suppetant alia media per qua illos possint cogere. Et citat Barbosa, Sanchez, & Rodriguez,

2 Dixi *ibid. n. 3.* Conuentum distantem à loco, vrbe, vel oppido per vnum milliare, non teneri accedere ad processiones ex concessione Leonis X Nunc addo, neque ad id teneri Conuentum distantem ab vrbe, vel oppido per medium milliare quod continet solum quingentos passus. Ita declarauit Congregatio Cardinalium apud Rodriguez in Bullario *f. 1200. col. 1.* sub Clemente VIII. Vbi dicitur Regulares distantes ab vrbe vltra medium milliare, non posse compelli ab Episcopo.

PROCURATOR MONIALIVM

Sanctæ Clare, vel Fratrum, &c.

1 **N**on possunt Fratres Minores esse Procuratores Monialium suarum in temporalibus, quoad redditus scilicet colligendos, & cætera negotia temporalia tractanda. Prohibuit expressè Clemens VIII. Bulla particulari apud Rodrig. in suo Bullario, *fol. 1225.* De procuratore verò Fratrum Minorum, qui alio nomine est, & dicitur Syndicus Apostolicus, dicitur infra *ver. syndicus.*

2 De Procuratoribus sæcularibus Monialium, vulgo *Mor domos*: qui constituuntur œconomi, generales pro causis, redditibus, & negotiis Conuentus, dubitas an possint Prouinciales illos amouere ab officio ad nutum? Ex dictis à Rodr. *tom. 3. q. 38. art. 1. & 2.* potest re-

sponderi ad dubium. Ibi enim *art. 1.* dicit non posse Prouincialem amouere procuratorem constitutum à Conuentu, quando ipse Conuentus illum creauit seruata solemnitate Iuris. Hæc autem solemnitas est vt ibi ait *art. 2.* quòd pulsata campana in Capitulo per Præsidentem, audiatur omnia suffragia, & is in quem maior pars consenserit, diceretur procurator. Si autem Abbatisa hoc seruarent, posset dici quod Prouinciales non possent illū amouere. At illæ in praxi hoc non obseruant, imò & in praxi video positum quod Prouinciales eos amouent, maximè si habent causam. Imò *Rodr. Addit. ad Sum. tom. 4. c. 106. conc. 3.* tenet quòd potest Abbatisa, & proinde Prælatus, amouere Procuratorem positum à fundatore Monasterij, vel descendente talis Procuratoris, etiamsi fundator dicat, quòd si amarus fuerit ab Abbatisa soluat in pœnam mille ducatos; & dat causam, quia non est positus cum Ordine Prælati. Vide *ibi*.

PROFESSIONE FIDEI.

Ius IV. mandauit, vt omnes obtinentes beneficium ante illius possessionem faciāt professionem Fidei: cuius tenorem ponit ad longum Capucinus in fine suarum *Add. ad Comp. f. 19.* Et eandem professionem fieri iussit à Prælati Religionum quando primò eliguntur. Et ego vidi hoc practicari in mea Prouincia, cū esset Commissarius Generalis R. & doctissimus pater Matheus à Burgos postea Episcopus Syguaciæ; & hīc vt refert *Rodr tom. 2. q. 72. art. 1.* iussit in tota Hispania omnes Prælatos Minoritas facere professionem fidei, cū iam essent in officio positi, idque fecisse dictum Commissarium generalem de mandato Cardinalis Matthæi tunc protectoris Ordinis: & ego tunc illam feci cū essem iam Guardianus. Similitérque fecerunt Prædicatores. Et *Rodr. cit. art.* ait hodie ad illam obligari Regulares.

Capucinus verò in *Compend. verbo Professio fidei*
dicit

dicithoc non esse in usu:& sic consuluisse viros doctos, & obseruari in praxi:quam praxim etiam ego video in hoc Regno. At retuli quod vidi, & quod feci. Et Rodr. scripsit post Capucinum vt certò scio. Sed non condemno morem, vel omissionem prouinciarum, & Religionum, vt inde videas obiter, quod dixi suprà *verb. Leges*, quam citò lex etiam Pontificia, per non usum, vel contrarium usum possit antiquari.

2 Ait tamen Capucinus, *citato verb.* ad Compend. declarasse Cardinales tempore Pij V. quod prædicatores obtinentes licentiam Episcopi ad prædicandum, tenerentur facere professionem fidei si ab Episcopo requirantur. At video pariter hoc non esse in usu in hoc Regno.


3 Maius dubium est, an lectores Theologi, cæteri que Lectores in Religionibus teneantur ad professionem fidei faciendam antequam lecturæ possessionem obtineant Pius IV. aliam Bullam edidit particularem, per quam obligat omnes lectores cuiuscumque artis, siue Clerici sint, siue Regulares, vt teneantur sub peccato mortali & amissione gradus seu cathedræ, facere professionem fidei, etiamsi sint lectores Grammaticæ, vel Musicæ (vt postea Cardinales declararunt apud eundem Capucinum) & ita obseruatur hodie in Vniuersitatibus. Et circa hanc non ait Capucinus valere hodie praxim in oppositum circa Regulares, sicut ait de prima circa prælationes: sed tacens, videtur innuere quod ad hanc secundam tenentur etiam Lectores Regulares, intra suos Conuentus, & expressè hoc affirmat Rodr. *cit. t. 2. c. q. art. 1.* Et dicit Prælatos Regulares aliter promouentes Lectores in suo Ordine incurrere prædictas pœnas positas in 2. Bulla Pij IV.

4 Regulares tamen, vel Clerici, quoad possessionem beneficii, si dictæ Bullæ contradixerint omittentes dictam professionem fidei ante possessionem beneficii, vel lecturæ, si id omiserunt facere ex ignorantia, obliuione, vel incogitantia, vel simili de causa, non incurrunt pœnas positas in dicta Constitutione prima, & secunda vt in quodam casu de Clerico sic

omittente, respondit Nau. *libr. 1. Consil. tit. de const. consil. 3.* dicens ex D. Tho. 1. 2. q. 88. art. 5. & 6. illum qui transgreditur legem humanam ex ignorantia, vel inaduertentia, non peccare mortaliter, quod est valde consolatorium, pro casibus similibus.

PROFESSIO NOUITII.

Vide suprâ verbo *Monasterium. num. 11.* de propinis Nouitiarum. & verb. *Nouitius per totum.*

1 ncil. Trid. *sess. 25. cap. 16. de Regular.* iubet ut finito anno probationis superiores statim admittant Nouitium ad professionem, vel eiiciant: idem dic de Nouitia, nec possint amplius professionem dilatare. Quo non obstante, dicunt Doctores quòd si causa iusta interuenerit, poterunt superiores illam dilatare ut si verbi gratia, Nouitius non bene recitet diuinum officium, vel quid simile ad arbitrium pij ac prudentis Prælati. Et sic declarasse Congregationem Cardinalium, refert Rodrig. *tom. 3. quest. 17. artic. 10.* ubi ait quod in Nouitiis Monialium diutius aliquando poterit expectari, ut ibi tradit. At statuta generalia Tollerana Minorum priuant officio Guardianos qui ultra dies octo professionem Nouitij dilatauerint. In quo tamen statuto videtur etiam admittenda moderatio communis Doctorum, ut scilicet illam pœnam non incurrat habens euidentem causam & iustam dilatandi.

2 Duplex est professio, vna tacita, altera expressa. Et suppono hodie, etiam post Tridentinum dari posse professionem tacitam validam: ut Doctores communiter affirmant. Et constat ex Bulla 1. Sixti V. contra criminosos, in qua annullat professionem factam contra suam illam constitutionem, etiam (ait) si sit professio tacita. Et proinde clarè innuit etiam post Tridentinum valere professionem tacitam.

3 Professio expressa est illa in qua Nouitius clarè, & expressè,

expressè, emittit tria vota essentialia vocaliter in manibus veri Prælati habentis ius recipiendi ad professionem in Religione approbata. Vide & nota singula verba hîc posita. Et tales sunt professiones, quæ fiunt hodie communiter. Neque hoc indiget maiori explicatione.

4 Professio tacita est illa quæ fit tacendo, absque votis emissis voce, vel scripto: sed solum aliquid faciendo, vel tacitè consentiendo se esse professum. De quo multa Sylu. *verb. Religio 3. questione 19.* & alij. Et ex multis modis ibi assignatis à Syluest. duo præcipui possunt colligi, quibus olim fiebat, & nunc etiam potest fieri professio tacita. Primus erat, quando ante Concil. Trid. solebant aliquando Nouitij recipi, & in anno nouitiatus non finito, vestiebantur habitu professorum absque vlla differentia Nouitij: & hi sic portantes habitum professorum absque distinctione, de consensu Prælati, & Conuentus, cum aliis circumstantiis, de quibus Syluest. *ibidem*, censebantur exinde professi: quia scilicet Nouitius, & Religio consentiebant, & quasi in illo ex consuetudine compromittebant. Secundus modus erat. Si per vnum annum gestabat Nouitius habitum non patenter distinctum ab habitu professorum, de manu Prælati, & gestabat per annum integrum: tunc enim censebatur tacitè professus: idque ob eandem causam, quia scilicet Religio, & Nouitius consentiebant, & compromittebant. Cum enim professio sit contractus inter Nouitium, & Ordinem: potest aliquando contractus fieri absque verbis expressis, sed per sola signa externa declaratiua consensus. Hæc possunt colligi ex Clementina *eos qui, de Regular.* Et videtur quod tunc habitus Nouitiorum non erant patenter distinctus ab habitu professorum sicut modò est; in colore, forma, vel figura: & in Ordine Minorum specialis habitus distinctus Nouitiorum est caparo vsque ac cingulum.

Circa secundum verò modum proximè dictum de gestando habitu per annum indistinctum, opus erat vt habitus non esset patenter distinctus, in colore, forma, & figura: si enim in aliquo horum differebat, non erat

professio tacita, etiam si gestaret per 20. annos. Et primus quidem modus hodie est abrogatus per Trid. per illum enim primum modum professio fiebat tacita, & valida per gestationem habitus similis omnino habitui professorum, etiam ante annum, hodie verò post Trid. non est valida nisi finito anno nouitatus. Secundus verò modus professionis tacitæ supra dictus hodie dari potest post Trid. si videlicet nouitius per annum integrum gestet habitum indistinctum à professis cum dictis conditionibus, & cum conditionibus sequentibus. Prima est, si portet cum intentione profitendi: si enim portet deuotionis gratia, non valet: vel si illi datur illa habitus indistinctio honoris gratia: ut sit aliquando circa Nouitios in Ordine Minorum: cum quibus aliquando fuit dispensatum eo quòd sint Sacerdotes; vel viri aliàs grauissimi, ne portent insignia Nouitij caparonem scilicet usque ad cingulum (quod ego consulo ne fiat ut vitentur lites) hi enim non possunt pro se allegare, quia talis indistinctio non datur illi ad ius, sed ad honorem absque ullo consensu. admittendi ad professionem tacitam. Secunda conditio est ut portet talem habitum per vnum annum continuum. Tertia, quòd Nouitius credat, quòd per talem habitum profiteatur tacite. Quarta, quòd gestet talem habitum scientibus & consentientibus Prælato, & Fratribus. Et tunc finito anno censetur professus tacite, neque ista professio reuocata est per Concil. Trid. Tenet hoc Nauar. *lib. 3. Consil. titul. de Regul. consil. 41* Rodr. *Addit. ad summ. tom 3. cap. 64. n. 1.* Miranda in *Explic. Regula Minorum ac cap. 1. Regula, cap. 46.*

§ Ut prædicta professio tacita sit valida opus est ut Nouitius gestans habitum modo prædicto, sciat se non esse professum, & sciat quod sponte sua gestat illum habitum ad profitendum finito anno. Vnde si forte aliquis Religiosus portans habitum professorum per annum, & duos annos, vel plures, & faciens professionem ordinariam, sed cum impedimento annullante illam (ita ut à parte rei non sit professus ob impedimentum quod ignoratis per talem gestationem habitus

habitus vnus, vel multorum annorum, non facit professionem tacitam, quia neque illi constant de tali impedimento: nec proinde ex sua parte contentit, vel compromittit: imò neque scit, neque compromittit Religio: neque ipse portans sic habitum pretendit ut se profiteri. Est Doctorum quos proximè citauimus, & Caiet. 2. 2. *quest. 189. art. 5.*

6 Potest Nouitius agere Nouitiatum in vno Conuentu, & de mandato Prouincialis profiteri in alio Conuentu eiusdem prouinciae. Ludouicus de Beia 4. *parte Resp. casu. 9. §. Attamen.*

PROFESSIO NULLA EX IVRE naturali, sine ex natura contractus.

7 **I**tem si professio quidam contractus naturalis inter proficentem, & inter Religionem, teste Nau. lib. 3. *Cons. tit. de Reg. cons. 5.* Et proinde, (sicut in omni cōtractu) requiritur cōsensus ex vtraque parte, & conditiones appositæ ex iure communi, quibus deficientibus contractus professionis est nullus. Et proinde tum ex parte proficentis, tum etiam Religionis consensus requiritur, & impletio conditionum.

8 Ex parte Conuentus deficiet consensus si pars maior Conuentus non suffragetur pro Nouitio, & tunc professio facta per Prælatum erit nulla, dissentit enim Conuentus expressè. Vide suprà *ver. Abbas. n. 7.*

9 Erit etiam professio nulla ex defectu consensus Conuentus si proficiens celauit morbum caducum, de quo fuit rogatus saltem in genere morbi; vel etiam celauit lepram, vel quid simile. Si item pegauit se descendere ex Iudæis, Sarracenis, hæreticisve combustis in Ordine Minorum. Et ob hæc duo negata poterit expelli in Ordine Minorum, defecit enim vtrouque consensus ex parte Conuentus & proinde contractus fuit nullus Nauar. lib. 1. *Consil. tit. de Regular. consil. 5.* & Rodrig. tom. 3. *quest. 17. artic. 9.* vbi citat

concessionem Leonis X. quoad eiiciendos professos ab Ordine qui mentiti sunt in professione, tacentes crimina grauiora de quibus iam erant notati in sæculo, & diffamati. In hoc enim etiam consensus Ordinis, qui si sciret talem defectum, illum non reciperet.

10 Erit etiam professio nulla ex defectu consensus Ordinis si Nouitio intimetur aliqua conditio seu pactum statuti cum protestatione, si sit de re notabili, & postea inueniatur mentitus. Licet enim non possit expelli ratione solius statuti Ordinis, maxime si non est expresse firmatum auctoritate Papæ, expelli poterit ratione contractus nulli, seu ex defectu consensus. Nau. *citato loco*.

11 Pari modo si ex parte Nouitij deficiat consensus, professio erit nulla, quia de ratione contractus naturalis, & civilis est, ut ex utraque parte contrahentium sit consensus. Probatio verò istius defectus ex parte Nouitij erit difficilis, neque illi credetur nisi probauerit valde vehementem præsumptionem in foro externo. Si verò sibi constet in foro interno tantum, se non consensisse, reuera non est professus. Sed bene tunc aduertit Sanchez *lib. 7. de Matr. disp. 37. n. 39.* quod tunc non potens probare defectum consensus sui, non tenetur profiteri denuo, & consentire; sed poterit manere in Ordine usque ad tempus, quo possit fugere absque scandalo: & idem tenet Henr. *lib. 1. de matr. cap. 11. n. 11. littera V.* ob causas ibi assignatas, de quo adhuc infra redibit sermo. At si hic taliter professus nulliter, ex defectu consensus, secum solus in animo consentiat in Monachatu, & professione, manet professus absque alia diligentia. Nauar. expresse *lib. 3. Cons. tit. de Reg. cons. 24.*

12 Eodem modo erit professio nulla si fiat per grauem metum incussum. Metus enim cadens in constantem virum; imò & metus minor, grauis videlicet, annullat contractum naturaliter, quia tollit consensum liberum. Et est communis Doctorum. Et de hoc prudentis arbitrio standum erit; minor enim metus annullabit professionem feminae, quam viri, & sic de cætero intra terminos metus grauis.

Pro quo nota quod Nauar. *lib. 1. Consil. tit. de Renuncia*


nuntiatione consil. 3 num. 6. tenet quod metus reuerentialis parentum excusat à valore professionis. & citat gloss. celebrem in cap. prafons 2. questio. 3. & idem repetit lib. 4. titul. de sponsal. consil. 26. num. 4. Pro quo nota primò quod ait timorem reuerentialem parentum non verò aliorum consanguineorum hoc posse facere: vidi enim ego in facti contingencia cùm essem Provincialis, Monialem allegantem nullitatem suæ professionis, eo quod vouisset ex metu reuerentiali amix suæ Monialis, fuisse iudicatam veram Monialem in foro diocesani. Addit etiam Nau. in Manuali. c. 22. n. 51. quòd omnis timor etiam minor iusto annullat actum in foro interno, si talis metus fuit causa sine qua non fieret talis actus. At Sanchez lib. 3. de Matrim. disput. 6. num. 17. tenet professionem non annullari per metum reuerentialem, & pro hoc citat multos. Idem innuit Rodr. tom. 3. q. 17. art. 15. dum dicit tunc metum patris annullare professionem, quando pater iuravit, quod filius, vel filia debent esse Religiosi velint, nolint, & quando pater est duræ conditionis, &c. At idem Rodr. citat. quest. 17. art. 18. concordat cum Nau. circa nullitatem professionis ob metum reuerentialem, & cum Nau. tenet Henr. 2 part. lib. 11. cap. 9. num. 5. & citat Nauar. & Sor. Vnde vides pro vtraque parte esse graues Doctores, quoad metum reuerentialem. Et proinde vtraque opinio est probabilis. Adde quod in lib. Declarat. Cardinalium relicto ex Farinacio tom. 4. fol. 106. col. 1. habetur quod Romæ anno 1585. lata est sententia in qua declaratum fuit fuisse nullam professionem fœminæ factam ob solùm metum reuerentialem.

Ego duo tantùm dico breuiter. Primum quod iam tetigi, & latius dicit Henriquez videlicet qualitatem metus, quando non sit cadens in constantem virum, relinqui iudicandam prudentis arbitrio. Secundum dico, quod si porta aperiatur hodie maximè in Monialibus, circa professionis nullitatem ob metum reuerentialem lites innumeræ suborientur.

PRO

PROFESSIO NULLA EX
defectu ætatis, & anni integri.

Inprimis pro integritate anni Nouitiatus vide suprâ,
verbo *Nouitiy annus in Nouitiatu.*

13  Oncil. Trident. sess. 25. cap. 15. de Regular. duo impedimenta annullatiua professionis ponit. Primum si fiat ante annum ætatis 16. expletum. Secundum, si fiat ante annum integrum nouitiatus, vbi innuit posse Nouitium recipere habitum anno 15. ætatis expleto: & profiteri anno 16. expleto. Et idem intellige de Nouitiis Monialium.

14 Quando ibi Tridentinum requirit annum expletum, non sufficit vt annus sit inchoatus sicut sufficit ad Ordines. Sed ita debet esse expletus, vt neque dies illi desit, imò neque hora. Si enim suprâ, verbo *nouitiy annus in nouitiatu*, diximus requiri vt annus nouitiatus sit integer de momento ad momentum pari modo, imò maiori iure annus ætatis debet pari modo esse integer de momento ad momentum, & omnino perfectus. Nam Conc. citato loco de anno nouitiatus non dicit quod sit expletus, sicut dicit, & exprimit de anno ætatis: vnde si hoc videtur requirere maiorem expletionem, & maius complementum ætatis. Sanchez libr. 2. de Matrimon. disputat. 24. num. 21.

15 Fratres Minimi habent statutum generale, ne aliquis inter illos admittatur ad professionem ante annum decimum octauum suæ ætatis. Et Nauar. de hoc quæsitus lib. 3. Consil. titul. de Regular. consil. 22. tenet, vel saltem inclinat vt dicat professum in illo Ordine ante 18. annum, sed cum decimo sexto expleto, non esse validè professum: & illuc statutum non contradicere Concil. Tridentino. At, quod talis professio in illo Ordine omnino valeat ante illum annum; tenet expresse

preſſe Rodrig. *tom. 3. quaſt. 17. art. 20.* Et dat cauſam, quia Concil. Tridentin. non irritat profeſſionem factam poſt annum 16. ſed factam ante annum 16. Et probat etiam ex Regula Minimorum, adducens verba Regulæ, quæ etiam, licet prohibeat, non tamen irritat profeſſionem factam aliàs cum ætate à iure requiſitam, quæ ante Concil. Tridentinum erat annus 14. & in nouo Tridentini eſt annus 16. & Religio non poteſt in re tam graui annullare quod ius commune non annullat. Et hanc opinionem Rodrig. cenſeo probabiliorem.

15 Profeſſio facta abſque interno conſenſu Nouitij, vel per metum, ratificabitur validè ſi profeſſus ſciens impedimentum apud ſe tantùm illam ratificet: neque ad hoc oportet iterum profiteri, vel conſenſum Prælati requirere: nam Ordo ſemper manſit in ſuo conſenſu, & ſufficit nouus conſenſus proſitentis apud ſe tantùm; res enim per eaſdem cauſas conualeſcunt in moralibus, per quas à principio fieri poterant, quando profeſſio fuit nulla ob impedimentum poſitum ex iure communi: requiritur enim noua profeſſio, & externa.

16 Si profeſſus nulliter ob ætatem nesciat impedimentum ſuum, quandiu illud nescit non ratificat profeſſionem ſuam nullam, per geſtationem habitus profeſſorum, neque per receptionem Ordinum ſacrorum, vel officiorum Ordinis, & ſimilium Nauarr. *ubi proxime iuncto Conſil. 44. ſequenti.* Ait præterea Nauarr. quod in his caſibus ratificans profeſſionem nullam debet habere antiquitatem iuxta diem profeſſionis nullæ, ac ſi eſſet olim profeſſus.

17 Profeſſus nulliter ob annum non integrum nouitiatus, vel ſimiles ob defectus quomodo debeat ratificare profeſſionem, vide ſuprà verbo *Nouitij annus in probatione*, & infra, verbo *Remedium profeſſionis nullæ*.

18 Coniugatus matrimonio rato, nolens conſummare matrimonium intra bi-meſtre, ſi ideo intrat Religionem, non poteſt profiteri ante annum expletum: nam

nam *cap. ex publico. de conuers. coniugatorum* assignans duos menses intra quos dictus coniugatus transeat ad Religionem : ibi pertransire ad Religionem non intelligi profiteri : sed intrare Religionem. Et licet dictum *caput, in verbo transire*, intelligeret profiteri, iam non valeret, quia corrigitur per Concil. Tridentin. annullans professionem factam ante annum Nouitiatus.

19 Corduba *casu 31. prima editionis*, & Henriquez *tom. 1. lib. 13. cap. 40. num. 2. littera O. in gloss.* dicunt Monachum translatum de vno Ordine non Mendicante ad alium non Mendicantem posse profiteri ante annum: & Henriqu. addit quòd etiam id potest translatus ad Cartusiam. Verùm oppositum omnino dicendum est, quia Tridentinum generaliter loquitur, & annullat generaliter. Ita Sanchez *libr. 2. de Matrim. dissertation. 14. num. 2.* & Cordub. in 1. editione se corrigens.

At iuxta probabiliorem opinionem dictum Tridentini in integro anno nouitiatus non obligat in Religionibus militaribus, excepto D. Ioannis. Sanchez *lib. 7. de Matrim. disp. 44. n. 8. & 9.*

PROFESSIO EX IVRE COMMUNI, & ex Bulla Sixti V.

DE hoc iam dixi sufficienter suprà *verbo Nouitius. à numero 8. & sequentibus* ubi videre poteris quot modis per ius commune annulletur professio, & quæ sint impedimenta posita à iure communi: & quomodo Bulla Sixti V. quo ad professionis annulationem sit reducta ad ius commune per Clementem VIII.

Hoc solum adde, quòd si hodie reperiretur aliquis nulliter professus ob professionem nullam factam durante Bulla Sixti V. standum est regulis assignatis ab eodem Sixto, circa nullitatem illius: nam Clemens VIII. non validauit professiones nullas factas tempore Sixti:

Sixti : sed solum locutus est de futuris. Si verò professus est iam à tempore quo Clemens VIII. reduxit Bullam Sixti ad ius commune tunc consule quæ diximus *cit. loco ver. Nouitius.*

ALIA BULLA CIRCA VALIDITATEM professionis.

20 **M**onialis aliàs inualidè professa, & nullitatem ignorans si recipiat ab Episcopo velum virginitatis, & ibi votum virginitatis emittat, non proinde censetur professa validè : quia professio Religiosa non consistit in vno tantum voto virginitatis, sed in tribus votis ordinariis. Rodrig. *Add. ad Sum. tom. 4. c. 64.* & est certissima.

21 Professio inualida facta ab vno superiore ex defectu potestatis, potest ratificari à Superiore illius Superioris habente potestatem ad illud, vt tenet Innocentius *cap. porrectum. extra de Regul.* & Rodrig. *tom. 3. q. 17. art. 2.*

22 In terris vbi Concilium Tridentinum non est receptum, in Ordine non mendicante, professio facta ante annum expletum valet. Secus si fuerit Religio ex mendicantibus. Nauarr. *libr. 3. Consil. titul. de Regul. consil. 27.* Idem dicendum videtur de professo in eisdem terris ante annum 16. ætatis, in Ordine non mendicante.

23 Fœmina, quæ fingens se esse hominem professa est in Conuentu virorum intendens se obligare ad Religionem, manet verè professa, iuxta Anton. Sylu. Angel. Tabienam, Armill. citatos à recentiore Comitolo *lib. 2. Resp. Moral. q. 8.* dicente sic à se responsum fuisse in facti contingentiâ in Italia : licet alij pauci negent. Ego etiam cum citatis ac Sylu. valere puto : quia talis fœmina emisit vota essentialia in quibus consistit essentia Religionis, ad quam essentiam per accidens est distinctio sexus. Nota verò quòd prædicta fœmina hodie id faciens

faciens excommunicationem incurrit ob ingressum in Conuentum virorum : & calu deprehenso reponi debet à Prælato in Conuentu Monialium sub clausura, & talis excommunicatio cum qua professa est non annullat professionem, vt mox dicam.

24 Professio facta ab aliquo excommunicato, valet. Est communis Canonistarum, & citat Rodrig. *tom. 3. quest. 17. art. 14.* & Comitulus *f. 337. c. 1.* & innuunt valere etiam si sit excommunicatus denunciatus; quia professio est contractus naturalis, & non annullatur hoc in iure quidquid tunc sit de peccato admittentium. Et hoc certius est in excommunicato occulto cuius professio omnino valet *c. cum illorum. de sentent. excom.* vbi loquitur de professi percussione Clerici, qui æquiualeat denunciato.

Quid si professus sit clam hæreticus tempore professionis, an professio erit valida? Nauar. *lib. 4. Consil. tit. de sponsal. consil. 38.* innuit validam esse dum ait matrimonium cum hæretica valere: eadem verò ratio est, vt valeat professio, quia est contractus tantum naturalis, & præterea non est sacramentum, sicut est matrimonium. Idem dicturus videtur Sanchez qui *libr. 7. de matrimo.* fusè probat valere matrimonium personæ catholicæ cum alia hæretica etiam publica. At Regula Pat. nost. Francisci primam conditionem inter omnes in Nouitio requirit vt sit Catholicus. Et de hoc Nouitius rogatur ante professionem. Cum quo tamen stat (vt puto) quòd Nouitius hæreticus occultus si profiteretur in ordine Minorum, non faceret professionem ipso iure nullam: quia Regula ibi non annullat professionem hæretici, imò nec posset annullare, si ius commune non annullat. Credo autem certissimè, quòd talis professus potest expelli ab Ordine alio titulo, ex eo scilicet quia defuit consensus ex parte Conuentus, & quia negauit conditionem de qua fuit rogatus in re grauissima, ob quam clarè Conuentus non consensit. Vt potest eiicij is qui negauit se esse tantum Christianum nouum ordinarium, qui hoc negauit rogatus; ob defectum consensus Conuentus ibi similiter repertum.


reperitum. Et nota, quòd descendentes ab hæreticis combustis expelluntur à professione, etiamsi ipsi non sint hæretici in se propter Bullam Pauli IV. de qua suprà. At ipsi hæretici in se, non arcentur à professione iuxta hoc, id est, non annullatur professio illorum.

25 De professione Nouitiæ inter Moniales Dominicanas existentis in articulo mortis, facta tunc ante annum nouitiatus expletum. Vide suprà, *verbo Nouitia.*

26 Etiamsi professio non fiat per verba contenta in Regula, vel statutis, est professio valida, & expressa si promittantur tria vota substantialia. In his enim consistit essentia professionis: colligitur ex dictis à Theologis circa formas Sacramentorum.

P R O F E S S I O C O N I U G I S

*inuito, ignorante, vel sciente
alio coniuge.*

27  Vpponitur de iure communi certissimũ vnum coniugem non posse profiteri inuito altero: hoc posito. Si vnus inuito alio coniuge profiteatur, & ab alio extrahatur, mortuo non professo, is qui nulliter professus est, non manet verus professus *ex Regul. 18. in 6. de regul. iuris.* Non firmatur tractu temporis, quod de iure ab initio non subsistit: habet tamen illa professio præterita vim voti simplicis ita vt non possit petere debitum, sed solũ reddere. Item mortuo coniuge non professo, ille professus nulliter non potest contrahere secundum matrimonium. Sed non tenetur iterum intrare Religionem quia votum Religionis fuit omnino irritum; non verò fuit irritum votum castitatis. Ita Sanchez *lib. 7. de Matrim. disp. 34. à num. 12. & sequent.*

28 Valet professio fœminæ, quæ credens, licet falso, inter se & maritum dari verum diuortium, si ille iam professus est Religionem, vel suscepit sacros Ordines, illa etiam professa est durante illa opinione, & professo iam, aut ordinato marito. Et in hoc non facit iniu-

E c c

xiam marito, quia causa falsa quæ illam impulit non fuit finalis, sed impulsiva. Sanchez *lib. 10. de Matrim. disp. 9. n. 23*. Si tamen maritus non erat professus, neque Ordinem sacrum susceperat potest illam reuocare à Monasterio.

29 Si vnus coniux profiteatur inuito alio, potest extrahi à Monasterio nulliter professus, etiam si utrque coniux antea vouissent castitatem. Sanch. citatus *n. precedente*. Et ratio est, quia licet ambo vouerint castitatem, non per hoc dederunt licentiam adinuicem profitendi in Religione: quia potest adhuc v.g. fœmina manens in sæculo indigere suo viro ad se, & ad familiam alendam, ad quod vir specialiter obligatur.

30 Si coniux manens in sæculo est iuuenis, non potest dare licentiam alteri vt intret Religionem, nisi etiam ipse iuuenis illam intret. Neque sufficiet vt voueat castitatem manens in sæculo. Neque item sufficit vt intret Religionem vt ibi viuat in clausura absque habitu monachali, & professione; sed debet intrare yd profiteatur. Si verò intrans sic Religionem, exeat durante nouitiatu, cogendus est intrare iterum, si alius professus est. Si verò etiam alter mansit in sæculo cogendus est redire ad coniugem manentem, etiam si hîc castitatem vouisset, quia hoc votum fuit pendens à professione intrantis, & fuit frustratum non secuto effectu. Si autem coniux manens in sæculo sit grandæuæ ætatis, tunc cum licentia Episcopi, emisso prius voto castitatis poterit dare licentiam alteri vt profiteatur, & grandæuus cum voto potest manere in sæculo. Hæc omnia tum patent ex iure, tum etiam traduntur à Sanchez *lib. 7. de Matrim. disp. 32*.

31 Si coniux profiteatur de licentia alterius coniugis in aliqua Religione seruatis conditionibus proximè dictis; professio tenet, vt patet. Et adde quod de facto valebit si data est licentia à coniuge manente, etiam si hic manens sit iuuenis, & proinde suspectus de castitate, dummodo votum castitatis emiserit, & probatur, quia professio coniugis manentis vel dantis licentiam non est de essentia illius profitentis. Sanchez *lib. 7.*

lib.7.de Matrimon.disp. 33. à n.2. sed solum est conditio iure appositae, non tamen annullans professionem factam cum licentia. Et proinde taliter professus non seruata illa conditione iuris, ut scilicet alter etiam intret, vel profiteatur, non poterit reuocari à tali coniuge licentiam dante. Ut verò fœmina in sæculo maneat cum solo voto castitatis, absque ingressu Religionis debet esse ut minus quinquagenaria. *archez latè, & doctè cum multis. lib.7.de Matrimon disp. 32.n.14. & seqq.* & vir manens erit ut minus sexagenarius.

32 Si coniux dans licentiam, & manens in sæculo non emisit votum castitatis, & sciebat coniugen. non posse profiteri, nisi ille manens voueret castitatem, si esset senex, vel intraret Ordinem si erat iuuenis, non poterit tunc professus reuocari: poterit verò, si coniux manens hoc ignorabat: Ratio est, quia manens in sæculo, & conscius illius iuris per datam licentiam videtur renunciare illi iuri reuocandi: at ignorans ius illud non videtur illi cedere. Sanchez *cit. disp. n. 14.* ubi alia hac de re bona adducit.

33 Si exempti Regulares iubente Episcopo nolint reddere coniugem Nouitium, vel professum nulliter, coniugi manenti, ac petenti, peccabunt grauiter, ut patet. Sed Episcopus illos in hoc casu per censuras non potest cogere, quia ad hoc non est Iudex delegatus ex iure, vel Tridentino. Poterit tamen cogere aliis pœnis priuando concionibus, confessionibus, &c. est conclusio indubitata.

34 Si coniux professus est altero non consentiente expressè, vel tacitè, vel ignorante: vel si sciuit neutraliter se habuit per tempus non longum, professio est nulla. Et si paulò post professionē, coniux manēs in sæculo mortuus est, taliter professus potest exire, & si matrimonium contrahat peccabit mortaliter ob votum castitatis, matrimonium tamen valebit; quia in rigore professio facta, fuit nulla. Si tamen velit ratificare professionem, poterit. Dixi *per tempus non longum*; quia si longum tempus intercessit, tunc manens in sæculo sciens, ac dissimulans, consentire videtur in professio-

ne, ac proinde post longum tempus non poterit reclamare. Quod tempus longum, vel breue prudentis arbitrio relinquitur iudicandum.

35 Si coniux obtinuit licentiam ad profitendum à coniuge manente in sæculo per metum cadentem in virum constantem, professio nulla est: quia metus talis annullat omnem contractum: imò etiamsi sit solum metus grauis, est nulla, & potest reuocari. Et reuocatus poterit reddere, sed non petere debitum. Est clara ex supradictis. Non tamen iste tenetur redire ad Ordinem quia professio fuit nulla. Idem dic, si licentiam profitendi obtinuit dolo, fuit enim tunc professio nulla. Sanchez *lib. 7. cit. disp. 31. & sequentibus, usque ad. 35.* Et in his casibus in quibus nulliter professus potest reuocari à manente in sæculo, non potest professus propria auctoritate exire nisi reuocetur, & postuletur: Sanchez *disp. 33 cit. lib. n. 15.*

36 Licitum omnino est coniugi innocenti inuito socio adultero intrare Religionem, & profiteri quantumcumque reclamet adulter. Patet ex *cap. constitutus, & ex cap. veniens de conuers. coniug.* Et probatur quoniam adulter perdit omne ius coniugale. Et idem puto licere fœminæ innocenti inuito marito adultero. Si enim constet publicè maritum fuisse adulterum eandem licentiam habet à iure, quia eadem ratio militat in fœmina, & in viro perdendi ius matrimoniale, seu debiti coniugalis ob adulterium. Si verò adulterium viri fuerit occultum non poterit hoc mulier facere in foro externo ratione scandali: valeret tamen in foro interno si fieret. Et præterea si sit data sententia perpetui diuortij inter coniuges, poterit utrèque Religionem intrare, & profiteri, quia licèt tunc non dissoluatur matrimonium, dissoluitur tamen cohabitatio, & perditur ius petendi debitum. Dato etiam casu quòd vir sit innocens, & vxor adultera, potest vir suscipere sacros Ordines & manere in sæculo. Sanchez *lib. 10. de Matrim. disp. 11 per totam.*

37 Si coniux aliquis professus est inualidè, absque licentia manens in sæculo, is qui in sæculo manet non potest intrare Religionem inuito illo nulliter professus: professio

professio enim fuit nulla, & delictum professi non dat ius manenti. *Astenlin Sum. 2. p. lib. 8. tit. 11. art 2. q. 13. & alij.*

38 Si coniux profiteatur absque licentia, & inualidè quouis modo: & tamen coniux manens in saeculo fornicetur: non potest hic illum reuocare. Et taliter professus exire poterit propria autoritate, vel professionem ratificare. Constat ex supradictis, & Sanchez *lib. 7. disp. 36. num. 3.*

Multa alia de professione coniugum vide apud citatum authorem fusè, ac doctè tradita *cit. lib. 7. disp. 32. & sequentibus*: quæ omitto, vel quia minus frequentia sunt, vel quia magis pertinent ad forum externum Ecclesiæ. Et suprâ hîc tradita sunt præcipua, & sufficientia.

REMEDIVM PROFES-
sionis nullæ.

39 **S**I professio fuit nulla, cum præiudicio tertij clamantis, vt pote quia professus est seruus, coniugatus, debitor, tutor, & sic de cæteris, professio non habet remedium, nisi exire, & satisfacere parti clamanti, ac petenti. Neque Papa in hoc potest dispensare cum præiudicio magno tertij. Vide tamen suprâ *verb. Nouitius cùm agitur de debitis.*

40 Si professio nulla non intulit præiudicium tertio, & impedimentum tolli potest à profitente, & Religione, facile remedium est, vt ratificetur professio, vel apud solum profitentem, vel apud illum, & Religionem. Hæc enim ratificatio sufficit ad illam validandam: contractus enim potest reuocari, & potest etiam conualescere dissentientibus vel consentientibus illis ad quos spectat: iuxta communem Doctorum sententiam.

41 Si impedimentum fuit ex eo solùm, quia ex parte Nouitij defuit consensus, vel adfuit meus, potest

814 *Professionis nullæ Remedium.*

ratificari professio ex parte solius Nouitij iterum apud se tantum consentiendo. Nam aliàs erat capax professionis : & non requiritur nouus consensus Conuentus, quia iste nunquam defuit. Sanchez *lib. 2. de Matrim. disput. 22. num. 14.*

42 Si verò professio fuit nulla, quia Nouitius erat incapax ad profitendum ob defectum ætatis, vel quia annus nouitiatus non fuit integer, vel aliam causam causantem incapacitatem : tunc ad ratificandum, ablata prius incapacitate, requiritur nouus consensus vtriusque Ordinis, scilicet, & profitentis quia Conuentus prima vice consensit incapaci. Sanchez *lib. 2. de Matrim. disput. 35. art. 4.* An verò, si quando annus non fuit integer, ultra consensum Conuentus, & profitentis debeat iterum inchoari Nouitiatus, & quando, dictum est suprà, *verb. Nouitij annus in probatione.* Vide *ibi.*

43 Quid si nulliter professus habet impedimentum secretum quod non potest probare : & sibi certò constat se non esse professum, non tamen auditur, nec potest probare : an teneatur ratificare professionem ob damna redundantia in Ordinem cum sua permanfione : quia scilicet non Monachus suscipit alimenta Ordinis, dat suffragia in Capitulo, Ordines & officia suscipit non Monachus ? Sunt enim hi actus, & alij similes annexi Monacho, prohibiti huic qui non est verè Monachus, & proinde videtur in conscientia obligari, vel ad ratificandum vel exeundum. Resolutionem ponit Sanch. *lib. 7. de Matr. disp. 37. num. 38.* sub his corollariis. Primò quod si absque culpa sua talem statum acquisiuit, quia scilicet non est professus animo ficto, &c. tunc non tenetur in conscientia ratificare professionem, quia remedium professionis est difficilimum, & ad rem tam difficilem non tenetur, vt vi-
tet leuiora supradicta, maximè si expertum habet Religiosum statum non sibi congruere, sed esse sibi in illo subeunda pericula. Secundò ait, quòd absque peccato poterit interim exercere in publico supradictos actus, comedendi, suffragandi, & similes Monachi proprios

proprius quando hos actus euitare non potest absque grauissima infamia. Tertiò, quòd in publico ratione scandali tenetur seruare vota Religionis, non verò in occulto cessante scandalo. Quartò, quod habita occasione, si potest fugere, tenetur fugere absque scandalo, vbi ait Sanchez; quod saltem obsequium istius fratris, & seruitia corporalia poterunt supplere, vt quandiu manet, mereatur illud, quod ab Ordine recipit in alimentis, &c.

Si autem professio fuit nulla ob culpam ipsius profrentis, (ait Sanchez) quia scilicet fictè professus est, aliqui Doctores innuunt illum teneri ad ratificandam professionem, sicut tenetur ille qui contractum iniuri fictè, validare illum. At neque tunc adhuc teneri ad professionem ratificandam tenet Henriq. *lib. 11. de matrimo. cap. 11. numero 11. litt. V,* & Sanchez vbi proximè ob eandem causam iam dictam: quia scilicet non tenetur ad remedium tam difficile. Ait tamen teneri vel ad ratificandam professionem si velit: vel oblata occasione sine scandalo, fugere ad euitandos illos actus professioni annexos. Si enim maneat, & neutrum velit facere, peccabit grauiter cum onere restituendi.

44 Adhuc de taliter professo nolente ratificare, & non habente probationem impedimenti, neque audito, neque valente fugere; nota quòd quandiu non potest fugere, si absque notabili infamia non potest recusare, quin ad sacros Ordines, vel ad prælaturam promoueatur absque magno scandalo (debet enim omnino hæc recusare quantum poterit absque graui infamia, aliàs peccabit grauiter) si, inquam, non possit absque grandi infamia, poterit acceptare ad vitandum scandalum magnum cum animo dimittendi, vbi primùm occasio data fuerit: quemadmodum in simili occulto electo in Prælatum, qui facta omni diligentia morali, & renunciatione prælaturæ, non auditur, & non acceptans notatur grauissima infamia, & absque illa non potest exponere causam sui impedimenti: tunc enim vt ibi diximus poterit acceptare,

816 *Professionis Nullæ Reclamatio.*

cum animo quàm primùm quærendi remedium ibi assignatum. Quod suo modo huc inseruit.

PROFESSIONIS NULLÆ RE- *clamatio coram Ordinario.*

45 **C**oncil. Tridentin *session. 25. de Regular. cap. 19.* decernit, quòd si aliquis Regularis præten-
dat se non esse professum, quia professus est per vim,
aut metum, vel ob defectum ætatis, vel similem cau-
sam fecisse professionem nullam, & velit habitum
dimittere: non audiatur nisi id fecerit intra quinquen-
nium à die professionis: idque coram suo Prælato, &
coram Ordinario causas allegando.

Circa quod vide primò dictà suprà hoc verb. *num.*
42. Secundò nota quòd licet Tridentinum dicat non
esse audiendum nisi reclamauerit intra quinquennium;
tamen si allegauerit causas ob quas non reclamauit
intra quinquennium, quia scilicet, vel ignorauit, vel non
potuit ob metum parentum viuentium, vel quid simile,
est audiendus si causæ allegatæ sint iustæ, & probentur.
Rodr. tom. 3. quest. 17. art. 16. puto tamen hodie esse in
praxi, ut vidi in facti contingentia, quod ut possit audiri
debet impetrari rescriptum à Papa, & quod sine hoc
Prælatus, nec Episcopus possunt audire. Et hoc est petere
restitutionem quinquennij à Papa: nam absque tali re-
scripto videbuntur Prælatus, & Episcopus contraire, ex-
presso decreto Tridentini.

Notat etiam Rodrig. *citato loco*, quod non obsta-
te decreto illo, si professio illa in illo quinquennio
fuit nulla per illud decretum non validatur, quia Pa-
pa non potest validare per se id quod pendet à consen-
su partis reclamantis: quod intelligo quoad validatio-
nem in foro interno, ut dicitur *in cap. 1. de Regulis*
iuris cum ait: Omnis res per quascunque causas nasci-
tur, per easdem dissolvitur: & proinde à contrario: per
quas

quas causas dissolvitur per easdem nascitur. Et quando Tridentinum iubet, ne reclametur post quinquennium, est quia supponit in foro externo illam professionem tacite fuisse ratificatam à professo. Quod facere potuit Tridentinum ob pacem Religionis, quemadmodum multæ leges civiles ponunt silentium, & interdunt processum in aliquibus casibus antiquis propter pacem Reipub. At si talis reclamans à parte rei illam non ratificavit, professio est nulla: si olim fuit nulla. Et proinde taliter non auditus sciens verè nullitatem suæ professionis, potest fugere, si potest absque scandalo, & in foro conscientiae non erit Apostataz. *Rodr. ibidem.* Et id verum habet etiam si durante quinquennio recepit Ordines sacros, vel officia Ordinis. Et si non est ordinatus poterit nubere in conscientia, ubi non fuerit cognitus.

46 Addit citato loco Rodriguez; ex Navarr. quòd sciens clarè nullitatem suæ professionis, si absque scandalo possit fugere non tenei allegare causas suæ nullitatis coram Superiore & Prælato: neque esse apostatam. Et præterea, quòd si habitum dimisit ante reclamationem poterit adhuc audiri. Concilium enim solum videtur innuere, quòd non audiatur absque habitu, id est, exutus habitu. Depositi enim illa habitus si præcessit, non debet adeò præiudicare misero homini, ut teneatur inuitus tota vota subire iugum tam difficile, maximè cum præiudicio Ordinis, cui fortè est ineptus. Id quod etiam verius erit, si dimisit habitum quia cum illo commodè non poterat allegare causas suæ nullitatis, & cum tali habitu non poterat commodè Prælatum, & Episcopum adire.

47 Addit Sanchez *lib. 7. de Matrim. disp. 37. c. n. 12. & 13.* quod si nulliter professus dubitat an ratificaverit professionem, stante tali dubio non poterit exire, quia tunc iudicandum est in fauorem Ordinis possidentis. At si nullo modo ratificavit, & prælatus sit certus de nullitate professionis, poterit illum dimittere in foro conscientiae: non verò in externo propter Concil. Tridentin.

48 Istud quinquennium ut possit reclamari, currit à die professionis nullæ, iuxta Concil. citato loco: & datur in favorem Religionis ut inde currat, & ultra non transeat.

49 Beneficium restitutionis ut possit reclamare competit sic professo etiam extra quinquennium, durante ignorantia probabili, vel impedimento reclamandi iuxta Couar. in *Regula possessorum*. 3. & alios. Et qui fuerit ætatis maioris, ut restitatur debet probare ignorantiam impediementi: neque ad illam probandam sufficiet suum iuramentum, ut sufficit in aliis causis ad illam probandam. Rodr. *Addit. ad Sum. tom. 4. cap. 6 § concl. 6.*

50 Non est credendum professo etiam iuranti se fuisse professum ficto animo, neque ratificasse professionem, nisi accesserint coniecturæ probabiles, & probatæ. Sanchez cit. *disp. 17. n. 14.* cum ibi citatis.

51 In foro conscientiæ illæ qui est ætate minor, & sciuit nullitatem suæ professionis, neque vlllo modo illam ratificavit in quinquennio, potest reclamare transacto quinquennio ratione iustæ ignorantie. Si autem sub iuramento rogetur an ignorauerit licentiam reclamandi quam habebat in quinquennio, potest iurare se ignorasse, intelligens interius, se habuisse ignorantiam, & non habuisse scientiam cum qua ratificauerit professionem præsumptam à Tridentino, ob quam presumptionem iubet ut non audiatur. Sic Sanchez citato loco numero 18. & probat ratione Soti ibi citati. qui ait quod rogatur à Iudice sub iuramento, an transierit per locum, vbi mortuus iacebat occisus, ut inde Iudex inferat, si est culpatus: licet ipse à parte rei transierit per talem locum, sed innocentèr, potest iurare, se non transisse; intelligens apud se, non transisse culpabiliter.

52 Concil. Tridentin. in dicto decreto non comprehendit perpetuò inhabiles ad profitendum: hi enim non præsumuntur tacitè professi per ratificationem internam, neque externam: & proinde semper possunt reclamare: Sanchez citata *disp. 37. num. 32.* Et
idem

idem dicendum de habentibus impedimentum temporale, seu ad tempus annullatiuum intra quinquennium. Et proinde illi, qui per metum aut defectum ætatis, sunt professi durantibus his impedimentis in quinquennio non sunt professi tacitè; durantibus enim his impedimentis non poterant profiteri.

53 Qui fecit professionem irritam ex defectu ætatis, si vult postea ratificare professionem non indiget nouo anno nouitiatus: iam enim expertus est Religionem, vt supra dictum est. Et præterea Concil. Trid. sess 25. de Reg. cap. 15. annullat professionem, sed non annullat receptionem, & gestationem habitus. Neque item opus est, vt fiat denuò Nouitiatus si Papa dispensat in impedimento annullatiuo professionis. Quod intellige nisi tale impedimentum annullaret professionem, & receptionem habitus vt fecit Sixtus V. in prima Bulla contra illegitimos. *Rodr. Addit. ad Sum. tom. 5. cap. 66. conclus. ultima.*

A D D I T I O.

Satis multa dixi suprâ hoc ipso verb. de pertinentibus ad professionem: quibus addenda sunt dicta *ibid. verb. Nouitius*, & in his addit eodem verb. *Nouitius*.

Nunc solùm addo circa illud quod ibi dixi *num 12. §. pro quo nota*, opinionem esse pro vtraque parte probabilem, quod professio facta ob metum reuerentialem tantùm, sit valida, vel non. Et pro parte affirm. quòd sit irrita citavi ibi sententiam Rotæ, & Nauarr. & Henriquez: tunc addo etiam cum Nauarro tenere Sayrum, & Aloisium Riccium, citatos à Barbosa *in suis Remission. sess. 25. de Reg. cap. 19. n. 3.*

AD DITIO AD ADDITIONEM.

A Vdiui quòd paucis ab hinc mensibus contigit iste casus. In quodam Conuentu Monialium Religionis approbatæ, quædam tunc solùm fœmina cum sexu tantùm fœmineo, habitum suscepit, & suo tempore professionem emisit, transacto vno vel duobus annis post professionem, humeros supponens oneri cuidam graui vi ponderis erupit in illa sexus masculinus, & sic effecta mansit hermaphrodita. Prouincialis Conuentus, re comperta, & factis diligentis debitis, (debuit) illam eiecit à Conuentu Monialium. Hoc mihi solùm indicatum fuit: Cui similem casum nunquam legi, neque vidi auctorem de illo in terminis tractantem. Et quoniam id quod semel contigit, iterum potest euenire, pro decisione istius iam facti, & alterius possibilis possunt quæri quinque circa casum prædictum. Si verò iste casus contigit alio modo, vt scilicet ista persona non maneret hermaphrodita cum duobus sexibus sed cum solo masculino, vide responsionem infra in fine operis quæst. propria.

Primum est, An professio istius prædictæ in hoc casu, fuerit valida.

Secundum est, An sic professa, & postea hermaphrodita, potuerit manere in illo Conuentu Monialium.

Tertium est, An supposito quòd non potuerit manere, solus Prouincialis posset illam expellere à Conuentu Monialium. An verò expectanda sit licentia Papæ.

Quartum est, An sic eiecta tanquam incapax, & nociua Conuentui Monialium teneatur in sæculo ad obseruationem trium votorum solemniū, eo modo quo potuerit.

Quintum est, An illi sic electæ restituenda sit dos quam ante professionem dedit Conuentui prædicto Monialium.

I Ante

1 Ante responſionem ad quaſita , præſuppono ex Nau. *lib.1. conſiliorum tit.de atate, & qualit.ord.conſil.8. prima impreſſ. & ſecunda impreſſ.lib.3.tit.de Reg.conſil.47. & Sanchez lib.7. de Matrim.diſp. 106.* Aduerto inquam primò hermaphroditum in triplici gradu dari poſſe. Primò ſi ſexu virilis in ipſo præualeat pluſquam fœmininus. Secundò ſi è contra , ſexu fœmininus in ipſo præualeat pluſquam maſculinus. Tertiò ſi æquè vterque ſexu par ſit. Secundò ſuppono ex iſdem Doctõibus cum Sylueſt. *ver. Hermaphroditus*, iudicium de ſexu præualente in hermaphrodito petendum eſſe à Medicis, & à matronis honeſtis : & in horum defectu, à iuramento ipſius hermaphroditi, dicentis iuxta quem ſexum ſentiat maiorem inclinationem, maiores motus ac tentationes ſenſuales.

2 Tertiò ſupponendum eſt maximè ex Nauarr. *cit. conſil. num. 3.* quòd hermaphroditus in quo vterque ſexu eſt par, & æquè præualet, non poſſet profiteri aliquam Religionem. Nam iſte talis neque eſt vir ſimpliciter, neque mulier, ad hunc finem : Quemadmodum tabula cuius pars dimidia eſt alba, & pars dimidia nigra abſolutè nec dicetur alba, neque nigra. Non ergo poſſeſt hic in quo par eſt ſexu maſculinus, & fœmininus profiteri ordinem virorum, quia ſimpliciter non eſt vir. Neque poſſeſt profiteri ordinem fœminarum, quia ſimpliciter non eſt mulier. Et periculum eſt, vti ſtante ſexu æqualiter inclinante poſſit eodem malè vti aliquando & in ordine virorum, & in ordine Monialium. Si verò in hermaphrodito præualeat ſexu maſculinus, poterit profiteri in ordine virorum. Et è contra ſi præualeat ſexu fœmininus poterit profiteri in ordine Monialium. Hoc dicit Nau. *cit. conſil. num.1. & Sanchez citata diſp.n.3.* His poſitis ad quinque quaſita propoſita ſic reſpondeo.

AD

AD PRIMVM QVÆSITVM.

3 **P**rofessio prædicta, quæ tantum habebat sexum
 fœmineum in tempore nouitatus, & professio-
 nis, fuit professio valida omnino, non obstante eruptio-
 ne subsequenti sexus masculini. Hanc nullus citato-
 rum Doctorum ponit, quia fortè neque casum istum
 viderunt. Ego tamen illam probo tribus argumentis
 efficacibus à simili. Primum sumitur ex matrimonio
 carnali, Nam si vir, & fœmina nullum habentes impe-
 dimentum dirimens matrimonium contrahant, & post
 illud legitimè contractum superueniat nouum impedi-
 mentum antea non existens, quod tamen est dirimens
 (vt si alter illorum fornicetur cum consanguineo con-
 iugis) tale impedimentum dirimens superueniens non
 irritat matrimonium iam factum, vt Doctores commu-
 niter, & experientia docent: ergo à simili in matrimo-
 nio spirituali quæ est professio, si hæc à principio fuit
 facta validè, etiam si post professionem superueniat im-
 pedimentum dirimens aliàs professionem, tale impedi-
 mentum illam non annullabit. At ista de qua casus lo-
 quitur, ante professionem erat tantum fœmina, & pro-
 inde apta ad profitendam Regulam Monialium: Ergo
 impedimentum hermaphroditi superueniens professio-
 ni, eam non annullabit. Secundò, si quis verè professus
 in aliquo ordine sine impedimento irritante professio-
 nem, profiteatur: & post professionem legitimam su-
 perueniat impedimentum aliàs irritans professionem,
 vt quia post professionem homicidium, vel debita gra-
 uia contraxit (quæ sunt impedimenta irritantia pro-
 fessionem saltem iuxta Bullam Sixti V.) quis dicet ta-
 lia impedimenta superuenientia professioni, irritare
 professionem prius factam non extante hoc impedi-
 mento. Tertiò, quia fœmina quæ dissimulato habitu
 fœmineo, facit professionem in Conuentu virorum,
 est valida professio, vt tenet Comitulus *primo tomo*
Respons.

Respons. Moral. libr. 2. questione 8. citans Antonin. Syluestr. Tabien. Armill. Iam verò maior incapacitas est fœminæ ad profitendam Religionem virorum habitu dissimulato, quàm istius nostræ solùm fœminæ tempore professionis, ad profitendam Regulam Monialium.

*A D S E C V N D V M
quæsitum.*

4 **A**D secundum quæsitum cum distinctione respondendum est. Nam si sexus masculinus erumpens præualebat fœmineo iuxta Medicos, matronas, & ipsius professæ iuramentum, tunc nullo modo manere poterat in Conuentu Monialium propter periculum manifestum illarum, ut colligitur ex citatis Doctoribus. Et colligitur ex mente Concil. Trid, & aliquorum Summorum Pontificum tanto rigore vetantium ingressum virorum in Conuentum Monialium. Iam verò hæc, vel hic in quo sexus erumpens masculinus præualuit simpliciter dici potest vir, & proinde prohibitus inter Moniales habitare.

5 Si verò in illo præualeat solùm sexus fœmineus, credo quod non poterit eiici à Conuentu Monialium. Probo ex citatis Doctoribus, qui dicunt, hermaphroditum in quo solùm præualet sexus fœmineus posse contrahere matrimonium carnale, & vri sexu fœmineo præualente. Ergo hæc similiter poterat manere cum Monialibus cum simpliciter dici posset fœmina: neque sit periculum castitatis in se & in aliis Monialibus, cum in se præualeat solùm sexus fœmininus & aliàs vouerit clausuram, cum obedientia ad istam Prælatam, quæ est in possessione illius.

6 Si tamen in ista sic proficiente facta hermaphrodita post professionem æquè præualeat vterque sexus: tunc iuxta mentem Sanchez *cit. diss. 106. n. 6.* videtur dicendum, istam potuisse etiam manere in Conuentu.

Ait

Est enim ibi Sanchez cum Sylu. Tabien. Armilla quod hermaphroditus in quo æqualiter præualet sexus, poterit contrahere matrimonium secundum sexum quem elegerit, seu cuius usum elegerit. Et à fortiori dicturi essent hi Doctores in hoc casu matrimonij spiritualis, seu professionis iam validè emissæ, quòd in hac existente æquali utroque sexu, & æqualiter præualente poterit ipsa professio manere in statu sexus fœminei, imò quòd esset obliganda ad sic manendum, & statum fœminei sexus eligendum, propter clausuram iam promissam, & possessionem Prælatæ in personam illius. Maximè cum stante illa in hoc statu non multum periclitetur castitas Monialium aliarum.


7 Ego tamen in hoc statu tutius indicarem, illam eiciendam à Conuentu Monialium, vel licentia statim petita à Papa, vel à Nuntio illius. Moueor primò, quia sic præualente utroque sexu poterit incitari à masculino aliquando, & periclitabitur castitas cæterarum Monialium. Secundò quia si Nauarr. suprà citatus ait, non posse profiteri aliquam Religionem hermaphroditum in quo uterque sexus præualet æqualiter, à fortiori non est aptus ut uiuat in aliqua Religione virorum vel mulierum talis hermaphroditus, cum neque sit vir absolute, nec fœmina absolute: imò possit uti utroque sexu cum periculo claro, vel satis probabili virorum, vel mulierum cum quibus vixerit, & pericula peccandi sint omnino vitanda. Matth. 18. *Si oculus tuus, vel pes tuus scandalizat te, erue eum.* Et iuxta illud communissimè receptum, *qui amat periculum peribit in illo.* Et occasiones peccandi sunt omnino amputandæ: de quo multa dicunt Doctores.

AD TERTIVM QVÆSITVM.

3 **A**D tertium quæsitum patet responsio ex dictis proximè in Respon. 2. Nam si sexus masculinus erumpens præualet, vel præualebat fœmineo statim

tim eiici potuit propter periculum , & propter dicta numero 4. *precedenti* : neque opus fuit licentiam habere à Papa maximè instante legis Epichea. Si verò sexus fœmineus præualebat , eiici non potuit, ut dixi numero 5. Denique si sexus uterque par erat , tutius faceret Prouincialis consulere Papam , vel saltem Nuntium Collectorem , si non esset periculum in mora. Verùm si data illa æqualitate sexus æqualiter præualentis illam eiiceret sola propria auctoritate , ego illum non arguerem temeritatis si id bona fide fecit, & ex zelo virandi periculi, iuxta dicta num. 7. Saltem ait Nauarr. *cit. consil. numero 5.* esse iustam causam ut Papa dispenset cum ista ut exeat propter periculum inde resultans aliis Fratribus , vel Monialibus ad cogitandum de illo hermaphrodito , & appetendum illa quæ ibi cogitatio representat. Quibus verbis clarè dicit necessariam esse dispensationem Papæ ut exeat. intellige si non periculum sit in mora , & sexus æqualiter præualet , & ego cum Nauarr. consentio.

A D Q V A R T V M.
quæsitum.

9  D quartum quæsitum dico hanc hermaphroditam debitè eiectam à Conuentu Monialium teneri in sæculo seruare tria vota essentialia eo modo quo poterit : Patet hoc clarè ex respons. ad primum quæsitum : Nam eius professio fuit valida, nec per subsequens impedimentum fuit irritata , ut vidimus : sed solum quo ad clausuram mansit impedita : ergo talis professio semper obligat quoad potest. Probatur exemplo ibi tradito à Comitolo de fœmina quæ dissimulato habitu professa est ordinem virorum , inter quos non potest conuiuere, quia tamen eius professio in substantia valida fuit tenetur extra Conuentum virorum, imò in Conuentu fœmparum seruare prædicta vota: quod in casu præsentis valde inseruit. Secundò probatur

F ff

exemplo Fratrum expulſorum ab Ordine propter cul-
pas : hi enim viuentes in ſæculo debent ſeruare vota
ſolemnia modo quo poterint, idque ex eo ſolùm quia
profefſio illorum valida fuit. Tertiò probatur exemplo
Monachorum, qui aſſumuntur ad Episcopatum, hi
enim tenentur ſimiliter ſeruare vota ſuæ profefſionis
modo quo poterunt, vt omnes Doctores affirmant. Ergo
cùm profefſio iſtius hermaphroditæ fuerit valida, adhuc
à Conuentu eiecta tenebitur ſeruare vota modo quo
poterit. Vnde non poterit matrimonium contrahere,
ſed tenetur ad caſtitem in vtroque ſexu. Neque item
moriens poterit condere teſtamentum, in hoc enim
tenetur, & poteſt ſeruare votum paupertatis cùm ſit ve-
rè Religioſa ex ſupradictis. Ac proinde de bonis ab illa
acquiſitis in vita extra Monafterium iudicandum erit,
meo iudicio, tanquam de bonis Fratrum, vel viuentium
extra Conuentum habitu retento de licentia Prælati: vel
ſicut iudicatur de bonis Fratrum eiectorum ab Ordine,
de quo dixi ſuprà *verbo Bona.* vel potius pertine-
bunt ad Conuentum in quo profefſa fuit ſi iſte Con-
uentus eam alit, & ſuſtinet extra Conuentum iuxta
dicenda ad quintum quæſitum de dote reddenda eidem.
Neque mireris me tam variè loqui in hoc vltimo cu-
ius ſint bona ab illa in ſæculo acquiſita : nam iſte
caſus à nullo Doctore fuit vnquam decifus in termi-
nis cum prædictis circumſtantiis, quem ego viderim,
dico.

10 Inſtas, & probas hanc hodie non teneri ad tria
vota ſeruanda modo ſupradicto. Nam votum, vel
iuramentum non obligant, ſi poſt votum, ſtatus rei
promiſſæ notabiliter mutetur; vt tenet communis Do-
ctorum, de quo vide Sanchez *tom. 1. Decalog. libro*
3. capitulo 18. per totum, quod ſpectat ad iuramen-
tum. Et *libro 4. capitulo 2. per totum* quod attinet ad
votum. Et fundatur in illo dicto communi Ariſtotelis,
& Legiſtarum, quod actus agentium non extenduntur
vltra intentionem illorum; vt habetur *l. non omnis. ff.*
ſi certum petatur. At poſt vota ſolemnia iſtius proſi-
zentis mutatus eſt notabiliter ſtatus rerum; facta eſt
enim

enim hermaphrodita, de non hermaphrodita: & præterea: si illa aduerteret talem mutationem futuram, omnino non voueret: ergo eius intentio in professione non fuit obligare se ad seruanda tria vota cum tali rerum mutatione, ac proinde vota illius hodie non obligant.

11 Responsio huius dubij longam petebat disputationem ex dictis à Sanchez *citatis duobus locis*: sed quia breuitatem, & summam profiteor, breuiter dico ad hanc instantiam, primò quòd si absolute valeret hoc dictum simpliciter prolatum *votum non obligat facta mutatione notabili circa statum rei*. Probaret utique quod neque Religiosus expulsus ab Ordine propter culpas, neque Episcopus assumptus ex Religiosis tenerentur extra Ordinem seruare vota emissa in professione: quia vtriusque status mutatus est notabiliter post vota ab utroque emissa in professione, & tamen communis Doctorum tenet, non obstante illa notabili mutatione post professionem, tam Fratrem eiectum, quàm factum Episcopum teneri ad seruanda vota in promissione emissa modo possibili.

12 Respondeo igitur: hoc dictum commune Theologorum: *Votum non obligat facta postea rei mutatione notabili*. intelligendum esse de voto antequam impleatur, & positum sit in executione, & quasi sua possessione. Secus si votum iam sit completum, & quasi possessione acquisiuit: tunc enim obligat eo modo quo obligare potest. Exemplum sit: promisi ire Ierusalem: & ante impletionem voti mutatus est status rerum; quia vel grauius, & ferè ad mortem ægrotavi, vel factus sum Episcopus non valens peregrinari. Tunc si superuenit impedimentum notabiliter mutans statum rerum non obligat votum durante morbo, vel non obtenta licentia Papæ ab Episcopo. At in isto casu vota tria sollemnia istius hermaphroditæ iam in professione fuerant completa: & Deus nomine prælatæ acquisierat possessionem personæ, & votum iam acquisierat possessionem: ergo mutabilitas notabilis superueniens non annullat ista vota. Do exemplum simile omnino. Omnes Doctores dicunt quod sponsalia de futuro

(quæ æquivalent voto aliquid faciendi) irritantur , si ante matrimonij contractum status rei notabiliter mutetur : vt si sponsa reddatur leprosa, vel fiat notabiliter deformis. At si ista deformitas, foeditas, vel mutatio notabilis fiat post contractum matrimonium, vinculum illius non dissoluitur, sed tenetur vir vxori succurrere. & e contra vxor viro non obstante quacunque notabili mutatione. Quod puto omnimodè accommodari posse præsentī casui qui est matrimonium spirituale. Quamuis enim ista hermaphrodita ante professionem haberet votum simplex Religionis, si in nouitiatu hæc sexus mutatio fieret, posset tunc non profiteri, illo voto non obstante, quia votum non erat impletum, neque positum in executione, & possessione. At cum mutatio illa sexus, licet tam notabilis, facta sit voto iam impleto, & in possessione posito, illa mutatio non liberat à votorum trium impletione eo modo quo poterunt extra Conuentum seruari.

AD VLTIMUM QVÆSITVM.

13 **A**D vltimum quæsitum difficilis valde est responsio, neque puto in aliqua lege decisa, quid nam scilicet faciendum sit de dote istius sic professæ. Nam ista sic eiecta non transfertur de vno Ordine ad alium, de qua sic translata tenet Rodr. 2.3. *Addit. ad Sum. c. 144 concl. 12.* quod Monialis translata de vno Conuentu ad alium cum licentia Papæ, non deferret secum dotem, sed relinquit illam Monasterio, in quo professæ est: nisi Papa exprimat in litteris suis quod secum deferat dotem. Item neque ista sic eiecta à Conuentu, relegatur ad alium Conuentum propter culpas, in quo casu Rodrig. *cit. concl. 12.* dicit (& sic tenet praxis) quod Conuentus, in quo professæ est, & retinet dotem, debet præbere alimentum tali Moniali relegatæ, in illo Conuentu vbi agit pœnitentia

tentiam, quorum duorum neutrum cernitur in isto casu. Cum igitur novi casus sint iudicandi, vel ex ipsa æquitate quæ supplet, vel moderatur leges teste Comitolio in 1. p. de Contractibus in communi cap. 10. per totum, vel sint decidendi ex decisione casuum similium, credo ex æquitate, vel Conuentum debere restituere isti sic eiectæ dotem quam dedit, deductis fortè expensis factis ab ipsa quandiu fuit in illo: vel saltem debere Conuentum dare illi alimenta extra Conuentum quandiu viixerit. Si enim teste Rodrig. loco citato, & teste praxi recepta, Conuentus tenetur dare alimenta Moniali relegatæ in alio Conuentu propter culpas: multo magis tenebitur Conuentus istius sic eiectæ alere illam extra Conuentum, cum non sit eiecta propter culpas. Quæ alimenta si illi dederit in vita, non dubito quin bona acquisita ab ista sic eiecta extra Conuentum, pertineant post mortem ipsius ad prædictum Conuentum. Neque Bullæ Sum. Pontificum loquentes de bonis relictis à Fratribus apostatis, eiectis, vel viuentibus cum habitu retento, intelligi videntur de bonis relictis à Monialibus morientibus extra Conuentum, quia lex ferè pœnalis est, & proinde restringenda ad sola bona Fratrum, non verò Monialium, & lex non fertur nisi de accidentibus communiter, & frequenter: non verò de rarissimè contingentibus, qualis est iste casus. Cumque bona istius relictæ post mortem non pertineant ad Papam ut suppono, & credo ob proximè dictum, neque ipsa possit testari ob votum paupertatis: neque item consanguinei sint hæredes verè professæ, sequitur quod his bonis nemo æquiùs potest succedere quàm Conuentus, in quo professæ est, si Conuentus illi prebeat alimenta extra viuenti, cum adhuc eius membrum sit.

*ALIA DISPUTATIO DE
nouo casu cuiusdam professionis.*

Paulò suprà verb. *Professio hermaphroditi*, disputauimus illum casum sicut credebam me tunc ab aliis accepisse, credens, quòd illa persona professa, (de qua ibi) mansit verè hermaphrodita post professionem, manente utroque sexu. Postea intellexi prædictam personam professam non mansisse verè hermaphroditam cum utroque sexu, sed solum mansisse cum sexu verè masculino erumpente vi ponderis assumpti, in loco sexus fœminini. Quæ quæstio est diuersa non modicum, & indiget diuersa doctrina diuersis remediis, ac resolutione. Cùmque prædictus casus possit iterum occurrere futuris temporibus, & vtile fuerit de illo habere lucem, ac resolutionem; de prædicta taliter professa in Conuentu Monialium, sic breuiter dicb sequentia, incipiens à clarioribus.

1 In primis, illa professio fuit valida facta in Conuentu fœminarum, non obstante impedimento sequenti prohibente illum viuere in clausura Monialium. Hæc est clarissima, & probatur clarè per illas tres rationes, quas proximè *citat. q.* adduximus in primo quæsito ad probandum, quod etiam valeret professio illius, quæ post professionem euasit cum duplici sexu, & verè hermaphrodita, vide illa, quia pro hoc etiam concludunt euidenter, professionem istius esse validam

2 Iste, de quo loquimur, manens cum solo sexu masculino est omnino statim expellendus à Conuentu Monialium, idque absque speciali licentia Papæ. Hæc etiam probatur ex dictis in *ead. q. ad 2. quæsitum n. 6. & 7.* vbi diximus esse eiiciendum à Conuentu Monialium hermaphroditum, in quo sexus masculinus præualet: cùm enim hîc magis reputetur vir, quàm mulier, non poterit intrare, nec proinde manere intra clausuram

clausuram Monialium propter manifestum periculum castitatis & continentiae. Idque diximus esse de mente Concil. Trid. Pij V. & Gregor. XIII. tanto rigore curantium de clausura Monialium. Id quod multo clarius militat in isto, de quo loquimur manente cum solo sexu masculino. Nunc addo aliam probationem *ex cap. definimus 18. q. 2.* ubi definitur quod non possint in vno Monasterio esse viri cum foeminis. Sic enim citatum textum explicat Comitol. 1. tom. *Resp. Moral. lib. 2. q. 8. num. 5.* tractans similem materiam. Non verò intendit *citatum caput* (vt aliqui malè interpretantur) quod foemina profitens in Religione virorum non sit verè professa : & è contra : sed solùm quod viri Religiosi non habitent in eodem Monasterio cum foeminis Religiosis. Et patet ex *initio citati capitis*, ubi ponitur statim finis Decreti, cum dicit. *Quia scandalum id, & offendiculum multis efficitur.* Quod scandalum, & offendiculum, in hoc professio est manifestum. Et non solùm proximè adducta, sed etiam legis epicheia dictat illum esse statim eiiciendum Et hæc quidem duo ita clara sunt vt vltiore probatione non indigeant.

3 Tria verò dubia maiora insurgunt adhuc circa istam professionem. Primum est, An iste taliter eiectus, & professus teneatur ad seruanda tria vota essentialia quæ promisit : Obedientiam scilicet, castitatem, & paupertatem ? Et in hoc etiam nullum est dubium quin teneatur : idque euidenter probatur ex dictis suprà in illa simili *q. n. 9. in resp. ad 4. quasitum* : illæ enim omnes rationes æquè militant, & conuincunt in hoc casu ferè simili, quas vide à n. 9. vsque ad 11.

4 Grauius dubium est, an iste sic professus in Conuentu Monialium, & eiectus cum solo sexu masculino sit obligandus vt intret Religionem virorum, vt integrè obseruet tria vota essentialia quæ promisit ? Et quod non possit ad hoc obligari videtur probari primò, quia eiectus ab vno Ordine non tenetur intrare alium Ordinem, ad hoc vt ibi melius vota obseruet : vt praxis communis docet : & tenet expressè Nauarr. *consilio 64. de Regular. n. 1.* ergo hic expulsus ab Or-

dine Monialium non tenetur intrare Ordinem virorum, ad hoc ut vota obleruet. Secundò quia votum, & iuramentum non extenduntur ultra intentionem vouentis, ac iurantis, ut diximus *citata supra disput. simili, ad quartum quesitum num. 10.* At iste, de quo est quæstio in sua professione nullo modo intendit profiteri Ordinem virorum, sed Ordinem mulierum: ergo deobligatus vivere in hac, propter impedimentum relatum deobligatur ab ingressu Ordinis virorum, quem non promisit. Et videtur huius sententiæ Sanch *8. de Matr. disp. 9. n. 21* ubi ait quod quando aliquis eicitur ab una Religione, quamvis ante ingressum illius Religionis habuerit votum simplex Religionis: sic iam eiectus non tenetur procurare iterum intrare Religionem ad complendum illud votum factum ante ingressum Religionis. Quod videtur facere ad hanc partem negatiuam. Eiusdem opinionis videntur esse Doctores citati à Comitolo *cit. q. 8. n. 4.* qui dicunt fœminam simulato habitu profitentem in Religione virorum, non esse cogendam ut intret Ordinem Monialium: neque e contra, hominem profitentem in Religione fœminarum, cogendum esse intrare Ordinem virorum. Hi Doctores sunt gloss. *c. tuarum de privilegiis.* Hugo, Bartolus, Brixianus, Ostiens. & alij pauci: citat verò Geminianum dicentem, quòd si fœmina, verb. gr. simulato habitu professa est in Ordine virorum, intendens solùm se obligare ad illam Religionem virorum, tunc professio non obligat illam ut intret Religionem fœminarum. Si verò hoc in particulari non intendit, sed solùm intendit profiteri statum vitæ Religiosæ in communi, vel abstrahendo ab hac particulari, tunc obligandam esse intrare Ordinem fœminarum. Per quæ omnia prædicti auctores videntur dicturi in nostro casu. (licet aliquanto dissimili) istum non teneri, nec posse obligari ad ingressum Religionis virorum, quia hanc nullo modo in sua professione intendit profiteri, ut constat. Ultimò potest adduci dictum D. Bernardi in lib. de *Præcepto, & dispensatione*, ubi loquens de obedientia imposita Religioso

sic

sic ait: *Nihil præcipiat mihi Prælatus eorum quæ non promisi: subditus per legem obedientiæ non cogendus ultra promissum, sic ille.* At iste taliter professus non promissit Ordinem virorum: ergo ad illam intrandam non tenetur, neque poterit obligari. Faciunt pro hoc multa alia, quæ citat *Rodr. tom. 1. qq. Reg. q. 4. §. artic. tit. ad argumenta*, citans D. Bonau. & D. Thom. dum dicunt non posse Prælatum præcipere aliquid subdito quod sit suprà regulam, vel suprà votum. Et alia quæ ibi refert.

5 His non obstantibus, ego credo, quod iste professus sit eiectus, cum solo sexu masculino nouiter erumpente potest, ac debet cogi intrare Ordinem virorum ut in illo debite seruet tria vota essentialia, quæ promissit. Hanc opinionem tenendam sentio tum propter multitudinem, & grauitatem Doctorum illi fauentium: tum propter facilem solutionem illorum, quæ sunt adducta in contrarium. Id quod facio, supponendo prius, ut notissimum, quod professio istius fuit valida in Conuentu Monialium, ut suprà dixi, & de quo non potest dubitari.

6 Quod ergo iste cogi possit, ac debeat ingredi Monasterium virorum ut tria vota obseruet, dicturi sunt omnino illi Doctores, qui tenent fœminam professam in Ordine virorum mutato habitu, cogendam esse ut intret Ordinem fœminarum: & e contra, virum professum in Ordine Monialium habitu dissimulato, cogendum esse intrare Monasterium virorum. Quorum Doctorum intentum, & ratio principalis est, quia vterque istorum in substantia vouit Religionem trium votorum solemniū, ad quæ seruanda tenetur, si potest: & verè potest intrando distinctum Monasterium ab illo, in quo professus est. Igitur quod fœmina professa Ordinem virorum modo supradicto, & quod vir professus inter Moniales habitu simulato, cogendi sint intrare Monasterium conueniens suo sexui, & ibi viuere, affirmant multi, ac grauissimi Doctores, quos citat *Comitolus citata q. 8. n. 3.* Hi sunt in Summa D. Anton. Zabarella, Syluest. Archidiaconus,

834 *Casus cuiusdam Professionis.*

Bartolus, Brixienfis, Paludanus, Angél. Tabiena, Armilla, Speculator, Gloss. *cap. 3. de Regular.* Et licet non omnes hi Doctores clare dicant, taliter professos cogendos esse intrare Monasterium sui sexus, omnes tamen dicunt id ipsum virtualiter, dum affirmant talem professionem esse validam. Adduci etiam possunt pro hac sententia Bonavent. & D. Thom. citati à Rodriguez *citato articul. 1.* dum dicunt posse subditum obligari ad faciendum id quod non est expressum in regula: sed tamen virtualiter continetur in regula, vel conducit valde ad seruandam regulam. Et tenet eandem opinionem Comitulus *cit q. 8. n. 5.* Facit omnino *cap. non solum, & cap. constitutionem. de Reg. in 6.* ubi definitur posse professum in vna Religione non obligari ad illam, in qua professus est: sed manere obligatum ad illam, videlicet ad Religionem in genere.

7 Rationes pro ista opinione sunt euidentiores. Nam Ecclesia potest, & de facto obligauit Moniales multas ad seruandam clausuram, à tempore Bonifacij VIII. vt constat *capit. 1. de statu Regular. in 6.* quam tamen clausuram illarum regula non imperabat, neque Moniales tunc existentes in sua professione fuerant professæ, vt constat: & tamen potuit Ecclesia illas obligare tunc, (& hodie) ad seruandam clausuram, quam neque regula imperabat, neque illæ vouerant in professione: idque potuit, & fecit Ecclesia, quia clausura conducebat valde ad meliorem trium votorum observationem, quod latè explicat, & probat Rodriguez *citato articulo 1.* Hoc autem multo magis militat in isto professio, de quo est quæstio. Nam primò, eius professio valida fuit cum tribus votis solemnibus, vt diximus. Secundò, ad illa seruanda teneretur, vt patuit. Tertiò, Ecclesia obligans illum ad intrandum Monasterium virorum, non obligat illum ad rem difficiliorem: imò ad rem faciliorem, quàm antea promisit: nam in sua professione promisit clausuram Monialium, quod est difficilius: & intrando Monasterium virorum liberatur ab illa clausura Monialium perpetua: & sic assumit statum facilioris clausuræ, ad nutum tantum Prælati.

lari. Secundò principaliter, quia Ecclesia obligans illum ad intrandum Monasterium virorum non obligat illum ad seruandum id quod non promisit: sed solum obligat ad seruandum id quod promisit, videlicet ad seruanda tria vota essentialia, obedientiam, castitatem, & paupertatem. In his enim tribus tantum consistit substantia, & perfectio Religionis, seu vitæ Evangelicæ, vt communiter Doctores affirmant explicantes rationem status Religiosi. At in clausura non consistit substantia Religionis, sed est quid illi accessorium. Quod probo duabus rationibus. Prima, quia ante illam constitutionem Bonifacij VIII. Moniales non seruabant clausuram: & tamen erant perfectæ, & veræ Moniales. Secunda, quia professio solemnis viri, & professio solemnis fœminæ non differunt specie vt patere potest clarè ex definitione professionis tradita à Sanchez 7. *de Matrimon. disputat.* 25. vbi illam innuit, dum explicat in quo consistat voti solemnitas: non enim vna definitio professionis datur de professione viri, & altera de professione fœminæ. Cùm ergo professionis solemnis eadem sit ratio in viro, & in fœmina; & hæc consistat solum in professione trium votorum ordinariorum, quæ iste professus promisit, sequitur, quod si Prælatus illum obliget ad intrandum Monasterium virorum, non illum obligat faciendam quod non promisit, sed ad faciendum quod promisit, seruando scilicet tria vota essentialia, quod est principale. Seruare enim hæc in Monasterio virorum, vel mulierum est purè accessorium, nec potest auferre obligationem seruandi illa vota sub obedientia Prælati. Quod potest adhuc probari per illam regulam Iuris, quæ ait: Accessorium sequi naturam principalis: cùm ergo seruare tria vota, vel in Ordine mulierum, vel virorum, sit accessorium, vt diximus & tria vota principale, sequitur quod illud accessorium istius vel illius Monasterij debet accommodari ipsi principali, seruando illa tria vota vbicunque sit. Terriò principaliter probo, quia quando quis solo voto simplici in publico promisit Religionem potest cogi ab Ecclesia, vt intret

Reli

Religionem ex vi solius voti simplicis facti in publico, & obligat Ecclesia ut in Monasterio profiteatur vota solemnia, ut clarè tenet Henriquez *tom. 2. lib. 11. cap. 8. num. 9. littera Q* ubi in gloss. citat *cap. licet de verbo*, ubi Ecclesia obligat illum qui fecit votum ultramarinum in publico, & citat alios text. & Doctores ad idem intentum: ergo multo magis poterit Ecclesia obligare istum professum ut intret Monasterium, & ibi seruet tria vota quæ publicè emisit, non simplicia, sed solemnia, cum illa possit commodè observare. Denique ex solutione argumentorum constabit magis veritas, & securitas istius opinionis.

8 Ad primum argumentum, concessio antecedente neganda est consequentia: diuersa enim ratio est omnino in eiecto propter culpas ab Ordine, & in isto nostro eiecto sine vlla culpa. Primò quia eiectus ab Ordine propter culpas est nocius Religioni, & sic non conuenit ut aliam intret, quia illi etiam nocebit: hic autem eiectus sine culpa non est nocius Religioni alteri, & potest ac debet seruare tria vota in alio Ordine. Secundò, quia eiectus ab Ordine propter culpas est infamis, teste Rodriguez *tom. 11. qq. Regul. quest. 30. art. 20. ad finem*, & proinde tanquam criminofus hodie post Bullam Sixti V. de Novitiorum qualitatibus, in nulla Religione recipi poterit, quia criminofus est: At iste eiectus, de quo loquimur, non eiectus ob culpas, non est infamis, & criminofus, sed potest recipi in quavis Religione. Tertiò, quia iuxta Nau. *consil. 64. tit. de Regular. §. Et licet*, Prælati eiiciens Religiosum ab Ordine ob culpas, illum absoluit à Religione in comuni: quod non fecit iste Prælati eiiciens istum sine culpis: solum enim videtur illum absoluisse à Religione fecminarum. Ad secundum argumentum dicendum est, quòd licet iste obligetur ad intrandum Monasterium virorum, eius vota præterita non extenduntur in rigore ultra intentionem illius; solum enim obligatur hodie, seu solum illum obligant ad id quod verè intendit in professione, videlicet ad seruanda tria vota solemnia sub obedientia Prælati, hoc enim verè intendit, quod verò

verò seruet illa sub obedientia Prælati, vel Prælatæ ; in Monasterio virorum, vel mulierum, per accidens est, & purè accessorium, ut suprà diximus: nec proinde hoc accessorium debet mutare naturam principalis, quæ est observatio trium votorum sub obedientia Prælati. Ad id quod affertur ex Sanchez, dicendum, illum, qui ante ingressum Ordinis habuit votum simplex Religionis, postea eiectum non teneri intrare aliam Religionem, quia votum illud simplex præteritum cessauit, & fuit extinctum per votum solemne Religionis per quam omnia vota simplicia extinguuntur. At in nostro casu, tria vota solemnia istius professi non sunt extincta, sed viua, & obligant ut seruentur. Ad dicta aliorum Doctorum qui citantur pro opinione contraria, non est quod in particulari respondeamus: illis enim opponimus plures Doctores, qui pro nobis loquuntur, & non minoris authoritatis, & sunt plures numero, ultra rationes claras pro hac opinione adductas. Illa tantum distinctio Geminiani, potest habere aliquod dubium, an scilicet iste sic vouens habuerit expressè solam intentionem profitendi Religionem mulierum tantum cum exclusione Religionis virorum. Si enim expressè intendit se vouere solam Religionem mulierum, excludendo formaliter religionem virorum, tunc fatebor illam non posse obligari ad intrandam Religionem virorum: tunc enim clarè locum habet illud proloquium, actus agentium non extenduntur ultra intentionem illorum. Si verò expressè non exclusit Religionem virorum, & aliàs tria vota essentialia formaliter, & expressè intendit, ad hæc seruanda obligatur. Et moraliter loquendo nunquam de illo credi potest habuisse intentionem expressam viuendi solum in Conuentu mulierum. Facit quod tradit Sanchez *de Matrim. lib. 2. disputat. 41. numero 33.* vbi prius docet, vel potius citat multos Doctores dicentes, quod quando quis recordatur voti, sed non recordatur qualitatibus voti, & circumstantiarum ipsius: tunc tenetur seruare, id quod tutius est. At in hoc casu, tutius est istum intrare Monasterium virorum
ad

ad plenè seruanda tria vota. Et pro hoc citat *capit. cum delicti. de donation.* D. Thom. Cartuzian. Turrecrem. Rodriguez, Nauarr. 2. *ibidem* Sanchez dicit alios Doctores melius sentire dicentes, in tali casu vouentem solùm obligari ad id quod minus est. At in nostro casu adhuc iste vouens statum Religiosarum foeminarum, & oblitus intentionis, adhuc, inquam, intrans Monasterium virorum eligit quod minus est: nam minus est seruare tria vota essentialia in Ordine virorum sine voto clausuræ, quàm eadem seruare in Monasterio foeminarum cum quarto voto perpetuæ clausuræ: ac proinde, saltem hac ratione, iste sic electus tenetur intrare Monasterium virorum quod minus est, vt seruet tria vota essentialia. Ad vltimum D. Bern. dicendum, nihil facere contra nos: nam si hodie Prælatus obliget nostrum vouentem ad ingressum Monasterij virorum, non cogitur ad id quod non promissit, neque cogitur ultra promissum. Primò quia cogitur ad obseruanda tria vota sollemnia, quæ expresse promissit. Secundò, quia etsi non promissit expresse Monasterium virorum, promissit tamen illud virtualiter, quatenus, pro hoc vouente, cum his circumstantiis valde condecens est Monasterium: & potest Ecclesia obligare aliquem ad seruandum id quod expresse non promissit, quando id vel virtualiter erat inclusum in votis expresse promissis, vel valde conducit ad seruanda tria vota promissa, vt diximus in exemplo clausuræ Monialium, non expresse contenta in aliquarum regula, sed solùm virtualiter: & saltem nimis conducente ad obseruationem trium votorum. Et idem in hoc casu reperitur, quia huic nostro vouenti ad seruanda tria vota essentialia, valde conducit Monasterium virorum: & iste ingressus fuit virtualiter inclusus in illis tribus votis expressis sollemnibus. Ad dictum D. Bonauen. & D. Thom. patet solutio ex supradictis, quia vt explicat Rodriguez *artic. 1. citat.* potest Prælatus aliquid præcipere subdito suprâ regulam, vel suprâ votum quando taliter præceptum virtualiter saltem includitur in ipsa regula, vel voto, vel reducitur ad ipsum

ipsum votum , vel conducit ad observationem securioris voti.

DVO ALIA DVBIA DE HOC taliter proficiente.

9 **A** Dhuc supersunt duo dubia circa professionem supradicti vouentis *hac ultima q.* explicatam. Primum : cui tradenda sit dos, quā prius dedit Conuentui Monialium ? In hoc dubio primo , inseruiunt omnia , quæ suprā diximus in *ead. quest. in alio sensu in Respons. ad 5. quesitum*. Et ultra illa , hīc addo, quod in isto casu, iuxta opinionem quam sequor , dicentium illum teneri intrare Monasterium virorum , dico clarius esse quōd dos prædicta , (deductis expensis dandis Monasterio Monialium pro tempore quo ibi vixit) reliquum dotis puto dandum Monasterio virorum quod fuerit ingressus , si sit capax dotis , saltem per modum eleemosynæ. Neque enim videtur cum æquitate congruere, vt dos vel residuum illius maneat apud Moniales , vt illæ ditescant cum casu fortuito, vel quasi fortuito alterius. Maximè cum, vt suprā dixi, quando Monialis relegatur ad Conuentum alterum Monialium propter culpas , conuentus professionis teneretur alimenta ministrare illi Moniali in conuentu, vbi est relegata. Hic autem proficiens non fuit relegatus , neque eiectus propter culpas ad Conuentum virorum : & ideo habet maius ius ad repetendam dotem , vel partem illius pro sui sustentatione in Monasterio virum.

10 Vltimum dubium, & non modicum est : an si iste taliter eiectus à Conuentu fœminarum , intret Monasterium virorum , possit promoueri ad Ordines Sacros. Dubium in terminis non vidi apud aliquem resolutum. Solū scio hermaphroditum non posse promoueri ad Ordines teste Sylu. *ver Hermaphroditus*, sed iste, de quo loquimur, non est hermaphroditus, solū enim habet sexum masculinum , vt supponimus. Ego pro resolutione

solutione dicot, (saluo meliori iudicio) quod si iste de quo loquimur, euasit perfectè masculus iudicio Medicorum, & peritorum, ita vt simpliciter dici possit vir: in tali casu poterit ad Sacros Ordines promoueri, non obstante quòd prius fuerit fœmina. Ducor hoc exemplo. Si quis impotens ad coitum per naturam, & proinde inhabilis ad matrimonium, postea per artem, vel medicinas, vel per naturam efficiatur potens ad coitum, poterit contrahere matrimonium non obstante impedimento priori, quod iam cessauit, vt omnes fatentur in materia matrimonij. Ergo à simili, licèt iste, de quo loquimur, qui erat ante professionem fœmina, & proinde inhabilis ad Ordines Sacros, processu temporis operante natura (quæ sicut in prima natiuitate facit masculum, vel fœminam, ita facit postea cursu temporis in aliquibus, vt diximus) si, inquam, postea operante natura, vel Deo, euasit verus masculus, & cessauit impedimentum sexus fœminei, videtur nullum subesse impedimentum quin possit ad Ordines promoueri, cum sit verè masculus, & cessauerit illud impedimentum fœminei sexus.

Ex dictis colligitur quàm piè, ac prudenter egerit quidam Prouincialis Ordinis Minorum in Hispania paucis ab hinc annis: qui cum in quodam Conuentu Fratrum reperisset quandam fœminam adolescentem mutato habitu sub nomine Donati seruientem in illo Conuentu Fratrum per quatuor annos, cum nimia simplicitate, deuotione, vigiliis, & oratione, ac pœnitentia, idque semper intra clausuram virorum, re comperta, Prouincialis sciens illam reliquisse domum patris, eo quòd illam volebat matrimonio tradere, & illa recusans, virginitatem Deo offerret: His omnibus compertis, attenta rei nouitate, ac pietate, Prouincialis fecit illam admitti in Conuentu Monialium in oppido Pontis Vedræ, vbi professa solemniter vocata est, Maria de Sancto Antonio: & viuebat cum magna opinione sanctitatis Anno 1611. Hæc omnia cum aliis circumstantiis valdè notabilibus habentur in quarta parte Chron. Franciscanæ lib. 4. cap. 40. f. 274.

PRO

*PROVINCIA, PRO-
uincialis.*

Vide suprà verbo *Pralatus*. numero 4. & toto illo verbo.

1 **I**N ordine Minorum per Bullam Apostolicam prohibitum est ne prouincia noua erigatur, aut iam erecta extinguatur; vel mutetur absque speciali licentia sedis Apostolicæ. Sic Nicolaus IV. apud Rodrig. t. 3. q. 43. art. 1. Et si aliquid in contrarium fiat; sit irritum & inane. Si verò Minorita per personam aliquam extra Ordinem procurat vt diuidatur, vel vniatur aliqua prouincia est excommunicatus & priuatus actibus legitimis. Statuta General Salmantic. ann. 1553.

2 Circa prouinciam incidit quæstio an Generalis de potestate absoluta possit incorporare vnum Fratrem de alia prouincia, in ista prouincia eiusdem Ordinis absque consensu prouinciæ illius cui incorporatur? Rodriguez tom. 3. quæst. 12. art. 23. tenet quòd talis incorporatio non est iuridica, neque conformis iuri, & glossæ quam citat. Et nostra statuta generalia Tollerana requirunt consensum prouinciæ admittentis: ibi tamen permittunt Generali, vt id possit facere pro graui, & notoria causa.

3 Pro officio Prouincialis, vide suprà ver. *Pralatus*, & ver. *Abbas*, & ver. *Dispensare* Ibi enim continentur multa pertinentia ad illum. Sufficit in communi dicere quòd in sua prouincia in foro conscientiæ potest per se ipsum omnia quæ possunt Episcopi in eodem foro quoad suos subditos.

4 Prouincialis in Ordine Minorum potest eligi extra corpus Capituli. Sic tenet praxis, & Rodriguez. tom. 1. quæst. 52. art. 7.

5 Si Prouincialis in Ordine Minorum non eligatur intra spatium viginti quatuor horarum ab hora in qua

fuit inchoata electio, ob discordiam eligentium; præ-
ses electionis potest nominare Prouincialem, quem
voluerit, Clementina *exiit de paradiso. de verb signif.* Et
idem posse fieri in electione Prælatorum interiorum
decernunt statuta generalia Tolletana. *titul de electio-
ne.* Et proinde idem dic de electione Abbatissæ.

¶ Prouincialis in suo Capitulo de consensu maioris
partis Capituli potest declarare an debeant fratres vti
aliquo priuilegio Pontificio, vel viuæ vocis oraculo. Et
illi declarationi standum esse omnino, Leo X. concessit
in supplemento concessione 296.

Consulantur Regulæ, statutæ Religionum, de
modo eligendi, & de tempore quo durant Prouincia-
les: ac de cæteris ad illius officium spectantibus. Hoc
enim non est meum recensere.

An Prouinciales in Ordine Minorum possint dele-
gare potestatem recipiendi Nouitios, vide suprà *verb.*
Prelatus num. 3.

A D D I T I O.

Vide suprà *verb. Prelatus. num. 3.* & *verb. Officia.*
& *verb. Annus, &c.* Vbi dicitur quandiu duret offi-
cium, &c.

PRO Ordine Minorum duo se offerunt aduer-
tenda, circa Prouinciales, primum sit: Quan-
do illi exeunt à Prouincia ad Capitulum generale, vel
ad aliud negotium necessarium, cui debeant commen-
dare regimen Prouinciæ, vt suo loco gubernet? Duo
sunt statuta generalia hac de re disponentia. Primum
est Barcinonense Tolleti reformatum *titulo de Commis-
sariis Prouinciarum in fine*, vbi dicitur, quod si Prouin-
cialis moriatur, vel à Prouincia exierit: vel aliqua
alia ratione vacauerit, tunc sit Commissarius prouin-
ciæ ille religiosus cui ex prouinciæ statuto id fuerit de-
cretum: quia tamen multæ prouinciæ nihil particula-
re in

et in hoc casu statuerunt, aliud statutum generale Romanum anno 1587 *tit. pro prouinciis Hispanie* decreuit, quod Prouincialis iturus ad Capitulum generale, vel aliud negotium extra prouinciam, conuocet Diffinitores, quorum suffragiis eligatur is cui maior pars suffragiorum accesserit. Et hoc statutum Romanum vltimum seruatur in praxi. Sed tamen vt vides in eo non agitur de Prouinciali mortuo, quis nam, vel quomodo defuncto subrogandus sit.

2 Est ergo hac de re particulare statutum generale Salmanticense anno 1553. *tit. de Ministris Prouincialibus §. Si mori.* Vbi statuitur quod Guardianus in cuius Conuentu Prouincialis obierit, conuocet Diffinitores, & patres qui fuerunt Prouinciales, quorum omnium suffragiis eligatur Vicarius Prouincialis: Ita tamen vt prædictus Guardianus, vel præses Conuentus habeant suffragium actiuum, & passiuum in illa electione. Limitat tamen statutum, quod talis electio non celebretur nisi de consensu Ministri, vel Commissarij generalis. Insuper declarat quod scripta, & alia spectantia ad officium Prouincialis mortui, seruet secretarius prouinciæ, eadem traditurus futuro vicario Prouinciali. Et hoc statutum seruandum esse censeo: valde enim consonat cum alio Ordinis circa electionem vicarij Generalis mortuo Generali.

3 Circa id tamen quod limitat dictum statutum, ne talis electio celebretur inconsultis Prælati Generalibus, credo non prohibere quod prædicti electores electionem statim faciant. Si enim hoc vellet, non sufficienter lex prouideret incommodis ortis ex defectu Prælati mortui. Nam si Prælati Generales longè distent, vt solent, & illorum consensus esset expectandus, vt tales electores eligerent vicarium Prouincialem, multi casus possent interea occurrere, quibus succurri non potest deficiente Prælato in Prouincia. Addo quod statutum in principio dicit quod eligant: ergo non potest credi quod in secunda limitatione sibi contradicat, dicendo quod non eligant. Credo ergo quod solum vult vt prædicta electio

non celebretur inconsultis Prælatiſ generalibus , id eſt , non habeatur rata , ſeu electus vicarius non ſit confirmatus antequam Prælatuſ Generaliſ monituſ , ratuſ habeat. Sed credo vicariuſ ſic electuſ ſtatim poſſe gubernare. Sic enim faciunt aliquæ Reli- giones quæ eligunt Prouincialem abſente Generali: qui electuſ Prouincialiſ ſtatim officiuſ exercet , ex- pectans tamen confirmationem Generaliſ. Et ſic etiam ſit in electione vicarij Generaliſ Minoruſ. Ele- ctoreſ enim ſtatim eligunt inconſulto Papa: & electuſ ſtatim gubernat expectans confirmationem Papæ. At nouiſſimè Congregatio Segouiæ *verb. Commiſſarius Prouincia in fine* , id remittit conſuetudini Prouincia- ruſ , & illi ſtandum eſt. Vide citato verbò fol. 129. in Latinis editionibus.

4 Taliter electuſ vicariuſ Prouincialiſ mortuo , vel abſente Prouinciali , habet iuriſdictionem ordinariam non delegatam. Probatuſ quia habet poteſtatem à lege , ſi eligituſ ad formam ſtatutoruſ citatoruſ : ac proinde poterit illam delegare. Secuſ ſi Prouincialiſ exiens à Prouincia, per ſe ſolū alicui commendaret re- gimen illiuſ: tunc enim hic ſolū haberet iuriſdictionem delegatam, quia illam accipit ab homine: vide ſu- præ *verb. Prælati poteſtaſ*.

5 Quæriſ adhuc pro Ordine Minoruſ an talis vi- cariuſ Prouincialiſ poſſit recipere Nouitioſ , duran- te ſibi officio ? & videtur quod non : Nam regula Mi- noruſ expreſſè dicit ſoloſ Prouincialeſ , & non alioſ debere Nouitioſ ad Ordinem recipere. Patet ex illiſ verbis regulæ *ſecundò capitul. vbi Pater noſter Franci- ſcuſ loquens de Miniſtriſ Prouincialiſ ſic ait. Qui- buſ ſolummodo , & non aliis recipiendi Fratres licentia concedatur*. Sic ibi. Quæ verba ſatis clara ſunt, & per illa videtur , quòd ſoliſ Miniſtriſ Prouincialiſ id committitur , qui propriè loquendo ſint Prouincialeſ, vicariuſ autem Prouincialiſ , non eſt Prouincialiſ. Sal- uo tamen meliori iudicio , credo prædictuſ vicariuſ Prouincialem poſſe recipere Nouitioſ ſi eligatur ſe- cundū ſtatuta generalia prædicta. Neque obſtat re- gula

gula Patris N. Franc. nam ille attendit solum ad casus ordinarios, viuentem scilicet Prouinciali, & non exeunte à Prouincia. Si enim aduerteret ad casus fortuitos, & contingentes ordinarios, staret legibus, ac doctrinæ doctorum explicantium: Neque enim regula nostra debet contradicere, lumini naturali, & dictis doctorum. Quo posito, probo meum intentum, quod talis Vicarius Prouincialis possit recipere Nouitios. Nam sic electus habet omnem potestatem, quam habebat Prouincialis, cui succedit: sed Prouincialis poterat recipere Nouitios, ut patet: ergo, & Vicarius Prouincialis illi succedens, eos potest recipere. Minor, & consequentia patent. Probo maiorem, videlicet, Vicarium istum Prouincialem posse illa omnia quæ poterat Prouincialis. Nam subrogatus, seu substitutus habet omnem iurisdictionem, quam habebat is pro quo substituitur, vel subrogatur. Tenet expressè Glossa capituli Ecclesia, 1. de sequestratione. verbo successerunt. ubi dicit rem subrogatam, subire omnes conditiones rei cui subrogatur, & clarius id tenet Nauarro in Consiliis lib. 3. titulo de Regularibus consilio 76. num. 6. Vbi ait subrogatum sapere naturam eius cui subrogatur. Et citat l. cum quia, §. iniuriarum. ff. si quid. & cap. citatum Ecclesia. & colligitur clarè ex Regula 46. de Regul. iuris in 6. ubi dicitur sic. Is qui in ius succedit alterius eo iure, quo ille, uti debebit. Et probo exemplo clarissimo. Nam quando moritur Generalis in Ordine Minorum, Vicarius Generalis electus iuxta formam præscriptam ab eisdem statutis Tolletanis Reformatis habet omnem potestatem, sicut habebat Generalis cui substituitur, ut vidimus nostris temporibus in Ordine Minorum. Ergo Vicarius Prouincialis electus iuxta eadem statuta generalia habebit omnem iurisdictionem quam habebat Prouincialis cui subrogatur. At Prouincialis poterat recipere Nouitios: ergo, & vicarius Prouincialis, qui illi subrogatur.

6 Clemens VIII. in Bullario Rodriguez fol. 1209. Motu proprio prohibuit Minoritis Prælati in India Occidentali ne in Prouincialem eligatur aliquis Fra-

ter qui non sit filius Prouinciæ, vel per Prælatos superiores in tali Prouincia fuerint incorporati. Quod solum obligat in partibus illius Indiæ ob causas in dicto Motu proprio allegatas, Nam in Hispania oppositum videri ob causas iustas: Imò, & scio fieri in Italia, ut aliquando eligatur Prouincialis extraneæ prouinciæ.

ADDITIO AD ADDITIONEM.

Solent in aliquibus Religionibus, maxime Franciscana ante finitum triennium, mitti Visitatores ad visitandam Prouinciā, & syndicandum Prouincialem, de illius culpis inquirendo. Quandiu verò prædictus visitat Prouinciā totum regimen Prouinciæ spectat ad ipsum Visitatorem & Prouincialis interim absque regimine externo ordinario manet in Conuentu à se electo. Vidi aliquando dubitari quid possit facere, vel non facere prædictus Prouincialis quandiu visitat Syndicator. Ad tollenda dubia aliquid de hoc dicam ex statutis generalibus Ordinis: & in simul dicam quomodo, ac de quibus culpis sit puniendus. Quæ licet in particulari pertineant magis ad Prouinciales, Minorum syndicanos: multum tamen proderunt, fortasse, pro Prælati etiam aliorum Ordinum.

1 Notandum est igitur dupliciter dari iurisdictionem: altera vocatur iurisdictione contentiosa, altera dicitur voluntaria. Contentiosa est, quæ habet contradictorem, & inter contradictores exercetur, & redditur in inuitos: & dicitur contentiosa quia actor contendit contra reum. Et hæc etiam dicitur necessaria, quia reus vocatus in iudicium tenetur respondere. Iurisdictione voluntaria est quæ solum exercetur in subditos volentes, & non contententes cum aliquo, neque confertur in inuitos. Exemplum sit absolutio Sacramentalis, dispensatio voti, irregularitatis, & similia quæ sine contentione, & citatione iuridica exercentur. Differentia verò est, quod Prælati nequit exercere

cēre suam iurisdictionem contentiosam extra suum territorium existens , ne faciat iniuriam prælato alieni territorij, citando partes, erigendo Tribunal, &c. At iurisdictionis voluntaria potest à Prælato ubique exerceri, quia per hoc non facit iniuriam Prælato alieni territorij, cum neque partes citet, neque Tribunal erigat, neque sedeat pro Tribunali. Hæc omnia inter alios bene explicat Sanchez citans multos Doctores, & textus, in *lib. 3. de Matr. disp. 19. à num 7 & seqq.*

2 Noto secundò , Prouincialem Minorum tempore syndicationis in rigore non esse suspensum ab officio ea suspensione quæ est censura Ecclesiastica , cuius violatione incurritur irregularitas : non , inquam, sic est suspensus: cum adhuc apud se retineat sigillum maius sui officij : neque adhuc sit electus nouus Prouincialis. Ac proinde durante syndicatione poterit aliquam functionem validè exercere ratione sigilli maioris quod retinet. His positis.

3 Uico primò. Minister Prouincialis Minorum durante syndicatione , poterit facere illa omnia quæ statuta Ordinis prohibent ne faciat Visitator quandiu visitat Prouinciā, quæ verò sint hæc statim dico. Hæc probatur euidenter ex legis Epichea , æquitate , & prouidentia : nam si statuta Ordinis prohibent ne Visitator recipiat Nouitios , vel Nouitias , ne instituat Confessores , neque det licentiam ad Ordines , &c. Et hæc cum sint necessaria Prouinciæ , eo ipso quod interdiciuntur Visitatori , conceduntur Prouinciali durante syndicatione : aliàs non esset sufficienter prouisum bono communi Prouinciæ , cum per tres , vel quatuor menses nemo posset exequi supradicta. Quæ ergo interdiciuntur Visitatori ne faciat , & proinde manent concessa Prouinciali vt faciat , habentur in statuto generalis Segouiens. *titulo de Visitatoribus Prouinciarum*, sunt : Ne Nouitios recipiat , (& credo quod neque Nouitias) ne instituant Confessores etiam Fratrum , neque Prædicatores , neque dent licentiam ad Ordines recipiendos , neque se intromittant in distribuendis libris , ac rebus Fratrum morientium , neque

mutare, vel dare cellas Monialium, vel dare licentiam ædificandi, vel destruendi aliquod ædificium ipsarum: neque se intromittere in dotibus illarum. Quæ omnia cum Visitatori denegentur, videntur proinde concessa Prouinciali siquidem ad bonum regimen Prouinciæ debet aliquis esse qui occurrat illis necessitatibus occurrentibus. Declaro tamen quod in Confessoribus sæcularium instituendis, & Prædicatoris officio concedendo Minister Prouincialis est alligatus alio statuto generali, cuius formam seruare debet.

4 Dico secundo, quod durante syndicatione posset Prouincialis exercere ut plurimum iurisdictionem voluntariam cum subditis, maximè in spiritualibus verb grat. poterit absoluerè subditum à reseruatis, vel delegare auctoritatem ut absoluator: & à censuris absolui in foro conscientiæ: dispensare in votis, irregularitate, & similibus. Probo primò, quia si statuta generalia declarant quod auctoritas ab absoluendum à reseruatis per vnum Prouincialem concessa alicui Fratri particulari durat in illo quoadusque sit electus alius Prouincialis, etiamsi mortuus iam sit ipse concedens, à fortiori hæc iurisdictionis voluntaria in spiritualibus, & pro foro interno manebit in ipso Prouinciali non obstante syndicatione. Secundo probatur, quia exercitium huius iurisdictionis voluntariæ dispensando, absoluendo, &c. non facit iniuriam Visitatori, neque impedit eius officium visitandi, neque turbat illius officium siue Tribunal, ut patet: ergo hæc omnia facere poterit. Concordat Sanchez lib. 3. de Matr. dis. 8. n. 5. dum ait Ordinarium extra Diocesim posse dispensare, prout ibi vide.

5 Dixi posse Prouincialem ut plurimum, durante syndicatione exercere iurisdictionem voluntariam, quia si aliqua spectantia ad iurisdictionem voluntariam impediant, ac turbent officium Visitatoris, hæc non poterit facere. Huiusmodi est transferre vnum Fratrem de vno Conuentu ad alium, vel illi dare licentiam eundi ad aliquem locum remotum, ita ut non possit interesse visitationi: hæc, inquam, & similia non poterit facere,

facere, tum quia praxis est in contrarium: tum quia per hoc impeditur officium Visitatoris. Poterit tamen ex Conuentu in quo est per breue tempus dare licentiam alicui Fratri vt vadat ad certum negotium, & statim redeat, non impediendo per hoc officium Visitatoris.

6 Dico tertio. Non potest Prouincialis durante syndicatione exercere iurisdictionem contentiosam in nulla causa. Hæc patet ex supradictis, quia per hoc facit iniuriam Visitatori, & se intromittit in pertinentibus ad eius officium, cui commissæ sunt omnes causæ religiosæ Prouinciæ durante syndicatione. Vnde si durante syndicatione, in Conuentu quo Prouincialis residet, contingat casus de quo indigeat fieri processum, & citare testes, talem processum non potest facere Prouincialis, sed debet remittere Visitatori, vel Guardiano ob causam proximè dictam. Poterit tamen Prouincialis in Capitulo, vel refectorio absoluerè apostatam, hoc enim fit sine processu, sine tribunali, neque per hoc fit iniuria Visitatori. Et per hæc puto sufficienter manet explicatum quid dicendum sit de aliis casibus minoribus occurrentibus tempore syndicationis. Cæteri Religiosi diuersorum Ordinum consulant suas constitutiones, consuetudinesve, & fortè aliqua ex supradictis illis inseruiant. Qui plura voluerit consulat Sanchez *cit. disp. 8. & 19.*

7 Quod attinet ad secundum principale, de modo quo inquirei debeat de culpis Prouincialis: dico primo. Visitator non debet recipere visitationem de culpis minimis commissis à Prouincialibus, vel de illis articulos illi care. Teneo Rodr 4 tom. *Summ. verb. Visitatio, concl. 2.* Et melius Giacharis tractat. de syndicato posito in fine operum Iulij Clari num. 43. & seqq. vbi ait Iudices syndicanos non teneri, nisi de rebus grauib, vt de dolo, & baratariis, vel similibus. Et n. 47. assignat hanc causam dicens. Et contra illos scrupulosa omnis inquisitio reiicitur: aliàs frangeretur neruus iustitiæ, auctoritasque iudicium deprimeretur, & vilesceret: & in officio successores lento gradu procederent. sic ille. Nam si de leuibus punirentur, successores Prælati videntes

rigorem syndicationis, deterrentur etiam aliquando à faciendis rebus licitis. Addit Rodrig. *cit. concl.* Prælatos esse etiam homines, & humanos, neque posse in omnibus scopum attingere. Et tam Rodrig. quam Giacharius citant multos text. & Doctores, quos vide. Ait tamen Rodr. *cit. verb. concl. 4.* in Religionibus strictis, & arctioribus posse facilius Prælatos puniri de culpis leuioribus ad arbitrium Superioris: quia si hæc culpæ in illis Religionibus dissimularentur, perfectus rigor illius Ordinis, vel Prouinciæ perderetur.

8 Addit Baiardus Additionator, seu commentator Iulij Clari q. 83. n. 7. & 8. quòd Iudices non syndicantur de sententiis malè latis: & citat Grammat. & Bertaz. Ratio esse potest, quia si desit dolus poterit bona fides iudicem excusare, & nisi probetur dolo fecisse, vel probetur sententiam continere clatum, & intolerabilem errorem non poterit de illa sententia puniri: homo enim est, qui falli, & errare poterit. Addit Giacharis *cit. tract. n. 116.* in syndicatione non esse deferendum testibus qui simul testificantur, & que relantur. Hi enim querelantes suspecti sunt, ut patet. Addit n. 62. non debere puniri syndicatum iudicem si animo corrigendi aliquid iniuriosum protulit. Et n. 193. ait in dubio præsumendum esse bene de Prælato iurisdictionem exercente, pro quo citat tres graues Doctores: denique alia dicit *cit. tract.* quæ poteris videre ad hunc finem.

9 Possunt etiam addi ex Rodrig. *in Addit. in summ. tom. 3. verb. Dilectos cap. 103. concl. 5.* ubi dicit non posse priuari Prouincialem, vel Guardianum suo officio propter delictum, si constet illud commisisse sine dolo etiam si illud fecerit cum culpa lata. Vide ibi citatos Doctores, & rationes. Secundò addi potest quod habet idem Rodr. *cit. verb. Visitatio, in Addit. concl. 3.* quòd scilicet testes producti contra Prælatos, debent esse probatissimi, & omni exceptione maiores: & proinde probationes contra illos debent esse clarissimæ. Probatur, quia cum ius bene præsumat de Prælatis, & Magistratibus: cum item iudices in iudicando non possint non lædere multos, & proinde Prælati sint positi tan-

qui m

quam album ad sagittam : ad vincendam illam bonam opinionem habitam de Prælati à iure , & vitandas suspectas querelas ordinarias contra ipsos , necessarium est, vt & testes, ac probationes contra ipsos sint qualificati testes, & clarissimæ probationes,

10 Addit Rodr. *ibid* *concl.* 5. non posse alicui Prælato exhiberi articulum vt respondeat de aliqua culpa, si hæc probata solum est per vnum testem, etiam occultum, & hoc intelligit non debere fieri, si fiat cum animo illum puniendi. Poterit tamen talis articulus vno tantum teste probatus, illi exhiberi vt ille Prælatus se possit purgare. Denique in hoc negotio seruandæ sunt aliæ regulæ Ordinis iudiciarij, de quo dixi sufficienter supra, *ver. Correctio*, &c. Et disputant alij recentiores etiam vsque ad tædium, & prolixitatem, saltem in materia Religiosorum, qui seruatis apicibus, & prolixitate iuris non possunt habere quietem, & aliquando neque perfectionem.

Vt tandem sciatur quot periculis, querelis, & calumniis sint obiecti Prælati in syndicatione : pro colophone, hîc insero verba Cicronis, qui in oratione pro Flacco, ita eleganter dicit ad intentum. *O conditiones miseras administrandarum Prouinciarum! ubi seueritas periculosa, libertas ingrata: sermo insidiosus: assentatio pernicipsa, frons omnium familiaris, multorum animæ iratus, iracundia occulta, insidia aperta, venientes Prætores expectant: presentibus inserviunt, abeuntes deserunt.* Sic, ille, satis verè, & ad intentum. Quæ omnis syndicator considerare debet, vt liberet oppressum Prælatum in re saltem dubia. Secus in delictis clarè probatis, & grauib; in his enim si dissimulet, & peccabit grauitè, contra iustitiam, & nocebit satis communicati, dum delicta manent impunita, & malis laxantur habentæ.

Q V A R

QVARTA FVNERALIS.

Vide suprà *littera C. var. Canonica portio* ; quia hæc ambo coincidunt.

REDDITVS ANNVALES.

Iculus iste solùm in gratiam Minorum Fratrum positus est. In quo non quæro an prædicti Fratres possint habere redditus annuales in communi : iam enim dixi suprà *verbo Legatum*, & infrà *verbo Testamentum*. illos, neque peculium posse habere in redditu annuali. Et constat ex declarationibus Nicolai III. & Clem. V. illos non posse habere tales redditus annuales.

Quod ergo quæro est, de quo vidi iam sæpius Minoritas aliquos inquietari. Videlicet, an Guardianus ex horto Conuentus qui est in usu, & possessione, & cultura Fratrum, possit de messe ordeacea intra septa collecta facere trituram, & collectum ordeum seruare pro iumentis Conuentus ? Item an ex oliuis, vel vitibus intra Conuentus septa existentibus possit colligere vinum, & oleum pro usu Fratrum vvas, & baccas premendo ? De hoc enim in particulari proposita est quæstio iam Clementi V. *Clement. cxiui. de verborum signif.* Quod scilicet Fratres Minores haberent alicubi excelsivos hortos, & vineas magnas de quibus tam de oleis, quàm de vino multum colligitur ad vendendum. Habetur in dicta *Clement. post medium*.

Quo non obstante ego credo tria illa prædicta posse fieri à Guardiano Conuentus salua obligatione paupertatis, neque in aliquo illorum contraire declarationibus Pontificiis ; vel regulæ puritati, dummodo prædicta

Et tria fiant, & colligantur ex horto ordinario Conuentus: non de aliquo horto extra Conuentum, quem illi fortè agricolis colendum tradunt.

Probo primò ex declaratione eiusdem Clement. V. citata Clementina paulò post citata verba respondentis ad dubium sibi propositum, §. *Licet verò*. Vbi postquam ait conueniens esse vt Minoritæ habeant hortos & areas competentes ad recreationem sui, atque ad habenda necessaria hortilitia pro se ipsis: subdit. *Habere tamen hortos aliquos vt colantur, ac olera & alia hortilitia vendantur, & pretio distrahantur, nec non & vineas repugnat sua regula, & Ordinis puritati*. Sic ibi. In quibus verbis clarè, solùm prohibet haberi hortos, vel vineas vt ex illis collecta pretio vendantur. Ergo si prædicta ex hortis collecta non colligantur vt vendantur, sed vt fratrum victui, seu iumentis Conuentus applicentur, nullo modo Fratribus prohibentur. Secundò extat particularis Concessio Gregor. XII. in Bullario Rodrig. fol. 1103. col. 1. num. 5. vbi sic conceditur. *Quòd cum aliqui Conuentus nostri, præsertim ex illis qui fuerunt Amadeorum, & Clarenorum, habent vineas intra septa Conuentuum ex quibus colligunt singulis annis vinum, quod non videtur conuenire puritati regulae & professionis nostrae, possimus illas tenere, & illis uti pro serenitate conscientiae, &c.* Et ibid. §. statim sequenti cōceditur in hunc modum, *Quod syndicus possit vendere fœnum quod colligitur in pratis nostris, & conuètere pretium in alias res Conuentibus, & Fratribus necessarias*. Ecce clarè conceditur vt possint Minoritæ facere vinum ex hortis, seu vineis quas possident. Neque obstat, vel dubium ingerit, quod ait Greg. Papa in concessione, præsertim de Conuentibus, qui fuerunt Amapeorum: illa enim particula, *Præsertim*, non limitat quod solùm id fiat in illis Conuentibus, qui fuerunt Amadeorum, sed solùm vult, quod in illis præcipuè, quod non tollit quin possit fieri in aliis: vt iam diximus suprà in simili casu pro quo vide Sanchez libr. 6. de Matrimon. disput. 22. num. 18. ultra quas concessiones, ego idem probo ex praxi simili. Constat Minoritas ex hortis aliquibus spatiosis colligere

gere fabas siccas , & similia legumina in magna quantitate , quæ seruant pro victu totius anni , & nemo in hoc dubitat : colligunt etiam vuas in quantitate , quas appensas parieti per longum tempus conseruant. Sepas item, allia, & similia , quæ seruant pro victu ferè totius anni, neque in hoc est scrupulus aliquis : cur ergo non poterunt seruare ordeum collectum ex horto , oleum, vel similia pro vsu Fratrum , & necessitate Conuentus, si ista colligunt non vt vendant , & colligunt ex hortis ordinariis per se ipsos culis.*

REGVLA RELIGIONVM.

Azor. tom. i. libr. i ; capit. ii. question. 15. quæstionem mouet, an Regula alicuius Religionis possit per contrarium vsum saltem in parte abrogari. Citat aliquos dicentes non posse, quia Regula continet principaliter tria vota , & his similia : vota autem non possunt abrogari consuetudine. Citat alios tenentes id fieri posse , & probant, quia si consuetudo humana habet vim vt per contrarium vsum leges Pontificias tollat , etiam poterit efficere vt per contrarium vsum pars aliqua regulæ abrogetur. Vis enim Regulæ oritur ex confirmatione Papæ , quæ est lex positua humana.

Ipsæ Azor. sic distinguit , vt dicat vota contenta in Regulâ quæ sunt essentialia , & illa quæ directè pertinent ad votorum explicationem , & conseruationem, non posse abrogari per contrarium vsum. Illa verò in Regula contenta quæ solum sunt constitutiones , seu leges fundatoris, posse aliquando abrogari per contrarium vsum , sunt enim leges humanæ etiam authoritate Papæ stabilitæ , quæ proinde possunt abrogari per contrarium vsum sicut leges posituæ Ecclesiæ , vt dicebat secunda opinio. Hoc vnum scio quod Regula Minorum videtur nunquam posse abrogari : cùm singulis hebdomadis legatur FERIA sexta in Communitate,

te, nec possint eius præcepta in desuetudinem abire. Leguntur etiam bis in anno Declarationes Pontificum circa eandem Regulam. Inuigilant etiam Prælati in visitationibus ordinariis primò inquirentes an Regula obseruetur, & semper puniunt, vel emendant transgressores prout limites prudentiæ permittunt.

RELIGIO, ET TRANSITVS ad aliam Religionem.

Vide infra verb. *Votum*, & verb. *Religiosus*.

1 **A**liud est Religionem vnā esse perfectiorem: aliud est esse illam strictiorem seu asperiores. Religionis perfectio sumitur à meliori, ac perfectiori fine contemplatiuæ scilicet vitæ, vel actiuæ per exercitium virtutum perfectiorum. At Religionis strictio, & asperitas sumitur ex asperioribus, & strictioribus actionibus vitæ corporalis, in quibus de ordinario exercetur, vt à maiori ieiunio, silentio, cilicio, &c. Vnde poterit contingere vt vna Religio sit strictior, & asperior altera: sed altera minus stricta, sit nihilominus perfectior, quia habet meliorem ac perfectiorem finem, & exercitium virtutum perfectiorum. Vnde D. Benaventura in *questionibus super Regulam Fratrum Minorum* q. 12. dicit Ordinem Minorum esse perfectiorem aliis omnibus, quia licet alij sint strictiores non tamen sunt perfectiores; quia vt probat ex 1. ad Timoth. 4. *Corporalis exercitatio ad modicum utilis est, &c.* Id est, est minus perfecta quàm alia exercitia spiritualia perfectiorum virtutum. Et perfectio vitæ Christi Domini, non fuit sumpta ex actionibus asperioribus, & maioribus ieiuniis: sed ex meliori fine vitæ scilicet contemplatiuæ, & actiuæ cum exercitio meliorum virtutum. vide *num. seqq.*

2 Quia tamen probare in particulari, quæ esset Religio perfectior, foret difficilimum ob tam varios fines

101

tot Religionum, imò foret pene odiosum, ob varias lites, & rationes quibus vnaquæque suam perfectionem ostenderes: idcirco Ecclesia ex maiori asperitate, quæ clarior est supponitque maiorem perfectionem, probabiliter, & decreuit, ad Ordinem Cartusienfium, cum sit asperior, & strictior in abstinencia, cilicio, clausura, & similibus, posse transire quoscunque alios Religiosos: idque petita prius licentia à suis Prælati, etiam non obtenta. Id est, tenere prius petere licentiam transeundi ad Cartusiam: si verò negetur, illa negatione non obstante possint transire ad illam. Ita habetur expressè in *cap. licet de Regular.* de quo statim. Quando verò D. Bonauent. suprà citatus *quest. 13.* dixit in foro conscientie non posse transiri de Ordine Minorum ad aliam Religionem absque licentia Sedis Apostolicæ, id dixit ex vi nostræ Regulæ, quæ *2. capite* prohibet ne Fratres exeant ab isto Ordine iuxta, mandatum domini Papæ. Cum verò addit D. Bonauen. *absque licentia Sedis Apostolicæ* iam non contradicit iuri canonico quod est factum à Sede Apostolica. D. autem Bonauentura non vidit extrauagantem *viam ambitiosam*, Martini V. qui post illum fuit, & in illa extrauaganti rem acrius decreuit.

Ac proinde dicendum est etiam in foro interno, & externo posse Minoritam transire ad Cartusiam tanquam strictiorem. Vt patet ex *citato cap. licet*, & *citata extrauag. viam ambitiosa*: & Rodriguez *tom. 3. quest. 52. artic. 1.* Est autem Cartusia, vt diximus, strictior aliis tum ob iam dicta: tum etiam quia licet aliquæ Religiones abstineant à carnibus tempore sanitatis, nihilominus possunt illas manducare tempore infirmitatis, quales sunt Minimi, & Moniales primæ Regulæ S. Claræ. At Cartusienses, neque in morbo lethali possunt vllam carnem manducare ex præcepto Regulæ, quæ est suprema abstinentia cum cæteris asperitatibus vitæ illius. Azor. *tom. 1. lib. 12. cap. 14. quest. 2. § 14.*

3 Posito ergo quod de quauis Religione potest transiri ad Cartusiam tanquam strictiorem petita prius, etiam

etiam non obtenta licentia : solum aduerto dictum D. Thom. 2. 2. *quest.* 89. *art.* 8. ubi ait in hunc modum. Transitus de vno Ordine ad alium nisi propter magnam utilitatem, & necessitatem, non est laudabilis. quia ij Religiosi offendi solent qui deseruntur : tum etiam quia facilius, & commodius proficit quis in Religione in qua assuefactus fuit. Sic ille.

4 Licentia transeundi ad Cartusianos, sufficit quod petatur à Prælato Conventuali, Guardiauo scilicet, Priori, & similibus. Isti enim simpliciter, & verè dicuntur Prælati, ut supra diximus, *verbo Prælatus*, sic tenet Azor *cit.* *cap.* *quest.* 7. At Rodriguez *t.* 3. *quest.* 52. *art.* 3. probabilius tenet quod sit petenda à Provinciali, Sicut enim hic solus potest recipere ad Ordinem, ita etiam ille solus dare poterit licentiam exeundi ab Ordine. Et citat ad hoc alios. Sed standum erit consuetudini Religionis.

5 Eodem modo potest quivis Religiosus transire ad alium Ordinem strictiorem suo, etiam si non sit Cartusia, petita pariter, etiam non obtenta licentia. Habetur eodem *cap. licet*, quia illic de omni Ordine loquitur. Id idem habetur in aliis locis. Et Rodriguez *tom.* 3. *quest.* 52. *articul.* 3. Excipiuntur tamen Ordines Mendicantes, qui non possunt transire ad alium non Mendicantem. Sic in *extrauagan. viam ambitiosa. de Regular.* idque sub excommunicatione lata contra receptos, & recipientes. Alij verò non Mendicantes possunt transire de vno Ordine non Mendicante ad alium non Mendicantem strictiorem, atque etiam ad alium Mendicantem. At Mendicantes ad solos Mendicantes strictiores possunt transire. Azor. *cit.* *cap.* *quest.* 12. At licet Cartusia sit Ordo non Mendicans, ad illam tamen possunt Mendicantes transire : excipitur enim in *dicta extrauagan. & dicto cap. licet. de Regular.* Addit verò Rodriguez *citato articul.* 3. sufficere licentiam petitam, & non obtentam, ut res fiat licitè in foro interno, & externo : quia si requireretur obtenta, non satis bene prouideret Papa aspiranti ad maiorem perfectionem : quia Prælati de ordinatio

H h h

non concedunt licentiam hanc libenter, putantes suam Religionem detrimentum honoris pati, vel quid simile. Huic adde quod neque professi ex Societate Iesu anno secundo absque solemnitate, cum solum habeant vota simplicia, non possunt transire ad alium Ordinem non Mendicantem, ut citati Doctores explicant, excepta Cartusia. *Rodr. tom. 3. q. 52. art. 15.*

6 In dicto cap. licet de Regular. ponuntur aliquæ conditiones seruandæ, ut sit licitus hic transitus petita, & non obtenta licentia. Prima est ut non fiat hoc fictè aut leuiter: sed animo melioris vitæ. Vnde si fiat alio respectu temporali, non licebit, & erit peccatum. Ut si fiat odio, ira, vel ut magis succurrat parentibus, vel quid simile. Secunda, ne fiat cum detrimento Ordinis à quo receditur. Vnde si volens transire sit fortè Doctor insignis, vel in aliqua arte peritissimus; ac denique persona valde notabilis, videtur quod non poterit transire, est enim hoc cum iactura Ordinis relictæ. Tertia est ut Religio ad quam transit sit strictior, non solum ex Regula, sed ex constitutionibus: quia potest contingere ut vna Religio sit strictior in vno, & laxior in alio, & proinde pensatis omnibus debet absolutè esse strictior. *Azor. citat. cap. 14. q. 3.*

7 In omnibus prædictis casibus circa strictiorem Religionem possunt Generales, & Prouinciales dare licentiam subditis transeundi cum prædictis suprâ limitationibus, idque absque alia licentia Papæ. Est certissima ex dictis. Et *Azor. questione 9.* Si verò subditus non petat licentiam à Prælato eundi ad strictiorem Ordinem, non potest recipi, & professio ibi facta est nulla, quia fit contra ius. Neque sufficit, quod petat postquam strictiorem intrauit, quia ius Canonicum expresse iubet, ut petatur prius. Et si non petierit, potest Prælatus reuocare talem professum.

8 Omnia supradicta intelligi etiam possunt de transitu Monialium, ut scilicet, possint transire ad aliam Religionem strictiorem de licentia Prælatorum. Teneat, ac probat *Rodriguez questione 52. citato tomo 3. articul. 6. & in Addition. Summa, capite 113.*

nume

numero 5. tomo 4. Excepto , quod non poterunt exire ratione clausuræ : at obtenta licentia dicit posse. Unde innuit posse Prouincialem Minorum transferre Monialem secundæ Regulæ Sanctæ Claræ , ad Moniales primæ Regulæ eiusdem Sanctæ Claræ , quia hæ viuunt in Regula , & vita asperiore. Ego rem puto impossibilem. Quia in primis ius canonicum omnino , & clare solum loquitur de Religiosis viris , non de Monialibus. Secundò , quia inde multæ perturbationes quotidie orirentur. Tertiò , quia hodie scio S. Dominum nostrum Paulum V. sæpius rogatum noluisse dare licentiam vt Monialis ex Ordine D. Bernardi transfret ad Moniales Sanctæ Claræ primæ Regulæ , vulgo Capucinas. Et præterea ipse Rodriguez ait , non posse id fieri absque licentia Papæ propter clausuram.

9 Pius V. in Bulla quæ incipit , *quacumque sacrarum de non recipiendis in aliquo Ordine Fratribus alterius Ordinis* , non contradicit hætenus dictis : solum enim prohibet ne recipiantur Fratres fugitiui alterius Ordinis , qui veniunt extra formam iuris communis. Rodriguez *cit. quest. art. 8.*

10 Quid si vna Religio habet priuilegium vt nullus Religiosus talis Ordinis , transeat ad alium Ordinem etiam strictiorem nisi petita , & obtenta licentia sui Prælati , vel Capituli Generalis , vt habet Ordo Sancti Benedicti in Hispania per Eugenium IV. & Sancti Hieronym. in Hispan. in suo Compend. *verbo Transitus ad alium Ordinem per totum ?* Concessum est enim Benedictinis ne sui Monachi transeant ad alium Ordinem quemcumque , nisi obtenta licentia Papæ , vel Generalis , vel sui Conuentus cum Abbate , vt citat Rodriguez *citata questione 52. articul. 10.* Et Collector priuilegiorum Sancti Benedicti apud Rodriguez ait neque ad Cartusianos posse Benedictinos transire : aliàs excommunicatur transiens , & Prælatus recipiens. Et pari modo audio alias etiam Religiones esse munitas , similibus Bullis Pontificiis. Quæris inquam tunc , an hæ Bullæ particulares de-

rogent iuri communi citato in duobus suprâ capitibus: an verò his particularibus Bullis standum sit: ac dicendum, quòd Fratres talis Ordinis non possunt transire nisi petita, & obtenta licentia?

In hac re Azor. *citato capit. 14. questione 4. & Navarr. lib. 3. Consil. titul. de Regular. consil. 59. & Sà in Aphorism. verbo Religio. numero 37.* tenent, quòd illæ prohibitiones Pontificum per Bullas particulares solùm inseruiunt vt transitus non fiat temerè, leuiter, vel cum damno Ordinis omissi: si enim constet nihil horum interuenire, dictæ Bullæ non impediunt (ait Azor.) At Rodriguez cum quo sentio, *citato artic. 20. & 12.* credit quòd stanre tali Bulla particulari non potest Religiosus ad alium Ordinem transire nisi petita, & obtenta licentia. Nam Pontifices successores bene norunt ius commune, maximè in re tam clara: & tamen illi iuri volunt derogare in his Bullis, vt possunt, & vt sæpe faciunt in multis priuilegiis concedendis derogando clarè iuri communi: & Pontifices in his Bullis particularibus clarissimè loquuntur, vt prius petatur, & obtineatur licentia: ac proinde non oportet nos Iudices esse mentis illorum quando verba clara sunt. Secundò moueor ob Declarationem Cardinalium citatam à Rodriguez *ad finem citati articul. ex lib. Romæ impresso*, per quam declaratum fuit generaliter circa omnes Religiosos quod transitus ad parem, vel strictiorem Ordinem non fiat nisi causa cognita transcuntis de vitæ, ac morum ratione, idque ex approbatione Capituli Generalis. Quod fuit certè conueniens ad amputandam fortè occasionem euagandi.

ii Ultimò dico quòd, si illud priuilegium Benedictinorum stat in suo robore, vt stare credo; eodem priuilegio gaudent Minoritæ, & cæteri communicantes cum Benedictinis: ac proinde illorum communicantium Religiosi non possunt transire ad alium Ordinem strictiorem nisi seruatis conditionibus positis suprâ §. *Vel. numero 10.* petita scilicet & obtenta licentia modo ibi exposito. Et proinde cessabunt multæ aliæ

tæ aliæ quæstiones de petita , & non obtenta licentia.

Hoc solùm aduerto , peccare mortaliter Prælatum qui absque causa , non dat licentiam subdito petenti cundi ad Ordinem strictiorem , id enim satis exprimitur in citato cap. licet de Regular. vbi ait Prælatos ad illam dandam teneri. Vide *ibid.*

12 Nullus Prælatus dare potest licentiam subdito, ut transeat ad Ordinem laxiorem. Est expressa in Tridentin. *session. 25. de Regular. capit. 19.* Et in hoc solus Papa dispensat , licet enim Rodriguez *citata quest. 52. articulo 9.* dicat ex Nauarr. posse Prælatum cum causa iusta dare licentiam subdito ut transeat ad Ordinem laxiorem: ego puto non posse , quia Tridentinum absolute , ac resolute loquitur , ac prohibet. Et quando causa iusta datur , melius est , & securius , ut Papa resoluat , quàm Prælatus cui prohibetur. Et Rodriguez dictum retractat *Addit. ad Sum. tom. 4. cap. 113. num. 7.*

13 Quando dubium fuerit an Religio ad quam petitur transitus sit strictior , vel non : tunc non est standum dicto Fratris petentis , neque Prælati negantis , sed alterius viri prudentis arbitrio , ad quem prouocari potest Azor. *quest. 5. cit. cap. 14.*

14 De transitu ad parem Religionem iam supra dixi ex Rodrig. declarasse Cardinales id fieri non posse nisi de licentia Capituli generalis , cui declarationi standum puto. Quod si aliquis dicat dictam declarationem non esse authenticam , vel non habere vim legis in foro externo iuxta supradicta , *verb. Cardinalium declarationes* : tunc poterit Generalis vel prouincialis dare dictam licentiam ob iustam causam , ac legitimam , & hac deficiente non poterunt , ut ait Azor. *quest. 9.* & Rodriguez *artic. 9.* vbi inter alias causas assignat subuentionem parentum in graui necessitate : & persecutionem grauem passam in Ordine absque causa. Et aliæ similes dari poterunt arbitrio prudentis. Vide etiam pro his causis Rodr. *tom. 4. Addit. Sum. cap. 113. concl. 1.*

Hic etiam aduerto, quod (vt puto) Prælati Minoritæ non poterunt dare hanc licentiam ad parem Religionem : quia ex præcepto Regulæ non possunt Fratres Minores exire de ista Religione, vt habetur *cap. 2. & dixit D. Bonau. quest 13. supra citata.* Quod si ad strictiorem possunt transire, illud est quia ius commune ita disponit : quod ius commune est supra Regulam nostram : at ius commune *citatis duobus locis* id non permittit clarè de transitu ad Ordinem parem : sed in hoc submitto me prudentiorum iudicio.

15 Quamuis Ordo Minorum de Observantia, & Ordo Capucinorum in Italia sit idem omnino Ordo in substantia cum eadem Regula, non tamen possunt Capucini recipere Fratres Minores de Observantia absque licentia in scriptis Ministrorum Prouincialium de Observantia : idque sub pœna excommunicationis, & inhabilitatis ad officia Ordinis. Possunt tamen prædictæ Capucini recipere discalciatos, siue reformatos Hispaniæ obtenta licentia in scriptis Prælatorum, Capucini item non possunt recipere Fratres Minimorum : neque è contra hi Capucinos. Neque item Minimi possunt recipere Fratres Minores. Pro omnibus hîc dictis, vide Capucinum ad Compendium *verb. Recipere. §. Pariter hic. & §. Item in anno. & Rodrig citat. quest. 52. art. 21.*

16 Si aliquis ex Mendicantibus cum licentia Papæ, transeat ad Ordinem non Mendicantem, in illa non Mendicante non potest obtinere aliquod officium, siue administrationem, etiam vicariatus, vel similem. *Clementina ut professores. de Regularibus.*

17 Religiosus apostata, in apostasia non potest transire ad aliam Religionem æqualem absque licentia sui Prælati (consule tamen supradicta) nisi in casu quo diuertit ad prouincias remotissimas in quibus non sunt Conuentus sui Ordinis, neque alterius strictioris, neque datur commodum impetrandi aliam licentiam : tunc enim poterit : semper tamen si poterit debet recurrere ad suum Ordinem. *Rodriguez citato cap. 113. num. 13.*

18 Votum factum de non transeundo ad aliam Religionem strictiorem est nullum, & illo non obstante datur transitus, est enim impeditium maioris boni. Est certa in materia de voto. An verò Prælati possit dispensare cum voto subditi sic vouentis, vide *suprà ver. Dispensare. n. 11. & infra verb. Votum n. 3.*

*BONA TRANSEUNTIVM DE
vno Ordine ad alium.*

1 **Q**uatuor in locis tractat Rodriguez de bonis transeuntis de vno Ordine ad alium, cuiusnam sint. Primò in *tom. 2. quest. 79. articul. 2.* Et secundò, *tomo 3. questio. 52. articul. 72.* Tertiò in *Addit. Summ. tomo 4. cap. 53. num. ultim. & quartò eod. tom. cap. 113. num. 17.* Ex quibus omnibus locis vix aliquid certum colligi poterit ad rem præsentem, variè enim satis loquitur.

2 Ego cum Nau. in *Consil. lib. 3. tit. de Regular. prima impressionis, consil. 14.* ductus ipsius efficacibus rationibus dicendum puto, quod validè professus in vno Ordine, & licitè translatus ad alium, non potest secum deferre bona immobilia, vel mobilia, quomodocumque quæsitæ, siue per hæreditatem, siue per industriam, siue per donationem. Ratio Nauarri est, quia quæcumque acquirit Monachus sunt Monasterij, vt patet in iure, ergo quouis modo acquisita in primo Monasterio, illi debentur. Potest firmari exemplo serui quem cum prior dominus vendit, non vendit cum illo illa quæ seruus antea eidem priori domino acquisiuit in hoc enim pares sunt Religiosi, ac serui, iuxta communem Doctorum opinionem. Secundò probo, quia priuilegium à Papa non conceditur cum damno tertij, & proinde concessa facultas eundi ad alium Ordinem non debet intelligi cum damno Prioris Monasterij, cuius erant iam illa bona.

Vnde tenet ibi Nau, non posse Religiosum sic transla-

tum deferre secum sua scripta suo tantum labore parata: nisi quando essent inutilia priori Religioni: secus si essent utilia. Ac denique non posse deferre, nisi illa quæ Prælati primæ Religionis concesserit. Et hoc in Summa concessit Eugenius IV. Patribus Sanct. Hieronym. in Hispan. in *Compend. ipsorum verb. Bona temporalia*. §. 5. Et probatur amplius ex dictis *verb. Bona. & verb. Episcopus*. Si enim bona Religiosi assumpti ad Episcopatum, ut ibi diximus, pertinent ad Ordinem suum, neque potest illa deferre ad Episcopatum, etiam neque libros: videtur quod neque Religiosus assumptus vel translatus ad alium Ordinem aliquid secum deferre poterit.

Vnde sustineri non potest quod ait Rodrig. *priori loco Addit citato*, videlicet quod quando Monachus transit de Ordine laxiore ad strictiorem, & in strictiori proficitur, omnia bona acquisita in primo Monasterio pertinent ad secundum Monasterium. Glossa verò iuris quam ibi pro se citat Rodrig. in *cap. si quis 16. quest. 1.* nihil dicit pro illo. De lege verò *Authent. ibi citata* non curo, quia leges canonicæ oppositum innuunt, quando dicunt Monachum acquirere Monasterio: & Doctores Theologi oppositum clarè docent; ut vidimus in Navarro Canonista. In aliis tribus locis citatis, parum distat Rodrig. Navarr & quasi cum illo concordat in substantia.

Dixi, *si translatus sit validè professus in primo Ordine*, quia si eius professio fuit invalida in primo Ordine, omnia bona illius pertinent ad secundum Ordinem: imò de illis poterit fecere ad libitum, si absque adiutorio primi Ordinis sunt acquisita. Patet, quia primus Ordo solum iure professionis validæ, poterat acquirere ius in bonis Novitij. Cum ergo hæc vera professio defuerit, deest illi ius circa bona illius. Cumque ad secundum Ordinem transiens sit tunc purè sæcularis, poterit disponere de bonis suis ad libitum. Dixi, *si absque industria prima Religionis acquisivit*: nam in primis donata gratis à prima Religione portare non poterit, ut libros, & similia. Neque item illa, quæ computato ser-

uicio,

uitio eius, & dato fauore, & industria primi Ordinis censebuntur pro rata magis pertinere ad Ordinem. Vt si cum officio publico quod habebat acquisiuit à sæcularibus, vel Religiosis bona particularia mobilia: hæc enim intuitu officij data, censeantur Religioni donata; & neque hæc professus nulliter videtur secum deportaturus.

Prædictum etiam intellige de Religioso licitè translato; nam si transeat absque licentia debita, iuxta prædicta, indebitè transit; & nulliter transit, ac proinde tunc clarius constat prædicta bona esse primi Monasterij.

3 Postquam aliquis Religiosus legitimè translatus est ad secundum Ordinem, & professus in illo, omnia tunc ibi quæsitæ per illum, siue per hæreditatem, siue per donationem, siue industriam sunt secundi Ordinis, & secundi Monasterij, vide Veg. Minim. 2. part. Sum. c. 50. casu 7. ubi etiam dicit cum communi, quod si Monachus transferatur ad aliud Monasterium eiusdem, vel alterius Ordinis tanquam relegatus ad faciendam pœnitentiam, primum Monasterium tenetur illi dare alimenta, quod idem diximus suprâ de Monialibus. At in Conuentibus Minoritarum hæc non obligant: cum enim ex eleemosynis sustententur, non solent huiusmodi prouentus, & ratiocinia procurare.

RELIGIOSVS, SEV Regularis.

Vide proximè citato verb. *Religio*. & verb. *Obedientia*. & verb. *Pralatus*, &c. & ver. *Tertiarij*. num. 4.

1 **R**eligiosus seu Regularis propriè loquendo est ille, qui tria vota essentialia promittit in Religione approbata. Quando verò iura, & Bullæ loquuntur absolutè, & propriè de Regularibus, nihil addendo, intelliguntur omnes prædicti, quia tria vota emisserunt in Religione approbata. Et sub hoc nomine intel-

H h h 5

liguntur etiam Milites Sancti Ioannis Hierosol. sunt enim veri Religiosi, & Regulares, cum promittant castitatem absolute non conjugalem. *Rodr. tom. 2. quest. 2. artic. 7.*

2. *Nauarr. lib. 3. Consil. tituli. de conuers. coniug. consil. 1. n. 3. & lib. 1. tituli. de his que vi metusue caus. consil. n. 6.* affirmat etiam alias Militares Religiones, esse veras Religiones, & ita tenendum est ob rationem proximè datam, & tenet *Rodr. tom. quest. art. 6.* vbi dicit hos Religiosos maximè Sancti Ioan. Hierosol. comprehendì sub nomine Religiosorum in fauorabilibus: non verò in pœnalibus, seu pœnis ob priuilegium concessum eisdem Militibus Sancti Ioann. ibi citatum.

3. Peccatum Religiosi si fiat contra id ad quod tenetur ex voto, grauius est quàm peccatum sæcularis, ratione circumstantiæ voti, vt constar clarissimè. At si peccet Religiosus extra materiam voti, vt plurimum eius peccatum non est æquè graue ac peccatum sæcularis. Tenet *Plato de bono status Relig. l. 3. c. 24. §. Sed pertinet*, ex *Diu. Chryl. & D. Th.* At *Chryl.* solum ait peccatum Religiosi cæteris paribus non esse maius peccato sæcularis. At *D. Th. 1. 2. q. 73. art. ult.* ait cæteris paribus esse minus graue. Et *D. Basilii* ibi citatus idem ait. Ratio est, quia vt plurimum peccatum Religiosi non fit ex habitu, sed casu, & repente, & proinde habet minus de voluntario. Præterea vt plurimum peccat cum timore pœnæ, famæ, Prælati, quæ omnia minuunt voluntarium in actu peccati; & hæc omnia, vt plurimum, e contra accidunt in peccato sæcularium, quorum peccatum, seu iniquitas prodit quasi ex adipe, iuxta *Dauid* in *Psalmis*, sed de hoc alij.

4. Religiosi peccantes contra Regulam etiam possunt excusari, per bonam fidem credentes in hoc casu, & rebus vt nunc, cum tali circumstantia, sibi hoc licere, quod non est clarè contra lumen naturale: vt non recitare modò Officium diuinum, non ieiunare, & sic de cæteris. Regula enim vt plurimum est ius posituum. Possunt etiam aliquando in eadem materia per inaduertentiam excusari, hæc enim etiam aliquando in rebus

rebus naturalibus locum habet. Item propter grauem necessitatem, si sit lex positiua tantum, & sic de ceteris ad arbitrium prudentis, ac pij viri: non enim tenentur rigorosiùs seruare regulam quàm legem Dei in cuius obseruatione habent locum proximè dicta Rodr. tom. 3. q. 64. art. 2.

5 Religiosus ex Ordine Mendicantium non potest esse Vicarius Generalis Episcopi, idque præcipue prohibetur Minoritis. Az. 2. tom. lib. 3. c. 43. q. 10. poterit verò si fuerit ex Ordine non Mendicanti, *ibid.* Prouisor verò Episcopi, quod est officium distinctum à Vicario Generali poterit Mendicans exercere vt: praxis docet: quia Prouisor Episcopi non habet lites illas, ac strepitus forenses censurarum, &c. Scio tamen quod Bernar. de Bust. 1. par. Serm. in serm. 7. Conceptionis fol. 27. refert quendam Fratrum Nicolaum de Padua Minoritam fuisse Vicarium Generalem Episcopi Tanti in Lombardia.

6 Possunt Religiosi esse testes in causis criminalibus, & ciuilibus, Fratrum sui Monasterij pro, & contra, quando per alios testes res probari non potest excepta causa capitis. *cap. veniens 2. de testibus in fine: & est communis in praxi.* Et idem potest vna Monialis in causa alterius Monialis. Rod. *Add. ad Sum. tom. 4. c. 150. concl. 3.* Dixi *excepta causa capitis*, quia in hac nunquam Religiosus potest esse testis maximè contra reum ob periculum irregularitatis.

7 Potest sæcularis esse testis contra Religiosum & Clericum, quando desunt testes religiosi. Notat tamen Rodrig. *Addit Sum. tom. 4. chap. 150. concl. 4.* Quod testes sæculares contra Religiosum, de ordinatio non facient plenam probationem, sed solum ad torturam, propter odium vt plurimum suppositum in sæcularibus contra fratres (odium dico, id est, dissensionem absque peccato) & Clericos. Ego tamen hoc non teneo: supposito enim quod sæculares testes sunt admittendi, & sæculares fuerint timorati, cur duo testes sæculares non valebunt æquè ac duo Religiosi? maximè eum vt plurimum sint deuoti Religiosorum Examina-
ti ergo

ti ergo testes sæculares idem facient quod Religiosi: neque puto Rodriguez ab hoc dissentire qui non loquitur absolute.

8 Religiosi in Indiis possunt esse Parochi, propter Bullas Pontificum id concedentes, maxime Pij V. Gregor. XIII. qui id concesserunt: ita ut possint ibi baptizare cum oleo benedicto, post quatuor annos: cum apud nos extra Indos non possit dari baptismus, nisi cum oleo benedicto illius anni. Et hoc intelligo de Indiis Occidentalibus, nam Orientales videant quid possint per suas concessionem particulares. Rodrig. *Addit. ad Summ. tomo 3. cap. 26. numer. 8. & in suo Bullar. fol. 889.*

9 Religiosus degens intra claustrum non potest citari ob debita coram suo conseruatore. Rodrig. *Addit. tom. 3. cap. 68. num. 3.*

10 Lex quæ priuat aliquem hæreditate si intrauerit Religionem, est iniusta, & non valet. Est enim impeditiua libertatis Ecclesiasticæ, & boni Religionis. Bartol. *l. final. num. 4. Cod. de pactis*, & est communis Iuristarum.

11 Religiosus nobilis amittit nobilitatem politicam, & ciuilem: & poni potest ad torturam ad quam in sæculo poni non poterat. Si verò tradatur Curie sæculari puniendus, debet puniri ut nobilis. Rodrig. *Addit. tom. 4. c. 57. num. 2. & 3.*

12 Possunt Religiosi per communicationem priuilegiiorum Benedictinorum quando sunt in itinere in die ieiunij manè parum comedere, per modum collationis, & ad noctem prandere. Azor. *tom. 1. cap. 29. §. in Compendio.*

13 Qui reuocauit aliquem ne fieret Religiosus, sine vi, aut dolo, & ob causam iustam, quia scilicet carebat salute, viribus, &c. non peccauit si causa fuit iusta: nec tenetur restituere Religioni. Secus si vi, dolo, aut iniuste fiat: tunc enim peccat mortaliter, sed non tenetur restituere Religioni ut ipse intret Ordinem pro ablato, quia Ordinis ingressus est liber, ac difficilimus. Si enim sit aliàs aptus, & voluntarius, tenetur facere.

14 Religiosus Parochus alicuius Ecclesiæ pertinentis
ad

ad Episcopum, si deliquerit in rebus pertinentibus ad officium, potest puniri ab ipso Episcopo, non verò à Superiori: in culpis verò extra officium punietur à Superiori. *cap. 1. de privileg. in 6. §. eos. & cap. cum capella. extra de privilegiis.* Et colligitur ex Tridentino *sess. 24. cap. 11. de refor.*

A D D I T I O.

Vide suprà verb. *Obedientia.* & ver. *Pralatur.* & quæ diximus suprà *hoc eodem verb.*

1 **R**odrig. in *Sum. 1. tom. conclusion. 5.* tenet posse licitè vnum Religiosum donare alteri Religioso sui Conuentus aliquem librum, cuius pretium æstimetur quinque ducatorum. Vega Minimus in *Sum. ver. Religiosus casu 29.* in hac valde dubitat: sed limitat ad pretium quinque regaliū Hispanorum. Rodrig. tamen statim excipit Religiosum Minoritam, cui tale licere non potest. Et ego cū Rodrig. in hoc consentio. Pro aliis Religionibus videat vnusquisque suas constitutiones, & antiquas consuetudines toleratas. Permutare verò libros pro aliis apud sæculares etiam cum lucro pro Ordine, ait *ibidem* Vega licere Religioso: sed bene etiam excipit Rodriguez *tom. 2. summ. capite 31. conclusio. 3.* hoc non licere Minoritæ absque expressa licentia Prælati, & interueniente Syndico, qui est Procurator Papæ ad permutationes faciendas circa res Conuentuum, & Fratrum Minorum.

2 Religiosus, vel Monialis non possunt remittere infamiam, seu iniuriam sibi irrogatam iniustè, maximè si irrogetur à sæculari. Nam illa infamia redundat in totā Religionem: ac proinde si remittat, non valet remissio: & Prælati potest procedere contra infamatorem, & subditus sic remittendo peccat. Sayro *Clau. Reg. lib. 11. cap. 7. num. 15.* Vbi ait tunc Prælatum solum posse illam remittere si videat sic magis expedire

dire & poterit remittere etiam non remittente subdito: nam iniuria illa magis fit Ordini, quàm personæ, quemadmodum ab opposito quando Religiosus à sæculari honoratur magis honoratur eo quod Religiosus est, quàm ex eo quod talis persona sit. Citat etiam Petr. Nauarr. *lib. 2. de Restit. cap. 4. p. 3. dub. 7.* Ibidem ait non posse Prælatum remittere iniuriam notabilem sibi illatam redundantem in dedecus Ordinis, & suum proprium, nec remissionem factam valere: sed posse procedere contra infamatorem iudicem illum, ad quem spectat procedere. Et habetur *cap. Parochianos. de sentent. excommunicat.*

3 Religiosos teneri ad vota publica facta ab aliquo populo, in quo viuunt: tenet Sanchez 3. *Decalog. cap. 15. num. 21.* & Vasq. 1. 2. q. 16. *disp. 167. m. 33.* Ut si, ver. grat. populus ob vitandam pestem, vel similem necessitatem vouit tali die ieiunandum, vel ab operibus seruilibus cessandum: tenentur Religiosi illius populi ad illa duo. Probat, quia Religiosi sunt vicini illius populi, & membra illius ac proinde publicum votum censetur emitti de consensu illius populi. Maximè quia accedit consensus Episcopi votum illud confirmantis.

4 Is qui habet votum simplex Religionis non satisfacit voto assumendo habitum, & profitendo in Ordine Equitum Sancti Ioannis. Nam etiamsi illi verè sint Religiosi castitatem absolutam promittentes: tamen is qui vouet Religionem, communiter loquendo, non intendit, nisi viuere in clausura, & in communitate viuendo quietè, & dimisso sæculi tumultu, quod prædicti Equites non habent. Secus dicendum si vouens Religionem illam in particulari proponeret. Ita Corduba *in Sum. q. 148.* Addens quod vouens Religionem absolutè satisfaceret voto intrando Conuentum Clericorum viuentium in Communitate alicuius Ordinis Militaris: sunt enim viri Religiosi, viuentes in communitate. Tenet idem Sanchez 4. *Decalog. cap. 16. num. 12.*

RELIQVIÆ SANCTORVM.

Quoniam præ cæteris Religiosi procurant & vtuntur Reliquiis illas gestando : & sæpius circa illas & Sanctorum non canonizatorum venerationem interrogantur , visum fuit aliqua circa hoc in medium proferre.

1 Dans reliquias falsas alicui peccat mortaliter , si id faciat scienter , & est peccatum falsarij. Si verò hoc faciat ratione lucri etiam committit simoniam. Nauar. cap. 17. in Sum. num. 169. Rodr. in Sum. tom. 1. cap. 177. & alij. Et quidem de peccato mortali non est dubitandum, cum sit falsitas in re grauissima. Quod verò sit peccatum simoniæ : multum dubito : nam iste dans Reliquias falsas , quæ verè non sunt Reliquiæ , non dat rem spiritualem , sed temporalem pro re temporali, vt patet. Nisi fortè velis dicere quod illius peccatum est simonia in intentione , seu intentionalis , quod non est propriè simonia , nisi in intentione consistens : quæ tamen pertinet ad peccatum simoniæ.

2 Negantes Sanctorum Reliquias esse venerandas deducendi sunt ad Tribunal S. Officij. Est enim purus error hæreticorum : pro quo sufficit legere Concil. Trid. sess. 25. in decreto de Reliquiis , & veneratione Sanctorum. Vbi idem Concilium , ultra alia prohibet omnino quæstum simoniacum quæsitum est Reliquiis : cuius hæc sunt verba : *In reliquiarum veneratione , omnis turpis quæstus eliminetur.*

3 Huius rei gratia , quæris an sit peccatum simoniæ, quod sit aliquando etiam apud regulares , ponere in publico loco reliquias venerandas propter lucrum oblationum inde prouenientium ? partem affirmatiuam tenet Abbas cap. fin. de Reliquiis , & veneratione Sanctorum in princ. notab. 1. Angelus verb. Reliquia in princ. & ibi Syluest. q. 1. Azor. tom. 1. lib. 9. cap. 8. q. 7. Grassis 2. p. decis. lib. 2. cap. 14. n. 7. Hoc autem limitant aliqui

aliqui Doctores dicentes esse simoniam, quando tales Reliquiæ exponuntur in publico ob quæstum, si talis quæstus temporalis sit principale intentum illius ostensionis, vel expositionis. Secus si principale intentum sit cultus Sanctorum in gloriam Dei, & lucrum temporale sit minus intentum. Hi Doctores sunt Armilla *verb. Reliquia num. 1.* & Tabiena *ibidem.* Nauarr. *Sum. Latina cap. 17. n. 196.* & alij. Ad illum modum quo Clericus vadens ad chorum principaliter propter lucrum temporale, est simoniacus: secus si lucrum illud est ibi causa minus principalis, seu conditio sine qua non. Et hæc limitatio clara, & secuta est. At Sanchez *lib. 2. Decalog. cap. 43. num. 22.* adhuc rem magis excusat, etiamsi in ista Reliquiarum expositione, principale intentum sit lucrum temporale, non esse simoniam, nisi quando illud lucrum spectatur ut pretium illius ostensionis: tunc enim est quædam quasi venditio: si verò tale lucrum non ita spectetur ut pretium venditionis, sed tanquam sustentatio congrua ibi laborantis, non erit simonia: quia *cap. fin. citato*, & Tridentin. *citato loco* quando prohibent Reliquias venales ostendere, intelligunt quando quæstus, seu oblationes deducuntur in pretium sub pacto, ut si diceretur: propone Reliquias in publico; reddemus tantum: vel quando proponens Reliquias principaliter lucrum prætenderet tanquam pretium ostensionis.

4 Non datur in iure aliqua excommunicatio posita contra furantes Reliquias. Suarez *tom. 5. in 3. disput. 32. sect. 2. num. 9.* erit tamen peccatum mortale pro qualitate materiæ: immò & sacrilegium, cum sit res spiritualis, si verò Reliquiæ intra Ecclesiam positæ auferantur, erit maius sacrilegium, cum sit furtum rei sacræ, de loco sacro.

5 Quæris, an furari paruulam Reliquiam sit peccatum mortale: an verò ob paruitatem materiæ sit tantum, veniale, cum paruitas materiæ excuset à mortali Nauar. *super Extrauag. de datis pro Iust. notab. 10. n. 20.* & *lib. 5. Consil. prima edit. titul. de Simonia consil. 52. num. 3.*

num. 3. & Suarez tom. 1. de Relig. lib. 4. cap. 3. n. 5. tenet vendere Reliquiam etiam paruulam esse peccatum mortale simoniæ, quia etiam illa paruula materia habet totam rationem venerationis, & in re sacra, quoad peccatum simoniæ non datur paruitas materiæ, quæcunque enim particula sacra est. Ex qua resolutione videtur dicendum, etiam furtum paruulæ Reliquiæ esse peccatum mortale ob rationes proximè dictas, utrobique enim est eadem ratio. Sed fortè dici potest probabiliter furtum Reliquiæ paruulæ excusari à mortali ob paruitatem materiæ: neque esse eandem rationem in venditione paruæ Reliquiæ, & in furto paruæ Reliquiæ. Nam vendere paruam Reliquiam semper est iniuria notabilis facta Reliquiæ, quia valor illius æstimatur pro re caduca temporali, cum res sacra, quantumcumque parua, sit pretiosior omni re temporali, & in hoc casu est intelligendum quod proximè diximus, etiam in parua Reliquia reperiri rationem totius venerationis ac proinde æstimationis maioris quàm cæteræ res corporales. At in furto non fit iniuria Reliquiæ, sed habenti Reliquiam. Immò aliquando ex furto Reliquiæ resultat maior veneratio Quando scilicet aufertur à loco paupere, ignobili, vel à persona infideli ut decentius collocetur. Erit tamen hæc paruitas materiæ in Reliquia arbitranda in multo minori quantitate quàm in materia parua vini, verb. gratia ad arbitrium boni viri, & æstimationem Reliquiæ.

6 Quando Reliquiæ alicuius Sancti sunt traditæ perpetuæ sepulturæ, non possunt inde auferri absque expressa licentia Sum. Pontificis, vel Episcopi, vel Synodi, nisi fortè imminet graue periculum, ut incendij, hæreticorum irruentium, vel similium: tunc enim sufficit auctoritas Præsidis Prouinciæ. Habetur *cap. corpora. de consecrat. dist. 1.* Si verò nondum sint traditæ perpetuæ sepulturæ possunt absque vllius licentia transferri in aliam partem. Sic Gloss. *dicti capitis corpora, verb Principis.* Hugo, & Turrecrem. *ibidem*, Angelus *verb. Reliquia, numero 1. & alij.*

7 Purus laicus tangens Reliquias cum reuerentia,

illásve tractans vt honestè collocet , non peccat etiam venialiter. Ita Sanchez *cit. cap. 43. n. 26.* dicens, nullibi hoc inueniri prohibitum.

8 Tangere Agnus Dei non licere laicis nisi Subdiaconis , tenet Azor. *tom. 1. lib. 9. cap. 6. q. 3.* quia , inquit , benedicuntur oleo sacro , ac benedictione solemni per Summ. Pontificem : sed addit Azor. non fore culpam grauem si laicus tangat Agnus Dei absque contemptu: innuens proinde solum fore culpam venialem. At Sanchez *cit. c. 43. n. 17.* ait iam vsum obtinuisse vt laici, immò & foeminae tangant prædictos Agnus Dei. Et probatur quia Sotus *in 4. dist. 13. art 3. q. 2.* quem recentiores aliqui sequuntur , dicit laicos , & foeminas tangentes Corporalia, & Calices absque contemptu, vt summum peccare venialiter tantum:& Canones id prohibentes intelligi de consilio tantum.

9 Committens peccatum fornicationis gestando secum Reliquias , non tenetur in confessione exprimere circumstantiam quod sic peccauerit gestans Reliquias. Est communis Doctorum: nam id nullo iure præcipitur , non enim per id fit directè aliqua irreuerentia Reliquiis. Et si aliqua irreuerentia sit , erit tantum venialis. Idem de gestante imaginem Christi Domini & sic peccante in honestè, dicendum erit: secus si directè faceret iniuriam Reliquiis illas inhonestè, & irreuerenter contrectando, tunc enim esset mortale peccatum.

10 Reliquiæ Sancti nondum canonizati , nec beatificati , non possunt venerari cultu publico , poterunt tamen coli cultu particulari , siue secreto. Est communis Doctorum ; vide inter alios Bellarm *lib. 1. de sanctis, cap. 10.* & constat ex *cap. 1. & cap. finali de Reliquiis , & veneratione sanctorum.* Vide Syluest. *verb. Reliquia* , & Summistas *eodem verbo.* Sed primò dubitatio est quisnam dicendus sit Sanctus canonizatus: Ego credo in primis, quod si loquamur de Sanctis antiquis , omnes illi , qui continentur in Martyrologio, seu Kalendario Rom. Ecclesiæ ad primam in Diuino officio dici consuetam , omnes illi sunt Sancti canonizati , etiam si per specialem Bullam Papæ non fuerint

rint canonizati , nec beatificati. Nam eo ipso quod ab Ecclesia in prædicto Martyrologio conscribuntur ut Sancti , dicuntur poni in Canone Ecclesiæ , ac proinde canonizari ut Sancti. Vnde obiter aduerto , pro concionatoribus , & Religiosis circa conciones & modum loquendi, quod viri aliàs Sancti , seu perfecti, si sint antiqui , & nobis noti , & non sint in Catalogo, vel Martyrologio prædicto , non sunt Sancti appellandi. Tales sunt inter alios Petrus Damiani, & Theodoretus , qui indebitè aliquando à concionatoribus citantur ut Sancti. Hi enim non continentur in Catalogo, seu Martyrologio Ecclesiæ. Quamvis autem in horum Doctorum libris in titulo ponatur : Diui Theodoreti, vel Diui Petri Damiani : illa dictio , *Diui*, non significat esse canonizatos ; sed solum significat venerationem particularem illi Doctori exhibendam : quemadmodum gentiles aliquando suum Imperatorem vocabant Diuum. Beda autem licèt ab Ecclesia ut plurimum vocetur tantum Venerabilis : est tamen canonizatus , quia ponitur in Kalendario 27. die Maij. Ex Sanctis verò recentioribus , qui non sunt in Kalendario , illi sunt canonizati , qui per Bullam specialem à Sum. Pontifice tales sunt declarati, ut in particulari B. Didacus ex Ordine nostro, Beatus Hiacinthus ex Ordine Prædicatorum, & similes,

II Quæris secundo : quis cultus sit dicendus publicus , quis secretus circa Reliquias Sanctorum non canonizatorum , nec beatificatorum , ut ille sit licitus, iste verò prohibitus ? Respondeo cultum publicum alicuius Sancti non ex eo dici publicum , quia exhibetur illi publicè coram aliis : sed quia illi exhibetur nomine totius Ecclesiæ , tanquam ab illa institutus. Vnde poterit quis licitè coram aliis venerari Sanctum non canonizatum, illum inuocando, & Sanctum acclamando , id faciens ut particularis persona, non in nomine Ecclesiæ. Talis enim cultus est particularis , & non publicus. Vnde non liceret illum in publicis Litaniis, vel alio officio communi inuocare ut Sanctum, ille enim cultus est publicus, & fit nomine Ecclesiæ,

12 Licitum est etiam pingere, ac tenere imaginem Sancti non canonizati: dummodo non ponatur in Templo cum imaginibus aliorum Sanctorum, ut tradit Bellarmin. *citato loco*. Iam enim posita cum imaginibus aliorum Sanctorum coletur cultu publico. Licebit verò ponere imaginem Sancti non canonizati in Ecclesia, pro ornatu, maximè si ponatur separata ab aliis Sanctorum imaginibus. Sic Sanchez *citato cap. 43. 44. Decal. num. 6*. Neque item licebit ponere imaginem Sancti non canonizati in Oratorio secreto domus priuatæ cum lampade: illud enim pertinet ad cultum publicum. Nec licebit illi altare dedicare, vel Templum ædificare, hæc enim sunt propria Sancti canonizati. Neque item licet illi festum publicum instituire, quia spectat ad cultum publicum: licebit verò alicui priuato in eius honorem, vel memoriam tali die abstinere à seruilibus: hoc enim spectat ad cultum priuatum: idemque dicendum de ieiunio publico, seu voto publico facto in communi, quod scilicet non liceant: licebunt tamen fieri in particulari ab aliquo. Hæc omnia ex Bellar. & Sanch. *cit. locis*.

13 Quando Concilium Tridentinum *sess. 27. in decreto de Reliq. & venerat. Sanctorum* concedit Episcopo ut possit de consilio Doctorum examinare Reliquias denuo inuentas alicuius Sancti antiqui, easque approbare, & publicè proponere à populo venerandas, intelligendum est si sint Reliquiæ Sancti canonizati, id est, in Ecclesiæ Kalendario ascripti: non verò id poterit, si Reliquiæ sint Sancti non canonizati. Nam ibi Concilium non concedit Episcopo ut Sanctum illum canonizet: hoc enim solum spectat ad Romanum Pontificem: sed solum illi pertinet examinare Reliquias Sancti approbati iam ab Ecclesia. Si enim Episcopus posset proponere Reliquias Sancti non canonizati in publico venerandas, eo ipso censeretur Episcopus talem Sanctum canonizare: ille enim cultus publicus ex Concilio *ibi*, & praxi Ecclesiæ soli Sancto canonizato solet exhiberi. Quamuis autem Reliquiæ Sancti denuo inuentæ essent Reliquiæ Sancti non contenti
in Mar

in Martyrologio, si tamen de illo extaret traditio authentica quod fuerit Sanctus, & ita consensu vniuersali Ecclesiæ crederetur; possent Reliquiæ illius ab Episcopo approbatæ in publico collocari. Ita Suarez *tom.*

1. in 3. p. quest. 25. art. 6. disp. 55. sect. 2. Et confirmo, quia forsitan hac de causa, Ecclesia in fine Kalendæ ad Primam, iubet vt finita lectione Sanctorum illius diei, dicat in fine & alibi aliorum plurimorum Sanctorum, &c. innuens posse alios verè Sanctos illa die coli præter ibi contentos. Id tamen erit intelligendum cum prædicta moderatione, si videlicet de illorum sanctitate sit traditio, & consensus Ecclesiæ. Adde id facere posse Episcopum, nisi Reliquiæ Sancti canonizati ita essent permixtæ Reliquiis aliis vt discerni non possit quæ sint vnius, & quæ alterius. Vide alia huc spectantia apud Azor. *tomo 1. libro 9. capit. 8. question. 8.* & Vasquez *de Adorat. imaginum libro 3. disput. 3. cap. 8. numero 114.*

Si dicas: sed hæc scire quid pertinet ad Religiosos? Respondeo: multum illis prodest. Nam Tridentinum *cit Decreto* iubet vt Episcopus pro examinandis nouis Reliquiis conuocet Theologos, ac pios viros, & hi sunt vt plurimum Religiosi: & ego vidi paucis abhinc annis, in hoc casu vocari ab Episcopo Religiosos etiam non magni nominis, pro approbandis nouis Reliquiis. Et in libr. Gregorij Lopez Madera de Reliquiis, & laminis Montis Sancti Granatæ ad finem, habetur testimonium Doctorum, & Religiosorum, quos conuocauit tunc ibi Metropolitanus pro iisdem Reliquiis examinandis, & in publico collocandis. Inter quos Religiosos vocatos, & manu propria subscribentes fuit vnus Pater Sanchez doctissimus qui scripsit de Matrimonio; & quotidie poterit talis casus contingere.

14 Adhuc pro Reliquiis aduerto casum sæpius obuium. Solent aliqui in Cruce varias capsulas, seu foramina iubere fieri miro artificio digesta, quæ foramina variis Reliquiis implent: & aliquando apponunt aliquas Reliquias Sancti non canonizati. Tunc dico talem Crucem in primis posse absque scrupulo gestari

ad collum, tunc enim talis cultus exhibitus Sancto non canonizato, est cultus particularis, non publicus. Secundò dico etiam talem Crucem posse poni in Altari publico adorandam, quia Reliquiæ illæ Sancti non canonizati non ponuntur propter se, sed ratione Crucis, & tanquam ornatus illius: & ita illarum non habetur ratio ut pro illis in publico locandis necessaria sit Episcopi approbatio. Secus si solæ propter se in Altari collocarentur. Probat, quia quando vnum est propter aliud consideratur solum id principale propter quod est illud aliud. Si verò Reliquiæ sint approbatæ aliqua Bulla Apostolica, ut hodie iam solet fieri, tunc non debet Episcopus examinare Reliquias, sed solam Bullam recognoscere.

15 Adhuc de sacra Reliquia cerei Agnus Dei, qua frequentius Religiosi, ac sæculares utuntur, non erit inutile recensere miras, & multas virtutes quas illi Doctores attribuunt pro variis remediis humanæ fragilitatis. Inter alios hoc recenset Petrus Thyraeus *parte 3. de Dæmoniis c. 45. num. 17.* ubi in primis ponit decem carmina Elegiaca in quibus continentur virtutes Agnus Dei, quia verò tot carmina tædium inferent, nec tam facile intelligentur: mox easdem virtutes breuius sic complectitur, & clariùs.

*Fulmina pellit:
Crimina mundat.
Dæmonas arcet.
Liberat igni.
Seruat ab undis,
Mortéque prompta.
Subiugat hostes,
Et parientem
Prole secundat.
Plurima dignis
Munera confert.
Paruâque tantum
Portio prodest,
Maxima quantum.*

De

De mirabili verò effectu Reliquiarum Sanctorum mira dicit idem author *ibid. cap. 43. per totum*, maxime *num. 3.* vbi ex Gregor. Nisseno ait, olim fideles pro magno pretio habuisse etiam puluerem terræ inuentum circa sepulchra Martyrum. Verba Nisseni sunt. *Si quis puluerem quo conditorium vbi Martyris corpus quiescit obitum est, auferri permittat, pro munere puluis accipitur atque tamquam res magni pretij condenda terra colligitur.* Sic ibi. Multa alia ibi citat de tali puluere.

RESERVATI CASVS.

Vide suprà litt. C. *titul. casus reservati latè.*

RESTITVTIO IN INTEGRUM.

I Oannes XXII. concessit Congregationi Montis Oliueti, vt refertur in Comp. Societatis Iesu, quod si aliqua læsio in bonis, & vsibus Monasteriorum Ordinis per quamuis personam cuiuscunque status, gradus, habitus, seu conditionis Ecclesiasticæ, vel sæcularis facta fuerit, etiamsi fiat culpa prælatorum Monachorum, seu procuratorum, ipso iure rescindatur. Neque opus esse aliquam in integrum restitutionem fieri super eam, à quolibet quomodocunque. Et hoc ius, & priuilegium trahitur ad præterita indecisa, præsentia, & futura: præterita inquam nondum decisa. Sic citat *Rodr. tom. 3. q. 56. art. 2.* dicens contra Religiosos in hoc non præscribi nisi per spatium centum annorum, iuxta supradicta, *verb. Prescribere. & ver. Priuilegium.* Et est quidem hæc magna concessio, per quam poterunt Religiosi recuperare multa malè facta, & malè donata, & alia contingentia circa bona, & ædificia, suæ Religionis: & considerata sunt omnia verba concessionis. Extenditur enim ad læsionem quamcumque fa-

etiam in quibuscumque bonis Conuentus recuperandam : & in quibuscumque vsibus intra centum annos, vide *num. seq.*

2 Vt verò prædicta *num. proximo* melius intelligantur : & sciatur modus licitus alienandi , Leo X. anno 1526. concessit Fratribus Minoribus, Monialibus, ac Tertiariis illorum quòd possent bona immobilia alienare, & permutare de consensu duarum partium Conuentuum respectiue, quorum dicta bona fuerint : ac de consensu maioris partis eorundem etiam ultra triennium locare, non obstantibus vltimis voluntatibus testatorum, dummodo id ad euidentem Conuentuum vtilitatem cedere cognoscant. Insuper locationes in præiudicium domorum, & Monasteriorum ipsorum factas retractare. Sic *Parascelus in suo Compendio f. 80.*

Nota modum quo debent fieri alienationes : primò vt sit cum duabus partibus Conuentus. Secundò, vt locationes sint cum maiori parte Conuentus. Tertiò, vt cedant in claram & euidentem vtilitatem Conuentus. Et hæc inseruiunt ad multa remedia, vide etiam *suprà, ver. Alienare.*

3 Dato quod contra aliquod Monasterium præscribatur, ignorante Monasterio contra quod præscribitur, tali præscriptione non obstante potest dictum Monasterium post quatuor annos inceptos à die præscriptionis, seu à die scientiæ præscriptionis petere restitutionem in integrum. *Rodr. tom. 3. q. 36. art. 3.*

4 Vide *suprà verb. Bona. num. 3.* vbi dicitur quòd bona malè acquisita, ignorato domino, vel bona Nouitiorum malè acquisita si ignoretur dominus, possunt dari Minoritis per modum eleemosynæ.

5 Bona ablata à Religioso, non illi sed Monasterio reddenda sunt : maxime si timetur quod Religiosus illis malè debeat vti. Probat, quia Monasterium est verus dominus non verò Religiosus. Si verò probabiliter creditur Religiosum non malè vsurum, & rem illam esse sui peculij, sibi que à Prælato permissam, eidem reddi poterit. *Rabell. tom. 1. de obligationibus iustitia. lib. 2. de rest. q. 2. sect. 1.*

SACRAMENTORVM AD- ministratio.

1 **A** Pud Indos, vbi Religiosi de licentia Papæ sunt Parochi, possunt administrare omnia Sacramenta suis plebanis, quæ solent, ac possunt Parochi. Sic concesserunt Pius V. & Gregor. XIII. suprâ citati, & Adrian. VI. concessit, vt ibidem possent parochi Regulares baptizare filios Hispanorum, & alios cum limitationibus in Bulla positis de quibus ipsi sciunt, & ipsi viderint. vide Bullar. Rodr. f. 737.

2 Hoc illis ibi permittitur tantum in suis parochiis, non verò extra illas. At in suis conuentibus in dictis Indiis occidentalibus possunt baptizare parochianos, & Sacramenta etiam dare peregrinis, ita dicunt seruari ibi in praxi, & in hoc baptismo possunt ibi vti oleo quatuor annorum, vt dictum est suprâ, verb. *Religiosus. num. 8.*

Circa baptismum quomodo possint Religiosi extra Indos baptizare, vel non possint, vide suprâ verb. *Baptizare*, ibi enim traduntur huc attinentia.

Sacramentum Confirmationis solus Episcopus potest ministrare, & ideo de hoc nihil est quod dicamus.

Circa Sacramentum Pœnitentiæ, quomodo Regulares possint illud administrare, & quæ priuilegia absoluendi sæculares habeant circa illud, vide suprâ verb. *Confessor erga sæculares.*

3 Circa Sacramentum Eucharistiæ, primò sciendum, quòd Religiosus, qui ministrat Sacramentum Eucharistiæ alicui sæculari in articulo mortis absque licentia sui Parochi, incurrit excommunicationem Papæ reseruatam. *Clementina Religiosi. de priuileg. & Clementina dudum. de sepult.* At si Religiosus ministret Eucharistiam, atque extremam vnctionem alicui Religioso alterius Ordinis, non incurrit dictam censuram, quia
par

prædicti textus loquuntur solum de parochiano ob præiudicium Parochi : at Religiosus extraneus non est subditus illius Parochi. Sic Sayrus *lib.3. de censur. c.29. nam.28.* At si Parochus det licentiam tali Religioso, ut pro se faciat, neque peccat, neque incurrit, ut omnes faterentur.

4 A prædicta censura, & peccato excusatur primò si infirmus est in periculo mortis, & Parochus abest: tunc enim poterit licitè: Rodriguez *tomo 1. questio. 56. articul. 5. contra Nauarr. & Henriquez, tom. 2. libr.8. de Eucharistia cap. 55. n. 1.* Secundò excipitur, si Parochus adsit, sed iniuste nolit dare: tunc enim idem est ac si Parochus abesset, & præsumitur tunc Ecclesia in his duobus casibus dare hanc licentiam. Et sic concessit Sixtus IV. in *Compend. Minorum. verb. Communicare §.6.* Addeus quòd si Parochus sine causa neget extremam Unionem, possint Religiosi Minores administrare.

Et nota quod Sacramentum poenitentiae possunt Religiosi ministrare cuique sæculari in articulo mortis etiam irrequisito, & inuito Parocho: non verò Eucharistiam: quia cum sacramentum poenitentiae sit magis necessarium tunc, quàm Eucharistia, supposito quod detur peccatum: dispensat Ecclesia in illo priori, maxime quia potest sæpius poenitens erubescere confiteri proprio Parocho: quod non potest euenire in receptione Eucharistiae sacrosanctæ.

5 Possunt Religiosi in die Paschatis ministrare Eucharistiam in sæcularibus in suis Conuentibus, si tales sæculares iam satisfecerunt præcepto communionis annualis in illa præcedente Quadragesima apud suum Parochum: & volunt iterum communicare in die Paschatis deuotionis gratia apud Religiosos: tunc enim poterunt Religiosi illam dare absque licentia Parochi, & absque vllò peccato. Sic concessum fuit à Paul. III. Patribus San. Hier. ut citat Rodr. 1. *tom. 9. §.6. art. 3.* cum aliis multis ibi pro hoc citatis, & est hodie res indubitata. At si prædictus sæcularis, velit communicare in die Paschatis, ut satisfaciat obligationi illius anni, tunc ei non potest dari communio ab aliquo Religioso. Imò neque

neque intra Quadragesimam possunt dare Eucharistiam ut pœnitens tunc satisfaciât præcepto communicandi: illud enim tempus sumitur tunc pro die Paschatis, quia pro illa communione annuali debet Parochianus proprium Parochum recognoscere.

6 Possunt Religiosi in die Paschæ dare Eucharistiam peregrinis in suis Conuentibus qui in illo oppido non habent domicilium, sed transeunt, & sunt in via. *Rodrig art. 6. cit. quest. & latius Sanchez lib. 3. de Matrim. disp. 23. à num. 17. & 18.* Qui idem affirmat de mercenariis, & illis qui locant operas suas ad tempus, neque habent ibi parochiam. Et in *Compend. Minorum verb. Communicare §. 2.* declarat Eugenius IV. quod quando quis in tempore paschali inuenitur in aliena Diœcesi, ibi intelligatur adipisci incolatum pro communione quantocunque paruo tempore steterit. Quod potest intelligi, ut ibi tunc etiam pro paruo tempore communicet, id est, à potente ministrare: non enim limitat quod sit Parochus, vel hic aut ille: sed mens eius est quod satisfaciât communicando ibi in illo incolatu. Sanchez, inquam, ait posse Religiosos in die Paschæ dare Eucharistiam peregrinis, mercenariis, & locantibus operas, ad tempus qui non habent ibi proprium parochum: neque obstat inquit Sanchez, dictum commune quod hi peregrini pro communione debent tunc adire Matricem, vel Cathedralem: quia, ut ibi ait Sanchez, nullo iure probatur, quod Cathedralis sit communis omuium Diœcesis: neque vlllo textu probatur peregrinos ad illam debere confluere, sed ait posse illos tunc in quacumque parochia communicare.

7 Religiosus qui cum licentia certò præsumpta, & mortaliter certa Parochi alieni ministrat Eucharistiam in articulo mortis, & in die Paschatis, sciens certò mortaliter, quòd Parochus amicus id velit, non peccat, neque incurrit censuram. *Suar. tom. 3. disp. 72. sect. 2. §. hinc.* quia habens talem certitudinem moralem de Parochi voluntate, de sua licentia facere censetur.

8 Extra Pascha, & mortis articulum possunt Religiosi

giosi in suis Ecclesiis Eucharistiam, cuicumque non impedito liberè ministrare. *Compendium verb. Communicare* §. 4. & 5. In Ecclesiis verò alienis Parochorum id non poterunt, neque confessiones audire, nisi de Parochi licentiâ; privilegium enim illud dicit (*in suis Ecclesiis*) si verò id faciant in Ecclesiis alienis Parochorum absque illorum licentiâ, faciunt Parochis iniuriam.

9 Seruatoribus, ac domesticis intra Conuentum degentibus, in morte, & Paschate possunt Religiosi ministrare Eucharistiam, & extremam unctionem, & confessionem. *Compend. ver. Familiares Fratrum* §. 4. Idem intelligo de famulo coniugato, qui nocte dormit extra Conuentum: huic enim poterunt eadem Sacramenta intra Conuentum ministrari, est enim commensalis continuus. *Compend. cit. ver. §. 10. ex priuil. Benedictinorum* Ac de isto si intra Conuentum sit in articulo mortis, cum semper ferè vixerit intra Conuentum, ac de stipendio illius, puto illi dandam esse à Fratribus extremam unctionem: secus si sit extra Conuentum. Et hoc expressius de die Paschæ concessit Nicol. V. Conuentui de Goadalupe S. Hieron. in Hispan. & Iul. I. I. ut habetur in dicto *Compend. S. Hier. in Hispan. verb. Eucharistia* §. 2. & 6.

10 Tertiariis sæcularibus viuentibus in domibus particularibus non possunt Minoritæ dare Eucharistiam in Paschate, neque in morte. *Rodrigu. tom. 1. quest. 56. art. 10.*

11 Extremam unctionem simili modo non possunt Regulares ministrare sæculari morienti absque licentiâ proprii Parochi sub pœna excommunicationis, ex *Clementina citata*. Circa hoc tamen sacramentum occurrunt omnes exceptiones, quæ positæ sunt suprâ circa Sacramentum Eucharistiæ. Etenim non incurrer censuram extremam dans unctionem, primò qui dat absente Parocho, neque est spes ut veniat. Secundò si ille adsit, & iniuste dare nolit. Tertiò, si habeo certitudinem moralem quod ipse Parochus concedit iuxta omnia prædicta in numeris præcedentibus circa Eucharistiam.

12 Suis

12 Suis famulis intra claustra degentibus possunt Regulares ministrare extremam vnctionem. vide suprà dicta, & concessa *num. 9.*

13 Prædictam excommunicationem pro ministratione Eucharistiæ, & extremæ vnctionis indebitè non incurrunt Religiosi, qui bona fide fecerunt, siue cum ignorantia. Papa enim solum excommunicat scientes, & audentes. Rodriguez *Addit. ad Sum. tomo 4. capit. 192. num. 2.*

14 Circa Ordines recipiendos, vel malè receptos, vide suprà *verb. Ordines sacri per totum, & verb. Suspendio.*

15 Religiosus ordinarius extra Indos matrimonio assistens tanquam parochus, manet suspensus ipso iure ad arbitrium ordinarij Parochi illius, cui intererat assistere tali matrimonio. Tridentinum *session. 24. cap. primo de matrimo.* & præterea incurrit excommunicationem reservatam Papæ, *Clementina 1. de privilegiis.* Neque enim censura hæc ablata est per Tridentinum, ut tenet Sanchez *lib. 3. de matrimo. disput. 48. num. 8.* Dixi *extra Indos*, quia apud illos ille qui ibi est Parochus ex privilegio poterit omnia quæ potest Parochus. Ille verò Religiosus, qui apud Indos non fuerit Parochus incurreret easdem censuras, si matrimonio indebitè assisteret. Circa Religiosos verò Parochos in indiis quid possint circa matrimonium si plura videre volueris, vide Sanchez *lib. 3. de matrimo. disp. 26. num. 1. & seqq.*

De Religioso autem contrahente matrimonium, vide suprà *verbo Matrimonium.*

ADDITIO.

DE Sacramentorum administratione erga sæculares concessa vel prohibita Religiosis dixi suprà sufficienter. Vnum tantum postea inueni apud Bullarium Rodrigu. *fol. 851.* vbi continetur concessio Pauli

Pauli I V. facta Minoribus in hunc modum. Et præmitto, quòd Vicarius Generalis Minorum in partibus Italiæ conquestus fuit apud Summ. Pontificem quod Rectores aliquarum Ecclesiarum Italiæ, Brigiens. Mediolan. Bonon. &c. aliquas molestias inferebant Minoribus circa Sacramentorum administrationem erga sæculares, dicentes non posse Minoritas pœnitentiæ, & Eucharistiæ Sacramenta ministrare, nisi sæcularibus illis qui vadunt ad suos Conuentus: non verò extra Conuentus etiam si sæculares essent ægròti. Papa igitur concedit in hunc modum. *Quod de cætero tam dictorum, quàm aliorum quarumcunque Prouinciarum, aut ciuitatum, aut Diocesum per totum orbem omnium utriusque sexus fidelium pro tempore dicti Ordinis Fratres à suis Superioribus, ut moris est deputati Confessores, confessiones etiam infirmorum ubilibet etiam extra domos, & habitacula eorundem Fratrum audire, eosque in casibus, & censuris, quibus eis per priuilegia Sedis Apostolica huiusmodi hæctenus concessum est posse absoluere, & ipsi hæctenus absoluere consueuerunt, absoluere, & pœnitentiam salutarem iniungere, ac omni tempore præterquam in die Resurrectionis Dominica Sacramentum Eucharistiæ, tam illis, quàm quibusuis personis ministrare possint Apostolica auctoritate indulgemus.* Sic ibi. Est, inquam, notabilis ista concessio, clarè enim concedit posse Minoritas quouis tempore ægrotis sæcularibus extra suos Conuentus ministrare illa duo Sacramenta Eucharistiæ, & Pœnitentiæ, etiam in articulo mortis per modum viatici, idque inconsultis Parochis, excepto die Paschatis. Constat clarè ex illis duobus verbis concessionis: *Etiam infirmorum ubilibet extra domos.* Item ex aliis illis verbis: *Omni tempore præterquam in die Resurrectionis.* Neque inuenio istam concessionem esse reuocatam. Neque puto Rodr. ipsum illam vidisse quando scripsit qq. Regulares, nam in 1. tom. quæst. 56. & q. 60. & ibi ad quas se remittit in margine Bullarij cit. loco non facit mentionem istius concessionis cùm sit Papæ recentioris ann. scilicet 1557.

S C R I P T V R A.

V Ide supra *ver. Falsarius*, ubi dixi quid sit falsarius: & *ead. ver.* dixi concernentia ad crimen falsificantis scripturas. Nunc tantum addo, quod is, in cuius domo, vel scrinio inuenitur scriptura falsa Prælati sui vel alterius, si non constet illa usum fuisse non est puniendus ut falsarius, poterit enim multas excusationes afferre, de quibus *Nau. l. 5. Consil. tit. de Hæreticis consil. 18.* Leges enim non puniunt nisi falsificantem scripturam, & illa utentem. Sic *Franciscus de Padilla in suo l. de Pœnis omnium criminum l. p. c. 20. fol. 31. p. 2. in principio* pro se citans *Abbatem.* Et *leges Portugalliæ l. 5. tit. 52. & 53.* non puniunt nisi qui scripturam falsificauerit, aut illa usus fuerit. Unde si non probetur contra Religiosum fecisse scripturam falsam, aut illa fuisse usum, etiamsi in manu illius inueniatur, non est puniendus ut falsarius, sed parua alia pœna; potest enim dicere se illam inuenisse in via, & seruasse, ne alij uterentur. Erit tamen contra illum violenta præsumptio, & dignus erit grauiori pœna, si in tali scriptura contineatur aliquid, quod ipse vellet sibi concedi à Prælato; ita ut scriptura facta sit in proprium commodum ipsius, qui illam habet. Secus autem erit si scriptura non sit facta in commodum ipsius.

S C R V P V L V S.

P Ro Fratribus nimis scrupulosis, *Leo X.* concessit quod secuta conscientia possint stare determinationi Guardiani, vel cuiuscumque alterius Prælati in omnibus dubiis conscientiam suam tangentibus *Compendium Minor. ver. Declarare §. 5.* Circa hanc concessionem dicendum puto, quod etiam si subditus

ditus scrupulosus sit doctus, & literatus, Prælatus verò sit illiteratus, adhuc subditus tunc stare debet declarationi Prælati: nam ibi Papa non distinguit de Prælato docto vel indocto, & quando lex non distinguit, neque nos debemus distinguere.

2 Potest, ac debet scrupulosus acquiescere dicto alicuius viri docti, ac pij: imò & dicto sui Confessoris ordinarij, aliàs numquam fontem scrupulorum exhauriet. Azor. *tom. 1. lib. 2. cap. 20. quest. 6.* Imò addit Nauar. *lib. 5. consil. titul. de pœnit. & remissionibus. consil. 17.* peccare saltem venialiter pœnitentem scrupulosum, qui non acquiescit dicto Confessoris docti, & prudentis: nam aliàs faciens acquirit habitum inquietandi se. Neque (ait Nauar.) tenetur alium adire ut ut quærat ab illo de statu suæ conscientiæ.

3 Nimis scrupulosus potest non confiteri illa quæ ille non iuravit fuisse mortalia, vel non iurabit in illis consensisse. Tenet expresse Vasquez 1. 2. *disput. 68. cap. 2. prope finem.* Et Sà emendatus in *Aphorismis, verbo Dubium, num. 4. & 5.* & alij coincidunt serè cum istis, maximè Azor. *citato loco*, dum ait, quod non confiteatur nisi quod certò sciat fuisse mortale.

4 Nimis scrupulosi in Confessionibus multiplicandis meminerint dicti Caietani in *Summa verb. Scrupulus*: ubi ait velle se ut omnes scrupulosi in hoc sibi fidem darent; ut scilicet cogitent se validè esse confessos, quando clarè non illis occurrit error manifestus, & credant quod tales timores non proueniunt ab aliquo errore, sed à suo morbo, & à sua melancholia.

5 Nimis scrupulosi in diuino officio recitando, recordentur quod ac consecrationem hostiæ sufficit virtualis intentio in virtute præcedentis intentionis qua primò proposuit sacerdos consecrare, etiam si id proposuerit die hesterno, vel duobus ante diebus, ut in materia de sacramentis dicunt Theologi: & quod verè consecrat, etiam si quando consecrat sit distractus: ac proinde maiori de causa idem sufficiet ad dicendum validè diuinum Officium, quod est minus quàm
confectio

confectio Sacramenti , si antequam recitauit , forma-
uit intentionem bene soluendi: etiamsi postea dum re-
citatur, sine data opera distrahatur , neque enim actualis
attentio est in nostra potestate pro hac vita: imò ne-
que possibilis de ordinario in omnibus. Et ideo consulit
Azor. tom. 1. lib. 10. cap. 12. ad finem, ut scrupulosus nun-
quam repetat : si enim repetitioni acquiescat , indies
crescet, & mille in hoc scrupulis agitabitur , ut praxis
ipsa docet. Idem tenet Suarez , *tomo 2. de Religion.*
lib. 4. cap. 26. num. 20. citans D. Thom. Nauar.
& alios. Ego addo quod meminerint commune di-
ctum Theologorum dicentium , quod si homo hodie
proposuit facere aliquod opus peccaminosum , & post
vnum, vel duos dies existens ebrius, vel dormiens di-
ctum opus exequitur, & peccat mortaliter & aliquando
incurrit excommunicationem operi annexam ob so-
lum propositum hesternum , cum tamen iudicio care-
ret quando fecit. Cum ergo Deus magis inclinet ad
misericordiam , & ad nostra opera bona acceptanda,
quam ad mala punienda ; si tale opus peccaminosum
factum absque iudicio actuali imputat ad gehennam
propter solum propositum præcedens : magis accepta-
bit ad bonum , Officium diuinum dictum cum forma-
tione propositi antecedentis de bene recitando , licet
cum recitet , sit non ebrius, vel dormiens , sed distra-
ctus inuoluntariè.

6 Nimis scrupulosus circa consensum erga actus
internos malos : vel circa aduertentiam circa illos , &
circa opera externa mala : habeat sibi pro regula cer-
ta quod Doctores dicunt dum agunt de delectatione
morosa, videlicet, quod si aliàs est vir timoratus, assue-
tus non consentire , habens curam suæ salutis , credat
quod non consensit, neque de illo confiteatur. Secus erit
si homo sit assuetus consentire, neque ut plurimum ha-
bet curam animæ, quod cum statu scrupulosi repugnat.

7 Maximè verò circa scrupulosos tentatos de bla-
sphemiis cum orant , recitant , vel celebrant nota
quod hi consulendi sunt , ut occurrentibus sibi illis
blasphemiis contra Deum , Deiparam, & Sanctos , non

K k k

desistant ab oratione, & credant se non consentire, hac præcipuè de causa : quia scilicet, non est credendum velle peccare illum, qui actu Deum, vel Sanctos inuocat, neque velle iniuriam facere illum, qui actu laudat. Imò ait *Rodrig. tom. 3. quest. 66. art. 3.* quòd sic tentatus transeat talibus blasphemis non respondens, sed orationem continuet : quia impossibile est illis obuiare ne veniant, sicut ventus currens qui cohiberi non potest, & diabolus aliquando spretus, & contemptus desistit.

A D D I T I O.

Vide suprâ verb. *Hæresis, num. 1. & 2.* & quæ dixi suprâ hoc eodem verbo : & in his Additionibus verb. *Opinio.*

Num ex remediis efficacibus, quod consulitur scrupulosis est ut vincant illos ducti aliqua ratione probabili, vel consilio pij, ac docti viri. Hoc non obstante solet scrupulosos inquietare ista obiectio mentalis. Si nunc morti proximus esses non auderes cum hoc scrupulo à vita discedere, oportet ergo, ut confitearis, &c. Respond. primò ex *Cordub. in suo quest. lib. 3. quest. 5. proposit. 4.* multa oportere in eo articulo facere, quæ extra illum facienda non sunt, nam modò, vel hominem iudicio possunt priuare, vel in desperationem inducere. Secundò resp. etiam in articulo mortis consultius facturum scrupulosum spernendo scrupulos habens pro se rationem probabilem, vel Doctorem. Sunt enim remedia applicanda à Doctoribus Ecclesiæ, & proinde sufficientia pro tempore vitæ, & pro tempore mortis. Et recitat etiam *Sanchez lib. 1. Decalog. c. 10. n. 82.* illud remedium quod aliàs dixi ut scilicet scrupulosus valde, non confiteatur nisi illud quod iurauerit fuisse peccatum mortale, quod idem tenet *Vasq. 1. 2. q. 19. art. 6. disp. 67. c. 2. ad fin.* & *Sà in Aph. ver. Dubium, n. 5.*

2 Addit Sanchez *cit. capit. 10. num. 86.* quod in nimis scrupuloso circa confessiones factas prudens Confessor debet advertere circumstantiam pœnitentis, & præparationem, factam ad confessionem, maximè si fuit confessio generalis: & exinde iudicare, an pœnitens rationabiliter inquietetur: an verò illud quod patitur sit purus scrupulus: sæpè enim diabolus vult turbare conscientias, & tædium confessionis ingerere: ac proinde in fauorem nimis scrupulosi debet, attentis circumstantiis, iudicare, illud peccatum, de quo inquietatur, iam fuisse comprehensum in aliqua generalitate confessionis generalis, quamvis dum peccata fatenda numeravit non meminerit illius.

SEPULTURA.

Vide suprâ verbo *Ecclesia, num. 7.*

1 **P**otest sepeliri in sepultura Ecclesiastica Religiosus, qui manè confessus est, & toto vespere lectus extitit & sequenti manè inuentus est mortuus in cubilo clauso ostio cum laqueo ad collum appenso, quasi genu flexus, non pendens. Sic respondit Nauarr. consultus in facti contingentia, *lib. 3. Consil. rit. de sepult. consil. 6.* præsumendum est enim bene de recenter confesso, & absoluto, maximè quando de certo non constat an sibi ipse mortem intulerit. Et per hunc casum bene poterit fieri illatio ad alios saltem minores. Vide infrâ *num.*

2 Possunt Religiosi suos familiares intra claustra morientes in suis Ecclesiis sepelire. *Compend. verb. sepultura. §. 2.*

3 Religiosus, vel Clericus, suadens alicui, vouere, iurare, vel promittere quod sepelietur apud suas Ecclesias, vel mutabit sepulturam iam alibi ab ipso electam, peccat mortaliter, & incurrit excommunicationem Bonifacij VIII. *Compend. verbo Sepelire.*

K k k 2

§. 6. Et si contra actum fuerit electio sepulturæ non valet : neque eligens potest in illa sepeliri, etiamsi iurauerit.

Nota primò quod dicitur, *vouere, iurare, promittere*. Si enim Religiosus, vel Clericus simplici animo, & verbis simplicibus solùm petat, vel hortetur ut apud Ecclesiam suam aliquis sepeliatur, non peccat, & non incurrit : ad incursum enim opus est ut sit persuasio, & interueniat votum, promissio, vel iuramentum. Si etiam aliquis non persuasus voueat, iuret, vel promittat se esse sepeliendum in aliquo Conuentu, promissio valet, quia non fuit persuasus. *Rodriguez in Addit. tom. 4. cap. 130. concl. 10.*

4 Vouens, vel promittens se sepelire in aliquo Conuentu persuadente tantùm aliquo Religioso, non prælato, quidquid sit de peccato suadentis, non perditur ius sepeliendi in illo Conuentu, quia opus est ut persuasio fiat à maiori parte Conuentus. *Rodr. ubi proximè concl. 5. Dixi non Prælato* : quia si Prælatus suadet cum illo effectu, & peccat, & perditur ius sepulturæ : quia Prælatus repræsentat totum Conuentum. Neque item perditur ius sepulturæ, si aliàs dictus vouens, promittens, aut sualus erat sepeliendus in illa Ecclesia de iure communi, quia scilicet habebat ibi parentes sepultos, sed tamen adhuc suadens in hoc casu peccat. Item peccat, & incurrit Religiosus suadens secuto voto, promisso, vel iuramento, etiamsi postea non sequatur effectus sepulturæ, quia fortè promissum retractauit, *Rodrig. cit. c. n. 7.*

5 Si aliquis Minorita suadeat alicui cum iuramento ut eligat sepulturam apud Dominicanos, non facit contra illud mandatum, quia Papa solùm prohibet ne suadeat sepulturam apud suam propriam Ecclesiam; non loquitur verò de suadente sepulturam in Ecclesia aliena. Secus si idem Minorita id persuadeat ad instantiam Fratris Dominici, hoc enim iam fit directè in fraudem illius legis. *Rodr. concl. 6.*

6 Secundùm ius commune filius etiam sub potestate patris, & seruus sub potestate domini, possunt eligere
sepul

sepulturâ, si filius sit maior 14. annis. Sylu. *ver. Sepultura* n. 6. Secus si consuetudo patriæ præscripta aliud obseruet: tunc enim standum est. Filius verò minor 14. annis, sepeliri debet in sepulchro patrum, vel ab illis electo.

7 Mulier coniugata, vidua non eligens sepulturam sepelienda est cum viro suo: si verò bis fuit nupta sepelienda est cum viro ultimo: cum hoc enim habuit ultimum domicilium. Sylu. *cit. verbo n. 8. vers. quintum*. Vir autem sepulturam non eligens ad hoc non tenetur, sed apud maiores suos debet sepeliri.

8 Eligentes sepeliri in aliquo habitu Religiosorum debent deferri ad tumulum patenter, nullo operimento posito supra habitum Religionis Sixtus in *Monum. Ordinis concess.* 149. 1. *impress.*

9 Apud Minores non potest dare habitum, ad sepeliendum aliquem sæcularem, nisi Guardianus, & ceteri Prælati superiores, vel ille quibus ab illis fuerit commissum. *Com. pend. ver. Sepultura §. 14.* vnde prædictum habitum dare non potest subditus, neque confessor Monialium, neque quivis alius nisi id sibi à Prælato concedatur.

10 Notatur pro simoniaca lex Synodalis si daretur, in qua diceretur ne aperiatur sepultura aliqua si non dentur tres argentei Regales pro fabrica Ecclesiæ. Rodriguez *tom. 3. quest. 58. art. 2.* vbi excusat à simonia dare capellas, vel sepulturam pro eleemosyna pecuniaria, si illud accipiatur solum via eleemosynæ, quando Ecclesia est pauper, & recipitur eo modo quo recipitur piantia Missæ.

11 Si Religiosus moriatur proprietarius, priuatus Ecclesiastica sepultura. *c. super quodam, de stat. Monach.* Notat tamen Rodriguez *tom. 3. question. 56. articul. 1.* quod si Religiosos dummodo non sit Minorita, inveniatur mortuus cum bursa denariorum, non statim priuandus est sepultura Ecclesiastica, quia iura non priuant officio aliaris talem Monachum viventem cum peculio, nisi quando prius monitus noluit dimittere: ergo sic mortuum, non priuabunt sepultura Ecclesiastica. Adde quòd talis mortuus poterat se purga-

re, quod scilicet denarij essent sui amici, consanguinei, vel sibi depositi, vel concrediti, vt alteri deferret locum eleemosynæ, vel restitutionis. At dicit *ibi in fine articuli* quod in hoc Minorita non excusabitur ob strictiorem Regulæ prohibitionem erga pecuniam recipiendam. At si etiam in Minorita circumstantiæ satis probabiles occurrerent, vt crederetur pecuniam non esse suam, sed amici, consanguinei, vel creditam ad erogandam, vel restituendam: credo non esse priuandum sepultura: tunc enim non peccauit in rigore, quia pecunia non erat sua.

Addo etiam quòd dato casu quod Minorita mortuus inueniretur cum pecunia sua, & tamen factum erat omnino occultum, credo non esse priuandum sepultura: nam si viuens cum illa sic occulta, non poterat puniri publicè, neque infamari, etiam mortuus cum illa omnino occulta non poterit diffamari cum priuatione publica sepulturæ, maximè quia non potest se purgare.


12 Cadauera suspensorum vel occisorum per ministros iustitiæ, non possunt sepeliri in loco sacro absque licentia Iudicis: sed non peccant mortaliter consanguinei illa deponentes, vel suffurantes & sepelientes ob vitandam propriam infamiam. *Rodr. Addit. Sum. tom. 4. cap. 131. num. 2.*

13 Qui sepeliunt in loco sacro interdictos, excommunicatos maiori excommunicatione, & publicos vsurarios, incurrunt excommunicationem, iuxta *Clementinam 1. de sepulturis*, & Doctores communiter.

14 Greg. XIII. apud Marzillam in suo lib. *Declarationum Cardinal. lib. 1. c. 10.* declarauit quòd corpora volentium sepeliri in Monasterio Monialium debent sepeliri in Ecclesia exteriori, & non intra claustra. Vnde innuit quod absque licentia Papæ non potest eligi sepultura intra clausuram Monialium: vel quod id non possit fieri absque licentia eius qui possit dare.

ADDI


ADDITIONO.

1  Ide supra verb. *Habitus*. Adde quod possunt Minoritæ in suis Ecclesiis exhumare cadauera ibi sepulta, & ad alium locum eiusdem Ecclesiæ transferre, de licentia tamen illorum quorum in interest habetur in Compendio Mendicantium §. 17. Vide tamen quod requiritur licentia consanguinei, vel illius cui funeris cura demandata est.

2 Clemens VIII. in Bullario Rodriguez fol. 1205. *Bulla secunda* sub pœna excommunicationis reservatæ Sedi Apostolicæ prohibet parochis Indiæ Occidentalis, ne maiorem eleemosynam petant pro illis qui apud Minoritas sepeliuntur, quàm pro illis qui in parochialibus Ecclesiis eligunt sepulturam. Et puto hanc concessionem communicari omnibus Conuentibus Ordinis contra omnes Parochos. Tum quia fauor sit totius Religionis, tum quia est declaratio iuris Canonici, imò naturalis quo Parochi, & Clerici tenentur non petere aliquid ultra ius parochiale: quod ipsi tenentur de iustitia facere.

SIMONIA.

Si possit Prælati Regularis absolvere subditum simoniacum in Ordine sacro, vide supra verbo *Prælati* num. 29.

4  Simonia est in Religiosis, & aliis hoc pactum: da mihi suffragium ad tale, & ego illud tibi dabo ad tale. Fit enim clara permutatio in re spirituali, quod est suffragium ad beneficium, vel dignitatem Ecclesiasticam. Tenet Nauarr. in Sum. c. 23. n. 100. & Rodriguez tom. 3. quest. 63. art. 4. Ibi tamen excusat à simonia si in

K k k 4

hoc non fiat pactum, & conuentio clara : sed solum datur demonstratio spei futuræ. Vt si dicatur, da tu suffragium, & de tuo honore curabitur sicut congruum fuerit vel quid simile: & si tunc amore amicitiae datur tale promissum ; absque animo se colligandi per contractum: tunc enim non videbitur interuenire pactum. Secus si dicatur clarè : si dederis pro me suffragium , ego etiam dabo: aliàs non dabo. Hic enim clarè interuenit pactum, & contractus simoniacus.

2 Simoniam est aliquid dare vel recipere pro informando Prælato de qualitatibus prætendentis , vel procurantis officium, vel beneficium. *Rodr.tom.4. Add.Sum. c.133.n.20.*

3 Dare aliquid, vel recipere principaliter pro recipiendo aliquo ad Religionem, est simonia : datur enim res corporalis pro re spirituali , qualis est status Religiosus. Et quidem nullum habet dubium , maxime quando recipiendus est inhabilis , & non idoneus : vel aliàs pro tunc non erat recipiendus , nisi pretium illud daretur : tunc enim clarius constat pretium illud fuisse receptum de principali intentione vt Nouitius reciperetur.

4 Abbatissæ petentes dotem, pro Nouitia Moniali recipienda excusantur à simonia primò ob praxim , & bonam fidem. Secundò, quia non recipiunt pro pretio rei spiritualis, sed pro sustentatione corporali Nouitiæ: quemadmodum cum vxore recipitur dos ad sustentanda onera matrimonij. Tertiò , quia in *Compend. verb. Moniales. §. ultimo* Clemens VII. concessit, vel dixit quod Moniales nullam incurrunt simoniam ex pactio- nibus quas faciunt in receptione intrantium Ordinem, super dotibus recipiendis pro congruenti, & sufficienti sustentatione illarum.

Rodríguez ramen circa hoc aduertit *Addit. ad Sum. cap.133.num.21.tom.4.* quod Innoc. VII. hoc ipsum concessit cum duabus limitationibus : prima est , quòd quando recipiunt Nouitiam non petant aliquid præcisè pro ingressu Ordinis , sed pro sustentatione. Secunda est dummodò non recipiant inhabiles ad
Ordi

Ordinem principaliter sperantes successionem hereditatis per professionem illius. Et quidem prima conditio clara est ex dictis. Secunda verò de receptione inhabilis, rarò eueniet, quia rarò fœmina censetur inhabilis ad Monasterium, nisi fortè ob infirmitatem grauem & còtinuam, vel ob scandalum notabile de illius receptione, vel quid simile. Addit Rodr. *cit. c. n. 22.* quod si Monasterium est diues, & habet commodam sustentationem pro intrantibus, non committi simoniam in petenda dote si solùm petat pro sustentatione: poterit tamen esse peccatum auaritiæ, probâtque ex Soto.

5 Assecutus officium, vel beneficium Ecclesiasticum, per simoniam, est excommunicatus & priuatus ipso iure tali beneficio, vel officio, per constitutionem Pauli II. & Pij V. citatas à Capucino in *Compend. verb. Simoniam*, vbi ait manere priuatos etiam in foro conscientiae absque alia declaratione. Et addit quod per beneficium etiam intelligitur Prioratus, Guardianatus & similes. Sed circa id quod ait manere priuatum talem Monachum absque vlla declaratione vide suprà *verb. Leges. num. 6.*

6 Si simonia hæc in obtinendo beneficio, vel officio fuit commissæ inscio ipso obtinente, & possidente beneficium, vel officium quia scilicet inscio illo data est pecunia, vel quid simile collatori ab amico, consanguineo, &c. tunc taliter ignorans neque peccauit, neque censuras incurrit. Tenetur tamen vbi primum sciuit interuenisse pactum simoniacum, renunciare officium, vel beneficium, quia per ius canonicum, & Bullas Pontificias est inhabilis ad illud etiam si ignorans recepit, & postea sciuit: tenet expressè Nau. *lib. 5. Cons. tit. de simonia. cons. 65.* In modò tamen renunciandi, vide suprà *cit. n. 6 ver. Leges. & ver. Officia Ordinis. num. 8.*

7 Si quis nondum obtinens officium, vel beneficium sciuit antea, simoniam ab alio commissam, circa officium sibi dandum non potest acceptare, & tenetur illud renunciare, tunc enim multo magis est inhabilis, & ferè cooperatur simoniæ alterius. Clarè deducitur ex

K k k 5

proximè dictis. Si verò ipse procurans officium, vel beneficium commisit simoniam, antequam illud acceptet, tenetur omnino renunciare, non enim potest acceptare cum sit excommunicatus, & inhabilis: si verò iam acceptauit tenetur renunciare. Sed adhuc vide dicto verb. *Leges. & verbo Officia Ordinis in modo renunciandi, locis proximè citatis.*

§ Est præterea simoniacus perius canonicum & citatas Bullas Pontificias, excommunicatus, suspensus, & inhabilis ad officia, & priuatus obtentis. *Extravagante 2. de Simoniam, & Capucinus cit. l. §. Et primò notandum.*

SOLICITARE FOEMINAS IN Sacramento pœnitentiæ.

Cogit necessitas temporum, humanitatis fragilitas, & sanctissimum Ecclesiæ decretum per summam agere de titulo proposito. Nam Sanctiss. D. Paul. V. propria Bulla mandauit Inquisitori Generali huius regni, vt procederet contra Confessores sollicitantes foeminas in confessione, sicut contra suspectos in fide: & praxis vidit hoc iam obseruatum. Prodierunt statim multæ expositiones virorum sapientium tum prælo traditæ, tum manu scriptæ. Et quia res grauissima est, volui tantisper meam opinionem scribere, cum submissione sancto tribunalī Inquisitionis: Sed tamen prius necesse est audire tenorem Bullæ, & mandatum D.D. Inquisitorum pro executione eiusdem Bullæ.

*Bullæ Sanctissim. D. Pauli V. contra confessores.
sollicitantes foeminas in confessione.*

Paulus Papa V.

Veste fili salutem, & Apostolicam benedictionem. Cum sicut nuper accepimus non sine animi nostri molestia, diuersi Sacerdotes in Regnis Hispaniarum, ac
eorum

eorum Ciuitatibus, & Diœcesibus curam animarum habentes, siue eam pro aliis exercentes, aut alias audiendis confessionibus pœnitentium deputati, in tantam proraperunt iniquitatem, ut Sacramento pœnitentia in actu audiendi confessiones abutantur: Nec illi, & qui id instituit Domino nostro Iesu Christo iniuriam facere vereantur, mulieres videlicet pœnitentes ad actus inhonestos, dum earum audiunt confessiones alligando, & prouocando, seu allicere, & prouecare tentando, & procurando, ac loco earum per Sacramentum huiusmodi Creatori nostro reconciliationis, grauiorum peccatorum mole eas onerando, & in manibus diaboli tradendo, in Diuina Maiestatis offensam, & animarum perniciem, ac Christi fidelium non modicum damnum. Nos in animo inducere nequeunt, quod qui de fide Catholica rectè senserint Sacramentis ab ipso Deo institutis abutantur, aut illis iniuriam faciant. Fraternitati tuæ de cuius eximia charitate, virtute atque doctrina plurimum in Domino confidimus, per presentes committimus, & mandamus quatenus per te, vel per alium seu alios, à te deputandum, seu deputandos, contra omnes, & singulos Sacerdotes dictorum regnorum, ac illarum ciuitatum, Diœcesum de pramissis quomodolibet diffamatos, tam saculares, quàm quorumuis etiam exemptorum, Sedi Apostolica immediatè subiectorum Ordinum Regulares, cuiuscunque dignitatis, status, gradus, ordinis, & præminentiæ existant, tam super pramissis, quàm super fide Catholica, & quidquid de ea sentiant, diligenter inquiras, & iuxta facultatem tibi contra hæreticos, aut de hæresi quouis modo suspectos à Sede Apostolica concessarum continentiam, & tenorem procedas, ac culpabiles repertes, iuxta excessuum suorum qualitatem prout iuris fuerit, punias: eos etiam, si & prout de iure fuerit faciendum, debita præcedente degradatione, secularis iudicis arbitrio puniendos tradendo, non obstantibus constitutionibus, & ordinationibus Apostolicis, ac Ecclesiarum, & Mönasteriorum, nec non Ordinum quorumlibet, quorum ipsi Sacerdotes fuerint etiam iuramento confirmatione Apostolica, vel quauis firmitate alia roboratis, statutis, & consuetudinibus, priuilegiis quoque, indultis,

indultis, & litteris Apostolicis quibuscunque tenoribus, & formis, ac quibuscunque clausulis, & de actis etiam Motu proprio, aut aliàs quomodolibet concessis etiam iteratis vicibus approbatis, & innovatis. Quibus omnibus, & eorum tenores presentibus pro expressis habentes hac vice dumtaxat specialiter, & expressè derogamus, caterisque contrariis quibuscunque. Dat. Rom. apud Sanctum Marcum, sub annulo Piscatoris die 16. de Septemb. 1608. Pontificat. nostri Anno 4.

PUBLICATION ET MANDATUM D.D. Inquisitorum.

Pro executione prædictæ Bullæ D.D. Inquisitores Eboræ particulare mandatum seu edictum publicarunt, pro obligandis fidelibus, ut denuntiarent sancto Tribunali culpatores in tali delicto; quia verò tenor illius edicti, multum iuvat pro dicendis, libuit hîc adscribere non integrum, brevitatis gratia, sed substantialia verba nobis inseritura.

Mandamus auctoritate Apostolica sub pœna excommunicationis maioris ipso facto incurrenda singulis personis, &c. ut intra dies triginta scientibus quoscunque Sacerdotes, saculares, vel regulares Religiosos, cuiuscunque Ordinis, &c. sollicitasse in actu confessionis, prouocasse, vel procurasse aliquas mulieres ad actus turpes, & inhonestos denuntient intra prædictum tempus huic sanctæ Inquisitionis Tribunali, &c. Dat. Eboræ ann. 1609. die 21. Iul.

SEQVITVR EXPOSITIO.

Ntequam expositionem aggrediar summariam pro gravitate talis delicti, pondero verba, seu rationem Sanctiss. D. Papæ dolentis quòd tales confessores, cum

cum deberent aliàs fœminas pœnitentes Deo reconciliare, illas onerant mole grauiorum peccatorum: Et rectè quidem sanctissimus Papa. Deberent enim Confessores pœnitentes prouocare ad lacrymas, idcirco enim Sacramentum confessionis dicitur Sacramentum pœnitentiæ, quæ pœnitentia consistit in lacrymis ac dolore, ad quæ duo Confessor prudens debet prouocare pœnitentem; hi prouocant ad infernum. Inhærens autem verbis Papæ, de mole peccatorum, credo ipsi confessoribus posse applicari illud Christo Domini dolentis Matth. 8. *Va homini illi per quem scandalum venit: expedit ei, ut suspendatur mola asinaria in collo eius, & demergatur in profundum maris.* Si enim Christus Dominus de quouis scandalo actiuo id protulit, multo magis dicendum erit de tali Confessore in Sacramento confessionis dante tale scandalum actiuum, diabolum, & sacrilegum, idque pusillis fœminis, & cum præiudicio aliorum scientium tale delictum, qui exinde poterunt talis, ac tam necessarij Sacramenti tadium concipere.

1 Primò igitur dico tales Confessores esse suspectos de fide: sic enim expressè declarat Papa, dicens se nequire in animum inducere, quòd tales rectè sentiant de fide. Cum ergo suspectus in fide sit deferendus ad Tribunal sancti Officij, sic etiam deferendi erunt tales Confessores seruatis conditionibus infra dicendis.

2 Illa verba Bullæ, *Alliciendo & prouocando, seu allicere, & prouocare tentando*: clarè innuunt non solum puniritaes Confessores si effectu secuto prouocauerint fœminas, seu effectu secuto illæ manserint persuasæ ad actus turpes, sed etiam si illæ repugnauerint, dummodo talis Confessor attentauerit persuadere. Vbi vides legislatorem pari pœna punire affectum, seu conatum solum ad opus, etiam effectu non secuto. Quamuis enim communior Iuristarum opinio apud Iul. Clarum *quest. 92. Practic. crimin.* teneat affectum, seu conatum ad crimen non puniri eadem pœna effectu non secuto: id debet intelligi, nisi lex

lex expressè decernat ob criminis atrocitatem. Et hîc Papa ita exprimit, vt patet ex verbis citatis.

3 Dicitur Confessor sollicitare, vel attentare id facere, si verbis id faciat, directè, vel indirectè, dummodo sint sufficientia ad prouocationem. Idem dicendum erit si absque verbis facto prouocet, vt si fœminam osculetur, manus eius libidinosè tangendo, vel aliam corporis partem cum sit manifesta prouocatio, patet ex verbis generalis Bullæ, quæ solùm prohibent prouocationem, & sollicitationem non distinguendo de mediis quibus fiat prouocatio. At opera prædicta, & similia magis prouocant, & sollicitant quàm verba, vt patet experientia, & ex communi omnium acceptione.

4 Habebit tamen hîc locum ad excusandum, paruitas materiæ, sicut habet in omni alia materia. Vnde si confessor dicat fœminæ verba leuia, vel aliud signum, vel opus leue faciat indicatium amoris lasciuæ, quæ verba ad iudicium prudentis viri nec sint peccatum mortale, nec sufficientia ad persuadendum: credo quòd talis confessor non sit accusandus. Est enim communis opinio materiam leuem, & paruam excusare in omnibus delictis saltem à pœna Ecclesiastica, vt suprà diximus in simili *verb. Excommunicatio circa percussione clericum interius malam mortaliter, & exterius tantum venialem ob paruitatem operis. Vide suprà ver. excommunic. num. 1.*

5 Virtute huius Bullæ non erit denunciandus confessor, qui intra Sacramentum confessionis sollicitauerit viros ad peccatum nefandum. Quamuis enim istud peccatum grauius sit, quàm sollicitare mulieres ad actum turpem ordinariū, lex tamen ista pœnalis est, & solùm loquitur de fœminarum sollicitatione, & iuxta communem Doctorum opinionem non est extendenda ad similes casus etiam atrociores, vt inter alios tenet Castr. *lib. 1. de lege pœnali cap. 2. citans Abbat. & Rodrig. tom. 1. question. quest. 47. art. 1. ad finem.* Dixi, virtute istius Bullæ. Nam virtute alterius Bullæ Pontificiæ qua Inquisitores inquirunt etiam de crimine nefando tenebitur pœnitens denunciare, si con

si confessor intra hoc Sacramentum committat aliquid pertinens ad tale delictum consummatum quod obliget ad denunciandum : at fateor oppositum istius dicti esse probabile, & tales deferendos esse ad Inquisitores virtute huius Bullæ, tenet Lopez 1. p. *Instruct. cap. 35.* & Salzedo *in Pract. Crimin. capit. 82. secunda impressionis.*

6 Non est obligatio denunciandi de confessore, qui ante Sacramentum, vel post illud perfectum, sceminam sollicitat. Hæc colligitur clarè ex verbis Bullæ. ibi : *In actu audiendi confessiones* : Item ex aliis verbis paulò post additis ibi. *Dum earum audiunt confessiones.* Quò nihil clarius dici potuit ad intentum ut non obliget Papa illos denunciari nisi tale crimen commiserint intra ipsum Sacramentum iam inchoatum, & nondum finitum : confirmo idem ex verbis edicti D. D. Inquisitorum suprà positis, ubi solum iubent denunciare de confessoribus sollicitantibus in Sacramento confessionis. Dictio enim illa, *in* clarè significat intra sacramentum, non extra. Et probatur, quia lex ista pœnalis est, ut patet, constat verò per regulam iuris in 6. *Regula* 15. quod odia restringi, fauores conuenit ampliari. Item *ibidem* *Reg. 49.* In pœnis benignior est interpretatio facienda. At non est benigna, sed dura interpretatio, pœnam impositam crimini facto in Sacramento, extendere ad crimen factum prope Sacramentum, seu ante ipsum, vel post ipsum Sacramentum. Addo exemplum in alio sacrilegio : nam habere copulam carnalem in Ecclesia est sacrilegium, & polluit illam. At si fiat extra Ecclesiam sed prope illam nemo dicet quod sit sacrilegium, vel quòd polluat illam, etiamsi fiat prope illam in distantia vnius cubiti, dummodo fiat extra illam. Ergo à simili, hoc sacrilegium in sollicitatione sceminarum, si fiat paulò ante Sacramentum inceptum, non comprehenditur in ista lege : Imò neque in rigore erit sacrilegium ; nondum enim propriè, & in rigore fit iniuria Sacramento, cùm nondum existat. Nemo enim antequam existat in rerum natura propriè potest iniuriam pati. Et per hæc

hæc facillè soluentur allata ab aliquibus sine fundamentum Bullam extendentibus ad Confessores tale crimen committentes ante inceptum; vel post finitum Sacramentum.

7 Confessor hoc delictum committens intra Sacramentum, qui tamen illud commisit ante publicationem istius Bullæ, id est ante annum 1609. non debuit tunc, nec debet hodie denunciari, sed solum est denunciandus qui commisit post publicationem Bullæ: probatur, quia nulla lex civilis, vel Ecclesiastica obligat nisi post sui publicationem, neque extenditur ad punienda delicta facta de præterito, sed ad facienda de futuro: habetur expresse in utroque nisi fortè lex ipsa clavis verbis exprimat se etiam punire præterita, sic habet expresse *cap. cognoscentes. de Const.* ibi in illis verbis: *Quoties novum quid statuitur, ita solet futuris formam imponere, ut dispendiis præterita non commendet.* Et ibidem Gloss. *verb. futuris.* idem expressus habetur *cod. tit. cap. ultim.* Vbi Papa Greg. IX. explicans quandam constitutionem à se paulò ante editam, sic ait: *Declaramus, non ad præterita sed ad futura tantum extendi; cum leges, & constitutiones futuris certum sit dare formam negotiis, non ad præterita facta trahi, nisi nominatim in eis de præteritis caueatur.* sic ibi, quo nihil clarius dici potuit: Citat etiam ad hoc Azor. 1. tom. lib. 5. *capit. 16. question 13. Cesar. ff. de publicanis. & l. leges. Cod. de legib.* Vbi ponit Azor. casum rartum ad hoc intentum decisum in priori lege citata.

8 Scio multa contra hoc dictum ab aliquibus obijci, quæ omitto brevitatis gratia: maximè quia iam transacti sunt anni vndecim à publicatione Bullæ, in quo tam longo spatio non est credibile casibus ante publicationem Bullæ occurrentibus, non fuisse iam datum remedium. Et non vacat vacare quæstionibus non necessariis. Vnam tantum propono instantiam contra præcedens dictum. Nam Sum. Pontifex hîc declarat suspectum esse in fide Confessorem taliter sollicitantem. Sed suspectus in fide semper est deferendus. Inquisitoribus etiam si à tempore antiquissimo crimen com-

miserit

misericordia ratione cuius sic est suspectus, ut patet, neque ad hoc indigent Inquisitores noua commissione, sed possunt punire suspectum de fide peccantem, à tempore præterito longissimo. Ergo si iste Confessor sollicitans est suspectus de fide illis crimen etiam commissum ante publicationem istius Bullæ est deferendum ad tribunal fidei. Ad hanc instantiam respondeo proponendo aliam quæstionem. Si hoc crimen ante publicationem istius Bullæ tanquam suspectum de fide pertinebat ad tribunal fidei, quid opus fuit petere à Summo Pontifice, vel ipsum Motu proprio facere specialem concessionem & commissionem Inquisitoribus, ut de illo inquirerent, atque illud punirent, quod antea non faciebant, sed soli Episcopi? Quæ specialis, & noua concessio extensa ad Inquisitores videtur supponere crimen antea non pertinuisse ad illos, vel ob non usum, vel quid simile quod Papa intellexit. Ergo cum antea de illo Inquisitores in particulari non inquirerent, signum est quod noua illis concessa potestas sit solum pro futuris, non verò de præteritis, quia lex præterita non exprimit, & clarè supponit antea Inquisitores de isto delicto non solere inquirere. Et quemadmodum priuilegium potest amitti in parte per non usum, quia scilicet nunquam fuit illa pars priuilegij posita in praxi. Si etiam, quamuis sit priuilegium amplum Inquisitorum puniendi omnia delicta contra fidem: potuit tamen pars ista illius priuilegij inquirendi de his confessoribus perdi per non usum, quia nunquam de tali crimine inquisierant. Et sic fuit necessaria noua concessio, seu extensio ista facta per D. Papam, quæ cum sit noua, & quoad hoc concedat nouam potestatem nihil loquens de præteritis, restat, ut solum de futuro intelligatur.

9 Si fœmina sollicitet Confessorem in Sacramento ad actus turpes, & inhonestos: non renetur Confessor de illa denunciare coram Inquisitoribus. Neque obstat, quod quemadmodum Confessor sollicitans est suspectus de fide ob notabilem irreuerentiam Sacramenti, ita fœmina sollicitans intra illud ob eandem causam vide-

tur suspecta de fide, & proinde denuncianda. Non, inquam, obstat: primò, quia lex est pœnalis, & solum loquitur de Confessore, non verò de fœmina: lex verò pœnalis non est extendenda ad similes casus, vt supra diximus. Secundò, quia non est eadem ratio in fœmina abutente Sacramento, atque in Confessore; nam Confessor maiorem irreuerentiam inferi Sacramento, quàm fœmina: est enim Confessor Minister ex officio cum charactere, ac iurisdictione, & obligatur iure diuino illud ministrare existens in gratia: quæ omnia non requiruntur ex parte fœminæ recipientis Sacramentum. Adde quod posset fœmina accusare Confessorem de fracto secreto sacramentali, quod foret magnum Sacramenti aliàs præiudicium.

10 Si fœmina prius sollicitauit Confessorem, & ipse tentione victus consensit, & intra Sacramentum turpes actus exercuit, vel intra Sacramentum consentiens, & postea peccauit: non tenetur fœmina resipiscens illum denunciare. Probatum clarè ex verbis Bullæ: *Alligere, vel prouocare*: quæ supponunt preces, & postulacionem prærequisitas. Confessor verò prius sollicitatus non rogat, non prouocat, neque sollicitat.

11 Immorantur aliqui hoc loco in mouenda questione, vtum per hanc Bullam adimatur potestas Episcopis, ne per se solos possint de hoc crimine inquirere absque Inquisitoribus, illudque punire. Alij dicunt adimi, alij negant: meum non est hoc disputare, ipsi videtint quibus interest: Ego non video in Bulla verba aliqua quibus Papa hoc illis interdicit, quod illis ex ordinatio antiquitus competeat. Alij insuper cruciantur in explicâdis illis verbis Bullæ. *Quomodolibet diffamatos*: quibus Papa concedit vt diffamatos de hoc crimine aliquo, possint punire, & inquirunt qualis infamia præcedens necessaria sit, vt possit crimen ab Inquisitoribus puniri. Ab hac etiam disputatione abstineo, quia meum non est docere, vel consulere quid D.D. Inquisitores facturi sint. Solum disputo de eo quod conuenit facere Religiosis, ac pœnitentibus, cæterisque confessoribus.

12 Ex dictis *num. 6.* oritur vel potius resoluitur præsens

sens dubium. Adiuit fœmina Confessorem : vel iste illam vocauit in loco vbi solent confessiones audiri, sed fœmina non habuit animum confitendi, neque Confessor intendit ministrare Sacramentum : sed propter circumstantes signo Crucis præmissio simularunt actum Sacramenti, & Confessor in fine simulauit exterius verba absolutionis. Et in medio horum duorum Confessor sollicitauit fœminam: quæris an teneatur fœmina denunciare de Confessore? Ex prædictis *n. 6.* credo non teneri etenim non sollicitauit in Sacramento, seu intra Sacramentum. Imò cum ibi nullum interuenerit Sacramentum, nulla iniuria facta fuit Sacramento, ac proinde nullum sacrilegium interuenit.

13 Maior dubitatio est. Quidam Confessor re vera carens iurisdictione ad ritè absoluendum, vel quia erat excommunicatus publicè denuntiatus, vel notorius clerici percussor, vel alia via carens iurisdictione, audiuit confessionem fœminæ; & intra illam sollicitauit eandem: utrum incurrat hanc pœnam, & fœmina sciens inualiditatem Sacramenti teneatur illum deferre ad sanctum tribunal? Ista quæstio pendet ex alia discussa in materia de legibus an pœna imposita à lege alicui actui, incurratur ab illo qui fecit illum actum, sed fuit actus nullus, v. g. imponit lex Canonica pœnam rebaptizanti : rebaptizauit quis hominem iam verè baptizatum, ac proinde secundus Baptismus ab isto factus fuit nullus: vel etiam baptizauit exterius hominem iam baptizatum sed sine intentione baptizandi, & proinde isto secundus actus fuit nullus: quæritur, an iste secundus rebaptizans nulliter, incurrat pœnas rebaptizantis; Respondet Suarez (cui assentio) *tom. de Legibus lib. 5. c. 34. n. 9. & 10* non incurrere : probat ibi latè, omitto probationes breuitatis gratia. Cuius ibi decisio facit optimè ad propositum dubium. Et ita dicendum prædictum Confessorem carentem iurisdictione, siue faciat bona fide circa carentiam iurisdictionis, siue mala fide, cum faciat, vel prætendat facere actum nullum, in absoluendo, non incurrere pœnam istius Bullæ. Et quidem si faciat mala fide sciens se carere iurisdictione, & tamen audiat con-

fessionem fœminæ, res est clara, & exempla Suar. id probant in rebaptizante mala fide. Si verò hic audiens confessiones, & sollicitans careat iurisdictione, & credens bona fide se illam habere, sed mala fide intendat sollicitationem, tunc tota dubitatio est. Puto casum resolveri posse per alium communiter decisum, v. g. Intendebam percutere Petrum laicum tantum: sed ille erat Petrus clericus inuincibiliter ignoratus. Non incurri censuram percussoris clerici, quia de hoc habui bonam fidem: sed peccaui mortaliter ex occisione proximi sæcularis. Sic videtur posse responderi in isto malo Confessore sollicitante, qui habuit quidem bonam fidem iurisdictionis: sed malam in sollicitatione: sed semper recurrendum est ad ibi dicta ex Suar. quod iste Confessor faciens bona fide circa iurisdictionem exercet actum nullum, qui in lege non punitur iuxta ibi dicta. Omitto alia quia casus rarus est, & nunquã fœmina has circumstantias iurisdictionis solet, vel potest advertere.

14 Et proximè dictis facilè resolvitur aliud dubium, quod hîc ab aliquibus proponitur: an videlicet s. laicus, vel clericus non Confessor occultè ponant se in loco confessionibus deputato, & fictè audiant confessionem fœminæ, illamque ibi sollicitent, incurrant in pœnam huius Bullæ? Dicendum est enim iuxta prædicta, non incurrere, quia prætendunt facere actum nullum, idque scienter. Et Bulla loquens de audienda confessione sacramentali, loqui videtur iuxta communem acceptiorem de confessione vera, valida, & ordinaria.

15 Si fœmina intra confessionem sollicitata consensit, ut ibi, vel extra Sacramentum actus turpes, & inhonestos exerceret, non tenetur denunciare de Confessore. Probat ex dicto communi Doctorum, quod socius criminis, vel complex non tenetur denunciare de socio delinquente cum periculo suæ infamiæ, non enim tenetur prodere se. At ista fœmina denuntians de tali Confessore exponit periculo suam famam, poterit enim Confessor in tribunali fateri se tales, ac tales actus inhonestos cum illa habuisse, illa non repugnante: quod foret fœminam prodere se. Ita in quodam casu hære

su hæresis consuluit Nauarr. ferè in simili de socio non obligato ad se prodendum *lib. 5. consiliorum tit. de hæretic. consil. 8. maxime num. 3.* Quamuis *ibidem* oppositum sentiat de homine ibi consulente non valente tempore præterito denunciare sine suo periculo, sed postea potente. At prius dictum, videlicet non obligare præceptum denunciationis cum periculo propriæ famæ, est communis doctrina, & probatur ex regula superius tradita *ver. præceptum*: quod scilicet lex naturalis præponderat legi positivæ: at conseruare propriam famam pertinet ad legem naturalem: denunciare verò pertinet ad legem positivam humanam: & ideò socius delicti non tenetur se prodere cum magno suo periculo denunciando de alio. Sayro *Clau. Reg. lib. 12. cap. 14. num. 32. & num. 26.*

DE MODO QVO FIERI DE-
bet denuntiatio Confessoris so-
licitantis.

16 **I** Vbent D. D. Inquisitores in prædicto edicto, vt denuntiatio istius delicti fiat intra dies triginta, a cognitione delicti. Si verò intra illos non fiat, incurratur posita excommunicatio ipso facto. In primis vide pro ista & similibus denunciationibus faciendis quæ diximus supra *in his Addit. ver. Correctio fratrum. tit. de denunciatione*: ibi enim dicta, hîc etiam suo modo inseruiunt.

17 Cùm istud præceptum ab Inquisitoribus imposi- tum sit Ecclesiasticum, & conforme legi diuinæ, par- titur easdem modificationes, quas Doctores tradunt seruandas in edictis Ecclesiasticis pro visitatione, ac de- nunciatione latis, vno, vel altero exceptis, circa dura- tionem temporis, vt mox dicemus. Ita Sayro loquens etiam expressè *de edictis Inquisitorum lib. 12. Clau. Re- gia cap. 14. num. 22.* Vbi prius proponit de edictis Epi-

scoporum, & Inquisitorum pro visitatione laici seu publicis, & dicta in sequentibus applicat ad edicta amborum. Ego verò antequam ulterius procedam, noto hanc differentiam inter edictum Episcopi latum pro visitatione, seu denunciatione, & edictum Inquisitorum pro eodem fine: Nam edictum Episcopi pro visitatione, finita visitatione illius loci in quo ponitur, non ligat amplius; vel saltem paulò post moraliter finitur, quia illorum visitatio est transiens, temporanea, seu ad tempus: Ad edictum Inquisitorum pro denunciatione facienda obligat semper, & tota vita, quia semper illud tribunal visitat: ut inter alios tenet Henriquez *tom. 2. lib. 13. de excom. cap. 18. §. 4. Littera M. in M. in Gloss.* Unde fœmina obligata de hoc delicto denunciare quæ post 30. dies non denunciavit, etiam si absolvatur ab ista excommunicatione, non deobligatur, sed tenetur semper ad faciendam denunciationem.

18 Hinc sequitur proportionem habita valere in hoc casu excusationes illas quæ excusant à denunciando in aliis edictis aliorum Episcoporum, & Prælatorum regularium. Est enim eadem ratio in omnibus, cum sint leges Ecclesiasticæ conformandæ legi naturali, ac divinæ positivæ, imò & Ecclesiasticæ positivæ. Quoniam verò in generali iam dixi de causis de obligantibus à denunciatione horum dubiorum suprà, *cit. ver. Correctio*, & titulo *Denunciatio*, ibi dicta ex doctissimo Navarro hic repeto. Ibi ergo ex Navar. *in Sum. Latina num. 46. cap. 25.* dixi sex esse causas ob quas omnes, vel singulas illarum potest quis deobligari à denunciatione facienda: Prima est quando peccatum est emendatum. Si enim fœmina certò sciat, per suam admonitionem Confessorem esse pœnitentem, & mortaliter intelligat illius pœnitentiam de præterito, esse veram, non tenebitur denunciare; quia finis denunciationis est emendatio proximi; cum verò fœmina intelligat moraliter istum Confessorem ex sua admonitione esse emendatum, cessabit obligatio denunciationis, quia cessavit finis illius qui erat emendatio proximi. Secus erit si fœmina dubitet, si Confessor non verè pœniteat, quia tunc tenebitur denunciare.

19 Secun

19 Secunda conditio ibi de obligans à denuntiatione posita à Nau. erat defectus probationis, id est, si denuntiator non poterat probare. Et in hoc casu fœminæ sollicitatæ, dico hoc non valere: cum sit crimen commune, id est, contra communitatem, & si fœmina non possit probare cum alio teste, hoc crimen solitum fieri in occulto, neque potens habere testes, non expectat ut habeam testem cum quo probare possim, sed denuntiandum est, si non sit spes emendæ præcedente correctione fraterna cum termino ordinario, ut mox dicemus. Alias causas excusantes à denuntiatione ibi vide, quæ non faciunt adeo ad hoc intentum.

20 Solùm immoror, vel aduerto in modo faciendæ huius correctionis fraternæ à fœmina: & quid illi facere conueniat. In quo dubio satis respondeo quod dizi suprà verb. *Correctio fraterna num. 1.* Vbi dixi ex D, Thom. 2. 2. *question 35. articul. 7.* & Nauarr. in *Summ. Latina cap. 24. numero 14.* & tenent Corduba in *annotation. super Sotum de tegendo secreto fol. 40.* & alij, videlicet quod in crimine hæresis etiam habet locum correctio fraterna si sit spes mortaliter certa emendæ. Secus si ex circumstantiis personæ maculatæ originis, malæ conuersationis, & consuetudinis moraliter non speratur emenda. At hoc crimen sollicitationis fœminæ ad actus turpes, cum non sit formaliter hæresis, à fortiori patietur eandem legem; ut si sit spes emendæ attenta circumstantia Sacerdotis non infecti macula natiuitatis, aliàs non inhonesti: non assueti similibus, sed tentationem transeuntem passi: credo quod fœmina illius suasioni dissentiens, illumque corrigens, & resipiscentem moraliter credens, peobligatur ab ista denuntiatione. Si verò fœmina has condiciones in Confessore non inueniat, utpote quia maculatæ generationis sit: vel quia inhonestus: vel quia malis moribus imbutus, vel quia ex sua monitione, & correctione paruum doloris signum, vel nullum ostendit, vel, quia etiam ostenderit, illa rationabiliter fictitium credit: tunc tenetur denunciare, quia his præcedentibus correctio nihil proficit: & crimen est con-

tra communitatem, Ecclesiæ scilicet, cùm sit pertinet ad fidem.

Consulerem verò ego fœminas in hoc casu, vel Confessores, ut illis consulant, quod antequam denunciationem faciant, consulant viros doctos, & pios, qui iudicent de obligatione denunciationis: ideo namque D.D. Inquisitores illis assignant 30. dies, ut possint viros doctos consulere in re tam graui, qualis est Sacerdotum punitio. Si verò attentis circumstantiis proximè dictis, & præmissa correctione fraterna, non sit spes certa moraliter emendæ, tenetur fœmina denunciare, ut dixi, etiamsi crimen secretum sit. Nam est crimen contra bonum commune, & quando non est spes emendæ non obligat correctio fraterna. Qua de causa non approbo quod multi recentiores in hoc particulari hîc faciunt inquirentes, quæ diffamatio sufficiat in hoc casu ut fœmina, vel alius denunciet. Nam si sit Confessor emendatus certò moraliter, non est obligatio denunciandi, quia cessauit finis denunciationis, ut diximus ex Nauarr. qui finis est emendatio proximi. Si verò non sit emendatus, neque sit spes emendæ ex correctione fraterna facta vel facienda, est denunciandus quantumcumque crimen sit secretum; quia est crimen suspectum de hæresi, & proinde contra communitatem. Et ita fit in crimine hæresis, quod etiam secretissimum deferitur ad Inquisitores, quia est contra communitatem, & de ordinario in illo non est spes emendæ maximè in personis suspectis maculatæ generationis, & prauæ consuetudinis.

Iam verò suprâ dixi, quòd quando hîc Bulla ponit verba illa: *Quomodolibet diffamatos*. non attendit ad obligationem fœminæ, vel aliorum denunciantium, id enim remitteret Papa ad leges aliàs Canonicas, & expositiones Doctorum; neque hîc Papa verbum aliquod ponit circa obligationem denunciantium. Sed proximè citata verba pertinent ad Inquisitores, ut puniant quomodolibet diffamatos, ut clarè patet ex tenore Bullæ. Et proinde ipsi Inquisitores videant quos, & quomodo diffamatos possint punire. Ego enim hoc
non

non intendo decernere, neque consulere possum. Solum aduerto Papam in illis verbis nihil tradere circa obligationem denunciandi, id solum faciunt Inquisitores suo particulari edicto: & tam Papa, quàm illi modum, & leges denunciandi de crimine relinquunt legibus Canonicis, & Doctoribus piis explicantibus obligationem denunciationis.

21 Si fœmina sollicitata sit 'nobilis, vel Monialis, vel alia non potens adire Inquisitores absque infamia, satisfaciet denunciando per epistolam missam ad Inquisitores tradendo epistolam familiari alicui sancti Officij, vel stet consilio sui boni confessoris. Hæc enim faciens, facit quantum in se est. Aduerto tamen quod, (sicut credo) in singulis oppidis parvulis ubi non residet Tribunal Inquisitorum Vicarij pedanei ex illorum commissione delegata solent excipere huiusmodi denunciationses pertinentes ad illud Tribunal circa personas non valentes illud adire.

22 Iubent Inquisitores ut denuncient de crimine isto illi etiam qui sciuerint. Quibus verbis innuunt non solum fœminam sollicitatam teneri denunciare: sed etiam illos qui de delicto sciunt. De his autem delictum scientibus, currit eadem doctrina quæ suprà dicta est de fœmina *toto num. 2.* Quando enim fœmina excusabitur à denunciando iuxta ibi dicta, excusabuntur scientes: & e contra quando illa tenebitur, tenebuntur scientes. Cùm hac declaratione quod aliquando fœmina obligata non poterit ire personaliter & alij scientes, & valentes adire Tribunal sanctum obligantur seruando prius dicta *proximo dicto n. 2.* & illa quæ dicunt Doctores in materia correctionis, ac denunciationis fraternæ: quæ hîc non possum transcribere Solum admoneo, quod si aliquis audiuit à fœmina, quæ est malæ famæ, inhonesta, vel linguæ maleuolæ, quid simile, ut meritò non sit illi adhibenda fides, & illa dicat se fuisse sollicitatam à Confessore; is qui audiuit non tenetur denunciare, quia non audiuit à persona fide digna. Ita Nau. in simili, vel communi casu *c. 25. n. 46. in Sæ. Latina.* & alij communiter. Secus si

fœmina quæ quæritur se sollicitatam sit honesta, & bonæ famæ, & tunc enim audientes tenentur denunciare, 23; Sacerdos sollicitans intra Sacramentum pœnitentiæ non incurrit istam censuram positam ab Inquisitoribus, neque committit aliquod peccatum reservatum à Papa, vel Inquisitoribus. Patet clarè ex tenore Bullæ, & ex tenore edicti Inquisitorum: nullibi enim ponitur censura neque reservatio contra confessorem, sed sola excommunicatio contra fœminam non denunciantem, & contra scientem qui non denunciat. Confessor verò sollicitans relinquitur puniendus postea pro qualitate delicti, & probationum. Dixi *ex virtute istius Bullæ, vel edicti*, quia si in aliqua Diœcesi hoc delictum fuerit reservatum sicut potest reservari, stabitur legi illius Diœcesis. Neque item Confessor sollicitans incurrit excommunicationem latam contra hæreticos in Bulla Cœnæ, eo quod sic sollicitans sit suspectus in fide. Nam suspectus in fide non est hæreticus propriè, & formaliter. Bulla verò Cœnæ solum excommunicat hæreticos veros, & propriè dictos, illorumque fautores, receptatores, &c.

24 Ultimò quæris. Quisnam possit absolvere fœminam sollicitatam si omisit denunciare potens id commodè facere intra tempus in edicto assignatum? Dico primò, quòd si illa adhuc est in proposito non denunciandi, non potest absolui, neque per Iubileum, neque per Bullam Cruciatæ, quia est in proposito peccandi non obediendo Ecclesiæ. Si verò illa post triginta dies incurrens censuram, iam denunciauit, vel excommunicata venit ad confessionem cum proposito firmo statim denunciandi. Dico secundò, hanc excommunicationem Inquisitorum esse latam ab homine, ut patet: non enim est lata à lege. Et constat, quod ab excommunicatione lata ab homine, non potest absolvere ullus inferior: sed solum ille homo, seu iudex qui illam posuit, vel Superior illius, Ut inter alios tenet Reginald. *tom. 1. lib. 9. num. 23. & 30.* Vnde sequitur quod illam non possunt absolvere Confessores ordinarij, quia sunt inferiores Inquisitoribus. Imò videtur quod

quod neque possit Episcopus, quatenus talis est, quia Episcopus non est Superior Inquisitoribus, neque hanc censuram posuit. Dixi *quatenus Episcopus est*: quia cum sit etiam Inquisitor ordinarius videtur quod poterit: maximè cum aliqui dicant per hanc Bullam non esse adeptam potestatem Episcopis ut possint hodie per se solos punire hoc crimen sicut antea faciebant. Ipsi tamen Episcopi videant quid possint, iam enim suprà dixi me illorum causam non agere. Et saltem poterunt ex Concil, Trid. in hac causa secreta. Tota dubitatio est an Religiosi per sua priuilegia concessa à Papa ut possint absolvere sæculares in suis Conuentibus ab omni censura Sedi Apostolicæ reservata, sicut habent Patres Societatis Iesu in suo Compendio, *verb. Absolutio*, §. 1. per Paulum III. An, inquam, virtute istius priuilegij possint absolvere ab ista excommunicatione contenta in edicto Inquisitorum cum non sit excommunicatio Bullæ Cœnæ, quæ sola prædictis Patribus denegatur in illa Concessione. Ego credo quòd possunt. Ducor primò ex verbis Concessionis prædictæ, quæ refert Rodriguez *tom. 1. qq. Reg. q. 61. articul. 1.* desumptis, ut ait ex lib. Authentico, ubi inter alia dicitur ut possint absolvere: *Etiam Sedi Apostolica reservatis*. Noto coniunctiuam dictionem, *etiam*, quæ innuit non solum posse absolvere à reservatis Papæ, sed etiam à reservatis cuicunque inferiori Papæ, etiam poterunt absolvere ab ista illorum excommunicatione, etiamsi poneretur illis reservata: maximè cum illi eam non ponant reservatam, ut patet ex verbis Edicti. Secundò probo ex *regula 53. in Reg. Iuris in 6.* ubi sic dicitur: cui licet quod est plus, licet utique quod est minus. At plus est absolvere à censuris reservatis Papæ, quàm absolvere à reservatis Inquisitoribus, cum fauores sint ampliandi. Tertiò probo ex dictis à Rodr. *cit. q. art. 6.* ubi ait, posse Religiosos per sua priuilegia absolvere excommunicatos nominatim declaratos satisfacta parte: & excommunicatos ab homine, item satisfacta parte: at prædicta scemina excommunicata prius ab homine iam satisfecia

risfecit parti suo modo , quia iam denunciauit vel paraf se ad denunciandum ; ergo potest absolui per prædictum Religiosum virtute sui priuilegij. Quartò probo ex Reg. cit. n. 23. vbi ait excommunicationem ab homine posse absoluere hominem, qui excommunicauit, vel Superiorem illius , vel illum qui fuit ad id delegatus legitime. At Regulares habentes priuilegium absoluendi à censuris reſeruatis Papæ habent iurisdictionem absoluendi ab illis censuris reſeruatis, quæ potest Papa absoluere : Papa potest absoluere ab ista censura lata per inquisitores : ergo illam poterunt etiam absoluere Regulares habentes iurisdictionem delegatam à Papa illis concessam in generali, exceptis illis quæ continentur in Bulla Cœnæ. Facit vltimò quod tradit Sanchez 2. Decalog. capit. 10. numer. 26. dicens, illum qui legit libros prohibitos in Catalogo, si libri non sunt hæretici alicuius : vel si sint authoris hæretici, non tamen continent hæresim, vel non tractant de Religione, taliter legentem non incurrere excommunicationem Bullæ Cœnæ reſeruata Papæ : sed incurrere excommunicationem positam in Catalogo, quæ non est reſeruata, pro quo citat Grassis, Sayro, Azor & Vgolin. Nota verbum vltimum, Quod excommunicatio Catalogi contra legentes libros prohibitos iuxta proximè dictas moderationes, non est reſeruata. Et tamen hæc excommunicatio Catalogi pertinet etiam ad Inquisitores. Quæ omnia dico sub illorum censura, & correctione.

Et hæc sunt potiora dubia quæ possunt occurrere confessariis circa prædictam Bullam. Omitto alia facilia quæ ex prædictis facillè poterunt enodari.

S T A T V T V M.

Vide suprà verbo *Lex*.

1. **R**eligiones possunt condere statuta obligantia ad mortale, & ad pœnam, quemadmodum Episcopi possunt in Synodo : & qui de hoc dubitaret, tanquam

sanquam suspectus de fide puniendus videtur. *cap. cum accessissent, extra de constit.*

2 Quamuis ut plurimum lex, & statutum, sint idem: hic tamen loquimur de statuto propriè dicto inter Religiosos communiter accepto, quod scilicet sit in Capitulo Generali, vel Prouinciali concurrente, & suffragante maiori parte Capituli; & consensu Prælati: aliàs non erit statutum propriè, secundum Innocentium, *cap. nouit. de his que sunt à Prælati*: sed erit mandatum, si fiat à Prælato solo, vel à Prælato cum paucis de Capitulo. Est communis.

3 Illud mandatum quod Prælatus solus, vel ipse cum paucis, Diffinitoribus scilicet, iubet in Capitulo, obligat quidem plus, minúsve, pro forma verborum qua iubetur, sed cum non sit statutum factum à maiori parte Capituli, non est perpetuum, saltem in Ordine Minorum, sed tanquam mandatum finitur morte mandantis, vel illo amoto ab officio. Statutum verò est de se perpetuum, sicut ipsa communitas perpetua est. Rodriguez tenet expressè *tom. 1. question. 10. art. 1.* ubi ait statutum factum à Capitulo, sede vacante valere, etiam succedente Episcopo, nisi talis succedens reuocauerit. Si verò in aliis Religionibus est in consuetudine ut mandatum factum à solo Prælato cum Diffinitoribus in Capitulo sit etiam perpetuum, ac duret illis amotis ab officio, tali consuetudini standum est, Sanchez *lib. 8. de Matrimon. disputatio. 28. numero 47.* ait, præcepta Superiorum ad aliquid faciendum vel non faciendum, si non emanant per modum constitutionis à potente illam facere, sed sunt mandata ab homine semper expiunt morte mandantis, etiam re non integra: sicut expirat excommunicatio ab homine morte excommunicantis. Vide Cordubam *super Regul. D. Francisci, cap. 10. questione 3. puncto 1.*

4 Duratio statuti Prouincialis cum sit vera lex, idem dic de statuto generali, sequetur naturam legis canonicæ, vel ciuilibis, quo ad receptionem scilicet, interpretationem, abrogationem per contrarium vsum, &c. Non enim magis obligat statutum Religiosos, quam

quàm lex canonica omnes fideles. Vnde cùm iuxta Doctores communiter, lex non recepta ab initio non liget, & per contrarium vsum certo tempore abrogetur, de quo suprâ (*verb. Lex.*) hæc omnia militant etiam in statuto Regulari Generali, vel Prouinciali.

5 Hospites alterius Prouinciæ tenentur ad statuta illius Prouinciæ in qua morantur, tam in foro interno, quàm externo, quoad culpam, & quoad poenam. Et contrafacientes poterunt ibidem puniri. Suarez *tom. de Legib. lib. 3. cap. 33.* & Sayrus *lib. 1. de censur. cap. 7. num. 9.* cum multis ibi citatis, & patet exemplo de armis prohibitis in lege sæculari, & lege ieiunij Prouincialis, quas leges tenentur etiam exteri obseruare in illa Prouincia in qua morantur.

6 Quoad legis, seu statuti non acceptance in principio, noto quod est communis DD. opinio, eam legem non ligare in conscientia, etiam si in principio culpabiliter, non fuit recepta ab aliquibus: sed tamen iam hodie Prælati sciunt, sed tacent: etiam si non sciant de omnibus Prouinciis: est enim impossibile moraliter ut sciant de omnibus Prouinciis. Suarez *lib. 4. de legib. cap. 16. num. 9.* & 10. contra præceptum verò iuris naturalis nunquam præualet non vsus siue contrarius vsus, quia lex naturalis nunquam abrogatur.

7 Si verò lex non seruatur à populo, quia habet ignorantiam illius non dicitur abrogari lex per illam ignorantiam, sed data scientia obligantur omnes ad illam, ac si tunc inciperet Suarez *citato loco*, sed Nauar. *lib. 1. Consil. tit. de constitut. consil. 1. quest. 6.* tenet quod etiam lex ignorata per contrarium vsum abrogatur tempore sufficienti, etiam si sit lex Papæ: & probat, quia melior est conditio non seruantis per ignorantiam quàm non seruantis scienter à principio: & tamen lex abrogatur non seruata à scientibus illam à principio per tempus sufficiens: ergo etiam abrogabitur per contrarium vsum illorum, qui non sciunt. Sic ille.

8 Priuilegia à quocumque obtenta contra Regulam, & statuta Religionis, aut eius consuetudines irrita

Irrita sunt. Vnde Ordo Minorum de Observantia reiecit priuilegium obtentum per quendam Commissarium Romanum, eo quod tale priuilegium repugnaret puritati Regulæ nostræ. Rodriguez *tomo 1. quest. 10. artic. 5.*

9 Statutum Regulare factum contra ius commune, est nullum: quia inferior non potest derogare legi Superioris. Vnde non valet statutum si fiat, ut sit nulla professio illius, qui vulgò dicitur Christianus nouus tantum, si aliàs non descendit ab hæreticis combustis: si tale statutum de solis Christianis nouis non sit expressè approbatum à Papa Nauar. *in terminis lib. 3. Consil. titul. de Regular. consil. 5.* & Rodriguez *tomo 1. question. 68. articul 2.* ait non valere statutum factum quo iubetur ne in visitationibus denuntiet Prælato is qui non fuerit presbyter. Ius enim canonicum non repellit à Religionis habitu illos qui tantum fuerint Christiani noui, neque illorum professiones annullat. Neque item ius canonicum repellit à denunciatione Subdiaconos, Diaconos, & alios Religiosos quouis sacro Ordine carentes.

10 Prælatus superior tenetur seruare statuta suæ Religionis, & ad illa tenetur, quo ad vim directiuam, non verò quo ad coactiuam: id est, si non seruet, peccabit, quia non sequitur dictamen rationis dirigentis in qua fundatur statutum: & hæc est vis directiua ad quam tenetur. At si non seruet non cogetur subire pœnam positam à lege, quia Prælatus non potest se punire, & hæc est vis coactiua legis, id est, pœna ipsius. Est communis Doctorum in materia de Legibus.

11 Statuta Religiosorum facta auctoritate Papæ, & ab illo confirmata, possunt reuocari in alio Capitulo Generali sequenti etiam si non interueniat specialis licentia Papæ. Tenet expressè Rodriguez *tomo 1. questione 68. articulo 5.* dicens hoc non esse dispensare in lege Papæ: quia ibi confirmatio Papæ circa præcedens statutum fuit quid accessorium, & non principale. Et ad hoc citat *capitul. cum accessissent*
de

de constitution. vbi Capitulum Cathedralis recessit per se à quodam statuto per Papam confirmato. Et hinc confirmatio Papæ habet solum vim fauoris, non verò legis Papalis: vt tenet Mirand. *tomo secundo questione vigesimanona, articulo octauo.* Et citat præterea Rodriguez quandam legem, & Decium. At secus dicendum erit, si Papa alicui Capitulo Generali præciperet, vt nomine Papæ tale, vel tale statutum ordinaretur, vt fecit Sixtus Quintus, in nostro Capitulo Generali Romano, suo tempore celebrato, circa electiones faciendas per schedulas secretas, & in similibus: tunc enim nullum Capitulum Generale illud poterit immutare: & quod etiam Abbatissæ forent triennales, vt ibidem mandauit. Vnde colliges statutum Prouinciale, factum in vna Prouincia. præsentem, & confirmantem Generalem, posse postea immutari, non obstante Generalis assistentia, & confirmatione, si fiat aliud Capitulum Prouinciale in eadem Prouincia.

Sixtus I V. concessit Fratribus Minoribus tunc præsentibus & futuris, quòd non possint ligari aliqua censura Ecclesiastica, nec vllò vinculo peccati mortalis propter statuta, vel consuetudines, vel declarationes dicti Ordinis (præter Regulam) à quocumque Prælato editas, etiam autoritate Apostolica confirmatas: nisi illa statuta, consuetudines, & cætera, ex diuina lege, & præcepto Rom. Ecclesiæ inducerent ad mortale. Et censuras, & pœnas aliter latas reuocauit, & annullauit: & voluit quod solum haberent vicem pœnæ comminatoriæ, &c. pro vt habetur in *Compend. Mendicant. verb. Statuta Ordinis. §. I.*

Circa hanc concessionem (quam timeo malè hodie exponi) noto primò ibi Collectorem priuilegiorum dicere, quòd ibi Sixtus I V. non reuocauit censuras Apostolicas positas à Summis Pontificibus contra Minoritas in Bullis, & declarationibus Pontificiis editis, vsque ad tempus Sixti I V. sed solum reuocasse & annullasse statuta, & censuras positas à Prælatis Minorum. At Corduba in *suis Addition. ad Compend. cit. §. I.* quem sequitur Rodrig. *tom. I. quæst. Reg, quæst. 11. art. 8.* & Miran

& Miranda *tom. 2. Manual. quæst. 29. art. 10. conclus. 1.* dicunt Sixtum IV. in illa concessione concessisse, quod non ligarentur Minoritæ ad peccatum mortale per statuta, consuetudines, & declarationes factas ab Ordine; neque per censuras illius Ordinis: sed neque etiam ligarentur per censuras, vel declarationes factas à Papa ante Sixtum IV. editas in particulari pro Fratribus ipsius Ordinis. Dixi, *factas in particulari pro Fratribus ipsius Ordinis*: quia dicunt hi tres autores, quod hoc non obstante, ligabuntur Minoritæ censuris, & præceptis factis à Sum. Pontificibus antecedentibus Sixtum IV. quando tales censuræ fuerint factæ, vel editæ contra omnes fideles Catholicos, vel contra omnes Religiosos in communi: ab his enim non liberabuntur Minoritæ, sed solum ab editis per Papas ante Sixtum IV. contra ipsos Minoritas in particulari, causam huius rei assignat clarius Rodr. *cit. art. ex Corduba.*

2. Notant citati tres Doctores, & concordat Collector *citato loco*, quod censuræ, & declarationes Papales factæ à Sum. Pontificibus post Sixtum IV. ligabunt Minoritas ad mortale: quia Papa antecessor non potest ligare manus sui successoris. Et proinde constitutiones, & declarationes Pontificiæ factæ post Sixtum IV. in particulari pro Minoritis omnino illos ligant ad mortale. Et sicut censuris, quales sunt de non subornando, de electionibus sic, vel sic faciendis, & similibus multis in particulari editis circa Minoritas post Sixtum IV.

Tota dubitatio est de censuris latis à Prælati Minorum post Sixtum IV. de statutis Minorum factis in Capitulo Generali, vel Prouinciali, & declarationibus Prælatorum Minorum factis post ipsum Sixtum IV. an scilicet hæc omnia obligent hodie Minoritas ita ut peccent mortaliter & incurrant censuras contra illa statuta faciendo? Videtur enim quod non incurrant aliquid horum: quamuis enim Papa antecessor non possit ligare manus Papæ successoris ut citati quatuor Doctores dicunt: potest tamen Papa antecessor ligare manus Prælatorum Ordinis futurorum cum sint inferiores Papæ: cumque Sixtus IV. in illa concessione locutus

Sit de Prælatiſ, & Fratribus qui pro tempore fuerint, videtur quod futurorum Prælatorum Minoritarum ſtatuta, vel cenſuras noluerit hodie obligare ad mortale in conſcientia.

Sit prima conſuſio. In Ordine Minorum (idem dic de aliis Religioſis qui vellent communicare citato privilegio Sixti I V.) quandocumque ſtatutum aliquod, Generale, vel Prouinciale, prohibet, vel iubet aliquid per obedientiam, obligat ad mortale abſque dubio poſt Sixtum I V. quod probatur clarè, quia Sixtus I V. non loquitur citata Bulla de ſtatutis in poſterum faciendis, ſed de iam factis, vt patet ex illo verbo (*editis*) & declaratur quia tale ſtatutum continet obligationem voti obedientiæ. Et Sixtus I V. ibi non diſpenſauit in voto obedientiæ: neque decuit vt diſpenſaret in illo, aliàs corrueret totum regimen Religionis: imò credo neque potuiſſet Papam in hoc voto diſpenſare, etiam ſi vellet: implicat enim contradictionem, aliquem eſſe Religioſum, & non teneri ad obedientiam. Vnde colligo puniendum eſſe, vt ſcandalolum, & temerarium Religioſum dicentem non obligare ad mortale ſtatutum Ordinis præcipiens aliquid ſub obedientia.

Secunda conſuſio. Statuta, vel præcepta lata à Prælatiſ Prouincialibus Minoribus ſub cenſura, obligant ad mortale, & cenſura ligat contra facientes poſt illam conſeſſionem Sixti I V. Hæc eſt æquè vera atque præcedens, & probatur, quia Prælati Religionum ſunt verè Prælati, habentes iuriſdictionem externam, vt poſſint verè excommunicare ſuos ſubditos, vt probaui ſuprà *verb. Abbas. ex iure*, & Doctõribus communiter. Et conſtat ex praxi communi Eccleſiæ, & Religionum. Vnde noſtra ſtatuta Generalia Tolletana *titulo de pœna excommunicat.* dicunt puniendum eſſe veluti erroneum, & perturbatorem ordinis illum Religioſum qui dixerit non poſſe Prælatos Ordinis (etiam Guardianum) ſuos ſubditos excommunicare. Neque verò Sixt. I V. debuit hanc iuriſdictionem excommunicandi ab homine, vel per ſtatuta, adimere Prælatiſ Minorum, vergeret enim in damnum boni regiminis, quod aliquando con-

do constare nequit absque fulminatione censurarum: & quando id Sixt. I V. intenderet iam eius priuilegium, seu lex præceptiua quoad hoc cessaret per contrarium vsum per tam longos annos post Sixtum; per quos annos Prælati in Ordine concedunt statuta cum centuris, & absoluunt contrāfacientes. Constat verò ex supradictis quod priuilegium potest abrogari per contrarium vsum: & quod Prælati Religionum possunt explicare priuilegium Papæ: & illius vsum restringere, vel interdicere. Constat item quod lex Papæ (quando illa Sixti IV. concessio esset lex pura, & non priuilegium) constat, inquam, apud Iuristas communiter quod lex Papæ per contrarium vsum potest abrogari intra 40. annos, imò intra 10. annos, de quo latè Suarez *t. de Legib. lib. 4 c. 16. à n. 11.* citans multos, & dicens esse communem.

Tertia conclus. In Ordine Minorum statuta generalia non obligant ad mortale, nisi aliàs interueniat ibi alia obligatio legis naturalis, vel diuinæ positivæ, vel Ecclesiasticæ, vel si talia statuta sint posita sub censura, vel obedientia. Hæc est expressa in statutis nostris Tolleranis, *titulo de constitutionibus*, sub iisdem verbis: & hæc declarat duas præcedentes conclusiones; & est Regula Capituli Generalis cui Minoritæ stare debent: idem dic de statutis Prouincialibus. Circa quod statutum generale noto duo: primum est, quod statuta non continentia obedientiam, nec censuram, non obligant ad mortale, imò neque ad veniale, Nam ibi absolute dicitur, quod non obligant ad culpam: & cum lex non distinguat de culpa mortali nec veniali, neque nos debemus distinguere. Secundum, quod quando aliquod statutum Generale vel Prouinciale prohibet aliquid Prælati sub pœna suspensionis ab officio duorum mensium, talis transgressio est peccatum mortale: est enim statutum cum censura suspensionis. Vnde Guardianus scindens arborem absque licentia ob quam est suspensus, peccat mortaliter.

ADDITIO.

Vide suprà verb. *Lex*, hæc enim duo affinitatem habent. Maximè vide ibi *num.* 14

IN particulari verò pro Ordine Minorum recurrit admonitio facienda circa illud quod dixi suprà *eadem verbo Statutum à numero* 11. latè, posse videlicet hodie Prælatos, & Capitula generalia Minorum condere statuta obligantia ad peccatum mortale, & fulminare in illis vel extra illa censuras validas non obstante concessione quadam Sixti IV. ibi adducta, & à nobis explicata. Ibi enim *conclusionè* 3. pro vltima resolutione dixi statuta Fratrum Minorum condita post illam concessionem Sixti IV. si contineant obedientiam, vel censuram, obligare ad peccatum mortale: & illorum censuras ligare contra facientes. Postea gavisus sum inuenire declarationem Pij V. circa eandem materiam dicentes, declarantis, vel decernentis idem omnino quod ibi dixi. Habetur declaratio in Bullario Rodriguez *fol.* 982. *col.* 1. *num.* 28. vbi refertur illum circa Minoritas sic decreuisse: *Item concessit, quòd per quacumque statuta etiam Apostolica, non obligarentur Fratres ad aliquas censuras, seu pœnas Ecclesiasticas, vel ad peccatum mortale, sed tantum ad pœnas, seu pœnitentias per Prælatos iniungendas: non obstantibus quibuscumque Apostolicis, seu regulæ declarationibus: dummodo non sit contemptus, vel mandatum non sit impositum sub pœna excommunicationis, vel in virtute sanctæ obedientie.* Sic ibi. Nota vltima, in quibus Papa expressè decernit in tribus casibus statuta Minorum obligare ad mortale si primò sit contemptus præcepti: nam contemptus grauis, ac deliberatus præcepti, etiam de re leui, est mortale ratione contemptus. Secundò ait Papa peccari ibi mortaliter si statutum habeat annexam excommunicationem. Tertiò si in illo particulari ali

ri aliquid in virtute sanctæ obedientiæ. Quo nihil clarius ad intentum potest desiderari. Et hoc est quod in *ead. 3. conclusionem* dixeram. Quapropter contra oppositum dicentes, quasi contra temerarios in fide puto procedendum.

S T I G M A T A P. N.
Francisci.

1 **I**N comp. *ver. Stigmata P. Francisci* continentur primò quinque Bullæ diuersorum Pontificum commendantium dignitatem, & veritatem horum sacrorum stigmatum.

2 *Ibidem* etiam §. 6. continetur Bulla Alexandri I V: qua prohibet sub excommunicatione Papæ reservata, ne in Regno Castellæ, & Legionis aliquis audeat radere stigmata ab imagine P. Francisci. Et sub eadem censura prohibet ne quis prædicet prædictum Patrem caruisse illis veris stigmatibus. Et eos qui oppositum prædicauerint priuat officiis prædicandi, legendi, & confessiones audiendi.

3 *Ibidem* etiam §. 7. generaliter excommunicantur ab eodem Papa omnes detractores, contemptores, & irrisores horum stigmatum, & hanc censuram reservat Sedi Apostolicæ.

4 *Ibidem à numero 9. & sequentibus* continentur tres Bullæ Sixti I V. prohibentis sub excommunicatione ne aliquis depingat aliquam imaginem alicuius Sancti, maximè B. Catharinæ Senensis, cum his stigmatibus. Et in prima Bulla probat Papa D. Catharinam illis caruisse, quia si, inquit, illa talia stigmata haberet proculdubiò Pius I I. qui illam retulit in catalogum Sanctorum id sciuisset per examen suæ vitæ factum ante canonizationem, & si ita esset omnino rem tantam non sileret in Bulla canonizationis: in qua tamen Pius nihil omnino ea de re dixit. Quæ est ratio in moralibus pene euidens.

5 S. D. Paulus V. promulgauit licentiam generalem omnibus Clericis Regularibus, & sæcularibus, vt possint recitare Diuinum officium de Stigmatibus Patris nostri Francisci, quod incidit die 17. Septembris.

6 Is qui impressit hæc stigmata B. Patri non fuit Angelus, sed ipsemet Christus D. Sic Piza *in lib. confirmat. lib. 3. fruct. 32. fol. 304. colu 2. in medio*, referens apparitionem Patris Francisci factam cuidam deuoto Religioso, quem hac de re edocuit ipse Pater. Consonat quod dicitur in hymno eiusdem festi in Breuiario Minorum, cum dicit de Patre recipiente stigmata. Ad quem venit Rex è cœlo, amictu Seraphico, &c. Stigmata Pat. nost. sunt canonizata ab Ecclesia. Nam habent ab illa diem festum assignatum: & tot testimonia Pontificum publica: Canonizatio verò, non solum cadit supra Sanctos, sed etiam supra mysteria, vel supra festorum assignationem: in qua assignatione festorum Papa non potest errare. Est autem canonizatio testimonium publicum datum ab Ecclesia, de sanctitate, festo, vel mysterio, vt latè & bene probar D. Frater Aegidius *lib. 1. de Concep. Deipara. fol. 9. & lib. 3. fol. 307. citans Suarez n. 1.*

A D D I T I O.

1 **D**ominus P. Paulus V. concessit Fratribus Minoribus de Observantia vt singulis mensibus semel quouis mense recitarent Officium de Stigmatibus P. N. Francisci prima die cuiusque mensis non impedita aliquo festo nouem lectionum: excepto tempore Quadragesimæ, & Aduentus Domini: & hoc Officium diceretur ab Observantibus Minoritis sicut approbatum, & concessum prius fuerat pro Fratribus Minoribus Conuentualibus. Circa quod noto sequentia.

2 Primò, circa id quod dicit posse id officium recitari prima die mensis non impedita, non excludere, quin, si fuerit impedita prima dies possint idem Officium

cum dicere secunda die, sexta, vel decima, vel vigesima, & sic de cæteris vsque ad finem talis mensis. Hoc enim concessio sonat, aliàs parvam gratiam concederet papa, si impedita prima die mensis alio festo, amplius non liceret intra illum mensem, illud Officium recitare. Nam quinque, vel sex menses in prima die afferunt festa nouem lectionem. Secundò, Papa excipit tres menses Aduentus, & Quadragesimæ. Tertiò, multæ dies Dominicæ incidunt in primam diem mensis. Si ergo impedito primo die mensis in anno aliquo festo nouem lectionum non liceret amplius tale Officium recitare, parum fauorabile esset priuilegium: maxime cum vltra prædicta, multi dies infra octauæ, vel ipsæ octauæ incidant aliquando prima die mensis. Adde quod Officium defunctorum obligans in choro prima die mensis non impediti, reseruatur ad quemcumque diem eiusdem mensis etiam ultimum non impeditum.

Postea idem D. Paulus V. concessit vt omnes alij præter Minoritas possent dicere Officium Stigmatum P.N. Francisci in suo proprio die semel in anno, verb. grat. 17. Septembris. Habetur concessio in Breuiariis nouis Antuerpiæ anno 1616. apud Moretos in offic. Minorum die 17. Septembr.

SVBORNATIO.

Subornatio est suasio, qua suadetur aliquid verum, vel falsum, in bonum vel malum finem. Sic definit Cardinal. apud Rodriguez tom. 2. *questione* 56. *art.* 1. Hæc autem est duplex: alia est subornatio bona, qua suadetur bonum, & verum in bonum finem: id est, suadentur veræ, ac bonæ qualitates eligendi ad bonum finem Reipublicæ. Subornatio mala, est per quam suadentur falsæ partes hominis indigni, vt eligatur in damnum Reipub. Et hæc subornatio mala potest fieri voce, donis, minis, precibus, & similibus.

2 Quando iura, maxime Bullæ Pij V. & Gregor. XIII. erga Minoritas, prohibent cum rigore subornationes ante electionem, & excommunicant subornatores, non prohibent, neque excommunicant bonam subornationem qua scilicet suadetur, & procuratur ut eligatur dignior; vel æquè dignus: nam hoc interest Reipublicæ. Et finis Papæ iste est, ut per subornationem, non eligatur indignus vel minus dignus. Solùm ergo prohibet subornationem malam, qua scilicet suadetur, ut eligatur minus dignus, vel indignus. Nau. l. 5. *Consil. titul. de constitut. consil. 7. fol. 639. num. 7.* & Rodr. tom. 2. *quæst. 56. art. 1.*

3 Non est subornare conferre adinuicem quis sit dignior ut eligatur, & rationes ad inuicem pro vtriusque meritis adducere. Statuta generalia Tolletana *verb. Subornatio.* Et inde videtur colligi, quòd si aliquis solùm petierit ab alio ut det suffragium pro tali indigno, vel minus digno, si, inquam, hoc petierit simpliciter, non suadendo, neque minis, neque donis, neque precibus importunis, neque persuadendo falsas illius qualitates, sed solùm leuiter petendo: talis peccabit mortaliter, quia agit pro indigno, vel minus digno, non tamen videtur incurrere pœnas impositas subornantibus, quia non suadet: dictum est enim quod subornare, est suadere: aliud verò est suadere, aliud simpliciter petere. Et plus dicit suadere quàm petere.

4 Subornatores malè in Ordine Minorum, sunt excommunicati, & priuati voce actiua, & passiuæ. Et quidem excommunicationem incurrunt ipso facto absque vlla declaratione, Quod verò attinet ad priuationem vocis actiua & passiuæ, Rodriguez *citato artic. 1.* cum Soto, Cordub. tenet probabilius non incurri ipso iure saltem in foro externo: nisi quando diffamatus iam est ipse subornator, & in iudicio negat. At Suarez *de Legibus, lib. 5. cap. 9.* in simili materia tenet oppositum, & dat rationes quas vide. *ibi.*

5 Prædictas pœnas incurrit subornator, etiamsi non sequatur effectus ex parte subornati, id est, etiamsi subornatus, vel pro quo subornatur, non eligatur. Rodr.

Addit.

Addit. ad Sum. tom. 4. cap. 141. citans, ac sequens Suarez & retractat ibi quod tenuerat in contrarium in 2. tomo Questionum Regularium; videlicet quod non secundo effectu subornationis, non incurrerantur poenae: hoc, inquam, retractat.

SUSPENSIO.

Vide suprà verb. *Sacramenta*, num. 14. & verb. *Ordines sacri*, n. 13. & 14. per totum. & toto ipso verb. *Ordines*.

1 **S**uspensio illa est posita in corpore iuris, & dicitur à iure: alia ab homine, id est, quæ à particulari Iudice imponitur, ob crimen particulare. Rursus alia est suspensio ab officio: alia à beneficio: alia à sacris Ordinibus: alia ab Ordine suscipiendo tantum, non à susceptio: & sic de aliis quæ omnino videnda sunt in verbis sententiæ debet enim Iudex exprimere à quo, vel à quibus suspendat: & verbis illius standum est cum restrictione, quia est lex valde poenalis.

2. Suspendio ab officio non est priuatio officij, sed solum priuat usu ipsius per certum tempus, in sententia designatum. Durante verò tempore suspensionis, peccat mortaliter suspensus, si se ingerat officio sibi prohibito. Contrariatur enim per hoc censuræ directè id prohibenti, & est in materia grauissima. Est communis in Doctorum: non tamen manet irregularis ob solam executionem officij, sed arbitrio puniendus est. Suarez *tom. de censur. disp. 26. sect. 2. num. 30.* Si verò suspensus exerceat actum Ordinis manet irregularis, erit autem actus Ordinis exerciti validus excepta absolutione sacramentali: hæc enim non valebit data à suspenso. Suarez *tom. de censur. disp. 26. num. 30.* Et hîc etiam aduerte proximè notatum quod scilicet videantur verba sententiæ à quibus suspendat, an solum ab officio, an etiam à beneficio, & cæteris officiis Ecclesiasticis.

3 In iure communi fulminantur tredecim suspensiones contra Religiosos, de quibus in Summa etiam desumit *Rodr. tom. 3. quest. 65. art. 2.* Et ego adhuc brevius sic summo

Prima contra recipientes Ordines sacros absque reuerendis suorum Prælatorum.

Secunda contra Prælatos, alienantes bona suorum Conuentuum absque debita solemnitate. De quo supra *verb. Alienare, ver. Procurator, & ver. Syndicus.*

Tertia contra Prælatum subiicientem laicis bona immobilia Ecclesiæ, vel iura illius, absque licentia Papæ.

Quarta contra Prælatum in Ordine Minorum, & Prædicatorum admittentem Nouitium ad professionem, non finito probationis anno: & talis Prælatus solum suspenditur à receptione aliorum Nouitiorum. *Sayrus lib. 4. de censur. cap. 13. n. 13.*

Quinta contra Religiosos vsurpantes sibi decimas Parochiæ, absque priuilegio, & hi suspenduntur ab officio, & beneficio.

Sexta contra Prædicatores non facientes conscientiam de decimis, iis quorum confessiones audiunt.

Septima contra Abbates, & Priores, si sotulares non corrigiatis, & altos, vel non Capucia non scissa porterint, per præsumptionem; sicut habet *ibi* Rodriguez, sed de hoc videant ipsi Ordines qui habent Abbates, & Priores.

Octaua contra Religiosos, qui ex administratione Eucharistiæ, Extremæ unctionis, vel Matrimonij solemnem, aut quacumque absolutione indebita, aliquid acqussierint, nisi restituant intra mensem postquam fuerint requisiti.

Nonna contra Fratres Prædicatores qui promoti ad Episcopatum, non renunciat, seu reddunt Ordini libros, & alia quæ habebant tempore promotionis. Et suspenduntur ab Officio Pontificali.

Decima contra Fratres Prædicatores perturbantes in Officio sanctæ Inquisitionis Fratres Minores, & e contra.

Vnde

11. Vñdecima contra Prælatum, qui intra mensem non satisfacit damnum datum per suum subditum detrahentem Prælati Ecclesiæ postquam fuerit requisitus. Vide *suprà ver. Episcopus. num. 8.*

Duodecima contra Prælatum, qui non satisfacit damnum datum, per subditum impediētem ne testator relinquat legatum suæ matri.

Decima tertia contra Prælatos, qui intra Monasteria admittunt fœminas. Hæc *ibi* Rodriguez, vbi citat loca in quibus prædictæ censuræ fulminantur: quæ vide *ibi*. Ego solum aduerto, aliquas ex *ibi* citatis parum esse in vñu, vel saltem parum frequētes. Et dico multas alias suspensiones contineri in multis alijs particularibus, quas moraliter loquendo impossibile est recensere. Videant illi quorum interest, vel observare, vel recensere. Ego enim id non profiteor.

4 Si Prælatus sit suspensus, vel excommunicatus per aliquam legem, non debet evitari, & ab officio cessare donec declaretur per Iudicem competentem, maxime si crimen occultum est. *Extrauagans ad evitanda. de sententia excommunicationis.* Neque ista declaratio potest fieri absque citatione culpatis, siue sit Prælatus siue subditus: vel si citatus contumax non compareat. Facta verò interim à Prælato supradicto valent in suis officiis. Rodriguez cum Nauarro, & alijs quos *cit. tom. 3. quest. 65. art. 7.*

5 Suspensus tantum à diuinis potest audire Missam: communicare Eucharistiam; & recipere Sacramentum pœnitentiæ: nam suspensus à diuinis, ab his non arcetur, vt colligitur *ex capit. si quis Episcopus 11. questione 1.* & tenet Rodriguez *citata questione 65. articul. 8.* Solum enim prohibet suspensio à diuinis, executionem officij, audire verò Missam, & cætera proximè dicta, non pertinent ad officium. Quod attinet ad potestatem absoluendi subditos à suspensione, præter dicta *citato verb. Ordines sacri. numero 14.* vide etiam *verb. Dispensare, & verb. Prælatus ad absolendum.*

6 Apostata si ordinatur Ordine sacro in apostasia manet,

manet suspensus ipso iure : tum quia ordinatus est in excommunicatione ; tum quia pro tunc inhabilis³, & proinde duabus indiget absolutionibus , si durabat apostasia quando fuit ordinatus. *Suar. tom. de censur. disput. 31. sectio. 6. num. 1.*

7 Ordinatus per saltum manet ipso iure suspensus, tum ab Ordine iam recepto , tum etiam à recipiendo. *Nauarr. in Summ. cap. 27. num. 142. & Suarez de censur. disp. 31. sect. 1.*

8 Recipiens Ordinem sacrum ante ætatem , si prius fecit diligentiam moralem ad se certificandum , & tamen deceptus , recepit Ordines non manet suspensus, quia fecit bona fide : *suprà verbo Ordines sacri. num. 13. & Sanchez lib. 2. de Matrim. disp. 41. n. 38.* quia ius solum suspendit præsumentes.

9 Suspensio poni debet in scriptis , aliàs non obligat, & ponens illam peccat mortaliter. *Rodr. tom. 4. Addit. cap. 143. num. 11.* vbi ait quod si Prælati dicat verbo tenus alicui Religioso, ne ministret Sacramenta, vel tale, aut tale Sacramentum , talis prohibitio non est suspensio, neque censura, & proinde contrafaciens peccabit mortaliter, sed non erit irregularis.

Quod verò hæc suspensio in scripto authentico ponenda sit, habetur *cap. 1. de sententia excommunicat. in 6.* Et præterea in eodem scripto debet contineri causa ob quam fertur suspensio, & idem dic de excommunicatione. *Suarez tom. de censur. disput. 3 sect. 13. à num. 2. & sequentibus.* Et Prælati ponens censuram suspensionis, excommunicationis, vel aliam absque scripto manet suspensus : & si durauerit in illa suspensione per mensem, & officia diuina fuerit executus manet irregularis. *Suarez loco citato, num. 8.* Addit tamen ibi quod si feratur suspensio, vel excommunicatio absque scripto, quidquid sit de peccato, & pœna sic ponentis, censura posita est valida. Vide tamen quæ diximus *suprà verb. Excommunicare n. 1.* huc enim spectant : sed Doctores strictius loquuntur de suspensione, & in illa non admittunt excusationem, si feratur absque scripto.

10 Suspectus ab Ordine inferiori, suspenditur etiam ab Ordine superiori. Si tamen exequatur Ordinem superiorem non manet irregularis, sicut manet exequens Ordinem inferiorem à quo expressè fuit suspectus. Sayrus *libr. 4. de censur. capit. 3. numer. 2. & 10.*

11 Quando suspensio ponitur indeterminatè, absque limitatione temporis durat ad beneplacitum suspendentis: at quando fertur usque ad tempus certum, v. g. duos menses, transacto dicto termino finitur suspensio: neque tunc est necessaria nova absolutio superioris ut exequatur suum officium. Suarez *rom. de censur. disput. 26. sect. 1. numer. 14. & sequent.* Et idem dicit quando suspensio lata est sub aliqua conditione, ut si suspendatur donec satisfaciatur, vel quid simile: tunc enim expleta conditione ex parte suspensi, cessat suspensio absque ulla absoluteione Iudicis: hæc enim tunc est mens legis, vel Iudicis. Hoc intellige de suspensione, quæ non est lata ob contumaciam, hæc enim indiget absoluteione: secus de illa, quæ lata est in pœnam pro tempore limitato.

12 Suspensionis tempus quoad durationem debet esse completum, & numeratum ab hora qua publicatur sententia, si est ab homine: si verò est suspensio à iure debet computari tempus ab hora commissi delicti, usque ad horam proportionalem in qua finitur mensis, vel annus præfixus in sententia, vel in iure. Suarez *rom. de censur. disputatio. 29. sectio. 1. numer. 4. & sequentibus.*

13 Ut absolvatur suspensio, vel tollatur, quando per absoluteionem Prælati tollenda est, debent intervenire verba significantia illum effectum tollendi illam censuram. Ordinaria sunt: *Absolvo te ab ista suspensione*: sed non requiruntur hæc verba determinata, sufficiunt alia quæcumque per quæ mens Iudicis intelligatur esse illam tollere. Est communis Doctorum, & potest colligi ex traditis circa formam Sacramentorum: & melius circa tollendam excommunicationem.

14 Quando in iure ponitur depositio ab officio, & intelligitur privatio ob Officio, quod est plusquam suspensio. Abbas *ad capit. insinuatum, de simonia, & cap. querelam.*

querelam. de iureiurando, & Doctores communiter.

15 Ille qui ordinatur non seruatis interstitiis, ita vt inter subdiaconatum, & ceteros superiores Ordines, deficiat annus, incurrit suspensionem: non verò incurret si desit annus inter Ordines minores: Concilium enim solum loquitur de Ordinibus maioribus, & de minoribus inter subdiaconatum, remittitur ad vsum Prouinciæ. Suarez *de censur. disputatione. 31. sectione. 1. numero 43.* Neque item incurret si pro anno requisito interstitij dispenset Episcopus ex causa.

16 Propter sodomiam si est publica, vel publicata per sententiam, incurritur suspensio. Nam Pius V. in sua Constitutione contra hoc crimen iubet in illo culpato siue sint Clerici sæculares, siue Regulares, carere omni officio, beneficio, & dignitate Ecclesiastica, quæ verba plusquam suspensionem indicant, imò priuationem. Vnde iam suprâ diximus non posse Prælatos cum huiusmodi dispensare, propter notabile scandalum ex isto vitio ortum. Imo notat Suarez *disp. 31. sectio. 5. numero 2.* hoc verum esse, siue delinquens notatus sit publica infamia, siue non: requiritur tamen vt sit vitium consummatum. Vnde non sufficient ad hoc tactus impudici contra naturam. An verò ad has pœnas incurrendas, sufficiat semel tantum hoc vitium commisisse, an verò requiratur exercitium multorum actuum, dictum est suprâ *ver. Pœna. num. 7.* Suarez verò *numero proxime citato* requirit exercitium multorum actuum. Putat tamen *ibid.* & bene has pœnas non obligare reum in foro conscientie quando crimen est occultum.

Alia pertinentia ad suspensionem, quia non adeò concernunt Regulares, omitto: videantur apud Summistas *verb. Suspensio*, & alios.

SYNDICVS MINORVM.

1 **H**Æc materia, solum, vel præcipuè pertinet ad Minoritas. Est ergo Syndicus Minorum quidam Procurator Sedis Apostolicæ ipsius nomine constitutus,

stitutus. Alij verò Conuentus aliorum Religiosorum, habent suos Syndicos seu Procuratores factos, seu creatos à Conuentibus modo supradicto in *verbo Procurator*, qui non habent tantam authoritatem sicut habet Syndicus Minorum. Rodriguez *tom. 3. question. 39. art. 2.*

2 Hic Syndicus Minorum nominari debet à Prouinciali: & non potest eligi, seu nominari à Guardiano, nisi Prouincialis hoc illi specialiter committat, vt potest. *Ibidem Rodrig. art. 1.*

3 Habet facultatem procurandi in omnibus causis, & locis Minorum ad Rom. Ecclesiam spectantibus, & Fratrum vsui concessis: & pro immunitatibus, libertatibus, iuribus, & priuilegiis Fratrum, & Conuentuum: potest etiam alienare bona Fratrum, permutare, &c. de quibus Compend. Minor. *verb. Procurator*, §. 3. vnde videas Procuratores aliorum Ordinum non habere tam amplam facultatem. Si tamen in aliquibus bonis donatis Minoribus ipsi dantes sibi reseruant dominium, & solum vsum Fratribus concesserunt, in his bonis non potest Syndicus aliquid immutare, quia directè non pertinent ad sedem Apostolicam, sed ad dominum dominium reseruantem. *Collector priuileg. in cit. loco Compendij.*

4 Idem Collector Compendij *cit. verb. Procurator*, §. Sciendum, & sequentibus, facit sequentem notationem: quòd scilicet Conuentus Minorum non habens Syndicum ponit se in periculo frangendi Regulam. Vix enim inuenietur Conuentus quantumcunque reformatus, qui Syndico non indigeat: homines enim sunt qui ibi viuunt, & sapius opus habent ad pecuniam recurrere, quod facere non possunt nisi per Syndicum qui est Procurator assignatus à Papa pro Regulæ obseruatione: & sine illo pecuniæ contrectatio Minoritæ omnino prohibita est.

5 Clemens V I I. in Compend. *cit. ver. Procurator*, §. 13. concessit, vt Syndicus Minorum in causis ciuilibus, vel criminalibus ipsum tangentibus non teneatur respondere nisi coram Iudice conseruatore ipsorum Fratrum. Quod saltem puto debere intelligi de causis predictis

dictis ipsum tangentibus ratione officij, quæ sunt causæ Ordinis: in his enim clarissimum est coram solo Conseruatore Ordinis debere conueniri. Secus de causis Syndicum tangentibus quatenus talis persona est.

At Rodriguez *tom. 3. questione 39. articul. 4.* conrendit, hoc intelligi etiam de causis Syndici quatenus talis persona est, & homo Reipublic. & de causis suis propriis. Et ponit exemplum in familiaribus sancti Officij. Et quidem mens Papæ *citato loco Compendij*, hæc esse videtur. Nam cum ibi dicat, pro causis criminalibus Syndicum debere conueniri coram Conseruatore, clarissimè supponitur loqui de causis criminalibus ipsius Syndici: nam res notissima est quòd Minoritæ pro causis criminalibus non citantur coram Conseruatore, sed coram suo Prælato. Et proinde ibi loquitur expressè de causis Syndici, vt persona est. Solùm video posse allegari hoc non esse in vsu: at non multum erat si hoc priuilegium à Regibus illi conseruaretur, si quidem est Procurator Papæ. Si alicubi verò consuetudo hæc vigeat, retinenda omnino est. Et forè contra hoc priuilegium non datur præscriptio non vsus, quia à Clemente VII. vsque ad præsentem diem non decurrerunt anni centum: & præterea multi post illum Pontifices confirmarunt nostra priuilegia ex certa scientia, & de plenitudine potestatis: ita vt tale priuilegium diuersis ex capitibus perdi non potuerit. Et si hoc priuilegium robur obtineret multi se offerrent ad officium Syndici ditiores, ac nobiliores, qui magis Conuentibus proficerent, & pro illis magis pugnarent.

§ Dubium est apud solos Minoritas, an pecunia data pro necessitatibus Fratrum, quandiu non consumitur, & est in manu Syndici, sit sedis Apostolicæ, seu Papæ: an verò illius dominium maneat pro tunc apud danrem? Rodriguez *tom. 3. questione 39. art. 4. 5.* *Ex quibus sequitur*, resolutè tenet manere sub potestate Papæ, & ideo quia pecunia iam est Papæ non potest deponi nisi in manu Syndici, quia est procurator Papæ. Et ita determinatum esse per Martinum V. & Paulum I V. Vide

Vide ibi tenorem Bullæ Pauli I V. quam citat. Et hæc ratio me conuincit ad tenendum cum illo, quidquid alij dicant manere dominium apud dantem. Si enim dans in rigore maneret dominus posset illa reponi extra Syndicum: quod totus Ordo proclamar, seu contra clamat.

6 Possunt Syndici Minorum dare licentiam Religioso imprimendi libros, vt de lucro impressionis aliquid dent parentibus pauperibus, vel personis bene meritis de Religione: talis enim Syndicus cum sit Procurator Papæ, habet potestatem alienandi etiam in vtilitatem Ordinis: dare verò tunc illis personis, redundat saltem indirectè in vtilitatem Ordinis. Rodrig. *Addit. ad Sum. tom. 3. q. 158. n. 10.*

7 Potest Syndicus Minorum petere in iudicio bona acquisita per Fratres Apostatas, vt expendantur in necessitatibus Fratrum. Concessit Leo X. Minoribus, citat Rodriguez *Addit. ad Summ. tom. 3. c. 21. n. 7. & ibidem n. 8.* ait non teneri Syndicum soluere debita quæ fecit Apostata in Apostasia, si non affert vnde soluantur: nam illa fecit absque licentia Prælati.

De priuilegiis erga Syndicum tempore interdicti, vide suprâ verbo *Interdictum*, titulo *de illis quæ possunt Regulares tempore interdicti*. Indulgentias verò illis concessas ratione officij, vide *Compend. verb. Procurator. § 12.* gaudet enim Indulgentiis concessis ipsis Fratribus, cum moderatione iam dicta per reuocationem Pauli V. domini nostri. Affert verò Rodriguez *tomo 3. questione 38. articulo 1.* priuilegium Regum Castellæ in fauorem Syndici, quod saltem in Portugallia non video esse in vsu. De aliis verò pertinentibus ad Syndicum, videant Minoritæ Declarationes Pontificum, & sua statuta generalia, quæ prosequi non est meum intentum.

A D D I T I O.

Syndicus in Ordine Minorum, est Procurator Papæ, qui nomine ipsius Papæ omnia bona Minoritarum mobilia, & immobilia potest dispensare vendendo, commutando, alienando, &c. Qui voluerit videre iurisdictionem syndici commissam illi auctoritate Apostolica, legat Bullarium Rodriguez folio 92. Bullam Martini IV. Vbi continetur potestas & iurdictio: illius forma autem, ac tenor verborum quo Prouincialis debet illum nominare, & constituere, habetur in Enchiridione Minoritarum ad finem, ibi vide: omitto enim hîc transcribere formam tum Bullæ, tum Enchiridionis, breuitatis gratia: vt veniam ad maiora, & magis communia.

T E R T I A R I I.

Vide suprâ verbo *Habitus*, num. 5. & verbo *Interdictum*, num. 10.

Tertiarij Ordinis Minorum viuentes in communitate sunt veri Religiosi, & gaudent omnibus priuilegiis, exemptionibus, gratiis, & immunitatibus, concessis Ordini Minorum, per Bullam Pij V. & Greg. XIII. apud Carilum l. 1. de Tertiariis c. 11. & hoc intelligitur etiam de exemptione à potestate Iudicum sæcularium; & Ecclesiasticorum. Idem intellige de Tertiariis Sancti P. Dominici, & viuentibus in Congregatione. Comp. ver. Tertiarij. § 9. 10. & 14.

2 Hæc priuilegia, & immunitates non habent Tertiarij particulares, viuentes in domibus suis extra communitatem; licet enim in capit. 11. *Regula Tertiariorum istorum*, id illis concesserit Nicolaus IV. postea Pius

Pius V. & Gregor. XIII. hoc reuocarunt quo ad viuentes extra communitatem propter bonum pacis communis, maximè circa exceptionem, vel exemptionem à tributis. Capucinus *verb. Tertiarij §. secundo notandum.*

3 Dicti Tertiarij in suis domibus extra communitatem viuentes, gaudent omnibus Indulgentiis concessis Fratribus Minoribus, (intellige hodie concessis à Domino Paulo V. iuxta prædicta) Compendium, *verbo Tertiarij. §. 11. cum Notatione ibi Collectoris: & Rodriguez rom. 3. question. 73. articul. 1. & Carrilus citato capite.* Vbi etiam aduertit, quod prædicti Tertiarij extra communitatem viuentes, gaudent priuilegio Canonis *si quis suadente*, dummodo possint habitum iuxta decretum in Regula ipsorum: idque probat ex Rodriguez. In quo non dissentio ab illis. Si enim suprà *verbo Manus violenta numero 7.* diximus ex Vega, Commendatores Militares, Christi, Sancti Iacobi, & cæteros gaudere illo priuilegio, cum hi duo contrahant matrimonium, & aliquando non vestiantur honestiùs, quàm isti Tertiarij: etiam de his Tertiariis dicere possumus, quod gaudeant illo priuilegio, tanquam personæ Deo dicatæ. Solùm timeo, hoc non esse receptum in vsu. Habitus autem, seu modus vestium horum Tertiariorum habetur in Regula illorum *cap. 3.* vbi in summa dicitur, quod vestis illorum sit vilis, in pretio, & in colore: neque omnino sit alba, neque omnino nigra, nisi per Visitatores de consilio Prouincialium fuerit dispensatum. Item, quod vestes non habeant scissuras, vulgo, *Golpeados*, sed sint honestæ. Circa vestem fœminarum eadem ferè ibidem dicuntur, quæ vide. Vnde non dubito quin hi prædicti, si habitum ibi præscriptum possint, gaudeant dicto priuilegio Canonis propter causam proximè dictam.

4 Hi Tertiarij viuentes extra communitatem non sunt verè ac propriè Religiosi, quia non promittunt illa illa vota essentialia. Est tamen Ordo illorum sic viuentium extra communitatem verus Ordo ab Ec-

clesia approbatus. Ordo autem quoad hoc latius pater, quàm Religio. Est enim Religio quid strictius ratione trium votorum : & verbum *Religio* à religando dictum, id sonat. Quod non sonat Ordo : sed verbum Ordo sonat directionem , & ordinationem aliquam quam isti Tertiarij habent ex Regula. Carrilus *lib. 3. Tertiariorum. cap. 5.*

5 Hi Tertiarij viuentes extra Congregationem , licet promittant , modo voti , seruare mandata Dei , ex vi huius voti , quando violant aliquod præceptum Decalogi , non peccant particulari circumstantia voti in confessione declaranda , ita vt sit duplex peccatum. Illud enim votum , non est votum propriè , vel votum speciale : sed est votum analogicè non inducens particularem obligationem peccati , etiam venialis. Explicatur hoc iuxta illud quod multi Patres dixerunt , nos in baptismo promittere , & vouere seruaturus nos esse mandata Dei. Tale enim votum in Baptismo non est votum propriè , seu speciale , neque inducit obligationem aliquam peccati ratione voti , etiam venialis : sed solùm habet vim directiuam. Ita responsum fuit Conimbricæ , anno 1608. per sex Doctores lectores , inter quos fuit vnus Pater Suarez , quorum dicta vide apud Carrillum *citato lib. 3. ad finem.* Addit tamen Suarez *ibi citatus* quod peccatum verb. grat. furti factum à professo Tertiario , habebit cæteris paribus maiorem grauitatem intra eandem speciem : non quod sit diuersum specie ratione voti. Et quando tales professores vouent , intendunt se obligare eo modo quo Sum. Pontifices explicarunt illam regulam , videlicet quod non teneantur ratione Regulæ ad vllum peccatum.

6 Prælati Minorum suprâ hos Tertiarios viuentes extra communitatem non habent vim coactiuam , habent solùm vim directiuam : perquam solùm possunt illos docere , ac dirigere , non punire. Ac proinde si tales Tertiarij Prælatis Minorum non paruerint quoad hanc viam directiuam , non peccabunt venialiter. Rodrig. *tom. 3. quest. 69. art. 1.*

7 Tertiariæ seu Beatæ viuentes in domo particulari profitentes Regulam Nicol I V. si promittant in particulari castitatem, licet non maneant verè Religiosæ, quia non promittunt tria vota, nihilominus gaudent priuilegiis & immunitatibus illius Ordinis Tertij, cuius Regulam sunt professæ, & sunt exemptæ à iurisdictione Ordinariorum. *Compend. verbo Tertiarij. § 20.* Et Leo X. in Concil. Lateranensi. Et sic declarauit Romæ Congregat. Cardinalium circa illas : quam declarationem ponit in terminis Cartillus *citai. lib. 3. cap. 5.* Neque mirum quia alij Tertiarij viuentes extra communitem, non promittunt castitatem : sed solùm vouent mandata Dei, modo suprâ exposito. At istæ Tertiariæ vouent in particulari castitatem, non conjugalem, sed absolutè, & manent cum habitu Ordinis, & sub obedientia Prælatorum, & hoc est verum etiamsi non voucant obedientiam, & paupertatem, sed solam castitatem.

8 Illi qui vulgo dicuntur Donati, si viuunt intra Conuentum Tertiariorum profitentes illorum Regulam, eamque seruantes, gaudent eisdem priuilegiis, & gratiis quibus gaudent Fratres illius Conuentus. Aduertit tamen Cartillus *citato cap. 5.* quod vt iste Donatus gaudeat priuilegiis illorum Fratrum, debet præterea interuenire pactum scriptum inter illum, & Conuentum, per quod Conuentus obliget se ad illum semper alendum : & similiter Donatus obliget se ad seruiendum tota vita in illo, vel alio Conuentu assignato. Et hoc posito debet stare correctioni Prælati : & tunc nec poterit exire, neque expelli ratione pacti.

9 Moniales Tertij Ordinis quæ in Hispania subduntur Ordinariis, non gaudent priuilegiis concessis Fratribus Minoribus : sed solùm gaudent illæ quæ subduntur regimini Minorum. *Rodr. tom. 3. quest. 73. artic. 1.* Excipit tamen ibi Conuentum S. Ursulæ Salmanticæ, & super hoc ait se fecisse diligentiam. Excipe si fortè illæ subditæ ordinarij particulare priuilegium communicationis impetrarunt.

10 Potest Generalis, & Prouincialis Minorum, &

illorum Vicarij priuate habitu suos Tertiarios extra Congregationem viuentes, si id qualitas excessus postulauerit. *Comp. ver. Tertiarij. §. 8.*

11 Tertiarij Minorum viuentes in Congregatione subduntur Generali Minorum per Bullam Pij V. apud Capucinum *verb. Tertiarij. fol. 394.* vbi ponit alia contenta in eadem Bulla circa iurisdictionem Generalis erga illos.

ADDITIO.

Dixi suprà hoc *eodem verb. num. 11.* Pium V. Tertiarios viuentes in Congregatione fecisse subditos Generali Minorum de Observantia, *loco ibi citato* apud Capucinum. Et quia illa Bulla ibi citata, & relata ad longum in Bullar. Rodrig. *fol. 970.* iubet vt totus Ordo Tertiariorum sit subiectus generali Observantiæ: & quævis Prouincia Tertiariorum esset subdita Prouincialibus Observantiæ, illius territorij respectiue, cuius oppositum hodie videmus: aduerto quod postea in Bullario Rodrig. *fol. 1197. col. 1. in principio* tempore Clementis VIII. Cardinalis tunc protector declaruit, quod prædicti Tertiarij non obedirent Prouincialibus Observantiæ, sed suo proprio Prouinciali in Portugalia, ac Ministro, & Commissario Generalibus Ordinis Observantiæ.

z Post suprà dicta contigit casus subsequens in quodam Episcopatu valde remoto. Duo Sacerdotes in eremo iuxta vnam ciuitatem cœperunt cum habitu Tertiariorum, qui non viuunt in communitate suo bono exemplo aliquos ad se allicere, quibus ipsi habitum Tertiariorum Ordinationum concedebant. Creuit multitudo sufficiens vt viuerent in communitate, & promiserunt obedientiam Episcopo illius Diœcesis in forma Religiosorum Tertij Ordinis viuentium in congregatione: hoc vno excepto, quod non portant habitum cum Capucio sicut alij. Tertiarij Ordinarij viuentes in congregatione: sed portant habitum,

bſtūm, quoad formam ſimilem ſæcularibus : in colore
verò ſubcineritio, ac Religioſo.

Quæſitum fuit, an tales Tertiarij viuentes in iſta
ſic congregatione licitè poſſent ſe ſubdere Epifcopo
Dioceſis : An verò tenerentur promittere obedientiam
Generali Minorum Obſeruantiæ ? Et quia informatio
caſus non plenè fuit propoſita : cum diſtinctione ſic re-
ſpondi ad caſum, qui poteſt alibi contingere.

3 Si iſti Tertiarij viuentes in congregatione emit-
tunt tria vota eſſentialia, non poſſunt, nec poterunt
ſe ſubdere Epifcopo : & ſubiectio facta fuit nulla : pro-
batūr expreſſè ex Bulla Pij V. in Bullar. Rodriguez *fol.*
671. vbi Papa omnes Tertiarios viuentes in congre-
gatione facit ſubditos Generali, ſeu Prælatiſ Minorum
(loquor ſemper de Tertiariis Patris N. Franciſci)
& præterea omnibus, ac ſingulis prædictis Tertiariis
præcipit in virtute ſanctæ obedientiæ, vt obediant
prædictis Prælatiſ Minorum. Quod idem præceperat
Sixtus III cuius verba citat Rodriguez *tom. 3. qq. q. 72.*
art. I. concl. 3. conſtat idem ex Papa Leon. X. qui fecit
Regulam Tertiariorum viuentium in congregatione.
(habetur in Compendio Capucini *ad finem Compendij*
fol. 43.) in cuius Regulæ *cap. 5.* præcipit papa hoc mo-
do : *Obedient per omnia Prouincialibus Miniſtris Or-*
nis Minorum. Et in fine prædictæ Bullæ pius V. facit
Commiſſarios ad illam exequendam perſonas in di-
gnitate conſtitutas, vt contra omnes rebelles proce-
dant, &c. Quo poſito non poſſunt prædicti Tertiarij
in congregatione viuentes dare obedientiam alteri,
qui non ſit Prælatuſ generalis Minorum. Et hoc ve-
rum habet etiam ſi ſint Moniales Tertiariæ viuentes
in congregatione. Nam Bulla prædicta Pij V. etiam Mo-
niales Tertiarias exprimit, ac ſubdit eiſdem Prælatiſ
Franciſcaniſ.

4 Secundò dico, ſi iſti Tertiarij viuentes in con-
gregatione non vouent tria vota ſubſtantialia, illorum
congregatio eſt omnino deſtruenda, neque poſſunt ita
permanere, iuxta aliam Bullam eiſdem Pij V. ſuprà
relatam *ver. Monafter.* & habetur in Bull. Rodr. *fol. 944.*

per quam præcipit sub grauibz censuris vt Monasterium, in quo aliqui viuunt in congregatione, si non emittunt tria vota essentialia penitus extinguatur, nisi elegerint aliquam regulam approbatam ab Ecclesia, per quam voueant tria vota essentialia: hæc autem Bulla Pij V. solum loquitur de Monasteriis virorum: non verò de congregationibus fœminarum, vt clarè constat ex verbis, & sine ipsius Bullæ: quare possunt fœminæ viuere in congregatione absque tribus votis, vel cum solo vno, vel duobus.

Neque obstat quod suprà dictum est, hos Tertiarios, de quibus quæstio est non portare habitum cum caputio ad modum cæterorum Religiosorum, & Tertiariorum viuentium in congregatione in Hispania. Non, inquam, obstat, quia Leo X. in sua citata Regula pro illis viuentibus in congregatione, non taxauit certam formam habitus: sed solum *cap. 6. illius Regula. de illorum vestitu sic disponit: Depositis cæteris vanis huius sæculi ornamentis nullum ornamentum corporale portare debent, nisi solum humile, & necessarium ornamentum corporis sui.* Ecce quomodo Papa viuentibus Tertiariis in congregatione non assignat habitum in forma certa, videlicet cum caputio, vt P. N. Franciscus in sua Regula expressit pro Minoribus: sed solum Papa commendauit vt vestitus esset humilis in colore præcipuè, &c. Cum ergo Tertiarij viuentes in congregatione possint absque caputio, & mantello ordinario esse verè Religiosi, si emittant tria vota essentialia: sequitur de Conuentu, de quo est quæstio illa non posse subdi Episcopo, si emittunt tria vota essentialia: per primam Bullam Pij V. Si verò non emittunt tria vota essentialia, prædictum Conuentum esse extinguendum secundum Bullam Pij V.

§ Si verò dicant taliter viuentes in congregatione, se nolle profiteri aliquam Regulam Tertiariorum Sancti Francisci P. N. sed aliam præter illas, de quibus Rodrig. *cit. q. 72. art. 1.* Dico quod si illa Regula non ua ab ipsis electa sit approbata ab Ecclesia poterunt id facere iuxta prædictam secundam Bullam Pij V.
Dum

Dummodò obedientiam præstent illi Prælato, quem Regula assignauerit. Si verò Regula noua quam elegerint, non sit ex approbata ab Ecclesia, sed denuò introducta, non possunt dare obedientiam Episcopo, neque ille potest illos in tali Regula defendere, & gubernare: est enim res certa in iure Canonico, quod Episcopus non potest nouam Religionem instituere, vel viuendi Regulam nouam Religiosis assignare: hoc enim solum spectat ad Romanum Pontificem. Habetur expressè *in c. ult. de Religiosis domibus* vbi Papa Innoc. III. directè intendit obuiare diuersitati Religionum.

TESTAMENTVM.

1 **C**onstat ex iure, & statu paupertatis non posse Religiosum facere testamentum validum, cum nihil habeat, & nihil possit donare. Si tamen Religiosus morti proximus simpliciter petat à Prælato, vt tale, vel tale sui vsus concedat alicui Fratri, non facit testamentum, neque peccat etiam Minorita, in hoc enim non donat, sed petit, & suam voluntatem petendo significat. Rodriguez cum Nauarr. *tom. 3. quest. 69. art. 2.*

2 Non potest Monachus post professionem reuocare testamentum factum ante illam: potest tamen post professionem declarare verba dubia sui testamenti, dicendo, hoc, vel illud prætendi dum conderem; & illi fides danda est. Eo modo quo datur fides testi post latum testimonium, si postea vult declarare illud. Tenet Rodr. *cit. quest. art. 3.* Neque enim sic declarans aliquid donat, vel distribuit.

3 Monachus factus Episcopus potest facere testamentum de bonis acquisitis absque intuitu Ecclesiæ. Rodr. *art. 4.*

4 Non potest Religiosus esse executor testamenti, vulgo *Testamenteiro*, nisi prius petita, & obtenta licentia à suo Superiore conuentuali. (Excipe Minori-

nam, qui neque cum tali licentia potest) Prælatus enim conuentualis prædicto, non Minoritæ dare potest licentiam, neque est necessaria licentia Prouincialis, intellige dummodò id Regulæ suæ, vel statutis non repugnet, Rodriguez *tom. 3. quæst. 70. art. 1.* Si verò Religiosus acceptet cum dicta licentia, tenetur reddere rationem coram Ordinario, vel coram alio Iudice petente rationem administrationis. Licet enim aliàs sit exemptus, per illam tamen acceptationem cum licentia Prælati renunciatum est illi exemptioni, & quoad hanc partem se subiecerunt ambo Iudici potenti procurare executionem testamenti. *Rodr. cit. loco.*

§ Minorita non potest esse executor testamenti, etiam de licentia sui Prouincialis: est enim hoc illi interdictum ratione sui status strictioris. *Clementina exini de Paradiso §. Verum etiam. de verb. signific.* possunt tamen testatores in suis testamentis facere Minoritam consultorem, seu consiliarium executoris sui testamenti, dicendo: Fullanus executor mei testamenti nihil faciat nisi de consilio, vel cum consilio, vel cum consensu Fratris Fullani Minoritæ. Est communis Doctorum, maxime Rodriguez *cit. quæst. 70. artic. 1.* Et circa hanc clausulam testamenti si ponatur, de consilio scilicet, cum consilio, vel de consensu, &c. quid possit, aut quid debeat tunc executor facere consulto Minorita, vide suprà *verb. Priuilegium num. 11.* Et nota Rodriguez *Additio ad Summ. tom. 4. cap. 147. num. 7.* quod non potest talis Minorita mandare in executione testamenti, vt fiat tale, vel tale: sed solum consulere: habet enim solum officium consiliarij, non verò mandatoris. Vbi etiam optimè aduertit, quòd si testator ultra vnum Minoritam executorem sui testamenti, relinquat etiam alios sæculares eiusdem testamenti executores, qui possint citari, & rationem reddere testamenti coram Iudice, tunc poterit Minorita esse executor testamenti cum illis sæcularibus: quia poterunt sæculares conueniri coram Iudice, irrequisito Minorita.

¶ Potest validè testator aliquis in suo testamento non

non nominare executorem illius : sed committere alicui Minoritæ, ut ipse eligat executorem testamenti, Et tunc electus ab illo erit validus executor. Neque in hoc peccat Minorita, quia per hoc non est executor testamenti. *Rodriguez citato art. 2. citans Bartolum, & Couar.* Et patet, quia talis Minorita tunc, neque contractat pecunias per istam electionem, neque manet executor testamenti: sed dat alteri quod ipse habere non potest, quod fit in aliquibus casibus aliquando.

7 Religiosus potest esse testis validus in testamento alterius, de licentia sui Prælati, hoc enim non est contra paupertatem *Rodr tom. 3. quest. 71. art. 2.*

8 Testamentum in quo soli Fratres Minores instituuntur hæredes, est nullum ipso iure; sunt enim illi incapaces hæreditatis. *Clementina exiui de Paradiso. §. quia ergo, de verbor. signific.* Valebit tamen si testator dicat, quod pars legata Minoritis vendatur ad illorum sustentationem. Teneat *Rodr. ex Battolo Addit. ad Summ. tom. 4. cap. 146. n. 4.* Additque quod in Regno Castellæ valet testamentum etiam si non instituatur hæres nominatus: quod non valet in Portugallia, neque de iure communi civili.

Suprà *verb. Legatum, numero 9.* dixi posse Fratrem Minoritam suadere suo consanguineo, vel amico, ut sibi studenti relinquat in testamento legatum pro libris, emendis, quibus actu indiget. Quod intellexi, & volo intelligi de legato non annuo, & perpetuo: sed pro una vice transeunte. Sicut enim hic Monachus Minorita absque illo testamento, & legato, potest iuxta Regulam petere illam pecuniam ab amico pro necessitate præsentium librorum: ita poterit petere eandem pecuniam pro eisdem libris quibus indiget in præsentibus, cum licentia Prælati ut sibi donentur per testamentum, & legatum per modum transeuntis, & una vice.

Nunc petis: an possit Minorita procurare, ut amicus, vel consanguineus sibi relinquat in testamento legatum annuum, & perpetuum, pro suis necessitatibus futuris, vel saltem an illud legatum ita relictum possit acceptare, & sit validum? *Rodriguez tomo 2. question. quest.*

quaestione 125. articulo 6. loquens de hoc casu licet dicat posse Minoritam illud acceptare cum conditionibus ibi positis: tamen nec dicit tale legatum posse procurari: neque loquitur de legato annuali, & perpetuo, ut patebit illum attentè legenti. Ipse tamen Rodriguez *tom. 3. Addition. ad Summ. fol. 269.* loquens in terminis de Minorita studente, innuit posse illum procurare, ut amicus, vel consanguineus sibi in testamento relinquat legatum pro libris, annum, & perpetuum: hoc enim colligitur ex ibi traditis, cum innuat librorum necessitatem semper durare, & huic non posse Prælatos Ordinis Minorum providere, imò nec solere id facere. Cum tamen librorum necessitas semper sit viua, & immineat Minoritæ studentis, prædicantis, vel Theologiam legenti, ex præcepto obedientiæ. Et sic audiui tenere aliquos Doctores recentiores in libris impressis.

Ego oppositum omnino censeo, videlicet Minoritam particulatam, nec pro studio posse procurare ut sibi relinquatur ex testamento legatum pecuniarium annum, & perpetuum: & quod taliter relictum non est validum, nec potest acceptare. Hoc probo (ut credo) efficaciter. Nam Clemens V. doctissimus in iure canonico, explicans Regulam Minorum *capit. exiui de Paradiso, libr. 5. Clemens. post medium.* ait duo: primum est, annuos redditus reputari inter bona immobilia etiam à iure civili, ut habetur *Cod. de sacrosan. Eccles. l. iubemus*, & alia citata per Gloss. dicta *Clementin. exiui. verb. cumque annui.* Secundum est, quod cum Minoritæ sint incapaces per regulam possidendi immobilia, etiam sunt incapaces possidendi annuos redditus. Et videtur loqui de ordine in communi, vel de Conuentu in communi. Si autem neque Conuentus in communi Fratrum Minorum potest habere annuos redditus iuxta declarationem tanti Pontificis, multo minus particularis Minorita poterit habere annum legatum perpetuum in sua vita. Secundò, quia iuxta declarationes aliorum Pontificum, & statuta Generalia Minorum, Minorita non potest recipere, vel procurare pecuniam, nisi pro necessitate præsentis,

præsenti, vel imminenti. Non autem videtur necessitas
 librorum in Minorita studente, vel prædicante esse ne-
 cessitas præsens, vel imminens per totam vitam, cum
 multi in Ordine Minorum, vel omnes legant Theo-
 logiam, ac legerint cum libris ordinariis, vel ab Or-
 dine datis, vel ab amicis procuratis urgente necessitate
 præsentis: & sic doctissimi Doctores Minoritæ olim
 absque istis legatis perpetuis studuerunt, prædicarunt,
 Theologiam legerunt, quando pauciores libri in Ordine
 reperiebantur. Et hoc maximè locum habet, quando
 statuta Generalia Minorum dicunt non licere Fratribus,
 habere libros superfluos. Si autem neque Fratri Mi-
 noritæ pro libris hoc licitum est, multo minus hoc ei
 licebit pro aliis necessitatibus vitæ subleuandis legatum
 annuum procurare. Huius opinionis est omnino Capu-
 cinus in Compend. verbo Legatum 2. part. fol. 194. §.
Si verò aliquid annuum, & sequenti. vbi constanter te-
 net etiam cum Bartolo, legatum annuum pecuniarium,
 non posse capi, nec procurari à Fratribus. Hoc ipsum
 est etiam de mente Azorij, qui 1. tomo. libr. 12. capit. 23.
question. 15. dicit non valere legatum annuum relictum
 Conuentui Minorum pro sacristia, vt ibi probat: si au-
 tem nec hoc legatum annuum pro sacristia ille ibi ad-
 mittit, vt probat: minus concedet valere legatum an-
 nuum pro Minorita in particulari. Ego tamen supra
 verbo Legatum num. 3. cum Nauarr. & Rodriguez ad-
 misi tale legatum annuum pro sola sacristia Minorum
 licitum esse, quia currit ibi alia ratio quæ non datur in
 Fratre Minorita particulari. Vltimò facit in hac materia
 argumentum adductum à Clemente V. citat. Clemen.
 exiui. vbi postquam dixit non licere Minoritis annuos
 redditus, prohibet etiam ne Minoritæ assistant in Curiis
 Regiis pro negotiis temporalibus procurandis. Et ad
 hoc ponit hæc verba: (cum non solum quod malum
 esse dignoscitur, sed & omne, quod speciem habet mali,
 sit à viris perfectis specialiter evitandum) sic ille.
 Quod applicans ad nostrum intentum dico, quod si
 dicatur licere Minoritæ particulari procurare pro studio,
 vel aliis necessitatibus hoc legatum perpetuum, & an-
 nuum

annuum : hoc in primis non solum habet speciem mali, sed videtur esse omnino malum, iuxta prius dictum Clementis V. de bonis immobilibus circa Minoritas : quælia bona immobilia ibi dicit esse annuos redditus. Secundò hoc legatum annuum in Minorita, non solum habet speciem mali, sed est etiam proxima, & clara occasio mali : nam Minorita tale legatum annuum possidens habet occasionem ut illa pecunia malè utatur, & ad usus illicitos conuertat malè informando Prælatū, &c. Tertiò habet speciem mali, vel occasionem mali, quia porta aperietur ut breui tempore singuli Minoritæ habeant hæc legata annua, & perpetua: nullus enim tam pauper, & inops est, qui non habeat parentes, consanguineos, vel amicos, qui rogati sibi relinquant similia legata annua, & perpetua pro necessitatibus futuris, fictis, & apparentibus, & hoc in præiudicium animæ, & Regulæ ipsorum : & cum scandalo bonorum Religiosorum, imò & sæcularium.

ADDIT IO.

R Epeto iterum quod suprà dixi *ver. Legatum, num. ult. mo*, non posse scilicet Fratrem Minorum capere legatum annuum relictum sibi testamento pro suis particularibus necessitatibus. Denuò confirmo cum Azorio 1. tom. capit 23. *question. 14.* ubi loquens de quocumque Religioso Mendicante, ait : quod si aliquis testamento relinquat bona sua stabilia alicui sæculari, ea lege ut ex illis singulis annis det certum quid Religioso Mendicanti pro suis necessitatibus, talis Religiosus non potest illud acceptare. Effet enim habere proprium, & annuum redditum. Et potest ex vi testamenti illam pitantiam, vel peculium petere coram iudice, quod repugnat statui hominis Mendicantis. Si verò hoc dicit de quouis Religioso Mendicante, à fortiore dicendum est de maiore Mendicante Fra

te Fratre Minore. Neque obstat instantia quam Azor. *ibidem* tacitè ponit. Videlicet, quod talis Religiosus Mendicans si nauiget, vel iter longum conficiat, poterit in tali nauigatione, vel itinere recipere sustentationem sibi piè oblatam à socio sæculari eiusdem itineris socio, vt patet. Et videtur eadem ratio militare in accipienda ista sustentatione ad tempus, vel in recipienda illa alia perpetua ad vitam. Non, inquam, obstat instantia, quia est valde diuersa ratio. Nam in illa sustentatione itineris ad tempus, Religiosus acceptans non habet ius ad petendum, neque sæcularis ibi donans donat ex iustitia, sed ex pura liberalitate: & sic Religiosus non habet ius ad illam. At quando sibi relinquitur ex testamento, & Religiosus acceptat, est ferè acceptare ius ad exigendum ex iustitia, quod est habere dominium in annuo redditu Religioso Mendicanti interdicto quod magis prohibetur Minoritæ.

Neque obstat etiam quod hodie id practicatur in aliquibus Religionibus Mendicantibus: & passim practicatur quoad Moniales. Ad quod respondeo, si id practicatur in aliis Ordinibus, non curo: ipsi viderint quid possint secundum suam Regulam, vel Pontificias concessionem: scio saltem quod in Ordine Minorum, neque practicatur, neque est compatibile cum Regula illorum Pontificum, declarationibus, & statutis Religionis. Quod verò attinet ad Moniales scio id fieri: sed dico primò illas non esse ex aliquo Ordine Mendicantium, vt patet. Scio secundò, in mea Religione iam vidisse decretum Prælatorum, vt Moniales particulares habentes peculium, vel particularem annum redditum conferrent, vel collocarent in manu Prælatæ, quæ teneretur illarum speciales necessitates subleuare, ac proinde non currit eadem ratio in Minorita maiori Mendicante, vt magis paupertati adstricto.

T E S T I S.

Vide suprà verbo *Correctio Fratrum*, titulo *Testis*. & proximè verbo *Testamentum*. num. 7. & verb. *Religiosus*. num. 6. & infrà verbo *Tortura*.

1 **T**estes contestes sunt illi qui concordant, in facto, loco, & tempore. Vt si duo testes iurent se vidisse Petrum blasphemantem tali blasphemia particulari, vel talibus verbis, prima die Martij, hora sexta, in tali loco. Hi sunt contestes, quia in omnibus contestantur, id est, concordant. Testes singulares sunt, qui discordant in aliquo, vel in aliquibus illorum. Vt si vnus dicat se vidisse illud illa die, sed in alio loco: vel alia die: vel dicat, vidisse quidem illud, sed variat, & in die, & in loco, vel in hora: vel si vnus testificetur de vna blasphemia, & alius de alia; licet aliàs concordent in loco, & tempore. Et est communis Doctorum.

2 Singularitas testium est triplex: Obstativa, Cumulativa, Diuersificatiua. Penha *Direct. Inquisit. 3. parte Commentar. 121*. Obstativa est, quando ex dictis testium nascitur contrarietas, quia scilicet vnus negat, & alter affirmat. Cumulativa est, quando dictum vnus iuuat dictum alterius, vt si vnus dicat se vidisse, alius dicat se audisse. Et hæc singularitas semiplenam tantum facit probationem: prima verò præcedens nihil facit. Diuersificatiua est, quando nascitur diuersitas rei in substantia. Vt si vnus dicat se vidisse Petrum in vno loco, & tempore peccantem; alius verò dicat se vidisse illum alio loco, & tempore peccantem: & tunc dictum vnus non infringit dictum alterius, sed corroborat, non tamen est contestis.

3 Si testes concordent in substantia, seu facto principali, per eadem verba formalia, vel æquivalentia, & in loco, & in tempore, licet aliàs discordent in aliquibus verbis, vel circumstantiis, non desinunt esse contestes,

contestes, imò illa discordia accidentalis, aliquando magis firmat testimonium: testificantur enim modo humano. *Sot. lib. 5. de Iustit. questione 7. art. 2. ad 1.*

4 Quando testis paulò post iustificationem redit ut corrigat suum dictum, credendum est illi: maxime si constet, quòd postea non est allocutus reum, vel accusantem: & in hoc multum Iudicis prudentiæ standum est, & qualitati ipsius testis. Est communis, & Bartol. in l. eos. col. 11. vers. Item oppono. ff. de falsis testibus.

5 Religiosi etiam si aliàs sint exempti, & aliqui habeant priuilegium, ut non possint cogi ad testificandum, ut habet congregatio Sanctæ Iustinæ ab Eugenio I V. (citat Rodriguez tom. 3. quæst. 71. art. 1.) Hoc tamen intelligitur, quando aliàs dantur alij testes, qui possint testificari: si enim alij defint possunt cogi ad testificandum in causis civilibus, & in criminalibus leuibus, ubi non timetur pœna capitis, vel mutilationis. Colligitur ex c. cum super. & c. delictorum. de testibus cogendis. Et lumen naturale hoc dictat de iuuando proximo in graui necessitate. Et tenet Rodr. *Addit. ad Sum. tom. 4 c. 1 § 1. n. 1.*

6 Quòd Religiosus possit esse testis coram Iudice seculari, cum sola licentia sui Prælati localis. Vide supra verb. *Abbas, n. 9.*

7 Testis vocatus à Iudice ut testificetur, si non vadit, tenetur restituere parti læsæ bonum illi ablatum, si ex defectu sui testimonij incurrit. D. Thom. 2. 2. q. 62. art. 7. Secus si non fuit vocatus, tunc enim non tenetur se offerre, nec proinde restituere.

8 Nemo secundum leges potest cogi ad testificandum super illis, quæ non potest exprimere absque sua propria infamia, utpote, quia fuit socius criminis, vel quia testificatur contra patrem, matremque, ex quo sibi resultat grauis infamia. c. quis aliquando. §. non tibi dico, de Pœnitent. distinctione 1. Vnde si socius criminis cogatur ad testificandum, & non potest coram Iudice explicare crimen rei delati, absque eo quod se ipsum infamet, potest respondere se nescire, apud se intelligens se nescire ad dicendum, vel nescire taliter ut co-

gatur dicere: si verò potest abique sua infamia dicere, tenetur dicere. *Rodrig. t. 4. Addit. c. 151. n. 7.*

9 Qui scit aliquid in secreto, maximè quando fuit illi commissum ab aliquo in secreto, & is promisit secretum seruare, de ordinario non potest illud testificari in iudicio. Est communis Doctorum. Excipe si ex suo silentio resultabit damnum alicui tertio, vel communitati: tunc enim tenetur primò admonere illum qui commisit secretum si per illum stat, vt videtur damnum tertij, vt tenetur: quod si nolit, tenetur iurare verum, & reuelare secretum, non obstante secreto commissio, & promissio, vel voto, vel iuramento; talia enim promissa, tunc non obligant cum præiudicio tertij. Et hîc tenet locum dictum illud, quod secretum non debet esse pallium iniquitatis. *Rodriguez cit. cap. num. 8.* vbi notat quod si hic sciens secretum scit Iudicem interrogantem non seruare formam iuris, non tenetur respondere. Vide suprà verb. *Correctio Fratrum, tit. Denuntiatio.*

10 Testes plures quàm duo, etiamsi sint minus idonei, cum aliis coniecturis concurrentibus plenè probant. *Penha in Director. Inquisit. Comm. 113. §. sit secundum axioma.* vbi addit quod vnus testis dignus cum alio teste indigno probant, si sint alia indicia.

A D D I T I O.



Ide suprà verb. *Correctio Fratrum sub titulo de Testibus.* vbi posita sunt aliqua ad hoc pertinentia.

T O R T V R A.

1 **I**de suprà *verb. Correctio Fratrum* n. 49. vbi dicitur quòd in crimine grauiſſimo torquere poteſt Prælatus Fratrem per ſæcularem, abſque incurſu alicuius cenſuræ. Hoc autem crimen ſaltem erit illud pro quo leges ciuiles pœnam capitis imponunt. Quamuis Rodriguez *Additio ad Summ. c. 155.* ſuadeat ne hoc fiat, quia non decet pietatem, & ſecretum Matris Religionis vt torqueatur Monachus, per tortorem malefactorum. Et ego idem dicerem quando poterit excuſari. At talis caſus poterit contingere atrox ſcilicet, ſcandalofus, & cognitus in populo, vt anteponenda ſit iuſtitia, & ſatisfactio populi, in puniendo Monacho qui fecit delictum ſicut malefactor publicus populi. Vide, & ſuprà *verbo Religioſus, numero 11.* vbi dicitur poſſe torqueri Monachum nobilem, qui aliàs in ſæculo torqueri non poterat.

2 Tortura non eſt danda Monacho, quando pœna imponenda pro delicto eſt æqualis, vel minor ipſa tortura; iniuſtum enim eſt vt in dubio ſi fecit, iam grauior, vel æqualis pœna detur ac foret pœna delicti. Aldrete ex Auguſtino *lib. 1. de Religio. diſciplin. c. 7. n. 8.*

3 Tortura dari non poteſt niſi prius iuridicè ſit vnus teſtis cum aliquo indicio contra reum: vel ita vehementia indicia vt æquipolleanr, magis quàm ſemiplenæ probationi, & ſit valde probabile reum commiſſiſſe delictum: ita vt faciant contra reum vehementes præſumptiones, & ſuperent mediam probationem. Nam licèt ſæcularis Iudex cum ſola ſemiplena probatione torqueat, congruum eſt, quòd circa Religioſos maior ſpectetur aliquantulum quàm ſemiplena. Quamuis opinio Iuriſtarum ſit communis, & in aliqua Religione ſtatuto generali approbata, vt ſola ſemiplena probatio ſufficiat ad torturam. Quæ verò ſit ſemiplena probatio, vide ſuprà *verbo Correctio Fratrum à n. 32. & ſequentibus.*

O O O 1

4 Quando delictum probari potest alia via, nullo modo est adhibenda tortura. Nam hæc, iuxta communem sententiam, est ultimum remedium in defectum testium.

5 Paulus III. solum Romæ, & intra illam, iussit observari, ut reus non sit in tormento ultra unam horam. In Constitutione 58. quæ incipit, *Ad onus*. Et sic prudentia, pietas Christiana, & conscientia debent arbitrari tempus, & qualitatem torturæ, & ponderare cum libra iustitiæ.

6 Si reus confessus fuit crimen in tortura, tunc Prælati transacto vno die integro cum Notario, ac duobus testibus tenetur iterum reum audire extra locum ubi fuit tortus: & rogare an ratificet confessionem iam factam: quam si ratificet, datur plena probatio. Si verò non ratificet, nihil valet præcedens confessio facta in tormento. Est communis in praxi.

7 Si reus antea, extra iudicium crimen confessus est, idque constet per duos testes, & vocatus coram Iudice negat præcedentem confessionem, tunc potest torqueri. Si verò in tortura fateatur, tunc non est necessaria ratificatio extra tormentum. Mascard. t. 1. de probat conclusionem 350. n. 3. cum multis citatis. Excipe tamen, si quando extra iudicium confessus fuit suum delictum, statim ibi reuocavit suam confessionem, quia tunc non sufficiet confessio facta in tortura, absque ratificatione secunda extra illam.

8 Si verò reus negaverit post torturam, poterit iterum torqueri de iure. At inter Religiosos hoc non erit laudabile, ut tenet Rodr. t. 2. quæst. 19. art. 9. Sunt enim Prælati Patres, & Religio Mater, nec proinde decet, ut plurimum, repetitas torturas admittere. Item si reus negaverit in tortura per ius commune purgatus manet, ac liber. Cum quo tamen stat, quod saltem in Regno Lusitanæ, pro qualitate criminis, & indiciorum, vel semiplenæ probationis punitur aliquando aliqua poena exilij, vel simili, quia scilicet negatio illa non plenè purgavit probationem contrariam.

9 In Ordine Minorum per statuta Generalia Tollerana.

ana. §. Si reus cap. 6. de correct. negans in tortura manet liber, quia tortura purgavit: additur tamen per parenthesis (si reus fuit sufficienter tortus) unde innuit quòd si reus non fuit sufficienter tortus, poterit adhuc alio supplicio puniri, priuationis vocis actiuz, & similia: adque relinquitur Prælati arbitrio, qui debet considerare qualitatem personæ, criminis, ac torturæ, vires rei Et iuxta hæc poterit quiescere, vel augere, si videlicet his attentis iudicet reum non fuisse tortum sufficienter; videant ibi Minoritæ suam legem, & alij suas constitutiones.

10 Non videtur sufficiens probatio ad torturam si vnus moribundus dicat: Fullanus me percussit, vel occidit: nam illud dictum non est iuratum: neque decet ab illo tunc iuramentum sumere, præterea cum sit pars læsa eius dictum est infirmum in iure. Neque item sufficit ad torquendum inimicum illius qui mortuus est, si ille mortuus reperitur mortuus ex veneno: illa enim suspicio quòd inimicus clarus defuncti propinauerit, est levis, & remota: potuit enim dare venenum inimicus occultus; vel ipse moriens posset volens sed ignarus sumere aliquid venenosum, &c. & proinde sic claro inimico nulla ex hoc tantum potest inferri molestia. Rodriguez *Addit. Sum. tom. 4. verb. Tortura. num. 5. & 6.*

11 Tenetur Iudex ante torturam dare copiam reo semiplenæ probationis, factæ contra illum, vt si fortè se purget torturam euadat. Et ad hoc tenetur Prælatus etiam si reus non petat: maximè si reus est idiota: tenetur enim Iudex hoc manifestare reo per sententiam: hæc enim est interlocutoria, à qua si non appelletur infertur grauamen postea irreparabile, pro quo vide supra *verb. Appellare num. 6.* vide etiam Rodriguez vbi proximè *num. 11. & 12.*

12 Leges ciuiles excipiunt aliquos vt torqueri non possint: de quo Legistæ suis locis. Et statuta Tollerana Minorum fortè coincidunt, dum dicunt *citato loco* non esse torquendos Religiosos grauis authoritatis. Quòd verbum latè extendi potest. Variis enim de

causis Religiosus potest esse notabiliter grauis : vt ob litteras, artem notabilem, prælaturam, & similes Et si vis id agnoscere ex contentis in iure: iuxta illud, non possunt torqueri Doctor alicuius scientiæ: persona constituta in dignitate Ecclesiastica : (qualis est etiam Guardianus ex supradictis) senes, decrepiti, &c. Omitto aliquos ex iure communi. Vide Rodriguez *cit. lec. Addit. n. 10.* & *suprà verb. Religiosus. n. 11.*

TRANSLATIO AD alium Ordinem.

Vide *suprà verb. Religio, à numero 1. & sequentibus fusè.*

TRIBVTVM, VECTI- gal, Gabella, &c.

1 **C**onstat primò Clericos, & proinde Religiosos, esse exemptos à solutione cuiuscunque tributi, vel oneris sæcularis, quomodolibet nuncupati, & impositi à Principe, vel superiori sæculari, communitate, & cæteris sæcularibus. Et hoc constat per multas leges Canonicas, & Bullas, maximè *capit. Clericis. de immunitat in 6.* de quo latè Rodriguez *tom. 2. questione 65.* & Comitulus *lib. 1. Respons. Moral. quest. 95.* citans multa. Nam & Pharaon Rex tyrannus exempt à tributis Sacerdotes idolorum, vt patet clarè *Genes. 47.*

2 Quod adeò verum est, vt etiamsi Clerici sponte velint soluere similia tributa non possint id facere per viam tributi, vt bene Comitulus probat: quia scilicet non possunt renunciare priuilegio communi Ecclesiæ. Et officiales sæculares recipientes aliquid à Clericis etiam sic sponte dantibus per viam tributi, manent excommunicari, vt ille *ibidem* probat.

3 In

In particulati extat valde notanda Bulla Pij V. rigorosa satis, & nescio si bene obseruata, cuius tenorem transcribit Capucinus *ad finem sui Compendij fol. 3.* per quam Pius V. rigorosè præcipit ne similia tributa exigantur à Clericis sæcularibus, vel Regularibus, specificando: Exactiones, Datias, Gabellas, Pedagia, Vectigalia, Collectas, Impositiones, vel quæcumque alia onera soluendi aliquid quibuscumque nominibus nuncupata. Quo nil clarius dici potuit, & adhuc specificat modo sequenti.

Primò, ne teneantur Clerici, vel Religiosi, vectigal quodcumque pro transportatione mercium suarum, maximè pertinentium ad illorum sustentationem soluere.

Secundò, dicit non teneri soluere aliquod tributum quod solet solui in transitu de vno Regno ad alium Regnum: quod viderint itinerantes quomodo obseruentur: ipsi enim dicent quid viderint.

Tertiò, exprimit ne teneantur Clerici, vel Religiosi, soluere quotam illam quadrantis, positam super libram carnis, vel viui, vulgo (*Real de Aguoa*) & alia quæ ibi exprimuntur. Quæ omnia libuit referre, vt videant Magistratus si hæc ita sunt. Neque enim in hoc contra priuilegium commune Ecclesiæ possunt præscribere, maximè à tam paruo tempore Pij V. & Ecclesia semper reclamante. Vt non possum non mirari quæ vidi, & video in oppositum: & excepto si illi habent priuilegium in contrarium, per quod derogetur, & annulletur, prædicta Bulla Pij. Quam derogationem ego ignoro, & oportebat ostendere. Addit verò Capucinus *cit. loc.* prædictam Bullam Pij V. non esse derogatam per Greg. XIII. sed in suo robore permanere. Adde quod in Bulla Cœnæ Domini, quotannis promulgata, hoc ipsum prohibetur censura 18. apud Suarez *tom. de censur. disp. 21. sect. 2. num. 99.*

Denique pœnæ impositæ à Pio V. sunt hæc. Sancta obedientia: indignatio nostra: excommunicatio ipso facto: & pœna duorum millium ducatorum, soluendorum à contrafacientibus: & tandem monet Præla-

ros Ecclesiæ, vt sub eisdem pœnis, & aliis ad suum arbitrium, contradictores compescant.

3 Verùm cum Papa sit Dominus supremus in ista parte & possit pro causa pia applicare redditus Ecclesiasticos solet aliquando Regibus, & Principibus pro bello contra infideles concedere subsidium, seu licentiam vt Clerici, & Religiosi de suis bonis dent aliquam partem, siue subsidium pro illo bono communi Ecclesiæ, sicut concessit Gregor. XIII Philippo II. Regi Hispaniæ: & credo quod idem concessum est Regi Sebastiano in Portugallia pro expeditione Affricana. Et tunc non solum possunt, sed tenentur Religiosi soluere quotam assignatam, iuxta verba Bullæ. Quæ verò bona Regularium tunc sint obligata ad soluendam illam quotam, vel subsidium tractat Rodr. tom. 3. quæst. 74. quod quia non est in vsu, omitto: magis enim spectat ad Clericos quàm ad Religiosos.

Adde quòd aliqui Religiosi habent priuilegium ne soluant illud subsidium sicut concessit Eugenius IV. Fratribus B. Mariæ de Guadalupe: sicut habetur in illorum Compend. ver. *Subsidium*. §. 2. Et idem concessum fuit Militibus Sancti Ioannis, sicut refert Rodr. tom. 2. quæst. 66. art. 1. At in tom. 3. quæst. 74. art. 15. ait prædictos per aliam Bullam Pij V. fuisse obligatos ad subsidium dictum, *del escusado*.

4 Clerici, vt Religiosi vendentes, aut ecentes aliquid non debent Alcauallam, vulgo (*Sissa*) colligitur satis ex supradictis, & Bulla Pij V. est enim illa Alcaualla tributum, & satis quotidianum. Imò aduertit Rodr. cit. quæst. 74. art. 7. iniustam fore legem civilem quæ rei Ecclesiæ, siue Monasterij venditæ imponeret quintum soluendum Fisco Regali, quia ibi imponitur nouum onus in damnum Ecclesiæ.

5 Supradicta de exemptione Religiosorum, & Clericorum à tributis, intelliguntur dummodò ipsi non negotientur per mercaturam, vendentes, & ecentes, aut permutantes, per negotiationem: si enim hoc faciant tenentur soluere tributum, & Alcauallam, & cætera illi negotiationi annexa. Rodrig. cum communi

art.

art. 8. Et ratio est, quia negotiatio est Clericis prohibita, & quādo hanc exercent, non eximuntur illorum bona à tributis laicorum: solum enim illis conceditur priuilegium pro sua sustentatione absque negotiatione mercaturæ, ut patet ex *cap. final. de vit. & honest. Cleric.*

6 Tunc Clericus, vel Religiosus dicitur mercaturam exercere, quando emit rem vendendam, in sua integra forma manentem lucri faciendi gratia. Ut si emat triticum vendendum in eadem forma sine melioratione aliqua facta ab ipso Clerico: sed solum seruatione diutina. Si verò rem emat Clericus ut in illa aliquid operetur, & sua industria mutata, & meliorata vendat ut equum, vel mulam nouam, ut iam educatam vendat, tunc non exercetur mercatura propriè, quia non venditur res in integra forma antiqua. Et præterea in istis rebus sic melioratis, prætenderunt etiam aliquem usum illarum: in illis verò venditis in integra forma, & reseruatis absque melioratione, prætenditur solus questus, qui est finis totalis mercaturæ. Addit Rodriguez *question. cit. art. 8.* se consuluisse non esse negotiatorem Clericum, qui in loco in quo est, emit merces aliquas, & illas dat Fratribus suis ut cum illis negotientur, quia tunc ille non vendit illas in propria forma. Ait tamen mercaturam facere Clericum, qui uvas mercatur, & per famulos vinum conficit, ut postea vendat. Et per hoc resolues similes casus: & tunc Clericus, vel Religiosus debet tributum suæ negotiationi annexum.

Ibidem ait Rodriguez non debere Gabellam Monasterium quod emit oues, & vaccas prægnantes, & postea vendit filios: non enim vendit quod emit, sed quod natum est, & fructum rei emptæ. Ait tamen illam debere si emat fundum plenum arboribus cum fructibus iam maturis, & pendentibus, si vendat hos fructus.

7 Si Nouitij bona intra Nouitiatum vendantur non sunt exempta à tributis, Nouitius enim quo ad hoc, non gaudet hoc priuilegio circa sua bona. Rodriguez *articul. 9.* An verò Iudex sæcularis tunc possit petere tributum: an verò recurrendum sit ad Nuncium, alij tenent primum. Rodriguez *artic. 10.* tenet secundum.

8 Tertiarij viuentes in Congregatione , sunt exempti à tributis, sicut ceteri Religiosi , sunt enim verè personæ Ecclesiasticæ , ac veri Religiosi. Non verò eximuntur Tertiarij viuentes in propriis domibus, iuxta supradictum *verbo Tertiarij. numero 2.* Neque exprimentur Tertiariæ etiam promittentes castitatem , quia per hoc solum votum non manent Religiosæ, licet hæ sint exemptæ à potestate Ordinarij , vt supra diximus *eodem verbo Tertiarij.*

A D D I T I O.

DIxi supra *hoc ipso verbo Tributum, numero 3.* Religiosos per Bullam Pij V. ibi latè relataam non posse cogi ad soluendum tributum positum populo in vino, carne, & similibus , idque concessisse tum viris Regularibus , tum Monialibus. Quod autem illa Bulla non obstante possint Rectores urbium ponere tributum prædictum non Religiosis in particulari , sed in rebus populi communibus indifferenter, vt qui emexit tale , vel tale soluat etiam si sint Religiosi : Primò docet praxis publica , & tolerata. Secundò , quia cum illud tributum redundet , & insummat in bono communi totius populi , & communes illi sumptus etiam proficiant Religiosis illius populi , qui sunt membra illius , æquum est , vt iidem contribuant pro sumptibus in suum fauorem factis, iuxta regulam 55. *de Regul. Juris in 6.* qui sentit onus , sentire debet & commodum: & à contrario sensu arguendo ; qui sentit commodum , sentire debet & onus. Tertiò probatur ex lege ad portus , *Cod. de operibus publicis :* & ex l. *ad institutiones, Cod. de Sacrosf. Eccles.* & sic tenet expressè gloss. *cap. non minus. de immunit. Eccles. verb. Releuandas.* dicens quod pro operibus boni communis contribuere debent Ecclesiastici. Ex Theologis verò videtur fauere huic opinioni Henriquez *tom. 2. Summ. libr. 10. cap. 1 §. 5. §. gloss. littera I.* vbi citat Vvald. & ait quod in Hispania ad

ad redimendum oppidum quod Rex vendere volebat, & vicini oppidani volebant soluere pretium oppidi, decretum fuit in Concilio Regio potuisse, ac debuisse Clericos oppidi soluere suam partem pro rata, eo quod erat bonum commune populi. Et ait Henricus, quod istæ leges ciuiles non sunt correctæ per Ecclesiam: imò per illas leges Ecclesiæ, sic intelligi debere. Idem videtur sentire Viualdus in *Candelabro* 4. impressionis *Venetæ* anno 611. in *Explicatione Bullæ Cœnæ casu* 18. numero 3. vbi sine distinctione dicit, quod ad pontes, aquæ ductus, muros, & cætera tangentialia bonum commune tenentur soluere Ecclesiastici: & citat Sotum, & Nauarr. quamuis Sotus loco citato ab auctore, 3. de *Instit. questione* 4. art. 5. tale non dicit. Nauarr. autem ab illo citatus, non loquitur absolute, sed cum distinctione, quando scilicet illud bonum commune tangit Clericos immediate: non verò quando illos tangit solum mediate, de quo infra. Nauarr. verò id dicit in *Summ. Latina. cap* 27. numero 115. in fine. Cum prædictis videtur concordare Lopez in 2. part. *Instructorij cap.* 40. § *Sed adhuc*, & seq. quamuis ibidem re vera id non dicat, sed cum Nauarr. concordet. Tenent ibidem alij multi: sed citati tres sufficiant quæstionis ventilandæ gratia.

2 Ego inprimis communitates id facientes non arguo, neque peccare credo, maxime quia possum credere illas munitas esse concessione aliqua Pontificia ad id faciendum, maxime cum non exprimant, se id imponere directe Religiosis, sed in gratiam Religiosorum si possint se defendere ab illo tributo soluendo pro rebus sibi necessariis emendis: aduerto sequentia.

3 Aduerto primò Bullam Cœnæ in clausula 18. quando prohibet ne Principes sæculares, vel Rectores imponant tributa personis Ecclesiasticis, innouare omnia iura, seu Canones Ecclesiæ hoc ipsum à tempore antiquo prohibentes, siue sint Canones facti in Conciliis generalibus, vt Lateran. & aliis. Canones verò præcipui de hoc disponentes inter alios sunt *cap. non minus*, & *c. aduersus. de immunit. Ecclesiæ*, & *cap. quamquam. de censibus* in 6.

4 Citato

4 *Citato verò c. non minus*, decernit Papa ut quando Episcopus cum Clero viderit, populum non sufficere ad succurrendum bono necessitatis publicæ, tunc poterit Episcopus Clericos obligare ad contribuendum pro talibus expensis publicis. Hæc sunt verba Textus: *Vbi laicorum non suppetunt facultates*. Vnde si populi facultates sufficiant, non poterit Episcopus cogere Clericos ad soluendum. Deinde *cit. c. aduersus*, videns Papa non esse securum concedere Episcopis executionem illius tributi imponendi Ecclesiasticis, decreuit ut stante supra dicta necessitate, & non sufficiente pecunia populi, Episcopus id non posset præcipere inconsulto Summo Pontifice. Hæc sunt verba Textus: *Propter imprudentiam tamen quorundam, Romanus Pontifex cõsulatur*. Quos omnes Canones, sicut dixi, innouat semper Bulla Cœnæ.

5 Pro solutione aduerto: Duobus modis expensas boni publici spectare posse ad Ecclesiasticos: primo in generali, quatenus sunt ordinaria membra talis populi, huiusmodi sunt resectio murorum, pontis, aquæductus publici, in quibus Ecclesiastici nihil habent particulare, nisi tanquam partes ordinariæ illius populi. Secundo modo possunt illæ expensæ, & bonum publicum tangere Ecclesiasticos, quia illic habent bonum etiam particulare, verbi gratia, sternitur via publica in oppido constrata lapidibus. Sternenda est via ante portam Clerici item, grassatur ignis publicus per campum ubi Ecclesia, vel Clericus habent peculiare possessiones: pro vitando illo igne, vel fluuio inundante agrum, diceretur expensa ibi facienda specialiter tangere Clericum. Ista distinctio est sumpta ex Nauarr. & Lopez *suprà citatis*. & ex Molina, & aliis *infra citandis*.

6 Vltimò aduerto propositum casum posse intelligi, vel de Clericis in communi, vel solum de Religiosis, & Monialibus in particulari, pro quibus Pius V. citatam Bullam concessit.

7 Hoc posito dico primò Bullam Cœnæ *clausula* 18. cum prohibet imponi tributa personis Ecclesiasticis, loqui in generali, sine distinctione, quocunque modo imponantur tributa. Sic enim ait: *Qui per se vel per alios,*

alios, directè, vel indirectè prædicta facere, exequi, & procurare non verentur. Deinde citata capita Iuris Canonici sunt satis clara, & expressa. Et notanda sunt in particulari verba Bullæ Cœnæ: *Directè, vel indirectè.* Dicit enim aliquis: Rectores istius populi ponunt hoc tributum in genere, non exprimentes ut soluat Clericus, seu Religiosus: ac proinde non imponunt tributum personis Ecclesiasticis. Respondeo, quod non imponunt tributum personis Ecclesiasticis directè, cum illas non exprimant: sed tamen videntur imponere indirectè: cum obligent omnes euentes solvere: nec Ecclesiasticæ personæ oppidi pro quotidianis emendis possint illa quærere extra populum, cum tanto dispendio: & proinde videtur necessarium ut fiat declaratio à Rectoribus populi quod Ecclesiastici sint exempti à tali tributo. Neque obstat quod lex talis tributi non exprimit ut solvant Ecclesiastici: nam publicani, & venditores illud expressè exigunt à personis Ecclesiasticis, quæ proinde non possunt negare: esset enim illis difficilius, vel litem mouere, vel ex aliis populis illa victualia asportare. Rectores verò populi sciunt, & consentiunt ab Ecclesiasticis postulari. Et sunt præterea valde notanda verba prædictæ clausulæ in Bulla Cœnæ, ubi præter impositionem tributi, etiam de receptione illius sic dicunt: *sic imposita etiam abs sponte dantibus recipiunt.* Circa quæ verba Suarez tom. de Censur. disputatio. 21. sect. 2. n. 99. dicit intelligi de illis qui petunt tributa à Clericis tamquam debita: cuius Doctoris hæc sunt verba. *Quia sine alia speciali vi, aut coactione præter exactionem, siue impositionem dantur. Hæc autem sufficiens vis est, & coactio.* Sic ille. Probatur idem ex c. *quamquam. de censibus in 6.* Vbi præcipitur quod talia tributa ab Ecclesiasticis nemo exigat, vel extorqueat. Et eandem explicationem tradit Suarez cit. loc. & Sayro 1. de cens. l. 3. c. 22. n. 1. & Viuald. loc. cit. n. 12. quod scilicet solum petere illa tributa ab Ecclesiasticis, sit vis, & violentia Et confirmatur, quia eo ipso quod publicani petunt ab Ecclesiasticis tale tributum ex vi legis debitum inferunt illis vim ipsius legis.

8 Dico secundò iuxta præmissa suprà à nobis, quòd neque pro fontibus, pontibus, muris, & similibus bonis communibus possunt prædicta tributa imponi Ecclesiasticis, nisi concurrentibus duabus circumstantiis, vel conditionibus. Prima est illa quam suprà diximus *ex cap. non minus, & ex cap. aduersus*, quando scilicet populi pecunia non sufficit, & concurrente Episcopo, imò, & Summo Pontifice consulto. Secunda est, vt sicut diximus in præmissis, Ecclesiasticos non posse cogi ad hæc tributa soluenda expendenda in bono communi, quando illud bonum commune tangit Ecclesiasticos solum in genere, vt fumi pons, fons, murti, &c. Sed oportet vt illos tangat in particulari, vt constructione viae ante suam portam, obuiatio ignis, vel fluij comminantium contra agrum vbi sunt bona particularia Ecclesiæ, vel Clericorum, vel Religiosorum. Sic in terminis tenet Molina *tom. 2. de iust. tract. 2. de tributis disp. 672. conclus. 1.* citans Panormit. & Sylu. Hæc est etiam sententia Lopez suprà citati, & Nauar. si bene considerentur. Ratio Molinæ est: quia si quoties bonum commune tangit Ecclesiasticos solum ex æquo, id est, tantum in genere, & in communi, tenerentur soluere tributa pro bono illo communi: nunquam Ecclesiastici deobligarentur à soluendo vilo tributo, nam omne tributum imponitur pro bono communi omnes in genere, & communiter tangente: vnde frustratoria esset lex Ecclesiæ eximens Ecclesiasticos à soluendis tributis. Oportet ergo, pro Ecclesiasticis obligandis, vt illud bonum commune tangat illos in particulari modo iam exposito. Et hæc ratio apud me videtur conuincere. Et præter Molin. Nauarr. Lopez est huius sententiæ Viuald. *loco citat.* Rodriguez *Aldit. ad Summ. tom. 4. capit. 166. conclus. 17.* & in Summ. verbo *Tributum capit. 73. conclus. 12.* Petr. Ledesm. in Summ. *Tract. 7. de iustit. distributiua conclus. 20.* ponens distinctionem suprà dictam de bono tangente Ecclesiasticos in communi vel in particulari. Tenet & Reginald. *libr. 9. sua Summ. numer. 376. & sequentibus*, & Pat. Fr. Antonius de Sosa in *Bulla Cæna capit. 19. disputat. 92. & 93.* Qui omnes citant alios adhuc

adhuc textus, per quos omnino videntur correctæ illæ duæ leges ciuiles in principio adductæ. Citat alia pro nobis Henriq. suprà citato loco in Gloss. Littera M. Et tandem sufficiat nobis vnus Nauarr. qui præter iam citatum locum, etiam in ead. Summ. Latina cap. 17. num. 201. tanquam testis oculatus, postquam ibi dixit, peccare illos, & incurrere censuras, qui petunt similia tributa ab Ecclesiasticis, specificans in vino, & carne; inprimis conqueritur quod ab ipso clerico, itinerante petiturum est sæpius in variis regnis tale tributum. Secundò dicit, vidisse se in anno Iubilei magni tempore Gregor. XII. multos gubernatores Urbium Italiæ Romam intrantes, & multos publicanos cum illis petentes absolutionem à Summ. Pontifice pro censuris incurtis ob impositionem, vel exactionem similium tributorum à personis Ecclesiasticis. Vide tantum virum testem oculatum, & lege locum ipsius. Addo præterea pro Colophone, Azor. 2. part. Sum. Moralis libr. 8. cap. 11. col. 1032. §. in dubium vertitur. Vbi mouens idem dubium de tributo posito in carne, & vino emendis pro bono communi Reipublicæ postquam dicit non posse exigi ab Ecclesiasticis: ponit hæc verba. *Item receptum est usu in multis locis vt Ecclesiastici talem gabellam non soluant, vel si soluant intra annum, vinum, vel carnes, emendo, ad exitum anni Princeps, vel Respublica damnum resarciat pecuniaria compensatione.* Sic ille. Et puto quod in præsentī materia, à Doctoribus grauibus, & recentioribus quales sunt suprà citati, nihil potest amplius, vel clarius expectari.

9 Obiicis in cap. peruenit. de immunitat. Ecclesia dicere Gregor. Papam, nullum excusari à murorum vigiliis, sed omnes ad hoc generaliter compellantur: quatenus cunctis vigilantibus melius valeat ciuitatis custodia procurari. Cùm ergo ibi Papa de Ecclesiæ immunitate loquatur, & non excipiat Ecclesiasticos ab illa communi necessitate, sequitur posse eosdem obligari pro illo bono communi tangente Ecclesiasticos solum in genere, vt soluant necessaria pro solo bo-
no

no communi illos tangente in communi, neque esse necessarium, ut illos tangat in particulari. Respondeo primò. Ibi Papam non exprimere Ecclesiasticos. Secundò quòd solùm loquitur de cogendo ad vigilandum, non ad tributa soluendum. Tertiò dico, quòd secundùm omnes Doctores lex posterior corrigens priorem seruanda est quando ambæ seruari non possunt, quia Papa posterior potest abrogare legem prioris, ut quotidie fit, & fecit nuper Greg. XIV. & Clemens VIII. circa Motus proprios Sixti V. circa abortum, & circa Nouitios. At post Greg. Papam loquentem ibi in generali, decreti sunt Canones in *ead. tit. de immun. Ecclesie*. iubentes in particulari, ne clerici obligentur ad soluenda tributa pro bono publico nisi interuenientibus illis conditionibus suprà memoratis, & proinde standum est legi posteriori, quando prima, seu prior lex contrariatur posteriori. Conditi sunt præterea post *cit. cap. peruenit*, alij multi Canones per quos videtur corrigi *citatum cap. peruenit*, vel saltem declaratur. Faciunt tradita à Nauar. *lib. 5. cons. tit. de pœnis consil. 37. num. 1.* Et ibi citata in margine. Facit, & quod traditur à Suarez *tom. de Legibus lib. 6. cap. 27. num. 3.* Vbi dicit legem posteriorem aliquando abrogare priorem etiam si prioris legis non faciat mentionem, pro quo citat ibi *cap. 1. de Constit. in 6. & Gloss. ibi verb. Reuocare. & l. sed, & posterioris ff. de Legibus*. Cui dicto, accedit ratio quia voluntas posterior supposita potestate, vincit, & reuocat priorem contrariam.

10 Quidquid tandem sit de prædictis allegatis ex iure Canonico, ac Doctoribus Theologis, quæro, an Papa Pius V. potuerit concedere Religiosis, & Monialibus exemptionem ab illo speciali tributo posito in vini, & carnis emptione, non obstante iure Canonico communi, si quod daretur in contrarium (quod tamen non datur, ut suppono:) & credo quòd omnes dicent potuisse: etenim Papa est suprà ius commune. Secundò, quia videmus multos Sum. Pontifices concessisse multa priuilegia Religiosis contraria communi, etiam cum præiudicio tertij qualis inter alias est concessio facta Religiosis aliquibus de soluendis

uendis decimis , quod vergit in præiudicium Ecclesiarum , seu Episcoporum. Cùm ergo Pius V. in citato Motu proprio concedat Religiosis , & Monialibus, clarè , & expressè exemptionem à tali tributo vini , & carnis : & loquatur de omnibus Religiosis, & Monialibus per totum Orbem diffusis , & Princeps præsumatur habere ius commune in pectore (vt dicunt Iuristæ) sequitur , quod prædicta concessio non est derogata , imò quod derogaret iuri communi contrario, si daretur. Hunc Motum proprium Pij V. transcribit Capucinus Sorbo *in fine sui Compendij. fol. 3.* Vbi ponit Papa multas pœnas contrauenientibus illi decreto. Addit *ibi* Capucinus hoc priuilegium non fuisse derogatum à Gregor. XII. pro quo citat *ibi* Capucinus *fol. 8.* Authorem Catechesis Neapolitanæ. Adde quòd prædictum priuilegium fuit concessum ex Motu proprio, vt Papa exprimit , quod difficilius reuocatur. Et ego non vidi Bullam posterioris Pontificis reuocantem prædictum Motum proprium. Adde contra prædictum priuilegium non posse allegari præscriptionem , hæc enim contra bona Religiosorum non currit nisi per centum annos , vt dixi *suprà verb. Præscriptio.* priuilegia verò Religiosorum computantur inter præcipua bona illorum.

II Neque obstat, si dicas. Hoc tributum non imponi Ecclesiasticis , cùm lex eos non exprimat. Nam sufficit quòd publicani , seu venditores illud exigant ab Ecclesiasticis ementibus , quod *suprà* ex Suarez , & aliis diximus esse vim factam Ecclesiasticis. Neque obstant adducta in principio *num. 1.* pro parte opposita. Nam primum exemplum de praxi , & consuetudine , non potest habere locum saltem contra Motum proprium Pij V. contra quem non dari præscriptionem paulò ante diximus. Adde circa praxim quod *suprà* diximus dixisse ac vidisse Nau. in Italia, & Azor. in Hispania : Adde quòd Pius V. in Motu proprio citato reuocat consuetudines quascunque , imò Apostolicas ordinationes in oppositum etiam si latæ sint, ac editæ in Conciliis generalibus. Ad secundum , desumptum

P P P

ex Reg. Iuris, quòd qui sentit commodum sentire debet & onus, dico id verum esse, nisi princeps, vel habens potestatem concedat alicui, vt non obstante quod aliquis sentiens commodum publicum, liberetur ab onere alicuius solutionis. Probatur hæc solutio ex praxi principum etiam sæcularium, qui multis viris nobilibus concedunt priuilegia vt non soluant ad pontes, fontes, & similia opera publica de quibus tales viri nobiles etiam commodum recipiunt: quod à fortiori potest Papa concedere nobilibus Ecclesiæ, quales etiam sunt Religiosi. Adde quòd prædicta Regula iuris multas patitur exceptiones, vt *ibidem* Gloss. exponit. De duabus verò legibus ciuilibus *ibidem citatis* non est curandum, quia princeps sæcularis non potest condere legem præiudicantem libertati Ecclesiasticæ, & prædictæ leges correctæ sunt per ius Canonicum, vt aliqui Doctores affirmant, maximè Gloss. in cap. generaliter verb. Nouarum, & verb. Collationibus 16. quæst. 1. & alij Doctores *ibidem*. Et alij Doctores citati ab Henric. loc. supra citat. lib. 10. cap. 15. §. 5. Littera M, in gloss. vbi multos citat Doctores iuris. Et quod magis est, duæ citatæ leges sunt correctæ ab ipso iure ciuili in l. placet de sacros. Eccles. in Codice & l. 2. Cod. de Episcop. & cleric. & Authentic. nulla communitas Cod. de Episcop. & Cleric. per quas Ecclesiastici eximuntur ab omni genere tributorum.

Hæc omnia dixi in gratiam Religiosorum habentium prædictum priuilegium Pij V. non condemnans, vt dixi, Respublicas oppositum facientes, quia forsitan concessionem Pontificiam habebunt. supradictis derogantem, quam tamen non vidi, sed cuperem videre. Et proinde Doctoribus me submitto, & neminem condemno.

TRIDEN

T R I D E N T I N U M .

Concilium.

Cum Concil. Tridentinum tantæ sit venerationis: & tam multa sit de Regularibus locutum; totque illorum priuilegia derogauerit, ideoque sit toties à nobis citatum in supradictis, satis vtile duxi breuiter, & per summam hîc recitare loca in quibus aliquid loquitur spectans ad personas Religiosas, vt sciant illæ, quid possint, & quid non possint per priuilegia sua derogata.

Sess. IV.

Præscribitur modus seruandus in impressione librorum per Religiosos, de quo nos suprà titulo libri.

Sess. V.

Cap. 1. de Reform. iubetur vt in Conuentibus Religiosorum vbi commodè fieri potest, sint Lectores digniores sacre scripturæ assignati à Capitulo Generali, seu Prouinciâli.

Ibid c. 2. quod Prædicatores ad prædicandum in suis Ecclesiis petant benedictionem Episcopi: & ad prædicandum extra suos Conuentus petant licentiam. Nos suprà *verb. Prædicatores*. Et idem iubet *sess. 24. cap. 4.*

Eod. cap. 2. dat licentiam Episcopis puniendi Prædicatores prædicantes errores, & scandala: de quo etiam suprà *verb. Prædicatores*, & in hoc reuocat expressè priuilegia.

Ibidem etiam iubet vt Episcopi non sinant prædicare Regulares extra claustra viuentes, & extra obedientiam, nisi noti sint Episcopis, & probati moribus. Et hîc etiam reuocat priuilegia.

Sess. VI.

C *Ap. 3. de Reform.* Regularis degens extra Monasterium ; etiam prætextu priuilegij sui non obstante , potest puniri ab Ordinario , si extra claustrum delinquit. Et reuocatur priuilegium.

Sess. X I V.

C *Ap. 2. de Reform.* iubetur quòd nullus ordinetur quouis Ordine etiam Minori , absque expresso consensu, & litteris dimissoriis sui Prælati , aliàs manet suspensus ab executione Ordinis suscepti ad arbitrium Prælati.

Ibidem sess. 14. cap. 11. quòd Religiosus de vno Ordine translatus ad alium, non possit vagari etiam cum licentia superioris admittentis, sed suscipiatur ad professionem ; ita vt perpetuò maneat sub obedientia , & viuat intra clausuram.

Sess. X X I I.

In decreto de obseruand. &
cuitand. in celebr. Miss.

1 **P**rohibet illiberales , & importunas exactiones, & pacta pro celebrandis Missis nouis : & licèt in hoc non exprimat Regulares, generaliter tamen loquitur , & proinde etiam de illis.

2 *Ibidem* : ne permittantur celebrare ignoti Sacerdotes extranei absque testimonio claro sui sacerdotij. Etiam generaliter loquitur , & Regulares comprehendit. Vide suprà *verb. Missa.*

3 Ne Episcopi permittant etiam Regulares dicere Missam vbique , & in domibus priuatis , & oratoriis non ordinatis ab Episcopo , de quo vide suprà *verb. Altare numero 1.* Et licèt quoad hanc celebrationem priuatam dicat ibi Concilium quod possint Episcopi
illam

illam prohibere non obstantibus priuilegiis, &c. *Ibi* tamen Concilium non reuocat priuilegia, sed concedit quod possint reuocare ipsi Episcopi. Si tamen non reuocent, vide dicta *citato loco*.

4 Prohibet ne Sacerdotes celebrent nisi debitis horis: & ad hoc etiam committit Episcopis, vt possint reuocare priuilegia. Vide *suprà verb. Missa numero 3. & sequentibus*.

5 Prohibet Missarum non consuetum morem in modo candelarum, & aliis quæ sonant superstitionem. De quo *suprà verb. Missa, num. 8. & seq.*

6 Prohibet *eadem sess. cap. 4. de Reformat.* ne vocem habeat in Capitulo is qui non fuerit Subdiaconus. De quo vide *suprà verb. Electio num. 16.*

Sess XXI I I.

Cap. 10. de Reformation. quod Abbates non possint extra suos Conuentus, conferre primam tonsuram, vel minores Ordines iis qui non subditi sui Regulares. Et in hoc reuocat priuilegia. Vide *suprà verb. Abbas num. 2.*

Cap. 11. quòd Ordines minores non conferantur nisi scientibus saltem linguam Latinam, & seruatis interstitiis, & inter hos, & subdiaconatum interfit annus, non exprimit Regulares: sed loquitur generaliter. Vide *verb. Suspendio, num. 14.* & non reuocat priuilegia, neque consuetudinem.

Cap. 12. assignat ætatem in qua etiam Regulares debent suscipere subdiaconatum & ceteros Ordines. Et ad hoc reuocat penitus omnia priuilegia Mendicantium, & Regularium. Vide *verb. Ordines sacri numero 13.* & præterea *ibi* iubet quòd Regulares examinentur.

Cap. 13. quòd duo Ordines sacri eodem die neque Regularibus conferantur. Reuocat omnino priuilegia.

Cap. 15. quòd non possit Regularis audire confessiones sæcularium etiam Sacerdotum absque examine Episcopi. Reuocat priuilegia, & consuetudines.

Cap. 17. quod ministeria Altaris non exerceantur, nisi per constitutos in illis Ordinibus. Vnde carens Ordine Subdiaconatus non potest in Altari cantare Epistolam. De hoc non ponit reuocationem: neque ad hoc datur priuilegium: imò si carens isto Ordine exerceat tale officium cum solemnitate, incurrit pœnas de quibus Doctores agentes de Sacramento Ordinis.

Eadem session. cap. 13. & 14. alia decernit de promouendis ad Ordines sacros quæ sufficienter sunt explicata, *verbo Ordines sacri. & verbo suspensio.* Maxime nota, quod ibi dicit *cap. 14.* posse Episcopum dispensare cum promotum per saltum, si non ministrauerit. Innuítque non posse si ministrauerit. Quid verò possit in hoc Prælatum cum suo Regulari promotum, per saltum, si res fuerit omnino occulta iudicare poteris ex dictis *suprà ver. Ordines sacri. num. 14.*

Sess. XXIV.

C *Ap. 2. de Reformation.* iubentur aliqui exempti accedere ad Concilia Prouincialia Episcopalia, saltem ij qui obligantur ratione parochialium, aut aliarum Ecclesiarum annexarum.

Cap. 8. quod Regulares possunt esse examinatores, recepto prius iuramento: & quod nihil ab examinatis accipiant, aliàs labem simoniæ non euadent, &c.

Sess. XXV. de Reformat.

C *Ap. 1. de Reformation.* iubentur Fratres, & Moniales aptare vitam ad suam Regulam, & statuta in vestitu, cibo, & cæteris. Et admonentur Prælati omnino de cura, ac visitatione, super his facienda.

Capit. 4. datur licentia Generalibus vt in Capitulo Generali possint reducere magnum Missarum numerum, pro quibus sunt tenues eleemosynæ, ad minorem numerum cum conditionibus ibi appositis: de quo vide *suprà ver. Missa num. 1.*

Sess.

Sess. XXV. de Regular.

IN hac sessione tota agitur de Religiosis fusc per capitulum 22. Et aduerto ante omnia, quod omnia contenta in illis 22. Capitulis circa Regulares omnes vtriusque sexus præcipit observari, non obstantibus quibuscumque privilegiis, quorumcumque Religiosorum. Omnia enim in contrarium reuocat ibi, cap. ultimo, seu 22. Et proinde non est necesse in singulis sequentibus ponere reuocationem, ponam verò sola præcipua.

Cap. 2. prohibentur Religiosi in particulari habere peculium: & prohibentur Prælati illud illis concedere. De hoc vide supra verb. *Peculium* n. 1. & 2. & Monachus habens peculium indebitè priuatur voce actiua & passiuæ per biennium.

Cap. 3. conceditur omnibus Religiosis & Monialibus cuiusque Ordinis, exceptis Capucinis, & Minoribus observantibus, vt habere possint bona immobilia, ac redditus, non obstante Regula ipsorum. Secundò ne in Conuentibus recipiantur plures Fratres, vel Moniales, quàm possint sustentari commodè, ex redditibus propriis, & eleemosynis consuevis. Tertiò, ne erigantur in posterum noua Monasteria absque licentia Episcopi illius Diocesis,

Cap. 4. prohibetur ne Religiosus aliquis addicat se seruitio vel obsequio alicuius Episcopi, vel cuiuscumque alterius personæ sæcularis, vel Ecclesiasticæ extra Ordinem, nisi cum speciali licentia Prælati, quocumque prætextu se addicat. Secundò, ne Religiosus exeat à suo Conuentu, etiam prætextu adeundi Prælati, in scriptis obtenta. Aliter facientes possunt puniri ab Episcopis, tanquam desertores sui instituti. Tertiò, vt Regularis missus ad vniuersitates causa studij habitet intra Conuentum: alioquin ab ordinariis contra illos procedatur.

Cap. 5. agitur per totum de clausura Monialium, de quo nos supra verb. *Clausura Monialium*. Et præcipitur sub excommunicatione vt Principes, & Magistratus requisiti, dent auxilium ad prædictam clausuram con-

seruandam : & sub eadem pœna, ne aliquis ingrediatur dictam clausuram, absque licentia obtenta in scriptis modo ibi prædicto.

Cap. 6. præcipitur vt electiones quorumcumque superiorum Regularium fiant per vota secreta, ita vt nomina eligentium nunquam publicentur. Secundò, ne possint vota, seu suffragia absentium suppleri per alios præsentem. Aliàs factum irritatur. Et priuantur officio, & inhabilitantur ad futura, qui se secus eligi permiserint.

Capit. 7. ponuntur conditiones Abbatissæ eligendæ, vt sit 40. annorum ætatis, 8. professionis, & quòd laudabiliter vixerit in Ordine. Si verò talis ibi desit, poterit eligi habens 30. annos ætatis, & quinque professionis. Secundò, quod superior præsidens electioni, non intret clausuram, sed ad crates vota singulorum audiat.

Cap. 10. Moniales confiteantur, & communificent saltem singulis mensibus. Et superiores bis aut ter in anno offerant illis Confessorem alium extra suum Ordinarium. Secundò, prohibet ne Moniales habeant sacrosanctam Eucharistiam intra chorum: quod iuxta Rodriguez, & praxim, intelligitur, si ita sit intra chorum, vt pro illa portanda, ac renouanda, aperienda sit clausura, Secus si sit suprà chorum, id est, intra parietem chori, vt Moniales non accedant, sed aspiciant: Et de foris, per coleam, seu scalam, possit deduci à Sacerdote, ac renouari sine ingressu clausuræ, toties quoties.

Capitul. 11. Regulares qui habent curam Ecclesiarum sæcularium, sint subditi Episcopi in visitatione, & correctione quoad curam, & administrationem Sacramentorum. Neque Prælati Regulares possint ibi assignare aliquem nisi de consensu, & examine Episcopi. Excipit loca in quibus Generales, vel capita Ordinum habent sedem principalem: vel in quibus Abbates, & superiores exercent iurisdictionem Episcopalem, & temporalem in parochos.

Cap.

Cap. 12. præcipit, vt Regulares in suis Ecclesiis, publicent, & obseruent, censuras positas per sedem Apostolicam, & interdictam: & hæc etiam posita per ordinarium publicent, & seruent. Et obseruent etiam dies festos præceptos ab Ordinariis. De quo *suprà, verbo Interdictum, & verbo Festi dies.*

Cap. 13. præcipit vt Episcopi componant controuersias, ac discordias omnes inter præcedentias Regularium pro actibus publicis: & quod Regulares vocati ad professiones, teneantur accedere. Vide *suprà verbo Professiones.*

Capitul. 14. decernitur vt Regularis viuens intra claustrum, & extra illud scandalosè delinquens, puniatur à Prælato instante Episcopo intra tempus assignatum ab Episcopo. De quo vide amplius *verbo Episcopus, num. 2.*

Cap. 15. decernitur ne fiat professio viri aut feminae, si non habeant 16. annos ætatis completos: & annum vnum integrum Nouitiatus: aliàs facta irritatur. De quo multa *suprà verbo Nouitius, & verbo Professio.*

Capitul. 16. iubetur ne Nouitius anno Nouitiatus faciat donationes, nisi intra duos menses proximos ante professionem: & cum conditionibus ibi positis: aliàs sint irritæ. De quo *suprà verbo Nouitij donationes.* Secundò, ibi præcipitur, vt Nouitius anno probationis finito, statim admittatur ad probationem, vel eiiciatur. Excipit morem Patrum Societatis Iesu, qui finito bienno emittunt tria vora solum simplicia: & professionem solemnem emittunt multo post ad arbitrium sui Generalis, quam consuetudinem illis permittit. Vide *suprà, verbo Professio, numero 1.* Tertiò, ibi præcipit ne Nouitij, aut parentes, vel consanguinei dent aliquid Monasterio, præter victum, aut vestitum. Vide *verbo Monasterium num. 11.*

Capit. 17. Nouitiæ Moniales, antequam professionem emittant, sunt examinandæ ab Ordinario de libertate, vel per suum Vicarium an liberè profiteantur. Et Abbatisa tenetur ante professionem, per vnum

menssem monere de hoc Episcopum : quod si non ~~no-~~
near, suspenditur ad arbitrium Episcopi. Vide *suprà, verb.*
Novitia. num. 3.

Cap. 18. excommunicantur cogentes aliquam fœminam inuitam intrare Religionem, vel habitum suscipere, præterquam quod in casibus à iure expressis, vel auxilium, fauorem, & assistentiam dantes. Et è contra excommuicantur etiam prohibentes aliquam fœminam intrare volentem aliquam Religionem, de quo vide *suprà, verb. Moniales, n. 6. 7. & 8. 9.* Sed ab his legibus excipit ibi fœminas quæ conuertitiæ, aut poenitentes appellantur, in quibus constitutiones illarum seruentur.

Cap. 19. præcipitur primò vt Regularis, qui prætenderit allegare se non esse verè professum, ob metum, vel defectum ætatis, id faciat in quinquennio cum cæteris ibi conditionibus : de quo vide latè *suprà verb. Professionis reclamatio. à n. 44. & sequent.* Secundò, ibi præcipitur ne possit aliquis transire ad laxiorem Religionem : nec illi detur licentia portandi habitum suæ Religionis occultè. Vide *verbo Religio. n. 12.*

Cap. 20. & 21. aliqua ponuntur de Abbatibus, & Abbatiis, quæ quia non sunt communia Regularibus, & vt ibi dicitur *c. 21.* difficile habent remedium, omitto : videat ibi qui volet, & cui interest.

Hæc sunt præcipua quæ in Tridentino iniunguntur Regularibus, & in quibus illorum priuilegia renocantur. Cætera, si quæ sunt, minora sunt, & ex positis in hoc tractatu intelligentur. Casus verò in quibus Tridentinum subiicit Regulares Episcopis sunt : *in sess. 5. cap. 1. de Refor. sess. 6. cap. 3. de Refor sess. 7. cap. 7. & c. 14. de Reform. à versic. Addendo. & infrà. sess. 23. cap. 16. §. Nullus sess. 24. cap. 1. de Reform. Matrimonij, vers. Quod si quis & c. 2. de Reform. & c. 4. vers. Nullus, sess. 25. c. 4. vers. Qui verò & cap. 11. & 13. de precedentiis. & cap. 14. & 16. præter alia quæ in hoc tractatu inuenies.*

A D D I T I O.

Vide infra verb. *Vine vocis oraculum*, num. 3.

Questio ab aliquibus disputatur, utrum Sum. Pontifices qui post Concil. Tridentinum promulgant aliquos Motus proprios vel aliqua privilegia concesserunt Religiosis, vel aliis, in quorum fine ponunt multas reuocationes, dicendo non obstantibus quibuscunque, &c. censeantur derogare Concil. Tridentini decretis. Et videtur quod sic. Nam Papa est supra Concilium, ut est certissimum apud Doctores in materia de fide: & præterea tanquam Princeps præsumitur habere totum ius in pectore: ergo si concedit aliquid repugnans Concilio Tridentino censetur illud velle reuocare. Et eadem questio esse potest quando Papa concedit aliquid contra quodcumque aliud ius commune contentum in Conciliis generalibus, vel in corpore iuris Canonici. Et confirmatur, quia si verba illa posita in fine Bullarum, *non obstantibus quibuscunque*. non operarentur hunc effectum reuocandi decreta Conciliorum, & Canonum, frustra ponerentur à Papa, si contra talem nouam concessionem daretur aliud antiquum decretum Canonis, vel Concilij. Huius opinionis esse videtur Rodriguez *tom. 3. qq. Regul. quest. 46. art. 1. §. secunda conclusio*. Vbi agens de quodam privilegio circa quartam funeralem concessa Fratribus Prædicatoribus per quod videtur reuocari *Clementina dudum. de Sepult.* quæ facta fuit in Concilio Viennensi, subdit Rodriguez. Quod in omni materia si per verba derogatoria prolata, licet generaliter, ab eo qui potest, appareat eius voluntas, quod generaliter omnibus derogare voluit illis statutis: pro quo citat in margine *cap. nonnulli. de rescript. & c. ex parte, de Capel. & Inn. & Archidiaconum*, & hac ratione motus censet ibi Ioannem XXII. per privilegium subsequens derogasse

derogasse dicta *Clementina*. licet illius mentionem, non fecerit: quia, inquit Papa Ioannes illius *Clementinae* notitiam habebat, & sic ex certa scientia illi derogauit. Sic Rodriguez. Et quidem opinio ista valde probabilis est propter rationes suprà adductas, quæ sunt etiam positz à Rodriguez. Et vix videtur posse illis responderi.

2 Sed video ipsam Rodriguez *eod. tom. 3. q. 37. art. 4. post medium §. circa quàm*, fusè tenere cum multis Iuristis quos citat vtriusque Iuris, ac Theologis, quod, vt concessionem Pontificiæ posteriores reuocent, aliquod decretum Concilij generalis, est necessarium, vt fiat expressa mentio illius Concilij derogati. Citat Archidiaconum Baldum. Paul. de Castr. Iacobum. Couar. Meneses, Gutierrez, Anastas. & alios, & dicit esse communem, adeo, vt totus mundus eam seruet, sicut ibi refert ex Felino. Rationem assignat communem, nam decreta facta in Concilio generali maturius examinantur, & maiori examine proferuntur à tot, ac tantis viris piis ibi concurrentibus ac proinde difficilius Sum. Pontifices dispensant in decretis Concilij generalis. Cum ergo Concilium Trident. his vltimis temporibus durauerit in fieri per annos 27. vt patet ex Bulla Paul. I I I. Concilium inchoantis, ex Bulla Pij I V. illud confirmantis: cum præterea constet tot, ac tantos viros in omni scientia necessaria claros ibidem interfuisse, credendum est nolle Sum. Pontifices decreta talis Concilij tanto tempore, ac tanta maturitate examinata, derogare, nisi id exprimant, moti aliqua particulari necessitate. Cuius signum esse potest, quod recentiores Sum. Pontifices confirmantes priuilegia Ordinum: dicunt vt plurimum; *Dummodo Concilij Tridentini decretis non contradicant*: Tenet hoc ipsum Rodriguez *eod. tom. 3. quest. 17. articul. 2. §. Nec contra*. Et citat ibi *cap. post translationem. de renunciat.* Idem tenet Sanchez *libr. 3. de Matrimon. disput. 26. numer.* Vbi citat Felin. Seluam, Parisium, Nauar. Couar. Cordubam, Menochium, Molinam, Viuald. & alios multos. Ac proinde dicit, quod vt posteriores Pontifices derogent decretis Concilij generalis, maximè si Concilium sit modernum,

modernum, necessarium est ut ponatur hæc clausula: *Non obstante aliqua lege, aut constitutione in Concilio generali edita.* Quam clausulam posuit Pius V. in Motu proprio quo eximit Religiosus à solutione tributi positi in emptione carnis, & vini, sicut dixi verbo *precedente Tributum in solutione ad primum* Et citat Sanchez duo capit. iuris quæ ibi vide: Ratio verò quam affert est prius tradita à Rodriguez, *citata quest. 37. articulo 4.*

3 Ecce vides duas opiniones, primam paucissimis Doctoribus firmatam, sed validis rationibus roboratam. Secundam multitudine doctorum munitam, sed vnica tantum ratione, seu coniectura debili fulcitam, ut ferè hîc locum habere possit dictum Nau. *in Sum. Latina c. 7. num 4.* Vbi ait discedendum esse à communi opinione, quando pro parte opposita datur ratio, vel rationes, quibus vix potest responderi. Hoc posito elige quod volueris. Hoc tantum dico, quod tenentes opinionem secundam tot Doctorum, respondere poterunt ad obiecta pro prima, iuxta illam regulam iuris in 6. Quod in concessione generali non veniunt illa, quæ si concedens rogaretur in speciali, denegaret. At si Papa concedens aliquid contra Concilium rogaretur, Papa non exprimente, maximè contra Tridentinum credibile est quòd Papa denegaret.

4 Hoc solum aduerto prædictos Doctores Rodrig. & Sanchez cum illis quos citant, id solum asserere de decretis positis in Concilio generali, ob rationem positam n. 2. Nihil verò dicunt quando concessio Papæ posterioris contradicit alicui Canoni alicuius Papæ posito in corpore iuris, quod condidit extra Concilium Generale: vel de aliqua Bulla Pontificia quæ non est posita in corpore iuris. De his enim duobus videntur dicturi, quod reuocatio generalis ordinaria derogabit cuius illorum maximè ob dicta n. 1. Et admissa priori opinione licebit deducere multas conclusiones in multis casibus occurrentibus circa valorem priuilegiorum. Quod etiam licebit facere stando in opinione 2. siue communi, quæ quia quotidiana sunt recenserî non possunt: sufficiet ad supradicta recurrere.

5 An

5 An verò priuilegia Regularium, quæ contrariantur Concilio Tridentino sint reuocata per ipsum Concilium, & per posteriores Pontifices dixi *suprà ver. Priuileg. n. 64.* Vbi credidi esse reuocata: licet pauci id negent: Eodem etiam *ver. n. 71. & 72.* dixi an priuilegia Regularium reuocentur per Bullam Cruciatæ, vel per Bullam Cœnæ.

6 Pro regula adhuc generali, in hac materia dicendum est non posse Regulam generalem assignari, nisi hanc. Cum reuocatio priuilegij, vel Concilij pendeat à mente & voluntate reuocantis, potentis reuocare: Et mens cuiusque ex verbis externis, quibus illam indicat, colligi debeat: sequitur quòd quando Papa reuocat standum est verbis ibi prolatis, quibus suam voluntatem exprimit, vt Rodriguez dixit *primo loco suprà citato.* Nam Regula fixa in iure, non est alia melior illa, ad quam Doctores in hac materia passim recurrunt, videlicet: In concessione generali non veniunt illa, quæ concedens concessurus non esset, si in particulari rogaretur.

VELVM MONIALIVM.

1. **M**ultiplex est velum Monialium, quorum notitia inseruit ad intelligenda multa iura antiqua. Primum est velum professionis, quod scilicet imponitur in die professionis. Secundum est velum consecrationis. Et hoc datur, quando Monialis consecratur ab Episcopo in virginem: & hoc datur solùm fœminæ in anno 25. suæ ætatis *cap. placuit 20. quest. 1.* Tertium velum erat ordinationis, quo tradebatur certis fœminis potestas, seu Monialibus, legendi homilias, & inchoandi Antiphonas in choro, de quo D. Antoni 3. *partit. 20. cap. 2. §. 2.* Et hoc officium etiam olim dicebatur Diaconissa. De quo Baron. *tom. 1. Annal. anno 34. cap. 255. & sequentibus.* Sed hoc velum, & officium iam non est in vsu: hodie enim omnes Moniales, imò Nouitiæ legunt homilias, & inchoant Antiphonas.

Quartum

Quartum velum erat praelationis : quod nihil aliud erat quam Monialem eligi , & confirmari in Abbatissam. Et videtur de hoc loqui *caput iuuenulas 20. questione 1.* de quo multa supra *verba Abbatissa vidua.* Quintum velum erat continentiae , quod tradebatur viduis. De quibus omnia Syluest. *verb. Consecratio virginum, & multi alij.*

2 De velo consecrationis , multi multa dicunt : id est , de velo virginitatis : multi enim affirmant peccare mortaliter Monialem , quæ si virgo non est , etiam si peccatum illius sit occultum , permittit se consecrari in virginem. Alij alias faciunt explicationes particulares de modo virginitatis , quæ quia raræ sunt , ad rem non videntur facere. Ego credo , quòd si Monialis viuat in Conuentu , vbi est consuetudo , quòd omnes consecrentur in tali ætate , & illa non possit recusare consecrationem absque notabili infamia suæ castitatis , & certum est non posse moraliter : si illa virgo non sit , & eius peccatum est occultum potest absque peccato recipere velum virginitatis cum aliis : non enim tenetur se infamare , & tali infamia , qualis hæc est in fœmina nobili. Probo clarè dicto supra , *verbo Officia Ordinis* , videlicet , quòd quando Religiosus in occulto est excommunicatus , & inhabilis , & eligitur ad praelaturam , cui recuncians , non acceptatur , neque auditur , neque potest suum impedimentum absque notabili infamia detegere ; poterit acceptare cum protestatione ibi facta ; &c. Ius enim naturale honoris ibi præualet positiuo. Quod videtur posse applicari in casu præsentis , fama enim honestatis in fœmina nobili , magis ponderare videtur , quàm quæuis in viro. Et præterea acceptare velum virginitatis cum tali impedimento , non videtur tam graue , quàm acceptare praelaturam , sed curam animarum in homine excommunicato , & inhabili de iure. Est aliud exemplum fortissimum de homine existente in peccato mortali , qui necesse habet communicare ob timorem infamiæ notabilis , vel celebrare : & tamen caret confessore : hîc enim potest communicare , vel celebrare , vt
cuadat

984 *Veneficia, Incantationes.*

evadat notabilem infamiam si habeant contritionem: ergo si hic contritus potest recipere corpus Christi ob vitandam infamiam; videtur quòd possit Monialis confessa, & communicata ob vitandam infamiam recipere velum virginitatis, si aliter vitare non potest infamiam. Tenet etiam Rodrig. tom.3. *Addit. cap.90. num.4.*

VENEFICIA, INCANTATIONES, sortilegia.

Inter casus designatos à Clemente VIII. ut possent reservari, primus erat iste contentus in titulo. Et quia fortè in aliquibus Religionibus fuit acceptatus, & reservatus, non faciam præter intentum istius explicationem hîc breuiter inferere per Summam: nam exacta illius explicatio librum non paruum postularer.

Igitur hæc tria, veneficia, incantatio, sortilegium ferè non differunt specie, sed solùm ex parte materiæ, seu modi quo fiunt, & concordant hæc tria in formali malitia quæ est fieri instigante, vel pacifcente diabolo. Est igitur hæc distinctio: veneficium est applicare res naturales inefficaces ad talem effectum non utendo aliquibus verbis, neque cæremoniis. Incantatio est dicere verba inutilia, vel inofficiosa ad talem effectum, non apponendo res naturales, sed sola verba. Sortilegium est quando mittuntur sortes, vel quid æquivalens sit ad cognoscendum secretum præteritum, vel futurum: ita ut semper in his tribus concutrat diabolus. Colliguntur hæc omnia ex *capito igitur 25. quest. 3. & 4* quæ desumpta sunt ex D. August. Et ex *ibidem* dictis intelligitur etiam distinctio accidentalis, seu ex parte materiæ inter alios, qui pacto diaboli alicuius dicuntur diuini, quia scilicet profitebantur se plenos diuinitate ad diuinandum. Alij dicebantur Arioli, quia, ut secreta panderent circuibant aream, seu altare dicendo certas orationes.

orationes. Alij dicuntur Haruspices, à verbo hora quia scilicet observabant certam horam, vt panderent secretum. seu diuina. Alij dicebantur Augures ab aue, quia scilicet ex volatu auum in hanc, vel contrariam partem portendebant bonum, vel malum successum. Alij denique vocabantur aliis nominibus sumptis ex materia in qua exercebantur: sed in omnibus prædictis semper diabolus mouebat pacto expresso, vel virtuali. Et proinde hæc nomina sæpius confunduntur, vt Ariolus, vel Haruspex & cæteri dicuntur venefici. Et isti dicuntur diuini, &c. quia licet in materia, ac modo differant, substantia malitiæ, & author illius diabolus in omnibus illis interuenit. Et omnes hos malos artifices comprehendit Papa in isto primo casu, veneficia, incantationes, sortilegia. Ad hæc autem omnia vitia se habet tanquam genus superstitio, quæ est in substantia est inuocatio dæmonis. Et est magnum peccatum oppositum virtuti Religionis, quæ inter virtutes morales est prima, teste D. Thom. 2.2. *quest.* 81. *art.* 2.

DE VENEFICIIS IN PARTICVLARI.

2 **D**icitur veneficus qui aliquando vtitur rebus venenosis: dicitur & maleficus, ex malis quæ intert aliquando rebus viuentibus: cum igitur hæc prima species versetur in applicandis rebus naturalibus alicui effectui, respectu cuius producendi non habent efficaciam naturalem: pro regula generali tenendum est ex D. Thom 2.2. *quest.* 96 *artic.* 2. *ad* 3. Si res aliqua adhibeatur ad aliquem effectum, ad quem producendum non habet virtutem naturalem aliquam, est veneficium, vt plurimum, quia si tunc sequatur effectus non est virtute causæ naturalis, vt patet, sed diaboli adhibentis rem illam, vt signum pacti initi cum persona illa expressè, vel tacitè. Est tamen aduertendum ex *Victoria de arte Magica qu.* 3.

num. 7. & aliis non semper effectus, qui nobis videntur mirabiles prodire à diabolo : nam possunt prodire à causa naturali nobis incognita, & maximè per magiam naturalem, quæ cognitis secretis virtutibus rerum naturalium, illasque miscendo producit effectus naturales quidem, sed vulgo incognitos, quia ignorantur communiter rerum illarum particulares virtutes, quod latè persequitur Delrio *lib. 1. Magic. disqui. capit. 2. & 3.* & sæpe particulares homines, etiam mali, per studium, vel praxim assecuti illarum virtutem naturaliter, ac licitè producant illos effectus, qui aliis videntur mirabiles, cùm tamen non sint tales, neque à dæmone profecti.

3 Ut verò isti effectus sic mirabiles cognoscantur an sint à dæmone, an à causa naturali sufficiente, accipe sequentia documenta. Primum si ad illum effectum adhibeantur certi ritus, & circumstantiæ inutiles de se, sed adhibeantur tanquam necessarij, ut, si fieri debeat opus in tali hora, vel respiciendo ad solem, vel coelum : vel certo die, vel certo numero crucium, vel orationum ; vel certa corporis positura ; vel dicendo verba incognita, & inusitata : vel ponendo characteres ignotos, & sic de cæteris. In omnibus istis credendum est adesse pactum diaboli : quia illæ circumstantiæ iussæ apponi, ut necessariæ, sunt inutiles ad illum effectum, ut patet : & proinde clarum signum est apponi à diabolo, ut signum pacti initi. Ita Valentia 2. 2. *disput. 6. quest. 13. puncto 2.* & alij communiter. Secundum documentum. Ex modo operationis, potest colligi si effectus producat à causa naturali : ut si quis causam habuisset in loco ita distante à re patiente, ut secundum veram Philosophiam per causam naturalem sit impossibile in loco tam remoto operari. Quale fuit illud quod scriptum dicitur in annalibus Oppidi Scalabitani in Portugallia, de quadam fœmina, quæ edocta à venefica, in eodem oppido domi suæ pungebat pugione imaginem sui mariti existentis in India Orientali, & illa punctio Scalibi facta torquebat mirabiliter maritum in India existentem, ita ut pene

pene maneret exanimis. Tertium est ex conditione, siue magnitudine effectus sperati in se, vt si loquatur statua, vel moueatur quid inanime, vel si comminatio fiat de re impossibili naturaliter, vel de re absurda. Tales enim effectus in se ita magni sunt vt naturaliter effici non possint, nisi à malo vel bono spiritu. Quale etiam erit sistere cursum fluuij, incendere amorem inhonestum in aliquo cum amore ferè insano, & sic de aliis, quæ vir prudens ac pius statim assequetur.

4 Si verò rebus omnibus pensatis, dubium sit an effectus iste possit produci ab aliqua causa naturali latente, in tali dubio non est ascribendus effectus diabolo: cum ignoræ nobis sint, vt diximus, multæ virtutes rerum naturalium, à quarum aliquo poterit effectus ille produci. De quo multa dicit Augustin. 14. *de Ciuit. cap. 24.* & alij. Tunc verò multum valebit considerare vitam, ac mores operantis vel docentis, & circumstantias vanas si quas adhibeat: An verò in tali dubio possit attribui notabilis ille effectus virtuti diuinæ, vel non: Gerson. 2. *part. tract. de absolut. Sacrament. Alphab. 33. littera L.* tradit hanc Regulam: *Nunquam attribuenda est aliqua virtus supernaturalis talibus rebus quibuscunque nisi hoc trahi possit ex scriptura sacra vel reuelatione diuina, & oppositum credere habet speciem superstitionis.* Sic ille. Cum ergo non constiterit aliquid ex suprà dictis, suspectus erit effectus, maximè si concurrat vana circumstantia, & mala vita authoris.

5 Ex his infert Suarez *tomo de Religion. lib. de superst. cap. 1. n. 26. & 27.* non esse absoluendos videntes remediis externis ad morbos, quæ euident est non posse esse causas naturales sanitatis, quamuis publicè tolerantur: quia non datur ibi probabilis ratio quòd ibi assistat virtus supernaturalis: hoc enim solum proprium est in verbis formarum Sacramentorum: neque credendum est talem virtutem reuelasse Deum alicui Sancto.

6 De saluatoribus, videlicet qui saluâ, vel tactu curant morsum carnis rabidi. Sanchez 2. *Decal. à num. 45.* multa dicit: 1. ait ab aliquibus Doctoribus illos

excusari, cùm possit illius saliva habere in tali subiecto virtutem naturalem, vel possint habere gratiam gratis datam etiamsi alias sint flagitiosi. At ipse Sanchez *ibidem* illos ut plurimum suspectos esse dicit, maximè quando in illis reperiuntur sequentia ab illis dicta. Primum solent dicere se indigere nimio vini potu ad excedendam hanc virtutem. Secundum est, quòd solent panem à se morsum porrigere morsis à cane rabido: quæ duo licet aliqui damnent, ipse tamen Sanchez aliquo modo excusat, quia per calorem vini, vel salivæ impressa in pane poterit illa virtus naturalis, vel excitari, vel communicari. Tertiò, aliquando dicunt se non posse sanare morsum in præsentia alterius salivatoris maiori vi pollentis: Et hoc tanquam verè suspectum ibi reprobatur Sanchez. Sicut etiam reprobatur quartum quod dicunt vnum salivatorem cognoscere alium salivatorem, quamvis illum nunquam viderit. Falsum est etiam quod dicunt, illam virtutem inesse cuius filio septimo per viam masculinam, ac denique quod possint ignem intrare absque damno. Quibus de causis, maximè si concurrant aliqua verba inutilia, vel vana circumstantia habendi sunt hi omnes tanquam suspecti.

7 Suspectæ sunt etiam, ac damnandæ imagines Astrologicæ, vel characteres gestati ad effectus extraordinarios assequendos: nam hæc, & similia, (quas vocant nomina, absque Reliquiis Sanctorum) non possunt alterare corpora, ut sanitatem naturaliter inducant. Vide Sayro *Clau. Reg. lib. 4. c. 6. n. 4.*

8 De enpsalmis verò multi, multa dicunt: & aliqui affirmant esse licitum illis uti. Multa congerit denuo Emanuel Valle *sectione 1. c. 1. & seqq.* & maximè *sect. 1. c. 6. n. 2.* ait communem Doctorum sententiam illos reprobare. Mihi placet brevis ac resoluta doctrina de enpsalmis tradita à Sanchez *cit. c. 40. n. 39.* per sequentes propositiones. Prima: esse licitos si fiant solis orationibus licitis, & adiurationibus licitis absque aliqua vana circumstantia: ut si fiant de precando passionem Christi, vel quid simile, ut medicinæ naturales applicatæ

earum sortiantur effectum. Pium est enim Christum D. vel Sanctos inuocare, ut medicinae naturales sortiantur effectum, ut docet Nau *in Sum. cap. 11. n. 36.* Secunda propositio, si alia verba adhibent nullam applicantes medicinam naturalem efficacem ad illum morbum curandum, sed credunt illis solis verbis, vel crucibus curandum, est curatio vana, & superstitiosa, ac proinde suspecta. Nam talia verba, vel signa non habent virtutem naturalem ad illum effectum, ut patet: Nec virtus supernaturalis ostenditur ex Sacra. scriptura vel reuelatione, ut supra diximus ex Gersono. Tertia est; quod ut plurimum tales enphalmi seu carminationes maxime à foeminis (Vulgo *benzedoiras*) esse suspectas, quia ut plurimum vana miscent, & proinde non esse permitendas: maxime si Ecclesiasticus iudex eas interdixit. Et addit ut plurimum in his non uti nisi personas viles, & vitae non probatae & ignotae: & quando essent vitae probatae, periculum est ut aliae personae vitae male illis vrantur.

9 Ex his regulis generalibus elici potest quid dicendum sit circa alia veneficia quando adhibetur res seu media, in quibus miscetur aliqua vana circumstantia, seu verba inefficacia ad talem effectum, de quibus late inuenies apud supra citatos Doctores. Nobis satis sit summatim perstringere, ex qua orta dubia resoluentur.

DE INCANTATIONE

solo verbo facta.

10 **I**ncantatio, ut diximus, est quando fit solo verbo: vel fit praecipue verbis, etiam si res aliqua parua adhibeatur, ut cum adhibentur certae preces, aut verba ad aliquem effectum obtinendum. Et in hoc inseruit etiam regula generalis supra posita ex Gersono, & aliis: videlicet, quod in citatis verbis etiam sacris, adhibetur aliqua vana, & inutilis circumstantia tanquam necessaria, ut quod proferantur tali die, hora, cum tali situ corporis, vocis; tali charta, tali figura,

tali caractere , hæc omnia sunt suspecta , & proinde damnata. Idem dicendum , si adhibeantur nomina incognita , & significationis incognitæ , vt Angelorum non cognitorum, vel characteres ignoti, quia tunc præsumitur talia inuenta à dæmone, ne deprehendatur. Vidi ego meis oculis quandam personam religiosam, aliàs simplicem, & timoratam, à quouis alio edoctam, quæ quando aliquis ægrotus erat in graui morbo periculoso, accedebat ad illum, & secretò ad aurem dicebat ægrotò quædam nomina ignota Angelorum incognitorum significationis ignotæ, & tunc ex prolatione illorum nominum dicebat ægrotum certò moriturum, vel non moriturum. Idem dicendum est, si effectus secutus ex verbis sacris prolatis sit effectus vanus in se, & inutilis, vt si ex illorum prolatione moueatur annulus, vel cribrum, vel quid simile quod est inutile ad animam, & proinde peccatum verba sacra ad id applicare, neque item verba prophana. Neque item licitum est talia per iocum proferre. Idem dicendum est quando in talibus verbis miscentur aliqua incerta, falsa vel apocrypha, vt quod Christus Dominus habuerit febrim, vel similia: quia dæmon pater mendacij ista inuenit & illis gaudet.

II Quæris an sit peccatum prædicta verba ab incantatore applicata ad vanum finem vt mouendum annulum, proferre aliquando pro bono fine absque peccato. Caiet. in Sum. ver. Incantatio, dicit se id fecisse hoc bono fine: vidit quendam prolatione verborum sacrorum fecisse moueri annulum suprà filum: ipse Caietanus protestans prius se non prætere malum finem, sed lolum detegi mendacium, neque illa dicere vt applicata à diabolo, sed illa verba ad Deum Authorem dirigere; protulit verba, & annulus stetit immotus. Credit tamen Sanchez cit. c. 40 n. 25. quòd proferre illa verba ad illum effectum vanum experiendum, semel tantum ex leuitate, & curiositate, non esse peccatum mortale. Quod ego non credo; neque consulo, cum sit materia grauis facere aliquid ex tam præsumpto pacto diaboli. Addit bene ibi Sanchez, neque esse licitum proferre illa verba cum hac protestatione præmissa

missa: scilicet, si iste effectus est à dæmone non intendo consequi finem, neque hoc amplius faciam. Est enim grauis, vel clara præsumptio quòd sit ibi superstitio, & proinde, re, & factò vitur iam superstitione.

12 Gestare nomina ad collum, in quibus continentur sola verba diuina, vel imago Christi Domini, vel signum Crucis, & sic Sancta alia similia, est licitum, dummodò ibi non misceatur aliqua vana circumstantia ex relatis n. 10. vel non misceantur aliqua verba barbara, vel quid simile. Sayro *Clau. Reg. lib. 4. cap. 6. n. 6.* & cæteri communiter. Gestare verò ad collum certas ligaturas, quas neque vsus Ecclesiæ, neque Medici commendant, suspectum est, & prohibitum: constat ex c. 1. 26. q. 5. vbi puniuntur anathemate portantes phylacteria similia.

13 Addit Sayro *cit. l. n. 7.* esse superstitiosum, & illicitum aperire venam sanguinis in hominibus in die certa alicuius Sancti, vel colligere herbas in die Sancti Ioannis, vel alterius Sancti, nam illa circumstantia vana est, neque ad effectum naturalem extraneum habet efficaciam. Idem tenet Nau. in *Summ. Latina. cap. 11. n. 36.* Ait tamen Sanchez *cit. c. n. 33.* non fore peccatum si in colligendis herbis, vel custodiendis animalibus, vel illis à morbo curandis dicantur aliqua verba Diuina, dummodò non ponatur spes certa in illis, neque misceatur aliqua vana circumstantia, & probat ex D. August. & D. Thom. Addit verò vanas, & omnino illicitas esse publicas supplicationes, in quibus imago alicuius Sancti in flumen iniicitur, aut prope illud ponitur donec pluat: est enim hoc facere iniuriam, & supplicatio contra mentem, ac modum Ecclesiæ. Vide supradictos Doctores citatos plura dicentes, & Caietanum in *Sum. Verb. Incantatio.* Nobis hæc sufficiant ad cognoscendum quando Religiosus committat hunc casum reservatum Incantationis.

D E S O R T I L E G I I S.

14 **H**Æc est tertia particula illius casus reservati, in qua aliquando potest etiam intercedere pactum diaboli, pro quo præmitto tria esse genera sortium. Primum dicitur sortes diuisoriae: quæ scilicet mittuntur ut sciant sortientes quid cuique tribuendum sit in electionibus, & controuersis aliis. D. Th. 2. 2. q. 95. art. 8. Aliæ sunt consultoriae, quæ fiunt ut inquiratur Diuina voluntas quid in aliquo negotio faciendum sit. Aliæ sortes dicuntur diuinatoria, quibus quis utitur ad occulta cognoscenda. Ut si sic, vel aliter carthæ, vel taxilli cadant, consideretur prosper vel malus effectus: vel cum diuersa nomina mittuntur in urnam, ut cuius nomen prius extractum sit culpæ reus in tali delicto iudicetur. Vel si liber aperiat: & læra primò legantur, sit omen bonum, secus si legantur tristia.

15 His positis, certum est apud omnes has sortes diuisorias licitas esse in contractu humano: ut cum dubitatur, quis portionem istam totam, vel portionem maiorem sit accepturus, & pactum sit inter partes, licitum est id forte iactâ terminare: tunc enim partes concordant, & nulli fit iniuria. Est communis, & recepta in praxi.

16 Sunt etiam licitæ sortes in electionibus ad officia sæcularia. Est etiam communis. Sayro *Clau. Reg. lib. 4. cap. 5. num. 20. & 21.* & alij nam *cap. fin. in fine de Sortileg.* prohibens sortes loquitur de electionibus Ecclesiasticis, ut communiter exponitur, quod nos statim dicemus. Vnde tempore pestis vel belli licitum est sortes mittere, ut super quem ceciderit, maneat in custodia loci peste infecti, vel bello subiecti, quia partibus conuenientibus nulli fit iniuria. Est etiam licitum id quod practicatur in bello, ut quando sunt multi rei ad mortem, & non conuenit omnes perire, mittantur sortes ut pauci pereant. Quod intellige si non con-

flet

ſtet certò de perſona, quæ fecit delictum, ſi enim de illa conſtet erit illicitum, & iniuſtum eſt mittere ſortes. Delrius *lib. 4. Di q. Magic. c. 4. q. 1.* qui ibidem ait idem licere tempore tempeſtatis cùm quis iaciendus eſſet in mare, & omnes alij conſentirent.

17 Poſſunt verò vitari, ſeu reddi illicitæ hæ ſortes diuiſoriæ ex circumſtantiis extrinſecis. Primò ratione malæ intentionis, vt ſi quis ab aſtrorum influxu ſortem fœlicem expectaret. Secundò, ſi expectetur ſors fœlix à fortuna. Tertiò ſi expectetur dæmonis auxilium in manu extrahentis ſortem, vel ſortes mittantur illo inuocaro, vel præmonente: in his enim omnibus apparet clarè iniquitas. Quartò, erunt illicitæ ſi circa officia ſæcularia mittantur ſortes inter dignos, & indignos, tunc enim erit clara iniuſtitia diſtributiua, & contra bonum Reip. regimen cùm detur occasio eligendi indignum. Nau. *in Sum. cap. 12. num. 39. & alij.* Quintò, erunt illicitæ ſi mittantur ſortes inter partes, quæ non habent æquale ius ad rem, peccaretur enim contra iuſtitiam commutatiuam, Sextò, poſſunt vitari ſi pro ſortibus his in rebus ſæcularibus vtantur ſortientes libris Euangeliorum, vel rebus ſacris, quia tunc ſi illis irreuerentia. Vide inter alios Suarez *tom. 1. de Religione lib. 2. c. 12. n. 16.*

18 Non licent ſortes in electionibus Eccleſiaſticis: id enim interdicitur clarè *cap. fin. in fine de Sortilegiis.* Idque ibi interdicitur generaliter tam circa beneficia, quàm circa officia, & ministeria Eccleſiaſtica, & eſt communis omnium Doctorum. Nec ipſi compromiſſarij, quibus electores committunt vices eligendi, poſſunt eligi per ſortes, eſt enim electio Eccleſiaſtica, & reprobatur *eod. l. cap. fin. citato.* Hinc deduco non poſſe Diſſinitores in Religionibus eligi per ſortes, quia ſunt compromiſſarij Neque item nouitiũ poſſe eligi per ſortes, quia iſta electio non diſcernit merita, & poterit eligi nouitiũ indignus. Eligere verò nouitiũ per fabas nigras & albas, non eſt eligere per ſortes, quia cùm nigram eligo, deliberatè reprobo ob demerita; & ſic è contra per albam. Si verò intra eandem

Vnam miscerentur fabæ albæ , & nigræ , & quis clausis oculis manu extraheret quamuis obuiam , non valeret suffragium, pro, nec contra : quia fuit suffragium datum per sortes, & sine deliberatione, vt ego iam in facti contingentia consului, & feci retractare electionem, siue approbationem nouitij, & aliam de nouo fieri. Et sic censuerunt viri doctissimi.

19 Si ex oppositoribus duo digniores , vel æquè digni eligantur ad vnum officium , vel beneficium , non possunt postea mitti sortes quis illorum præferri debeat. Sic enim dicitur *cit. c. fin. de Sortilegiis* , vel saltem ex illo colligitur cum loquatur indistinctè & in generali : ar ex his duobus vnum præferre , est eligere. Et ita colligitur ex gloss. recepta, *c. penult. verb. Teneantur. de rescript. in 5.* & tradit Suarez *cit. c. 12. n. 7.* & alij. Quæris quid de electionibus practicatis in Collegiis aliquarum Vniuersitatum , vel aliis Communitatibus , in quibus eliguntur duo , vel tres ad vnum officium , & postea sortes mittuntur inter illos ? Responder Sanchez *cit. c. 40. 2. Decalog. n. 25.* vel talem electionem non esse ad officium Ecclesiasticum , vel necesse esse vt aliqua concessione Pontificia ad id faciendum muniatur. An verò electio Ecclesiastica per sortes sit de iure naturali prohibita , vel solo Ecclesiastico ; vel , an sit irrita ipso iure, vel solum irritanda non est adeò necessarium hîc opponere, qui voluerit legat Sanchez *cit. cap. 40. n. num. 81. usque ad 84.*

20 Sortes consultoriæ rarò sunt licitæ : quia Deus non vult suam voluntatem sortibus indagari , sed precibus , & Doctorum piorum consilio , & ideo prohibentur, *c. Sortes 16. q. 5.* Poterunt verò esse licitæ quatuor conditionibus concurrentibus. Prima est necessitas grauis spiritualis, vel corporalis ad vitandum aliquod magnum damnum. Secunda , vt debita reuerentia ad Deum mittantur sortes. Tertia est, ne diuina oracula , vel Sanctorum reliquiæ conuertantur ad lucrum temporale : secus si ad damnum vitandum. Quarta est, vt non sit circa materiam prohibitam , vt circa electiones Ecclesiasticas. Aduertit tamen Sanchez *cit. c. n. 87.*
non

non esse licitum has sortes mittere consultorias petendo, vel sperando à Deo signum aliquod externum suæ voluntatis, nisi ad id sentiretur magna impulsio Divina, sine hac enim esset tentare Deum. Secus esset si tale signum non expectaretur, sed sola directio Divinæ providentiæ cum fiducia Divinæ misericordiæ cum tali animo ut sortientes parati sint ad qualemcumque sortis euentum. Huius occasione moneo sæpius Sanctos aliquid fecisse quod videretur pertinere ad sortes, id tamen credendum est fecisse non tentando Deum, sed diuino eius impulsu ductos: exemplum sit illud terui Abraham 24. *Genes.* qui veniens ad puteum, precatus est Dominum, ut puella veniens ad puteum cui ille diceret verba illa ibi posita, & illa sic, & sic responderet; illa esset futura electa vxor Isaac. Quam petitionem quasi fundatam in sortibus excusat à superstitione, & peccato pereira in *Gen.* ad citata verba *Genes. disp. 5. n. 56.* Tale fuit factum P. N. Francisci in principio nostræ Religionis, quando coram prioribus paucis discipulis iussit Sacerdotem finita Missa aperire Missale in duabus, vel tribus partibus, ut ex Textu primo obiecto diuinitus eliceret primordia, & fundamenta totius Ordinis. Tale denique fuit illud quod fecit Anconæ: nauigaturus in Ægyptum, & multis Fratribus eum comitari volentibus repugnante nauta nauigij eodemque Patre nolente aliquem fratrem contristari, aduocato puero, illi dixit, ut designaret illos Fratres, quos Deus deligebat ut N. Patrem comitarentur in nauigatione: quod fecit de facto puer, dicens, iste, & iste vadant ex voluntate Dei: in his, inquam, omnibus, & similibus credendum est prædictos, & alios Sanctos id fecisse ex Diuino impulsu.

21 Sortes diuinatiuæ sunt omnino supersticiosæ & prohibitæ: hæ sunt, quæ mittuntur ad cognoscendum secretum occultum, vel præteritum, vel futurum, ut suprâ diximu. Ratio est, quia prædictæ sortes vanæ sunt, & inutiles ad cognoscendum tale occultum externum, soli Deo cognitum, vel Angelis bonis, vel malis: & ideo illicitum est tale secretum mediis naturali

turalibus inquirere; præsumitur enim id via dæmonis indagari. Et hæc sortes diuinatoriæ sunt potissimæ, quas Clemens V I I I. in 3. part. huius casus reseruari præcedit prohibere.

22 Est autem valdè norandum, quod tradit Suarez cit. cap. 12. num. 29. quòd in his sortibus diuinatoriis potest concurrere sola speculatio, vel sola notitia speculatiua, verb. grat. quis fecit furtum: ibi sistendo. Et tunc est solum peccatum superstitionis, & suspecti pacti, vel expressi cum diabolo. Secundo modo potest fieri talis diuination, vel inquisitio modo practico, id est, ut puniatur delinquens occultus, & tunc si fiat, ultra superstitionem, incurritur peccatum iniustitiæ cum obligatione restituendi famam, & damnum iniustè illatum.

23 Quia verò n. 21. proximè posito præcipuas sortes à Clem. V I I I. prohibitas diximus esse diuinatorias: quæris an aliæ diuinationes factæ per alia media, quæ non sunt sortes, comprehendantur etiam in hoc verbo Sortilegia. Credo, quòd sic. Ducor ex eo quod tradit Franciscus Longus Capucinus suo lib. de Casibus reseruariis Clem. V I I I. fol. 207. in explicatione huius primi casus, num. 4. ubi ex Iasone citante alios, dicit debere fieri extensionem istam iuris pœnalis ubi agitur de salute animæ, & de peccato vitando. Et ibi dicit prædictus author Capucinus in hoc casu Clementis V I I I. comprehendi omnes species, quæ sunt eiusdem generis. At in diuinatione facta sine sortibus cernitur eadem ratio, & pactum diaboli: ergo mens est Pontificis istam etiam diuinationem comprehendere, cum fiat per media æquivalentia sortibus. Adde plures diuinationes hodie fieri absque sortibus expressis, quàm cum expressione sortium, ac proinde oportuit tali vitio penitus obuiare. Et posito hoc fundamento incipit prædictus Capucinus Longus citato loco num. 5. explicare diuinationem in communi absque sortibus, tanquam in hoc casu comprehensam. Qua de re, quia timeo prolixitatem, fusius vide supra citatos Doctores, maxime Sanchez cit. lib. 2. Decalog. toto cap. 38. quod valde diffusum est. Mihi sufficit

cit tangere Summam, quam ille ponit circa modos diuinationis.

24 Ait ergo ibi, dupliciter dæmonem inuocari posse vt reuelet futura. Primò expressè, cùm scilicet per locutionem vel signum externum pacti iam initi inuocatur vt occultum reuelet. Et hoc ait posse à dæmone reuelari nouem modis. Primus est præstigium, quando scilicet diabolus variis apparitionibus, & aspectibus se præsentat oculis corporeis, illos præstringens, & illudens, & occulta docens. Secundus est per somnia, cùm instructio dæmonis per somnia speratur. Tertius dicitur necromantia, cùm adhibitis sanguine, & certis carminibus, videntur mortui resurgere, & docere. Quartus est per pythones, cùm diabolus docet per homines arreptitios. Quintus, cùm docet per signa apparentia in rebus terrestribus, vt in ligno, metallo, & aliis. Sextus cùm docet per signa in aqua, quæ dicitur hydromantia. Septimus, cùm docet per signa in aëre, apparentia. Octauus, cùm per signa in igne. Nonus cùm docet occulta per exta, seu viscera animalium mortuorum, vt faciebat Iulianus Apostata, & alij. Qui nouem modi discendi occulta à dæmone sortiuntur varia nomina; vt *ibidem* tradit Sanchez, sed distinguuntur solum materialiter ex parte materiæ in qua apparet diabolus docturus occultum. Et omnes illi nouem modi conueniunt in vno genere diuinationis communis expressæ, qui dicitur Necromantia.

25 Diuinaio verò cum pacto tacito dæmonis, seu inuocatione tacita illius, multiplex est, multasque habet species distinctas etiam ex parte modorum, vel mediorum, quibus homines diuinationem occultorum assequi prætendunt; has species, & illarum nomina ponit D. Thom 2. 2. q. 65. art. 3. & Sanchez *citat. cap. 37.* ibi vide. Substantia illarum est, velle scire occulta ex motu syderum, ex vocibus animalium, & hominum sterotatione. Tertiò, ex auium volatu, vel motu animalium. Quartò ex vocibus hominum præter intentionem dictis, quod dicitur *Omen*. Quintò ex somnis. Sex:ò, ex signis torius corporis humani. Vltimò, cùm vel
ex

ex fronte, vel manibus hominis volunt diuinare. Mitto alias quæ sunt minus frequentes.

26 In his faciendis cum pactum diaboli non sit expressum, sed tacitum, poterit excusare à mortali bona fides & ignorantia, quæ non sit affectata, nec nimis crassa. Non enim in his clara multum est eius malitia. Ita Caiet. 2.2. q. 95. art. 2. Sayro *Clau. Reg. l. 4. c. 5. n. ult.* Addit. *ibidem* Sayro, & Sanchez *cit. cap. n. 20. § 21.* citans multos, facere contenta *precedenti n. 25.* per iocum, vel non habendo illis fidem tanquam certis esse solum peccatum veniale, vt plurimum. Sed tamen aduerto cum Delrio *ibi citato* semper esse rem periculosam & proinde vitandam, cum sit ferè impossibile illis vtì, non illis credendo. Et communiter his vtentes solent malè perire. Peccatum verò erit mortale, si quis suas actiones dirigat ex norma harum considerationum. Probatum quia, qui sic dirigit actiones iam credit illis diuinatricibus cogitationibus.

27 Circa diuinationem sumptam ex consideratione partium corporis humani, quæ physiognomia dicitur, solum aduerto illam esse licitam cum hac limitatione, si scilicet solum probabiliter coniciat affectus hominis, ingenium, corporis temperiem, & similia ex corporis dispositione, habitudine membrorum illorumque proportionem: quia ex his possunt illa probabiliter cognosci: & ex his Greg. Nazianz. cum esset condiscipulus Iuliani Apostatæ coniecit probabiliter malum animum Iuliani futurum ex praua proportionem membrorum iuuenis Iuliani, vt refert ipse Gregor. *oratione 2 in Iulianum in medio fol. 592. col. 2. editionis Antuerpiæ.* Dixi *probabiliter*, quia id conicere, & certò affirmare de futura vita erit illicitum. Et hinc sequitur non posse physiognomum de facto iudicare de isto quòd sit actualis, sed quòd sit pronus ad tale. Illa enim corporis signa non demonstrant factum, sed pronitatem ad illud.

28 Idem dicendum est de chiromantia, quæ considerat solum lineas manus, ex talibus enim lineis licitum est probabiliter coniectare pronitatem, & inclinationem

gem alicuius absque certitudine, sicut licet id coniectare probabiliter ex fronte hominis, cum limitationibus dictis *n. precedente*. Tenet Nauar. in *Sum. cap. 11. num. 31*. Symancas de *Cathol. Instit. tit. 21. n. 18*. Lopez 1. *p. instructorij cap. 41*. & alij. Vnde manum ostendere Ægyptiacæ per iocum, & causa ridendi, non erit mortale, ut dicat bonam, vel malam fortunam: erit tamen mortale si interueniant hæ duæ conditiones. Prima, si ostendat manum paratus credere firmiter dictis Ægyptiacæ, secus si ridendi gratia. Secunda est, si persona manum ostendens sit persona notabilis, & circumstantes ex illius facto credant firmiter dicto Ægyptiacæ, tunc enim erit peccatum mortale ratione scandali.

29 Denique diuinare per astra numquam est licitum, sed semper peccatum, quæ diuinitio dicitur Astrologia, seu iudiciaria, per quam intenditur sciri de furto, secreto de futuro casu contingenti, & sic de cæteris: & hæc ultra quam quod sit comprehensa cum aliis in hoc casu Clem. VIII. ob rationem iam dictam, prohibita est expressè cum aliis diuinandi modis à Sixto V. Bulla particulari quam transcribit Penha in *sine Directorij fol. 141*. in qua ponit multas pœnas his diuinatoribus, & contra legentes vel tenentes illorum libros. De aliis modis diuinandi, ut per somnia, per duellum, per astra, & similia, qui voluerit fusiores explicationem videat Sanchez citato capite 38. & Sayrum.

30 Adhuc pro explicatione huius casus reseruari de beneficiis resumens, quæ olim latius dixi explicans hunc casum in libello paruo. Dico primò hunc casum incurrere Religiosum, qui facit beneficium, vel utitur illo facto ab aliis. Hic enim directè facit, vel utitur beneficio. At si iuberet facere illud, & illo non uteretur, vel si consilium daret, vel permetteret fieri, & sic de cæteris, non incurreret casum, quia solum facientes, & utentes comprehendit. Probo quia lex prohibens aliquid, & puniens facientem, non punit mandantem, vel consulentem, & similes, nisi exprimat, ut tenet Syluest. *Excommunicatio ultim. q. 4. dist. 3*. Caiet. in *Sum. eod. verbo*. Nauarr. in *Sum. cap. 27. n. 41*.

31 Quærere solum à venefico de aliqua re occulta; non dicendo ut recurrat ad diabolum, vel veneficium erit peccatum mortale, ut constat, quia via illicita vult scire veritatem. Sed credo quod non erit casus reservatus, quia solum rogando non facit, neque utitur veneficio: sed utitur scientia venefici, quam suppono illum iam habere ex præterito veneficio. At si dicat venefico, ut consulat diabolum, vel recurrat ad veneficium, erit casus reservatus, quia iam utitur veneficio. Addo quod si fecit Religiosus veneficium, sed non applicavit, neque usus est illo, erit casus reservatus, quia iam fecit veneficium completum cum pacto dæmonis tacito, vel expresso. Et iam non potest dici solus conatus ad opus, sed verum, & completum opus veneficij.

32 Solet hic quæriri, an liceat rogare veneficum, vel illum obligare ut tollat veneficium ab eo factum. Alij absolute negant; alij absolute affirmant. Melius distinguit Sanchez *lib. 7. de Matrim. disp. 96. n. 10.* in hunc modum. Si scio veneficum non ablaturum veneficium, nisi recurrendo ad diabolum, vel ad aliud novum veneficium, tunc non possum id ab illo petere, quia ero casu illius peccati. Si verò iam factum veneficium potest tolli absque recurso illo duplici, tollendo scilicet res illas à loco ubi posuit, ad quarum præsentiam durabat veneficium, tunc non est peccatum id ab illo requirere, quia potest illas destruere nullum committendo peccatum. Et ait Sanchez posse tunc id ab illo peti, etiamsi sit timor vel suspicio quod ille ablaturus illa impedimenta faciet novum veneficium: tunc enim mea petitio non est causa illius, cum ille possit auferre antiquum non faciendo novum, ut suppono. Et quando ego peto à te rem quam tu potes facere bene: non dico tibi ut facias malè.

V I C A R I V S.

AN Monachus possit esse Vicarius Generalis Episcopi, vide *suprà ver. Religiosus n. 5.*

De Vicario ordinario Conuentus Regularis, vide *suprà verb. Guardianus, num. 3.*

A D D I T I O.

Quam potestatem habeat Vicarius Prouincialis in Ordine Minorum, & quomodo sit eligendus pro absentia, & morte Prouincialis, vide *suprà verb. Prouincialis.*

V I C A R I V S I N C A P I T E.

Solent in aliquibus Religionibus aliqui Conuentus Minores habere Prælatum illum, qui non vocatur, Prior, Rector, seu Guardianus, vt cæteri illius Prouinciæ, sed vocatur Vicarius, eo quod Conuentus sit parvus, & habet aliquando tres, vel quatuor tantum Fratres: maximè quando Conuentus incipit ædificari. Isti in Ordine Minorum vocantur Vicarij in capite ad distinctionem Vicarij Conuentus, qui est Vicarius Guardiani. Isti Vicarij in capite aliquando apud Minores viuunt apud Moniales, & sunt Confessores illarum, aliquando habent hi Conuentus tres, vel quatuor subditos, quorum fit Prælatus, & dicitur Vicarius in capite habens votum in Capitulo, quod non habent cæteri Confessores Monialium, qui non sunt Vicarij in capite.

Hoc loco, cum hæc scriberem quæsitum fuit, an

R r r

isti Confessores Monialium Vicarij in capite possint benedicere corporalia , & cætera paramenta altaris pro Ecclesia Monialium apud quas viuunt. Et videtur quòd non , quia antiqua statuta generalia Minorum, maximè Florentiæ , anno 1493. declarantia, qui sint Prælati in Ordine Minorum , ponunt tantum , Generalem , Prouincialem , Custodem , Guardianum & non faciunt mentionem Vicarij in capite : vnde videtur quòd non sint verè Prælati , nec proinde possint prædicta benedicere. Secundò quia vt tradit Suarez *tom. de Leg. lib. 8. cap. 18. num. 11.* cum multis ibi citatis, pro regula certa habendum est, quod priuilegium non debet extendi ad alias personas propter similitudinem rationis repertæ in ipsis : ergo hoc priuilegium concessum Prælati Conuentuum ad benedicendum prædicta , non debet extendi ad Vicarios in capite prædictos, eo quòd habeant similem rationem Prælatorum cum Prælati Conuentuum.

Credo tamen , saluo meliori iudicio , illos posse prædicta benedicere pro Ecclesia illa suarum Monialium quarum sunt Confessores. Probo primò ex illa principali concessione facta congregationi sanctæ Iustinæ ab Innoc. VII I. apud Capucin. in Compendio *verb. Benedicere fol. 135.* in qua postquam concedit Priori , & Vicario conuentus , vt prædicta possint benedicere : subdit : *Et cuilibet habenti principale regimen cuiuscunque Monasterij.* Sic ibi. Quæ verba valde generalia sunt , & applicari possunt sine violentia cuius Prælati cuiusuis Monasterij. At constat primò quod Vicarij in cap. sunt veri Prælati , sic enim praxis Religionis obseruat , maximè de illis Vicariis in capite , qui præsent paruo Conuentui , neque sunt Confessores Monialium , constat secundò, quod illi parui Conuentus etiam trium tantum Fratrum vulgari nomine vocantur Monasterium : nam etiam sæculares quando vadunt ad hos paruos Conuentus , dicunt eamus in Monasterium. Et confirmatur , quia Monasteria sunt Collegia , vt probat Rodrig. *ex quadam Rubrica in tom. 3. qq. Reg. quest. 7. art. 2.* At Collegium faciunt

tres

restantùm, teste Sà in *Aphor. ver. Collegium*. Si ergo Vicarij in capite non Confessores Monialium, possunt illa benedicere, vt praxis obseruat: etiam poterunt illa benedicere Vicarij, in capite Confessores Monialium, qui sunt veri Prælati suorum Cappellanorum. Neque adhuc opus est vt sint Prælati ipsarum Monialium, nam etiam Guardiani non sunt Prælati Monialium, & tamen benedicunt prædicta pro Ecclesiis illarum. Secundò principaliter, quia fauores sunt ampliandi, & illa concessio est fauor concessus Prælati Ordinum, & proinde videtur extendendus ad prædictos Vicarios, maximè cum non fiat in præiudicium tertij.

3 Probo ex Suarez eod. *tomo de Legib. libro 8. cap. 11. numero 4.* vbi ait, quod in dubio, an talis persona comprehendatur in priuilegio, si ex aliquo capite constet istam personam habere connexionem cum aliis, posse fieri ampliationem priuilegij ad illam. At Vicarium in capite diximus non solum habere connexionem cum dictis Prælati, vt patet ex concessione citata Innocentij VIII. sed diximus esse verè Prælatum Monasterij. Facit etiam quod tradit idem Suarez *cit. lib. 8. cap. 28. num. 14.* vbi ait non esse licitum deriuare priuilegium vnius, vt applicetur alteri propter rationem similem: vt v. g. priuilegium patris non licet deriuare ad filium, vel priuilegium vnius Doctoris deriuare ad alium, attamen licitum est interpretari vnum priuilegium, vt plura comprehendat quàm in superficie verborum apparet. Et per hoc manet soluta obiectio posita in principio ex eodem Suarez, quando, vel quomodo sit illicitum extendere priuilegium ad alias personas propter similitudinem rationis. Nos verò in hac materia non deriuamus hoc priuilegium benedicendi prædicta ad Vicarios non comprehensos, sed ex ipsis verbis priuilegij interpretamur, Vicarios istos comprehendendi, quos non videtur comprehendere superficies litteræ: imò diximus ferè clarè comprehendere. Facit *cap. 2. de Transl. Episcop. vers. sicut Episcopus*, & *gloss. ibidem & ca. dudum*, 2. *de Elect. & gloss. ibid. vers. idem de personalibus*, vbi dicitur, quòd vbi est ea-

dem ratio similitudinis, est etiam eadem ratio iudicij. Neque obstat quod positum est in principio de statuto generali, in quo non numerantur Vicarij in capite. Nam etiam ibi non numeratur Commissarius Generalis, qui est verè Prælatus. Nec numerantur Vicarij Prouinciales, qui tunc erant veri Prælati: argumentum enim à partium enumeratione non est efficax, quia aliquando enumerantur solùm præcipua. Adde quòd hodie ex praxi communi recepta in Ordine Minorum prædicti Vicarij in capite sunt veri Prælati, sicut etiam sunt in aliis Religionibus illi Vicarij parvorum Conuentuum, qui non sortiuntur nomen Prioris, Rectoris, & tamen benedicunt prædicta per illam, vel similes concessionem.

VIVAE VOCIS ORACULA.

1 **S**olent aliquando Sum. Pontifices aliqua priuilegia concedere non in scripto, sed ore tenus: & ista dicuntur viuæ vocis oracula: quorum multa habentur in Bullario Rodr. maxime in vita Leonis X. qui 77. viuæ vocis oracula concessit, omnia ferè Minoritis. Et quando sic conceduntur ista indulta ferè semper ibidem ponitur testimonium personæ impetrantis, quæ ut plurimum est persona constituta in dignitate Ecclesiastica.

2 Huiusmodi priuilegia sic concessa posita in libro Authentico tantam vim habent ac si scripta Bulla concederentur. Concessit hoc specialiter idem Leo X. in Bullar Rodr. f. 720. col. 1. n. 4. Vbi Laurentius Cardinalis Sanctorum 4. Coronatorum petiit, & obtinuit, ut omnia concessa Minoribus usque ad illud tempus, siue scripto, siue voce, essent rata, & denuò confirmata in foro conscientiarum: & quod concessa viuæ vocis oracula non essent minoris valoris, quàm si per Bullam, aut Breue concederentur.

3 Imò tantam vim habet concessio facta viuæ vocis oraculo

oraculo ab aliquo Papa, quod si Papa subsequens reuocet priuilegia concessa Religiosis, vel aliis personis, & non exprimat se reuocare etiam concessa viue vocis oraculo, ista non reuocat, nec censendus est reuocare. Ita in terminis tenet Henr. t. 1. l. 6. de Pœn. c. 6. n. 6. circa illam concessionem Pij V. factam Minoritis relata in Speculo coniug. Clau. & Rodr. *ibi. cit.* vt possint Minoritæ pro foro conscientie tantum vti priuilegiis antiquis, non obstante derogatione Conc. Trid. Dicit ibi Henr. *in gloss. litt. R.* istam concessionem factam à Pio V. viue vocis oraculo, non esse reuocatam postea à Greg. XIII. quando reuocauit concessionem Pij V. quia Greg. XIII. reuocauit tantum priuilegia scripta, non verò viue vocis oracula. Addit ibi quod illa Bulla derogatoria Gregorij non fuit promulgata, vt etiam refert Nauar. *in Sum. Lat. anni 1584. cap. 27. in fine.*

VNCTIO EXTREMA.

Ide supra verbo *Sacramenta* n. 11. & 12. Ex quibus constat quando hoc Sacramentum dari non possit, vel possit sæcularibus. Potest autem dari famulis intra Conuentum: vide etiam verbo *Familiares.*

VOTVM SIMPLEX RELIGIONIS.

Non tracto materiam voti, sed solum illa principalia quæ Nouitios, & professos attingunt, nec possunt excusari.

IN professione Nouitij omnia vota, antea facta, vel in sæculo, vel in Nouitiatu expirant: ita vt amplius non obligent, si ipse Nouitius si-

leat, & consentiat. Est communis Doctor. cum D. Thom. 2. 2. *quest.* 88. *art.* 2. *ad* 1. & aliorum. Probat D. Thom. quia moritur priori vitæ, & non tenetur ad acta in priori vita. Secundò, quia quodlibet votum sæculi continetur in tribus votis Religionis, sicut particulare in vniuersali: & sicut minus perfectum in suo perfectiori. Expirant etiam iuramenta: Suarez *lib.* 6. *de Voto cap.* 14. *num.* 2.

Dixi, si *Nouitius sileat, & consentiat*: quia dubium est, an si Nouitius habet votum aliquod simplex tempore professionis, & Prælati roget, an velit sibi auferri vota simplicia quæ habet: & Nouitius non consentiat, dicens se nolle: Dubium, inquam est, an tale votum simplex Nouitij expiret? Et quidem si ille tantum taceat, nihil dicens, omnino expirat, quia tacens consentit. Si verò dicat se nolle, tunc Sanc. cum Syluest. *l.* 9. *de Matr. disp.* 39. *n.* 45. innuit talia vota non cessare, nec expirare per professionem, quia Nouitius sic respondens non consentit, sed continuat sua vota, imò ratificat. Comitulus verò *l.* 2. *Respons. Moral.* q. 12. oppositum videtur innuere, cum ait ex Caietano, Sor. & aliis vota hæc expirare in professione ipso facto, quæ verba, ipso iure, seu ipso facto, non videntur admittere consensum profitentis. Et *ibi*. Comitulus paulò suprâ, non admittit distinctionem Ricardi, quæ erat similis dicto Syluest. & Sanchez. Imò addit *ibi* Comitulus, ex Diuo Thoma ad hæc vota *Nouitij irritanda*, non requiri ibi authoritatem Superioris irritantis, quando admittit ad professionem: Si verò Prælati authoritas non requiritur, quia irritantur ipso iure, videtur, quod neque Nouitij dissensus impediet ius professionis annullantis vota. Imò, & Sanch. *lib.* 8. *de Matrim. disp.* 9. *num.* 21. videtur hoc idem sentire, dum ait: quod si eiectus ab Ordine, dum erat in sæculo, vouerat Religionem, postea eiectus non tenetur intrare Religionem, vt satisfaciatur voto priori, quia, inquit, omnia vota simplicia extinguuntur per professionem: constat verò quod profitens ille, quando fecit professionem noluit sibi auferri vorum illud

tum illud simplex Religionis, quod fecit in sæculo: ac ramen fortè Comitulus, & Sanchez non dissentiunt, quia Comitulus non loquitur de Nouitio clarè dissentiente: Sanchez verò loquitur de illo, clarè dissentiente, & votum simplex ratificante, Votum autem pendet à voluntate vouentis.

2 Votum simplex Religionis, potest multis modis fieri, videlicet in verbis, & in intentione. Primò, in communi, dicendo: *Promitto me fore Monachum*. Secundò, si dicat: *Promitto intrare Religionem*. Tertiò, *Facio votum Religionis*, vel quid simile, verbis similibus. Et in his omnibus votis, & modis vouendi, saltem constat, teneri vouentem intrare Religionem, & habitum suscipere. An verò teneatur intrans perseverare, & profiteri, ita vt si exeat peccet mortaliter contra votum, est dubia. Et in hoc imprimis constat apud omnes, quòd si is qui vouit recordatur intentionis quam habuit tempore voti, illi intentioni staudum est, vt si habuit intentionem ibi manendi, & profiteudi, sicut faciunt alij intrantes: vel non exiturum, & similia. Tunc enim non satisfacit voto, si non profiteatur, vel faciat quod in se est ad illud, nec potest voluntariè exire. Si verò solum clarè intendit intrare Ordinem, & experiri an sibi conueniret status, ad hoc solum tenetur, & non peccat exeundo. Probat ex illa Regula, tradita in l. non omnis ff. de reb. cred. & c. ad audiendam de Decimis, cum dicitur: Actus agentium non extenduntur ultra intentionem eorum. Et proinde iste vouens Religionem, vel fieri Monachum, &c. non obligabitur nisi ad id quod intendit quando vouit.

Quid si promittens iste non recordatur intentionis quam habuit tempore voti, sed verborum in forma: Resp. Quòd hoc votum: *promitto me intrare religionem*, solum obligat ad intrandum, non ad manendum. Hæc verò promissio: *promitto me fore Monachum*, in modo communi loquendi videtur sonare quod se obliget ad intrandum, & profitendum, hoc enim est fore vel fieri Monachum. Et quod in dubio, creden-

dum sit hanc fuisse intentionem manendi, tenet Suarez *l. 4. de Voto c. 8. n. 7.* cum Rodr. & Nauarr. quos citat, & hoc ait Nau. in *Summ. Latina. cap. 12. num. 47.* & hanc puto veriore, ac securiorem opinionem, quia verba illa in communi modo loquendi significant intentionem proficendi: & credendum est, quod quando homines loquuntur, intendunt id quod communiter verba sonant. Scio quod Sà in *Apheris. verb. votum, num. 13.* & Sanchez *l. 1. de Matrimonio, dis. 34. num. 17.* dicunt multos Doctores sentire, quod idem valent hæc duo: *promitto intrare Religionem*, vel *promitto me fore Monachum*, & Sanchez ad hoc etiam inclinatur: at ego cum Nauarr. & Rodriguez, & Suarez teneo, quod si non constat de intentione: teneri ad perseverandum eum qui vouit se fore Monachum, Nau *l. 3. Consil. tit. de Voto, & vot. redempt. consil. 22.* de illo qui sic vouit: *Promitto Deo mori in Religione.* solum ait quod in rigore fecit votum religionis. Ego dico hæc verba illum cogere, ut non solum intret, sed perseveret, & teneri ex se ad perseverantiam, & exclusum ab una teneri adire aliam.

Hoc autem bene notat Sanchez, quod qui solum promissit intrare Religionem, non satisfacit si ingrediatur tantum animo ficto statim exeundi: sed debet intrare animo expereundi, ita ut si possit, perseveret: alias non satisfaciet voto.

3 Votum poenale Religionis, vel castitatis, potest dispensari per Iubileum, vel per Episcopum, vel Bullam Cruciatæ, & per eadem potest commutari, si in illis committatur dispensatio. Si enim non committitur, sed sola commutatio, hæc sola fiet. Ut si quis vouit: si amplius iusero, iurauero, &c. voueo me intraturum Religionem. Hoc, inquam, votum, per prædicta potest commutari & ab Episcopo dispensari: absolute enim est votum perpetuum. Henriquez *tom. 1. l. 7. c. 30. numero 6.* cum multis quos citat, & est communis opinio. Eadem ratio est de voto quo promittitur continentia, usque ad certum tempus tantum, vel assumendi habitum Beatarum, vel non nubendi

nubendi, vel de recipiendis Ordinibus sacris. At Confessores Regulares, in hoc voto pœnali Religionis non possunt dispensare cum sæculāribus, virtute Bullæ Pauli III. concessæ Patribus Societatis Iesu, de qua suprâ, verbo *Confessor*, quia per illam non conceditur posse dispensare: sed solum conceditur posse commutare.

4 Si aliquis vouit intrare Religionem strictiorem, potest illo voto nonobstante, per priuilegium mox citandum recipi in Ordine laxiori absque peccato. Ita concessit Eugen. I V. Benedictinis, in *Compend. Min. verbo Dispenfatio*, §. 28. & refert Capucinus *Addit. ad Compendium verb. Nouitius*, 2. par. f. 253. & f. 402. concessumque fuit etiam Patribus sancti Hier. sed utrobique dicitur, quod sic receptus in Ordine laxiori, si exeat in anno Nouitiatus, non gaudet illa dispensatione; & tenetur voto antiquo, hoc autem priuilegio sic recipiendi gaudent omnes Ordines communicantes cum prædictis duobus.

5 Qui post sponsalia validè contracta cum aliqua fœmina, fecit votum castitatis, aut Religionis, talia vota non dirimunt sponsalia, sed ad sponsalia tenetur, Sanch. *l. de Matr. dis. 46. n. 7. 8. & 9.* Idem est à fortiori si virginem deflorauit inuitam. Si verò sponsalia per aliquod ius postea validè annullentur, tenetur ad vota præcedentia. Dico si virginem deflorauit, etiam ratione sponsaliorum cum illa confidentia, & spe matrimonij: vt Sanch. *eod. l. dis. 44.* Si verò deflorauit absque sponsalibus, fraude, promissione, & absque importunis precibus, & postea vouit Religionem, ad hanc tenetur intrandam, siue vouerit antea, vel post copulam. Est communis DD.

6 Si quis vouit Religionem, & postea impetrauit dispensationem vt nubar, idque propter vehementes carnis tentationes, quas allegauit, non potest manere in sæculo non nubens: fuit enim illa dispensatio non absoluta, sed partialis, & quasi conditionalis. Sanchez *de Matr. lib. 8. disp. 31. num. 7.*

7 Vouens intrare Religionem, seu fieri Religio-

sum in communi, non satisfacit si ab vno Ordine exeat, vel ab vno Prælato non acceptetur: sed opus est vt adeat omnes Religiones, quæ sunt in sua Prouincia, & facere diligentiam moralem, vt in aliqua recipiatur ad arbitrium prudentis viri, vel dispensationem Papæ obtineat. Comitulus *libr. 2. Respons. questione 17.* dicens sic responsum fuisse Romæ à Congregat. Cardinalium.

8 Vouens se fore Religiosum in vno tantum Monasterio, intuitu solo illius excludendo alia, ad illud tantum teneretur. Suarez *l. 4. de Voto. cap. 7. num. 5.* ex D. Thom. & Caiet. Si verò vouens præcipuè intendit Religionem illius Monasterij, & secundariò intendit illud Monasterium, non satisfacit petendo illud tantum Monasterium. Si verò recordatur se vouisse Religionem, & non recordatur qualem vouerit, poterit intrare quam maluerit. Est communis, & clara. Si verò promisit vnã tantum Religionem, & ab vno Prælato ipsius relicitur, non teneretur quærere Prælatum alium illius Religionis, maxime si prius reliciens fuit Generalis. Et hoc dico pro Ordine in quo solus Prouincialis, vel Generalis recipiunt Nouitios, vt in Ordine Minorum. In aliis enim si Conuentus recipiunt non sufficit: sed debent adiri quinque, vel sex Conuentus, vt innuit Suarez *cit li. ca. 8. § n. 8.* & clarius Rodr. *tem. 4. Addit. fol. 330.* vbi ait quod nemo cogendus est adire omnes Prælatos, & omnes Conuentus: & quod non est credendum aliquem per votum Religionis in communi, voluisse se obligare adire regna externa ad quærendas omnes Religiones: & quod hic repulsus à quinque, vel sex Monasteriis, vel Prælatibus habentibus auctoritatem recipiendi ad habitum, satisfacit huic voto in communi.

9 Votum Religionis, vel aliud simile factum occurrente periculo morbi, naufragij, vel calore iracundiæ, vel similis passionis, valet, nisi constaret defuisse tunc vsum rationis, quæ enim deliberatio sufficit ad tradendum se diabolo, sufficit ad tradendum se Deo. At constat, quod dictum, vel factum malum

Malum cum prædictis circumstantiis , est sufficiens ad peccatum: ergo & ad votum. Sylu. *verb. Al-tus* 9. 8. & *verb. Votum* §. 12. & Nau. *l. 3. Consil. titul. de voto consil. 7.* & alij multi. Cognoscetur verò si in vouendo adfuit plena deliberatio: primò si cessante perturbatione, vouens pœnitet quod vouerit: sed hoc signum non putat Suarez esse certum omnino, *tomo 2. de Religione l. 1. cap. 10. num. 11.* Dicit tamen esse aliqualem coniecturam. Et *ibidem num. 13.* dicit id pendere à prudentis arbitrio: ponitque pro signo certiori, si videlicet in vouendo non fuit breuitas temporis: & concurrir aliqua collatio seu discursus, de re promissa cum actu opposito sine vllò signo perturbati discursus: tunc enim datur signum plenæ deliberationis, secus si oppositum accidat iuxta prædicta.

10 Vota Religionis facta ab impubere ante 14. annum possunt irritare parentes, & tutores intra idem tempus, vt est communis opinio. Sed quid si puer ante ann. 14. transiit illum annum, & tacuit: neque tamen votum prius ratificauit: an possit pater, vel tutor illud irritare anno 17. Negat Comitulus *l. 2. Resp.* cum multis ibi citatis. *quest. 7.* At affirmat Nauarr. Caiet. Sylu. Sà in *Aph. ver. Voti irritatio, n. 5.* cum Valentia, Lopez, & Beia *ibi cit.* & hæc pars videtur communior.

11 Si pater, vel mater voueant se facturos esse filium suum Religiosum tenentur illum inducere, & ad illud iuuare: at filius non obligatur hoc voto parentum, est enim personale, & valde difficile, p̄oindèque voluntariè omnino emittendum à propria persona. Sà *verb. Votum, numero 10.* & Suarez *tomo 2. de Relig. lib. 4. de Voto cap. 9. num. 4.* vnde D. Bonauentura voto matris oblatus Religioni, non obligabatur esse Minorita ex vi illius voti.

12 Si quis vouit Religionem, si Deus illum liberaret à tali peccato per annum, verb. grat. vel per 4. menses, & iste postea ne Religionem intraret, eo animo ne intraret, commisit peccatum illud, teneretur intrare, quia intentio ex sua parte quando vouit, fuit se ex sua parte conaturum ad vitandum pecca-

peccatum, & proinde postea illo animo peccans facit in fraudem voti. Suarez citato l. cap. 17. n. 14. dicens esse communem. Si verò fecit votum intrandi Religionem, si conualuerit ex morbo, non tenetur ex hoc voto vitare omnes cibos nociuos: sed solum tenetur non sumere cibos nociuos cum fraude, seu cum animo relabendi in morbum ne Monachus fiat. Suarez citat. c. num. 19.

13 Votum factum de Religione cum animo se non obligandi, non obligat: vel si fiat absque animo interno vouendi: quia obligatio non inducitur nisi per votum verum: tale autem votum non fuit verum, sed fictum. Est tamen illa promissio peccatum propter irreuerentiam Deo factam. *Argumento c. quicumque arte. 22. question. 5.* Intellige non obligare in foro conscientiae, in foro enim externo Ecclesia coget ad votum, quia praesumitur vero animo vouisse. Si verò promittat animo vero vouendi, & se obligandi, cum proposito tamen non seruandi, votum tenet. Est communis Doctorum: sed tamen peccauit contra votum.

14 Vouens tradere se, & sua bona Religioni, si iuste excusatur ne se tradat Religioni, non tenetur tradere bona sua Religioni, neque eius haeredes: promissio enim bonorum fuit mediante se, & accessoria, & personae traditio fuit principalis; & bonorum traditio accessoria. Destructo verò principali, destruitur accessorium, quod sequitur naturam principalis *per regulam iuris in 6.*

15 Votum de non intrando Religionem non valet, quia est impeditiuum maioris boni. Et licet taliter vouens possit non intrare, id tamen non fiet ex obligatione voti, quae nulla est: sed ex ratione materiae, quia scilicet ipsum intrare ex se non obligat. Si verò quis voueat se non intraturum Ordinem donec succurrat parentibus egentibus, vel sub alia iusta conditione, quia id sine voto facere tenetur, & est bonum debitum, obligatur voto.

16 Vouens Religionem tantum, non obligatur ad castitatem ex vi illius voti tantum, ante ingressum, & pro

& professionem : etiam si ante ingressum incipiat esse in mora intrandi : Caieranus 2. 2. *quest.* 147. *art.* 3. & communis. Votum enim Religionis, solum se extendit ad ingressum illius, & materia castitatis pro tunc est diuersa. Si quis est certus de voto, dubitat verò de voti qualitate : v. g. vouit se ad nullam foeminam accessurum, sed dubitat, an solum ad illicitam : secundo, vouerit ne castitatem, an non ducturum vxorem. Tertiò, vouit castitatem & Religionem, dubitat tamen an vouerit castitatem dependenter à Religione, vel scorsim. Quartò, dubitat si vouit hanc tantum Religionem, an Religionem in communi. His dubiis stantibus dicunt aliqui, teneri vouentem ad id quod tutius est : at probabilius Sanch. *l.* 2. *de Matr. disp.* 41. cum ibi citatis *n.* 33. ait solum teneri ad id quod minus est, idque probat efficaciter, in fauorem libertatis & fragilitatis humanæ citans multa.

Quid si promisit simul Religionem, & castitatem, & postea dubitat, an promiserit simul castitatem cum Religione ; an verò promiserit castitatem, postea separatim à Religione pro tempore ingressus Religionis, Nauar. *l.* 3. *Consil. titul. de voto. consil.* 4. ait, quod si habet magnam probabilitatem & coniecturas, quod castitatem absolute ex tunc vouere intenderit, ex tunc ad illam tenetur ante ingressum Religionis. Si verò habet coniecturas quod solum vouit castitatem pro tempore Religionis, ad illam solum ex voto tenetur pro illo tempore. Si verò dubius omnino sit, ex tunc debet seruare castitatem : quia iudicandum est in fauorem voti, & votum castitatis potest ex tunc seruari, neque dependet à voto Religionis. Et fauet *Reg. Iuris in* 6. in obscuris minimum est sequendum.

17 Si pro voto implendo non est præfixus terminus impletio illius obligat ad arbitrium viri prudentis, & occasionis oblatae, vt scilicet modò statim recipiat. Est communis. Si verò vouens dilaret ingressum, v. g. litteras, quas nescit addisceret, & facilius recipiatur in Ordine, illique melius inseruiat, vel ob

ad alium meliorem finem in laudem Dei, non peccabit mortaliter, maximè si virum doctum consulat. Suarez *2 br. 5. de Voto capit. 6. numer. 9.*

VOTA NOVITII.

18 **V**ota quæ fecit Novitius ante ingressum, vel in Novitiatu non potest Prælati irritare. Est communis Doctorum. Azor. *tom. 1. l. 11 c. 17. quest. 20.* quia Prælati circa Novitium non habet potestatem dominatiam. Ait tamen Suarez *citato tom. 2 lib. 6. de Voto c. 7. num. 11.* quod si Novitius vouendo dixit, si Prælati, vel Magister Novitiorum consenserit, vel approbaverit, tunc poterit Prælati, vel Magister irritare. vide *suprà hoc verb. numero 1.*

19 Vota Novitiorum potest dispensare Prælati siue facta in sæculo, siue in Novitiatu. Sanch. *l. 9. de Matr. dis. 39. n. 44.* & Malderus *Episcop. f. 696.* Rodrig. Sylvest. & Angel. qui cum non distinguant, videntur idem sentire de votis Novitij factis ante, vel post ingressum: licet oppositum teneat Suarez *l. 6. de voto. c. 11. n. 9.* cum Nauar. Addit Azor. *citato loco*, & ferè coincidit Suarez, posse etiam Prælatum Novitiorum vota suspendere pro tempore Novitiatus, subest enim iusta causa suspendendi, videlicet obsequium Religionis, at facilius erit iuxta prædictos Doctores dispensare, vel commutare, vel utrumque simul tollendo omni modo quo potuerit, & sit ista eius intentio.

20 Vota quæ Novitius fecit in sæculo quando per professionem non cessarent iuxta dicta *num. 1.* transacta professione potest etiam Prælati irritare, & similiter de factis in Novitiatu, post factam professionem. Sanc. *citato loco. n. 45.* cum Sylvest.

21 Possunt Prælati, imò & Confessores Novitiorum commutare illorum vota facta ante, vel post ingressum,

ingressum , in labores Nouitiatus : hi enim semper excedunt quodcumque votum personale antea factum. Rodrig. *lib. Sum. mor. 2. par. cap. 79. conclus. 10. & videtur clara.*

VOTI SOLEMNITAS

in quo consistat.

22 **V**oti solemnitas non est ex iure diuino, sed Ecclesiastico : & hæc consistit in hoc, quod uens tradat sui dominum per tria vota communia in manu Prælati acceptantis vota , vice ipsius Dei , & tanquam Ministri Dei , in Religione approbata ab Ecclesia. Est communis Doctorum , maximè Sanchez *l. 7. de Matrimon. disp. 25. latè* , ubi ait, vorum simplex , & solemne , non differre specie , sed in hac sola solemnitate , traditione scilicet externa in manu Prælati acceptantis vota in Religione approbata , vice Dei. Quamuis enim in voto simplici, etiam tradatur Deo dominium , non tamen est ibi acceptans minister Dei. Qualis ferè est promissio simplex facta Petro facie ad faciem : & promissio facta illi coram Iudice & Notario. Vide Rodrig. *Addit. Sum. 4. par. c. 180. n. 4.* ubi ait pari modo solemnitatem matrimonij consistere in eo solum , quod vir se tradat coram Parocho , & testibus , & ipsa fœmina acceptante , & per hanc traditionem , & Dei acceptationem in voto per ministros suos Prælatos , fit vt Deus qui aliàs erat Dominus vniuersalis personæ , fiat particularis Dominus illius , & non possit illa persona in illis Domino deesse . neque alteri personæ illud dominium tradere .

23 Possè Papam dispensare in voto solemnì castitatis, & Religionis, est opinio communior : latè discutitur ac defenditur à Sanch. *8. de Matrim. tota disp. 8.* ubi pro illa citat turbam Doctorum.

24 Per votum solemne irritatur matrimonium raturum

tura non consummatum. Est de fide Trident. *sess. 24. canon. 6. de Matrim. & cap. desponsatam 27. quest. 2.* Annulat etiam matrimonium subsequens contractum, idque iure naturali, & diuino. Trident. *ibidem canon. 9.*

25 Solum votum castitatis factum in manu Prælati absque voto obedientiæ & paupertatis, etiam si fiat intra Religionem, non est votum solemne. Requiritur enim tria simul, in quibus radicaliter stat omnis perfectio, & per quæ tanquam in radice consecrantur omnes operationes vitæ Religiosæ. Sanch. ex Abbate, Angelo, & aliis, *li. 7. de Matrim. disp. 25. num. 21.* Vnde votum Tertiariarum, quo vouent solum castitatem, de quo supra, *ver. Tertiaria*, non est votum solemne, etiam si fiat in manu Prælati.

VOTA PROFESSORVM *simplicia.*

26 **V**ota professi, facta in sæculo potest Prælati irritare, dispensare, & commutare. Patet clarè ex sæpius dictis, vide supra n. 21. & alibi.

27 Religiosus potest validè vouere aliquid in materia aliàs bona, & necessaria, absque licentia Prælati: ut pote potest vouere se non fracturum ieiunium Quadragesimæ, & similia: neque in his indiget Prælati licentia, vel illi manifestare. Nam in his Prælati non præiudicat: neque ipse vouens adeò caret suo dominio, ut hæc vouere nequeat, quæ potest licitè exercere, imò quæ debet facere absque præiudicio obedientiæ. Colligitur ex D. Thom. 2. 2. *quest. 88. art. 8.* & Syluest. *verbo Votum 3. quest. 3.* & aliis, & proinde etiam vota circa materiam Regulæ valida erunt. Imò aduerto, quòd si præceptum regulæ aliàs non obliget sub mortali, ut fit in multis Regulis Religionum; Religiosus vouens illud, voto particulari, obligabitur sub mortali. Idem dicendum de

de bonis, quæ sunt res meliores, & in Regula neque prohibentur, neque præcipiuntur. Quamvis enim hæc vota semper habeant annexam conditionem, si Prælati non repugnet: quia tamen in se res bonæ sunt, & licitæ, neque Prælato, neque Ordini præiudicant, valent, donec à Prælato prohibeantur: sicut valerent vota serui, aut filij familias in simili materia cum eisdem circumstantiis.

28 Votum factum à professo, circa rem prohibitam in Regula ne fiat absque licentia Prælati, & sit sub conditione si Prælati consentiat: obligat donec Prælati explicet suam voluntatem, verbi gratia, votum peregrinandi ad talem Ecclesiam, quod fieri non potest absque licentia Prælati: debet enim fieri cum expressa, vel tacita conditione, si Prælati velit: aliàs fieret de re prohibita. Est communis Doctorum Obligat tamen tale votum ad petendam licentiam à Prælato suo tempore, qui si repugnet, manet extinctum.

Dicunt verò aliqui, quòd subditus petens tunc licentiam peregrinandi, debet manifestare Prælato se ad illud teneri ex voto, & hoc securius est, & verius, licet Nauar. in Sum. cap. 12. num. 69. & Caiet. in Sum. verb. Votum cap. 3. & alij dicant non esse opus, ut explicet Prælato circumstantiam voti. Sed prior opinio est securior, & certior, vide Sanchez lib. 9. de matrim. disput. 43. num. 8.

29 Votum professi, circa rem in Regula prohibitam, est nullum: est enim votum de re mala, cum sit prohibita. Et præterea est votum de minori bono: Regula enim in suis præceptis semper dirigit ad melius bonum. Et quamvis Regula id non prohibeat sub mortali, & actus contrarius possit esse aliquando bonus: vix tamen fiet absque vlla culpa veniali: frangere enim Regulam aliqualis semper culpa est. Suarez lib. 3. de Voto. cap. 6. num. 19.

30 Votum professi de transitu ad strictiorem Ordinem validum est. Est enim de materia licita non prohibita in Regula, sed superante perfectionem suæ Regulæ, quam suppono esse minus strictam, & proinde

ut plurimum minus perfectam: est communis, & suprà, verb. *Dispensare* diximus, non posse Prælatus hoc votum subditi irritare. Po est tamen Prælatus hoc votum subditi dispensare, ut tenet Nauarr. *lib. 3. Consil. tit. de voto & voti Redempt. consil. 14.* Si verò Religio in qua viuit talis vouens, habet prohibitionem Papæ ne fiat transitus de illa ad aliam, tenebitur vouens procurare talem licentiam, ut suprà in materia simili diximus, *num. 27.*

Circa Minoritam aduerto, quando Pater noster Franciscus prohibet 2. *cap. Regule*, ne exeant Fratres de ista Religione, solùm prohibet ne exeant ad sæculum: non verò prohibet transitum ad Cartusiam, qui fit cum licentia iuris communis, imò & Episcopus creatus ex Minorita in rigore exit ab Ordine cum licentia Papæ: & proinde votum Minoritæ ad Cartusiam est validum.

31 Potest Prælatus prohibere subdito ne votum aliquod faciat absque sua licentia; & hoc non est prohibere bonum perfectius, sed velle regularem modum, ut debet fieri: eo modo quo in Religionibus prohibetur, ne fiant tales, & tales pœnitentiæ. Si verò non obstante hac prohibitione Prælati subditus voueat in materia sibi licita, iuxta prædicta, votum tenet: quia illa simplex prohibitio Prælati non annullat votum: & multa prohibita sunt, quæ tamen facta, valent. At per Religionem, vel legem Prælati habentis potestatem, potest fieri lex prohibens omnia vota Religiosi, & annullans si fiant. Cum enim vota Religiosi habeant annexam conditionem, si Prælatus non contradicat, si Prælatus per legem contradicat, & annullet votum subditi, iam non valebit, Suarez *rem. 2. de Religio. lib. 3. de voto. cap. 6. num. 25.*

VOTI

VOTI IRRITATIO

circa professos.

ADDITIO.

32 **P**otest Prælati irritare omnia vota sui subditi (excipe transitum ad strictiorem Ordinem , de quo supra) & sic irritata amplius non conualescunt. Est communis : habet enim Prælati potestatem dominatiuam supra subditum , sicut dominus supra seruum. Et potest etiam irritare vota interna , vt de amando Deo , & similibus , ne scilicet fiant cum obligatione peccati. Suarez lib. 6. de voto, cap. 7. num. 8.

33 Si subditus petat licentiam exequendi votum declarando illud , & Prælati neget : vel si Prælati sciens de voto , prohibet subdito ne faciat , hæc sufficiunt vt votum maneat irritum : & clarius irritabitur , si dicat Prælati resolutè , Nolo vt vnquam hæc facias. Rodriguez Addit. sum. tom. 4. capit. 186. numero 3 cum ibi citatis. Dixi resolutè : si enim Prælati dicat , nolo , vt pro nunc faciat , vel quid simile , non est irritatio voti absoluta , sed suspensio voti. Concordat Sanchez libro 9. de Matrimon. disputatio. 43. numero 10. citans alios.

34 Si subditus fecit votum cum licentia Superioris , vel Superior factum votum confirmauit , non potest iam Superior sine causa tale votum irritare. Si verò sine causa irritet , peccabit mortaliter ; irritatio tamen valebit , ita vt votum non conualescat amplius , Rodrig. citato tom. 4. cap. 136. numero 14. & eodem cap. numero 5. ait Prælatum successorem , posse irritare vota quæ fecit subditus cum licentia Prælati præcedentis. Et vtrobique militat hæc ratio ad validam irritationem , quia scilicet , neque Prælati præcedens dans li-

centiam ad vouendum, neque Prælati præsens, amittunt iurisdictionem dominatiuam ad irritandum. Ratio verò ob quam peccat Prælati qui dedit licentiam ad vouendum, si illa iterum irritet absque causa, traditur à Sanchez in simili materia, *lib. 9. de Matrimon. disput. 40. numero 17.* Quia scilicet actus ille, de quo est votum, iam erat Deo consecratus de suo consensu, & proinde non potest absque causa illum Deo subtrahere. Secus de eodem voto, facto absque eius licentia, quia tale votum factum absque licentia Prælati, & ab eius voluntate dependens non erat absolutè Deo consecratus. Vide infra *numero 38. vel 39.*

At si post licentiam datam superuenit iusta causa, ut quia valdè molesta erat eius impletio, & sic de cæteris, poterit irritare, secundum probabiliorem opinionem.

35 Potest etiam Prælati irritare votum, quod subditus fecit animo illud implendi, cum subditus fuerit liber: ut pro tempore quo fuerit extra Conuentum, vel extra Ordinem. Probat, quia tale votum etiam de præsentis cadit sub dominio Prælati, & Prælati supra subditum semper habet plenum dominium ad irritandum vota. Et taliter nunc irritatum non conualescit pro tempore futuro, sed perdit omnem vim ligandi. Est communis Doctorum, & clara.

36 Non potest Prælati irritare votum subditi de transeundo ad Ordinem strictiorem. Est etiam communis, & tacta in præcedentibus.

37 Abbatissæ possunt irritare omnia vota subditarum professorum. Habent enim supra illas etiam plenam potestatem dominatiuam. Est communis Doctorum. Dixi *professorum*, quia vota Nouitiarum, non potest Abbatisa irritare, quia supra illas non habet prædictam potestatem. Non tamen possunt Abbatissæ commutare aliquod votum, vel dispensare, circa suas subditas, vel Nouitias: quia hoc solum potest facere habens iurisdictionem Ecclesiasticam, cuius femina est omnino incapax. Hoc tamen possunt illarum. Prælati; & Confessores poterunt omnia vota commutare, non vero dispensare.

38 Non

38 Non peccat subditus petens à Prælato irrationem voti, etiam absque causa, est communis Doctorum, quia sic petens utitur iure suo, & suum votum habebat dependentiam à consensu Prælati: & sicut non peccat Prælatus irritando, ita nec subditus petendo. Hinc etiam vides, quòd non peccat Prælatus irritando votum subditi absque causa, nisi quando Prælatus irritat votum factum cum sua antecedente licentia, ut suprà diximus, *num. 34.*

39 Inferior non potest irritare votum subditi confirmatum à Superiore: potest tamen Superior confirmare votum factum ab inferiori: & potest etiam Prælatus Superior irritare votum confirmatum à Prælato inferiori Ricard. *in 4. distin. 38. articul. 4. quest. 3.* & alij. Ratio est, quia potestas Superioris, cum sit maior, non potest restringi, vel impediri ab inferiore: & illa potest impedire potestatem inferioris. Adde quòd votum est quasi lex posita vouenti, & proinde lex voti confirmata à Superiore non potest reuocari ab inferiori. Bene tamen è contra.

VOTI COMMUTATIO ET dispensatio erga subditos.

ADDITIO.

40 **P**recipua circa hanc materiam, dicta sunt iam verbo *Dispensare*, & verbo *Prælatus*. ubi vide. Adde.

41 Possunt Prælati commutare, & dispensare omnia vota subditorum etiam iurata: si sint simplicia: patet ex supradictis, habet enim Prælatus suprà subditos omnem potestatem ordinariam, ad dispensandum, & commutandum, maximè pro foro interno: suprà verbo *Abbas*, numero 6. & alibi, & Suarez *lib. 6. de voto, cap. 10. n. 14* & sequentibus, & c. 14. n. 14. Quando dubitatur an quis vouerit, non tenetur voto; Sanchez *lib. 1. de*

Matrimon. disputatio. 9. numero 11. & sequentibus, cum multis ibi citatis. Secus si habet opinionem, & magis inclinet quod vouerit: tunc enim tenetur voto.

42. Votum tamen eundi Hierusalem, Romam, Sanctum Iacobum, Lauretanam Domum; non possunt Prælati dispensare cum subditis. *Miranda tom. 2. questione 32. articul. 1 conclusio. 2.* Et probatur quia neque Episcopi possunt cum subditis. Possunt tamen Prælati prædicta hæc vota irritare, negando licentiam, ut patet ex dictis, *numero 27.* Et innuit *Miranda, citato loco, conclusio. 3.* præterea, quia multi possunt irritare, qui non possunt dispensare.

43. Non oportet scrupulis agitari, an opus in quod votum commutatur, sit omnino æquale: hæc enim æqualitas non debet esse mathematica: & moraliter loquendo omnimoda æqualitas non est cognoscibilis moraliter: sufficit æqualitas ad arbitrium boni viri seclusa fraude, & graui ignorantia, maximè si commutatio fiat virtute priuilegij. Syluest. *Votum 4. questione 8. ad finem*, & Rodriguez *in Summ. verbo Votum cap. 100. numero 4.* Imò ait Suarez, *lib. 6. de Voto, cap. 12. numero 6.* quod quando conceditur commutatio in æquale extenditur ad commutandum in dubio, an sit melius, id in quod sit mutatio. Imò & etiam quamuis dubium sit an sit minus, dummodò non sit certum. Credibile enim est Papam delegantem, aliquam voluisse concedere benignitatem. Et beneficium Principis intra proprietatem verborum, explicandum est cum benignitate.

44. Votum approbatum ab aliquo Prælato, vel de eius licentia factum, quando ab illo licite irritari non posset, potest ab eodem commutari, & dispensari (exceptis illis positis *numero 42.*) patet quia hæc potestas dispensandi, & irritandi est potestas distincta inter se, & vna non impedit aliam. Suarez *lib. 6. de Voto, cap. 10. numero 17. & ibidem numero 18.* ait, votum confirmatum à Superiore, quod Prælatus inferior non potest irritare per potentiam dominatiuam posse tamen hunc inferiorem illud dispensare, idque per

pote

potestatem iurisdictionis, quæ est diuersa; cò quòd Superior confirmans votum, non reseruauit dispensationem illius.

45 Hæc potestas dispensandi, & commutandi potest delegari, seu committi à Prælatis ordinariis. Est communis, & patet ex suprà dictis: quia Prælatus habens potestatem ordinariam potest illam committere nisi per legem prohibeatur, & restringatur.

46 Concessa alicui per Prælatum, aut privilegium potestate ad vota commutanda, non censetur illi potestas dari ad dispensandum; nisi illud exprimat. Cordub. lib. 5. de Indulg. quest. 37 Couarr. in cap. quamuis pactum, 1. part. §. 3. num. 4. & alij communiter. Nam commutare & dispensare sunt actus distincti, & commutatio est quid minus quàm dispensatio. Et prætereà commutare potest quis per seipsum saltem in bonum melius; at dispensare in suo voto nemo potest. Et proinde cum sint actus adeò diuersi, concessio vno non censetur concedi alius. Et prætereà, quia dispensatio tollit omnino votum: at commutatio non tollit illud omnino, sed mutat onus.

47 Concessa facultate alicui vt dispense in votis, censetur etiam concedi eidem facultas ad commutanda vota. Hæc est communior sententia & antiquior. Tenet Sor. 7. de Iust. quest. 4. art. 3. vers. Abbates. Henriq. lib. 7. de Indulg. cap. 30 num. 5 cum ibi citatis Probatum inter alia, ex Regul. iuris §. 3. in 6. vbi dicitur. Cui licet quod est plus, licet vtique quod est minus: quæ præcipuè verificatur in illis quæ sunt subordinata, qualis est commutatio ad dispensationem, cui subordinatur: nam omnis commutatio voti est dispensatio secundum quid, seu in parte. Et per potestatem ad dispensandum potest votum commutari in minus.

48 Qui habet potestatem ad dispensandum, si dubitet de causa iusta, potest iniungere aliquod onus facile ad securitatem: neque enim cogitur absque onere dispensare, vt videmus in multis dispensationibus Pontificiis, cum certis oneribus iniunctis. Azor. tomo 1. lib. 11. cap. 11. questione 4. & Sanchez 8. de Matrimon.

dispur. 7. & tunc partim videtur potestate dispensandi, partim commutandi, idque ad securitatem. Vide *numero sequenti*.

49 Difficilius est cognoscere an subsit causa iusta ad dispensandum, quàm ad commutandum; nam ad dispensandum semper requiritur causa, sed tunc attendendæ sunt circumstantiæ personæ, necessitatis, utilitatis, temporis, &c. de quibus *suprà, verb. Dispensare*. Ad commutandum verò in melius, vel in æquale, non consurgunt tot dubia: & in utroque prudentia dispensantis, & commutantis requiritur.

50 Possunt Prælati dispensare vota iurata subditorum. *Suarez lib. 6. de voto cap. 14. à n. 14.* Quia votum iuratum non est distinctæ speciei: & iuramentum confirmans votum, est ibi accessorium, votum verò est principale. Cum ergo Prælatus, maximè per privilegia, possit tollere votum quod est principale, poterit etiam tollere iuramentum quod est accessorium. Quemadmodum homo cui est facta promissio, potest illam remittere, etiam si sit promissio iurata. Et idem ferè probat *Suarez citato loco, num. 10.*

51 Quando in Bullis Pontificiis committitur alicui ut dispenseret cum aliquo, in voto Religionis, castitatis, vel similibus, idque cum certis conditionibus, & oneribus: si Bulla non dicit, quòd eligat Confessorem; non tenetur Confessorem eligere, sed vnum nominatum, qui extra confessionem poterit votum dispensare, vel commutare iuxta formam Bullæ. Si verò Bulla dicat, quòd Confessor id faciat in foro pœnitentiæ, vel audita confessione illius; non potest Confessor extra confessionem id facere. Si verò nihil horum declaretur, sed tantùm dicatur quòd sit Confessor approbatus, non restringitur ut id faciat intra Sacramentum Pœnitentiæ: quia ibi tunc nomen Confessoris magis est muneris, quàm actualis exercitij. *Suarez lib. 6. de voto. cap. 16. num. 4.*

52 Tempore Iubilei quando in confessione dispensantur, vel commutantur vota ante impletas conditiones, requisitas à Papa, si commutatio fiat bona fide, & pœni

pœnitens habet propositum implendi conditiones: si postea aliquam conditionem omittat, & Iubileum non assequatur quoad Indulgentiam pœnæ, communicatio voti valet, & est rata: Henriquez *lib. 7. de Indulg. cap. 9. in principio gloss. & capit. 11. numero 4.* & Cordub. in *Summ. Hispan. questione 21.* & Nauarr. citatus ab Henriquez & alij. Peccat tamen grauitè pœnitens si postea sua culpa non implet conditiones, quia peccat contra pactum, & contra obligationem, ex voto relictam.

§3 Si Prælati dicat subdito: *ego dispenso tecum in omnibus votis, quæ habes, vel commuto omnia tua vota, non præcognoscendo, quæ sint illa vota.* talis dispensatio & commutatio non valet: quia dispensatio, & commutatio requirunt ambæ cognitionem voti; & dispensatio debet fieri cum causa, & commutatio fieri debet in æquale; ac proinde ad cognoscendam causam dispensationis, & rem æqualem commutationis, prærequiritur cognitio voti. Est clara, & communis. Et Suarez *lib. 6. de Voto. cap. 16. num. 1.* Secus verò puto dicendum, si Prælati dicat: *ego irrito omnia vota tua quæ habes.* Tunc enim valida est irritatio, absque cognitione votorum. Nam irritatio non requirit causam, ac proinde non requirit cognitionem voti, cum possit absque causa irritare; excepto quod ipse Prælati confirmauit iuxta supradicta, *numero 34.* Neque etiam irritans necesse habet cognoscere rem æqualem, in quam sit mutandum votum, quia ad irritationem non hoc requiritur.

§4 - Neque Papa potest dispensare validè in aliquo voto absque iusta causa: & si faciat absque causa, dispensatio non valet: & à fortiori idem dicendum est de Prælati Regularibus. Est communis, & Nau. in *Sum. cap. 12. n. 57. & 76.* & aliorum.

§5 Causæ iustæ ad dispensandum votum sunt sequentes. Prima, si fuit factum ex metu, iracundia, vel alia subita passione non tollente deliberationem. Secunda parua ætas. Tertia, si datur causa ruinæ

attenta materia voti difficili, vel fragilitate vouentis. Quarta, si votum impediat maius bonum vouentis. Quinta, ex mutatione notabili ipsius voti, si videlicet materia voti facta est scandalosa, minus honesta, nimis difficilis. Sexta, si dispensatio voti pertineat ad bonum commune. Denique quæcumque alia causa iudicata arbitrio viri prudentis, & timorati: ut omnes affirmant; neque enim omnes causæ in individuo possunt attingi. Vnde Suarez libro sexto, de Voto, capite 17. à numero octauo, & sequentibus. Pari modo dicendum est requiri etiam causam proportionatam ad commutandum votum; quando commutatio facienda est per commutationem in minus bonum: ad hoc enim causa etiam requiritur, est enim hæc commutatio quasi quædam dispensatio. Suarez num. 15.

56 Si Prælati potest occurrere subdito commutando votum, non potest dispensare. Sor. 7. de Iustitia. quest. 4 §. Hinc ergo. Et Rodr. in Sum. 2. par. cap. 100. n. 4. & Suarez ubi proximè n. 18. Excipit tamen Suarez si subditus habet multa vota, vel multas obligationes quibus non potest benè satisfacere, vel timeret probabiliter ruinam. Quando verò dubium est, an causa ad dispensandum sit virgens, ex proximè dictis, consulit ibi Suarez n. 21. ut cum dispensatione simul iniungat aliquod opus per commutationem.

57 Potest quis commutare suum votum in cuiusdenter melius absque auctoritate Prælati, est receptior sententia ex cap. peruenit. 2. de iureiur. cap. Scriptura de voto. Cordub. in Summ. quest. 149. & alij Et tunc potest fieri etiam absque causa. Excipe nisi hoc prohibeatur, ut aliquando prohibet Papa transitum à laxiori, ad strictiorem absque licentia Prælati: ut supra vidimus.

58 Ad commutandum votum in æquale, clarè cognitum ut tale, requiritur auctoritas Prælati, & causa iusta. Hæc est securior sententia, & magis recepta: per decem Doctores quos citat, & sequitur Suar. cap. 19. citat. lib. à num. 3. Inter quos etiam citat

eat Rodr. & fauet cap. 1 de voto, & 2. & cap. quod super his, etiam de voto. Vide ibi rationes. Et maxime quod ibi requiratur causa, probatur, quia mutatio in æquale sine causa interueniente, non habet rationem honestatis, & virtutis; ergo non est credendum, quod Deus contentus sit tali solutione.

59 Quando per priuilegium conceditur Confessori, vt commutet votum, solum illi conceditur vt commutet in æquale, non verò in minus æquale. Ita tenet praxis, & communis. Commutatio enim, propriè significat æqualitatem, & priuilegij verba accipienda sunt propriè, vnde qui vouit certam Religionem, non potest suo arbitrio intare aliam æqualem.

60 Ad commutandum votum in minus æquale multò magis requiritur, & causa, & authoritas Prælati timò, & priuilegium; constat ex dictis.

61 Si votum à Prælato, vel à vouente, commutatum est in melius, post commutationem factam non potest vouens sua sponte redire ad votum antiquum; poterit tamen si facta est commutatio in æquale. Ratio primi est, quia illa commutatio habet vim noui voti, secunda verò non habet. Et sic manente primo voto potest ad illud redire, & fauorè renunciare. Suarez cap. 20. numero 1. & 4. Si verò commutetur in minus æquale, clariùs est posse redire ad prius votum. Si verò post commutationem in minus æquale, renunciauit commutationi, iam non potest illa vti. Si verò post commutationem in æquale illi renunciauit animo non vtendi, etiam non potest illa vti. Suarez num. 20.

62 Si votum commutetur in æquale, vel minus æquale, votum prius nunquam redit etiam si posterior obligatio non impletur cum culpa, vel sine culpa. Nam per commutationem extinguitur obligatio voti, sicut per irritationem; obligatio autem semel extincta, non reuiuiscit. cap. si illic 23. questione 3. & Doctores communiter.

63 Omnia vota possunt commutari in votum Religionis, etiam si sit Hierosolymitanum, Romanum, &

& similia reſeruata, quia bonum Religionis eſt euidenter melius cæteris omnibus. Habetur *cap. Scriptura de voto*, & eſt communis.

64 Quando Episcopi ex tacita commissione, possunt dispensare in votis Papæ verè reſeruatis, caſtitaſis, ſcilicet, Religionis, &c. propter vrgentiſſimam cauſam, quia ſcilicet, vel ſunt vota dubia, vel metu facta, vel imminet graue periculum tranſgreſſionis, & non poteſt haberi reſcuſus ad Papam, vel Nuntium, tunc non poſſunt Regulares per ſua priuilegia in illis diſpenſare. Rodriguez in *Expoſitione Cruciata*. §. 9. numero 118. Nomine enim *votorum Episcopaliū*, ſolū intelliguntur illa quæ iure Ordinatio Episcopi poſſunt abſoluere, non verò hæc, quæ ſunt extraordinaria.

65 Diſpenſatio, vel commutatio impetrata ſubreptitiè, eſt nulla vt omnes fatentur: eſt enim inuoluntaria ex parte concedentis. Subreptitia verò eſt, quando in narratione contingit, vel taciturnitas veri, vel admiſſio falſi: de quo latè Sanchez *toto lib. de matrimonio*. & alij alibi.

66 Diſpenſatio, vel commutatio voti debet fieri à Præſlato verbis clariſ, & verè ſignificantibus quod intendit facere: nulla ramen in hoc eſt forma præſcripta, ſed relinquitur arbitrio prudentis, & verbis acceptis in ſignificatione propria, & communi. Verba autem ſecuriora, & clariora ſunt: *Diſpenſo tecum in hoc voto. Et commuto hoc votum.*

VOTI DISPLICENTIA: SEV pœnitere de voto facto.

ADDITIO.

57 **Q** Vi pœnitet ſe vouiſſe cum animo non implendi votum, vel negligit, vel vltra tempus dilatare proponit, peccat mortaliter in hiſ omnibus, facit enim contra obligationem voti, vt patet.

Si

Si verò quis ex tædio, ob vitæ molestiam, pœnitet, id est, vellet non vouisse, & nihilominus proponit seruare; non peccat mortaliter, *Azor. tomo 1. lib. 11. cap. 15. questione 19.* Vbi etiam docet peccare mortaliter illum qui pœnitet de actu, quo primùm vult; non enim fas est dolere de actu, qui est opus virtutis, & honestatis: qui verò, vt dixi, solum dolet de pœna, ac labore animo implendi, non peccat, quia non dolet de actu virtutis, neque facit contra votum, sed dolet de molestia.

Addit Suarez *libro 5. de voto capit. 7. numero 7.* quòd per accidens poterit. hîc dari peccatum, ratione periculi, cui se opponit sic dolens de voti molestia; quatenus scilicet illa quæ nostræ voluntati nimis displicent, & cum deliberatione sunt exosa, facilè omittuntur: & sic per molestiam illam cogitatam, opponit se periculo violandi votum. Quod considerandum est iuxta proportionem, & qualitatem personæ, & materiæ, maximè si ob id iam aliquando omisit implere votum.

DE NATURA, AC MATERIA voti, & aliquibus votis in particulari.

ADDITIO.

1 **M**entes in vna tantùm materia, vel habentes interualla lucida possunt validè vouere, vel in lucido interuallo, vel in omni materia in qua non sunt amentes. Ista ponitur à Sanchez *lib. de Matrim. disput. 8. num. 15.* & probatur, quia in illo lucido interuallo, & in illa materia in qua non sunt amentes, possunt habere perfectam deliberationem requisitam ad votum. Sicut habet amens in aliqua tantùm materia, & sobrius in aliis, vt possit validè contrahere matrimonium, vt probat Sanchez *citato loco.*

2 Cùm ad vouendum requiratur sufficiens deliberatio:

tio : & aliquando sit dubium an prædicta deliberatio præcesserit : ut hæc cognoscatur , hæc regula statuenda est. Si factum est votum ex metu incusso , à morbo , tempestate , iracundia , vel simili affectione , præsumendum est pro voto , & credendum semper est fuisse sufficientem deliberationem , quia illa prædicta non tollunt sufficientem deliberationem. Vide quæ dixi supra *hoc eodem verb. num. 9,*

3 Si verò sit dubium , an vouens quando vouit haberet plenum rationis usum ob teneram ætatem , tunc si constet habuisse septennium completum , præsumendum est pro voto , & dicendum quòd valeat , quia in tali ætate præsumit ius sufficientem deliberationem. Si verò constet non fuisse expletum septennium non obligat votum , quia non præsumitur ibi sufficiens usus rationis. Si denique dubium sit , an vouens compleuerit septennium , præsumendum est votum valere , quia non solent vota emitti ante septennium. Ita Sanchez 4. *Decalog. num. 13. & 14.* Et idem ibidem dicendum sentit de iuramento emisso , vel ex passione subita , ex tenera ætate modo proximè dicto.

4 Licet votum ex sua natura obliget ad mortale , si tamen vouens , cum vouet solum intendat se obligare ad veniale , ad id solum obligatur. Imò si solum intendat se obligare ad pœnam , & ad nullam culpam , ad solam pœnam per se impositam obligabitur. Sed nequit vouens in materia leui obligare se ad culpam mortalem. Sanchez *lib. 1. de Matrim. disputat. 9. num. 6.* Addit Sanchez 4. *Decalog. lib. 4. num. 3.* quòd si solum intendat se obligare ad pœnam non erit propriè votum. Ratio prædicti clara , & optima est : quia votum est lex priuata , quàm sibi vouens imponit. At legislator potest intendere etiam in re graui ut sua lex ad solum veniale obliget , vel ut nec obliget ad veniale , sed ad solam pœnam , ut decernunt statuta Tolletana Minorum reformati *in fine.*

5 Differunt inter se votum , & propositum rei alicuius faciendæ : Nam per votum voluntas resolutè & cum obligatione proponit : At per propositum non resolutè

resolutè acceptat. Signa verò an fuerit solum propositum erunt primò, si paulò, ante quàm deliberavit, vel paulò pòst, dubitat an voluerit se obligare: est signum solius propositi. Secundò, si verbo, ore, aut mente prolata indicant solum propositum, & non promissionem: vt si dixit, *Faciam hoc*: Tertiò, quando quis est certus de verbis promissionis, & consideratis omnibus circumstantiis adhuc dubitat, credendum est fuisse verum: vide Valentiam 2. 2. disputat. 6. q. 6. puncto 1. Addit tamen Nauar. lib. 4. consiliorum titul. de Voto prima Impressionis consil. 8. num. 3. & 2. Impress. consil. 5. hæc verba, *Da mihi Domine salutem, & seruiam tibi*. Intelligendo de seruitio in statu continentie, esse votum, nisi constet mentem dicentis solum fuisse propositum, non promissionem. Idem colligo si mens dicentis fuit solum seruire Deo castè in sæculo abstinendo à peccatis antiquis, quæ solet esse intentio ordinaria talia verba dicentium.

6 Factum votum non dicitur propriè votum, nisi fiat Deo. Nam definito voti ex D. Thom. 2. 2. quest. 88. art. 1. est. Votum est promissio Deo facta de bono meliori. Vnde votum factum alicui Sancto re vera est votum, quoniam fit tali Sancto, quatenus in ipso honoratur Deus, atque illa promissio tendit in Deum. Vnde si quis alicui Sancto, aliquid promittat cum animo expresso quod non intendit se obligare Deo, sed Sancto, non erit votum, quia non est promissio facta Deo: sed facta homini excellenti: Valentia citat. loco quest. 11. puncto 5. Votum verò vt valeat non indiget certis verbis prolatis, vel conceptis, dum constet de animo verè se obligandi Deo.

7 Si vouens non aduertit, nec discurret circa difficultates inuolutas in materia voti, habens se in hoc merè negatiuè, & postea in materia voti inuenit difficultates, quas si nosset non vouisset, votum obligat: quia illa inaduertentia purè negatiua non deobligat: Nam taliter vouens absolutè, visus est acceptare absolutè, quia quid in materia promissa foret difficile. At si vouens priùs discurret circa materiam, & putans

putans probabiliter illam esse leuem, vel aliquis sibi dixit esse leuem, & postea inuenit difficultates, quas si sciret non voueret, tale votum fuit inuoluntarium, & proinde invalidum. Probatur, quia per illam deliberationem præcedentem circa difficultates, iam virtualiter habuit dissensum circa has nimias difficultates, quem dissensum non habuit vouens priori modo, quia nihil discurrit. Traditur à Sot. *lib. 7. de Iust. quest. 1. art. 2.* & Lop. *1. parte Instruct. cap. 5. in fine*, & aliis. Ponit exemplum Sotus in eo qui suasus fuit ab aliquo obseruantiam ciborum, ac cæterorum alicuius ordinis esse facilem, & ille sic credens, vouit ingressum illius, & postea inuenit oppositum, ait tale votum fuisse inuoluntarium, quia iam per illum discursum præcedentem virtualiter dissensit in illis difficultatibus. Quod intellige, primò, dummodò iste secundo modo vouens, ac discurrens, non ignorantia crassa, & magnas ignoraret illas difficultates omnibus notas: tunc enim teneretur voto. Secundo excipe nisi vouens hoc secundo modo, & discurrens esset tali animo affectus, ut etiam si sciret omnes illas difficultates adhuc voueret: tunc enim non deobligatur. Ratio est, quia tunc dolus, & error non fuerunt causa voti, & in virtute tales actus vouendi non est exclusus hic casus, imò virtualiter admissus. Ita Vasquez *1. 2. quest. 7. art. 4. disp. 3. & cap. 4. n. 29.* & hoc procedit de difficultatibus iam inhærentibus materiæ voti, quando actu fuit emissum.

8 Si verò quando vouit prædictæ difficultates, non inerant materiæ voti, sed postea superuenierunt materiæ, tunc si sunt difficultates magnæ, & vouens illas aduertens non voueret, est communis opinio quòd votum non obligat, similiter neque iuramentum. Dixi, *si magna emergunt difficultates*, quia si sunt parvæ arbitrio boni viri, obligabit. Ita Nauarrus *in Summa capite 18. num. 3.* & alij communiter. Nam liberalis promissio non est extendenda ad id, quod promittens non intendebat. Quod sic explica: ut omne id, quod ante votum, vel iuramentum reddidisset materiam voti, vel iuramenti inhabilem ad producendam obligationem promissi, & postea

postea
si super
ad obli
cap. per
cedent
circa
parua
9 Q
que
inhab
Lope
riam
per c
præse
multi
sit, a
tes, i
stat
10
& po
rit vo
liber
est i
ipse
mar
Reli
grau
non
12.
1. S
17.
tus
vot
rep
&
Re
ler
11
in

postea superueniat, erit promissio inuoluntaria. Secus si superuenientia non redderent materiam inhabilem ad obligationem. Ita explicat Caiet. in *Sum. ver. votum cap. penultimum*, & alij. Et ita intellige dictum *num. præcedenti* deobligare votum quando præcedente discursu circa difficultatès à principio erant magnæ. Si enim sint parvæ, obligat votum.

9 Qui vouit Religionem quando erat iuuenis, illudque non impleuit si modò est senex, & ad professionem inhabilis, non tenetur voto, quia res est valdè mutata, Lopez 1. *part. Instruct. cap. 44 §. Sed de illo*, & citat. Victoriam. Et fauet Sor. *lib. 1. de Iust. art. 7. col. 6.* Sed ego semper consulerem securitatis gratia vt alicuius Prælati præsentiam adirèt, si velit cum senem recipere, quia multi senes in Religione recipiuntur. Si verò dubium sit, an materia voti mutata sit ob difficultates emergentes, iudicandum est in dubio votum obligare, quia constat de voto: & dubitatur de materiæ mutatione.

10 Si alicui incutiatur metus grauis iustè, vel iniustè, & post illum incussum, illi offertur libertas, vt si voluerit votum facere Religionis, vel aliud simile, illèque liberè voueat, tale votum obligat: quia talis metus non est incussum ad extorquendum votum, vt suppono: Sed ipse libenter acceptat. Vnde orta est praxis licita, quòd maritus condonat vxori adulteræ pœnam adulterij, si in Religione professionem emitrat. Secus si directè metus grauis incuteretur verbis petendo vt voueret, tunc enim non valeret. Sanchez *lib. 4. de Matrimon. disput. 12. num. 12. & seqq.* Dixi iustè, vel iniustè. Nam Rodriguez *tom. 2. Sum. cap. 93. num. 3.* & Vega *tom. 2 Sum. cap. 129. casu 17.* & Lopez 1. *part. Instruct. cap. 45.* dicunt etiam si metus incutiatur iustè, & clarè extorqueatur votum, dicunt votum reddi nullum, siue simplex, siue solemne; quos reprobatur Sanchez 4. *Decalog c. 3. num. 22.* cum Medina, & Sà ibi citatis: sed mihi videtur probabilior opinio Rodrig. & cæterorum: quia materia voti, maxime solemnis, requirit omnimodam libertatem.

11 Prohibuit Prælatus subdito ne faceret tale votum in materia aliàs licita, & subditus nihilominus fecit vo-

tum : tale votum obligat. Nam multa fieri prohibentur, quæ tamen facta valent, ut videre est in multis exemplis : at in duobus casibus tale votum non valebit. Primo si Prælati dicat in prohibitione, quod aliàs factum sit irritum, tunc enim clausula apposita irritat factum; & Prælati potest irritare. Secundo, non valebit si Prælati prius irritet, vel prohibeat materiam ipsius voti, ut si dicat, mando quod nemo rem talem faciat, vel, quod non fiat talis pœnitentia, vel quid simile: tunc enim illa res prohibita à Prælati iam non est materia voti, cum sit res illicita, & proinde votum emissum circa illam erit nullum, cum sit de re illicita. Et proinde subditus peccabit contra obedientiam, vel malè vouendo, quemadmodum peccabit contra obedientiam, cum vouet prohibente Prælati ne voueat, etiamsi Prælati non prohibeat materiam voti.

12. Votum de abstinentiis nimis, si inde resultet periculum mortis, vel grauis morbi ad arbitrium prudentis viri, non valet: si verò dubium sit ante tale periculum resultet, vel non adhuc votum non valet. *Sor. lib. 7. de Iust. 3. 1. art. 3. Tabiena votum i. n. ultimo, & alij.*

13. Votum de non edendo aliquid igni assatum in die sancti Laurentij, est nullum, quia id non conducit ad honorem illius, cum vouens possit carnes igne coctas tunc comedere, vel pisces coctos. *Azor, tomo 1. libro 18. capit. 14. question. 5.* Valeret tamen votum de abstinendo absolutè à carnibus in honorem alicuius Sancti. Similiter valeret votum de non manducando aliquid igne conditum in vigilia Sancti Laurentij, quia id cum sit specialis abstinentia pertinet ad honorem Sancti. Est etiam irritum votum agitando tauros in honorem alicuius Sancti, quia id non spectat ad honorem illius. *Habetur in Concil. Tolletano ultimo, sessione 3. decreto 26.* similiter votum non intrandi mare, eo quod in illo vouens passus sit periculum, vel non equitandi, eo quod ex equo ceciderit, est irritum, est enim de re indifferenti, & nullus finis honestus adiungitur. *Tolledo lib. 4. Sum. cap. 17. numero 14.* Secus si finis honestus addatur, ut quia mare no-

tabi

abiliter nocet complexioni, vel quia nescit equitare.

14 Votum factum directè contra consilia Euangelij sunt irrita. Vt si voueat non ingredi Religionem, non dare eleemosynam, &c. Sunt enim impeditiua maioris boni: & non indigent dispensatione: & est peccatum veniale sic vouere. Erit verò peccatum mortale, si voueat non dare eleemosynam extrèmè indigenti. Excipe etiam circa votum Religionis non intrandæ posse esse licitum, aut validum si concurrat circumstantia deobligans, vt si Religionis regula ibi non seruetur: si habet impedimentum inhabilitatis, vt sit Religiosus: Si habebet parentes in extrema necessitate constitutos, cui ipse solus potest subuenire, & sic de similibus. Sotus *libro 7. de Iust. question. art. 3. dub. 2.*

15 Votum de non petenda dispensatione, irritatione, vel commutatione voti, vt plurimum, est irritum; quia aliquando expediet salutem animæ id petere: idem dic de iuramento. Fauet Sot. *libro 8. de Iust. question. 1 articul. 9.* & tenet Sanchez 4. *Decalog. capite 8. numero 21. & sequentib.* Dixi, vt plurimum, quia si voueret quis illa non petiturum, nisi quando salubrius esset animæ illa petere, tunc valeret. Si tamen hac limitatione apposita non obstante peteretur à Superiore aliquid ex illis tribus. peccaret petendo contra votum, sed dispensatio, vel commutatio data causa iusta valeret, quia tale votum faciens non ademit Superiori potestatem dispensandi, vel commutandi. Addit Sanchez *citato loco numero 31.* Quòd si quis vouit vel iurauit se non petiturum commutationem voti, istam non posse petere dispensationem, vel irritationem illius: quia commutatio non tollit vinculum voti, sed mutat in aliud vinculum: cum ergo dispensatio, & irritatio tollant omnino vinculum, iam facit contra votum, quia vouens non petere commutationem, vouit non petere aliquid omnino tollens vinculum. Secundò dicit: Quòd si vouit non petiturum se irritationem, vel dispensationem, poterit petere commutationem puram non admistam dispensationi,

vel irritationi. Tertiò addit, quòd si solum vouit non petere irritationem, iste non poterit petere dispensationem. Neque è contra, si solum vouit non petere dispensationem, non poterit petere irritationem. Vide ibi causas.

16 Doctè tamen *ibidem* notat *num. 3.* quòd cum iste vouens non petiturum aliquid ex illis tribus circa votum factum, habeat duo vota, primum de re priori voto promissa, vt votum ieiunandi. Secundò de non petenda dispensatione prioris voti; si velit dispensationem petere, non potest petere dispensationem vtramque simul: tunc enim peccabit contra votum posterius, si petat dispensationem primi, stante secundo voto de illa non petenda. Debet ergo primò, & seorsim petere dispensationem solius secundi, id est, quo vouit se non petiturum: quia hoc petens nondum petit dispensationem prioris circa ieiunium: sed solum petit dispensationem de non petenda dispensatione. Et obtenta hac dispensatione circa secundum, poterit deinde licitè petere dispensationem primi voti circa ieiunium. Et hæc quidem clara sunt, & perdoctè tradita: & pro iuramento etiam inseruientia.

17 Si quis vouit, se mandaturum dici tot Missas in honorem alicuius Sancti, & inuenit Sacerdotem, qui illas gratis vult dicere, satisfacit voto. Nam ille solum vouit Missas, non eleemosynam. Et hoc intelligitur etiamsi quando vouit, intendit soluere pecunias pro Missis recordatus pecuniarum: dummodò non intenderit voto pecunias soluere in maiorem deuotionem, & tanquam materiam voti. Et in hoc casu adhuc nota, quòd si promisit pecuniam pro illis Missis darurum se designato Sacerdoti, & iste remittat, liberatur à solutione: si verò pecuniam pro eleemosyna Missæ promisit indifferenter cuilibet Sacerdoti dicenti Missas, tunc non excusatur isto Sacerdote remittente. Sanchez *citato lib. Decalog. cap. 11. num. 33.*

18 Sacerdos promittens se dicturum tot Missas, non satisfacit si illas dicat stipendio aliundè accepto: neque item satisfacit laicus, promittens certas Missas, & petens

petens à Sacerdote, vt illas dicat quando habet obligationem dicendi Missam stipendio aliundè. Nam vsus talis voti faciendi non est, vt illi satisfiat opere aliundè debito.

19 Si quis vouit daturum se eleemosynam certo pauperi tanquam opus pium, & in bonum animæ suæ, eligit tamen hunc pauperem eò quòd esset sibi notus, vel alia quacumque de causa, debetur alteri pauperi non electo. Si verò vouit tantum in bonum illius pauperis, non ligat votum si iste pauper est mortuus. Hoc pater ex regula seruata à Iuristis circa legatum relictum pauperi, seruant enim tunc eandem distinctionem positam: tenet inter alios Mol. *tomo 1. de Iust. disputat. 249. col penult.* In dubio verò huius intentionis prior intentio præsumitur, & sic debetur eleemosyna: secus si constet clarè de secunda intentione.

20 De illo qui vouit nunquam bibere vinum, vel abstinere à carnibus, vel à lacticiis, vide suprà verb. *Leuit. num 4. 5. & 6.* ibi enim sufficienter de his dixi.

21 Votum vitandi alicuius peccati venialis, est solum peccatum veniale, vt de non mentièdo. Votum enim ibi confirmatorium obligat solum sicut obligat ipsa materia voti. At si mendacium esset mortale ex circumstantia, vt quia grauiter nocuum tertio, vel dictum in iudicio, tunc fractio voti esset peccatum mortale. Nauarr. *in Sum. capit. 12. num 65. Sà Aphorif. num. 15. & 22.* Idem dicendum si materia illius venialis fiat grauis, vel notabilis ex aliqua circumstantia, vel posita sub graui præcepto ob aliquam circumstantiam, & sic de cæteris, tunc enim erit mortale.

21 Promittens, seu vouens vnā rem indeterminatam, vt dare vnā eleemosynam, vel vnum animal, non limitando rem certam, tenetur ad votum, sed tunc dabit, vel faciet ad arbitrium prudentis viri, attentis, circumstantiis personæ, & cæteris. Azor. 1. *tomo libro 11. question. 2. cap. 20. & Molin. tomo 2. de Iust. disp 268. col. 2.* Si autem neque determinauit qualitatem rei dandæ, vel faciendæ, vt si promittit dare modium tritici, non distinguens de bono, meliori,

vel infimo, potest dare quodcumque voluerit. Ita Valentia 2. 1. q. disp. 6. punct. 4. q. 3. 22.

22 Non obligatur vouens ad id quod tempore voti cogitauit, vel ad id quod statuisset, si cogitaret: sed ad id solum quod vouit attentis verbis, & animo se obligandi. Nam illa quæ cogitauit extra votum, vel quæ cogitasset, accidentaria sunt voto, & non promissa, & proinde non obligant.

23 Promittens duas res disiunctiue satisfacit eligendo vnam, quam maluerit. Adde, promissi ieiunare disiunctiue feria sexta, vel sabbatho: facto voto elegi postea deliberatè ieiunare feria sexta, & inchoaui ieiunium, illud ieiunium fregi illa die, non teneor in sabbatho sequenti ieiunare: quia per illam electionem certam, cessauit obligatio ieiunij sequentis diei. An verò obligetur ieiunare alia die loco illius primi quo non ieiunauit, dicendum, quòd si ieiunium fuit promissum in honorem temporis tantum, postea non obligat ad aliud ieiunium. Si verò non sit promissum ieiunium in honorem temporis, tenetur alia die ieiunare, vt si vouit ob macerationem carnis: & sic de aliis.

DE TEMPORE QVO impleri debet.

ADDITIO.

24 **S**I vouens præfixit terminum temporis in quo votum impleret, tenetur sub morali intra illud implere: tunc enim tempus illud cadit sub voto, & in illo includitur. Si verò in voto non inclusit tempus, sed quando vouit, cogitauit, vel intendit, quòd tali tempore commodius impleret. Hoc tempus sic cogitatum extra votum non obligat: quia ad votum non obligant nisi expressè contenta, seu intenta in voto, vel necessariò inclusa in illo. Si verò tempus implendi

implen
natura
sed sta
fit an
dum e
25.
do,
trio p
trans
voto
illud
sensu
thori
credi
Deus
dato
com
li ter
ctore
t. 1. 1.
26
pore
tum
ea c
inte
2. 2.
27
di E
nam
vor
S. E
vfo
Sat
vfo
fit
fec
ci
ca
re

implendi votum cogitatum tempore voti, fuit contra naturam voti, assignatio talis temporis non excusabit, sed standum erit dictis in sequentibus. Si vero dubium sit an vouens præfixerit tempus voto implendo, credendum est non imposuisse.

25. Si vouens non assignauit tempus voto implendo, tenetur illud implere ubi primum id poterit arbitrio prudentis absque notabili incommodo: aliàs erit transgressor voti. Probat, inter alia ex *cap. Non est de voto*, ubi dicitur non esse transgressorem voti, qui illud dilatat auctoritate Apostolica, ergo à contrario sensu, peccabit qui illud dilatat sine causa, propria auctoritate. Et secundò probatur, quia quotiescunque creditor, petit debitum, tenetur reddere debitor: sed Deus est creditor voti, & semper petit solutionem dato tempore commodo: ergo dato hoc tempore commodo, cum quis potest absque periculo notabili tenetur ad impletionem voti. Est communis Doctorum Vide Rodriguez 2. *tomo Sum. c. 99.* & Azor. 2. 1. *lib. 11. c. 15. q. 1.* Sà in *Aphorif. ver. votum n. 28.*

26. Licitè differtur impletio voti non præfixo tempore, quando speratur quòd alio tempore futuro votum deuotius, & quietius poterit impleri. Quia tunc ea censetur potestas commodè implendi, & ordinaria intentio voti. Ita Syluest. *ver. votum 2. q. 3.* & Aragon. 2. 2. *quest. 88. art. 3. in fine.*

27. Queris quamdiu differri possit votum ingrediendi Religionem? Rodriguez 2. *tomo Sum. capite 95. numero 9.* ait, virum natum annos 12. posse dilatare hoc votum vsque ad annum 25. Cordub. in *Sum. quest. 39. §. El uno es*, ait natum annos 12. posse dilatare votum vsque ad annum 17. vel 19. si vouit ordinem Minorum. Sanch. 4. *Dec. c. 14.* magis restringit, dicens posse dilatare vsque ad annum 15. vel 16. Alij aliter dicunt. Resolutio sit, quòd certa regula assignari non potest in particulari, sed prudentis arbitrio illud erit declarandum, attentis circumstantiis personæ, status, & temporis. Erit etiam causa dilatandi voti Religionis intrandæ, expectare commodum tempus, ut parentes patienter ferant

ingressum ordinis, Pax enim parentes illorumque quietatio causa sufficiens est dilatationis.

28 Si oblata iam commoda opportunitate ad implendum votum, existimet quis bona fide se differre, non peccat mortaliter, nisi fortè ignorantia sit crassa, & supina, & mora valdè notabilis. Probatum quia etiam in executione præceptorum Ecclesiæ excusat ignorantia si non sit crassa, & supina. In voto autem Religionis implendo; si post oblata occasionem implendi fiat dilatio per dimidium vnius anni, censet Sanchez 4. *Decalog. cap. 14.* fore moram seu culpam moralem, vide *ibi. numero 12.* Et si in cæteris prudentis arbitrium iudicabit.

29 Si voto dilato timeatur perpetuum impedimentum, voti implendi, dilatio illius est mortalis: exponit enim si claro transgressionis periculo. Sylvester. *verb. votum. 2. quest. 3.* Tabiena *votum. 3. quest. 3. num. 4.* & alij communiter. Addit Petrus de Ledesma *de Sacramentis, tract. de poenitent. cap. 8. dub. 4. in fine*, quòd si voti impletioni præfixum est tempus certum, & hoc tempus nondum aduenit; attamen prævidetur clarum impedimentum pro illo tempore futuro, tunc vouens tenetur præuenire tempus præfixum, & ante illud implere votum. Datur enim ibi eadem ratio, quia ponit se periculo transgressionis, quod periculum potest vitari anticipando. Hoc tamen intellige, nisi præueniendo redderetur executio voti notabiliter difficilis: quia non videtur vouens obligandus ad illam tam notabilem difficultatem superuenientem, & non intrinsecam voto.

30 Quæris promisit quis ieiunare certa die, vel illa die dicere rosarium: illa die non impleuit: quæris, an alia die teneatur illud implere? Distinguendum sic est: vel illud promisit in honorem, & deuotionem temporis illius, ut quia Aduentus erat, ieiunare: quia festum tale erat, vel ieiunare, vel orare, illa enim fiunt in honorem temporis, diei, vel Dei, vel Sancti. Secundo modo potest illud promitti non in honorem talis diei vel temporis; sed apponitur dies, vel tempus, ut termi-

nus executionis voti intra quem implendum est, neque ultra differre licet. Hoc posito dicendum, si priori modo fuit promissum, & non fuit impletum illa, die peccat mortaliter, sed non tenetur alia die implere. Probat, quia tunc circumstantia temporis fuit ipsa intentio in cuius honorem promittebatur: iam verò illa circumstantia temporis erat intrinseca illi voto per modum vnus cum re promissa, & proinde transacto illo ieiunio non manet obligatio circumstantiæ intrinsecæ inclusæ in voto ipso iam violato. At quando promittitur, secundo modo apponendo diem certam, tunc illa die transacta & voto in ea non impleto, obligat, ut impleatur alia die: quod probatur, quia tunc currit diuersa ratio, opposita præcedenti, ut facile erit applicare. Nam tunc circumstantia temporis non vouetur per modum vnus cum re promissa, sed virtute sunt duo vota. Ita Caiet. 22. q. 88. art. 12. dub. ultimo, Rodrig. tom. 2. Sum. capit. 99. num. 14. Lop. 1. part. Instruct. cap. 45. & alij communiter.

31 Vouens recitare aliquid coram aliqua particulari imagine, vel in particulari oratorio, si id vouit ex speciali deuotione ad talem imaginem, vel locum, & detur impedimentum ut illud ibi facere possit, non tenetur alia die id facere. Secus si non voueret ex speciali deuotione imaginis, vel loci: tunc enim transacto impedimento tenetur. Probat eadem ratio quæ adducta est. *n. præcedenti.*

32 Quando vouens in voto præfixit tempus non censetur illud apponere intuitu deuotionis, & temporis, sed intuitu se obligandi ut illud exequatur illo transacto. Quando verò attentis omnibus circumstantiis dubium æquale est an vouerit: intuitu deuotionis, siue honoris temporis, an verò tempus præfixum fuerit ut terminus executionis voti, censendum est factum votum hoc secundo modo, & proinde obligare etiam transacto illo tempore. Ita Sanch. cit. cap. 1. n. 8. & Azor tom. 1. lib. 11. quest. 21.

AD QUID OBLIGET VOTVM simplex Religionis.

ADDITIO.

33 **V**ouens ingredi religionem strictiorem peccat mortaliter si ingreditur laxiorem, quia minus dat quàm promissit: At si profiteatur in laxiore satisfacit voto, nec tenetur ad restrictiorem. Nauarr. *in Sum. cap. 12. num. 48.* & vtrumque definitur *in iure cap. penult. de Reg. in 7.*

34 Vouens ingredi Religionem strictiorem, potest hoc votum commutare in votum perseverandi in Religione laxiori, & sic facta commutatione intrare, & perseverare in laxiore. Probat, quia sic commutat votum in melius: nam melius est perseverare in Religione laxiori, quàm solum ingredi strictiorem ad experiendum, & postea exire, quod poterat facere vouens priori modo, dummodò in mente non includeret in voto etiam perseverantiam. Sylvester. *votum 4. questione 7. d. 3.* Paludan. *in 4. disputat. 38. quest. 3. art. 1. num. 1.* & alij. Imò & poterit intrare laxiorem cum animo perseverandi in illa, etiamsi non faciat illam commutationem. Nam adhuc est maius bonum cum tali animo ingredi laxiorem, quàm votum strictioris Religionis cum solo animo experiendi. Sic innuit Paludan: & Sylvester citati. Hoc limitat, dummodò, quando ingreditur laxiorem cum tali animo, non aduenerit iam tempus, vel aduenturum est tempore nouitiatus, ingrediendi strictiorem: quia tunc, cum iam obliget præceptum strictioris, non poterit iam commutari in votum laxioris intrandæ absque obligatione expressa perseverandi. Vnde dictum *in principio huius numeri* de vouente, quòd possit commutare tale votum modo ibi dicto, intellige, si nouit strictiorem

tem ordinario modo non vouendo perseverantiam in illa. Si enim hanc vouit, non poterit commutare: secundo limita posse intrare laxiorem, dummodo iam non aduenerit tempus obligans intrare strictiorem, ut proxime diximus.

35 Votum simplex Religionis non potest commutari propria auctoritate in votum castitatis. Nam licet votum Religionis non obliget ad perseverandum: ingressus tamen ille cum animo experiendi labores, & ibi manendi, si sint tolerabiles, maius bonum est quam seruire castitatem. Vnde omnes Doctores dicunt, quodlibet votum posse commutari in votum ingrediendi Religionem.

36 Colligunt ex prædictis Cord. *quest. 139. in summ.* & Rodrig. *tom. 2. cap. 95. 3. sine.* vouentem ingredi conuentum Recollectorum in Ordine Minorum, in quo strictius viuitur quam in Conuentibus eiusdem Ordinis, vel Prouinciæ qui dicuntur Observantiæ, peccare ingrediendo Conuentus Observantiæ, ubi non viuitur sic strictè nudis pedibus, & ca. Sed taliter ingressum, & professum in Conuentibus Observantiæ posse postea transferri in Conuentus Recollectorum. Sed aduerto Prælatos Minorum gaudere priuilegio concessa Camualduensibus Montis Oliueti, citato à Capucino super Compendium *verb. Nonitius f. 253.* Quibus concessum est, ut possint recipere ad suum Ordinem, etiam illos qui vouissent intrare alium Ordinem, etiam strictiorem: quo priuilegio gaudent omnes Mendicantes. Vide ibi latius. Per quod priuilegium Prælati Minorum potest recipere ad Ordinem vouentem intrare etiam Conuentus Recollectos & vouentes etiam Cartuziam. Sed aduerto, quod taliter recipiendus cum voto Recollectorum, vel Cartusiarum, tenetur hoc prius manifestare Prælato recipienti, ut dispenset. Prædictum enim priuilegium expressè dicit, ut Prælati recipiens prius dispenset, & tunc recipiat. Vnde si habens tale votum Recollectorum, vel strictioris Ordinis, si nihil exprimat, peccat: sed professio emissa valebit.

37 Quot modis fieri possit votum Religionis, quibus verbis, & quomodo sit interpretanda eius intentio, & obligatio, dixi sufficienter *suprà à n. 2. & seqq.* vide *ibi.* Addo nunc sequentia.

38 Qui vouit Religionem, & petit habitum tali modo, ut nutibus, vel signis, aut verbis innuat se nolle recipi, non satisfacit, voto satisfaciet verò, si id exterius minimè significet, etiam si animum haberet ut non reciperetur, & de facto non est receptus. Probat, quia hic passus sic repulsam non fecit moralem diligentiam requisitam ad voti executionem, sed simulato animo petiuit. *Sot. lib. 7. de Iust. quest. 2. art. 1. & Azor lib. 11. Moral. cap. 22. quest. 9.* Non tamen peccaret qui exponeret Prælato impedimentum morbi, vel imbecillitatis impediens ingressum, cum animo tamen parato ut etiam sic receptus, velit votum implere. Vide *Rodrig. 2. tom. Sum cap. 95. num. 5.* ubi ait illum qui vouit Religionem D. Francisci habens morbum Gallicum à quo postea verè sanatus est, deobligari ab illo voto, eo quod in Ordine prædicto Minoritæ nudis pedibus incedunt, quod valde nocet illis qui tali morbo aliquando laborauerunt. De vouentibus verò cum aliquo morbo laborant, consulendi sunt medici, an Prælati illos recipere expediat Religioni. Si autem is, qui vouit Religionem sit malis moribus imbutus, & timeat se non posse continere, sicque suadeant prudentes viri, non ideò excusatur ab ingressu, & tenetur experiri. multi enim sic mali intrantes, euaserunt valde boni.

39 Qui fecit votum Religionis, non tenetur manifestare Prælato se habere votum Religionis, (secundum probabilem opinionem) neque tenetur rogato res interponere. Nam qui fecit votum non se obligat ad omnia media iuuantia ad illius executionem. Sufficit adhibere media sufficientia & ordinaria, quale est petere admissionem animo non ficto instanter, &c. *Sanchez 4. Decalog. cap. 16. num. 54. in fine.*

40 Vouens Religionem cum animo expresso ut sit Sacerdos, si Prælati nolunt recipere, nisi ut sit laicus, liberatur à voto, quia votum non obligat illum ultra vouentis

vouentis intentionem. *Sor lib. 7. de Inst. q. 2. art. 1. ad 3. Rodrig. tom. 2 Sum. cap. 95. num. 10. & alij.* Si verò quando vouit nihil cogitauit de stata futuro Sacerdotis, vel laici: & tamen habet partes, & conditiones bonas ad sacerdotium, & Prælatus non vult illum recipere ad sacerdotium, liberatur à voto. Non verò liberabitur, si carens prædicta sufficientia, recipitur ad solum statum laici. *Azor. tomo 1. libro 11. questione 4. cap. 22.*

41 Vouens Religionem non satisfacit voto intrans animo statim exeundi: non enim hic est mos, vel animus taliter vouentium: sed debet intrare cum animo experiendi an status conueniat ipsius saluti spiritali. *Nauarr. in Summ. cap. 12. num. 47. Angelus votum 3. num. 18. Syluester. verb. Religio 2. quæst. 19. & alij.* Si verò quando vouit in voto inclusit statim animum exeundi, votum est nullum. Secus si votum fuit absolutum intrandi, & statim post votum formauit animum exeundi, tunc enim tenetur ingredi, & experiri.

42 Vouens ingressum Religionis, & perseverantiam, seu professionem in illa, si exeat iusta causa, vt propter morbum, vel quid simile, remoto impedimento non liberatur à voto, sed tenetur iterum Religionem intrare, si impedimentum non est perpetuum. Probat, quia iste licet iusta causa exierit, nondum tamen satisfecit voto professionis emittendæ. Ita D. Thom. 2. 2. q. ult. art. 4. & Caiet. *ibidem* dubio 1. *Azor. citat. cap. 22. q. 8. Rodrig. citat. cap. 95. 2. tom Sum. num. 7. & alij communiter.* At si taliter vouens perseverantiam, tempore nouitiatus inuenit aliquam notabilem difficultatem, quam inuincibiliter ignorabat, aut postea superuenit, poterit licitè egredi, vt patere potest ex supradictis, quia hæc notabilis mutatio rerum excusat à voto, vt iam suprà diximus. Si verò impedimentum, vel difficultas non sit perpetua, illa cessante tenebitur redire. Si verò quis voueat cum animo perseverandi, non includens in voto perseverantiam, tenetur ingredi animo perseverandi, & experiri, sed non tenetur ex vi huius voti perseverare. Ita Ricard. in 4. dist. 38. art. 8. q. 3. Angelus votum 3. q. 18. & alij.

43 Si

43 Si vouens ingressum tantum inuenit grata omnia contenta in Religione non potest licite exire, ex illa sola libertate, quæ conceditur nouitiis, sed tenetur tunc perseverare. Probat, quia hæc est communis mens, & intentio vouentium Religionem, ut scilicet, si rem sibi gratam inueniant, perseverent: alias promissio esset simulata, & ridicula, ac proinde Deo displicens. Ita Caiet. 2. 2. *quest. ultim. art. 4. dub. 3.* Tolet. *lib. 4. summ. cap. 18. num. 12.* Rodrig. *cit. cap. 95. num. 2.* & alij Et in dubio sic præsumendum est omnes vouere ingressum Religionis. Hinc colligitur discrimen inter ingredientem Religionem cum voto, & ingredientem absque illo. Nam ille peccat mortaliter exiens à Religione absque legitima causa: hic autem peccat solum venialiter, quia non facit contra votum: sed solum leuitatis arguitur, deserens statutum tantæ perfectionis.

44 Qui votum castitatis, vel peregrinationis Hierosolymitanæ commutaret in ingressum Religionis, & post ingressum inuenit notabilem difficultatem, vel iustam causam exeundi, non tenetur voto Religionis, nec voto castitatis antiquo: nam votum Religionis legitime cessauit: & antiqua duo vota etiam cessarunt per legitimam commutationem. Sanchez *cit. cap. 16. 4. Decal. n. 94.* Hoc tamen limitat *ibi n. 67.* dummodò is, cui prædicta vota sunt commutata in ingressum Religionis, fuerit capax ingrediendi talem Religionem. Si enim sit incapax illius ob aliquod impedimentum, & non admittatur, commutatio fuit nulla, quia facta est in materiam illicitam, & proinde vota antiqua non sunt extincta, si ipse non admittatur, vel admissus expellatur, vel iusta causa exeat.

45 Ut ingrediens Religionem ex voto, dicatur exire cum iusta causa, non requiritur causa valde vrgens, sed sufficiet causa mediocris: qualis sufficeret, ut non argueretur leuitatis ingrediens Ordinem absque voto. Nam vouens perseverantiam in Ordine illam solam perseverantiam intendit, quam intendit ingrediens absque voto. Hic autem solam hanc intendit, ut si inueniat gratam

nam R
retur
num.
nouit
tristi
tent
judi
fuit
fuit
iniu
teris
fint
suffi
gio
reg
Ve
&
no
po
49
exp
im
R
pl
du
tu
ra
d
i
i

ram Religionem, vt illa sic grata inuenta leuitatis argueretur illam deferens. Ait verò Sanchez *citato cap. 16. num. 100.* fore causam sufficientem ultra iam dictas, si nouitius patiatur saltem per mensem grauem animi tristitiam, siue ex passione naturali, siue ex dæmonis tentatione ortam. Prudentis verò arbitrio relinquuntur iudicandæ aliæ causæ egressus: vt scilicet si inductus fuit nouitius ad malum per aliquem fratrem: si non fuit in morbo curatus sufficienter: si fuit grauiter, & iniuste reprehensus, vel rixatus cum alio: & sic de cæteris. Hoc inquam, iudicabit prudentis arbitrium an sint causæ mediocres ad egressum. Ait verò ibidem fore sufficientem causam egressus, si videat nouitius Religiosos communiter non viuere cautè in obseruatione regulæ; & proinde non expedire salutem animæ suæ. Vel si videat asperitatem Ordinis sibi non conuenire: & sic de cæteris. Esset etiam causa egressus necessitas notabilis parentum, aut sororum, quibus in sæculo potest subuenire.

49 Egrediens ab Ordine ex iusta causa temporali, vel expulsus à Religione semel suscepta ob morbum, vel impedimentum temporaneum non tenetur redire ad Religionem illis causis cessantibus, iam enim suo voto plenè satisfecit. Hoc tamen tripliciter limitatur Primò, dummodò non vouerit perseuerantiam in Ordine: tunc enim tenetur redire cessantibus illis causis temporaneis. Secundò limitandum est, vt si expellatur ob defectum ætatis requisitæ per Tridentinum, vel statutum Religionis, adueniente tali ætate, vel sublato illo impedimento statuti Ordinis teneantur redire. Tertiò limitandum est, nisi culpa sua expellatur ab Ordine: tunc enim nondum voto satisfecit. Vide Tolled. *lib. 4. Summ. cap. 17. num. 12.* Sed Azor. *lib. 11. tom. 1. cap. 22. quest. 9. in fine* tenet expulsum ab Ordine sua culpa, non obligari amplius redire. Sanchez *cit. cap. 16. n. 108.* sic illos conciliat: vt si nouitius habens culpas fecit quod potuit moraliter loquendo ad emendam, nihilominus eiectus est: non tenetur redire. Si verò hanc moralem emendationem
non

non apofuit, & ideo eiectus est, tenetur redire.

47 De illo qui vouit simul Religionem, & caſtita-
tem ad quid teneatur, vide quæ dixi ſuprà. *verb. Votum, n. 16.*
& ſeqq.

48 Si quis ſæcularis voueat obedientiam, caſti-
tatem, & paupertatem in manu alicuius Prælati
Regularis cum animo fruendi priuilegiis, vel ſuffra-
giis iſtius Ordinis: iſte primò non tenetur ad ingreſ-
ſum Religionis, quia hoc non promiſit. Secundò
tenetur ad ſeruanda illa tria vota domi ſuæ, tanquam
vota ſimplicia, fuerunt enim valida & in honorem Dei
promiſſa. Ita reſpondit Nauarr. in ſacta contingentia
lib. 3. Conſil. titul. de Voto, conſil. 9. Quamuis autem
ibi dicat: iſtum non teneri ad votum obedientiæ
quia obedientia non fuit acceptata ab illo Præla-
to: rectiùs tamen probat Sanchez, 4. *Decalog. num.*
ultim. etiam teneri ad obedientiam: nam ſolum vo-
tum Religionis requirit acceptationem cum ſit con-
tractus. At votum obedientiæ cum non ſit contra-
ctus, non requirit acceptationem. Et proinde ait
Nauarr. *citato conſilio in fine*, vt taliter vouens ſit ſecurus
in voto paupertatis promiſſæ, ſecuriùs eſſe petere di-
ſpenſationem ab Epifcopo. In cuius probationem af-
ſeit Sanchez *citato loco*, quòd ſi quis voueret ſeruare
domi ſuæ regulam alicuius Ordinis; teneretur illam
ſeruare; ſeruando etiã obedientiã Prælato illius Ordinis.

49 Qui vouit Religionem, & tali voto non obſtan-
te contrahit matrimonium animo conſummandi,
peccat mortaliter conſummans, ſiue petendo, ſiue
reddendo prima vice. At poſt conſummationem non
peccat petendo, vel reddendo, etiamſi promiſerit per-
ſeuerantiam in Religione. At ſi mortuo coniuge ta-
lis ſuperuiuat, tenetur intrare in Religionem. Proba-
tur primum, quia votum Religionis ſimplex non ſe
extendit ex ſe ad ſeruandam caſtita-tem: cum ergo
per conſummationem matrimoni-
ingreſſus Religionis, iam pro tunc non tenetur ad caſti-
tatem ex vi talis voti. Probatu-
tatem ex vi talis voti. Probatu-
tum Religionis per conſummationem matrimonij non

extinguitur, sed suspenditur : ergo sic coniux vouens, & viuens tenetur, voto reuiuifcente Vide Sanchez lib. 9. de matrim. disp. 33. à num. 13. & seqq.

*AD QUID OBLIGET VOTVM
simplex castitatis, vel virginittis,
& similia vota.*

ADDITIO.

50 **S**I vouens virginittatem clarè solùm intendit abstinere prima vice à coitu carnali, per quem amittitur virginittas propriè dicta, post primum coitum carnalem, non tenetur amplius ex tali voto virginittatis castittatem seruare, quia id solùm intendit vouere, & actus agentium non extenduntur ultra intentionem agentium. Si verò dubitat, quid intenderit sic vouendo, tenet Sanchez 4. Decalogi, capit. 21. numero 22. taliter vouentem teneri semper ad perpetuam castittatem, quia votum virginittatis ex sua natura obligat ad perpetuam castittatem, sicut votum castittatis. Sed ego ipsi Sanchez obiiicio ipsum Sanchez, qui lib. 2. de matrim. disputat. 41. numero. 33. ex capit. ex parte de censibus cum gloss. ibidem. & aliis quos citat, tenet in dubio voti eligendum quod est minus, non quod est tutius : cèque de causa ibi tenet, quòd vouens castittatem, & Religionem, & dubitans an vouerit castittatem dependenter à Religione, vel independenter ab illa quod maius est, non debere obligari ad seruandam castittatem independenter à Religione, ac proinde taliter vouentem non esse obligandum ad castittatem ex vi talis voti ante ingressum Religionis, quamuis id tutius sit : quia, vt probat, in dubio qualittatis voti non debemus obligare vouentem ad id quod tutius est, sed ad id quod minus est.

V u u

ut ibi latè probat. Cum ergo vouens virginitatem dubitet ad quid se intenderit obligare, & minus sit obligari ad abstinendum à primò tantum coitu tollente virginitatem, quàm ad abstinendum perpetuò; videtur talis obligandus solum ad illud primum quod est minus, non ad hoc secundum, quod est maius, vel tutius. Videtur etiam probari ex ipso Sanchez 4. *Decalog. cap. 44. numero 3. fin.* ubi ait quòd quando quis vouit virginitatem, & non meminit quomodo ex duobus supradictis, votum non est censendum reservatum, sed posse dispensare Episcopum. ergo à simili, vel in rei veritate potest cogitari quòd sit emissum pro prima tantum vice. Addo quòd vota sunt accipienda secundum quod verba sonant in significatione propria, & communi. At virgo propriè loquendo solum significat illum qui primo coitu, vel nullo coitu amisit virginitatem: si verò primo coitu iam illam amisit, quantumcunque abstineat à venereis, non dicitur virgo, sed castus: ergo in significatione propria, vouens virginitatem, & dubitans quid intenderit, solum videtur obligandus ad abstinentiam primi coitus. Addo quod ibidem addit Sanchez ex *disto cap. ex parte*, videlicet, quod æquitas postulat, ut voluntariè oblata benigniùs exigantur. Et hoc votum est voluntariè oblatum: ergo benignè exigendum, vide *citat. num. 33.*

51 Non potest verò vouens virginitatem contrahere matrimonium, quia iam se impossibilitat ad seruandam virginitatem, ac proinde de illo iudicandum est sicut de vouente castitatem; de qua iam dicimus sequentia.

52 Si legatus voto virginitatis, vel castitatis, vel non nubendi, & similibus quærat à viro docto, an matrimonium initum cum aliquo ex illis votis maneat validum? Aliqui censent debere virum doctum tacere, ne detur occasio peccandi sic quærenti. At veriùs respondet Sanchez 7. *de matrim. disput. 11. num. 12.* primò teneri interrogatum exaggerare grauissimum id esse peccatum, semperque sperari malos euentus: hoc verò præmittens non peccabit detegendo veritatem, ac dicendo fore vali

validum
proposi
53 L
non p
comm
primò
morta
nicum
castita
54 C
non te
Quia
io ser
gionis
coniu
quem
tunc
vide
ad pet
ambo
matri
55
stine
verò
expli
castit
super
tene
licet
ab h
illa
disp
nem
pen
56
cor
gat
illo
ri b

validum. Tenetur tamen quoad poterit interrogantem à proposito diuertere.

53 Ligatus voto castitatis contrahens matrimonium non potest petere debitum, potest tamen reddere. Est communis, vide Azor *tom. 1. lib. 11. cap. 21. quest. 3.* At in primo bimestri reddens debitum prima vice peccat mortaliter, quia in primo bimestri secundum ius Canonicum coniux non tenetur reddere, etiamsi careat voto castitatis.

54 Qui post votum castitatis matrimonium init non tenetur ingredi Religionem ut castitatem seruet. Quia Religionis ingressum non vouit, nec pro illo voto seruando tenetur subire tantum onus, qualis est Religionis ingressus. Sanchez *9. de matrim. disput. 34. num. 3.* coniux verò reddere potest debitum alteri coniugi quem scit ligari voto castitatis, & malè petere, quia tunc non cooperatur peccato petentis. Est communis, vide Rodr. *2. tom. Summ. cap. 9. num. 4.* cætera spectantia ad petitionem debiti inter coniuges, quorum alter, vel ambo ligantur voto castitatis pertinent ad materiam matrimonij.

55 Ligatus voto castitatis tenetur ex vi voti abstinere ab omnibus venereis, cogitatione, tactu, &c. Si verò aliquid horum commiserit, tenetur in confessione explicare circumstantiam voti. Item si ligatus voto castitatis matrimonium contraxit, finito matrimonio superuiuat, non potest inire aliud matrimonium, sed tenetur seruare votum antiquum: & hoc verum habet, licet durante matrimonio cum illo dispensatum sit ab habente potestatem, ut posset petere debitum. Nam illa dispensatio non extinguit votum, neque est dispensatio voti: sed dispensatio circa solam petitionem debiti: in voto enim castitatis solus Papa dispensat.

56 Votum de assumendo Ordine sacro, impedit ne contrahatur matrimonium. At si ineatur, non obligat ad ingressum Religionis, iuxta dicta *num. 54.* & illo inito potest petere, ac reddere debitum etiam priori bimestri. Sanchez *9. de matrim. disputat. 33. n. 15.* Et

Idem à fortiori erit dicendum de voto non nubendi, solum enim prohibet nubere, non verò reliqua.

DE IRRITATIONE VOTI.

ADDITIO.

§7 **P**rælatus cum habeat potestatem dominatiam supra subditum, potest omnia vota illius irritare, ipso subdito inuito. Dispensare vero vel commutare non potest inuito subdito. Suarez *tomo 2. de Relig. tract. de voto libro 6. cap. 1. ad finem.* Eodem modo dominus potest irritare vota servorum, qui subduntur illi omnimoda potestate loquendo de votis, quæ domino præiudicant : non verò sic potest irritare vota famulorum, qui non plenè subduntur dominorum potestati. Possunt tamen domini famulorum prædictorum vota suspendere, si suo obsequio præiudicent, quæ suspensio non est irritatio, neque tollit votum omnino, sed ad tempus. Suarez *cit. libro 6. capit. 3. numero 6.* & in rigore respectu famulorum non dicuntur dominus, sed pater familias. Parentes vero possunt irritare omnia vota personalia, & realia filiorum intra pubertatem, de quo latius agere spectat ad materiam de voto.

§8 Si aliquis extra Religionem promittat vota in manibus alicuius Prælati, modo iam supra exposito *numero 48.* obligatur votis modo ibi dicto : sed Prælatus ille non poterit irritare illa vota, cum per illam promissionem non acquirat Prælatus iurisdictionem dominatiam circa promittentem, neque possit illius transgressionem punire. Vasquez *1. 2. question. 96. articul. 4. disputat. 165. capit. 4. num. 25.* Si quis verò facilis, & proclivis ad vovendum etiam temerariè, protestaretur coram Deo se nolle suis votis obligari, nisi annuente confessario, vel aliquo viro docto, talis confessarius, vel vir doctus posset illa vota irritare;
quia

quia illa vota non obligarunt ultra intentionem vouentis. *Suar. cit lib. 6. cap. 1. num. 8.*

59 Potest Prælati Religionis omnia vota simplicia subditi irritare postquam facta sunt, & præterea idem potest antequam fiant, dicendo, nolo quod aliquod votum emittas: quod si emiseris, ex tunc illa irrita, *Suarez tom. 2. de Relig. tract. de Voto lib. 3. cap. 1 §. 5. & Sanchez 4. Decalog. cap. 24. num. 19* Hæc autem omnia quæ diximus de irritatione votorum Prælati erga subditos, non possunt facere Episcopi in votis suorum subditorum, etiam si sint Clerici, quia non potestatem dominatiuam propriam super illos.

60 Possunt Prælati Regulares delegare alicui subdito non Prælato ut possit irritare vota subditorum talis Prælati. Sicut enim potest illi subdito non Prælato delegare potestatem ad dispensandum, & commutandum: ita potest illi committere ut irritet suo nomine vota suorum subditorum. *Sanchez 4. Decalog. cap. 24 n. 54 citans Leonar. l. & Suarez.*

61 Subditus potest vouere omnia illa, quæ regula non contradicit, neque Superior prohibuit, nec subditum impediunt ab obsequio Religionis: & talia vota statim ligant donec Superior non contradicat: est communis, & omnino certa, *Rodriguez tom. Summ. cap. 39. num. 3.* & alij Vide quæ dixi supra de Votis simplicibus Religiosorum à num. 26. Si verò Religiosus voueat rem expressè prohibitam à Prælato, votum est nullum, ut iam supra diximus. Quod idem sentit *Sanchez 4. Decalog. cap. 25. num. 10.* Si fiat votum de re prohibita in regula, etiam si non prohibeat sub peccato, vel quia res non est mala de se, sed solum prohibita. Credit, inquam etiam hoc votum esse nullum. Quia melius est conformari regulæ, quàm petere relaxationem regulæ à Prælat.

62 Si Prælati dedit subdito licentiam ad aliquid vouendum, & subditus vouit, sed tamen nondum votum impleuit, potest nihilominus Prælati Religionis illud votum de sua licentia emissum, irritare. Nam per illam concessionem vouendi non abdicauit

à se potestatem irritandi, & idem dicendum de viris circa vota vxoris facta ex licentia viri. Sà in *Aphorif. Verb. Voti irritatio. n. 2.* Sayro *Clau. Reg lib. cap. 10. n. 12.* & alij ferè communiter. Idque verum habet etiam si talia vota fiant soluenda pro tempore quo vouens erit plenæ libertatis siue etiam dicat Prælati Regularis se illi concedere licentiam irreuocabilem : nam adhuc poterit reuocare : quia neque per illa verba abdicauit à se dominium suprà voluntatem subditi.

63 De voto autem, seu promissione humana facta ex licentia Prælati, dubitas, verbi gratia, promissit subditus de licentia Prælati alicui homini se facturum rem certam : an possit Prælati ante impletam promissionem, illam irritare ? Aragon. 2. 2. *quest. 88. art. 8. fol. 1020.* & Leonard. *lib. 2. de Iust. cap. 40. dubio 10. n. 75. ad secundum* dicunt posse reuocare, etiam absque causa, licet reuocans sine causa, peccabit. At melius Suarez *tom. 2. de Religion. lib. 6. de Voto cap. 8. n. 3.* & Sanchez 4. *Decalog. cap. 27. n. 23.* dicunt non posse. Addit Suar. neque Prælatum Superiorum illius posse reuocare. Ratio est, quia firmitas contractuum humanorum petit, vt consentiente Superiore potente consentire, talis firmitas sit perpetua, & irreuocabilis. Si tamen Superior prohibeat subditum, tunc subditus non peccabit non implendo quidquid sit de peccato Prælati indubitè prohibentis.

64 Prælati æqualis succedens illi, qui licentiam dedit subdito aliquid vouendi, si reuocet licentiam, ante impletionem voti, potest illud irritare. Probat, quia pater in parem potestatem non habet, nec Prælati præcedens potest ligare manus Superioris succedentis æqualis *cap. innotuit de Electione.* Cum ergo Prælati successor sit æqualis in iurisdictione, vt supponimus, poterit facere hoc, quod antecessor poterat ex supradictis.

65 Si Religiosus sit factus Episcopus, vel aliqua quæcumque persona exempta : item si eiiciatur iuste à Religione in perpetuum, non potest Prælati irritare istorum vota, quæ ante emisissent in Religione.

Pro

Probatum, quia isti iam positi sunt extra iurisdictionem dominatiam Prælati ut pater, ergo illorum vota non possunt irritare, vel dispensare. Si verò eiectus ab Ordine redeat ad illum, tunc poterit irritare, ac dispensare, quia iterum subditur potestati dominatiæ. At si Episcopus renuntiet dignitati, & redeat ad Ordinem, nunquam subditur potestati dominatiæ Ordinis: & proinde illius vota nec dispensare poterit Prælati Religionis. Vide Sanchez 4. *Decal. cap. 30. à num. 21. usque ad 27.*

66 Vota novitij emissa ante ingressum Ordinis, vel in novitiatu quando per professionem extincta non sunt, possunt postea irritari à Prælato post professionem, ac si emissa essent post professionem: Sylvest. *votum 4. q. 7. dicto 3. vide quæ dixi suprâ ver. Vota novitij num. 18. & 19. & præcipuè ibidem ver. Votum. num. 1.*

67 Non potest Prælati irritare votum subditi, de transeundo ad strictiorem ordinem. Nam cum Ius Canonicum *cap. licet de Regularib.* concedat cuius Religioso, ut petita, etiam non obtemperata licentia, possit hunc transitum facere, iam manet adempta facultas Prælato Regulari dispensandi, vel irritandi illud quod Ius Canonicum concedit, & ratum habet. Est communis maxime Nauarr. *l. 3. Consiliorum tit. de Voto, consil. 30. n. 2.* Sayro *Clau. Reg. lib. 6. cap. 10. num. 9* & aliorum. Si verò Religio in qua vivit Religiosus, habeat particulare privilegium, ut ex illa non liceat transire ad aliam absque expressa, & obtemperata licentia Superiorum, ut habent aliquæ Religiones, tunc votum de tali transitu erit nullum, neque indigebit irritatione, pro quo vide quæ dixi sufficienter suprâ, *ver. Transire ad alium Ordinem, à numero 10. & seqq.*

68 Non possunt Prælati irritare aliqua vota, quæ in aliquibus Religionibus emittuntur simul cum tribus solemnibus, & dicitur quartum votum: quemadmodum PP. Minimi promittunt toto anno cibum quadragesimalem, & alij promittunt obedire si mittantur ad longissimam navigationem Indiæ pro conversione fidelium, & sic de cæteris Nam hæc vota sunt

emissa per Constitutiones Generales approbatas à Sum. Pontifice Et ex consequenti dici possunt vota solemnia, quia eadem solemnitate emittuntur, & acceptantur, atque alia tria solemnia. Bene tamen poterit Prælati irritare votum quod fecit subditus de exequendo aliquo consilio Euangelij, vt de danda elemosyna, de parcendo, & orando pro inimicis: & similibus. Item, potest irritare votum emissum à subdito de non violando aliquo præcepto Decalogi, vt de non fornicando, de non furando. Quia in his dispensans, seu hæc irritans non dispensat in præcepto Decalogi: sed solum tollit maiorem obligationem quam subditus sibi imposuit de illo seruando, quod potest facere propter omnimodam dominationem, quam habet suprâ voluntatem subditi. Vide Syluester. *votum 3. quest. 3.* Durand. *in 4. distin. 38. quest. 1. num. 7.* & Tabiena *votum. 5 quest. 4. num. 5.* & alios dicentes, nullum votum simplex esse firmum in subdito absque voluntate Prælati. Vnde colliges posse etiam Prælatus irritare votum quod fecit subditus de seruando aliquo præcepto contento in sua regula, quamuis illud præceptum regulæ obliget sub mortali, vt si Minorita fecit votum simplex de non equitando absque necessitate: poterit Prælatus in hoc casu tale votum irritare; quia sic irritando non irritat præceptum regulæ, neque in illo dispensat, vt proximè diximus de Religioso vouente non violaturum præceptum Decalogi.

69 Vota Religiosorum possunt irritare non solum Prælati conuentuales, & illorum Superiores, qui sunt ordinarij, sed etiam Visitatores Prouinciarum quia præsumt toti Prouinciæ, & habent plenam potestatem delegatam in regimine illius. Secus si illis quoad aliqua potestas fuisset adempta: hæc enim excepta non poterunt.

70 Nouitiorum vota non possunt Prælati irritare, quia nouitij voluntas nondum est subiecta plenæ dominationi Prælatorum Est communis Nauarr. *in Sum. cap. 12. num. 65.* Lopez *1. part. Instruct. cap. 46. colum. 1.* siue hæc vota emisserint ante ingressum, siue in nouitiatu

Secus.

Secus si post professionem illorum recordentur. Possunt tamen Religiosi Prælati suspendere vota nouitij, si sint personalia, & impediunt Religionis obsequia, & sic suspensa non obligabunt, donec in professione commutentur, vel extinguantur. Est etiam communis opinio. Dixi, *si impediunt*, quia si non impediunt non poterunt. Dixi etiam *personalia*, quia vota realia, ut de danda elemosyna suæ substantiæ, vel quid simile etiam non poterunt, quia quoad hoc nondum sunt subditi illius Prælati: vide *Lop. citat. cap. & Sayro Clau. Reg. lib. 6. cap. 10. num. 15.*

71 Pater nouitius in Religione potest irritare vota filij secularis impuberis, vel vota realia filij puberis. Vel e contra, pater secularis potest irritare vota filij nouitij. Probatum quia quamdiu pater non est professus, non amisit paternum ius, ac potestatiuam dominationem super filium, ut patet. Nec filius nouitius exemptus est à patris dominio, cum adhuc sub Prælati dominio non sit positus. Secus dicendum, si pater, vel filius iam sit professus, tunc enim non poterit irritare ob rationem contrariam Bene autem notat Sanchez 4. *Decalog. cap. 35. numero 50. & sequentibus*, quod si pater professus post professionem eiiciatur ab Ordine, non poterit vota filij irritare, quia patriam potestatem perdidit in professione, neque illam per eiectionem recuperat. Idemque dicendum de filio professo eiecto ab Ordine ob eandem causam, qui non redit ad potestatem patriam.

VOTI DISPENSATIO.

ADDITIO.

72 **P**rælati Regulares non solum Superiores, sed etiam Conuentuales, imò & Præsidentes illorum, quando in absentia localium Prælatorum habent totam curam Conuentus, possunt dispensare cum suis subditis respectiue, in votis ad quæ habent iur-

iurisdictionem consuetam. Hi verò ultimi Præsidentes id non possunt, quando sunt præsentes locales Prælati Sayro *Clau. Reg. cap. 11. num. 89. Azor. tom. lib. 11. cap. 13. q. 4. & lib. 7. cap. 29. quest. 6.*

73 Si subditus, seu Religiosus iam sit exemptus à potestate Prælati, ut quia est factus Episcopus vel eiectus ab Ordine, vel existens in trinemibus, non possunt Prælati Regulares cum illis dispensare, quia iam non subduntur spirituali iurisdictioni Prælati. Secus si prædicti redeant ad antiquam obedientiam Prælati. Hinc constat quod dixi suprâ posse, ac debere Prælatum quando expellit aliquem à Religione antequam illi notificet, sententiam repadij dispensare cum illo in censuris, & alijs pœnis, quibus potest dispensare, ne postea miser nimis grauetur querendo illarum absolutionem, & dispensationem: quod si Prælatus hoc non faciat ante lectam sententiam, id non poterit facere post illam inrimatam, quia iam non manet subditus illius. Sed postea debet cum illis dispensare Episcopus.

74 Possunt Prælati dispensare, & commutare vota suorum nouitiorum. Nauarr. in *Sum. cap. 12. num. 65.* Nam nouitius gaudet priuilegijs professorum, & tradit Molina *tom. 2. de Inst. disp. 139. col. 3. Hen. lib. 7. de Indulg. cap. 22. nu. 7. & alij, ut Rodrig. tom. 1. qq. 9. 25. art. 8.*

75 Solus Papa cum secularibus dispensat in his quinque votis: Religionis, Castitatis Peregrinationis Romanæ ad limina Sanctorum Apostolorum Petri & Pauli, Hierosolymitanæ (quod vocatur Ultramarinum) & Diui Iacobi ad Compostellam. Habetur ex *Extrauagan. & si Dominici la segunda de Pœnit. & remission.* & est communis Doctorum. Ex his quinque votis duo priora, Religionis, & castitatis numquam conceditur dispensatio, nisi exprimatur etiam in Iubileo magno; Imò & in illo semper excipiuntur. Cætera tria vota peregrinationum dicunt aliqui, quod si in concessione generali dispensandi non excipiantur, in ea censenda sunt includi. At Sanchez 4. *Decalog. c. 40. n. 16.* tenet, quod si in concessione generali, ut Cruciatæ, non exprimat

expressantur, non intelligitur concedi illorum dispensatio, & ita tenet Suárez *tom. 2. de Religion tract. de Voto l. 6. cap. 25. num 4.* Nam in citata *extrauagant. q. si Dominici*, omnia illa quinque vota æquiparantur, vt indigeant speciali Pontificis licentia, vt commutentur, vel in eis dispensetur. Sed tamen ipse Sanchez *infra num. 19.* concedit clare si Papa in Cruciata, vel alia generali concessione concedat dispensare in omnibus votis reseruatis. Sedi Apostolicæ, excepto voto castitatis & Religionis, consentur concessa alia tria Peregrinationis: ita enim praxis obseruat: & constat ex dicto communi, quod exceptio firmat Regulam Imò addit *num 17.* quod si Papa concedat omnia vota reseruata, sine limitatione, tunc omnia illa quinque reseruata conceduntur. Sed hoc nusquam facit in Bulla publica.

76 Dixi suprà ex Miranda, & aliis, *hoc ver. num. 42.* posse Prælatos illa tria vota Peregrinationis erga subditos irritare, non verò dispensare. Nunc addo peregrinationem quam ibi dixi ad domum B. Virginis Lauretanae, etiam reseruati cum tribus prædictis, non esse certum quod sit reseruatum, vt ait Sanchez 4. *Decalog. cap. 40. num. 10.* quia id non constat ex aliqua Bulla authentica. Addit *ibidem num. 23.* quod hodie non viget excommunicatio lata contra Confessores dispensantes in aliquo voto ex illis quinque, sicut aliqui existimant. Nam Sixtus I V. qui prædictam excommunicationem posuit in *citata Extrauagan.* solum excommunicat illos qui dispensarent in illis virtute alicuius concessionis factæ ab eod. Sixto I V. Qui ergo hodie dispensaret in aliquo ex illis, non virtute alicuius concessionis eiusdem Sixti I V. peccaret si faceret scienter, & non valeret dispensatio; sed non incurreret prædictam excommunicationem.

77 Posse Episcopum dispensare in illis quinque votis, vel quouis illorum, quando emissa sunt ex metu etiam leui: & maximè in voto castitatis quando viget periculum manifestum incontinentiæ, nec potest adiri Sum. Pontifex, tenet Rodrig. in *Bullar. Cruc. §. 9. dubio 1.*



¶ 1. tom. Sum. capit. 243. nu. 14. & Sanchez 4. Decalog. num. 3. & 33. Id verò quod dixi priori loco de voto aliquo istorum facto ex metu leui, intellige si talis metus sit factus ad extorquendum votum. Si enim fiat ab intrinseco, vel à causa naturali, non poterit. Idem dicendum est de voto triplicis peregrinationis, si enim adit necessitas morbi, vel paupertatis, & non possit Papa adiri, Episcopus dispensare potest, vt probat Sanch. lib. 8. de Matrim. disputat. 9. num. 23.

78 Potest Episcopus dispensare in voto virginitatis, si vouens clarè solum intendit abstinere à prima vice tantum, qua perditur virginitas: hoc enim non est absolute votum castitatis. At non poterit, si vouens virginitatem intellexit in communi abstinere ab omni coitu in perpetuum, quia tunc est votum castitatis. Potest etiam Episcopus dispensare in voto non nubendi, & in voto non fornicandi, quia hæc non sunt vota castitatis. Sic Doctores communiter maxime Sayro *Clau. Regul. lib. 6. capit. 1. num. 47.* & alij. Potest item dispensare in voto assumendi Ordinis sacri, quia non est votum castitatis. Potest etiam Episcopus dispensare in modo illarum trium peregrinationum, vt scilicet non vadat mendicando, vel pedestris, vel nudis pedibus, qui sic promisit ite. Sanchez *cit. cap. 4. num. 68.* & alij: nam hoc non est dispensare in voto reseruato, sed in qualitate illius. Idem potest dispensare in voto emisso de non petenda dispensatione nisi à Papa, dummodò votum sit de materia non reseruata.

79 Omnia vota quæ possunt Episcopi dispensare cum suis subditis posita in duobus numeris precedentibus, possunt etiam dispensare Prælati Regulares cum suis subditis. Hanc latè probat Sanchez 4. Decalog. cap. 39. num. 4. citans multos: & ratio est, quia erga subditos habet iurisdictionem quasi Episcopalem, imò & in aliquibus habent plura priuilegia quàm Episcopi.

80 Possunt etiam Prælati dispensare cum subditis in voto transeundi ad strictiorem Religionem: licet non possint eiusmodi votum irritare. Est enim diuersa ratio in dispensatione, & irritatione. Rodrig. tom. 1. Sum.

cap. 89

cap. 89. num. 4. Henriq. lib. 7. de Indulgent. cap. 22. num. 7. Possunt etiam dispensare in voto emissio cum sua licentia, licet controuersum sit an hoc sic emissum de sua licentia possint irritare. Angelus *votum 4. nu. 8.* Syluest. *votum, 4. quest. 3. num. 9.* Aragon 2. *quest. 88, art. 8.* Potest etiam Prælati inferior dispensare in voto emissio de licentia Superioris, licet illud non possit irritare. Suarez *tom. 2. de Religione, libr. 6. de voto, cap. 1. numer. 18.* Potest item dispensare in voto quo promisit Religiosus non se commissurum aliquod peccatum mortale, quia hoc votum non est reseruatum.

81 De potestate verò concessa Religiosis circa dispensationem voti circa sæculares, maior dubitatio est, quia materia magis ampla. Ego suprà *ver. Confessor, erga sæculares, & verba dispensatio voti*, dixi aliqua circa hanc materiam, quæ possent sufficere. Nunc addo. Possent Religiosos ex suis priuilegiis dispensare cum sæcularibus in votis Papæ reseruatis, quoties Episcopi in illis dispensant ratione alicuius circumstantiæ occurrentis, efficiat ea deficere à ratione voti reseruati, seu à materia illius. Quæ verò ista sint, vide suprà *num. 77. & 78.* sicut enim diximus *num. 79.* posse Prælatos Ordinum potestate ordinaria circa vota subditorum, quidquid potest Episcopus circa vota suorum subditorum. Pari modo; Idem possunt in votis sæcularium ex potestate delegata per duos Summ. Pontifices. Primus fuit Innocent. V I I I. qui id concessit Mendicantibus, exceptis votis duarum dietarum (id est, viginti leucarum) etiam si sint reseruata Episcopis. Secundus fuit Martinus V. quæ refert Sanchez 4. *Decalog. cap. 43. num. 4.* & probat latè *ibi num. 7.* Sed declarat Sanchez *cit. num. 7.* id non posse Prælatos vel Religiosos quando illæ circumstantiæ occurrentes non efficiunt, vt materia desinat esse verè reseruata, sed sola necessitas non adeundi Papæ cogit dispensare Episcopum, verbi gratia, in voto castitatis, & periculo manifestæ incontinentiæ, nec data occasione adeundi Pontificem, in hoc non poterunt Religiosi dispensare, quia semper manet materia reseruata: & Episcopus in his non dispensat

pensat, ut Episcopus, sed ex tacita delegatione Papæ, ut etiam dispensat in impedimento dirimendi matrimonij iam contracti, ut iterum contrahatur, si detur periculum incontinentiæ, nec potest adiri. Papa. In hoc, inquam, non possunt dispensare Religiosi. Sed in aliis in quibus circumstantiæ faciunt, ut materia non sit reservata: ut in voto virginitatis, modo supra exposito, in voto non nubendi, & similibus dictis *in duobus numeris supra citatis*. Vide quæ supra diximus *his Addit. ver. Confessor*.

82 Si Prælati dispensat potestate ordinaria, & sit dubium an talis potestas se extendat ad hunc casum, potest dispensare facta dicta diligentia, id est, cum subdito in quo dispensat potestate ordinaria. Ratio est, quia potestas dispensandi est amplè interpretanda, ut latè probat Sanc. 8. *de Matrim. dis. 2. nu.* Et idem dicendum est de potestate delegata quando dispensat cum seculari. Hoc intellige si solum sit dubium iuris, verbi gratia, constat de voto emisso, sunt tamen opiniones an hic casus sit reservatus, & tunc potest dispensare, quia tunc casus non censetur reservatus. Quando verò est dubium facti, ut quia constat se vouisse, sed dubitat an fuerit peregrinatio reservata, ut Compostellæ, vel vouit virginitatem, sed nescit an absolutè, an primæ tantum vice, in his casibus non censetur in rigore votum reservatum, quando est dubium pro utraque parte, neque ex verbis, neque ex mente possumus veritatem coniecere, & proinde poterit in utroque dispensare. Vide quæ supra dixi *num. 5.*

83 Si Prælati dubitet an sit vera causa, ut possit dispensare, & tamen dispensat, dispensatus manet tutius in conscientia, Sayro *Clau. Regul. lib. 4. capit. 2. num. 25. Sain Aphoris. ver. votum, num. 20.* ubi agit de irritat. voti. Ipse verò Prælati dispensans, nisi & faciat temerè absque examine causæ, peccat mortaliter, quia est negligentia in materia graui. Si verò adhibeat moralem diligentiam, & adhuc dubitet, non erit peccatum mortale, si deponat dubium practicum. Quia in illo dubio est inclinandum in partem benigniorem, & credendum est Superiores, & Ecclesiam matrem in tali dubio

dubio id concedere. Syluestr. *verb. Dispensatio, quæst.* 14. *num.* 20. *in fine*, ubi expresse agit de Prælati Regularibus, & Pallatius *in 4. disputat.* 38. *disputat.* 3.

84 Quæ verò sit causa iusta dispensandi in votis dixi sufficienter suprà *hoc eod. verb. votum, & verbo dispensare*. Denuò dico non posse in hoc certam Regulam præscribi pro tanta varietate votorum in tot materiis. Sed regula solùm est viri prudentis arbitrium, qui debet considerare personam, tempus, materiam voti, &c. occurrentes circumstantias. Ultra verò causas generales, quas dixi suprà posse efficere causam iustam dispensationis, possunt per summam notari hæc sequentia.

85 Prima maior causa requiritur ad dispensandum in voto quàm in lege humana. Secunda, quò votum est maius, eò requirit maiorem causam dispensandi. Tertia, minor causa requiritur in votis pœnalibus, quàm in votis absolutis, quia pœnalia sunt minùs voluntaria. Quarta, si cum dispensatione admiscetur aliqua commutatio requiritur minor causa, quia non omnino tollitur materia voti. Quinta, ex eo quòd votum sit iuramento confirmatum, probabile est non requirere maiorem causam, quàm si non esset iuratum, quia reputatur idem, seu vnum tantùm vinculum. Sexta, votum factum ex imperfecta deliberatione, habet causam ut dispensetur cum minore causa, quia fuit minùs voluntarium. Septima, si sint vota facta cum nimia leuitate, quod sepe in idem recidit: & maximè videre licet in votis impuberum, maximè quando malitia non supplet ætatem. Octaua, vota facta in naufragio, vel simili necessitate naturali, si constet non adfuisse plenam deliberationem, faciliùs dispensantur: Secus si constet adfuisse plenam deliberationem, quia tunc difficiliùs dispensabuntur. Nona, si metus incussus sit ad extorquendum votum, & metus sit cadens in virum constantem, votum est nullum, & non indiget dispensatione. Si verò metus ad illud extorquendum sit levis, validum est votum, sed est causa dispensandi. Decima, si votum factum fuit ex dolo, quia scilicet vouenti dictum est aliquid falsum, ut quòd pater, vel vxor essent defuncti,

defuncti, habet iustam causam dispensandi. Undecima, si ex dispensatione voti speratur maior utilitas spiritualis vouentis. Duodecima, quando est dubium, si vouerit. Decimatertia, quando est moralis certitudo ruinæ, vel ex difficultate materiæ promissæ, vel ex completionem vouentis. Decimaquarta, ex difficultate magna superueniente ipsi voti. Decimaquinta, si vouens inquietetur multis scrupulis, ita ut implere votum illi valde noceat, illumque inquietet, intellige quando scrupuli, & inquietudo nascuntur ex impletionem voti. Decimasexta, si vouenti Religionem superueniat morbus continuus unde salus desperetur. Decimasextima, vehemens ludendi desiderium tantum, non est causa dispensandi in voto non ludendi, si vincatur. Secus si habet experientiam quando sæpius violat illud votum. Sed sanum consilium est securitatis gratia semper in his dispensationibus admiscere aliquam commutationem, iniungendo aliquid minus dispensato, quod exequatur. Prædicta omnia, & alia inuenies apud Sayr. *Clau. Reg. li. 6. cap. 12. & Azor. tom 1. cap. 19. lib. 11. & alios.*

86 Aduertunt verò citati Doctores, & nos diximus suprâ quod ut dispensatio voti sit valida explicanda est voti materia in particulari, & causa quæ facit pro dispensatione: idemque faciendum pro commutatione voti obtinenda: alias non valebit dispensatio si taceatur verum, vel narretur falsum. Quæ verò taciturnitas veri, & falsi narratio reddant dispensationem nullam, pertinet ad alium locum in materia de voto, & de Matrimonio, quando petitur à Papa dispensatio in impedimento matrimonij. Vbi agitur de causa impulsua, & finali concurrentibus in voto. Mihi pro Regularibus sufficiat dicere, quod tenentur Superiorem dispensaturo, vel commutaturo verè, & planè declarare voti materiam, & causas ob quas dispensationem, vel commutationem petunt. Qui verò prædictam materiam dispensationum, & de veritate in illa narranda, videre voluerit, legat Sanchez *lib. 8. de Matrimon. tot. disputat. 21. & 4. Decalog. toto cap. 47. & alios, in quo cap. 47. dicit, id quod iam dixi suprâ num. 53. Videlicet quod*
ad

ad irritationem votorum non requiritur quòd subditus dicat qualitatem voti irritandi, vel causam illius: quia irritatio voti nihil aliud requirit quàm voluntatem Superioris irritantis. Imò addit quòd Superior ignarus voti subditi, si sub conditione dicat, irrito votum, si quod habes manebit irritum, etiamsi votum sit internum. Ego tamen credo, quòd Prælati id faciens non cognito voto peccabit: quia non est dominus absolutus tollendæ obligationis factæ Deo non cognita causa. At subditus manebit tutus in conscientia, ut in casu ferè simili suprâ diximus de dispensatione, quando non constat à parte rei defuisse causam.

87 Addit Sanchez *citato cap. 47.* omnino declarandum esse in petitione dispensationis circa votum religionis, an solum voverit ingressum illius, vel etiam voverit perseverantiam in illa. Item declarandum esse si sit votum factum in fauorem tertij, & sic de aliis circumstantiis grauib, & necessariis,

VOTI COMMUTATIO.

ADDITIO.

88 **V**T votum commutetur in melius euidenter non est necessaria Prælati auctoritas. Ita omnes communiter sentiunt. Ut verò commutetur in in æquale cognitum, datur opinio pro vtrique parte: probabilius dicit, non posse fieri propria auctoritate, sed requiri auctoritatem Prælati: Tertiò si commutatio fieri debeat cum dubio an sit in æquale manente formidine, an fiat in æquale, tunc non potest fieri, & hoc tertium est communis opinio: solum enim dubitant Doctores an liceat fieri commutatio propria auctoritate in æquale cognitum absque formidine. Ita Valentia 2. 2. q. 6. *disputat. punct. 6* Sayro *Clau. Reg. lib. 6. c. 12. n. 5.* & hoc de commutatione voti in dubio si sit in æquale, vel si adsit formido, etiam intellige nec fieri posse ab ipso Prælato commutante.

89 Promittens eleemosynam certo pauperi, si ipse acceptauit, non potest promittens illam dare alteri pauperiori, quia commutauit votum factum in præiudicium tertij. Si verò pauper prior nondum acceptauit, neque de voto nouit; possum dare alteri pauperiori, quia tunc commuto votum in euidenter melius. Idem dices de illo qui promisit calicem Ecclesiæ alicui: si enim nondum illa Ecclesia nec procurator illius acceptauit, potest quis autoritate propria dare alteri Ecclesiæ pauperiori: quia tunc commutat votum in melius: Si verò iam acceptauit procurator Ecclesiæ, vel alter suo nomine, iam non potest commutare in præiudicium tertij. Si verò Ecclesia cui promisi nondum acceptauit, an possim propria autoritate donare calicem alteri Ecclesiæ æquæ pauperi, tunc curret opinio dicentium an possit quis propria autoritate votum commutare in æquale cognitum, propria autoritate. Et iuxta id quod dixi *num. precedente*, securius est ut petatur licentia ab Episcopo, vel à potente commutare; Ita Vega. 2. *part. Sum. ver. votum, casu 115.* referens multos dicentes res tutius esse id fieri per Episcopum, quando Ecclesia est æquæ pauper.

90 Non est opus ut commutans votum mathematicè commutet in materiam æqualem: res enim moralis non est mensuranda mathematicè. Quare si dubium sit an materia in quam commutat sit æqualis, potest commutare, dummodò non sibi certò constet quòd sit minor. Nam in moralibus non potest maior certitudo expectari. Sayr. *Clau. Regul. lib. 6. cap. 12. num. 19.* & cæteri communiter.

91 Quoties Prælatus debet commutare votum subditi indiget causa iusta. Probat, quia cum id non faciat potestate dominatiua, sed spiritali à Christo Domino tradita, ista committitur illi tanquam fideli, & prudenti seruo dispensanti res Christi Domini, quæ prudentia requirit causam. Colligitur ex Diuo Thom. 22. *qu. 88. art. 12.* Hæc tamen commutatio si fiat per Iubileum, vel Bullam Cruciatæ, non requirit aliam causam quàm assignatam iam à Summo Pontifice: quæ sunt

subsi

subsi
de C
tam
ex p
illi
ver
fac
92
Co
&
Co
ris,
rau
nit
co
po
la
te
ne
qu
ge
m
li
ru
T
n
C
&
i
s
f
s

subsidium belli, vel illius necessitatis ibi expressæ. Unde Confessor commutans per Iubileum, vel Cruciatam non indiget examinare causam commutationis ex parte vouentis. Extra verò Iubileum & Cruciatam, illi qui commutant vota per potestatem delegatam, verbi gratia, per priuilegium Religionum, debent id facere cum causa.

92 Si vnus Confessor inueniat pœnitentem cui alius Confessor commutauit votum in rem minùs æqualem, & ambo Confessores sint viri docti, poterit vltimus Confessor quietari, & stare opinioni Confessoris prioris, qui forè aliquam circumstantiam melius considerauit. Si verò secundus Confessor est vir doctus, & inuenit priorem Confessorem idioram errasse omnino in commutatione, tenetur secundus Confessor aduertere pœnitentem, & facere commutationem secundùm regulas suprà traditas. Hoc intelligo, si sit spes quòd pœnitens acquiescat. Si enim intelligat prudens Confessor non acquieturum, & illum esse in bona fide, faciat quod consulitur Confessori circa pœnitentem coniugem, de quo in confessione reperit contraxisse Matrimonium cum impedimento dirimenti, de quo moraliter loquendo non potest impetrare remedium, & dantur pericula solita, neque pœnitens debet acquiescere. Tunc enim si est in bona fide, potest Confessor commutare cum illo, & tacere. Et hoc idem dicendum si Confessor primus commutauit non habens scientiam, & sic de cæteris poterit secundus Confessor supplere iniungendo ampliùs illud, quod desunt ad æqualitatem voti commutati.

93 Illi qui potestate ordinaria commutant vota, vt sunt Prælati Regulares erga subditos, possunt illis commutare omnia illa vota, quæ cum illis possunt dispensare: idque erit, si sunt
 secularium, si sunt illa, quæ sunt
 per priuilegia Papæ
 sunt dispensabilia ex il-

lis quinque commutare velit in aliquid euidenter melius. Nam ipso facto, quòd Papæ sunt reseruata, tollitùr inferioribus omnis potestas illi commutanda. Ita Sot. 7. *de Iust. quest. 4. art. 3.* Suarez tom. 2. *de Legibus lib. 6. de voto, capitul. 1. num. 17.* Neque vnum reseruatum ex illis quinque potest commutari in aliud reseruatum ex eisdem quinque, præterquam in votum Religionis. Suarez citato num. 16. Dixi in solum votum Religionis posse alia quatuor reseruata commutari, quia sic expresse habetur cap. *Scriptura de voto.* Vbi dicitur non sufficere tunc solum commutari votum in ingressum Religionis, sed ingressum cum effectu professionis securæ.

94 Votum ingrediendi Ordinem strictiorem potest quis propria auctoritate commutare in votum profitendi in ordine laxiori, quia hoc secundum magis obligat, & proinde est euidenter maius bonum, obligatur enim ad profitendum, quod non obligat primum.

95 Non potest Prælatus subdito inuito commutare votum. Nam cum per commutationem transeat votum ad aliam materiam hanc secundam subrogatam non potest cogi subditus acceptare. Suarez cit. lib. 6. cap. n. 12. Secus de irritatione, vt iam supra diximus.

96 Cui committitur potestas delegata ad dispensandum in votis, potest etiam illa commutare, secundum probabilem satis opinionem, quam retuli supra verb. *votum. numero 47.* ex Sot. Henriquez, & aliis: licet alij non pauci, nec contemnendi dicant oppositum. At constat apud omnes communiter, quòd si alicui delegetur facultas ad commutandum, quòd iste ex vi istius commissionis non potest in illis votis dispensare. Nam commutare est multò minùs: & dispensare est maius. Et hoc fulcitur illa regula iuris in 6. Cui licet quod plus est, licet vtique quod minus est. Non verò econtra.

97 Quando alicui committitur potestas commutandi, vel dispensandi in voto, potest etiam iuramentum commutare, quia censetur idem vinculum soli Deo exhibitum, atque illud quod resultat ex voto. Sanchez
lib.

lib. 8. de Matrim. disp. 2. n. 18. & Sayro lib. Clau. Reg. lib. 5. cap. 8. n. 9. Et e contra qui ex potestate delegata dispensat, vel commutat iuramenta facta Deo, potest dispensare, vel commutare vota. *Sanchez 4. Decal. cap. 53 n. 10.* At si iuramentum sit factum homini, & in fauorem illius, non poterit dispensare in præiudicium tertij, quia neque Papa per se hoc facere solet. Imò & si concedatur facultas ad commutanda vota iurata, non poterit commutare si sit factum iuramentum in fauorem tertij. Quam concessionē circa vota iurata, concessam Patribus Societatis Iesu adduxi *suprà ver. Confessor erga seculares*, illis factum à Paulo III. intelligitur verò prædicta concessio de solis votis iuratis Deo factis. Idque siue iuramentum fiat simul cum voto, siue fiat post votum ad illius confirmationem

98 Quando in Iubileo, vel Cruciata conceditur commutatio ad vota non exprimendo iuramenta, potest etiam commutari iuramentum, siue sit factum simul cum voto, siue postea ad votum confirmandum. *Suarez tom. 1. de Relig. lib. 6. de voto, cap. 14. n. 19.* quia tale iuramentum non mutat materiam voti. Vide *Sayro Clau. Reg. lib. 5. cap. 8. num. 9. & Capucin. Compend. verb. votum notab. 5.*

99 Iubileus, Cruciata, & priuilegia Ordinum de ordinario non concedunt dispensationem voti, sed solum commutationem: Et ex consequenti per hæc tria vota sæcularium non possunt dispensari, vt patet ex tenore ipsorum.

100 Non possunt Religiosi virtute suorum priuilegiorum, neque Cruciatae, commutare iuramenta sæcularium, quæ fiunt circa illa quinque vota reseruata, absque voto: vt si quis iurauit se ingressurum Religionem, vel quid simile. Nam illæ concessionēs solum exprimuntur circa vota, non verò circa iuramenta quando fiunt absque voto. Et Paulus III. in Concessione facta Societatis Iesv, sola illa iuramenta concessit quorum vota concessit: at non concessit vota illa quinque reseruata. Ergo neque iuramenta de materia illorum quinque votorum. Est enim idem vinculum iuramenti, ac voti.

ac proinde si fiat iuramentum in materia reservata, erit etiam iuramentum ipsum reservatum Sanchez 4. *Decal. log. cap. 54. n. 21. & 22.*

101 Durante Bulla, vel Iubileo possunt commutari vota in illis concessa toties quoties fuerint emissa, ut si durante Iubileo fuit mihi commutatum votum ibi reservatum, & postea illud idem emisit, potest mihi secundo commutari Iubileo durante, & ita de concessio in Cruciata illa durante. Henr. *lib. 6. de pœnitent. cap. 17. num. 3.*

102 Si transacto Iubileo aliquis immemor voti reservati, quod habebat, non petiit commutationem illius poterit illo transacto petere commutationem ab eodem, vel ab alio confessore. Ita Sayr. *Clau. Reg. lib. 6, cap. 12. num. 17.* & Sanch 4. *Decal. cap. 54. n. 39.* citans Henric. Sâ & Stunicam. Rationem assignat, quia sola opera pro indulgentia assequenda alligantur tempori: At pro absolutione à reservatis, & pro votis acquirens iubileum assequitur privilegium, ut absolvarur ab omnibus commissis usque ad tempus Iubilei, & sic transacto Iubileo poterit uti hoc privilegio. Et confirmat ibi ex verbis Iubilei. Hoc tamen non valebit in Cruciata, quia in illa exprimit Papa, finito anno non valere illius privilegia.

103 Facultas concessa Religiosis ad commutanda vota sæcularium, non limitatur, ut solum commutent vota illorum qui sunt illius Diœcesis in qua est Confessor, sed extenditur ad omnes vndequaue venientes. Bulla enim Pauli III. non restringit, & privilegia Mendicantium sunt fauores, & proinde amplianda.

104 Si votum commutandum fuit iuratum, non proinde petit maiorem, em subrogari, id est commutari in maius, ratione iuramenti. est enim unum tantum vinculum. Constat ex suprà dictis.

105 Denique pro commutando voto frequenti videlicet peregrinationis, quæ sint attendenda, seu computanda in illo commutando, ut omittam multa, dico per summam esse computanda sequentia: Primò, labor ipse itineris per se, absque expensis. Secundò expensæ faciendæ

ciendæ in itinere, tam eundo quàm redeundo, vt patet ex *cap. magna, de voto*, vbi iubentur computari vtriusque itineris expensæ. Et hæc est verior, & securior sententia: Est istæ expensæ considerandæ sunt iuxta qualitatem vouentis, si in propria persona votum exequeretur. Tertiò, consideranda sunt itineris pericula, hæc enim omnia vouens, Deo obtulit: imò & absentia rerum suarum, & damnum inde illis subortum. Quartò, expensæ faciendæ in loco vbi morabitur, vel debuit votum exequi. Et pro his omnibus computatis debet illi arbitrari eleemosyna, vel opus quod illis æquiualeat. Ita communiter citati suprâ Doctores, maximè Sanch. *lib. 4. Decal. cap. 56. à n. 11. vsque ad 23.* Si verò vouit peregrinationem eundo mendicando, solum tenetur computare labores, & pericula itineris. Neque oportet vt pecunia, vel eleemosyna in quam commutatur, mittatur ad illum locum, vel Ecclesiam, ad quam debuit peregrinari. At attendendum est, quod ex illa summa eleemosynæ subrogatæ, deducendæ sunt pro rata expensæ quas domi erat factururus. has enim expensas non obtulit Deo. Vide Sayr, *cit. cap. 11. n. 20.* Vbi ait, quod si in itinere erat singulis diebus expensurus sex argenteos, & domi tres: soluet tantum tres in commutatione. Et ibi ait posse etiam adhiberi ieiunia, orationes, & similia.

Cætera quoad vota Religiosorum, vide suprâ, vbi sufficienter de illis dixi, qui verò his non fuerit contentus, videat integros libros de voto apud citatos Doctores. Et hæc omnia subiicio correctioni Ecclesiæ, & Doctorum.

V O X A C T I V A,
& *passiva.*

N Auarr. *lib. 1. Consil. titulo de elect. consil. 6.* multis capitibus iuris explicat breuiter quid hoc significet, dicens; quod taliter priuatus

per Bullam Papæ, &c. non potest in Capitulo collegialiter iuncto, dare vocem aliquam ad vllum actum ibi tractatum in Capitulo; vnde nec potest dare suffragium pro Nouitio, neque ad aliquid minoris negotij. Secundò, quòd non potest passiuè in eodem Capitulo eligi, vel nominari, ad aliquid, quòd sit honoris, & præminentia: posse tamen ibi eligi, vel deputari ad illa, quæ sunt oneris, & pœnæ. Et citat pro hoc Cardinalem, &c.

1 Rigidior pœna est, quando quis priuatur actibus legitimis: hanc verò explicant Statuta Tolletana Generalia Minorum; quòd inhabilitat ad omnia officia: & quòd talis non potest esse Diffinitor, discretus ad Capitulum Generale, vel Prouinciale, Lector, Confessor, Magister Nouitiorum, neque eligere, neque eligi. Poterit verò taliter priuatus exercere Ordines sacros, vel illos recipere, si aliàs non impeditur aliqua censura.

3 Priuatio verò officiorum Ordinis in Ordine Minorum priuat, ne sit Generalis, Commissarius Generalis, Visitator, Prouincialis, Guardianus, Vicarius, Præses, & Confessor Monialium: cætera potest sic priuatus habere.

LAVS DEO.

F I N I S.



INDEX
ALPHABETICVS
CONTENTORVM
IN HOC OPERE.

A



<i>Abbas, Prior, Guardianus, & similes Superiores Conuentuales. fol. 1. Addit. fol. 4.</i>	
<i>Abbatissa, Priorissa.</i>	10
<i>An Monialis qua fuit vidua possit esse Abbatissa. 13. Additio.</i>	19
<i>Abbatissa admittens saculares intra clausuram.</i>	24
<i>Abbatissa vidua.</i>	26
<i>Abortus. 27. Addit.</i>	35
<i>Absoluere.</i>	38
<i>Accusatio.</i>	ibid.
<i>Edificare.</i>	ibid.
<i>Alienare bona Ecclesia. 38. Addit.</i>	40
<i>Appellare. 42. Add. 43. Add. ad Add.</i>	46
<i>Altare.</i>	56
<i>Annus, dies, tempus.</i>	57
<i>Apostata. 62. Add.</i>	63

B

<i>Baptizare.</i>	65
<i>Benedicere. 66. Add.</i>	68
<i>Bona. 70. Add.</i>	75

X x x 5

defuncti, habet iustam causam dispensandi. Undecima, si ex dispensatione voti speratur maior utilitas spiritualis vouentis. Duodecima, quando est dubium, si vouerit. Decimatertia, quando est moralis certitudo ruinæ, vel ex difficultate materiæ promissæ, vel ex complexionem vouentis. Decimaquarta, ex difficultate magna superueniente ipsi voti. Decimaquinta, si vouens inquietetur multis scrupulis, ita ut implere votum illi valde noceat, illumque inquietet, intellige quando scrupuli, & inquietudo nascuntur ex impletione voti. Decimasexta, si vouenti Religionem superueniat morbus continuus unde salus desperetur. Decimasextima, vehemens ludendi desiderium tantum, non est causa dispensandi in voto non ludendi, si vincatur. Sectus si habet experientiam quando sæpius violat illud votum. Sed sanum consilium est securitatis gratia semper in his dispensationibus admiscere aliquam commutationem, iniungendo aliquid minus dispensato, quod exequatur. Prædicta omnia, & alia inuenies apud Sayr. *Clau. Reg. li. 6. cap. 12. & Azor. tom. 1. cap. 19. lib. 11. & alios.*

86 Aduertunt verò citati Doctores, & nos diximus suprâ quod ut dispensatio voti sit valida explicanda est voti materia in particulari, & causa quæ facit pro dispensatione: idemque faciendum pro commutatione voti obtinenda: alias non valebit dispensatio si taceatur verum, vel narretur falsum. Quæ verò taciturnitas veri, & falsi narratio reddant dispensationem nullam, pertinet ad alium locum in materia de voto, & de Matrimonio, quando petitur à Papa dispensatio in impedimento matrimonij. Vbi agitur de causa impulsua, & finali concurrentibus in voto. Mihi pro Regularibus sufficiat dicere, quod tenentur Superiori dispensaturo, vel commutaturo verè, & planè declarare voti materiam, & causas ob quas dispensationem, vel commutationem petunt. Qui verò prædictam materiam dispensationum, & de veritate in illa narranda, videre voluerit, legat Sanchez lib. 8. de Matrimon. tot. disputat. 21. & 4. Decalog. toto cap. 47. & alios, in quo cap. 47. dicit, id quod iam dixi suprâ num. 53. Videlicet quod

ad

ad irr
dicat
irrita
Sup
voti
quod
num.
cogn
tus co
At su
rè fir
conf
87
dum
ligio
vou
si si
cur

88

om
in
te:
rita
cor
ma
fier
dub
aut
Val
c. 1
æq
po

ad iritationem votorum non requiritur quòd subditus dicat qualitatem voti irritandi, vel causam illius: quia irritatio voti nihil aliud requirit quàm voluntatem Superioris irritantis. Imò addit quòd Superior ignatus voti subditi, si sub conditione dicat, irritò votum, si quod habes manebit irritum, etiamsi votum sit internum. Ego tamen credo, quòd Prælatus id faciens non cognito voto peccabit: quia non est dominus absolutus tollendæ obligationis factæ Deo non cognita causa. At subditus manebit tutus in conscientia, ut in casu ferè simili suprà diximus de dispensatione, quando non constat à parte rei defuisse causam.

87 Addit Sanchez *citato cap. 47.* omnino declarandum esse in petitione dispensationis circa votum religionis, an solùm vouerit ingressum illius, vel etiam vouerit perseuerantiam in illa. Item declarandum esse si sit votum factum in fauorem tertij, & sic de aliis circumstantiis grauib, & necessariis,

VOTI COMMUTATIO.

ADDITIO.

88 **V**T votum commutetur in melius euidenter non est necessaria Prælati authoritas. Ita omnes communiter sentiunt. Ut verò commutetur in in æquale cognitum, datur opinio pro vtraque parte: probabilior dicit, non posse fieri propria authoritate, sed requiri authoritatem Prælati: Tertiò si commutatio fieri debeat cum dubio an sit in æquale manente formidine, an fiat in æquale, tunc non potest fieri, & hoc tertium est communis opinio: solùm enim dubitant Doctores an liceat fieri commutatio propria authoritate in æquale cognitum absque formidine. Ita Valentia 2. 2. q. 6. *disputat. punct. 6* Sayro *Clau. Reg. lib. 6. c. 12. n. 5.* & hoc de commutatione voti in dubio si sit in æquale, vel si adsit formido, etiam intellige nec fieri posse ab ipso Prælato commutante.

X x x

89 Promittens eleemosynam certo pauperi, si ipse acceptavit, non potest promittens illam dare alteri pauperiori, quia commutavit votum factum in præiudicium tertij. Si verò pauper prior nondum acceptavit, neque de voto novit; possum dare alteri pauperiori, quia tunc commuto votum in evidenter melius. Idem dices de illo qui promisit calicem Ecclesiæ alicui: si enim nondum illa Ecclesia nec procurator illius acceptavit, potest quis auctoritate propria dare alteri Ecclesiæ pauperiori: quia tunc commutat votum in melius: Si verò iam acceptavit procurator Ecclesiæ, vel alter suo nomine, iam non potest commutare in præiudicium tertij. Si verò Ecclesia cui promisi nondum acceptavit, an possim propria auctoritate donare calicem alteri Ecclesiæ æquæ pauperi, tunc curret opinio dicentium an possit quis propria auctoritate votum commutare in æquale cognitum, propria auctoritate. Et iuxta id quod dixi *num. precedente*, securius est ut petatur licentia ab Episcopo, vel à potente commutare; Ita Vega. 2. *part. Sum. ver. votum, casu 115.* referens multos dicentes tes tutius esse id fieri per Episcopum, quando Ecclesia est æquæ pauper.

90 Non est opus ut commutans votum mathematicè commutet in materiam æqualem: res enim moralis non est mensuranda mathematicè. Quare si dubium sit an materia in quam commutat sit æqualis, potest commutare, dummodò non sibi certò constet quòd sit minor. Nam in moralibus non potest maior certitudo expectari. Sayr. *Clau. Regul. lib. 6. cap. 12. num. 19.* & cæteri communiter.

91 Quoties Prælati debet commutare votum subditi indiget causa iusta. Probat, quia cum id non faciat potestate dominativa, sed spiritali à Christo Domino tradita, ista committitur illi tanquam fidei, & prudenti seruo dispensanti res Christi Domini, quæ prudentia requirit causam. Colligitur ex Divo Thom. 22. *qu. 88. art. 12.* Hæc tamen commutatio si fiat per Iubileum, vel Bullam Cruciatæ, non requirit aliam causam quàm assignatam iam à Summo Pontifice: quæ sunt
subli

subli
de C
tam
ex p
illi
ver
face
92
Cor
&
Cor
ris,
raui
nit
con
pæ
las
ten
nor
quo
gem
mor
liter
tur
Tun
mul
Con
& si
iniu
voti
93
sunt
mut
pens
quæ
mut
legia
rese
pent

subsidium belli, vel illius necessitatis ibi expressæ. Vnde Confessor commutans per Iubileum, vel Cruciatam non indiget examinare causam commutationis ex parte vouentis. Extra verò Iubileum & Cruciatam, illi qui commutant vota per potestatem delegatam, verbi gratia, per priuilegium Religionum, debent id facere cum causa.

92 Si vnus Confessor inueniat pœnitentem cui alius Confessor commutauit votum in rem minùs æqualem, & ambo Confessores sint viri docti, poterit vltimus Confessor quietari, & stare opinioni Confessoris prioris, qui fortè aliquam circumstantiam meliùs considerauit. Si verò secundus Confessor est vir doctus, & inuenit priorem Confessorem idiotam errasse omnino in commutatione, tenetur secundus Confessor aduertere pœnitentem, & facere commutationem secundùm regulas suprâ traditas. Hoc intelligo, si sit spes quòd pœnitens acquiescat. Si enim intelligat prudens Confessor non acquieturum, & illum esse in bona fide, faciat quod consulitur Confessori circa pœnitentem coniugem, de quo in confessione reperit contraxisse Matrimonium cum impedimento dirimenti, de quo moraliter loquendo non potest impetrare remedium, & dantur pericula solita, neque pœnitens debet acquiescere: Tunc enim si est in bona fide, potest Confessor dissimulare cum illo, & tacere. Et hoc idem dicendum si Confessor primus commutauit non habens facultatem, & sic de cæteris poterit secundus Confessor supplere iniungendo ampliùs illud, quod defuit ad æqualitatem voti commutati.

93 Illi qui potestate ordinaria commutant vota, vt sunt Prælati Regulares erga subditos, possunt illis commutare omnia illa vota, quæ cum illis possunt dispensare: idque etiã possunt circa vota sæcularium, quæ possunt dispensare Religiosi, possunt etiã illa commutare. Vnde colliges non posse Religiosos per priuilegia ordinaria commutare illa quinque vota Papæ reseruata, de quibus suprâ, quia in illis non possunt dispensare. Idque intellige etiã si aliquod votum ex il-

lis quinque commutare velit in aliquid euidenter maius. Nam ipso facto, quod Papæ sunt reseruatæ, tollitur inferioribus omnis potestas illi commutanda. Ita Sot., 7. de Iust. quest. 4. art. 3. Suarez tom. 2. de Legibus lib. 6. de voto, capitul. 1. num. 17. Neque vnum reseruatum ex illis quinque potest commutari in aliud reseruatum ex eisdem quinque, præterquam in votum Religionis. Suarez citato num. 16. Dixi in solum votum Religionis posse alia quatuor reseruata commutari, quia sic expressè habetur cap. Scriptura de voto. Vbi dicitur non sufficere tunc solum commutari votum in ingressum Religionis, sed ingressum cum effectu professionis secutæ.

94 Votum ingrediendi Ordinem strictiorem potest quis propria auctoritate commutare in votum profitendi in ordine laxiori, quia hoc secundum magis obligat, & proinde est euidenter maius bonum, obligatur enim ad profitendum, quod non obligat primum.

95 Non potest Prælatus subdito inuito commutare votum. Nam cum per commutationem transeat votum ad aliam materiam hanc secundam subrogatam non potest cogi subditus acceptare. Suarez cit. lib. 6. cap. n. 12. Secus de irritatione, ut iam supra diximus.

96 Cui committitur potestas delegata ad dispensandum in votis, potest etiam illa commutare, secundum probabilem satis opinionem, quam retuli supra verb. votum. numero 47. ex Sot. Henriquez, & aliis: licet alij non pauci, nec contemnendi dicant oppositum. At constat apud omnes communiter, quod si alicui delegetur facultas ad commutandum, quod iste ex vi istius commissionis non potest in illis votis dispensare. Nam commutare est multò minus: & dispensare est maius. Et hoc fulcitur illa regula iuris in 6. Cui licet quod plus est, licet utique quod minus est. Non verò e contra.

97 Quando alicui committitur potestas commutandi, vel dispensandi in voto, potest etiam iuramentum commutare, quia censetur idem vinculum soli Deo exhibitum, atque illud quod resultat ex voto. Sanchez lib.

lib. 8. de Matrim. disp. 2. n. 18. & Sayro lib. Clau. Reg. lib. 5. cap. 8. n. 9. Et e contra qui ex potestate delegata dispensat, vel commutat iuramenta facta Deo, potest dispensare, vel commutare vota. *Sanchez 4. Decal. cap. 53 n. 10.* At si iuramentum sit factum homini, & in fauorem illius, non poterit dispensare in præiudicium tertij, quia neque Papa per se hoc facere solet. Imò & si concedatur facultas ad commutanda vota iurata, non poterit commutare si sit factum iuramentum in fauorem tertij. Quam concessionem circa vota iurata, concessam Patribus Societatis Iesu adduxi supra *ver. Confessor erga seculares*, illis factum à Paulo III. intelligitur verò prædicta concessio de solis votis iuratis Deo factis. Idque siue iuramentum fiat simul cum voto, siue fiat post votum ad illius confirmationem

98 Quando in Iubileo, vel Cruciata conceditur commutatio ad vota non exprimendo iuramenta, potest etiam commutari iuramentum, siue sit factum simul cum voto, siue postea ad votum confirmandum. *Suarez tom. 1. de Relig. lib. 6. de voto, cap. 14. n. 19.* quia tale iuramentum non mutat materiam voti. Vide *Sayro Clau. Reg. lib. 5. cap. 8. num. 9. & Capucin. Compend. verb. votum notab. 5.*

99 Iubileus, Cruciata, & priuilegia Ordinum de ordinario non concedunt dispensationem voti, sed solum commutationem: Et ex consequenti per hæc tria vota sæcularium non possunt dispensari, vt patet ex tenore ipsorum.

100 Non possunt Religiosi virtute suorum priuilegiorum, neque Cruciatae, commutare iuramenta sæcularium, quæ fiunt circa illa quinque vota reservata, absque voto: vt si quis iurauit se ingressurum Religionem, vel quid simile. Nam illæ concessionem solum exprimunt circa vota, non verò circa iuramenta quando fiunt absque voto. Et Paulus III. in Concessione facta Societatis Iesv, sola illa iuramenta concessit quorum vota concessit: at non concessit vota illa quinque reservata. Ergo neque iuramenta de materia illorum quinque votorum. Est enim idem vinculum iuramenti, ac voti.

X x x ;

ac proinde si fiat iuramentum in materia reservata, erit etiam iuramentum ipsum reservatum Sanchez 4. *Decalog. cap. 54. n. 21. & 22.*

101 Durante Bulla, vel Iubileo possunt commutari vota in illis concessa toties quoties fuerint emissa, ut si durante Iubileo fuit mihi commutatum votum ibi reservatum, & postea illud idem emisit, potest mihi secundo commutari Iubileo durante, & ita de concessis in Cruciata illa durante. Henr. lib. 6. de pœnitent. cap. 17. num. 3.

102 Si transacto Iubileo aliquis immemor voti reservati, quod habebat, non petiit commutationem illius poterit illo transacto petere commutationem ab eodem, vel ab alio confessore. Ita Sayr. *Clau. Reg. lib. 6. cap. 12. num. 17.* & Sanch 4. *Decal. cap. 54. n. 39.* citans Henric. Sâ & Stunicam. Rationem assignat, quia sola opera pro indulgentia assequenda alligantur tempori: At pro absolutione à reservatis, & pro votis acquirens Iubileum assequitur privilegii, ut absolvarur ab omnibus commissis usque ad tempus Iubilei, & sic transacto Iubileo poterit uti hoc privilegio. Et confirmat ibi ex verbis Iubilei. Hoc tamen non valebit in Cruciata, quia in illa exprimit Papa, finito anno non valere illius privilegia.

103 Facultas concessa Religiosis ad commutanda vota sæcularium, non limitatur, ut solum commutent vota illorum qui sunt illius Diœcesis in qua est Confessor, sed extenditur ad omnes undequaque venientes. Bulla enim Pauli III. non restringit, & privilegia Mendicantium sunt fauores, & proinde amplianda.

104 Si votum commutandum fuit iuratum, non proinde petit maiorem, em subrogari, id est commutari in maius, ratione iuramenti, est enim unum tantum vinculum. Constat ex suprà dictis.

105 Denique pro commutando voto frequenti videlicet peregrinationis, quæ sint attendenda, seu computanda in illo commutando, ut omittam multa, dico per summam esse computanda sequentia: Primò, labor ipse itineris per se, absque expensis. Secundò expensæ faciendæ

ciendæ in itinere, tam eundo quàm redeundo, vt patet ex *cap. magna, de voto*, vbi iubentur computari vtriusque itineris expensæ. Et hæc est verior, & securior sententia. Est istæ expensæ considerandæ sunt iuxta qualitatem vouentis, si in propria persona votum exequeretur. Tertiò, consideranda sunt itineris pericula, hæc enim omnia vouens, Deo obtulit: imò & absentia rerum suarum, & damnum inde illis subortum. Quartò, expensæ faciendæ in loco vbi morabitur, vel debuit votum exequi. Et pro his omnibus computatis debet illi arbitrari eleemosyna, vel opus quod illis æquiualeat. Ita communiter citati suprâ Doctores, maximè Sanch. *lib. 4. Decal. cap. 56. à n. 11. vsque ad 23.* Si verò vouit peregrinationem eundo mendicando, solum tenetur computare labores, & pericula itineris. Neque oportet vt pecunia, vel eleemosyna in quam commutatur, mittatur ad illum locum, vel Ecclesiam, ad quam debuit peregrinari. At attendendum est, quod ex illa summa eleemosynæ subrogatæ, deducendæ sunt pro rata expensæ quas domi erat factururus, has enim expensas non obtulit Deo. Vide Sayr, *cit. cap. 11. n. 20.* Vbi ait, quod si in itinere erat singulis diebus expensurus sex argenteos, & domi tres: soluet tantum tres in commutatione. Et ibi ait posse etiam adhiberi ieiunia, orationes, & similia.

Cætera quoad vota Religiosorum, vide suprâ, vbi sufficienter de illis dixi, qui verò his non fuerit contentus, videat integros libros de voto apud citatos Doctores. Et hæc omnia subiicio correctioni Ecclesiæ, & Doctorum.

V O X A C T I V A,

& passiva.

N Auarr. *lib. 1. Consil. titulo de elect. consil. 6.* multis capitibus iuris explicat breuiter quid hoc significet, dicens; quod taliter priuatus

per Bullam Papæ, &c. non potest in Capitulo collegialiter iuncto, dare vocem aliquam ad vllum actum ibi tractatum in Capitulo; vnde nec potest dare suffragium pro Nouitio, neque ad aliquid minoris negotij. Secundò, quòd non potest passiuè in eodem Capitulo eligi, vel nominari, ad aliquid, quòd sit honoris, & præminentia: posse tamen ibi eligi, vel deputari ad illa, quæ sunt oneris, & pœnæ. Et citat pro hoc Cardinalem, &c.

2 Rigidior pœna est, quando quis priuatur actibus legitimis: hanc verò explicant Statuta Tolletana Generalia Minorum; quod inhabilitat ad omnia officia: & quòd talis non potest esse Diffinitor, discretus ad Capitulum Generale, vel Prouinciale, Lector, Confessor, Magister Nouitiorum, neque eligere, neque eligi. Poterit verò taliter priuatus exercere Ordines sacros, vel illos recipere, si aliàs non impeditur aliqua censura.

3 Priuatio verò officiorum Ordinis in Ordine Minorum priuat, ne sit Generalis, Commissarius Generalis, Visitator, Prouincialis, Guardianus, Vicarius, Præses, & Confessor Monialium: cætera potest sic priuatus habere.

LAVS DEO.

F I N I S.



INDEX
ALPHABETICVS
CONTENTORVM
IN HOC OPERE.

A



Bbas, Prior, Guardianus, & similes Su-
periores Conuentuales. fol. 1. Addit.
fol. 4.

Abbatissa, Priorissa. 10

An Monialis qua fuit vidua possit esse

Abbatissa. 13. Additio. 19

Abbatissa admittens saculares intra clausuram. 24

Abbatissa vidua. 26

Abortus. 27. Addit. 35

Absolvere. 38

Accusatio. *ibid.*

Ædificare. *ibid.*

Alienare bona Ecclesia. 38. Addit. 40

Appellare. 42. Add. 43. Add. ad Add. 46

Altare. 56

Annus, dies, tempus. 57

Apostata. 62. Add. 63

B

Baptizare. 65

Benedicere. 66. Add. 68

Bona. 70. Add. 75

Xxx 5

I N D E X.

<i>Bulla Coena</i> 73. <i>Add.</i>	<i>ibid.</i>
<i>Bulla Cruciate.</i>	74

C

C <i>Anonica portio</i> 75. <i>Add.</i>	77.
<i>Cardinalium declarationes.</i>	80
<i>Carcer.</i>	<i>ibid.</i>
<i>Casus reservati.</i> 81. <i>Add.</i> 87. <i>Add. ad Add.</i>	91
<i>Cappella Monasteriorum.</i>	93
<i>Celebrare. Vide verb. Missa. & verb. Altare.</i>	
<i>Clausura Monachorum.</i> 94. <i>Add.</i>	<i>ibid.</i>
<i>Clausura Monialium.</i>	102
<i>Egressus Monialium à Clausura.</i> 107. <i>Add.</i>	109
<i>Cuius aetatis puella recipi possint in clausura Monialium.</i>	112.
<i>Egressus Monialium à clausura.</i> 116. <i>Add. ad Ad.</i>	118
<i>Commissarius Prouincia.</i> 120. <i>Add.</i>	121
<i>Communicare. Vide verb. Sacramenta.</i>	
<i>Communicatio priuilegiorum.</i>	124
<i>Conceptio Deiparae Mariae.</i>	128
<i>Concilium Tridentinum. Vide infra Concil. Trid.</i>	
<i>Confessor Regularis, eiusque presentatio.</i>	136
<i>Confessor erga Religiosos.</i>	138
<i>Confessor Regularis erga seculares.</i>	144
<i>Confessor Regularis circa censuras, & irregularitates secularium.</i> 147. <i>Add.</i>	150
<i>Confessor dispensans cum coniugatis ad petendum debitum.</i>	154
<i>Confessor regularis aperiens litteras Papa ex commissione sui Generalis.</i>	159
<i>Conseruatores, & forma illos creandi.</i>	171
<i>Correctio Fratrum.</i>	175
<i>Correctio fraterna, & secreta.</i>	176
<i>Denunciatio.</i>	177
<i>Testis.</i>	181
<i>Exceptiones Testium.</i>	184
<i>Semiplena probatio.</i>	185
<i>Citatio rei.</i>	187
	<i>Accu</i>

I N D E X.

Accusatio.	188
Reus.	189
Iudex, sententia, pœna. 191. Add.	193

D

D Enunciatio.	196
Testis.	<u>201</u>
Reus.	<u>204</u>
Iudex.	<u>209</u>
Decima.	<u>216</u>
Diffinitores.	<u>218</u>
Dispensare.	<u>219</u>
Dispensatio. 223. Add.	<u>227</u>

E

E Ecclesia Fratrum	236
Ecclesia immunitas. 238. Add.	<u>242</u>
Ecclesia reconfirmanda forma.	<u>244</u>
Ecclesia res non alienanda.	<u>250</u>
Eiicere, seu expellere ab Ordine. 251. Add.	<u>255</u>
Electio, eligere. 261. Add 268. Add. ad Add.	<u>273</u>
Eleemosyna.	<u>272</u>
Episcopus. 276. Add.	<u>279</u>
Excommunicare. 286. Add. Excommunicatio.	<u>288</u>
De Excommunicatione lata à iure, vel ab homine.	<u>295</u>
Exemptio, & Additio.	<u>300</u>
Exorcismus.	<u>301</u>

F

F Alfarus. 302. Add. ad Addit.	306
Fama.	<u>307</u>
Famuli, seu familiares Fratrum.	<u>ibid</u>
Festi dies. 308. Add.	<u>309</u>

G

G Generalis Ordinis. 313. Addit.	314
Guardianus. 315. Addit.	316

H

INDEX.

H

H <i>Abitus.</i> 230. <i>Addit.</i> 321. <i>Addit. ad Addit.</i>	323
<i>Hereditas.</i>	324
<i>Heresis.</i> 326. <i>Addit.</i>	327
<i>Communicatio cum hereticis.</i>	336
<i>Homicidium.</i> 339. <i>de Homicidio voluntario.</i> 340. <i>de casua-</i>	
<i>li.</i> 349. <i>ob defensionem vite.</i>	356
<i>De irregularitate Iudicis damnante ad mortem.</i>	359
<i>De irregularitate militum in bello iusto, vel iniusto.</i>	361
<i>Hora Canonica.</i> 305. <i>Addit.</i> 369. <i>Add. ad Add.</i>	373

I

I <i>Eiunium</i> 375. <i>Add.</i>	376
<i>Ignorantia, & inaduertentia.</i>	385
<i>Illegitimus, vel legitimus.</i> 397. <i>Addit.</i>	400
<i>Imperare indulta absque licentia.</i>	401
<i>Indulgentia.</i>	402
<i>Circa Indulgentias, & Iubileum, alia.</i> 407. <i>Add.</i>	411
<i>Pro Iubileo & Indulgentia.</i>	423
<i>Inhabilitas.</i>	427
<i>Interdictum, & omnia ad illum pertinentia, per titulos</i>	
<i>varios, ac distinctos.</i> 430. <i>usque ad fol.</i>	459
<i>Inuocare brachium seculare.</i>	459
<i>Irregularitas</i> <i>ibid.</i> <i>Addit.</i>	<i>ibid.</i>
<i>De ablatione Irregularitatis.</i>	471
<i>Itinerantes Fratres.</i>	473
<i>Iudai, Heretici, Sarraceni.</i>	474
<i>Iuramentum.</i> 474. <i>Addit.</i>	<i>ibid.</i>

L

L <i>Aborare.</i> 496. <i>Addit.</i>	497
<i>Laici Fratres.</i>	<i>ibid.</i>
<i>Legatum.</i> 498. <i>Addit.</i>	499
<i>Lex, siue Leges.</i> 503. <i>Add.</i>	507
<i>Librorum prohibitia. seu impressio.</i> 517. <i>Add.</i>	519
	Li

INDEX

<i>Zibellus famosus.</i>	526
<i>Licentia.</i> 532. <i>Add.</i>	533
<i>Litera, vel Epistola.</i> 536. <i>Add.</i>	537
<i>Nudus, seu Ludere.</i>	542

M

M <i>Anus violenta.</i> 544. <i>Add.</i>	548
<i>Matrimonium.</i> 552. <i>Add.</i>	553
<i>Minister prouincialis.</i> 558. <i>Add.</i>	ibid.
<i>Missa</i> ibid. <i>Add.</i>	563
<i>Monasterium.</i> 569. <i>Add.</i>	571
<i>Moniales.</i> 574. <i>Add.</i> 579. <i>Add. ad Add.</i>	589

N

N <i>Otarus.</i> 591. <i>Add.</i>	593
<i>Punitio Religiosi extra Conuentum publicè delin-</i> <i>quentis petente Episcopo.</i>	594
<i>Nonitia.</i> 595. <i>Add.</i>	597
<i>Nonitiis.</i>	601
<i>Nonitiy informationes.</i>	603
<i>Nonitiy qualitates.</i>	607
<i>Nonitiy absolutio ante ingressum, & post illum.</i>	615
<i>Nonitiarum, ac Nonitiarum donationes.</i>	619
<i>Nonitiy annus in probatione.</i> 621. <i>Add.</i>	624
<i>Nonitiis maculatus ob parentum genealogiam.</i>	632

O

O <i>Bedientia.</i> 637. <i>Add.</i>	640
<i>Officia Ordinis.</i> 645. <i>Add.</i>	647
<i>Opinio eligenda.</i>	667
<i>Ordines Sacri.</i>	677
<i>Ordinis sacri suspensio.</i> 681. <i>Add.</i>	686

P

P <i>Actum.</i> 688. <i>Add.</i>	689
<i>Parentes Fratrum.</i> 691. <i>Add.</i>	692
<i>Parochus Frater.</i> 697. <i>Add.</i>	ibid.
	<i>Peculium.</i>

INDEX.

<i>Peculium</i> 698. <i>Add.</i>	699
<i>Pena.</i> 699. <i>Ad l.</i>	704
<i>Penitentia</i> imp sita à Confessore.	705
<i>Præceptum.</i>	708
<i>Prædicatores.</i>	712
<i>Præbatus.</i>	718
<i>Prælatorum electio.</i>	720
<i>Prælati iurisdictio</i> pro foro externo.	<i>ibid.</i>
<i>Prælati potestas</i> ad absoluendos subditos.	725
<i>Prælati potestas</i> ad dispensandum. 730. <i>Add.</i>	731
<i>Præscriptio</i> contra bona Regularium.	745
<i>Præscriptio</i> quoad crimina.	<i>ibid.</i>
<i>Priuilegium</i> quid, & quocuplex.	747
<i>Priuilegij forma.</i>	750
<i>Priuilegij communicatio.</i>	751
<i>Priuilegij confirmatio.</i>	752
<i>Priuilegij usus.</i>	751
<i>Priuilegij extensio,</i> seu restrictio.	763
<i>Priuilegij cessatio</i> 765. & seqq usque ad fol.	787
<i>Priuilegij declaratio,</i> vel prohibitio. 787. <i>Add.</i> 788. <i>Add.</i>	790
<i>ad Add.</i>	794
<i>Processiones.</i> 793. <i>Add.</i>	795
<i>Procurator</i> Monialium.	796
<i> Professio</i> Fidei.	798
<i> Professio</i> Nouitij.	801
<i> Professio</i> nulla ex iure naturali.	804
<i> Professio</i> nulla ex defectu ætatis, & anni integri.	806
<i> Professio</i> ex iure communi.	807
<i>Dubia</i> circa valorem professionis.	809
<i> Professio</i> coniugati.	813
<i> Professionis</i> nulla remedium.	813
<i> Professionis</i> nulla reclamatio. 816. <i>Add.</i> 819. <i>Addit. ad</i>	810
<i>Additionem.</i>	830
<i> Professio</i> Hermaphroditi.	846
<i>Præuincia,</i> Præuincialis. 841. <i>Add.</i> 842. <i>Add. ad Add.</i>	
R	
R <i>Edditus</i> annualis.	852
<i>Regula</i> Religionum.	854
<i>Religiosi</i> translati ad alium ordinem, cuius sint bona.	855
<i>Re</i>	

INDEX.

<i>Religiosus, seu Regularis.</i> 865. Add.	869
<i>Reliquia Sanctorum.</i>	871
<i>Reservati casus.</i>	879
<i>Restitutio in integrum.</i>	<i>ibid.</i>

S

S acramentorum administratio. 881. Add.	885
<i>Scriptura.</i>	887
<i>Scrupulus. ibid. Addit.</i>	890
<i>Se, ulcra. 895. Add.</i>	891
<i>Simonia.</i>	<i>ibid.</i>
<i>Solicitare foeminas in Sacramento poenitentia.</i>	898
<i>Statutum. 916. Add.</i>	924
<i>Stigmata Patris N. Francisci.</i>	925
<i>Subornatio.</i>	927
<i>Suspensio.</i>	929
<i>Syndicus Minorum. 934. Add.</i>	938

T

T ertiarj. 938. Add.	942
<i>Testamentum. 945. Add.</i>	950
<i>Testis. 952. Add.</i>	954
<i>Tortura.</i>	955
<i>Tributum Vectigal, Gabella. 958. Add.</i>	962
<i>Tridentinum Concilium. 971. Addit.</i>	979

V

V elum Monialium.	982
<i>Veneficia, incantationes, sortilegia.</i>	984
<i>De Veneficiis in particulari.</i>	985
<i>De Incantatione solo verbo facta.</i>	989
<i>De Sortilegiis.</i>	992
<i>Vicarius, 1001. Addit.</i>	<i>ibid.</i>
<i>Vicarius in capite.</i>	<i>ibid.</i>
<i>Vina vocis oracula.</i>	1004
<i>Vnctio extrema.</i>	1005
<i>Vetum</i>	

INDEX.

<i>Votum simplex Religionis.</i>	<i>ibid.</i>
<i>Vota Nouitij.</i>	1014
<i>Voti solemnitas in quo consistat.</i>	1015
<i>Vota Professorum simplicia.</i>	1016
<i>Voti irritatio circa professos.</i>	1019
<i>Voti commutatio, & dispensatio erga subditos.</i>	1021
<i>Voti displicentia, seu pœnitere de voto facto.</i>	1028
<i>De natura, & materia voti, & aliquibus votis in particulari.</i>	1029
<i>De tempore quo impleri debet.</i>	1038
<i>Ad quid obliget votum simplex Religionis.</i>	1042
<i>Ad quid obliget votum simplex castitatis, vel virginitatis, & similia vota.</i>	1049
<i>Voti dispensatio.</i>	1057
<i>Voti commutatio.</i>	1065
<i>Vox actiua & passiuæ.</i>	1071

FINIS.

ANT
13161420

b

